

E. G. 11

SAMUELIS WARDI
S. T. D.
COLLEGII SIDNEIANI
PRÆFECTI,

ET
Professoris S. S. Th. D^{næ}. MARGARETÆ
IN ACADEMIA
CANTABRIGIENSI
OPERA NONNULLA

VIZ
*Determinationes Theologicæ,
Tractatus de Justificatione,
Prælectiones de Peccato Originali,*

Edita à Seibo Wardo S. T. D. A. P. O.



L O N D I N A,
Apud S^a. GILLIBRAND, & S^a. THOMSON, 1638.

11.9.2

WILLIAM
S. J. D.
COLLEGE SIDNEY
PRAECI
F. T.
PRAECI S. J. D. M. A. S.




46:401



LONDON
Apud S. G. GILLIARD & S. THOMSON, 1853.

AD LECTOREM

P R Æ F A T I O.

 Uotiescunque mihi redit in animum *Samuelis Wardi* (*νῆρ ἐκ ἀγγλίας*) Reverendissimi viri Imago, (redit autem sæpenumero): toties ego non tam illum memoria recolere, quam in annos ante hæc tempora transactos, referri, atque in juvenilem ætatem restitui mihi videor.

Ita enim unà cum hac imagine mentem meam repetunt eamque confertim ingruunt earum rerum & personarum *Idea* quæ me minime olim occupatum, verum ætate vacuum, primis annis possiderunt, ut depulsis iis quæ à Clarissimi viri excessu (live publica, in Gente hac nostra, sive privata, in rerum mearum mutatione) acciderunt; Ego totus à veteribus abreptus atque in pristina revocatus rejuvenesco atque in adolescentiæ studia & cogitationes atque affectus revertor.

Redeunte etenim in memoriam Venerando hoc *Sene*, unà mihi redeunt *Mortoni*, *Davenanti*, *Usserii*, *Brounriggii*, sanctissimorum *Angliæ* atque *Hiberniæ* Antistitum, aliorumque virorum longe præstantissimorum *Imagines*, quos ipse sanctissima amicitia sibi conjunctos habuit, quos ego veneratione summa colebam, quos grata etiam posteritas venerabitur. Quin redit simul Collegii florentissimi recordatio, redeunt mihi socii atque amici, eorumque suavisissima consuetudo, aliaque innumera ejusmodi, quibus ita animus abripitur, totusque occupatur, ut noctes aliquando diesque integras, jucundissimæ huic meditationi, libentissimè tribuere possim, & impendere.

AD LECTOREM

Cum autem in universum istorum temporum curriculum, mea revolvitur cogitatio, in iis (ut fieri solet) longè quidem maximè animus intenditur altiusque hæret, quibus utique solebat, vir sanctissimus & longè profundissimus, de mei ipsius vel studiis dirigendis, vel moribus efformandis, curam suscipere.

Ita enim divinâ disponente providentiâ factum est, ut ille me Ephebum existentem, in sinum quasi gremiumque sanctissimum, excipere dignatus sit, omnique deinceps animi affectu fovere; Ille me puerum quindecennem, à Schola privata (ubi me tunc ægre habui) ad Academiam florentissimam vocavit, ille me infirmum atque valetudinarium existentem, recreare solitus est, & omni modo refocillare, ille mihi animum ad studia (ad motis leniter calcaribus præmiisque ante oculos positis) accendere solebat, ille mihi librorum usum suppeditavit, ille me in Collegii florentissimi societatem (quam primum licebat) cooptavit, ille mihi magister unicus erat & patronus, & spes & ratio studiorum. Ego interim (ut fieri decuit) ipsi vicissim soli addictus eram, cum omni studio, honore, reverentia, fide & diligentia, colui & prosecutus sum; Nihil erat quod ipsius ego causâ suscipere noluissem, verè dico existimare me, neque carcerem, neque equuleum, efficere potuisse, ut à fide in illum atque officio deficerem; continuo ipsi ad manum adfui, ejusque ad nutum me composui, in Collegii negotiis viro sanctissimo atque prudentissimo in omnibus, ut par erat, obtemperavi, aderam ipsi quotidie in Musæo studiorum ejus conscius, nunc oculis atque ore, nunc manu, ipsi inserviens, nunc chartulas jussu illius ordinans, nunc calamo transcribens, nunc authores siquid erat opus, conferens, & notans; non deeram ipsi in domesticis, si quâ foret usus, & cum paulò ante obitum, sæviente bello civili, libertate per aliquot hebdomadas privatus est, me ærumnarum participem habuit & curarum, me mensæ socium & cubilis, & cum paulò post, ingenti bonorum omnium luctu atque gemitu, mea verò animi consternatione & stupore, Deo unde profectus fuerat, reddenda esset anima ejus sanctissima, ego ab ipsius ægrotantis latere nunquam discessi, quin etiam (quod nunc ego recolens penitus horreo, & post quatuordecim annos ante

P R Æ F A T I O.

ante oculos revocans contremisco) morientis oculos clausi, corpusque tandem exanime, meis aliorumque humeris impositum ad tumulum detuli.

Vereor hic certè (benignissime Lector) ne te delusum existimans, mihi succenseas, non expectabas opinor ut de meipso meisve hoc in loco dicentem invenires fortasse! neque tamen ἀπογραφήναι sunt ista meive solius gratia conscripta, verum ut fidem tibi faciam, genuina hæc esse quæ nunc exhibemus, non esse ea exemplaria surreptitia quibus usus est Typographus, neque furto, neque notis furtivis ab Autore ea fuisse excepta, verum ea ipsa fuisse quæ nostris aliorumque precibus victus, Autor ipse, anno uno aut altero ante supremum diem, prælo destinaverat; Ipse etenim cunctator existens nostræ atque amicorum diuturnæ instantiæ atque petitionibus, illud ante obitum concesserat, ut si nos eum laborem susciperemus, ut ex Autographis (aliquantulum perplexis) nonnulla transcriberemus typisque ea pararemus; ipse ea vivus vidensque in lucem ederet; Nos itaq; magna alacritate rem suscipimus, convenimus quatuor ex eis quos habuit charissimos, D.D. *Guil. Hodges, Edm. Matthews, Edw. Gibson*, (Collegii *Sidneiani* socii eruditissimi longeque meritissimi) atq; ego, de *Justificatione Tractatum* conjunctis operis describimus, huic limam adhibet R^d. Autor, eumq; in capitula distribuit; Deinde de *Peccato Originali* opus aggredimur Dⁿ. *Matthews* atq; ego, illudq; ferè integrum absolvimus & quidem statutum nobis erat omnia R. Viri quæcunq; saltem voluisset nostris ipsorum manibus descripta, prælo præparasse. Verùm talia meditantes oppressit bellum civile, oppressit viri (quem nos certè immortalem futurum credidimus) mors nobis infesta atque inopinata, conturbavit illa res nostras omnes atq; reculas; Moriens ille chartas omnes atq; Schediasmata R. i. C. P. *Radulpho Brounriggio* Episcopo *Exoniensi* (quo neminem unquam chariorem habuerat, quo neminem unquam Ecclesia digniorem) commisit. Interea autem dum Antistes Reverendissimus eorum quæ prælo quovis modo parata jam erant, edendorum, occasiones atq; opportunitates expectat, & præstolatur, tredecim anni elabuntur, multisq; tandem frustra tentatis, ad nos hæc redeunt, ut Editionis curam suscipiamus; continuo igitur Typographos ego pertento Oxonienses,

AD LECTOREM PRÆFATIO.

nientes, ut ipse possim operas corrigere librosq; castigatos atq; correctos exhibere; verum plena hic omnia atq; occupata reperio, quare quod unicum agendum restabat, egimus, Tractatui de *Justificatione*, & Prælectionibus de *Pecato Originali* (quorum ego rationem reddidi) *Determinationes Theologicas*, in Comitiiis habitas, adjunximus (hæc nempe pulchrè atq; accuratè scriptæ, descriptione nova non indigebant) atq; Bibliopolæ (probo viro atque honesto) exemplaria hæc trado, ut ipse editionem procurare velit; prodeuntque nunc tandem, non admodum ineleganter, utinam satis accuratè & correctè.

Expectas forsan ut de Viri præclarissimi dignitate, eruditione, sanctitate, fide forsan atq; in astruenda veritate constantia, aliquid dicamus; verum quis ego tantillus homuncio, ut illud in me suscipiam? Novit hæc omnia Collegium Sidneianum, cui plusquam triginta annorum spatium, summâ cum prudentiâ, integritatis, & sanctitatis, laude, præfuit. Novit atq; admirata est Academia Cantabrigiensis, ubi Cathedram professoriam Dom. Margareta tot annos summo cum honore tenuit, Errorum Malleus atq; hæresium, norunt Exteri, testantur hæc opera quæ nunc edimus; ista certè ut non nescires, tui meique interesse existimabam,

— cætera norunt

Et Tagus & Ganges, forsan & Antipodes.

Vale à Tibi deditissimo

SETHO W ARDO.

S. T. D. A. P. O.

Deter-



Determinaciones hoc Libro Contentæ.

1 S ola Fide justificamur	Pag. 1.
2 N udus assensus divinitus revelatis non est Fides justificans	p. 7.
3 G eneralis assensus veritatis Evangelica non est Fides justificans	p. 11.
4 D antur Opera ad justificationem preparatoria	p. 16.
5 F ides qua sola justificat, non est sine spe & dilectione	p. 19.
6 F ides salutaris, est Christi appropriativa	p. 25.
7 F idelis certus esse potest de remissione peccatorum certitudine fidei	p. 30.
8 I nfidelitas negativa neminem damnat	p. 34.
9 D eus puniens personam conjunctam pro persona peccante jure suo nititur	p. 39.
10 S acramenta non ponentibus obicem conferunt gratiam	p. 44.
11 O mnes baptizati infantes sine dubio justificantur	p. 50.
12 B aptismus non tollit peccata futura	p. 56.
13 R ealis Præsentia Christi in Eucharistia non ponit Transubstantiationem	p. 61.
14 P otestas Clavium extenditur ad Remissionem culpe	p. 66.
15 R omana Ecclesia est Schismatica	p. 73.
16 R omana Ecclesia est Idololatrica	p. 78.
17 A postasia à Paulo prædicta est adimpleta	p. 83.
18 V ota Monastica perfectionis qua dicuntur sunt illicita	p. 87.
19 R omana Ecclesia judicio in sanctis Canonizandis non est standum	p. 92.
20 S umma potestas temporalis non spectat ad Pontificem Romanum	p. 96.
21 V erbum Dei scriptum est Canon Fidei, morumque perfectum	p. 99.
22 R egis in Regno suo suprema est sub Deo potestas	p. 103.
23 E cclésiæ Reformata non dissentiunt in fundamentis Fidei	p. 108.
24 C onkursus Dei non adimit rebus proprium operandi modum	p. 115.
25 G ratia conversionis determinat voluntatem	p. 127.
26 R eprobis quisque suâ solâ insitâ malitiâ perit	p. 131.
27 C oncupiscentia in renatis est peccatum	p. 136.
28 B ona opera per peccatum mortificata reviviscunt per penitentiam	p. 142.
29 B ona opera habent gratiosam mercedis promissionem	p. * 138.
30 N ulla sunt consilia perfectionis Legem transcendentia	p. * 141.

Capita in Tractatu de Justificatione.

Cap. 1. A riculis Ecclesia Anglicana de hominis Justificatione proponitur & breviter exponitur	Pag. 147.
2 O rdo Disputationis Bellarminiana de Fide Justificante & quatenus cum nostrâ conveniat; explicantur termini, Fidei Justificans	148.
3 Q uid sentiendum sit de tribus illis, in quibus colligit Bellarminus à Protestantibus Romanenses dissentire	151.
4 S tatus Quaestionis proponitur de Fide Justificante ubi variis rationibus à Scripturis petitis demonstratur aliam esse à Fide Catholica Romanensium	153.
5 T à Credere in aliquem in Sacris Literis plerumque idem sonare atque fiduciam in aliquo collocare	155.
6 I d ipsum confirmatur Recentium quorundam testimoniis	159.
7 S olvuntur Objectiones Romanensium à Scripturis	161.
	8 Ubi

Capita in Tractatu de Justificatione.

Cap.	Pag.
8 Ubi ostenditur proprie loquendo, fiduciam esse virtutem à fide Catholica & spe salvifica distinctam	163.
9 Explicatur locus ad Ephes. cap. 3. v. 12. Ubi de variis fiducia acceptionibus	165.
10 Fidei Justificantis objectum non esse omne id quod Deus revelavit. Ubi occurritur objectionibus Bellarmini ex Evangeliiis	166.
11 In quo occurritur objectionibus Bellarmini petitis ex Actis & Epistolis Apostolorum	171.
12 Ubi occurritur iis qua adducit Bellarm. ex traditione Ecclesiastica ut probet objectum fidei Justificantis esse omne id, quod in verbo Dei continetur, & quidem primo è Symbolis	175.
13 Ubi occurritur iis qua adducit Bellarminus ex Patrum testimoniis pro Objecto Fidei Justificantis	179.
14 Aliud esse juxta Patres, credere Deo, & credere in Deum	180.
15 Tò Credere in Deum apud Patres idem esse atque in Deum spem omnem & fiduciam reponere	183.
16 Hoc idem ostenditur ex recentiorum Romanensium testimoniis & aliis	184.
17 Quid sit Augustino tò credere in Deum	190.
18 Quod ordine cohareant in negotio justificationis, Dilectio Dei supra omnia, contritio cordis, & Fiducia in Christum Redemptorem	192.
19 Series & Ordo dispositionum ad justificationem	193.
20 Sententia antiquorum patrum de justificatione per fidem	194.
21 Responsio ad Patrum testimonia qua affert Bellarminus, ut probet Fidem Justificantem juxta eos non aliam esse quam Fidem Catholicam	195.
22 Ubi fuse ostenditur Bellarminum malè fide instituisse statum quasiens, quæ agis de Fide Justificante	201.
23 Ubi ostenditur fidem justificantem non esse fiduciam de peccatis remissis	ibid.
24 Ostenditur dandam esse fidem specialem	204.
25 Conscientiis fidelium optime & certo innotescere eorum actus bonos & virtuosos ex communi sensu omnium fidelium atque speciali revelatione	207.
26 Certitudo de remissione peccatorum absque speciali revelatione, aliis rationibus evincitur	213.
27 Hoc ipsum evincitur ex testimonio bone conscientie	215.
28 Ubi eadem certitudo deducitur ex spiritu adoptionis in verè fidelibus	217.
29 Eadem certitudo probatur ex Metaphoris Sigilli, Arrhe, Pignoris	222.
30 Ubi eadem certitudo demonstratur ex natura & efficacia Sacramentorum	228.
31 Scriptura illam certitudinem sumit pro confesso	229.
32 Certitudinem gratie in fidelibus Scriptura directe affirmat	230.
33 Certitudo gratie specialiter probatur ex testimonio Joannis Apostoli	231.
34 Solvuntur Rationes Bellarm. contra fidem specialem, & 1: prima ratio	236.
35 Ubi solvuntur quarta & quinta Rationes Bellarmini	241.
36 Solvuntur alia	244.
37 Ubi occurritur rationibus Bellarm. è Scripturis petitis primo è Prov. 20. v. 9.	248.
38 Solvitur ratio ex Ecclesiast. 9. 1.	250.
39 Solvitur ratio ex Ecclesiast. cap. 5.	252.
40 Ubi respondetur Testimonio & exemplo Jobi & Davidis	254.
41 Ubi respondetur Testimonio Pauli, 1 Cor. 4. 4.	256.
42 Ubi respondetur aliis Testimoniis è Prophetis & Apostoli	259.
43 Solvuntur Argumenta à Testimoniis Patrum pro incertitudine justitie	262.
44 Pro certitudine gratie Testimonia adversariorum	269.
45 Occurritur rationibus Bellarmini pro incertitudine gratie	273.

Sola Fide Justificamur.



Articulus XI nostræ Confessionis sic habet, Tantum propter meritum Domini ac Servatoris nostri Jesu Christi per fidem, non propter opera & merita nostra, iusti coram Deo reputamur. Quare solâ fide nos justificari, Doctrina est Saluberrima ac consolationis plenissima, ut in Homilia de Justificatione hominis fusiùs explicatur, [Hæc Articulus] Ut autem dextre explicemus quo sensu Ecclesia nostra, contra Romanenses contendat solam fidem justificare præmittendum est.

I^o Questionem institui de illa fide quâ Apostolus Epistola ad Romanos & Galatas & alibi pronunciat nos justificari.

II^o Præmittendum ex nostrorum sententia, Justificari in hoc articulo juxta Scripturas sumi significatione forensi quatenus opponitur ^{ad} Condemnari ut idem sit justificare atque in iudicio absolvere, seu à sententia condemnationis liberare, quomodo perpetuo in negotio justificationis sumuntur vox Hebræa *Hitzdie*, & vox Græca *Dikao*. Frustra ergo Romanenses in quibus Bellarminus per *id* justificare in hæc controversia obtendunt non aliud significari, quam ad iustitiæ inhzrentis infusionem disponere cum hac Physica & Philosophica notione nusquam vel *id* *Hitzdie* apud Hebræos, vel *id* *Dikao* in Sacris Literis reperitur.

III^o Porro per fidem, qua justificamur intelligimus non fidem Catholicam quam Chrysostomus appellat *vicem dei iudicis* Fidem dogmatum, nec fidem specialem applicantem rem ipsam promissam in fœdere evangelico, (i.) remissionem peccatorum vel vitam æternam, quam alii sic describunt esse firmam persuasionem aut fiduciam de remissione peccatorum: Alii, esse apprehensionem specialis misericordiæ: Alii, esse fiducialem assensum: sed fiduciam recumbentem in Christum Mediatorem ob remissionem peccatorum non tam includentem quam supponentem firmum & indubitatum assensum conditionali promissioni Evangelii: Est enim ille firmus assensus promissioni Evangelii adhibitus, basis & fundamentum fidei justificantis, nammo enim potest fiducialiter recumbere in Christum Mediatorem ob remissionem peccatorum qui non firmiter assentiatur huic promissioni in Evangelio expressæ. Quicunque crediderit in Christum illi remittuntur peccata.

IV^o Præmittendum, Ubi dicimus fidem qua justificamur esse fiduciam, per fiduciam intelligimus actum fiduciæ profectum ab affectu fiduciæ: est autem fiducia qua affectum denotat, affectus ille quo voluntas vel appetitus adheret alicui medio quod iudicatur vel solum vel cum aliis sufficiens vel potens ad finem aliquem arduum quem volumus, vel appetimus possibilem tamen consequendum. Est autem iste affectus (quicquid in contrarium asserunt Thomas vel Jesuitæ) fiduciæ, affectus in appetitu irascibili distinctus specificè ab affectu spei: Nam 1^o Spes est finis, fiducia mediocrum: 2^o Spes est futurorum & absentium, fiducia rei præsentis, ut rectè observavit. Scaliger. Exercit. 314. 3^o Distinguntur actibus, actus fiduciæ est confi-

confidere, quem Hebraei expriment per *Shagham*, *Batach* & *Casah*, & *Aman* cum regit substantivum cum Præpositione *Beth*, ut Gen. 15. 6. [*Y'e Hamin Bai hovah*] & Abraham credidit in Dominum, & imputatum est ei ad iustitiam. Actus spei est expectare, quem Hebraei expriment per *Jahal*, *Kavah*, & *Cacah*. 4^o Spei oppositur desperatio, fiduciae dissidentia, alia discrimina prætereo, ex hisce differentiis constare potest, quomodo recte distinguuntur actus horum affectuum, qui tamen saepe iisdem vocibus designantur. Hinc est, quod *in Deum* seu Christum, semper denotet actum fiduciae proprie dictæ, seu fidei iustificantis: exempla passim occurrunt tum in V. T. tum in N. T. præsertim in Psalmis Davidis in Translatione 72. Actus autem proprius huius fiduciae seu fidei quæ iustificat est credere in Christum ut Mediatorem vel Redemptorem; (i.) in Christum confidere vel fiduciam collocare. Desumitur autem hæc *pešic* seu formula loquendi ex V. instrumento, neque enim occurrit in scriptis Gentilium. Ac quanquam credere in aliquem & credere alicui in Scripturis interdum promissive usurpentur idemque significant, ut cum dr. Exod. 14. 31. *Crediderunt Deo & servo Moysi*, longè tamen frequentius distinguuntur, & plerumque idem sonant credere in aliquem, & fiduciam in aliquem collocare, uti *Mich. 7. 5. Ne credatis in socio, ne fidatis in duce* [*ubi al tau minn be raang, & al Tiutechu be allaph*] in Psal. 76. 22. Quia non crediderunt in Deo, nec confisi sunt in salute ejus sed potissimum hoc cernitur, ubi conditio novi fœderis exprimitur per *ard'el'el' el'el' r'ay Xes'el*, vel *el'el' Xes'el*, vel *ard'el'el' el'el' r'ay Xes'el*, Porro ubi N. T. exigit fidem iustificantem ibi V. T. præcipit fiduciam, & in N. T. eadem tribuuntur fidei quæ in V. fiduciae, & in N. T. eadem permittuntur credentibus in Deum, quæ in V. T. confidentibus qualia sunt N. Fœderis beneficia, Remissio peccatorum, Iustificatio, Adoptio, Beatitudo & id genus alia. Hinc est quod in Psalmis Davidis Deum toties appellat perfugium, firmamentum, fortitudinem, petram, turrem, rupem, præsidium, cornu salutis, auxilium, spem, fiduciam; quæ omnia sonant fiduciam, nixum, confidentiam, innitentiam, adhesionem, acquiescentiam. Rectè Cyprianus non credit in Christum, qui in eo solo non collocat totius suæ felicitatis fiduciam. Credere ergo in Christum est, in Christum propositum in Evangelio in Salvatorem & Redemptorem fiduciam collocare quomodo hanc ipsam phrasin rectè explicant Cajetanus, Stapletonus & Catechismus ipse Tridentinus, ut mittam alios.

V. Dicimus hunc actum credendi in Christum Mediatorem seu hanc fiduciam esse medium applicatæ mortem seu satisfactionem Christi peccatori resipiscenti, ac proinde iustificare organitè & per modum instrumenti, applicantis satisfactionem seu iustitiam partem sanguine Christi, qui est causa materialis nostræ iustitiæ.

VI. Dicimus solâ fide iustificamur, hanc particulam exclusivam adhibemus non ad excludendum vel in actu iustificationis, vel in persona iustificanda præsentiam & coexistentiam operum præparatoriorum & dispositionum præviarum, sed cooperationem & viam justificatorem in negotio iustificationis. Illud enim hic imprimis monendum ut injustæ cavillationi Romanensium, qui Solifidianorum nomine nos passim calumniantur, occurratur. Nos non quemlibet & qualemlibet peccatorem in Ecclesia degentem, subjectum idoneum fidei iustificantis constituere; sed peccatorem fide Catholica credentem timentem poenam, sperantem veniam & desiderantem reconciliationem, de peccatis verè dolentem, prioris vitæ perturbatum, novam anhelantem, insitæ pravitatis conscium, iustitiam & meritum proprium abdicantem. Peccator nisi hoc modo dispositus fuerit, fiducialiter in Dei misericordiam & in Christum, ut iustificatorem & salvatorem recumbere nec vult, nec cupit, nec potest. Contendimus igitur solam hanc fiduciam non opera præparatoria, non fidem Catholicam, non timorem poenæ, non spem veniæ, non dilectionem, non dolorem de peccatis admissis, non novæ vitæ propositum, imò nec ipsum fiduciae actum insitæ aliquæ suavi, aut virtute morali, sed sola facultate naturali à gratia elevata & actâ, qua recumbit, conquiescit, innititur, confidit, adhæret misericordiae Dei promittentis & Christi & satisfactioni ob reconciliationem & remissionem peccatorum, ut pluribus docet Ecclesia nostra in præclara illa de salute Homilia Ho-

milia idem de vera & viva Christiana fide, ex quibus hæc nostra explicatio ferè desumitur. Licet enim hæc opera prærequirantur in persona justificanda ad præparationem subjecti, præsertim dolor & contritio cordis, & desiderium serium liberationis, ad applicationem tamen objecti Christi seu Redemptoris, & ejus satisfactionis ac meritum unicum instrumentum immediatum est fides seu fiducia hæc salutaris quæ Christo Redemptori & ejus morti confidit, adhæret, eique soli innititur ut coram Deo Rege justo in folio sedente à peccatis absolvatur & ad vitam æternam acceptetur.

Restat jam ut Thesis hoc modo explicatam Scripturæ testimoniis & rationibus in Scripturis fundatis demonstremus.

Et quidem I. Ex Scripturis hoc evincitur in quibus docetur homines justificari non ex operibus quibuscunque, quæ, si quid aliud in negotio justificationis cum fide conjungerentur. Notus est ille locus ad Galat. 2. 16. Scientes hominem non justificari ex operibus sed per fidem Jesu Christi *ἐκ τῆς ἡγῶνς ἐμῆς διὰ πίστεως* ubi si nisi seu sed adverbatiue sumitur, quod, quid aliud est quam fide sola? Et ne existimemus hic excludi sola opera ceremonialia aut opera lib. arbitrii facta sine gratia Christi adminiculatrice, ut habet Franciscus ille de S. Clara, arrigat aures si interfit & intelligat Apostolum ibidem compellere Galatas jam ad fidem conversos quos contendit non justificandos fore ex suis operibus sed ex fide Christi. Idque porro evincitur ex ratione quam subjungit Apostolus; Quia ex operibus legis non justificabitur ulla caro, quæ sunt verba Davidis jam renati declinantis judicium divinum. Sed & ad Romanos 4, Abrahami renati opera excluduntur, verba enim, credit Abraham Deo & imputatum est ei ad justitiam, dicuntur de Abrahamo decennio ferè postquam conversus est, quo tempore bonis operibus maxime floruit, annotante Chrysostomo. De eodem Abrahamo renato pronunciat Apostolus ibid. Rom. 4. 2. Nam si Abraham ex operibus justificatus fuit, habet quod gloriatur, at non apud Deum. Item ad Abrahamum jam renatum Paulus dicit illud pertinere; Beatus cui Deus imputat justitiam sine operibus.

II. Apostolus sæpius docet nos justificari gratis & ex gratia, idem enim est justificari gratis & ex gratia, & non ex operibus, ac per hoc idem est gratis justificari & ex solida fide apud Apostolum, cum inter se opponantur opera nostra & Dei gratia, quod enim Apostolus de electione ad salutem pronunciat prorsus dicendum est in negotio justificationis. Rom. 11. 6. Si justificati sumus per gratiam, non jam ex operibus, alioqui gratia jam non esset gratia, seu ex operibus, jam non ex gratia, alioquin opus non esset opus. Sic Rom. 4. 4. Ei qui operatur, merces non imputatur ex gratia, sed ex debito, ei vero qui non operatur sed credit in eum qui justificat impium, imputatur fides sua pro justitia ubi opera & gratia; deinde opera & fides, & alibi τὸ facere & τὸ credere opponit Apostolus ut contraria & secum perpetuo pugnancia, quorum alterum inducit suam mercedem κατ' ἐργασίαν, alterum tantum κατὰ χάριν: gratia enim non est gratia ullo modo (ut rectè Augustinus) si non sit omni modo gratuita & loquitur de operibus Abraham jam diu renati, & addit credidit Abraham Deo & imputatum est ei ad justitiam, cum igitur pugnancia una consistere non possunt & passim dicit Apostolus nos gratis seu ex gratia & misericordia justificari excludendo opera quæcunque tandem fuerint, conficitur nos absque omni operum merito sive ex condigno, sive etiam ex congruo justificari per consequens vi immediate disjunctionis sola fide in Christum recumbente justificari.

III. Idem evincitur ex proprietate hujus fiducie cum enim certum sit secundum Scripturas nos justificari justitia non nostra sed justitia Dei, obedientia Christi, sanguine Christi, morte Christi, satisfactione & λύτρω quod Christus persolvit, non alio medio aut instrumento applicari potest ex parte justificandi quam hac sola fiducia. Hinc Apostol. ad Rom. 3. 24. Justificamur gratis per redemptionem factam in Jesu Christo, quem proposuit Deus ut esset placamentum, per fidem in sanguine ipsius] Christus ergo in Evangelio propositus in placamentum fide

in sanguine ejus innitente & recumbente, Paulus commentariensi sciscitanti, Quid me oportet facere ut salvus fiam? R. *Crede in Dominum Jesum & servaberis tu & domus tua*, Gal. 3.16. Omnes Filii Dei facti estis per fidem in Christo Jesu. Et Act. 10.43. Huic omnes Prophetæ testimonium perhibent remissionem peccatorum accepturum per nomen ejus quemvis qui crediderit in eum. Solius ergo fidei est non alterius cujusquam virtutis recumbere in Christum propositum in Evangelio & mediatorem seu redemptorem vel quod eodem recidit, in Christum quæ ἀπόλυτος seu satisfactionem præstantem. Atque hoc solo actu Christus ut Redemptor, & ejus ἀπολύσις, & satisfactio nobis applicatur & appropriatur, ex cujus applicatione formaliter justii constituimur coram tribunali divino, & ab omni peccatorum reatu absolvimur.

IV. Hoc idem probatur ex imperfectione operum tam præcedentium quàm subsequentium justificationem, quæ coram justo iudice in solio sedente consistere nequaquam possit dicente Solomone Prov. 20.8. *Cum Rex justus sederit in solio quis dicere potest mundum est cor meum?* Quomodo en: quod imperfectè justum est rigidum examen sustinere poterit: Justitia enim nisi perfectæ fuerit & omnibus numeris absoluta quomodo potest ferre divini judicii severitatem? καὶ ἡ ἀνέγκλητις καὶ ἡ ἐπιδοκίμητος, necesse ut omnis absit macula ubi Dei judicio nos sistimus dicente Chrysostomo. Atque hinc est quod uno ore Sancti comparentes coram hoc tribunali propriæ justitiæ semper renunciârunt, semper abdicârunt. Hinc August. in Psal. 143. Si iudex solum esse velles, & misericors esse nolles, Quis sustineret? Quis autem staret & diceret? Innocens sum: Quis staret in iudicio tuo? Spes ergo una est quoniam apud te propitiatio est: Hinc Bernardus, sufficit mihi ad omnem justitiam solum habere propitium cui soli peccavi.

V. Scriptura docet nos non tantum cum ex impiis justii facti sumus primitus fide justificari, sed & post justificationem & remissionem peccatorum semel adeptam sola hæc fiducia, in justitia parta permanere, hac sola à peccatis infirmitatis seu ut Tertullianus appellat quotidiane incurfionis liberari, quam liberationem Lotione pedum Christum designare volunt tam veteres quam recentiores Theologi. Non enim solum injustus ex fide fit primò justus, sed & justificatus ex fide manet justus; Justus enim ex fide vivit dicente Propheta, vitam quam nunc vivo in carne dicit B. Paulus. *Vivo per fidem Filii Dei*. & hac sola quilibet pius à quotidianis lapsibus absolvitur & si quando justus in gravia & atrocia peccata inciderit quomodo ceciderunt sanctissimi viri David & Petrus, non alio modo recidivantes restituntur quam cum primitus justificantur. Et si enim actibus supra dictis præparatoriis potissimum novis actibus penitentia & desiderio liberationis disponantur ad novam cum Deo reconciliationem; novo tamen nisi interveniente novo actu hujus fiduciæ in Christum Redemptorem & ejus sanguinem mors & merita Christi applicantur ad novum contractum reatum abluendum, totum hoc quantumcunque est hujus fiduciæ salutaris in Christum & ejus merita de novo recumbentis. Unde Apostolus cum proferat exempla justificationis nostræ ad Roman. 4. non modo meminit justificationis impiorum sed & piorum lapsorum ipsius nempe Davidis.

VI. Ubi fœderis gratuiti conditionis mentio occurrit, hujus solius actus fidei & applicantis nobis Christum Redemptorem, & ejus mortem & merita meminerunt Scripturæ ut docet Ecclesia nostra Homilia, 2^a de passione Joan. 30.16. *Ita Deus dilexit mundum, [scil. humani generis] ut filium suum unigenitum dederit [scil. in crucem levandum ex Collect. ver. precedentis] ut quicumque crediderit in eum non pereat sed habeat vitam æternam.* Sic Paulus commentariensi sciscitanti, Quid me oportet facere ut salvus fiam? R. *Crede in Dominum Jesum Christum & salvus eris tu & domus tua*, Galat. 2.17. *Nos in Jesum Christum credidimus ut justificemur ex fide Christi, & non ex operibus Legis*, Act. 10.43. Hinc omnes Prophetæ testimonium perhibent remissionem peccatorum accepturum per nomen ejus quemvis, qui crediderit in eum, & 13.19. In hoc Christo, sci. qui credit Justificatur. Ubi ad hanc immediatam applicationem Christi & Redemptionis ad justificationem sola fidei exigitur quæ tamen non excludit penitentiam, spem, discessionem, timorem quoad præsentiam, & co-existentiam, sed à munere & officio justificandi & habet

Homilia de salute part. 1^a. Quemadmodum enim in humano corpore ut corpus sit integrum requiritur omnium membrorum coherencia & coadunatio, tamen sua cuique membro est singularis functio & peculiare officium, unde solus oculus videt, solæ aures audiunt, sola lingua gustat, soli nervi sentiunt, eodem planè modo se res habet in negotio presenti; omnes virtutes in vero Christiano individuo nexu coherent imperfectiori quidem modo ante justificationem, perfectiori post infusam habitualement justitiam, quæ sit in justificatione ita tamen ut sola fides catholica assentiatur divinis revelatis, solus timor deiciat, sola spes veniæ erigat, sola contritio proximè disponat ad justificationem, sola fides justificans seu fiducia Christum & merita ejus amplectatur, iisque innitatur & in eum fiducialitèr recumbat atque adeo sola immediatè applicando Christum & ejus merita justificat.

VII Accedit ratio à naturâ & proprietate fiduciæ: Deus est Dominus Zelotes, Exod. 34. 14. *Gloriam (inquit) meam alteri non dabo*, 1^a Iai. 42. 8. Hæc una est ex iis quæ sibi soli conservari, nemini vel ex parte communicari solennitèr profitetur. Nullus est autem inter omnes animi affectus quo magis testamur nos totam justificationis nostræ gloriam Deo & Christo ejus, integre & illibate transcribere quam abrenunciando propriæ justitiæ, & totalitèr confidendo & recumbendo in Dei misericordiam & Christi Redemptoris mortem & merita in negotio justificationis coram Deo. Ideoque sapientissimè ordinavit Deus ut hac sola fiducia justificemur ut omni gloriationi via præcludatur, & gloria justificationis nostræ Deo & Christo Redemptori integre conservetur. Hanc rationem reddit Apostolus ad Roman. 3. 27. *Ubi igitur gloriatio? exclusa est; per quam Legem? operum? Non imò per legem fidei; Et ad Ephes. 2. 8. Gratiâ estis salvati, (i.) justificati per fidem, idque non ex vobis, Dei donum est, non ex operibus ne quis gloriatur; Et ne quis Franciscus à Clara suspicetur hic non excludi nisi opera lib. arbitrii absque gratia Christi facta subjungit Apostolus se intelligere ea quæ præparavit Deus ut in iis ambulemus in via sc. ad vitam æternam ducente. Et 1 Cor. 1. 30. Christus factus est nobis sapientiâ à Deo, & justitiâ, & sanctificatio, & redemptio; ut sicut scriptum est, Qui gloriatur in Domino gloriatur] in quæ verba sic Basiliius M. concione de Humilitate: *Hæc est perfecta & integra gloriatio in Deo quando neque ob justitiam suam quis se jactat, sed novit quidem seipsum vere justitiæ indignum esse, sola autem fide in Christum justificatum]* En Basilium justificationis per solam fidem nobiscum assertorem. Hunc Basilii locum citavit Hom. de salute part. 2^a. Accedat Bernardus, quisquis pro peccatis compunctus esurit & sitit justitiam, credat in eum qui justificat impium & per solam fidem justificatus, pacem habebit apud Deum. Scam. 23. in Cantica.*

Ultimo. Accedat prax's recepta Ecclesiæ quæ ex Veterum agendis satis constat, ex quibus luculenter constat edoctos fuisse Majores nostros in extremis constitutos ad hanc saluberrimam doctrinam, & consolationis plenissimam de justificatione per solam fidem, utpote ad portum tranquillum & perfugium tutissimum sese recipere. Testis sit illa formula ab Anselmo interrogandi agonizantes præscripta, ubi interrogat sacerdos infirmum, *Credis te non posse nisi per Christi mortem salvari?* R. Infirmitus. etiam: tum subjungit Sacerdos, *Age ergo dum superest in te anima, in hac sola morte fiduciam tuam constitue, in nulla alia re fiduciam habe, huic morti te totum committe, hac sola te totum contege, totum immisce te in hac morte, totum confige, te totum involve.]* En quam Emphaticè, quam multifariam hanc per solam fidem justificationem exprimit, & cordibus ipsis penitissimè imprimendam Sacerdos curat.

Doctissime respondens tempus jam monet ut receptam canamus. Macte pugillatus hisce primitiis. Iniquum esset te tam fortiter in pulvere certantem diutius sudare te igitur pugilem fortissimum laudum tuarum legitimam coronam merito redimitum, dimitimus, liberamus.

Te autem Venerande Pater æquum jam est tibi metipsi indulgere post tot & tantos præclare defunctos labores, tibi in hoc amplissimo theatro Matris Academicæ nomine gratias promeritas referimus honoresque tot tantisque anniversariis laboribus dignos, ex Almam Matris decreto, merito, conferimus, decernimus.

Vobis

Vobis etiam optimi Patris filii, suis quoque honori in hac palastra Theologica decernendus. Non est enim invidus (ut praeclare Chrysostomus) agonatheta noster, nec unius palma alteri parit ignominiam, omnes athletas suos coronare desiderat, praesertim te Reverende Decane, te Athletarum primum, post tam praeclare defunctum hesternum certamen, perfectum pugilem pronunciare minime dubitamus imò jure optimo pronunciamus.

Supereff jam (Auditores spectatissimi) ut vobis horum certaminum spectatori-
bus, qui undequaque tanta frequentia huc confluxistis, maximas gratias & agamus,
& habeamus, quos tam benignos & attentos experti sumus in Comitibus hifce nostris
anniversariis cohonestandis, praesertim quod certantibus in pulvere hoc Theologico
aures tam faciles, & benevolas praebuistis. Hac scilicet erat Majorum nostrorum
summa cura, prudentia summa ut ritu solenni honores, & gradus in hoc amplissi-
mo theatro quotannis conferrentur, ut virtuti suis honos & laboribus diuturnis in
studio hoc Theologico transactis sua pramia publice tandem decernerentur; quae om-
nia sub oculorum vestrorum fideli testimonio peragi voluit *Honoranda Mater A-*
cademia.

Accedat duntaxat candor & aequanimitas vestra, & Almae Matris solennibus Co-
mitibus ore oculis & linguis favete.

Jam supereff laboris nostri suprema pars, ut de questionibus ventilatis, nostrum
calculus adjiciamus.

Nulla

Nudus assensus divinitus revelatus non est Fides Justificans.



Hec haec secunda est negativa, & proponitur adversus Romanensium dogma, qui fidem justificantem non aliud esse statuunt, quam nudum assensum divinitus revelatis; hoc est, non aliud esse, quam fidem dogmaticam et Catholicam. Nos vero

1. Impugnabimus fidem justificantem Romanensium.
2. Fidei justificantis naturam & rationem propriam indagabimus.

Et quidem fidem justificantem non esse modum assensum divinitus revelatis.

I. Demonstratur ex variis elogiis & effectis, quae Scripturae tribuunt fidei justificanti, quae fidei Catholicae, secundo assensui divinitus revelatis nullo modo accommodari possunt ut cum ad Romanos 1.17. Apostolus ex Propheta ait, *Justus fide vivit*; & alibi, Gal 2.20. *Vitam quam nunc vivo in carnis, vivo per fidem Filii Dei*. At fides Catholica in iis reperitur in quibus nulla erat vita spiritualis, seu vita justitiae, ut in Simone Mago, & aliis. Sic Ephes. 3.17. Christus per fidem inhabitat cordibus: *Jus filiorum confert*, Joan. 1.12. & Gal 3.26. *Remissionem peccatorum obtinet*, Act. 10.43. *Justificat*, Act. 13.9. *Purificat corda*. Haec non possunt accommodari nudo assensui eorum, quae in verbo revelantur, cum iste assensus saepenumero in iis reperatur, in quorum cordibus Christus non inhabitat, iis etiam quibus jus filiorum nunquam confertur, nec remissio peccatorum, nec justificatio, nec pax cum Deo sit aditus ad Deum; iis etiam, quorum corda non purificantur.

II. Actus fidei justificantis est conditio foederis gratuiti.

At assensus nudus divinitus revelatis non est conditio foederis gratuiti. Ergo, Talis assensus non est fides justificans.

Major constat ex iis locis, ubi mentio fit foederis gratuiti, ut Joan. 3.16. *Qui-
cunque credit in eum non peribit, sed habebit vitam aeternam*, Act. 10.43. Huic omnes Prophetarum testimonium dant, remissionem peccatorum accepturum quemvis, qui crediderit in eum, Act. 16.30. *Crede in Christum Dominum & servaberis*. Idem apertius adhuc ad Romanos 10.3. collato cum ver. 9. & 11. Nam ibi describitur foedus Legale his verbis. *Qui praeferit ea, vivit in eis*. Foedus autem Evangelicum, huic si credideris in corde tuo, quod Deus cum exisavis a mortuis servabens, & Qui quis in eum credit non pudebit.

Minor autem, [At assensus nudus revelatis in verbo non est conditio foederis gratuiti] aperta constat ex loco ultimo citato. Nam si assensus nudus revelatis a Deo esset conditio foederis novi seu gratuiti, tam aequo credendo & assentiendo huic propositioni. *Qui praeferit ea, vivit in eis*, justificaremur, atque assentiendo huic. *Qui praeferit ea, non pudebit*. Quae tamen aperte distinguuntur eo in loco, ut patet ex collat. ver. 9. & 10. Cum tamen Apostolus dicitur dicat in priore fundari iustitiam legalem; in altera iustitiam evangelicam, quam Paulus iustitiam dei appellat, & discrimen horum utriusque iustitiae deducit ex duplici promissione Dei, altera Legali, altera Evangelica.

III. Obiectum fidei Catholicae, qui est nudus assensus est omne divinitus revelatum, tam minime quam promissiones, tam Beati quam Christus, tam Tentator quam Servator, tam Christus Judex quam Christus Redemptor, tam sanguis agni seu vi-
tutorum

Hic sic positus, dico actum affectus fiducia, quo peccator contritus credit & recumbit in Christum Mediatorem seu Redemptorem; seu quod eodem recidit, in Christum quā *ἀπο*, seu satisfactionem præstantem, esse actum illum, quo Christus ut Redemptor & ejus *ἀπο* satisfactio, seu merita nobis applicantur & communicantur ad remissionem peccatorum. Est enim objectum hujus fiducia, ut causa efficiens, persona Christi Redemptoris, ut causa meritoria Christi *ἀπο*, satisfactio seu meritum. Quod verò hic actus fiducia, quo credo in Christum Redemptorem & ejus *ἀπο*, morte ac meritis, fido, confido, nitor, innitor, acquiesco, sit ille actus, quō Christus & ejus *ἀπο*, satisfactio, meritum nobis applicantur, communicantur, imputantur, ad remissionem peccatorum, id jam breviter demonstrandum est.

I. Ex eo, quod hic actus sit conditio fœderis gratuiti, ex ejus præstatione reconciliamur Deo, sic Christus Joan. 3. 16. Sic Deus dilexit mundum ut dederit Filium unigenitum, ut quicumque in eum crediderit, non pereat sed habeat vitam æternam. Sic Paulus, Act. 10. 43. Huic omnes Prophetæ testimonium dant, remissionem peccatorum accepturum quemvis, qui crediderit in eum. Sic Paulus Commentariis Act. 16. 31. *Credo in Dominum Jesum, & servaberis tu ac domus tua.* Quod verò credere in Christum, sit in Christum recumbere & in eo fiduciam collocare, doceo ex promiscua acceptione harum *ἐκ*, Mich. 7. 5. Ne credatis in socio, ne fidatis in duce. Et Psal. 78. 22. Quia non crediderunt in Deo, nec confisi sunt in salute ejus. Et ubi N. Testam. exigit fidem justificantem, ibi Vetus Testam. præcipit fiduciam. Et in N. T. eadem tribuuntur fidei, quæ in Veteri fiducia. Et in N. Testamento eadem promittuntur credentibus in Deum vel Christum, quæ in V. T. confidentibus; qualia sunt novi fœderis beneficia, Remissio peccatorum, Justificatio, Adoptio, Beatitude.

II. Ex eo demonstratur quod aliarum virtutum actus licet requirantur ad peccatoris justificationem, quales sunt fidei Catholice assensus. spes, veni, timor peccator, dilectio Dei invitantis ad salutem, dolor de offensa Dei, propositum de cetero non peccandi & id genus alia, hi tamen actus propriè conferunt, non nisi ad præparationem & dispositionem subjecti, ad applicationem tamen objecti, Christi sc. & ejus sanguinis, satisfactionis, meriti, non alius actus occurrit quàm actus fiducia & fidei hujus salvifica, quo cor contritum & spiritus contritus confugit ad *ἀπο* & meritum Christi, eique duntaxat innititur & confidit in negotio reconciliationis & remissionis peccatorum. Apostolus ait, obedientia unius multos constituit justos, & nos habere redemptionem per sanguinem ipsius; & alibi Joannes sanguis Christi purgat nos ab omni peccato: sed non sanguis quā nudè fusus & Deo in *ἀπο* oblatas, sed quā nobis applicatus, nobis communicatus, id autem non alio actu fit quàm fide seu fiducia hac salutari. Sic Apostolus ad Romanos 3. 25. *Quem Deus proposuit placamentum per fidem in sanguine ipsius:* Christus ergo propositus est in placamentum, sed quomodo? Per fidem recumbentem in sanguine ejus.

III. In Symbolo fidei juxta explicationem Sanctorum Patrum, inprimis Augustini & Scholæ, aliud est credere Deum, credere Deo, & credere in Deum. Est autem credere in Deum juxta Augustinum, credendo in Deum ire, & Deo adherere, Quid autem aliud est in Deum ire & Deo adherere, quàm in Deo fiduciam collocare. Hinc est quod in Psalmis Davides toties Deum appellat perfugium, petram, turrim, rupem, præsidium, cornu salutis, auxilium firmamentum, quæ omnia sonant fiduciam, nixum, confidentiam, inipientiam, adhesionem, acquiescentiam. Sic venire ad Christum, & credere in Christum, pro eodem sumuntur Joan. 6. 35. *Qui venit ad me non esuriet, qui credit in me non sitiet unquam;* & 37. *Quicquid dat mihi Pater venit ad me;* (i.) credit in me. Illud Christi, *Creditis in Deum, etiam in me credite,* sic explicat Stapletonus, In Deum fiduciam habete, & in me.

IV. Quod actus fiducia sit ille actus quo Christi meritum nobis applicatur optimè docent formulæ interrogandi agonizantes jam animam agentes, quas præscripsisse dicitur Anselmus Cantuariensis, quæ etiamnum extant in Sacerdotali Romano, & in libro qui inscribitur Ordo Baptizandi & alibi. Ibi hæc interrogatio

extat, Credis te non posse nisi per ipsius [Christi scilicet] mortem salvari. Respondet infirmus, etiam tum subjungit Sacerdos. Age ergo dum superest in te anima, in hac sola morte fiduciam tuam constitue. In nulla alia re fiduciam habere huic morti te totum committe, hac sola te totum contege, totum immisce te in hac morte, totum confige, hac morte te totum involve. En quam Emphaticè vim & virtutem fidei justificantis exprimat. Et si Dominus Deus te voluerit judicare, dic, Domine, mortem Domini nostri Jesu Christi objicio inter me & tuum judicium: aliter tecum non contendo. Et si tibi dixerit, quia peccator es, dic, Domine mortem Domini nostri Jesu Christi pono inter me & mea peccata. Si dixerit tibi, quod meruisti damnationem, dic, Domine, mortem Domini nostri Jesu Christi obtendo inter me & mala merita mea, ipsiusque meritum meum offero pro merito, quod ego debuisssem habere nec habeo.

V. Quod actus fiduciae sit ille actus quo Christi meritum nobis applicatur, optimè ratione probatur, quæ in Scripturis fundamentum habet. Ille enim actus nobis est maximè idoneus ad justificationem, quo gloria justificationis & salutis Christo illibata asservatur, & omnis ante gloriationis nobis præcipitur. At alius actus non datur, quo magis totam gloriam salutis nostræ Deo ascribimus, & nobismetipsis auferimus, quàm nobismetipsis abrenunciando, nostra merita abdicando & confugiendo ad solam Dei misericordiam, & Christi meritum & satisfactionem, in eaque fiducialiter recumbendo. Ergo. Hinc Apostolus. *Christus factus est nobis Sapientia, Justitia, Sanctificatio & Redemptio, ut qui gloriatur in Domino gloriatur.* Et Rom. 3. 27. *Ubi gloriatio exclusa est: per quam Legem? Operum? non, imò per Legem Fidei.* Et Ephes. 2. 8. *Gratia estis servati per fidem, idque non ex vobis, Dei donum est, non ex operibus, ne quis gloriatur.*

Omitto reliqua [Precemur] Huc accedit quod adversarii ipsi fateantur, omnem fiduciam nostram in negotio justificationis in Christum & ejus merita collocandam esse *Staph. Bellarm.*

Nudus

A Postolus Paulus præsertim in Epistolis ad Romanos & Galatas sæpius fidei justificationem tribuit seu vim justificandi ad Rom. 1. 17. *Iustitia Dei per Evangelium revelatur ex fide ad fidem, sicut scriptum est, Iustus ex fide vivet.* Et 3. 21. *Iustitia Dei absque lege patefacta est.* *Iustitia Dei per fidem Iesu Christi.* Et ver. 25. *Quoniam Deus proposuit placamentum per fidem in sanguinem ipsius.* Et ver. 28. *Concludit ex ejusdem capitis premis, Colligimus fide justificari hominem absque operibus Legis.* Et Rom. 5. 1. *Iustificati ergo ex fide pacem habemus apud Deum.* Et ad Gal. 2. 16. *Scientes non justificari hominem ex operibus legis sed per fidem Iesu Christi.* Quæritur quid per fidem Christi, per fidem in sanguinem Christi, quid per fidem justificantem intelligat Apostolus.

Romanenses per fidem intelligi volunt, Generalem assensum, quo assentimur veritati Evangelicæ, & quidem toti omni veritati divinitus revelatæ, tam minis quàm promissionibus, tam maledictionibus quàm benedictionibus, tam veritatibus de diabolo tentatore, quàm de Christo Redemptore, tam de suppliciis Gehennæ malis paratis, quàm de præmio vitæ æternæ verè credentibus promisso. Hanc fidem Catholicam, dici fidem Christi, fidem in sanguine Christi, dicunt; & quidem hanc justificare sensu à postoli, quod ad justificationem seu potius justificationem, disponat & præparat quomodo & alia opera præparatoria, timor sc. poenæ, spes veniæ, desiderium reconciliationis, dilectio Dei invitantis ad reconciliationem & id genus alia.

Hic imprimis disquirendum quid sit 7^o justificare juxta Apostolum ex quo rectius
dijudicatur, quid per fidem justificantem intelligi vult Apostolus.

Hic 1. Certum est apud Apostolum & alibi in Sacris Literis, ὅτι δικαιῶν, ὃν justificare sumi sensu sō renū ut opponatur ὅτι καταλείπον, seu ὃν condemnare. Hebræa liquidem vox דַּרְשִׁיק *Hiradic* in Hiphil, & Græca item δικαιῶν & καταλείπον sumuntur hac significatione, ut idem sit justificare atque absolvere coram tribunali Judicis, à criminibus intentatis. Hoc ex eo liquet, quòd coram tribunalibus, de pœnis potissimum agitur, an irrogandæ sint rēo, an ab iisdem sit absolvendus. Sic Rom. 8. 33 *Quis intentabis crimina adversus electos Dei? Deus est qui justificat, quis condemnabit?* Hic opponitur ὅτι justificare & ὃν condemnare, quomodo alibi sæpè [ut Deut. 25. 1. Prov. 17. 15. 2 Sam. 15. 4.] Fides ergo justificans est illa qua peccator poenitentiam agens, credens in Christum Redemptorem & ejus σωτήρ, nitens & confidens, à peccatorum reatu coram tribunali Dei absolvitur & justus pronuntiatur.

Hoc jacto fundamento et justificare idem esse atque absolvere coram tribunali à criminationibus jam disquirendū, quenam sit illa fides quæ absolvit coram tribunali Dei, reum in crimen vocatum. Et quidem primò videamus an assensus generalis veritati Evangelicæ, absolvat omnes et assentientes coram tribunali Dei à reatu peccatorum.

Hic I. Certum est, assensum firmum & generalem veritati evangelicæ adhiberi cum seu quod eodem recidit, fidei Catholicæ assensum in malis Christianis quamplurimis reperiri, qui nunquam absolvantur coram tribunali Dei à reatu peccatorum ac proinde non iustificantur. Hoc fufè probat Bellarminus ipse lib. 1. de iustif. c. 15. ubi fidem veram & Christianam, poffe à dilectione, aliisque virtutibus separari, diligenter docet. Quomodo ergo dici potest ille fidei Catholicæ assensus, fides iustificans cum in non iustificatis quamplurimis reperiat.

Dices hunc assensum fidei Catholicæ, disponere ac præparare ad absolutionem coram tribunali Dei, ac proinde rectè dici fidem justificantem.

Solut. At contra 1. Vox Hebræi in V. T. *Hizdic*, & Græc. in N. Testam. *δυναμις*, hanc explicationem planè repudiant, cum nusquam hæc Physica & Philosophica notione in Sacris Literis reperiantur. Nusquam enim significant disponere & præparare ad absolutionem; sed denotant formaliter absolvere coram tribunali Dei, à reatu peccatorum ritu forensi; ex reo justum facere pro tribunali Dei.

At assensus fidei Catholicæ, non absolvit reum, nec ex reo justum facit pro tribunali Dei.

2. Assensus iste fidei Catholicæ reperitur in quamplurimis qui nunquam absoluntur à reatu peccatorum coram tribunali Divino; atque adeo in non justificatis. In hisce erant Herodes, Simon Magus qui d' credidisse & in signum fidei Baptizatum fuisse. Act. 8. 13. Tales erant auditores isti verbi in parabola seminantis, qui assimilantur terræ petrosæ, Luc. 8. 13. *Qui ad tempus credunt, & cum gaudio excipiunt sermonem; sed tempore tentationis abscedunt.*

II. Occurrunt in sacris litteris plurima elogia & effectus fidei justificantis quam nullo modo possunt accommodari fidei Catholicæ.

Nam 1. Datur in Sacris Literis fides, quæ dat spiritualiter vivere Apostolus ter è Propheta Habacuk allegat illud *Justus ex fide vivit*, Rom. 1. 17. ad Galat. 3. 11. & Heb. 10. 38. Apostolus item ad Gal. 2. 20. *Vivit in me Christus* (inquit) *& vitam quam nunc vivo in carne, vivo per fidem Filii Dei.* At fidei Catholicæ assensus inesse potest spiritualiter mortuis, in quibus nunquam vivit Christus, & qui nunquam ex fide vivunt.

2. Datur in Sacris Literis fides, quæ qui credunt, hoc ipso accipiunt remissionem peccatorum. Act. 10. 43. *Hic [Christo] omnes* (inquit S. Petrus) *Propheta testimonium perhibent, remissionem peccatorum accepturos per nomen ejus, omnes qui credunt in eum.* At ejusmodi fides, non est assensus fidei Catholicæ. quæ in multis Christianis reperitur, quibus nunquam remittuntur peccata: Restat ergo, ut sit fides justificans supra dicta, quæ reum absolvit coram tribunali Dei, à reatu omnium peccatorum.

3. Datur in Sacris Literis fides, quæ *nobiscum* confert quæ dat dignitatem ut Filii Dei fiant, quotquot credunt in nomen Christi, Joan. 1. 12. Apostolus etiam compellans Galatas, *Omnes* (inquit) *Filii Dei estis, per fidem in Christo Jesu.* Quænam autem est illa fides? Non Catholica, nam illa reperitur in iis, qui nunquam jure filiorum gaudent, nec unquam hereditatem regni cœlestis adituri sunt. Restat ergo, ut sit fides justificans, quæ hanc dignitatem *nobiscum*, & jus ad hereditatem cœlestem confert.

4. Datur in Sacris Literis fides quæ pacem & tranquillitatem conscientie parit, Rom. 5. 1. *Justificati fide, pacem habemus apud Deum per Christum, per quem etiam, fide habemus aditum in gratiam istam in qua stamus, & gloriamur spe gloria imò gloriamur in tribulationibus.* Hæc Paulus in persona omnium justificatorum, omnium fide justificante credentium. At hæc dici nullo modo possunt, de credentibus solo assensu fidei Catholicæ, quorum nemo, vi hujus assensus pacem habet apud Deum, aut aditum & accessum ad gratiam de qua ibi agitur aut gloriari potest sub spe gloriæ multo minus in tribulationibus.

5. Datur in Sacris Literis fides quæ placat Deum, quæ purificat cor, quæ vincit mundum, quæ ignea tela Satanae extinguit. At Catholicæ fidei assensus nudus, hæc non præstat; restat ergo, ut illa fides quæ hæc omnia præstat, sit fides illa quam justificantem appellamus. Non enim datur alia.

III. Fides justificans est conditio novi fœderis, & annexam habet promissionem remissionis peccatorum, liberationis ab æterna damnatione, salutis item & vitæ æternæ, Joan. 3. 16. Deus ita dilexit mundum ut dederit filium unigenitum [levandum in Crucem] ut quicunque in eam crediderit, non peribit sed habebit vitam æternam, Actor. 13. 38. *Notum igitur sit vobis quia per hunc Christum vobis remissio peccatorum annuntiatur: Et ab omnibus quibus non potuistis in Lege Moysi justifi-*

justificari, in hoc qui credit justificatur. Et Act. 16, 38. Paulus compellans commentariensem sciscitantur quid faciam ut salvus fiam? Crede (inquit Paulus) in Dominum Jesum & servaberis tu ac domus tua.

At fides Catholica non est conditio novi fœderis, nec habet annexam ejusmodi promissionem. Nusquam habetur in Evangelio, qui assentitur veritati evangelicæ, salvus erit, aut non peribit, quia & ejusmodi fidem in perditissimis hominibus reperiri posse passim docent Romano-Catholici, etiam in illis qui dicturi sunt in die judicii, Nonne in nomine tuo Prophetavimus, & dæmonia ejecimus, & virtutes multas fecimus? Qui tamen audituri sunt à Domine nunquam novi vos, discedite à me omnes qui operamini iniquitatem. 2. Respondeo ejusmodi fides non tam præscribitur in fœdere Evangelico, quàm legali. Nam lex moralis exigit ut assentiamur omni veritati divinitus revelatæ, etiam Evangelicæ, quàm primum revelatur. Angeli & Adamus integer tenebantur credere mysterio Sacrosanctæ Trinitatis quàm primum ex revelatione divina illis innotuit; idque dici potest de quocunque alio mysterio iis revelato, tantum abest ut fidem Catholicam dicamus conditionem esse Novi Fœderis.

IV. Fidei Catholicæ actus est credere Deo; (.i.) Assentiri omni veritati divinitus revelatæ, ac proinde toti veritati Evangelicæ; ac proinde est actus intellectus cujus est, assensum præbere veritati alicujus enuntiabilis.

At actus fidei justificantis est credere in Deum (.i.) in Deo fiduciam collocare, in Deo confidere, ac proinde est actus voluntatis, cum sit actus affectus fiduciæ quæ in voluntate sedem habet.

Est autem iste affectus (quicquid in contrarium asserunt Thomas, vel Jesuitæ) fiduciæ, affectus in appetitu irascibili distinctus specificè ab affectu spei. Nam 1. Spes est finis, fiducia mediorum. 2. Spes est futurorum & absentium, fiducia rei præsentis, ut rectè observavit Scalig. Exer. 314. 3. Distinguuntur actibus, actus fiduciæ est confidere quem Hebræi exprimunt per *Shagnam*, *Batach Casah*, & *Aman* cum regit substantivum cum Præpositione *Beib*, ut Gen. [*Ve Heemin Baihovah*] & Abraham credidit in Dominum, & imputatum est ei ad justitiam. Actus spei est expectare, quem Hebræi exprimunt per *Jakal*, *Kavah*, & *Cacah*. 4^o Spei opponitur desperatio, fiduciæ diffidentia, alia discrimina prætereo, ex hisce differentiis constare potest, quomodo rectè distinguantur actus horum affectuum, qui tamen sæpe iisdem vocibus designantur.

In Scripturis actus hujus fidei seu fiduciæ sunt *πισθύνω* sic *πίστευ*, vel *πί* seu *ἐς* *πίστευ* *ἐν* *Θεῷ*, nam *πισθύνω* *ἐν* *τινι* idem est atque *πί* *πισθύνω* *ἐς* *τινὰ*; *πί* sperare in aliquo cum refertur ad medium sive personam sive rem idem est atque credere in aliquo, seu confidere in aliquo, unde LXX *πί* *Batach* Hebræam vocem quæ proprie significat confidit vertunt frequentissime per *πί* *πισθύνω*, ut *πί* *πισθύνω* *ἐν* *Θεῷ* sit Deo confidere vel in eo fiduciam collocare, actus hujus fiduciæ sunt fidere, confidere, niti, inniti, recumbere, adhærere.

Quod autem credere in Deum, sit in Deo fiduciam collocare, multis indicis probatur.

1. Illa nova loquendi formula quæ tam crebro occurrit in N. Testam. (trigesies nonies (sic benè observavi) in Evangelio Joan.) *Εἰς τὸν Θεὸν πισθύνω*, tota est a S. Sancto & illi quidem propria; neque enim ullum è Græcis scriptoribus Authorem agnoscit, ne illos quidem LXX Interpretes. Hanc formulam actum fiduciæ exprimere perspicuum est Rectissime ergo in hunc sensum interpretanda sunt illa loca, ubi exprimitur conditio novi fœderis ut in celebri illo loco Joan. 3. 26. Sic Deus dilexit mundum ut Filium suum unigenitum daret, ut quisquis credat in eum in *πί* *πισθύνω* *ἐς* *αὐτὸν* non pereat sed habeat vitam æternam. Credere autem in Christum crucifixum, non est nude assentiri, Christum esse crucifixum, id ipsum enim & Dæmones & impii homines credunt, qui tamen in æternam perituri sunt, nec unquam habituri sunt vitam æternam; sed in Christum crucifixum fiduciam omnem collocare in negotio salutis. Cajetanus in explicat loci Gen. 15, Credidit Abraham in Deum] Moses non dicit Abraham credidisse Deo, sed in Deo; hoc enim plus est quàm

quàm credere Deo & fidem habere illius verbis ut veracibus, credere autem in Deo adjungit confidentiam in Deo ita quod non solum credidit verum sibi dici à Deo : sed etiam innixus est Deo, sed etiam jecit se in Deum adimpleturum quæ dixerat.] Credere ergo Deo, Cajetano est, inniti Deo & conjicere se in Deum.

2. Ex promiscua acceptione harum *עָזָרָא* in Sacris Literis, ut Job. 39. 11. Ubi Deus agens de Behemoth de Rhinocerote, ut creditur, Nunquid confides in eo? nunquid credes in eo? Hic apertè confunduntur confidere in aliquo, & credere in aliquo. Sic Mich. 7. 5. *Ne credatis in socio, ne fidatis in duce.* Et Psal. 78. 22. Ira ascendit in Israel quia non crediderunt in Deum, nec confisi sunt in salute ejus idem sonant, non crediderunt in Deum & non confisi sunt in eum.

3. Evinçitur idem ex versione interpretum, 2 Paralip. 5. 20. ubi de Reubenitis d', Exoratus fuit Deus, qui fiduciam collocaverunt in eo [Hebraice *Batcha Ba*] Hac verba reddit vetus Interpres eo quod credidissent in Deum. Sic 2 Paralip. 16. 8. ubi in Hebræo est, in innitendo se super Domino (à radice *Shaguan*) vetus Interpres reddit, cum in Domino credidisses : ubi veteri Interpreti, nisi seu confidere Domino idem sonat atque in Domino credere.

3. Quæ in V. Testam. confidentibus & fiduciæ in Deum ea in Nov. Testam. sæpè credentibus in Deum, & fidei justificanti tribuuntur ut multis exemplis facile esset ostendere.

Ad Rom 3. 25. Agens Apostolus de Christo quem (inquit) *proposuit Deus propitiationem seu placamentum per fidem in sanguine ejus*] Fides in sanguine ejus, juxta Cajetanum, est fides quæ innititur morti, per effusionem sanguinis Christi. Pighius explicans locum, per fidem in sanguinem ipsius, hoc est (inquit) per fiduciam aut confidentiam in sanguine ipsius. Liber ascriptus Cypriano de duplici Martyrio : Non credit in Deum qui in eo solum non collocat totius felicitatis suæ fiduciam.

Erasmus Deum crediderunt & Philosophi plerique, Deo credunt & daemones; sciunt enim illum mentiri non posse; sed soli pii credunt in Deum, sive in Deo : nihil enim refert, qui totam fiduciam totamque spem fixerunt in Deo.] Postea agnoscit sermonis figuram fluxisse ab idiomate Linguae Hebraicæ quæ frequenter addit præpositionem *In*, ubi sermo latinus eam repudiat. Hisce accedat Ecclesiæ nostræ explicatio. Homilia de vera viva & Christiana fide; ubi distinguit inter credere Deo, & credere in Deum, ubi explicat *quod* credere in Deum per fidem & fiduciam in Deum; ubi etiam fidem cum fiducia confundit : & hujus veræ & vivæ fidei actum vult esse, *quod* fidere. *quod* confidere in Deum, concedere nos totos Deo, pendere à Deo totos. In Catechismo edito ex Recensione Reverendiss. Praefulis & Martyris Thomæ Cranmeri, Primarii Ecclesiæ nostræ Reformatoris in explicat. Symbol. in 1. Articuli. *Credo in Deum Patrem*, (i.) Fiduciam colloco in Deum Patrem, à quo omnia bona, latus expecto. Et mox, docet Articulus, fiduciam nostram non in ulla creatura ponendam sed in Deum verum & viventem : Et postea debemus in Deum solum confidere, illi adherere, ab illo pendere : addit, illum esse unicam rupem & præsidium, quo si nitamur non confundemur. Postea ubi secundum Articulum explicat. *Credo in Jesum Christum unigenitum Filium Dominum nostrum*, &c. (i.) Fiduciam omnem colloco in Christum Redemptorem. Dei justitiæ satisficientem, & ejus merita ob remissionem peccatorum, nostris meritis quibuscunque abdicatis & prorsus abrenunciatis in negotio justificationis.

Illud Christi Joan. 14. *Credite in Deum, etiam in me credite.* Sic explicat Stapletonus, In Deum fiduciam habete, & in me. Bellarm. in explicatione Symboli, explicans, Quid sit credere in Deum : significat (inquit) credere nos in Deum qui est primum principium & ultimus finis noster, in quo super omnia confidimus.

Cornel. à Lapide explicans illud Prov. 14. 21. *Qui credit in Domino misericordiam diligit*] Post alias explanationes sic habet planius & nervosius; q. d. Qui credit in Domino, vel qui confidit in Dei bonitate, qui fiduciam suam in Deo Collocavit.] misericordiam diligit.

Ex

Ex hisce, aliquatenus constat, Generalem assensum, veritati Evangelicæ adhibere non esse fidem justificantem.

Doct. ff. Respond. Satis in hac palestra sudatum est, facit experti sumus tuam in hoc Theologico pulvere errandi peritiam. Macte tua virtute & eruditione, cujus specimen eximium hodierno certamine edidisti. Te jam ex hac palestra, tua meritis cum laude, dimittimus, liberamus.

Te autem Venerande Pater quod attinet, non possum non mirari, quantâ cum facilitate, & felicitate, & heri, & hodie tot tantaque munia tam præclare obire & præstare possis. Tibi in hoc amplissimo Theatro, Academix nomine gratias promeritas referimus. Nos tibi hunc honorem, meritis tua debituissimum serio gratulamur, quem indies auctiorem cupimus & exoptamus.

Vobis etiam optimi Patris filiis, tibi inprimis natu maximo, mihi præ cæteris, ex diutina multorum annorum experientia, & insigni eruditione nota, est quod vobis merito gratulemur, quibus doctoratus insignia contulit venerandus Pater, decrevit indulgentissima Mater Academia. Spartam vestram ornatæ, Almx Matris honore nihil prius, nihil antiquius habetote.

Te verò Reverendissime Archi-præsul Armachæ Ecclesiarum Hybernicarum Primas Vigilantissime multis nominibus merito honorandæ, non compellere scelus esset; Quem ad tantum Honoris fastigium merita tua jam pridem evexerunt. Inprimis in omni genere disciplinarum, supra communem sortem præcellens vestra eminentia Indicio sunt, in Historia antiquitatis, in Chronologia, in Geographia, in Theologia denique scientiarum principe, admiranda solertia. Testes sunt, Britannicarum Ecclesiarum Antiquitates, in quibus & Historia Pelagiana, nuper in vulgus emissæ, summâ diligentia elaboratæ. Testes itidem sunt veterum epistolarum Hibernicarum Sylloge, & Gosefchalchi Historia ante aliquot annos evulgata. Testes item sunt Responsio doctissima ad provocationem Jesuitæ Malons, & libellus de veterum Hibernensium Religione, & ante complures annos editus liber de Christianarum ecclesiarum successione & statu.

Testis hisce accedat, omni acceptione major, insignis pietas & morum probitas, & summa in concionando industria, fervor item & Zelus animarum. Te talem & tantum virum insalutatum præterire nefas esset, crimen esset, præsertim cum Almx Matris Comitibus non tam honestare quam honorare præsentia tua dignatus sis. Quo nomine, gratias amplissimas merito agit Amplitudini vestræ, Honoranda Mater Academia.

Vobis etiam viri verè nobiles olim Academix filii, est quod gratiarum victimas immolemus, quod tanto studio Matrem inviscendi ducimini, & vestra præsentia hodierna, eam Comitibus anniversaria celebrantem cohonestare dignati estis.

Superest jam viri verè nobiles, Auditores spectatissimi, ut vobis [qui undequaque tanta frequentia huc circum fluxistis] gratias & agamus, & habeamus maximas, quos tam benevolos & attentos experti sumus, præsertim quod certantibus in pulvere hoc Theologico, aures tam avidas & benignas præbuitis. Vos vicissim solennia hæc Almx Matris Comitibus, ore, oculis, linguis favete.

Jam superest Laboris nostri suprema pars, ut de questionibus ventilatis, nostrum calculum adjiciamus.

Dantur Opera ad Justificationem Preparatoria.

EC Quæstio merito instituitur, ut occurratur injustæ calumnie Romanenſium, qui nos Soliſidianorum nomine paſſim traducunt, eo quod ſola fide nos juſtificari aſſeramus. Ac ſi omnes ad juſtificationem diſpoſitiones, & omnia alia ad juſtificationem opera præparatoria reſiciamus, ut huic calumnie rectius occurratur, divinitus dari opera ad juſtificationem præparatoria.

Ut autem intelligamus quænam ſint illa opera. Dicendum eſt. 1. Hæc opera præparatoria eſſe actus liberos à noſtro intellectu & voluntate libere elicitos.

2. Hæc opera non proficiſci ex ſolis naturæ viribus; Certum enim eſt, non poſſe hominem ſolis naturæ viribus ad gratiam juſtificationis, ullo modo ſe præparare; ac proinde certum eſt hæc opera præparatoria proficiſci à gratia Dei præveniente & velimus ut habet Articulus noſtræ Confeſſionis decimus; quæ tamen non meretur de congruo gratiam juſtificationis, ut habet Articulus decimus tertius.

3. Dico hanc gratiam ſaltem eſſe illam quam Theologi ſolent appellare gratiam auxilii ſpecialis, eamque efficaciæ quæ facit ut irreſiſtenter, libere tamen & reſiſtibiliter hoſce actus præparatorios eliciamus.

Per opera præparatoria intellige opera, quæ animos peccatorum movent, præparant, diſponunt, ac quaſi ſubigunt ut idonei fiant ad gratiam juſtificationis conſequendam. Horum nonnullorum meminit Homilia de ſalute, parte prima & ſecunda.

Porro dicendum eſt opera præparatoria diſponere ad juſtificationem diverſimodos alia enim opera diſponunt remotius, in hiſce ſunt,

1. Fides Catholica.
2. Timor pœnæ.
3. Spes veniæ.
4. Dilectio Dei ad reconciliationem invitantis vel hoſtes.

1. Agnitio & improbatio peccati.
2. Dolor ſerius de Dei offenſa ob peccatum.

- Alia diſponunt propinquius ut
3. Propoſitum de cætero non peccandi, ab re nunciandi peccato & vitæ propoſitum.
 4. Deſiderium ſerium liberationis & reconciliationis.

Per juſtificationem intellige illum actum Dei quo condonantur peccata, & peccator ad vitam acceptatur.

Porro dicimus dicta opera præparatoria dari (i.) prærequiri ad juſtificationem antequam Deus vel condonet peccata, vel ad vitam acceptat. Siquidem Deus non juſtificat peccatorem quemlibet in Eccleſia degentem, ſed peccatorem fide Catholica credentem, timentem, pœnam, ſperantem, veniam, amantem & deſiderantem beati-

beatitudinem, Diligentem Deum, gratiose invitantes ad Salutem, agnoscentem, & improbantem peccata, De offensa Dei vere Dolentem, prioris vite peccatum, novam anhelantem, Peccator nisi istis praviis artibus preparatus ac Dispositus fuerit, non querit medicum, nec currit, & confugit ad Christum & Justificatorem, & salvatorem, nec confugere cupit.

Hicce hunc in modum pramissis Restat adversus eos qui hæc opera preparatoria non admittunt, ut Demonstremus ex scripturis horum operum preparatoriorum necessitatem.

Et certe primo quod ad fidem catholicam attinet nemo idoneus esse potest ad gratiam justificationis consequendam, qui non firmiter affectuatur omnibus Divinitus revelatis, inter quæ hoc unum est, ut in Ecclesia haberi possit remissio peccatorum, & justificatio, idque per Christum mediatorem. Nisi enim hoc primitus credatur, frustra querimus justificationem, unde Apostolus ad Hebr. 11. 6. accedentem ad Deum oportet credere, quod Deus est, & remunerator sit querentium eum. Nemo autem potest credere Deum esse remuneratorem, qui non prius credit Deum esse justificatorem. Hinc Fides Catholica a Clem. Alexand. dr. prima ad salutem inclinatio, & ab Eusebio Gallicano ostium vite, fundamentum salutis, & Augustin. Domus Dei Credendo fundatur, & Prospero fides est justitiæ fundamentum, l. 3. de vitâ contempl. c. 21.

2. Opus preparatorium, est timor pœnæ, timor Domini est initium sapientiæ Psal. III & Proverb. 1. nascitur iste timor ex fide comminationum divinarum in justitia divina fundatarum, qui enim firmiter credit comminationibus divinis, necesse est ut timeat pœnas ubi Deum offenderit, est enim ejusmodi timor actus imperatus fidei comminationum divinarum. 3. est spes veniæ, nascitur autem spes, ex fide (i.) ex firmo assensu promissionibus divinis adhibito, ex fide etiam bonitatis, clementiæ, ac misericordiæ Dei per Christum. Ambros. lib. 1. de pœnitent. cap. 1. Nemo potest bene agere pœnitentiam nisi qui speraverit indulgentiam, & August. serm. 22. de verbis Apostol. domus Dei credendo fundatur, sperando erigitur.

4. Est dilectio Dei invitantis, vel hostes ad reconciliationem, eamque promittentis ad eum accedentibus. Nascitur iste motus animi ex promissione salutis omnibus in eum credentibus, & gratiofis invitationibus Christi, qualis est ista Matth. xi. Venite ad me omnes qui fatigati estis. est tamen ista dilectio non nisi inchoata, post justificationem perficienda August. lib. de Catech. rudib. cap. 4. Quicquid narras, ita Narra, ut ille cui loqueris, audiendo credat, credendo speret, sperando amet, vide Estium 3. distincti. 27. sectione 2. & M. Baium tractatu de charitate, capite 7. & Bellar. De justificatione libro primo capite decimo tertio.]

5 Opus preparatorium est pœnitentia, cordis contritio & dolor de offensa Dei, Hoc unum est ex primariis operibus preparatoriis & proximis quæ disponunt & preparant peccatorem, ad peccatorum remissionem consequendam. Neque enim ipsa pœnitentia interna, seu contritio attingit affective, seu operatur immediate remissionem peccatorum, sed per pœnitentiam, peccator preparatur & idoneus fit ut particeps fiat diviniæ Misericordiæ, sine qua ipse sibi obicem ponit, quò minus Deus illi peccata condonet, neque enim congruum est aut consentaneum divini aut justitiæ aut etiam sapientiæ, ut ei peccata condonentur qui de peccatis quibus Dei justitiam graviter læsit, non serio dolet, simulque non serio proposuerit secum, ab iis peccatis in posterum sedulo abstinere. Hoc ergo modo pœnitentia concurrens ad justificationem peccatoris, quatenus eum preparat & disponit & idoneum reddit ad veniam capescendam & capacem misericordiæ Dei per Christum, removendo obstacula quæ peccatorem a Deo dirimunt & sejungunt. Hoc ipsum innuit Regius Propheta, compellens Dei nomine Judæos Esaiæ 1. Lavamini, mundi estote, auferte malum cogitationum vestrarum ob oculis meis. Venite jam & arguite dicit Dominus; si fuerint peccata vestra ut coccintha, quasi nix dealbabitur, & si fuerint rubra quasi vermiculus, veluti lana alba erunt. Ecce aperte innuit propheta, peccata gratiæ Dei obicem ponere, quæ ubi pœnitentiâ, præveniente amoventur, ibi divina Misericordia parata est & præsto peccatoribus.

6. Est propositum de cætero non peccandi. Hoc opus virtualiter includitur in ipso dolore

dolore de offensa, nemo enim ferio do let de Dei offensa qui non simul pro-
ponit declinare offensam tam gratiosi Dei, simulque non proponat de cetero non
peccare. (128)

7. Est propositum vite novae, Ezek. 18: projicite omnes iniquitates a vobis vestras, & facite vobiscor novum & spiritum novum.

8. Est serium desiderium liberationis & reconciliationis cum Deo Peccator, hoc modo dispositus currit ad Christum mediatorem, in eumque totis quantus est, recumbit, ejusque satisfactionem & meritum, ob remissionem peccatorum, & acceptationem ad vitam æternam. Ex hisce aliquatenus patet, opera preparatoria perexigi ad justificationem.

[illegible]

1. The first of these is the fact that the Commission has not yet received any information from the Government of the United Kingdom as to whether or not it has any plans to introduce legislation to prohibit the export of arms and ammunition to the Republic of Ireland.

1. The first of these is the fact that the Commission has not yet received any information from the Government of the United Kingdom as to whether or not it has any plans to introduce legislation to prohibit the export of arms and ammunition to the Republic of Ireland.

Fides

2. *Si quis praeparatum est peritiam, tunc contritus & dolor de offensa Dei
 non minus est ex primis operibus per contritionem & poenitentiam quam de poe-
 nitentia per contritionem, sed per contritionem contritionem contritionem
 praeparatum facit, sed contritus & dolor de offensa Dei non minus est
 non praeparatum, sed per contritionem, poenitentia per poenitentiam de
 poenitentia facit de poenitentia de poenitentia de poenitentia de poenitentia
 illi poenitentia, unde cum contritionem est aut contritionem de poenitentia
 aut etiam de poenitentia, ut in poenitentia contritionem de poenitentia
 de poenitentia, non tunc de poenitentia, de poenitentia de poenitentia de poenitentia*

[illegible]

_____ D _____

M Erō hæc quæstio instituitur adversus eos, qui opera præparatoria quæ ad justificationem peccatorem disponunt non admittunt. Superioribus Comitibus asserta est veritas Art. xi. nostræ confessionis qui sic habet, *Tantum propter meritum Domini ac Servatoris nostri Jesu Christi per fidem non propter opera & merita nostra iusti coram Deo reputamur. Quare sola fide nos justificari doctrina est saluberrima ac consolationis plenissima, ut in Homilia de Justific. hominis sensus explicatur.* Ubi dicimus Tō justificari sumi debere in forensi significatione; idem. n. sonare atq; in iudicio absolvere; seu a sententia condemnationis liberare; condonando scil: peccata, & peccatorem ad vitam acceptando.

Per Fidem dicimus intelligendum esse actum fiduciae profectum ab affectu fiduciae quo peccator tactus sensu peccatorum & de offensa Dei serio dolens, spe veniae inductus, fundata in promissione Evangelii, & dilectione Dei invitantis ad reconciliationem, confugit ad Christum Mediatorem & Redemptorem ejusq; satisfactioni & meritis innititur, confidit, recumbit ad justificationem, remissionem scil. peccati & acceptationem ad vitam aeternam. Hæc siquidem est illa *fides*, quam justificantem indignant Theologi.

Atque hanc idem justificationem Solam justificare dicit confessio nostra: Hanc particulam exclusivam addit non ad excludendum vel in actu justificationis, vel in persona justificanda concomitantiam aut coexistentiam operum preparatoriorum & dispositionum praevariarum, sed cooperationem & vim justificatoriam in negotio justificationis. Illud enim hic imprimis monendum ut Solifidianorum calumniam nobis injustissime a Romanensibus impactam, abstergamus. Nos non quemlibet aut qualemlibet in Ecclesia peccatorem subjectum idoneum fidei justificantis statuere, sed peccatorem fide Catholica credentem, timentem poenam, sperantem veniam, Deum ad reconciliationem invitantem, diligentem Deum, desiderantem liberationem, de peccatis & offensa Dei vere dolentem, prioris vitae peritulum ad novam anhelantem, justitiam item & meritum proprium abdicantem. Peccator nisi hoc modo dispositus fuerit, fiducialiter in Dei misericordiam & in Christum ut justificatorem & Salvatorem recumbere nec vult, nec cupit, nec potest. Hoc ergo est quod dictus Articulus suggerit, solam hanc fiduciam non opera quae dicuntur preparatoria, non fidem Catholicam non timorem poenae, non spem veniae, non dilectionem Dei invitantis ad reconciliationem, non dolorem de offensa Dei, non novae vitae propositum, imò nec ipsum fiduciae actum insitit aliquam suam vi aut virtute morali, sed sola facultate naturali à gratia electa & acta quae conquiescit, recumbit, innititur, confidit, adheret misericordiae Dei promittentis, & Christi a quo & satisfactioni, esse illud medium quo S. Sanctus utitur ad applicandum dictam satisfactionem & merita Christi peccatori resipiscenti, ac prout justificare prout exprimit Homilia de passione organice & per modum instrumenti applicantis dictam satisfactionem, & justitiam partam sanguine Christi ad justificationem peccatoris, quae omnia fuse docet Ecclesia nostra in preclara illa Homilia de justificatione seu salute, ad quam remittit Articulus: Homilia item de vera & viva Christiana fide, Homilia item de passione ex

quibus hæc nostra explicatio fere defumitur. Licet enim hæc opera prærequirantur in persona justificanda ad præparationem subjecti, ad applicationem tamen objecti Christi se: Redemptoris & ejus satisfactionis ac meritum, unum instrumentum immediatum est fides viva seu fiducia hæc salutaris quæ Christo Redemptori & ejus morti peccator confidit, adhæret, eique soli innititur, ut coram Deo Rege justo in solio sedente a peccatis absolvatur, & ad vitam æternam acceptetur.

Porro dicimus dictam fidem seu fiduciam quæ sola dicto modo justificat non esse sine spe & dilectione. Quod ipsum Homilia de justificatione seu salute ad quam remittit artic. x1. fuse docet, explicans illud Apostoli ad Roman. 3. 23. Omnes peccaverunt & egent gloria Dei. 24. Justificantur autem gratis per gratiam ipsius per redemptionem quæ est in Christo Jesu. 25. Quem proposuit Deus propitiationem per fidem in sanguine ejus; & illud cap. 10. 4. Finis. n. legis Christus ad justitiam omni credenti: & illud c. 8. 3. Quod impossibile erat legi quatenus infirmabatur per carnem Deus filium suum mittens in similitudinem carnis peccati, & *ὅτι ἀμαρτίας* (. 1.) victimam pro peccato, damnavit peccatum in carne. 4. ut justificatio Legis impleatur in nobis, qui non secundum carnem ambulamus, sed secundum spiritum] ubi (inquit Homilia) tria concurrunt in nostra coram Deo justificatione. 1. ex parte Dei ejus misericordia & gratia. 2. ex parte Christi divinæ iræ per corporis sui oblationem & sanguinis effusionem satisfactio, unâ cum perfecta Legis impletionem. 3. ex parte nostri vera & viva fides in Jesu Christi meritis, & mox subjungit, S. Paulum ex parte hominis in negotio justificationis solius veræ & vivæ fidei meminisse, quæ tamen est donum Dei, non opus solius hominis absque Deo. Et tamen (inquit Homilia) fides illa non excludit poenitentiam, spem, dilectionem, & timorem Dei, quò minus concomitentur fidem in persona justificanda, sed hæc ipsa opera excludit ab officio seu negotio justificandi, & quamvis coexistent unâ in justificato, non tamen unâ justificant. Similia plane habet Homilia dicta in parte secunda ubi ait hanc sententiam, nos justificari sola fide, quam arcessit ex Patribus Græcis & Latini quos ibidem enumerat, non ita abiis intelligi ac si fides justificans esset in homine sola absque resipiscencia, spe, dilectione, metu & timore Dei, vel ullo temporis momento. Et postea in eadem Homilia, ait verum sensum illius enuntiati nos justificari gratis fide absque operibus, vel fide sola in Christum, hunc esse, ut quamvis audiamus verbum Dei, eique credamus, quamvis habeamus fidem catholicam, spem, dilectionem, resipiscenciam, metum & timorem Dei, & opera alia quancunque præstemus, tamen omnium harum virtutum & operum meritis renuntiandum esse, sive quæ fecimus, sive quæ facturi sumus, vel facere possumus, ut quæ infirma sunt, & imperfecta, nec possunt mereri remissionem peccatorum, & justificationem, ideoque omnem fiduciam collocandam esse in Dei misericordia, & sacrificio Christi in cruce oblato, ad impetrandam remissionem peccatorum. Hæc ipsa susius recensui ut liquido omnibus appareat nos in explicatione nostra *κατὰ τὴν οὐρανὴν* insistere in vestigiis Matris Ecclesiæ, nec ab iisdem vel latum unguem discessisse.

Ex hisce perspicuum est juxta explicationem nostræ Ecclesiæ fidem quæ sola justificat non esse sine spe & dilectione.

Sed adhuc diligentius paulo inquirendum est quænam sit illa spes, & quænam sit illa dilectio sine quibus non existit fides quæ sola justificat.

Præmittendum ergo hic agi de spe & charitate quæ antecedanea sunt ad justificationem, et inter opera præparatoria recenseri solent, sic, n. in locis supra citatis, spes & dilectio accipienda sunt.

Et ut prius de spe agamus. Spes denotat vel

- Spem veniæ seu remissionis peccatorum.
- Spem præmii essentialis seu vitæ æternæ.

Illæ autem spes quæ disponit ad justificationem est proprie loquendo spes veniæ seu impetrandi remissionem peccatorum. Nascitur autem ista spes ex fide Catholica (. 1.)

ex firmo assensu promissionibus divinis adhibito; ex fide etiam bonitatis, clementiæ ac misericordiæ Dei per Christum. Recte Ambrosius, lib. 2. de penit. c. 1. Nemo potest bene agere penitentiam, nisi qui speraverit indulgentiam.

At spes præmii essentialis seu vitæ æternæ non est nisi justificatorum, id quod clare docet Apostolus Rom. 5. Justificati ergo ex fide pacem habemus erga Deum — & gloriamur in spe gloriæ filiorum Dei] Ubi clare docet Apostolus ex justificatione per fidem — nasci spem gloriæ Dei & ver. 4. & 5. docet experientiam efficere spem non confundentem eo quod charitas Dei [sc. quæ nos diligit] diffusa sit in cordibus nostris per S. Sanctum qui datus est nobis] spes siquidem gloriæ future fulcitur certo testimonio conscientiæ ex S. Sancti dono nos a Deo diligi.

Quod ad dilectionem attinet, animadvertendum est in Scripturis & etiam in Patrum scriptis promiscuè sumi amorem, dilectionem & charitatem: unde Augustinus, de civit. Dei. lib. 14. c. 7. de hisce tribus vocibus differens ait eas cum in bono accipiuntur id sacris literis, idem significare; Juxta Scholam tamen ita distinguuntur hæ voces, ut amor latius pateat dilectione, & dilectio charitate; ut Amor non solam spiritualem affectionem sed & carnalem & vitiosam denotet, sive cupiditatem; Dilectio denotet bonam voluntatem quæ, seu bonum voluntatis motum quo Homo diligit Deum ut justitiæ autorem & gratiose invitante inimicos ad reconciliationem; nascitur ille motus animi ex promissione salutis omnibus in eum credentibus & gratiofis invitationibus Christi qualis est ista, Venite ad me omnes qui fatigati estis & ego reficiam vos; est tamen ista dilectio non nisi inchoata, post justificationem perficienda. Neque enim adhuc diligitur Deus ex toto corde & supra omnia, efficit tamen ut doleamus de offensa Dei, atque ut sic præparat etiam ad justificationem ut recte annotavit Andr. Vega. lib. 6. c. 28. & 30. De hac dilectione loquitur Servator, Joan. 14. Siquis diligit me, sermonem meum servabit, & pater meus diligit eum, & ad eum veniemus, & mansionem apud eum faciemus] Hic, prior est dilectio Dei, & posterior Trinitatis in homine mansio seu inhabitatio. Deus autem ad nos inhabitandum venire consuetur quando per remissionem peccatorum propitius efficitur. Apostolus item sic habet, 1. Cor. 16. Si quis non amet D. nostrum Jesum Christum sit Anathema (inquit)] Sed impium esset execrari Catechumenum aut penitentem ad gratiam remissionis peccatorum anhelantem, etiam si illam nondum sit consecutus; Ejusmodi igitur Catechumeni & Penitentes amant D. nostrum Jesum Christum per quem sperant consequi remissionem peccatorum. Similiter loquuntur Concilia. Arausic. 11. can. ult. Deus nullis præcedentibus meritis, & fidem & amorem sui prius inspirat ut Baptismi sacramentum fideliter requiramus] ex sententia ergo PP. Arausicanorum Catechumenus competens qui baptismum fideliter requirit, ut consequatur remissionem peccatorum, habet Dei amorem sibi inspiratum à Deo, antecedaneum ad dictam remissionem] Ex dictis patet dari dilectionem quæ præparat & disponit peccatorem ad justificationem, atque adeo ad justificationem est necessaria, ut absque ea fides justificans nec habetur nec haberi potest, certum est fidem quæ justificat absque hac dilectione non dari. Sed aliter philosophandum est de charitate proprie dicta quæ denotat actum infusæ charitatis habitus, quo donantur homines jussu Deo reconciliari, in filios adoptati, qui ordinat omnes actus aliarum virtutum infusarum ad ultimum finem æternam beatitudinem. Hoc dono diligitur Deus supra omnia non solum ut auctor naturæ, sed & supernaturalis beatitudinis. Atque ista charitas sequitur remissionem peccatorum & justificationem ac proinde fidem justificantem. De hac charitate sic Apostolus, 1. Tim. 2. Finis præcepti est charitas de corde puro, & conscientia bona & fide non ficta] At ante justificationem nec purum est cor hominis nec conscientia bona, & 1. Joan. 3. 1. videte qualem charitatem dedit nobis pater ut filii Dei nominemur & simp. & cap. 4. 7. omnis qui diligit ex Deo natus est. & ver. 13. Si diligamus invicem, Deus in nobis manet, & charitas ejus in nobis expleta & perfecta est] ubi videmus hanc charitatem esse pegulum filiorum Dei & conferri solum illis qui donantur jure filiorum, ac proinde illis qui puri naturâ justificantur. Actus enim fidei est ille actus qui solum applicat mortem & passionem Christi ad remissionem peccatorum & justificationem, quo tempore infunduntur habitus omni-

um virtutum atque adeo ipsius charitatis cuius munus est imperare actus omnium aliarum virtutum infusarum eosque ordinare ad ultimum finem. Prius ergo natura placatur Deus fide in sanguinem Christi; prius natura remittuntur peccata, prius justificatur peccator, quam infunditur charitas, quam fides per charitatem operatur. Dico signanter prius natura, nullum, n. instans temporis datur in quo remittuntur peccata, & non infunditur charitas. Ad remissionem, n. peccatorum sequitur concomitanter donatio Spiritus, & infusio donorum atque adeo doni eximii charitatis. Atque hoc est quod dixit Lutherus in 2. c. ad Galatas. Fidem sine & ante charitatem justificare.

Neque dici potest fidem quæ sola justificat spem & charitatem in sua formali ratione includere, siquidem sic non vere diceret Ecclesia nostra fidem solam justificare. Ex Ecclesiæ, n. nostræ germano sensu supra commemorato fides sic sola justificat ut in actu justificandi nihil aliunde ab aliis sc. virtutibus efficaciz sumat, nihil mutuetur, sed sua quadam insita ac propria efficientia instrumentali effectum justificationis producat quatenus ejus solius non alterius cujuscunque virtutis munus est niti, confidere & adherere Christo Redemptori, & ejus ^{ad spem} & meritis ob remissionem peccatorum, & acceptationem ad vitam æternam. Non præstat hoc spes præmii, non charitas, nec altera virtus quæcunque tandem illa sit: Totum hoc quantumcunque sit soli fiduciz huic acceptum referri debere intrepide pronuntiamus. Sit spes in justificato, & ad hereditatem conscripto, promissæ hereditatis expectatrix sit charitas, Dei jam Patris indulgentissimi actu suo elicto ex toto corde dilectrix, sit omnium aliarum virtutum actuum imperatrix, etiam ipsius dictæ fiduciz in Christum Mediatorem quoties novum peccatum admittitur, eorumque omnium ad consecutionem ultimi finis, æternæ sc. salutis ordinatrix. Attamen in foro justificationis Scriptura disertè docet Nos non tantum cum ex impiis facti sumus justi primitus fide in sanguinem Christi justificari, sed & post justificationem & remissionem peccatorum semel adeptam sola hac fiducia in Christum Redemptorem, in iustitia parta permanere hanc solâ à novis quibuscunque peccatis justificari. Non, n. solum injustus ex fide fit primò justus, sed & justificatus ex fide manet justus. Justus, n. ex fide vivit dicente Propheta Et vitam quam nunc vivo in carne dicit B. Paulus, vivo per fidem filii Dei] & hac sola quilibet justus a quotidianis lapsibus absolvitur, & si quando justus in gravia & atrociora peccata incidit (quomodo ceciderunt sanctissimi viri David & Petrus, non alio modo recidivantes resurgunt quam cum primitus justificantur. Etsi, n. actibus præparatoriis supradictis, potissimum actibus penitentiz, & desiderio liberationis disponantur ad novam cum Deo reconciliationem, non tamen nisi interveniente novo actu hujus fiduciz in Christum Redemptorem & ejus sanguinem, mors & merita Christi applicantur ad novum contractum reatum ablueadum, totum hoc quantumcunque est, est hujus fiduciz salutaris in Christum & ejus merita de novo innitens & recumbens [unde Apostolus cum præfert exempla justificationis nostræ ad Rom. 4 non modo meminit justificationis impiorum cum primo fiunt justi, sed & ipsorum priorum justificationis nimirum Abrahæ decennio fere postquam conversus est ad fidem, De quo dicit Scriptura Genes. 15. Credidit Abraham Deo & imputatum est ei ad justitiam: justificationis item Davidis renati, Beatum item pronuntiantis eum hominem cui Deus imputat justitiam absque operibus. Esto igitur dicamus fidem quæ sola justificat non esse sine spe veniæ, non esse sine dilectione ad justificationem disponentibus, esto non sit sine spe præmii hereditatis cœlestis, nec sine charitate quam ex toto corde sincere diligitur, ut concomitantibus tamen hæc nihil impediunt quo minus in foro justificationis, Fides sola justificet, sola impetret remissionem peccatorum.]

Sed & aliæ rationes efficaciter evincunt de hac justificatione per coadunationem trium Theologicarum virtutum (Fidei, Spei, & charitatis) uti appellat Scholæ, ne per somnium cogitasse conditores Articulorum Religionis, & Homiliarum ab iis approbatarum. Siquidem

I. In homilia de justificatione seu salute ad quam remittit nos Art. xi. de hominis justificatione: Fides quæ sola justificat contra-distinguitur spei & dilectioni, eo modo quo contra-distinguitur metui, timori, penitentiz, ergo in sua notione non magis

magis includit illas quam hasce; imperitissime certè in Homilia tam studiose contradistingueretur ab hiis fides quæ justificat; siqua justificat hasce virtutes suo sinu complecteretur.

II. Fides quæ sola justificat, qua justificat, & istæ Theologicæ virtutes differunt objectis. Objectum fidei justificantis est Christus Redemptor & *λύτρον* & satisfactio ab eo perfoluta; at objectum Fidei Catholicæ est prima veritas Objectum Spei est promissa hæreditas & æterna beatitudo; quid hæc ad forum justificationis? Objectum charitatis est Deus ut Pater, quæ virtus supponit justificationem non; enim diligitur Deus ut Pater nisi reconciliatio præcesserit.

III. Fides quæ sola justificat juxta Artic. xi. justificat forensi significatione, sic Homilia de justificatione. Hoc etiam fute demonstrat. Reverendiss. Wintoniens. concione illapreclara in illud, Jehovah justitia nostra. Justificat ergo qua coram Rege justo in solio sedente liberat à condemnatione propter satisfactionem Christi imputatam, & condonatis peccatis justos homines pronuntiat. Sic uno ore Protestantes, quo sensu perpetuo in negotio justificationis sumuntur vox Hebræa *Hitzdic* & vox Græca *δικαίωσις*. At dictæ tres virtutes si justificant, non justificant nisi ad justitiam disponendo vel physice justos faciendo, infundendo inhaerentem justitiam, cujus acceptationis vocis justificationis, ubi agitur de negotio justificationis coram justo Rege in solio sedente, altum silentium in sacris literis.

IV. Fides quæ sola justificat, juxta articulum & Homilias justificat, gratis remittendo, peccata condonando, tegendo, non imputando, in profundum maris projiciendo, idque prius natura quam infundatur inhaerens justitia aut sanctitas. At posita justificatione, per tres dictas virtutes, justificatio non fit gratuita remissione sed deletione, abolitione, aut physica expulsiōe peccati. At longè aliud est remittere peccatum ac delere peccatum. Nam 1. remissio peccati & justificatio forensam habent significationem unde justificare & condemnare opponuntur & remittere & punire; at deletio & purgatio physicam actionem denotant & physicam significationem habent. 2. remissio est actus individualis & simul & semel fit totus, deletio peccati est actus dividualis & gradatim perficitur. 3. remissio peccati est actus perfectus at deletio peccati est actus imperfectus cum reliquiæ peccati in hac vita semper supersint delendæ. 4. remissio peccati est vel integra justificatio, vel saltem pars integrans justificationis unde ad Roman 4. Apostolus videtur confundere justificationem & remissionem peccatorum. At deletio peccati est formalis effectus justitiæ inhaerentis, non justificatio aut part integrans justificationis. 5. Remissionis peccati objecta sunt reatus & poena, Deletionis sceleritas & macula peccati. Alia discrimina omitto.

V. Fides quæ sola justificat juxta Homiliam licet non excludat in persona justificata præsentiam, aut coexistentiam, aut concomitantiam spei aut charitatis tamen disertis verbis excludit vim omnem cooperatoriam harum virtutum in officio seu negotio justificationis, non ergo junctis viribus cooperantur in actu justificandi; Sed sola fides justificat quomodo non obstante coherencia & unione omnium membrorum in corpore integro tamen solus oculus videt, sola lingua gustat.

VI. Fides quæ sola justificat, justificat organice seu per modum instrumenti applicantis satisfactionem Christi ad remissionem peccatorum, & est unicum medium seu instrumentum quo applicatur dicta satisfactio ut in Homil. de salute & de passione clare asseritur, non sic spes aut veniæ aut præmii justificat, non sic dilectio aut charitas, quis. n. Theologus unquam affirmavit spem aut charitatem organice applicare satisfactionem Christi; ergo contra receptam doctrinam nostræ Ecclesiæ asseritur hæc novella justificatio coram Rege justo in solio suo sedente per istam coadunationem trium Theologicarum virtutum Fidei, Spei & Charitatis.


VII. Fides quæ sola justificat juxta Artic. xi. de justificatione, & ejus commentarium Homil. de salute ita justificat ut hac fide justificati sistantur perfecte justi in foro justificationis coram Rege justo sedente in solio, cum non nitatur suâ virtute morali sed virtute & dignitate Christi Redemptoris in quem tota recumbit, & ejus satisfactione & meritis. At nec dictæ tres virtutes Fides, spes & charitas; aut ullæ aliæ virtutes, aut earum actus consistere possunt coram tribunali Dei in foro justificationis

tionis cum omnes sint imperfectæ & culpabilem defectum adhzrentem habeant. De ipsis habitibus virtutum audite Augustinum. Virtus quæ nunc est in homine iusto hactenus perfecta nominatur, ut ad ejus perfectionem pertineat ipsius imperfectio- nis & in veritate cognitio & in humilitate confessio [cont. 2. epist. Pelag. 3. 7.] Ubi ergo perfecta habitualis iustitia? Manere certe aliquid vetustatis in perfectissime renatis passim docet Paulus, passim Augustinus; De actu itidem imperfectione æquæ certa & explorata res est. Artic. XII. Bona opera divini iudicii severitatem ferre non possunt. Imperfectiones & culpabiles defectus optimis renatorum operibus adhzrere non semel Homiliz pronuntiant sed crebro inculcant. Ex parte cognoscimus inquit Apostolus, ergo ex parte credimus in Deum, ex parte expectamus beatitudinem promissam, ex parte etiam Deum diligimus. Quamdiu, q. aliquid carnalis concupiscen- tiæ inest quod vel continendo frænctur, non ex toto corde diligitur Deus, inquit Au- gust. de perfect. Iulit. Unde in hora mortis forum iustitiæ declinant & ad forum mi- sericordiæ omnes recte instituti Christiani currunt & confugere solent. Ubi ergo perfecta illa iustitia, quæ coram Rege iusto in folio sedente consistat?

Addo hanc nostram explicationem fidei quæ sola justificat per manus tradidisse no- bis Ecclesiæ nostræ lumina, conditores Articuli-um & Homiliarum compilatores tum temporibus Edovardi VI. quo primum conditi sunt in Synodo Londinensi sub præidio Beatissimi Martyris Th. Cranmeri, tum temporibus Elizabethæ Reginæ in altera Synodo sub præidio Reverendiss. Archiepiscopi Matthæi Parkeri. Quibus accedant ex illorum temporibus, Reverendissimi Archiepiscopi, & Reverendi Episco- pi, qui de hoc articulo scriptis aliquid prodiderunt. In quibus sunt Reverendi Episco- pi; Joannes Sarisburiensis, Thomas Dunelmensis, Juellus Sarisburiensis, Lancel- lotus Wintoniensis, Robertus Sarisburiensis, Franciscus Eliensis, Arthurus Barthoniensis, Joannes Norvicensis. Mitto doctissimos Professores, Martinum Bucerum, P. Marty- rem, Noellum, D. Humfardum, Fulconem, Whitakerum, Rainoldum, Hooketum. Feildium; qui omnes hanc ipsam de Fide quæ sola justificat veritatem tradiderunt, & posteris fideliter transmiserunt. Addo Regiam Majestatem in declaratione non ita pridem articulis Religionis præfixa, confirmasse & raros habuisse dictos articulos & verbo Dei consentaneos, & simul Prohibuisse nequis a dictis articulis vel minima ex parte discrepantem doctrinam doceat; aut affingat novum sensum articulo ali- cui publica autoritate stabilito. An. a. sola fide justificari excludente spem & di- lectionem ut concausas in negotio justificationis, prout habetur in Homilia ad quam refert Articulus XI; sit fide formata spem & charitatem suâ notione includen- te, omnibus sano intellectu præditis, dijudicandum relinquo. Concludo, fidem quæ sola justificet, sine fide & dilectione non ut coexistentibus, sed ut cooperantibus in officio justificandi, justificare.



Fides salutaris, est Christi appropriativa.


 Ec questio merito instituitur variis de causis. 1. adversus Pontificios qui nullam fidei distinctionem admittentes. fidem Catholicam cum salutari & justificante confundunt. 2. ut stabiliatur fidei distinctio e scripturæ fundamentis. 3. ut fidei salutiferæ natura & proprietates explicentur & demonstrentur; per fidem salutarem intelligimus illam fidem, cui & quidem soli (quicquid aliter sentiant Romanenses) vis justificandi sine operibus passim in scripturis tribuitur; fidem illam ex qua iustus vivit, ex qua in filios Dei adoptamur, ex qua pacem habemus cum Deo, quæ corda hominum purgat, quæ per dilectionem operatur, ut alia hujus fidei elogia præteream, quæ passim in sacris literis occurrunt.

Porro dicimus inter alia elogia hoc non esse infimum, quod hæc fides sit Christi appropriativa, quatenus scilicet Christum ipsum, ejusque passionem, mortem, merita, obedientiam quæ ut *ἀνταποδοσία* copiosum pro toto genere humano ipse patri suo obtulit; & pater ut abunde sufficiens ad omnes redimendos acceptavit, quatenus inquam hæc merita & hanc mortem omnibus in ministerio evangelij oblata, cuilibet vere credenti infalibiliter actu applicet & appropriat.

Romanenses contendunt ad hanc applicationem Christi & ejus meritum, non sufficere fidem, sed multas alias dispositiones requiri, spem veniæ, timorem pænæ, dilectionem Dei invitantis ad salutem, dolorem de peccatis, propositum novæ vitæ, & id genus alia, & certe hæc omnia ad hanc applicationem Christi suo modo sunt necessaria ad personam justificandam rite disponendam & præparandam; sed jam querimus quodnam sit illud immediatum organum seu instrumentum quod sua peculiari vi & efficacia, applicat Christum & ejus merita ad justificationem, in persona rite disposita & præparata. Hoc nos contendimus esse fidem; sed non omnem, sed salutarem; nec fidem cum aliis virtutibus cooperantem, sed solam; Catholica fides seu dogmatica quam unam admittunt Romanenses, non magis Christum respicit & ejus merita, quam alia obiecta fidei, imo Christum & ejus merita quæ sunt termini incomplexi, non respicit, cum tantum versetur circa propositiones integras in verbo divino revelatas, nihil aliud cum sit quam assensus veritatibus complexis divinitus revelatis, quas omnes ex æquo respicit, & longe aliter philosophatur scriptura de fide salutari, quæ speciali ratione versatur circa Christum & merita ejus ut terminos incomplexos & eorum debitam applicationem. Id quod non incommode forsitan explicabimus & simul demonstrabimus, accurate perpendendo syllogismum cujus propositio in Evangelio sæpe inculcatur, quo fideles suam in sædus gratiæ receptionem inferunt ac concludunt; ubi una eademque opera, variz species fidei sese nobis offerent, ex quarum distinctione, & collatione, magis elucescet hujus fidei salutaris proprietas, sic enim ratiocinatur fidelis. Quisquis credit in Christum, illi sunt remissa peccata. Ego credo in Christum. Ergo Mihi sunt remissa peccata. Hic assensus majori adhibitus exhibet nobis actum fidei Catholicæ, seu dogmaticæ; Minor exprimit actum fidei salutaris, seu justificantis; Assensus conclusioni, exprimit actum fidei specialis applicantis fideli promissionem generalem. Jam ostendemus hanc proprietatem appropriandi Christum & ejus merita 1. non competere fidei Catholicæ, cujus actus in propositione exprimitur; nec 11. fidei speciali applicanti generalem promissionem credenti quam exprimit Conclusio, unde sequetur

hanc esse propriam affectionem fidei salutaris & justificantis, quam minor exprimit.

1. Ostendemus hanc proprietatem non competere fidei Catholice, seu assensui adhibito generali propositioni evangelii. Nam licet fides Catholica quâ assentimur conditionali promissioni generaliter propositâ, quicumque credit in Christum, habebit vitam æternam, seu illi remittuntur peccata, sit tum fidei justificantis, tum hujus applicationis basis & fundamentum, unde necessatio præexigitur actus iste ad hanc applicationem; non tamen est illa virtus, aut illius virtutis actus, quâ hæc appropriatio Christi & ejus meritorum fit; siquidem iste actus quo assensus fit promissioni generali, præstari potest & elici a non-justificato; siquidem multi impii in Ecclesiæ gremio nutriti audito verbo evangelii assentiuntur generali promissioni Evangelii, sic Herodes, sic Simon Magus, Ac illa fides quæ appropriat Christum & ejus merita est propria credentium & piorum. Hinc Scriptura ait, nos filios Dei fieri per fidem in Christum Jesum. Gal. 3. 26. fide purgari corda, quæ non sunt effecta semper comitantia fidem Catholicam.

2. Ostendo hanc proprietatem, appropriandi Christum non competere fidei specialis generalis propositionem applicanti, nam 1. hæc appropriatio sive applicatio specialis promissionis semper supponit ac præexigit hanc applicationem Christi & ejus meritorum. Jus enim quod habeo in beneficiis partis sanguine Christi, fundatum est in illo jure prævio quod habeo ad mortem & merita Christi, quod jus acquiritur fide salutaris, mortem & merita Christi applicante, cum mors Christi sit causa meritoria omnium beneficiorum salutarium 2. cum in propositione Evangelii quod fædus gratia continet duo sunt consideranda. } 1. Conditio fæderis.
} 2. Res promissa.

Nemo jus habet ad rem promissam, nisi præstita conditione cum ergo conditio fæderis sit ut credamus in Christum; res promissa, remissio peccatorum, & jus ad vitam æternam ex tenore fæderis. 1. credendum est in Christum, 2. deinde applicatio fit specialis remissionis peccatorum & vitæ æternæ. 3. objectum hujus fidei specialis applicantis promissionem, sunt res promissæ in fædere seu beneficia salutaria promissa, qualia sunt justificatio, remissio peccatorum, sanctificatio, unio cum Christo, adoptio, vita æterna. At objectum fidei salutaris & justificantis sunt Christus ipse qua Mediator, satisfactio Christi, mors Christi, justitia Christi, merita Christi, ordo autem postulat in pangendo fæderes, ut prius applicemus nobis Christum & ejus merita, deinde applicemus beneficia salutaria; id quod in omni fædere cernere licet

ut } 1. Conditio præstetur.
} 2. Res promissa, consecuta.

3. ergo in loco ostendendum hanc proprietatem appropriandi Christum esse propriam affectionem fidei salutaris, cujus actus in minore exprimitur, hisce verbis, ego credo in Christum; hic ergo explicandum est, quid sit credere in Christum, desumitur hæc *oppositio* seu formula loquendi ex Veteri instrumento, neque enim occurrit in scriptis Gentilium; Ac licet aliquando credere in aliquem, & credere alicui in scripturis promiscue usurpantur, idemque significant, longe tamen frequentius distinguuntur, & plerumque idem sonant, credere in aliquem, & fiduciam in aliquo collocare, præsertim quando usurpantur ad exprimendam conditionem gratuiti fæderis, sic Michæ 7. 5. ne credatis in socio, ne fidatis in duce; sic Psal. 78. 22. quia non crediderunt in Deo, nec confisi sunt in salute ejus, & ubi novum Testamentum exigit fidem justificantem; ibi vetus testamentum præcipit fiduciam, & in novo Testamento eadem tribuuntur fidei, quæ in veteri, fiduciæ, & in novo Testamento eadem promittuntur credentibus, quæ in veteri, confidentibus, qualia sunt Novi fæderis beneficia, Remissio peccatorum, justificatio, adoptio, beatitudo & similia, denique in Symbolo juxta explicationem sanctorum Patrum, imprimis Augustini, aliud est credere Deo, aliud credere in Deum: est autem credere in Deum juxta Augustinum, Credendo in Deum ire, in Deum tendere, Deo adherere. Actus fidei salutaris secundus actus notatione sua includere

} 1. Ire, tendere, venire ad Christum.
} 2. Christum amplecti, eique niti, & adherere.

Hinc est quod in Psalmis Deus toties dicitur nostrum perfugium, firmamentum, fortitudo, petra,

petra, turris, rupes, scutum, praesidium, cornu salutis, auxilium, spes, fiducia.

Recte Cyprianus, non credit in Christum qui in eo solo non collocat totius suae salutis fiduciam; Credere ergo in Christum, est fiduciam in Christum propositum in Evangelio, in salvatorem, & redemptorem collocare. Atque hic per fiduciam intelligo actum fiduciae profectum ab affectu fiduciae; Est autem fiducia quae affectum denotat, affectus ille, quo voluntas vel appetitus adhæret alicui medio, quod iudicatur vel solum vel cum aliis sufficiens vel potens ad finem aliquem quem volumus vel appetimus, arduum, possibilem tamen consequendum; est autem iste affectus fiduciae, affectus distinctus ab affectu spei. Nam 1. spes est finis; fiducia mediorum. 2. spes est futurorum & absentium, fiducia rei praesentis, ut recte observavit Scal. g. exercit. 3. 14. 3. distinguuntur actibus; Actus fiduciae est confidere, quem Hebraei exprimunt per Shagham, Barach, & Calah. Actus spei est expectare, quem Hebraei exprimunt Jakal Kavah, & Casah. 4. spei opponitur desperatio, fiduciae diffidentia, alia discriminata praeterea, ex hisce differentiis constare potest quomodo recte distinguuntur actus horum affectuum qui tamen saepe iisdem vocibus designantur. Hisce sic positis, dico, fidem salutarem, id est fiduciae affectum recumbentem in Christum mediatorem seu redemptorem seu quod eodem recidit in Christum quia *λύτρον* seu satisfactionem praestantem, esse actum illum quo Christus ut redemptor. & ejus *λύτρον*, & satisfactio nobis applicatur & appropriantur. Est enim objectum hujus fiduciae, ut causa efficiens meritoria persona Christi quae Mediator, ut causa materialis Christi *λύτρον* satisfactio seu meritum id quod vel inde probatur. Illud est objectum fides iustificantis, ex cujus applicatione formaliter iusti constituimur coram tribunali divino. At Christi iustitia, & satisfactione, & merito applicatis, formaliter iusti coram tribunali Dei constituimur ergo Christi iustitia & satisfactio sunt objectum fidei iustificantis.

Major patet, ex eo quod fides iustificans est illa quae applicat iustitiam quae iusti efficiuntur, Minor patet ex plurimis scripturae testimoniis in quibus asseritur, nos iustificari, iustitia Dei, obedientia Christi, sanguine Christi, fide in sanguine Christi, morte Christi, aliena scilicet iustitia sed nobis imputata, atque hinc patet nos non formaliter iustificari applicando promissionem Evangelii in speciali, quia promissio Evangelii in speciali non est formalis causa justificationis, neque enim Deus promissionem Evangelii in speciali nobis imputat ad iustitiam; dicendum tamen assensum generalem promissioni Evangelii esse radicem fidei iustificantis, atque adeo justificationis, & applicationem specialem promissionis evangelii esse effectum fidei iustificantis, ut supra monuimus. Idem esto iudicium de speciali misericordia quae nihil differt a speciali applicatione promissionis. Idem etiam sentiendum de applicatione beneficiorum partorum morte Christi, qualia sunt iustificatio, remissio peccatorum; Idem etiam de persuasionem specialem de remissione peccatorum. Illud tamen adjiciendum, subjectum hujus fiduciae, seu fidei salutaris non esse nisi cor contritum, spiritum contribulatum, sub insitae pravitate & rebellionis onere ingemiscens, irae divinae ob peccatum conscium, iustitiam & meritum proprium penitus abdicantem cor sic contritum confugit ad Christum, illi se totum applicat, in ejus merito conquiescit; praerequitur igitur vera poenitentia in persona iustificanda ad preparationem subjecti, ad applicationem tamen objecti, Christi scilicet & ejus meritorum, unicum organum & instrumentum immediatum est fides hac salutaris.

Hanc sententiam nostram optime exprimit Bernardus, Sermon. 22. in Cantica. quisquis pro peccatis compunctus, esurit & sitit iustitiam, credat in eum qui iustificat impium, & per solam fidem iustificatus, pacem habebit apud Deum.

Hisce ita explicatis, sententia nostra confirmatur ex eo quod juxta Scripturas satisfactio & meritum Christi non alio instrumento ex parte iustificati applicatur, quam hac fide salutari.

Apostolus ait, obedientia unius multos constitui iustos, & nos habere Redemptionem per sanguinem ipsius, & Apostolus Joannes sanguis Christi purgat nos ab omni peccato; sed non sanguis quia Deo in *λύτρον* oblatas, sed quia nobis applicatus, nobis appropriatus, idque non aliter fit quam fide seu fiducia hac salutari, sic Apostolus ad Romanos, cap. 3. 25. Quem Deus proposuit placamentum per fidem in sanguine suo. Christus ergo propositus est in placamentum, sed quomodo per fidem recumbentem

bentem in sanguine ejus; hanc nostram sententiam optime etiam explicant veteres agendæ quæ usurpari solebant in visitatione infirmorum, unam tantum proferam ex formula quam dicitur Anselmus Cantuariensis composuisse, quæ operi ejus epistolarum manuscripto inserta reperitur. In illa formula quomodo à Cassandro edita est. Hæc interrogatio & responsio extat, credis te non posse nisi per ipsius (Christi scilicet) mortem salvari. Resp. Infirmitas, etiam, tum subjungit Sacerdos; Age ergo dum superest in te anima, in hac sola morte fiduciam tuam constitue, in nulla alia re fiduciam habe, huius morti te totum committe, hac sola te totum contege, totum immisce te in hac morte, totum confige, hac morte te totum involve, en quam emphatice, & diversimodo, vim & virtutem appropriativam fidei salutaris exprimit. Et si Dominus Deus te voluerit judicare, dic, Domine, mortem Domini nostri Jesu Christi obijcio inter me & tuum iudicium; Aliter tecum non contendo. Et si tibi dixerit, quia peccator es, dic, Domine, mortem Domini nostri Jesu Christi pono inter me & mea peccata; si dixerit tibi, quod meruisti damnationem, dic, Domine, mortem Domini nostri Jesu Christi obtendo, inter me & mala merita mea, ipsiusque meritum offero pro merito, quod ego debuissim habere, non habeo. Huic liceat adjicere aliud testimonium alterius Episcopi Angli Joannis Fisherii quondam Reginalis Collegii præsidis, deinde Episcopi Rossensis, qui hanc Cathedralam D. Margaretæ Lecturæ dicatam, primus occupavit, qui ex fundatione ejusdem D. Margaretæ primus Lector ejusdem Lecturæ creatus & ordinatus est. In insigni opusculo de fiducia & misericordia Dei à Cassandro primum edito Colonæ 1556, quod Sixtus Senensis in præfatione, seu Bibliothecæ falsissime Bucero inscribit, & pessima fide in nupera sublata editione Colonienfi operum istius Rossensis omittitur. Is nostram thesım ubique in isto libello asserit, unum tantum locum producam, Duodecimum axiomatis sic habet, fiducia igitur nostra in Christum esse debet, per cujus merita salutem resipiscētibz Pater daturus est gratis, Neque enim ob indulgentiam nostram fidendum est, sed ob unius Jesu Christi merita. In cujus explicatione hæc habet; prima ratio salutis nostræ, fides est in Christum, sine qua ni' il agitur, & per quam assequimur omnia, modo viva sit: & à malis operibus abstinere, pariter & bonis, quum opportunitas data fuerit, propter Christum insudare, constituerimus. Hæc sola fides est quæ justificat: Atque ideo Paulus fidem vocat ejusmodi quæ per dilectionem operatur. Quisquis enim nova secum constitutâ vitâ, verè sentit se conversum à peccatis ad Christum, spem suam omnem reponens in ipsum, is verè justificatus est etiam nondum habuerit opera. Quod si quis habuerit opera, non illis fidendum est, sed iudicium operum suorum Deo permittat omnino, nam quo minus ipsi nostra probaverimus opera, tanto futuri sumus acceptiores Deo, tantoque chariores habendi prorsus, periculum certè non exiguum est ad opera spectare: nam si mala sint inde mox oritur desperationis occasio, sin bona fuerint, facile nobis ob ea placentes: per inanem gloriam amittimus quicquid erat in iis meriti. Quare tutissimum est ut sive adsint, sive non adsint, tota nostra spes in Christum feratur, qui gratis unumquemque salvat.

Plura non addam, memor temporis.

Supereſt jam (Auditores spectatissimi) ut vobis qui tantâ frequentia huc confluxistis gratias condignas persolvamus, qui Almae Matris Comitibus anniversaria, honoris theatrum amplissimum solita vestra præsentia cohonestare dignati estis, imprimis verò quod certantibus in pulvere Theologico aures attentas & benignas accommodastis: Hæc scilicet erat majorum nostrorum summa prudentia, ut solennes disputationes in omni scientiarum genere hisce vespertiis haberentur; ut viris doctis in hoc theatro publici honores & gradus decernerentur non tamen absque suæ virtutis in hoc certandi genere prævio specimine, ut horum exemplo alii ad similia studia incenderentur. Horum omnium vos testes, imò iudices estis, annuente & decernente iò indulgentissima Matre Academia, quæ non parum letatur anniversario huius celeberrimæ coronæ conspectu. Accedat tantum candor & æquanimitas vestra, & Almae Matri anniversaria sua Comitibus celebranti omnia fausta & felicia præcatumini.

Tempus jam monet ut recepti canamus (Ornatissime & Doctissime st. Tua mihi diu comperta & erga Deum pietas & morum probitas, & eruditio insignis efficiunt, ut non possim non serio tibi gratulari de hodiernis tuis laboribus tam præclare susceptis

susceptis tam feliciter transactis. Maſte tua virtute, & eruditione ſingulari cujus egregia ſpecimina hodierno tuo cum tot veteranis congreſſu tum antehac tam concionando quam diſputando Almae Matri Academiae exhibuiſti, edidiſti. Reſtat horum laborum praeſtium craſtino die (decernente venerando patre) reportandum. Te ex hac palaeſtra poſt tot tam fortiter exantlatos labores dimittimus, liberamus.

Te autem Reverende Pater nos omnes merito beatum praedicamus, qui Filios tali ingenio praeditos quotannis in hoc Theatro exhibes. Tu itidem nos omnes beare ſolles ſalutaribus iſtis praecipis & monitis, quibus filios tuos doces, inſtruis, ad omnia Theologiae munia inſtituis. Tibi in hoc ampliffimo theatro gratias promeritas referimus, honoresque tot tantisque anniverſariis laboribus debitos mandamus, decernimus.

Vobis etiam Graviffimi Viri eſt quod gratias agamus pro veſtris in hoc pulvere Theologico laboribus ſusceptis: qui veſtris velitationibus, inſtituitis in Theologia inceptores qua ratione cum hoſte vero ſiquando opus fuerit in hac arena congregiendum ſit. Vos igitur meritis veſtris honoribus affectos dimittimus.

Jam accedo ad te venerande Pater cujus partes nunc proxima agenda ſunt, Tuum eſt pro ea qua maxime poſſes facultate, facultatem tuam Sacroſanctam Theologiam, ſcientiarum principem ſuis meritis laudibus apud hanc ampliffimam coronam, ornare, ejus latifundia per luſtrare. filios inſtituere, & eorum aliquem in hanc arenam educere, & ſi qua alia munia tibi obeunda ſint quae dum Tu pro more hujus loci & temporis praefiteris, nos aures benignas & attentas accommodabimus.

Aequum eſt Venerande Pater, ut tibi jam indulgeas. [Vir graviffimi jam in proſpectu ſunt, filium tuum adoritum. Eſto tu jam ſpectator filii tui in hoc certandi genere peritiae.

Fidelis certus esse potest de remissione peccatorum certitudine fidei.

Oratio-Catholici docent extra casum specialis, & quidem extraordinarie revelationis, neminem illum certitudinis gradum cui nullo modo possit subesse falsum attingere aliquando: sed homines iustificatos de sua iustitia ordinariè certos esse sola conjecturali certitudine, quæ anxietatem omnem excludat, quam certitudinem spei appellant, quæ opinionis est potius quam fidei; nullo autem modo certitudine fidei, aut ejusmodi signis indubitatis, quæ formidinem contrarii expellant.

Nos asserimus 1. Quemlibet verè fidelem certum esse posse indubitato & esse aliquando, se peccatorum indulgentiam consecutum. 2. Hanc certitudinem non semper omnem formidinem contrarii, imò nec omnem anxietatem excludere, præsertim in prima conversione, aut tempore tentationis. 3. Aliquando hanc certitudinem de adepti & accepta peccatorum indulgentia, in fideli talem ac tantam esse, ut omnem scrupulum eximat, omnem formidinem contrarii excludat; nimirum in seriis fidei & pænitentiae exercitiis, præsertim post devictam gravem tentationem. 4. Ordinariè licet non omni momento cordibus fidelium tantam vigere certitudinem de impetrata peccatorum remissione, quæ omnem anxietatem & frequentes dubitationes actu excludat, licet non actu semper omnem scrupulum, aut contrarii suspensionem. In eorundem tamen cordibus post diuturnos in pietatis palaestra & curriculo exantlatos labores, formidine consumpta quandam jam de præsumptione veniæ nasci securitatem ut devotissimè Gregorius. 5. Nasci hanc dictam certitudinem tum ex vera cordis confirmatione una cum novæ vitæ proposito, tum ex fide viva in Christum Mediatorem, tum ex hujus vivæ fidei indicis minime fallacibus & fructibus, quæ omnia indubitatis experimentis in sese sentit, ac per ista fidelem ordinariè & infallibiter certum esse per temporum intervalla de remissione peccatorum & propria justificatione, idque certitudine fidei, licet non Catholicæ cujus objectum est generale & omnibus proponitur, specialis tamen, cujus objectum speciale est, & fidei tantum proponitur, estque dicenda conclusio fidei, saltem Mediatè; quia ordinariè nascitur illa certioratio mediatè, siquidem hujus conclusionis certitudo mihi peccata sunt remissa ex tali syllogismo, quem quisque fidelis tacitè apud se format, oritur.

Quicumque seriò pænitentiam agit, credit in Christum Med. aut diligit Deum & proximum, ei peccata sunt remissa; At ego seriò pænitentiam ago, ego credo in Christum Med. diligo Deum & proximum, ergo.

Major est vera & certa in se, quia in Scripturis revelata & certa est fidei, quia illi firmitè assentitur ut divinitus revelatæ certitudine fidei Catholicæ. Minor etiam est vera in se, cum actus iste à me præstetur, & mihi certa est, quando actu reflexo exterior & intus sentio certò me hunc actum elicere, idque certitudine indubitatæ experientie. Idem enim. S. Sanctus qui indit donum pænitentiae, fidei, dilectionis, simul etiam sensum horum donorum indit, & talem cui nunquam subesse falsum possit, cum sit Spiritus veritatis. Quemadmodum enim sensus visus non alio indiget lumine ad videndum lumen per quod videt alia, quam ipsomet lumine per quod lumen quoque apprehenditur, eodem modo contingit in lumine gratiæ, ipsum lumen gratiæ sufficit ad sui manifestationem.

festatione sine alio novo lumine. Ex istis duabus præmissis tam indubitatis nascitur conclusio æquè indubitata, mihi remissa sunt peccata, de quo certus esse possit fidelis certitudine fidei modo explicato.

Hac explicatione præmissa duo mihi demonstranda sunt.

1. Posse hominem fidelem, certò, indubitato & infallibiliter certum esse de remissione peccatorum.
2. Hanc indubitatam certitudinem rectè dici certitudinem fidei.

Ut aliquando aut fallant, aut confundant.

Quod ad 1. attinet dico hominem fidelem indubitanter certum esse posse de remissione peccatorum. Ubi tamen ad memoriam revocandum quod supramonui S. Sanctum ordinari: non solere nos immediate de peccatorum remissione & statu gratiæ certiorare, sed Mediàtè (i.) vel ex a

- Antecedaneis, quales sunt in primis gratiæ fidei.
- ris conditiones, actus pœnitentiæ nimirum & fidei.
- Succedaneis, quales sunt conversionis fructus, in primis spei & charitatis opera.

Si enim certis & minimè fallacibus experimentis certiorari possunt fideles se hosce actus elicere, certi itidem esse possunt de peccatorum remissione. Sic ergo 1. argumentor Homo fidelis absque extraordinaria revelatione potest esse infallibiliter certus, quod verè doleat de peccatis, quod sincerè credat in Christum Med. quod Deum diligat amore supernali, & ita de reliquis, ergo potest esse infallibiliter certus de remissione peccatorum. Consequentia certissima est, ut quæ nititur hac propositione, quicunque ordinariè infallibiliter certus est de veritate suæ fidei & pœnitentiæ, de dilectionis sinceritate, ille itidem infallibiliter certus esse potest de remissione peccatorum. Atque hoc Jesuitæ ultrò largiuntur. Antecedens ergo Probatum 1. ex eo quod Scriptura sumit hoc pro confesso 2. ad Corinth. 13. 5. Vosmetipsos tentate an sitis in fide, vosmetipsos probate, annon cognoscitis, quia Christus in vobis est nisi fortè reprobis estis. Similis locus occurrit, 1 Cor. 11. 28. probet igitur se unusquisque, atque ita de pane hoc sumat, & quæ sequuntur (i.) probet an veram fidem & pœnitentiam habeat, an fraterno charitatis affectu ad hanc mensam accedat, hisce enim instructus dignus est conviva, & sine his nihil profunt Sacramenta. Ut quid autem tam sedulo horretur Apostolus ut nos probemus, nisi certò d. judicare possemus & non per solam conjecturam, inter fidem & pœnitentiam sinceram & fucatam, inter amorem amicitiae, & amorem concupiscentiæ, inter charitatem & cupiditatem, inter spem incertam, & spem quæ non confundit. Alibi etiam Scriptura instat, ut corda nostra scrutemur, ut Thren. 3. 40 ut quid urgerent prophætæ tam accuratum scrutinium, si scrutando sola certitudo vel potius opinio conjecturalis acquiratur. II. Scriptura non tantum supponit fidelem certò perspectam esse suam fidem & pœnitentiam, sed & disertè affirmat. 1 Cor. 2. 12. Nos non accepimus spiritum mundi, sed spiritum qui est ex Deo, ut sciamus quæ Deus est nobis gratificatus. Ubi agit Apostolus non solum de scientia generali beneficiorum Dei. V. G. omnes credentes per Christum esse redemptos, vel omnes charitate præditos esse justos, sed de illa notitia in particulari, qua mihi perspecta est mea pœnitentia, mea fides, mea dilectio, Sic August. explicat Tract. 85. in Joan. sic Cajetanus in locum, & clarissimè Anselmus. Spiritum, qui est ex Deo accepimus, (i.) divinum quandam radium illuminantem nos, ut per eum sciamus beneficia quæ sunt nobis à Deo donata. Spir. enim Dei mentem, quam replet, illuminat. Sp. autem mundi exacerbat, & mox. Nos per Spir. ejus novimus, & dona ejus nos habere, & ab eo accepisse, quænam sint illa dona mox explicat, redemptionem, remissionem peccatorum, virtutum multiplicationem, & æternæ beatitudinis spem. Quid clarius? Sic Apostolus Joan. 1. Joan. 5. 13. scimus quod translati sumus à morte ad vitam quod diligimus fratres, ex certa scientia dilectionis inserit certam scientiam justificationis III. probatur antecedens ex effectis aliis succedaneis, quam in sese verè fideles experiuntur, ejusmodi sunt pax conscientiæ, gloriatio, spes, ad Rom. 5. 1. Justificati ex fi de pacem habemus apud Deum — & gloriamur sub spe gloriæ Dei, imò & gloriamur sub oppressionibus & hæc spes non confundit quod charitas Dei effusa sit in cordibus nostris per S. Sanctum qui datus est nobis. Quanta & argumentorum congeries? Si pax hæc conscientiæ; gloriatio fidelium sub spe gloriæ Dei, si gloriatio in afflictionibus,

si gloriatio in afflictionibus si spes Christianorum sola morali certitudine & conjecturis niterentur aliquando fallerent. At absit ut interna pax conscientiae, ut gaudium piorum spirituale & gloriatio, imo gloriatio in mediis afflictionibus, ut spes fundata in sensu amoris divini largiter in cordibus fidelium effusi, ut aliquando aut fallant aut confundant. Imo Apostolus disertè pronuntiat, spem hanc divini nunquam confundere ac pròinde huic fidelium spei nunquam subesse potest falsum. Idem dicendum de gratiarum actione ob acceptam remissionem peccatorum. Davides Ps. 103. sese excitat ad prædicationem beneficiorum Dei. Benedic anima mea Domino & ne obliviscaris omnium munerum ejus, qui propitius est omni iniquitati tuæ, qui sanat omnes infirmitates tuas. Ineptissime certè Davides, sese tam crebrò, tam confidenter excitaret ad celebrandum nomen Dei ob acceptam remissionem peccatorum, si de hoc beneficio accepto non habuisset nisi conjecturalem certitudinem, si huic tam solenni Divini nominis prædicationi, aliquando potuit subesse falsum.

Ob. At obijciunt Jesuitæ, fidelis indubitato cognoscere possit se hosce actus elicere, credendi, diligendi, sperandi, gloriandi & id genus alia quoad actus substantiam, non tamen posse certò dignoscere se credere, sperare, diligere ut oportet, & eo modo, quem Deus in Lege præscripsit.

Sol. R. in locis citatis non agi de sola substantia actuum, sed de modo etiam agendi. Certi fuerunt David, Paulus & alii Sancti sese non tantum hosce actus eliciuisse, sed etiam eo quo præscribitur modo, ex motivis & incitamentis requisitis, ex recta intentione circa debitum objectum, ad debitum finem, & si quid aliud sit quod ad debitum agendi modum desideretur, alioqui nunquam tam fiducialiter allegarent suam spem, fiduciam, dilectionem, gloriationem etiam in medijs afflictionibus. Act. 8. Eunuchus Catechumenus adlegitur in competentium numerum. Baptismum petit, respondet Philippus, Si credis toto corde, licet. Ut quid exigeret Philippus ab Eunuchò ut credat toto corde, si hoc certò & infallibiliter scire nequiret, & se credere & toto corde credere, & nisi tam modum quam actum scire potuisset.

Ob. At inquiunt, audax confidentia sese sæpenumero venditat pro fiducia sincera, dolor mundanus pro dolore secundum Deum, & amor concupiscentiæ pro amore amicitiae, ergo neminem infallibiliter discernere posse inter veram fidem & vanam præsumptionem, inter cupiditatem & charitatem.

R Sol. Hominem fidelem & verè contritum, posse certò & infallibiliter dignoscere inter fiduciam sinceram & hypocritam, utcunque hypocritæ fallantur, seseque inani præsumptione eludant. Neque enim si febricitans mel amarum judicaverit, ideo sanus non rectè & certò judicat, mel esse dulce. Nec si inops per somnium persuasus se thesaurum ingentem possidere fallitur. Ideò Cræsus aut Crassus non certo sibi persuadere possint se magnam pecuniæ vim repositam in loculis habere. Quin potius quemadmodum agnellus matris balatum à cæterarum ovium balatu optime distinguere novit, ita qui per veram fidem & poenitentiam in ovile Christi aggregantur, pastoris vocem & internum sibilum agnoscunt, & à mercenarij voce dignoscere norunt. Joan. 10. 4, 14. Et hoc est quod promittit Christus omnibus fidelibus, Apocal. 2. 7. Vincenti dabo Manna absconditum, & dabo illi calculum album, & in calculo novum nomen inscriptum, quod nemo scit, nisi qui accipit. & Joan. 3. 14. per hoc novimus eum habitare in nobis, nempe ex Spiritu quem nobis dedit. Huic nostræ sententiæ accedunt non solum antiqui Patres, sed & Scholastici non ignobiles Alexander Halensis. & Joan. Baconthorpius; & non pauci ex Tridentinis Patribus, in quibus erant Ambrosius Catharinus & Antonius Marinarius, Quod verò addunt Pontificij ejusmodi certitudinem niti posse ejusmodi signis quæ excludunt omnem anxietatem non tamen omnem formidinem contrarij. R. Nec nos arbitramur hanc certitudinem omnem contrarij formidinem semper excludere in ipsis fidelibus; nam & in illis de ipsis articulis fidei quos fide Catholica credunt sæpe oriuntur dubitat ones, neque fides Catholica. V. G. de mysterio sacrosanctæ & individue Trinitatis concepta omnem formidinem contrarij excludit, saltem non omni tempore. Ipsi Apostoli ad tempus de Christi resurrectione dubitarunt. Rectè ergo Scotus, fidem non excludere omnem dubitationem, sed dubitationem vincentem & trahentem in oppositum credibilis, ubi de fide Catholica agit, quod multò verius affirmari potest de fide speciali, de qua jam agitur. Atque

ita demonstravimus posse hominem fidelem, certò, indubitato & infallibiliter certum esse de remissione peccatorum. Hoc primum.

Restat secundum caput ut demonstremus hanc indubitatam certitudinem rectè dici certitudinem fidei. Id quod vel inde brevissimè demonstratur quod conclusio Syllogismi supra memorati est homogenea præmissis. Cum ergo Major dicti syllogismi; Quicumque credit in Christum Med. ei remissa sunt peccata, sit propositio quæ sola fide credenda proponitur. Minor autem, Ego credo in Christum Med. saltem quoad modum, non nisi irradiatione S. Sancti infallibiliter certa & vera dignoscitur, atque adeo fide. Conclusio ergo erit de fide & non nisi fide certò creditur. Quod si porro dixerimus Minoris veritatem, infallibili certo & evidenti etiam experimento dignoscitur, quoad actum tum quoad modum agendi, tamen adhuc verissimè diceretur, conclusionem esse propositionem de fide atque ita denominandam, idque hac ratione, quod conclusio semper sequitur deteriorem partem etiam quoad conditiones materiar, ut sit in conclusione quæ nascitur ex duabus præmissis, quarum altera est contingens, quæ necessario & est, & dicenda est contingens. Talis autem debilitas est inevidentia, quæ in Majore propositione cernitur. Nam licet propositiones de fide certiores sint, quam propositiones scientificæ, sunt tamen obscuriores & minus evidentes, atque eo nomine deteriores, quæ ratione conclusio erit inevidentior minore, ac proinde potius denominanda à Majore, quæ cum sit propositio de fide, itidem & conclusio erit propositio de fide. Tales propositiones de fide sunt etiam illæ (ex Romanensium sententia) quæ credunt illi, Hanc hostiam consecratam, vel hoc crucifixum *verum*, adoranda esse. Huic puero Baptizato remissum esse peccatum originale. Paulum Quintum habere infallibile judicium in definiendis fidei controversiis, & id genus alia. Sed hic finis esto. Atque ita concludo utramque Thesim esse orthodoxam & Verbo Dei consentaneam.

F

Infidelitas

Infidelitas negativa neminem damnat.

ER Infidelitatem intellige infidelitatem quā mysteria Fidei Catholicae non creduntur. Per Negativam infidelitatem intellige nudam fidei carentiam in eo cui fides Catholica vel non est annunciata, vel certe non sufficienter. Talis infidelitas est eorum qui vel de fide nihil audiverunt, ut Pagani; vel audiverunt quidem sed ita obiter ut mysteria fidei iis nondum sint ostensa esse evidenter credibilia.

Contradistinguitur hæc negativa infidelitas à { *Privativa.*
Positiva, seu Contraria.

Privativa, est carentia fidei in eo, Qui potuit ac debuit credere, sed non voluit, ut quando quis non vult audire verbum fidei, vel auditum sufficienterque propositum non vult acceptare.

Positiva, seu Contraria, est carentia fidei in eo, cui etsi fides sufficienter sit proposita, non vult tamen credere; sed vel expressè & formaliter negat aliquam propositionem ad fidem pertinentem, vel asserit errorem tali propositioni contrarium.

Illud etiam præmittendum, negativam infidelitatem non excludere aptitudinem ex parte subiecti, quomodo lapis dici potest infidelis; non posse habere fidem naturæ est hominis, inquit Augustinus. Sed quod respectu objecti fidei mysteriorum, homo se habet negativè, qui alioquin secundum suum statum capax est fidei. Sic negativè infideles sunt omnes Pagani, quibus non annunciat Evangelium.

Dicimus autem infidelitatem hanc negativam, [quā quis non credit fidem Catholicam, utpote quæ ei nunquam annunciata fuerit per præconium Evangelii, vel non sufficienter annunciata] est, neminem damnare, utpote quæ non sit veri nominis peccatum sed duntaxat peccati poena.

Probatur,

I. Ex dicto Servatoris, Joan. 15. 22. *Si non venissem & locutus fuisset iis, peccatum non haberent; nunc autem non habent quod prætendant peccato suo.* Qui locus intelligendus est de peccato infidelitatis, quod committebant Judæi eo tempore, quo tenebantur explicite credere illum esse Redemptorem mundi promissum, qui & Evangelii potenti prædicatione & patratiōe miraculorum & adimpletiōe prophetiarum sufficienter testatus est, se esse Christum promissum, simul etiam innuit eos qui istis mediis ad fidem amplexandum non incitabantur; hoc ipso quod vocati non sunt, novum reatum non incurrere, ac proinde non credendo non peccare. Unde Augustinus Epist. 105. enarrans hunc locum, ait ipsam ignorantiam in iis qui intelligere noluerunt sine dubitatione peccatum esse, in iis autem qui non potuerunt, poenam peccati esse. Innuens non esse veri nominis peccatum. Et *Quæst. 52, in Deuteronomio*. Quod si Christus neque venisset neque locutus fuisset Judæis, ipsi non haberent peccatum illud quo non crediderunt in eum. Tractatu item 89. in Joan. querens de his ad quos non venit Christus, nec locutus est iis [per se scil. vel per suos ministros] utrum haberent excusationem de suo peccato, respondet habere illos excusationem, non de omni peccato suo, sed de hoc peccato, quo in Christum non crediderunt.

Idem

Idem evincitur ex illo Apostoli ad Romanos 10. *Quomodo credens ei quem non audiverint? Quomodo autem audient absque predicante?* Ac si dicat, impossibile est: Ergo non tenentur credere Gentiles, ac per consequens purè non credendo non peccarunt. Idem Apostolus docet ad Rom 2. *Qui sine lege peccarunt; i. Lege aliqua scripta aut positiva; sine lege peribunt, i. & ipsi damnabuntur, non tamen ob Legem Moysi scriptam violatam, sed quòd legi in cordibus scriptæ sese non conformarunt.*

II. Accedant Rationes.

1. Deus neminem damnat nisi ob peccatum, id exigente iustitia divina, siquidem damnare est actus iustitiæ.

At infidelitas purè negativa non est peccatum. Siquidem nullius legis est prævaricatio, cujus transgressio reatum inducit.

Non Legis Naturalis, fides enim non præscribitur lege naturali, sed supernaturali: est enim fides non visorum, & eorum quæ rationem naturalem superant; nec absque divina revelatione innoscuntur.

Nec est violatio *ullius Legis Supernaturalis*; nam lex supernaturalis fidei non obligat saltè sub peccato, nisi eos quibus annuncietur & promulgatur. Non autem annuncietur lex fidei, nec verbum Evangelii omnibus omnino hominibus. Hinc Psalmista, Psalm. 147. *Annunciat verbum suum Jacob, iudicia & iustitias suas Israel, non fecit taliter omni nationi, & iudicia sua non manifestavit eis.*

Obijct. Dices, Præceptum credendi esse universale, omnesque obligare in commune, utpote latum omnibus; id quod ex promissione patet Evangelii, quæ facta est omnibus & singulis. *Sic Deus dilexit mundum* (inquit Servator) *ut Filium dederit unigenitum, ut quicumque* [scil. ex humano genere] *crediderit in eum non pereat sed habeat vitam æternam.*

Solut. Resp. Esto, præceptum Respiscite & credite Evangelio omnes obliget & universos homines; esto, præceptum illud universis hominibus sit annunciabile ex voluntate Dei, cum tamen de facto non omnibus annuncietur idque ex speciali Dei dispensatione, excusantur tales ignorantia invincibili, quò minus actus supernaturales exerceant circa objecta supernaturalia; ignorantia enim invincibilis hac ex parte meritò excusat. Non enim obligant positiva præcepta eos, quibus non promulgantur. Ac proinde talis, ut nullius obligationis potest habere cognitionem ita nec ullius prævaricationis potest sibi esse conficius. [Vid. *Puteanum*, in 12. q. 90. *Art. 4. Concl. 1.*]

2. Dantur innumeri qui nullo modo vitare possunt infidelitatem negativam. Omnes scilicet illi qui in extrema Barbarie nunquam quicquam de fide audiverunt, quales sunt Americani quàm plurimi, parvuli etiam quamdiu in tenera ætate agunt, item perpeui amentes. Ut autem aliquid imputetur homini ad culpam, id debet aliquo modo esse evitabile, voluntarium & cognitum. Cum igitur hisce omnibus fidei mysteria prorsus sint incognita, nec ullo modo moraliter loquendo cognosci possunt, sequitur fidei nescientiam in illis nec evitabilem, nec voluntariam, ac proinde minime culpabilem esse.

3. Plurimi Pagani in India tum Occidentali tum Orientali & Insulis adjacentibus nunquam audiverunt quicquam de Christo Redemptore, & reliquis fidei nostræ mysteriis, nec nunquam veniebat illis in mentem ejusmodi fidem esse, aut esse posse. Imò plurimi è simplicioribus nunquam quicquam suspicantur de ulla alia religione aut fide quàm de ea, quæ apud eos obtinet; ergo nunquam suspicari potuerunt fidem Christi de qua nihil unquam audiverunt, esse medium necessarium perducendi homines ad salutem, atque ita hæc ignorantia illis omnino fuit absolute invincibilis ac proinde prorsus inculpabilis.

Dices, Dari non posse ejusmodi infidelitatem negativam, siquidem non datur nisi ubi datur ignorantia invincibilis, ac non datur nec dari potest ignorantia invincibilis earum rerum, quarum cognitio est ad salutem necessaria. Ita enim Deus deesset quibusdam in necessariis ad salutem.

Hinc est quod quidam hanc seriem contextunt.

1. Deum quasi Lege statuta obligatum, ut bene utentibus talento naturæ, imperiatur talentum gratiæ.

2. Pro concessio sumunt quemlibet hominem Paganum etiam in umbra mortis sedentem, posse pro libertate voluntatis suæ bene aut malè uti hoc talento naturæ.

3. Volunt rectè utentes donis naturalibus, Deum dignari Evangelio & cognitione Christi illustrare, secus utentes, Evangelii lumine prorsus privare.

Hæc sunt *Corvini* contra Tilenum *somnia*, inaniter conficta, absque omni fundamento aut Scripturarum aut Antiquitatis.

At nosè contra negamus, 1. Ullam Dei Legem aut promissionem extare, qua aut statuit, aut promittit Deus se lumine naturali rectè utentem gratia supernaturali illuminaturum. Sic enim auxilium gratiæ dabitur secundum debitum & non secundum gratiam, nec erit donum gratiæ sed merces operum, atque ita gratia non erit gratia, argumentante Apostolo. *Si autem ex gratia jam non ex operibus, alioquin gratia non erit gratia.* Sequetur etiam gratiam Dei non prævenire voluntatem humanam, sed humanam voluntatem prævenire gratiam divinam, ac voluntatem esse Dominam, gratiam non nisi pedissequam.

Dicunt Deum hoc spondidisse, ubi ait, Habenti dabitur. At quis unquam alicui persuaserit Deum habenti in statu naturæ, per saltum promittere donum in statu gratiæ, & incredulorum diligentiae lucem fidei ut mercedem conferre. Nam quæ in re, & quo in genere, usus, in eodem incrementum promittitur. Est, Deus remuneret rectum usum naturalium, augmento bonorum naturalium, non tamen collatione supernaturalium. Hoc enim esset *metacalvum* *his to dñd ylv*. Perinde enim est, ac si quis dixerit Deum bene utenti honoribus promississe bonam valetudinem. Certum est naturale non habere ordinem causalitatis ad supernaturale, eo quod toto genere distant: nec unquam semen naturæ potest assurgere in fructum gratiæ.

Nec dici potest Christum meruisse, ut ejusmodi lex statuatur, nisi velimus Christum meruisse ut gratia ejus evacuetur & stabiliatur meritum humanum: siquidem hæc lege semel statuta gratia non erit gratia sed merces operum, quod est merè Pelagianum, & certè hæc assertio planè coincidit cum dogmate Pelagiano à veteri Ecclesia non semel Synodice expulso & damnato, *Gratiam Dei secundum merita nostra dari.*

2. Equè falsum est illud *secundum*, Quemlibet hominem Paganum in umbra mortis sedentem pro libertate voluntatis suæ, bene aut malè uti aut uti posse talento naturæ. Certè quemlibet malè posse uti talento naturæ nemini dubium esse potest; sed aut bene uti aliquando aut posse bene uti ex innata libertate, nemo Orthodoxus affirmavit unquam, aut jure affirmare potest. *Sine me nihil potestis facere*, inquit Servator. *Non sufficientes sumus ex nobis cogitare aliquid ex nobis quasi ex nobis, sed sufficientia nostra est ex Deo.* Figmentum cordis humani est malum omni tempore. *Arbor mala non potest fructus ferre bonos.* Rectè Prosper, Liberum arbitrium de sua habet mutabilitate singeleficat, de gratiæ autem opitulatione si proficit.

Certum est liberum arbitrium nondum à gratia liberatum, ita captivatum esse & servum peccato, ut homo lapsus solis naturæ viribus instructus, sine omni gratia habituali, vel saltem actuali, seu auxilio (ut loquitur Schola) speciali, nullum possit aut verum morale cognoscere, aut bonum morale facere, imò aliquid facere, quod non rectè peccatum nuncupetur: quomodo igitur potest talento naturæ rectè uti? Sic Ecclesia nostra A. 8. 13. suæ Confessionis, *Opera quæ sunt ante gratiam Christi & Spiritus ejus afflatum, Cum non sint facta ut Deus illa fieri voluit & præcepit, peccati rationem habere non dubitamus.* Cui conformiter Concil. Milevit. Can. 4. *Donum Dei est & scire quid facere debemus, & deligere ut faciamus.* Et Concil. Arausican. Can. 9. *Divini muneris est eum rectè cogitamus & pedem à falsitate & injustitia tenemus.* Et Can. 22. *Nemo habet de suo nisi mendacium & peccatum*

catum. Certo ergo certius est, neminem bene uti talento naturæ absque talento gratiæ divinæ.

3. Nec minus certum est, & ex præmissis consequenter inferitur, Legem dispensandi aut non dispensandi Evangelium & alia salutis media non petendam esse ex bono aut malo usu naturalium, sed in Dei vocantis aut non vocantis beneplacito. Ex sacris Literis satis constat lumen Evangelii affulsisse illis inopinantibus, qui lumine sive talento naturali pessimè abutebantur. Tales fuerunt Romani, Corinthii, Ephesii, quibus per Apostolos fax Evangelii accensa est, quando in cæno superstitionum & libidinum omnimodarum volutabantur. Illud etiam non minus constat, quamplurimis Evangelium nunquam fuisse revelatum, qui minùs improbe imò laudabiliter vixerunt.

Testor inter Græcos, Socratem, Platonem, Xenocratem; inter Romanos, Fabricium, Scipionem, Catonem, qui lumine naturæ præ cæteris hominibus bene usi fuerunt: nemo tamen horum Evangelicæ gratiæ idcirco particeps evasit. Liberatur pars hominum parte pereunt (inquit Author de vocat. Gent. 1. cap. 15.) & si hoc voluntatem meritis voluerimus adscribere, ut malos neglexisse gratia, bonos autem elegisse videatur, resistet nobis innumerabilium causa populorum, quibus per tot sæcula nulla cœlestis doctrinæ annunciatio coruscavit. Nec meliores fuisse eorum pastores possumus dicere, quibus scriptum est, *Gentium populus qui sedebat in tenebris, lucem videt magnam, & sedentibus in tenebris & umbra mortis lux orta est illis*——Non ergo meritis minorum tribuitur quòd non meruere Majores. Par enim impietas patres accusabat & filios.——Sed cur illorum non misertus & horum sit misertus Deus, quæ scientia comprehendere, aut quæ sapientia investigare potest.——Quid calumniatur justitiæ occultæ, qui gratias debemus misericordiæ manifestæ. Hæc Prosper.] Ex hisce patet dispensationem Evangelii & mediorum salutis fieri pro beneplacito voluntatis divinæ, non pro disparitate voluntatum humanarum & bono usu talenti naturæ.

Obtendunt hic alii mandatum de annunciando Evangelio esse universale, Marc. 16. *Prædicate Evangelium omni Creatura.* Quòd si aliter eveniat, evenire id ex incuria Ministrorum, ex neglectu aut contumacia Majorum, ex propria indignitate. Obtendunt alii situm Judææ in mundi medietullo, dispersionem Judæorum ubique populorum, & per eos & Apostolos famæ nominis Christiani passim per universum mundum celebritatem; ac proinde non dari aut dari potuisse, aut ignorantiam Christi invincibilem aut infidelitatem prorsus inculpabilem.

Sol. Resp. 1 Credibile esse nunquam de facto ad hæc usque tempora Evangelium annunciatum fuisse omnibus nationibus.

2. Certum esse quamplurimis omnium temporum populis inauditum fuisse tum nomen Christianum tum mysteria fidei.

3. Esto, aliquando ad populum aliquem infidelem pervenisse famam nominis Christiani & Evangelii Christi, tamen non tenetur Gentilis infidelis.

Universaliter auscultare cuilibet homini dicenti sibi; Audi me, nam te erudiam in principiis illius religionis qua ad salutem pervenire queas. Ratio est, quia Gentilis ille non habet aliud lumen quam naturale. Sed ratio non dicitur quemvis hominem esse audiendum circa doctrinam de religione aut cognitione Dei, ergo non tenebitur quemlibet audire. Nam pari ratione teneretur audire Hæreticum vel Judæum, aut alium Sectarium, qui sibi novam religionem prædicaret.

2. Quamvis Gentilis audiat explicitè Evangelium ab aliquo prædicatore verè Christiano non statim peccat infidelitatis peccatum si non credat nisi prædicator proferat testimonia quæ sunt apta & sufficiunt ad hominem convincendum esse credibile quod prædicatur, & vehementer persuadendum quod tenetur credere. Hinc Dominicus Bannes colligit quòd plurimi ex Occidentalibus Indis excusati fuerunt ab infidelitatis peccato quantum est ex parte prædicantium. Quo-

niam

niam illi homines (inquit) crudelissimi & avarissimi erant qui Evangelium prædicaverunt.

Imò, In 3. loco, Afferò, Etiam si idoneus prædicator ostendat evidenter Evangelium esse credibile, non sufficit ut statim Gentilis teneatur credere, nisi ostendatur tibi esse magis credibile, quam omnem aliam Sectam & Religionem circa cultum Dei veri. Quod probatur

1. Quia ex duobus credibilibus non tenetur homo credere illud quod est minus vel æqualiter credibile:

2. Quoniam pari ratione teneretur Gentilis recipere doctrinam Hæreticorum, aut Judæorum, quæ humanis rationibus tanquam probabilis potest persuaderi ei, qui Christi Catholicam Ecclesiam nunquam cognoverit.

Ex hisce patet aliquatenus, infidelitatem negativam neminem damnare.

Deus

Deus puniens personam conjunctam pro persona peccante jure suo utitur.

Ueritur hic de Justitia Dei, & quidem de Justitia Dei punitiva, de limitibus ejus, quousque se extendant & an extendi possint ad puniendum unum pro alterius delicto & quidem personam cum persona peccante aliquo modo conjunctam, pro persona peccante.

Potest autem persona una alteri conjungi, conjunctione vel

1. *Naturali*, qualis est inter patrem & filium.
2. *Politica*, qualis est inter Regem & subditos magistratum & populum.
3. *Voluntaria*, qualis est inter Reum & fidejussorem.

Queritur jam an Deus puniens personam, horum modorum uno aut pluribus cum persona peccante conjunctam, jure suo utatur, id est, an jure suo hoc facere possit, absque omni injuriæ suspitione, absque omni injustitiæ criminatione. Hoc ipsum affirmat Thesis proposita.

Hic præmittendum, Deum sic punientem spectari debere, ut Rectoris & Gubernatoris supremi, non autem ut Judicis subordinati sub lege constituti, partes agentem. Siquidem Judex ejusmodi ex legis præscripto omnino agere tenetur, nec quenuquam nocentem à pœna liberare potest, aut ejus pœnam in alteram, quamvis aliquo dictorum modorum, conjunctam personam transferre. Hæc enim leges prohibent, quarum ipse minister constituitur. Hoc optimè exprimit Lactantius [de ira Dei, cap. xix.] Judex peccatis veniam dare non potest, quia voluntati servit alienæ. Deus autem potest, qui est legis suæ ipse deceptor & Judex quam cum poneret, non utique sibi ademit omnem potestatem, sed habet ignoscendi licentiam.] Hæc ille, & alicubi Symmachus. Alia est conditio Magistratum quorum corruptæ videntur esse sententiæ, si sint legibus mitiores: alia Divorum principum potestas, quos decet acrimoniam severi juris inflectere.]

Hoc præmonito. Dicimus Thesis propositam optimè accommodari posse ad asserendam justitiam Dei vindicatricem, quæ in quamplurimis exemplis quorum Scripturæ meminerunt clarissimè elucet, quæ in judiciis Dei admirandis, quorum meminerunt tam profanæ literæ quam sacræ, dilucide cernitur, quæque in mundi gubernatione juxta providentiam Dei sapientissimam, omnibus temporibus sese prodere solet.

In singulis insistere, tempus non patietur. Date igitur veniam jure meo uti & hujus nostræ Thesis veritatem in primariis quibusdam exemplis, demonstrare & quidem primo inservit hæc Thesis stabiliendis duobus primariis Christianæ Religionis dogmatibus, quorum primum est de originali peccato; Alterum de Christi Servatoris satisfactione quorum utrumque labefectare conantur Novatores quidam. Et quidem

tionis

tionis. Ad cujus justitiam requiritur, ut Deus jure possit pacisci cum toto genere humano in persona *προσωπικῶν*, adeo ut ratione & virtute, ejus conjunctionis naturalis quæ intercessit inter Adamum & posteros ejus, possit Deus dare præceptum Adamo, obligans eum, non ut humanæ naturæ individuum, sed totius naturæ stipitem & principium; Atque adeo omnes posteros in persona ejus, hac lege ut ipso præceptum servante, posterius nascerentur in illa originali justitia, in qua primitus ipse conditus est. Ipso autem prævaricante, omnes qui ex eo deinceps nascerentur, peccato essent contaminati, imò ipso peccante totum genus humanum censeretur peccare. Hæc autem ordinatio divina de obligatione humani generis in Adami persona. 2. De imputatione prævaricationis ejus ad posteros. 3. De propagatione corruptelæ ejus in eosdem posteros. 4. De punitione posterorum propter Adæ peccatum, suum habet præcipuum fundamentum in Dominio Dei, æquitatis autem congruentiam habet in illa conjunctione naturali, quæ intercedit inter Adamum & posteros ejus. Unde Deus puniens personam conjunctam, id est, Adæ posteros in persona Adæ peccantes, jure suo hoc optimè facere potuit. Hinc est quod Apostolus agens de primo homine, Rom. 5.12. *In quo omnes (inquit) peccaverunt, ex quo loco rectè inferitur; nos omnes non solum nasci peccatores, sed aliquando peccavisse.* Idque idem Apostolus docet Rom 3. Cum ait, *Omnes peccaverunt, & egent gloria Dei.* Sed quia certum est neminem nostrum peccavisse propria voluntate, antequam nati essemus, ipso dicente Apostolo, ad Rom.9 ubi de Jacob & Esau dicitur, *Eos nondum quidquam boni aut mali egisse, quando matri eorum dictum est, major serviet minori,* sequitur nos peccavisse alienâ voluntate; id est, Adami, quæ tamen voluntas nisi fuisset aliquo modo totius naturæ, ac per hoc etiam nostræ, nullo modo vere peccavisse diceremur. Peccavimus igitur in primo homine, quando ille peccavit; & illa ejus prævaricatio nostra etiam prævaricatio fuit. Solus Adam actuali voluntate illud peccatum commisit, nobis vero communicatur per generationem eo modo, quo communicari potest id, quod transit, nimirum per imputationem; Omnibus enim imputatur qui ex Adamo nascuntur, quoniam omnes in lumbis Adami existentes, in eo & per eum peccavimus, cum ipse peccavit.

Obtundunt Remonstrantes, contra justitiam & æquitatem esse, ut quis reus agatur propter peccatum non suum ut verè nocens judicetur qui quoad propriam suam voluntatem innocens est, sive potius non nocens. Et hæc injustitia tanto major est, quanto poena, quæ ex imputatione illa sequitur, gravior est. Summa itaque injustitia est, si poena quæ imputatur, sit æterni sensus poena.

Sol. Respondeo, Cum hic dicatur, contra justitiam & æquitatem esse, ut quis reus agatur propter peccatum non suum, hic falsum supponitur, peccatum Adæ non esse suum cujusque peccatum. Cum enim Adamus in fructu vetito comedendo nostræ cogitationi non sistendus sit, ut humanæ naturæ individuum, sed ut totius humanæ naturæ principium & origo à quo, seminali ratione totum genus humanum propagandum erat, & in quo originaliter continebatur, Cumque Deus Adamo sic considerato justè mandatum dare potuerit & de facto dederit, de non comedendo de fructu arboris vetitæ, & quidem hac lege, ut si ille prout optimè potuit, cum in statu innocentie originali justitiæ præditus, conditus esset, & supposito mandato, jure debuit, mandato dicto in abstinendo obtemperaret, tum posterius ejus omnes in innocentia & justitia originali nascerentur. Sin minùs, eo mandatum hoc tam facile prævaricante & peccante, tota humana natura & soboles ab eo oriunda censeretur peccare. Quis non videt, Adami peccatum hisce rite perpenfis, justè suum cujusque peccatum & censi debere & esse.

In unoquoque corpore, sive sit Physicum, sive Politicum, sive mysticum, id quod facit caput, quia caput, hoc toti corpori, jure imputatur. Facta Magistratus, toti Reipublicæ, facta patrisfamilias toti familiæ, jure imputantur, sive jussor pro Reo merito punitur.

In lege civili justissimè statuitur ob crimen læsæ Majestatis etiam liberos puniendos l. 5. c. ad l. Jul. Majestatis. Cum ergo Adamus à Deo omnium Domino totius humani generis caput constitutum fuerit, & nos omnes illius membra; Ille ut pater nos ut filii, cur non merito peccatum in obedientia quod ille ut caput & pater com-

commisit nobis membris & posteris ejus non imputabitur? Apostolus pronunciat tribum Leviticam lumbis Abrahami inclusam, decimas persolvisse Melchisedecho, Heb. 7.9. Cur non pari jure, nos Adami posteris, in lumbis Adæ peccantis inclusi, illius peccati rei non merito censebimur? Aut cur Deus, hic puniens personam conjunctam pro persona peccante, hac in re jure suo non ulus fuisse existimabitur? Hinc indubitatò pronuntiandum est, nullam futuram in Deo iniquitatem, si non solum aliquibus, sed etiam omnibus, media salutis negaret. Hinc August. de bono Persev. cap. 8. Non sumus ingrati, quòd tam multos liberat misericors Deus de tam debita perditione, ut si inde neminem liberaret non esset injustus. Et Prosper in Epistola ad Rufinum; Omnibus in Adæ prævaricatione prostratis, nisi quoddam assumeret misericors gratia, maneret super universos inculpa justitia.

Secundò dicimus, In hac Thesi fundamentum habet Satisfactio Christi pro peccatis humani generis Deo patri præstita, ut justitiæ ejus vindicatrici satisfiat.

Hujus satisfactionis æquitas variis modis demonstrari potest. Siquidem persona satisfaciens non uno modo personæ peccanti conjuncta est. Nam 1. est persona nobis conjuncta per susceptionem humanæ naturæ, in qua natura expiavit peccatum totius naturæ humanæ, subeundo poenam nostris peccatis debitam; ut autem subiret hanc poenam, æquum fuit ut nobis in natura conjungeretur, naturam passibilem assumpsit, ut pateretur humanam autem, ut ex æquo pateretur; natura enim quæ liberanda erat itidem erat suscipienda. Hinc est quod Apostolus habet, quod Angelos non assumpsit sed semen Abraham, Hebr. 2.14.

2. Christus est persona nobis conjuncta quatenus sponte sistingebat se fidejussorem & sponsorem pro nobis. Siquidem in se suscepit peccatorum totius mundi reatum, & obligationem pro eis satisfaciendi. Diros cruciatus tum animi tum corporis pro nobis passus est, & tandem mortem acerbam, eruentam, ignominiosam, & maledictam; sic Propheta, Isai 53.4. *Verè languores nostros tulit, & dolores nostros ipse portavit*; ver. 5. *Ipse vulneratus est propter scelera nostra*. — *Livore ejus sanati sumus*: ver. 6. *Posuit Dominus in eo iniquitatem omnium nostrum*: ver. 8. *Propter scelus populi mei percussus est*.] In Scripturis Christo tribuitur munus Redemptoris. Redimere est proprie captivum è manibus illius qui eum detinet, pretio soluto liberare. Christus nos captivos, id est, Reos iræ Dei propter peccata, & Satanz mancipatos, ab ira Dei atque potestate Satanz sub qua detinebamur, & mortis suæ liberavit, tanquam vero pretio pro nobis soluto. Hinc 1 Tim 2.6. Christus dicitur dedisse seipsum *ad liberandum* pro omnibus. Redimuntur autem vel liberantur captivi è servitute, interdum gratuita remissione, interdum permutatione, interdum violenta ablatione. Sed noluit Deus hisce modis liberationem nostram fieri, sed eo qui sit per modum justitiæ, soluto justo pretio per Redemptorem nostrum Christum. Sed quo dato pretio nos redemit? *Non auro & argento, sed pretioso suo sanguine*, 1 Pet. 1.18. Satisfecit ergo suo sanguine Christus sponsor & fidejussor noster. Sponsor autem & debitor sunt interpretatione juris una persona. Deus ergo puniens hanc personam conjunctam pro nobis peccatoribus, jure suo utitur, imò optime utitur absque omni injustitiæ criminatione.

3. Christus est persona conjuncta per mysticam unionem quæ facti sumus membra ejus corporis cujus ipse est caput. Non alius qui forisfecit, alius qui satisfecit, quia caput & corpus unus est Christus, ut scite Bernardus. Cum autem tot modis sit Christus nobis conjunctus, Deus puniens hanc personam conjunctam, pro nobis peccantibus, jure suo optime utitur.

Quid ad hæc Faustus Sosinus? ait inter nocentem, & eum qui puniatur conjunctionem aliquam esse debere, quum agnoscit inter patrem & filium, inter Christum autem & nos, non agnoscit.

Sol. At quis non novit naturalem esse cognationem & conjunctionem inter omnes homines? carnem autem nostram à Christo susceptam, negare non audeat. Porro inter Reum & fidejussorem conjunctionem esse legalem supra accepimus, atque adeo arctam ut interpretatione juris una persona censeantur. Christum autem sponsorem nostrum fuisse è Scripturis evicimus, onus satisfaciendi pro nobis in se suscepisse, debita nostra Deo usque ad assem persolvisse. Nonne Deus puniens personam dicto modo

conjunctam, pro nobis peccatoribus, jure suo hoc facere potest, illa sua justitia? Sed addo longe arctiorem conjunctionem inter Christum & nos intercessisse. Siquidem designatus erat à Deo, ut caput esset corporis cujus nos sumus membra. Socinus autem perperam, eam conjunctionem qua ad poenas alteri ob alterius peccata irrogandas sufficiat, ad carnem solam restringi vult, cum tamen conjunctio mystica & civilis vim non minorem hinc habeat, quod in exemplo Regis & Populi satis apparet. Ob factum Davidis 70 millia Israelitarum peste perierant, ut mittam alia exempla.

Sed & ista Thesis non solum inservit, dictis fidei dogmatibus ab omni injustitiæ suspensionibus vindicandis: sed etiam æquitati justitiæ divinæ asserendæ, in puniendis filiis pro delictis parentum, & subditis pro delictis principum, & id genus alia, quorum sacræ Scripturæ & profana Historia meminerunt, ubi nonnulla præmonita velim.

1^o Ut Patrum & reliquorum cum aliis conjunctorum peccata puniantur in aliis personis, poenis spiritualibus ad animum spectantibus, æquum est, ut personæ puniendæ participes sint peccatorum patrum, ut in 2^o præcepto Decalogi habetur, ubi Deus ait se visitaturum iniquitatem patrum in filios, in tertiam & quartam generationem eorum qui oderunt me; signanter dicitur, *eorum qui oderunt me*, annotante Augustino in Psal. 108. ubi odium hoc refert tum ad patres tum ad liberos, qui parentum impietatem & odium in Deum, sequuntur.

2^o Si filii non imitentur ipsum patris peccatum, tamen ut puniantur propter patris peccatum poenis spiritualibus, æquum est ut filii puniti sint in aliquo genere peccatores, quo casu Deus respicit proprium peccatum filii puniti, ut veram causam istius poenæ; patris autem peccatum non nisi ut justam occasionem.

3^o Deus potest punire personam conjunctam poenis spiritualibus præcedentis & præviis ad temporales & æternas, & ad eas ducentibus, puta abnepotem, denegando ei evangelii prædicationem, Verbum & Sacramenta, atq; adeo omne auxilium supernaturale ad convertendum, ob contemptum abavi, Evangelium oblatum repudiantis & contemnentis, idq; optimo jure suo. Hinc est quod Deus passim in Scripturis comminatur, se non misurum prædicatores propter scelera Regum, Sacerdotum, Populi; imò suberacturum omnia externa salutis media & auxilia posteris. Hanc poenam minatur Dominus, Matth. 21. cum ait *Auferatur à vobis Regnum Dei, & dabitur genti facienti fructum ejus*. Et Amosi 8. *Hæc dies vultis, dicit Dominus, ut mittam famem in terram, non famem panis, neq; sitim aquæ, sed audiendi verbum Dei*. Hinc est quod Infidelitas negativa, quæ quamvis peccatum non sit est tamen poena peccati, tam late regnat in orbe terrarum, ut supputante Doctissimo Breerwood, novendeceim partes populorum ex triginta orbem terrarum incolentium hodierno die, de Christi evangelio nunquam audiverunt.

4^o In transferendis peccati poenis temporalibus in personas conjunctas, jure potest Deus punire filium innocentem pro patre nocente; filius siquidem est pars patris, sic ob factum Saulis suspensi sunt filii ejus & nepotes, qui omnino erant innocentes quoad illud Saulis peccatum propter quod puniebantur, 2 Sam. 21. 8, 14. In ejusmodi poenis subeundis, filius se habet materialiter tantum ut pars alterius, non personaliter aut formaliter ut peccator.

Deum hoc jure suo posse uti patet 1^o In remissione peccati quoad patrem & in imputatione & punitione ejusdem peccati quoad posteros. Sic Adamo remissum fuit peccatum, propter quod multi ex posteris ejus damnati. 2^o Pater impenitens potest eximi à poenis temporalibus peccato suo debitis, & eadem poenæ possunt differri & in posteros transferri, ut patet in exemplo Achab, 1 Reg. 21. 29.

Hunc justitiæ divinæ processum imitantur leges humanæ & jus omnium gentium.

Infinita exempla suppeditant Gentilium scripta.

1^o Jure punitivæ justitiæ ob crimen læsæ Majestatis filii perductionum hæreditate & honoribus multantur.


2^o Jure Belli subditi innocentes & spoliantur & trucidantur, quæ sunt subditi principis qui justam belli causam dederit.

3^o Jure Gentium licebat patri vendere filium suum in servum. Certum est ubi consensus aliquis antecedit, omnium gentium consensu, unum ob alterius delictum juste puniri potest quicquid in contrarium Söcius dicat. Ostendit hoc, jus occidendorum obsidum apud humanissimos etiam populos usitatum. Thessali olim ducentos quinquaginta obsides interfecerunt, narrante Plutarcho. Romani Volscos trecentos securi percusserunt, Authore Livio. Sic in capitalibus judiciis, Vades capite plecti solebant, si rei se non sisterent, unde Græcis ἀντὶ προσώπων appellantur.

Porro nemo unquam injustam existimavit decimationem usitatam in Romanis Legionibus, ubi is qui deliquit, & cui posset ignosci, non minus quam alteri, punitur non pro suo tantum, sed pro omnium delicto. Nemo unquam injustum putavit, si suprema potestate legem relaxante, vir aliquis Reipub. utilis, sed ob culpam exilium meritis, retineatur in Republica, alio tamen sponte sua se ad exilium obligante, ut exemplo satisfiat. Nemo injustum putat, si Reipub. summus Rector, honores quibus sustinendis alii æquæ pares reperiuntur, perduellium liberis, alioqui non indignis, negat.

Nihil profecto hic iniqui. Nam in prima facti specie, delictum punitum proprium, in secunda consensus validus ejus, cujus res agitur. In tertia, Rectoris libertas permittebat id fieri, quo Rector in penam utitur.

Plura non addo. Concludo, Deum punientem, personam conjunctam pro persona peccante, jure suo uti.



Sacramenta non ponentibus obicem conferunt gratiam.

Hec agit de Sacramentorum efficacia in gratia conferenda, & de personis quibus gratiam conferunt, per Sacramenta intellige (deficiente parvo Catechismo) externa & visibilia signa spiritualis & internae gratiae nobis collatae, à Christo instituta ut media quibus illam recipimus & pignora de ipsius receptione certiorantia. Sunt autem ex Ecclesiae nostrae recepta sententia, non nisi duo, Baptismus & sacrosancta Eucharistia.

Per gratiam intellige gratiam salutarem, sive justificationis seu remissionis peccatorum, sive etiam habitualem & renovantem, quae gratia Sanctificationis dici solet.

Sacramenta ista [quae signa efficacia appellat Articulus noster 25.] conferre gratiam dicimus.

Conferre autem tum } Porrigendo, Praebendo, Exhibendo.
 } Obignando ex Dei gratia recepta certum,

Quod ad modum collationis attinet, monendum, dici posse Sacramenta conferre gratiam bifariam; ut causas instrumentales

vel } Physicas.
 } Morales.

Nos non dicimus Sacramenta conferre gratiam per ullam illis inditam aut vim aut qualitatem, sive naturalem sive supernaturalem, quod est gratiam conferre per modum causae Physicae, sed dicuntur ex nostrae Ecclesiae sententia, efficacia gratiae signa, quia divina virtus hisce Sacramentis ad producendum gratiae effectum, certo & infallibiliter ex tenore foederis & Christi promissione assistit, ut *viz.* rationem habeant causae sine qua non, vel potius causae instrumentalis. generaliter dictae, instrumentum morale vocant: Quomodo (dicente Bernardo) confertur Canonicatus per dationem libri, Abbatis praefectura per baculum, Episcopatus per anulum, quomodo de consensu contrahentium per traditionem authentici instrumenti confertur hereditas, quomodo etiam ex nummo uno fit arrha quae valet ad solutionem mille nummorum, sic ex pacto & conventionione inter Deum & hominem ad dignam Sacramentorum perceptionem gratia divina confertur, & caelestis hereditatis arrha, quae est sententia non nostrae duntaxat Ecclesiae, sed & primorum Romanensium tum veterum, Halensis, Gandavenis, Bonaventurae, Scoti; tum etiam multorum recentium, F. Victoriae, Cani, Vasquesii, quorum sententia fatentibus Dominico Soto & Gregorio de Valentia parum distat ab haereticorum sententia, sic nostrae Ecclesiae Theologos falso indignant.

Dicimus Sacramenta dicta conferre gratiam dicto modo non ponentibus (i.) omnibus non ponentibus obicem: quod ut rectius intelligatur praemittendum quid sit obex. Hanc vocem ex Augustino arripuerunt Scholastici, qui Epist. 23. ait Parvulum Sacramentum fidei salubriter percipere si fidei obicem contrariae cogitationis

non

non opponat; puta actus infidelitatis aut contemptus aut etiam supina negligentia. Scholastici eum secuti per obicem intelligunt peccatum mortale repugnans gratiæ salutari, sive non consensum seu dissentium, non apertionem sive clausionem cordis humani cum gratia offertur, explicante Bradwardino de causa Dei, lib. 2. c. 32.

Cum ergo dicimus Sacramenta conferre gratiam non ponentibus obicem, non dicimus Sacramenta conferre gratiam absolute cuivis suscipienti, cum homines indifpositi ac indigni non sunt idonea subjecta nec pro illo statu capaces divinæ gratiæ. Ergo hæc collatio gratiæ per Sacramenta necesse est ut sit saltem conditionata, & ex certa lege, non potuit autem convenientior conditio poni quam si in suscipiente non reperiatur obex (i.) aliquid divinæ gratiæ repugnans.

Poni autem potest obex peccando bifariam; vel } Peccatum committendo.
Omittendo debitum officium
quod potest & debet præstari.

Unde intelligi potest quid sit non ponere obicem cum de Sacramentis agitur.

- | | | |
|---|---|--|
| Homo potest dici non ponere obicem, vel | { | 1. Non opponendo novum peccatum cum opponere possit.
2. Debitè sese disponendo ad perceptionem Sacramenti, obicèque amovendo.
3. Merè negativè sese habendo quoad ullam præviam dispositionem, cum nec opponere potest novum peccatum, nec sese debitè aut dignè disponere possit. |
|---|---|--|

Tertio modo non ponunt obicem parvuli, & omnes qui gratiæ capaces sunt, & tamen moraliter agere non possunt ex defectu intelligentiæ & usus sui liberi arbitrii, utpote cuius sunt pro eo statu minimè compotes. Illis ergo dicimus Sacramenta infallibiliter conferre gratiam.

Secundo modo non ponit obicem omnis qui rite & debitè dispositus ad Sacramenta accedit.

Primo modo non opponere novum peccatum cum quis opponere possit, non sufficit adulto suscipienti Sacramentum ut effectum Sacramenti percipiat. Neque enim non opponere obicem abstinendo à novo peccato, sufficit ad rem Sacramenti percipiendam, sed & debita dispositio & positiva præparatio requiritur à quovis rite & legitime suscipiente adulto. Illud enim hic imprimis observandum, licet mors Christi potentissimum & efficacissimum sit adversus peccata omnimoda remedium, illud tamen nisi sumptum & applicatum nihil prodest. Ista autem applicatio non fit adulto suscipienti Sacramentum nisi rite disposito ad hæc sacra Mysteria accedenti. Ut autem quis idoneus fiat, requiruntur variz dispositiones, fides Catholica, spes veniæ, timor poenæ, dolor de peccatis admissis, propositum de cætero non peccandi, propositum novæ vitæ, quæ omnia disponunt suscipientem. Sed & requiritur fides vera & viva in Christum mediatorem ob remissionem peccatorum, quo unico medio instrumentaliter applicatur Christi redemptio ad remissionem peccatorum. Homini sic præparato infallibiliter ex promissione divina confertur gratia, tum obsequans iustitiam fidei, tum etiam iustitiæ inhærentis augmentum exhibens, & idipsum etiam consignans.

Hicce sic per modum explicationis præmissis, jam Thesis accommodatè demonstrabitur quibusdam conclusionibus tum in Sacramento Baptismatis tum etiam Eucharistiæ.

Et 1. in Sacramento Baptismatis duabus Conclusionibus, quarum prima erit de Parvulis, altera de Catechumenis.

I. Conclusio. Parvulis qui obicem ponere non possunt, Baptisma semper confert primam gratiam, scil. remissionem originalis reatus.

Probat,ur,

Probatur,

I. Omnis parvulus in peccato conceptus est & natus ordinariè, quod de sese fatetur David, Psal. 51. 7. *Ex immundo semine*. Job 14. 4. *filium iræ*, Eph 2. 3. (i.) reatu originali implicatus.

At parvulo ejusmodi ubi Sacramento Baptismatis initiatus fuerit, promissio fit remissionis peccatorum. Act. 2. 38. 39. *Baptizetur unusquisque, vestrum in remissionem peccatorum, vobis enim & liberis vestris promissio fit* [remissionis scil. peccatorum.] Hic semini Israelitarum baptizato promissio fit remissionis peccatorum, ut semini piorum circumciso promissio fit protectionis singularis, sub qua continetur promissio remissionis peccatorum. Gen. 17. 7. *Ego Deus tui & seminis tui*; & ver. 10. *Hoc est fœdus meum inter me & te, & semen tuum, circumcidetur in vobis omnis masculus*, ergo.

Sacramentum initiationis exhibet, applicat & confert ex parte Dei rem ipsam promissam, scil. gratiam remissionis peccati Originalis. Suscipiens autem parvulus nihil opponit, nec opponere potest; quin capax est & susceptivus remissionis exhibitæ & collatæ. Ergo Sacramentum Baptismi parvulis non ponentibus obicem infallibiliter exhibet & confert gratiam remissionis peccati Originalis.

II. Si Baptisma non nisi obsignatoriè gratiam conferat, nec parvulis in infantia morientibus aliquid confertur, nec supervicturis non-electis usquam confertur vi Sacramenti. Iis igitur non est nisi nudam & prorsus inefficax signum, quod non est dicendum.

I. Vel Baptismus parvulo confert gratiam remissionis Originalis reatus quatenus ex parte susipientis impedimentum non ponitur, vel potuit alia conditio convenientior poni, quâ posita certa lege Sacramentum ei efficax esset. At nulla convenientior conditio poni potest quæ ab iis præstabilis sit, qui nihil possunt moraliter agere ex defectu usus rationis & libertatis, cujus pro illo statu minimè compotes sunt. Hinc Augustinus rectissimè ait infantes Sacramentum fidei, (i.) Baptismum salubriter percipere, si fideli obicem contrariæ cogitationis, [aut ullius pravæ operationis] non opponunt, Epist. 23. Non potest autem infans opponere obicem contrariæ cogitationis aut ullius pravæ operationis, cum nec cogitare, nec omnino liberè operari possit. Ergo ex eo quod obicem non ponat in eo Baptismus certò efficaciam suam sortitur, quoad gratiæ ad originalis reatus solutionem, collationem.

III. Deus parvulos fidelium baptizari in N. T. quomodo & in V. T. circumcidi jussit, jussioni annexit promissionem remittendi reatum originale, quod est primum beneficium & primarium ejus infans capax est, idque ipsum Symbolum ablutionis designat. At non jubet Deus Baptizari nisi eos, qui capaces sunt, simul & indigi beneficiorum Baptismi, parvuli insuper cum obicem ponere non possunt, nec indigent aliqua dispositione, idonei sunt ad capeffendam rem signatam per baptismalem ablutionem. Quidni igitur Sacramentum hoc sit signum gratiæ, quam designat verax & verè exhibitorium ex parte Dei, atq; adeo effectum suum certissime sortiatur.

Ergo,

Infanti cum baptizatur ex ordinatione divina, res signata ordinariè confertur, est autem illa non solum certioratio & obsignatio originalis reatus applicanda parvulo, quum adoleverit & per fidem & poenitentiam conversus fuerit; sed & ipsa applicatio primæ remissionis originalis reatus antea non remissi, cum ipsa Sacramentalis ablutio peragitur.

IV. Mediâ ordinaria applicandi meritum Christi non sunt alia quàm verbum & Sacramenta. At parvulo qui sistitur baptizandus verbum non applicat meritum Christi: siquidem verbum non applicat nisi intellectum, nec aliud Sacramentum parvulis est applicabile quàm Baptismus.

Ergo,

Vel nullum datur ordinarium medium quo meritum Christi parvulis non ponentibus obicem ex parte Dei applicetur ad salutem, aut Sacramentum Baptismatis erit illud medium, non enim aliud ordinarium ex parte Dei in Scripturis revelatur:

Ergo

Ergo Sacramentum Baptismatis infallibiliter parvulis non ponentibus obicem confert gratiam remissionis originalis peccati.

V. Si parvulis non ponentibus obicem Baptismus non conferat gratiam remissionis originalis peccati, videri posset Deum non serio & veraciter agere cum suscipiente, quem vult & iussit baptizari, & supposito novo sedere cum toto humano genere, & ejusdem signis & Sacramentis cum institutis tota rite applicatis iisdem signis suis desse, & (quod absit) suis non stare promissis. Quare dicendum est Deum, cum nullum obstat ex parte suscipientis impedimentum, libera scilicet resistentia, suæ ordinationi non desse, sed parvulo baptizato conferre solutionem originalis reatus. Hinc Augustinus Epist. 137. *Non est falsa sciam in parvulorum baptismo remissio peccatorum, nec verbo tenus dicitur sed veraciter agitur.* Mitto antiquitatis hac de re consensum, de quo nefas est dubitare. Unum illud Prosperi adducam in secundam sententiam super capit. Gall. Qui dicit quod ab his qui non sunt predestinati ad vitam, non auferat percepta Baptismi gratia Originale peccatum, non est Catholicus. Hæc de prima Conclusionem.

II. *Proposio.* Catechumenis verè poenitentiam agentibus, & per fidem vivam in Christum mediatorem ob remissionem peccatorum recumbentibus, confert Baptismus gratiam obsignantem remissionem peccatorum prius admisorum, augmentum donorum, infert item concupiscentiæ diminutionem, & atriisque majorem certiorationem.]

Et quidem dicimus conferre Baptismum, 1. Gratiam obsignantem remissionem peccatorum. Id quod probatur ex analogia circumcisionis, quæ cum esset Sacramentum initiationis in V. T. non tamen Abrahamo adulto & jam antè justificato potuit conferre ipsam primam gratiam remissionis; quid ergo contulit? Docet Apostolus cum ait, accepit signum circumcisionis, *signum* sigillum iustitiæ fidei, (i.) Sigillum quod ei obsignaret iustitiam fidei: hoc est, quo certioretur de iustitia accepta in præputio cum primum crederet; dicit enim contextus, Credidit Abraham Deo vel in Deum, & imputatum est ei ad iustitiam, Gen. 15.

Obsignabat autem iustitiam illam fidei, quam Deus promittit in fœdere omnibus fœderis Evangelii conditionem implentibus, (i.) credentibus in semen promissum. Hinc est quod Circumcisio vocetur fœdus ipsum. Gen. 17. 10. (i.) Sacramentum fœderis.

Quod de Circumcisione dicit Apostolus, Baptismo ipsi multo magis accommodari potest, utpote in cuius locum in N. T. sufficitur, ut non obscure innuit Apostolus, Coloss. 2. 11. unde & Baptismus dicitur à Petro, *signum* stipulatio bonæ conscientie, (i.) obligatio mutua Dei & hominis baptizari, Dei quidem restantis se recipere personam baptizantem in gratiam; Personæ vero baptizate dantis fidem Deo, quod rite eam colere velit. Idem ex eo constat quod neminem Catechumenum velit Deus Baptismate signari, qui non antea in fœdus gratiæ adscriptus esset. Inde est quod à Catechumenis antequam Baptismo susceperent, fidei confessio semper exigebatur. Unde Philippus Eunuchus, *Si credideris, nunc potes baptizari.* Et Petrus, Act. 10. 47. *Numquid aquam prohibere potest quo minus baptizentur qui Spiritum Sanctum acceperunt? Nonne & nos?* Sic Commentariensis postquam fidem professus fuisset, baptizatus fuit & omnes domestici, Act. 16. 33. Baptisma igitur fœderatis adultis administrabatur, idque ad testandum & obsignandum rem in fœdere promissam eis conferre. Sic Act. 2. 39.

2. Baptismus iisdem Catechumenis cum baptizantur confert augmentum donorum, ac per id infert item concupiscentiæ reliquiarum tum diminutionem tum infirmationem] ad Ephes. 3. 26. *Deus mundat Ecclesiam lavacro aquæ per verbum.* Tit. 3. 5. *Salvus nos facit per lavacrum regenerationis & renovationis Spiritus Sancti.* Rom. 6. 3. *Quoties baptizati sumus in Christo Jesu, in mortem ejus baptizati sumus, & sepulti sumus cum illo per baptismum in verbum.* 1 Cor. 6. 8. *Sed abluti estis, sed sanctificati estis.* ex quibus satis liquet Baptismum conferre Catechumenis mundationem, salutem, renovationem, regenerationem, mortem peccati, qui non possunt intelligi de prima reactivatione quæ sanctificatione aut peccati mortificatione;

hæc

hæc enim individuo nexu remissionem peccatorum comitantur. Cum ergo ut jam supponimus, ante Baptismum verè conversi sunt, & remissionem peccatorum adepti fuissent, proinde & veri nominis regenerationem & renovationem. Ac proinde isti loci intelligendi sunt de pleniorè & uberiore hujus renovantis gratiæ mensurâ, cujus antè primitias habuerant, per hoc Sacramentum collatâ, de firmiore etiâ donorum Spiritûs possessione, inhabitatione & in corde radicatione. Ubi autem plenius effunduntur & firmius possidentur dona Spiritûs, ubi auctiora inhabitant & in corde solidius radicantur, ibi necesse est fomes concupiscentiæ minuat, ejus vires magis magisq; retundantur & infirmantur.

3. Ubi dona Spiritûs & uberius effunduntur & radices altiores agunt, ibi necesse ut nobis certius innotescant & clarius manifestentur & firmius obfigmentur. Hoc ipsum satis efficaciter demonstrant ipsæ formulæ loquendi Sacramentales, Baptismus abiuit peccata est lavaerum regenerationis, facit nos salvos, mundans Ecclesiam lavaero; Consepulti cum eo per Baptismum; Quicumq; baptizati sumus, in mortem ejus baptizati sumus; Quicumq; baptizati estis, Christum induistis. Hæc enim formulæ loquendi à signis ad res signatas ductis probant Prophetæ & Apostoli res promissas in Evangelio ad ipsos pertinere, quia earum Symbola minimè fallacia à Deo acceperint, ac legitime juxta divinam institutionem usurpaverint. Cornelius timens Deum cum omni domo sua, faciens crebras elemosynas, & assidue Deo preces fundens, quæ ascendeabant in conspectum Dei, ac proinde sinceræ conversionis egregia erant indicia; monitu Angeli accersit Petrum, quo annunciant Cornelio Evangelium illapsus est Spiritus Sanctus in omnes qui tunc aderant, quos statim iussit Petrus ut baptizentur. Cornelio autem verè converso ad præconium Petri, illapsus est in eum Spiritus Sanctus. Quorsum ergo post illapsum Spiritum baptizatur nisi ad indubitatam certiorationem & obsignationem donorum acceptorum, remissionis peccatorum, & renovationis Spiritûs Sancti?

Hæc omnia suo exemplo confirmat S. Cyprianus in præclara illa ad Donatum Epistolâ, ubi Baptismi efficaciam mirifice depingit. Ergo (inquit) cum in tenebris atq; in nocte cæcâ jacerem, cumque in salo jactantis sæculi nutabundus—fluctuarem—difficile prorsus ac durum, præ illis tunc moribus opinabar, quod in salutem mihi divina indulgentia pollicebatur, ut quis renasci denuo posset, atq; in novam vitam lavaero aquæ salutaris animatus, quod prius fuerat, exponeret, corporis licet manente compage, hominem animo & mente mutaret—sed postquam undæ genitalis auxilio superioris ævi labe detergâ, in expiatum pectus ac purum desuper se lumen infudit, postquam cœlitus spiritu hausto in novum me hominem nativitas secunda reparavit, mirum in modum protenus confirmare se dubia, patere clausa, incere tenebrosa, facultatem dare quod prius difficile videbatur, geri posse quod impossibile putabatur—Scis ipse (compellans Donatum) profectò & mecum pariter recognoscis, quid detraxerit nobis mors ista criminum, vita virtutum. Sic enim lavaerum Baptismi nuncupat. Ubi tum miram mentis & voluntatis mutationem ex suscepto Baptismate ingenue agnoscit, & ejusdem mutationis experimentalem apprehensionem & certitudinem mirè & confidenter deprædicat.

III. *Conclusio.* Sacramentum corporis & sanguinis Domini ritè suscipientibus & dignè accedentibus, verum & reale corpus fractum, & sanguinem effusum offert, porrigit, & verè & realiter exhibet in alimoniam spiritualem animæ & corporis in vitam æternam. Hancque exhibitionem iisdem dignè communicantibus veraciter obsignat.

Probat ex ipsis verbis Domini promissoriis, Hoc est corpus meum, hic est sanguis meus (i) hic panis & hoc poculum offert, porrigit, exhibet, communicat corpus meum in cruce fractum, & sanguinem in cruce effusum in spiritualem alimoniam corporis & animæ. Unde Apostolus explicat corpus per communionem corporis. Sacramentum enim hoc per excellentiam Communio dicitur, quia hunc modum Christus instituit longe efficacissimum perficiendæ unionis quàm arctissima inter sese & membra sua, itemque membrorum inter se. Nam teste Paulo, unum corpus multi sumus, omnes scilicet qui de eodem pane participamus. Ubi tamen notandum est nostram unionem

unionem, communionem, & conjunctionem cum Christo non esse propriam operationem hujus Sacramenti, licet *Communis xal' iεoxλω* dicatur, sed hanc conjunctionem, unionem & communionem fieri etiam per verbum Evangelii & Baptismum, & quidem antecederet ad hanc unionem & communionem quam habemus per Eucharistiam, quæ propriè loquendo non est instituta ad nostram cum Christo unionem primitus efficiendam, sed ad eandem jam factam significandam, conservandam, corroborandam, consummandam, perficiendam, ætiores efficiendam & magis indissolubilem. Cum enim in Eucharistia proponuntur nobis caro & sanguis Christi in Spiritualem corporis & animæ alimoniam, nemo rite percipit hanc alimoniam, nisi qui jam factus est membrum Christi vivens, eique vivâ fide adunatur. Siquidem id quod mortuum est ali aut nutrir non potest, multò minus augeri & incrementum capere.

Sed & hoc ipsum Sacramentum, de hujus Spiritualis alimonie perenni exhibitione verè credentes & dignè participantes certos facit, eandemq; dignè communicantibus veraciter obsignat. Hoc ipsum abunde evincitur ex locutionibus Sacramentalibus in Scripturis tam crebrò occurrentibus, ut cum agnus dicitur transitus Jehovah; Petra erat Christus; Panis est corpus Christi; Poculum est Novum Testamentum; Panis est communio corporis Christi. In quibus locutionibus propter Sacramentalem unionem & obsignationis certitudinem res signata, aut ejus proprietates tribuitur sacro signo: Quas formulas loquendi ex Scripturis hausert antiqui Patres passim. Unde tot Emphaticæ locutiones passim ubi agunt de Eucharistia. Origines Homil. 35. in Matth. Panis iste quem Deus verbum corpus suum esse faceret, verbum est nutritorium animarum. Et Augustinus contra Adimantum 1.12. Dominus non dubitavit dicere, Hoc est corpus meum cum signum daret corporis sui. Mitto reliqua.

Ex hisce aliquatenus constare possit quo sensu Sacramenta divinitus instituta omnibus non ponentibus obicem gratiam conferant quam significant.

Tempus jam monet (Doctiss. Respond.) ut receptam canamus; satis velita tum est, satis in hac palæstra ludatum est. Maeste tua virtute & eruditione, cujus specimen non vulgare hodierno certamine edidisti. Te jam ex hac palæstra tuâ meritâ cum laude dimittimus, liberamus.

Te autem, Venerande Pater, quod ætinet, æquum est & tibi et ipsi indulgeas post tot ac tantos & heri & hodiè præclare defunctos labores. Tibi in hoc amplissimo theatro gratias promeritas referimus. Tibi honores tot tantisque anniversariis laboribus dignos debitosque meritissimè tum mandamus tum decernimus.

Vobis etiam Clariss. inceptoribus optimi Patris germanis Gemellis est quod gratulemur serio, quibus Doctoratus insignia meritò contulit Honorandus Pater, decrevit alma mater Academia. Spartam quam nacti estis ornatè, depositum fidei talentum inviolatum illibatumq; custodite. Patris vestri, viri summi, facundiam, eruditionem Orthodoxam animo contemplantini, opère imitemini.

Supereft jam & vobis etiam (Auditores Spectatiss.) gratiarum victimas immolemus, qui tantâ frequentia in hoc Theatro literario comparuistis, qui vestrâ præsentia Almae Matris Comitia anniversaria cohonestare dignati estis, imprimis quod certantibus in pulvere Theologico aures tam benignas & patienter præbuitis. Hoc scilicet tempus est illud quod Honoribus Academicis conferendis decernitur. Reliquus annus studiis, vigiliis, laboribus impenditur. Iste Dies præmiis & Coronis designatur. Quæ tamen optimo instituto publicè decerni & conferri voluit, sub tot oculorum fidei testimonio Mater Honoranda, & palam constet quanto studii literarii sedulos emensores cum amore complectatur, tum Honore prosequatur. Accedat modò candor & solita benevolentia vestra, & solennia Almae Matris Comitia Ore, Oculis, Linguis favete.

Jam supereft laboris nostri supremâ pars, & de Quæstionibus ventilatis nostrum calculum adjiciamus.

Prima sic sese habet: Sacramenta non ponentibus obicem conferunt gratiam.

Hic in textu originali est: *Omnes*

Omnes Baptizati Infantes sine dubio justifican- tur.

Uteritur in presenti de effectu quodam Baptismi in Parvulis. scil. An hunc effectum sine dubio habeat in Parvulis, ut valeat ad peccati Originalis reatus solutionem?

Q Ubi 1. Afferimus, certum esse Christum Sacramentum Baptismi instituisse in remedium Originalis peccati, & ad reatus ejusdem veram solutionem. Id Scriptura docet, Act. 2. 38. *Baptizatur unusquisque vestrum in remissionem peccatorum.* Act. 22. 16. *Baptizare & abluere peccata tua.* Ephes. 5. 26. *Mundans eam lavacro aqua per verbum.* Tit. 3. 5. *Salvos nos fecit per lavacrum regenerationis.* 1 Cor. 6. 11. *Sed abluti estis, sed sanctificati estis.* Coloss. 2. 12. *Consepulsi cum eo per Baptismum.* Ex quibus locis satis constat, institutum fuisse Baptismum in remissionem, in ablationem, in mundationem à peccatis, quæ verba denotant solutionem reatus omnium peccatorum, etiam originalis, quibus antea remissum non est. Credo unum Baptisma.

2. Afferimus Baptismum rectè parvulis administrari, quomodo & circumcisio olim in V. Testam. parvulis Judæorum, ex unanimi consensu Theologorum & perpetua Ecclesiæ traditione. Unde rectissime dicimus cum *Augustin. de Baptismo, contr. Donatist. lib. 4. cap. 23.* Si quisquam in hac re auctoritatem divinam querat, quantum quod universa tenet Ecclesiæ. *Nec Concilium institutum, sed semper retentum est,* non nisi auctoritate Apostolica traditum rectissime credimus, tamen veraciter conjicere possumus, quid valeat parvulis Baptismi Sacramentum, ex Circumcisione carnis, quam prior populus (scil. Israeliticus) accepit. Hæc Augustinus. *Et certe hoc apud evincit exemplum Circumcisionis, in cujus locum Baptismus succedit.*

Hinc 3. Afferimus, Cam Baptismus in N. Testam. Circumcisioni succedat ex Christi instituto, & rectè parvulis administratur, eandem valere ad originis peccati reatus, quo solo implicantur parvuli, solutionem. Hæc tamen nemo Catholicus Theologus infirmabit. Sed adhuc queritur, An omnes Infantes ritè baptizati, sine dubio justificantur? Hic hærent nonnulli Theologi apprime docti, qui hunc effectum justificandi ab originali peccato ad solos electos parvulos restringunt. Nos duo dicimus, primum est, Omnes parvulos ritè baptizatos in Infancia morientes sine dubio justificari. Sic Ecclesiæ Anglicanæ in rituali suo, in rubrica, ubi agitur de dilatione Confirmationis, Ne quisquam putes ex dilatione Confirmationis, quicquam detrimenti pueris accessurum, in certo sciat, ex Dei Verbo elatum & perspicuum esse, Infantes baptizatos omnia habere ad salutem necessaria, & sine dubio salvari. Ubi dicitur, Infantes baptizatos omnia habere ad salutem necessaria. [pro statu, scil. parvuli] & sine dubio salvari [scil. si in statu infantili moriantur] alioqui certum est non salvari multos baptizatos Infantes, qui ad adultam ætatem perveniunt. Hæc verba prout habentur in nostro rituali, quod jam usu receptum est, videntur de sumuntur ex scriptura, quod editum est An. 1532. an. Edw. vi. 3. sed in editione priori an. 1549. an. Regis Edw. ii. quæ extat in operibus Anglicanis Bucer, p. 439. expressius habetur. Ne quis putet, noxiam esse pueris, dilationem Confirmationis, usque dum adoleverint; is certo sciat ex manifesto Verbo Dei, pueros qui in Infancia, &

post

post Baptismum, & ante Confirmationem moriuntur, servandos esse. Sed & hæc eadem ferè habentur in lib. Synodali edito auctoritate totius Cleri Anglicani, 1537. qui inscribitur. Instructio Christiani hominis, cap. de Sacramento Confirmationis, Non ejus esse necessitatis Sacramentum Confirmationis putandum est; quin si parvuli baptizati fuerint, & ex hac luce innocentes migraverint ante Confirmationem, certo consecuturi sunt æternam salutem, virtute Baptismi prius recepti. Hisce similia habentur in alio libro, titulo etiam Institutionis Christiani hominis, qui editus est sexennio post, auctoritate Henrici 8. Homilia etiam de salute humani generis, quæ edita est primò an. 1547. 1^o Edw. vi. sic habetur, Tanta est vis sacrificii Christi, ut parvuli baptizati, & in infantia ex hac luce migrantes, vi hujus sacrificii abluantur à peccatis, in Dei favorem adducantur, & filii Dei fiant & hæredes colorum.] Ex locis citatis, juxta doctrinam receptam Ecclesiæ Anglicanæ, ex Dei Verbo perspicuum est, Infantes ritè baptizatos omnia habere ad salutem necessaria (pro illo scil. statu) & sine dubio. (si in illo statu moriantur) salvandos esse] cum dicit nostra Ecclesia, ex Dei Verbo constare de ejusmodi parvulorum salute, multò magis constabit ex ejusdem sententia de eorundem justificatione, in solutione reatûs Originalis peccati: quippe cum ad salutem non perveniatur, nisi prævia fuerit solutio reatûs Originalis.

Fundamenta autem hujus justificationis parvulorum tinctorum, in tenera illa ætate morientium sunt certa, primum est natura hujus Sacramenti quod est unicum medium, remedium seu Sacramentum à Deo institutum ad Christi meritum ejusmodi parvulis applicandum, in Originalis peccati abluitionem: vel igitur dicendum est Baptismum non esse sufficiens remedium, iis quibus est unicum remedium, ex Dei ordinatione, quod non est dicendum, aut esse Sacramentum efficax, ad reatûs Originalis peccati in ejusmodi parvulis solutionem.

2. Certum est ex præmissis voluisse Deum parvulos æquè baptizari jam, atque olim voluit circumcidi; quorsum autem voluit Deus, ut hi circumciderentur, illi baptizentur, qui morituri sunt in infantia, nisi iisdem itidem velit meritum Christi applicari, quoad abluitionem Originalis peccati, pro cuius expiatione sanguinem pretiosum effudit? Sanguis enim Christi purgat ab omni peccato; & quorsum obligari parvulos voluit ad perceptionem signi, si non vult pariter admittere ad participationem signati?

3. Deus per Sacramenta sua semper efficax est, ubi, ex parte suscipientis impedimentum non ponitur, cum consensum præbere nequivit. Hinc Augustinus ait Infantem Sacramentum (fidei scil.) i.e. Baptismum salubriter percipere, si fidei obicem contrariæ cogitationis non oppohat, Epist. 23. in fine. Non potest autem Infans inter baptizandum opponere obicem contrariæ cogitationis, aut ullius prave operationis, cum præ carentia usus rationis, nec cogitare nec omnino liberè operari possit; ergo in iis Baptismus certo efficaciam suam sortitur, quoad Originalis reatûs solutionem.] Mitto alias rationes. Videamus quid hac de re sensit antiquitas. Concil. Carthagin. Epist. 90. apud Augustinum. Quicumq; negat parvulos per Baptismum Christi, à perditione liberari & salutem percipere sempiternam, anathema sit.] Id quod intelligit Synodus de iis Infantibus qui in infantia ex hac vita discedunt: Augustin. Epist. 23. Hoc Sacramentum, scil. Baptismatis, tantum valet ut si ante rationis usum ex hac vita emigraverit, per ipsum Sacramentum, commendante Ecclesiæ charitate, ab illa condemnatione, quæ per unum hominem intravit in mundum, Christiano adjutorio liberetur.] Hoc qui non credit (inquit) & fieri non posse arbitratur, profecto infidelis est, et si habeat fidei Sacramentum.] Epist. 79. Quid dicitur de Infantibus parvulis, qui plerique accepto in illa ætate Christianæ gratiæ Sacramento, cum sine dubio pertinerent ad vitam æternam, regnumq; colorum, si continuo ex hac vita migrarent, sinerentur crescere, & nonnulli etiam Apostatæ sunt.] Et de peccat. Merit. & Remiss. lib. 2. cap. 28. Si continuo consequatur ex hac vita migratio, non erit omnino quod obnoxium hominem teneat, solutis omnibus quæ tenebant.] Fulgentius de verit. Prædestinat. lib. 1. ait, Parvulum, parentibus infidelibus violenter ablatum, aut furto surreptum, si ad sanctum Baptisma quorumlibet fidelium piâ charitate perducatur, & mox ut baptizatus fuerit,

de hac vita discedat, factum esse heredem Dei & coheredem Christi.

Hoc primum assertum nostrum: Secundum, nostrum assertum est, Omnes parvulos etiam non-electos & finaliter perituros, in infantia rite baptizatos, a reatu Originalis peccati in Baptismo liberari.]

Fundamenta huius assertionis sunt:

1. Natura Sacramentorum, quæ sunt ex Ordinatione Divina efficacia signa, & eatenus efficacia ut ubi ex parte suscipientis nullum impedimentum ponatur, ibi suam vim & efficaciam exerant, pro capacitæ suscipientis. Cum ergo Infantes ex eo quod liberi arbitrii usu prorsus destituantur, nihil impedimenti opponere possint, ut suprà ex Augustino docuimus, quod vim & efficaciam Sacramenti retardet aut obstat. Cumque Baptismus potissimum institutus sit ad solutionem reatus Originalis peccati: Ergo omnino dicendum Baptismatis Sacramentum in parvulis omnibus hanc suam vim & efficaciam exercere.]

2. Idem evincitur ex Verbis Operatoris, quæ in præsentî, inter baptizandum Minister pronuntiat, ubi ait, Ego te tingo, ego te abluo, ego te baptizo in nomine Patris, Filii, & Spiritus Sancti; ex quibus satis constat, Baptismum reverà illud ipsum operari quod Minister pronuntiat. Rectè Tertullianus de Baptismo, cap. 6. Ablutionem delictorum fides impetrat obsignata in Patre, & Filio, & Spiritu Sancto. Augustin Hypogn. 3. Ut quid iussit in remissionem peccatorum baptizari, si non facit verè remissionem? Imò idem iussit, quia facit. Est enim verax Deus, omnis autem homo mendax. Augustin. Epist. 137. Non est falsa etiam in parvulorum baptisinate, remissio peccatorum, nec verbotentis dicitur, sed veraciter agitur. Cui concinit illud Lutheri, Qui non credit verbo Minister dicentis, Ego te baptizo, facit Dominum mendacem, cuius illa verba sunt.] Melancthi. in loc. commphib. c. de Baptism. ait, Baptismi verba esse Evangelii summam Ego, inquit, Minister mandato divino & loco Christo baptizo te (i.e.) hoc signo testificor ablui, peccata tua, & te reconciliatum esse vero Deo. Prælati iidem Zanchius, [3. Miscellan. ubi de Cena Domini. Theol. 35.] Cum Minister baptizat, oculis mentis in celum sublevis, cogito & credo Christum, quasi manu sua celo demissa, filium meum sanguine suo in remissionem peccatorum aspergere, per manum illius hominis, quem video aqua caput infantis aspergentem.] Hisce accedat Clariss. Calvinus [in Comment. in Eph. 5. 26.] Quod Baptismo nos ablui docet Paulus, ideo est, quod illic nobis ablutionem nostram testatur Deus, & simul efficit quod figurat, nisi enim conjuncta esset rei veritas aut exhibitio quod idem est, impropria hæc locutio esset, Baptismus est lavacrum anime.

3. Si in parvulis omnibus Baptismus non, solvat reatum Originalis peccati, videri possit Deum non serio & veraciter agere cum suscipiente, quem vult & iussit baptizari, & supposito novo feedere cum toto humano genere & ejusdem signis, & Sacramentis cum institutis, cum rite applicatis, iisdem signis suis Deum deesse, & (quod ablit) suis non stare promissis, atque adeo supposito novo feedere, deserere antequam deseratur. Quare prorsus dicendum est, Deum remoto omni ex parte suscipientis impedimento (i.e.) libera, resistantia, suæ ordinationi non deesse, sed in parvulo rite baptizato, solvere reatum originale. Hinc Patres in Concil. Valentin. in Gallia, tempore Lotharii Imp. circa annum 855. Cui præfuit Remigius Lugdunensis Episc. cap. 7. Firmissime tenendum credimus, quod omnis multitudo fidelium ex aqua & Spiritu Sancto regenerata, ac per hoc veraciter Ecclesiæ incorporata, & juxta doctrinam Apostolicam in morte Christi baptizata, in ejus sanguine sit a peccatis suis abluta. Quia nec in iis potuit esse vera regeneratio, nisi heret & vera redemptio, cum in Ecclesiæ Sacramentis nihil sit cassum, nihil iustificatorium, sed prorsus totum verum, & ipsa sui veritate & sinceritate subnixum.] Hæc Patres Valentiniani. Nec minus rectè clariss. Calvinus in Tit. 2. Illud valere debet inter pios, Deum non inanis nobiscum figuris, sed veritate suis iustus præstare, quod æterno signo demonstrat. Quare congruenter & verè, Baptismus dicitur, lavacrum regenerationis.]

4. Rectissime dicuntur Sacramenta instrumenta moralia & organa, gratiæ quam significant, exhibitiva. Quomodo ergo Baptismus dicatur instrumentum gratiæ, cum

cum parvulis adhibetur, si tunc, cum actu adhibetur, & applicetur & expeditum sit, & nullâ liberâ resistentiâ ex parte suscipientis impediam; non tamen effectum ad quem divina institutione ordinatur, producat. Quod autem Sacramenta rectè dicantur instrumenta moralia, & quidem gratiæ exhibitiva, mediante morali significatione, representatione & oblatione, passim docent nostri Theologi. Bucerus in *Retract.* in *Matth.* 3. agnoscit Sacramenta rectè dici instrumenta, organa & canales gratiæ. Atque hinc (inquit) Apostolus vocavit Baptisma lavacrum regenerationis, & Baptismo affirmat nos esse in Christi mortem sepultos, Christo incorporatos & Christo indutos: Et per Sacramenta Christum Dominum suum nobis redemptionem communicare, & Sacramenta esse communionis Christi (i.e.) salutis nostræ signa exhibitiva & organa quibus Dominus sui communionem nobis impertit.

Dices, Sacramenta hæc omnia præstare in recto usu: At parvulo non-electo non rectè adhiberi hæc remedium ex intentione Dei, quicquid sit de intentione Ecclesiæ.

Sol. Negamus parvulo non-electo non rectè adhiberi. Nos dicimus Ecclesiâ rectè & salubriter, tum electos, tum non-electos baptizandos sistere, eosdemque Baptismatis lavacro rectè promissæ abluere, & Deum efficaciter suæ ordinationi adesse quoad solutionem Originalis reatus, non obstante quocumque antecedente decreto, ubi nullum impedimentum per liberam suscipientis resistentiâ opponatur. Id quod jam amplius demonstratæ sumus de consensu antiquitatis. Concil. Milevitan. cap. 2. Propter hanc regulam fidei, etiam Parvuli, qui nil peccatorum, in semetipsis adhuc committere potuerunt, illos in peccatorum remissionem veraciter baptizantur, ut in illis regeneratione mundetur, quod generatione traxerunt.] Ubi de omnibus baptizatis parvulis agitur, Augustin. de peccat. Merit. & Remiss. 3. cap. 5. Antiquitus universa Ecclesia pertinuit (i.e.) constantè tenet, fideles parvulos, originalis peccati remissionem per Christi Baptismum consecutos esse.] Et in *Enchirid.* cap. 42. A parvulo recens nato usque ad decrepitum senem, sicut nullus prohibendus est à Baptismo, ita nullus est qui non peccato moriatur in Baptismo.] Prosper ad capit. Gall. Object. 2^o. Relapsus post baptismum ad infidelitatem & impios mores, qui negat Originali peccato fuisse purgatum, tam falsa opinatur, quam qui eundem asserit, non æterna morte esse damnandum.] Et in sentent. secunda super illud capit. Qui dicit, quod ab his qui non sunt prædestinati ad vitam, non auferat percepta baptismi gratia originale peccatum, non est Catholicus.] Epistol. Synodice. Episcoporum XI. Africæ. Bisi (inquit) Sacramento circumcisionis accepto, reatu peccati originalis caruit: sed per nequitiam cordis, illius judicio derelictus, qui gratis salvat, justèque damnat.]

Et rursum, illud tenendum omnibus necessarium esse sancti Baptismatis Sacramentum, quo dimittitur peccati originalis vinculum.] Fulgentius lib. 1. de verit. Prædest. p. 33. Iniqui qui in sua iniquitate iusto Dei judicio relinquuntur, etiam si perceptione Sacramenti carere dicantur peccati originalis reatu, subsequenti tamen (i.e.) priorum merito peccatorum ad ignis æterni devolvuntur supplicium.]

Dices, Secundum hoc nostrum assertum, ponere Apostasiam iustorum & planè impugnare perseverantiam Sanctorum, quam tamen supponere videri possit Artic. 17. nostra Confess. dom supponit verè pios esse Prædestinatos.

Sol. Nego sequi.

Nam 1. et si asseram parvulos non-electos & finaliter perituros, in infantia rectè baptizatos, à reatu Originalis peccati baptismò liberari atque adeo iustificari, tamen simul assero taliter iustificatos, nunquam excidere ab illa iustitia, nec (teste Prosp. ad capit. Gall. Object. 2.) in id quod remissum est, recidere, nec in originali peccato damari, sed propter postrema crimina morte affici. Peccatum igitur originale in istiusmodi Apostatis non redit, et si propter actualia peccata novam, cum adolescant, contrahant injustitiam, cujus reatu non deleta, proprio demerito postea damantur.]

2. Respondeo, Originalis peccati indulgentiam, quæ sufficit parvulo ad iustificationem,

ficationem, non sufficere eidem ad justificationem, cum ad adultam ætatem pervenerit. Quamvis enim prior justificatio non sit irrita, manet enim semper, illam verè solvisse reatum originale; non tamen actualia peccata supervenientia quæ libero arbitrio committuntur, aliter quàm liberis actibus fidei & penitentia dimittuntur. Id quod ex formula Baptismi manifestò evincitur; siquidem parvulus baptizatus per sponsores paciscitur

1º Se, quam-primum ad adultam ætatem pervenerit, renuntiaturum diabolo, carni, mundo.

2º Crediturum se omnibus fidei articulis.

3º Sanctam Dei voluntatem, & omnia ejus præcepta observaturum; in iisque per omnem vitam ambulaturum: quod votum si tunc non præstiterit, cum arbiter jam constitutus sit suæ voluntatis, scedifragus sit; nec ab illis peccatis omissionis absolvi potest, nisi actuum fidei & penitentia interveniat. Ad justificationem igitur adulti baptizati nova ratio ineunda est, quàm illa quæ inita est in ipso baptismo. Id quod pariter pronuntiandum est de Adoptione, & Mystica Unionem.

3. Dico nostram assertionem nullo modo perseverantiam Sanctorum enervare. Siquidem quando de perseverantia Sanctorum queritur, perspicuum est de illis Sanctis agi qui rationis usu pollent, actibusque fidei & penitentia ex Evangelio prædicato conceptis, justificantur; qui, in eadem fide propria voluntatis actu aut perseverare aut à perseverantia deficere ponuntur. Ac de illa perseverantia propriè lis erat Augustino cum Massiliensibus, An donum Dei speciale fuerit, an opus liberi arbitrii absque hoc dono? Et perseverantia propriè denotat constantiam oppositam mutabilitati ex libertate arbitrii creati profecta. Unde & Infantes etiam in gratia permaneant, quia in ea à Deo physicè conservantur, ipsi tamen non certè dicuntur perseverare in illa, quia ad illam in gratia permanentiam nihil liberè conferunt aut cooperantur. Ex dictis aliquatenus consistere potest, quo sensu verè dicatur, *Omnes baptizatos parvulos sine dubio justificari.*

Tempus jam monet (Doctiss. Resp.) ut receptui canamus. Satis experti sumus in hoc tyrocinio tuam in hoc Theologico pulvere certandi peritiam. Macie tua virtute & eruditione, cujus specimen non vulgare hodierno conflictu edidisti. Te jam ex hac palastra, tuâ meritâ cum laude dimittimus, liberamus.

Te autem, Reverende Pater, nos omnes meritò beatum prædicamus, qui filios tali ingenio præditos quotannis in hoc Theatro exhibes. Tu itidem nos omnes beare soles salutaribus illis præceptis & monitis, quibus filios tuos doces, instruis, ad omnia Theologicæ mûnia instituis. Tibi in hoc amplissimo Theatro gratias promeritas referimus, honorésque tot tantisque anniversariis laboribus debitos, mandamus, decernimus.

Vobis etiam Optimi Patris filiis est quod meritò gratulemur, quibus Doctoratus insignia non sine vestro merito contulit venerandus Pater, decrevit indulgentissima Mater Academia. Spartam quam nacti estis indies studiosè ornate, sacrosanctum depositum custodite, Catholicæ fidei Talentum pretiosum inviolatum illibatumque conservate. Patris vestri viri summi vestigiis insistite. Almam Matris honore & dignitate nihil charius, nihil antiquius habetote.

Supereff jam (Auditores spectatissimi) ut vobis qui tantâ frequentia hûc confluxistis gratias condignas persolvamus, qui Almam Matris Comitibus anniversaria, honoris Theatrum amplissimum, solita vestra præsentia cohonestare dignati estis, in primis verò quod certantibus in pulvere Theologico aures attentas & benignas accommodastis; hæc scilicet erat majorum nostrorum summa prudentia, ut solennes disputationes in omni scientiarum genere hisce Comitibus haberentur, ut viris doctis in hoc Theatro, publici honores & gradus decernerentur, non tamen absq; suæ virtutis in hoc certandi genere prævio specimine, ut horum exemplo alii

ad

ad similia studia incenderentur. Horum omnium vos testes, imò judices estis, annuente & decernente id indulgentissimâ Matre Academiâ, quæ non parum lætatur anniversario hujus celeberrimæ coronæ conspectu. Accedat tantum Candor & amicitia vestra, & Almæ Matris anniversaria sua Comitæ celebranti omnia fausta & scilicet precamini.

Jam superest laboris nostri suprema pars, & de quaestionibus jam ventilatis, calculum nostrum adjiciamus.



[Faint, mostly illegible text, likely bleed-through from the reverse side of the page.]

[Faint, mostly illegible text, likely bleed-through from the reverse side of the page.]

Baptismus

[Faint, mostly illegible text, likely bleed-through from the reverse side of the page.]

Baptismus non tollit peccata futura.


H

 Ec ipsa quaestio non unum sensum admittit, ac proinde isti diversi sensus sunt exuendi, ut quantum inest cuiusque veritatis, indagemus. Per Baptismum intellige Sacramentum Baptismatis, & quia hoc Sacramentum est illud quo prima initiatio nostra facta est, & receptio in gremium Ecclesiae & in Christum incorporatio: unde non inconcinne Hieronymus, Ab eo tempore censemur, ex quo in Christo renascimur; hinc per Baptismum intelligere possumus gratiam quae confertur in prima conversione, quam transferimur est stipite veteris Adami, & in Christum novum Adamum inserimur.

Dicimus jam nec Sacramentum Baptismatis, nec gratiam quae confertur in prima conversione tollere futura peccata (i.e.) peccatorum futurorum reatum.

Ob diversitatem sensuum veritas uniuscujusque, ex sequentibus conclusionibus elucescet.

Sit ergo Prima Conclusio.

I. Certum est Baptismatis Sacramentum in parvulo baptizato abluere Originalis peccati reatum, ac proinde primorum omnium motuum per totam vitam oriundorum.] Quod Baptismus abluat in parvulo originalis peccati reatum, jam suppono ex prius in hisce Comitibus aliquot ab hinc annis probatis. Quod Baptismus idem primorum motuum per totam vitam futurorum reatum itidem tollat, sensit Augustinus, cui plane assentior. Hinc est quod idem Doctissimus Pater toties doceat, Non opus esse pro motibus concupiscentiae involuntariis dicere, Dimitte nobis debita nostra. Non quod non veri nominis peccata fuisse non sentiret, (ut pessime colligunt Romanenses) sed quod omnes una cum radice pravae Concupiscentiae unde pullulant in Baptismo censuit esse remissos; ut videre licet Epistolam 200. ad Afellicum, & in libro de perfect. Just. & saepe alibi.

II. *Conclusio haec sit.* Certum est, licet baptizatus renatus cum adoleverit, ratione reliquiarum concupiscentiae, in omni opere bono aliquid omittat, & leviora peccata quotidie committat, oblivionis, subreptionis, negligentiae, inadvertentiae, & id genus alia, haec tamen peccata leviora, licet veri nominis in se peccata sunt, & Deo exosa, & vere mortem in se mereantur, statum tamen Justi nec mutant, nec interrumpunt, nec suspendunt, nec jus ad regnum coelorum adimunt, nec usum juris intercipiunt. Cum autem juxta Theologos omnes, habitus poenitentiae in justificatione sit perpetuus, exercitium assiduum, plane dicendum est, haec peccata quotidianae incurfionis (ut appellat Tertullianus) poenitentiam saltem virtuali quotidianam tolli.

III. *Conclusio.* Baptismus vim habet obfignandi parvulo, cum adoleverit, remissionem omnium actualium peccatorum, quandocumque impleverit votum Baptismi, convertendo se ad Deum per veram cordis contritionem, & veram & vivam fidem in sanguinem Christi, eamque tum actu ei obfignat, cum actu sic impleverit votum Baptismi.

Hinc 1^o Circumcisio octavam die parvulis administrata, cum primum foederis conditionem actu praestarent, facta est iis, quomodo & Abraham, sigillum justitiae fidei. Rom. 4. valebat ergo in peccatum futurum.

2^o Deus in Baptismo fœdus gratiæ nobiscum init ac pollicetur se fore Deum ac patrem nostrum, perinde ut olim in Circumcisione, cum Abrahamo & semine ejus pactum inivit. Jam fœdus Dei est æternum, & perpetuum, non etiam si per peccata ex parte nostrâ fœdus violetur, ita violatur, ut nobis ad Deum per fidem, & poenitentiam redeuntibus, Deus tamen illud amplius ratum ac firmum esse nolit, cum incredulitas hominum fidem Dei nequaquam evacuet. Huc pertinet illud, Gen. 17. 7. *Fœdum tunc pactum in fœdus sempiternum*, ubi de Sacramento Circumcisionis agit. Esaiæ 54. 10. *In misericordiâ sempiternâ misertus sum tui: Montes enim commovebuntur, & colles contremiscent, misericordiâ autem mea non recedet à te, & fœdus pacis meæ non movebitur.* Rom. 3. 3. *Num incredulitas hominum fidem Dei evacuabit?* ablit. Hinc Scriptura monet ut ex recognitione baptismi incitemur per totam vitam ad mortificationem veteris hominis, & vivificationem novi hominis. Rom. 6. 3, 4. *An ignoratis vos quosquos baptizati sumus in Christum Jesum, in mortem ejus esse baptizatos, sepulti igitur sumus unâ cum eo per Baptismum, ut sicut exsuscitatus est Christus ex mortuis in gloriam patris, ita & nos novâ vitâ ambulemus.* Coloss. 2. 12. *Consepulti cum eo per baptismum, in quo & resurrexistis per fidem operationis Dei, qui suscitavit illum à mortuis.*

Porro fœdus in Baptismo initum comparatur fœderi conjugali, ut patet Eph. 5. 16. Quemadmodum igitur maritus uxorem, quam in adulterio deprehensam bono jure, repudiare poterat, retinens: non ad aliud, quàm ad conjugii semel contracti fœdus revocat. Ita Deus sponfam adulteram fornicantem cum amatoribus multis non ad aliud, quàm semel initum spiritualis conjugii pactum reverti jubet. Huc spectat dulcissima promissio Jerem. 3. 2. *Tu autem fornicata es cum amatoribus multis, tamen revertere ad me dicit Dominus, & ego suscipiam te.*

3^o Baptismus in N. Testamento successit Circumcisioni, Coloss. 2. 11. *Quod ergo Circumcisioni tribuitur, Baptismo negandum non est.* At fideles Israelitæ ex Circumcisione, (i.e.) ex fœdere Dei, in quod per Circumcisionem recepti fuerant, efficaces consolationes in veteri Testamento petierunt. Sic Jonathan, 1 Sam. 14. 6. *Transamus ad castra illorum incircumcisorum*] Quasi diceret, Nos sumus in fœdere, cujus signum gerimus in carne nostrâ. Illi autem non sunt in hoc fœdere, Deus ergo nobis aderit suâ gratiâ, & auxilio. Sic David congressurus cum Goliatho, 1 Sam. 16. *Quis ille Philistæus incircumciscus exercitus Dei maledicens?*] Ergo quidni etiam Christiani fideles ex Baptismo (i.e.) ex fœdere Dei, in quod per Baptismum recepti sunt efficaces consolationes petere possint, quandocumque in peccata novâ inciderint, & de iis serio poenitentiam egerint?

4^o Exempla fidelium in Novo Testamento aperte evincunt solere sese fœderis baptismatis recognitione consolari post lapsus & renovatam poenitentiam. Apostolus Corinthios lapsos ad Baptismi recognitionem revocat, 1 Cor. 6. 11. *Et hæc eratis nonnulli, sed abluti estis, sed sanctificati estis.* 1 Cor. 12. 13. *In uno spiritu, in unum corpus baptizati sumus.* Sic Paulus Galatas lapsos erigit. Gal. 3. 27. *Quosquos baptizati estis Christum induistis.* Heb. 10. 22. *Accedamus cum vero corde in plenitudine fidei aspersi corda à conscientia malâ, & abluti corpus aquâ mundâ.* Sic Tit. 3. 5. *Salvos nos fecit per lavacrum regenerationis, sive renovationis.*] Renovatio in Baptismo incipit, sed per totam vitam durat, ut non opus sit novo Sacramento, ut salvi simus.

5^o Accedat Augustinus de Nuptiis, & Concupiscentiâ, lib. 1. cap. 33. Quod Paulus ait, "Mundans eum lavacro aquæ in verbo, sic accipiendum est, ut eodem lavacro regenerationis, & verbo Sanctificationis omnia prorsus mala hominum regeneratores mundentur, atque sanentur, non solum præterita peccata, quæ omnia remittuntur in baptismo, sed etiam quæ pollentius humanâ ignorantia vel infirmitate contrahuntur. Non ut baptismus, quoties peccetur, toties repetetur, sed quia ipso, quod semel datum est, fit: Et non solum antea, quorumlibet peccatorum venia fidelibus impetretur. Et paulo ante, eadem regeneratione quæ nunc fit per sacrum lavacrum usque in finem cuncta mala hominis purgantur, atque sanantur." [Alphonfus Salmeron Tom. 13. p. 487. citatis hæc Augustini locis diserte concludit, Baptismo non tantum præterita, sed etiam futura remitti peccata.]

Ultimo, Lombardus ex Augustino 4. Dist. 4. lect. G. rem Sacramenti aliquando longè sequi ipsum Sacramentum rectè docet, & post eum Scholastici, ut in hæc accidentibus, quibus, recedente fictione, cum jam poenitentiam primò agant, incipit baptismus prodèssè. Huc spectat pactio dilatoria Durandi, quæ asserit, ubi in susceptione Sacramenti ponitur obex, ibi vi pactionis divinæ baptismum longè ante administratum, sortiri suum effectum abluendi reatum, quam primum obex removeatur, 4. Dist. 4. Quæstion. 4. Valet ergo aliquando Baptismus in futura peccata.

Ex dictis conficitur, adeo Baptismus valere in peccata futura, Ubi votum Baptismi adimpletur, verè poenitentiam agendo de peccatis admissis, & credendo in Christum Redemptorem ob eorundem remissionem, & omnia confestim abluantur, & abluta esse obsignentur, nec opus sit aliquo novo Sacramento Absolutionis Sacerdotalis, ad dicta peccata aut remittendum, aut ad eorum remissionem obsignandum: Quomodo in V. Testament. quoties novum peccatum perpetratum est, ad ejusdem peccati remissionem, & eandem obsignandam, verè contritis & credentibus in Messiam venturum non aliud Sacramentum, non aliud sigillum justitiæ fidei, necessario requirebatur, quàm Sacramentum Circumcisionis octavâ die à natiuitate susceptum.

IV. *Conclusio.* Quod ad graviora futura peccata spectat, quæ cum consensu post baptismum, aut primam conversionem libere vel omittuntur, vel committuntur, dicimus nec actu remitti in Baptismo, nec in primâ conversione, nec omnino antequam perpetrentur, nec potest, nisi intervenienti novò poenitentia, & fidei salvificæ actu.] Id passim testantur Scripturæ. Solomon in Oratione illâ solenni in templi dedicatione, 1 Reg. 8. 33. *Si fugerit populus tuus Israel inimicos suos, & agentes poenitentiam hic oraverint, dimittis peccata populi tui Israel*] Hic non solum agitur de remissione mediante poenitentia in primâ conversione, sed quotiescunq; populus novum peccatum commiserit, ut Deus dimittat: sed ea lege, Ut de novo agat poenitentiam. Psal. 32. 5. *Dixi confitebor adversum me iniquitatem meam, Domine, & tu remisisti iniquitatem peccati mei.*] Hic David renatus novum peccatum agnoscit, improbat, de eo dolet; quæ omnia supponuntur ad seriâ confessionem, & tunc, non ante, sequitur divina remissio. Idem David renatus incidit in atrociora peccata. Adulterii, Homicidii, & sub eorundem reatu per novem integros menses jacuit, monente Nathan Prophetâ per parabolam, agnoscit, improbat, detestatur, convertitur, & non nisi omnibus hæc pactis pronunciat Nathan, *transulit Dominus peccatum tuum.* Idem David, 2 Sam. 24. ex animi elatione lustravit populum, post novem menses lustrata est universa terra. Tum percussit eum cor Davidis, & dixit ad Dominum, peccavi valde in hoc facto, sed precor Domine ut transferas iniquitatem servi tui, quia stulto egi nimis.] Quid opus erat poenitentia, confessione, precibus tam serio effusus David renato, si jamdiu ante remissum fuisset hoc novum peccatum? Certe neq; congruum est, aut consentaneum, aut divinæ justitiæ, aut etiam sapientiæ, ut ei nova peccata condonentur, qui de novis peccatis, quorum conscius est, quibus Dei justitiâ graviter læsit non serio de novo doleat, similq; de novo non proposuerit secum ab iisdem, & similibus peccatis, in posterum sedulo abstinere.

2. Futurorum peccatorum nulla potest esse antequam committantur præcognitio certa, nulla proinde agnitio, nulla improbatio, nulla poenitentia, ac perinde nulla remissio.

3. Nulla remissio potest esse actualis in tempore peccati novi nondum admissi, objectum siquidem remissionis est peccatum admissum præexistens; neq; remitti potest quod nondum est, neq; intelligi potest quomodo actu remittatur nova culpa libere perpetrata, quæ nondum in rerum naturâ existit.

4. Peccata sunt animi peccantis vulnera, non sanatur vulnus, nisi applicato remedio; nec novum vulnus nisi applicato de novo remedio. Poculum immortalitatis (dicente Prospero) habet in se ut omnibus prosit, sed si non bibitur, non medetur ad object. Vincentianus, Resp. 1. Nec sanat medicus hominem, sed Socratem, aut Platonem. Nec adhibetur rectè Pharmacum nisi probe præcognita fuerit natura morbi,

morbi, qualis cognitio non potest certò haberi, morbi non nisi contingenter futuri.

5. Si peccata futura omnia simul & semel in Baptismo, aut in primâ conversione remittantur, quorum prophetarum in sacris literis minæ, comminationes, invitationes, incitamenta, hortationes populi Dei deficientis à Deo, ad poenitentiam, ad fidem, ad novam cum Deo reconciliationem post nova peccata admissa ineundum: quæ tamen passim occurrunt in prophetarum & Apostolorum concisionibus in sacris literis. Hæc omnia supponunt novis peccatis admissis, de novo reconciliationem necessariò cum Deo ineundam fore.]

6. Certum est sanctissimos homines quamdiu sunt viatores, obnoxios esse novis peccatis, & sæpe de novo verè peccare, ut liquet exemplis Davidis & Petri. Certum autem est eosdem ex admissio novo peccato, verè novum reatum contrahere. Certum itidem est novum reatum non ablui, nisi de novo applicetur morborum animæ unicum Pharmacum sanguis Mediatoris: Certum est sanguinem Christi non de novo applicari nisi fide in sanguinem Christi (Rom.3.25.) recumbente. Certum itidem est neminem de novo, actu recumbere in Christum, nisi verè de novo contritum, & corde compunctum ob peccatum de novo perpetratum; nec de novo peccato admissio quis conteritur, nisi de peccato novo tum agnito, tum improbatò. Hoc ipsum evincunt Davidis, Psal. 51. *Confessiones crebra peccati*, tristes querelæ, peccati atrocitatis exaggeratio, innatæ pravitatis agnitio, culpæ iteratæ deprecationes, ardens desiderium redeundi in gratiam cum Deo, promissio gratitudinis, & id genus alia. Testantur hoc ipsum Petri etiam lacrymæ ubertim fusæ, confessio ter iterata, & id genus alia. Concludo nullo modo admittendum esse illud quorundam Dogma novellum Peccata præterita & futura, aut in Baptismo, aut in prima conversione simul & semel remitti.

Doctissime Respond. Satis velitatus es. Satis experti sumus in hoc tuo tyrocinio, tuam in hoc Theologico pulvere certandi peritiam. Macte tuâ virtute & eruditione, ejus specimen haud vulgare, hodierno tuo cum tot veteranis congressu edidisti. Te jam ex hac palæstra, eâ quam meruisti laude, dimittimus, liberamus.

Te autem, Reverende Pater, Nos omnes meritò beatum prædicamus, qui tam numerosam prolem nobis inexpectatò hisce Comitibus peperisti. Tu itidem nos omnes beare soles salutaribus istis tuis præceptis & monitis, quibus filios tuos doces, instruis, ad omnia Theologiæ munia instituis. Tibi in hoc amplissimo Theatro gratias promeritas, Almæ Matris nomine referimus, & pro anniversariis hisce laboribus, honores anniversarios debitos, Meritissimè & Libentissimè decernimus.

Vobis etiam Optimi Patris filiis est quòd meritò gratulemur, quibus Doctoratûs insignia contulit Venerandus Pater, decrevit indulgentissima Mater Academia. Spartam quam nacti estis indies studiosè adornate, sacrosanctum fidei Orthodoxæ Talentum vobis concreditum, inviolatum, illibatûmque conservate. Patris vestri vestigiis insistite. Almæ Matris honore, nihil prius, nihil antiquius habetote.

Supereff jam (Auditores spectatissimi) ut vobis qui tantâ frequentia undique convenistis gratias condignas persolvamus, qui Almæ Matris Comitia hæc anniversaria, hac vestra numerosa præsentia cohonestare dignati estis; imprimis quòd Disputationibus hisce Theologicis aures tam attentas & benignas accommodastis. Hæc scilicet erat majorum nostrorum summa cura, prudentia summa, ut in fine hujus anni literarii, in omni scientiarum genere, in magnis hisce Comitibus, solennes Disputationes haberentur; ut ita viris doctis in hac Celeberrima Corona, publici Honores & Graduum insignia decernerentur, non tamen absque prævio aliquo virtutis suæ edito specimine, ut horum exemplo, alii ad similia studia incenderentur. Quæ omnia sub oculorum vestrorum fideli testimonio peragi voluit Honoranda Mater Academia. Accedat duntaxat Candor & æquanimitas

vestra, & Almx Matri hæc anniversaria sua Comitis celebranti, omnia fausta & felicia comprecamini.

Jam superest laboris nostri suprema pars, ut de quæstionibus jam ventilatis, nostrum calculum adjiciamus.

Realis

Realis presentia Christi in Eucharistia non ponit Transubstantiationem.

Unum supponitur, realem scilicet presentiam Christi dari in Eucharistia.

N hac questione

Alterum dato hoc supposito negatur, Poni in Sacramento Transubstantiationem.

Ecclesia nostra in Confess. Art. 18. de cena Dominica agens, ritè, dignè & cum fide sumentibus (inquit) panis quem frangimus est communicatio corporis Christi, & poculum benedictionis est communicatio sanguinis Christi, & in Catechismo parvulo ancto querit Catechista, Quenam est pars interna, sive res signata? Respondet Catechumenus, Corpus, & sanguis Christi, quæ verè ac reipsa, seu realiter exhibentur, & à fidelibus recipiuntur in sacra coena.

In Augustana Confess. Art. X. primò sic habebatur in exemplo Germanicè scripto de cena Domini, docent quòd corpus & sanguis Christi verè adsint, & distribuuntur vescentibus in cena Domini. & improbant secus docentes. Postea in editione Latinà à Philip. Melanctho. versà sic redditus, est Artic. 10. De cena Domini docent quòd cum pane & vino verè exhibeantur corpus & sanguis Christi vescentibus in cena Domini, an. 1540.

Anno 1541. in Conventic. Ratisspon. publico ord. Evangelicorum judicio, sic restitutus hic Articulus.

Fatemur in cena verè & realiter corpus & sanguinem Christi adesse, & cum pane & vino exhiberi sumentibus: Perspicue testati sumus quòd in cena Domini verè & realiter adsint, & sumantur corpus & sanguis Domini. Testati etiam sumus nos improbare eos, qui negant adesse & verè sumi corpus Christi. Milius in August. Confess. p. 148. Videtis quâ occasione Protestantes usurparunt illam formulam Realis presentia corporis Christi in cena, quam postea retinuerunt nostri Theologi passim.

Non ergo tenere supponit doctissimus Respondens, realem presentiam Christi, imò & corporis Christi in Eucharistia dari, & concedi posse.

Ut autem hoc suppositum rectius intelligatur premittendum est, Per Christum, seu Christi corpus nos non intelligimus Christum aut corpus Christi quomodolibet sumptum: non Christum, aut Christi corpus simpliciter, quæ ex carne & ossibus constât, sed juxta verba institutionis, & unanimes consensum Patrum, Christum, & Christi corpus quæ fractum, & Christi sanguinem quæ fûsum, seu Christum & Christi corpus quæ crucifixum & in cruce olim pendulum. Tale enim est corpus illud quod in mensa Dominica ponitur, promittitur, offertur, porrigitur, datur, & exhibetur: Tale etiam est quod communicatur dignè suscipienti, & ab eodem recipitur, & manducatur.

2. Notandum est presentiam hujus corporis fracti accipi posse bifariam, vel respectu

§ Signorum Mysticorum.
§ Ipsorum Suscipientium.

Nos cum Doctissimo Hookero dicimus hanc realem presentiam corporis Christi in Eucharistia non querendam esse in signis Sacramentalibus; ac si ipsum Christi corpus verum, naturale, cruci suffixum, aut gloriosum sub speciebus delitesceret, per Transubstantiationem signorum Mysticorum in substantiam corporis & sanguinis Christi, quæ est Hæresis Romanensium, neque per realem Consubstantiationem veri corporis per indistantiam localem unâ cum substantia panis, qui est error Lutheranorum; nec in signis aliam quàm partionalem presentiam agnoscimus: Sed dicimus hanc veram, & realem presentiam corporis Christi querendam esse duntaxat in animis, & cordibus verè fidelium suscipientium: ut rectissimè Hookerus.

Hæc autem presentia, quâ corpus Christi præsens est cordibus suscipientium fidelium, non definieda est per indistantiam, seu localem propinquitatem, sed per communicationem, seu obversationem circa sensus nostros exteriores, vel interiores. Quicquid enim obversatur circa sensus exteriores, vel interiores, ut circa Intellectum, Voluntatem, aut Affectus, iisque se cognoscendum, aut appetendum præbet, & communicat, id verè præsens dici potest, & dicitur. Hinc concionator in templo, præco in foro, Professor in Schola quando se videndum, aut audiendum exhibet suis Auditoribus, dicitur illis verè præsens, tametsi loci distantia sit omnibus remotus, aliis licet propinquior, aliis remotior. Sic sol nobis verè præsens est, & dicitur cum interdum verum, & substantiale corpus, & per illud suum splendorem, atque calorem nobis communicandum præbet, & nos revera illius sumus participes. Cum verò ad aliud hæmisphærium progressus nobis seipsum non amplius communicat, tum dicimus illum abesse, & absentem esse. Quibus exemplis manifestum est dari veri nominis presentiam aliam, quàm illa, quæ definitur indistantia, seu locali propinquitate.

Sic Christi corpus cruci affixum in Eucharistia fidei ritè suscipientis realiter præsens verè dicitur.

Licet enim Christus ante annos mille sexcentos Hierosolymis in Monte Calvaria crucifixus est, tamen fides suscipientis innitens promissione divinâ, *Hoc est corpus meum* (i.) hic panis benedictus, fractus, oblatus, est exhibitivus corporis mei crucifixi, certissime credit, unâ cum pane Christi corpus crucifixum offerri, & exhiberi ad alimoniam spiritualem tum animæ, tum etiam corporis ad vitam æternam. Fidei enim dignè communicantis non minus ex promissione divinâ subsistit Christi corpus crucifixum, atque cum ipsâ olim cruci affigeretur, illudque per Dioptram fidei, in celebratione hujus Sacramenti, clarè inveniuntur fideles; æquè atque Stephanis oculis corporeis conspexit corpus Christi gloriosum ad dextram patris. Idque fit actu firmi, & indubitati assensus, quo fides, quæ est *παραμύθησις ἐκ τοῦ βλεπομένου* (i.) evidens demonstratio rerum non apparentium, de veritate divinæ promissionis & exhibendo corpore crucifixo unâ cum signis Sacramentalibus certioratur. Talis enim demonstratio est ipsa fides qualis est dioptra illa, de quâ Galilæus in sydereo nuncio, quâ montes, & valles in Lunari corpore, & stellæ aliis non apparentes, vel naves, & turres remotissimæ, aliis non visæ, apparent, & cernuntur. Hoc enim speculum oculos confortat, & species visivas ita cogit, roborat, & condensat, ut longissime se spargant, remque remotissimam, aliis invisibilem, clarè conspiciendam præbet. Tale est speculum fidei respectu supernaturalium objectorum. [Vid. Cornel. à Lapide in Heb. 11. ver. 1.] Tale est speculum fidei respectu Christi crucifixi, & in hoc Sacramento propositi, oblato, exhibiti, ex parte Dei, quæ fides Sacramenti appellari potest. Atque hac fide de istâ coexhibitione veri corporis fracti cum mystico pane, juxta Christi promissionem persuasus fidelis in Christi corpus crucifixum fiducialiter recumbit, atque adeo corpus illud ex promissionis tenore divinæ à suscipiente fidei verè & realiter recipitur, atque adeo ex tali receptione subjective inest, manducatur, in eoque manet in perennem animæ, & corporis, Mysticam,

Mythicam, sed veram, & realem alimoniam ad vitam æternam. Hoc fit actu fiduciz, & supponit fidem Sacramenti. Adde corpus in Eucharistia præsens etiam dicitur per conjunctionem. Cum enim persona dignè fuscipientis per vinculum Spiritus Christi incorporaretur, ut membrum Christo *hæreticè* ut capiti, eiq; per Mythicam unionem verè, & realiter uniat. Hinc corpus Christi præsens suo modo dici potest fuscipienti, ut membrum commembro. Quomodo pes Platonis capiti præsens est quâ membrum ejusdem suppositi, & magis præsens ejus capiti, quàm pes Aristotelis, vel alterius suppositi, etiam si caput Platonis contingat Physico contactu.

Illud etiam adiciendum est. licet corpus, quod objectivè offertur, & exhibetur, & subjectivè recipitur in Eucharistia, sit corpus fractum, & exangue, non gloriosum. Per Sacramentum tamen hoc corporis fracti nos communionem habere cum glorioso, siquidem Sacramentum hoc, quæ communio per excellentiam rectissime dicitur, instituit Christus, ut medium longe efficacissimum perficiendæ unionis quam arctissimæ, & intimæ inter corpus suum gloriosum & membra sua; ex hac unione cum Christo, ut capite, membris communicantur merita Christi, & omnia beneficia sacrificii corporis Christi immolati in ara crucis.

Atq; ita habetis realem præsentiam corporis Christi tum objectivam, tum subjectivam, tum per mythicam communicationem, respectu ipsorum fuscipientium in hoc cœlesti Mysterio. Hoc primum.

Secundum erit:

Hoc tamen reali præsentia Christi in Eucharistia positâ, & datâ dicimus inde non poni Transubstantiationem. De quâ sic Ecclesia nostra Articulo 28. Panis, & vini Transubstantiatio in Eucharistia ex sacris literis probari non potest, sed apertis Scripturæ verbis adversatur, Sacramenti naturam evertit, & multarum suppositionum dedit occasionem.] Hæc Articulus.

Nos insistentes in vestigiis conditorum Articuli:

1. Docebimus adversari apertis Scripturis.
2. Naturam Sacramenti evertere.
3. Multarum suppositionum occasionem dedisse.

Et quidem, 1. Scripturis adversatur Evangelistis, qui uno ore testantur Christum instituisse Sacramentum Eucharistia pridie, quàm in cruce passus est. Atq; hoc dato Christus in primâ cenâ comederat suum naturale corpus immane facinus, & tanto immanius, quanto suam ipsius carnem vivam devorare, aut deglutire, Immanius longe est, quàm si quis alterius hominis carnem deglutiret. Certè ab hoc sensu, longe abhorrens Augustinus, qui colligit figuram esse his verbis Christi, Joan. 6. 53. *Nisi manducaveritis carnem meam, & biberitis sanguinem meum, &c.]* quia alioqui, flagitium, aut facinus juberet videatur Dominus.

2. Idem evincitur, ex eo quod juxta Scripturas, & totam Antiquitatem, post Consecrationem restaret veri nominis panis, tum quoad substantiam, tum quoad accidentia. Evangelistæ aiunt Christum panem benedictum fregisse, & dedisse discipulis, & Paulus, quinque panem appellat, post benedictionem, 1. ad Corinth. 10. & 1. ad Corinth. 11. Quotiescunque manducabitis hunc panem, mortem Domini annuntiabitis donec veniat.] Idem docent patres aperte, frequenter, & perseveranter Chrysostomus. In pane sanctificato, quamvis mediante sacerdotio liberatus sit ab appellatione panis, dignus autem habitus sit Dominici corporis appellatione, Natura tamen panis permansit. Theodoretus Dialog. 2. cap. 24. Nequiquam post sanctificationem Mystica Symbola recedunt

cedunt à propriâ naturâ, sed manent in priori substantiâ, figurâ, & specie. Gelasius Pontifex Romanus. Certè Sacramenta, quæ sumimus, corporis, & sanguinis Christi Divina res est, propter quod, & per eadem Divinæ efficiuntur consortes Naturæ, & tamen esse non definit substantia, & Natura panis, & vini. Euphrasius Patriarch. Antioch. de Sacris Antiochiæ legibus, apud Photium Cod. 129. A fidelibus sumptum Christi Corpus, à sensibili substantia non recedit, & indivisum à Gratia intelligibili manet.] En à sensibili substantia non recedit. Quid apertius, quid luculentius dici potest ad asseruendam veri panis permanentiam?

Conciliator nuperus de Sancta Clara, si Conciliare possit hanc claram pugnantiam Antiquorum Patrum cum fide Tridentina, de portento Transubstantiationis, tum herbam porrigam.

2. Tollit rationem Sacramenti in Eucharistiâ. Nam 1. Secundum Scripturas Eucharistiæ Sacramentum est sicut Baptismus. At si desit substantia panis tollitur ratio Sacramenti. Ergo dogma hoc Scripturis adversatur. Minor probatur bifariam

1. Tollitur Elementum, seu res Terrena in signo.

2. Tollitur Analogia inter signum, & signatum.

1. Tollitur Elementum, seu res Terrena in signo. In Sacramento requiritur ut sint, duæ res Materia, & forma, res Terrena, & Cœlestis, ut loquitur Irenæus, Lib. 4. cap. 34. de Eucharistiâ. Verbum enim accedens ad Elementum non tollit, aut annihilat Elementum, sed facit Sacramentum. At Transubstantiatio tollit materiam, & rem terrenam, substantiam scilicet panis, atque ita tollit, & annihilat Elementum.

2. Datâ Transubstantiatione tollitur ratio Sacramenti, eò quod tollitur analogia inter signum, & signatum. Et quidem duplex illa analogia, quæ in hoc Sacramento Eucharistiæ reperitur.

1. Hæc est, sicut panis materialis alit, & sustentat corpus animale: Ita corpus Christi est cibus nutriens, & sustentans novum, & internum hominem.

2. Hæc est, sicut panis triticeus est quædam substantia ex multis granis coacta. Ita unum corpus efficiuntur, qui de uno illo pane Eucharistiæ participant.

Adde postremo impios, & fide destitutos ipsum Christi corpus non accipere. Non est igitur corpus Christi Transubstantiatum sub speciebus panis, & vini. Ratio consecutionis est, quia Impii totum illud, quod continetur sub speciebus panis, & vini ore excipiunt.

Antecedens probatur, quia corpus Christi ore tantum fidei, quo isti carent, percipitur.] Joan. 6. Dominus famis, & sitis refectionem, quod manducationis, & potationis effectum est, fidei adscribit, & vers. 54. quicumque manducaverit carnem meam, & sanguinem meum biberit, habet vitam æternam, & vers. 56. *In me manet, & ego in eo.* Non igitur fide destituti Christum accipiunt, cum non habeant vitam æternam, nec in Christo manent, nec Christus in illis. Sic Patres. Origines ait Christum esse vetum cibum, quem qui comederit vivet in æternum, quem nullus malus possit edere: in cap. 15. Matthe. Cyprianus de coena. Una est domus Ecclesiæ, in quâ agnus editur, nullus ei communicat, quem Iherosolymitici

Potestas Clavium extenditur ad Remissionem culpe.

Ueriter de vi, virtute & efficacia potestatis Clavium quousq; extendatur, an ad poenam tantummodo, an etiam eousque ut remittat culpam.

Per Potestatem Clavium, intellige illam potestatem quæ data est Petro, & in Petro omnibus Apostolis & eorum Successoribus, Ecclesiarum Pastoribus, cum illi diceretur, *Tibi dabo Claves Regni Cælorum.*

Peccatum Adz, & nostra actualia sunt quasi seræ, & repagula quibus clauditur Regnum Cælorum omni homini ex Adamo oriundo: Christus suo sanguine patefecit nobis aditum ad Cœleste sacrarium, hujus aditus custodiam suis ministris, commisit, qui per Claves suæ fidei commissas intromittunt, aut arcent à Regno Cælorum, Clave viz. non errante.

Claves, quibus aut claudere Regnum Cælorum, aut aperire possint Ministri, Apologia Ecclesiæ Anglicanæ ex Chrysostomo, dicit esse Scientiam Scripturarum; ex Tertulliano Interpretationem Legis; ex Eusebio Verbum Dei.

Accepisse autem Discipulos hanc Potestatem ait eadem Apologia, non ut audierent arcanas populi confessiones, — sed ut irent, ut docerent, ut publicarent Evangelium, ut essent credentibus odor vitæ ad vitam, ut essent incredulis atq; infidelibus odor mortis ad mortem: ut piorum animi Conscientia superioris vitæ, & errorum consternati, postquam aspiceret cœpissent lucem Evangelii, & in Christum credere, ut fores Clave, ita illi Verbo Dei aperirentur: Impii autem & Contumaces, quiq; nollent credere & redire in viam, quasi obserati & clausi, relinquerentur. Addit, hanc esse rationem Clavium, hoc pacto aperiri, aut claudi hominum Conscientias, Sacerdotem quidem esse Judicem, nullius tamen eum potestatis (ut ait Ambrosius) jus obtinere. Hæc Apologia & quidem alibi ait esse Judicem de Doctrina, de peccato publico, de Ecclesiæ offensione, de poenitentis animi tum submissione, tum dolore sententiam dare. Denique ut judicem unâ cum Ecclesiâ potestatem habere & condemnandi, & absolvendi. Hæc omnia ex sententia Ecclesiæ Anglicanæ; Ecclesiæ Anglicanæ Reverendissimus Episcopus Juellus, qui in defensione Apologiæ, hæc insuper adjicit ex patribus, ex Ambrosio, remittuntur peccata per Dei Verbum, cujus Levites est interpres, de Cain & Abel, lib. 2. ex Hieronymo, Duces Ecclesiæ habent Claves Scientiæ, ut aperiant Scripturas creditis sibi populis. Unde præcipitur ut Magistri aperiant, & discipuli ingrediantur, in Esaiam, lib. 6. cap. 14. & ex Chrysostomo, Clavis est Scientia Scripturarum, per quam aperitur janua caritatis, opere imperfecto, Homil. 44. & ex Augustino, Clavis est dicenda, quâ ad fidem pectorum dura referantur, Homil. 27. de Sanctis. Adde & illud Hieronymi, solvunt Apostoli sermone Dei, & testimoniis Scripturarum, & exhortatione virtutum. Allegat etiam ibidem illud Lombardi: Et si aliquis apud Deum sit solutus, non tamen in facie Ecclesiæ absolutus nisi per judicium Sacerdotis.

Porro cum Clavis sit duplex { *Aperiens* seu solvens.
{ *Clandens* seu ligans.

Cum dicimus Potestatem Clavium extendi ad remissionem culpæ, intelligo de Potestate Clavis aperientis, seu solventis; nam altera instituitur ad peccati retentionem, Clavis, *viz.* Clandens seu Ligans.

Porro dicimus hanc Clavem aperientem extendi ad remissionem culpæ.

Potestas Clavium, dici potest extendi ad remissionem ipsius culpæ, vel quæ remissio culpæ denotat {

- 1^o Actualem remissionem seu condonationem ex parte Dei remittentis offensum in se Commisum.
- 2^o Remissionem culpæ in foro Conscientiæ.

Jam dicimus Potestatem Clavis aperientis extendi ad actualem remissionem culpæ ex parte Dei remittentis offensum,

In generando {

- 1^o Pœnitentiam, quæ disponit pœnitentem ad remissionem culpæ.
- 2^o Fidem, quæ instrumentaliter applicat meritum Christi ad remissionem actualem.

Ubiq; peccator verè contritus fuerit ob offensum Dei, simulq; fiduciâ recumbit in Christi mortem & meritum ob remissionem peccatorum: ibi juxta promissionem Christi, & tenorem fœderis gratuiti, protenus remittuntur peccata omnia, ante omnem absolutionem Sacerdotis; id patet ex multis Scripturæ testimoniis, quæ affert Homiliaſtes Homil. de Pœnitentia: Et primò exemplo Nathanis Prophete, qui mox ac veram in Davide contritionem animadvertit, non dubitat dicere, Transiit Dominus peccatum tuum, 1 Sam. 12. & ex illo Ezek. 18. Si impius egerit pœnitentiam — omnes iniquitates ejus non recordabor, dicit Dominus. Et ex illo aureo dicto Davidis, sic enim appellat Homiliaſtes, Psal. 32. Dixi confitebor adversum me injustitiam meam, & tu remisisti impietatem peccati mei. Et ex Joan. 1. ver. 9. Si confiteamur peccata nostra, fidelis est, & justus ut remittat nobis peccata nostra, & emundet nos ab omni iniquitate. Quæ loca intelligenda sunt de Confessione soli Deo factâ absq; ullo voto Confessionis Sacerdoti faciendæ. Certum est juxta Scripturam, veri nominis Contritionem quæ peccator serio dolet de offenso Dei, simulq; sibi proposuerit renunciare peccatis suis, & vitam novam inchoare, & fiduciam in Christum Redemptorem, & ejus merita ob remissionem peccatorum collocaverit, abundè sufficere juxta tenorem fœderis gratuiti ad omnium peccatorum remissionem absq; omni voto ullius Sacramenti suscipiendi. Et quidem pœnitentiam internam, seu veram cordis contritionem, & fidem in Christum Redemptorem abundè satisfecisse ad hæcendam divinam misericordiam, & remissionem peccatorum impetrandam, facile est ostendere tum sub lege Naturæ, exemplo Jobi qui divinâ gratiâ illustratus, hisce solis remediis usus est ad remissionem peccatorum consequendam, cap. 21. 24. & 42. absq; omni voto absolutionis Sacerdotalis.

Sub lege etiâ Sacrificia instituta sunt plurima, etiam sacrificia pro peccatis & delictis, tamen nullum peccatum verè explebant, nisi ubi vera cordis Contritio, & fides in Christum venturum accedebant: Impossibile enim erat (inquit Apostolus) sanguine taurorum & hircorum auferri peccatum, Heb. 10. 4. Vultis peccatorum remedium ordinariū? Audite preces Solomonis. Si fugerit populus tuus Israel inimicos suos (quia peccaturus est tibi) & agentes pœnitentiam, & confitentes nomini tuo venerint, & oraverint, & deprecati te fuerint in domo hac, exaudi in cœlo, & dimitte peccatum populi tui Israel.] Hic nulla mentio sacrificii ullius externi aut Sacerdotalis absolutionis, Davides expiatur atrocissima peccata adulterii & homicidii,

miciidii, audite quibus usus est remediis; Miserere mei Deus secundum magnam misericordiam tuam—Et sacrificium Deo spiritus contribulatus, cor contritum & humiliatum Deus non despicias.] Sacrificium ipsi fuit seria cordis contritio fides in misericordiam divinam, & humillima precatio; hisce solis remediis usus, Deo reconciliatus est absq; omni voto absolutionis Sacerdotalis. Certum est in Vet. Testamento Sanctos hisce remediis verè Contritionis, & fidei in Christum redemptorem venturum solummodo acquievisse ad omnium peccatorum expiationem absq; omni voto aut Confessionis aut Absolutionis Sacerdotalis.

Sub Novo Testamento eadem remedia adhibita sunt, ut abunde sufficientia ad remissionem peccatorum. Neq; est ulla ratio cur hæc remedia sufficiebant ad impetrandum à Deo peccatorum remissionem sub lege naturali, & sub lege scriptâ; sub Evangelio autem non sint sola sufficientia absq; ullo voto superaddito absolutionis Sacerdotalis. Idipsum Patres luculentissime docent. Justinus Martyr in Dialogo cum Tryphone, Ambrosius de Pœnitentia, & in Apologia David, Basilus, Augustinus, Cassianus, & alii. Chrysostomus disertè Confessionis cujusq; externæ negat necessitatem pluribus in locis. Gregorius in Psal. 32. Attende quanta sit indulgentiæ vitalis velocitas, quanta misericordiæ Dei commendatio, ut confitentis desiderium comitetur veni, antequam ad cruciatum perveniat pœnitentia. Ante remissio ad cor perveniat, quàm confessio in vocem erumpit. Et Leo primus Epistola 9. Apud Deum nullas patitur veniæ moras vera conversio, dicente Spiritu Dei per Prophetam, Cum conversus ingemueris tum salvus eris] quem locum Bellarminus allegans, ait juxta eum continuo remitti gratuiti peccata, etiam antequam absolutio Sacerdotalis accedat, lib. 2. de Pœnit. cap. 3. Huc facit illud Bernardi Sermone 22. in Cant. Quisq; pro peccatis compunctus, elurit & sitit justitiam, credat in eum qui justificat impium, & per solam fidem justificatus patrem habebit apud Deum. Nihil aliud in contrarium congeri solet, nisi quod prætenditur Christi præceptum auricularis confessionis, & Sacerdotalis absolutionis vel in re, vel in voto; cujus tamen præcepti nullum extant vestigium in Scripturis. Sed neque apud Patres, qui solius pœnitentiæ & fidei in Christi merita & mortem meminerunt, tacito omni Sacramenti ullius suscipiendi voto. Qui itidem expresse confessionis cujusq; externæ negant necessitatem. Sic Basilus, sic Ambrosius, sic multis in locis Chrysostomus. Qui omnes votum confessionis non agnoverunt, ut verissime Spalatenfis, Lib. 5. cap. 7.

Scholastici ferè omnes imitati Lombardum, contritionem solam posse & solere peccata delere fatentur, sed addit Lombardus, Si tamen pœnitens votum confitendi habeat. Addit Concil. Trident. Sess. 24. cap. 4. Et si contritionem Charitate perfectam esse contingat, hominemq; Deo conciliare priusquam Sacramentum [pœnitentiæ] actu suscipiatur; ipsam nihilominus reconciliationem ipsi contritioni sine Sacramenti voto, quod in illa includitur, non esse ascribendam.] At frustra addita est hæc conditio.

Nam primò Sancti in Vet. Testamento vi solius veræ contritionis & fidei in Christum venturum, Deo reconciliati sunt absq; hoc voto; sed nec in Novo Testamento uspiam hujus mentio occurrit.

Secundo, certum est ipsam cordis contritionem vi suâ quâ dolet de offensa commissa, & propositum includit de cætero non peccandi, sufficienter disponere ad culpæ remissionem absq; omni voto, ut tota Scriptura passim docet. Quid enim si ille contritus nihil cogitat, sed habet se merè negativè ad volendam seu desiderandam confessionem? Quid si habeat votum tum perfectum, sed postea nolit confiteri illa peccata? An redibunt? Fortasse novum peccatum committit contemptus, sed habitam jam à Deo remissionem non irritam facit.

Tertio, Patres quos supra adduximus, qui necessitatem confessionis externæ aperte negaverunt, profectò votum hoc confessionis non agnoverunt.

Etiam in 4. sentent. contra disputat, per solam cordis contritionem non remitti peccata, hoc argumento, quod nullius peccati remissio fieri possit, nisi virtute passionis Christi, quatenus est satisfactoria poena ipsius peccati, id quod nos etiam contendimus.

Sed dicimus insuper, ubicunq; pœnitens verè doleat de offensa Dei, & proponat de

de cætero peccato abrenunciare, ibi poenitens confugit ad Christum redemptorem, & ejus merita, in eaq; totus recumbit ob remissionem peccatorum, ex quo confessio remittuntur, absq; ullo Sacramento absolutionis, aut Sacramenti voto.

Dices, Quorsum igitur instituitur Sacerdotalis absolutio?

Respond. Ad remissionem peccati in foro Conscientiæ. Sæpenumero enim fit ut poenitentes, qui verè de peccatis dolent, & vitam novam sibi proposuerunt, & in Christum Redemptorem se totos conjiunt ob remissionem peccatorum, tamen peccatorum tum multitudine, tum magnitudine premantur, angantur, inquietentur, unde dubiis sæpe torquentur, anxietate animi laborant, Satanæ tentationibus, & jaculis undiq; petuntur, & sæpe ad desperationem adiguntur. Hic ergo elucet primarius usus Clavium, tum illius quæ Clavis Scientiæ dici solet, tum illius quæ Clavis potentæ dicitur.

Prudens enim Sacerdos, cum animadvertat dubia quæ poenitentem inquietant & tentationes quibus impetitur, & peccata quæ maxime gravant conscientiam, ea ex sacris literis depromat documenta, quæ maxime idonea judicat ad levandum & relevandum poenitentis conscientiam. Et horum applicatione aperit (ut ita dicam) Regnum Cælorum, dum dubia removet, tentationibus occurrit, nubes mentis discutit, atq; adeo conscientiam frustrationibus, hortationibus, salubribus monitis & suavis consolationibus levat, relevat, serenat, & pacatam & tranquillam reddit.

Atqui iste usus Clavium non instituitur ad absolvendum injustum à peccatis antea non remissis, sed ad levandum, relaxandum conscientiam verè poenitentis, & credentis atq; adeo justificati, nebulis tamen dubiorum & tentationum obscuram & obtenebratam: Non ad actualem remissionem peccatorum, sed ad certam orationem conscientie de veritate remissionis, quæ certissime dicitur remissio culpæ in foro conscientie. Atq; hæc est illa remissio peccatorum quam rectè Chrysostomus ait nec Angelis, nec Archangelis Deum communicasse.

In hanc sententiam adduci potuissent testimonio Cyrilli Alexand. Hieronymi, Augustini, Gregorii, Bedæ, Theophylacti, Haymons, & Radulphi Ardentis egregii concionatoris, Quos secuti sunt antiquiores Scholastici, Richardus de Sancto Victore, Lombardus, Halensis, Antiffiodorensis, Guliel. Parisiensis, Bonaventura quibus accedunt Occamus, Marfilus, Patarinus, Gabriel Biel, Major, Thomas de Argentina, Abulensis, Hadrianus, Medina & Romanenses moderni plurimi.

Audite Joannis Feri, celeberrimi concionatoris Moguntiz in Germania testimonium; sic enim ille lib. 2. Commentar. in Matthæum, explicans locum Joanne 20.23. Quorum remisistis peccata, remittuntur iis, &c. non inquit quod homo propriè remittat peccatum, sed quod ostendat & certificet à Deo remissum; neq; enim aliud est absolutio quam ab homine accipis, quàm si dicat, En fili, certifico te tibi remissa esse peccata; annuncio tibi te habere propitium Deum, & quæcunq; Christus in Baptismo, & Evangelio suo nobis promittit, tibi nunc per me annunciat, & promittit, hujus me testem habebis, vade in pace & quiete conscientie. Similia habet in eodem Commentar. in illud Matth. xi. Venite ad me omnes qui laboratis, &c.

Huic sententiæ accedant omnes illi, qui per veram cordis contritionem peccata dimitti volunt, ante susceptionem Sacramenti, quæ est mens Concilii Tridentini, quæ est sententia Bellarmini. Quorsum enim Sacramentum suscipitur, cum per veram contritionem cordis peccata omnia remissa sunt.

Respondet Bellarminus primò, Ad augendum gratiam, & poenam temporalem remittendum ex parte.

Respondeo primò, Absolutio ergo Sacerdotalis nihil confert ad remissionem culpæ; nec formula absolventi, Ego absolvo te, extenditur ad remissionem ipsius culpæ, vel absolutionem ab illa culpa.

Secundò, si nulla culpa delenda super sit verè contritis, votum suscipiendi Sacramentum minime necessarium est ad hoc ut remittatur culpa, cum nulla remittenda super sit.

Secundò respondet Bellarminus, quia nemo certo scire potest se veram contritionem habuisse, & attritio cum solo Sacramenti voto non justificat: Itaq; ut quis de adeptæ indulgentiæ securior sit, debet omnia illa remedia adhibere, quæ Deus

ad

ad peccata, purganda instituit. Lib. 2. cap. 14. de Pœnitent.

Sol. Respondeo, Quid hoc aliud est, quam absolutionem institutam esse ad certiorandum de veritate contritionis, ac proinde de veritate remissionis peccatorum, & ut de adeptâ indulgentiâ securiores simus, quæ nostra est assertio in yim veritatis. En reum confitentem se Bellarminum.

Sed hic falsò innuitur absolutionem esse remedium institutum ad purganda peccata, cum ex principiis ejus non intersiat nisi ad certiorandum de purgatione à peccatis.

Quare rectissime inferitur ex Bellarm. Principiis, Absolutionem Sacerdotalem potissimum interservire certiorando de remissione peccatorum. Nam ex iisdem potissimum Principiis, Lombardus & antiquiores Scholastici optimè inferebant, Absolutionem Sacerdotis non fuisse operatoriam, sed declaratoriam, & certificatoriam remissionis peccatorum in foro Conscientiæ, quæ est nostræ Ecclesiæ sententia, ut ex Liturgia & Homiliis constare possit.

Porro omnino dicendum, Clavium potestatem non aliter extendi ad remissionem culpæ, (quam suprà diximus) Contendunt nonnulli, ac si Sacerdos post auditam confessionem, pronunciando verba, Ego absolvo te, hoc ipso, actu & efficaciter remitteret culpam prius naturâ quàm Deus; Non enim dicendum in remittenda culpa priorem esse Sacerdotem, quàm Deum; aut à Deo non nisi approbati, & ratum haberi quod prius factum, fuerit per Sacerdotem, aut Dei absolutionem sequi ad præviam Sacerdotis absolutionem, aut absolutionem Sacerdotis necessitate Mediæ necessariam esse ad absolutionem divinam.

Nam 1. supra ostendimus ex autoritate Scripturæ juxta explicationem nostræ Ecclesiæ, in Homilia de Pœnitentia, verâ cordis contritione, & fiducia in Christum redemptorem & ejus merita, illicò & confestim remitti culpas ante absolutionem Sacerdotalem. Idem etiam dicimus ex sententia Patrum, & antiquiorum Scholasticorum.

2. Certum est, nullum Sacerdotem judiciariâ suâ potestate remittere peccata, nisi autoritate sibi commissâ; officium autem judicis autoritate sibi commissâ non aliud est, quàm pronunciare illum innocentem qui innocens est, & illum transgressorem qui reus est; non igitur potest, aut debet Sacerdos actu suo judiciario absolvendi facere justum ex delinquente, non enim habet ejusmodi autoritatem sibi commissam, sed pronunciandi illos absolutos à peccatis, quos verè contritos, atq; adeò absolutionis capaces suo judicio deprehendit. Princeps potest condonare reos, & famæ suæ restituere, cujus potestas est absoluta. Cui potius assimilatur, qui ex injusto justum facit, quàm Judici, cujus potestas est limitata, qui officium suum transgreditur, cum aliquid pronunciat, quod non prius verum esse deprehendit.

3. Sacerdos potestate suâ utens clave ligante, non facit injustos ex justis, sed tantum injustos in contumaciâ deprehenso pronunciat exclusos è Regno Cœlorum. Sic idem Sacerdos utens clave solvente, non facit justum ex injusto, sed verè corde contritos, atque adeò justos pronunciat à peccatis absolutos, atque adeò admittendos ad Regnum Cœlorum.

4. Si Sacerdotis actus prior sit in actuali remissione, quàm Dei, tum instrumentum prius agit quàm principalis agens, & minister secundarius, quàm magister primarius; imò Sacerdotes propriè, directè & absolute actu remittunt culpas; Deus verò non nisi approbando, & ratum habendo, quod factum fuerit per Sacerdotem. Et illud Esaia 43. Ego sum, ego sum ipse, qui deleo iniquitates, non aliud erit, quàm si diceret, Ego sum, ego sum ipse, qui deleo iniquitates, approbando scilicet & ratam habendo deletionem illarum iniquitatum, quas Sacerdotes prius propriè & absolute deleverant; quis diceret solum Deum propriâ & primariâ autoritate condonare peccata, qui (ut videre vult dicere Estius) tamen non remittit originaliter & primario, sed ratihabitione suâ approbando remissionem prius factam per Sacerdotem, quæ est ejusdem Estii assertio?

5. Solus Christus, non Sacerdos, animam resuscitat, ac pulsus tenebris interioribus, & maculis, eam illuminat, & mundat, solus est qui animæ faciem lavat, solus animam per se interius vivificat, solus debitum æternæ mortis dimittit; ergo potestas Cla-

Clavium

Clavium non extenditur ad remissionem ipsius culpæ, est argumentum Lombardi, 4. Distinct. 18. D.

Objeſt. Respondet Eſtius vivificationem animæ duplicem eſſe } ^{1º} Per Conversionem cordis præcedentem. ^{2º} Per Remiſſionem peccati ſubſequentis.

Priorem vivificationem Deus (inquit) ſolus operatur ſine miniſterio hominis.

Posteriorem vero per miniſterium hominis Sacramentum conferentis operatur Deus: & tamen rectè dicitur etiam ſolus condonare, & iniquitates delere propria nimirum & primaria poteſtate.

Sol. Reſpondeo primò, Neq; illam vivificationem, quæ fit per conversionem cordis, ſolus Deus operatur, abſq; miniſterio hominis, ſiquidem converſio cordis conſiſtit in contritione cordis, & hinc in Chriſtum Redemptorem: fides autem eſt ex auditu. Quomodo audient abſq; prædicante inquit Apoſtolus? Deus non operatur internam cordis contritionem ordinario, aut fidem vivam niſi per miniſterium verbi Evangelii.

2. Ubi præcedit converſio cordis per internam contritionem, & Fidem in Chriſtum Redemptorem, ibi conſeſſum ſequitur remiſſio & condonatio omnium peccatorum, abſq; ullo Sacramento penitentia, aut actu abſolutionis Sacerdotalis: Sin poſtea recognoſcendo peccata, conſcientia tenera convertentis dubia aut perplexa reddatur, aut tentationum Satana ignitis jaculis impetatur, conſulit Eccleſia noſtra, ut penitens adeat Sacerdotem, medicum animarum, cui vulnera ſua detegat, qui Pharmaca idonea adhibeat, & applicet, qui poteſtate Clavis aperientis diſcutiat dubiorum nebulas & conſcientia perplexæ ſuccurrat, cujus Miniſterio remiſſionem horum peccatorum accipiat in foro conſcientia. Conſulit (inquam) non præcipit, multo minus neceſſitate mediæ exigit.

At vivificare animam per peccati remiſſionem, ſeu macula mundationem, aut deletionem per infuſionem gratia, Solius eſt Dei, non ullius Sacerdotis. Audite Optat. lib. 5. contra Parmen. Sordes & maculas mentis lavare non poteſt, niſi qui ejuſdem fabricator eſt mentis: & ruruſ Dei eſt mundare, non hominiſ, & adducens illud Eſaia, Eſi fuerint peccata velut coctinum, ut nivem in albedo — Ecce (inquit) ſe promiſit Deus inſalbare peccatis affectos, non per hominem: Et Author Sermonis de Baptiſmo apud Cyprianum, Solus Deus, non Sacramentum, nobis conſert gratiam. Et Hieronymus, homo aquam præbet, Deus S. Sanctum, quo ſordes animæ abluntur. Auguſt. non ſanctificat niſi Deus. Et contr. lit. Petilian lib. 3. cap. 54. dicit, Quod Miniſter ad diſpenſandum verbum & Sacramentum ſit aliquid, ad mundandum vero & juſtificandum non ſit aliquid. Mundatio animæ per gratiam inſuſam ad rationem creationis accedit, aſſerente Antiſſiodor. lib. 4. Tract. 3. cap. 3. Non poteſt (inquit) Deus dare poteſtatem creatam puro homini mundandi animæ.

6º. Potestas remittendi ſeu condonandi culpam, quoad offenſam Dei, & reatum æternæ pœnæ, non eſt puro homini communicabilis, unde nec Sacerdos, aut ſua propria poteſtate, aut à Deo commiſſa, aut delegata poteſtate, peccatum contra Deum commiſſum dimittit, aut dimittere poteſt. Hinc eſt quod Patres paſſim, Dei proprium eſſe doceant remittere, & condonare peccata. Et Chriſtum hoc ipſo ſe verum Deum comprobaviſſe, quod verè condonaret peccata. Sic Ireneus, Hilarius, Hieronymus, Chryſoſtomus, Ambroſius, Cyrillus explicantes illud dictum Judæorum, Quis poteſt dimittere peccata niſi ſolus Deus? Quibus addo Novatianum, & Athanaſium contra Arian. lib. 3.

Dices, Deum ſolum remittere peccata poteſtate Originali. Principali, Primaria, Sacerdotem non niſi communicata, & delegata poteſtate à Chriſto accepta.

Sol. At quis non videt hac ſucata diſtinctione prorsus evaneſcere argumentum quod aſſerunt Patres, ad aſſerendum Chriſti Deitatem, nam dixiſſe potuiſſent Judæi, Chriſtum potuiſſe remittere peccata communicata, & delegata poteſtate à Deo accepta, non principali, & primaria poteſtate, ac perinde non ex eo quod remittere peccata comprobaviſſe ſe vere Deum fuiſſe, quod tamen dicti patres contendunt.

dunt. Eodem furo potuissent Ariani eludere argumentum Athanasii, qui ex hac potestate remittendi peccata, sæpius infert contra Arianos, Christum veri nominis Deum fuisse.

7^o. Non est credibile Deum voluisse hanc planè Divinam Potestatem Sacerdoti, communicare condonandi culpas, eo modo quo asserunt Romanenses. Cum enim certum sit Deum non remittere peccata nisi verè contritis, & iis, qui verè credunt in Christum redemptorem ob remissionem peccatorum. Equum est ut iis, qui ex officio autoritate sua absolvendi, peccata condonarent contra Deum commissa, certo perspecta esset pœnitentis contritio, & fides. Nemo enim Sacerdos potest veraciter dicere pœniteni, Ego absolvo te, nisi cui certo perspecta est pœnitentis contritio, & fides: Cum autem nulli Sacerdoti certo perspecta esse potest alicujus pœnitentis contritio & fides, ergo certo & veraciter non potest categoricè pronunciare, Ego te absolvo. Ipse pœnitens juxta Romanenses non potest certus esse de sua contritione; aut fide salutari, ergo multo minus Sacerdos.

At certum est quemlibet pœnitentem de suâ fide & contritione longè certiorum esse posse, quàm quemvis Sacerdotem Unde sciunt (inquit August. Confess. lib. 10. c. 3.) cum à meipso audiunt, an verum dicam, quandoquidem nemo scit hominum quæ sunt in homine, nisi spiritus hominis qui in ipso est? Solus Deus est, qui non potest ignorare, quibus categoricè remittendum, & quibus retinendum sit peccatum.

Dices hanc formulam extare in nostra Ecclesiâ, Autoritate mihi commissâ (judiciaria scilicet) Absolvo te ab omnibus peccatis, &c.

Sol. Respondeo, ut supra diximus, Sacerdotem autoritate suâ judiciariâ absolvendi non facere ex injusto justum, non enim ejusmodi autoritatem habet sibi commissam; sed potestatem pronunciandi illos absolutos à peccatis, quos vere contritos, atque adeò absolutionis capaces deprehendit: Ideoque in formula ipsius absolutionis, supponit Sacerdos personam, quam absolvit, vere pœnitentem esse; & credentem in Christum redemptorem, & ex hac suppositione pronunciat, Ego absolvo te ab omnibus peccatis, idque constat etiam ex generali absolutione in initio Liturgiæ.

8. Et Ultimò concludo ratione efficacissima, quâ nituntur Lombardus & antiquiores Scholastici, & recentiores non pauci, omne peccatum est offensa Dei; ergo solius Dei est eam remittere; unde Sacerdos quoties exercet actum absolvendi, supponit semper culpam saltem esse remissam; non ergo extenditur potestas Sacerdotalis ad remittendam ipsam culpam. Qui enim accedit ad absolutionem Sacerdotali, vel est debite contritus vel non: Si non est debite contritus, absolutio nihil valet, & potestas hæc, nihil operatur; si vero debite contritus fuerit, jam per contritionem, remissionem culpæ obtinuit. Quare necesse est ut absolutio Sacerdotalis, quoad ipsius culpæ actualem remissionem coram Deo, utpote rem jam actam, & transactam, sit planè hoc casu supervacanea, frustranea, inefficax, cassa & inanis. Cum igitur ista absolutio, ubi præcesserit vera cordis contritio, ad culpæ remissionem actualem jam peractam, nihil conducat; Superest ut ista absolutio ad remissionem peccati in foro conscientie valeat, ad remissionis jam obtentæ certiorationem, ad sensum remissionis ingenerandum. Atque ita sensu supra explicato, concludo hanc Questionem veram esse, & Verbo Dei consentaneam.

Potestas Clavium extenditur ad remissionem culpæ.

Romana Ecclesia est Schismatica.

Er Romanam Ecclesiam intelligimus, 1. Non illam veterem cuius fides prædicata est in toto orbe, & quæ per multas centurias annorum ab Apostolorum temporibus fidem ab Apostolis propagatam fideliter retinuit. Sed nec 2. illam solam Ecclesiam particularem, seu Dioecesanam quæ olim suberat, vel hodie subest soli Romano Episcopo nullique alii pareat Episcopo. Sed nec 3. Romanam Ecclesiam, quæ Metropolitana, sed nec quæ olim Patriarchalis, qua notione Ecclesiæ Occidentales particulares Romano Pontifici ut suo Patriarchæ, aliqua ratione subditæ sunt. Sed nec 4. illam universitatem credentium qui Curie Romanæ & factionis præpotentis tyrannidi quoquo modo per varias annorum centurias subiectæ fuerunt & etiamnum subijciuntur, & cum ea externam communionem coluerunt, & etiamnum colunt. In quibus plurimi extiterunt & adhuc existunt qui serio optabant & temptabant & etiamnum optant & tentant quantum in iis est, Ecclesiæ apud eos deformatæ tam in capite, quàm in membris reformationem; & hac notione Romana Ecclesia, ut contradistincta Romanæ Curie usurpatur à Marsilio, Patardino, Occamo, Cezenate, Cameracensi & alijs. Hisce meritò accensimus illas Gallicanas Ecclesias, quæ Gallicanarum libertatum tenaces Tridentinum Concilium non admittunt, nec non Ecclesias Venetorum etiam ditionibus hodie subditas. Sed intelligimus illam Ecclesiam, quod aggregatum est ex omnibus visibilibus coetibus pastorum & populorum, quod animatur, sive formalizatur (si ita loqui liceat) fide Tridentina & cultu religioso in illo Concilio stabilito, & quod Romanum Pontificem pro capite & Monarcha Ecclesiæ; & pro Vicario Christi ordinario, supremoq; ac infallibili Iudice in terris agnoscat seq; pro Ecclesia unica, Orthodoxa, Catholica, & Apostolica vendicat; alijs omnibus Ecclesijs per orbem terrarum longe latèq; propagatis, quæ fidem hanc suam & cultum non recipiunt, vel Pontifici suo subesse recusant, utpote Hæreticis & Schismaticis, spretis, contemptis, & anathematizatis. Romanam Ecclesiam hac ultima notione acceptam & intellectam Schismaticam dicimus. Hoc & apertius declaremus, cum Schisma illud sit quod scindat unitatem Ecclesiæ, & à vera Ecclesia Catholica secessionem facit. Quidam de Ecclesiæ Catholicæ unitate sunt præmittenda.

Hic certum est,

I. Non esse in orbe terrarum, nec unquam fuisse nisi unam & unicam Ecclesiam, non sub ulla diversitate multiplicem. Una est columba mea (inquit Sponsus) Cantic. 1. 6. quomodo & unus Deus, una Fides, unum Baptisma. Ideoq; in symbolo Constantinopolitano, ponitur, Credo unam Sanctam Catholicam & Apostolicam Ecclesiam.

II. Certum est huius unius Ecclesiæ unitatem consistere in 1. Professione ejusdem veræ fidei. 2. Ufû visibili eorundem Sacramentorum. 3. Subordinatione cuiusvis gregis suo pastori legitimæ. 4. Connexione seu coordinatione (& mox evincam) pastorum adinvicem.

III. Certum est unamquamq; particularem plebem pastori suo adiutam (ut loquitur Cyprianus) esse partem homogeneam, & integrantem huius unius Ecclesiæ Catholicæ.

I V. Certum etiam est ex coadunatione, coordinatione & iusta connexione pastorum omnium cum suis Ecclesiis particularibus ad invicem coalescere & integrari hanc unam Catholicam Ecclesiam. Dicimus ergo illam magnam collectionem innumerabilium hominum omnium temporum & locorum, unam eandemque fidem & Religionem visibiliter profitentium, uno eodemque Baptismo tinctorum, unius ejusdemque legis Evangelicæ directione ad eternam Beatitudinem tendentium per orbis terrarum latifundia longè latèque semper & ubique disseminatam, esse hanc unam Catholicam Ecclesiam quam quærimus.

V. Certum est hanc unam Christianam Catholicam Ecclesiam, Apostolorum Christi opere & Ministerio fundatam fuisse, unde & Apostolica dicta est. Ab ipsa etiam postquam fundata est, ex aquo gubernatam fuisse. Neque enim inter Apostolos ex Christi Institutione ulla subordinatio, sed sola coordinatio in Ecclesia hac aut fundanda aut fundata superædificanda. Unde nec ulla subordinatio jure divino aut Apostolico inter Episcopos Apostolorum successores, sed sola coordinatio cum singulis suis plebibus, Judices vice Christi constituti sunt, ut non uno in loco Cyprianus, idque immediate absque omni rectore intermedio. Hæc optimè expressit Cyprianus. Una est Ecclesia à Christo per totum mundum in multa membra divisa, item Episcopatus unus Episcoporum multorum concordia numerositate diffusus & alibi. Ecclesia quæ Catholica, una est, scissa non est, nec divisa; sed est connexa, et coherentium sibi invicem Sacerdotum glutine copulata: Et alibi, Episcopus unus est cuius à singulis in solidum pars tenetur. Hæc est illa una Catholica Ecclesia, quam Christus caput fontem & radicem Ecclesiarum particularium constituit ita ut instar Spiritus sive animæ per totum corpus diffuse, det vitam, motum, robor singulis membris (i. e.) singulis particularibus Ecclesiis, eo modo quo radix singulis ramis vitam, fons omnibus rivis perennem fluxum sol omnibus radiis lucem præbeat. Quæ sunt similia à Cypriano usurpata. Hisce præmissis, dicimus illam Ecclesiam particularem quæcunque tandem sit, quæ ab hac una Catholica, aut etiam aliqua particulari Ecclesia, quæ sit membrum verum Ecclesiæ Catholicæ, sese scindit ac spontaneam secessionem facit, illam (inquam) verè & dici & esse Schismaticam. Videamus igitur an Romana Ecclesia sensu supra posito accepta, ab hac universali Ecclesia primitus descripta secesserit. Secessionem autem fecisse non uno modo apertissime constabit, si ad ea tantum respiciamus quæ supra posuimus, utpote ad unitatem Ecclesiæ Catholicæ necessariam. Quis enim non videt ab Ecclesiæ Catholicæ unitate illam Ecclesiam recedere quæ non unitur cum Catholica in 1. professione ejusdem fidei Catholicæ. 2. usu visibili eorundem Sacramentorum. 3. tuenda subordinatione cujusvis gregis suo pastori. 4. tuenda coordinatione pastorum inter se; imò quæ hæc omnia scindit, divellit, minuit & labefacit. De singulis paucis videamus.

I. Ecclesia Nunc Romana ab una Ecclesia Catholica recedit, quatenus novam fidei Catholicæ professionem universali & unicæ Ecclesiæ hæcenus inauditam 12 Articulis novis non ita pridem formatam à suis exigit sub poena salutis; ab omnibus etiam ad aliquod beneficium admittendis, juramentis confirmandam; & ne quid desit huic schismatico molitmini, omnes Ecclesias hoc novam symbolum non admittentes anathematizat, & à communione omni Ecclesiastica areet. Vultis scire hujus symboli articulos? en adæquationem librorum Apocryphorum, & Traditionem non-scriptarum cum Scriptis certis Canonicis & divinitus revelatis; en invocationem Sanctorum, cultum imaginum religiosum; novorum quinque Sacramentorum augmentum, Sacramenti Eucharistiæ mutilationem, & id genus alia. Dices Ecclesiam, Nunc Romanam fidem antiquam Catholicam profiteri, ac proinde, hoc nomine ab unitate Catholicæ non recedere: Dices additiones hæc fidei Catholicæ antiquæ nequaquam adversari aut repugnare. Sol. R. errorem esse in fide immanem, fidei antiquæ novam superinducere, esto, non sit adversum fidem, sit licet diversum tantum, aut aliquid se impertinenter ad fidem habens; ubi tamen toti Ecclesiæ tale aliquid & necessario credendum proponitur, ibi transferuntur termini quos Patres posuerunt. Ibi receditur à regula fidei, fides quippe suæ regulæ opposita est, regula autem, ut est apud Varinum nec admittit additionem nec subtractionem. Scriptura etiam tam prohibet addere quàm detrabere & declinare vel ad dextram, vel sinistram, V. Lyrinenfis proprium hæreticorum esse

esse. vult ut gestiant Religioni addere, mutare, detrudere, & proprium Ecclesie, ut sit sedula & cauta depositorum apud se dogmatum custos, ut nihil unquam in eis permutet, nihil minuat, nihil addat, ut non amputet necessaria, ut non apponat superflua, ut non amittat sua, ut non usurpet aliena. Et cap. 29. Non minus prodigiosum esse addere ad fidem, quam integro corpori novum membrum apponere. Adoro (inquit Tertullian.) plenitudinem scripturarum. Scriptum esse docet, Hermogenis officina si non sit scriptum, timeat Hermogenes vix illud adjicientibus aut detrahentibus destinatum. Quid in idem dixerō de Romanensium dogmatibus. Doceat scriptum Romana curia, vel (ut cum Tertulliano loquar) Romanensium officina, adorandas imagines, invocandos sanctos, panem in corpus Christi transubstantiari. Si non sit scriptum timeat vix illud adjicientibus destinatum, præsertim ubi hoc Christianis omnibus sub periculo animarum credendum proposuerint.

2. Apertè constat in materia de fide & cultu additionem non solum ad verborum dogmatum, sed & diversorum prohiberi. Prohibetur omnis electitia fides, omnis electitiis cultus, neque solum cultus religiosus contrarius, qualis est ille Diaboli aut Antichristi prohibetur, sed & rei cuiuscunque quæ non sit Deus. Deut. 12. 8. Prohibetur facere quod bonum videtur in oculis nostris. Certum est in materia fidei & cultus essentialis idem valere, prohibitum esse, & preceptum non esse, ut verè dicamus cum Hieronymo non credimus quia non legimus, sic non colimus religiosè, quia non colendum legimus.

3. Dico quosdam ex hisce additiis articulis Catholicæ fidei adversari. Inisto in dogmatibus Transubstantiationis & semi-communionis. 1. Apertè pugnat cum Sacris Literis ex perpetua Ecclesiæ traditione explicatis, quæ luculentissime testantur panis substantiam post consecrationem permanere. 2. Cum ratione Sacramenti; nam posito hoc dogmate tollitur res terrena, substantia nimirum panis, & cum verbum accedens ad elementum, non tollit aut annihilat elementum, sed ex eo facit Sacramentum; Transubstantiatio tollit materiam & rem terrenam. 1. Substantiam panis, atque ita tollit & annihilat elementum; deinde posito hoc dogmate apertissime tollitur analogia inter signum & signatum: & quidem duplex illa analogia quæ ad essentiam hujus Sacramenti pertinet. 1. Hæc est, sicut panis materialis alit corpus animale; ita corpus Christi verè licet spiritualiter alit novum & internum hominem. 2. Hæc est, Sicut panis triticus est quædam substantia ex multis granis coacta & coagmentata; ita qui de uno illo pane participant, in unum corpus mysticum crescunt. Quæ utraque Analogia destruitur, sublata substantia panis; atque adeo ratio essentialis Sacramenti. 2. Item dogma de arcendis Laicis à participatione calicis, apertè Ecclesiæ Catholicæ fidei adversatur; pugnat enim primo cum institutione Christi; nam Christus hoc Sacramentum instituens dixit, Edite & Bibite.

Sed respondet Bellarm. Utriusque speciei sumptionem necessariam esse ex parte Sacramenti, sed non ex parte omnium sumentium; satis esse si integrè sumatur à solo Sacerdote.

Sal. Resp. Hoc miserum effugium; non n. Christus Sacramentum alio modo pro Laicis, alio pro Sacerdotibus instituit sed unica & simplici institutione contentus, aut omnes participantes vi institutionis ex æquo obligavit ad sumptionem utriusque speciei aut nullos. 2. Repugnat significationi Sacramentali, nam in Eucharistia voluit Christus significari effusionem sanguinis pro quolibet suscipiente; sed panis solius sumptio non hoc denotat. Res enim Sacramentales non sunt signa nisi ex ordinatione divina, ut rectè Durand. 4. d. Deus autem, non constituit panem in signum effusionis sanguinis sui. Voluit etiam hisce signis Sacramentalibus ostendere Christum esse perfectum alimentum animarum nostrarum. Refectio autem plenaria non exprimitur nisi proponatur aliquid ut cibus, aliquid ut potus. 3. Adversatur substantiali Eucharistiæ perfectioni. Ex consensu enim omnium Theologorum, ad substantiam Sacramenti pertinent Materia & Forma ejusdem. Jam in hoc Sacramento, Deo ita ordinante, Materia duplex est, si spectemus elementorum naturam, sed una dici potest, si consideremus Sacramenti moralem perfectionem. Concurrent enim utraque ad finem Sacramenti consequendum, Durand. lib. 4. pag. 693. Ultimo, Repugnat hæc mutilatio Sacramenti praxi Apostolorum & veteris Ecclesiæ, fatente Concilio Constantensi quod

quod in hunc modum hac de re decernit. Licet Christus Eucharistiam instituerit, & suis discipulis ministraverit sub utraque specie panis & vini, tamen hoc non obstante, decernimus à Laicis tantummodo sub speciei panis suscipiendum. Quid potest hisce hominibus ob stare, qui non obstante Christi institutione, exemplo Ecclesie Primitivæ Sacramenti ipsius significatione & perfectione audent perversam consuetudinem, retinere & stabilire.

4^o In hoc Sacramento non solum recesserunt ab antiqua fide Ecclesie, sed & superinduxerant antiquo cultui, *Idolatriam*. Christus hoc Sacramentum instituit, ut primariam partem cultus divini. Illud usurpavit summa cum reverentia in veram alimoniam animæ & corporis in vitam æternam. Ecclesia item Catholica temporibus Apostolicis & succedentibus seculis absque omni idolatriæ suspitione. Nata postea Transubstantiationis hæresi, nascitur hæreseos filia, *εἰδωλατρία* veri nominis Idolatria. Nam Latriæ cultus Sacramento Eucharistiæ adhiberi nequit citra Idolatriam, non in usu quidem Eucharistiæ, multo minus extra usum cum circumgestatur, & ab omnibus religiose adoratur.

Sed dicent illos intentionaliter & formaliter adorare non nisi corpus Christi verum & vivum, quod verè adorabile est, atque adeo cultum eorum dirigi ad verum Christi corpus, licet fallantur quòd existiment id quod sub speciebus est esse ipsissimum corpus Christi verum; sic Spalatensi in Concilio reditus.

Sol. Respondeo, 1^o Licet demus intentionem rectè dirigi in verum & vivum corpus Christi, non tamen ideo crimen idolatriæ vitatur; nam & Israelitæ ad verum Jehovah in imagine vituli intentionem suam dirigebant, eumque solum formaliter adorabant, & tamen Idolatriæ, verè rei erant.

2^o. Si hac intentio excusaret ab Idolatria nunquam Gentiles idolatriæ rei fuissent; intentio enim illorum nunquam opera digitorum suorum timuit, sed eos ad quorum imaginem facta sunt, & quorum nominibus consecrata sunt; ut rectè Lactantius lib. 2. cap. 2. de origine erroris,

3. Hoc modo Christianus verè fidelis posset adorare absque omni idolatria idolum Gentilium, si dixerit se idolum illud non nisi materialiter adorare, Deum autem ipsum solum, quem novit in ipso idolo præsentem esse, utpote qui ubique est, formaliter & intentionaliter adorare: Sic Spalat. lib. 7. cap. 12. n. 44. Audite liberam confessionem Costeri Jesuitæ; Si non detur (inquit ille) Transubstantiatio, tolerabilior foret error eorum, qui pro Deo colunt statuum auream, aut argenteam, aut alterius materiæ imaginem; quomodo Gentiles Deos suos venerabantur, vel pannum rubrum in hastam elevatam, quod narratur de Lappis: vel viva animalia, ut quondam Egyptii, quàm errorum, qui frustulum panis adorabant.

Mitto in aliis dogmatibus quantum recesserit illa Ecclesia à Catholica, qualia sunt illa de licitè arcendo populo à lectione Sacrarum Literarum; De sacris in Lingua ignota sicitè peragendis, de Missarum solitariarum licitè celebratione, & illud de indulgentiis Papalibus, eorumque efficacia: quibus addi possunt æquivocationis, mentalis reservationis, & cæcæ obedientiæ propugnatio; in hisce & consimilibus dogmatibus credibile est quamplurimos in Ecclesia Romana hodierna errare, non solum contra Scripturam, Concilia, Patres, sed & contra lumen Gratiae inditum, & lumen Naturæ innatum, & propriam conscientiam.

Denique Romanam Ecclesiam rectissime Schismaticam pronuntiamus, quòd scindat ac divellat Ecclesie unitatem, dum pastorem Ecclesie Catholicæ co-ordinationem tollit & subordinationem inducere tentat; quatenus ita se à tota universali Ecclesia separet, ut nolit in ea tanquam in corpore membrum esse, & cum reliquis commembrum; neque ab ea petat, aut accipiat vitam, robur, & vigorem suum; sed velit ex ratione membri & commembri exire, seque supra totam Ecclesiam universalem tanquam caput collocare, cogeréque ipsam Ecclesiam Catholicam, ut sese illi subiiciat & ab illa vitam, robur, & vigorem suum expectet. Hoc ipso certè constat Ecclesiam Romanam esse perfectissimè Schismaticam, quæ se à corpore Ecclesie universalis abscindit, membrum ipsius esse recusat, & (ut nihil desit huic ambitioni) caput se contra Christum, qui solus est, & veram Ecclesie universalis caput, constituit.

stituit: Hinc est, quod suo Pontifici hæc capitis muniâ ascribere non erubescit.

1. Statuere de omnibus fidei & morum controversiis in tota Ecclesia, id quod ab eo fieri volunt infallibiliter.

2. Potestatem jurisdictionis omnibus tam Patriarchis, quam Episcopis esse suæ potestatis plenitudine impartire & derivare.

3. Potestatem temporalem exercere pro re nata in Reges etiam & Principes saltem indirectè.

4. Concilia convocare & confirmare; in iis principalem & definitivam sententiam pronunciare.

5. Canones & leges condere, quæ omnium Catholicæ Ecclesiæ membrorum conscientias verè obligent.

6. Absolvere non solum à peccatis, sed à pœnis, legibus, votis, juramentis, & cum iisdem dispensare. Atque hoc modo subesse Romano Pontifici omni humanæ creaturæ declaramus, dicimus, definimus, & pronunciamus omnino esse de necessitate salutis, inquit Bonifacius Octavus in Extravagantibus. Videtis Romanam Ecclesiam sese ab universali dirimentem & abscindentem. Id quod Gregorius Magnus jamdiu ante sagacissimè adoratus fuerit, ubi vehementer invehitur in Joannem Constantinopolitanum viam sibi hoc eodem titulo Universalis capitis & Episcopi ad hanc potestatem sternentem; In hoc scelestò (inquit) vocabulo consentire, nihil aliud est, quàm fidem perdere, & universæ Ecclesiæ fidem corrumpere, & hoc dato universam Ecclesiam corrumpere; hanc potestatem unico Christo competere: illum solummodo Episcopum esse universalem & caput Ecclesiæ: Petrum non esse nisi membrum: Luciferianum esse ut Episcopus aliquis in hoc culmen singularitatis ascendat; Titulum (*Universalis*) esse stultum, superbum, scelestum, perversum, profanum, blasphemum; & hunc titulum ambientem esse præcursores Antichristi; & disertè addit hunc titulum in totius Ecclesiæ injuriam & discissionem fieri, & in Ecclesia universali discissionem facere ex hisce apodicticè infertur, Ecclesiam Romanam esse Hereticam factionem, nec hæresin tantum sed & Schisma redolere, & id quidem perniciosius longè quàm vel illud olim Novatianorum, vel Donatistarum, vel Luciferianorum. Id quod vel hinc apertissimè demonstratur, quod hæc nupera Romana Ecclesia, hæc pars, hæc factio, tam severè damnat & anathematizat reliquas Christiani orbis Ecclesias, Protestantiam per Britanniam nostram, Germaniam, Galliam, Daniam, Helvetiam, Ecclesias insuper in Polonia, Russia, Armenia, Græcia, Asia, Ægypto, Syria, Æthiopia tametsi antequam fidem ab Apostolis traditam, ab Ecclesiis propagatam à Conciliis omnibus vere Oecumenicis quotquot fuerunt receptam & explicatam profiteantur; idque non alio nomine quam quod novella suæ novæ fidei dogmata antiquæ fidei Rom. Ecclesiæ superinducta non recipiunt, & huic ut suo summo pastori subesse nolunt. Hæc scilicet illa Babylon, quæ in corde suo dicit, sedeo Regina, sola sum, & non est præter me. Ex hisce concludo Romanam Ecclesiam esse schismaticam.

Romana Ecclesia est Idololatrica.

Illa Ecclesia rectè dicitur Idololatrica, quæ verè rea peragitur Idololatriz.

Committitur autem Idololatria trifariam vel ratione habita.

1. *Obiecti*, Cum aliquid colitur religiose quod coli non debet, cum aliquid præter Deum colitur.
2. *Modi*, vel *modis* cultus cum indebito modo colitur quod alioquin licite coli potest.
3. *Utriusque* cum falsus Deus, indebito modo colitur.

Ecclesia Romana non veretur affirmare cultum aliquem Religiosum posse exhiberi creaturæ absque omni aut periculo, aut lenissima suspitione Idololatriæ.

Per cultum Religiosum intelligimus cultum cum

Internum, qui consistit in ipsius spiritus subjectione seu mentis submissione & inclinatione ei, cuius excellentiam cognoscimus, etque hic actus maxime proprius & essentialis cultui Religionis.

Externum qui à tali cultu interno imperatur & externo opere pertinet, ut sacrificando, vota nuncupando, incensum offerendo, & id genus alia.

Primum, Et appellant *κατηρίαν* & debetur divinæ & infinitæ excellentiæ.

Hunc utrumque religiosum cultum volunt Romanenses esse, vel

Secundarium, quem appellant *δουλίας* vel *εὐσεβείας*, quem tamen volunt esse cultum divinum & Religiosum sed distinctum in specie ab illo cultu primario.

Juxta præmissa nos dicimus Romanam Ecclesiam duplici nomine reum esse Idololatriæ

1. *Illius quæ colunt* religiose id quod non est Deus.
2. *Illius quæ Deum*, Christum & Sanctos in imaginibus religiose colunt.

Et

sione; hunc interiore cultum extrinsecus testamur & profiteamur, externis signis, sacrificando, incensum offerendo, vota nuncupando, geniculando, procumbendo, caput inclinando, & id generis externo cultu; ibi externam idololatriam committi, siquidem ex tali interiori submissione idololatrica imperatur illa externa adoratio, ac proinde & illa idololatrica est.

II^o. Dicimus Romanam Ecclesiam inde etiam idolatricam sese demonstrare, qui sanctos & angelos religiose invocari posse doceat & defendat; siquidem invocare Sanctos & Angelos religiose est cultus idolatricus: At hoc modo illi eos invocant.

Statuunt enim eos omnes & singulas preces membrorum Ecclesie militantis quae iis aliquando funduntur à viatoribus sive mentales, sive vocales, certo, distincte & ordinariè omni loco & tempore cognoscere; ac proinde posse eos religioso & spirituali affectu invocari; quatenus interni gemitus & suspiria cordis, interni mentis affectus & cogitationis, & ipsa arcana conscientiae penetralia, iis ut inspectoribus referari patere, & expandi agnoscantur; unde & necesse ut iis mentem & voluntatem & affectus subjiciamus; Cum tamen certum sit ejusmodi inspectionem ordinariam in cordis & conscientiae penetralia, solius Dei esse, qui solus est *καρδιογινώσκων*; juxta illud Solomonis, Tu solus nosti corda filiorum hominis; is etiam solus novit *τὸ περὶ καρδίας*, Rom. 8.27. Et intimos gemitus & suspiria cordis.

Obj. Dices Sanctos & Angelos non sua vi naturali inspicere corda hominum, quomodo Deus ipse intuetur, sed vel intuendo divinam essentiam, vel per cognitionem revelatoriam; quam à Deo habent, preces nostras mentales cognoscere, & intima cordis desideria; vel aliquo alio modo eminenti Dei cognitione longè inferiore, ac proinde cultum illis debitum ratione hujus inferioris cognoscendi modi, cultu divino longè inferiorem esse.

Resp. Licet animae beatæ & Angeli, mentales preces nostras & intima suspiria, non cognoscant nisi intuitu divinæ essentiae, vel per speciales revelationes à Deo, vel tali modo longè infra divinæ cognitionis excellentiam subsidentem tamen in eo quod hæc nostras preces, & internos voluntatis affectus, certo, perfectè, distinctè, & ordinariè intelligant & cognoscant, hoc ipsum efficit, ut necessariò mentem, voluntatem & affectus interiores iis ut inspectoribus subjiciamus, licet ut inspectoribus inferioris ordinis & gradus; siquidem submissio interioris affectus, fundatur in ipsa cognitione & inspectione non in modo cognoscendi. Certum enim est ei quem novi cordis mei liberas cogitationes & affectiones intueri me, interiorum affectum non posse non subijcere & submittere. Invocatio in tali dogmate fundata est actus religionis; ac proinde ex hoc fundamento invocare Sanctos & Angelos, est actus planè idolatricus. Atque hoc nomine hic cultus damnatus est in Synodo Laodicensi, cujus canones recepti sunt in codicem canonum Universalis Ecclesie Cap. 35. ubi statuit Synodus *ὀνομαζέμεν ἀγγέλους* (.i.) Nominare angelos non aliud esse quàm relinquere D. Jesum & ad idololatriam accedere. Quod autem nominare Angelos, ibidem sit ad eos orare docent Theodoretus & Oecumenius in secundum ad Colossens. ubi uterque meminit hujus Canonis & *ὀνομαζέμεν* per *προσεύχασθαι* explicant. Zonaras item & Balsamon in Scholiis in dictum Canonem, *ὀνομαζέμεν* explicant *τὸ ἐπικαλεῖσθαι*, (.i.) invocare; ergo tum temporis (.i.) circa an. 360, non 319, ut falsissimè Baronius, invocare Angelos erat idolatricum.

Addo alio nomine Romanenses meritò dici idololatrias in invocandis sanctis siquidem Sanctis & Angelis potestatem tribuunt plures imò infinitas ferè preces simul eodem temporis momento intelligendi & exaudiendi. Cujus potestatis ipsius Christi humanitas in qua sunt omnes thesauri sapientiae & scientiae absconditi, capax non est; Cum enim certum sit eidem Sancto v. g. Beatæ Virgini centena millia precum in festo puta Annuntiationis, vel Purificationis, vel Assumptionis, in variis mundi partibus & regionibus, Romæ, Mediolani, Venetiis, Lutetiae, Toleti, Pragæ, eodem temporis momento fundantur. Etiam si demus divinæ essentiae intuitum, vel immediatas ordinarias revelationes. Tot preces Sanctis & Angelis representare, tamen finitus eorum intellectus non potest eodem temporis Articulo totidem distinctè intelligere.

Quantumcunque enim elevatus fuerit intellectus creatus non tamen totidem intellectiones eodem instanti producere potest, nec productionis totidem capax est; siquidem

dem intellectus creatus non potest simul multa intelligere; sed successivè. Notum etiam est ex Philosophia; Réceptivum non recipere per modum imprimendis; sed per modum réceptivitatis (i.) capacitatis naturalis, quæ quidem cum finita sit, & suis limitibus comprehensa, non est totidem intellectuum eodem momento capax. Ex dictis sequitur, quamdiu immotum fuerit illud principium; Impossibile est idem esse & non esse; vel quod æquipoll. unum actum esse unum & multos (i.) non unum, vel unum tempus esse unum & multa (i.) non unum, tãdiu sancti non possunt actu intelligere & velle multa eodem instanti ne per potentiam divinam: cum divina potentia, cum horum principiorum veritate non pugnet, sed suavissimè conspirat. Tot precum exauditionem tribuere eodem momento Sanctis animabus, est tribuere Sanctis infinitam scientiam; vel talem quæ non nisi Deo competit; quæ est Hæreticum, & ex talis excellentiæ apprehensione colere Sanctos, est veri nominis idololatria. Mitto hinc alias rationes brevitas ergo.

III. *Ἀφ' ὧν ἡ*, quæ Romanam Ecclesiam per aliquot secula à nata transubstantiatione pervasit, est veri nominis idololatria. Nam latræ cultus Sacramento Eucharistiæ adhiberi nequit citra idololatriam, ne in usu quidem Eucharistiæ; quia certissimum est, panem manere panem quoad substantiam suam, neque per consecrationem in verum corpus Christi transubstantiari, nam sic Eucharistia desineret esse Sacramentum, de cuius essentia est re externa consistere; & Christi corpus de novo esse inciperet, nihil enim mutari potest in aliquod præexistens; quod autem panis natura post consecrationem maneat, tum Scriptura docet, tum antiqui Patres disertissimè. Multo minus extra usum, tum circumgestatur, latræ cultus ei adhibetur absquè idololatria.

Sed dices illos formaliter adorare corpus Christi verum, atque adeò cultum dirigi ad verum Christi corpus; licet fallantur, quod existiment, id quod sub speciebus est, esse ipsissimum corpus Christi verum.

Est, utcumque erit veri nominis idololatria; nam 1. Et Israelitæ, verum Jehovam imagine formaliter colebant, & tamen vitulus idolum, & vituli cultus veri nominis idololatria fuit, juxta Scripturas.

2. Si hæc distinctio valeret, nunquam Gentiles admissæ idolatriæ accusari potuissent. Intentio enim illorum nunquam opera digitorum suorum timuit; sed eos ad quorum imaginem facta, & quorum nominibus consecrata sit. Ut rectè Lactantius.

3. Hoc modo Christianus verè fidelis posset adorare absquè omni idololatria coram idolo Gentiliū, si dixerit se idolum illud non nisi per accidens adorare, sed Deum ipsum solum, quem novit in ipso idolo presentem esse, utpote quem ubique novit esse, formaliter & intentionaliter adorare. At hoc ipsum procumbere coram idolo ut idololatricum ubique scriptura damnat & prohibet.

4. Hac distinctione admissa nemo quanquam imagines quasvis adorans, reus 2. præcepti Decalogi violati agi possit nisi secundum suam ipsius opinionem judicaverit illud lignum verè Deum esse, & propterea se verè & re ipsa Deum effecisse, quod ut quis sane mentis unquam opinetur, non solum incredibile est, quin etiam planè impossibile.

5. Quicquid sit de imaginatione adorantis, certum est admitti idololatriam quando aliquid colitur religiose quod non sit Deus.

6. In hac adoratione Eucharistiæ, quia actus adorationis externus terminatur in speciebus panis, ibi necesse est materialem committi & externam idololatriam etiam à doctis qui norunt formare distinctas notiones specierum panis, & corporis invisibilis sub iisdem satiantis; cultus item materialis & formalis, cultus univoci & analogici, cultus per se & per accidens; sed à vulgo imperito qui non norunt hæc subiles distinctiones formare, non dubium est quin ordinariè formalis idololatria committatur. Atque hinc non possum non meminisse illius idololatriæ vel potius blasphemæ dedicationis quam Sanderus noster præfixam reliquit lib. de Coena Domini in hæc formam Corpori & sanguine Salvatoris nostri Jesu Christi sub speciebus panis & sanguinis sit omnis honor, laus & gratiarum actio in secula; & postea in ipsa Epistola: Adoro te Deum meum, & Dominum meum realiter præsentem sub speciebus panis & vini — & cui referrem

referrem laudem & gratias pro hoc libro, sed tibi soli? — Et postea: Honoris ergo tui corporis & sanguinis offero hoc minutum.] Ubi non solum Eucharistiam corpus naturale & sanguinem Christi facit, sed & ipsam Deitatem, nam Deitati & quidem soli, omnis honor, laus, & gratiarum actio debetur; porro cum non conjungat Patrem & Spiritum Sanctum, in harum laudum participatione, aut illos excludit, aut hasce personas vult esse æquæ atque filium cum corpore & sanguine Christi sub speciebus Panis & Vini absque ulla distinctione personarum.

IV^o. Jure Romana Ecclesia dici potest idololatrica quatenus tuetur *εικονολατρία* siquidem docent & defendunt Deum, Christum crucifixum, Mariam, Angelos & Sanctos religiose in imaginibus adorari posse.

Ac 1. Certum est juxta Scripturas, illam veri esse nominis idolatriam, ubi verum numen in imagine colitur; hoc negant Romanenses; sed ex Scripturis apertissime evincitur; nam certum est cultum vituli Aaronis, & vitulorum Jeroboami, & Teraphim Michæ, fuisse cultum idolatricum; idque non dissentient Pontificii: quod verò in hisce versus Jehovah colebatur clarissime Scriptura docet. Ex 32. in vitulo Aaronis dicuntur Israelitæ adorare Deum illum qui eduxerat eos ex Ægypto; vef. 8.

2. Dicit Aaron cras erit solennitas Jehovah, non vitulo, non Api Deo Ægyptiorum. Nomen autem Jehovah nulli creaturæ juxta Judæos communicatur.

3. Nemo dixerit tam væcordes fuisse Israelitas, nec tam misere mente captos, aut fascinosos, ut liberationem suam & Ægypto tam miraculosam, aut vitulo primam, primum fuso, aut Api Deo, quem spreverunt Israelitæ; aut alii, quam ipsi Jehovah acceptum referre aut voluissent, aut posuissent. Hæc tam clara, ut omni effugio aditus omnis planè præstruatur; idem pronuntiandum de vitulis Jeroboami & Michæ Teraphim, in quibus utrique verum Deum cultum fuisse, apertissime liquet.

2. Certum est omnes imagines aliarum rerum præter Deum sive verarum, sive fictarum ad cultum expositas, rectè tum secundum etymon vocis tum secundum usum Scripturarum *εικονολατρία* dici: quare illorum cultus erit saltem *ειδωλολατρία* cultus spiritualis & religiosus inferioris generis, qui tamen apertè secundo præcepto prohibetur: adoratio enim religiosa imaginum, sive Christi, sive Apostolorum, sive Beatæ Virginis, tum primaria, tum secundaria tum absoluta, tum respectiva in secundo præcepto prohibetur. Et quidem in Vet. Testamento Judæis eam interdictam fuisse factentur primarii Pontificiorum tum veteres, Halensis, Albertus, Aquinas, Bonaventura tum ex recentioribus non pauci: neque in Novo Testamento est ulla sive revocatio, sive abrogatio hujus negativi Præcepti, Judæis adorationem imaginum interdicentis unde liquido constat præceptum illud secundum esse morale & obligatorium tum Christianorum tum Judæorum in perpetuum. Ac proinde omnis talis cultus religiosus imaginum est idolatricus.

3. Idem evincitur ex praxi & traditione Ecclesiæ post Christum. Gregorius M. suo tempore, adorat onem imaginum omnibus modis devitandam suadet. Concilium postea Francofordiense circ. ann. 794. sese opposuit Nicænæ Synodi II, & quâ parte imagines adorandas censebat, eam damnavit & improbavit, ut non modo divinis Literis, sed & antiquæ Patrum traditioni contrariam. Hovedenus noster ex Symeone Dunelmensi, circ. ann. 792, ait Ecclesiam Dei omnino execrari hanc adorationem, & certè non alia ratione quàm quod sit idololatrica. Post Synodum Nicænam in immensum crevit in Romana Ecclesia idolatria circa cultum imaginum. Mitto infinita quæ huc afferri possunt. Unum aut alterum illius cultus idolatricæ indicium, in consecratione crucis, & imaginum & vet. manuscripto Pontificali, quod videtur in Saxonum aut Danorum temporibus hic receptum fuisse, in quod non ita pridem incidi in Bibliotheca Collegii Corporis Christi. Pag. 124. in Benedictione sanctæ crucis hæc habentur. Hæc crux divinitus per gratiam Sp. S. consecratur & perpetualiter ad adorandam imaginem Domini nostri Jesu Christi consecrata permaneat: & Sp. Sanct. habitet in hac sancta cruce per eundem Dominum nostrum. P. 130. Ac sicut per il-

liqua, sed de Ecclesiastica defectione loqui. Præterea Apostolus ait, Mysterium iniquitatis jam tum operari, at Imperium Romanum non cæpit tum, ne mutare quidem; nondum enim ad *Ακμήν* pervenerat, quo tempore Trajani, demum perventurum erat. Ergo de illa Apostasia intelligendus hic locus, de qua noster Apostolus, sui optimus interpret, 1 Tim. 4. Ubi prædicit, quod in novissimis temporibus discedent quidam de fide *ἡσυχασταὶ τῶν κατὰ τὴν αἰσίδα*. Tenemus jam terminum à quo, Apostasiam hanc, cum sit spiritualis, à Christo, & Christi fide futuram esse. Apostasia ergo à Paulo prædicta est insignis quædam Apostasia, est universalis, quæ non tantum personæ, quamvis multæ, sed etiam regiones & Provinciæ omnes, aut penè omnes discedent à fide catholicâ, & ad Antichristum se recipient. Est ergo hoc quartum in hac Apostasia, quod futura sit à fide Catholica. Adhuc, si penitus introspeciamus textum Apostoli, faciliè, uti spero, constabit non futuram, apertam, manifestam, cuius ab oculis positam, sed occultam, cœlatam, mysticam Apostasiam.

Nam 1. S. Paulus, ubi de hac insigni Apostasia Vaticinatur, ibidem quoque de Apostatarum hypocrisis prophetauit. 1 Tim. 4. 1. Ubi Authores Apostasie dicuntur *ἐν σαρκὶ καὶ δόξῃ*, in hypocrisis falsiloqui, quoniam, ut inquit Theodoretus, Christianorum sibi appellatione impositâ, apertè docent contraria. Hanc Apostasiam videtur Apostolus designare per mysterium iniquitatis versu 7. adeoque mysticum fore, non manifestum, quia, ut inquit Anselmus, iniquitatis ministrorum Antichristi est mystica & pietatis nomine palliata, & sub specie boni perpetrat malum, sic & glossa, mystica erit impietas Antichristi & pietatis nomine palliata, hinc est, quod in hoc ipso capite ter meminerit revelationis huius mysterii. Non venerit dies Domini, quin venerit Apostasia. & revelatus fuerit homo peccati versu 3. Ut reveletur suo tempore versu 6. & tunc revelabitur homo peccati, ver 8. Quid opus esset ut Apostolus de Revelatione tantopere laboraret, nisi hæc impietas reipsa occulta & mystica fuisset? In fronte Babylonie meretricis inscriptum est nomen mysterium, quod omnes non intelligunt nisi quibus revelatur, imò summæ est intelligentiæ ac sapientiæ mysterium Antichristi intelligere. Ex hisce conficitur hanc Apostasiam non esse apertam & manifestam, saltem dum peragitur, & sit in fieri. Ex quo capite, etiam videatur posse inferri hanc Apostasiam non fore violentam, subitanæ, nec brevi temporis intervallo consummari & perfici, sed Paulatim, sensim, gradatim, ad *ἀκμήν* perducì, eo modo quo corpus tabe absumitur, vel arbor putredine marcescit. Ubi illud obiter animadvertendum est, ineptè à nobis postulare Romanenses, ut locum, & tempus, & personas quæ hosce errores introduxerunt, designemus & quinam Catholici iisdem resistunt. Hæc enim utunque in violentis & subitanis mutationibus postulari possunt, non tamen in lentis, insensim, & tacito pede obrepentibus mutationibus nisi iniquè postulari, aut possunt, aut debent; hoc enim perinde esset, ac si quis contenderet guttas non excavasse lapidem, eo quod momentum, quo excavare ceperunt, nemo designare poterit. Nam quod non nisi longo temporis progressu hæc Apostasia consummanda erat, apertè ex nostro Apostolo evincitur; mysterium enim iniquitatis tum peragi pronunciat, quod tamen diu peragi oportuit, nec ante imperium è medio sublatum, revelandum erat. Apostasia ergo illa à fide, non tantum mystica futura erat; sed per aliqua sæcula antequam consummanda erat duratura. Afferitur porro in Thesi, hanc Apostasiam prædictam adimpletam esse. Et certè, quod hæc prophetia adimpleta sit, saltè magnâ ex parte, patet ex eo, quod Apostolus noster ait ver. 9. suo tempore mysterium iniquitatis, cuius non minima pars est hæc, *ἀνταρτία* peragi cæpisse, scilicet in hæreticis venilliferis, & antesignanis Antichristi, & tamen non erat adimplenda nec revelanda, antequam è medio tollendum, aut certè semovendum Romanum Imperium, quod diu post contigisse certum est ex omnium consensu. Hisce præmissis de natura & proprietatibus huius Apostasie proximo in loco disquirendum est, ubi tandem terrarum, & quia in Ecclesia, ut supra evicimus futura erat, in qua Ecclesia Apostasia supra descripta impleta sit. Hic non sunt audiendi, qui Mahumétanos, aut Judæos hoc loco notandos volunt, nec enim Ecclesie Christiane nomine horum hominum coetus dignandi sunt, cumque veram Christi fidem nunquam receperint, proinde ab ea deficere nequeunt & Apostare. Nec certè Græcam Ecclesiam designat qua Romano contradistinguitur, inde à tempore quo de primatu inter

inter se contendebant; siquidem nullus, vel tum, vel ex eo tempore, in illa Ecclesia comparuit à *ἀντιπαρθε*, nullus à *ἀπαρθε*, nullus sese opponens aut efferens adversus quicquid dicitur aut Deus, aut numen, qualis hujus Apostasie caput futurus erat. Nullus apud eos in templo Dei sedens, ut Deus qui præ se ferat se esse Deum. Esto fuerint apud eos Hæretici etiam in ipsis Patriarchalibus sedibus, imò Hæresiarchæ in Alexandria, Arius Presbyter in Constantinopolitana, Nestorius & Macedonius Patriarchæ, & Eutiches Archimandrita. At nec horum apostasia generalis, vel si aliqua harum quasi generalis, qualis erat hæresis Ariana, de qua Hieronymus. Ingemuit totus orbis, & se Arianum esse miratus est, tamen non fuit diuturna, nec occulta erat & mystica, sed aperta, manifesta, quæ directè Christi divinitatem impugnavit, quo modo & Eutichetis hæresis, dualitatem naturarum, & Nestorii unitatem personarum. Nec harum ulla secuta est defectionem à Romano Imperio, quin omnes antecesserunt. Quanto minus notæ prædictæ Græcæ Ecclesiæ Hodiernæ, aut hodiernis, vel Armeniis, vel Abyssinis, vel Nestorianis apud Persas & Assyrios, competere possunt, nec hoc obtineant Romanenses. Restat ergo ut despiciamus, an hæc Apostasia in Romana Ecclesia adimplet a fuerit. Atque hic præcipua capita Religionis Christianæ dum perlustramus, tot undequaque in hac Ecclesia, sese nobis ultra offerunt hujus Apostasie signa & indicia, ut vix dubitandum sit, quin magnâ ex parte in hac Ecclesia varicinium hoc adimpletum sit. Ne tamen ad incertum collineamus, & servis Dei qui sub papatus jugo gemunt, suus honor conservetur, ne distinguenda confundamus, præmittendum est, nos de Ecclesia Romana antiqua non agere, quæ per varias annorum centurias fidem ab Apostolis propagatam integram & illibatam retinuit; sed de illa quæ posterioribus temporibus secuta est, quæ tamen bifariam sumi potest, vel quæ denotat factionem illam præpotentem, quæ conflata è Cardinalibus Clero & populo Romano, Papæ & capiti adhasit, ejus definitionibus acquievit, & ejus nutui & obtemperavit, quæ jam (inquit Marf. Patavinus) ex usu quodam dici Ecclesia obtinuerat, aliis Curia Romana: vel denotat Universitatem credentium, qui hujus Curie tyrannidi quoquo modo subiciebantur, & externam cum ea communionem colebant, in qua plurimi extiterunt, qui seriò optabant, & sæpe tentabant Ecclesiæ hujus tam in capite quam in membris reformationem. Hæc est illa, quæ antiquitatis & propriè (inquit idem Marf.) dicta est Ecclesia. In qua majores nostri vixerunt & mortui sunt. Hæc distinctio est Marfilii Patavini, Occami, Petri de Alliaco & aliorum. Romanam ergo Ecclesiam juxta priorem acceptionem, quæ designat factionem illam præpotentem & Curiam Romanam ejusque asseclas, & subditos, intelligimus. Inque hac Ecclesia sese prodit hæc Apostasia insignis, hæc Apostasia generalis in plerisque fidei capitibus, licet occulta & mystica, & quæ non nisi sensim crevit, & post varia sæcula adimplenda erat, qualis futura erat illa Antichristi. Id quod non erit valde difficile demonstrare. Si prius quedam quæ huic Apostasie mysticæ & occultæ detegendæ necessaria fuerint præmiserimus.

I. Erit. Apostasiam fieri posse, addendo: nova principia fidei, alia ab iis, quæ à Christo & Apostolis ecclesiis commendabantur.

II. Apostasiam à fide fieri posse tum minuendo, tum notando regulam fidei; fides profecto divina ex detractiōe, vel minima tota perit, nec vera Ecclesia est, ne visibilis quidem, ubi non est integræ fidei professio. Sic Ariana Ecclesia non erat vera quia in Christum diminutè credidit, divinitatem Christo nimirum detrahens, nec Nestoriana, quæ unionem hypostaticam duarum in Christo naturarum impugnavit. Idem de mutatione pronunciandum; ubi enim est fidei mutatio, ibi semper est aliqua vera fidei diminutio.

III. Minui & mutari posse fidem, non tantum apertè & directè negando vel mutando aliquem articulum sed occultè, indirectè, consequenter.

IV. Apostasiam à fide fieri posse addendo ad veram fidem. Cum vera addimenta ad veram fidem suæ regulæ commensurata:

Sint triplicia, vel

1. Inerta quæ non nisi opinionem gignunt	} vel {	Expressè.
2. Impertinentia ad fidem		
3. Pugnantia cum fide, vel		

Directè }
Indirectè }

Certum

Certum est, si hisce additamentis positis, at qua sequatur veræ fidei mutilatio, & partis alicujus negatio seu non admissio, inde veram à fide Apostasiam fieri. Sin addatur aliquod incertum quod proponatur credendum de fide, vel aliquid quod ad fidem impertinenter se habeat, tum etiam receditur à fide, quia fides suæ regulæ commensuratur, atque adeo corrumpitur & depravatur fides, dicit adæquationem cum sua regula. Hinc toties in Sacris Literis, in regula agendorum tam prohibemur addere quam detrachere. Deut. 4.2. & 12.32. Act. 5.22. Prohibemur declinare vel ad dextram, vel ad sinistram, & 11.28. maledicti qui recedunt à via recta; sic à regula credendorum receditur tum minuendo, tum mutando, tum adjiciendo. Audite quid hac de re olim Vincentius Lirinensis. Nova dogmata, vetus Testamentum allegorico sermone Deos alienos appellare consuevit, cap. 15, & cap. 26. invehitur in eos, qui contenti non sunt tradita semel & antiquitus credendi regulâ, sed nova, ac nova in diem quærunt, semperque aliud gestiunt Religioni addere, mutare, detrachere. Et paulo post edisserens illud Apostoli, Devota prophanas vocum novitates; non dixit (inquit) antiquitates, non dixit vetustates, imò planè quid è contrario sequeretur ostendit. Nam si vitanda est Novitas, tenenda est Antiquitas, & si prophana est novitas, sacrata est vetustas. Et cap. 31. Si novitia veteribus, extraneis domesticis & prophana sacratis admisceri ceperint, proferpat hic mos in universum necesse est, ut nihil posthac apud Ecclesiam relinquatur intactum, nihil illibatum, nihil integrum, nihil immaculatum, sed sit ibi deinceps impiorum ac turpium errorum lupanar, ubi erat ante castæ & incorruptæ sacrarium veritatis. Et cap. 32. Christi vero Ecclesia sedula & cauta depositorum apud se custos, nihil in iis unquam permutat, nihil minuit, nihil addit, non amputat necessaria, non apponit superflua, non amittit sua, non usurpat aliena. Audite Maxentium, Fidei augmentum est fidei detrimentum. Et Fidem Catholicam augmentum aliquod posse recipere improbum est credere.

V. Apostatari à fide occultius addendo, quàm vel minuendo, vel mutando. Nam 1. Qui minuit vel mutat fidem, plerumque id facit directè & expressè, at qui ad fidei regulam addit, nisi expressè repugnantia addiderit, non nisi indirectè, consequenter, rectè & occultè fidem subvertit.

VI. Apostatari à fide, non tantum in rebus fidei, sed etiam in materia de cultu; Siquidem omnis rectus cultus fundatur in dogmatè aliquo revelato, quo nititur iste cultus, in quo si aliquando erratum fuerit, hoc ipso à recta fide receditur. Idque non obscurè innuit Apostolus 1 ad Tim. 4. ubi ut instantias Apostasias à fide, adducit duas doctrinas dæmoniorum, prohibitionem conjugii, & interdictionem ciborum. Hisce præmissis, Dicimus multo probabilius esse, hanc Apostasiam à Paulo prædictam in Ecclesia Romana, quàm in quavis alia Ecclesia existere. Idque probabimus, si doceamus.

1. Romanam Ecclesiam apostatasse à recta fide.

2. Hanc Apostasiam Universalem fuisse, nec intra suburbicarias Ecclesias, aut totam Italiam sese continuisse, sed longè latèque per occidentalem Ecclesiam grassatam fuisse.

3. Eandem Apostasiam esse occultam, non manifestam.

4. Eandem non fuisse violentam & subitanèam defectionem, sed sensim & pedetentim longo temporis progressu consummatam.

Videtur (Auditores Spectatissimi) me longi operis fundamentum jecisse, cui par esset, ut ædificium congruum superstruatur. Sed hoc nec tempus, nec locus, nec patientia vestra patientur. Date igitur veniam ex tam ampla messe spicilegium tantum facere, & ad specimen quasdam mergites edecumare (.) quædam insigniora capita ob oculos ponere, in quibus Ecclesiam nunc Romanam à fide veteri apostatasse, Theologi nostri copiosissime demonstrarunt; ex quibus, quid de aliis sentiendum sit perspicue constabit. Aliquot tantum capita persequar, quorum

1. Erit de fidei principiis.

2. Circa Eucharistiam.

3. Circa bona opera.

Ultimum de potestate temporali

In quorum nonnullis receditur à recta fide, per defectum quæ singula quancà fieri poterit brevitate absolvam.

Vota Monastica Perfectionis quæ dicuntur sunt illicita.


 Illud imprimis præmittimus nos vitam Monasticam, qualis in Ecclesiæ nascentis primordiis olim vigeat, & per aliquot sæcula duravit, nullo modo improbare quin laudare imò & admirari. Sed illam quæ ex veteris disciplinæ neglectu & superstitionis multiplici accessione & opinione cultus perfectioris posterioribus sæculis inuenta est. Consistebat autem professio Monastica primitus non tam in ullo expresso voto quàm in solo heroico proposito vitæ austerioris, calibatus perpetui, abdicationis facultatum, renunciationis sæculi, abstinentiæ severioris, frugalitatis perfectissimæ, contemptus mundi, & omnium ejus vanitatum, & jugis quantum fieri potuit cum Deo conjunctionis. Talis olim fuit, antiquorum Monachismus; neque enim nisi post multa sæcula professio Monastica in tribus distinctis solennibus votis paupertatis, castitatis & obedientiæ collocabatur. Ut ergo rectius explicemus quid sit quod queritur præmittendum est Romanenses statuere Monarchatum statum esse perfectionis ejusque professionem in tribus substantialibus votis paupertatis, castitatis & obedientiæ regularis collocare, in quibus volunt essentiam Monachatus consistere, non tamen in votis ipsis simplicibus coram Deo plenissima licet electione emissis sed in solennibus coram Ecclesiæ facie nuncupatis adhibitis quibusdam externis caeremoniis. De hisce votis prout jam usu recepta sunt & praxi quotidiana in Romana Ecclesiâ comprobata, jam queritur, an licet possint & nuncupari & adimpleri. Id nos prorsus inficiamur. Et 1. Ratione vitiosæ originis, quod à turbido fonte fluant ac manant. Quomodo enim à turbido fonte non nisi cænoza fluentia dimanare possunt? Nuncupantur enim & adimplentur ex opinione quod is status vitæ & longe in se perfectior & Deo multo gratior quàm alii, etiam ubi aliqui nulla adsit virtutum aut meritorum disparitas; quodque per hanc professionem satisfiat pro omnibus peccatis, eamque esse alterum baptismum quatenus per eam renunciatur sæculo & multis licitis voluptatibus & nova vita inchoatur, & qua piè creditur remitti omnis poena temporalis pro qua aliqui satisfaciendum esset, sic Thomas & Bellarminus de Monach. 2. cap. 6. At ex tali opinione, vota Monastica vel nuncupare, vel reddere est illicitum.

Nam 1. Talis ordo Monachalis ab humanis constitutionibus & jure positivo totus profectus est. Neque enim fundatur in ullo jure divino, sive naturali, sive positivo. Bellarminus eum fundat in consiliis Evangelicis, atque adeo in jure divino positivo; si tamen de jure dici possint, quæ tantum proponuntur à Christo ut consilia, non ut jura. Quatenus ergo consilia sunt omnibus libera, eatenus à Christo profecta sunt quatenus verò huic vel illi ordini imposita, eatenus non à Christo, sed à jure humano positivo dimanant. Estio consilia sunt à Christo: at votum consilium est ab homine. Quomodo ergo perfectior est ille status Votariorum, quàm Episcoporum & Presbyterorum qui jure divino stabiliuntur, nisi quis sacras religiones ut appellat Anselmus & ad-
venticias

venticias, ab homine institutas, statibus à Domino & Apostolis institutis præponendas censuerit.

2. Religio Christiana potest absque prædictis votis ad consilia obligantibus, perfecte imò perfectissime observari ut optime observavit Gerionius [cont. Grabb. p. x. col. 3] nam Christum vovisse consilia non legimus, qui tamen legem suam perfectissime observavit. Idem patet ex Apostolis, discipulis & Christianis in primitiva Ecclesia, quorum multi & uxores & possessiones habuerunt, quidam in communi, quidam de proprio; multi solis Episcopis & Prælatibus suis subditi erant, longè ante ortas religiones Basilii, Augustini Benedicti & reliquorum.

3. Falsissimum est perfectionem consistere in hisce votis nuncupandis. Nam ut rectissime Cajetanus [in Mat. 19] Christus Apostolis aut aliis ad perfectiorem aspirantibus non consuluit vota sed opera, quia non in votorum vinculo sed in operibus quibus imitatur Christum, consistit perfectionis affectio.

4. Longè omnium falsissimum est horum votorum nuncupatione satisfieri pro peccatis, remitti omnem pœnam temporalem, aut alterum esse Baptisma vel Martyrio adæquandum, vota ergo Monastica cum ex perversis & pravis hisce opinionibus suscipiantur; hoc nomine procul dubio sunt illicita.

II. Ut vota dicta illa sunt ratione originis; ita non minus illicita sunt ratione finis. Nam & nuncupantur & adimplentur intentione satisfaciendi, merendi, supererogandi. Nam & vovendo opera consulta, & hæc ipsa vota adimplendo existimant se posse injuriam factam Deo per peccata venialia compensare, ex condigno etiam reatum pœnæ temporalis expungere, æternam etiam suam salutem, præmiū infinitum, ex horum insita condignitate mereri, & plurima opera gratuita, indebita, omnia mandata divina transcendentia, erogare. Quis non videt vota Monastica, hac intentione suscepta & adimpleta non tantum non illicita esse, sed & Christianæ humilitati parum consentanea esse, imò & superbiam intolerabilem redolere, & Christi meritum & satisfactionem ex parte exinanire.

III. In loco materiam & objectum horum votorum pensitemus. Id quod commo- dissimè fiet, si de singulis seorsim agamus. Hæc merito agnoscitur, consilium perpetuæ continentię, quod quousque & an absolute voveri possit, & si absolute & quocunque casu adimplendum sit, jam breviter disquirendum superest. Hic autem non quæritur 1. De proposito absolute perpetuæ continentię inieundo: Nec 2. de voto etiam absolute sese obstringendo, et quis certus esse possit se votum hoc potuisse adimplere. Nec 3. An semel emisso hoc voto, non graviter peccaret, qui hoc votum violaret divertendo ad nuptias, nisi tibi certo constiterit post usum debitum omnium mediocrum, precum, jejunii, vigiliarum: & id genus alia, se non posse continere. Nec 4. an non perpetua continentia absolute voveri licite possit ab homine quantum in ipso est & quantum humanæ fragilitas permittit re ipsa præstandum modo absque omni peccato præstari possit, sed hoc quæritur an votum absolutum perpetuæ continentię quis licite & nuncupare & adimplere possit & debeat, cum absoluta conjugii ejuratione quocunque casu, etiam si vel ultio ipsa sustinenda vel in scortationes, adulteria aut alias obscenas pollutiones prolabendum sit? Nos partem negativam contra Romanenses demonstrabimus.

1. Tale votum absolutum continentię nuncupare est illicitum, cum sit rei quæ non est sita in nostra potestate atque adeo non sit idonea voti materia, siquidem posse absolute continentiam continere non est commune donum propositum & paratum cuius votario petenti sed speciale quorundam, asserente Christo Mat. 19. Non omnes capiunt verbum hoc, sed quibus datum est. Et — Qui potest capere, capiat; consummante Apostolo 1 Cor. 7. Unusquisque proprium donum habet ex Deo, unus sic, alius autem sic, ex quibus loci, sic Argumentatur, Nemo ordinarie debet absolute vovere nisi id quod certo scit, se posse solvere, alioqui se exponit periculo voti violandi, ac proinde tale votum ordinarie est temerarium. At nemo potest ordinarie certo scire an habeat illud donum, & multo minus an sit per se habiturus ut constat ex Scripturis allegatis, nemo igitur nisi temere & imprudenter moraliter loquendo, ejusmodi votum absolutum perpetuæ continentię nuncupari potest.

Resp. [Cornelius & Lapide in 1 Cor. 7. 9.] Continentiam esse donum Dei, sed actu

acti non dari nisi cooperantibus nobis; omnibus tamen conscientiam etiam virginalem expositam esse imò consultam; & auxilium sufficiens gratiæ, tum internæ, tum externæ singulis præparatum à Deo ut cum libera cooperatione Dei castus in suo statu esse quisq; posset si velit illo auxilio uti.

Respondeo, Licet castitas conjugatis sit donum, quod omnibus in statu conjugii exponatur, cum Deus in necessariis gratiæ præfidiis conferendis, petentibus & cooperantibus non desit. At aliter se habet in castitate virginali & viduali quæ sunt dona specialia, non omnibus virginibus & viduis præparata; nec omnibus necessaria; imò nec omnibus sed iis solis quibus hoc donum continentia conceditur, consulta. Unde nec gratiam sufficientem quibuscunque virginibus & viduis, ad castitatem talem excolendam & conservandam, contulit; Cum disertè Christus dicat, Non omnes capiunt sed quibus datum est: Observare enim oportet ingens discrimen inter dona communia quibusvis ad salutem necessaria, atque dona specialia; Communia & necessaria, dantur omnibus fidelibus piè & perseveranter petentibus; huiusmodi sunt dona fidei, charitatis, penitentia, perseverantia, ceteraque omnia sine quibus non est salus. Sed specialia, sine quibus salus nostra constare potest, nec dantur omnibus fidelibus, nec peti possunt, nec debent absolute, cum certa fiducia impetrandi, sed cum conditione, si Deo visum fuerit, & si nobis expediant. Quandoquidem igitur donum perpetuæ virginalis ac vidualis continentia, scil. unum ex illis specialibus, quæ non sunt ad salutem necessaria; possumus hoc à Deo sub conditione petere, possumus etiam propositum perpetuæ virginitatis concipere, possumus in eodem permanere, dum id datur facere, sine conscientia vulnere: sed non debemus emissio voto, abjurare matrimonium. Peccant igitur absolute voventes calibatum.

2. Matrimonium divinitus imperatur quibusdam Monachis professis, ergo illis votum suum adimplere est illicitum.

Consequentia patet, quia hoc casu Deus vult ut votum suum non adimpleant sed ut rescindant, quandoquidem sine peccato impleri nequeat, cum contemptu scilicet ordinationis Dei, qui honestum matrimonium paravit in remedium peccati. Nota sunt illa Isidori. In malis promissis rescindere fidem, in turpi voto muta decretum, quod incaute vovisti ne facias, impia est promissio quæ scelere adimpletur.

Antecedens probatur. Qui non se continent nubant (inquit Apostolus) melius est enim nubere quam uri, & rursus, Propter fornicationem unusquisque suam uxorem habeat.

Object. Resp. Bellarminus tria, 1. In his locis non vocari ad nuptias eos qui tentantur stimulis carnis, sed incontinentè tantum viventes.

Sol. Ref. Vocari ad nuptias eos quicunque uruntur, uruntur autem non tantum ii qui externè se polluant fornicando, sed quorum mens intus flammis concupiscentia post crebras preces, vigilias, abstinentias & reliqua præscripta adminicula exastuat, vel ut August. loquitur [lib. de Virginit. cap. 34.] Qui occulta flamma concupiscentia in ipsa concupiscentia vastantur, vel ut ait Ambrosius, Qui desiderii agi & vinci iis lædi cedere & consentire se sentiunt. Quomodo uri dicitur ab igne, non qui ejus calorem sentit, sed qui ab eo læditur & aduritur: uri ergo juxta Apostolum est quiddam antecedaneum ad actum externum. Loquitur ergo Apostolus non de iis qui se jam extrinsecus polluerunt, sed de iis quibus à pollutione externa sit præsens periculum.

Object. Excipit. 2. In locis prædictis ne incontinentè viventes vocari ad nuptias absolute sed solum ostendi iis remedium quoddam facile; & quasi portum quò sese recipiant, sic tamen ut liberum iis maneat ad majora aspirare.

Solut. Respondeo, Verba Apostoli γαμήλιον, ἵκιστο, sonant præceptum non nudam permissionem, & quidem liberum est abstinere à conjugio iis qui absque peccato possunt, meminè verò iis quibus est scortandi periculum. Ut enim non est liberum omni sano abstinere ab omni cibo; quia hoc esset Deum tentare, & se perdere, contra Dei præceptum ita

ita iis qui uruntur, liberum non est matrimonium fugere, sed præceptum incumbit. Quisque uxorem habeat propter fornicationem, alioqui tentant Deum & peccant contra præceptum.

Object. 3. Objicit verba Apostoli sive permissionem sive præceptum sonant pertinere solum ad homines liberos, non autem ad Votarios. Hisce enim pejus esse nubere quam uri non erubuit affirmare Jesuita. Quanto melius B. Cyprianus.

Solut. Contra Beatus Cyprianus cum suis Collegis, ubi agunt de Virginibus professis. Si perseverare nolunt [in professione scilicet castitatis] vel non possunt, melius est ut nubant quam ut in ignem delictis suis cadant. Hic locus non parum urget Romanenses; Animadvertenda disjunctio Cypriani, Si aut nolunt ex desiderio scilicet pristinae libertatis, aut non possunt præ stimulis carnis, melius est ut nubant, quam ut in ignem delictis suis cadant. Itaque ex mente Cypriani, Virginibus Deo dicatis potius permittenda imò suadenda conjunctio conjugalis quam ut permaneat in incesta conjunctione sine nuptiis in religiosa professione, quam nullo modo permittendum censet; ubi Bellarminus palam adversatur. Adversatur Basilus Magnus lib. de Virgin. qui sacras & Deo devotas virgines, mallet nubere, quam ut dissoluta quadam libertate vivant; tamen si nihil impudici, nihil obsceni, nihil libidinosi eas commisisse animadvertat. Nec minus adversatur Epiphanius Hæres. 61. Melius est unum peccatum habere quam plura, melius lapsum à cursu (i.e. à professione) palam sibi uxorem sumere secundum legem, — & non quotidie occultis jaculis vulnerari at improbitate quæ à Diabolo ipsi infertur.

Atque hic non parum sese prodit immanis Tyrannis Pontificis & Prælatorum Romanensium qui etiam si ipso usu edocti, animadvertant multos professos in Monasteriis ipsius continentie impossibilitatem ex periri, cujus testes satis idonei innumeræ seortationes, adulteria & id genus pejora flagitia Monasticorum: Ipsi quoque votorum tum commutationem tum dispensationem etiam solennium sibi vendicent; tamen à Deo ipso præscriptum conjugii remedium adhiberi nolunt huic morbo longè gravissimo: sed aliis nescio quibus morbis, si tamen morbis dispensationes & commutationes suas accommodare solent, ut multis accidentalibus, quæ videntur quisque juxta regulam suam, Augustini, Basilii, Benedicti & aliorum: Id quod adhuc clarius elucescit in Clericis & Episcopis, quibus etiam continentie impossibilitatem suo magno malo & populi Christiani scandalo expertis, non relaxant hanc perpetuam continentie legem, etsi non nisi positivo Ecclesiæ statuto niti fateantur.

Neque dici potest in votis substantialibus castitatis, paupertatis, obedientie, hæc commutationes & dispensationes non fieri; nam quotidie à Monasteriis cooptantur Monachi in Episcoporum & Cardinalium ordinem qui tum desinunt esse pauperes, desinunt obedire prælati illius ordinis, cui obtemperando voto obstricti fuissent in solo voto continentie sese morosos & difficiles præbent; ipsius virginitatis dignitatem prætexentes; cum tamen vis voti non expendenda sit penes dignitatem rei promissæ sed penes obligationis vim, siquidem qui christi-
am promissum decem, non minus ea præstare obstringitur, quam si mille pollicitus fuisset.

Diximus, de voto continentie: Ad regularem obedientiam quod attinet, illud votum pugnat cum libertate Christiana quam Christus suo sanguine nobis acquisivit; 1 Cor. 7. empti estis pretio, nolite fieri servi hominum (i.e.) emancipati estis quod conscientiam; ergo nolite rursus fieri mancipia, quod fit ab iis qui votum hoc nuncupant. Regulæ enim Monasticæ exigunt ut quilibet Monachus prælato suo in tam plenam obedientiam sese tradat, ut nihil sibi in vita proponat & instituat, quam quod ab ipso præscriptum fuerit in edendo, bibendo, jejunando, dormiendo, vigilando, otia, docendo ut semel dicam in omnibus totius vite actionibus. Exigunt item Regulæ Monachorum, ut Monachi Prælati suis, contra præceptum Regum, Magistratum, Parentum morem gerant. Atque ita per præcepta humana, Legem Dei naturalem & æternam de Regibus, Magistratibus, Parentibus honorandis violare & evacuare, Homunciones isti non erubescunt.

Inprimis illicitum imò execrandum est illud cæcæ obedientie Jesuitarum votum; illud enim divina mandata cassæ & irrita prorsus reddit, iisque longè præfert sui supe-

superioris præcepta. Deus iussit cavere ne quis nos seducat : Iussit omnia probare : vetuit hominum servos fieri. Vetuit fieri sicut mulos aut equos quibus non est intellectus. At qui obfirmate statuerunt, quicquid superior mandat vel sentit defendere, quicquid præcipit pro Dei præcepto reputare : quicquid inaverit cæco quodam impetu voluntatis, sine ullâ prorsus disquisitione perficere : illorum proculdubio obedientia, cautionem excludit, probationem tollit, eos hominibus in servitutem addicit, ac denique non mulos solum ac equos, sed statuas & trunos facit. Sed revertere, cæcam obedientiam à Loyola suo præscriptam, non à suis abnegationem proprii iudicii efflagitare ; sed obedientiam tantum superiori præstandam in omnibus non manifestè illicitis.

Sed Resp. Loyolam in inferioris obedientia permittere non nisi passivum iudicium capacitatem, scil. Præcepti, sed præcisè damnate omne activum iudicium, de jure aut aequitate præcepti ; atque ita postquam suos omnes exdeulavit, misere occaratos ultro derisum venit. Non secus enim agit ac ille qui sedulo moneret viatorem, cui oculos effodit, ut se præeuntem sequatur quacunque eat ; nisi ubi præcipitium cerneret. Nam ut hic, cui oculi effossi sunt, non potest præcipitium cernere : sic neque ille qui suo iudicio penitus renunciavit, manifestè illicitum discernere. Quæ enim id possibile fiat ? Cum jussu Loyolæ jampridem oculos intelligentiæ propriæ abjecerit, & alieni iudicii oculis, se totum dirigendum permiserit. Sed fac novitium aliquem uti oculis iudicii sui, atque in superioris mandato manifestum peccatum discernere, nunquid huic licebit iudicio suo niti & superioris injustum imperium recusare ? Nihil minus nam illam obedientiam in omnibus non manifestè illicitis, ita intelligi volunt si ipse superior consultus responderit illud revera esse manifestè illicitum. Si Papa vel Generalis dixerit, non esse manifestè illicitum, quantumvis illicitum fuerit, vi tamen voti Loyolici obedire tenentur. Quod peccatum crassum magis quam perjurii, rebellionis aut homicidii. Si Papa Generalis tamen jusserit juratam Regi fidelitatem violare, ex illorum sententia est obediendum. Si contra suum Regem, arma ferre, non est recusandum. Si pulvere tormentario Regem, Regiam prolapiam, Reipub. & Ecclesiæ procures universos frustulatim discerpere, à tanto scelere non est abstinendum. Quam inanis igitur & hypocrita est illa manifestè illiciti exceptio, cum hoc omnium suorum animis incidere volunt, quicquid à Pontifice aut Generali jubetur, quantumvis tetrum & horribile sit, non flagitii tamen manifesti sed operis potius meritorii naturam induere.

Superest votum paupertatis, præsertim illud Mendicantium, qui altissimam paupertatem vovent ; nihilque se posseffuros titulo, venditionis, donationis, permutationis aut similis commercii nomine, nec ullius rei Dominos aut proprietarios futuros. Illi tamen vestimenta, libros, supellectilem, cubicula possident, pane & obsoniis vescuntur, ad quæ bona jus aut proprietatis aut usus nullum habent, nec habere possunt, ex ipso voto & testamento S. Francisci sui fundatoris. Quæ cum ita sint, qui non sunt ipsissimi fures. Hoc votum quàm sit illicitum, demonstrarunt olim Guilielmus de Sancto Amore, Armacanus, alii non pauci doctissimi viri. Sed manum de tabula. Ex hisce aliqua ex parte constat, vota Monasticæ perfectionis quæ dicuntur esse illicita, atque ita concludo utramque Theſim sensu supradictò explicatam, veram esse & Verbo Dei consentaneam.

Paupertatis votum insectari non patiuntur temporis angustia ; mallem intactum relinquerè quàm vobis tantum molestarium creare. Atque ita concludo.

*Romanæ Ecclesiæ iudicio in Sanctis Canonizandis non
est standum.*

Remittendum est in hac questione,



1. Stare iudicio Ecclesiæ dici posse bifariam, aut ratione

Potestatis, quam habet Ecclesia in personam quæ ei subicitur.

Infalibitatis, quam habet in iudicando, quatenus ejus iudicium quis tenetur agnoscere pro infallibili.

- II. Canonizatio Sanctorum bifariam itidem sumitur vel quæ denotat ritum

[Olim in Ecclesiâ receptum; publicam sc. Ecclesiæ testificationem de Sanctitate, virtutibus & gloria Sanctorum; & ejusdem decretum de deferendis iis iustis debitisque honoribus] in quibus sunt, 1. Relatio in Catalogum Sanctorum, & iussio ut publicè ita habeantur. 2. Publica agnitio & prædicatio virtutum Sanctorum. 3. Annua die eorum memoriæ honorifica celebratio. 4. Propositio eorundem in virtutum exemplaria. 5. Reliquiarum eorum verarum quas tales esse compertum est, tuta conservatio & honorifica tractatio.

Novum & hodiernum qui jam in Ecclesia Romana viget] ubi veteri ritui accesserunt publica sanctorum illimitato & spirituali adoratio; in omnibus necessitatibus religioso & spirituali affectu in publicis Ecclesiæ precibus solennis & formalis invocatio; quibus adde Thurificationem, votorum nuncupationem, festorum celebrationem & id genus alia, ad Dei cultum propriè pertinentia, ad Sanctorum cultum perperam translata.

- III. Per Romanam Ecclesiam intelligunt Romanenses non tam Ecclesiam Romanam, ut est particularis Ecclesia sua speciali diœcesi ab aliis distincta, aut ut est Ecclesia Metropolitana sua gaudens provincia, aut denique ut Patriarchalis respectu sui Patriarchatus; sed Romanam Ecclesiam ut supponit

ponit pro Ecclesia Catholica & universali intelligunt, & revera ipsum Romanum Pontificem quem virtuales Ecclesiam indigetare solent, & totius Ecclesie Catholice caput etiam Concilio oecumenico autoritate superius (si dii volunt) docent & defendunt.

Hic sic positus, Dicimus, quandoquidem in hac questione supponitur. 1. Aliquam Canonizationem Sanctorum, ut piam & licitam admittendam. 2. Penes aliquam Ecclesiam potestatem esse hunc ritum præstandi.

Damus ergo 1. Ritus veterem olim in Ecclesia receptum referendi in album Sanctorum, prout supra descripsimus, pium fuisse institutum Majorum, & ab Ecclesia, prout res tulit hodie usurpandum.

Damus 2. Penes Ecclesiam particularem esse apud subditos suos & penes universalem Ecclesiam, aut ejus representativam Concilium Oecumenicum in universali Ecclesia potestatem Sanctos declamandi, quos indubie novit, sanctitate vitæ & fidei puritate inclaruisse.

Damus 3. Romane Ecclesie judicio, ut particularem denotat, stare temeri ejusdem subditos ratione potestatis quam in eisdem habet, licet non simpliciter in foro conscientie, tamen in foro Ecclesiastico, sub poena Ecclesiastica, quatenus censuris suis licite coercere potest, qui eos, quos publice ritu veteri Sanctos declamavit, aut rejiciunt aut non accipiunt.

At hiis datis non acquiescunt Romanenses, quin Romane Ecclesie, ejusque Pontificis summi judicio stare debere universalem Ecclesiam in Sanctis Canonizandis doceant, utpote quem toti Ecclesie præesse ingerunt, ad quem unum spectare clamitant ut toti Ecclesie proponat quid sit credendum, quid agendum in iis quæ sunt Religionis, & cujus judicio utpote planè infallibili omnes Christiani acquiescere tenentur. Nos igitur solus Romane Ecclesie aut ejus capitis Romani Pontificis in hac Sanctorum Apotheosi minime standum esse demonstrabimus.

Aut enim hic agitur de canonizatione } Antiqua qualem supra descripsimus.
 } Nova illa quæ jam viget in Romana Ecclesia.

Si de antiquo illo canonizandi ritu quo olim in Canonem & Catalogum Sanctorum referebantur beatissimi Martyres, dicimus in tali canonizatione non standum esse universali Ecclesie solius Romane Ecclesie aut Pontificis judicio.

Si enim ejus judicio standum esset necessario, tum ratione majoris ejus in judicando aut } Potestatis
 } Infallibilitatis.

At ratione neutrius standum est: Ergo non omnino.

At 1. Non ratione majoris potestatis, neque enim talem potestatem ullam habet jure divino. Non Ecclesia Romana magis quam Ecclesia Græca, aut Æthiopica, aut Armeniana. Non Romanus Episcopus magis quam Alexandrinus, Antiochenus, Cyprius. Quinetiam consistendo in solo jure divino ipse Christus Ecclesie cui libet particulari potestatem & jus concessit in quamlibet personam in eadem viventem. Si peccaverit in te frater tuus (inquit Christus) dic Ecclesie. Aut ergo expungat se Pontifex è numero fraternitatis Christianæ aut agnoscat se Ecclesie judicio subiectum esse. Si igitur Ecclesie Romane subjiatur judicio, quantum magis Oecumenicæ. Nam si autoritas queratur, orbis major est urbe, ut olim Hieronymus Epist. 35. ad Euz. Doceant ergo Jesuitæ quantiscunque possent ingenii viribus potestatis Papæ in Ecclesiam universalem plenitudinem, quandoquidem in eum particularis Ecclesia docente Christo, potestatem exercere habeat; nemini certè cordato Theologo unquam id persuadebunt, quanto minus jure divino hanc potestatem Sanctos per universalem Ecclesiam declamandi, suo soli Pontifici, competere persuadebitur.

2. Potestas publicè prædicandi sanctos intra suam Diocesim olim erat penes quemlibet episcopum, ut patet ex Cypriano, & fatentur Waldensis & Bellarminus: imò

imò in veteri Ecclesia absque solenni Canonizatione, aut expectatione miraculorum, statim pro Sanctis habiti sunt Martyres omnes, ut patet de S. Polycarpo apud Euseb. l. 4. c. 14, & ex Cypriano, lib. 3. cap. 6. Jubeat enim annotari dies, quibus passi sunt, ut commemorationes eorum fiant: & hinc fatetur Stapletonus, Relect. p. 421. Hinc tot Martyres (ut iusti & legitimi Hieronica) olim in diptycha relati, & in mysterioris celebrandis clara voce recitati. Hinc antiqua Martyrologia, Menologia, & id genus alia, fasti publici.

Hoc tamen (inquit Bellarminus) quod olim licuit jam non licet siquidem Alexander Tertius, & postea Innocentius Tertius videntes abusus, qui oriebantur circa Sanctorum cultum, prohibuerunt ne deinceps aliquis colere inciperet absque Romani Pontificis approbatione. Hoc scilicet est de quo olim conquestum est, Romanam Ecclesiam ad se omnium Ecclesiarum jura traxisse. Hæ artes Romanæ pretextu hujus vel illius abusus corrigendi omnium Episcoporum jura immunita, cassa, irrita reddere.

At communis sententia est (inquit Bellarminus) eo modo Canonizare, ita ut in tota Ecclesia Sancti habeantur, pertinere ad summum Pontificem. Communis sententia, sed quorum? modernorum, hesternorum, non antiquorum. Per mille annos hæc sententia non obtinuit, nec ulla hac de re aut lex sancita, aut canon conditus, aut exemplum idoneum occurrit. Nullius Authoris Thomæ antiquioris meminit Bellarminus qui hujus canonizationis ad summum Pontificem ex officio continentis alicubi meminerit. Hi scilicet sunt illi qui ubique crepant Antiquitatem: quorum tamen pleræque dogmata sunt nupera, novella, vera antiquitate destituta.

Videtis ratione majoris potestatis Romani Pontificis iudicio in negotio canonizationis non esse standum: sed nec 2. Ratione majoris in veris Sanctis discernendis judicandi infallibilitatis. Quomodo verisimile est Papam posse de aliorum sanctitate & gloria infallibiliter certum esse, quæ de sua sanctitate & gratia, de sua fide, spe, charitate non nisi conjecturalem certitudinem ordinari habeat aut habere potest. Cum tamen certum sit cuilibet magis perspectam esse posse fidem propriam, quam alienam, dicente Apostolo: Neminem scire quid sit in homine, præter spiritum hominis qui in eo est: sed & nullum ei non errandi privilegium alicubi concessum aut indubitatum est. Hujus enim quantumvis renitatur Jesuitæ ne Apex quidem in divinis literis usquam occurrit. Nec alibi hujus privilegii certa documenta peti aut possunt aut debent. Quin nec Conciliorum nec Patrum monumentis hujus privilegii ulla extant vestigia, evolvantur Tomi Conciliorum, volumina Patrum de hoc privilegio altum ubique silentium. Quin & nupera Consilia Constantiense, & Basiliense quibus interfuerunt Doctissimi viri, soli Concilio generali iudicii infallibilitatem tribuunt; Papæ scilicet omnibusque aliis Episcopis seorsim consideratis eripiunt. Ipsi Pontifici qui potestatem Canonizandi Papæ tribuunt, non tamen in judicando infallibilitatem omnimodam illi tribuere ausi sunt. Si quis putet Romanum Pontificem in particularibus actionibus [canonizandi Sanctos & conferendi Indulgentias] non posse errare, putet quoque ipsum non esse hominem. Sic Cajetanus, Ipse Thomas & Sylvester, Papæ & canonizandi Sanctis in judicando infallibilitatem, non nisi inter piæ credenda reponit. Ipse Canus, ubi meminit iudiciorum Ecclesiarum quæ ad certam & exploratam fidem faciendam infirma sunt, meminit hujus quo sanctum aliquem Divorum catalogo ascribendum censet, lib. 5. c. 5. loc. com.

Idem evincitur ex toto judiciario processu qui in Romana Ecclesia sanctorum Canonizationi præmitti consuevit. Fit inquisitio antecedanea per commissarios, prælatos citantur Testes de demortui vitæ excellentia & sanctimonia, de fidei puritate. Quæ si comprobentur per Papam, pergitur: Miracula narrantur à Canonizando patrata; Testes idonei adducuntur; Papa totius negotii Judex & Cognitor; illo decernente declamatur sanctus, in album reërtur. Nihil hic quod huic canonizationi certam & infallibilem facit fidem. Testes excellentiæ & Sanctimoniæ vitæ, & fallere possint & falli, utpote quibus non nisi judicia externa sanctitatis innotescunt, quibus tamen subesse falsum posse, nemo dubitat, aut jure dubitare potest.

Idem

Idem esto de miraculis iudicium. Testari quis possit sensata cognitione de re gesta vel facto; At quis infallibiliter diiudicare potest inter vera miracula quæ digito Dei immediate sunt, superantque totam vim naturæ creatæ; & illa quæ solis naturæ viribus effici possunt & solent: cum nemo infallibiliter novit solo lumine naturali, quousque causæ naturales operantur & operari possunt; nemo infallibiliter cognoscit quousque vis diabolicarum illusionum pertingat, præsertim dicente Apostolo, Satanam se in Angelum lucis transformare posse: nemo itidem infallibiliter novit quousque *calipsoa* *adans* sese exercere possit, qua Antichristum operaturum prædicatur, ejusque ministros, qui seducunt (si possibile esset) ipsos electos. Mitto donum miraculorum utpote Ecclesie minus necessarium aut etiam utile jamdudum cessasse docentibus Chrysostomo & Augustino, cum ratio necessitatis aut etiam utilitatis, cum satis superque confirmata sit Evangelica doctrina, saltem apud Christianos planè cessaverit; ubi hæc media sunt fallibilia, quomodo iudicium infallibile, inde formari potest?

Cum ergo Papa totius hujus negotii supremus Judex & cognitor, non nisi hisce mediis utitur aut uti possit, quomodo iudicium illius quod non nititur nisi fallibili hominum testimonio, non potest aliquando non esse falsum. Id quod Cajetanus ipse disertè fatetur de hisce miraculis, non posse esse omnino certa, cum scriptum sit, Omnis homo mendax in opusculo Tom. 111. p. 70.

Nec sufficit illud Banneſii [Verbatim ferè ex Thom. Quolibet ix. q. 16. 22. q. 1. Art. x. dub. 7, ad 2.] Miraculorum discretionem, an sint à Deo vel dæmone ad Ecclesiam pertinere, quæ instinctu S. Sancti regitur. Nam negamus Ecclesiam Romanam aut ejus caput Romanum Pontificem tali infallibili instinctu Sp. Sancti dirigi. Cum compertissimum sit, Romanum Pontificem sæpius in fide & etiam in Sanctorum canonizatione de facto errasse.

Porro Romanæ Ecclesie iudicio minimè standum esse in hodiernis Canonizationibus inde apertissimè demonstratur quod illæ planè & illicitæ sunt improbandæ, utpote quibus, indebiti honores Sanctis decernuntur; illos enim in publicis precibus formaliter invocant, ipsa arcana cordis & conscientie penetralia iis ut inspectoribus, expandi agnoscunt, illos adorant cultu illimitato & spirituali, omni loco & tempore, nec corpus solum sed & ipsum spiritum iis subjiunt, adde religiosam adorationem reliquiarum Sanctorum, quam genu-flexione & prostratione testatam reddunt, denique iis erigunt altaria, templa, imagines religiose adorandas, iis festa instituant, vota nuncupant, incensum adolent, sacrificia tam Eucharistie quam laudum & precum cum horis offerre solent, & quicquid ferè ipsi Deo cultus tribuitur, id ipsis Sanctis confectur, decernitur.

Ex qua Romanensium praxi cum fallibilitate prædicta collata ultimò inferimus Romanæ Ecclesie iudicio in negotio prædicto stare, toti Ecclesie nimis periculosum esse præsertim juxta Romanensium hypothesen, nam dato non concesso, quod Canonizatus à Pontifice publicis Ecclesie precibus invocare & adorare licitè posset; videte quantum inde creabitur periculum populo Christiano, ut publicè invocent & colant pro Sanctis eos, qui forsàn, cum Dæmonibus torquentur in gehenna; tametsi enim ut quis pro Sancto publicè prædicetur, moralis certitudo in fide humana fundata qua prorsus infallibilis non est, sufficere potest, attamen ut quis publicè adoretur & in Ecclesie Liturgia publicè invocetur non sufficit solà moralis sed infallibilis planè certitudo requiritur, quia in publici cultus objecto totam Ecclesiam errare intolerabile esset & tale quod aures Christianæ merito exhorrescunt; Aut ergo ostendant Romanam Ecclesiam aut ejus Pontificem infallibiliter semper in declamandis Sanctis iudicare, aut non decernant Sanctis tales honores, qui non sine summo eorum dedecore, Sanctorum larvis, imò hominibus sceleratis conferri aliquando periculum est: meminere quæ illius, quod soter tribui Augustino, Multa corpora honorantur in terris, quorum animæ torquentur in Gehennâ. Ex hisce aliquatenus constare potest, Romanæ Ecclesie iudicio in Sanctis Canonizandis non standum esse.

Summa potestas temporalis non spectat ad Pontificem Romanum.

Agitur de potestate temporali, sive illa quæ propiè loquendo temporalis dicitur, sive potestate quacunque quæ circa temporalia versatur, quæ potestas in temporalibus dici solet. Agitur de potestate hac summa & suprema, qualis est Regum, & Imperatorum, qui solo Deo minores sunt, sive de alia quæ hac Regum & Imp. eminentior excogitari possit.

Dicimus summam hanc potestatem, sive tempora'em, sive in temporalibus non spectare ad Pontificem Romanum (..) non omnino, nec actu, nec habitu, nec directè, nec indirectè, nec quòvis alio modo. Romanenses olim, sic, fuisse Romano Pontifici omnem humanam creaturam, declaramus, dicimus, definimus, pronunciamus omnino esse de necessitate salutis. Sic Bonifacius Octavus, & post eum Canonistæ. Papa est Deus Imperatoris, & Papa est universalis Monarcha totius mundi, Papa habet potestatem instituere, & destituere, & id genus alia. Recentiores sic, Pontificem Romanum habere aliquam potestatem temporalem in ordine ad finem spiritualem; scil. ad illum conservandum, defendendum, vel etiam propagandum, & propter hunc finem consequendum posse illum, novos principes facere & alios tollere. Sic Stapletonus. Vel Papam ut Papam non habere ullam merè temporalem potestatem, tamen in ordine ad bonum spirituale, habere summam potestatem disponendi de temporalibus rebus omnium Christianorum; nec posse ordinariè temporales principes deponere tanquam ordinarium eorum Judicem, tamen posse regna uni auferre, atque alteri conferre, ut summum Principem spiritualem in ordine ad salutem animarum; sic Bellarminus.

Nos contrà dicimus, Pontificem Romanum neque ut Papam, neque ut Principem spiritualem, neque directè, neque indirectè, neque in ordine ad temporalia, neque in ordine ad spiritualia habere ullam super Reges potestatem temporalem, sive ullam per ablationem rerum temporalium, coactivam,

Id breviter triplici ratione jam demonstrandum suscipio,

1. Erit à persona hanc potestatem temporalem sibi vendicante.
2. A persona regum contra quam usurpatur, in quam demonstrabimus talem potestatem non posse exerceri.
3. A fine ipso spirituali, qui huic usurpationi obtenditur.

Et

Et quidem 1. Hoc demonstrabimus à persona hanc potestatem temporalem aut in temporalibus vendicante, illam nullo modo posse ei competere. Et hic quidem primo certum est, annuente Bellarmino, Pontifici Romano, non tribuendam esse illam potestatem, quam habuit Christus ut Deus, vel ut homo immortalis & gloriosus, sed eam duntaxat, quam habuit ut homo mortalis in statu humilitatis. At certum est Christum cum hic in terris ageret neque exercuisse temporalem potestatem, neque potestatem ullam in temporalibus, nec in ordine ad bonum spirituale summam ullam potestatem disponendi de temporalibus rebus regum aut Imperatorum aut regnum uni auferendi, & alteri conferendi, ad summum principem spirituale in ordine ad salutem animarum. Certum est, inquam, Christum ejusmodi potestatem nec exercuisse de facto, nec venisse in mundum ut exerceret.

Siquidem 1. Regnum quod Christus hic in terris administravit non fuit temporale Unde Pilato respondet, *Regnum meum non est de hoc mundo*; (.i.) Mundanum & terrenum humanis legibus & humanis praesidiis munitum, & rationem subjungit, tum *Ministri mei pro me certarent*] i.e. Ipse haberem, more ceterorum regum, armatum satellitum, haberem laterones & stipatores, qui pro me armis decertarent, ne in manus traderer Judaeorum. Atque hinc est quod regnum Christi semper appellatur regnum Coelorum & æternum, nunquam mundanum vel temporale; & præmia quæ subditis proponit, non alia sunt quam cœlestia & æterna, non caduca, non terrena & poenæ quas refractariis & contumacibus interminatur nec corporeæ sunt aut temporales, sed spirituales solum & æternæ.

2. Porro idem patet exemplo Christi, qui regiam dignitatem & potestatem studiosè fugit & aduersatus est. Nam Joh. 6 20. ubi cognovisset populum venientem, ut ipsum correptum facerent regem, secessit in montem solus: sed quare secessit? Respondet Chrysostomus, ut doceret nos *ὅτι κοινὴν καὶ ἀρρενὴν ἀξιομαίαν*, mundanas dignitates contemnere.

3. Denique Christus verbo & exemplo hoc idem docuit, cum recusaret partitionem hæreditatum, Luc. 12. 13. Quis me constituit judicem aut divisorem super vos? quasi diceret nec humana, nec divine ordinatione obtineo judicariam potestatem super privatos, quanto minus super reges. Rectè in locum Ambrosius, Bene terrena declinat, qui propter divina (.i.) Spiritualia docenda & ministranda descenderat. Et Bernardus ad Eugenium 1. cap. 5. *Quænam tibi videtur major dignitas & potestas, dimittendi peccata an prædia dividendi? Habeant hæc infima & terrena, judices suos, reges & principes terræ. Quid fines alienos invaditis.*

II. Christus non solum potestatem temporalem non exercuit, & oblatam recusavit sed ejusmodi dominium & principatum, Apostolis & Discipulis & eorum successoribus severe interdixit Luc. 22. ubi Apostoli somniantes de regno Christi terreno, ceperunt de primatu contendere, Christus hoc intellecto sic eos affatus est. Reges Gentium dominantur iis, & qui potestatem habent in eas beneficii vocantur. Vos autem non sic.] En Dominum apertè interdicentem suis mundanam dominationem & terrenum principatum. Audite Bernardum ad Eugenium, lib. 2 cap. 6. Planum est. Apostolis interdicitur dominatus. Ergo, tu & tibi usurpare aude aut dominans Apostolatum, aut Apostolicus dominatus; planè ab alterutro prohiberis. Si utrumque similiter habere voles, perdas utrumque; & mox, Forma Apostolica hæc est dominatio interdicitur, indicitur ministratio. Quæ & commendatur ipsius exemplo Legislatoris, qui secutus adjungit, Ego autem in medio vestri sum, sicut qui ministrat.

Ex hisce infero, Si Christus cum in terris ageret, nec acceperit nec exercuerit, imò exercere interdixit suis Apostolis temporalem aut coactivam super regem aut alios quoscunque potestatem, manifestum est hunc præsumptum Christi in terris vicarium nec posse, nec debere, illam quovis prætextu aut titulo vendicare. Verè Sedulius olim cecinit. Non eripit mortalia, Qui regna dat Cœlestia, Quæ igitur fronte putatitius iste vicarius eam vendicat potestatem, quam verus Dominus non exercuit; imò repudiavit & suis interdixit? Quo ore Leo iste Cumans exercere audet imperium in Reges temporale, quod Leo de Tribu Judæ, dum in terris vixit, non accepit sed accipere recusavit?

II In loco si personam Regum atque Imperatorum contra quam usurpatur hæc potestas

testas, inspiciamus, certum est ejusmodi esse, in quam potestas hæc pontificia nullo modo exerceri potest. Siquidem ipsum nomen Regis ac suprema Majestas hoc subjectionis jugum repellit, ac temporale imperium in ceteros, etiam Sacerdotes, etiam Principem Sacerdotum (si quis sit) jure suo potest sibi vindicare. Paulus appellavit ad Cæsaris tribunal, ut in tertis sub Deo supremum, Tertul. de Ethnicis Imp. ait, in solius Dei potestate eos esse à quo sunt secundi, post quem primi, ante omnes & super omnes Deos. Apolog. c. 30. Et Christianos ait coluisse eos, ut à Deo secundos, & solo Deo minores. De Christianis Imp. itidem optatus, Super Imperatorem non est nisi solus Deus, qui secte Imperatorem, Chrysostomus de Theodosio ait, non habuisse *ἐν τῇ γῇ* in terris, eumque fuisse *κεφαλὴν τῆς ἐκκλησίας*, summam atque caput, omnium in terris hominum. Homil. 2. ad pop. Antioch. Hanc potestatem exercuerunt Reges in Sacerdotes & Levitas in V. Testamento: Christiani Imp. & Reges, sub N. T. Constantinus Leges contra Hæreticos & Christianæ pacis perturbatores, etiam Episcopos & Sacerdotes promulgavit, Episcopos relegat, in exilium mittit. Paulum à sede Constantinopolitana deturbavit, in ejus locum coaptavit Eusebium. Nihil certius quàm Imp. Christianos per totum imperium, supremam exercuisse potestatem in personas Ecclesiasticas, imò in Pontifices Romanos. Imò Innocentius Tertius ante annos 400 Pontifex, qui ne tantillum quidem detractum voluit de legitima sua potestate, seu directa, seu indirecta, clavis atque perspicuis verbis affirmat, Regem in temporalibus superiorem non agnoscere. Cum itaque absurdum sit superiorem in eo ipso, in quo supremas partes tenet inferiori potestati esse subiectum; regis personæ Majestas non feret, ut in temporalibus, Pontificis R. judicio ad quamcunque penam subiciatur.

Jam III. In loco demonstrandum à fine ipso spirituali, qui huic usurpationi obtemperat, hanc temporalem potestatem nullo modo necessariam esse. Bellarminus lib. 5. cap. 7. confidenter docet, adeo necessariam esse hanc potestatem Pontif. Romani, ut affirmare non dubitet spirituale Ecclesiæ bonum non posse consistere, nisi Papa saltem indirectè Reges ac Imp. posse deponere. Sed res ipsa indicat id esse falsissimum, nam per multas annorum centurias, sub pessima ac crudelissimis Imperatoribus, stetit Ecclesia, viguit cum dñi spiritualis: cum interitum Romanorum Episcoporum nemini sive vigilanti sive dormienti, de hoc necessario indirectæ potestatis medio quicquam in mentem venit. Non quid ergo verisimile est nuperos Pontifices à Schola Hildebrandi octos, intellexisse melius quid sit necessarium in ordine ad bonum spirituale quàm illos antiquos in Schola Christi enutritos, qui gravissimis vexati persecutionibus ad hoc medium indirectum nunquam confugerint; sed directis & à Deo ordinatis, precibus scil. Christianorum, prædicationibus Sacerdotum atque passionibus martyrum, rem fidemque Christianam defenderunt, ornaverunt, auxerunt. Si per tot sæcula temporalis hæc Pape non erat necessaria in ordine ad salutem animarum, quæ amentia est vociferari non jam satis prospectum esse à Deo incolumitati Ecclesiæ, nisi hanc indirectam potestatem Pontifici Romano demandavit. Sed manum de tabula. Ex hisce aliquatenus constare possit. Summam potestatem temporalem non spectat ad Pontificem Romanum.

Verbum

Verbum Dei scriptum est canon fidei, morumq; perfectus.

¶ T statum quæstionis perspectum habeamus, primo supponendum ex Analyticis in omni conclusione demonstrabili, hoc de subjecto præcognoscendum esse, quod sit. In hac ergo quæstione cum lis agatur inter nos & Romanenses de verbo Dei scripto supponendum est

1. Dari aliquod Verbum Dei scriptum.
2. Illud contineri in libris V. & Novi

Testamenti, quos illi, & nos quotidie tractamus, & manibus versamus, & qui utrinque agnoscuntur esse Canonici. Quibus in confesso utrinque positis dicimus hoc Verbum scriptum esse Canonem fidei morumque perfectum. Hisce sic præmissis, contendimus nos, omnia dogmata fidei quæ necessario credenda sunt ab omnibus, quæ Christiani; vel à Ministris quæ credenda sunt ratione muneris sui; vel à quibuscunque modo fuerint creditu necessaria; omnia item dogmata, quæ ad mores quorumcunque formandos necessaria sunt, contineri vel expresse, & quoad *τὸ πᾶν* vel saltem necessariam consequentiam. & quoad *ἰδιώτας* in illis libris, qui à nostrâ Ecclesiâ in Canonem recipiuntur, & ab ipsis Romanensibus pro Canonicis agnoscuntur. Vel brevius sic: Positis hisce, tanquam præcognitis, & datis, 1. Quod sit aliquod Verbum Dei scriptum. 2. Quod illud sit, quod illi, & nos quotidie tractamus, & manibus terimus, & quod utrinque agnoscitur esse Canon fidei, & morum; quæritur, an ille sit canon fidei, & morum perfectus, an solummodo canon partialis?

Ex hisce in hunc modum explicatis facillè perspicitur, frustrâ esse ea omnia, quæ tanto cum apparatu ab adversariis, præsertim à Bellarmino, ad traditionum non-scripturarum necessitatem asserendam. Sic enim ratiocinantur; ex Scripturis non haberi, 1. Esse aliquos libros verè divinos. 2. Evangelium, vbi gr. Matthæi, esse unum horum librorum: 3. Hoc esse ipsissimum Matthæi Evangelium, quod nos in manibus terimus, & quotidie versamus: At hæc omnia (inquit) sunt necessario credenda.

Respondeo, Hæc omnia in lite, quæ inter nos, & illos agitur, supponenda esse, ut principia; non demonstranda ut conclusiones; cum ad ipsam subjecti constitutionem requirantur. Ex Analyticis enim notum est, in omni conclusione demonstrabili præcognoscendum esse, quod sit. Quod si cum Paganis, scripturas nullas factas agnoscantibus, aut cum hæreticis, hunc librum Matthæi rejicientibus, ageretur; longè alio modo cum illis agendum esset. Nam cum iis agendum est docebimus unde & quomodo in horum principiorum cognitionem deducimur primò, & quomodo horum principiorum fides primò in nobis ingeneretur. Hæc autem ad alteram quæstionem pertinent, Unde scilicet sacra Scriptura divinam & Canonicam habeat auctoritatem quoad nos.

Hiscæ prælibatis : Sacram Scripturam, quæ libris indubitatè Canonicis continetur esse regulam fidei, & morum non diffidentur adversarii ; esse verò unicam, sufficientem, aut perfectam regulam, Hoc illud est, quod modis omnibus adversarii labefactare conantur. Hinc est, quod alias regulas fidei, & morum, pariter infallibiles, pari pietate, & necessitate recipiendas, Ecclesiæ Christi obtrudunt : 1. Traditiones non scriptas. 2. Conciliorum generalium decreta. 3. Concordantiam Patrum vel unanimum vel plurium, reliquis non contradicentibus. 4. Judicium Romani Pontificis è Cathedra definientis. Hæc sunt illa additamenta, quæ ad imperfectionem in Sacris Literis in materiâ de fide, & moribus supplendam, miri artifices Romanenses excogitarunt. Quibus etiam quinto in loco, quod ad mores attinet, addunt rationem naturalem, qualis jam in nobis cernitur post lapsum, quam operum bonorum moralium normam sufficientem esse communiter docent Pontificii, ut videre licet apud Bellarm. lib. 5. de Gratiâ, & lib. arbitr. cap. 2. Hæc regulæ ut Sacra Scripturæ contradicunt, ita ponunt, & defendunt. Atque ex horum omnium aggregato componi, & consari perfectam illam, & adæquatam regulam fidei, & morum, communis est opinio Doctorum Romanæ Ecclesiæ.

Nos verò è contrâ, juxta indubitatam doctrinam Ecclesiæ Anglicanæ Artic. vi. contendimus, Sacram Scripturam continere omnia, quæ ad salutem sunt necessaria ; ita ut quicquid in eâ non legitur, neque inde probari potest, non sit à quoquam exigendum, ut tanquam articulus fidei credatur, aut ad salutis necessitatem requiri putetur. Hæc Articulus dictus ibidem. Quod quid aliud est, quàm quod in Thesi nostrâ, licet brevius proponitur : Verbum Dei scriptum est Canon fidei, & morum perfectus. Quæ assertio nostræ Ecclesiæ jam nobis munienda est ex testimonio ejusdem Verbi Dei scripti, & ex rationibus in eodem fundatis.

1. Ex Scripturis. Act. 6. Paulus totum Concilium Dei Ephesinæ Ecclesiæ de salute hominum exposuit, & tamen alibi, Act. 26. 22. Testificatur se nihil dicere extra ea, quæ Prophetæ & Moses futura esse prædixerunt. Testatur etiam Abraham, cum à divite apud inferos rogaretur, ut mittat Lazarum in domum Patris sui, & testetur fratribus suis, ne ipsi veniant in locum, ubi ille esset, tormenti : respondet Abraham. *Habent Moysen & Prophetas, audiant illos*. Ubi per Moysen & Prophetas intelligenda sunt scripta Moysis, & Prophetarum ; & hæc scripta pronuntiat sufficienter testari, & docere de rebus ad salutem spectantibus, & custodire, & conservare, ne veniat quis in locum tormenti. Apostolus 1 Cor. 4. 6. Non vult aliquem sapere *scire quod scribitur*, supra quod scriptum est. Idem Apostolus posuit in laudibus Timothei, quod ab infantiâ Sacris Literis imbueretur, quæ (inquit) possunt te *scire quod scribitur* *servare* (i. e.) sapientem reddere ad salutem, 2 Tim. 3. 15. Certè, si doctrina Sacris Literis comprehensa possit sapientiam reddere etiam Timotheum verbi ministrum ad salutem, tum sufficienter continet quæcunque sunt ad fidem, & mores necessaria cuiquam hominum generi : Siquidem Minister verbi, si quis alius, plura tenetur, & explicatius tum cognoscere, tum credere, quam simplices Christiani. Labia enim Sacerdotis custodient scientiam, & ab ore ejus petent Legem.

2. Hoc idem confirmatur rationibus in Scriptura fundatis : Et quidem, 1. sic. Vel dicendum est, Verbum Dei scriptum per Prophetas, & Apostolos, esse Canonem fidei, & morum perfectum ; vel dicendum est, Aut Deum non plenè, & perfectè iis ad fidem, & mores Ecclesiæ omnia cognitu necessaria revelasse ; aut si Deus iis omnia necessaria revelaverit, illos populo Dei omnia non prædicasse ; aut si omnia prædicarint, tamen non omnia, quæ prædicarunt, scriptis consignasse. At nullum horum trium est asserendum.

1. Dici nullo modo potest, aut debet ; Deum non plenè & perfectè revelasse iis omnia ad fidem, & mores necessaria ; Nam Christus dicit, Omnia, quæ audivi à Patre, nota feci vobis. At qui in sinu Patris est, omnia audivit patefacienda. Christus etiam promittit Spiritum veritatis, qui deduceret Apostolos in omnem veritatem Joan. 16. 13.

Quod si Deus non plenariè revelavit omnia necessaria ad salutem, Deus deficeret Ecclesiæ

Ecclesie in necessariis ad salutem, imò hoc dato, nulla in terris Ecclesia vera & Orthodoxa existeret: quorum neutrum asserendum est.

2. Dici nec potest, nec debet: Deum omnia necessaria ad fidem, & mores revelasse Prophetis, & Apostolis, ipsos tamen populo Dei sibi commendato, & concredito, ea non prædicasse, & promulgasse. Testatur Paulus se Ephesus annuntiasse omne concilium Dei: ergo omnia ad fidem, & mores necessaria. Rursus Ecclesia Catholica ædificata est super fundamentum Prophetarum & Apostolorum, Eph. 1.20, 21. Et Apostoli dicuntur fundamenta cœlestis Jerusalem, quæ est mater omnium nostrum, Apoc. 21.14. & Gal. 4.20. ergo omnia, quæ toti Ecclesie ad mundi consummationem usque necessaria erunt, prædicarunt Apostoli.

Quod si Prophetæ & Apostoli non annuntiassent populo Dei omnem illam necessariam veritatem, quam Deus ipsis inspirasset & revelasset, jure, fidelitatis minime præstitæ rei merito peragerentur, imò, hoc dato, nulla in terris superstes esset Ecclesia, si nullus cætus esset, qui omnem veritatem ad salutem necessariam profiteretur. Siquidem fides divina ex detractiōe vel minimâ tota perit.

3. Nec dici potest, nec debet: Prophetas & Apostolos omnia cognitu ad salutem necessaria ore, & voce prædicasse, & promulgasse; & tamen in libris, quos in Ecclesie omnium temporum instructionem conscripturi erant, acti à S. Sp. & ex mandato Dei, ut disertè Irenæus, aliquid omnibus ad salutem cognitu necessariam omis- sisse. Quod si aliquid penitus omitterent, aut retinerent, parum fideles fuissent amanuenses; quin merito Legis fidelitatis violatæ postulandi essent, si totum Dei consilium de hominum salute illis revelatum, non tam scripto consignassent, quam ore prædicassent; quod de viris tantâ sanctitate conspicuis nullatenus existiman- dum.

Quin potius rationibus, aliis in Scripturis fundatis perspicuè satis evincitur, Verbum Dei ab iis scriptum, esse Canonem fidei, & morum perfectum.

Nam: Hoc postremum confirmatur ex phrasi, & formulâ loquendi à Sanctis Dei viris, & Scripturis ipsis usurpatâ, quæ pro eodem promissu sumunt Prophetas, & scripta Prophetarum, & sermonem Propheticum, & Scripturam Propheticam; quo ipso significant, sermonem propheticum Verbo annuntiatum, & Sermonem scripto consignatum, unum, & eundem esse. Habent Moyses & Prophetas (inquit Abraham) i.e. Scripta Moysi & Prophetarum, Luc. 16.29 & cap. 24.47. exorsus à Mose & Prophetis interpretabatur illis in omnibus Scripturis, quæ de ipso loquuntur. Credis Rex Agrippa Prophetis? (i.e.) Scriptis Prophetarum, Act. 26.27.

Probatur, 2. Ex fine scripturæ, quæ data est Ecclesie post lapsum, ut dirigantur homines in viâ, quæ ad beatitudinem perducit. Sic Apostolus ad Rom. 15.4. Quæcunque scripta sunt, scripta sunt ad nostram eruditionem, ut per patientiam, & consolationem Scripturarum spem habeamus. Cum ergo finis Scripturæ sit, ut nos erudiamur ad patientiam, & veram consolationem, ut ita spem habeamus (utique spem firmam, spem non confundentem, spem vitæ æternæ;) Cum ergo spes ejusmodi, certos non facit de beatitudine, proculdubio perducit nos ad beatitudinem; spei enim divinæ subesse falsum, esse non potest: ergo sufficiunt Scripturæ ad hujus finis, æternæ scilicet beatitudinis, consecutionem absque omni traditionum humanarum as- sumentis. Idem de fide dici potest. Hæc scripta sunt, ut credatis, & credentes vi- tam habeatis, Joan. 20.31. & cap. 5.39. Scrutamini Scripturas; nam existimatis vi- tam æternam in ipsis habere. Scripturæ sufficiunt ad fidem: ergo ad vitam æternam. Justus siquidem fide vivit, & quicumque credit in Filium vitam habebit æternam.

Probatur, 3. Ex ipsâ materiâ dogmatum; idque diversimodè. Continet doctrinam Legis & Evangelii integrè. Item doctrinam fidei, spei & Charitatis perfectè. Do- ceant nos Romanenses, quid desit in Sacris Literis, quoad doctrinam fidei, aut spei, aut charitatis. Tradit plenam Dei, & Christi in quo vita æterna posita est, cogniti- onem, Joan. 17.

Probatur, 4. Ex fine cur Deus voluit, ut revelata ad fidem, & mores necessaria scripto consignarentur; ideo enim Sp. Sanctus impulsit suos amanuenses, ut divinitus revelata scriberent, ut sic periculo oblivionis, atque corruptionis eriperentur; & quæ

quæ erant necessaria, illa vel maxime à periculo eripi debuerunt. Hanc rationem inde corroboro, quòd, quoties hæcenus hæreses obortæ sunt, semper de aliquo Scripturæ loco, aut locis, agitatae sunt controversiæ, neque ulla hæresis hæcenus extitit quæ sacræ Scripturæ niti non sit conata; & si quando in antiquiore Ecclesiâ traditionibus contra hæreses usa est Ecclesiâ, non id fecit ex defectu scripturarum, quasi traditiones aliquod dogma suppeditarent, quod in Scripturis non haberetur, sed ad corroborationem Scripturarum, ut summam concordiam ostenderet; inter veras traditiones, & Scripturas: Eadem enim doctrina, quæ per manus in Ecclesiis ab ipso fonte Christo & Apostolis per successiones tradebatur in Scripturis etiam expressa cernebatur.

Ultimò sic Argumentamur; Fides, & praxis hominis Christiani, solâ sacrâ Scripturâ indubitato & securè niti potest; ergo sacra Scriptura est unica & perfecta regula fidei & morum.

Consequentia patet; quia fundamentum fidei debet esse indubitata veritas, cum fidei non possit subesse falsum; & *veritas*, quæ non solido fundamento nititur, firmam consolationem non affert, sed animum vacillantem relinquit. Quicquid enim non sit ex fide (.i.) ex conscientia certò persuasâ, Deo gratum esse id, quod præstatur peccatum est, dicente Apostolo.

Antecedens probatur,

1. Quia Verbum Prophetarum & Apostolorum confirmatum erat illustribus testimoniis divinis, videlicet, miraculis, vaticiniis, eventibus, quibus Deus sancivit, & comprobavit vocationem, & Doctrinam Prophetarum, & Apostolorum tanquam voce suâ de celo clamans, hos esse veros suos ad genus humanum legatos, & amanuentes à secretis, nihil, nisi ex ipsius ore, & instinctu, scripto consignantes. Hæc dici non possunt de traditionibus Ecclesiæ, nec de definitionibus Paparum, aut conciliorum, nec de consensu Patrum, nec de naturali ratione depravata.

2. Idem Verbum Dei scriptum, sive lectum, sive propositum Ecclesiæ per Ministros ritè vocatos, est illud unicum medium, quo Sp. Sanctus utitur ad fidem in cordibus hominum ingenerandam. Fides enim est per auditum, auditus per Verbum Dei: Evangelium est potentia Dei ad salutem omni credenti: Est enim in hoc verbo non solum omnimoda veritas, & infallibilitas, sed & divinitas; quarum neutra per se inest traditionibus, quæ dicuntur Apostolicæ, nec definitionibus Conciliorum, aut Paparum nec consensui Patrum Orthodoxorum. Sic Augustinus de bono viduit. c. i. sancta Scriptura nostræ fidei regulam figit, ne audeamus sapere, plusquam oportet & lib. 19. c. 18. de Civit. Dei. Civitas Dei credit Scripturis Sanctis, quas Canonicas appellamus, unde fides ipsa concepta est, quâ iustus vivit.

Nam 1. Quod ad traditiones attinet, quas Apostolicas appellant: Dico, Neminem esse posse infallibiliter certum, ejusmodi traditiones ab ipsis Apostolis Ecclesiæ commendatas esse. Nam hoc nos, qui jam in Ecclesiâ sumus, non cognoscimus nisi ex scriptis, & testimonio Patrum, atque adeò testimonio merè humano. At fides divina non nititur testimonio humano, Nec conscientia in ejusmodi testimonio securè conquiescit. Quandoquidem Patres non solum sunt obnoxii erroribus, tum divisim, tum conjunctim; sed de facto sæpe errârunt, ubi dogmatizant, sine Scripturâ.

Simile esto judicium de Conciliorum decretis, de Pontificum definitionibus, quæ non fundantur apertè in sacris Literis. Nemo enim unquam certus esse potest certitudine infallibili, hæc decreta, vel has definitiones esse infallibilis veritatis; nisi ubi, & quatenus dogmata sua è sacris Literis, quæ sine omni dubio divinitus sunt inspiratæ, hauserint, & ab hisce Israelis fontibus primitus derivârint.

Quod autem ad naturalem rationem attinèt, Licèt homo post lapsum aliquod verè bonum morale cognoscat, quod sit bonum ex objecto, genere, & officio, & quoad substantiam idque ratione principiorum practicorum, quæ in naturâ lapsâ adhuc supersunt; tamen per peccatum Adami adeò obtenebrata est mens nostra, & ignorantia vulnere fauciata ut nemo, cum ad praxin deveniendum sit; hîc & nunc solis natura

tur viribus verè bonum morale omnibus debitis circumstantiis vestitum cognoscere possit, ita ut hæc cognitio in nullâ deficiat debitâ conditione. Hinc dicitur, Gen. 8. Omne figmentum cordis humani tantummodo malum omni tempore. Sic Apostolus ad Rom. 8. Intelligentia carnis inimicitia est adversus Deum. Et 2 Cor. 3. Non sumus sufficientes cogitare aliquid boni ex nobis, sed sufficientia nostra omnis est ex Deo. Hujus nostræ defensionis strenuissimus assertor est Augustinus in libris Polemicis contra Pelagianos, præsertim in libris contra Julianum.

Concludo, ex sententiâ totius antiquitatis, normam perfectam credendorum in Symbolis Apostolorum, Athanasii, & sex primorum Conciliorum Generalium contineri; (Nam alioqui perperam baptismus administraretur, si non in integram fidem baptizaremur;) & normam perfectam agendorum in Decalogo contineri: At omnes fidei articuli Symbolis comprehensi, & omnia mandata Decalogi nituntur a pertis testimoniis Verbi Dei scripti; ergo Verbum Dei scriptum, est Canon fidei, & morum perfectus.



Regis in Regno suo suprema est sub Deo potestas.

Um de Regis in suo Regno supremâ potestate agitur, si Laicos & negotia politica spectemus, facile largiuntur Romanenses horum supremam gubernationem ad Regem intra suum Regnum pertinere; Sin de personis Ecclesiasticis, & Religionis negotio agatur, strenuè negant & pernegant horum gubernationem ullam multò minùs supremam, ad Principes spectare, aut spectare debere. Duo ergo nobis breviter demonstranda sunt juxta articulum 37. nostræ Confessionis.

Regis in suo Regno supremam esse potestatem tum in { Personis Ecclesiasticis.
} Causis Ecclesiasticis.

I. Quod ad supremam Regis in personas Ecclesiasticas potestatem attinet, sive Episcopi, sive Presbyteri fuerint, sive etiam cujuscunque tituli, aut ordinis Clerici manifestè evincitur ex edicto Apostolico. Omnis anima potestatibus eminentibus subdita esto (.i.) Principibus. Nam intelligit eos, qui potestatem gladii & tributa imperandi habent; Neque tunc temporis ulla alia quàm politica potestas vulgò ab hominibus agnoscebatur, Et Paulus alloquitur omnes sanctos qui Romæ erant, sive Ecclesiasticos sive Laicos, & Chrysostomus in locum diserte addit, hæc omnia præcipi omnibus, cum Sacerdotibus, cum Monachis. Si omnis anima (inquit Bernardus ad Archiepiscopum Senonensem) & vestra, quis vos ab universitate exemit: qui conatur excipere, conatur decipere?

II. Hoc constat ex praxi Ecclesiæ in V. T. Moyses, politicus Magistratus Dominus erat Aaronis. David Dominus Sadochi Sacerdotis. Solomon Abiatharem Sacerdotem summum deposuit. Josias præcipit Hilkiz. Joas Sacerdotes & Levitas egredi mandavit, ut pecuniam colligerent ad instaurationem Templi, Jehoiadam summum Sacerdotem reprehendit. Nihil certius quàm Reges Israeliticos pios, pro imperio Sacerdotes convocare solere, iisque imperare ut suis fungantur officiis, increpare & punire si secus; imò & ubi opus erat, eos exauthorare & à muneribus suis prorsus abdicare. In N. T. Paulus appellavit ad Cæsaris Tribunal, ut in Terris sub Deo supremum. Tertul. ait de Ethnicis Imperatores (.i.) in solius Dei potestate eos esse, à quò sunt secundi, post quem primi, antè omnes & super omnes Deos. Apol. c. 10. Et Christianos ait coluisse eos, ut à Deo secundos & solo Deo minores. De Christianis Imperatoribus itidem Optatus, super imperatorem non est nisi solus Deus qui fecit Imperatorem. Chrysostomus de Theodosio ait, non habuisse *ἐν τῇ γῇ* in terris, eumq. fuisse *κορυφαίη καὶ κεφαλῇ* summitatem & caput omnium in terris hominum. Hom. 2. ad pop. Antioc. p. 28. Hanc potestatem exercuerunt

Christiani

Christiani Imp. & Reges. Constantinus Leges contra Hæreticos & Christianæ pacis perturbatores, etiam Episcopos & Sacerdotes promulgavit, Episcopos relegat, & in exilium misit. Paulum à sede Constantinopolitana deiecit, in ejus locum cooptavit Eusebium. Nihil certiùs quàm Imperatores Christianos per totum Imperium supremam exercuisse potestatem in personas Ecclesiasticas. Fatemur tamen immunitates multas paulatim indultas fuisse Clericis, ex quo Imperatores coeperint esse Christiani, à publicis muneribus, à tributis personalibus, & Censibus, à foro civili inferiorum magistratuum, ut videre licet Codice Theodosiano, & Justinian Novell. Constitutionibus, tempore etiam Heraclis, à foro criminali inferiorum Judicum. Hæc omnes immunitates acceptas tulerunt munificentia & privilegiis Principum, non juri naturali, non divino, non gentium. Ac quanquam Imperatores Clericis multas exemptiones & immunitates indulserint, hæc tamen semper intelligendas volunt à potestate Magistratuum inferiorum tantùm, non à sua summa & suprema potestate. Est enim hæc suprema potestas, jus Regum planè inabdicabile. Neque possunt Reges suis privilegiis efficere, ut ipsorum subditi non sint ipsis subditi de jure divino & naturali, in ipsorum ditione manentes, nisi se quoad illos abdicent regali potestate. Idem enim est dicere Principem intra suas ditiones habere aliquem sibi non subdatum, saltem in rebus temporalibus, & in re aliqua ad bonum publicum spectante, ac Principem non esse.

Ipsi Pontificii solent dicere ipsum Papam licet possit in spiritualibus quemlibet immunem facere ab Episcoporum & Archiepiscoporum autoritate, tamen non posse quenquam à sua autoritate in rebus spiritualibus immunem facere, quin respectu ipsius personæ desinat esse summus Pontifex. Pari modo dicendum est de Rege & Principe, illum stante principatu, non posse eximere quenquam ab omnimodâ subjectione saltem in temporalibus, siquidem hoc jus est Principum inabdicabile, fundatum in jure divino naturali, cum quo nullus Rex disponere potest. (Rossen. cont. Bellarm. p. 888.) ut omnes intra suas ditiones sibi subditos habeant, eosque regant & justitiam iis administrent. Non est enim intra ditiones alicujus Principis medium dare genus hominum inter Principem & subditos, ut mittam de jure divino naturali esse, ut appellationes fiant ad supremum Magistratum, ac proinde neminem à sua suprema potestate eximere possit, quin semper ad eum appellari possit, & non datur appellatio nisi ad Judicem Legitimum & competentem. Undè constat quam pestiferum sit illud dogma quod habetur in libello Aphorismorum Eman. Sa. Jesuitæ Romæ impresso. Clericos non posse committere crimen læsæ Majestatis in Principes Temporales, quod illis non sunt subditi, sicut subditi (inquit) alterius Regis crimen læsæ Majestatis in Regem alienum committere non possunt.] Quæ doctrina non solum planè hæretica est, sed & pestis & everio omnium Rerum publ. Cumque ex hisce placitis Jesuitarum omnes Clericos vel soli Papæ in temporalibus subjiciantur necesse est, vel neminem habeant cui subjiciantur. Porro cum Pontificibus licere dicant in quovis regno pro libitu augere numerum Clericorum, certè vel inde sequitur Papam posse subducere quos & quot velut à Principum jurisdictione & subjectione, & eosdem suo regimini subjicere, id quod cedat necesse est in Rerum publ. Christianarum summam perniciem & detrimentum. Quod optime demonstrat Marcellus de Padua in Defens. pacis part. 2. c. 8. Addo nec Principes posse absolvere Clericos intra suas ditiones eximere, non tantum ab omni subjectione, sed nec in omni casu à foro suo criminari quin si crimen Majestatis in Principem suum commiserint, subjiciantur necesse est in ejusmodi crimine quo perniciem politicæ civilis directè moliuntur. Quia etiam si aliquando talia privilegia & immunitates in causis ejusmodi criminalibus concesserit Princeps, talia tamen privilegia exemptionum neminem adeo excipiant à jurisdictione Regis vel Reipubl. quin semper sit in summi Magistratus aut Principis potestate ea quodcumque opus fuerit revocare. Cum ergo constet Clericos quoad aliqua licitè posse eximi, & quoad aliqua non licitè posse. Jam dispendiendum an non Clerici jure suo debeant eximi & vindicare exemptionem & immunitatem à potestate seculari, & si jure, quo jure? Diximus de potestate Regum in personas Ecclesiasticas. De eorundem potestate in causis Ecclesiasticis jam dicendum, sive illæ fuerint mere Ecclesiasticæ, quales sunt illæ quæ respiciunt fidem & doctrinam, Eccle-

Ecclesiam & sacramenta, & sacros ordines, sive mixta, quales sunt causa matrimonialis & illa crimina perjurii, usury, adulterii, quæ utramque Rempubl. tum Civilem tum Ecclesiasticam lædunt, ubi præmittendum;

1. Nos non dicere Regi inesse potestatem Ecclesiasticam sive ordinis, sive jurisdictionis in foro interiori aut exteriori; hæc enim solis Ecclesiasticis subjective inest, sed potestatem in Ecclesiasticis, eo modo quo Romanenses dicunt Papam non habere potestatem temporalem, sed potestatem in temporalibus; Sub hac potestate in Ecclesiasticis complectimur jurisdictionis potestatem, quæ exercetur in invitum in foro exteriori & contentioso, qua litigantes poenis civilibus, judicum sententia acquiescere tenentur; Omnis enim jurisdictio etiam in Ecclesiasticis quæ nititur coactiva potestate, Regi potestati accepta ferenda est.

2. Nec de facultate aut peritia in causis Ecclesiasticis dijudicandis hic agi, sed de potestate & auctoritate suprema præcipiendi & puniendi.

3. Non largimur Regibus potestatem illimitatam & infinitam, ut quamlibet Religionem possint subditis præscribere pro arbitrio; sed potestatem à Deo delegatam, ac proinde regulis Legis divinæ circumscriptam. Nam ut in causis civilibus, (quævis sit suprema potestate armati, non possunt tamen leges jubere contra aequitatem & naturam: sic nec in causis Ecclesiasticis possunt aliqua jubere contra verbum & voluntatem Dei.

4. Ut Reges in civilibus negotiis utuntur consilio jurisconsultorum, in militaribus consilio Ducum & Centurionum: Sic in negotiis religionis tenentur uti consilio Theologorum; non tamen tenetur Princeps omnia ad eorum nutum facere. Sic enim non nisi instar Licetoris aut Ministri erit, & merè instrumentaliter se habebit: sed hæc omnia administrare debet ex judicio discretionis proprio, cui tamen formando antecedaneum sit consilium & directio Sacerdotum. Horum tamen judicio Princeps simpliciter stare non tenetur, nisi id quod credendum aut agendum consulunt, ipsi Principi videbitur merito credendum aut agendum esse, imò potius credendum aut agendum esse, quàm oppositum. Sin aliquando Rex animadvertat Prælatos quicquam in præjudicium legis divinæ (cujus oportet Reges studiosissimos & peritissimos esse) statuere, tenetur ex officio Regio, veram religionem (illis omnibus licet reclamantibus, tueri & subditis suis proponere. Jam supremam potestatem istis cancellis circumscriptam, ad Reges in suo Regno, suo jure spectare, demonstrandum;)

Et 1. mandatum est Regi, ut libro Legis sedulo incumberet, & ut omne verbum hujus custodiret. Deut. 17.] En Regem Legis Divinæ custodem! Ipse Deus voluit Religionis ceremonias per Moysen Magistratum civilem, non per Aaronem Sacerdotem constitui & sanciri. Moysè sublato, Josua Princeps non Sacerdos, Israelitas circumcidendos curavit, Legem populo promulgavit, fœdus inter Deum & populum renovavit, Altare erigendum & arcam removendam mandavit. Constat etiam Davidem, Salomonem, Asam, Jehosaphatum, Ezekiam, Manasse, & Josiam & alios pios Reges, in promovenda & restauranda Religione similem operam navasse, non ex nuda potestate facti, sed juris, nec ex pietate tantum ut privati, sed ut personæ publicæ ex officio, nec ad nutum & imperium Sacerdotum, sed ex Regia potestate.

2. Idem constat ex lege Christi sub Evangelio: Hortatur Paulus Timotheum, ut preces fiant pro Regibus... ut quietam & tranquillam vitam agamus in omni pietate & honestate, ergo ad Reges spectat prospicere, ut subditi piè vivant; Hanc curam ad se pertinere omnes Impi. ex quo Christianismus amplexi sunt, existimarunt. Id abundè testantur codex Theodosianus & Justinianus, Capitula Caroli Magni & Ludovici. Testantur idem Leges Ecclesiasticæ late Saxonice & Danice temporibus, Ethelberti, Ercomberti, Oswy, Inz, Eadgari, Edwardi Confessoris, Canuti & aliorum, quarum meminerunt Historici nostri.

3. Etiam jure Gentium nititur hæc potestas. Testatur Aristot. Polit. 3. Quæ ad Deorum cultum spectant, Regibus commissa esse. Augustinus Epist. 50. hoc docet, exemplo quorundam Ethnicorum quorum meminerunt sacra literæ Nabuchodonosori, Darii, Cyri & Regis Nineves, qui indixit publicum jejunium & preces. Sed & iste mos inter omnes Gentes vigeat, Assyrios, Medos, Persas, Græcos & Romanos, ut constat ex Platone, Cicerone, & Clemente Alexandrino]

Sed nec hoc sola praxi omnium populorum, sed & rationibus efficacissimis probatur.

1. Ex latitudine objecti Regiæ potestatis, siquidem penes principatum est potestas ordinandi & disponendi de omni bono Reipubl. Christianæ, ergo & de rebus Ecclesiasticis; nam curare ut rectè administrantur res Ecclesiasticæ, maxime spectat ad bonum Reipubl. Christianæ, imò medium efficax est, quo perducantur homines ad æternam beatitudinem. Quod verò Regia potestas disponat de omni Reipubl. bono, per se constat, & doctissimi quique Gentium asseruerunt. Plato *πολιτικὴν* ait omnium disciplinarum constitutricem, & Aristot. *ἀρχιτεκτονικὴν* scientiam Principissem & Reginam, & sub hac complectitur curam Religionis. Et ne Religionis Christianæ causas à Regia potestate eximendas putemus, audite quid Patres in VI. Synodo Toletana decernunt. Nefas est in dubium deducere Regis potestatem, cui omnium gubernatio suprema constat delegata iudicio: & loquitur de gubernatione in causis Ecclesiasticis, quid disertius? Ut ergo Principis est coercere Medicum, si non curet ad præscriptum Galeni, & Pharmacopolam si merces corruptas vendat, & sic de cæteris, ita & illius est excessus & defectus Ecclesiasticorum corrigere si quando illos in Ecclesiasticarum causarum iusta administratione & executione delinquere animadvertit.

2. Penes solos Reges est potestas *νομοθετικὴ* (.i.) leges condendi & ferendi etiam de rebus Ecclesiasticis. Hoc enim primum & præcipuum caput est Majestatis, Leges universis & singulis civibus dare. Legem alii rogare possunt, solus Princeps jubere, penes Ecclesiam est Canones condere, non Leges. Canones autem dirigunt, non cogunt: At Lex propriè dicta, est summæ solius potestatis iussum, nec dirigit tantum, sed & cogit. Hinc Canones Codicis universalis Ecclesiæ, quo usæ est Synodus Chalcedonenfis, Justinianus decernit, *ἀρχιεπίσκοπος οὐδὲ τις ἄλλος* pro legibus habendos. Cum ante illa tempora Canonum vim tantum habuerint.

3. Ante tempora Constantini Imp. Ethnici summum imperium habuerunt in Orbem Christianum. Habuit Constantinus M ante susceptum Christianismum eam potestatem in negotio Religionis gubernando, quàm Imp. Pagani reliqui habuerunt. Num res Constantini suscipiendo Christianismum, deteriori quàm ante loco constitutas existimabimus? aut jus in negotio Religionis aliqua ex parte imminutum dicemus? Hoc si demus, Lex Christi homines jure & dominio suo spoliabit. Et fines Imperii coangustabit, quod certè nullatenus admittendum. Notum est illud Sæduli, quod canit Ecclesia, Non eripit mortalia, qui Regna dat cœlestia.

4. Penes Reges solos est illa coactiva potestas suprema, quæ potest cogere nolentes, ut sanctionibus suis & decretis in causis etiam Ecclesiasticis obtemperent. Siquidem Deus solum Principem sacularem armavit gladio. Ille solus pro ea quam habet imperandi potestate, potest nolentes cogere, ut suis sanctionibus obtemperent, sub poena ultimi supplicii hujus vitæ, mortis, scil. temporalis. Ecclesia non item, illa enim solum suadet & dirigit monendo, consulendo, minitendo etiam extremum supplicium, sed in altero sæculo, nec enim longius progreditur excommunicatio quæ in invitum exercetur, licet sit censurarum Ecclesiæ longè gravissima. Ergo prolatu hujus sæculi inferior est pastor Princeps. Superior enim est illa potestas quæ certò cogit, quàm illa quæ tantum suadet aut minatur; utpote quæ certius finem suum consequitur.

5. Suprema etiam Regum in suo Regno dicta potestas, & Imp. in suo Imperio demonstratur ex potestate quam possunt & debent exercere, & quàm in florentissimis Ecclesiæ temporibus de facto exercuerunt in negotiis Synodalibus. Et quidem 1. in Synodorum in dictione. Siquidem largiuntur Romanenses, prout necesse est, penes eos esse supremam in causis Ecclesiasticis potestatem, penes quos est suprema in Synodis Ecclesiasticis indicendis autoritas. At hæc potestas est Principum, non Sacerdotum. Si consulamus V. instrumentum, Moyses, non Aaron publicos Levitarum & Sacerdotum conventus fecit. Josua, non Eleazarus convocavit tam tribum Leviticam quàm reliquas ad pangendum cum Deo fœdus. Idem etiam constat exemplo Davidis, Joas, Ezekie. Sed fatentur multi ex doctoribus Pontificiis in V. Test. priores & potiores fuisse partes Regni, quàm Sacerdotii. Sed in N. Test. Deum alium imò

contrarium ordinem instituisse, Consulamus ergo florentissima Ecclesie tempora in N. Testam. quæ sine dubio cum Constantini temporibus cæperunt, Et quidem quoad Synodorum indictionem, Quod ad Concilia Generalia attinet, in quibus si ulpam indicendis, Romanorum Pontificum eluxisse primatum oportuit, quotquot hæcenus extiterunt, sive VI. duntaxat, prout verissima habet opinio, sive VII. ut alii, sive denique VIII fuerunt, ut nonnulli tradiderunt, omnia indicta sunt autoritate & auspiciis Imp. non Pontificum.

Id quod tam clarè constat ex Conciliorum Actis & Veterum monumentis, ut cæcutiat in meridie oporteat, qui de hac re vel semel ambigat. Nusquam legimus apud Historiæ Ecclesiasticæ Scriptores, Concilia hæc indicta fuisse nutu, autoritate, iussione Sedis Apostolicæ, sed ubique meminerunt, *νύματος, θεσπισματος, προεδυματος, καλῶντος, γραμμάτων, γνοῦντος, & κρείτους*, (.i.) nutus, autoritatis, iussionis, literarum sacrarum, Divalium, Divalium sacrarum, Divalium iussionum Imp. Imò meminerunt sæpè dicti Historici, petitionum, deprecationum, supplicationum & obsecrationum Romanorum Pontificum, quibus petierunt ab Imp. ut Concilia convocarent, nec tamen obtinuerunt. Illud porro addendum non solum Imp. suis Divalibus iussionibus Synodos indixisse, sed & post fractum & solum Imperium, ubi per provincias Romanas novi Reges exorti sunt illos eandem potestatem sibi vendicasse. Id quod infinitis exemplis evidentissimè constat. Quod diximus de Synodorum indictione, dici pariter potest de præsentia in dictis Synodis, de dimissione Synodorum, de confirmatione, tum fidei decretorum, tum Canonum, hæc omnia pones Imp. & Reges extitisse.

Ecclesie Reformatæ non dissentiunt in fundamentis fidei.

Et quæstio ideo necessaria est, quod fundamentalis sit, ut quæ Ecclesiarum Reformatarum unioni maximè optandæ, & si de hujus thesæos veritate semel confiterit, sperandæ etiam viam muniat & fundamentum jaciât. Per Ecclesias Reformatas intelligimus Ecclesias illas Protestantium per Britanniam, Germaniam, Galliam, Daniam, Rhatiam, Helvetiam, quæ detectis erroribus & abusibus Papatus in Fide, Cultu, & Regimine Ecclesiæ, ad eorum reformationem impense flagitarunt Consilium liberum Oecumenicum, in quo de hisce omnibus disquiri potuit, quod cum impetrare non potuerunt, exemplo Regum Israelis, coactis Synodis Nationalibus, aut Provincialibus, sese reformatunt, erroribus in fide & cultu rejectis, abusibus etiam & corruptelis, id quod fidei suæ confessionibus editis, & catechesibus in Ecclesiis suis præscriptis declararunt. In harum Ecclesiarum censum nullatenus admittimus Anabaptistas, Arianos & id genus Sectariorum, quos non Ecclesias aut partes Ecclesiarum, sed pestes dicimus, quod Cicero olim de Catalina in Repub.

Dicimus porro hæc Ecclesias Reformatas non dissentire in fundamentis fidei. Et si enim in nonnullis capitibus Doctrinæ dissentiant, negamus tamen ullum dissensum in fidei fundamentis. Ut autem de consensu in fundamentis fidei certius constet, non æquum est ut illum petamus à privatorum hominum dogmatibus, qui in hisce Ecclesiis vixerant, sed ex publicis harum Ecclesiarum confessionibus, ex catechesibus, & id genus scriptis, publica autoritate in singulis Ecclesiis consignatis. Quod si Ecclesiarum Reformatarum Confessiones publicæ & Catecheses in fidei fundamentis convenire deprehendamus, inde certè pronunciare possumus illas in fundamentis fidei minimè dissentire. Signanter dicimus in fundamentis fidei.

Hic non dicimus non dissentire in ritibus & cæremoniis, neque enim omnis talis dissensus, aut suâ naturâ scindit, aut scindere debet Ecclesiarum Reformatarum unionem præsertim cum nulla ex Ecclesiis Reformatis retinet ritus Evangelio repugnantes, aut sub opinione cultus introductos. Undè cum omnis diversitas rituum non sit nisi in rebus adiaphoris, dextram fraternitatis non sibi mutuo porrigere, & à charitate & mansuetudine prorsus esset alienum. Id optimè sensit antiquissimus Pater Irenæus Episcopus Lugdunensis, qui Victorem Romanum Episcopum hoc ipso prætextu unitatem Ecclesiasticam dirimere conantem, graviter reprehendit, atque aperte asseruit. Discrepantiam in Paschatis celebratione, & in quadragesimali jejunio, & id genus aliis, *τῶν τῶν αἰσθητικῶν*, fidei consonantiam commendare & magis illustrare. Et Augustinus Epist. 86. non minus scitè quàm sanctè scripsit. Vestis Ecclesiæ ita diversis observationibus varietur, ut non adversis contentionibus dissipetur. Si quis igitur in hisce rebus contentiosus esse velit contra fratres, nos ejusmodi consuetudinem non habemus, neque Ecclesia Dei, ut loquitur Apostolus I Cor. 11. 16.

Porro & illud ad adiendum nos non dicimus Ecclesias Reformatas non itidem dissentire in externo Ecclesiasticæ politeiæ aut disciplinæ administrandæ modo. Nam neminem latere potest, non parum dissentire Ecclesiam Britannicam & Hybernica[m] à Germanis Ecclesiis & Gallicanis in modo administrandi externam politeiam, tamen & illud contendimus, hac discrepantiâ admisâ, non tamen dissensum esse in fundamentis fidei, imò huiusmodi diversitatem, posse & debere tolerare in externa politeia, absque fraternæ unitatis læsione, aut diruptione, præsertim cum Ecclesiæ omnes reformatæ retineant ea quæ absolute necessaria sunt, puta Verbi Dei puram prædicationem, Sacramentorum debitam administrationem, pastorum publica auctoritate ordinationem, morum denique censuram. Non est propter formæ externæ huiusce in rebus discrimen, ubi in fundamentis fidei consensus habetur, ut murus inter sese Ecclesiæ Reformatæ dimicent, omnemque externam unionem Ecclesiasticam averseant. Quamvis sanctè profiteor, consultissimum esset (ut mea fert opinio) ut reliquæ Reformatæ Ecclesiæ quemadmodum cum nostra Ecclesia ejusdem fidei unitate confesserant, ita & præminenti & exorti Episcopi supra Presbyterum potestate asserenda, confessere vellent, ut ita ordinationes suas ab ipsis Apostolis certius derivare possint, utque ita sese Ecclesiæ universalis contestatissimæ praxi à temporibus Apostolicis rite conforment.

Jam Ecclesias reformatas in fidei fundamentis non dissentire proximo in loco ostendendum ubi primò disquirendum quid per fidei fundamenta intelligamus.

Basin cui nititur, vel in qua fundatur fides, estque illa doctrina Prophetarum & Apostolorum Scripturis canonicis comprehensa, Ephes. 2. 20.

Fundamentum Fidei vel denotat

Primarium objectum fidei (i.) Christum Servatorem. Superstructi enim sumus doctrinæ Prophetarum & Apostolorum. Sed ita ut Christus Jesus sit lapis angularis in hoc fundamento (i.) Christus incarnatus, natus, passus, mortuus, crucifixus, resuscitatus, ad Cælum sublevatus, ad dexteram Dei sedens, & venturus ad iudicium.

Hujus doctrinæ, Prophetarum & Apostolorum Epitome Summam Legis & Evangelii in se continens, ad 4 capita revocari commodissimè & possint, & solent.

- Ad {
1. Symbolum Apostolicum.
2. Decalogum.
3. Precationem Dominicam
4. Doctrinam Sacramentorum.

Sic Augustinus in Enchiridio.

1. Symbolum Apostolicum intelligo normam credendorum, prout explicatur in Symbolo Athanasii, & in Symbolo sex primorum Conciliorum generalium.

2. Per Decalogum intelligo normam diligendorum seu dilectionis, Epitomen Legis moralis in tabulis duabus digito Dei inscriptam & Moyse traditam in Monte Sinai. cujus commentarius iustus in Prophetarum & Apostolorum scriptis continetur, quantum si propriè loqui velimus, dictamina juris Naturalis & Moralis licet inter objecta fidei recenseantur à Scholasticis, tamen propriè loquendo sunt suppositiones vel supposita ad fidem, ut rectissimè docet Halensis.

3. Caput est Precatio Dominica, quæ est regula sperandorum & petendorum, & regula illius cultus qui inter orandum Deo debetur, & quo divina beneficia omnia necessaria & imploramus & impetramus.

4. Hisc

4. Hisce adnumeranda doctrina Sacramentorum N. Testam. quæ sunt instrumenta & organa ad gratiam divinam conferendam efficacia, sunt illa; Sacramentum Baptismi quod est Sacramentum nostræ initiationis & regenerationis, Et Sacramentum Eucharistiæ, seu spiritualis nostræ alimoniz, seu communionis nostræ cum corpore Christi, & sanguine ejus fuso in remissionem peccatorum.

Habetis quid per fidei fundamenta intelligamus. Sed & hic illud annotandum. In hisce fidei fundamentalis Capp. non unam eandemque esse omnium rationem, sunt enim articuli fidei

Primarii
Secundarii.
Tertiani.

Primarios seu Cardinales fidei Articulos appello, qui in negotio salutis pari modo sese habent ad reliquos, ut prima principia ad conclusiones in Apodicticis. Tales sunt Articuli Symboli Apostolici, & dictamina prima practica, quæ continentur in Decalogo, qualia sunt illa, Deum esse adorandum, Deum autorem esse omnium beneficiorum, quæ oratione impetranda sunt, Deum esse invocandum, parentes & Magistratus esse honorandos; Talia sunt, Sacramenta esse organa gratiæ efficacia, Sacramenta omnia esse institutionis divinæ, Sacramenta non esse administranda nisi juxta institutionem divinam.

Articuli secundarii sunt, qui ex dictis primariis evidenter, justa, facili & necessaria consequentia, vel ex solis revelatis, vel adhibito aliquo principio naturaliter cognito deducuntur; Talia sunt Articulorum Symboli consecutaria immediata, ut cum Christum credimus tum Deum verum, tum hominem verum; sequetur Christi animam esse distinctam à divinitate contra Apollinarem; Christum habere duas voluntates, divinam & humanam, contra Monothelitas.

Si cum credendum sit, parentes tum naturales tum politicos honorari debere, hinc sequetur neminem licite se posse subducere ab obedientia parentis, sive naturalis sive politici, ac proinde hæresin esse, tenere, aut voto nuncupato alicui superiori, hominem plus teneri superiori isti obedire quam Patri naturali, aut clericali subditum ab omni subjectione Principis eximi posse. Dicendum ergo tot esse articulos fidei secundarios quot sunt conclusiones ex primariis articulis de facili evidenter deducibiles, sive immediate, sive mediante principio naturali, & totidem etiam esse hæretica dogmata secundaria, quot sunt assertiones dictis conclusionibus contradictoriæ.

Articuli tertiani, imò & quartani, qui necessariò etiam deducuntur ex illis primariis vel uno, vel pluribus, sed mediorum plurium interventu, & consequentia longius petita, & deductione operosiori, Hisce autem contrariæ aut contradictoriæ assertiones sunt etiam & dici debent suo modo hæreticæ.

Hi omnes articuli pertinentes ad dicta quatuor capita Summam Legis & Evangelii continentia, Hi (inquam omnes articuli) sive primarii, sive secundarii, sive tertiani continent veritates divinas, quæ ad invicem sese habeant velut anulus in aurea catena quæ ita ad invicem inferuntur, ut si unum ad te trabas, reliquas etiam omnes una eademque operâ ad te trabas oportet, vel ut lineæ rectæ parallellæ, quarum unum si linea aliqua recta secueris, eadem continuatâ & porrectâ, reliquas itidem secabis, ut Euclid. Propos.

Sic Tertianis hisce negatis necesse est & consequenter, ut secundarii & primarii negentur etiam, Ut enim quæ deducuntur per necessariam consequentiam ex primis principiis juris naturalis, pertinent etiam ad jus naturale, quia non possunt destrui, quin destruaturs Natura: sic quæ deducuntur per necessariam consequentiam ex articulis fidei primariis, pertinent etiam ad fidem, quia non possunt negari, quin tandem consequenter ipsi articuli primarii negentur.

Hisce ita positis dicimus inter hosce articulos non parùm discriminis interesse, quoad credendi necessitatem, siquidem omnes adulti tenentur credere explicitè saltem confusè omnes primarios articulos, necessitate tum mediæ tum præcepti, (i. e.) de necessitate salutis & secundarios etiam & tertianos eadem necessitate, si nobis proponantur vel nobis sufficienter revelentur & innotescant, abdicato quovis hæretico dogmate quod cum dictis articulis directè pugnare dignoscitur; At secundarios, si non proponantur nobis, vel à nobis non perpendantur; & Tertianos, quamdiu clara deductio

ex primariis nos lateat, non tenemur credere nisi necessitate præcepti tantum: Si-
quidem hoc casu ignorantia invincibilis excusat, quo minus reatus contrahatur.
Sufficit enim si implicite, in universali & in præparatione animi illis credere parati si-
mus, quandocunque illorum deductionem evidentem ex primariis animadverteri-
mus.

Ex dictis constare potest dissentire posse
Ecclesias in fundamentis fidei vel

Directè. Cum in primariis non sit con-
sensus.

Indirectè & consequenter, cum in pri-
mariis sit consensus, sed in secunda-
riis & tertianis non item: idque vel
quia secundarii alteri parti dissentien-
tium, aut non sufficienter proponan-
tur, aut non ab iis perpendantur: vel
quia tertianorum clara deductio ex
primariis alteram partem dissiden-
tium lateat.

Hoc est ergo quod volumus, Ecclesias reformatas non dissentire in primariis fidei
Articulis, quos hic nomine fundamentorum fidei intelligimus, sed neque dissentire di-
cimus in secundariis & tertianis articulis quamplurimis, qui cum omnibus Reformatis
Ecclesiis sufficienter & proponantur & revelenter & intelligantur, unanimi consensu
ab iisdem contra veteres hæreses Marcionitarum, Manichæorum, Arianorum, Euno-
mianorum, Nestorianorum, Eutychianorum & Monothelitarum, & contra novas hæ-
reses Romanensium asseruntur.

In pauculis secundariis articulis omnibus sufficienter non propositis, aut certe ab iis
non satis bene perpenſis, & in tertianis nonnullis quorum clara deductio ex pri-
mariis Ecclesiis nonnullas adhuc lateat, esto sit dissensus. Ille tamen non impedit
diversas sententias: nec scindit aut scindere debet unitatem Ecclesiasticam dictarum Ec-
clesiarum. Hujus autem demonstratio non aliter haberi potest, quam illa capita per-
currendo in quibus dissensus est.

Maximus dissensus semper fuit inter Ecclesias Germanicas quæ Lutherum secutæ
sunt, & Ecclesias Helveticas, & alias, quæ Zuinglium secutæ sunt. Auspiciis tamen
laudatissimè Principis Philippi Hassiorum Landgravii, an. 1529 Consensus sanc-
tus est inter Theologos primarios utriusque partis, in quibus erant Lutherus, Melan-
chthon, Zuinglius, & Bucerus, in capp. omnibus tum controversis, etiam in illa de Eu-
charistia, una questione exceptâ, utrum verum corpus & sanguis Christi in pane &
vino Eucharistiae adsint corporaliter? Ita tamen ut quælibet pars alteri dilectionem
Christianam præstare sponderet. Si ipsas Confessiones inspiciamus, vix reperiemus ul-
lam sententiarum discrepantiam.

Augustana Confessio quæ proximo anno exhibita est Carolo V. (i.) Ann. Dom.
1530. ubi agitur de Cœna Domini sic habet, De Cœna Domini docent, quod cor-
pus & sanguis Christi vere adsint, & distribuantur vescentibus in Cœna Domini, &
improbant secus docentes. Quid hæc, quod non verissimè asseratur sano sensu?
Quis enim ambigit quin in Cœna Domini cum pane & vino verè exhibeantur corpus
& sanguis Christi omnibus vescentibus, ex parte scil. Dei; & quod corpus & sanguis
recipiantur ab omnibus dignè communicantibus? Aut quis ambigat quin corpus &
sanguis Christi verè adsint & distribuantur in Cœna Domini fidelibus omnibus ritè
communicantibus.

Sed dices Lutherum in conventu Marpurgico, anno antequam Carolo V. Augustana
Confessio exhiberetur, scripsisse verum corpus & sanguinem Christi in pane & vino
esse corporaliter, & Apologiam Articuli Augustanæ Confessionis addidisse, quod in
Cœna Domini verè & substantialiter adsint corpus & sanguis Christi, & vere exhibe-
antur cum illis rebus quæ videntur, panè & vino, his qui Sacramentum accipiunt;
id quod postea de corporali præsentia interpretatur in sequentibus. Ac quamquam
Lutherus

Lutherus Augustanæ Confessionis Articulum de præsentia reali & corporali corporis Christi in pane, interpretatus sit, in qua sententia mortuus est; tamen Melancthon ipse Dialogo Oecolampadii in quo multæ sententiæ Patrum hæc de re dexterimè explicatæ, perlecto, relicto *et ipsæ diuinas* amplexus est, id quod & ex Epistolis variis & aliis indiciis certis indubitato constat. Postea mota est quæstio de ubiuitate corporis Christi, quæ reuera in subsidium consubstantiationis excogitata est. Asserta est à Brentio & Jacobo Andrea, quibus sese opposuerunt Kemnitius & Selueccerus & multi alii. Kemnitius tamen postea subdubitare cœpit, ut patet ex libro de duabus Naturis, imò postea in libro Concordiæ, in quo componendo ipse inter ceteros non segniter laboravit, asserta est expressè generalis ubiuitas; Cui libro cum sese opposuerunt Anhaltini, Bremenses, sed præ ceteris Neostadiani; Ex altera parte elaboratum est in libro Concordiæ Apologiæ, quæ composita est à tribus Theologis, Kirknero, Selueccero, Kemnitio, in qua pro Generali Ubiquitate specialis quædam ac restricta reponitur, & tamen argumenta adducuntur, ex quibus generalis ubiuitas necessario inferitur, & juxta hanc restrictam ubiuitatem corpus Christi, asserunt esse in Ecclesia, in Cœna Domini, sed negant in lapidibus, lignis, gramine, cantharis cerevesiarum. Atque ita videtis illi Marpurgicæ controversiæ novam additam de ubiuitate restricta: Occasione harum agitatæ sunt aliæ, sed non aliæ quàm quæ ex duabus hisce pendent. Post colloquium Mompelgardense 1586. inter Jacobum Andream & Theodorum Bezam de Baptismo, de statuis & idolis, an in Templis toleranda sint, de fractione panis, de Prædestinatione & annexis capp. Atque hæc sunt illa dogmata de quibus agitantur certamina inter reformatas Ecclesias: Sed quod ad hæc capita controversa attinet;

1. Certum est in ipsis confessionibus aut Catechesibus hanc sententiarum discrepantiam non occurrere.
2. Licet in hisce capitibus in ipsis confessionibus dissensus esset, non tamen est dissensus iste in fundamentis fidei, aut articulis primariis, sed vel in solis ritibus, vel si in fidei articulis, in secundariis & tertianis tantum.
3. Nos minimè dubitamus affirmare horum nonnulla esse inania vitiligia, & in plerisque diffidium oriri, non ex Ecclesiarum ipsarum reali dissensu, sed partim ex quorundam ministrorum nimium affectibus suis & ingenio indulgentium præpostero zelo, partim ex non servata sermonum sanorum *verborum*, partim ex non rectè intellectis partium dissidentium mutuis sententiis, partim ex alio atque alio modo explicandi, cum in re explicata consensus sit. Ut probabile sit, si res ipsæ à viris piis, doctis, candidis & moderatis utriusque partis, vel in Synodo, vel alias amica collatione diligentius perpendantur, spem non exiguam, imò maximam (favente numine) concipi merito posse, controversias istas componendas fore, & concordiam in rebus fidei perfectam iniri posse. Hæc perinde se habere, atque dixi, in tribus primariis capitibus breviter ostendam.

Et 1. quod ad dogma de ubiuitate attinet, ego planè accedendum censeo quorundam doctissimorum Theologorum sententiæ, intelligo doctissimum Zanchium, & clarissimos Theologos Hookerum & Fieldium nostrates, qui diligenter perpensis argumentis huc illucque in hac controversia agitatæ, existimant Theologos Germanos qui assertores sunt & fulgent ubiuitatis, quamvis inusitatis, quæris, dubis imò periculosis loquendi formulis utantur, nunquam tamen sensitse, corpus Christi secundum esse naturale, esse immensum, infinitum, incircumscriptum, illocale, sed tantum secundum esse personale, quatenus nullus dari possit locus, ubi corpus Christi non personaliter uniatur verbo, cum enim natura Christi humana sit natura creata, necesse est ut sit finita; Cumque de suo illa natura nullam habeat existentiam, sed assumpta à verbo ad ipsam verbi subsistentiam, negari non potest, quin habeat infinitam subsistentiam, & subsistet modo incomprehensibili & illimitata, & consequenter ubique. Addi etiam potest quod clarissimus Hookerus observavit Humanitatem Christi non tantum dici posse ubique præsentem, propter inseparabilem conjunctionem cum verbo, sed etiam secundum universalem cooperationem cum verbo, atq; ex hisce utrisq; nasci infinitam ac perpetuam efficaciam corporis Christi immolati, quod infinite applicabile est subjectis corporibus (i. e.) verè credentibus.

Videtis

Videtur viam expeditam, qua dissidium ubiquitarium componi possit.

II. Dogma quod maximè controvertitur est illud de Consubstantiatione corporis Christi cum pane in sacrosancta Eucharistia. Docent illi qui immeritò Sacramentarii appellantur, corpus Christi verè adesse & exhiberi in sacrosancta Eucharistia modo inexplicabili, dignè suscipienti, non tamen præsens esse corporis localitèr aut secundum suum esse naturale, quò corpus Christi naturalibus suis proprietatibus affectum in cælum ascenderit, ibique usque ad ultimum iudicium permanens sit localitèr, nec posse simul multis in locis existere. Quid Lutherani? Illi itidem agnoscunt, corpus Christi verè ascendisse in cælum, & supra omnes cælos mensurum usque ad secundum adventum, ibique præsens esse quoad esse naturale, licet gloria indurum, esse ibidem finitum, circumscriptum, & uno loco localitèr definitum. Idem tamen corpus in Eucharistia ob personalem unionem cum verbo esse ubicunque Deitas est, ubique *scil.* aut ubilibet, non tamen localitèr aut inclusivè, aut ullo modo physico; sed repletivè & personalitèr, & quoad esse personale; ita tamen ut non nisi in Sacramento Eucharistiae in spiritualem alimoniam exhibeatur, ibique sit modo inexplicabili, reali tamen in ipso pane, & in multis locis simul. Nobiscum ergò planè consentiunt in essentialibus & fundamentis fidei, cum firmitè credant, Christum corpore verè ascendisse in cælum, ibique corpus ejus gloriosum residere, esse verum & naturale corpus finitum & circumscriptum, illudque quoad esse naturale non nisi in uno loco adesse localitèr.

Item firmitè credunt nobiscum corpus & sanguinem verè & adesse & exhiberi in sacrosancta Eucharistia dignè suscipienti, modo inexplicabili reali tamen, testatur etiam Zanchius se audivisse quendam non vulgarem Lutheranum dicentem; se & alios suos non ita dicere, corpus Christi à nobis corporaliter manducari, quasi illud Christi corpus os & corpus nostrum attingat, (hoc enim falsum esse) sed tantum propter sacramentalem unionem, qua id quod propriè competit pani, attribuitur etiam quodammodo ipsi corpori Christi; In hisce ergò convenimus. Addunt tamen cum hisce non pugnare illud, corpus Christi esse etiam in pane, cum Christus dicat, hoc est corpus meum, nec illud; esse in multis locis simul cum Christi omnipotentia, qui dixit hoc est corpus meum, hoc præstari possit. Quæ quo sensu vera esse possint, licet nos non intelligamus, Illi tamen nullam pugnantiam vident, sed distinctionibus hisce suis, quamvis nobis minimè satisfaciant, tamen sibi met satisfacere videntur, & se crimine hæreseos liberari putant. Dices assertionem multipræsentiae corporis Christi & etiam Consubstantiationis, quæ corpore Christi aufert loci occupationem, tollere veri corporis proprietatem, ac proinde consequenter veritatem corporis, quod hæreticum est. Sol. Rp. Multò majorem habendam esse rationem eorum, quæ quis scienter & volenter asserit, credit & confitetur, quàm eorum quæ verè & solidè ex assertionibus eorum deduci possunt ab aliis consequentia longius petita. Quicunque enim tenet aliquid, ex quo necessaria aliqua deductione & sequela hæresis videatur posse colligi, si ille hæresi illi expresse abrenunciet, & paratus sit suæ sententiæ renunciare, si viderit sequi ex ea hæresin inter hæreticos non est habendus, neque ut hæreticus est vitandus. Præclare Augustinus Episc. 162. Qui sententiam suam quamvis falsam atque perversam nulla pertinaci animositate defendunt, præsertim quam non audacia suæ præsumptionis pepererunt, sed à seductis & in errorem lapsis parentibus acceperunt, querunt autem cauta sollicitudine veritatem, corrigi parati cum invenerint, nequaquam inter hæreticos deputandi.] Hæc Augustinus. Certè quemadmodum qui verum aliquod principium cognoscit & tenet, non illico ex necessitate cognoscit & tenet ea omnia quæ inde deduci possunt: sic qui falsam aliquam propositionem defendit, non idcirco id aut intelligit aut tenet quicquid illi consequens & connexum est: quia *scil.* connexionis & consequentiæ rationem minimè animadvertit. Quamvis igitur hasce consequentias nervosè urgere possumus ad errorem fratribus eripiendum: tamen quasi essent propriæ illorum opiniones, odiosè impingere ad unitatem turbandam non debemus. Abhorret enim à ratione omni atque charitate, ut quis propter consequentias minimè intellectas illud dicatur tenere, cujus contradictorium totis viribus paratus est defendere; & si opus esset pro eodem vel martyrium subire. Esto igitur hæc assertiones illorum contrariæ tertianis aut etiam

secundariis, atque adeo consequenter primariis, tamen cum illi primariis firmiter credant, nec percipiant ullam repugnantiam suarum assertionum cum primariis fidei fundamentis, inter hæreticos, non sunt recensendi.

III. Articulus est ille de prædestinatione, qui post Lutheri tempora controverti cœpit, occasione forsitan Theologorum quorundam qui prædestinationem gratuitam asserentes, modum & ordinem signorum rationis, actuum divinorum altius forsitan quàm Scriptura sacra, & quàm par fuisset, arcessant; & formulis loquendi durioribus utuntur. Ego planè existimo, eo modo & ordine posse explicari juxta Scripturas, Augustinum, & Ecclesiæ nostræ articulum prout P.M. Reverendiss. Overal. explic. ut Lutheranos molliores in nostram sententiam adduci posse faciliè sperem, præsertim si Lutheri placitis stare non recusabunt in lib. de Servo arbitrio adversus Erasmus; & Annotationibus in 1x. ad Romanos. Ex dictis aliquatenus constare potest, Ecclesiæ Reformatas non dissentire in fidei fundamentis.

Atque hic liceat mihi, spectatissimi Auditores, (bona vestra cum venia) paucis vindicare innocentiam tum meam tum Collegarum meorum, qui Synodo Dordracenæ interfuerunt, (quorum duo jam sunt merito suo Ecclesiæ nostræ Reverendissimi Præsules, & clarissima lumina). Non ita pridem scripsit quidam vir doctus, Synodum illam consequenter damnare etiam Ecclesiæ Anglicanæ disciplinam; & alibi ait, Ecclesiæ Anglicanæ disciplinam in illa & aliis Belgicis Synodis pro illegitima haberi, hæc ille. Cum aliis Belgicis Synodis rem non habeo. Sed quod ad Synodum Dordracenam attinet: audeo dicere, quamdiu exteri Theologi interfuerunt nec directè nec indirectè, aut consequenter, Ecclesiæ Anglicanæ disciplinam in illa Synodo vel damnari uspiam, vel pro illegitima haberi, vel aliqua ex parte vel minimè læsam. Videtur mihi Scriptor ille inde conjecturæ suæ fundamentum cepisse, quod in actis Synodi, confessio Belgica incerta sit, in qua sunt articuli 2. aut 3. qui illius Ecclesiæ disciplinam confirmant, hosce ille putat æquè ut alios articulos à Synodo publicè approbatos. Sed fessellit eum hæc conjectura. Id quod ex actis Synodi publicè editis ostendo. Hæc habui dicenda, ad testandam innocentiam nostram. Potuit doctus ille vir vel acta Synodica legisse, vel consuluisse Reverendissimum Dioecesum suum, qui Synodo interfuit, aut aliquem alium ex nostris qui interfuerunt, si quid dubii occurrisset ex actis Synodicis antequam aut illum, aut nos aut Synodum tam gravi crimine in scripto publico, quo ad Cæsarem ipsum provocat, onerasset. Nec quisquam hæc à me ideo dicta existimet, quod vir ille doctus scribat se non teneri illius Synodi definitionibus; In eo enim rectissime sensit; Ausim enim palam profiteri, nec mihi aut cuiquam collegarum unquam hoc venisse in mentem, ut quenquam in nostra Ecclesia, nostris definitionibus teneri se credat, nisi quatenus post examen adhibuit, eas cum verbo Dei, aut nostræ Ecclesiæ confessione confiterare judicaverit. Interim meo & collegarum nomine ausim profiteri nos planè existimare, nihil in illa Synodo definitum fuisse, quod vel doctrinæ vel disciplinæ Ecclesiæ Anglicanæ contra-veniat. Ad pensum me revoco.

Concursus Dei non adimit rebus proprium operandi modum.

Hæc quæstio potissimum instituitur ad asserendam tum efficaciam & omnipotentiam divinæ voluntatis, tum perfectionem & suavitatem, divinæ tum providentiæ tum etiam sapientiæ, quæ, ut ait Sapiens, attingit à fine usque ad finem fortiter, & disponit omnia suaviter. Hæc autem perfectiones divinæ maximè cernuntur in hoc concursu Dei & coöperatione cum rebus omnibus creatis, juxta modum & conditionem suæ naturæ & operationis.

Hic supponimus primò, per res intelligendas esse res omnes creatas, seu causas secundas, easque omnes commodissimè ad hæc tria capita reduci posse,

Ad res agentes, vel $\begin{cases} 1. \text{ necessario} \\ 2. \text{ contingentèr, specificè sumpto hoc nomine. } ^{q.} \text{ contradiſtinguitur liber.} \\ 3. \text{ liberè.} \end{cases}$

2. Supponimus Deum rebus omnibus hisce indidisse naturas suas earumque virtutes; utque utrasque condidit, ita easdem in eo quo condita sunt, statu conservare.

3. Supponimus contra Durandum, Deum non solum primitus indidisse rebus hisce omnibus suas naturas & virtutes operatrices, easque conservare, sed & cum iisdem rebus, in omnibus & singulis suis operationibus immediatè concurrere, immediatione tum virtutis tum etiam suppositi (ut loquitur Schola) ad suarum operationum productionem. Sic Deus immediatè concurrat cum igne ad illuminandum & calefaciendum.

4. Supponimus ex adverso contra quosdam ex veteribus tum Philosophis tum Scholasticis, quilibet res suas proprias habere operationes, nec Deum solum ad earum præsentiam effectus & operationes rerum singularum producere.

5. Supponimus, prout res ipse creatæ agentes sunt vel necessaria, vel contingentes vel libero, ita hæc res habere distinctos & peculiare suos operandi modos, ut res necessario agentes, suas operationes producant modo necessario, contingentes modo contingentèr, & liberas modo libero.

6. Supponimus concursus Dei debere esse proportionatum formæ, per quam operatur causa secunda, unde si forma seu principium, per quod operatur causa secunda, sint supernaturalia, & concursus Dei generalis erit supernaturalis & alterius rationis ab eo, quo Deus concurrat ad actus merè naturales.

Ultimò monemus hanc quæstionem intelligendam esse de concursu Dei ordinario;

ſecundum conſuetum rerum naturalium & ſupernaturalium curſum & ordinem, non de miraculoſo & extraordinario. Queritur jam quandoquidem res ſingulæ habeant ſuas operationes & ſuos operandi modos, an concurſus iſte Dei cum rebus ſingulis in ſuis operationibus producendis, modum operandi rerum aut adimat aut etiam impedi-
 diat. Et certè ſi per Dei concurſum non aliud intelligamus quàm influxum Dei, con-
 comitantem & ſimultaneum quoad ipſum temporis momentum unà cum rebus iſtis in earum actiones & effectus, ut (v g.) cum igne ad combuſtionem neceſſario, cum terra & aere ad meſſem copioſam contingenter, cum Paulo ad Evangelizandum liberè certiffimum eſt hunc concurſum Dei ſimultaneum non adimere rebus proprium operandi modum; nam ſi res creata & Deus eodem proſus momento temporis operari incipiunt in producendâ unâ eademque actione ſeu effecto, certum eſt nec rem creatam adimere Deo ſuum concurſum, nec Deum ſuo concurſu adimere ſive rei neceſſario agenti modum ſuum agendi neceſſario, ſive rei contingenter agenti, ſuum agendi modum contingenter, ſive rei liberè agenti, ſuum agendi modum liberè. Hoc ergo poſito & ſuppoſito, concurſum Dei contemporaneum (ut ita loquar) non adimere rebus proprium operandi modum, quandoquidem res creatæ & Deus eodem proſus temporis momento operari incipiunt: Hic queritur amplius, in hoc divinæ providentiæ adminiſtratorio actu, quo Deus unâ cum rebus cooperatur; An quomodo eodem temporis momento incipiant, operari Deus & creatura ut modo diximus, ita eodem etiam momento naturæ incipiant operari, & ſimul non tantum tempore ſed etiam ſimul naturâ operari incipiant. Hic Jeſuitæ ſtatuunt Deum authorem naturæ ſimul tam naturâ quàm tempore cum cauſis ſecundis operari, eaſque in operando comitari, eo modo quo ſe mutuo comitantur ea quæ inter creaturas ſimul eſſe naturâ dicuntur, ſed nec acquieſcentes in hac ſimultanea inchoatione Dei & creaturæ in eodem proſus momento temporis & naturæ concurrente, & cooperando; illud inſuper adijciunt Deum operari & concurrere, quia creatura operatur & concurrat, non contra; unde in liberis actionibus parro inferunt, voluntatem prius naturâ operari quàm Deum; prioritate instantis à quo licet non in quo.

Sic Bellarminus lib. 4. c. 15. de Grat. & lib. arbit. unde ait Deum niſi extraordinariè miraculum operari velit ſemper concurrere, quando voluntas noſtra cooccurrit; quoniam ad hoc ſe liberè quodammodo obligavit, quando liberam voluntatem creavit. Hinc olim nonnulli ex Scholaſticis veteribus & ex recentioribus, Molina & Leſſius, & ex illis haurientes Remonſtrantes, nullum non movent lapidem, ut concurſum Dei cum cauſis ſecundis in ſuis operationibus non alium agnoſcant quàm influxum immediatum ſimultaneum cum cauſa ſecunda in ejus actionem & effectum, ita tamen ut omnis modificatio & determinatio actus ſit ex cauſa ſecunda, præſertim in actionibus liberis, clamitantes alioquin actum eſſe de libero hominum & Angelorum arbitrio, omnia fatali neceſſitate eventura, nec ullum ſupereſſe divinæ juſtitie locum, quin Deum (quod abſit) hoc admiſſo iniquiſſimum tyrannum futurum; Hinc eſt quod omnes præſcriptiones divinas liberorum actuum, omnem veri nominis tum prædeſtinationem tum gratiam efficacem è medio tollunt ſub pretextu jura noſtra libertatis non violandi; audacter nimium pronunciantes niſi iſta è medio tollantur nullum futurum in univerſo mundo aut contingentiam aut arbitrii libertatem. Nos contra conformiter Scripturis & Patribus in primis iis qui vixerunt poſt exortam hæreſin Pelagianam, præſertim Auguſtino, fidenter hæc tria aſſerimus;

I. Dei concurſum cum cauſis ſecundis etiam liberis eſſe antecedaneum, influxum in ipſas cauſas ſecundas, non autem ſolum influxum ſimultaneum, multo minus ſuccedaneum in illarum actiones & effectus.

II. Dicimus hunc concurſum antecedaneum Dei, primæ cauſæ, modificare & determinare ſuo modo, actiones omnes ſecundarum cauſarum.

III. Dicimus hunc concurſum Dei prævium in cauſas ſecundas earum actiones modificantem non adimere ipſis ſuum cujuſque proprium operandi modum, non cauſis agentibus neceſſario contingenter, liberè, modum agendi neceſſario contingenter liberè. Quæ tria ordine breviter demonſtrabo.

I. Hunc Dei concurſum cum cauſis ſecundis etiam liberis eſſe antecedaneum influxum in ipſas cauſas, eas moventes & applicantes ad opus, ex Scripturis liquidò conſtat,

stat, *Isaiz 26.* Omnia opera nostra in nobis operatus es Domine, *1 Cor. 12.* Omnia in omnibus operatur. *Ephes. 1.* Qui operatur omnia secundum consilium voluntatis suae, *Rom. 9.* Ex ipso, & in ipso, & per ipsum sunt omnia. Accedat illud *Sapientiz 8.* Omnia in mensura & numero & pondere disponit. Quae sententiae disertè significant unum & eundem Dei & secundae causae effectum, attingi simul tempore ab utriusque operatione, sed tamen naturā prius per divinam quae est prima causa ab omni alia independens, virtutem operatricem causae secundae non conservans solum, sed & ad operandum movens & applicans salvā & indemni cuiusque causae operandi conditione & modo.

II. Idem ex eo liquet, quod si Deus non prius natura causet & movet, quam causa secunda non poterit eam respectu verè & propriè dici prima causa & primum movens. Sic enim dicitur non tam quod secundum se & per essentiam suam, sit ens omnium primum, sed quia in causando & movendo, sive quod perinde est, in ordine causarum & moventium omnium primus est.

III. Omne creatum est à Deo ut causa; atqui causam secundam producere suum effectum est quiddam creatum, ergo est à Deo; ac proinde Deus prius naturā causam secundam ad operandum applicat, quam illa operetur, ergo omnis effectus prius naturā procedit à causā primā quam à secundā.

IV. Deus cum sit primum agens utitur omnibus causis secundis tanquam instrumentis suis ad producendos effectus, ut saepe docet Thomas: At causa principalis & instrumentum non movent simul naturā, nam instrumentum, quia tale, non movet nisi prius motum à causā principali; ergo Deus non simul naturā cum causis secundis producit earum effectus, sed eas tanquam instrumenta sua movet & applicat ad operandum.

V. Nisi causae secundae praesertim liberae praevisio Dei influxu indigerent, uti liberas suas producant operationes, sequeretur, solam voluntatem creatam esse primam & originalem causam rē velle & primum principium, & primum se movens simpliciter, & primum liberum, unde porro sequeretur plura esse prima principia, quae sunt haereticis Manichaeorum, imò tot principia, quot sunt hominum & Angelorum voluntates: est enim de ratione primi principii, ut agere possit sine auxilio prioris agentis, & illius influentiā, ut rectè Thomas; ergo si voluntas humana aliquam actionem produceret absque motione prioris agentis, respectu illius actionis esset voluntas creata primum principium, & primum se movens simpliciter, quia movebit non mota; sequeretur etiam quod Deus qui est primum ens non erit propriè causa universalis omnium Entium. Quae duo absurda tanquam duos errores ex illā opinione consequi disertè docet Thomas in 2. sentent. distinct. 37. q. 2. art. 2. Hæc de primo.

II. Assertum est dicimus hunc concursum praevisum Dei primae causae modificare & determinare suo modo omnes secundarum causarum actiones.

Probatur.

1. Omnis causa determinabilis ab alterā non determinat seipsam ad quemvis effectum specialem. At divina voluntas seipsam determinat ad quemcunque effectum specialissimum & singularem producendum, ergo non est determinabilis à causā quacunque inferiori, concursus activus divinae voluntatis. Hoc enim esset maximam imperfectionem in Deo ponere, si dicamus concursum divinae voluntatis ex parte sua manere indifferentem modificari autem & determinari per quamlibet causam inferiorem eo modo quo concursus. Solis producit distinctos affectus, quia modificatur per distinctas causas inferiores. At longè alia ratio est, concursus Dei & solis. Siquidem Sol est causa finita & limitata habens aliquid potentialitatis cum sit creatura, & ideo per concursum alterius causae est determinabilis ad producendum talem vel talem effectum in individuo. Deus autem est causa universalissima infinite perfecta, & purus actus omni potentialitate vacuus; unde ejus voluntas vel concursus in quo est intentio voluntatis & virtutis divinae, determinari non potest ad operandum ex concursu liberi arbitrii vel cuiuscunque alterius causae secundae.

2. Ut se habet liberum arbitrium hominis, respectu illorum quae omnino subijciuntur sibi, ita se habet & multò efficacius divina voluntas respectu illorum quae ei subijciuntur, quae quidem sunt res creatae universae: sed concursus liberi arbitrii
no-

noſtri ad aliquid agendum per media ſubordinata non modificatur aut determinatur ab iſtis mediis, ſed potius liberum arbitrium noſtrum determinat motum & concurſum mediſſimorum quæ ſibi ſubſcuntur. Ut quando pictor vult pingere imaginem ipſemet accuratè adaptat penicillum, præparat colores, movet manum, ideam in mente concipit, ducit lineamenta. Hic liberum pictoris arbitrium non modificatur ab iſtis, quatenus ſibi ſubſcuntur, quin potius ipſemet artifex per liberum arbitrium & artem eligit & determinat ſibi ejuſmodi media, in quantum ſibi ſubſcuntur, quod ſi imperfectio aliqua accedat, id præter intentionem pictoris accidit in aliquo, quod ſuo non ſubſcitur arbitrio; ergo multo minus datur aliquod creatum quod determinet divinæ voluntatis concurſum ſive attingentiam activam, quin potius ille determinat omnium creaturarum actiones & effectus quoſcunque.

III. Idem evincitur ex divinæ providentiæ ſummâ perfectione. Ad hanc enim ſpectat quod determinatè omnia & ſingula velit & prædefiniat, quæ ſunt in tempore, & ea deſtinet in fines à ſe intentos; & cauſas etiam omnes ſecundas moveat & applicet ad effectus determinatos. Hæc autem perficere non poſſet providentia divina, ſi ejus concurſus ad plures effectus incompoſſibiles indifferenter tantum ſe haberet, nec ad aliquos certos & deſinitos effectus ſecundam cauſam determinaret. Quod ex eo confirmatur quod ad perfectionem divinæ providentiæ pertinet, non ſolum ordinatio mediſſimorum ad finem, ſed etiam aſſecutio inſallibilis finis à Deo intenti; ſed ſi concurſus Dei generalis eſſet ex ſe indifferens, aut Deus per eundem concurſum non applicaret efficaciter cauſas ſecundas ad ſuas operationes in particulari; divina providentia non aſſequeretur finem intentum per media præſinita & ordinata ad ejuſdem finis aſſecutionem; ſic enim hæc duo unâ conſiſterent, Deum dare concurſum generalem ad aliquem effectum producendum, & voluntatem pro ſua libertate nolle illum effectum producere, vel ad illum concurrere quod nullatenus dici debet.

IV. Probat in ſpecie hunc prævium concurſum Dei modificare omnes actiones liberas, quæ (ſi quæ alix) eximendæ ſunt ab hac primæ cauſæ modificatione. Si enim noſtri actus liberi, eorumque concurſus & determinatio non ſita modificentur à primâ cauſa, concurſus & determinatio liberi arbitrii creati à divinæ providentiæ modificatione eximeretur, & ita Deus non haberet providentiam rerum omnium in particulari, ſed ſolum in communi; Si enim concurſus Dei generalis ſit ex ſe indifferens, & ſimiliter voluntas Dei offerens eundem cauſis ſecundis, liberis ubi & quando ipſa pro ſua libertate voluerint operari & non antea, ergo Deus per talem concurſum non eſſicet verè efficienter quod liberum arbitrium inſuat hic & nunc in talem operationem in individuo, ac per conſequens influxus liberi arbitrii erit exemptus à divina providentia. Nam ut docet Thomas 1. p. q. 22. ad ea duntaxat ſe extendet divina providentia, ad quæ extendit ſe divina cauſalitas: ergo ſi Deus non determinat concurſum liberi arbitrii, non habebit providentiam, ſed ſolum præſcientiam ejus in particulari; atque adeo providentia divina ſolum ſe extenderet ad opera libera in communi, quatenus ſcilicet contulit hominibus liberum arbitrium quo poſſent operari, ubi & quando placuerit, & actus omnes individui à divina providentiâ eximerentur: Hoc de ſecundo.

III. Dicimus, hunc concurſum Dei antecedaneum in cauſas ſecundas earum actiones modificantem, non adimere iſtis ſuum cujuſque proprium operandi modum.

1. Certum eſt Deum dare omnibus rebus ſuum eſſe, & vim ſuam operatricem quâ alio atque alio modo poſſunt operari, aliis neceſſario, aliis contingenter, aliis liberè; certum etiam eſt Deum utrumque hoc conſervare, utique ut quilibet ſuo modo operaretur; ergo ſpectat ad ſuavitatem divinæ providentiæ ut concurſum ſuum cum creatura antecedaneum (quem ſupra demonſtravimus) ita attemperaret, ut eo proſus modo applicet illam ad operandum, quo dedit cauſæ ſecundæ poſſe operari.

2. Idem liquet ex efficacia divinæ voluntatis, cum voluntas Dei ſit efficaciffima, idcirco non ſolum ſunt ea; quæ Deus fieri vult ſed eo modo ſunt, quo vult. Jam autem Deus quædam vult fieri neceſſario, quædam contingenter, quædam liberè ut ſit ordo in rebus ad complementum ſeu perfectionem univerſi. Et ideo quibusdam

effectibus providit atque aptavit causas necessarias (.i.) indefectibiles in causando, ex quibus effectus sequuntur necessario; quibuldam aptavit contingentes & liberas (.i.) defectibiles & impedibiles, ex quibus proinde effectus contingenter & liberè proveniant, non obstante Dei concursu præcedaneo. Ex quo constat, contra quam habet Molina, Necessitatem & contingentiam rerum, quas Deus extra se vult, non tantum pendere à causarum secundarum necessitate & contingentia, sed potissimum ab ordinatione & efficacia divinæ voluntatis, quatenus iis quæ extra se vult vel necessario vel contingenter, vel liberè fieri, destinavit causas vel necessarias vel contingentes, vel etiam liberas. Sed quia in hac quæstione potissimum dubitatio oritur, ratione liberorum actuum cum quorum libertate hunc antecedaneum influxum in ipsam voluntatem, non posse consistere vociferantur Jesuitæ & Remonstrantes, præsertim in actibus liberis ordinis supernaturalis, nos breviter ostendemus hunc antecedaneum in fluxum in ipsam voluntatem, non adimere voluntati creatæ suam libertatem seu proprium liberè agendi modum, nec generatim in omnibus cujuscunque ordinis liberis actibus, nec speciatim in iis quæ sunt ordinis super naturalis & extra activitatis naturalis sphaeram.

Et primo generatim ostendo in omnibus liberis actibus:

I. Non potest Deus ullam facere creaturam, quæ vel in essendo vel in operando ordinem sui creatoris ut primæ causæ egrediatur; ita ut non dependeat ab eo tanquam à primo efficiente, conservante & operante. Quare sicut omnis creata sapientia & omnis creata justitia habetur ex participatione sapientiæ & justitiæ increatæ, ita ut Deus qui est sapientia & justitia increata sit causa prima, propria atque intima omnis sapientiæ & justitiæ creatæ, omnisque creatæ actionis sapientis & justæ, & similiter de aliis quibuscunque bonis creatis: Sic omnis creata libertas voluntatis non aliunde habetur quam ex participatione summæ & increatæ libertatis, quæ est in voluntate divina: ita scilicet ut illa libertas increata divinæ voluntatis sit causa prima, propria atque intima omnis creatæ libertatis omniumque liberarum actionum creaturarum. Tantum igitur abest ut efficax operatio liberissimæ voluntatis divinæ destruat libertatem actionum voluntatis creatæ, ut hæc absque illa prorsus consistere nequeat, sed ab ea necessario dependeat ut bonum participatum à bono essentiali.

II. Si ut actus meus sit merè liber, necessarium esset, ut à me solo prædefiniretur, neque posset à Deo prædefiniri, ergo ego essem primum deliberans & primum prædefinienti; & liberum arbitrium Dei non de omnibus bonis quæ fiunt, & de modo quo fiunt ab æterno, deliberasset, siquidem nihil decerneret de hominum & Angelorum actibus liberis & bonis, etiam optimis, qui tamen inter omnia bona creata longè eminent & primum sibi locum merito vendicant.

III. Si divina providentia & deliberatio eousque solum se extendat ut concedatur hominibus facultas operandi & auxilium sufficiens ut possent liberè operari, & non se pariter extenderet ad ipsos actus liberos, ad ipsam electionem, determinationem & acceptationem voluntatis liberam, perfectior esset mea providentia circa hæc omnia quam divina providentia. Cum enim providentia sit circa singularia, mea a providentia circa istum actum singularem perfectior esset, circa quem ut fieret hic & nunc ego solus determinavi. Deus autem quamvis præscivit me ita facturum non tamen prædefinivit ut ita facerem: sed solum prædefinivit, & decrevit conferre mihi facultatem & auxilium, quibus possem operari, quod quam sit providentiæ divinæ derogatorium, quisque cordatus Christianus facile perspexit. Nullatenus ergo dubitandum quin divina providentia attingat à fine usque ad finem fortiter, & disponat omnia bona absque ulla exceptione fortiter & suaviter, fortiter quidem pro se, suaviter autem pro me, ut scitè Bernardus. Cum enim divina providentia & divinum liberum arbitrium sit proxima causa bonorum quæ in tempore fiunt, necesse est ut infallibiliter decernat universa, unumquodque juxta modum suæ naturæ. Atqui liberum Dei arbitrium insinuat libertatem in hominem non solum conferendo illi facultatem liberam; sed quod longè majus bonum est, majorque perfectio ipsum bonum velle, ipsam bonam voluntatem, ipsam electionem, acceptationem, & consensum voluntatis.

IV. Porro certum est actum conversionis esse actum liberum, & voluntatem huma-

nam

nam in eliciendo hoc actu liberè agere: & tamen æquè certum est influxum antecedaneum esse in ipsam voluntatem; non tantum Physicè elevando voluntatem ut possit actum supernaturalem elicere; nec moraliter solum invitando suadendo & alliciendo, sed eam impressâ virtute transeunte succendendo & movendo, & efficaciter ad opus conversionis applicando, servatò tamen ei suo naturali agendi modo, *viz.* per modum liberæ electionis, & cooperationis.

V. Eadem veritas demonstratur ab exemplo Christi Domini, siquidem Divinitas operata est *scilicet* velle & consensum voluntatis humanæ in Christo Domino in actibus suis liberis, in quibus illud erat de morte appetenda pro vita mundi, sed hosce actus operata est divinitas non tantum dando posse operari, aut nudè alliciendo & suadendo, sed etiam efficienter per modum physicæ causæ, præmovendo voluntatem creatam, & ejus actus determinando, sic enim Christus ipse fateretur Joan. 5. Non possum ego ex meipso facere quicquam & cap. 8. A meipso facio nihil, & cap. 14. Pater in me manens, ipse facit opera. Alioquin non videbimur recedere à dogmate Nestorii, Christum in duas personas dirimentis, si dicamus humanam Christi voluntatem in liberis suis operationibus prævenisse voluntatem divinam (ut observavit doctissimus Estius) cum è contra certum sit in omnibus liberis actionibus humanæ naturæ voluntatem divinam prævenisse voluntatem ejus humanam in volendo, siquidem in omnibus suis liberis actionibus tenebatur humana voluntas Christi ad divinam se per omnia conformare, propter unionem utriusque naturæ factam in unâ eademque personâ divinâ; voluntas ergo divina in Christo inclinabat totum suppositum & movebat etiam voluntatem humanam, non suavisiorè tantum sed efficienter & Physicè etiam in actu moriendi, qui tamen fuit actus liberrimus, ideoque omnium actuum voluntatis creatæ maxime meritorius. Si ergo constendum est, liberas actiones humanæ voluntatis Christi prius natura volitas & elicitas fuisse à voluntate quàm ab humana, absq; ulla libertatis earum læsione, quid est quod vereamur asserere nostras liberas actiones posse antecederet determinari ab auxilio divino efficienter priusquàm à nobis liberè eliciantur. Idem etiam dici potest, de Actibus Angelorum & Beatorum in cœlis qui ab iis liberè præstantur in cœlis & resistibiliter, quales sunt omnes ii qui non habent necessariam connexionem cum æterna beatitudine. Clamitent ergo licet & vociferentur Jesuitæ & Remonstrantes antecedaneum determinationem voluntatis, aut in actibus naturalibus & civilibus, aut in moralibus & supernaturalibus, omnem veri nominis libertatem adimere liberè agentibus; hoc ipso tamen Deo adimunt, omnimodam sapientiæ & providentiæ suæ perfectionem & summam libertatem & efficaciam divinæ voluntatis, atque ita dum homines liberos esse volunt. sacrilegos faciunt quod Augustinus de Cicerone pronuntiat, & rectissimè de hisce pronuntiat. Quanto rectius sanctissimus Augustinus cujus hæc sunt divinissima oracula. Volenti Deum salvum facere nullum hominis resistit arbitrium: Rursus, sic velle vel nolle, in volentis aut nolentis est potestate, ut divinam voluntatem non impediatur, nec superet potestatem: mox, humanas voluntates non posse resistere, quo minus faciat ipse quod vult, quandoquidem etiam de ipsis hominum voluntatibus, quod vult cum vult facit — & ibidem, Habet humanorum cordium, quo placeret inclinandum, omnipotentissimam potestatem — & in cordibus hominum quod voluerit operatur: & magis habet in potestate voluntates hominum quàm ipsi suas.]

Hæc gravissimè Augustinus, concludo cum eodem. Sic tamen Deum administrare omnia quæ creavit, ut etiam ipsa proprios exercere & agere motus sinat, ergo concursus Dei non adimit rebus proprium operandi modum.

Postquam preces D. Opt. Max. fuderimus, ut negotio quod jam in manibus est suâ tum præsentia tum præsentia interesse dignetur. Proximum est ut eidem Cœlesti Patri gratias quas possumus maximas super cordium nostrorum altari immolemus in hoc amplissimo & solenni omnium Ordinum Conventu pro aperiendis in Ecclesiâ Scholis, pro Academicarum publicarum institutione, ubi doctrinarum sedes, ingeniorum Officinas, Musarum domicilia, sapientiæ Divinæ Sacraria posita sunt pro institutæ sollicitâ conservatione in quibus cum bonæ literæ, liberales Artes honestæque disciplinæ tradantur, foveantur, tum verò maxime sacræ literæ, quibus solis vera nititur Religio fideliter explicentur, posteris commendatur. Atque hæc nos nisi omnium mor-

tatum ingratisimam audiri velimus gratiarum victimas Domino omnium devotissime solvamus pro hujus florentissime nostrae Academiæ, Augusti hujus in quo hodierna hæc Comitia celebramus Templi Scholarum Academiæ publicarum Fundatoribus & Mecænatibus Viris verè heroicis, qui suâ munificentia à summâ tum Charitate profectâ hæc tam sancta otia nobis creârunt qui tantis beneficiis, tantis sumptibus, tot privilegiis hæc nostras Athenas & auxerunt & ornârunt quorum nomina cum scripta sint in libro vitæ, nefas esset è memoria viventium tabulis delere: quin potius fas est ut eadem sicut & squalore serè obducta quantum in nobis est anniversaria saltem recognitione pristino nitore restituenda & reficienda sedulo curemus.

I. In hæc merito chorum ducent Serenissimi nostri Reges, Henricus ejus Nominis III., Edovardus I., II., III., Richardus II., Henricus IV., VI., VII., VIII., Edovardus VI., Illustrissima Regina Maria, Beatissimæ item memoriæ Elizabethæ & Jacobus, & sub cujus umbrâ vitalem hanc Auram laurimus omnes Serenissimus noster Rex Carolus. Hi sunt Principes, illi Illustrissimi qui Chartarum, Immunitatum & Privilegorum quibus hodiè & utimur & fruimur Authores, Fundatores & conservatores fuere.

II. In secundis consistunt publicorum ædificorum instauratores. In hæc merito suo primas tenet Henricus VI. Regum pientissimus, Augustissimi Sacelli verè Regalis quo nullum in Europa magnificentius, fundator. Absolvebat Henricus VII., Ornabat Henricus VIII., Hujus Augusti Templi Fundatrix Universitas ipsa maxima ex parte manns Auxiliares præbebat; Henricus VII. & Illustrissima Mater ejus D. Margareta, Thomas Barrow Archidiaconus Colcestriæ, D. Joannes Alcock, Episcopus Eliensis, & D. Mildreda Cecilia; Suggestum hunc nitidissimum non ita pridem extrui curavit R. Memoriz Gulielm. Atkins; Scholarum publicarum latus Occidentale quod Scholas Dialecticas & Rhetoricas complectitur sumptibus suis una collatis excitaverunt, viri verè Nobiles, Aubertus de Vere Comes Oxoniensis, Thomas Piercy Comes Wigorniensis, Henricus Plantagenet Comes Pembrochiæ unâ cum Professoribus & Auditoribus Juris utriusque.

Scholas Theologicas & Sacellum novum ubi publici Academiæ Conventus fiunt construxit Gulielm. Thorp Miles, summus Angliæ Justitiarius, easdem Scholas Subselliis & sedilibus Laurent. Booth Academiæ Cancellarius postea Episcopus Dunelmensis ornari curavit.

Scholæ Philosophicæ & Græcæ ipsius Universitatis curâ & sumptibus maximâ ex parte creverunt. Orientale latus una cum operosa porta suis sumptibus construxit Reverendissimus Præsul Thomas Rotheram primas Eboracensis cujus ima pars Pro-cancellarii Tribunal, summam Bibliotheca publica, quàm Hæredes Rotherami & ejus Testamento, & vir omni literarum genere excultus Cuthbertus, Tunstallus, Episcopus Dunelmensis optimis quibusque libris Græcis, Hebraicis, Latinis tum manuscriptis, tum excusis instruxerunt. Eandem libris egregiis præsertim Historicis locupletavit vir Antiquitatum studiosissimus Matth. Parkerus Primas Cantuariensis, qui etiam Ambulachrum nitidissimum Regentium vulgo dictum & ampliavit & pavimenti egregiis stravit & utrinque lateritiis muris & lapide quadrato in fastigio firmatis munivit.

III. Sibi locum vendicant Lecturarum Fundatores. Lecturas Regias Theologiæ, Juris, Medicinæ, Lingux item Græcæ & Hebrææ Fundavit Rex Henricus VII. Alteram Theologia Fundavit Dom. Margareta nunquam mihi reticenda Richmondix & Derbiæ Comitissa cujus salarium auxit Henricus VIII., & nuper etiam D. Alicia Davers cooperante Matre indulgentissimâ Academiâ. Stipendia annua prælectoribus Rhetoricæ, Dialecticæ, Philosophiæ persolvenda curavit Robertus Read Miles. Ultimo loco, sed con merito est D. Gulielmus Maynard Baro de Wicklow in Regno Hibertiæ qui nuper Lecturam in logicâ fundavit, cui salarium honorificum 50 Librarum annuatim solvendum annexit, optimo sanè & consilio & exemplo.

IV. Restant Cystarum Fundatores in quibus faciliè eminet Regia Prosapia oriundus Joannes Beaufordius Dux excestriæ hunc excipiant Gulielmus Bateman Episcopus Norwicensis, Robertus Billingsford, Thomas Bouchier, Gualterus Neele, D. Joannes Whitehorne, Willelmus de Gotham, M^r Darlington, & M^r Fen, Willelmus de Blida

Gilbertus de Ronsbury, Thomas de sancto Botulpho, Johannes Blundel, Robertus de Luffenham. Earundem Cystarum summa deperditæ instaurandæ ^{quæ in Cisterciensibus} adjecerunt D. Elizabetha Cleer, D. Preston & alii. Hisce non accensere Robertum Hararum Armigerum nefas esset, qui tantum insudavit in Academiæ Chartis, indultis privilegiis, & id genus aliis undecunque colligendis & describendis quæ omnia quatuor libris ter descriptis eleganter describenda curavit.

Hi omnes unâ cum aliis minorum gentium Benefactoribus hæc tam fausta & sollicita otia nobis pepererunt. Dictant sacra Oracula Memoriam justæ futuram in benedictione, dictat Ratio ubi accepisti beneficium, redde officium. Sit ergo horum Memoria in perpetua benedictione; Sapientiam eorum narrent Populi; Laudes eorum annuntiet Ecclesia, nomen eorum vivat in sæculum; Hos grato animo celebremus meritis laudibus prosequamur & de sua immortalitate securos, de nostrâ incolumitate sollicitos beatos & felices prædicemus. Hisce pro veteri mōre optemus & precemur retributionem in Resurrectione justorum, lætam in illa die absolutionem, & perfectam beatitudinis nunquam interrumpendæ consummationem & complementum.

Sed hic videor mihi audire Romano-Catholicum oggerentem horum plerosque fidei suæ adhæsisse, quotidianis Missis interfuisse, dogmata à nostris explosa, purgatorii, invocationis Sanctorum, Transubstantiationis, & id genus alia tenaciter & tenuisse; & asseruisse; Illos porro in Romano-Catholicæ Ecclesiæ communione vixisse in eadem mortuos esse; hæcque amplissima (quorum meminimus) beneficia, privilegia libertates non ad hæreses novas propagandas sed ad fidem antiquam Romano Catholicam conservandam contulisse.

Hæc occasione arreptâ liceat mihi (Spectatissimi Auditores) bonâ vestrâ cum veniâ paucis explicare quid sentiendum sit de hisce viris heroicis & unâ eademque operâ exponere quid in universum sentiendum sit de Patribus nostris, qui sub Papatu vixerunt & mortui sunt, antequam lux Evangelii in hac occidentali mundi plaga clarius elucescere cepit, quod eo libentius facio ut honor justus & debitus hisce egregiis viris illæsus & intemeratus conservetur, & tamen Romanensium hodiernorum pertinacia detegatur & nostrarum Ecclesiarum Reformationem justam fuisse imo & necessariam demonstretur: Quæ omnia justè me præsiturum confiderem, si tria hæc idoneis Argumentis demonstrarem.

1. Patres nostros & hos munificentissimos fundatores in Romana Ecclesiâ tum viventes non obstantibus erroribus præmissis, & id genus aliis in illâ Ecclesiâ receptis potuisse esse imo & piè credendum est verè existisse vera & viva membra Ecclesiæ Catholicæ atque adeo salutem consequutos fuisse.

2. Ecclesias Reformatas nihilominus justè Errores prædictos & impugnasse & amandasse.

3. Hodiernos Romano-Catholicos doctiores præsertim quibus nostrarum Ecclesiarum sententia perspecta est, in horum errorum pertinaci defensione damnablem peccare atque adeo suæ salutis, & aliorum quibus præfunt (quantum in ipsis est) viam præcludere sed quia prolixior plus æquo futura esset oratio nostra, si hæc omnia jam demonstranda susceperem, satis erit si primum caput quanta fieri potest brevitate absolvam.

Ut autem ostendam Patres nostros non obstantibus erroribus supra memoratis & similibus potuisse esse vera & viva membra Ecclesiæ Catholicæ atque adeo æternam salutem consecutos fuisse, imprimis diligenter exquirendum est quænam necessario requiruntur, ut quis fiat verum & vivum membrum Ecclesiæ Catholicæ ut quis fiat verum & vivum Membrum Ecclesiæ Catholicæ quædam sunt necessariò credenda, quædam facienda.

In credendis atque proinde cognoscendis sunt Articuli fidei, in quibus ad majorem evidentiam triplex assignari potest differentia vel si vultis gradus

Sunt

Sunt enim Articuli fidei primarii, ſecundarii, tertiani. Primarios ſeu Cardinales fidei Articulos appello, qui in negotio ſalutis pari modo ſeſe habeant ad reliquos, atque prima principia ſeu Axiomata ad *ſtatus* & conſeſiones in Apodicticis, vel ut baſis ad columnam ſuperimpoſitam, vel ut imum fundamentum ad parietes; domus enim Dei (ut alicubi Auguſtinus) credendo fundatur, ſperando erigitur, diligendo perficitur.

Tales ſunt iſti

I. De Deo uno, de Dei unita Natura, immutabilitate, immenſitate, æternitate, omniſcientia, omnipotentia, incomprehenſibilitate, infinita juſtitia, bonitate, & omnimoda perfectione de Perſonarum Trinitate in hac una Deitate ſubſiſtentium, Patre, Filio, & Spiritu ſancto.

II. De Deo Creatore Cæli & Terræ & omnium aliarum Creaturarum ſive viſibilium, ſive inviſibilium; de Angelorum & hominum primæva integritate, & altioris beatitudinis quam illius in qua conditi ſunt, capacitate; de Legibus iis præſcriptis & præſidiis tum Naturæ, tum Gratiæ, quibus ad metam beatitudinis aſpirare potuiſſent; de quorundam Angelorum & hominum ſpontaneo lapſu & inde ſecutæ naturæ humanæ depravatione.

III. De hominis reparatione & Redemptione per ſecundam perſonam Filium Dei humanam naturam aſſumentem & in eadem omnia ad ſalutem hominum pertinentia perficientem moriendo, reſurgendo, item aſcendendo ad Cælum, ſedendo ad dextram Patris & mittendo Vicariam vim Spiritus ſancti qui credentes agat, ut verbis Tertul. utar.

IV. De una ſancta Catholica Apoſtolica Eccleſia apud quam ſacroſanctum hoc fidei depositum uſque ad ſæculi finem immolatè aſſervandum eſt.

V. De Remiſſione peccatorum per & propter meritum Chriſti ritè applicatum.

VI. De adventu Chriſti in fine ſæculi ad iudicandum vivos & mortuos, de corporum Reſurrectione, de Animarum immortalitate, de vitæ æternæ, piorum & impiorum interminabili ſupplicio.

Hæc Regula fidei una, ſola, immobilis, irreformabilis, ut olim Tertullianus, Hi ſunt Chriſtianorum dogmatum cardinales Articuli: Hæc ſunt Catholicæ fidei prima Principia articulatim diſtincta, quæ propriè, directè, immediatè ſalutem noſtram reſpiciunt & ad eandem conſequendam plenè & planè ſufficiunt. Teſtis ſit antiqua & primæva Chriſti Eccleſia quæ hanc formulam, & hanc unicam à ſuis Catechumenis vel audientibus ediscendam vel competentibus dum tingendi ſiſtebantur reddendam, poſtulavit. Quicquid (inquit Caſſianus) ad fidem Catholicam ſpectans per diverſorum divinorum voluminum corpus, immenſa funditur Copia, totum in Symbolo hoc colligitur brevitate perfectâ.

Hi ſunt illi articuli qui ſuccinctè in Symbolo Apoſtolorum ſuſius in Symbolis Oecumenicorum Conciliorum, & Patrum ſcriptis occaſione emergentium hæreſeſ ſeriatim explicantur, qui (ut rectè Vincentius) accipiant licet evidentiam, lucem, diſtinctionem retineant tamen neceſſe eſt plenitudinem, integritatem, proprietatem. Huius fidei augmentum (inquit Maxentius) eſt fidei detrimentum. Qui hoſce articulos omnes negaverit, planè infidelis eſt, qui vel unum pertinaciter, planè Hæreticus.

Articuli ſecundarii ſunt qui ex dictis primariis evidenter juſta & neceſſaria conſequentia vel immediatè vel mediate, admotis vel perſpicuorum Scripturæ locorum face, vel aliquo principio, naturaliter cognito, deducuntur.

Talia Articuli primi conſeſtaria ſunt. Deum non eſſe authorem peccati contra Florinum; Non eſſe duo Principia inter ſe diverſa neque adverſa, eademque eſſe æterna & coætterna, contra quam ſenſerunt Manichæi Deum habere Brachia, Pedes;

Aures; Deum loqui, audire progredi contra Audianos & Anthropo-morphitas

Tales à 2^o Articulo deducibiles sunt isti; Mortem esse peccati stipendium contra Pelagianos; Deum non creasse hominem morbidum; Hominem lapsum esse in naturalibus vulneratum; Omnes homines ab uno propagatos fuisse.

Tales in tertio Articulo sunt isti Christi Animam distinctam esse à Divinitate; Christum habere duas voluntates divinam & humanam; Christi Corpus etiam glorificatum esse tangibile, circumscriptum, visibile contra Eutychetem. Denique tot sunt articuli fidei secundarii, quot sunt conclusiones ex primariis articulis evidenter sive immediate, sive mediante aliquo Principio naturali deducibiles, & eodidem etiam sunt hæretica dogmata secundaria, quot sunt Assertiones dictis conclusionibus contradictoriae.

Sunt & tertio loco Articuli tertiani, imò & quartani, qui necessario etiam deducuntur ex illis primariis, uno vel pluribus sed mediorum plurium interventu & consequentia longius petita; Harum itidem assertiones contrariae aut contradictoriae sunt, etiam & dici debent suo modo hæreticae.

Hi omnes sive primarii, sive secundarii, sive tertiani continent veritates divinas, quæ ad invicem se habent veluti Anselz in aurea Catenâ quæ ita ad invicem immittuntur ut si unum ad te trahas, reliquas etiam omnes unâ eademque operâ ad te trahas oportet vel ut lineæ rectæ parallelæ quarum unam si lineâ aliquâ rectâ secueris, eâdem continuata & porrectâ reliquas itidem secabis: Sic Tertianis hæc negatis necesse esse & consequenter ut secundarii & primarii negentur etiam. Ut enim quæ deducuntur per necessariam consequentiam ex primis principiis juris naturalis pertinent etiam ad jus naturale, quia non possunt destrui, quin destruantur natura: sic quæ deducuntur per necessariam consequentiam ex articulis fidei primariis pertinent etiam ad fidem, quia non possunt negari quin tandem consequenter Articuli ipsi primarii negentur.

II. Notandum est & illud; in iis credendis & faciendis quæ sunt necessaria ad verum & vivum membrum constituendum præceptum ut quæ in nostra potestate non sunt, qualia sunt auxilia gratiæ divinitus inspirata, quædam esse necessaria,

- Ut {
1. Præcepta, sive naturalia sive positiva, ut solum Christum religiosè adorandum, invocandum, panem esse panem post consecrationem, dare Eleemosynam. Eucharistiam sub utraque specie administrandam esse.
 2. Media & præcepta, ut sperare veniam, poenitentiam agere, credere in Christum, Deum diligere, &c.

III. Notandum denique in iis quæ necessaria sunt, necessitate tum solius præcepti, tum etiam etiam præcepti & medii, tam in credendis quam in faciendis hoc discrimen interesse. Quod cum quis ex ignorantia invincibili non credat aut faciat quæ tenetur credere aut facere ex necessitate præcepti tantum, hoc ipso excusatur nec eadem omittendo reatum incurrit. Sufficit enim illi ut implicite & preparatione animi paratus sit ea facere & credere: At aliter se res habet in iis quæ tenemur credere & facere ex necessitate tum medii tum etiam præcepti; nisi enim hæc credenda explicite credantur & facienda fiant, salutis nostræ viam præcludunt. Si ergo in credendis quæramur quænam sunt illa, quæ necessario requiruntur necessitate tum medii tum præcepti, ut quis verum & vivum membrum Ecclesiæ Catholicæ constituatur.

Respondeo, Omnes Adultos teneri credere explicite, saltem confuse omnes primarios articulos necessitate tum medii, tum præcepti & secundarios & tertianos etiam eâdem necessitate si nobis sufficienter proponantur vel nostræ cognitioni quocunque modo sufficienter deferantur seu obversentur, abdicato quovis Dogmate hæretico, quod cum dictis articulis directe pugnare dignoscitur.

At secundarios si non sufficienter proponantur vel in considerationem nostram non veniant, & tertianos quamdiu clara deductio ex primariis nos lateat non tenemur credere nisi necessitate præcepti tantum. Sufficit enim si implicite & in universali iis credere parati fuerimus, quandocunque illorum deductionem evidentem ex primariis adverterimus.

Primarii adeo necessario credendi sunt ut nullatenus admittant excusationem impossibilitatis, aut exceptionem ratione loci, Temporis, personarum, aut prætextum rudicatis, ignorantia, tarditatis, simplicitatis, & id genus alia.

Secundarii & tertiani non absolute ad fidem obligant, sed ex hypothesi, quando adducitur possibilitas, & excusationem admittunt, ratione loci, temporis, personarum. Hinc multa credenda sunt ab eo explicitè qui in Ecclesiæ . . . gremio vivit quæ non exiguntur ab iis qui in deserto commorantur ratione loci; multa ab eo cui Deus spatium & opportunitatem concedit inquirendi & addiscendi ea quæ ad salutem spectant, quæ non necessario credenda sunt ab iis qui subitâ morte præveniuntur ratione temporis. Talia sunt articulorum quorundam circumstantiæ, ut Christum natum fuisse ex virgine, crucifixum esse sub Pontio Pilato, resurrexisse tertia die, Hinc majores, Docti, Pastores, & Prælati, secundarios & tertianos multos articulos credere tenentur explicitè ratione muneris, loci, mediæ quæ divina providentia iis obtulit, quos minores, indocti, Laici non tenentur credere: Et è contrariis, Hinc Laici etiam (ut rectè Occamus) aliquando possit teneri credere, quod non tenetur Episcopus aut magnus Theologus, si nimirum animadverterit tertianum vel secundarium articulum necessario deduci è primario articulo quem non tenetur Episcopus animadvertere. Stat enim illud Christi in negotio fidei, Cui multum datum est, multum reperiatur ab eo, & illud Gregorii Crescentibus donis crescent rationes donorum.

Atque ut quædam necessario credenda, ita & facienda quædam necessario, etiam necessitate non solum præcepti sed & mediæ:

I. *Seria pœnitentia agenda quæ complexitur & dolorem de peccatis tum ignotis tum notis de illis generaliter, de hisce specialiter, & propositum de cætero non peccandi.*

II. *Propria merita ab renuncianda, & fiducia omnis in solis meritis Christi collocanda est ad remissionem peccatorum & vitam æternam consequendam; hoc est ut ego interpretor, fide justificante in Christum credendum.*

III. *Accedat necesse est studium & comatus vivendi sobriè, piè, justè, juxta propositum supradictum & mensuram cognitionis quàm Deus revelaverit. Reliqua facienda non sunt necessaria factu, nisi necessitate præcepti tantum. Hac igitur distinctione & explicatione præmissa hinc non difficile erit judicare quænam necessaria sunt ut quis fiat verum & vivum membrum Ecclesiæ Catholicæ; Nam si quilibet juxta gradum, quem in Ecclesiâ Dei obtinet, credendis assentiatur, minores & simplices primariis articulis explicitè licet confusè, reliquis implicite: Majori scientiâ præditi etiam secundariis & tertianis explicitè pro mensura Revelationis.*

Si porro quod ad facienda attinet, seriam pœnitentiam agant modo supradicto, meritis propriis abrenuntient, & toti quanti quanti sunt in solis meritis Christi in salutis negotio confidunt: accedat denique studium vitæ emendandæ, & institutandæ ad legis divinæ revelatæ normam. Qui ita credit & ita facit proculdubio in gremium Ecclesiæ Catholicæ recipitur & in album verè Christianorum, adlegitur non obstante additione & admitione dogmatû pravorum quæ directè oppugnant secundarios & tertianos atque ita consequenter primarios articulos, modo hoc fiat ex ignorantia invincibili. Nam licet errores hi perniciosi sint & ex necessitate præcepti studiosè cavendi essent ut qui salutis aditum meritò præcluderent, si cum hisce primariis capitibus pugnare dignoscantur atque adeo veri nominis peccata sint censendi tamen quia peccatum hic est ex ignorantia invincibili (ut jam supponimus) ideo piè credendum est accenseri debere peccatis ignotis atque adeo interveniente fide & pœnitentiâ divinâ clementiâ condonata esse: Atque ita tandem videmus quomodo in medio papatu, in crasse ignorantia & multiplicis erroris densissimis tenebris, via & aditus majoribus nostris ad salutem patuit.

Hiscæ

Hiscæ accedunt & istæ considerationes quarum pleræque majoribus nostris excusandis meritò inservire possint.

I. Praxin non sine errore receptam esse aliquando, ubi doctrina in qua fundatur, non hæreticè defenditur.

II. Multos olim communicasse cum Ecclesiæ Romanæ erroribus, qui non communicarunt cum ejus hæresibus.

III. Vulgus hominum ante Lutherum penitus ignorasse dogmaticas Romanensium positiones, id quod hodiè etiam de vulgo Papistarum, per Hispaniam, Galliam & Italiam verè dicere posse videamur.

IV. Aliter sentiendum de simpliciter errantibus, aliter de hæreticè defendentibus hæreses.

V. Aliter de Authoribus hæreseon, aliter de iis qui vi & metu ad earundem professionem coguntur.

VI. Aliter de Doctoribus, aliter de seductis, ut rectè Augustinus in Epist. 162. Aliter de Magistris, aliter de Consecratoribus, ut monet Vincentius Lirin.

VII. Inter dogmata Romanensium in materia de fide & cultu quædam tunc non erant nisi opinionationes incertæ aut non nisi probabiles aut saltem non nisi piè credendæ, quas tamen fide Catholicâ credendas esse jam urgent.

VIII. Ecclesiam Romanam in quamplurimis non errare in re, sed in modo.

IX. Multos in Papatu sub generali quadam verborum formula dogmatibus Romanensium visos fuisse consensisse, & in eorum communione vixisse, qui tamen sub generali illâ formulâ cum verâ Ecclesiâ antiquâ & Catholicâ prorsus conspirarunt.

Sed dices Ecclesiam Romanam ante Lutherum merita humana non abdicasse, sed asseruisse, apud Scholasticos enim nihil frequentius quam homines de congruo justificationem & vitam æternam post justificationem de condigno mereri. R. Sed non obstante illa doctrina Scholasticorum, fidenter assero per totum illud spatium quadringentorum annorum ante Lutherum edoctos fuisse Christianos tum hîc in Angliâ, tum alibi meritis suis abrenunciare, & totam fiduciam suam in Christi meritis reponere; Id quod ex multis agendis & monumentis veterum publica autoritate comprobatis ostendere facile esset præsertim ex interrogatoriis, quæ agonizantibus proponi solebant & ubi de recommendatione animæ facienda agunt. Atque hæc, licet prolixius forsitan, quam par esset, dicta sunt *ἀπολογιστικῶς* in gratiam fundatorum & benefactorum nostrorum, quorum memoria sit in sempiterna benedictione.

Gra

Gratia conversionis determinat voluntatem.

Er gratiam conversionis, intellige non gratiam ad conversionem sufficientem, quoad eventum autem inefficacem: Sed gratiam actualiter efficientem conversionem, quia convertitur voluntas de facto.

P I. Gratia conversionis hoc modo intellecta, ut dicitur in Theſi, determinat voluntatem (i.) voluntatem non planè ſuſpenſam, non indiſſerentem, non in determinatam relinquit; ſed tam potens & tam efficax eſt ut ſua reali & intrinſeca virtute, quam à Deo habet voluntatem præmoveat & infallibiliter, licet liberè, trahat ad conſenſum.

II. Cum dicimus gratiam conversionis determinare voluntatem, non ita intelligendum, acſi voluntas ipſa non ſe determinaret, idque liberè: nam certiffimum eſt voluntatem etiam ſeſe, idque Phyſicè & efficienter & liberè determinare; ſed prius natura Gratia voluntatem determinat, quàm ipſa ſeipſam. Quod ſi dicatur; quod determinatur ab alio, non ſe determinat. Reſpondetur cum Thom. 1. part. q. 83. art. 1. ad 3. quamvis voluntas ſeipſam moveat; nihilominus priuſquam ſe moveat, movetur à Deo, quia voluntas creata eſt movens mota, & non eſt ſimpliciter primum ſe movens, ſicut Philippus pater Alexandri verè erat cauſa illius, ſed non prima cauſa: habet enim aliam cauſam priorem. Similiter nos dicimus in præſenti, quod voluntas hominis convertentis determinat ſe, liberè producendo actum ſecundum, ſed quia non eſt ſimpliciter primum liberum, nec primum ſe determinans antecedenter determinatur à gratia divina efficaci ultimo complemento actus primi; & hoc eſt, quod dicit Aug. 1. de grat. & lib. arbitrio c. 16. Ille facit ut faciamus præbendo vires efficaciffimas voluntati, & de correp. & gratia c. 2. Intelligant ſi filii Dei ſunt, Spiritu Dei ſe agi, ut quod agendum eſt agant; & cum egerint illi à quo aguntur, gratias agant; aguntur enim ſit agant, non ut ipſi nihil agant: Hæc Auguſt, ſic nos in præſenti determinatur voluntas à gratia divina, ut determinet ſeipſam, non ut ipſa nihil determinet.

Sed ut pergamus in inſtituto primo, in conſeſſo eſt apud Theologos voluntatem eſſe facultatem ſuam naturam activam non paſſivam: activitatem tamen hanc quibuſdam cancellis circumſcribi. Poteſt enim ea tantum naturaliter velle, qua ſunt ordinis naturalis. Quod ſi objectum ordinis ſupernaturalis ei ab intellectu monſtretur ad illud naturalibus viribus non fertur voluntas, ſed quia gratiæ ſublevantis capax eſt: Huius viribus ſupra ſe Phyſicè evecta, potens facta eſt circa hoc objectum ſupernaturale, actum elicere ordinis ſupernaturalis.

II. In conſeſſo eſt apud ſaniores Theologos, actum conversionis qui proximè conſiſtit in actibus verè cōtritionis & fidei juſtificantis actū eſſe ſupernaturalis ordinis, nec quoad modum tantū, ſed quoad totam ſuam Entitatem, atq; adeo ad hunc actum elicendum, non poſſe voluntatem humanam ſuis naturalibus viribus perſtingere, ſed indigere gra-

gratiâ Physicè elevante, ad hunc actum producendum.

III. Certum est voluntatem hoc modo elevatam & viribus gratiæ supernaturaliter corroboratam, actum conversionis non elicere nisi præviis suasionibus internis à Deo immixtis, invitetur & alliciat, pro modo & natura voluntatis. Quemadmodum enim Deus intellectui varias inspirationes & illuminationes indit, quibus mens incipit cognoscere & advertere turpitudinem peccati, magnitudinem poenarum, pulchritudinem virtutis, indignitatem propriam, divini amoris immensitatem, coelestia præmia, & similia: pari modo voluntatem piis affectionibus imbuunt. Hinc incipit terri terri supplicis, allici promissis, averfari turpitudinem peccati, inclinari & impelli ad amorem virtutis, ad spem veniæ & bonorum coelestium, ad divinæ bonitatis dilectionem, & id genus alia, qui non nascuntur præcisè ex propositione vel externa vel interna objecti convenientis, sed proposito objecto, divinitus excitantur in voluntate. [Lessius pag. 6.]

Hiscæ ita præmissis. Queritur an præter gratiam illam Physicè elevantem, & moraliter allicientem voluntatem, sed non determinantem, requiratur gratia determinans voluntatem ad actum conversionis sive, moraliter, sive Physicè.

Ruardus Tapperus, Jesuita Molina, Stapletonus & alii complures, & inter nostros Jacobus Arminius & ejus sequaces Remonstrantes Belgici, volunt gratiam divinam elevare, afficere, & allicere ac movere voluntatem, ita tamen ut non determinet voluntatem, sed satis esse autumant, ut vires administret voluntati quibus possit cum his gratiæ auxiliis cooperari ad conversionem si velit, non ut actu cooperetur. Ex horum sententia, Gratia divina non determinat voluntatem, nec Moraliter, nec Physicè, nec ullo alio modo, sed indifferentem & indeterminatam relinquit.

At nostri Theologi & plurimi ex Pontificiis tam Jesuitæ, quàm Dominicani diversam sequuntur sententiam & meritò; certum enim est voluntatem humanam tam efficaciter gratia divina moveri, & præveniri, ut infallibiliter determinetur ad actum conversionis. An autem hæc determinatio voluntatis per gratiam fiat, per solas morales sed efficaces suasiones, an etiam per Physicam & immediatam voluntatis inclinationem (quam probabiliorē cenfeo) non est quod jam discutiamus.

Sic hæc prima. Si gratia conversionis non determinat voluntatem convertentis tum non majus auxilium confert gratia divina Petro convertenti, quam non convertenti Judæ, ac proinde Petrus se discernit à Judæ per aliquod proprium, quod non accepit, ab auxilio gratiæ. Consequens est contra Apostolum, 1 Cor. 4. Quis enim te discernit? Sequela probatur, Nam Petrus & Judas non discernuntur realiter per gratiam quam acceperunt antecedenter ad liberam cooperationem voluntatis, quia ut supponitur æqualibus auxiliis præveniuntur. In iis autem quæ communiter & ex æquo recipiunt non discernuntur, & docet August. lib. de prædest. Sanct. c. 5. Nunquid per ea dona quæ omnibus sunt communia hominibus, discernuntur homines ab hominibus? quasi diceret, minimè quidem; ergo discernuntur, quia Petrus voluit uti tali auxilio ex innata sibi libertate, alter verò noluit: ergo discretio & differentia ultimè reducitur in liberam eorum cooperationem pro innata sua libertate. Sed juxta prædictam opinionem relinquitur justissima gloriandi materia Petro convertenti, qui posset in veritate ita gloriari coram Deo (verbis utor eruditissimi Domini Bannez. in 2. secundæ quæst. 10. artic. 1. docum. 3.) Domine gratias ago tibi quæ supernaturalē auxilium mihi misericorditer contuleris; at verò simile æqualeque auxilium proximo meo [Judæ non convertenti] contulisti, sed ego superaddidi, quod tu mihi supernaturaliter non dedisti. Cumque non amplius receperim quàm ille, tamen ego amplius effeci, quàm ille, cum jam justificatus evadam, & ille in peccato permaneat. Itaque non amplius tibi tuæque gratiæ debeo, quàm ille proximus meus Judas qui non est conversus? Hoc autem (inquit Bannez) Christianæ aures audire exhorrescunt. Eset enim summa superbia ita sentire, & maxima blasphemia ita loqui. Hæc doctiss. Bannez. simile exemplum filii militis, vid. apud Bradwar. lib. 2. c. 23. de causa Dei, p. 562. 563.

2. Hæc opinio evertit omnino fundamentum Prædestinationis divinæ, quam Sanctus Augustinus ex Scripturis solidissimè comprobavit: inde enim pendet certitudo, immutabilitas & infallibilitas divinæ prædestinationis, quod electis Deus gratiam certò

certo determinantem voluntatem præparavit. Quos enim prædestinavit, hos vocavit, vocatione *scil.* ut docet Augustinus secundum propositum: talis autem vocatio, certo & infallibiliter determinat voluntatem, nam quicumque sic vocantur, certo & infallibiliter justificantur, & qui justificantur, glorificantur, ut ibid. Apostolus.

Quod si vocatio divina non determinat voluntatem in conversione, tum ejus efficacia non penderet à proposito Dei, sed ab humana voluntate, atque adeò nullus locus prædestinationi relinqueretur, sed tantum præscientiæ: quod certe & cum sacris literis, & cum Augustino, imò cum Ecclesiæ doctrina, apertissimè pugnat, quæ Dei prædestinationem semper prædicavit, simile exemplum affertur à Bradwardino nostro, gratiæ Dei strenuissimo assertore, lib. 2. de causa Dei. Si filius (inquit) miles, acceptis à patre naturalibus, ordine atque armis, strenuè militaret, sicque fortitè in superbia erigeretur inflatus, quomodo in ipso eradicaretur superbia, & plantaretur humilitas, si ei ab aliquo diceretur, Non gloriatur omnis miles in conspectu patris sui. Ex ipso enim est in militia, ut qui gloriatur, in patre suo gloriatur; & Quid habes, quod non accepisti? Si autem accepisti, quid gloriaris, quasi non acceperis? & reliqua superius memorata: Posset enim rationabiliter respondere dicendo, quare non deberem de mea militia gloriari? Accepi quidem à Patre meo naturalia mea, quia nullus generat semetipsum; accepi & ordinem, quia nulli conceditur insignire tali ordine semetipsum; accepi & arma, quia similiter & cæteri militum, non nascebar armatus, nec sum faber armorum, debitum tamen usum istorum, qui omnibus prævalet, non accepi ab alio, sed habeo ex meipso: actus strenuos militares non accepi ab alio, sed habeo ex meipso; crebras victorias fama celebri divulgatas non accepi ab alio, sed habeo ex meipso; pro hujusmodi igitur in meipso merito gloriabor, in alio autem nihil; sic & de quolibet milite Jesu Christi.

III. Ratio sumi potest ex eo, quod Deus promisit se nos convertere velle, Ezech. 36. faciam ut in præceptis meis ambuletis, & judicia mea custodiat ex quo loco sic argumentamur. Promissio divina per divinam operationem impletur; ergo si Deus promiserit, se velle convertere nos, ipsemet hæc omnia efficaciter facturus est, adhibendo media efficacia talis effectus; cum ergo homo vult poenitentiam agere, & credere in Christum, ita liberè vult, quod stante divino concursu non possit verificari, quod homo non vult, aliàs potestas Dei adimplendi promissum imperfecta esset; siquidem in hominis potestate esset divinam promissionem frustrare. At cum non sit in potestate nostra hanc divinam actionem impedire, ergo gratia quam adhibet ad nostram conversionem, erit gratia talis, quæ sit voluntatis determinatrix. Hoc argumento utitur August. lib. de Prædestinatione Sanct. c. 10. 11. ubi affert illud ex Genes. 17. ubi promisit Deus Abraham in semine ejus fidem gentium, dicens Patrem multarum gentium posui te. Unde dicit Apostolus: Ideo ex fide ut secundum gratiam firma sit promissio omni semini, hoc est, non de nostræ voluntatis potestate, sed de sua prædestinatione promisit. Promisit enim quod ipse facturus fuerat, non quod homines; quia etsi faciunt homines bona quæ pertinent ad colendum Deum, ipse facit, ut illi faciant, quæ præcepit, non illi faciunt ut ipse faciat quod promisit; alioquin, ut Dei promissa compleantur, non in Dei, sed in hominum est potestate. Et q. à Domino promissum est, ab ipsis redditur Abraham. Hæc Aug. Et infra c. 11. inquit, Ideo enim hæc & nobis præcipiuntur, & dona Dei esse monstrantur, ut intelligatur, q. & nos facimus, & Deus facit ut illa faciamus. Sicut per Ez. dic. Ego faciam ut faciatis. Hoc ille.

IV. Si gratia conversionis non determinet voluntatem tum gratia Dei dat tantum posse convertere, & sola voluntas dat ipsum velle convertere; ergo in opere conversionis potiores partes erunt voluntatis quàm gratiæ, nam majoris virtutis est illud principium quod tribuit actualiter operari, quàm illud quod tribuit solum posse, est enim actus secundus nobilior quàm actus primus vel habitus, ut docent Scholastici, & ratio est, quia actus secundus magis participat de actualitate, & consequenter agens per illum magis assimilatur Deo quàm per habitum, qui potentialitatem quandam & imperfectionem includit. Porro habitus ordinatur ad actum, tanquam ad finem, propter quem est necessarius ipse habitus. Unde beatitudo secundum receptam sententiam Theologorum consistit essentialiter in actu, & non in habitu, ut rectè Thomas ergo operatio cum sit ultimus finis, est simpliciter perfectior & nobilior quàm habitus.

bitus. Cum ergo actus secundus sit simpliciter perfectior & nobilior quam habitus, ergo & velle convertere erit nobilius, quam posse convertere; ergo Dei donum erit Hoc ipsum velle convertere. Cum in opere conversionis primæ partes juxta Scripturas Deo debeantur. Ille enim est qui operatur in nobis velle & perficere, ad Philip. 2. Nemo potest venire ad me, nisi Pater traxerit eum. Vobis donatum est hoc ipsum credere τὸ πιστεύειν, 2 Tim. 2. Deus est qui dat poenitentiam. Hinc Augustinus, Certum est nos credere cum credimus, sed Deus facit ut credamus; Nos operamur, sed Deus operatur in nobis operari, de bono perseverant. c. 3. Ergo gratia conversionis determinat voluntatem.

V. Si gratia conversionis non determinaret voluntatem, tum positis gratiæ præventis auxiliis, quibus in nostra conversione uti solet Deus, voluntas hominis, relinquitur in æquilibrio, velit-ne credere; vel non credere; convertere se ad Deum, vel non convertere; at falsum posterius; ergo & prius, minor probatur. Si enim post omnes divinæ gratiæ operationes, hominis voluntas in æquilibrio relinqueretur, necessario sequeretur, non Deum per gratiam sed hominem per liberum arbitrium esse principalem causam auctoremque ipsius conditionis ac conversionis. Qui enim, omnibus gratiæ suæ viribus exertis, nil aliud valuit quam voluntatem ad medium quandam æquilibrii statum attollere, is ad novam ab æquilibrio mutationem, hoc est, ad actum credendi concurrat non principaliter aut prædominanter, sed solummodo concomitanter & contingenter, nempe, sub hac conditione, si voluntas ex æquilibrio se prius sua vi naturali dimoverit. Quod ergo minus est, voluntas accipit à Deo, nimirum ut poneretur in indifferenti quadam medietate, ut crederet, vel non crederet; quod autem majus est, ipsumque eventum specificat, sibi ex se præstitit voluntas ipsa, nempe ut actu crederet. Item sequeretur, non majorem à Deo gratiam exhibitam electis, quam non electis, nec illos quam hos, Deo majori gratitudinis debito obstringi, quandoquidem in utrisque divina manus nil aliud operata sit, quam voluntatis æquilibrio, quod in puncto consistit, nec latitudinis est capax.

Mitto testimonia Concilii Arausici II. & Milevitani & Epistolam Synodice Synodi Africani. q. plane nostram sententiam astruunt, Augustini etiam, Prosperi & Fulgentii, qui in certaminibus cum reliquiis Pelagianorum & Semipelagianis communem nobiscum causam tuentur, eadem enim fere agitata est tum controversia, cum illa q. jam agitur inter Remonstrantes & Orthodoxos. Atque ita concludimus juxta explanationes supra positas, utramque Thesin esse veram & verbo Dei consentaneam.

Si gratia conversionis non determinaret voluntatem, tum ipsa bona voluntas non est à Deo, quod si bona voluntas dicatur non esse à Deo quomodo potest bonæ voluntatis causalitas & laus in solidum jure Deo tribui, quomodo pro bonâ voluntate, Gratiæ Deo veraciter possint agi. Hoc argumento docet Augustinus contra Massilienses, Initium fidei esse donum Dei, de prædest. Homil. cxix. ubi agens de initio fidei S. Apostolus Gratiâs ageret pro eo, quod illum vel putaret, vel nosset non præstitisse, adulatio vel irrisio verius quam gratiarum actio diceretur. Non erremus (inquit Augustinus) Deus non irridetur, donum enim ejus est etiam incipiens fides, ne Apostoli falsa vel falsarum gratiarum actio merito judicetur--& mox, Vanum est atque inane, si cui gratias ageremus de hoc, quod ipse non fecit. Hoc idem c. xx. ex orationibus Ecclesiæ concludit, Fidem esse donum Dei, eo quod à Deo petatur fides, ergo Deus ad actum credendi determinat voluntatem.

administratio gratiæ, quæ sufficit ad convincendos omnes impenitentes & incredulos, quod suâ culpâ voluntariâ, & vel neglectu, vel contemptu Evangelii perierint, & oblatum beneficium amiserint. De hisce nemini dubium esse potest, quin ex ipso testimonio ipsorum conscientiæ coarguantur aut contemptus lucis oblatae, aut saltem culpabilis neglectus. De hisce Servator, Joh. 15. 22. Si non venissem & locutus essem eis, peccatum non haberent; nunc autem prætextum aut excusationem (*αἰτιολογίαν*) de peccato suo (incredulitatis) non habent, & Jo. 3. 19. Hæc est autem condemnatio, quod lux venit in mundum, sed dilexerunt homines potius tenebras quam lucem, quia sunt eorum mala opera, & ad Ebræos 2. 3. Apostolus satis docet, multo gravius esse peccatum eorum qui sub Evangelio peccant, quam qui sub lege Moysis.

Si Angelorum sermonem (i.) legem latam per Angelos, non licuit impune transgredi; multominus fas erit Evangelium à Domino Angelorum annunciatum, Apostolorum voce confirmatum, inprimis autem tantâ S. sancti efficaciam comprobatum negligere, multo magis spernere & contemnere.

II. Ad adultos autem reprobos quod attinet, qui extra Ecclesiæ septum degunt, certum est eos etiam suâ solâ insitâ malitiâ perire, peccando contra legem in cordibus inscriptam. Illi enim cum extra Ecclesiæ pomeria vitam transigant, illisque Evangelium nullo modo innotescat, inde est quod iustè insitâ suâ malitiâ pereant, quod non institutam vitam conformiter ad legem naturalem, quam habent in cordibus inscriptam. Sic Apostolus, quicumque sine lege [scripta sc.] peccaverint, sine lege [illa] peribunt, Rom. 2. 12. Ex lege enim scripta in cordibus ipsorum, testimonium reddit eorum conscientia, unde ipsis suis cogitationibus accusantur propter mala facta, vel excusantur propter bona.

Apostolus de Philosophis Gentium agens ad Ro. 1. ait eos veritatem Dei in iniustitia detinuisse; quatenus veram quam de Deo affecti sunt notitiam, per iniustitiam (i.) pravitatem voluntatis insitam suppresserant, & velut captivam apud se detinebant vel non communicando cum aliis, vel per opera pietatis non ostendendo, & adversus omnes eos ibidem pronunciat Apostolus, palam esse iram Dei adversus horum hominum impietatem & iniustitiam, & v. 20. ostendit Apostolus ex mundi creatore & creaturis, Dei sempiternitatem, potentiam & divinitatem illis perspectam iri, atque hinc ipsos inexcusabiles fieri; quia cum Deum cognovissent, non tamen eum ut Deum glorificaverunt, nec condignas Deo gratias egerunt. Cum autem non sit salus in alio quopiam expectanda quam in Christo crucifixo & à mortuis excitato, dicente Petro, Act. 4. 10. 12. Hi omnes cum fide viva in Christum Redemptorem destituti sint, nihil facere possunt quod Deo placere potest, cum impossibile sit, teste Apostolo, sine fide placere Deo, unde Prosp. Sent. 106; Omnis infidelium vita peccatum est, & quidem certum est neminem fide destitutum vel posse scire verum morale, vel posse facere bonum morale. Proinde tum omnes infideles fide verâ & vivâ destituantur, certum est eos æternaliter perire, juxta illud Servatoris, Qui non credit filio, non videbit vitam, sed ira Dei manet super eum, Jo. 3. 36. & certè ira iusta, idque ob insitam suam malitiam, & in ea perseverantiam. Atque adeo adultus nullus est ex reprobis qui non suo vitio & insitâ malitiâ pereat.

Nec quicquam hic obtendere possunt de non-electione, quâ Deus decrevit istis negare illam efficacem gratiam, quæ certò perduceret ad æternam salutem antecedenter ad prævisam illorum in hac sua insita malitiâ perseverantiam; ac si Deus hoc decreto author & causa statueretur hujus suæ in hac insita malitiâ obstinatæ permanentionis.

Siquidem respondemus I. hoc decretum non-eligendi, & negandi nonnullis efficacem gratiam quæ certò ad salutem perduceret, esse duntaxat antecedens hujus prævisæ in insita sua malitiâ permanentionis, at nullo modo causam.

Non est autem omne antecedens causa consequentis; nec omne consequens effectus ejus quod antecedit. Si Sol agens esset voluntarium, ex non-emissione radiorum in hanc vel illam aëris partem, consequeretur aëris in illa parte obtenebratio, nemo tamen dixerit, solem esse causam hujus obtenebrationis, aut obtenebrationem illam esse effectum Solis.

II. Certum est decretum non electionis neminem necessitare ad ea peccata commit-

mittenda, propter quæ damnatur. Hoc ex eo perspicue constat, quod parvuli qui damnantur ob Solum originale, non vi ulla ex decreto non-electionis proveniente, in hunc statum damnabilem conjiciuntur; sed ipsa non-electio eos una cum tota massa generis humani in hunc damnabilem statum prolapsos invenit.

Quod autem attinet ad actualia peccata ob quæ damnantur reprobi adulti, ipsa deliberatio, ipse mentis discursus & consilium, quo liberè utuntur inter peccandum, ipsum desiderium item & delectatio quam in peccando capiunt, supernaturale item lumen & motus divinitus inditi iis, quibus à peccato patrandò retrahuntur, qui in Ecclesiæ gremio degunt, satis evidenter demonstrant, negationem efficacis gratiæ, ex decreto non-electionis, nullo modo eos ad peccatum necessitare sed eos ex solo per-
verso suæ libertatis usu peccatum perpetrare.

Sed de parvulis multo magis dubitatum est, & quidem an detur in parvulis

1. Ulla infusa malitia quæ perditionem mereatur.
2. Reprobatio aliquorum qui ex sua infusa malitia pereunt.

Et quidem de I. Pelagiani olim negabant obnoxium nasci hominem peccato primi hominis & vinculo damnationis obstrictum, Augustin. de bon. perseverantiæ, cap. 2. Sic hodiè Anabaptistæ. Sociniani jam statuunt, omnes qui nascuntur illius peccati reos nasci, & Remonstrantes in examine censuræ, p. 84. negant peccatum Adami sic imputari posteris à Deo, quasi ii revera ejusdem cum Adamo peccati & culpæ, quod Adamus commiserat, essent rei: aut per privationem justitiæ relictum esse in unoquoque Adami filio, ante proprium suum actum, aliquod veri nominis peccatum. Addunt se peccatum originale non habere pro peccato propriè dicto quod Adami posteros odio dignos faciat. Et in resp. ad Specimen 7. Peccatum & originale repugnantia esse, & manifestam continere in adjecto contradictionem.

Adversus hosce errores omnes opponimus Confess. Ecclesiæ nostræ Art. 9. qui statuit peccatum originis esse vitium & depravationem naturæ cujuslibet hominis ex Adamo naturaliter propagati—quæ in unoquoque nascentium iram Dei atque damnationem meretur, & quæ in ipsis renatis peccati in sese rationem habet. Id quod ex formula baptismi in rituali nostro & Homiliis de miseria & salute generis humani & de Nativitate Servatoris, & Homilia secunda de Morte & Passione Servatoris luculentissimè confirmatur. Et certè reclamant Scripturæ, citante Homil. de miseriâ humani generis, ad Eph. 2. Nos naturâ eramus Filii iræ. David de se Psal. 51. Ecce in iniquitatibus conceptus sum] En, inquit Homilia, non ait in iniquitate, sed in iniquitatibus conceptus sum, numero plurali, eo quod ex uno peccato, & fonte dimanant cetera omnia. Ibid. adducitur illud Job 14. 4. Quis facere potest mundum de immundo conceptum semine? Nonne tu qui solus es?

Ex hisce patet, I. Nos naturâ esse filios iræ; quomodo naturâ filii iræ, si non ab ortu.

II. hominem esse conceptum in iniquitatibus, & ex immundo semine, in iniquitate reum proculdubio faciente, alioqui quorsum hanc consentirent Deo David in precibus? Porro ut qualis sit hac nativâ corruptio perspiciatur, nota Scripturam eam appellare carnem, iniquitatem, immunditiem, mortem animæ, Legem carnis, Legem peccati, Legem membrorum, imò peccatum peccans, quâ occasione mandati operatur in nobis omnium concupiscentiam & inaptam pravicationem impellit, insuper & occidit. Cypriano hoc peccatum est venenum antiqui Serpentis, & contagium mortis antiquæ. Ambrosio vulnus inscriptum dente serpentis. Augustino vulnus inscriptum à diabolo: Ambrosio, Homo ratione hujus concupiscentiæ est libidinum volutabrum & diversorium vitiorum. Certè habitualis concupiscentia quæ inest parvulo, per se nihil aliud parit, quàm motus illicitos & inordinatos, cum lege Dei spiritali pugnautes, imò hosce, nobis nolentibus producit in adultis: utque venenum idem est in vipere progenie atque in ipsa matre; eadem rabies in leunculo atque Leone: ita eadem planè vitiositas & perversitas in parvulo atque adulto; in quo sese quamprimum per ætatem licet, prodit, pravis suis desideriis, odio item rerum spiritalium

tualium & celestium, affræni & præcipiti inclinatione ad omnimoda mala. Quis a. non exosum Deo audeat dicere odium habituale rerum celestium & spiritualium; tale a. inest in voluntate non-renati. Quis non exosum Deo audeat dicere, quod ipsis renatis oppugnandum & odio habendum est, tanquam vitium abducens atque avertens ab eo quod summè amandum est. Certè lex Dei, cum sit spiritualis & norma justitiæ exactissima, exigit conformitatem absolutam, non actuum duntaxat voluntatis, sed & dispositionum, sed & inclinationum. Ratio est, quia voluntas est domina humanorum actuum, & ejus inclinatio est inclinatio totius suppositi, unde inclinatio & dispositio ipsius voluntatis, & habitus illi inhærentes sunt causæ proximæ actionum, quæ ipsam potentiam voluntatis ornant, condecorant, perficiunt, si bonæ sint; sin malæ, commaculant, & denigrant. Cum ergo certum sit vitiosos habitus & dispositiones voluntatis, quales sunt philautia, avaritia, invidia, superbia, in non agentibus, imò in dormientibus vituperabiles esse, & Deo exosos, licet in actus pravorum non erumpunt, cum excludunt e regno cælorum, Apostolo dicente, neque avaros, neque ebrios, neque rapaces (quæ habitus non actus denotant) regnum Dei non possessuros; Certum itidem est horum omnium fontem & scaturiginem, vitiosam, effrænam & præcipientem illam inclinationem ad omnimoda mala, & ad odium rerum spiritualium & celestium, quæ prava concupiscentia dici solet, vere itidem culpabilem esse, & Deo exosum. Ac proinde certum est hosce omnes pravorum habitus, dispositiones, & inclinationes *ex voluntate* esse proprii nominis, & legi spirituali Dei minime conformes; ac proinde defectus esse culpabiles, vituperabiles, Deo bonisque omnibus exosos. Cum ergo in parvulis sit, ab ipsis natalibus, hæc prava concupiscentia, in parvulis itidem erit veri nominis peccatum.

II. Certum est Christum Dominum esse Redemptorem omnium, & passum & mortuum fuisse pro parvulis æquè ac adultis, ac Christus non mortuus est nisi pro impiis & peccatoribus, Rom. 5. 6. 8. & pro peccatis propriè dictis mortuus est, justus pro injustis, 1 Pet. 3. 18. ergo & parvuli originaliter verè impii, injusti peccatores, aliqui quorsum pro iis *λύτρον* perfolutum. Rectè Zozimus Pontifex apud August. Ep. 157. ad Optatum, Nullus n. si qui peccati servus est liber efficitur, nec redemptus dici potest, nisi qui verè per peccatum fuerit ante captivus, sicut scriptum est, Si vos filius liberaverit, verè liberi eritis.] ubi de veri nominis peccato, servitute, libertate, captivitate, & redemptione agit Pontifex.

III. Nisi in peccato parvuli nati & concepti fuerint, quorsum in Vet. Test. institutum est Sacramentum circumcisionis parvulis, octavo à nativitate die, si non ad auferendum reatum nativæ corruptionis, aut quorsum in eo membro iusta fieri, nisi quoniam per illud membrum procreatur creatura mortalium, dicente August. Tract. 30. in Joh. aut quòd aliud denotat circumcisio præputii, aut denotare potest, quàm ablationem originalis, reatus cum quo quisque nascitur.

IV. Quorsum institutum mysterium Baptismi à Domino in Novo Testam. quod circumcisioni succederet, & quorsum more ab Apostolorum temporibus accepto; baptizantur parvuli, in universali ecclesia, nisi ad ablucendum originalem reatum cum quo quisque nascitur, aut quid aliud denotat ritus ablutionis, quàm ante ablutionem nos nasci cum originali immunditia & reatu; & post ablutionem eundem auferri, nec ampliùs imputari: aut quid aliud sonat, Ego te baptizo, ego te lavo, ego te abluo, hoc lavacro regenerationis, quàm ego te abluo a reatu originali, in quo conceptus & natus es. Unde illud in Symbolo fidei posuerunt Constantinopolitani PP. Credo unum baptismum in remissionem peccatorum.

Addo Augustinum passim urgere contra Pelagianos Ecclesiam semper habuisse, semper tenuisse parvulorum baptismum, id quod Pelagiani negare non potuerunt. Imò Celestius primarius Pelagii discipulus in libello quem Romæ edidit, fassus est infantes baptizari in remissionem peccatorum, secundum regulam universalis Ecclesiæ, & secundum Evangelii sententiam, teste August. lib. 2. de peccato originali, cap. 5. Sed & hoc ipsum apertissimè liquet, tum ex consensu Patrum qui ante exortum Pelagii vixerunt, Justini Martyris, Irenæi, Tertulliani, Origenis, Cypriani & reliquorum; tum etiam Conciliorum, quæ contra Pelagium & Pelagianos coacta sunt. Carth. 1. Diospolit. Carth. 2. Milevitan.

Adde & Canon. 110. Carth. 111. cui interfuerunt CCXVII Patres. Canon sic habet. Item placuit ut quicumque parvulos rēcentes, ab uteris matrum baptizandos, negat, aut dicit in remissionem quidem peccatorum eos baptizari, sed nihil ex Adam trahere originalis peccati, quod lavacro regenerationis expietur, unde sit confensus, ut in eis forma baptismatis in remissionem peccatorum non vera, sed falsa intelligatur, anathema sit: quoniam non aliter intelligendum est, quod ait Apostolus, Per unum hominum peccatum intravit in mundum, & per peccatum mors, & ita in omnes homines pertransiit, in quo omnes peccaverunt: nisi quemadmodum Ecclesia Catholica ubique diffusa semper intellexit. Propter hanc enim regulam fidei etiam parvuli qui nihil peccatorum in seipsis adhuc committere potuerunt, ideo in peccatorum remissionem veraciter baptizantur: ut in eis regeneratio mundetur, quod regeneratione traxerunt.]

Mitto Arausican. 11. cap. 2. Mitto Romanorum Vet. Pontif. responsa. Innocentii I. Zosimi, Caelestini, Leonis & aliorum, quæ omnia huic veritati asseculantur & fidem faciunt. Ex hisce efficitur veri nominis peccatum, & peccati malitiam inesse parvulis, quæ perditionem meretur.

Jam si secundo queratur, an detur in parvulis reprobatio aliquorum, qui in hac sua insita malitia pereunt.

I. Certum est ex præmissis insitam esse parvulis illam insitam peccati malitiam, quæ æternam perditionem meretur.

II. Certum est hanc malitiam non auferri parvulis nisi per applicationem mortis & meriti Christi; quomodo nec infectio venenata, nisi & applicatione antidoti, nec vulnus nisi ex applicatione emplastri.

III. Equè certum est, applicationem hanc non fieri universaliter parvulis immediate, imò non ordinari nisi mediis ordinatis adhibitis.

IV. Certum porro est, non existere alia media ordinaria ordinata à Deo, aut à Christo parvulis ad applicationem mortis & meriti Christi in N. T. quam baptismum aut re aut voto vel parentum, vel sustentium fidelium baptizandos, susceptum; idque ex usu universalis Ecclesiæ, quæ non solet ad baptismum admittere Turcarum, Judæorum, Ethnicorum parvulos, absque susceptoribus fidelibus.

V. Equè certum est illud Augustini, Non esse ulli ullum medium locum ne parvulis assignandum, ut possit esse nisi cum Diabolo, qui non est cum Christo.

Ex hisce constari potest ex innumeris illis parvulis, qui in illa minore ætate moriuntur aliquos mori, quorum non est expiata insita sua malitia sanguine Christi applicato ac proinde horum necesse est ab æterno præcessisse non-electionem, seu reprobationem negativam & divinam libertatem, cum certum sit non fuisse electos; & reprobationem item positivam ex prævisa eorum in sua insita malitia, nullo modo expiata, perseverantia finali; unde necesse est, ut reprobi isti, suâ solâ insitâ malitiâ pereant. *Itaque idem dicitur.* Atque ita concludimus.

Tempus jam monet (Doctiss. Resp.) ut receptui canamus. Satis experti sumus tuam in hoc Theologico pulvere certandi peritiam Macte tua virtute & eruditione cuius specimen non vulgare hodierno certamine edidisti. Te jam ex hac palestra tuâ merita cum laude dimittimus, liberamus.

Te autem Venerande Pater, æquum jam est tibimet ipsi indulgere post tot ac tantos præclare defunctos labores. Te quotannis in hoc amplissimo theatro eloquentiæ & ingenii dotibus eximiiis triumphantem merito conspiciere gestit alma Mater Academia, dum omnia Patris munia tam exquisite obeas & exequaris, dum disputando ingenii nervos contendis, dum filios instituis, dum iis honores publice decernis. Nos tibi hunc honorem merito debitissimum serio gratulamur, quem indies auctiorem cupimus, exoptamus.

Vobis etiam optimi Patris filii est quod gratulemur, quibus Doctoratus insignia contulit Venerandus Pater, decrevit indulgentissima mater Academia.

Spartam vestram ornatè, Depositum custoditè inviolatum cum

{ Doctrinæ.
{ Disciplinæ.

Almæ Matris honore nihil prius, nihil antiquius habetote.

Supereft

Supereſt jam, Auditores Spectatiſſimi, ut vobis qui undequaſque tanta frequentia huc confluxiſtis gratias & agamus, & habeamus maximas, quos tam benevolos & attentos experti ſumus, præſertim quod certantibus in pulvere hoc Theologico aures tam avidas, & benignas præbuiſtis. Quo nomine gratiarum victimas vobis immolat Honoranda Mâter.

Vos viciffim Almæ Matri anniverſaria ſua comitia celebranti omnia fauſta & ſœlicitia precamini.

Jam ſupereſt hujus noſtri laboris ſuprema pars. Ut de quæſtionibus modo ventilatis calculum noſtrum adjiciamus.



Concupiſcentia in renatis eſt peccatum.

Onvenit Nobis cum Romanenſibus in noſtra renaſcentia,

1. Concupiſcentiæ reatum actualem ex Dei in Chriſto miſericordia ſolvi.

2. Ejus dominium etiã ex gratiæ regenerationis inhabitatione tolli.

3. Reliquias hæſce concupiſcentiæ rem eſſe malam, inordinatam, vitioſam, Deo diſplicentem, crucifiſgendam, mortificandam, deſtruendam, odio habendam.

4. Eſſe in renatis incitatricem & ſolicitatricem ad peccatum propriè dictum.

5. Eſſe quandam iniquitatem & obliquitatem, non ſolùm contra dominatum mentis, ſed etiã contra Legem Dei, ideoque in eãdem prohiberi, atque ideo Deo diſplicere: Sic Stapletonus. Sed in eis diſſentimus, quod Romanenſes volunt hæſce reliquias nullam formalem repugnantiam habere cum ulla lege cujus prævaricatio ſi peccatum, atque adeo non eſſe hanc relictam concupiſcentiam, peccatum propriè nominis, ac proinde ſuã naturã non eſſe reatus inductivam, nec poenæ ullius ſuã naturã eſſe meritoriam, ac odio habendam non niſi ut morbum & languorem naturæ quomodo Medico febris aut infirmitas, & ut incitatricem ad peccatum propriè dictum; non tamen culpabilem.

Remonſtrantes Belgici in confeſſione ſua nuper edita videntur conſtituere totam rationem Originalis peccati in ſolo primo Adami peccato imputato. Arminius ipſe addit etiã conſiſtere in privatione Originalis juſtitiz, ac concupiſcentiæ prævaricatricis nullam rationem habent; ac ſi originalis peccati in non-renatis, multò minùs in renatis nulla pars eſſet. Arminio adhæret Author hiſtoriæ Pelagianæ, qui aliqui vir diligens & doctus, nimium in dogmaticis premit Jeſuitarum veſtigia. Et quidem ubi de Concupiſcentia agit, notabo unum aut alterum locum, cum poſſem plura.

P.223. Concupiscentiam Augustino ait, Ne quidem propriè peccatum dici in irrogenitis, id quod probare in sequentibus nititur ratione adhibita. Quomodo pro-
nitatem concupiscendi malum pro peccato propriè dicto habuisset, qui ne quidem
pro peccatis habet primos concupiscentiz motus, nisi accesserit consensus? Quod
quibusdam locis probare nititur, in quibus tamen . . . fallitur, nam loci citati
non aliud evincunt, quam non esse peccata novo reatu renatum implicancia, cum in
regeneratione una cum matre concupiscentia, remittantur. Ut si indigeant remis-
sione.

P.217. Vult concupiscentiam ex Augustini sententia, non repugnare legi Dei
formaliter, sed tantum efficienter, qua in re cum Bellarmino planè consentit,
concupiscentiam, vitia & vitiosos habitus non esse peccata, sed ad peccandum
tantum allicere & trahere; quæ à Jesuitis hausit, & falsissima sunt; nam li-
cet vis concupiscendi efficienter tantum pugnet cum Lege Dei, ut & potentiz
quibus subjectivè insunt vitiosi habitus, tamen ipsa pravitas & vitiositas tum con-
cupiscentiz tum vitiosorum habituum formaliter pugnant, tum cum lege morali,
tum cum gratia divina, ut postea docebitur.

Nostra Ecclesia Artic. 9. suæ Confessionis, & reliqui Theologi, Evangelici con-
formiter Sacre Scripturæ & Antiquitati imprimis Augustino unanimiter (exceptis iis
quorum supra memini) contendunt ipsam concupiscentiam, quatenus denotat de-
ordinationem virium animæ tam superiorum in mente & voluntate; quàm inferiorum
in appetitu sensitivo & affectibus, non tantum in non-renatis, sed & in ip-
sis renatis esse peccatum veri nominis; licet in istis ejus reatus actualis, tum do-
minium & regnum auferantur.

Hæc Nostra Assertio jam confirmanda est & munienda: 1. Ex Scripturis. Ex
Apostolo Paulo, qui cap.6.7. & 8. Romanos quaterdecies peccati nomine hanc concu-
piscenciam insignivit. Unum aut alterum proferam. Rom.6.12. Hortatur Aposto-
lus Romanos renatos in hunc modum ne regnet peccatum in mortali vestro corpore
ut obediatis peccato in cupiditatibus ejus; & ut Augustinus rectè animadvertit.
Tractat. 40. in Joan. Non ait, Non sit, sed non regnet peccatum in mortali vestro
corpore.

Bellarmin. respondet, Concupiscentiam hic appellari peccatum impropriè, quod sit
causa peccati si ei obediatur.

Solut. At agit de peccato propriè dicto quod patet,

1. Ex eo quod intelligit tale peccatum quod opponitur gratiz ut patet ex
verf.1.

2. Loquitur de illo peccato quod abluitur baptismo, quale non est ullum nisi pecca-
tum propriè dictum.

3. De peccato, quod Christus cruci affigebat, ver. 6.

4. Ver.18. & 20. idem peccatum opponitur iustitiz, liberati à peccato municipati
estis iustitia.

5. Idem peccatum appellat iniquitatem & impuritatem, ut liquet ex collat. ver. 13.
& 19.

2. Alter locus habetur ad Rom.7.7, peccatum, inquit Paulus, non cognovi nisi
per legem. Nam concupiscentiam nesciebam, nisi lex diceret, non concupisces. Hic
Paulus aperte testatur concupiscentiam esse peccatum propriè dictum.

Nam 1. dicit se cognovisse peccatum per legem. 2. Ait peccatum illud fuisse con-
cupiscentiam. 3. Legem per quam cognovit illud fuisse præceptum ultimum ne con-
cupiscas.

Object. Bellarm. Concupiscentia hic accipitur non pro fomite, sed pro
actu voluntario concupiscendi, qui prohibitus est lege, mandato scil. ulti-
mo. Nam non cognoscebant homines actus interiores, ut desiderium uxoris vel
rei alienæ esse peccata, nisi Lex dixisset. Ne concupiscito, quod patet ex
Matth. 5.

Sol. Sed falsum hoc. Nam 1. Ex contextu manifestò evincitur, Apostolum
agere de peccato inhabitante & pravitate naturæ, tum ex antecedentibus & hoc versu,
tum ex omnibus fere sequentibus, ver. 9, 11, 13, 17, 20, 23.

2. Paulus

2. Paulus planè refellit hanc interpretationem agit enim de ea cupiditate quæ molesta fuit menti fervienti legi Dei, & addit se per illam facere malum quod oderit, & de hoc genere cupiditatis exclamat. Quis me liberabit de corpore mortis hujus, & addit se invitum & reclamantem ad illam captivum trahi, & Legem Spiritualem esse, se verò carnalem & venundatum sub peccato.

3. Christus Matth. 5. docet concupiscentiæ actum voluntarium quatenus castitati cordis repugnat prohiberi mandato septimo, ubi ait, Qui viderit proximi uxorem sui ad concupiscendam eam, jam mœchatus est in corde suo. Eadem ratione dici potest, si appetas domum, agrum, bovem, servum proximi, jam furatus es in corde. Hinc & 1 Joan. 3. 15. Joannes docet internum proximi in corde odium esse homicidium, atque ita prohiberi mandato sexto, ergo alia concupiscentia quàm interna illa cum consensu prohibetur mandato ultimo, alioqui efficeretur 10. non esse præcepta sed 9. tantum. Nam ex hac hypothefi sequetur postremum, novum non esse mandatum, sed superiorum tantum quod ad internum adulterium, furtum, homicidium attinet, repetitionem.

4. Ex Lege Naturæ, omnes homines tam Ethnici, quàm Christiani nòrunt alienum nihil concupiscendum actu voluntario: & licet fieri potuit ut in nonnullis (in quibus erant Pharisei) hoc lumen extinctum erat, tamen hanc concupiscentiam communis ratio semper improbavit.

Sic XI. Tabulæ Romano citante Crasso, apud Cicer. sub finem lib. 1. de Orator. Autoritate nutuque Legum docemur ab alienis mentes, animas, manus abstinere. Et Philemon Comicus Poeta apud Justin. Martyr. de Monarch. ait, Hominem bonum quem Deus diligit, oportere alienum nihil aspicere vel appetere, non sceminam præstantem, non domum, non puerum, aut ancillam, aut equos, non boves aut jumentorum aliquid, ne filium acus. Si igitur ratio naturalis diceret alienum nihil concupiscendum, ne filium acus tum actum voluntarium internum prohibet. Atque hic obiter mirari satis nequeo Archiepiscopi Spalatensis Novellum assertum qui dicere non dubitat, motus internos voluntarios ad actum externum peccati, in lege naturæ ante præceptum Mosaicum non concupisces, non fuisse peccatum, aut saltem non imputatum fuisse.

Ac proinde Legem Naturalem non dicere hosce motus esse veri nominis peccatum: at contrarium constat ex instantiis allatis. Paulus ergo Rom. 7. 7. loquitur de ea concupiscentia quam nemo nisi Lege edoctus malam esse vel levi suspitione sequi potuisset: ergo ipsum fomitem damnat, & actus involuntarios inde profectos.

5. Licet verbis præcepti, actus concupiscentiæ tantum exprimitur, tamen actus solus non prohibetur.

Nam ut in 6. Homicidium, in 7. Adulterium, in 8. Furtum tantum exprimitur, & tamen interni morbi iræ, alienæ uxoris concupiscentiæ & avaritiæ prohibentur. Ex interpretatione Christi Matth. 5.

Ita etiam 10. Præcepto actus concupiscendi verbis tantum exprimitur, sed morbus seu vitium concupiscendi quod Deus adversatur & prohibet simul intelligitur.

2. Idem patet ex ambitu Legis divinæ, quæ cum sit spiritualis, & norma justitiæ exactissima, conformitatem absolutam non solum actuum, sed & habituum, sed & dispositionum, sed & inclinationum & affectuum exigit. Utpote quæ actionum ipsarum fontes & principia sunt, ipsasque animæ potentias ornant, condecorant & perficiunt si bonæ fuerint, sin prævæ compaculant & denigrant.

Cum ergo certum sit vitiosos habitus & dispositiones, quales sunt Avaritia, Invidia, Iracundia etiam in dormientibus per se vituperabiles & odio dignos & poena esse, licet in actus pravos non erumpant: Idem certe pronunciandum est de maculis & deformitatibus ipsorum affectuum & inclinationum tum superiorum tum inferiorum animæ potentiarum. Id quod vel inde constabit, quod omnes actiones prævæ nihil aliud sunt quàm Concupiscentiæ actuales, & actus proprii concupiscentiæ hujus habitualis.

Quare cum, ipsis Renatis in omnibus animæ potentiis fixa maneat hæc habitualis concupiscentia ex parte, & reliquæ harum macularum & deformitatum, rectissime pro-

pronunciamus, hæc concupiscentiæ reliquias in se culpabiles esse, si ad legis divinæ perfectissimam normam exigantur, licet renatis ex misericordia Dei minimè impotentur.

III. Idem evincitur ex eo, quod vitiosi concupiscentiæ impetus & eorum fomes in ipsis renatis formaliter pugnent cum Lege Dei, 1. Cum Lege morali, cum Mandato primo & maximo, 2. Cum Mandato ultimo. 1. Cum Mandato primo. Tenetur homo diligere Deum ex toto corde, ex tota anima, ex tota cogitatione, ex totis viribus, & qui sic non diligit, hoc ipso peccat. At concupiscentiæ pravæ reliquæ adhuc in istis animæ potentiis superstites formaliter impediunt, quo minùs hanc legem Dilectionis perfectè impleamus, ergò in veri nominis peccatis sunt connumerandæ. Dices Legem hanc doctrinalem tantum esse non obligatoriam, & indicativam finis quo tendendum, non imperativam mediorum sub pœna reatus, ac proinde perfectæ charitatis defectum non esse culpabilem. Resp. Ineptissimum est dicere maximum Legis mandatum à quo universa Lex pendet, esse minimè obligatorium, cum vis obligatoria, ut alibi Bellar. sit de essentiâ cujuslibet Legis. Lex enim dicitur à ligando, ut Thomas, & habet *δυναμικὴν δύναμιν* juxta Aristot. vim cogendi & necessitandi, atque certè ita cogit lex divina, ut levissima ab illâ recessio sit peccatum inæstimatoribus.

Quanto certius Augustinus pronunciavit. Plenissima charitas quæ jam non potest augeri, quamdiu hîc homo vivit, est in nemine, quamdiu autem augeri potest, perfectio illud quod minus est quàm debet, in vitio est, propter quod vitium si dixerimus quod peccatum non habemus, nosmet ipsos seducimus, & veritas in nobis non est.]En defectum plenissimæ charitatis (.i.) vitium & peccatum appellat. Et si vitium & peccatum quomodo ad illud vitandum non obligamur. Prodeat alter locus lib. de perfect. justitiæ Resp. 15. Peccatum est cum vel non est charitas quæ esse debet, vel minor est quàm debet, sive hoc voluntate vitari possit, sive non possit, quia si potest, præsens voluntas hoc facit, si autem non potest, præterita voluntas hoc fecit.]Ecce defectum charitatis quæ esse debet[plenissimæ /c. charitatis] peccatum appellat, sive vitari possit sive non. Prodeat tertius locus l. 3. contra 2. Ep. Pelagian. c. 7. ubi ait, virtutem quæ nunc est in homine justo, perfectam hæcenus nominari, ut ad ejus perfectionem pertineat, etiam ipsius imperfectionis & in veritate cognitio, & in humilitate confessio.

Sic enim omnis virtutis imperfectionem & agnoscere & confiteri teneamur, tum culpabilis est illa imperfectio, cum non nisi culpam confiteri teneamur, ac proinde ex mente Augustini sola virtus beatifica est inculpabilis & perfecta. 2. Cum ultimo mandato, Non concupisces, id quod sæpissimè Augustinus docet, quamvis enim vis concupiscendi non nisi efficienter pugnet cum lege Dei, pravitas tamen hujus concupiscentiæ & motuum ejusdem, formaliter pugnat cum legis hîjus prohibitione. Sic homicida & latro pugnant cum lege tantum effectivè, at homicidium & latrocinium pugnant formaliter.

Id quod negari non potest de pravitatis reliquiis quæ supersunt adhuc in voluntate non-renata. At dicent pravitatem illam quæ inest appetitui sensitivo non itidem formaliter pugnare cum lege, cum tantum sit incitatrix ad peccatum & nobis invitit & reluctantibus obotiat. Resp. Hanc ipsam pravitatem cum per se ac suapte natura & proprio suo actu formaliter incitet & alliciat ad peccatum, illam potentiam quæ apta nata est ductum voluntatis sequi, quantumvis involuntaria fuerit, tamen ipsam sensualitatem hoc ipso, legi inconformem reddere, ac proinde damnari hac lege, & Deo merito odio haberi in se, licet non odio redundante in personam. 2. Formaliter pugnant vitiosi isti motus & dictus fomes cum Lege primæ institutionis humanæ naturæ, licet enim in brutis & in homine quoad partem brutam non sit peccatum reum faciens, si non planè conformentur, primæ suæ institutioni in qua crearentur, v. gr. Si canis rabidus fuerit aut furcus, aut corpus hominis morbidum, aut vis concoctrix languida tamen si intellectus & voluntas, aut appetitus sensitivus hominis sani, Legi 1. institutionis, qua in originali justitiæ conditæ sunt non conformentur sequitur peccatum reum faciens.

Licet enim penes Adam non fuit, qualiter condesetur, tamen penes eum erat in eo statu in quo conditus erat, permansisse. Imò ex Lege primæ hujus institutionis tenebatur justitiam originalem sub pœna peccati & conservare & posteris propagare,

eo planè modo quo & Angeli tenebantur rectitudinem, in qua conditi sunt, custodire, quorum nonnulli facti desertores cum originem suam non servarint, ut notat Apostolus Judas, vinculis æternis adjudicantur.

Nec obstat quod appetitus sensitivus non sit liber formaliter, nam cum aptus natus sit imperio voluntatis obtemperare, si non obtemperet, non tantum est obliquitas naturalis, qualis est in crure si curvum nascatur, sed etiam iniquitas reatus inductiva. Hinc Aug. l. 2. contr. Jul. Iniquum est ut caro concupiscat contra spiritum. Et l. 5. c. 3. ait Concupiscentiam non tantum esse causam peccati, & effectum peccati, sed peccatum, quia est iniquitas contra dominatum mentis. Et l. 6. c. 8. Neque enim ulla est iniquitas, cum in uno homine vel superiora inferioribus turpiter serviunt, vel inferiora superioribus contumaciter reluctantur. Cum ergo ratione harum reliquiarum concupiscentiæ, nemo quantumvis renatus non sentiat in se hanc rebellionem & contumaciam carnis adversus spiritum, restat ut pronunciemus eam hac ex parte Legi primæ suæ institutionis minime conformari, atque hunc conformitatis defectum suam naturæ culpæ deputari posse, si misericordia Dei non interpellaret. Id quod vel inde confirmatur, quod Scriptura exigit à nobis amissæ imaginis Dei instaurationem, & mentis & cordis renovationem, nec sanctas actiones tantum, sed & sanctos affectus juxta illud, sancti estote quia ego sanctus sum.

IV. Concupiscentiæ reliquæ & earundem motus pugnant cum justitia Originali & ejus motibus, ergo sunt veri nominis injustitia, ac proinde peccatum. Quod enim formaliter expellit justitiam, non potest esse nisi injustitia & peccatum proprii nominis. Addo hæc easdem reliquias & earum impetus pugnare etiam formaliter cum justitia & gratia in nostra renascentia infusa & ingenerata. Hinc Apostolus ad Gal 5. Caro concupiscit adversus spiritum, & spiritus adversus carnem, hæc autem inter se opposita sunt, ut non quæcunque volueritis, eadem faciatis. Hic caro spiritui formaliter opponitur, nam certum est hæc duo opponi, nam Apostolus ait (τὰ γὰρ ἀσκήσεις) sed non intelligit aliam oppositionem quam formalem. Sive enim carnem & spiritum dicamus opponi positivè sive privativè, tamen utrobique formalis erit oppositio, cum tam privatio & habitus quam qualitates contrariæ formaliter opponantur. Quod si per carnem & spiritum intelligamus ipsam animam, seu hominem in quibus istæ formæ oppositæ insunt, tamen hæc ipsa subiecta opponuntur formaliter, ratione harum formarum oppositarum. Cum autem homo quantumvis renatus sit, semper tamen habeat carnem spiritui obstrictam, & legem membrorum ἀσκήσεις formaliter legi mentis, ergo hæc carnis reliquæ formaliter sunt peccata.

V. Idem demonstratur ex eo quod ratione influxus harum reliquiarum concupiscentiæ in optimos quosque rethorum actus, aliquis culpabilis defectus & obliquitas sese pariter ingerat. Id quod ex Principiorum nostrorum actuum depravatione tum ex parte intellectus, tum ex parte voluntatis ostendi potest. Et quidem 1. ex parte intellectus, Intellectui nostro adhæret non solum ignorantia puræ negationis qualis in parvulis & amentibus reperitur, sed & ignorantia prævæ dispositionis qua perversè opinamur, vel nos scire quod nescimus, vel saltem quod non verè scimus prout est, præsertim in negotio religionis, & iis quæ spectant ad pietatem erga Deum, & charitatem erga proximum, non obstante supernaturali illuminatione Spiritus Sancti. Cum ergo lumen gratiæ non penitus intellectum afficiat & collustrat, quin adhuc supersunt reliquæ hujus ignorantie κατὰ διδασκίαν, necesse est ut voluntas non tantum imperfectè sed & perversè & inordinatè ex parte dirigatur ab intellectu, ac per consequens sensualis etiam appetitus: unde conficitur in omni opere bono, quod mediante nostro intellectu & voluntate & appetitu suscipitur & perficitur, aliquam ἀταξίαν inesse. Orta enim attestantur principiis, nec effectus excedit virtutem suæ causæ. 2. Idem porro demonstratur ex parte voluntatis. Voluntas est Domina nostrarum actionum & inclinatio totius suppositi ut notum est. Cum igitur voluntas nondum renata habeat propensionem ingentem effraznem & præcipitem ad omnimoda mala, & renata inditam habeat contrariam propensionem quæ ad bonum fertur, non tamen hoc fit absque aliqua prioris propensionis renitentia. Hinc fit ut licet gratia Spiritus tandem vincat carnis impetum, renitatur, tamen caro & retundat Spiritus efficaciam, & vim ejus in singulis actibus aliqua ex parte semper retardet. Quemadmodum enim motus

gravium per aerem vel aquam impeditur à medio ut non possit grave toto impetu ferri ad centrum (quomodo fieret in vacuo) sed aliquatenus retardatur plus aut minus pro mediū diversitate. Ita se res habet in negotio carnis & Spiritus. Nostræ enim voluntates in suis propensionibus ad bonum ad quod incitantur auxiliis gratiæ, retardantur ab insitæ concupiscentiæ reliquiis, quo minus possint ferri toto impetu & propensione in bonum.

VI. Concupiscentia hæc in non-renatis est veri nominis peccatum, id quod primariū nominis Pontificii cum Augustino & Lombardo ultro fatentur, in quibus sunt præter Scholasticos plerosque antiquos Stapletonus, Estius, & alii. Ergo & in renatis erit veri nominis peccatum; licet enim tolluntur in regeneratione, tum reatus, tum dominium peccati, tamen insita vitiositas & rebellio qua cum lege divina & gratia infusa formaliter pugnat, minuitur tantum non tollitur, non mutatur. Nam reatus cum sit quiddam extrinsecum & accidentarium separabile est, ac proinde potest tolli nec mutatâ nec sublata vitiositate: sic & Dominio Concupiscentiæ sublato, non tollitur aut mutatur natura huius rebellis concupiscentiæ, licet vires minuantur. At gradus non minuit essentiam: & magis & minus non diversificant speciem. Quare si concupiscentiæ pravitas ante regenerationem peccatum sit, ob formalem quam habet cum lege pugnantiam, ergo & post regenerationem, cum dicta pravitas licet viribus attenuata adhuc maneat, nec tollatur aut mutetur, sed tantum minuitur. Dices non manere eandem secundum peccati rationem, quia ante baptismum dominatur menti, & vel actu vel virtute voluntaria est, sed post baptismum superata est, & perempta atq; involuntaria, & proinde in ea definit ratio peccati, ut patet ex Augustino lib. 2. de peccat. merit. & remissione c. 28. Sol. Negatur non eandem esse secundum peccati rationem, nam & ante & post renascentiam peccatum est: neque enim ideo peccatum non est, quia dominium amisit in renatis, nam non absolute dominatur gratia in ipsis renatis, quin aliquando à carne rebeli superatur; nec plane perimitur, cum sæpè reviviscat, neque involuntaria plane est, cum sæpè nimium complaceant affectus carnis rebelles. Ipsa voluntas renati adhuc ex parte propensitatem ad malum, difficultatem ad bonum experitur, multo magis appetitus sensitivus. Non igitur in regeneratione gratia perfecte subigit concupiscentiam voluntatis & affectuum. Id quod clarè docet lucta carnis & Spiritus, quam sentiunt in se vel sanctissimi quique ut Paulus sui-ipsius exemplo satis uolenter docet. Nec Augustinus ait absolute peccatum hoc in renatis superatum & peremptum esse, sed manet (inquit) in vetustate carnis tanquam superatum & peremptum, si non illicitis consensionibus quodammodo reviviscat, & in regnum proprium dominationemque revocetur.] Quia tanquam superatum & peremptum est, quatenus dominio & reatu suo spoliatur, non autem omni vitiositate, qua manente peccati ratio non totaliter tollitur.

VII. Concupiscentia hæc etiam in renatis est vitiosa, mala, inordinata, crucifigenda, mortificanda, Deo & renatis exosa, eo quod ad peccatum sua natura formaliter incitat & allicit, ergo in se est poenæ meritoria, & odio digna, licet interveniente misericordia divina personam Deo exosam non reddat. Ergo & veri nominis peccatum est, nihil enim est poenæ in se meritorium, nisi cui adhæret reatus-culpæ, & quod in se verè culpabile est.



*Bona opera per peccatum mortificata reviviscunt
per pœnitentiam.*

Quod Cyprianus olim de lapsis Christianis in celebri illa Epistola ad Antonianum, non mortuos eos sed potius semi-animes jacere — quoniam in illis est quod pœnitentiâ sequente, revalescat ad fidem. Id de bonis operibus renatorum per peccatum mortificatis, usurpare licet, ea per pœnitentiam denuo reviviscere & revalescere ad prœmium.

Opera moralia juxta Scholam vel sunt

Mortua, quæ sunt omnia, quæ sunt ab homine in statu peccati.
Viva, quæ ex gratia & charitate dimanant.
Mortificata quæ viva quidem prodierunt sed quorum per peccatum grave superveniens vis & efficacia retunditur.

Agitur hæc de bonis operibus seu vivis.

Ut opus sit bonum requiritur

1. Ut sit à Deo in lege præscriptum.
2. Ut homo certè nōrit esse in lege præscriptum.
3. Ut ex animo Deo obedienti fiat.
4. Ut ex fide in Christum fiat.
5. Ut ad Dei gloriâ referatur.

Ejusmodi bona opera si fiant à persona Deo grata & accepta, Deo grata sunt & accepta imò ad pramium ordinata, & ex Dei gratiosa promissione remunerabilia.

Ejusmodi tamen opera per novum peccatum superveniens, dicuntur mortificata, quando à suo proprio effectu & operatione impediuntur, ut enim res viva per mortem perdit operationem vitæ: sic res per analogiam mortificari dicuntur, quando à suo proprio effectu vel operatione impediuntur, effectus autem operum bonorum quæ à fide & gratia dimanant, ex ordinatione & pacto divino, est perducere ad vitam æternam; Qui tamen effectus intercedente gravi peccato, interdicatur: utpote quo, dicta bona opera mortificantur ut ita dicam; & proprio suo effectu & operatione perducendi ad vitam destituantur adeo ut horum vis durante illius peccati reatu, suspendatur.

Dicimus tamen hæc ipsa opera, per peccatum grave mortificata, per pœnitentiam re-

reviviscere & pristinum vigorem & virtutem perducendi ad vitam, recuperare. Duo ergo hic breviter demonstranda.

I. Bona opera per novum grave peccatum mortificari; quomodo bona opera Davidis, ante homicidium & adulterium perpetrata, facta durante horum reatu, mortificari recte dicebantur. Probatur Rom. 8. 13. Apostolus alloquitur renatos, si secundum carnem vixeritis, moriemini, & ad Gal. 5. 21. Post enumerationem operum carnis, subjicit, qui talia agunt regnum Dei non consequentur. Renati ergo graviter peccantes, reatum damnabilem contrahunt & durante illo reatu omnia bona opera facta ante contractum reatum, proprio suo effectu & virtute perducendi ad vitam pro illo tempore destituuntur.

II. Secundum quod demonstrandum superest; hæc ipsa bona opera renatorum mortificata, per pœnitentiam reviviscere. Atque hoc est quod potissimum queritur hic.

Dices si bona opera renatorum, durante reatu illius novi peccati mortificentur, quid sit de horum operum vita in hoc temporis interstitio, cum ipsa opera sint actus transeuntes, nec amplius existunt in rerum natura, postquam transierunt.

Sol. Respondendum vitalem vim horum operum non amplius existere in rerum natura, asservari tamen in repositorio acceptationis divinæ; atque remoto impedimento novi peccati interposito, Deum iterum opera illa ad vitam æternam acceptare. Probatur primo ex iis locis Scripturæ, ubi dicitur Deum ita remittere peccata, ut eorum non amplius recordetur, Ezek. 18. 12. ut peccata amplius non imputentur, Ezek. 33. 16. Davidus beatum pronunciat, cui Deus non imputat peccatum, Psal. 32. 2. Deus, pœnitentiam agentium peccata, projiciet in profundum maris, Mich. 7. 20. Reviviscunt ergo bona opera renatorum peccantium. Alioqui non omnino diceretur Deus peccati oblitus, si propter peccatum novum præcedentia bona opera mercede suâ in æternum frustrarentur. Ex quibus locis conficitur peccata semel remissa non redire. Quin, ut recte Scotus [in 4. dist. 22. q. 1. art. 21.] In mortali remisso nec jus vindicandi manere Deo, nec actionem, quia nec Deus (inquit) habet jus vindicandi in istum cui remittitur, ita enim perfecte textit peccatum istius, & remisit, ut nec actio sibi remaneat ad vindicandum]. Hæc Scotus, unde porro inferimus. Quomodo pœnitentiâ & fide in Christum & ejus merita, omnia mala opera ante conversionem commissa, simul & semel remittuntur ut nunquam redeant: ita simili ratione de bonis operibus post conversionem præstitis sentiendum, etsi gravi peccato novo superveniente vis & efficacia eorum perducendi ad vitam retundatur, suspendatur, mortificetur, & (ut sit in animi deliquio) stupore quodam corripiatur ad tempus; tamen accedente seriâ pœnitentiâ, fiduciâ item in Christi merita & satisfactionem, ob hujus novi peccati remissionem; hæc ipsa reviviscere potest credendum est, vigorem pristinum recuperare, & sine dubio præmio vitæ æternæ post hanc vitam coronanda fore: [probatur item ex Apostolo ad Heb. 6. Non est injustus Deus ut obliviscatur operis vestri] ubi agit Apostolus de operibus misericordiæ & fraternæ dilectionis Hebræorum, atque Deum ex justitia sua seu fidelitate in probandis promissis, non ut debita mercede fraudentur: Quo loco Apostolus non agit tantum de operibus vivis sed de operibus per peccata mortificatis, ubi per pœnitentiam reviviscant sic Glossa interlinearis, & Glossa ordinaria.]

Quæri hic potest quo in statu sit peccator, cujus bona opera mortificantur, priusquam reviviscant illa opera per pœnitentiam. Nunquid in illo temporis interstitio ubi ut diximus manent illa opera in acceptationis divinæ reconditorio, jus illud retineant ad vitam æternam quod habuerunt ante grave illud peccatum admissum?

Sol. R. Recte dici illa opera bona à fide & charitate profecta, jus ad vitam æternam facienti ex promissione divina conferre; dicimus etiam eadem bona opera non obstante novo superveniente peccato, jus semel acquisitum retinere, licet propter impedimentum hoc accessorium ex gravi peccato, jure hoc suo uti non potest peccator. Idque optime illustrat Scotus [in 4. dist. 22. q. 1. art. 2.] exemplo desumpto è jure civili, ubi alicui remanere potest aliquod jus, cui tamen vel non remanet vel non competit actio propter aliquod impedimentum: Ita habenti bona opera in accepta-

tione

tione divina; mortificata tamen per peccatum mortale, remanet totum jus quod illis correspondet ad vitam æternam. Sed non (inquit) remanet actio, quamdiu ille est inimicus, etsi perpetuo sit inimicus, perpetuo cessat illa actio: cessante autem inimicitia contracta per novum peccatum mortale non redit novum jus, sed competi tactio secundum antiquum jus.] Hæc Scotus. Sic David Rex pius lapsus in gravia peccata ante actam pœnitentiam, jus habuit ad regnum cœlorum, cui tamen non competebat actio propter aliquod impedimentum, puta reatum adulterii & homicidii, nec juris sui executio, quæ suspensa erant, durante illo impedimento. Quo temporis interstitio David erat instar personæ quæ subijcitur excommunicationis, aut ut legaria censuræ, ut Bractonis nostri, voce utar, qui licet bona habeat & debitores multos, & jus ad bona & debita, non tamen uti potest eo jure, nec exequi; nec in ullo foro potest actionem instituere contra debitores suos donec statum pristinum recuperet.

Quando verò statum recuperat, non recuperat novum jus, sed actionem jam instituendi potestatem, secundum jus antiquum: ut enim is qui in lepram incidit propriam domo exire cogebatur, donec illo morbo purgatus esset, neque interea loci jus ad domum suam amisit: ita Dei filius adoptivus, adulterii, homicidii aut cujuscunque atrocis peccati lepram infectus, etsi jus habeat ex adoptione ad regnum cœlorum, & hæres regni conscribatur non tamen hoc jure uti potest, nec actionem instituere in foro cœlesti, nec adoptionis suæ privilegiis frui, nisi per fidem & pœnitentiam renovatam, ab hac contagione liberetur, & jus utendi & fruendi dictis privilegiis recuperet.]

Non igitur quovis gravi peccato, opera bona vim salutiferam penitus amittunt. Esto ad tempus mortificentur. Esto eorum vis, & efficacia perducendi ad vitam retundatur, esto intercipiatur, esto suspendatur; non tamen tollitur, non extinguitur, non aboletur, non morietur; sed adventante novo actu pœnitentiæ & fiduciæ in Christum propitiorem nostrum, reviviscunt tandem, ob ex gravis peccati interpositus removetur, pristinum vigorem recuperant & vim perducendi ad vitam exercere non desinunt, donec immarcescibili gloriæ diademate redimiti, omnes verè pœnitentes coronentur.

Quod si bona opera quæ sunt non nisi actus transeuntes, superveniente gravi peccato non ita interdicant quin per pœnitentiam reviviscant, vim vitalem denuò exerant & revalescant, quanto minus existimandum est, non obstante gravioris peccati impedimento, dona habitualia, fidei, spei, charitatis, totaliter excuti, penitus evanescere & interire. Esto hæc dona interdum, uti fit in animi deliquio, stupore quodam corripiantur, esto torpescant aliquando, esto ad tempus consopiantur, non tamen vim vivificam amittunt non intereunt pœnitentia, non vitâ privantur.] occasione hinc arrepta date mihi veniam paulo fufius explicandi quousque grave & enorme peccatum, in negotio salutis conficiendo, fideli remoram injiciat, & cursum in hujus vitæ stadio decursu, intercipiat & impediat.

Ubi 1. non negamus verè fidelem justificatum & reatum, posse suo vitio incidere in atrociora & enormiora peccata, contrahere novam injustitiam & æternæ damnationis reatum, atque ita cadere in ingratiam, incurrere in offensam, iram & indignationem divinam, quo in statu tantisper manet, donec redeat in gratiam per seriam pœnitentiam.

2. Fatemur etiam reatum taliter lapsu, amittere posse & solere, sensum amoris divini, puriorem munditiem cordis & conscientie, gaudium spirituale, zelum & fervorem in exercitiis pietatis.

3. Fatemur habitualia dona, etiam fidei, spei & charitatis, hoc ipso minui, labefactari, consopiri & quasi opprimi, ut actus spirituales ex hisce donis, aut nulli eliciantur, aut non sentiantur. Imò damus in tali lapsu, conscientiam sic vulnerari & vastari posse ut ab ea lapsus peccator, nihil audiat præter condemnationis sententiam.

4. Non negamus, durante hoc lapsu, talem ac tantam contractam esse indispositionem ex parte lapsi ratione novæ culpæ & inde contracti reatus, ut nullam actionem, instituere queat in foro cœlesti nec jure ullo uti, aut exequi, circa recuperationem

hereditatis æternæ utpote qui jam factus sit exlex, & filius rebellis; & si prepetuo rebellis maneret, in perpetuum, actionis omnis instituendi potestas & juris usus & executio suspenderentur, ut rectissime Scotus.

Hicce tamen omnibus non obstantibus, dicimus verè fidelem & justificatum non excidere totaliter ab omni gratia, ut perperam nonnulli.

Nam 1. non exedit à gratia remissionis peccatorum omnium, quotquot ante conversionem commissa sunt neque ab actuali receptione in gratiam & favorem in prima conversione. Neque enim, illa prima peccatoris penitentis acceptatio ad vitam rescinditur unquam, aut despungitur, aut unquam irrita redditur. Est enim hæc inter dona Dei *ἀπολύσιμος*. Peccata enim remissa non redeunt. Esto novo peccato, nova iniustitia contrahatur; non tamen inde justificatio prius obtenta aboletur, aut antiquatur. Semel enim extincta obligatio non reviviscit, ut rectè jurisconsulti. Rectissime itidem Scotus 4. dist. 22. q. 1. peccata & mala opera cum remittuntur, totaliter extinguuntur, ita quod nec in se nec in intellectu vel voluntate divina remanent in ordine ad vindictam. [Et rursus, In mortali peccato remisso, nec jus remanet nec actio quia nec Deus habet jus vindicandi in peccatorem, ita enim perfectè textit peccatum ipsius & remisit, ut nec actio sibi remaneat ad vindicandum.]

2. Non exedit à gratia *ὑιοθεσίας* seu statu adoptionis, quod instituitur & conscribitur hæres regni cœlestis. Neque enim gravi peccato, illico ab hoc statu dimovetur fidelis. Esto filius regni incidat in ingratiam. Esto in eum exandescat ira & indignatio paterna. Non tamen prorumpit hæc ira in odium hostile, sed in paternam severitatem: neque illa indignatio divina, meditatur exhæredationem, sed castigationem, juxta illud Psal. 88:33. visitabo in virga iniquitates eorum. Misericordiam autem meam non dispergam, taliter delinquentes, non sunt penitus extra statum filiorum; sed in censu filiorum immorigerorum & contumacium. Rectè Ambros. [lib. 1. de vita beat. c.6.] Nam Deus Pater ipse qui contulit, potest dona sua rescindere, & quos adoptione suscepit, eos à paterni affectus gratia relegare.] quasi diceret, nullatenus potest. Et certè ineptum esset, fingere toties nos exhæredari, quoties mortale peccatum committimus, & toties de novo adaptari, quoties horum peccatorum penitentiam agimus; ut tot sint exhæredationes quot peccata mortalia, tot novæ adoptiones, quot novi post peccata perpetrata penitentia actus. Cumque hoc non fiat in hæredum terrenorum delictis: Quis sine contumelia patris cœlestis indulgentissimi, in hereditate cœlesti adeunda, hoc fieri, dicere audeat?

3. In gravi lapsu, non excidit verè fidelis, à gratia veræ & realis illius unionis, quæ in prima renascentia, verè & realiter Christo ut membrum capiti supponitur & inferitur; quæ sit caro ex carne & os ex ossibus. Cujus arctissimæ unionis ipse S. Sanctus non tantum effectrix est sed & vinculum proximum, ut non de facili, dissolvi posse, planè existimandum est. Certè minus consentaneum videtur, asserere; ut quoties mortale peccatum committitur à verè renato, tot vera membra à Christo capite avellantur, aut à corpore Christi mystico abscindantur. Et quoties post tale peccatum agitur penitentia tot novas insitiones & uniones vel potius reuniones in corpore Christi mystico imaginemur.

4. Non excidit penitus à gratia regenerationis: Habitualia dona fidei, spei & charitatis nunquam penitus evanescunt. Semen aliquod harum virtutum in gravissimis lapsibus *ὑποκαταλείπει* (ut loquitur Theophylactus) cordis agro repositum aservatur, ut quod sit semen immortale, ut loquitur Apostolus, nec unquam destruitur cœlestis nativitas. Hæc de prima.



Bona opera habent gratiosam mercedis promissionem.

Articulus 12. nostræ confessionis sic se habet; Bona opera quæ sunt fructus fidei & iustificatos sequuntur, quanquam peccata nostræ expiare & divini iudicii severitatem ferre non possunt, Deo tamen grata sunt, & accepta in Christo. Augustinus ait, bona opera non præcedere iustificandum, sed sequi iustificatum, prius naturâ arbor est bona, quam fructus bonus. Intellige ergo per bona opera, opera ab hominibus iustificatis, & qui in statu gratiæ sunt, præstita, qualia sunt opera, charitatis, humilitatis, patientiæ, temperantiæ, & id genus alia.

Dicimus bona opera habere promissionem annexam. Pietas inquit Apostolus, habet promissiones vitæ præsentis ac etiam futuræ 1 Tim. 4.8. Sed & habent promissionem mercedis: Christus compellens, discipulos Matth. 5. ait, Gaudete quoniam merces vestra copiosa est in cælis, Apocal. ult: ecce venio citò & merces mea mecum est.

Sed in Thesi asseritur, hanc mercedis promissionem esse gratiosam, ut intelligamus, hanc promissionem mercedis à Dei gratia profectam esse in pura Dei liberalitate & misericordia fundatam. Ac proinde hanc promissionem non esse debitam, ob operis ipsius boni, insitam condignitatem quæ talem mercedem quale est æternæ vitæ præmium, ut debitum postulat ex iustitiâ commutativa ex æqualitate rei ad rem; sed mercedem improprie dictam, quam tamen ex gratiosâ ordinatione suâ, conferre solet Deus bene operantibus. Apostolus appellat mercedem κατὰ χάριν, cui opponitur merces κατὰ ὀφειλὴν Rom. 4.4.

Quæritur ergo an promissio mercedis quæ facta est in sacris literis bonis operibus, sit promissio merè gratiosa, seu gratuita; an promissio, quæ suo modo debetur bonis operibus ratione alicujus condignitatis quæ in operibus istis reperitur, quæ ejusmodi promissionem à Deo merito postulare possent.

Nos dicimus bona opera dicta, Deo grata esse & accepta, imò mercedem suam habere à Deo, non tamen mercedem, meriti alicujus præcedanei proprie dicti, quæ aut æqualitatem habeat cum æternæ vitæ præmio, aut etiam proportionem; sed mercedem solummodo gratiosam, benignitate & misericordia Dei nitentem.

Certum est in solo Christo reperiri meritum proprie dictum, propter operis perfectionem & operantis infinitam dignitatem, Nostra autem, quæ vocantur merita, sunt actus ad præmium ordinati ex misericordia & libertate Dei promittentis, non ex operum ipsorum condignitate. Sic olim ante nos & senserunt & scripserunt Scotus, Durandus, Waldensis, quin etiam ipse Thomas [1. secundæ q. 114. art. 1.] licet quoad nomen, meritum condigni recipiat, quoad rem tamen planè tollit. Dicit enim Deum propter opera nostra bona, non fieri debitorem nobis, sed ordinationi suæ. Nec desunt rationes firmissimæ ad hanc sententiam stabiliendam.

1. Merces æternæ vitæ est donum gratuitum, ergo non datur ex merito condigni. Consequentia firmitas patet ex formali illa repugnantia, quæ reperitur inter donum gratiæ & meritum condigni ortum ex operibus. Nam ex Apostolo constat ad Rom. 4. 4. eandem rem non obtineri ex gratia & ex debito, & ad Roman. 11. 6. Si per gratiam, non jam ex operibus, alioquin gratia jam non esset gratia, congruenter Augustinus, Gratia non esset gratia ullo modo, si non sit omni modo gratuita.

2. Nemo unquam Deo potuit reddere æquivalens pro beneficiis acceptis multo minus potuit Deum debitorem facere novi beneficii, minime omnium tanti beneficii, quale est illud æternæ vitæ.

3. Opera nostra bona jam ante multis nominibus Deo sunt debita, jure creationis, conservationis, dominii, redemptionis, &c. Imo quicquid agimus, aut agere possumus, non est nisi pars officii quod Deo debemus; proinde si vel maxime omnia, quæ præcepta nobis sunt, faceremus, tamen dicendum nobis foret, quod simus servi inutiles, Luc. 17. 10. cum ergo opera nostra sint jam ante Deo debita, merces quæ illis redditur, non redditur ex debito. Si enim opera sint debita, necesse est ut merces sit gratuita & prorsus indebita.

4. Nihil boni habemus aut facimus, quod ab ipso Deo non accepimus. Ipse dat nobis & velle & & perficere. Quid habes quod non accepisti, inq. idem Apostolus. In codice Canonum Aphric. c. 112. Utrumq; est donum Dei, & scire quid facere debeamus, & diligere ut faciamus. Sed propter dona sua gratuita, nemo obligatur ad nova dona conferenda.

5. Fac pios præstare obsequia Deo grata & accepta, quod facile largimur, tamen ut meritum proprii nominis stabiliatur, debent habere æqualitatem ad mercedem secundum nostram æstimationem: sed illud præmium beatorum est infinito majus omnibus operibus cujuscunque creaturæ, imò omnium creaturarum simul sumptarum.

6. Non possumus sufficienter Deo referre gratias pro beneficiis acceptis. Ergo non possumus nova beneficia promereri. Ratio consequentiæ est satis manifesta. Quomodo enim ad nova beneficia adstringeretur, cui præcedentia non sunt compensata?

7. Ipsa fides & poenitentia non merentur justificationem, peccati remissionem, seu acceptationem peccatoris in gratiam & favorem divinum, ergo bona opera quæ post modum sunt à fidelibus, non merentur glorificationem.

Consequentia probatur 1. à virtute promissionis divini. Nam si qua sit efficacia pacti aut promissi divini ad constituendam rationem meriti, Deus tam promissit gratiam credentibus & poenitentiam agentibus, quam gloriam benè operantibus.

2. Probatur ex utriusque operis autore; Nam si bona opera justorum merentur gloriam, quia sunt motore Spiritu Sancto, tum etiam fides & poenitentia peccatoris merebitur remissionem peccatorum, quia nemo credit aut relinquit, nisi autore & motore Spiritu Sancto.

3. Actus fidei & poenitentia non habent minorem proportionem & commensurationem ad consequendam remissionem peccatorum, quam actus charitatis post ademptam justificationem habent; ad obtinendum præmium æternæ gloriæ & beatitudinis: Si ergo fidei & contritioni non sit tribuendum meritum justificationis, tum à pari, bonis operibus, quæ fidem sequuntur, non est tribuendum meritum glorificationis. At Romanenses non audent fidei & contritioni ascribere meritum justificationis; sed fatentur peccatorem justificari gratis ex misericordia Dei, non ex ulla condignitate actuum credendi aut poenitendi, ergo pari ratione, concedant necesse est, neminem ad vitam æternam pertingere, ex infirmâ condignitate operum bonorum, & efficaciâ meritoria, quam habent ad consequendum præmium æternæ gloriæ & beatitudinis, sed ex sola misericordia & fidelitate Dei gratiosè promittentis.

Ultimò, opera hominum piorum non sunt semper, nec absolute bona, imò miscentur multis malis. Unde non possunt præmium perfectum & absolute bonum, sibi per modum meriti vendicare. Verùm itaque dicimus, cum Psalmista de Deo retribuente, Qui coronat te in misericordia, & miserationibus, Psal. 103. quam cum Papistis, qui coronat te secundum merita & condignitate operum tuorum, sed quid ad hæc Jesuitæ? Duobus potissimum utuntur effugiis.

Primum est deberi operibus bonis ex condigno æternam gloriam, non secundum substantiam operum, neque ut manant ab arbitrio humano, sed ut proficiantur à Spiritu Sancto, & à gratia divina: sic Bell. de justis. 5. cap. 18. Sed respondemus perfectionem gratiæ inhaerentis, non esse æqualem perfectioni gloriæ beatitudinis & idcirco non esse ejusdem meritoriam, quod disertè docet Fulgentius lib. 1. ad Monimum. Præmium (inquit) gloriæ, excedit omne meritum, quamvis bonæ, & ex Deo datæ voluntatis. Hoc præsidio depulsi ad nova commenta confugunt, Gregorius de Valentia [Contr. Tom. 2. Disp. 8. qu. 6.] ad promissionem divinam se recipit unde miro artificio, & planè Jesuitico, meritum condigni conatur extruere; scribit autem duos esse effectus promissionis divinæ; Unus est, quod inde Deus secundum justitiam obligatur ad promissam mercedem tribuendam: Alter, quod inde opera ipsa, quæ per se ante considerata non fuissent præmio æqualia, virtute promissionis, fiant illico eidem æqualia. Hisce positis, concludit quod cum præmium homini detur, secundum justitiam, idque pro opere æquali ipsi præmio detur ex merito condigni. Utrumque negamus, quod ad primum. Promissiones Dei non efficiunt obligationem secundum justitiam, sed indicant propositum secundum Dei munificentiam. Unde Altissiodorensis, lib. 3. p. 119. Dei promittere nihil aliud est, quàm prædicere, & ideo non se obligat promittendo, sed cum dat quod promisit, facit opus misericordiæ, potius, quam justitiæ, vel si ad justitiam hoc referatur, id est, ratione fidelitatis in præstanda promissione, non ratione æqualitatis inter opus & rem promissam.] Hæc ille.

Nam quod secundo in loco obtendit Jesuita opus quod non fuit suæ naturæ æquale præmio, interveniente promissione fieri æquale, abhorret à sensu communi. Promissiones etenim munificæ, ostendunt benignitatem promittentis, non mutant naturam, aut augent dignitatem impositi operis. Si Princeps promitteret mille nummos omnibus, qui mane illum salutarent, quis hoc præmium, tantilli operis nactus, jactitaret illico, se nihil accepisse supra condignum meritorum suorum. Nam officium salutationis ex Principis promissione, factum æquale beneficio nemo faceret, aut si faceret, ab omnibus exploderetur, pro homine ingrato, & insulso. Est itaque delirantis Gregorii somnium de duplici effectu promissionis divinæ.] Quanto rectius Augustinus in Psal. 109. Fidelis Deus qui se nostrum debitorem fecit: non aliquid à nobis accipiendo, sed tanta nobis promittendo — promisit enim hominibus divinitatem, mortalibus immortalitatem, peccatoribus justificationem, abjectis glorificationem. Quidquid promisit indignis promisit, ne non quasi operibus merces promitteretur; sed gratia à nomine suo gratis daretur, & de verb. Apost. Sern. 16. In his quæ jam habemus, laudemus Deum largitorem in his quæ nondum teneamus, debitorem. Debitor enim factus est, non aliquid à nobis accipiendo, sed quod ei placuit promittendo. Aliter enim dicimus homini, Debes mihi quia dedi tibi; & aliter dicimus, Debes mihi quia promissisti mihi. Quando dicis, Debes mihi quia dedi tibi; à te processit beneficium sed mutuum non donatum: Quando autem dicis, Debes mihi quia promissisti: Tu nihil dedisti & tamen exis. Bonitas enim ejus qui promisit, dabit.

Et in Psal. 83. Non dicimus Deo, redde quod accepisti, sed, redde quod promissisti.

Et in Psal. 32. Fidelis homo est credens promittenti Deo. Fidelis Deus est exhibens, quod promisit homini. Teneamus fidelissimum debitorem, quia tenemus misericordissimum, promissorem.]

Accedat ultimo Joannes Fesus [in Matth. lib. 3. c. 20.] Docet hæc parabola, primò, gratiam esse, non debitum, quicquid, à Deo nobis datur. Omnes enim justitiæ nostræ ut panis menstruæ imò, ne ipsæ passionis quidem hujus temporis, sunt condignæ ad futuram gloriam. Quod si quando Mercedem audis polliceri, scias non ob aliud esse debitum, quam ex promissione divina, Gratis promisit, gratis reddit. Si igitur Dei gratiam & favorem conservare cupis, nullam meritorum tuorum mentionem fac. Concludo ergo Bonæ opera habere gratiosam mercedis promissionem, non in operum nostrorum condignitate, sed in gratiosa Dei misericordia, & veraci fidelitate fundatæ.

*Nulla sunt consilia perfectionis Legem
transcendentia.*

Um Thesis pronuntiet nulla dari consilia perfectionis non mens erat
eruditi



Resp. non dari {
Consilia.
Consilia perfectionis.
Consilia perfectionis legis ambitu compre-
hensa.
Sed, non Legem transcendentia.

I. Damus enim primo esse Consilia (.i.) opera quæ in thesi spectata, in sua specie & quoad essentiam sunt consulta non præcepta; commendata non mandata. Media scilicet & instrumenta, non necessaria, ordinabilia tamen & idonea ad Christianam perfectionem consequendam, quæ quia conducunt ad tollenda impedimenta in perfectionem, conducibilis est ad dictæ perfectionis consecutionem, facere quam omittere. Quæ nota distinguuntur opera consulta ab opere præcepto, prohibito, permissio.

II. Damus esse consilia perfectionis (.i.) opera consulta in ordine ad perfectionem vitæ spiritualis, seu adminicula, & adiutoria promoventis & removens prohibens.

Ut {
Virginitas.
Jejunia.
Eorum vota.

III. Damus esse Consilia perfectionis, legis ambitu comprehensa. Siquidem dicta consilia perfectionis, etsi non sunt essentielles partes perfectionis, Christianæ, cum nec virtutes sint, nec gradus virtutum, nec Actus virtutum, sunt tamen perfectionis adminicula, & instrumenta virtutum; atque adeo conducunt ad perfectionis augmentum, quatenus ejus obstaculis amandandis inserviunt, (sic virginitas removet impedimenta quæ statum Matrimonii constantur.

Hæc (inquam) damus, At hæc eadem consilia legis ambitum transcendere, hoc est quod negamus, pernegamus.

Romanenses contendunt esse multa consilia, tum in Lege à Deo, tum in Evangelio à Christo, Commendata: Et in Lege quidem gradus virtutum mediocres, & supremos, vel potius Actus virtutum in gradu Temperantiæ & Heroico, Consultos esse tantum: non imperatos, Actus autem infimos, à virtute in gradu continentis profectos duntaxat imperari: Ergo docent legem charitatis non præcipere nisi

nisi infimum dilectionis actum, i. e. ut Deus diligatur supra creaturam, atque actus intensiores & intensissimos qui viribus gratiae praestari possunt, consuli tantum, non praecipi; & qui hoc praestiterit, legis praescriptum transcendere, mereri, supererogare: Ad legis item consilia referunt jejunium, humi-cubatio nem, silentium, vigilias, quae sunt instrumenta virtutum. Similiter plura enumerant consilia Evangelica, sed imprimis Spontaneam paupertatem, virginitatem & obedientiam regularem, praesertim si ex voto suscipiantur. Quae omnia volunt Christum consuluisse tantum, non mandasse, nec directe nec indirecte, nec per se, nec per Accidens, nec simpliciter, nec secundum quid: simpliciter tamen melius esse ea facere, quam omittere, & conducibilius ad perfectionem consequendam ultra illam, quae legis circumferentia continetur. Haec illi.

Contra, Erudit. Resp. asseruit, & nos fidenter asserimus, non dari consilia perfectionis, sensu supradicto, quae amplitudinem & latitudinem perfectionis illius transcendat quae in lege D. sub poena praeccepti exigitur. Quin potius omnia ejusmodi consilia perfectionis, & omnem consultam perfectionem, intra divinae legis ambitum & circumferentiam contineri.

Adde secundo, Consilia quae sunt instrumenta virtutum, ordinari ad perfectionem non nudè consultam, sed praescriptam consequendam. Ac proinde nulla dari consilia perfectionis legem transcendentia, quae non aliquo modo sub praeccepto cadant.

Hic tria mihi breviter demonstranda sunt,

1. Nullum gradum virtutis aut Actum virtutis, esse opus merè consultum.
2. Opera consulta illa, quae non sunt Actus virtutum, sed adminicula & instrumenta virtutum, ordinari ad perfectionem non nudè consultum, sed praescriptam consequendam.
3. Haec opera consulta cum sub praxi cadant, aliquo modo sub praeccepto cadere.

I. Quod ad primum attinet, illud primum demonstrandum est, si prius Romanensium hac de re sententiam explicavero. Est autem illa, Actus virtutum, & ipsius charitatis, i. e. Dilectionem, atque adeo ipsammet perfectionem in Lege Dei praecipi quidem, sed non nisi quoad certam mensuram & gradum; nec teneri hominem in vigore, sperare, confidere, timere, diligere (quod de aliarum virtutum actibus pari ratione pronunciandum) nisi infimo harum virtutum gradu. Est autem v. g. infimus gradus Dilectionis, ut nihil supra eum, aut contra eum, aut aequaliter ei, diligatur. Ab hoc qui desit, licet non attingat supremum vel medicos gradus (quantumvis potuisset) non violare praecceptum, nec reum fieri alicujus defectus culpabilis.

Haec est communis Jesuitarum sententia, & ipsissimum fundamentum, qua tota haec consiliorum structura nititur. Illud igitur imprimis convellendum. Id quod videor mihi praestitisse, si primum caput supra positum demonstravero, scilicet, Nullum gradum aut Actum virtutis esse opus merè consultum.

1. Illud 1. Constat ex primo & maximo mandato, Diliges Dominum Deum tuum ex tota vehementia tua, vel ut Marcus & Mattheus, quae verba denotant ultimum conatum & totum posse. Nullus datur actus Dilectionis Dei, quem non teneatur quilibet extenore hujus praeccepti elicere, ut nullus superesse possit alieni actui dilectionis, qui sit actus supererogationis, & consilii. Ratio hujus mandati est evidens etiam lumini naturali. Homo totum se debet Deo, ergo & totam suam essentiam, totam suam virtutem, totam activitatem, ergo & totam suam dilectionem.

Haec est perpetua explicatio hujus mandati, apud Augustin. lib. de Sp. & lit. cap. 35. docet. Tantam dilectionem exigi in hoc mandato, quantum non implebimus antequam videbimus faciem ad faciem. Et de Doct. Christiana I. 22. Dilectionem D. tantam in hoc mandato praecipi, quae nullum à se rivulum duci

extra

extra patitur, cuius derivatione minuitur: Cyril. sic dilectionem Dei hic præcipi, *ὁ δὲ αὐτὸς ἐξ ὅλης ἀνωτάτης μετὰ τῆς ψυχῆς ἐν αἰμασιν* (i. e.) ex tota supremaque fortitudine, usque ad animam & sanguinem. Hug. de Sancto Victor. Sic quantum potes, tantum dilige.

Audeo dicere, Ex tota Antiquitate ne unum testem posse proferri qui dixerit, minimo delectionis grada satis impleri maximum mandatum.

2. Intensissimos & perfectissimos actus omnium virtutum, non nudè commendari sed & mandari etiam sub pœna prævaricationis novæ, ubi datur major possibilitas, vel inde convincitur, quod in hisce actibus eliciendis, nemo reddit imò nec reddere potest Deo, quæ tenetur. Nemini (inquam) quam diu in hac mortalitate vivitur, quamvis pro virili removeat impedimenta perfectionis, adhibendo instrumenta quæ dicuntur consiliorum, & quantumvis perfectissimis utatur instrumentis, ad acquirendam virtutum perfectionem, Nemini (inquam) attingere aut perfectionem illam, ad quam lege divina & naturali obligatur. Lex enim hæc cum spiritualis sit (ut loquitur Apostolus) Celestem exigit in anima & ejus potentiis & actibus puritatem, ut nec sensus hauriat, nec intellectus concipiat, nec voluntas eligat, nec appetitus prosequatur, quicquid turpe, impudicum, iphonestum, impium, injustum, sed ut totus homo, eosdem sensus & motus cum Deo habeat (ut Tertul. loquitur) & quis uspiam renatorum, (testor etiam eorum conscientiam) qui in statu perfectionis aut adispiscendæ (ut loquuntur) aut etiam adeptæ, sese positos gloriantur, hanc in sese puritatem uspiam expectus est. Imò quis Sanctorum qui vel unum actum unquam præstiterit, in quo non erat peccatum omissionis? Cui non adhæscit aliquis culpabilis defectus? Imò in quo non existerit aliqua *ἀταξία* & obliquitas, à viciositatis naturæ nostræ reliquiis profecta. Ardentissimæ sanctorum preces, sunt opera Renatorum perfectissima, At (Deus bone!) quam crebræ mentis evagationes, quam varii affectuum impetus, nos inter pretandum hac atque illac distrahunt & abripiunt! Quanta in nobis irreverentia erga tantam Majestatem! Quam infensiles sumus nostræ miseræ! quam parum afficimur gustu suavitatis misericordiarum ejus! quanta in inchoandis precibus detractatio, averlatio, hebetudo! Quantum in perficiendis molestiarum, tædii, acedie, difficultatis!

Hæc eadem veritas demonstratur ex concupiscentiæ reliquiis, quæ principiis humanorum actuum, Intellectui & voluntati etiam post renascentiam nostram adhærent. Quales sunt in intellectu Ignorantia, non tantum puræ negationis, sed & prævæ dispositionis, in voluntate, præceptum ad malum inclinatio, Voluntas (ut notum est) est domina nostrorum actuum, & inclinatio totius suppositi. Cum igitur voluntas nondum renata, habeat propensionem effrenam, & præcipitem, ad omnimoda mala, & renata inditam habeat contrariam propensionem, quæ ad bonum fertur, non tamen hoc sit absque aliqua prioris propensionis renitentia. Hinc fit ut licet gratia Spiritus vincat tandem carnis impetum, renitatur tamen caro, & retundat gratiæ efficaciam, & vim ejus, in singulis actibus, aliqua ex parte semper retardet. Quemadmodum enim motus gravium per Aerem vel Aquam, impeditur à medio, ut non possit grave toto impetu ferri, ad Centrum, (quomodo fieret in vacuo) sed aliquatenus retardatur, plus aut minus pro mediis diversitate. Ita se habet in negotio Carnis & Spiritus. Cum ergo omni actui nostro, omni operi bono, adhærescat aliquis culpabilis defectus ubi tandem terrarum sunt opera illa merè consulta indebita supererogatoria? Ubinam erogatur quantum tenemur erogare? imò ubi non subter erogatur? Nullus ergo gradus aut actus virtutum est opus merè consultum, quod primo demonstrandum suscepimus.

II. Secundo in loco, ostendendum est. Opera consulta, quæ non sunt actus virtutum, sed adminicula & instrumenta virtutum, ordinari ad perfectionem, non merè consultam, sed præscriptam, consequendam, ac proinde non transcendere Legem.

Hæc

Hæc assertio, ex priore, facillima illatione deducitur, licet enim illa major perfectio, ad quam hæc consilia ordinentur, sit gradus aut actus virtutis, cum nullus tamen gradus aut actus virtutis, sit opus merè consultum, sed etiam mandatum, ut supra vidimus; ergo hæc opera consulta, non sunt adminicula aut instrumenta ullius gradus virtutis, qui non in lege præcipitur. Sint ergo renunciatio facultatum, virginitas, jejunium, vigiliæ, & id genus alia, sint (inquam) opera consulta, sint media, adjumenta, instrumenta majoris perfectionis in vita Christiana, non tamen ullius perfectionis aut gradus virtutum, ad quam non tenetur quilibet aspirare.

Vanissima ergo sunt Jesuitarum placita, consilia longè transcendere præcepta, horumque observationem esse præstantiorem, Deo gratiorem, & magis apud Deum meritoriam quam observationem præceptorum, & ad altiorem gloriæ gradum sublevare. Quæ Commenta ex notissimis regulis Aristot. 3. Topicorum, aptissimè refelluntur.

Nam 1. perfectio Christiana consistit essentialiter in fide, spe & charitate, aliisque virtutibus & earum actibus. At in jejniis, vigiliis, virginitate, & spontanea abdicatione facultatum, tantum instrumentaliter, est autem causa principalis excellentior instrumentali.

2. Quod propter se expeditur, præstantius est eo quod expeditur propter aliud, Actus virtutum propter se, concilia autem propter aliud, sc. charitatem quæ est finis mandatorum.

3. Quod simpliciter est omnibus bonum, melius est eo quod secundum quid & alicui tantum bonum est, at actus & gradus virtutum sunt simpliciter & omnibus boni, opera autem consulta sunt bona secundum quid, & certis quibusdam hominibus, ergo actus virtutum meliores sunt operibus consultis.

4. Quod per se bonum est, aut causa boni, melius est eo, quod est bonum tantum per accidens.

At opera virtutum sunt bona per se; opera consulta tantum per accidens, ergo opera virtutum sunt præstantiora.

5. Finis est præstantior mediis ad finem: cum ergo consilia ordinentur ut media & adminicula ad consequendum gradum virtutis altiorem, ergo ille virtutis gradus erit longè præstantior utpote ad quem media illa ordinentur.

6. Dico cum Cajetano, animum habere paratum ad usum horum instrumentorum, virginitatis, abstinentiæ, votorum, melius esse & longè majoris perfectionis quam actualiter abstinere à conjugio, & cibis, aut actualiter vovere, cum illud sit inseparabilis comes & effectus essentialis perfectionis; hæc tantum instrumenta separabilia accidentalis perfectionis. Ex hisce constare potest, consilia qua adminicula & organa perfectionis non transcendere legem.

III. Tertium restat Caput. Hæc opera consulta cum sub praxi cadant, sub præcepto etiam aliquo modo cadere: cum enim opera consulta assumantur, ut instrumenta & adminicula, utilia ad removenda prohibentia, vel retardativa majoris perfectionis, ad quam aspirare teneamur atque adeo utilia, ut hic & nunc magis expediat facere, quam omittere.

In tali rerum circumstantia, tale opus rectè dicitur præcipi, indirectè, secundum quid, reductivè, per accidens, ex lege saltem charitatis, atque adeo non merè consultum esse. Ut enim quædam sunt actiones in Thesi indifferentes, quoad essentiam, quæ tamen in Hypothesi & quoad existentiam, semper sunt bonæ vel malæ, ut rectè Thom: Ita res se habet in his operibus consultis, quæ quamvis in Thesi rectè dicantur consulta, atque eo nomine rectè distinguantur ab opere præcepto, prohibito, permissio: Attamen, cum hic & nunc, ordinentur ad consecutionem perfectionis, quæ in lege præcipitur, ipsæ etiam quoad existentiam, suo modo & indirectè, reductivè & per accidens cadunt sub præcepto, & sub pœna præcipiuntur alicujus reatus, qui gravior esse potest & levior, pro

pro ratione circumstantiarum; idque uno aut alio argumento confirmabo.

1. Desumptum erit ex lege charitatis. Qui tenetur ad perfectionem charitatis, ille etiam tenetur sub creatu, vitare quodcumque judicaverit hic & nunc impediturum, aut retardaturum esse, hanc ipsam perfectam charitatem, unde faciendum quod impediant aut retardent facit directe contra Concilia, & indirecte contra præceptum charitatis atque ita peccat.

Sic Scotus ait, Sub poena venialis peccati teneri hominem vitare retardativa, & facere maxime expedientia, huic G. Biel & alii astipulantur.

2. Alterum ex lege Fidelitatis & Sedulitatis petitur est. Qui præstat Domino operam tantum necessariam, non itidem utilem, quam judicaverit (omnibus perpensis) multo utiliore Domino fore quam ejus omissionem; is tenetur reus alicujus (quam debet) omissionis Fidelitatis, Sedulitatis, Studioſitatis, etiam apud homines.

At tales sunt omnes, qui opera à Deo & Christo consulta, præstare pro loco & tempore negligunt; ergo qui pro loco & tempore, non præstant opera consulta, aliquo modo peccant in legem Fidelitatis, & Sedulitatis, quam Deo ut Domino idque multiplici jure præstare tenentur. Dixit olim Plato *τὸ ἐξ ἑαυτοῦ δὲ κατὰ φύσιν ἀγαθὸν ἔχει*. Regum petitiones vim coactivam habere, quanto magis consilia Christi habere debent, in idoneo subjecto.

Ipsi Jesuitæ, inclinationem & nutum superioris, sufficere inferiori statuunt, ut obligetur ad obedientiam, neque enim inferiorem perfecte obedientem esse volunt, qui præceptum proprie dictum expectat, sed qui statim cognita propensione superioris, opus aggreditur. Quanto magis consilia Dei & Christi obligant ad obedientiam? præsertim quando *ἀπὸ τῶν ἑαυτοῦ* judicantur ad legem divinam implendam, quam si omittantur.

Hic esto Finis.

TRACTATUS
DE FIDE JUSTIFICANTE
ET SPECIALI,
ITEM DE
CERTITUDINE GRATIÆ.

CAPITULUM I.

Articulus Ecclesiæ Anglicanæ de hominis Justificatione proponitur & breviter exponitur.



Articulus undecimus Confessionis Ecclesiæ Anglicanæ agit de hominis justificatione. Lutherus in Commentario in Epistolam ad Galatas & in Genesim, semel atque iterum inculcat hæc verba; Hæc doctrina de justificatione post mortem nostram prorsus obscurabitur. Utinam hæc tempora prophetiam Lutheri non impleant, in quibus articulus de gratuita hominis justificatione variis adversariis undequaque impetitur & impugnatur; hinc impetum in eum faciunt Romanenses, Synodus Tridentina & ejus propugnatores, Stapletonus, Bellarminus, Gregorius de Valentia & alii Jesuitæ; illinc alii heterodoxi, Sociniani, & eorum affectu Remonstrantes, ut mittam Arminii singularem de Formali justificationis causa heterodoxiarum. Nos per essentialem Dei justitiam justificari.

Articuli titulus est de hominis justificatione.

Articulus ipse sic habet. "Tantum propter meritum Domini ac Servatoris nostri Jesu Christi, per fidem non propter opera & merita nostra, justi coram Deo reputamur. Quare sola fide nos justificari doctrina est saluberrima ac consolatoris plenissima, ut in Homilia de justificatione hominis fusius explicatur.

Hæc Articulus ubi exponitur,

1. Meritoria causa justificationis, Meritum Domini nostri Jesu Christi.
2. Instrumentalis, Fides.
3. Excluduntur à justificatione opera & merita nostra.

Corollarium inde deducunt conditores Articuli. Sola fide nos justificari.

Conclusiones ex hoc Articulo facillè deducibiles, sunt istæ;

1. Propter meritum Domini ac Servatoris nostri Jesu Christi, iusti coram Deo reputamur.
2. Tantum propter meritum Domini ac Servatoris nostri Jesu Christi iusti coram Deo reputamur.
3. Tantum propter meritum Domini ac Servatoris nostri Jesu Christi per fidem iusti coram Deo reputamur.
4. Non propter opera & merita nostra iusti coram Deo reputamur.
5. Sola fide nos justificari doctrina est saluberrima & consolationis plenissima.

Iste Articulus à nostra Ecclesia ponitur tum ad veram de justificatione hominis sententiam asserendam, tum ad falsam Romanensium impugnandam.

Asserit Ecclesia nostra nos, si de meritoria justificationis causa agatur, propter meritum Domini ac Servatoris nostri Jesu Christi iustos coram Deo reputari & quidem tantum propter meritum illud Christi, unde rejicit illud Romanensium, Nos propter opera & merita nostra iustos coram Deo reputari.

Sin de causa instrumentali quærat, quæ hoc meritum applicat personæ justificandæ, addit per fidem hoc meritum applicari, & quidem per fidem tantum unde inferunt Conditores Articuli solâ fide nos justificari doctrinam esse saluberrimam & consolationis plenissimam & ad hujus conclusionis fusiorem explicationem remittit nos ad Homiliam de justificatione.

C A P U T I I.

Ordo Disputationis Bellarminianæ de fide justificante & quatenus cum nostrâ conveniat, explicantur termini, Fides, Justificans.

Bellarminus de Justificatione acturus lib. 1. de Justific. c. 2. copiosè explicat causas justificationis; & quidem agit 1. de Fine, 2. de Efficiente, 3. de Materia. 4. de Forma. Tandem infinita collatione sententiarum, subductis rationibus subjici, ex hisce omnibus solum tria in questionem vocantur, Dispositiones, causa formalis intrinseca, & justitia actualis. "Cetera enim omnia (inquit) vel conceduntur ab omnibus vel sunt à nobis alio loco pro tenuitate ingenii nostri" & virum explicata. Hinc est quod in libris de justificatione exordium sumat à dispositionibus ad justificationem præviis: inde progreditur ad causam formalem intrinsecam; tandem agit de justitia actuali.

De causa formali justificationis & justitia actuali copiosè egerunt contra Bellarminum Reverendissimi ex hac nostra Academia emissi Episcopi, Derois uras in Tract. de Justificatione lingvæ vernaculâ conscripto ante 3. aut 4. annos typis Londini excuso: alter Sarisburiensis hujus nostræ Cathedræ olim insignis decus in lib. de justitia habituali & actuali non ita pridem hic apud nos in lucem edito ut alios mittam de hisce igitur capitibus agere, perinde esset ac post Homerum *lata la conserbere*. Mihi satis erit, si harum controversiarum primam, quæ est de dispositionibus ad justificationem, præsertim de fide, & potissimum de fide justificante, quæ juxta Bellarminum est prima dispositionum, in manus samplerum, quam Reverendus An-

tistes Sarisburiensis penitus intactam reliquit in lib. supra citato. Derensis forsan non adeo explicatè tradidit.

Atque hic monendum duximus, nos magna ex parte Bellarmini vestigia premere si methodum spectemus, nobiscum decrevisse.

Is igitur l. 1. de Just. e. 3. statum quaestionis de fide justificante explicare aggreditur, ubi hanc controversiam ad 4. capita revocat.

1. Quæ nam sit illa fides, sive quid sit ea fides, quæ ad justificationem requiritur?

2. Dissentimus (inquit) quod ipsi (protestantes) solam fidem justificare contendunt. Nos ei comites adjungimus in hoc officio justificationis, sive ad justiciam disponendi, erit igitur (inquit) altera quaestio, an per modum dispositionis sive instrumenti, sola fides justificet?

3. (Inquit) dissentimus quod ipsi fidem quam dicunt solam justificare, docent nunquam posse esse solam nos contradicimus, non justificare solam, sed tamen posse esse solam.

4. Dissentimus (inquit) de modo quo fides justificat, ipse enim contendunt fidem nullius esse pretii aut meriti & solum justificare relativè, Nos (inquit) asserimus fidem etiam à charitate disjunctam alicujus esse pretii & vim habere justificationis per modum dispositionis & impetrationis. Brevius dicam,

Quæritur 1. Quid sit fides justificans?

2. An sola justificet?

3. An possit separari à charitate?

4. An sua dignitate, virtute & merito per modum dispositionis justificet primam tract. capp. sequentibus 8. tres alias commiscet à c. 12. ad finem libri. Atque hæc summam exerpisse à Bellarmino sufficiat.

Primum caput Bellarminus explicare aggreditur cap. 4. viz. quæ sit fides justificans ex sententia tum nostrorum (quos hæreticos appellare non dubitat) tum etiam Romanensium: tandem colligit & concludit 3. in rebus ab hæreticis Catholicos dissentire

1. In objecto fidei justificantis, quod Hæretici (inquit) restringunt ad Solam promissionem misericordiae specialis. Catholici (inquit) tam latè patere volunt quàm latè patet verbum Dei; quin potius certam promissionem specialis misericordiae, non tam ad fidem quam ad præsumptionem pertinere contendunt.

2. In facultate & potentia animæ quæ sedes est fidei, siquidem illi fidem collocant in voluntate cum fiduciam esse definiunt; ac per hoc, inquit, eam cum spe confundunt; fiduciam enim inquit, nihil est aliud quàm spes proborata, ut docet Thomas 2. 2. q. 129. a. 6. Catholici (inquit) fidem in intellectu sedem habere docent.

3. In ipsò actu intellectus ipsi enim per notitiam fidem definiunt, Nos per assensum, Assentimur enim Deo, quàmvis ea nobis credenda proponat, quæ non intelligimus.

R. Ut hisce omnibus commodè occurramus, quia potissimum agitur de fide justificante, præmittenda est explicatio terminorum præcipue votum,

Quod ad priorem terminum attinet Fidem nimirum, Bellarminus cap. 4. in initio ait

sectarios tres fides distinguere solere,

Historicam
Miraculosam
Promissionum,

idque ait intelligi posse ex Calvino & Kemnitio.

R. Nos agnoscimus Fidei varias acceptiones occurrere in hæc literis & in hisce aliam dici posse Historicam, quæ credimus vera esse quæcumque Historice narratur in sacris literis veram Historiam continere, imò quæcumq; ibi narratur verissimè esse.

Hu-

Hujus meminit Augustinus de vera religione cap. 50. Non tamen ita inhaeremus voci Fidei Historicæ, quin etiam eam, cum ad res fidei referatur, rectè dici posse fidem catholicam cum Cyrillo Hierosolymit. Catech. 5, & 9. aut etiam Dogmaticam cum verferetur circa dogmata fidei cum Chrysostom. Hom. 29. in priorem ad Corinthios ubi πιστος ἡθρογυμνός meminit.

2. Meminit Scriptura Fidei Miraculorum quam Chrysost. loco citato appellat πιστὴ τῶν θαυμάτων fidem signorum, quæ denotat persuasionem de futuro aliquo effectu miraculoso conceptam ex revelatione aut promissione singulari, aut motu extraordinario Sp. Sancti per Dei omnipotentiam totam vim naturæ creatæ superantem, producendo. Hujus fidei meminit Servator, Matth. 17. 20. Amen quippe dico vobis, si habeatis fidem sicut granum synapis dicetis monti huic, transi hinc illic, & transibit, & nihil impossibile erit vobis; Luc. 17. 6. Si habeatis fidem sicut granum sinapis dicetis huic arbori moro eradicare & transplantare in mare & obediet vobis; 1 Cor. 13. 2. Si habeam omnem fidem ita ut montes transferam & charitatem non habuero, nihil sum.

3. Fides promissionum est illa fides quæ fertur in divinas promissiones de remissione peccatorum, seu quæ assentimur veritati promissionum divinarum præsertim promissioni Evangelicæ: Quicumque crediderit in Christum Redemptorem ei remittuntur peccata & id genus alia. Ac quamvis eadem fide Catholica quæ assentimur omnibus divinitus revelatis, assentiamur & huic promissioni Evangelii, tamen hoc peculiare est fidei promissionis, quod basis sit & fundamentum fidei justificantis & etiam fidei specialis, quæ applicamus nobis in particulari beneficia in fœdere Evangelii promissa ut postea explicabitur; quod dici non potest de assensu præstito aliis propositionibus & veritatibus divinitus revelatis.

Atque hæc fides promissionum est fides generalis; est autem & fides specialis, quæ unusquisque sibi promissionem divinam applicans, firmiter credit sibi peccata omnia esse dimissa, quæ applicatio non verè fit nisi re ipsa impletâ conditione fœderis gratuiti, est autem illa conditio, ut credamus in Christum. Qui enim præstat conditionem fœderis credendo in Christum Redemptorem, ille verè & jure insere potest ad se pertinere remissionem peccatorum; ac proinde applicare sibi ipsi beneficium remissionis peccatorum in dicto fœdere promissum.

Ex dictis tribus fidei speciebus sola tertia, quæ est fides promissionum aliquo modo respicit fidem justificantem, quatenus conditionem continet fœderis novi, quæ conditio est, actus fidei justificantis.

Hoc ipsum commodissimè explicabitur simul & demonstrabitur, si accuratè perpendamus Syllogismum, cujus propositio est ipsa promissio Evangelii, quæ quisque fidelis suam in fœdus gratiæ receptionem infert & concludit, ubi unâ eademque operâ variz fidei species huic negotio explicando inservientes, sese nobis offerunt ex quarum distinctione & collatione magis elucescit fidei justificantis natura & proprietas. Sic enim ratiocinatur fidelis,

Quicumque credit in Christum Redemptorem, illi sunt remissa peccata.

Ego credo in Christum Redemptorem, ergo

Mihi sunt remissa peccata.

In hoc Syllogismo firmus assensus majori adhibitus exhibet nobis actum fidei Catholicæ.

Minor exprimit, actum fidei justificantis, ut postea demonstraturi sumus; ubi Quid sit credere in Christum Redemptorem explicabitur.

Assensus adhibitus conclusioni exprimit actum fidei specialis applicantis fidei promissionem generalem seu beneficium promissum.

Cum autem in majori propositione (quæ expressè habetur in sacris literis, & sit ipsa generalis promissio Evangelii, & fœdus gratiæ contineat; Duo sunt consideranda,

1. **Conditio fœderis,**
2. **Res promissa.**

Con-

Conditio Novi Fœderis est Credere in Christum Redemptorem; Res promissa est remissio peccatorum; & reliqua beneficia morte Christi parata. Quicumque autem verè præstiterit conditionem, Credendo in Christum Redemptorem, is verè jus habet ad remissionem peccatorum, & dicta beneficia ejus appendices, unde & veraciter dicere potest, mihi remissa sunt peccata.

Hic sic explicatis, dicimus, illam verè dici fidem justificantem cujus actus in Minore exprimitur, quâ quis credat in Christum Redemptorem.

Hæc de Terminis, Fides.

Explicandus jam alter terminus, quò clarius constet, quare Fides illa dicatur Justificans.

Ubi præmittendum, Certum esse tò Justificare in Sacris Literis opponi & Condemnare: Ut patet Deuteron. 25.1. Si fuerit causa inter aliquos, & interpellaverint Judices, quem justum esse perspexerint, illum justificabunt; quem impium, condemnabunt impietatis.

Prov. 17.15. Qui justificat impium, & qui condemnat justum, abominabilis est uterque apud Deum.

Rom. 8. 33. Quis intentabit crimina adversus Electos Dei? Deus is est, qui justificat. Ver. 34. Quis est qui condemnet? Hebræa item vox *מַשְׁפִּיט* & Græca etiam *δικαίνω* & *δικάζω* ferè sumuntur forensi significatione, ut justificare idem sit atque absolvere coram tribunali Judicis à criminibus intentatis. Hoc ex eo liquet, quod coram tribunalibus de pœnis potissimum agitur, an irroganda sint reo, an ab illis absolvendus sit.

Sic Rom 8.33. "Quis intentabit crimina adversus electos Dei? Deus est qui justificat, v.34. Quis condemnabit? Fides ergo justificans illa dicenda est, quâ Peccator pœnitentiam agens credens in Christum & ejus satisfactionem, à peccatorum reatu coram tribunali Dei absolvitur, & justus pronuntiatur.

C A P U T III.

Quid sentiendum sit de tribus illis, in quibus colligit Bellarminus à Protestantibus Romanenses dissentire.

HAc explicatione terminorum præmissâ, jam dispiciamus de tribus istis, in quibus colligit Bellarminus ab Hæreticis Catholicos dissentire.

Primum est, in objecto fidei justificantis, quod hæretici (inquit) restringunt ad solam promissionem misericordiæ specialis. Catholici (inquit) tam latè patere volunt quàm latè patet verbum Dei; quin potius certam promissionem specialis misericordiæ non tam ad fidem quàm ad præsumptionem pertinere contendunt.

Sol. Respon. Quod ad hunc dissensum atinet de objecto fidei justificantis inter Protestantibus & Romanenses; dicimus minùs veraciter eum à Bellarmino exponi: Non enim Protestantes restringunt objectum fidei justificantis ad promissionem specialis misericordiæ, multo minùs ad solam promissionem specialis misericordiæ.

Nos dicimus objectum actus fidei justificantis, esse Christum, Christum Mediatorem, Christum Redemptorem, mortem, passionem, satisfactionem, meritum Christi.

Christi, juxta illud Apostoli Rom. 3. 25. Quem Deus proposuit placamentum per fidem in sanguine ejus: Ex eo autem quod credimus in Christum Redemptorem & ejus sanguinem, inde applicamus nobis beneficia parta sanguine Christi, remissionem peccatorum, & reliqua beneficia promissa, & promissionis specialis misericordiar; quæ propriè loquendo, sunt objecta fidei specialis applicantis nobis res promissas, non fidei justificantis:

Rursus falsam esse postea evincemus Romanensium assertionem, objectum fidei justificantis tam latè patere, quam verbum Dei; & certam promissionem specialis misericordiar, non tam ad fidem quam ad presumptionem pertinere: ut contendit Bellarminus.

2. Dissensum ponit Bellarminus in facultate & potentia animæ, quæ sedes est fidei; siquidem illi, inquit, [Protestantes] fidem collocant in voluntate, cum fiduciam esse definiant, ac per hoc eam cum spe confundant: Fiducia enim nihil aliud est (inquit) quam spes roborata, ut docet Thomas 2. 2. q. 129. art. 6: Catholici autem fidem in intellectu sedem habere docent.

Sol. R. Protestantes fidem justificantem fiduciam esse definiunt, & eam in voluntate ut in sede, & subjecto proprio collocant; non tamen cum spe confundunt ut illis imponit Bellarminus, cum affectus sint reipsa & realiter distincti; unde nec fiducia illa dicenda est spes roborata, ut postea videbimus;

Dicimus porro, Romanenses pessimè docere fidem justificantem in intellectu sedem habere. Utcunque enim fides Catholica seu dogmatica sedem habeat in intellectu, utpote quæ non aliud sit quam assensus firmus omnibus divinitus revelatis: fides tamen justificans cum sit fiducia ut infra docebimus, sedem, necesse est, ut habeat in voluntate.

3. Dissensus (inquit Bellarminus) est in ipso actu intellectus: ipsi enim [Protestantes] (inquit) per notitiam fidem definiunt: Nos (Romanenses) per assensum. Assentimur enim Deo, quamvis ea nobis credendo proponat quæ non intelligimus.

Sol. Respon. Notitiam prærequiri ad fidem justificantem, ideoque Notitiæ meminit Calvinus in definitione: Sed neque per assensum rectè definitur fides illa quæ appropriato nomine dicitur justificans, sed per fiduciam, ut postea patebit.

CAPUT IV.

Statas Questionis proponitur de Fide Iustificante ubi variis rationibus à Scripturis petitis demonstratur, aliam esse à Fide Catholica Romanensium.

Iuxta præmissa,

I. Queritur, inter Protestantes & Romanenses, An Fides iustificans sit nudus assensus firmus ac certus ad ea omnia quæ Deus credenda proponit, seu, quod eodem recidit, sit firmus assensus ad omnia divinitus revelata.

Romanenses docent & defendunt fidem illam cui Scriptura toties justificationem tribuit, non aliud esse quam firmum assensum omnibus divinitus revelatis adhibitum; seu assensum ad omnia, quæ in verbo Dei continentur, seu non aliam quam ea, quæ dicitur Catholica.

Orthodoxa Ecclesia Protestantium, hanc fidem Catholicam, quæ assentitur omnibus divinitus revelatis in sacris Scripturis, ad justificationem peccatoris requiri ait, & necessario præsupponi: addit etiam eandem quatenus assentitur promissioni Evangelii seu fœderis gratuiti basin & fundamentum esse fidei illius quæ iustificatur; sed insuper docet, illam fidem quæ iustificatur esse longe aliam à priore, utpote quæ non dicit nudum generalem assensum ad ea, quæ Deus in verbo suo revelavit; sed dicere insuper fiduciam in Christum Mediatorem & Redemptorem ob remissionem peccatorum: Id quod hisce rationibus confirmat.

1. Insignia illa Elogia & effecta quæ Scriptura tribuit fidei iustificanti, fidei Catholice seu nudo assensui ad ea quæ divinitus revelantur, nullo modo accommodari possunt ut cum 1. ad Roman. 1. 17. Apostolus ex Propheta ait, Iustus fide vivit: & alibi ad Galat. 2. 20. idem Apostolus ait, Vitam quam nunc vivo in carne, vivo per fidem filii Dei. At fides Catholica & assensus ille omnibus divinitus revelatis in iis reperitur in quibus nulla est vita Spiritualis, seu vita iustitiæ: ut in Simone Mago, qui narrante Lucâ Act. 8. 13. ad prædicationem Philippi dicitur credidisse; Tunc Simon & ipse creditit, & cum baptizatus esset, adhibebat Philippo. Simon credebatur fide catholica, ea quæ à Catechumenis præexigebatur ad capeffendum baptismum: & tamen versu 13. Petrus ait, Cor tuum non est rectum coram Deo. Isti porro Auditores verbi qui conferuntur cum terrâ petrosa Luc. 8. 13. ad tempus credunt, sed in tempore tentationis abscedunt: quamvis cum gaudio excipiant sermonem, quia tamen radices non habent non vivunt vitâ gratiæ divinæ, quæ tamen requiritur ad vitam Spiritualem animæ & vitam iustitiæ.

2. Christus per fidem inhabitat cordibus. Ephes. 3. 17. Orat Apostolus pro Ephesiis ut inhabitet Christus per fidem in cordibus eorum.

3. Jus filiorum confert, Joan. 1. 12. Quotquot eum acceperunt dedit iis hanc dignitatem, ut filii Dei fierent, his qui credunt in nomen ejus. Et Gal. 3. 26. Omnes filii Dei estis per fidem in Christo Jesu.

4. Remissionem peccatorum obtinet, Act. 10. 43. Huic omnes Prophetæ testimonium perhibent remissionem peccatorum accipere per nomen ejus omnes, qui credunt in eum.

5. Iustificat. Gen. 15. 6. & Rom. 4. 3. Abraham credidit in Deum & imputatum est ei ad iustitiam. Rom. 3. 26. Deus iustificat eum, qui est ex fide Iesu Christi. Et Rom. 5. 1. Iustificati ergo fide, pacem habemus ad Deum.

6. Placat Deum. Rom. 3. 25. Quem Deus proposuit placamentum per fidem in sanguine ejus.

7. Accessum dat ad Deum, Ephes. 3. 12. In quo habemus fiduciam & accessum in confidentia per fidem ejus.

8. Purificat corda, Act. 15.9. Vincit mundum & Sathanam, 1 Joan 5.4. Hæc est victoria quæ vincit mundum fides vestra, Ephes. 6.16. In omnibus sumentes scutum fidei, quo possitis ignea tela nequissimi extinguere, 1 Pet. 5.9. Cui resistite fortes in fide. Hæc non possunt certè accommodari nudo assensui eorum quæ in verbo revelantur, cum iste assensus sæpenumerò in iis reperiatur, in quorum cordibus Christus non inhabitat, iis etiam quibus jus filiorum nunquam confertur, nec remissio peccatorum nec pax cum Deo; iis etiam cum quibus Deus non placatur, iis etiam quibus non datur aditus ad Deum, iis etiam quorum corda non purificantur, iis etiam qui non vicerunt mundum & Sathanam. Quæ omnia & Romanenses agnoscunt. Hæc sit prima ratio.

2. Actus fidei justificantis est conditio fœderis gratuiti, at assensus nudus divinitus revelatis non est conditio fœderis gratuiti,

Ergo

Talis assensus non est fides justificans.

Major constat ex iis locis ubi mentio fit fœderis gratuiti, ut Joan. 3.16. Quicumque credit in eum non peribit, sed habebit vitam æternam, Act. 10.43. Huic omnes Prophete testimonium dant, remissionem peccatorum accepturum quoniam qui crediderit in eum, Act. 16.30. Compellat Paulus Commentariensem, crede in Christum & servaberis.

Idem apertius adhuc patet, Rom. 10. v. 5. cum v. 9. & 11. collato. Nam ibi describitur fœdus legale his verbis; qui præstiterit ea, vivet in iis: fœdus autem Evangelicum hisce; si credideris in corde tuo, quod Deus eum excitavit à mortuis, servaberis, corde enim creditur ad justitiam, dicit enim Scriptura, Omnis qui credit in Illum non confundetur.

Minor autem [At assensus nudus revelatis in verbo non est conditio fœderis gratuiti] apertè constat ex loco ultimo citato: Nam si assensus nudus revelatis à Deo esset conditio fœderis novi seu gratuiti, tum æquè credendo & assentiendo huic propositioni, qui præstiterit, vivit in iis, justificaremur; atque assentiendo huic, Omnis qui credit in eum non confunditur: quæ tamen apertè distinguuntur, imò in negotio justificationis, opponuntur eo in loco, ut patet ex collatione v. 5, 6, 9, 10. Cum tamen Apostolus disertè dicat in priori fundari justitiam legalem, in alterâ justitiam Evangelicam; quam Paulus justitiam fidei appellat: & discrimen hujus utriusque justitiæ deducit ex duplici promissione Dei, altera legali, altera Evangelica.

3. Objectum fidei Catholicæ, cui est nudus assensus, est omne divinitus revelatum, tam minæ quàm promissiones, tam Belial quàm Christus; tam Tentator quàm Servator, tam Christus Judex, quàm Christus Redemptor: at fides justificans non nisi ad promissiones novi fœderis respicit, & circa eas versatur; Ejusque objectum proprium est misericordia Dei in Christo promissa, Christus, Christus ut Servator, Christus ut Redemptor, Christi sanguis, mors, meritum, satisfactio, obedientia, ut passim docet Scriptura. Ergo aliud est nudus assensus divinitus revelatis, aliud fides justificans.

4. Fides Catholica est subjectivè in intellectu, & ejus actus assensus nimirum, est actus intellectus; hoc utrinque in confesso est & apud Romanenses & Protestantibus.

At fides justificans seu fiducia est subjectivè in voluntate, cum sit affectus, quo adheremus alicui medio, ad consecutionem alicujus finis, vel affectus quo voluntas adheret seu innititur alicui medio, quod judicatur vel solum vel cum aliis sufficiens vel potens ad finem aliquem arduum quem appetimus, possibilem tamen, consequendum: Et ejus actus est credere in aliquem seu aliquid, seu fiduciam collocare in aliquem vel aliquid, qui actus est actus dicti affectus, ac proinde actus est voluntatis: Unde credere in Christum dicimus idem esse, atque in Christo fiduciam collocare.

CAPUT V.

*Tò Credere in aliquem in Sacris Literis plerumque idem sonare
atque fiduciam in aliquo collocare.*

Desumitur autem hæc *φρασις* seu formula loquendi ex V. instrumento; neque enim occurrit in scriptis Gentilium. Ac licet in Sacris literis, Credere in aliquem, & credere alicui interdum promiscuè usurpentur, idemque significent; longè tamen frequentius distinguuntur; Et plerumque idem sonant Credere in aliquem, & fiduciam in aliquo collocare, præsertim quando agitur de conditione fœderis gratuiti.

Hoc evincitur, 1. Ex locis quibusdam, ubi planè confunduntur, τὸ credere in aliquo & confidere in aliquo; ut Job. 39. 11. Ubi Deus agens de Rhinocerote: Nunquid confides in eo? quia multum robur ejus. Ver. 12. Nunquid credes in eo, quod reddet semen tuum? Ubi in Hebræo, ver. 11. כוּ הַחֲכִשָׁה אֶל רֵדִי, בָּשָׁח (י.) confidit: LXX vertunt σίκοις τὸ ἐν αὐτῷ; ἀ σίκοις.

2. Vox in Hebræo est כוּ הַחֲכִימִין אֶתְּנֵנִי אֶתְּנֵנִי לְךָ, credidit: LXX reddunt πιστεύω. Hoc ipso in loco aperte confunduntur, confidere in aliquo & credere in aliquo.

Locus alter occurrit Psal. 78. 22. ubi mentio fit iræ Dei accensæ adversus Israelitas cujus ratio ibidem redditur, Quia non crediderunt in Deum, nec confisi sunt in salute ejus, ולא חָמְסֵנוּ בָּאֱלֹהִים, ולא חָמְסֵנוּ בִישׁוּעָתוֹ. LXX reddunt, οὐκ ἐπίστευσαν ἐν τῷ Θεῷ, οὐκ ἐπὶ σωτηρίᾳ αὐτοῦ. Ubi rursus לא חָמְסֵנוּ בָּאֱלֹהִים, Grace, ἐν ἐπίσταν ἐν τῷ Θεῷ. Non crediderunt in Deo. בִישׁוּעָתוֹ לֹא חָמְסֵנוּ, Grace ἐν ἐπίσταν ἐν τῷ Θεῷ, neque confisi sunt in salute ejus, pro iisdem sumuntur. Hic iterum τὸ credere in Deum, & confidere in salute ejus, promiscuè & pro iisdem usurpantur.

3. Locus occurrit, Mich. 7. 5. Ne credatis in Socium; Ne confidatis in Principem כָּל חֲכִמֵּינוּ בְּרֵעַ אֶל-חֲכִמֵּינוּ, LXX Μη πιστεύετε ἐν φίλοις, καὶ μὴ ἐπιστρέψετε ἐν ἡγεμόσιν. Pro iisdem sumuntur in Hebræo, אֶל חֲכִמֵּינוּ, in membro priori. Et אֶל-חֲכִמֵּינוּ, in membro posteriori. Et πιστεύετε & ἐπιστρέψετε. Nec movent quoniam quod אֶל-חֲכִמֵּינוּ. Vertunt LXX, καὶ ἐπιστρέψετε quomodo in loco precedente לֹא חָמְסֵנוּ vertunt LXX, οὐκ ἐπίσταν. Nam, ut postea manifestum faciemus, τὸ ἐπιστρέψετε ἐν τινί, idem est atque τὸ πιστεύετε ἐν τινί; Cum τὸ sperare in aliquo cum refertur ad medium sive personam, sive rem, idem sit atque credere in aliquo vel confidere in aliquo; unde LXX, τὸ בָּשָׁח Hebræam vocem quæ proprie significat, confidit, vertunt frequentissime per τὸ ἐπιστρέψετε.

4. Locus occurrit Eccles. 32. ult. in Edit. Complutent. & Montan. Interlin. καὶ πιστεύει ἐν κυρίῳ πνεύματι ἁγίῳ, καὶ οὐ μεταβάλλει αὐτὸν ἐν ἀπιστίᾳ. Qui credit Domino attendit mandato, & qui confidit in illo, non minorabitur. Mont. in Interlin. Non diminuetur. Vid Not. Hæschil. in Eccles. p. 417.

Ex hisce constat exemplis in V. Instrumento & libro Ecclesiastici scriptoris Apocryphi, pro eodem usurpari. Credere in aliquem, & confidere in aliquo. Unde constat Credere in aliquem denotare actum voluntatis, non intellectus.

2. Quod τὸ credere in Deum, sit τὸ fiduciam in Deum collocare, vel τὸ recumbere in Deum, patet, ex collatione locorum, & versione Interpretum. 1 Paralip. 5. 20. In contextu sic habetur, In manus Reubenitarum traditi sunt Hagaren: Et ratio subjicitur, Nam ad Deum clamaverunt Reubenitz in prælio, & exoratus fuit ab eis, quia fiduciam collocaverant in eo. Heb. בָּשָׁחוּ בִּי. Quæ verba sic reddit vulgatus Interpres, eo quod credidissent in Deum: Ex quo patet Vulgatum Interpretem pro eodem sumere fiduciam in Deo collocare, & credere

in Deum. Sic 2 Paralip. 16 8, 9. ubi in Hebræo est *על ידו* in inniten-
do te super Domino: à radice *שען*. Vulgatus Interpres reddit, Cum in Domino
credidisses, Ubi inniti Domino, fiduciam in Domino collocare, & credere in Domi-
no. pro eodem sumuntur à dicto interprete.

3. Hoc idem evincitur ex collatione locorum parallelorum V. & N. Test. Quae enim in V. Testam. Confidentibus & fiduciis in Deum; ea in N. Testam. saepe credentibus in Christum, & fidei iustificanti tribuuntur. Psalmista pronunciat, Psal. 2. 13. Beatos omnes qui confidunt in eo; חוֹסֵי בַּיהוָה אֲשֶׁר יִשְׁמְרוּ, in eo. Et Paramitites: Prov. 16. 20. Qui sperat in Domino כִּי־יִשְׁתָּכַח בֵּיתוֹ beatus est. LXX ὁ πιστεύων ἐν θεῷ κληθήσεται δικαιός. In N. Test. sic redditur Joan. 3. 16. Qui credit in eum, ὁ πιστεύων εἰς αὐτόν, non peribit sed habebit vitam aeternam. Et ver. 36. ὁ πιστεύων εἰς τὸν υἱὸν habebit vitam aeternam. Et certe πιστεύειν εἰς κληῖν in V. Test. & πιστεύω in κληῖν, Psal. 77. 26. Esai. 28. 16. 2 Paralip. 20. 21. Mich. 7. 5. interdum versus 70 Interretum, & assim in Novo Testamento idem sonant.

Prov. 3. 5. כִּשְׁחֵ אֶל יְהוָה בְּכָל-לֵב. LXX. ὁ δὲ πιστεύων ἐν ὅλῃ καρδίᾳ αὐτοῦ Θεῷ. Confide Domino toto corde. Id. A. 8. 37. sic enunciatur, ubi compellat Philippus Eunuchum Baptismum competentem. οἱ πιστεύοντες ἐν ὅλῃ καρδίᾳ ἔχουσιν. Si credas ex toto corde; licet Esai. 26. 3. Custodies pacem, pacem, quia tibi fides seculi te confisus est. כִּן כִּשְׁחֵ Fide in Domino in perpetuum, ὅτι ἐστὶ σοὶ ἀνάπαυσις; Id. ita enuntiatur, Rom. 5. ἀποκαθίστας ἡμᾶς ἐν χάριτι, ἐφ' ὧν ἔχομεν χάριν τοῦ Θεοῦ. Justificati ex fide, pacem habemus apud Deum.

Illud etiam addendum, 1. Certum esse Hebræos sæpe actum fiducie exprimere per verbum אמן Aman: quod verbum semper reddunt LXX Interpretes per τὸ πισδεῖν. Exemp. gratiâ, Plal 78.22. וְהִמְנִינוּ בְּאֱלֹהֵינוּ וְלֹא בָּשָׁרוּ כִּי־יִשְׁׁוּ וְלֹא כִּי־יִלָּא Et non crediderunt in Deo nec confisi sunt in salute ejus. Sic Esaiæ 28.16. Ecce ego fundo, seu pono lapidem in Sion. וְהִמְנִינוּ לֹא רִישׁ. Credens non festinabit, τὸ πισδεῖν ἰσ' αὐτοῦ καὶ ἀναζωοψήσεται. Sic reddunt LXX, & Apostolus ἐ LXX; Quomodo in hunc lapidem credi potest? nisi ut quis illo nitatur & ad illum adherescat.

Esaías ita hebraice, Qui credit non festinabit; quasi diceret, Se in Deum conjiciet, ut ille ipsi subveniat, & patienter expectabit, dum quod pollicitus est, præstet, ut rectè Wottonus. Sensus est, Omnis sive Judæus, sive Gentilis, qui crediderit in illum lapidem (i.) qui fiduciam collocavit in illum Lapidem, illoque nitatur, ut justitiam & salutem consequatur, haudquaquam pudebit, (i.) non frustrabitur expectata justitia & salute, quia illum fiduciæ suæ non pudebit, quin potius voti compos erit.

2. Aequè certum est, Græcos actum fiducia exprimere per verbum *πίστις*. Notum est carmen Phocylidis

Λαβὲ μὴ πείσθε πολλὰ πρὸς ὑμῖν ὁμιλοῦντας.

Ne confide Populo, mutabile est Vagus. H. Stephanus in Thesaur. p. 3. p. 142. inter alias significationes recenset & hanc *πιστῆς*, fido, confido, nitor, fretus sum, fiduciam & spem colloco, idem cum *πιστῆς*, ubi varia exempla adducit ex Thucydide, Demosthene, & Æschine: ubi etiam locum Demosthenes quem petit e commentariis Doctiss. Budæi p. 98. allegat: ubi τὸ *πιστῆς*, idem est Demostheni atque *ἐξελθῆς*, (i. e.) niti, seu fiduciam collocare, idem etiam atque *ἐξελθῆς*, (i. e.) inniti. Vide locum.

Sed & LXX Interpret. in V. Test, ut actum fiduciae expriment, adjiciunt praepositionem *ἐν* vel *ἐκ*, *καὶ ἐν τῷ Θεῷ* vel *ἐκ τοῦ Θεοῦ*. Ut loco citato e Psal. 77. 26; καὶ ἐκ τοῦ

ἐπίστευσαν ἐν τῷ Θεῷ, ὡς ἡ ἀλήθεια ὅτι τὸ σωτήριον αὐτῶν. Ubi non crediderunt in Deum, & non confisi sunt in salutari ejus; promiscuè usurpantur. Sic & Esaiæ 28. 16. ὁ πιστεύων ἐν ἀκτῇ ἡ κατασκευάζεται. Qui confidit in illo Lapide (in Sione posito) seu nititur illo lapide, non confundetur; qui locus citatur bis ab Apostolo ubi agit de actu fidei justificantis, Rom. 9. ult. & 10. 11. Et etiam à Petro, 1 Pet. 2. 6. Sic 2 Paralip. 20. 20. Ἐμπιστεύσατε ἐν Κυρίῳ τῷ Θεῷ ὑμῶν. Credite seu confidite in Domino Deo vestro, & roborabimini seu confirmabimini. Sic Mich. 7. 5. Μὴ καταπιστέψετε ἐν φθόισι. Ne credatis. (i.) ne confidatis in amicis, ut ex sequenti membro constat. Sic in N. Test. ubi Paulus Rom. 4. 3. adducit illud Gen. 15. 6. ubi in Hebræo habetur וַיִּשְׁתָּכַח אַבְרָהָם. Et credidit in Dominum & imputatum est ei ad justitiam. LXX, & ex iis Apostolus Rom. 4. 3. ἡ πίστις δόσιν ἔσχετο τῷ Θεῷ ὡς ἡ λογιστὴ αὐτῶν εἰς δικαιοσύνην: Confisus est Abraham Deo promittenti. Unde ver. 5. sic habetur At non operanti, πιστεύοντι ὃ ὁρί τὴν δικαιοσύνην τὸν ἀσπεύει; sed credenti in eum qui justificat impium; reputatur fides ejus ad justitiam.] Credenti in eum seu fiduciam in eum collocanti qui justificat impium, absolvendo à peccatis impium, imputatur fides ejus (i.) fiducia qua nititur Deo promittenti & ejus potentia, fidelitate, bonitate item & misericordia per Christum, imputatur ei ad justitiam: Dominicus à Soto in Rom. 4. 5. Consulto Paulus non dicit credenti ei, sed credenti in eum; quæ phrasis voluntatis affectum designat, comitem fidei: Certè nullà probabilitate asseritur, nudum assensum, quo Abraham credidit Deum esse justificatorem Impii, esse illam fidem quæ imputata est Abraham ad justitiam; & qua justus sistebatur coram Deo: Unde Estius in locum, addit. Per fidem intellige fidem sperantem, diligentem, invocantem & obedientem. Augustinus Tract. 29. in Joan. cum adduceret hanc Apostoli sententiam: Credenti in eum qui justificat impium, &c. Quid est, inquit, credere in eum? Credendo amare, credendo diligere, credendo in eum ire, & ejus membris incorporari] Credendo amare & diligere, Augustino, est credendo amare & diligere Deum invitantem, & allicientem vel hostes ad reconciliationem, quæ dilectio disponit ad reconciliationem, & est justificationi antecedanea: Sed addit Augustinus credendo in Deum ire, (i.) confugere ad Deum misericordem per actum fiducie; & ita ire, ut hoc ipso actu membris ejus incorporemur. Sed de hoc loco postea; & alius, ex eodem Augustino.

Adde. aliis in locis N. Test. ut Act. 13. 39. Et ab omnibus quibus non potuisti lege Moyse justificari, ἐκ τίνος αὐτὸς ἀπιστεύων δικαιώται (i.) in hoc, vel per hunc, omnino qui credit justificatur] Et ubi Paulus & Silas Commentariensi sciscitanti, quidnam oportet facere ut salvus fiat, respondent, Πιστεύου ὅτι τὸν κύριον Ἰησοῦν Χριστόν, ὃ σωθήσῃ σὺ, ὃ ἄνθρωπος σὺ. Ubi Paulus & Silas sciscitanti Commentariensi de modo & medio quo ad salutem perveniri possit, non alterius meminerunt quam fidei solius, seu fiducie in Christum Jesum recumbentis: Non enim intelligi potest hic locus de nudo assensu, quo cædo Jesum Christum esse Dominum, nam & hoc crediderunt Demones, & multi impii, qui nunquam salutem consecuturi sunt. Sed & eadem formula loquendi crebrò occurrit in N. Testam. ut Act. 22. 19. Rom. 4. 24. & 9. 33. & 10. 11. 1 Tim. 1. 16. 1 Pet. 2. 6.

Denique quid denotat illa nova loquendi formula quæ tam crebrò occurrit in Novo Testamento εἰς τὸν Χριστὸν πιστεύειν in Christum credere? Num illud solummodo, credere vera esse quæ Christus loquitur? At quid opus erat ad hanc notionem exprimendam ut Spirit. Sancti amanuenses tam novam & insolentem loquendi formulam introducerent, imò tam inusitatam, tam obscuram, & à vulgari intelligentia remotam? Quod enim breviter perspicue & clare dici potuit, Χριστὸν πιστεύετε, cur Evangelistæ & Apostoli novo & inusitato more dicendi, εἰς Χριστὸν πιστεύετε, voluerunt obscurare? Hæc etenim formula loquendi εἰς Χριστὸν πιστεύειν quæ toties occurrit in N. Test. imò quæ in Evangelio Johannis trigiesies novies, si rectè observavi, habetur; ut alia loca quamplurima mittam; hæc inquam formula tota est Sp. Sancto & illi quidem propria, neque enim ullum è Græcis Scriptoribus Authorem agnoscit; ne illos quidem LXX Interpretes qui Hebræa Biblia græce reddiderunt, à quibus tamen Apostoli & Evangelistæ, multa in scriptis suis, quod ad ipsam ἀνατίνετ, crebrò mutucentur: Quare cum Spiritus Sanctus no-

vā loquendi formulā utatur, quam actum fiduciæ exprimere perspicuum est. aliud quiddam præter communem vocis significationem proponere voluisse credibile est. Ut nihil causæ sit, cur fidem completi fiduciam, & τὸ πισδῶν εἰς Χριστὸν. Credere in Christum sit in Christum fiduciam collocare, dubitemus, ut rectè Wottonus. Atque in hunc sensum interpretanda sunt illa loca, ubi exprimitur conditio scæderis gratuiti. Ut Joan. 3.16. Sic Deus dilexit mundum ut filium suum unigenitum daret (in crucem levandum) ut quisquis credit in eum, ἵνα μὴ εἰς αἰσδῶν εἰς αὐτὸν non pereat sed vitam æternam habeat. Christus enim mortem crucis obeundo novum pactum cum toto humano genere inendum meruit; ut quicumque credat in Christum crucifixum non pereat sed habeat vitam æternam: Credere autem in Christum crucifixum non est nudè assentiri, Christum esse crucifixum; id ipsum enim credunt ipsi Demones; id ipsum mali & impii homines credunt, qui tamen in æternum perituri sunt, nec unquam habituri sunt vitam æternam. Et ibid. versus 18. Qui credit in eum εἰς αἰσδῶν εἰς αὐτὸν, non condemnatur, qui autem non credit, jam judicatus est, quia non credidit in nomen unigeniti Filii Dei. Et versus 36. εἰς αἰσδῶν εἰς τὸν υἱὸν, ἃ καὶ ζῶντες αἰσδῶν, ὁ δὲ ἀπεκθῆναι τὸν υἱὸν οὐκ ἐπιστάμεθα, ἀλλ' ἡ ἰσχυρὰ τοῦ Θεοῦ μένει ἐν αὐτῷ. Qui credit in Filium habet vitam æternam, qui autem incredulus est, non videbit vitam, sed ira Dei manet super eum. Hic τὸ credere in Christum liberat à condemnatione, & credens in Christum fruatur vitā æternā: quæ dici non possunt de iis qui nudè assentiuntur, Christum esse, vel credunt ejus sermonibus. Vid Joan. 6.35. & 40.

Ex hisce constat, non magni faciendum Canonem 43: Cornel. à Lapid. in Epistolas Pauli, ubi ait apud Hebræos & in Scripturis idem significare, Credere Deo, credere in Deo, & credere in Deum: Et verbum פִּיטֵי (i.) credere Hebræis significare contactum quendam mentalem, quo mens quasi tangit suā credulitate & consensu rem creditam, illique adhærescit.

Explicatio certè improprè & planè improbabilis; quanto probabilius dicitur, Affectu fiduciæ, animum, Christum & ejus merita in quæ recumbit contingere, eisque adhærescere in negotio reconciliationis & justificationis: quod & ipse alibi ingenuè fatetur.

Quod de formulâ diximus loquendi, τὸ πισδῶν εἰς τὸν Χριστὸν, id ipsum pariter dicendum de similibus formulis quæ denotant non nudum assensum, sed fiduciam in Christum & ejus merita: ut cum Apostolus ait Rom. 3.25. Quem proposuit Deus propitiationem seu placamentum διὰ τῆς πίστεως ἐν τῷ αἵματι τοῦ αἰματὶ per fidem in sanguinem; Fides in sanguine seu sanguinem Christi est fiducia recumbens in sanguinem Christi ob remissionem peccatorum, vel nitens sanguine Christi. Estius in locum. Hujus propitiationis participes efficitur, per fidem quā credimus eum pro peccatis nostris expiandis sanguinem suum effudisse. Simulque confidimus, Deum Patrem propter effusum sanguinem filii sui nobis fore propitium. Sic Actorum 20.21. Testificans (i.) prædicans conversionem in Deum, conversionem ad Deum & fidem in Dominum nostrum Jesum. πίστεως ἡ εἰς τὸν Κύριον, fides quæ fertur in Dominum Jesum Christum est fiducia quā, ferimur in illum & in eum recumbimus, ut mundi Salvatorem. Ad Gal. 3. 26. Omnes filii Dei estis per fidem in Christo Jesu (i.) per fiduciam in Christo Jesu. Quomodo Servator ipse Joan. 1.12. Quotquot eum (Christum) acceperunt dedit iis hanc dignitatem ut filii Dei fierent, nempe iis qui credunt in nomen ejus (i.) qui in nomen ejus fiduciam collocant & in illum recumbunt: fides siquidem in sanguine ejus jus filiorum confert.

Sic, Act. 26.18. Ubi Paulus meminit vocationis suæ per vocem cælitus demissam, & officii impositi, missus est enim ad Gentes, ut aperiat oculos eorum, & remissionem peccatorum accipiant & sortem inter sanctos πίστεως τῇ εἰς ἐμὴν per fidem quæ est in me: fides autem quā remissionem peccatorum accipimus & sortem inter sanctos non est fides, quā ferimur in Christum solo assensu intellectus, sed quā ferimur in eum affectu fiduciæ ob remissionem peccatorum. Similia loca occurrunt Coloss. 2. 5. 2 Tim. 3.15.

Ex dictis efficitur, Græcos actum fiduciæ exprimere aliquando per vocem τὸ πισδῶν, aliquando additâ Præpositione ἐν vel εἰς vel εἰς, quæ formula postrema non occurrat

currit nisi in Scriptis Evangelistarum & Apostolorum in N. Testamento. Hæc de Græcâ voce.

3. Idem, Certum est quod credere apud Latinos, idem sæpe significare quod quod credere vel confidere, ut apud Virgilium, O formose Puer nimium ne crede colori. Ne crede (i. e.) Ne confide, Interprete Servio.

Ovidius, Moribus & vitæ credidit ille meæ, Epist. 16. 35.

Cyprianus de Mortalitate. Si iustus es & fide vivis, si vere in Deum credis, cur non cum Christo futurus, & de Domini pollicitatione securus, quod ad Christum voceris, amplecteris? Liber de duplici Martyrio ascriptus Cypriano, sic habet, Quis non quotidie recitat ore, Credo in Deum Patrem omnipotentem? At non credit in Christum, qui in eo solo non collocat totius felicitatis suæ fiduciam.

Crederet in Deum (ait Augustinus in Psal. 77) utique plus est, quam credere Deo. Et Tract. 29. in Joan. Non continuo qui credit ei, credit in eum. Nam & Dæmones credebant ei, & non credebant in eum.

Idem Augustinus Serm. 61. de Verbis Domini. Multum interest, utrum quisquam credat ipsum esse Christum, & utrum credat in Christum. Nam ipsum esse Christum & Dæmones crediderunt, nec tamen in Christum Dæmones crediderunt: Ille enim credit in Christum qui sperat in Christum & diligit Christum.] Ille (inquit) credit in Christum qui sperat in Christum. Sperare in Christum non aliud est, quam in Christum fiduciam collocare; quomodo supra observavimus, quod ἰσχυρὸν ἐστὶν, & τὸ πιστεύειν ἰσχυρὸν idem sonare; unde τὸ ΠΙΣΤΥΩΝ Hebræa quæ proprie significat, confidit, LXX frequentissime vertunt per τὸ ἰσχυρὸν. Idem Augustinus Serm. 60. De Verbis Domini in initio, "Medicina animarum omnium vulnèrum, & una propitiatio pro delictis hominum est credere in Christum, nec omnino quisquam mundari potest, si ab originali peccato, quod ex Adam traxit, in quo omnes peccaverunt & filii iræ naturaliter facti sunt; sive à peccatis, quæ ipsi non resistendo carnali concupiscentiæ sed eam sequendo, eique serviendo in flagitiis & facinoribus addiderunt; nisi per fidem coadjuventur & compagentur corpori ejus, qui sine ullâ illecebrâ carnali & mortifera delectatione conceptus est: In eum quippe credentes Filii Dei fiunt, quia ex Deo nascuntur per adoptionis gratiam quæ est in fide Jesu Christi Domini nostri. Sed de hisce postea amplius disceptemus.

Hoc ipsum confirmatur ex Interrogatoriis quæ solebant proponi agonizantibus, infirmis, jam animum agentibus ex præscripto, ut dicitur Anselmi Cantuariensis: In illa formula quomodo à Cassandro edita est; hæc Interrogatio & responsio extat. Credis te non posse nisi per Christi mortem salvari. Respondet infirmus, etiam tum subjungit Sacerdos: Age ergo dum superest in te anima, in hac sola morte fiduciam tuam constitue: In nullâ aliâ re fiduciam habe: Huic morti te totum committe; hac solâ te totum contege, totum immisce, te in hac morte totum confige, hac morte te totum involve.] En quam Emphatice proprium actum fidei justificantis exprimit! fiduciam in Christi morte constitue, In nullâ aliâ re fiduciam habe. Hæc omnes formulæ loquendi exprimunt actus voluntatis, & imprimis actus fiduciam suâ notione includentes.

CAPUT VI.

Id ipsum confirmatur Recentium quarundam Testimoniis.

Joannes Fisherius, Episcopus Rossens. qui primus hanc Cathedram nostram occupavit, ex nostræ Lecturæ Fundatricis assignatione, ut in ipsâ fundatione habetur; lib. de fiducia & misericordiâ Dei, quem edidit Georg. Cassander Coloniz 1556. (quem Six. Sen. falsò Bucero inscribit, qui liber etiam pessima fide in nupera editione

editione operum Rossensis excluditur) Is (inquam) in dicto libro, inter quadam axiomata, quæ ibidem habentur, duodecimum axioma sic proponit: Fiducia igitur nostra in Christum esse debet, per ejus merita salutem respicientibus, Pater daturus est gratis: neque enim ob industriam fidendum est, sed ob unius Jesu Christi merita.]

In explicatione axiomatis hæc subjungit: Prima ratio salutis nostræ, est fides in Christum, sine qua nihil agitur, & per quam assequimur omnia, modo viva sit: & à malis operibus abstinere; pariter & bonis, quum opportunitas data fuerit, propter Christum infundere, constituerimus: Hæc sola fides est quæ justificat, atque ideo Paulus (Gal. 5. 6. fidem vocat quæ per dilectionem operatur: Quisquis enim, novâ secum constitutâ vitâ, verè sensit se conversum à peccatis ad Christum, spem suam omnem reponens in ipsum, is verè justificatus est, etsi nondum habuerit opera: quod si quis habuerit opera, non illis fidendum est, sed judicium operum suorum Deo permittat omnino: & paulò post, quare tutissimum est, ut live adfint (bona opera) five non adfint, tota nostra spes in Christum feratur, qui gratis unumquemque salvat.]

Hæc ibidem Rossensis, ubi vivam fidem explicat per fiduciam nostram in Christum, & unius Jesu Christi merita: addit etiam ut spem omnem reponamus in ipsum; & rursus, ut tota nostra spes in Christum feratur, & addit hanc solam fidem esse quæ justificat.

Gerson de artic. fidei, Credere in Deum, est credendo in Deum fide & affectione tendere.

Elucidator Roman. Catech. sic cap. 9. q. 5. cap. 10. q. 19. Explicans quid sit credere in Deum; Phrasis, inquit, hæc loquendi, significat nos ita credere in Deum Patrem, Filium, & Spiritum Sanctum, ut etiam in iis omnem fiduciam nostram collocemus, quam in Deo solo non autem in creaturis ponere possumus.] Fides igitur justificans quâ credimus in Deum est fiducia voluntatis, non nudus assensus intellectus.

Tittelmannus in Psal. 2. ult. Explicat credere in Dominum per credere in eum. Credere in Deum, est in Deum piâ affectione tendere, inquit Jacobus Baius.

Cajetanus in Enarrat. dicti Mosaii. Credidit Abraham Deo Genes. 15. Moses non dicit Abrahamum credidisse Deo, sed in Deo, hoc enim plus est; Nam credere Deo est fidem habere illius verbis ut veracibus, credere autem in Deo, adjungit confidentiam in Deo, ita quod non solum credidit verum sibi dici à Deo, sed etiam innixus est Deo, sed etiam fecit se in Deum, adimpleturum quod dixerat.

Erasmus ad Rom. 2. 17. ait, Sacras literas fidem frequenter usurpare pro fiducia erga Deum, ut non multum differat à spe.

Janseius cap. 19. Concord. Catholic. fidem (inquit) quâ credimus Christum esse Dei filium, promissum, & mundi Salvatorem, consequuntur ferè fiducia in Christum, ejusdemque super omnia dilectio; quæ duo quæ consequuntur fidem nostram, quatenus Deum & Christum respicit, atque secundum nostrum loquendi morem, videntur includi in præpositione (in) ob id apud nos ex sententia Augustini & aliorum Patrum obtinuit, ut credere in aliquem solum tribuamus Deo Patri, Filio, & Spiritui Sancto.] Hæc ille.

Illud Christi, Creditis in Deum etiam in me credite, sic explicat Stapletonus, In Deum fiduciam habete, & in me.

Hicce accedit Ecclesiæ nostræ explicatio in Homiliis editis Anno 1547. In Homil. de verâ vivâ & Christianâ fide: ubi distinguit inter credere Deo, & credere in Deum, ubi explicat credere in Deum per fidem & fiduciam in Deum, p. 24. & fidem cum fiducia confundit: & hujus veræ & vivæ fidei æstimum vult esse credere, credere in Deum, concedere nos totos Deo, pendere à Deo totos; Homilia de salute par. 2. Et postea ait, esse fiduciam & confidentiam in Deum ponere. Et ex Jerem. 17. docet, illum esse beatum, qui fidem habet & confidentiam in Deum.

Ibidem etiam docet, in negotio salutis in misericordiam Dei & sacrificium crucis fiduciam nostram vancè reponendam, abdicatis & abrenunciatis nostris virtutibus

& actibus quibuscunque, & fiduciam totam in Christum collocandam.

Et in Catechismo edito ex recensione Reverendiss. Præfultis Th. Cranmeri Archiep. Cantuariensis, Primarii Eccl. nostræ Reformatoris, in explicat. Symboli in primo Articulo, Credo in Deum Patrem, (i.) fiduciam colloco in Deum Patrem, à quo omnia bona lætus expecto; & mox docet Articulus fiduciam nostram non in ulla creatura ponendam, sed in Deum verum & viventem & postea.--- Debemus in Deum solum considerare, illi adhærescere, ab illo pendere, ab illo omnia bona expectare; illum esse unicam rupem & præsidium, quo si nitamur non confundemur.

Mox docet, nos debere in illum confidere, dedere nos totos illi & ejus protectioni--- & hoc esse summum & præcipuum sacrificium quo Deus colitur & placatur.

Hinc hortatur, ut fiduciam nostram in Deum Dominum nostrum figamus etiam in omnibus tribulationibus & angustiis, etsi nobis videantur prorsus inevitabiles,--- Cum ipse nutu regna evertere possit.

Postea, ubi secundum Articulum explicat, credo in Jesum Christum unigenitum filium Dominum nostrum, &c. (i.) fiduciam omnem colloco in Christum Redemptorem Dei justitiæ satisfaciensem, & ejus merita ob remissionem peccatorum; nostris meritis quibuscunque abdicatis, & prorsus abrenunciatis in negotio justificationis.]

C A P U T VII.

Solvuntur Objectiones Romanensium è Scripturis.

ADversus hæc quæ à nobis proferuntur, multa adducunt Romanenses ex Sacris Literis testimonia, quibus suam assertionem stabilire nituntur, fidem sc. justificantem non aliud esse, quàm assensum ad ea quæ divinitus revelantur.

Objectiones Romanensium.

Object. Fides definitur Hebr. 11.1. *ὑποστάσις* rerum quæ sperantur; & *ἡσυχία* rerum quæ non videntur. Hæc est definitio fidei justificantis, ut patet ex fine cap. præcedentis: At hæc definitio extenditur non tantum ad Christum, promissiones Dei, & Evangelium, verum ad totum verbum Dei, & omnia quæ verbo Dei continentur, & ad verbum Dei, quod est de mundi creatione, v.30. item quod sit Deus, v.6.

Sol. R. 1. Apostolum non accuratam aliquam fidei definitionem exhibendam sibi proposuisse hisce verbis, aut fidei Catholicæ aut justificantis: Sed cum antea cap. 10. postremâ parte hortetur ad patientiam v.38. docet quomodo fides ad patientiam proficiat, & necessaria sit; ubi per fidem intelligit fidem justificantem; fides enim justificans est illa per quam iustus vivit: fidem verò hanc ad patientiam prodesse docet, quatenus est *ὑποστάσις τῶν ἰσχυρίων*: (i.) substantia seu subsistentia rerum sperandarum; quia enim confido Dei misericordiz, in eamque fiduciam colloco, hinc illa proprietates fidei, quæ sit *ὑποστάσις τῶν ἰσχυρίων*, quæ facit in animo subsistere modo quodam ea quæ sperantur futura, per certam expectationem, æternam scilicet beatitudinem, licet nondum reipsâ à nobis possideatur: Nam fidendo in Dei misericordia, hæc fides seu fiducia est instar basis aut fundamenti rerum sperandarum, cum illi innitendo certam spem vel potius expectationem concipimus rerum sperandarum, (i.) æternæ beatitudinis promissæ; eadem etiam fides rectè dicitur, *ἡσυχία ἢ βεβαιότης*

μετρηται (i.) index seu argumentum rerum non visarum quatenus eam demonstratio-
nis certitudinem præstat adeo ut res illæ quæ nondum cernuntur, jam reipsâ exi-
stere & coram cerni videantur. Nam quia confido in Dei misericordiâ inde oritur cer-
titudo de remissione peccatorum, de adoptione in filios de vitâ æternâ.

Gen. 22. 17.

Sic. cap. 6. 12. Hortatur Apostolus Hebræos, ut non sint segnes, sed imitatores
eorum qui per fidem ac patientiam obtinent promissam hæreditatem, in quorum nu-
mero recenset Abrahamum, cui Dominus promissit, certè benedicens benedicam tibi,
& multiplicans multiplicabo te; atque ideo (inquit v. 15.) quum patienter expectâ-
set affectus est promissionem.

Ex hisce intelligitur, hæc proprietates solis viris justis competere: in iis enim so-
lis inest hæc certitudo & certa expectatio æternæ beatitudinis: Ideoque Chrysosto-
mus hunc primum versum cap. 11. continuat cum fine cap. 10. Unde cum Aposto-
lus dicit c. 10. 39. *ἡμῖς ἰσχυρότεροι* — *πιστεῖς οἱς περιπατοῦντες ἐν Χρῆστῳ*, subiungit, *ὅτι ὁ πιστὸς ἐλ-
πίσκει τὸν ὁρατόν* &c. Nos sumus fidei ad animæ salutem; subiungit, est enim fides
subsistentia rerum sperandarum, & argumentum rerum non visarum: Postea, hinc
arrepit occasione, recitare pergit cuiuscuque fidei encomia, tam Catholicæ ac mi-
raculosæ, quàm iustificantis; uti satis apparet ex Inductione variorum Exem-
plorum.

Hugo de S. Vict. & Halensis negant hic explicare Apostolum quid fides sit per
genus & differentiam, sed tantum quid efficiat.

Ob. secunda, Rom. 4. 19, 20, 21. Non infirmatus [Abraham] est fide, nec con-
sideravit corpus suum jam emortuum — sed confortatus fide dans gloriam Deo, ple-
nissimè sciens quia quæcunque promissit Deus, potens est & facere.

Ideo reputatum est ei ad iustitiam] Ubi Apostolus agit de fide iustificante, ut pat-
et ex versu 22: Quænam autem fuerit illa fides explicat & negativè, cum ait, Non
consideravit corpus suum jam emortuum — Consideratio autem ad intellectum
pertinet, ad quem non pertinet fiducia, & affirmativè, cum ait, Plenissimè sciens quia
quodcunque promissit Deus potens est & facere: *πληροπορία* autem est plena persuasio,
quæ intellectus est, non iidem voluntatis:

Sol. R. Apostolum per fidem v. 19. & 20. intelligere fidem in Deum, seu fidem
illam cuius actus imputabatur Abraham ad iustitiam v. 22. & v. etiam 3.

Iste autem actus non erat nudus actus fidei Catholicæ, quæ Abraham assentiebatur
Dei omnipotentia, & illum etiam præstare potuisse quod promiserat, ut vult Bel-
larminus. Nam & demones & mali homines plenè Dei omnipotentiam agnoscunt
& firmiter credunt & etiam præstare eum posse quod promissit; & tamen hi actus
non imputantur iis ad iustitiam. Actus ergo fidei qui imputabatur Abraham ad iusti-
tiam erat actus, quo Abraham credidit Deo v. 3. seu ut est in Hebræo Gen. 15. 6. cre-
didit Abraham in Deum (i.) fiduciam in Deum collocabat, seu in Deum recumbebat
ob promissionis adimplentionem, quo sensu sumitur *ἰδὲ* credere in Deum v. 5. & 24.
& passim alibi, ut supra observavimus.

Per fidem in Epistolis ad Roman. & Galatas intellige fidem in Deum & quidem
fidem formatam. *vid.* Menoch. Rom. 4. v. 3. vel fidem Deo dicenti aut promittenti
nitentem, vel ut Cypriani phrasi utamur, fidem in dictis testificantis, loquentis,
pollicentis Dei stantem, & permanentem.

Sic Cyprian. de Mortalit. post Med. Fides in Deum vel Christum denotat
fidem, quæ in Deum vel Christum fertur affectu fiducie, sic fides in sangui-
nem Christi, Rom. 3. 25. *vid.* & Act. 20. 21. & 24. 24. & 26. 18. Gal. 3. 26.
2 Tim. 3. 15.

Ad primam confirmationem, dico sensum loci esse, fidem ejus in Deum seu
fiduciam tam validam extitisse, & tam firmiter desixam in potentia veritate &
benevolentia Dei, ut planè sustulerit omnem cogitationem de ineptitudine cor-
poris ad gignendam sobolem, & omnem disceptationem adversus promissio-
nem specialem Dei.

Est enim certitudo de promissionibus ejus adimplendis effectum proprium
huius fidei in Deum seu fiducie, ut ubique constat ex Psalmis Davidicis, ut Psal. 25. 1.
& passim alibi.

Ad

Ad secundam confirmationem, R. *ἡ δὲ ἀληθεύουσα* Ro. 4. 21. non tantum verti potest plenissime sciens ut vetus interpres vertit, sed plenissime persuasum habens, seu confidens. Idque patet ex versu 18. ubi dicit Apostolus Abrahamum contra spem sub spe credidisse (i.) firmam in corde concipit de veritate & potentia Dei fiduciam. Patet hoc idem ex Antithesi v. 20. non hæsitatione diffidentia, ut vulgatus interpres vertit. Diffidentia verò est cordis & opponitur fiduciae. Nec sufficit quod Bellarminus ait diffidentiam poni pro incredulitate, nam incredulitas tam est diffidentiae quam hæsitationis mentis. Utraque enim dicitur *ἀπιστία*. Matth. 17. 20. Marc. 19. 24. & tam fiduciae spectatim, quam fidei generatim opponitur.

Ob. tertia, 1 Cor. 13. ult. Nunc manent fides, spes, & charitas, tria hæc, maxima autem horum est charitas.

Hic (inquit Bellarm. de justificat. lib. 1. c. 6.) distinguit Apostolus fidem à spe, & dicit esse duos quædam diversa. Manifestum autem est fiduciam nihil aliud esse quam spem roboratam.

Unde Job 8. 13. 14. Spes hypocritæ peribit, & sicut tela aranearum fiducia ejus. Et pro eo quod dixit David Psal. 39. Beatus vir cujus est nomen Domini spes ejus. Dixit Hierem. c. 17. 7. Beatus vir qui confidit in Domino, & erit Domini fiducia ejus.

Itaque fiducia ex fide quidem oritur, sed non potest idem esse cum fide, nisi confundere velimus, quæ tam aperte Apostolus ipse distinxit.

Sol. R. Nos nihil dubitamus quin fides catholica rectè distinguatur à spe salvifica hoc ipso in loco & alibi, sed illud planè negamus quod ubique clamitant Jesuitæ secuti Thomam, fiduciam nihil aliud esse quam spem roboratam, & non virtutem esse sed virtutis conditionem, ut habet Thomas 22. q. 129. art. 7. ad 3. Quæ quanquam verè dicantur de fiducia secundum aliquam acceptionem: tamen propriè loquendo, fiducia est virtus distincta à fide Catholica & spe salvifica, sedem tamen habet in voluntate ut & spes.

CAPUT VIII.

Ubi ostenditur propriè loquendo, fiduciam esse virtutem à fide Catholica & spe salvifica distinctam.

Sed & porro dicimus affectum fiduciae in quo sedem habet hæc virtus, æquè distingui ab affectu spei, atque ab ira aut audacia, qui sunt distincti affectus appetitus irascibilis. Sic & hi affectus specificè distincti.

Nam 1. distinguuntur objectis, spes siquidem est finis, fiducia mediorum ad finem.

2. Spes est absentium & quidem futurorum, sic Arist. 1. de Memor. c. 1. *ἡ δὲ μέλλουσα* *ἐλπίς*. Fiducia verò rei præsentis ut (inquit J. Scaliger. exerc. 314. 3. 1.) cum quis fidit suo robori dum gerit sarcinam, vel velocitati, dum currit, Nisi enim fiderem nervis, dum moveor, non auderem me movere.

3. Distinguuntur actibus. Actus enim spei est sperare & expectare, quem exprimunt Hebræi per *סָפַר* & . . . Actus autem fiduciae est niti, inniti & confidere quem exprimere solent Hebræi per *כַּחֲצוֹן*.

4. Spei opponitur desperatio, fiduciae diffidentia.

5. Differunt ratione relationis logicæ. Fiducia enim se habet ad spem tanquam causa efficiens ad suum effectum. Nemo enim sperat bonum aliquod nisi habeat fiduciam in causis, quibus illud bonum consequi potest.

6. Differunt integris definitionibus. Spes enim est affectus, quo appetimus bonum aliquod futurum, arduum quidem, sed possibile.

Fiducia autem affectus, quo appetitur adheret alicui medio, quod iudicatur vel solum, vel cum aliis, sufficiens ad finem aliquem arduum, quem appetimus possibilem tamen consequendum.

Ex hisce aliquo modo colligere licet distinctionem quorundam terminorum, qui diligenter distinguendi sunt in negotio justificationis, quales sunt fides catholica, fiducia seu fides justificans, fides specialis, & spes salvifica, qui termini non incommode distingui possunt juxta partes illius Syllogismi, cuius propositio in Evangelio continetur, quo fideles se receptos esse in fœdus gratiæ concludunt, est autem talis,

1. Quisquis credit in Christum Redemptorem habebit vitam æternam.

2. Ego (inquit fidelis) credo in Christum Redemptorem.

3. Ergo ego habebō vitam æternam.

Hinc

4. Ego certō expectō vitam æternam.

Firmus assensus adhibitus primæ propositioni est actus fidei catholice.

Secunda propositio exprimit actum fiduciæ seu fidei justificantis.

Assensus adhibitus tertiæ propositioni seu conclusioni est actus fidei specialis applicantis promissionem, seu rem promissam.

Quarta exprimit actum spei salvificæ.

Hi actus licet re ipsa distinguantur, tamen ob subordinationem eorum ad invicem & magnam affinitatem sæpenumero confunduntur in sacris literis, & promiscue usurpantur, ut & ipse Stapletonus concedit lib. 8. de justificat. c. 21. Nam & credere interdum significat assentiri, atque sic est actus intellectus, interdum fidere vel confidere & est actus voluntatis. Hinc credere in Christo, vel in Christum plerumque idem est, atque fiduciam in Christo collocare: Sic & & sperare quando respicit finem, idem denotat atque expectare, & designat actum spei salvificæ: quando autem respicit medium, idem significat atque confidere, & designat actum fiduciæ.

Hinc toties illa phrasis apud Davidem in Psalmis in vulgata editione sperandi in Deum ut Ps. 2. 12. Beati omnes qui sperant in eum.

Ex hisce facile occurrit locis à Bellarmino citatis, ut Job 8. 14. Spes hypocritæ peribit, & sicut tela aranearum fiducia ejus. Hic fiducia non denotat affectum, sed funderit pro objecto, pro eo in quo fiduciam collocamus.

Subjungit Bellarminus, pro eo quod dixit David Ps. 40. 5. Beatus vir cujus est nomen Domini spes ejus: dixit Hieremias cap. 17. Beatus vir qui confidit in Domino & erit Dominus fiducia ejus. Utcunque vulgatus interpres variè reddat spem in Psalmo & fiduciam in Hieremia, tamen eadem planè vox Mib . . . est in Hebræo proinde non inde concludi potest fiduciam esse spem roboratam prout contendit Bellarminus.

CAPUT IX.

Explicatur locus ad Ephesios cap. 3. v. 12. Ubi de Variis Fiduciae acceptionibus.

Object. quarta, ex 3 cap. ad Ephes. v. 12. In quo habemus fiduciam, & accessum in confidentia per fidem ejus.]

Quod si (inquit Bellarminus) habemus accessum ad Deum in confidentia seu fiducia per fidem, rectè sequitur, ut fides non sit fiducia, sed fiducia causa, alioqui sensus hujus loci esset, habemus accessum in confidentia per confidentiam, quod absurdum esse non dubium est. Addit etiam distingui fiduciam à fide, Matth. 9. 22. confide filia, fides tua te salvam fecit, & 1 Tim. 3. 13. Qui benè ministraverint gradum bonum sibi acquirunt & multam fiduciam in fide quæ est in Christo Jesu.

Sol. R. Vocem fiduciae denotare

- 1 Affectum fiduciae propriè sumptæ distinctum à spe,
- 2 Gradum spei propriè sumptæ, quo sensu dici potest spes roborata,
- 3 Actum intellectus, plenam persuasionem & sic opponitur dubitationi, vid. Wottonum de Justific. part. 2. l. 2. c. 35. n. 12, 13, 14, &c.

Cum autem Apostolus ait, in quo [Christo] habemus fiduciam [Græcè *παρρησία*, Beza rectius vertit libertatem] & accessum in confidentia per fidem ejus] sensus est in Christo habemus libertatem & accessum sc. ad Deum *in revelationem* in confidentia seu cum spe roborata; per fidem ejus (i.) per fiduciam in Christum Redemptorem. Brevius, per fiduciam in Christum Redemptorem habemus aditum vel accessum ad Deum cum confidentia (i.) cum spe roborata. Unde rectè colligitur nasci confidentiam seu spem firmam & roboratam adeundi Deum ex fiducia in Christum Redemptorem & ejus meritum, utpote quæ nostram cum Deo reconciliationem efficit & operatur. Hic verus est & legitimus sensus hujus loci. Hinc ergo non efficitur, ut fides non sit fiducia, sed fiducia causa; ut vult Bellarminus, sed potius hinc sequitur confidentiam seu fiduciam quæ denotat spem firmam seu roboratam adeundi Deum nasci ex fide seu fiducia, quæ in Christum Redemptorem & ejus meritum recumbimus, ob remissionem peccatorum & reconciliationem cum Deo. Apostolus vult dicere hunc esse Christum per quem habemus accessum ad patrem, solus est per quem adducamur ad patrem. Ideo ait cap. 2. v. 18. *δι' αὐτοῦ ἔρχομεν πρὸς τὸν πατέρα* — ad patrem sic Christus ipse Joan. 14. 6. Ego sum via, sc. in patrem, & nemo venit ad patrem nisi per me. Et ad Rom. 7. 2. Apostolus docet hunc aditum ad patrem nos habere per fidem in Christum Mediatorem. Hic autem docet Apostolus nos non tantum per fidem in Christum Mediatorem habere accessum ad Deum, sed accessum *in revelationem* cum confidentia & spe firma.

Hoc rectè explicat Theophylactus in locum secutus Chrysost. Atque non ut captivi (inquit) adducti sumus, neque velut peccatores, sed libertatem habemus, *καὶ τὴν ἐλπίδα*, neque, eam simplicem, *ἀλλὰ τὴν ἐν ἀποκαλύψει*, sed cum confidentia seu spe firma. Unde (inquit) hæc nobis bona? per fidem (inquit) quæ peccata solvens libertatem nobis & fiduciam imposuit] Hæc ille.

Fides autem peccata solvens est fides seu fiducia in Christum Redemptionem ob remissionem peccatorum.

Ad alterum locum Matth. 9. 22. confide filia, fides tua te salvam fecit] hoc loco non distinguitur fides à fiducia, sed explicatur fiducia per fidem. Mulier enim non post fidem, sed per fidem jubetur considerare, quia fides (i.) fiducia, quam in Christo ponebat, eam servaverit; alioqui frigidiore esset sensus, assensus tuos te servavit.

Ad

Ad tertium locum, 1 Tim. 3. 13. eo in loco pollicetur Apostolus Diaconis bene ministerio illo fungentibus, digniorem gradum in Ecclesia, puta Presbyteratum vel Episcopatum, in quo multa cum fiducia predicare possint fidem (i.) doctrinam fidei Jesu Christi: loquitur ergo de fide quæ creditur, seu doctrina fidei, non quæ creditur, Doctrinam autem fidei à fiducia distingui nemo dubitat.

CAPUT X.

Fidei justificantis objectum non esse omne id quod Deus revelavit. Ubi occurritur objectionibus Bellarmini ex Evangelis.

Object. quinta, Accedant (inquit) omnia illa loca quæ docent objectum fidei justificantis esse illa omnia quæ Deus revelavit, quæ loca (inquit) c. 8. adferuntur. Neque enim fiducia tam latè patere potest, cum solum bona & ea ut futura respiciat.

Sol. R. Fidei justificantis objectum non esse omne id quod Deus revelavit; sed illam sive personam sive rem, puta, Deum misericordem, seu Dei misericordiam, Christum item redemptorem seu ejus mortem & merita, quibus nititur poenitens peccator ad consequendam remissionem peccatorum, & justificationem coram tribunali Dei. Sed nec fiducia, quæ recumbimus in Christum Redemptorem & ejus merita, ea respicit ut futura, sed ut præsentia nobis in Evangelio oblata, & mundo antea exhibita.

Object. sexta, Accedant etiam (inquit) illa loca ubi actus fidei dicitur esse credere, ut Rom. 4. credidit Abraham Deo. — Nam si (inquit) Scriptura divina per fidem intelligeret fiduciam, actum ejus explicaret per verbum fidere, non per verbum credere; Subjungit, quod si adversarii contendunt, ipsum etiam credere usurpari in sacris literis pro eo quod est fidere, aut confidere, cogentur absurdissimè (inquit) atque ineptissimè loca plurima explicare, ut eum Joan. 14. 10.

Sol. R. 1. Non dubium esse, quin in sacris literis 73 credere usurpatur pro eo quod est fidere aut confidere aliquoties, & ne longius abeam in exemplo allato, Rom. 4. credidit Abraham Deo (i.) Deo fidebat seu confidebat. Nam in Hebræo Gen. 13. 6. unde locus iste desumitur, est, credidit Abraham in Deum (i.) in Deum fiduciam collocabat. Sic (ut supra ostendimus,) sumitur 73 credidit apud Græcos supr. p. 12, 13. & apud Latinos p. 18.

2. Respondeo, Etsi in sacris literis 73 credere usurpatur aliquoties pro fidere vel confidere, non tamen semper, quare frustra exempla allata producantur, cum certum sit 73 credere sæpè denotare 73 assentiri actum 76 fidei Catholicæ, ut Joan. 14. 10. Non credis quod ego in patre, & pater in me est? — alioqui propter opera credite mihi, & Act. 8. 57. Credo filium Dei esse Jesum Christum, sic Marc. 1. 15. & 13. 21.

3. Nos fusiè docuimus supra [p. 13. & 14.] 73 credere cum præpositione Hebræa 73. Græc. 73 vel 73; Latin. in, aliquo vel aliquem denotare actum fiducie. Et apud Latinos, Augustinum, Lombardum, & Scholasticos certum est aliud esse

credere Deum
credere Deo
credere in Deum

4. Dicimus plurima loca occurrere, ubi certum est 73 credere in aliquo vel in aliquem

quem non posse denotare nudum assensum præbere, ut supra innumeris exemplis docuimus p.8; — ut Joan.3.16. Act.10.43. & 16.30.

Obj. 7. Bellarminus, lib.1. de justif. c.8. objectum fidei justificantis esse contendit omnia quæ Deus revelavit, atque adeo fidem justificantem esse assensum omnibus divinitus revelatis; non autem fiduciam, quomodo supra diximus. Sic enim argumentatur,

1. Fides, quam Christus exigebat, & in cujus confirmationem miracula faciebat, erat fides divinitatis & omnipotentia divinz:

At fides illa erat fides justificans. Hujus enim rei causâ fidem prædicabat & confirmabat, ut per eam homines salvarentur.

Minorem probat Luc. 19.9. venit querere & salvum facere quod perierat, 1 Tim. 1.15. Venit in hunc mundum peccatores salvos facere, Joan.3.16. Sic Deus dilexit mundum, ut filium suum unigenitum daret, ut omnis qui credit in eum non pereat, sed habeat vitam æternam.

Majorem confirmare nititur ex Evangelii longa exemplorum fidei inductione, Matth.9.28. & 16.18.

Sol. R. ad minorem negando, nam 1. Fides quam Christus prædicabat, denotat objectum fidei; non actum aut habitum fidei.

Prædicabat fidem (i.) doctrinam fidei & eam miraculis confirmabat.

Prædicabat dogmata item fidei, fidem suæ divinitatis & omnipotentia; sed fides horum dogmatum, seu firmus assensus hisce dogmatibus, etsi fundamentum sit quo nititur fides justificans, non tamen est actus fidei justificantis.

2. Ipsi Demones firmiter credebant Christi divinitatem & omnipotentiam & eum Dei filium agnoscebant, Matth.8.19. & Luc.8.28. qui tamen fidei justificantis non erant capaces.

Loca duo priora adducta non meminerunt fidei ullius, doctrinam tamen continent de officio Christi, Christus enim veniebat querere & salvare quod perierat: veniebat item in mundum ut peccatores salvos faceret: doctrina autem de officio Christi est objectum Catholicæ fidei, certum enim est Christum venisse in mundum ut Salvatorem, Liberatorem, Redemptorem.

Tertius locus non aliud probat quam Deum, Christum filium unigenitum dedisse ut levetur in crucem, ut pactum Evangelicum cum genere humano iniret, ut quicumque crediderit in eum non pereat sed habeat vitam æternam, atque adeo venisse in mundi salvatorem, quæ doctrina est objectum fidei Catholicæ, & fundamentum fidei justificantis. Hac de Minore.

2. Quod ad exempla quæ afferuntur ad confirmationem Majoris. Primum habetur Matth.9.28. ubi ait Bellarm. Dominus cæcis petentibus lumen. Creditis (inquit) quia hoc possum facere vobis? illis respondentibus, utique Domine; ait, secundum fidem vestram fiat vobis. Quo loco Dominus fidem Omnipotentia ac per hoc divinitatis suæ exegit; atque in hujus fidei Catholicæ comprobationem cæcos visioni restituebat. Matthæi item cap.16. ver.16. fidem solius divinitatis Christi proficitur Petrus, quæ tamen Petri fides à Patribus aut perfecta laudibus efferi solet. Vid. Hilarium, Chrysostomum, Augustinum & alios apud Bellarm. lib.1. de Justif. c.8.

Sic Centurio Luc. 7.9. non aliud se credere professus est quàm Christi Omnipotentiam & divinitatem, dicens, dic tantum verbum & sanabitur puer meus.

Id ipsum dici potest de fide Nathanaelis quæ fuit sola confessio divinitatis Christi. Joan.1.50,51. sic Joan.6.69. & 11.26,27.

Ex hisce exemplis colligit Bellarminus fidem quam Christus exegit, quam laudavit, ad quam hortatus est, quam denique signis & prodigiis comprobavit, fidem proculdubio justificantem fuisse; ut hanc fuisse fidem duntaxat Omnipotentia ac per hoc divinitatis; non autem specialis misericordia, dicere debuisset, non autem fidem in Christum Redemptorem.

Sol. R. 1. Initio nascentis Ecclesie cum Christus sese primum mundo in carne nostra exhibuit potissimum dubitationem fuisse, an Jesus Mariæ filius qui in terris egit & inter mortales versatus est, & obnoxius fuit passionibus & infirmitatibus, ut alii homines, fuerit etiam filius Dei, & verus Deus & omnipotens. Nemo siquidem unquam dubitavit an in verum Deum fiducia possit collocari & sit collocanda ob remissionem peccatorum.

Quare Christus in Evangeliiis in hoc incumberebat, ut homines adducerentur ad fidem omnipotentie ac per hoc divinitatis agnoscendam & credendam; non quod hæc ipsa fides esset, quæ justificat, sed quod absque hac, fides justificans haberi non possit, cum sit basis ac fundamentum fidei justificantis, hoc enim iacto fundamento opprimere novit quilibet in eum sic agnitum omnem fiduciam reponendam esse ad remissionem peccatorum:

Dico 2. Prius naturâ fides eorum quibus Christus prædicabat instrui debebat in mysteriis de personæ Messie constitutione, de personæ ejus unitate, de naturarum ejus dualitate, de earum hypostatica unione, quam de ejusdem personæ officiis, v. g. de officio salvandi, redimendi, justificandi instrui potuit. Quare prius naturâ in prima Evangelii promulgatione, exigenda erat fides divinitatis ac omnipotentie a Catechumenis, prius, (inquam) naturâ quam fides eorum ferri potuit in Messiam ut Mediatorem, Salvatorem, ac Redemptorem. Et hac de causa Christus in Evangeliiis in iis quos miraculose sanavit & aliis, postulabat fidem divinitatis ejus & omnipotentie. Non quod hæc esset ipsa fides, quæ salvabatur a peccatis & justificabatur, sed quod ista fides viam ad fidem justificantem muniret & pararet, quo posito fundamento, optime sequebatur in illum ut Salvatorem a peccatis, & justificatorem fiduciam eorum ferendam esse & ferri debere:

3. Verus Messias quem expectabant Judæi, futurus erat liberator noster, Isa. 59: 20. & Rom. 11. 26 qui nos liberaturus erat ab omnibus malis, a peccatis, ab ira Dei, a mortis imperio: futurus erat Redemptor noster qui ab omni iniquitate redempturus erat. Psal. 130. 7. & captivitate etiam & tyranni de Diaboli. Idem etiam collaturus erat nobis omne bonum, restitutionem imaginis Dei, gratiam supernaturalem, novam creationem, remissionem peccatorum, jus adoptionis, vitam æternam. At hisce malis liberare & hæc bona conferre, nemo potuit nisi qui verus Deus esset; Prius ergo fides nostra ferri debuit in Christi divinitatem, quam aut in horum malorum remotionem aut bonorum collationem, atque adeo prius quam in eum ut justificatorem.

4. Nisi Christus fuisset veri nominis Deus, Christi mors & meritum non fuissent omnibus applicabilia; nec passionibus & actionibus ejus transitorie tanti fuissent valoris & pretii, ut omnibus hominibus prodesse potuissent. Quare de Personæ illius dignitate prius constare oportebat, & in illius divinitatem fides nostra ferri debuit, quam in merita ejus & meritum ejus applicationem ad remissionem peccatorum.

Hisce de causis Christus merito postulabat ab iis, quos sanaturus erat a suis languoribus, fidem omnipotentie ac per hoc divinitatis. Sed hinc non sequitur fidem omnipotentie ac divinitatis sufficere ad justificationem. Nam & multi impii tum homines tum demones credebant omnipotentiam ac divinitatem Christi, hoc ipso tamen non justificabantur.

Fides autem justificans justificat omnes quibus inest. Quod autem fides divinitatis non justificat omnes quibus inest, patet, Matth. 8. 29. Demones agnoscunt Christum fuisse filium Dei & filium Altissimi, Luc. 8. 28. & Jacob. 2. 19. Demones credunt & contremiscunt, vid. p. 18. & tamen terra hæc manebat petrosa.

Porro Auditores qui conferuntur cum terra petrosa credunt & proculdubio Christi omnipotentiam & divinitatem credebant, & cum gaudio verbum accipiunt, & tamen terra hæc manebat petrosa: nec tales justificantur, Luc. 8. 13.

Simon Magus credebatur & baptizatus est non tamen justificatus Act. 8. 21. Matth. 7. 22. In die judicii multi dicent se in nomine Christi prophetasse, & ejecisse demones, & mirabilia fecisse, qui proculdubio credebant Christi omnipotentiam & di-

divinitatem, ii tamen non justificabantur, sed à Christo recensentur inter operarios iniquitatis. De illis etiam Christus ait, nunquam novi vos.

Ipse Bellarminus probabit cap. 15. fidem omnipotentiae ac divinitatis separari posse à dilectione ac aliis virtutibus, ac proinde non justificare omnes quibus inest, hanc fidem.

2. In loco probare vult Bellarminus hominem justificari absque fiducia specialis misericordiae, & fidem justificantem non solum alia objecta respicere, sed etiam esse fidem justificantem quamvis non respiciat misericordiam specialem & non esse fidem justificantem si eam misericordiam fortè respiciat. Hocq; duobus exemplis confirmare nititur leprosi & Publicani.

Sol. R. ut supra p. 27, 28. nos distinguere inter fidem justificantem & fiduciam specialis misericordiae, seu fidem specialem applicantem res in fœdere promissas, & quidem distinguuntur objectis. Objectum enim fidei justificantis est Christus, Christus ut Redemptor, Christi mors, meritum, obedientia: objectum autem fidei specialis sunt beneficia promissa & parta morte Christi, in quibus sunt remissio peccatorum, justificatio, jus adoptionis, perseverantia, Vita aeterna. Nos etiam infra demonstrabimus fidei justificantis objectum propriè loquendo non esse misericordiam specialem.

Ad exempla tamen adducta quod attinet, non probant. Primum est leprosi Marc. 10. ubi leproso dicenti, Domine si vis potes me mundare, Dominus ait volo mundare, leprosus ille de voluntate Domini, ac per hoc de speciali misericordia sine dubio ambebat; alioqui non dixisset si vis potes, & tamen quia non defuit illi fides omnipotentiae & divinitatis, impetravit quod petiit. Ex quo intelligimus fidem ejus fuisse talem qualem Dominus exigebat, & in ejus confirmationem miracula faciebat, quamvis deesset illi certitudo de misericordia speciali.

Sol. Respon. Non quia non defuit leproso fides omnipotentiae & divinitatis impetravit quod petiit, cum quamplurimis non desit fides eorum articularum, & tamen non impetrant quod petunt. In illis sunt illi operarii iniquitatis, qui adiunt à Christo, Non novi vos, & tamen in nomine Christi prophetarunt & demones ejecerunt, & miracula patrarunt, quibus non est credibile defuisse fidem omnipotentiae & divinitatis Christi.

Non ergo, quia non defuit leproso fides omnipotentiae & divinitatis, ideo impetravit quod petiit, ut vult Bellarm. sed quia huius fidei adjuavit fiduciam in Christum, ut mundi Salvatorem & Redemptorem, hinc est quod impetravit quod petiit, specialem misericordiam tum in leprae sanatione, tum in remissione peccatorum.

2. Inter exempla quae adducit Bellarm. est illud, Luc. 18. ubi Phariseus confidebat se esse justum, & ideo orans dicebat, Gratias tibi ago Domine quia non sum sicut ceteri homines, &c. Contra; Publicanus non audebat oculos ad caelum levare, sed à longè stans, & pectus percutiens orabat; Deus propitiusesto mihi peccatori. Et tamen descendit hic justificatus prae illo.] Itaque (inquit Bellarm.) Phariseus habuit fidem specialis benevolentiae & tamen repulsam passus est. Publicanus caruit fiducia illa & cum timore & tremore ad Deum accessit, & justificatus est, quia cum metu & timore salutem suam operatur.] Ex hoc exemplo probare nititur Bellarminus fidem justificantem non solum respicere alia objecta, quam misericordiam specialem, sed etiam fidem esse justificantem quamvis non respiciat misericordiam specialem, & non esse fidem justificantem si eam misericordiam fortè respiciat.

Sol. Respon. Ut supra, distinguendum esse inter fidem justificantem & fidem specialis misericordiae, seu fidem specialem nos non dicimus fidei justificantis objectum esse misericordiam specialem, sed Christum Salvatorem, Christum Redemptorem, Christi Passionem, Mortem, Merita, Obedientiam, & id genus alia. Misericordiam autem specialem esse objectum fidei specialis applicantis res in Evangelio promissas cuivis in particulari:

id quod postea demonstraturi sumus. Interea dicimus malè inferre Bellarminum Publicanum caruisse hac fiducia, quia cum timore & tremore ad Deum accessit. Neque enim vel fiducia in Christum ut Redemptorem, vel fiducia de ejus speciali misericordia impedimento ullierant, quo minus Publicanus operatus est suam salutem cum timore & tremore, ut hic innuit Bellarminus.

Operari siquidem salutem cum timore & tremore ex sensu Apostoli Philip. 2. 12. non aliud est quam operari salutem cum sollicitudine & timore offensæ divinæ, sic autem operando salutem nostram, fiduciam optimam & de præsentis iustitiæ & gratiæ & de salute futura concipimus, quarum neutrius firma fiducia absque sollicitudine & metu aut haberi aut sperari potest.

Hinc per Prophetam populo suo quo cum novum fœdus pangit, promittit Deus timorem, Jerem. 32. 41. Timorem meum dabo in cor eorum, ut à me non recedant.

Quod quid aliud est (inquit Augustinus de bono persever. c. 2.) quam talis ac tantus erit timor meus quem dabo in cor eorum, ut mihi perseverantèr adhererant.

Illud etiam addo, tantum abesse, ut operari salutem cum timore & tremore omnem fiduciam nostræ salutis excludat, ut absque illa, nulla vera fiducia concipi possit; Ità enim comparatum est, Deo sapientissime ordinante, ut pro gradu sollicitudinis respondeat gradus fiducia, ut ubi major sollicitudo sit, ibi major sit fiducia; ubi minor sollicitudo, ibi minor fiducia; ubi nulla sollicitudo, ibi nulla fiducia.

Malè ergo infert Bellarminus, ex eo quod Publicanus cum timore & tremore ad Deum accesserit, eum caruisse fiduciam specialis misericordiæ. Nam utcumque fides specialis misericordiæ non erat illa fides quæ justificabatur, illa enim erat fiducia in Dei misericordiam propter Christum venturum; ex fiducia tamen in Dei misericordiam per Christum, oritur fiducia specialis misericordiæ (i.) remissionis peccatorum & vitæ æternæ.

Tertiam probationem affert Bellarmin. Marci 16. 16. Ubi cum Dominus dixisset, Qui crediderit & baptizatus fuerit salvus erit, qui verò non crediderit, condemnabitur: mox addit, signa autem eos qui crediderint hæc sequentur; In nomine meo Dæmonia ejicient, linguis loquentur novis, serpentes tollent &c. Ubi apertissime videmus (inquit Bellarmin.) fidem miraculorum unam & eandem esse cum fide justificante & salvante: certum autem est fidem miraculorum non respicere tanquam objectum specialem misericordiam remissionis peccatorum, sed omnipotentiam & divinitatem filii Dei.

Sal. Respondeo. Ex hoc loco non constat fidem miraculorum eandem esse cum fide justificante. Nam etsi quidam tum temporis habuerunt fidem justificantem, & fidem etiam miraculorum. V. G. Apostoli & 70. discipuli, non tamen una eademque ratio erat utriusque fidei; nam isti quæ credebant in Christum Redemptorem ob remissionem peccatorum, ea ratione justificabantur per remissionem peccatorum, quæ autem firmam habebant persuasionem de futuro aliquo effectu miraculoso conceptam per illos producendo ex revelatione singulari aut motu Spiritus Sancti, eatenus credebant fide miraculorum. Hujus utriusque fidei prorsus diversa est ratio.

Nam 1. Fides justificans est fiducia, ac proinde sedem habet in voluntate: fides miraculorum est assensus, ac proinde sedem habet in intellectu.

2. Objectum fidei justificantis est Christus & ejus merita: objectum fidei miraculorum est affectus aliquis miraculosus producendus.

3. Fundamentum fidei justificantis quo nititur, est promissio Evangelii, fundamentum fidei miraculorum est revelatio, aut motus Spiritus Sancti singularis & specialis.

4. Fides justificans est donum ordinatum in Ecclesia omnium temporum: fides miraculorum erat extraordinarium donum, quod initio præsentis Ecclesiæ ad tempus vigebat, ad doctrinæ Evangelicæ confirmationem;

con-

constat autem hoc donum post doctrinam Evangelii sufficienter confirmatam & propagatam per orbem terrarum, tandem cessasse.

5. Fides justificans non ideo est nisi verè pius, at fides miraculorum etiam in viris impiis, in operariis iniquitatis ideo est potest, ut supra ostendimus.

CAPUT XI.

In quo occurritur objectionibus Bellarmini petitis ex Actis & Epistolis Apostolorum.

HActenus ex Evangelii testimonia produxit Bellarm. ex quibus asserere conatur, fidem justificantem non esse nisi assensum ad ea quæ divinitus revelantur. In reliquo capite octavo, id ipsum ex Actis & Epistolis Apostolorum probare satagit.

Et 1. quidem ex Act. 2.4.10.13.17. narrantur (inquit) conciones Petri & Pauli, quibus explicatio & doctrina fidei continetur. In illis autem nullum est verbum de speciali misericordia, sed totæ consumuntur in explicanda & persuadenda resurrectione & divinitate Jesu-Christi.

Sol. R. Nos itidem cum Bellarmino dicimus in dictis capitibus narrari conciones Petri & Pauli, in quibus doctrina fidei continetur. At doctrina fidei non est illa fides de qua jam queritur; queritur enim an fides quæ justificat, sit nudus assensus ad ea quæ divinitus revelantur? an fiducia in Christum Redemptorem ob remissionem peccatorum [ut mittam jam fiduciam de speciali misericordia,] ubi queritur de actu fidei, quisnam ille sit? At Apostoli in concionibus non tam de actu fidei agere solent, quam de objecto; non tam de fide quæ creditur, quam de fide quæ creditur, qualis est doctrina de resurrectione & divinitate Christi, qualis doctrina solet in concionibus tradi. Fides autem justificans solet præcipi potius; & ad credendum in Christum Redemptorem hortari & persuadere solent ferè concionatores.

2. Adducit ex Act. 8. illud Philippi, qui ab Eunuchio Baptismum postulante cum quaesivisset, crederetne ex toto corde, respondit ille, credo filium Dei esse Jesum Christum, Atque hoc responso contentus Philippus (inquit Bellarm.) Eunuchum continuo baptizavit. Est igitur fides justificans (inquit Bellarminus) non quæ credimus Deum nobis propitium esse (alioqui perperam egisset Philippus, qui sine tali fide Eunuchum baptizavit) sed quæ toto corde (i. e.) sine ulla hesitatione credimus Jesum esse Christum ac filium Dei, ac per hoc etiam Deum.

Sol. R. 1. ad baptismum capeffendum sufficere catechumeno, ut credat doctrinam fidei quæ in Symbolo continetur & imprimis articulum de divinitate Christi, non quod hæc fides sufficiat ad justificationem, sed quod absque hac fide justificatio haberi non possit, quin & hoc fundamento jacto nemo dubitare aut potest aut debet in hunc unum fiduciam totam cordis collocari & posse & debere ob remissionem peccatorum.

2. R. In Symbolo fidei recitando profitetur Catechumenus se non solum credere Christum Jesum esse unigenitum filium Dei, sed se in illum ut Redemptorem credere, ut se redimat ab omni iniquitate. Nam supra ex Catechismo tridentino accepimus p. 20. Phrasin hanc loquendi 7) credere in Deum significare, nos ita credere in Deum Patrem, Filium, & Spiritum Sanctum, ut etiam in iis omnem fiduciam nostram colloquamus, quam possumus in Deo solo (non in creaturis) ponere & quidem ob reconciliationem nostram cum Deo.

Quandoquidem ergo Eunuchus profitebatur se credere toto corde, Jesum Christum esse filium Dei, consequenter profitebatur se in ipsum esse Redemptorem fiduciam suam collocare ob remissionem peccatorum. Quod explicatis traditur in Symbolo Nicæno, qui propter nos homines & nostram salutem descendit de cælis, & homo factus, pro nobis passus & mortuus, resurrexit propter justitiam nostram, ascendit in cælum, sedet ad dextram Dei, & intercedit pro nobis, quod repetitur in Symbolo Constantinopolitano. Atque in hanc fidem baptizatus est.

3. Certum est (quod supra non semel diximus) fidem divinitatis Christi non suffecisse Eunuchum ad justificationem & remissionem peccatorum, cum & multi impii fidem divinitatis Christi incunctanter sine ulla hæsitacione credant, eique firmum assensum præbeant, qui tamen nunquam justificantur aut accipiunt remissionem peccatorum.

3. Adducit Apostolum ad Romanos c. 4. qui explicans fidem Abraham quæ reputata est illi ad justitiam, cum in eo confidisse vult, quod patrem se futurum multarum gentium credidit, ex filio quem sibi centenario uxor nonagenaria & sterilis præter solitum ordinem cursumque naturæ paritura esset. Id enim credere, nihil aliud erat, nisi credere Deum qui promiserat, omnipotentem ac fidelissimum esse. Itaque Abrahamæ fides (inquit) ideo tanto præconio ab Apostolis laudatur, & in exemplum omnibus fidelibus ponitur, quia, ut ipse dicit, in repromissione Dei non hæsitavit, neque consideravit corpus suum emortuum, & emortuam vulvam Saræ. Sed dedit gloriam Deo, plenissime persuasus, quoniam quæ promissit Deus potens est & facere.

Sol. R. ut supra p. 14. Apostolus ibidem explicans fidem Abrahamæ quæ reputata est ei ad justitiam, ait, Credidit Abraham Deo, seu ut est in Hebræo Gen. 15. 6. credidit Abraham in Deum, & reputatum est ei sed justitiam (i. in Deum promittentem numerosam prolem, in Christum, Gal. 3. 16. quem novit & omnipotentem & fidelem esse, in Deum inquam) promittentem fiduciam suam collocauit, ob hujus promissionis adimpletionem, atque hæc fides est illa quæ imputata est ei ad justitiam non enim operanti (inquit Apostolus v. 5.) sed credenti in eum qui justificat impium, imputatur fides sua pro justitia, idque probat ex Davide Psal. 32. quatenus se. fides impetrat remissionem peccatorum.

Hanc Abrahamæ fidem prædicat per totum illud caput, hæc est fides qua tanto præconio ab Apostolo laudatur, & in exemplum omnibus fidelibus ponitur. Ac quanquam in repromissione Dei non hæsitavit dissidentia v. 20. neque consideravit corpus suum emortuum neque mortuam vulvam Saræ v. 19. sed plenissime persuasus est, quoniam quæ promissit Deus potens est & facere, hæc tamen verbis non tota ratio fidei justificantis Abrahamæ exprimitur. Quot enim impii in Ecclesia degentes plene persuasi sunt de omnipotentia Dei & fidelitate in præstandis promissis, qui fidem Abrahamæ non attigerunt, nec fide vivâ unquam justificantur; meminit ergo Apostolus fidei omnipotentis & fidelitatis Dei, quibus ut fundamentis nixa est fiducia Abrahamæ in Deum promittentem, ob promissionis impletionem, non quod hæc fides omnipotentis & fidelitatis esset causa formalis illius fidei quæ justificatus est Abraham.

4. Ex capite 10. ad Roman. v. 9. adducit. Hoc est verbum fidei quod prædicamus, quia si confitearis in ore tuo Dom. Jesum, & in corde tuo credideris quod Deus eum suscitavit à mortuis, salvus eris. Hic quoque apertissime videmus objectum fidei justificantis & salvantis esse resurrectionem filii Dei, inquit Bellarm.

Sol. Resp. 1. Certum est verba Apostoli non ita intelligi debere, ac si quicumque confessus fuerit Christum esse Dominum, qui de cælo descendit ad hoc, ut hominem redimeret, & ipso redemptionis jure Dominus ejus esset, ut ex Hilario & Augustino interpretatur Ertius, & simul in corde suo crediderit quod Deus illum suscitavit à mortuis, ex hac fide, illico in statu salutis esset & salvus foret. Nam certum est quam multos in Ecclesiæ gremio degentes & confiteri Christum esse Dominum & mundi creatorem, & Deum illum à mortuis suscitasse, qui nec salvi futuri sunt, nec in statu salutis unquam fuerunt, quales sunt illi qui in nomine Christi prophetarunt, demonia ejecerunt & miracula patrarunt, Mat. 7. 22. quos à se discedere jubet Christi-

his, utpote quos non novit, & qui operarii iniquitatis essent. Ideo necessario dicendum est cum Estio in locum, sub hisce articulis incarnationis & resurrectionis Christi reliqua fidei mysteria subintelligenda esse, & illud imprimis hominem justificari per redemptionem quæ est in Christo Jesu; Rom. 3. 24. & addit Apostolus, quem proposuit Deus propitiationem per fidem in sanguine ipsius, seu fiduciam recubentem in sanguine ejus. Non ergo ut quis sit in statu salutis sufficit fides incarnationis & resurrectionis absque fide in Christi sanguinem recubente, quod nos asserimus. Idque apertius constat ex testimonio Veteris Testamenti quod in hujus suæ sententiæ comprobationem adducit ex Isaia Proph. c. 28. 16. dicit enim Scriptura, *Quisquis credit in eum non pudebit* (i.) quisquis in eum fiduciam suam reponit non confundetur, qui locus agit de actu fidei justificantis vid. supra p.

Accedit nota etiam Cornelii à Lapide in locum, ut quis (inquit) justificetur, non solum Christi resurrectionem sed plura alia debet credere de Patre, de S. Sancto & de ipso Christo, scilicet quod ipse pro nobis sit factus homo, quod sit crucifixus, quod descenderit ad inferos, quod sit filius Dei, Redemptor, & id genus alia. Apostolus tamen (inquit) hic ponit resurrectionis Christi articulum, quia ille quasi terminus ceteros præsupponit & complectitur, & omnium difficillimè à Judæis qui Christum occiderant, credebatur, quem si crederent, factum suum ipsi retractarent, poeniterent, & omnia de Christo credenda crederent. Vides ergo (inquit) Apostolum cum uni rei salutem nostram tribuit, alias res æquè necessarias ad justitiam & salutem non excludere? Hæc ille.

Addo ego, in hisce etiam esse, ut unusquisque in Christum mortuum & suscitatum à mortuis fiduciam suam reponat ob remissionem peccatorum & justificationem, quod Apostolus ex Isaia asserit, v. 11. *Quisquis credit in eum, non pudebit.*

5. Asserit illud 1 Cor. 13. 2. Si habuero omnem fidem ita ut montes transferam, charitatem autem non habuero, nihil sum. Hic (inquit Bellarm.) conjungit fidem quæ montes transferri possunt, quam illi vocant fidem miraculorum cum spe & charitate, ut intelligamus fidem miraculorum non esse aliam quam fidem quæ cum spe & charitate justificat.]

Sol. R. illam fidem quæ montes transferri possunt, quæ rectè dicitur fides miraculorum, & à Chrysostomo *πίστις τῶν σημείων*, cujus hic meminit Apostolus v. 2. non esse eandem fidem eam ea quæ conjungitur cum spe & charitate versu ultimo.

Nam ista fides quæ conjungitur cum spe & charitate est donum ordinarium, quomodo & spes & charitas, & ideo dicit Apostolus nunc manent fides, spes, & charitas, sc. in præsentī vita. At fides illa de qua agitur, v. 2. intelligitur de dono extraordinario, de fide miraculorum, ideoque confertur cum dono Prophetiæ. Addit Theophylactus sub hisce duobus donis Apostolum complecti omnia *ἁπλοῦστα*, omnia dona specialia & extraordinaria. Et certè quod per fidem intelligat Apostolus, speciale donum, fidem miraculorum ex ipso Apostolo satis constat. Non enim dicit Apostolus simpliciter, si habuero *πίστιν* omnem seu quamlibet fidem, sed addito articulo, *ἡν ἔχει τὸ πνεῦμα* nempe *τὴν τῶν σημείων* seu *τὴν ὁρίστων*; vel potius ita dicendum. Articulus notat certam speciem fidei, ne intelligatur fides in genere; signum igitur quantitatis universale notat complexum individuum sub illa specie comprehensorem, quasi dicat, Quicquid uspiam fidei est in singulis *ἑκατέρωθεν*, si illud omne in unum conferatur, & iste non habuerit charitatem nihil illi profuerit.

6. Locum adducit ex 1 ad Corinth. 15. Notum (inquit) vobis facio, Evangelium quod prædicavi, in quo statis, per quod & salvamini, nisi forte frustra credidistis. Tradidi enim vobis imprimis, quod & accepi, quoniam Christus mortuus est pro peccatis nostris, secundum Scripturas, & quia sepultus est, & quia resurrexit tertia die secundum Scripturas, &c.] Ubi (inquit Jesuita) sine dubio fidei salvantis objectum explicatur, nec tamen dicitur, tradidi vobis, ut unusquisque se certò credat per Christum esse justificatum, sed tradidi vobis credendam passionem, sepulturam & resurrectionem Domini nostri Jesu Christi:

Sol. R. hoc ipso in loco tradi articulos tres fidei Catholicæ fundamentales, qui necessario credendi sunt priusquam quis justificari possit; sed isti articuli credi possunt

ab iis qui nunquam iustificantur, unde sequitur plus exigi ad iustificationem consequendam, *scilicet*, ut in Christum passum, sepultum, à mortuis suscitatum, fiduciam totam cordis collocemus, ob remissionem peccatorum & acceptationem ad vitam æternam unde jure potest unusquisque credere fide speciali se per Christum iustificatum esse.

7. Et ultimò affert ex Joan. Epist. 1. c. 5. v. 1. Omnis qui credit quoniam Jesus est Christus, ex Deo natus est. Et v. 4. Hæc est victoria quæ vincit mundum, *scilicet* fides nostra, & v. 5. Quis est qui vincit mundum, nisi qui credit, quoniam Jesus est filius Dei? Ex hisce omnibus locis adductis sic infert Bellarminus. Habemus igitur objectum fidei iustificantis tam perspicuè & tam copiosè in Sacris Literis explicatum, ut adversarii hæresin suam persuadere non possint, nisi novas Scripturas veteribus abolitis solita temeritate confingant.] Hæc ille.

Sol. R. 1. ad primum locum. Ipsi Romanenses aiunt, non statim renasci qui fide Catholica credit Jesum esse Christum; nam volunt fidem hanc posse separari à spe & dilectione, nec esse iustificantem nisi accesserint spes & dilectio: At aliter dicendum est de fiducia quâ peccator contritus recumbit in Christum & ejus merita ob remissionem peccatorum; qui enim fiducialiter recumbit in Christum ob remissionem peccatorum in hoc ipso renascitur & filius Dei efficitur. Idque hic ipse Apostolus Johannes docet in suo Evangelio, c. 1. v. 12. ubi de Christo agens. Ad suos (.i.) Judæos (inquit) venit, at sui eum non receperunt. Quotquot autem eum acceperunt, iis dedit hanc dignitatem, ut filii Dei fierent, nempe iis, qui credunt in nomen ejus (.i.) in eum ut Redemptorem fiduciam suam collocant, *scilicet* ob remissionem peccatorum. Ex istis patet non sufficere ut quis nascatur à Deo, ut credat fide Catholica Jesum esse Christum, nisi credat in eum ut Salvatorem, qui salvet populum suum de peccatis suis.

Ad alterum locum v. 4. Hæc est victoria quæ vincit mundum, fides vestra. Per fidem (inquit Estius in locum) intelligit non qualemcumque, sed vivam & operosam per dilectionem; addo & ego, fidem seu fiduciam quæ fertur in Christum ut Mediatorem, Salvatorem, & Redemptorem, qui redimit nos ab omni iniquitate.

Ultimus locus est v. 5. Quis est qui vincit mundum, nisi qui credit Jesum esse filium Dei?

Sol. R. Cum Estius in locum, Declarat quæ sit illa fides quâ mundus vincitur, ea nimirum, quâ quis credit Jesum esse filium Dei; non quasi solus ille articulus fide receptus sufficere possit ad vincendum mundum, sed hoc sermone Mediatorem ostendit, ut patet ex versu sequente, per quem ut Mediatorem ac Salvatorem accedit ad Patrem impetraturus gratiam & fortitudinem quâ superet omnem mundi tentationem.] Hæc Estius.

Cum ergo Apostolus dicit illum vincere mundum qui credit Jesum esse filium Dei, intellige, & in eum sic agnitum fiducialiter recumbit ob remissionem peccatorum.

Ferus in Matth. 8. 26. Quid timidi estis? &c. Fides (inquit) & fiducia in Deum omnia adversantia vincit, juxta illud Ps. 91. Quoniam in me speravit, liberabo eum &c: Hinc Joannes dicit, hæc est victoria quæ vincit mundum, fides vestra. *vidi sequentia.*

CAPUT XII.

Ubi occurritur iis quæ adducit Bellarm. ex traditione Ecclesiastica ut probet objectum fidei justificantis esse omne id, quod in verbo Dei continetur, & quidem primo & Symbolis.

HActenus Bellarminus c. 8. multa ex Scripturis testimonia collegit quibus stabilire conatur suam assertionem, fidem justificantem non aliud esse quam assensum ad ea omnia, quæ in sacris literis revelantur. Cap. 9. Hoc ipsum evincere nitiatur ex traditione Ecclesiastica.

Atque hic Bellarminus, quid vetus Ecclesia senserit de fide & ad justificationem & salutem necessaria, quid ea sit, & quod objectum habeat, non potest clarius intelligi (inquit) quam ex Symbolo fidei, quod Catechumenis initio traditur, ut cum fide recta & sana ad lavacrum regenerationis accedant, hoc est, ut ex fideificentur & iustificati salutem consequantur æternam. Atque hoc totum contineri vult in Symbolo antiquissimo, in Symbolo Apostolorum. Quo in Symbolo contineri vult totum objectum fidei juxta Augustinum. Sermon. 115. de Tempore & 119. Hoc Symbolum (addit) habemus latius explicatum in Conciliis Oecumenicis Nicæno, Constantinopolitano, & Athanasiano, quæ non sunt (inquit) 4. Symbola, sed enarrationes quatuor ejusdem Symboli.

In hisce continentur multa quæ necessario credenda sunt, si quis ex fide iustificari velit, de Unitate & Trinitate Dei, de Incarnatione, de Passione & Resurrectione Christi, de Ecclesia, de Baptismo, de Vita æterna, de speciali autem misericordia ne verbum quidem.] Hac ille.

Sol. R. Nos libenter agnoscimus cum Augustino Symbolum quod Apostolorum dicitur, esse breviter complexam regulam fidei, ut mentem instruat nec oneret memoriam, Sermon. 119. de Tempore. Agnoscimus etiam hoc ipsum Symbolum latius explicari in Conciliis Oecumenicis, Nicæni & Constantinopolitani Symbolis, Symbolo item Athanasiano. In hisce etiam Symbolis fatemur contineri multa quæ necessario credenda sunt ab iis qui fide iustificari velint, qualia sunt ea quæ recensentur dogmata de Unitate & Trinitate Dei, de Incarnatione, de Passione & resurrectione Christi, de Ecclesia, de Vita æterna, non quod fides de illis dogmatibus sufficiat ad justificationem, sed quod absq; fide horum dogmatum justificatio haberi nequeat, cum istis dogmatibus fides justificans nitatur, præsertim dogmatibus de incarnatione, passione, & resurrectione Christi. Nam certum est fiduciam in Christum incarnatum, passum, mortuum ob remissionem peccatorum supponere fidem incarnationis, passionis, & mortis Christi, eamque ad impetrandam remissionem peccatorum, dicente Apostolo, Rom. 4. 25. Christum traditum fuisse ad mortem propter delicta nostra, & 1 Cor. 15. 3. Idem Apostolus compellens Corinthios, Tradidi (inquit) vobis quod & acceperam, Christum viz. mortuum esse pro peccatis nostris (i. e.) expiandis, secundum Scripturas. Et rursus Rom. 3. 25. Quem Deus proposuit propitiationem per fidem in sanguinem ejus (i. e.) mortem ejus.

Hinc in Symbolo Nicæno Nicæni Patres explicatius addunt, Qui propter nos homines & propter nostram salutem descendit de Coelis, & incarnatus est de Spi. Sancto & Maria Virgine & homo factus, et ceteris pro nobis sub Pontio Pilato, passus & sepultus est. Juxta Nicænos ergo Patres propter nostram salutem (scilicet procurandam) Christus incarnatus, crucifixus, passus.] Salutem autem nostram procuravit, quatenus populum suum à peccatis salvum fecit, dicente Angelo Matth. 1. 21. Vocabis nomen ejus Jesum, ipse enim salvum faciet populum suum à peccatis eorum. Hunc ipsum articulum iisdem verbis repetitum dant Patres Constantinopolitani in Symbolo suo.

In Symbolo etiam Athanasiano habetur, Passus est pro salute nostra. Et in Symbolo Chalcedonensi sic, Postremis verò diebus propter nos & propter nostram salutem ex Maria Virgine & Dei-para secundum humanitatem. Unum & eundem Jesum Christum Filium Dei—in duabus naturis inconfuse, inconvertibiliter, indivulse & inseparabiliter manifestatum] Cum ergo in Symbolo fidei profiteamur Christum esse unigenitum Filium Dei, eumque passum fuisse sub Pontio Pilato, crucifixum, mortuum & sepultum fuisse, profiteamur Christum unigenitum Filium Dei passum fuisse crucifixum & mortuum pro nobis ut à peccatis servemur, per eorum remissionem. Fides ergo justificans quàm dicimus esse fiduciam in Christum incarnatum, passum, mortuum ob remissionem peccatorum, supponit fidem incarnationis, passionis & mortis Christi, eamque ad impetrandum remissionem peccatorum. Ergo hi articuli in Symbolo fidei ponuntur, quia necessario supponuntur ad fidem salutaris & justificantis.

2. Respondeo, In Symbolo fidei recitando profitemur Catechumenus se non solum credere Christum Jesum esse unigenitum Filium Dei passum sub Pontio Pilato crucifixum & mortuum, sed se in hunc unigenitum Filium Dei, passum, crucifixum, mortuum credere. Credere autem in Filium Dei, (ut ex Tridentino Catechismo supra ostendimus) est in Filium Dei fiduciam collocare, & credere in Filium Dei passum crucifixum, mortuum, pro peccatis nostris expiandis, est fiduciam in Filium Dei passum, crucifixum, mortuum collocare ob remissionem peccatorum; qui actus est proprius actus fidei justificantis, atque idem est quod credere in Christum, ut salvatorem & redemptorem. Quicumque ergo catechumenus recitat Symbolum fidei cum sistitur baptizandus, hoc ipso profitemur se credere fide catholicâ Christum unigenitum Filium Dei esse passum, crucifixum & mortuum pro peccatorum nostrorum expiatione, & unâ in eundem Filium Dei passum, crucifixum, mortuum se credere seu fiduciam collocare ob peccatorum remissionem, quod est credere fide justificante. Unde & potest merito inferre, si verè præstiterit hunc actum, sibi peccata in particulari esse remissa, juxta verum sensum horum symbolorum. Quamvis igitur in Symbolis istis, quorum meminit Bellarminus, expressè non proponeretur credendum, V. g. Paulo catechumeno cum ad Ananiam accederet, sibi peccata sua remissa esse, tamen idem Paulus si profiteatur se fide catholica credere Christum Filium Dei pro peccatis hominum expiandis passum, crucifixum & mortuum esse, simulque profiteatur se in eundem Christum passum, crucifixum, & mortuum credere seu fiduciam collocare ob remissionem peccatorum, si par fuerit professioni (id quod conscientia Pauli & cujuscunque verè credentis in seriis exercitiis fidei & poenitentiae rectissime dicat) merito inferre potest, mihi Paulo remissa sunt peccata mea. Quicumque ergo catechumenus par fuerit professioni, quam in Symbolo recitando profitemur, ipse jure verè potest dicere ex supra dictis, sibi in particulari remissa esse peccata.

Objicit Bellarminus illud Philippi in Apolog. Confess. Augustana in Articulo de fide, non est omissa remissio peccatorum in Symbolo fidei, atque illa est quam fides justificans propriè intuetur] Et respondet hoc facile rejici. Primo enim si fides justificans rectè definita esset fiducia misericordiae propter Christum, deberet magna pars Symboli, si non totum, cum hac definitione congruere, contra autem factum esse videmus, cum ex articulis 12 unus tantum sit qui utcumque ad fiduciam misericordiae accommodari posse videatur; nam reliqui undecim neque de misericordia docent aliquid, neque ad fiduciam ulla ratione sed ad solam credulitatem (ut sic loquamur) pertinent. Hac Bellarm.

Sol. Resp. 1. Si propriè loqui velimus, ut infra ostendemus, fides justificans est fiducia in Christum ut misericordiam consequamur ob remissionem peccatorum. Atque hanc fidem profitemur quilibet catechumenus dum recitat symbolum Apostolorum, Nicænum, Constantinopolitanum, & Athanasianum ubi profitemur se credere in Jesum Christum unigenitum Dei Filium, qui conceptus est de S. Sancto, natus de Maria Virgine, passus sub Pontio Pilato, crucifixus & mortuus. Cum hac autem definitione fidei justificantis congruit magna pars Symboli, nimirum omnes illi articuli recitati, & illi sequentes, qui respiciunt vel personam vel officium Christi.

Atqui

Atqui omnes isti articuli ut & illi etiam quibus profiteamur nos credere in reliquis personis Sacrosanctae Trinitatis in Deum Patrem & Spiritum Sanctum pertinent ad fiduciam, ut nos ex Catechismo Tridentino supra ostendimus, & non ad solam credulitatem, ut vult hic Bellarm. Ex hac autem fiducia in Christum passum, crucifixum & mortuum ob remissionem peccatorum nascitur fiducia specialis misericordiae ob remissionem peccatorum (quam tanto impetu exagitat Bellarminus) ut infra ostendetur.

Obijcit 2. Bellarminus Articulum de remissione peccatorum non docere specialem & absolutam benevolentiam, quam adversarii objectum fidei justificantis faciunt, sed benevolentiam generalem, & quae suis conditionibus non caret, cum ex Baptismi perceptione dependeat. Nam, quod in Symbolo Apostolorum habetur, Credo remissionem peccatorum, in Constantinopolitano explicatur, Cum dicitur, confiteor unum Baptisma in remissionem peccatorum.

Quocirca (inquit Bellarm.) Catechumeni etiam ante Baptismum totum fidei Symbolum recitant & credunt, & tamen nondum habent remissionem peccatorum, sed eam obtinendam per lavacrum regenerationis expectant. Itaque (inquit) sensus istius articuli non est, credo aut confido mihi remissa esse peccata, sed credo & confiteor in Ecclesia Catholica esse donum remissionis peccatorum, quod per Baptismum aliaque Sacramenta percipitur. Haec Bellarm.

Sol. Resp. Cum profiteatur Catechumenus se credere in Deum, profitemur se credere in Deum misericordem, in Deum etiam ut Patrem fiduciam suam collocare. Sed quia in Deum ut Patrem nemo fiduciam suam collocare potest ob remissionem peccatorum, nisi prius credat in Filium *advocat* persolventem, ut Dei iustitiae vindictae satisfiat (Nemo enim venit ad Patrem, nisi per me; Ego sum via, inquit Christus, Joan. 14.) Ideo profiteamur in Symbolo nos credere in Dei Filium unigenitum, incarnatum, passum, crucifixum, mortuum, sepultum, tertia die fuscitatum ex mortuis atque adeo in Christum ut Salvatorem, Mediatorem, & Redemptorem nos fiduciam nostram collocare ob remissionem peccatorum. Atque si huic professioni pares fuerimus, non solum credere possumus in Ecclesia Catholica absolute esse donum remissionis peccatorum, sed & credere & confidere possumus nobis etiam in speciali esse remissa peccata.

2. Cum dicit Bellarminus Articulum de remissione non docere specialem & absolutam benevolentiam, sed benevolentiam generalem, & quae suis conditionibus non caret cum ex Baptismi perceptione dependeat.

Respondeo, Conditionem illam unde proprie dependet remissio peccatorum, esse fiduciam in Christum Salvatorem & Redemptorem & ejus *advocat* mortem & merita ob remissionem peccatorum, ut passim docet scriptura; Joan. 1. 12. & 3. 16: Act. 10. 43. & 13. 39. & 16. 30. Vide p. 7. & 8.

Ubi enim haec conditio reipsa praestatur, ibi confessio sequitur remissio peccatorum. Haec tamen conditio non vere nec rite praestatur, nisi ubi praecesserunt debita cordis contritio, & dolor de offensa Dei. Hoc est ergo quod dicimus; Ubi catechumenus vere contritus fiduciam totam in Christum redemptorem & ejus merita collocaverit ob remissionem peccatorum, ibi confessio & absque mora catechumeno dimissa sunt peccata. Sic Bernardus Sermon. 22. in Cantica. Quisquis pro peccatis compunctus esurit & sitit, iustitiam eredit in eum qui justificat impium, & per solam fidem justificatus pacem habebit apud Deum.]

Addo tamen in ejusmodi catechumeno inesse debere verum & serium desiderium capeffendi Baptismum quamprimum facultas suscipiendi datur. Huc facit illud Augustini quaest. 33. in lib. Numerorum ubi de Cornelio Catechumeno agit Cornelius (inquit) audiens & credens quod praedicaverat Petrus, ita mundatus est ut ante visibilem Baptismum, cum suis qui aderat, acciperet donum Sp. Sancti. Addit tamen Augustinus, veruntamen nec visibile Sacramentum contemni potuit, ut ablutus etiam extrinsecus lavaret quodammodo vestimenta sua.] Haec Augustinus.

Idem Augustin. de latrone agens de Baptismo. contr. Donatist. lib. 4. cap. 22. Baptismi vicem aliquando implere passionem de latrone illo cui non baptizato dictum est: Hodie mecum eris in Paradiso, non leve documentum

beatus Cyprianus assumit, quod etiam atque etiam considerans, invenio non tantum passionem pro nomine Christi, id quod ex Baptismo deerat, posse supplere, sed etiam fidem conversionemque cordis; si forte ad celebrandum mysterium Baptismi in angustiis temporum succurri non potest. Quantum igitur valeat etiam sine visibili Sacramento Baptismi, quod ait Apostolus, corde creditur ad justitiam; ore autem confessio fit ad salutem in illo latrone declaratum est, sed tunc impletur invisibiliter, cum mysterium Baptismi non contemptus religionis sed articulus necessitatis excludit] & cap. 23. Sicut autem in latrone quia per necessitatem corporaliter baptismus defuit, perfecta salus est quia per pietatem spiritaliter affuit: sic & cum ipsa praesto est, si per necessitatem desit quod latroni affuit, perficitur salus] intelligit per id quod latroni affuit, confessionem oris] Ex hoc loco etiam constat salutem habere posse catechumenum, etiam si baptismus defuerit, quomodo etiam haberi potest ubi desit confessio oris, si per necessitatem desit.

Dies si per contritionem & fidem in Christum Redemptorem & ejus mortem & merita remittuntur peccata, quorsum catechumeni verè contriti & credentes in Christum Redemptorem & ejus merita baptizantur, aut quomodo rectè ponitur in Symbolo Constantinopolitano iste articulus, credo unum baptisma in remissionem peccatorum?

Sol. Resp. Sacramentum Baptismi non frustra suscipi ab ejusmodi catechumenis verè justificatis, priusquam lavacro regenerationis sistuntur baptizandi.

Nam 1. in verè justificatis auget gratiam inhaerentem, atque adeo minuit reliquias concupiscentiae. Bellarm. lib. 2. de poenit. c. 14. explicans illud Act. 22: ablue peccata tua, potuit (inquit) Ananias hortari Paulum licet perfectissimè conversum & per hoc justificatum ut amplius peccata sua abluat, juxta illud Ps. 51. Amplius lava me ab iniquitate mea—Nam certè (inquit) non deerant vulnera ex peccato relicta ut propensiones malae & id genus alia multa, quae per gratiam Dei curari poterant.

2. Saramenta sunt sigilla justitiae fidei, atque adeo obsignant & certiores reddunt suscipientes de accepta remissione peccatorum & de adepta indulgentia securiores.

Illum autem articulum Symboli Constantinopol. Credo unum Baptisma in remissionem peccatorum non ita intellexerunt conditores articuli ac si catechumenus verè contritus & charitate in Deum flagrans, & in Christum Redemptorem credens ob remissionem peccatorum, adhuc reatu peccatorum teneretur, & suspenderetur remissio, donec aqua Baptismi ablatus esset, ac si externa aquae ablutione jam primò ex reo fieret justus: Sed quia Sacramentum Baptismi est organum efficax divinitus institutum, tum ad obsignationem & majorem certiorationem suscipientis de remissione peccatorum, tum etiam ad augmentum & corroborationem gratiae habitualis inhaerentis.

Ex Symbolis ergo dictis nihil asserri potest ex quo vel conficiatur, fidem justificantem nihil aliud esse quam assensum ad ea omnia quae divinitus revelantur; vel impugnetur nostra assertio de fide justificante, seu potius definitio. Fidem sc. justificantem esse fiduciam ex corde contrito in Christum Mediatorem ob remissionem peccatorum, nitentem promissione Evangelii] Quousque autem fiducia de speciali misericordia Dei propter Christum asserenda sit postea discutietur.

CAPUT XIII.

Ubi occurritur iis quæ adducit Bellarminus ex Patrum testimoniis pro Obiecto Fidei Iustificantis.

Pergit Bellarm. cap. 9. Præter hoc testimonium totius Ecclesiæ symbolum fidei Catechumenis tradentis, adferri possunt etiam testimonia singulorum Patrum (inquit) qui de fide iustificante cum differunt, eam semper intelligunt quæ Catholica dicitur, quæque totum Symbolum respicit. Et adducit primum testimonia Irenæi, lib. 1. c. 2. 3. 4. Explicantis regulam fidei Christianæ, Quod idem facit Tertul. lib. contra Praxeam; uterque autem nihil aliud credendum docet, nisi articulos Symboli Apostolici, quamvis nomen Symboli non habeant. Sanctus quoque Basilius in Oratione de Confess. Fidei, docet fidem ad salutem & justificationem necessariam illam esse, quæ creduntur ea quæ Deus revelavit: neque fidei specialis in tota illa oratione usquam meminit. Hæc Bellarm.

Sol: Respondeo, Quod supra diximus de Symbolis Fidei, idipsum pariter dicendum de singulorum Patrum testimoniis, quæ non confundunt fidem iustificantem cum fide Catholica, ut vult Bellarm. Sed omnino distinguunt. Id quod variis indiciis ostendi potest. Nam

1. Patribus aliud est fides quæ habetur { Deo vel Christo, vel de Deo & Christo.
In Deum, vel in Christum.

Patres cum definiunt fidem solo assensu, intelligendi sunt de fide quæ habetur Deo aut Christo, qua credimus vera esse quæ Christus aut Deus dixit; vel de fide quæ habetur de Deo, de ejus attributis & operibus, ut cum credimus Deum esse, Deum esse Omnipotentem & æternum, Deum esse Creatorem aut gubernatorem Cæli & terræ; vel de fide quæ habetur de Christo & ejus persona, de fide quæ credimus personæ Christi unitatem, naturarum ejus dualitatem, harum hypostaticam unionem, ejus item incarnationem, conceptionem, natiuitatem, passionem, crucifixionem, mortem, sepulturam, resurrectionem, ascensionem in Cælos, sessionem ad dextram Patris, secundum adventum ad judicandum vivos & mortuos. Ejusmodi fidei assensus est fundamentum fidei iustificantis, unde & fides iustificans hanc fidem semper supponit, sed hæc fides non est illa quæ *κατ' ἔξω* iustificans dici solet, cum hæc fides sæpe reperiatur in non iustificatis sed dicenda est Catholica seu dogmatica potius, ut appellat Cyrillus Hierosolymit. Fidem cum agunt de fide in Deum, in Deum Patrem vel Filium vel Spiritum Sanctum, in Christum item incarnatum, passum, crucifixum, mortuum à mortuis suscitatum, &c. non intelligunt nudum assensum divinitus revelatis de Deo de Patre, de Filio, de Spiritu Sancto sed insuper fiduciam in Deum, in Deum Patrem, in Deum Filium, in Deum Spiritum Sanctum, in Dei etiam misericordiam mittentem Filium in mundum ob salutem generis humani in Christum item ut Redemptorem, Salvatorem, Mediatorem, Iustificatorem ut Supr. diximus ex Symbolo Constantinopolitano, & Athanasiano. Ejusmodi fides seu fiducia iustificat credentem siquidem fides iustificans illa dicitur quæ verè contritus in Deum misericordem & Christum Redemptorem ob remissionem peccatorum fiduciam suam collocat.

2: Juxta Patres aliud est fides { Qua
Qua Creditur Lomb. 3. dist. 23.

Sic August. lib. 13. de Trinit. cap. 2. Aliud sunt ea quæ creduntur, aliud, fides quæ creditur. Illa in rebus sunt quæ vel esse vel fuisse vel futura esse creduntur, hæc autem in animo credentis est, ei tantum conspicua cujus est, & tamen nomine fidei censetur utrumque & id quod creditur, & id quo creditur. Per fidem quæ creditur intelligo ipsos articulos Symboli, seu Summam credendorum, de hac fide agit Athanasius in fine Symboli ubi ait, Hæc est fides Catholica, quam nisi quisque firmiter fideliterque crediderit salvus esse non poterit, fides autem qua creditur est habitus.

vel { Intellectus
Voluntatis.

Illæ quæ est habitus intellectus est ille habitus quo assentimur omnibus divinitus revelatis & dicitur habitus fidei Catholicæ, & de hoc habitu fidei intelligenda sunt nonnulla testimonia quæ affert Bellarminus.

Illæ quæ est habitus voluntatis est ille habitus quo credimus in Deum quo credimus in Christum ut Redemptorem & Salvatorem, & est habitus fidei justificantis, & de hac fide intelligenda sunt varia testimonia Patrum, quæ adducta sunt à Bellarmino, c. 9.

CAPUT XIV.

Aliud esse juxta Patres credere Deo, & credere in Deum.

3: Patres tam Græci quam Latini diligenter distinguunt actus credendi

P

{ Deo
In Deum.

Et quidem actum quo credimus Deo non alium esse volunt, quam credere id esse verum, quod Deus dicit, seu quod eodem recidit, assentiri divinitus revelatis.

Actus alter, cujus meminerunt Patres, est actus credendi in Deum. Quid autem sit credere in Deum non uno modo explicant iidem Patres.

Greg. Nazianz. Orat. 37. quæ est de Sp. Sancto sic Argumentatur agens de Sp. Sancto, *ὁ ἅγιος πνεῦς ὁ ἀπὸ τοῦ πατρὸς ἐκπορεύων*. Si Sp. Sanctus sit creatura, quomodo in eam credimus? Et subjungit, non enim idem est credere in aliquid & credere de aliquo. Illud enim divinitati convenit, hoc cuiuslibet rei. Aliud ergo Nazianzeno est credere de aliquo & credere in aliquid, atque hoc ultimum juxta illum est proprium divinitati, cum in Deum solummodo credendum sit.

Hilarius lib. 9. de Trinit. p. 121. Explicans illud Servatoris dictum, Credite in Deum, & in me credite. Cum ait (inquit) credite in Deum, & in me credite; unicus (inquit) se fidei Dei & naturæ ejus univit, cum memorato Deo, in quem credi oporteret, & in te docuerit esse credendum Deum se per id docere eum credendo in eum sit ab his qui in Deum credant, ei hoc loco Hilarius evincit Christum esse Deum eo quod Christus exigit in se credendum esse.

Idem Hilarius lib. 6. de Trinit. p. 78. in Joan. 9. 35. Tu credis in Filium Dei Id quod Christo proprium est ad fidem poscitur (i.) ut credat in Dei Filium; credi-

disse

disse autem in Dei filium quid proficit si credatur in creaturam, cum à nobis fides in Christo non creatura Dei sed filii Dei postuletur.

Cyillus Alexandr. lib. ad Reginas scriptus ex eo quod juxta Scripturas fides in Christum fertur & in Christum credendum esse legimus, infert Christum esse verè Deum.

Explicans illud Joan. 6. Hoc est opus Dei ut credatis in illum qui misit me] Si Dei (inquit) voluntatem perficimus cum in Christum credimus; hunc enim Pater verè misit in mundum, quando nostri similis factus est homo, quomodo non est verus Deus: neque enim in simplicem hominem credere Dei opus dici potest] Juxta eum si Dei voluntas sit, ut in Christum credamus, ex eo infert eum fuisse non nudum hominem, sed etiam verum Deum.

Explicans idem illud Joan. 3. Non enim misit Deus filium suum in mundum ut judicet mundum, sed ut salvetur mundus per ipsum. Qui credit in eum non judicatur, qui autem non credit jam judicatus est, quia non credit in nomine unigeniti filii Dei.] Sic subinfert si via ad salutem est fides in filium quomodo in ipsum credimus, aut quomodo in ipsum credentes condemnationis sententiam evadamus? nunquid illum fide ut hominem complectimur? nec quidquam nisi humanum de illo concipimus? at quo pacto si hoc fecerimus, divinum cultum homini non impendisse arguemur? fide ergo in illum ferimur tanquam in Deum? sanè, quis illum ergo, cujus fides orbem terrarum justificat, verum Deum esse inficiari audeat?]

Probat Cyillus Christum esse verum Deum.

1. Quia aliter credendo in illum ut purum hominem, divinum cultum homini impendisse nos arguemur, quod non est admittendum.

2. Quia fides in illum, orbem terrarum justificat.

Theophylactus in Joann. 12. 44. Qui credit in me, non credit in me, sed in eum, qui misit me] Non dixit qui credit mihi, sed qui credit in me, quod fidem in Deum significat. Aliud enim est (inquit) credere cupiam & aliud credere in quempiam. Nam si qui credit alicui potest intelligi, quod credit ei ut vera dicenti, qui autem credit in quempiam, omnino ut in Deum credit.

Ideo rectè quis crediderit Apostolis, ut non item in Apostolos.] Hic etiam Theophylactus vult ut credere in quempiam, omnino ut in Deum credit, nec rectè dici posse, ut quisquam credat in Apostolos.

August. de Civitat. Dei 18. c. 54. Nos qui sumus vocamurque Christiani, non in Petrum credimus, sed in quem credidit Petrus, & Tractat. 29. in Joan. credimus Paulum, non credimus in Paulum.

Et de Verb. Domini. Serm. 61. Multum interest utrum quisque credat ipsum esse Christum & utrum credat in Christum. Nam ipsum esse Christum Demones crediderunt, nec tamen in Christum Demones crediderunt.

Et Serm. 131. de Tempore. Sciendum est quod Ecclesiam credere non tamen in Ecclesiam credere debemus, quia Ecclesia non est Deus, sed Domus Dei.

Verantius Fortunatus qui vixit circ. ann. Dom. 570. lib. 11. Ubi symbolum explicat, explicans illud credo in Sp. Sanctum, una (inquit) Divinitas in Trinitate, quia dixit Symbolum, credo in Deum Patrem, & in Jesum Christum, & in S. Sanctum, ergo ubi præpositio [in] ponitur, ibi divinitas approbatur.

Ubi est credo in Patre, Filio, & Spiritu Sancto. Nam non dicitur in Sancta Ecclesia, non dicitur in remissione peccatorum, sed remissionem peccatorum credis]

Hæc itæx dictis constat aliud esse Patribus credere

Deo

in Deum

Quid autem sit credere Deo, ex dictis etiam manifestum est, cum credere Deo sit credere id esse verum, quod Deus dicit, & ex dicto Nazianzeni testimonio (interprete, Elia ejus Scholiaste loco adducto) ex Theophylacto supra citato & Augustino gl'ib'us in locis manifestum est. Quid autem sit credere in Deum non est eadem omnium explicatio. Qui dicunt credere in Deum esse proprium Dei & ita pro-

proprium ut credere in Deum sit in Deum solummodo credere, in Creatorem, non in creaturam aliquam, plerumque non tamen explicant vim seu notionem hujus formulæ loquendi, licet ad Deum solum arctent & constringant, non Nazianz. non Hilarius, non Cyrillus, non Theophylactus.

Cyrillus Alexandrinus in dicto libro ad Reginas sæpius hæc formulâ loquendi utens simul docet imitatus Scripturas, omnes in Christum credentes verè justificari.

P. 65. Explicans illud ad Roman. 5. 1. Justificati ex fide pacem habemus ad Deum, &c. Sic subinfert si in Deum credentes verè justificamur, fideque in Christum Jesum tendimus ac per illum ad Patrem tandem pervenimus (Christo namque nos excitante, Deo & Patri conjungemur) quomodo Deus non est?] ex eo colligit in Deum credentes verè justificari, fideque in Jesum Christum tendere ac per illum ad Patrem tandem pervenire, ac proinde Christum verè Deum esse.

P. 56. Explicans illud Rom. 3. Quem [Christum] proposuit Deus Propitiatorem per fidem in sanguine ipsius, &c. Si alia ratione (inquit) illos expiare non poterat Christus, qui peccato & maledictioni & mortis supplicio obnoxii tenebantur nisi sanguinem suum in præcedentium peccatorum remissionem profunderet: quomodo ut verbum caro fieret necessarium non erat? nempe quo proprio (i. e.) suzipsius carnis sanguine omnes qui in ipsum credituri erant, justificaret.

Eadè pagina ex Rom. 5. 8. Commendat charitatem suam Deus in nobis, quoniam cum adhuc peccatores essemus, Christus pro nobis mortuus est, &c.

Si Christus (inquit) propter præcedentium delictorum condonationem -- aliter quam per Christi sanguinem & mortem divinâ dispensatione salutariter susceptam, salvari nequibat, per Christum autem salutem consequemur, quomodo incarnationis modus Dei Patris verbo necessarius non erat? quo illos nimirum qui in ipsum crederent per sanguinem suum justificaret, Patrique per corporis sui mortem reconciliaret, atque ita tandem omnes simul cum ipso vitam adipisceremur.

P. 65. Explicans illud ad Roman. 10. Finis legis Christus est ad justitiâ omni credenti] Si Christus (inquit) finis legis est idemque est justitia justorum per fidem in ipsum justificandique facultas in solum Deum conveniet tanquam quiddam ipsi peculiare quoniam modo Christus non est Deus?]

Probat Christum ex dicto loco Apostoli quia est justificator omnium credentium in se. Similia habet p. 59. 63: 68. 69. locis ibi notatis.

Ex istis omnibus locis & multis aliis ibid. colligitur juxta Cyrillum 7^o credere in Deum vel in Christum non denotare nudum assensum mentis quo assentimur ad ea quæ divinitus revelantur, cum is assensus in malis Christianis sæpe reperiatur, at juxta Cyrillum omnes in Christum credentes verè justificantur, morte Christi Patri reconciliantur, vitam æternam adipiscuntur. Aliud ergo est Cyrillo 7^o credere in Christum quam assentiri divinitus revelatis. Aliudque fides justificans quam fides Catholica contra quam habet Bellarm.

Porro certum est illos ex antiquis qui distinguunt inter 7^o credere } Deo
in Deum

ita inter utriusque formulæ notionem distinxisse, ut ex eo quod quis credat Deo non illico sequatur ut is credat in Deum; nam credere de aliquo convenire potest cuilibet rei juxta Nazianz. Credere in aliquem solum divinitati, & Aug. in Psal. 77. Credere in Deum (inquit) plus est quam credere Deo. Nam ut homini cuilibet plerumque credendum est, quamvis in eum credendum non sit & Serm. 61. de verb. Domini. Multum interest utrum quis credat ipsum esse Christum & utrum credat in Christum, nam ipsum esse Christum Dæmones crediderunt, non tamen in Christum Dæmones crediderunt] Hæc Aug.

CAPUT XV.

Id Credere in Deum apud Patres idem esse atque in Deum spem omnem & fiduciam reponere.

S I ergo quærat uterque, quod denotat apud Patres supra nominatos id credere in Deum & id credere in Deum solummodo, non in creaturam.

Respondeo ita intelligendos, ac si apertius dixissent, se in Deum fiduciam ac spem suam omnem reponere & collocare in Deum sc. omnipotentem, veracem, misericordem, gratiosum: Idque videtur juxta nostrum loquendi morem includi in præpositione [in] atque hæc de causa (ut rectè Janfen. concord. Evangel. c. 18. p. 149.) apud nos ex sententia Patrum obtinuit, ut id credere in aliquem tribuamus soli Deo Patri, Filio, & Spiritui Sancto.

Hoc constat ex Symbolo Apostolorum & aliis Symbolis in quibus occurrit formula, credo in Deum Patrem, Filium, & Spiritum Sanctum; non itidem credo in Ecclesiam, aut credo in remissionem peccatorum.

Quod autem id credere in Deum idem sonet Patribus quod sperare in Deum seu fiduciam in Deum collocare, patet ex ipsorum Patrum testimoniis.

Hieronymus in Jerem. 17.6. Si maledictus (inquit) est omnis homo qui confidit in homine, Paulus autem Samosatenus & Fotinus quamvis Sanctum & cunctis excelsum virtutibus prædicent Salvatorem tamen hominem constituentur. Ergo maledicti erunt spem habentes in homine. Quod si nobis oppositum fuerit quod & nos credamus in eo qui dicit: Num autem queritis me interficere hominem qui veritatem vobis locutus sum quam audiavi à Patre? Hic id confidere in homine & credere in homine Hieronymus promiscuè usurpantur.

Idem ibid. in versum 7. Benedictus vir qui confidit in Domino & erit Dominus spes (sive fiducia) ejus. Qui confidit in Domino & Dominus est fiducia ejus, etiam in tempore Judaicæ siccitatis non metuit sed semper asseret credens in eum qui semel mortuus est & ultra non moritur, & vivit, Ego sum vita. Hic itidem idem sunt Hieronymo confidere in Domino atque credere in Dominum qui semel pro nobis mortuus est.

Idem Hieronymus in Mich. 7.5. Secutus contextum confundit id credere in, & id confidere in, & id sperare in. Ubi nolite credere in amicis & ne speretis in Ducibus, & nolite credere in Ducibus confundantur.

Coll. 302. B. C. D. ibid. distinguit Episcopum } honorare
in eum sperare

& ait nos posse Episcopum honorare, non tamen in eum sperare & ibid. col. 302. B. credere in Domino & in illo fiduciam habere pro uno & eodem sumuntur.

Hic in 1. 2. ult. Beati omnes qui confidunt in eum. Non trepidam spem neque amoris perfectio beatitudinis exigit confidentiâ, id opus est firmæ opinionis scilicet & inde mutabili voluntate, quia plus est confidere quam sperare. Confidendum ergo est ne nos à viâ iusta exardescens brevi ira Dei deperdat. Fidelis enim est qui ait, Qui credit in me non judicabitur, sed transiet de morte ad vitam. Hic apud Hieronymum confidere in Domino & credere in Dominum confunduntur.

Idem

Idem Hilarius in Psal. 68. in illa verba: Laboravi clamans rauca factae sunt fauces meae, defecerunt oculi mei, dum spero in Deum meum] causam (inquit) maxime clamoris & intentionis oculorum hanc esse docuit; quia speraret in Deum idque cum clamat dicens: Qui credit in me, non in me credit, sed in eum qui misit me] ubi Hilarius, sperare in Deum & credere in Christum promiscue usurpantur.

Idem in Psal. 130: In illud speret Israel in Domino ex hoc & usque in seculum seculi] spem nostram nullo fine temporum claudit in immensum expectationis nostrae fidem tendit in seculum seculi sperandum est.] Expectationis nostrae fidem cum spe plane confundit. Sic & in Psal. 129. explicans haec verba sustinuit anima mea in verbum tuum.]

Ambrosius in Psal. 45. Deus noster refugium & virtus] Quid est noster? Hoc est eorum qui in te credimus, & alibi in eodem Psal. Dominus refugium factus est nobis. Nobis (inquit) credentibus, non incredulis—— Ille enim hoc potest dicere qui in solius Dei praesidio suae constituit spem salutis] Idem sonat Ambrosio qui in Deum credit, & qui in solius Dei praesidio constituit spem suae salutis.

Chrysost. in Psal. 117: Spei in Deum vim & efficaciam laudat, & in Psal. 146. in fine, Recte autem dixit in misericordia ejus, neque enim habebant in factis fiduciam, sed tamen (inquit) etsi vos facta destituerint, speretis autem in ejus misericordia, assequimini providentiam & ejus auxilium.

Eusebius Gallicanus Hom. 2. de Symb. Aliud est credere Deum, aliud credere in Deum esse Deum credere & Diabolus invenitur, in Deum verè credere, nisi qui pie in eum speraverit non probatur.

Theodoretus in Psal. 5. 12. Et latentur omnes qui sperant in te] Hoc autem vult significare eos qui crediderunt in te implebit laetitiae & praebit ipsis voluntatem sempiternam non illorum mors sed tua providentia, credunt enim quod in ipsis habitas & inambulas, ipsosque sacratum Templum efficis] Hic Theodoro idem sunt sperantes in Dominum & credentes in Dominum.

Ex dictis constare potest, Patres cum 7^o credere in Deum asserunt ita proprium esse Deo, ut 7^o credere in, non sit alicui creaturae communicabile, eo sensu intellexisse, ac si in Deum solummodo fiducia & spes omnis nostra reponenda est, collocanda non in aliquam creaturam.

Remigius Antissiodor. medix ætatis Author circa Ann. 890. (juxta Bellarmin.) in Psal. 10. in Dominum confido (.i.) tota fides mea in Christo est, per illum solum credo me justificari & salvari: ille mihi mors est, ille refugium] Illi idem sunt in Dominum confidere & in Christo credere.

CAPUT XVI.

*Hoc idem ostenditur ex recentiorum Romanensium testimonio
niis & aliis.*

Idem Rossensis lib. de fiducia & misericordia Dei, ubi duodecimum axioma sic se habet. Fiducia igitur nostra in Christum esse debet per cujus merita salutem respicientibus Pater daturus est gratis. Neque enim ob industriam nostram fidentum est, sed ob unius Jesu Christi merita]

In explicatione axiomatis, hæc subjungit. Prima ratio salutis nostrae fides est in Christum, sine qua nihil agitur & per quam assequimur omnia, modo viva sit, & a malis operibus abstinere pariter & bonis, quam opportunitas data fuerit propter Christum insudare constituerimus: Hæc sola fides est quæ justificat. Atque ideo

Paulus

Paulus fidem vocat quæ per dilectionem operatur.] Ex hoc loco apertissime constat,

1. Per fidem in Christum eum non aliud intelligere quam fiduciam in Christum & ejus merita.

2. Hanc esse solam fidem quæ justificat, & hanc esse fidem quam Paulus dicit per dilectionem operari : & addit, quisquis novâ secum constitutâ vitâ, verè sentit se conversum à peccatis ad Christum, spem suam omnem reponens in ipsum is verè justificatus est etſi nondum habuerit opera.] Nihil disertius dici potest ad nostram assertionem firmandam.

Ibid. in explicatione ejusdem 12. axiomatis explicans illud ad Rom. 4. Ei qui noti non operatur, sed credit in eum qui justificat impium, imputatur fides ad justitiam. Ecce (inquit) fides licet adhuc opera non habeat, propter eum tamen in quem fertur nempe Christum qui justificat impium imputatur fides ad justitiam. Fides scil. quâ quis totus nititur Christo, & postea se explicat quæ non aliud est illi quam fiducia in-nitens Christum.

Idem Rossensis in egregio illo tractatu de fiducia & misericordia Dei sæpius explicans actum fidei quo credimus in Christum aut Deum hisce fere formulis explicat in Christum fidendo, in Christum constanter fidendo, per fidem Christo innitendo, in ejus misericordiam nos projiciendo, fiduciam suam in Deum collocando & similibus.

Joan. Redmannus Archidiaconus quondam Tauntoniensis, Prædecessor noster & primus Præfectus Collegii apud nos quod gaudet titulo Sanctæ & individue Trinitatis, in libello de justificatione quem edidit post mortem Cuthbertus Tunstallus Episcopus Dunelmensis, sic habet, sententia hæc sola fides justificat potest intelligi vera esse, si fidem pro fiduciâ sumas & per sola excludas nihil aliud quam omnem aliam fidem sive fiduciam præter illam, quæ in Christum est (.i.) omnem superbam opinionem propriæ dignitatis.

Atque in hoc sensu ait Basilium hac exclusivâ usum fuisse in concione de humilitate. Hom. 22. p. 549. Ea demum perfecta est & omnimoda gloriatio, quando neque propter suam ipsius quis justitiâ extollitur sed agnoscit se quidem vera destitui justitiâ, *ὅτι οὐκ ἔστιν ἡμεῖς οἱ ἴδιοι δόξαντες ἑαυτοὺς.*]

Fide verò solâ, quæ est in Christum justificari] Quo loco (inquit Redmannus de justitie p. 38.) quid excludatur manifestum est ex articulo repetito, nihil aliud viz. quàm omnis alia præterquam in Christum solum & ejus misericordiam fiducia] ex quo loco constat Redmannum non solum agnoscere, per solam fiduciam in Christum Redemptorem & ejus merita nos justificari, sed & hoc sensu Basilium in Ser-mone de humilitate, agnoscere nos sola fiduciâ in Christum justificari, id quod constat ex loco Basilici inspecto, si sequentia ritè perpendantur.

Idem Redmannus ibid. citato loco Basilii, & hæc subjicit, Vera enim (inquit) humilitas in sola Dei misericordia per Dominum nostrum Jesum Christum oculos defigit, atque in illius bonitate fiduciam omnem reponens se despicit & Christo omnem ascribens justitiâ sibi non nisi opprobrium & confusionem faciei prædicat.]

Rursus, non igitur in nobis nec in nostris operibus vel optimis fiduciam nostram constituendam dicimus — sed fiduciam ipsam & spem salutis haud quaquam in nobis ipsis aut nostra dignitate collocamus, sed in misericordia Dei & gratia Domini nostri Jesu Christi, per quam & fiunt & consummantur omnia opera bona & Deo accepta sunt.

Idem Author p. 40. agnoscit fidem justificantem, quæ sic passim in Scripturis & qua justus vivere dicitur, fiduciam includere & continere — Et magnos aliquando Autores fidei vocabulum per fiduciam exponere, addit tamen non semper usurpari in Scripturis pro plena illa Christiana fiduciâ, nec tamen credere omnino idem quod tamen confidere esse, id quod nos non diffitemur, similia habet idem Redmannus in Foxi Martyrolog. in Colloquio cum Doctore Wilks: & Alexand: Nowello tum præfecto Scholæ Westmonasteriens. Cajetanus in Psalmo 2. ultim. in illa verba.

"Beati omnes qui confidunt in eo] sic habet. Et sic ante oculos Regum ac principum ac mundi proposuit & poenas & præmia futuræ vitæ, nihil aliud apponens ad assequendam beatitudinem nisi spem seu fiduciam in Christo, hæc enim sola & sufficit, & exigitur ad evitacionem gehennæ & ad assequendam beatitudinem quoniam non nostris meritis sed spe salvi facti sumus. Hæc Cajetanus ad quem locum sic Lorinus Jesuita in Comment: in dictum Psalmum. Nihil laboris exigere nisi spem seu fiduciam in Christo, hanc asserere solam exigi & sufficere profecto nihil aliud videtur esse quam necessitatē operum & meritum negare, quod etiam positis his quæ dixit, cum subdit rationem quoniam non nostris meritis (quod verissimum est de operibus nostris factis absque gratia) sed spe salvi facti sumus.] Hic Lorinus tacite perstringit Cajetanum ut in Castra Protestantium transeuntem, quod beatos asserat omnes fiduciam in Christo collocantes & hanc fiduciam solam exigi & sufficere ad beatitudinem; at æquæ Davidem perstringere potuisset, ex quo hanc ipsam doctrinam hausit Cajetanus cum dicat [Beati omnes qui confidunt in Christo] Iste locus pessimā fide expungitur in nupera Lugdunensi edit. Cajetani, 73 credere in Jesum quā voluntatis actus juxta Cajetanum est confidere & tendere in Jesum.

Idem in Joan. 6. 29. in illa verba "[Hoc est opus Dei ut credatis in illum quem misit ille] credere siquidem in Jesum continet in se & id quod est intellectus (scil. credere Jesum quod commune est voluntariis & invitis nam & Dæmones credunt in Christi mysterium Incarnationis & Trinitatis ex evidentia factorum) & id quod est voluntatis scil. confidere, tendere in Jesum, hoc enim præpositio [in] adjungit.

Credere siquidem Deum aut Deo, actus est solius intellectus, sed credere in Deum est, credendo confidere seu tendere in Deum quod continet in se actum intellectus & voluntatis actus fidei, spei, & charitatis—— & significanter (inquit) completur mysterium Trinitatis & incarnationis dicendo in eum quem misit ille, scil. Deus.

Ubi adverte quod credere in verbum incarnatum appellatur opus Dei, non solum quia est donum Dei in opere nostro; sed quia est opus primum exactum à Deo & uniens hominem Deo.

In hoc enim opere consistit substantialiter unio hominis ad Deum in hac vita & est illud per quod præbet vitam æternam.] Hæc Cajetanus.

Ubi 1. Diserte ait credere in Christum denotare & in sua notione includere actum voluntatis, confidere in Christum & tendere in Christum, ut credere in Christum, sit credendo confidere seu tendere in Christum.

2: 73 credere in Christum esse opus tum exactum à Deo & uniens hominem Deo.

Idem in Joan. 12. 42. 73 credere in Deum significat plusquam credere verbis illius, quoniam significant credere confidendo in ipso scil. quod ipse esset Salvator Israel. Et in vers. 44. Qui credit in me (.i.) ita credit quod etiam confidit in me non credit in me ut terminum fidei suæ sed in eum qui misit me (.i.) in Deum ut terminum fidei suæ.

Genebrard. Notat in Psal. 2. ist. notatum semel esto, hoc in opere passim beatitudinem & cetera dona tribui spei quæ in Pauli Epistolis fidei, alibi charitati assignentur. Nempe David extollit spem, quoniam ei res erat cum fidelibus quibus jam spes est maxime necessaria in his mundi casibus ad acquirendam beatitudinem & ceteras promissiones. Paulus fidem urget, quia verba faciebat apud infideles vel etiam fideles recens contritos; qui erant alliciendi ad fidem tanquam ceterarum virtutum januam: interim quoniam utrique eadem attribuantur, argumentum est, fidem modum hanc beatitudinis, neque sine spe & charitate tanta bona sibi applicare: Item spem esse necessariam quæ nec fide nec charitate orbetur.

Denique tria esse ~~modi~~ ac ad eundem beatitudinis iustitiæ gratiæ effectum concurrere: verum nunc unam, nunc alteram urgeri pro instituti ratione.

Ferus in Matth. 8. Summa fides quam Scriptura commendat non aliud est quam fidere gratuitæ Dei misericordiae.

Joan. Dried. de captiv. & redempt. generis hum. p. 299. ait non quamlibet fidem justificare hominem, sed eam quæ est per dilectionem operans, & hæc semper continet fiduciam quandam, quæ credens innititur gratiæ & misericordiae Dei ut Redemptoris & Salvatoris sui.]

Idem Driedonius ibid. p. 277. Verum quidem est Christianum quemque valentem assequi remissionem peccatorum certissimo fidere in sanguine Christi & illum statuere sibi firmissimam atque certissimam spem veniæ & indulgentiæ sed motus iste fiduciæ est motus spei, non fidei catholiciæ.]

Et mox hæc fides, quæ vincit mundum, fides non est otiosa, quæ quis credit in eum qui iustificat impium, quæ & socias habet certam fiduciam spei, motum dilectionis, displicentiam impietatis seu veteris vitæ.

Ferus in Joan. 6. 29. Hoc est opus Dei ut credatis in illum.] Aliud est credere Deum, credere Deo & credere in Deum. Priora duo possunt etiam impii; ultimum autem, solum pii homines. Credere enim in Christum non est res gestas ejus nosse; hoc enim & Satan novit; nec est meminisse aut secum cogitare Christum passum esse & resurrexisse, nam & impii harum rerum meminerunt & de his cogitant in nullo tamen meliores effecti. Sed est certâ, firmâ & stabili fiducia Christum omniaque ejus bona complecti, eique toto corde, tota animâ, totisque viribus inhærere: sic enim Paulus ait, Hebr. 11. Fides est substantia sperandarum rerum, &c.] Hæc Ferus.

Idem in Matth. 8. 2. Habes hic (inquit) naturam fidei quæ divinx gratiæ innititur non propriæ munditiæ aut meritis. Fiducia enim sola operum & meritorum fidem extinguit gratiamque aufert idque patet in Phariseo qui de propria munditiâ confusus, prope altare accedebat quasi dignus meritaque sua commemorabat propter quod à Deo rejectus est: è contra autem Publicanus propriè infirmitatis sibi conscius retrò stabat, non audebat oculos levare, non commemorabat merita sed peccata sua, Deique misericordiam implorabat, sic fides vera quamvis omnia bona faciat, semper tamen dicit servus inutilis sum, soli quæ Dei misericordiae nitatur.] Hæc ille.

Gropperus in Symbolum explicans credo in Deum. In ipsum quoque Deum credo, hoc est omnem fiduciam & spem meam ex affectu dilectionis quo in eum tendo) in eum repono & colloco.

Petrus Ramus de fide cap. 2. p. 11. Credo in Deum. Phrasis (inquit) est Hebraica pro in Deum spem fiduciamque colloco, & hoc verbum Christianæ fidei hic est proprium.] Vult hanc formulam non usurpari apud Gentiles Scriptores, sed ex Scripturis petitam esse, & fidei Christianæ propriam esse.

Alph. à Castro advers. Hæreses lib. 7. titul. fiduciæ. Fiducia oritur (inquit) ex firma opinione quæ de re aliqua habetur. Nam si quis credat Petrum V. G. esse veracem & potentem ad aliquid faciendum statim habet fiduciam in promissionibus illius & quo magis persuasus est de veritate, de potentia & bonitate Petri, eo magis sperat habiturum quod ille promissit & firmius confidit in illo, & hinc apertè deducit Alphonsus nos omnes obligari ad habendam majorem fiduciam in promissionibus Dei, quam in promissionibus cujuscunque hominis quantumlibet veracis potentis & boni. Quoniam teneor credere Deum esse magis veracem & bonum atque potentem quam quivis purus homo. Ideo (inquit) Propheta Regius Psal. 144. dixit nolite confidere in Principibus, neque in filiis hominum, in quibus non est salus. Non enim sunt usque adeo veraces neque sunt adeo potentes, ut possint omnia, quæ voluerint, facere. Deinde fiducia quæ in homine collocatur provenit ex opinione habita de homine, quæ semper habet formidinem admixtam. Fiducia autem quæ habetur de Deo oritur à fide quæ credimus Deum esse veracem, & bonum, & omnipotentem. At persuasio de veritate & bonitate & potentia Dei, quæ habetur per fidem, quoniam est sine ulla dubitatione & sine ulla formidine multo firmior est opinione, quæ semper habet formidinem admixtam. Ideo Paulus dixit fidem esse fundamentum, cui innititur spes. Fides (inquit ille) est sperandarum rerum substantia.

Interpres dixit substantia, pro eo quod Græcè dicitur *ὁὐρανός*, ac si diceret esse id quod substat alteri rei ut sustentet illam, quomodo fundamentum substat toti edificio. Ideo enim (inquit) speramus carnis resurrectionem, quia credimus Deum veracem qui dixit illam esse futuram, & credimus Deum esse adeo potentem, ut possit mortuos revocare ad vitam.

His itaque præsuppositis (inquit) dicimus nos fiduciam habendi gratiam & gloriam debere collocari in Christo quatenus Deus est quid, ea sola ratione potens est nobis dare gratiam & gloriam juxta id quod Propheta ait Psal. 83. Gratiam & gloriam dabit Dominus.

Hac autem fiducia inde oritur quod Christus dixit Matth. 4. Agite pœnitentiam appropinquavit enim regnum cœlorum. Credimus autem Deum esse veracem, qui mentiri non potest, & potentem ad faciendum id quod promissit. In Christo autem quatenus homo est, habemus fiduciam consequendi gratiam & gloriam, tanquam in eo per cujus merita hæc nobis reddenda est: Hic est enim qui sanat omnes infirmitates nostras, qui redimit de interitu vitam nostram, qui coronat nos in misericordia & miserationibus.

Nec enim (ut ait Petrus Act. 4.) aliud nomen est sub cœlo datum hominibus, in quo oporteat nos salvos fieri. Per hunc (ut ait Paulus Roman 5.) habemus accessum ad Patrem: Hic est verus Pastor qui ovem centesimam errantem imposuit supra humeros suos & sic reduxit ad caulas, Joan. 20. Hic est vitis vera sine qua palmites fructum facere non possunt, Joan. 15. In hoc (ut Paulus Ephes. 1. ait) habemus redemptionem per sanguinem ejus, remissionem peccatorum, secundum divitias gratiæ ejus: Et ideo in illo (ut idem Paulus iterum ait) habemus fiduciam & accessum in confidentia per fidem ejus.

Et propter hæc omnia dicimus cum Paulo, Quod fundamentum aliud nemo potest ponere præter id quod positum est quod est Christus Jesus, 1 Cor. 3.] Ex hoc Alphonsi testimonio quod ad verbum descripsimus ex Martin. Eisingrenio in Tractat. Apologet. de certitudine gratiæ, p. 280, 281. Varia annotanda occurrunt ad negotium quod in manibus habemus spectantia.

Nam 1. docet, fiduciam, quam asserimus, fundamentum esse fidem, quam habemus in divinis promissionibus.

2. Docet, fiduciam habendi gratiam & gloriam debere collocari in Christo quia Deus est, quia ea sola ratione potens est nobis dare gratiam & gloriam, quod probat è Psal. 84. In Christo item qua homo est tanquam in eo per cujus merita hæc nobis reddenda sunt, in causa scilicet meritoria gratiæ & gloriæ: & addit ex Paulo, in illo nos habere fiduciam & accessum in confidentia per fidem ejus (i.) ut supra exposuimus — per fiduciam in Christum Redemptorem: & insuper addit hanc semper fuisse omnium Theologorum Scholasticorum sententiam, unde & exandescit in Philippum Melancthonem ut calumniatorem contrariam sententiam Romanensibus affingentem.

Cornel. Jansen. Concord. Evangel. c. 18. p. 149. hanc rationem reddit cur 73 credere in aliquem solum tribuant Patres Deo Patri, Filio, & Sp. Sancto, quod fidem illam qua credimus Deum esse omnipotentem, veracem, misericordem, gratiosum, Christum esse Dei Filium promissum, & Messiam prædictum, & mundi Salvatorem, ferè sequitur fiducia in Deum vel Christum, ejusdemque super omnia dilectio: atque secundum nostrum loquendi morem videtur includi in præpositione [in.] Et addit ob id, apud nos ex sententia Augustini & aliorum Patrum, obtinuit, ut credere in aliquem solum tribuamus Deo Patri, Filio, & Spiritui Sancto.]

Ex sententia ergo Jansenii, idcirco Patres dicere solent 73 credere in aliquem dici de solo Deo Patre, Filio, Sp. Sancto; eo quod ad fidem qua credimus Deum esse omnipotentem, veracem, misericordem, gratiosum; ad fidem etiam qua credimus, Christum esse filium Dei promissum & Messiam prædictum & mundi Salvatorem ferè sequitur fiducia in Deum vel Christum, ejusdemque super omnia dilectio, idque denotari præpositione [in.]

Idem Jansen. cap. 66. concord. Evang. p. 456. col. 1. D. quamvis dicat, Non omnino idem esse 73 credere in Christum & confidere illi; tamen verum esse ait fidem.

dem in Christum non salvare nisi eam quæ includit, aut potius adjunctam habet fiduciam in Christum & dilectionem: oportet tamen (inquit) hæc inter se benè separare propter hujus temporis hæreses] ubi ingenuè fatetur fidem in Christum non salvare & justificare nisi eam quæ includit aut saltem comitem habet fiduciam in Christum.

Idem Jansen, eodem ore, cap. 134. p. 931. Explicans illa verba Johan. 14. Ne turbetur cor vestrum, creditis in Deum & in me credite] Sic habet: Exigit autem Dominus cum fide in Deum, etiam fidem in se, tum ut sequentibus suis promissionibus, quibus eos consolari studet, fidem habeant; tanquam ejus qui mentiri nequit, tum ut fiduciam suam in ipso collocent, sicut in Deo collocant, quâ fiduciâ & fide omnem faciliè animi perturbationem, omniaque mala superare possent, & participes fieri promissionum ipsius. Non enim cum fidem in se exigit, simpliciter eam fidem requirit, quâ credatur esse filius Dei, & verax in suis sermonibus, sed & quâ fiducia in se collocetur, tanquam eo qui etiam secundum corpus eos esset deserturus, sua tamen divinitate nunquam esset derelicturus.

Hæc est enim fides de qua Joannes, hæc est (inquit) victoria quæ vincit mundum, fides nostra: hæc est fides quæ timorem & turbationem pellit à corde; juxta illud Psalmistæ, Psal. 24. Dominus illuminatio & salus mea quem timebo: Dominus protector vitæ meæ, à quo trepidabo:] Hæc ibi Jansenius ubi fidentius pronunciat quod ante timidiùs confitebatur & credere in Christum non solum includere in sua notione, ut fidem habeant discipuli suis promissionibus, quibus eos consolari studet, sed ut fiduciam suam in ipso collocent, quomodo in Deo collocant. Et hanc fidem esse victoriam quæ vincit mundum, de qua Apost. Joan. Epist. 1. c. 3.

Archiepiscop. Spalatens. lib. 7. de Repub. Eccl. c. 11. n. 1. 211. agens de dispositionibus ad justificationem, & nominatim de spe, post recitata loca quædam Scripturæ & Patrum, sic subjungit: atque huc reducitur fiducia illa Modernorum.

Hæc enim suppositâ jam fide catholicâ & aliis necessariis dispositionibus illa esse videtur quæ formaliter & proximè sola Christum apprehendit, Christi quæ justitiam sibi applicat: ita ut apprehensio formalis Christi, ejusque justitiæ, tota proximè & formaliter debeatur huic actui certæ ac firmæ confidentiæ in Christi misericordiam ejusque merita, licet apprehensio hæc non possit fieri nisi præcedentibus illis dispositionibus ad justificationem necessariis.] Hæc Spalatens. ubi vult per actum confidentiæ seu fiduciæ solius, nos formaliter ac proximè apprehendere Christum, ejusque justitiam & merita nobis applicare, licet apprehensio & applicatio non fit, nisi suppositis præcedentibus dispositionibus ad justificationem necessariis: nemo clariùs, luculentius, magis propriè & emphaticè vim fidei quâ justificat explicavit: licet in eo fallatur, quod non distinguat inter spem, quæ preparat ad justificationem, spem scilicet veniæ, & fiduciam quæ in Christum & ejus satisfactionem quod remissionem peccatorum recumbit.

Hicce accedant explicatio Ecclesiæ nostræ sup. p. ---

Alb. Pighius contröver. 2. p. 48. (1.) illud ad Roman. 3. 25. Quem proposuit Deus propitiatorem per fidem (1.) fiduciam aut confidentiam in sanguine ipsius: & p. 61. 6. Quod autem in Apostolo passim recurrit, justificari nos fide, aut per fidem in Christo atque ejus sanguine, ejusmodi est — ut nobis semper inculcet, non in nobis aut operibus nostris, sed in Christo justitiam nostram quærere — doceretque in uno Christo nostram justificationem esse: In ejus sanguine non in operibus justitiæ quæ fecimus nos fidere nos operere: proinde fidem illic confidentiam intelligit: justificamur ergo nos fiduciâ illâ in Christo & ejus sanguine.

Ex dictis testimoniis Patrum & recentiorum, & præsertim ex nostræ Ecclesiæ publicis monumentis docuimus, quid sit & credere in Deum & credere in Christum: in explicatione Articulorum fidei: nimirum in suâ notione includere & considerare in Deum, & in Deum seu Christum fiduciam collocare: Quâ in re mirè consentiunt plerique & recentioribus in explicatione Symboli: in hac consentiunt Rosensis, Redmannus, Cajetanus, ut supra vidimus, & Catechismus Tridentinus, Driedonius, Erasmus & alii, & nostræ Ecclesiæ instauratores in tot monumentis publicis supra commemoratis.

Quid

Quid? quod ipse Bellarminus licet in lib. 1. de Justificat. c. 9. assensat Symbola Apostolorum, Nicænum, Constantinopolitanum, & Athanasianum, ut probet fidem justificantem non aliam esse quam nudum assensum ad ea omnia quæ Deus in verbo suo revelavit: tamen in posteriori explicatione Symboli, quam edidit, ad usum, Pastorum suæ Diæceseos; explicans quid sit credo in Deum; Non significat (inquit) solum credere Deum esse; sed significat credere nos in Deum, qui est primum Principium, & ultimus finis noster, in quo super omnia confidimus, & quem rebus omnibus anteponimus.

Janfenius vult ad fidem Catholicam sequi fiduciam & dilectionem Dei supra omnia; sed in loco ultimo ex eo citato planè vult fidem quæ ad justificationem exigitur, includere in suâ notione, ut fiduciam suam in Christum collocent, quomodo in Deum colloquant.

CAPUT XIII.

Quid sit Augustino Tò credere in Deum.

Dices, Augustinum videri posse aliter, interpretari *in* credere in Deum; cum enim pro certo supponatur, fidem catholicam reperiri posse in malis Christianis; posse enim eos credere Deum (i.) Deum esse, & credere Deo, (i.) verum esse quod Deus dicit; tamen solos bonos Christianos vult in Christum credere: unde de verb. Domini Serm. 61. Multum (inquit) interest, utrum quis credat ipsum esse Christum, & utrum credat in Christum; Nam ipsum esse Christum Dæmones crediderunt, nos tamen in Christum Dæmones crediderunt.

Et in Psalm. 77. Credere in Deum——plus est quam credere Deo; nam & homini cuilibet plerumque credendum est, quamvis in eum non sit credendum. Hoc est ergo credere in Deum, credendo adhaerere ad bene cooperandum bene cooperanti Deo. Et mox——Generatio illa cujus exemplum cavendum est——est aliqua credidit Deo, non credidit in Deum; non enim fide adhaesit Deo. I. Hic *in* credere in Deum, juxta Augustinum, est fide adhaerere Deo.

Idem in Psalm. 130. Hoc est credere in Christum, diligere Christum, & infra——Omnes ergo qui sic credunt, lapides sunt vivi.

Et Tractat. 29. in Joan. Quid est ergo credere in eum? credendo amare, credendo diligere, credendo in Deum ire, & membris ejus incorporari.

Et fidem, quâ in Deum credimus, sæpius exponens, dicit, non cam esse qualemcunque fidem, sed quæ per dilectionem operatur.

Cum ergo Augustinus dicat *in* credere in Deum esse credendo amare, & credendo diligere, & credendo in Deum ire, merito quaeritur, quo sensu Augustinus intelligit *in* credere in Deum esse credendo amare, & credendo diligere præsertim cum consequenter veri possit asserere, eundem actum esse fidei & charitatis; cum tamen ipsi sint diversi habitus, diversorum habituum autem non sunt idem actus.

Estius in 3. dist. 23. 8. 6.——vult Augustinum ideo actum credendi Deum per dilectionem explicare, quia voluntas fidem imperans intellectus, in Deum tanquam in finem movetur: id quod etiam in malis Christianis locum habere vult; cum enim (inquit) vera sit in eis fides, voluntatem habent ex nonnulla obedientia & humilitate propensam in id quod credunt, licet concupiscentia superante non instituant suas

actio-

actiones secundum id quod credunt, Atque hanc piam voluntatis propensionem in ea quæ creduntur Augustinus generaliter dilectionem appellavit, quia est initium quoddam ad charitatem, quæ Filios Dei constituit.] Hæc Estius.

Bellarmin. lib. 1. de Justific. c. 13. Agens de præviis ad justificationem dispositionibus, vult, dilectionem hanc cujus meminit Augustinus, ex spe veniæ proficisci: Statim enim (inquit) ac incipit aliquis sperare ab alio beneficium, incipit etiam eundem diligere, ut benefactorem, atque authorem ejus beneficii quod sperat: Itaque qui sperat (inquit) à Deo veniam peccatorum, incipit eum diligere, ut veniæ largitorum.] Hæc ille.

Dici porro potest ex alio capite, et credere in Deum, esse, credendo diligere, quia Deus nos peccatores nondum illi reconciliatos, imò adhuc hostes gratiose vocat & invitatur ad reconciliationem juxta illud Mat. 11. venite ad me omnes qui laboratis & onerati estis, & Ego reficiam vos. Et 2 Cor. 4. 26. Pro Deo (inquit Apostolus) legatione fungimur, tanquam Deo exhortante per nos obsecramus pro Christo, reconciliamini Deo. Ejusmodi gratiosæ invitationes & hortationes Dei & Christi, necesse est ut ad dilectionem Dei & Christi incitent atque impellant.

Sed hæc interpretationes non videntur ad mentem Augustini: Nam, ut supra diximus, Augustinus vult credere in Christum esse credendo amare & credendo diligere: Quibus verbis designare vult, talem actum dilectionis intelligi, qui bonorum proprius est, & in bonis tantum reperitur: unde in Tract. isto. 29. in Joan. addit, credere in Deum — esse credendo in Deum ire, & credendo Membra ejus incorporari, & alibi, credendo ei adherere, quæ non possunt intelligi nisi de iis, qui uniuntur Deo & Christo, ut Membra capiti. Et in Psal. 130. ubi dixisset: Hoc est credere in Christum, diligere Christum, postea subjungit. — Omnes qui sic credunt, Lapides sunt vivi.

De Trin. lib. 15. c. 18. Solum hoc donum est, charitatis sc. quod dividit inter filios regni æterni, & filios perditionis æternæ. Et tract. 5. in Epist. Joan. Dilectio sola discernit inter filios Dei & filios Diaboli.

Et de verbis Domini Serm. 61. Qui in Christum credit, credendo in Christum, venit in eum Christus, & quoquo modo unitur, & membrum in corpore ejus efficitur: Quod fieri non potest nisi & spes accedat & charitas.]

Prosp. in sent. August. 7. Dilectio Dei & Proximi, propria & specialis est virtus piorum & sanctorum. Et 327. Quanta est Charitas? quæ si desit frustra habentur cætera, si adsit, habentur omnia.]

Et ubique per fidem quæ per dilectionem operatur, intelligit veram, vivam & justificantem fidem. At juxta Estium Pia illa voluntatis propensio in ea quæ creduntur, quam vult, Augustinum per dilectionem intelligere etiam in malis Christianis reperiri, qui nunquam fidem justificantem attingant.

Sed neque ad mentem Augustini accedit interpretatio Bellarmini: Non enim omnis qui sperat à Deo veniam peccatorum, atque inde incipit eum diligere ut veniæ largitorem ad statum justificationis promovetur: Sed neque quicumque diligit Deum & Christum gratiose invitatum ad reconciliationem, hoc ipso justus evadit & justificatus, licet hi omnes actus præparent & disponant ad justificationem.

Cum ergo Augustinus Tract. 29. in Joan. querens quid sit credere in Christum, respondet, credendo amare, credendo diligere, credendo in Deum ire, & ejus membris incorporari. Et dicit Tract. 26. in Joan. Quod qui credit in me, it in me, & qui it in me, habet me: Et in Psal. 77. Hoc est credere in Deum, credendo adherere ad bene co-operandum bona operanti Deo — & addit, Generatio illa cujus Exemplum cavendum est — Esti aliqua credidit Deo, non tamen credidit in Deum; non enim adhesit Deo. Et de verb. Dom. Serm. 61. Ille credit in Christum qui & sperat in Christum & diligit Christum. Certè, si sub nomine & notione et credere in Christum complectatur Augustinus et ire in Christum, et adherere Christo, et sperare in Christum, complectitur quicquid nos fiduciæ nomine exigimus.

Idem Augustinus in Tract. De non Cogitando in crastinum. Quid est (inquit) credere in Deum? Hoc est, promissionem dedisti, spem tuam in Deo posuisti, vicam tuam Deo commisisti qui in Deum credidisti.]

Ille ergo credit in Deum, qui supposita promissione Divinâ, spem suam in Deo posuit, & vitam suam Deo commisit.

Et Serm. 7. de Tempor. Pœnitentiam certam non facit, nisi odium peccati & amor Dei, quando sic pœnitet, ut tibi amarum sapiat in animo, quod ante dulce fuit in vita.

CAPUT XVIII.

Quod ordine cohereant in negotio Iustificationis, Dilectio Dei supra omnia; Contritio Cordis, & Fiducia in Christum Redemptorem.

ET certe hæc omnia suo loco & ordine exigit merito Augustinus, ut recte credamus in Deum & Christum Redemptorem; credendo amare, credendo diligere, credendo in Deum ire, credendo ei adherere, credendo in Christum sperare, & membris ejus incorporari, credendo pœnitere vitæ antea actæ, & vitam tuam totam Deo committendo. Siquidem (juxta nostram sententiam supra positam) veri nominis contritio cordis (i. e.) dolor de offensa, cum proposito de cætero non peccandi, nascitur ex dilectione Dei sincera, eamque comitem individuum habet: qui enim sincero cordis affectu Deum super omnia diligit; necesse est serio doleat de offensa Dei, & peccatum omne detestetur: Effectus siquidem naturalissimus sinceræ & germanæ dilectionis est, dolere de offensa & læsione personæ dilectæ. Ac quamvis interna cordis contritio non attingat effectivè, & operetur immediate remissionem peccati; per contritionem tamen seriam peccator præparatur & idoneus fit, ut particeps fiat Divinæ misericordiæ, sine quâ ipse sibi obicem ponit, quò minus Deus illi peccata condonet: Neque enim congruum est, nec divinæ aut justitiæ aut etiam sapientiæ consentaneum; ut ei peccata condonentur, qui aut peccatis securè indulget, aut de peccatis, quibus Dei Justitiam graviter læsit, non serio dolet, simulque non serio proposuit ab iisdem peccatis in posterum sedulo abstinere. Atque hinc est ob hanc videlicet dispositionum istarum concomitantiam, quòd Scholastici, nunc, dilectionem Dei supra omnia, ultimam dispositionem ad Iustificationem faciant; nunc, seriam cordis contritionem; Licet propriè loquendo contritio cordis nascitur ex sincera dilectione Dei supra omnia: Siquidem contritio non aliud est, quàm dolere de peccatis propter Deum summe dilectum, cum proposito absoluto de cætero non peccandi. Vid. Eising. de certit. gratiæ. p. 492.

Videtis quo ordine cohereant in negotio Iustificationis, & quo ordine collocanda sint,

- 1 Dilectio Dei supra omnia;
- 2 Contritio cordis seu dolor de offensa Dei;
- 3 Fiducia in Christum Redemptorem ob remissionem peccatorum.

Nam 1. Dilectio Dei supra omnia operatur in peccatore seriam cordis contritionem & dolorem de offensa tam gratiosi Dei, cum peccati omnis detestatione & proposito absoluto de cætero non peccandi.

2. Cordis contritio incitat & impellit peccatorem ut confugiat ad sacram anchoram misericordiæ divinæ, & Christi Redemptoris passionem & satisfactionem; atque in hac sola confidat & fiduciam omnem collocat, ut coram Tribunali Divino

ab intentatis omnibus criminibus absolvatur, & Peccata omnia remittantur. Vid. Eifingr. de cert. gratiae p. 492, 493, 494. Dilectio Dei & cordis contritio ultimam dis-
ponunt subjectum. Fiducia ex parte peccatoris applicat objectum, satisfactionem,
mortem, & Meritum Christi ad peccatorum omnium expiationem.

CAPUT XIX.

Series & Ordo dispositionum ad Justificationem.

Colligamus tandem & ob oculos ponamus seriem & ordinem, quo Sp. San-
ctus peccatoris justificationem efficit & operatur.

1. Primum locum in hac serie merito sibi vendicat fides Catholica, nemo enim idoneus esse potest ad gratiam justificationis consequendam, qui non firmiter assentiat ad ea omnia quae in sacris literis divinitus revelantur; inter quae hoc unum est, posse in Ecclesia haberi remissionem peccatorum, & justificationem; idque per Christum Mediatorem: Nisi enim hoc primitus credatur, frustra quaerimus quo ordine & quibus gradibus justificatio acquiratur; Nam, ut recte Augustinus, Domus Dei credendo fundatur.

2. Secundum opus preparatorium est timor poenae: Timor Domini est initium sapientiae Psal. 111. & Pro. 1. Nascitur iste timor, supposita iustitia Divina, ex fide comminationum divinarum; qui enim firmiter credit comminationibus divinis, necesse est ut timeat poenam, ubi Deum offenderit: Est enim ejusmodi timor actus imperatus fidei comminationum divinarum.

3. Tertium est spes veniae: Nascitur autem spes veniae ex fide promissionum divinarum, seu ex firmo assensu, promissionibus Divinis adhibito; ex fide etiam bonitatis, clementiae & misericordiae Dei, denique ex fide mysteriorum, incarnationis, mortis, passionis, ac resurrectionis Christi. Ambros. lib. 1. de poenit. c. 1. Nemo potest bene agere poenitentiam, nisi qui speraverit indulgentiam. Et August. Serm. 22. de verb. Apost. Domus Dei credendo fundatur, sperando erigitur.

4. Quarta dispositio est dilectio Dei invitantis vel hostes ad reconciliationem. Nascitur iste motus animi ex promissione salutis omnibus in Christum unigenitum Dei Filium credentibus. Joan. 3. 16. Deus ita dilexit mundum, ut dederit Filium unigenitum ut omnis qui credat in illum non pereat:

5. Quinta dispositio est dilectio Christi nostri Redemptoris, liberatoris & salvatoris qui propter nos pretium redemptionis persolvit, qui tam dira passus est, ut nos a peccatis nostris salvaret & ab omni iniquitate liberaret, & in libertatem filiorum Dei vendicaret: Nascitur ista dilectio ex horum beneficiorum seria meditatione. Item ex gratiosis invitationibus, in quibus est ista, Venite ad me omnes qui fatigati estis, & requiem invenientis animabus vestris.

6. Sexta dispositio sit dilectio Dei obediens, qua homo ob paratam a Deo & partam redemptionem proponit firmiter Deo in omnibus placere propter ipsummet Deum.

7. Ex hac dilectione Dei nascitur displicentia veteris vitae, dolor de offensa tam gratiosi Dei, & propositum de cetero non peccandi.

8. Homo sic dispositus confugit ad Dei misericordiam, ad Christum Redemptorem, & ejus meritum ob remissionem peccatorum, hisce firmiter confidit, & in istis totam fiduciam collocat ob remissionem peccatorum, & reconciliationem cum Deo: Nam ut recte Augustinus in Psal. 41. Nemo currit ad remissionem peccatorum, nisi qui displicet sibi, nisi qui se confitetur peccatorem, & humiliando se Deo.

Atque habetis seriem & ordinem dispositionum quibus preparat Sp. sanctus peccatorem ad remissionem peccatorum, & justificationem, & eandem operatur.

CAPUT XX.

Sententia antiquorum Patrum de Justificatione
per Fidem.

Bellarminus lib. I. c. 9. De Justificat. multa collegit è Patribus testimonia quibus persuadere vult, fidem Justificantem non aliam esse atque Catholicam, quæ assentimur omnibus divinitus revelatis.

1. At Patres dicti aliquando sese explicant, se nimirum de fide loqui, qua in Deum seu in Christum credimus; quæ fides includit in sua notione fiduciam in Deum seu Christum vid. sup. p. —

2. Cum agunt de fide Catholica, quæ dicit nudum assensum ad ea quæ divinitus revelantur, non dicunt eam esse fidem quæ justificatur, nec sufficere hanc fidem ad justificationem.

3. Certum est, juxta Patres exigere ad justificationem præter fidem Catholicam seu Dogmaticam, alias prævias dispositiones, quales sunt spes veniæ, timor pœnæ, & alia, quarum meminimus supra p. —

Certum est, præter dispositiones dictas, requiri justificationem peccatoris, applicationem Christi & ejus meritum, ad remissionem peccatorum; siquidem, aliud est disponere subjectum, personam justificandam, aliud, applicare objectum, Christum, & ejus satisfactionem & merita ad remittenda peccata.

5. Certum est, Actum dilectionis quomodo explicatur ab Estio & Bellarm. & aliis, supra p. — Non applicare satisfactionem seu meritum Christi ob remissionem peccatorum: Non enim, qui piâ voluntatis propensione (quæ est Estii explicatio) feror in ea quæ creduntur, dilectione scil. quæ est initium charitatis, puta, in Christum & ejus merita, illico applicatur mihi Christus & ejus satisfactio. Neque quia spero à Deo veniam peccatorum & incipio eum diligere, ut veniæ largiorem (quæ est interpretatio Bellarmini) ideo nihil continuo applicatur Christus & ejus merita ad remissionem peccatorum.

Certum est juxta Patres exigere ad justificationem peccatoris fiduciam in Dei misericordiam, & in Christum Redemptorem, & in ejus satisfactionem & merita. Vid. supra p. —

7. Certum est juxta Patres, in Deum misericordem, & Christum Redemptorem, & ejus mortem & merita solummodo omnem fiduciam nostram ponendam esse ob remissionem peccatorum & reconciliationem cum Deo, abdicatis & abrenunciatis omnibus nostris meritis quibuscunque.

8. Hinc certum est, id quod proxime & formaliter applicat peccatori rite disposito, Christum & merita & satisfactionem Christi ad remissionem peccatorum, & primo nos unire Christo, ut membra capiti, esse actum fiduciae quo recumbimus in Dei misericordiam per Christum, seu quo recumbimus fiducialiter in Dei misericordiam & Christum Redemptorem & ejus merita ob remissionem peccatorum. Hoc duplici ratione confirmari potest.

Hiscè in antecessum præmissis. Accedamus jam ad testimonia Patrum quæ diligenter collegit Bellar. ut probet Fidem quæ justificatur, non esse nisi nudum assensum ad omnia, quæ Divinitus revelantur.

CAPUT XXI.

Responsio ad Patrum testimonia quae affert Bellarminus, ut probet Fidem Justificantem juxta eos non aliam esse quam Fidem Catholicam.

Adducit Bellarminus Irenæum lib. 1. cap. 2. 3. & 4. Ubi explicat regulam fidei Christianæ, quod idem (inquit) facit Tertullianus in lib. adversus Praxeam: uterque autem (inquit) nihil credendum docet, nisi Articulus symboli Apostolici, quamvis nomen symboli non habeant: Sanctus quoque Basilus (inquit) in oratione de confessione fidei, docet fidem ad salutem & Justificationem necessariam illam esse, quæ creduntur ea quæ Deus revelavit; neque fidei specialis in tota illa oratione usquam invenitur.] Hæc Bell.

Sol. Omisâ fide speciali de qua nos litem non movemus, cum agitur, de fide qua justificamur.

Resp. 1. Quod supra respondebamus p. 56. Hosce Patres non confundere fidem justificantem cum fide Catholicâ, ut vult Bellarm. sed omnino distinguere.

Ad Irenæum lib. 1. cap. 2. 3. & 4. Ecclesia (inquit) per Universum Orbem usque ad extremos terræ fines disseminata, & ab Apostolis & a Discipulis eorum accepit eam fidem quæ est in unum Deum Patrem Omnipotentem, qui fecit cælum & terram, & omnia quæ in eis sunt, & in unum Jesum Christum filium Dei incarnatum pro nostra salute; & in Sp. sanctum.] Ubi per fidem in unum Deum— & in unum Jesum Christum filium Dei incarnatum pro nostra salute, & in Sp. sanctum, intelligit Irenæus fidem, quæ credimus non solum unum esse Deum, & unum Jesum Christum filium Dei incarnatum esse pro nostra salute, — & Sp. sanctum esse, sed etiam quæ credimus in Deum Patrem— in filium Dei pro nostra salute incarnatum, — & in Sp. sanctum: (.i.) Fiduciam omnem in eis collocamus. Hæc enim denotat *ὁ θεὸς ἡμεῖς ἰσχυροὶ, ὁ θεὸς ἡμεῖς ἰσχυροὶ, ὁ θεὸς ἡμεῖς ἰσχυροὶ*. Ut supr. ex Redman. in testim. Basilii observabamus, p. 63. Idem responsum plane esto Tertullian. sic enim ille lib. de velandis virginibus c. 2. Regula quidem una omnino est, sola immobilis & irreformabilis, credendi sc. in unicum Deum Omnipotentem, mundi conditorem; & filium ejus Jesum Christum] ad regulam fidei juxta Tertul.: immobilem & irreformabilem spectat non solum credere esse unum Omnipotentem, Mundi item conditorem, & filium ejus Jesum Christum, sed etiam ut credamus in unicum Deum Omnipotentem, Mundi conditorem & in filium ejus Jesum Christum (.i.) ut in eis in negotio justificationis & salutis fiduciam collocemus.

Idem dicendum de loco quem Bellarminus adducit ex lib. adversus Praxeam. cap. 2. Ibidem enim post recensitos articulos quæ de fide Dei habentur in regula fidei, (.i.) in symbolo. Qui exinde [de cælis] miserat secundum promissionem suam a Patre Sp. sanctum Paracletum sanctificatorem fidei eorum qui credunt in Patrem filium & Spiritum sanctum: Ubi ad veram fidem exigit, ut credamus in Patrem, filium, & Sp. sanctum.

Idem contra Marcionem lib. 1. c. 21. stabit igitur fides semper in Creatore & Christo ejus.] Fides igitur est non solum de Deo Creatore & Christo ejus, sed & in Creatore & Christo ejus, juxta Tertul.

Idem etiam in Apologetico, c. 23. compellans gentes: Hæc denique (inquit) testimonia Deorum vestrorum Christianos fac. consueverunt, quia plurimum illis credendo, in Christo Domino credimus, ipsi [Dii vestri] literarum nostrarum fidem accendunt, ipsi spei nostræ fidentiam ædificant.] In quem locum Pamelius Scholiastes; non dubito (inquit Pamelius) jam tum eam formulam usitatam fuisse quæ profiteamur nos credere in Deo, sive ut Rufinus, in Symbola, & Augustinus in Deum, non vero credere Deo, seu Deum.

Ex dictis conficitur, Tertullianum juxta regulam fidei, exigere ut credamus non tantum Deum esse, & Deum veracem esse, sed etiam ut in Deum credamus (.) in Deum fiduciam nostram collocemus, ut supra fuisse demonstravimus.

Ad illud quod affert Bellarm. è Sancto Basilio in orationem de confess. fidei. [Tom. 2. p. 249] Fatemur Basilium in illa oratione agere tantum de iis quæ ad fidem Catholicam spectant; eaque (ut recte docet) ad salutem & justificationem necessaria esse, eum necessarium sit ut credamus ea omnia quæ Deus nobis revelavit; sed non ait hæc sufficere ad justificationem & salutem. Imò ut quis veram beatitudinem consequatur, exigit alibi Basilius, ut spem & fiduciam omnem in Deo collocemus.

Basilius in Psal. 7. 138. A. Quemadmodum nec quicquam aliud præter Deum colere oportet, sic nec in alio sperare quam in Deo omnium Domino fas est; spes mea (inquit David) & cantatio mea Dominus] Et in Psal. 32. p. 211. A. Quomodo in illius misericordia sperant? Is viz. qui non his nititur quæ præclare ac fortiter gessit, neque item se sperat ex operibus justificationis, sed tantum in Dei misericordia spem collocat.] Ubi ostendit, in negotio reconciliationis, non in operibus nostris, sed in Dei misericordia, spem & fiduciam collocandum esse. Vid. & in Psal. 37. p. 245. D. In Psal. item 45. p. 266. C. & 274. B.

Idem Basilius Tom. 3 seu Append. Concion. 1. de virtute & vitio, p. 6 A.B. Beatus ille qui spe omni a rebus hujus seculi deposita eam in Deo solo reponit: Nam ut maledictus ille est qui in homines, sic benedictus qui in Deo spem omnem collocat. Non enim spes in Deum alternas vices admittit: [ὅτι ἐν τοῖς ἀνθρώποις ἀτακτοὶ εἰσιν οἱ πόθοι] Neque solet iis plenam adferre opem, qui modo divitiis, modo hominum gloria, modo hujus Mundi potentia consisti, aliquando etiam ut spem sibi proponunt, sed vere in ejus auxilio conquiescendum est.

Pergit Bellarm. Pari ratione Cyrillus Hierosolymit. catech. 5 scribit Fidem justificationem esse fidem dogmaticam, quæ credimus Jesum esse Christum, & a mortuis resurrexisse, atque alia id genus dogmata. Idem quoque, Catechesi 18. explicans, quid sit credendum catechumenis, ut Baptizari possint, totum symbolum tradit & exponit, neque usquam meminit fiducie specialis misericordie.

Sol. R. Cyrillus nusquam in illa Catechesi 5: affirmare aut expresse, aut etiam consequenter quæ ei affingit Bellarm. Nusquam dicit Fidem justificationem esse fidem Dogmaticam: Meminit revera in illa Catechesi duplicis fidei; fidei dogmaticæ, & fidei illius operatricis quæ 1 Cor. 12. v. 9. inter χάρισμα recensetur. [Alii datur fides per eundem spiritum] Quo modo Chrysostomus distinguit inter fidem,

ἡ πίστις	{	δωγματικὴν	}	Fidem	{	Dogmatum & Miraculorum	}	Homil. 29. in 2 Cor. in c. 12
	{	ἐμπειρικὴν.						

Sed neutra harum est illa fides quæ justificat peccatorem, & a peccatis absolvit. Sæpius in istis Catechesibus docet Cyrillus, Catechumenum debere credere vera esse quæ de Deo & Christo narrantur: sed & in Deum & in Filium ejus unicum Dominum nostrum Jesum Christum credendum esse docet: Catech. 4. p. 75.

Ad alterum locum Catech. 18. ubi, ait Bellarm. explicans, quid sit credendum catechumeno, ut baptizari possit, eum totum symbolum tradere & exponere, neque unquam meminisse fiducie specialis misericordie.

Sol. R. 1. Nec nos dicimus, nos justificatos iri per fiduciam specialis misericordie, passim imponit nobis Bellarminus, sed per fiduciam in Dei misericordiam, & Christum Redemptorem ob remissionem peccatorum; quæ est constans sententia Patrum: Hæc enim diligenter distinguenda, ut postea, Deo dante, fusiùs ostendemus.

2. R. Ipsum Symbolum exigere à Catechumeno, ut baptizari possit, non nudum assensum ad ea quæ divinitus revelantur, & in articulis fidei exponuntur de Deo, de Christo, de Sp. Sancto, sed etiam ut credamus in Deum Patrem, in Filium ejus unigenitum,

nium, nostrum Redemptorem, & in Sp. Sanctum (i.) ut fiduciam omnem in iis reponamus ob remissionem peccatorum & salutem.

Pergit Bellarm. Idem faciunt Greg. Nazianz. oratione in S. Lavacrum extrema & in Tract de fide Nicena; Chrysost. in duobus homiliis de Symbolis. Euseb. Emesenus in homiliis item duobus de Symbolis. Ruffini in explicatione Symboli. Augustinus lib. de fide & Symbolo: in lib. de Genes. imperfect. c. 1. & in Enchirid. per multa capita. Fulgentius in lib. de fide ad Petrum: & author lib. de Ecclesiast. dogmatibus: Qui omnes cum Symbolum explicant, tum profitentur ea omnia se docere, quæ ad fidem Christianam pertinent; & tamen nemo est eorum qui vel semel specialis fidei Lutheranorum meminerunt.] Hæc Bellarminus.

Sol. R. Hosce omnes Patres exigere à veris Christianis non solum nudum assensum ad articulos qui in Symbolo recitantur de Patre, de Filio, de Spiritu Sancto: sed ut in Deum Patrem, in Christum filium, mundi Redemptorem; & in Sp. Sanctum credamus, & fiduciam nostram ponamus ad remissionem peccatorum, & reconciliationem cum Deo. Atque hoc modo credentes posse consequenter credere sibi peccata esse remissa. vid. sup. p. 4. ut postea cum Deo, ostensuri sumus.

Progreditur Bellarm. Sed placet ex Augustino, & qui eum secuti sunt, Prospero, Leone, atque Fulgentio, verba ipsa proferre.

“Igitur S. August. in Enchirid. c. 2. dicit, Deum fide, spe, & charitate coli, & c. 5. dicit, mentem imbui debere fide, ut bene vivendo tendat ad speciem & c. 7. Dicit, salutem in his tribus acquiri, fide, spe, & charitate: nam quicumque invocaverit nomen Domini salvus erit: sed non potest invocari nomen Domini nisi prius credatur, ideo fides credit, spes & charitas orant.]

“Ex quibus locis (inquit) manifestè colligimus, eum loqui de fide justificante & salvante: De hac igitur fide justificante mox cap. 8. docet eam distingui à spe, ac per hoc etiam à fiducia, non solum nomine sed etiam objecto, unde sumitur ratio propria essentiaque virtutum.]

“Est (inquit) fides & malarum rerum & bonarum, quia & bona creduntur & mala; & hoc fide bona non mala: est etiam fides & præteritarum rerum & præsentium & futurarum: credimus enim mortuum Christum quod jam præterit; credimus sedere ad dextram Patris, quod nunc est; credimus venturum ad iudicandum, quod futurum est. Item fides & suarum rerum est & alienarum; nam & se quisque credit aliquando cepisse, nec fuisse utique sempiternum, & alia atque alia; nec solum de aliis hominibus multa, quæ ad religionem pertinent, verum etiam de Angelis credimus: spes autem non nisi bonarum rerum est, nec nisi futurarum, & ad eum pertinentium, qui earum spem gerere perhibetur: quæ cum ita sint, propter has causas distinguenda erit fides à spe; sicut vocabulo, ita & rationabili differentia.] Hæc Bellarm. ex Augustino.

Sol. R. Primo, Augustinum hisce locis agere de fide dogmatica (i.) assensu nudo ad ea quæ divinitus revelantur, non de fide justificante: nam agit de fide, quæ contra-distinguitur spei & charitati; talis enim fides non est illa quæ appropriato nomine dicitur justificans, licet sit necessaria ad justificationem, utpote quæ sit fundamentum fidei (justificantis: Domus enim Dei, ut rectè Augustinus, Sermone 22. de verbis Apostoli, credendo fundatur.

2. In locis citatis agit August. de illa fide quæ creditur Deo: at aliud Augustino est credere Deo, & credere in Deum ut supra demonstravimus cap. 17. & sæpe alibi; ille enim credit in Christum qui & sperat in Christum, & diligit Christum; teste August. de verbis Dom. 61. Rursus idem querens, quid sit credere in Christum Tractatu 29. in Joannem, respondet, credendo amare, credendo diligere, credendo in eum ire, & ejus membris incorporari; atque adeo credere in Deum includit vel potius supponit spem & charitatem.

3. Ubi ait Bellarm. ex August. fidem justificantem distingui à spe ac per hoc etiam à fiducia, non solum nomine, sed etiam objecto.

Resp. Fidem de quâ agit capite illo 8. non esse illam quam nos Justificantem indigitamus, sed merè dogmaticam, quam nos fatemur distingui a spe ac proinde a fiducia, non solum nomine, sed etiam objecto. Nam fides dogmatica est & ma-
larum

larum rerum & bonarum—est etiam & præteritarum rerum & præsentium & futurarum; est & suarum rerum & alienarum: spes autem non nisi bonarum, nec nisi futurarum, & ad eum pertinentium qui earum spem gerere perhibetur, ac proinde propter has causas distinguendam fidem [dogmaticam] à spe, sicut vocabulo ita & rationabili differentia; quæ quidem differentia: verè assignantur, si per fidem intelligamus fidem catholicam & dogmaticam, & per spem intelligamus spem præmii, æternæ scilicet beatitudinis: quanquam, quæ Augustinus dicat de spe, possunt etiam accommodari ad spem veniæ, quæ ad justificationem præparat, quæ est rei bonæ & futuræ, & ad eum pertinentis qui veniam sperat: Addo & illud, ubi Bellarm. ait fidem iustificantem distingui à spe, ac per hoc etiam à fiducia; rectè hoc asseritur, si per fiduciam intelligat spem roboratam quæ non nisi gradus est spei, ut alibi sese explicat, vid. sup. p. 26, 27. Sin per fiduciam, omnem acceptionem fiduciæ intelligat, falso dicitur, nam fides iustificans non est spes propriè dicta, est tamen fiducia proprii nominis, quâ denotat actum affectus fiduciæ, & distinguitur ab affectu spei, ut supra observavimus cap. 9.

Pergit Bellarminus. Idem Augustinus in libro 3. contra duas Epistolas Pelagianorum cap. 5. Nostra (inquit) fides (i.) catholica fides, iustos ab iniustis, non operum sed ipsa fidei lege discernit; quia iustus ex fide vivit: ubi S. Augustinus loquitur de fide iustificante quæ discernit iustum ab iniusto, & dicit eam fidem esse Catholicam (i.) fidem dogmaticam, communem toti Ecclesiæ, non specialem illam, quæ ejus tantum est qui credit, vel confidit sibi remissa esse peccata.

Et dicit infra, hanc fidem esse fidem rectam, quæ hæresi opponitur, & ratione cujus, melior est mulier bis nupta catholica, quam virgo hæretica: ubi sine dubio per fidem iustificantem intelligit fidem qua creduntur articuli, & dogmata omnia sine ulla permixtione perfidie.] Hæc Bellarminus.

Sol. Resp. Augustinum eo in loco per nostram fidem, & Catholicam fidem intelligere fidem illam quæ est communis toti Ecclesiæ, fidem nimirum integram, quæ proponitur credenda in Symbolis fidei catechumenis, & ab iis reddenda, cum baptizantur, vid. supra cap. 12.

Exigit autem hoc Symbolum, non solum ut assensum firmum præbeamus dogmatibus fidei, quæ credenda sunt de Deo Patre, de Dei Filio unigenito Christo, Redemptore nostro, & Spiritu Sancto: sed ut in Deum Patrem, Christum Redemptorem, & Spiritum Sanctum credamus (i.) totam fiduciam collocemus ob remissionem peccatorum, & salutis consecutionem; atque hæc est illa fides quæ iustificat, quæ discernit iustos ab iniustis, non operum, sed ipsa fidei lege, hæc est fides quâ iustus vivit, hæc est fides quæ per dilectionem operatur—

Et postea, per fidem intelligit rectam fidem quæ est in Deum, ex qua iustus vivit, & secundum quam in omnibus delictis suis se accusat, in omnibus bonis operibus Deum laudat, sibi tribuens ignominiam, illi gloriam, atque ab ipso sumens & indulgentiam peccatorum, & dilectionem rectè factorum, de hac vita liberandus, & in consortium cum Christo regnaturorum recipiendus emigrat: Quare? nisi propter fidem quæ licet sine operibus neminem solvat, ipsa enim est non reprobæ fides, quæ per dilectionem operatur, tamen per ipsam etiam peccata solvantur, quia iustus per fidem vivit: sine ipsa verò etiam quæ videntur bona opera, in peccata vertuntur; omne enim quod non est ex fide peccatum est, & fit propter hanc maximam differentiam, ut cum dubitante nullo, perseverans virginalis integritas conjugali castitate sit potior; tamen mulier bis nupta catholica, professæ virgini hæreticæ præferatur.]

Hæc Augustinus, ubi explicat quænam sit illa fides, quam nostram & catholicam appellat; quæ iustos ab iniustis non operum, sed ipsa fidei lege discernit, illa nimirum quæ per dilectionem operatur: — secundum quam in omnibus delictis suis se accusat iustus, in omnibus bonis operibus Deum laudat, sibi tribuens ignominiam, illi gloriam, atque ab ipso sumens & indulgentiam peccatorum, & dilectionem rectè factorum, de hac vita liberandus, & in consortium cum Christo regnaturorum recipiendus emigrat; idque non nisi propter fidem quæ licet sine operibus neminem solvat— tamen per ipsam etiam peccata solvantur, quia iustus ex fide vivit.] Quæ omnia

omnis intelligenda sunt ex sensu Augustini non de fide merè dogmatica seu r. do assensu ad articulos fidei adhibito; qui in malis catholicis reperitur saepe, qui nunquam fide vivunt nec justificantur; sed de ea fide quæ qui credunt, non solum bde dogmatica credunt articulos fidei, sed insuper in Deum misericordem, & Christum Redemptorem incarnatum, natum, crucifixum, mortuum credunt; (i.) interpretante Catechismo Tridentino, ita credunt in Deum Patrem, Filium & Sp. Sanctum, ut etiam in his omnem fiduciam suam collocent, in negotio scilicet justificationis & salutis.

Proximus post Augustinum est Leo M. S. Leo (inquit Bellarm.) Sermone 4. de Epiphani. Hoc est (inquit) quod justificat impios (i.) quod ex peccatoribus facit sanctos, si in uno eodemque Domino nostro Jesu Christo, & vera Deitas & vera credatur humanitas.]

Sol. Resp. 1. Certum est nunquam venisse in mentem Leonis fidem etiam rectam de persona Christi, & de duabus naturis in una eademque persona subsistentibus; ipsa fidei credulitate justificare impios, & ex peccatoribus facere sanctos: Nam idem Leo Sermone 7. de Quadrages. fuse docet, fidem etiam veram & rectam, ex Apostolo, non valere absque dilectione: ad Galat. 5. unde sic scribit, Caritas robor fidei, & fides est fortitudo charitatis; & tunc verum nomen ac verus est fructus ambarum, cum insolubilis utriusque manet connexio; ubi enim non simul fuerint, simul desunt, quia invicem sibi & juvamen & lumen sunt; donec desiderium credulitatis impleat remuneratio visionis, & incommutabiliter videatur & ametur, quod nunc & sine fide non diligitur, & sine dilectione non creditur.]

Hæc Leo, ubi explicat, qualis sit illa fides quæ justificat impios, & ex peccatoribus facit sanctos; Fides (inquam) talis, non quæ nuda sit credulitas, quæ assentimur fidei dogmatis, sed quæ adjunctam habeat dilectionem & alias virtutes.

2. Ipse Bellarm. lib. 1. de justic. c. 15. per totum caput probare contendit, fidem veram posse reipsa à dilectione aliisque virtutibus separari, ac proinde fidem rectam & veram reperiri posse in malis Christianis: intellige ergo verba Leonis: Hoc est quod justificat impios, (i.) quod ex peccatoribus facit sanctos, si in uno eodemque Domino nostro Jesu Christo, & vera Deitas & vera credatur humanitas, simulque etiam in eundem Jesum Christum ~~videtur~~ credamus, (2.) fiduciam collocemus ob remissionem peccatorum: cum certum sit etiam ex mente Leonis, multos qui non justificantur nec ex peccatoribus sunt sancti, fide catholica credere, veram Deitatem & veram humanitatem inesse Christo Domino.

Succedat jam, Prosper: lib. 1. de vita contempl. c. 18. enumerat (inquit Bellarm.) breviter Summam fidei de Trinit. & Incarn. Deinde c. 19. Hanc ipsam dicit esse fidem justificantem, qui non crediderit (inquit) habendo fidem nec justitiam cordis habere poterit, nec salutem.] Hæc Bellarm.

Sol. R. Rectissime Prosper: Qui non crediderit habendo fidem, nec justitiam cordis habere poterit, nec salutem: nam recta fides necessaria est ad justitiam cordis & salutem; cum fundamentum sit ædificii spiritualis; fides autem si sit merè dogmatica, non justificat sola: nec ad salutem sufficit.

Succedat Fulgentius: Is (inquit Bellarm.) lib. de fide ad Petrum, in ipso Prologo, loquens de fide catholica & dogmatica, quam in toto illo libro exponit: Gaudeo (inquit) quod pro fide verâ sine ullo perfidie vitio custodienda; sollicitudinem geris, sine quâ, nulla potest prodesse, imo nec esse conversio: Apostolica quippe dicit autoritas, quia sine fide, impossibile est placere Deo: Fides namque est bonorum omnium fundamentum, fides est humanæ salutis initium; sine hac fide nemo ad filiorum Dei numerum potest provenire, quia sine ipsâ, nec in hoc sæculo quisquam justificationis gratiam consequitur, nec in futuro vitam possidebit æternam.

Sol. Resp. Hoc testimonium, dogmaticæ & catholicæ fidei necessitatem in negotio justificationis & salutis evincit, id quod nos minime inficiamur; Domus siquidem Dei credendo fundatur.

Fides Catholica itidem Clementi est prima ad salutem inclinatio: Euseb. Emeseño dicitur ostium vitæ, fundamentum salutis. Chrysostomo, Origo justitiæ, Cyrillo

nullo Alexand. est janua ad vitam. Prospero, justitiæ fundamentum, & virtutum omnium fundamentum. Hæc tamen Catholica fides non sufficit ad justificationem, non enim justificat: hæc igitur ælogia non competunt fidei quæ justificat, cum in non-justificatis & malis catholicis sæpe reperiat.

Ultimus Bellarm. testis est S. Bernardus. Sanctus Bernardus (inquit) multis in locis hoc docet, sed unum (inquit) in præsentia nobis citasse sufficit: serm. 6. de Vigil. Nativit. cum loqueretur de fide incarnationis & aliorum mysteriorum: Beati (inquit) qui non viderunt & crediderunt: Pars nostra hæc in verbo vitæ, nec sanè contemptibilis ex qua nimirum vivitur, & quæ vincitur mundus, quoniam justus ex fide vivit; & hæc est victoria, quæ vincit mundum fides nostra: hæc est quæ velut quoddam æternitatis exemplar præterita simul ac præsentia ac futura siou quoddam vastissimo comprehendit.]

Ubi (inquit Bellarm.) fidem justificantem dicit complecti præterita præsentia & futura quia credimus omnes articulos à Deo revelatos quorum alii sunt de rebus præteritis alii de præsentibus alii de futuris.] Hæc Bellarm.

Sol. R. Bernardum in loco citato nihil minus agere quam quod ei affingit Bellarminus. Dicit Bernardus fidem velut quoddam æternitatis exemplar præterita simul & præsentia ac futura siou quoddam vastissimo comprehendere ut nihil ei prætereant, nihil pereat, præeat nihil quia scilicet fides in Christum efficaciam suam exerceat omnibus temporibus, quod probat ex loco Hebr. 13. Jesus Christus filius Dei heri hodie & in æternum tempore scil. Adæ Abraham Davidis & Patriarcharum quia efficax erat eorum fides in Christum venturum ad vincendum mundum. Efficax etiam eadem fides ad justificandos & beandos ipsos Apostolos: hinc adducit Bernardus illud Christi Matth. 13. Beati oculi qui vident quæ vos videtis efficacia ergo fidei se exerebat in illis Apostolis qui vixerunt Christo ipso in terris existente.

Postremo (inquit Bernardus) nobis quoque Sercatum est fidelibus compellans Christianos qui ejus temporibus vixerunt ipso Christo æquè dicente Joan. Beati qui non viderunt & crediderunt & tum subjungit Bernardus pars nostra hæc in verbo vitæ nec sanè contemptibilis ex qua nimirum vivitur & qua vincitur mundus, quoniam justus ex fide vivit, & hæc est victoria quæ vincit mundum fides nostra.

Hæc est quæ velut quoddam æternitatis exemplar præterita simul & præsentia ac futura siou quoddam vastissimo comprehendit.] ubi docet Bernardus fidem veram vivam & justificantem, qualis est illa qua vivitur & qua vincitur mundus non minus vim & efficaciam suam exerebat quoad justificationem & salutem credentium hisce ultimis temporibus atque olim.

Iste quem diximus est germanus Bernardi sensus hoc ipso in loco non agit Bernardus de illa fide quæ nudus assensus præbetur articulis fidei à Deo revelatis, quorum alii sunt de rebus præteritis, alii de præsentibus alii de futuris, quæ etiam in malis catholicis reperitur sed de illa quæ tantum cadit in bonos & qua vivitur & vincitur mundus ubique locorum & omnibus temporibus.

Atque ita habetis copias Bellarmini non parva industria è Patrum monumentis collectas, suas simul ac dissipatas, quibus astruere conatur fidem justificantem juxta Patres non aliam esse à fide catholica, qua quis assensum firmum præbet ad ea omnia quæ divinitus revelantur. Proximo in loco hanc suam assertionem astruere conatur rationibus lib. 1. c. 10. de justificatione.

CAPUT XXII.

Ubi fuse ostenditur Bellarminum malâ fide instituisse statum quæstionis, quæ agit de fide justificante.

Hic ut rectius occurratur, illud fusius explicandum quod sæpius supra, Bellarminum malâ fide statum quæstionis instituisse, ubi agit de fide justificante. In hoc enim lib. 1. de justificatione acriter contendit fidem justificantem non aliam esse, quàm illam quâ assentimur ad ea omnia, quæ divinitus revelantur in sacris literis, nec aliter justificare, quam disponendo ad justificationem.

Rursus communem sententiam protestantium esse statuit, fidem justificantem esse illam, qua unusquisque fidelium statuit, credit aut confidit sibi peccata esse remissa seu qua fiduciam habet specialis misericordiz & de remissione peccatorum, ut patet ex lib. 1. de justific. c. 8.

Quamvis autem nostræ confessionis Theologi cum contra Romanenses disputent, qui totis viribus fidem specialem impugnare conantur, rectè asserant posse credentes veraciter sibi applicare in particulari generales propositiones evangelii, & certo credere & confidere posse sibi in particulari peccata remissa esse, tamen fatendum est minus cautè ac distinctè interdum loqui, confundentes fidem justificantem quâ credo in Christum Mediatorem seu Redemptorem, cum illa fide quâ in particulari applico mihi generalem promissionem Evangelii, quâque credo mihi peccata esse remissa.

Id quod rectius & distinctius explicari potest si accurate perpendamus syllogismum, cujus supra meminimus juxta quem rectissimè distinguuntur Fides Catholica, Fides justificans, & specialis.

Hinc satis patet rectè distingui fidem justificantem à fide speciali licet posterior hæc ex priori rectissimè deducitur unde & rectè asseritur hanc fidem specialem, licet non justificet, non tamen explodendam esse, ut contendit Bellarminus.

Dari autem fidem specialem ordinariam, seu fiduciam de remissione peccatorum in particulari, v. g. Petro aut Paulo, variis rationibus evincitur de quibus agitur in altera quæstione, ubi agitur, an quis certitudine fidei divinæ, certus esse possit de remissione peccatorum, de qua postea agit Bellarm. lib. 3. de justificat & nos itidem postea.

CAPUT XXIII.

Ubi ostenditur fidem justificantem non esse fiduciam de peccatis remissis.

Hic ita præmissis ut rectius occurratur rationibus, quas adducit Bellarminus lib. 1. c. 10. de justificat. ut explodat hanc fidem specialem, operæ præmium duximus eorum opinionem sive potius inadvertentiam impugnare, qui fiduciam de peccatorum remissione, esse ipsam fidem justificantem contendunt, quæ ferè est assertio Lutheranorum, Mart. Kemnitii & aliorum. Duo ergo hic sunt demonstranda.

1. Fidem justificantem non esse fiduciam de peccatis remissis.

D d

2. Dan

2. Dandam esse fidem specialem quā verē fidelis potest veraciter applicare sibi in particulari generalem promissionem Evangelii; ac proinde ejusmodi fidem non esse exploendam ut vult Bellarm. sed asserendam.

Ut autem demonstremus fiduciam de remissione peccatorum seu de peccatis remissis non esse fidem justificantem in antecedentem expediendam duximus æquivocationem vocis fiduciz, cujus aut ignoratio aut potius non animadvertio facili in errorem inducat.

Vox fiduciz bifariam accipi potest
vel enim denotat

1. Affectum illum quo voluntas recumbit in Christum Redemptorem ejusque satisfactionem & *autem* ob remissionem peccatorum & justificationem.
- 2: Spem roboratam vel potius firmum assensum seu persuasionem in qua ejusmodi spes fundatur, de peccatis remissis.

Fiducia autem hic sumitur significatione posteriori & denotat spem roboratam qua plane confido & persuasus sum de remissione peccatorum, seu quod mihi remissa sunt peccata, qui actus fiduciz fides etiam specialis promissionum appellari solet à nostris Theologis. Porro cum dicimus fiduciam de peccatorum remissione non esse fidem justificantem, per fidem justificantem intelligimus eam fidem cui & quidem soli vis justificandi sine operibus passim in Scripturis tribuitur, fidem illam ex qua justus vivit, ex qua pacem habemus cum Deo, ex qua & quidem solā remittuntur peccata, ut alia hujus fidei elogia missa faciam quæ passim in Scripturis fidei tribuuntur; est autem illa fides non aliud quā actus affectus fiduciz, quo voluntas peccatoris contriti recumbit in Christum Redemptorem, ejusque *autem* & obedientiam ob remissionem peccatorum & acceptionem ad vitam.

Hac distinctione præmissa, dicimus fiduciam seu spem roboratam seu firmum assensum in quo talis fiducia aut spes fundatur de remissis peccatis non esse illam fidem; cui ut causæ instrumentali justificatio & remissio peccatorum in Scripturis tribuitur.

Id variis rationibus evinci potest & quidem primo accuratè perpendendo syllogismum cujus propositio in Evangelio sæpe inculcatur quo fideles suam in fœdus gratiosum receptionem inferunt & concludunt. Sic enim ratiocinatur fidelis.

Quisquis credit in Christum Redemptorem ob remissionem peccatorum, ei remissa sunt peccata.

Ego (inquit fidelis) credo in Christum Redemptorem ob remissionem peccatorum. Ergo, mihi sunt remissa peccata.

Major habetur in Evangelio Joan. 3. 16. Act. 10. 43. & passim alibi. Assensus autem huic majori est actus fidei Catholicæ quā universali promissioni assentimur.

Minor exprimit conditionem fœderis gratuiti seu actum fidei justificantis seu fiduciam qua recumbit fidelis in Christum Redemptorem ob remissionem peccatorum. Assensus conclusioni adhibitus exprimit actum fidei specialis quā fidelis applicat sibi in particulari promissionem universalem. Mihi sunt remissa peccata. Hujus autem conclusionis veritas supposita veritate & certitudine majoris pendet ex veritate & certitudine minoris. Quia enim credo in Christum Redemptorem ob remissionem peccatorum, quæ est conditio fœderis novi, ideo mihi remissa sunt peccata. Quæ est res promissa in fœdere novo. Et quia certus sum me præstare conditionem credendo in Christum Redemptorem, ideo certus sum mihi remissa esse peccata fide speciali applicante mihi remissionem in fœdere.

Iam nemo potest fiduciam seu spem roboratam habere de remissis peccatis nisi cui prius natura remissa sunt peccata. Neque fiduciam vere concipere potest quis, peccata sibi esse remissa nisi prius natura remissa remittantur, fiducia enim mea non facit rem veram, sed veram esse præsupponit. Nec fiducia mea de veritate hujus propositionis, mihi sunt remissa peccata, facit ut emittantur, sed remissa esse præsupponit, alioqui non vera sed falsa esset fiducia.

Ergo

Ergo hæc fiducia de remissis peccatis non potest esse fides justificans qua remittuntur peccata, cum illa semper ordine naturæ: ut causa instrumentalis, præcedat justificationem.

2. Fides justificans potest esse absque fiducia de remissis peccatis; nam potest quis recumbere fide justificante in Christum Redemptorem ob remissionem peccatorum, qui tamen non habet spem roboratam de remissis peccatis, ut in tempore tentationis & in initio conversionis cum luctatur cum diffidentia. Multi pii fiduciam suam in Christum & ejus merita reponunt ob reconciliationem cum Deo, qui tamen jactati tentationum procellis non possunt fiducialiter & firmiter statuere sibi remissa esse peccata.

3. Differunt objectis fides justificans & fides specialis; fidei enim justificantis objecta sunt Christus ipse, Christi persona, Christi satisfactio, mors Christi, justitia Christi, merita Christi. Objectum autem fiduciæ seu fidei specialis applicantis promissionem sunt res promissæ in fœdere novo, seu beneficia fœderis, qualia sunt, justificatio, remissio peccatorum, unio cum Christo, adoptio, regeneratio & id genus alia.

4. Constat fiduciam remissis peccatis non esse fidem justificantem ex natura fœderis;

Cum enim in fœdere novo 2. contineantur, $\left\{ \begin{array}{l} 1 \text{ Condicio fœderis} \\ 2 \text{ Res promissa} \end{array} \right.$

Certum est neminem jus habere, aut habere posse, ad rem promissam nisi qui præstiterit conditionem. Cum ergo conditio fœderis novi sit credere in Christum Redemptorem, res promissa, remissio peccatorum, & jus ad vitam æternam; ergo juxta tenorem fœderis, 1. Prius credendum est peccatori in Christum Redemptorem. 2. In loco applicatio sit rei promissæ (.i.) remissionis peccatorum ad consequendam vitam æternam. Non ergo fides justificans qua præstatur conditio (.i.) qua fiduciam in Christum Redemptorem ponimus ob remissionem peccatorum potest esse fiducia de peccatis remissis quæ est ipsissima applicatio specialis promissionis nisi confundere velimus ipsam conditionem fœderis cum beneficio in fœdere promisso quod non est admittendum.

5. Fides justificans præcedere debet justificationem cum ejus sit causa instrumentalis; omnis siquidem causa est prior naturâ suo effectui. At fiducia de peccatis remissis sequitur justificationem. Si enim fiducia hæc specialis non sequatur justificationem falsa esse convincitur.

Quomodo enim vera fides est aut fiducia, qua mihi credo remissa esse peccata si dum ita credo vel confido, nondum sunt remissa peccata, sed sunt per hunc ipsum actum postea remittenda. Deinde si objectum hujus fidei vel fiduciæ sit illa propositio, mihi sunt per Christum remissa peccata, certè prior esse debet remissio quam fides cum omnis actus pendeat ab objecto non contrà objectum ab actu, adeo nec intelligi posse quomodo objectum fiat per illum ipsum actum cujus est objectum, scilicet. Mihi sunt remissa peccata, credendo mihi esse peccata remissa. Cum objectum det essentiam actui, non actus objecto. Impossibile est ergo, fidem illam justificare quæ justificationem seu remissionem ipsam specialem pro objecto habet. Est serè argum. Bellar. lib. 1. de justif. c. 10. secunda ratio.

6. Fiduciam hanc de peccatis specialiter remissis esse fidem justificantem implicat: Impossibile est enim ut quis justificetur primò eo actu quo planè confidit. se prius justificatum esse, credendo scilicet peccata sibi tum fore remittenda, cum jam prius confidat planè esse remissa, simil. est ratio Gr. de Valent. in 12. q. 125. rat. 8.

7. Nusquam habetur in Scripturis, quicumque credit aut confidit sibi esse remissa peccata, ei remittuntur peccata; nec uspiam Scriptum est, statue tibi peccata esse remissa & remittentur; sed qui credit in Filium habet vitam æternam, Act. 16. 31. & crede in D. Jesum & salvaberis tu & domus tua, credere autem in filium, non est credere peccata mihi esse remissa.

8. Prius naturâ remissa sunt peccata quam quis credere aut confidere potest peccata sibi esse remissa. Siquidem veritas prius natura est in rebus quam vel in oratione vel in mentis conceptu sic Jul. Scalig. exercit. 2. veritas enim in conceptu mentis, item veritas in oratione oritur ex veritate in rebus ipsis;

Vera enim propositio est illa quæ pronuntiat uti res est; vera etiam illa mentis notio quæ adæquata est & conformis ipsi rei; impossibile ergo est ut peccata hoc ipso actu remittantur, quo quis credit aut confidit peccata sibi remitti, nisi quis velit peccata vere remitti per creditionem aut confidentiam falsam.

9. Omnes tenentur credere in Christum fide justificante, at omnes non tenentur credere aut confidere peccata sibi esse remissa nisi prius credat in Christum quis, ex corde contrito ob remissionem peccatorum nec potest credere aut confidere; nec tenetur credere aut confidere sibi remissa esse peccata. Ergo fiducia de remissis peccatis non est fides justificans.

10. Nemo cuiquam assentitur nisi quod verum esse judicavit etiam priusquam assentiatur ut enim propter nostrum affirmare vel negare nihil mutatur in re: ita nec propter nostrum assensum vel dissensum. Hujus rei judicium est quoddam ex naturali amore veritatis & odio falsitatis antequam alicui assentiatur, explorare solemus nam quod nobis quis refert verum sit; & ubi id sic se habere deprehenderimus, tum demum assensum præbemus. Non ergo quia homo credit peccata sibi esse remissa hoc ipso remissa sunt; nec remitti possunt sed prius natura peccata remissa sunt, antequam quis vere credere potest peccata esse remissa, fides siquidem remissionis peccatorum necesse est ut posterior sit ipsa remissione. Non ergo potest quis justificari hoc ipsa remissiones. Non ergo potest quis justificari hoc ipso quod credat sibi esse remissa peccata.

CAPUT XXIV.

Ostenditur dandam esse fidem specialem.

Alium quod demonstrandum suscepimus, est concedendum esse fidem specialem quæ verè fidelis fide justificante prædicta potest veraciter sibi applicare in particulari generali promissione Evangelii ac proinde ejusmodi fidem non esse explorandam, ut vult Bellarminus, sed seriò asserendam; ex eo enim quod quis verè credat in Christum Redemptorem ob remissionem peccatorum & certò noverit, se credere in Christum & fiduciam suam collocare in ejus satisfactionem & merita ob remissionem peccatorum experimentalis cognitione, hinc vi promissionis divinæ remittuntur peccata ejusmodi peccatori, & certò & verè novit aut saltem nòsse & potest & debet sibi esse remissa peccata.

Ut autem quod hæc de re sentiendum sit suscipiamus, & distinctius explicemus hanc certitudinem quam habent & habere solent peccatores penitentes de remissione peccatorum & gratia divinæ præmittendum est certitudinem aliam esse

- 1 Fidei divinæ immediatè ex revelatione divina.
- 2 Fidei divinæ mediatè; mediante discursu qui nititur uno principio de fide certo & alio evidente vel naturaliter vel experimento evidentissimo & certissimo secundum ordinem naturalem.
- 3 Fidei humanæ, quam moralem appellant.

1. Certitudo fidei divinæ immediatè est illa quæ innititur revelationi divinæ immediatè absque omni discursu.

2. Certitudo fidei divina mediata, mediante discursu qui altitur uno principio de fide certo, & alio evidenti vel naturaliter in lumine naturali, vel experimento evidentissimo & certissimo, secundum ordinem naturalem. Exemplum esto primi; ubi in concilio vi. Oecum. Concludunt Patres in hunc modum contra Monothelitas.

Quicumque est verus Deus & verus homo ille habet geminam voluntatem.

At Christus erat verus Deus, & verus homo

Ergo

Christus habuit geminam voluntatem, divinam nempe & humanam.

In hoc syllogismo major est vera & certa in lumine naturali, minor est vera & certa in lumine fidei:

Conclusio est vera & certa idque in lumine fidei unde & dicenda est conclusio de fide, idque hac ratione quod conclusio semper sequitur deteriorem partem. Talis autem debilitas est inevidentia quæ in minori propositione cernitur: nam licet propositiones de fide lectiores sunt quam scientificæ, tamen obscuriores & minus evidentes sunt, atque eo nomine deteriores, quæ ratione in hoc syllogismo conclusio erit inevidentior Majore, ac proinde potius denominanda a Minore, quæ cum sit propositio de fide, itidem & conclusio erit propositio de fide.

Exemplum secundi generis esto.

Quicumque eredit in Christum Redemptorem ob remissionem peccatorum, illi peccata sunt remissa.

At Ego (inquit Petrus & quilibet fidelis) credo in Christum Redemptorem ob remissionem peccatorum.

Ergo

Mihi sunt remissa peccata.

Major hujus Syllogismi certa & in lumine fidei Act. 10. 43. Minor evidens erat Petro & evidens est fidelibus experimento certissimo & evidentissimo. Evidenter enim experitur fidelis se abrenunciatis omnibus operibus & meritis, fiduciam totam suam collocare in Christum & ejus merita & satisfactionem ob remissionem peccatorum.

Conclusio tamen, Mihi remissa sunt peccata, non est evidens eo modo quo minor fidei cum propositio denominanda sit fidei, atque adeo sit inevidens fidei ob inevidentiam majoris quæ est propositio certa in solo lumine fidei.

Ejusmodi conclusionum certitudinem appellat Suarez Theologicam, quæ inferitur ex propositione una de fide, altera ex evidente experimento lib. 9. de Grat. caput 9. n. 4.

3. Est certitudo moralis seu fidei humanæ, sunt autem tripliciter fidei humanæ credibilia ut annotavit Andr. Vega. lib. 9. c. 4.

1. Quædam, quanquam auctoritate humana constant, sic passim ab omnibus & certa & indubitata recipiuntur ut ne dubitare de iis possimus qualia sunt illa quæ auctoritate omnium constant & ab universo hominibus. — Ex enim sexu, ordine, natione, religione citra omne dubium asseruntur, ut Constantinopolim esse, Indos esse, Turcas esse, Arabes esse. — parentes diligere filios & id genus alia.

2. Aliæ sunt quæ quanvis non tanta sint auctoritate tamen tanto consensu absque ulla cunctatione recipiuntur ut stultus & fatuus habeatur qui non iis certo assentitur qualia sunt, Episcopos, cum ordinant Presbyteros aut diaconos, sacerdotes, dum baptizant dum absolvunt, intentionem habere ordinandi, baptizandi, absolvendi.

3. Aliæ licet non æquali jure & ratione credenda sunt, cum multa accipimus beneficia ab aliquo, certo credimus nos ab eo deligi. — & rectissimo argumenta amoris communiter habentur beneficia.

Hac distinctione præmissa dicimus certitudinem quam habere possunt vere fideles de remissione peccatorum & gratia divina, non nude conjecturalem esse aut eam quæ excludit solum anxietatem sed in seriis exercitiis fidei & penitentia: sæpe excludit formidinem contrarii, estque certitudo secundi generis, quam alii certitudinem secundam

dam seu mediatam fidei, seu certitudinem fidei specialis quia ejus objectum est propositio seu conclusio specialis, ut mihi peccata sunt remissa, quæ rectè etiam Theologica dici potest.

Conclusio autem talis inferitur ex una propositione verâ & certâ in lumine fidei qualis est illa,

Quicumque credit in Christum, Redemptorem ob remissionem peccatorum illi peccata sunt remissa:

Altera ex propositione certa & evidenti certitudine experientiarum quæ soli ipsi credenti seu fideli nota est, qualis est illa,

Ego credo in Christum Redemptorem ob remissionem peccatorum

Ergo

Hinc inferitur conclusio specialis fidei, Mihi peccata sunt remissa; sed & eadem ratio est minoris prædictæ & aliarum, quarum aliæ præcedenæ sunt ad actum fidei iustificantis, & dispositionis illius quâ quis experitur se seriò dolere de peccatis ob offensam Dei, aut qua sibi seriò proponit quis in posterum derelinquere sua peccata, & novam vitam inchoare aut serium desiderium habet reconciliationis. Aliæ succedanæ, ut pax conscientiarum & dilectio Dei ut Patris, proximi & sui ipsius, gaudium sub spe gloriæ, gaudium Sp. sancti & id genus alia.

Hic tota lis est de Minore an evidenter certa esse possit fidei; nos dicimus certam esse posse & certam esse verè fideli licet non semper cum in primordiis conversionis & urgente tentatione aliquando, occurrant dubitationes, vid. Catherin. de certitud. Grat. Assert. 9. Conscientia siquidem perhibet testimonium certum ordinariè omnium actuum qui cadunt sub hominis noticia conscientia testatur de actibus tam internis quam externis: Experior certè me videre, audire, gustare, imaginari, reminisci, Intelligere item, deliberare, judicare; velle item amare & odire, timere, gaudere, sperare, confidere; & certitudo de hisce actibus elicitis non solum ordinariè excludit omnem anxietatem sed & omnem formidinem contrarii testibus omnium hominum sensu & experientia.

Conscientia videt & considerat hominis cogitationes, intentiones & consilia; actiones & commercia. Vix ullum hominis propositum sive bonum hoc sit, sive malum testem hunc latere potest unde & nomen habet apud Latinos Conscientia, apud Grecos *synteresis*, quippe quod actionum & omissionum, sensus & cogitationum conscia sit, ac testimonium de illis præbere queat; Quinimo nullis testium dictis non exactissimis, severissimisque questionibus usque adeo evidenter quis de re quapiam convinci potest quam suâ ipsius conscientia, ut rectè M. Eisingrenius. Huc spectat illud Halensis 3. p. q. 71. in 3. Art. 1. Anima inquit nihil certius cognoscit quam suam scientiam quam suum odium, quam suam dilectionem; addo ego quam suam contritionem & dolorem de offensa Dei, quam suam fiduciam, quam suam confidentiam. Durandus item 3. Dist. 23. q. 7. Habens fidem ita certus est se habere fidem, sicut certus est de quocunque alio. Credens enim experitur se credere] sic verè contritus experitur se contritum esse, & vere confidens experitur se confidere.

Thomas 1. part. q. 79. art. 13. & 14. Ubi agit de synteresi & conscientia ait eam testari quatenus recognoscit aliquid nos fecisse, aut non fecisse, & quatenus judicamus aliquid esse faciendum vel non faciendum, ligare vel instigare, & quatenus per conscientiam judicamus quod aliquid quod est factum sit bene factum, vel non bene factum, excusare vel accusare.

CAPUT

CAPUT XXV.

*Conscientiis fidelium optime & certo innotescere eorum actus bonos
& virtuosos ex communi sensu omnium fidelium atque speciali
revelatione.*

UT hoc certius demonstretur dicendum est certum esse conscientiam vere fidelis, certum perhibere testimonium de actionibus virtutum verè & sincerè præstitis, atque adeo ut de hisce actibus præstitis certitudinem eam habeat quæ non solum omnem anxietatem excludat, sed etiam formidinem contrarii. Ejusmodi certitudinem habet vere fidelis de actibus fidei, fiducia, spei, charitatis, patientiæ & id genus alia. Id primò constat exemplis Davidis, Hezekiæ, Pauli & aliorum Sanctorum. Davides Psal. 25. 2. Domine Deus meus, in te confido non erubescam, ver. 3. etiam omnes expectantes te non afficientur pudore & 57. Misere mei Deus quoniam in te confidit anima mea. David certus erat experimentaliter certitudine eaque excludente omnem formidinem contrarii se in Deo confidere unde certitudinaliter infert non erubescam, certus etiam erat animam suam confidere in Domino experimentaliter certitudine unde indubitato colligit Deum erga se misericordem fore, certus itidem erat pariter se sperare in Domino, unde Categoricè pronunciat, non confundar in æternum, Psal. 26. 1. Judica me Domine quoniam ego in innocentia mea ingressus sum v. 3. Complacui in veritate tua. Certe non est existimandum autum fuisse Davidem procellari toties de integritate sua, provocando ad iudicium Dei, si non certus fuisset de integritate sua, certitudine indubitata, & excludente omnem formidinem contrarii. Sic passim in Psalmis pronunciat, se certum fuisse de suis actibus, Psal. 11. 1. In Domino confido, Et 7. 1. Domine Deus meus in te speravi, & 13. 6. Ego autem in misericordia tua speravi: Et 26. 1. Judica me Domine, quoniam in integritate ambulavi, & in Domino sperans non vacillabo. Psal. 28. 7. Dominus Adjutor meus, & Protector meus, in ipso speravi Cor meum, & adjutus sum: Et 30. 1. In Te Domine speravi, non confundar in æternum: Et Psal. 7. Ego autem in Domino speravi, exultabo & letabor in misericordia tua: Et ver. 15. Ego autem speravi in Domino. Et 38. 16. Quoniam in te speravi Domine, Tu exaudies me Domine Deus meus. Psal. 33. 21. In eo letabitur Cor nostrum, quoniam in nomine sanctitatis ejus speravimus.] Letitia illa, aut nulla aut irrita cerèe necesse est, ubi nemo certus esse potest, an speret in Deo verè. Psal. 116. 1. Dilexi quoniam exaudiet Dominus vocem orationis meæ. Et 116. 10. Credidi, propter quod locutus sum.] Hosce actus sperandi, confidendi, diligendi, credendi præstabat & exercebat David, & novit se exercere absque omni formidine contrarii: Et ex hac experimentaliter noticiâ pronunciat & infert Categoricè, Deum erga se propitium fore, exauditurum preces, se non confundi, Deum illi adiutorem futurum, absque omni non solum animi anxietate, sed etiam formidine contrarii. Neque dici potest hæcæ asseverationes Davidis profectas fuisse ex speciali aliqua revelatione Davidi facta, quæ specialiter certiorabatur de horum actuum exercitio & præstatione, ut solent Jesuitæ respondere, cum actus speciales sanctorum producere soleamus, quorum meminerunt sacre literæ ad asserendum certitudinem indubitatam quam habent alii sancti de suis actibus; Dicit (inquam) hoc non potest, hæcæ peremptorias asseverationes profectas fuisse ex speciali aliqua revelatione Davidi factâ, sed ex communi & ordinaria experientia, et sensu fidelium, qui indubitatè certi sunt se ejusmodi actus exercere, nec falli in hac sua asserctione seu asseveratione; Idque docet optime Athanasius in Epistola ad Marcellinum de usu

usu Psalmorum, ubi ait se multa preclare didicisse de usu Psalmorum ex sene quodam industrio, in quibus sunt illa; Ita agere Psalmistam, ut fidelis quispiam merito existimet, ibidem de rebus ipsius, non alienis sermonem fieri: Et is (inquit) qui audit, & ille qui legit compungitur, & ita afficitur odorum istarum verbis, ac si sua ipsius propria essent [p. 745. B.] Rursus paulo ante ibid: At ubique invenies sacras illius odas secundum nos nostrosque motus motuumque sedationes sese habere. Ibid. lit. E. In Psalmis illud miri est, quod qui eos legit, exceptis de Christo Gentibusque vaticiniis, suase verba in re sua legere opinatur. Et quilibet ita psallit, quasi de se ea ipsa quæ psallit, conscripta essent, non tanquam alius ea diceret, aut de alio dicerentur, ita accipit, & perlegit, sed tanquam de seipso sermo fieret, ita mentem suam ad Deum dirigit. Et p. 746. C. In summa (inquit) quilibet Psalmorum ea forma verborum conceptus est à Spiritu Sancto, & ita temperatus, ut in illis, motus affectuum nostrorum animadvertamus, omniaque illa putemus de nobis referri, ac nostramet ipsorum esse verba, unde & memores nostrum affectuum, nostra in melius commutemus. Quæ enim (inquit) in Psalmis canuntur, ea formulæ nostræ, & exemplaria esse possunt.] Hæc Athanasius ut & multa alia ibidem huc spectantia: Ex quibus constare possit, asseverationes ejusmodi quæ tam frequentes occurrunt apud Davidem, non ab eo profectas fuisse ex speciali aliquo instinctu, revelatione afflatuque Divino, sed ex communi sensu fidelium & ordinariâ inspiratione Spiritus Sancti, quam in sese experiuntur omnes fideles. Sed non Davidis exemplum solummodo occurrit, sed & aliorum; Ezekias, 2 Regum. 20. 3. & Isai. 38. 3, 4. Invocans Deum cum ægrotaret fidenter, alleget suam integritatem in ambulando coram Domino, quam certè non allegaret, nisi certo constitisset illi de sua integritate, in cultu Dei, absque omni formidine contrarii, tam de modo cultus, quam de actu colendi.

“Obsecro Domine (inquit) Memento quæso, quomodo ambulaverim coram Te “in veritate & in corde perfecto, & quod placitum est coram te fecerim. Veritatis autem hujus indicium erat, quando in alleganda sua integritate flevit Hezekias fletu magno] quæ verbatim recitantur Isaiæ 38. 3, 4. Accedat exemplum D. Pauli 2 Cor. 4. 13. Habentes eundem Spiritum fidei, sicut Scriptum est, credidi, propter quod locutus sum, & nos credimus, propter quod & loquimur] David. Psal. 116. in mediis doloribus non vacillabat, sed fide intuebatur promissiones Divinas, quas quia statuebat esse veras, loquebar (inquit) [i. e.] fiducia in hisce promissionibus, me in mediis doloribus sustentabam, ut testarer me non vinci ab illis doloribus. Paulus hoc ipsum testimonium Davidis sibi & omnibus fidelibus accommodari posse docuit, cum profiteatur se nomine omnium fidelium pariter credere in mediis doloribus seseque sustentare nitendo promissionibus Divinis, 2 Tim. 1. 12. Scio, cui credidi, & certus sum quia potens est depositum meum servare in illum Diem. Hujus item rei testes sunt fidelium voces omnium temporum: Inspiciantur Meditationes, soliloquia, Manuale, Confessiones Augustini, ubi ejusmodi asseverationes, protestationes, allegationes, tanquam in conspectu Dei frequenter occurrunt: Consulantur item Meditationes Anselmi, Bernardi contemplationes Idiota: Taulerietiam exercitia de vita & passione Christi, & alia ejus opera; Thomæ etiam a Kempis de Imitatione Christi libri quatuor: Precationes etiam Rossenses Psalmis Davidis excerptæ, & ab eo accommodatæ omnibus fidelibus; Preces item publicæ omnium temporum tum in Græcâ tum etiam Latina Ecclesiâ, quæ extant in Liturgiis Veterum, Cujusmodi etiam extant in Cassandri precibus Ecclesiasticis. Quæ omnia huic rei fidem faciunt, & uberrimè attestantur, & supponunt consentiis fidelium certo innotescere actus bonos & pios ex communi sensu & experientia fidelium, absque speciali aliqua revelatione.

2. Potest vere fidelis certo dignoscere an præstet conditionem fœderis gratiæ, Ergo potest certo dignoscere, an sibi in particulari remittantur peccata: Consequentia patet, qui enim certo dignoscit, se conditiones fœderis præstare, hoc ipso novit ad se pertinere beneficia in fœdere promissa.

Antecedens probatur: Potest enim quis certo dignoscere, an seriò doleat de offensa Dei cum proposito de cætero non peccandi. 2. Potest certo dignoscere, an omnem fiduciam reponat in Deum misericordem & Christum Redemptorem, & ejus

ejus merita & satisfactionem, ob remissionem peccatorum, abdicatis omnibus suis operibus in negotio justificationis cum se sistant coram Tribunali Divino.

Quod autem fidelis potest certo dignoscere an serio doleat de offensa Dei, & an fiduciam omnem in negotio reconciliationis colloget in Dei misericordiam & Christi mortem & merita, ex dictis patet; si enim certo novit David attestante conscientia se in Domino confidere, sperare, Quidni in Christum & ejus merita confidere ob reconciliationem cum Deo; quidni dignoscat se serio dolere ob offensam Dei, & id genus alios actus pios elicere.

3. In Evangelis legimus, multos interrogatos fuisse an in Christum crederent, qui sanari à morbis Christum obnixè orabant; frustra autem interrogabantur, an vere crederent necne, si non certo & indubitato scire potuissent an crederent necne: Sic Mat. 9. 27. Duo cæci interrogati à Christo, an crederent eum potuisse visum restituere? Respondent, Etiam Domine; tum tetigit eorum oculos dicens, secundum fidem vestrum fiat vobis, & aperti sunt oculi eorum.] 1. Quorsum interrogat Christus cæcos istos de fide omnipotentia & an crederent eum potuisse eis visum restituere, si non absque omni formidine contrarii respondere potuissent, etiam vel non? 2. Quomodo respondent ambo huic quæsito, Etiam Domine, si non certi fuissent se credere, & non opinari tantum? 3. Et quomodo fidei horum tum veritatem, tum certitudinem miraculosa oculorum apertione confirmare voluisse Christum existimabimus, si non & vere credidissent, penes eum fuisse autoritativam restituendi visum potestatem, & de hoc sui actu elicit certi fuissent?

Sic Marc. 9. 23. Christum exoravit Pater Dæmoniaci, ut sanaret filium; Jesus dixit ei, si potes hoc credere, Omnia possibilia sunt credenti; & continuo exclamans pater pueri cum lachrymis, aiebat, Credo Domine, adjuva incredulitatem meam: Quorsum interrogat Christus patrem, an potuisset credere, si non potuisset Pater credere, nisi opinando, aut non potuisset Categorice respondisse, se credere, nec ne, absque ulla dubitatione? Aut quomodo potuit iste Pater Dæmoniaci categorice respondere, Credo, si non & vere eliciebat actum credendi, & de hoc suo actu elicitus certus esset. Aut quomodo testimonium perhibere voluisse Christum existimabimus veritati fidei ejus, efficiendo Dæmonem & puero illius, si non ipsa verè credidisse, & de actu Credendi certus fuisset. Similia Exempla passim occurrunt in Evangelio: Ut Joan. 9. 38: Et Caput 11. ver. 27.

Hoc idem evincitur ex aliis Interrogatoriis quæ ex usu & praxi Ecclesiæ recepta sunt, & solebant olim proponi agonizantibus, quæ plane supponunt, posse infirmum certo, indubitato, & absque omni formidine contrarii discernere & dignoscere, se hosce actus de quibus interrogat Sacerdos, elicere & exercere.

Anselmus Arch. Cantuariensis quasdam interrogationes parochis præscripsit, quæ filiis suis spiritualibus in extremis constitutis proponerent; inter ea hoc est novissimum, Credis, te non posse nisi per ipsius Christi mortem salvari?

Resp. Etiam: Age ergo (inquit D. Ansel.) Dum superest in te anima, in hac solum morte fiduciam tuam constitue, in nulla alia re fiduciam habe, huic morti te totum committe, hac sola te totum contege, totum immisce te in hac morte, totum confige, hac morte te totum involve; Et si Dominus Deus voluerit te judicare, Dic, Domine, mortem Domini nostri Jesu Christi obicio inter me & tuum judicium, aliter tecum non contendo: Et si tibi dixerit, quia peccator es; Dic, Domine, mortem Domini nostri pono inter te & peccata mea: Et quæ sequuntur.

Frustra aut certe imprudenter proponerentur hæc Interrogatoria morituris, si ipsi non potuissent absque hæsitatione, certo, indubitato, & absque formidine contrarii respondere, an tales actus exercere, nec ne.

Frustra hortaretur Sacerdos, ut in sola morte Christi fiduciam constituerent, ut in nulla alia re fiduciam haberent, huic morti se totos committerent, hac sola se totos contegerent, totos se immiscerent, se in hac morte totos configerent, hac morte se totos involverent: Frustra instruerentur ubi obicerent mortem Domini nostri Jesu Christi inter se & judicia Dei, inter se & peccata sua; & simili-

ter in reliquis, inter se & mala merita sua, inter se & iram suam. Frustra (inquam) instruerentur, ut sic occurrerent his tentationibus, nisi absque formidine contrarii certo scirent, se potuisse in hunc modum obijcere mortem Domini nostri Jesu Christi inter se & judicium Dei.

Ejusmodi Interrogatoria & plura habentur in Hortulo Animæ (Vid. p. 154.) quorum meminerit Mart. Eisingr. in Tractat. de Certitudine Gratiæ, p. 480, 481, 482. Meminit idem Author aliarum questionum quæ solebant proponi ægrotantibus, è Joan. Heroldo qui author fuit Serm. Discipul. Serm. 135. Supra 24. Dominicam post Trinitatem. Meminit etiam questionum similium è libello reperto in cenobio quodam Ordinis Augustin. Cui nomen Rhamse. p. 484.

Ex Interrogatoriis etiam propositis Catechumenis, quibus interrogantur de fide, & an Articulis fidei assentiantur; Sponsori item & fidejussoribus, qui pro parvulis spondent in Baptismo, de abrenunciando Diabolo & operibus ejus, & inani pompæ & gloriæ hujus mundi, temerè proponerentur & ad ea assensus firmus temerè exigeretur a sponsoribus nomine Infantum, nisi constiterit iis indubitato se illis renunciaturus; temerè etiam & imprudenter ab iis exigeret Ecclesia ut credant in Deum Patrem, Filium & Spiritum Sanctum; & ut credant omnes articulos symboli Apostolici: Frustra etiam responsio illa redderetur: Hæc omnia firmiter Credo; si non nisi conjecturali certitudine hisce assentiri potuissent. Eunuchus, cum videret aquam in itinere; sciscitanti a Philippo, Act. 8. 37. Quid impedit quo minus baptizer? respondet Philippus, si credas toto corde potes baptizari. Resp. Eunuchus, Credo Jesum Christum esse Filium Dei; Frustra respondebat Philippus, si credas toto corde potes baptizari; frustra hanc conditionem (inquam) exigit Philippus, si non certo & absque formidine contrarii supponeret & Eunuchum scire potuisse & se credere & toto corde credere: Et ad sensum Philippi non recte responderet Eunuchus, nisi sciret certo, & se credere Jesum Christum esse Filium Dei, & toto corde credere.

Frustra ante absolutionem interrogat peccatorem Sacerdos, an vere & serio doleat de peccatis quæ confitetur, an ea detestetur, si non certo & absque omni formidine contrarii scire, experiri & sentire, se inus & in corde suo dolere de peccatis admissis: Hinc Rossensis adversus Lutherum Arg. 14. Compellans Lutherum, Num aliquot opinaris peccatores qui ad Sacramentum absolutionis accedunt, cum vero dolore accedere? Num eos usque adeo stupidos arbitraris ut non sentiant an vere an sci: è doleant? Quod si conscientia fuerit eis Judex, quod vere doleant; Cur (te quæso) respondere non licet, se vere dolere?

Similiter Mart. Eisingr. de certitudine gratiæ p. 349. Is qui vel sensu communi pollet, facile scire potest, quid velit aut non velit, quæ sibi placeant, & quæ displiceant, an velit se designasse, vel non designasse peccatum: Quis enim hominum scit quæ sunt hominis nisi spiritus hominis qui in ipso est? Inquit Apostolus, 1 Cor. 2. Et mox, Quid si quis penitentiam agens, scire non posset, penitet ipsum nec ne, Cur ex veteri Ecclesiæ instituto, illum de hoc interrogabat Sacerdos? Nonne erit absurdum confitentem respondere debere duci se penitentia si id ipsum scire non possit? Imo vero satis exactam ejus notitiam habere potest. Hæc ille. Vid. & Andr. Vegan. l. 9. c. 39. p. 101.

4. In iisdem Evangeliiis legimus, Christum cum sanaret ægrotos, paralyticum Mat. 9. 2. Et profluvio sanguinis laborantem mulierem, ibid. ver. 22. simul remisisse eorum peccata, & jussisse iis, ut confidunt sibi remissa esse peccata: Confide (inquit Paralytico remissa sunt tibi peccata tua ver. 2. & alteri Mulieri, Confide Filia, fides tua te servavit. Non autem credibile est, Christum jubendo eos confidere peccata sibi remissa fore; occasionem dare voluisse iis aut temeritatis aut superbiæ, aut omnes privare eo quod aut utile aut meritum foret: Quæ Dominici Soto assertio fuit, ut Author historiæ Conc. Trident. refert. l. 2. p. 162. Edit. Lat.

5. Promissiones quæ passim occurrunt in Sacris Literis factæ credentibus in Deum & Christum, confidentibus, sperantibus in Deum, vere contritis, Deum sincerè diligentibus; & id genus pios actus elicientibus, & exercentibus instructuofæ plane essent, &

& inutiles quoad solatium fidelium sub Cruce laborantium, nec consolationem afferrent ullam, si non fideles certo & indubitato experiri potuissent, an vere & sincere ejusmodi actus exercerent nec ne; sed res tota conjecturis & opinione incertâ niteretur.

Joan. 3. 16. Deus (inquit servator) sic dilexit mundum, ut dederit filium, ut quicumque crediderit. Act. 10. 43. Huic omnes Prophetæ testimonium perhibent, remissionem peccatorum accepturos omnes qui credunt in eum inquit Sanctus Petrus Act. 16. 30. Paulus & Silas promittunt Commentariensi tremefacto & procidentia ad pedes eorum, & serio sciscitanti ab iis; Quid me oportet facere ut salvus fiam; respondent illi, certe promissio illa salutaris parum solatii afferre potuit Commentariensi, si de actu Credendi in Jesum Christum certus esse non potuit, sed res tota conjecturis niteretur.

Quam tentues, exiles & frigida forent istæ magnificæ promissiones, si an credamus in Christum aliquando nemo fidelis certus esse potuit, sed res tota redigeretur ad nudas conjecturas, & incertæ opinioniones, quæ sæpe fallunt, & quibus sæpe subest falsum, & semper subesse potest.

Psal. 7. 12. Adjutorium meum a Domino, qui salvos facit rectos corde & 32. ult. Letamini in Domino & exultate iusti, & gloriamini Omnes recti corde.

Quomodo potest quis a Domino adjutorium expectare, & salutem, cui de cordis sui rectitudine constare non potest? Aut qualis erit hæc læticia & exultatio iusti, qualis etiam erit gloriatio eorum qui recti corde sunt, si de sui cordis rectitudine penduli & incerti plane essent.

Psal. 119. v. 10. In toto corde exquisivi te, ne errare facias me a Mandatis tuis: Nisi Propheta indubitato certus fuisset de hoc actu exquirendi Deum toto corde, quomodo non temerarie hoc profitebatur, aut quomodo tam confidenter pronuntiare hoc ipsum non veritus est coram Deo? Promissiones dictæ ideo factæ sunt, ut firmam & solidam consolationem habeant, qui hæcæ conditiones præstiterint, & actus ejusmodi elicerent, & exercerent. Ipse enim finis promissionum Divinarum est, consolatio-nem habeamus firmam; teste Apostolo, ad Heb. 6. 18.

At nisi certi essemus certissimâ experientia nos hæcæ conditiones & hos actus præstare & elicere, nemo certus esse potuit de gratia Evangelicâ, & beneficiis in fœdere gratiæ promissis, qualia sunt Remissio peccatorum, Reconciliatio, & Adoptio, & id genus alia beneficia: Certitudo enim Collationis beneficiorum fœderis pendet ex certitudine experimentalis præstationis conditionum fœderis, nec certus esse potest quis de collato beneficio promisso, nisi prius certioretur de conditione præstitâ.

Id ipsum pariter dici potest de horum actuum præceptione, non enim actus hi, credendi, confidendi, sperandi, diligendi, nobis præciperentur, nec contrarii prohiberentur, nisi nobis evidenter constaret, nos ejusmodi actus elicere posse, & elicere actu tunc cum eliciuntur.

Non ad hosce actus eligendos & exercendos hortarentur sacræ literæ, nec suaderent, nisi constaret nobis evidenter, & nos ejusmodi actus & elicere posse, & actu elicere tum cum eliciuntur & exercentur. Dictæ promissiones factæ sunt fidelibus, ut excitentur & incitentur ad actus virtutis, ad pietatem & bona opera; ad alacriter ambulandum in viis Domini. Id ipsum dicendum de hortationibus & suasionibus quibus utuntur Sacræ Literæ ut adducamur ad ejusmodi actus eliciendos & producendos. At quomodo hisce promissionibus, præceptionibus, hortationibus excitabitur in animis fidelium fervor, Zelus, studium, alacritas ad hosce actus exercendos, ubi nemo certus esse potest indubitato de actibus suis, an pii, boni, virtuosifuerint, nisi certitudine morali, & non nisi conjecturali, quæ sæpe fallit, semper fallere potest.

Dubitabat Pyrrho & sectatores ejus Philosophi dicti Pyrrhonii, an quicquam plane viderent, an quicquam audirent nec ne unde *ἐνδεχόμενον* Consideratores *ἀπορίων* & *ἰσχυρίων*, dicebantur. Romanenses dubitant & dubitandum esse docent, an quicquam credat in Deum, an credat in Christum, an speret, an confidat, aut fiduciam in Deum vere collocet, an Deum sincere diligat, an in innocentia & integritate cordis

coram Deo ambulet, an toto corde exquiret Dominum, nec ne; de hisce actibus a se elicitis, neminem certum esse posse indubitato, sed certitudine tantum conjecturali, quæ licet forsan anxietatem excludat, non tamen omnem formidinem Contrarii.

Dices, non dubitare Romanenses de ipsis Actibus, an eliciantur, nec ne, sed de modo agendi an eliciantur ut oportet?

Resp. 1. Nec Pyrrhonii, dubitabant de actibus videndi aut audiendi, sed an verè distinctè, certè, absque errore & hallucinatione, viderent & audirent, nec ne.

2. Utique alii nondum ad fidem conversi, sed in incredulitate permanentes, de hisce actibus & modo agendi dubitare possint; tamen fideles qui per gratiam Dei in ipsis operantem, hosce actus eliciunt, & motus & affectus pios in sese sentiunt, & experiuntur; norunt sese hosce actus elicere, & recto & sincero corde, absque furore & fallaciis; hoc inquam, sufficit quoad modum agendi, ut actus præstentur verè & sincère, non simulate; neque enim gradum tam exigat Deus, quàm rem, ut sincere præstentur hi actus.

6. Eadem certitudo inde evincitur, quod teneatur fidelis gratias agere ob acceptam remissionem peccatorum; Ergo certus esse potest, de Accepta remissione peccatorum.

Antecedens constat Exemplo Davidis, Ille Psal. 103. sese excitat ad prædicationem beneficiorum Dei; Benedic (inquit) anima mea Domino, & omnia interiora mea nomini sancto ejus; Benedic anima mea Domino, & ne obliviscaris omnium munus ejus, qui propitius est omni iniquitati tuæ, qui sanat omnes infirmitates tuas. Ineptissime certè Davides sese tam crebrò & tam confidenter excitaret ad celebrandum nomen ob acceptam remissionem peccatorum, si de hoc beneficio accepto non habuisset nisi conjecturalem certitudinem, vel si huic tam solenni Divini nominis prædicationi, aliquando potuit subesse falsum.

August. Conf. 2. c. 7. gratias etiam agit Deo pro remissione peccatorum: Dilegam Te Domine (inquit) & gratias agam, & confitear nomini tuo, quoniam tanta dimisisti mihi mala & nefaria opera mea; Gratias tuæ (inquit) deputo, & misericordiam tuam, quæ peccata mea tanquam glacie solvisti; gratias etiam tuas deputo, quæcunque non feci mala Et omnia mihi dimissa esse fateor, & quæ mea sponte feci mala, & quæ, Te Duce, non feci. Certè, nunquam Augustinus gratias agere voluisset pro remissione peccatorum, si de accepta remissione peccatorum certus non fuisset; stultum siquidem est, & ridiculum de re incerta gratias agere.

Idem August. Serm. 28. de verbis Domini. Omnia tibi peccata dimissa sunt; ideo præsume non de operatione tuâ, sed de Christi gratiâ; non ergo arrogantia est sed fides prædicare quod accipis, non est superbia sed devotio. Juxta Augustinum, prædicare remissionem peccatorum non est arrogantia fidelis, sed fides; non superbia, sed devotio.

Gratias etiam agunt fideles de donis Spiritus a Deo acceptis, de acceptis donis fidei, spei, Charitatis & id genus aliarum virtutum. At nunquam Deo nos gratos exhiberemus, nisi & sciamus & cognoscamus nos ejusmodi dona a Deo accepisse; accepisse nos ejusmodi dona non agnoscimus, nisi de donis acceptis certi esse possimus. Talis est enim nostra gratiarum actio, qualis est agnitio beneficii, nunquam autem ingennè, & sincère agnoscimus beneficium acceptum, nisi certò scimus nos illud accepisse: Quomodo enim potest quis sincère agnoscere beneficium, de cujus acceptione non nisi conjectari & ariolari possit. Hinc Gregorius Moral. 9. c. 17. Si nescimus gratiam nos habere, gratias non agimus. Vid. Vegan. l. 9. c. 21. p. 176. Apud Gregor. Moral. 9. c. 13. Sic plerumque, si scimus bona quæ agimus, ad elationem ducimur; si nescimus, minime servamus, quis enim, aut de virtutis suæ conscientia non quantum cunque superbiat? aut quis rursus bonum in se custodiat quod ignorat? sed contra utraque quid superest nisi ut recta quæ agimus, sciendo nesciamus; ut hæc & recta æstimemus & minima: quatenus & ad custodiam sensificet animum scientia rectitudinis; & in timorem non elevet æstimatio minorationis. Pissimè hæc Gregorius: Vult tamen neminem bonum in se custodire quod ignorat; & ad custodiam bonorum sen-

sanctificare animum scientiam rectitudinis : Vult ergo hominem pium non custodire bonum nisi quod scit se habere, & scientiam rectitudinis animum sanctificare ad custodiam bonorum. Vid. Vegan l.9.c.34. p.190. B. 191.

Non immerito ergo Doctissimus Field inter Romanensium paradoxa hoc ipsum de Gratiæ incertitudine recensuit l.3. c. 45. de Ecclesia, ubi sic habet : Tertio docent Roman: Homines mortales non teneri gratias agere pro maximo omnium beneficio, quod Deus humano generi confert, imo gratias agere Deo pro hoc summo beneficio esse peccatum gravissimum : id quod vel inde (inquit) constat quod omnium beneficiorum quæ Deus hominibus concessit, longè maximum est illud justificationis & remissionis peccatorum : at pro hoc immenso beneficio, ex eorum hypothefibus, nemo Deo gratias potest agere, quia de hoc beneficio accepto nemini constare potest : nemini enim constat, an hoc beneficium à Deo acceperit, necne : neque audere posse aiunt quenquam se certiorare de hoc beneficio accepto absque intolerabili & inexcusabili præsumptione : Imo (inquit) nonnullos ex horum seductorum numero non puduit scriptis mandare, quemlibet fidelem teneri, dubitare an hoc beneficium acceperit, & quidem ejusmodi dubitatione quæ tremorem producit : unde & huc accommodant illud Apostoli ad Philip.2. Operamini salutem vestram cum timore & tremore.

Intellexit autem Dominicum à Soto, cujus est hæc assertio : Jam inquit ille qui Domino gratias ageret pro illo beneficio, quod an à Deo accipit nec ne, adeo dubius animi sit ut præ timore contremiscat ; Deum proculdubio illuderet & ludificaret.] Hoc Doctiss. Feildus.

C A P U T XXVI.

Certitudo de remissione Peccatorum absque speciali revelatione, aliis rationibus evincitur.

7. **H**anc certitudinem de remissione peccatorum evincunt illa loca quæ minerunt fiduciæ vere fidelium, & aditus eorum ad Deum cum fiducia : hujus rei exemplum habemus in Psalmis Davidis, Psal. 25.2. Domine Deus meus in Te confido, non erubescam, & v.3. Etiam omnes expectantes te non afficiantur pudore : & 72.1. In Te Domine speravi, non confundar in æternum : & 26.1. Judica me Domine quoniam in integritate ambulavi, & in Domino sperans non vacillabo : & 30.1. In te Domine speravi, non confundar in æternum.

Ezekiæ Regi cum nuntiatum esset per Prophetam ut disponderet domui suæ quia moreretur, magna quadam fiducia Dominum, supplex ille rogavit ; Obsecro Domine, memento quæso, quomodo ambulaverim coram te in veritate & in corde perfecto, & quod placitum coram te fecerim.]

Certum est Ezekiam, ex hoc conscientie suæ testimonio solidam spem certamque fiduciam concepisse de acceptance sua in favorem Dei ; alioqui tam audacter Deum ac Dominum suum non compellasset.

Neque fefellit eum hæc fiducia, una enim cum ipsa oratione Deo cum primis fuit accepta ; siquidem ipsa Divina Majestas clementissime illi respondit ; audiavi orationem tuam, vidi lacrymam tuam, & ecce sanavi te, 2 Reg. 20. & Isaïz 38. vid. Cath. in expurgat. p. 322. & Vegan l.9.c.46. p. 218.6.

De hac audacia fidelium & aditu ad Deum cum fiducia agit Apostolus Rom. 5. 1. justificati per fidem habemus pacem erga Deum per Christum — per quem habemus accessum fide in gratiam illam in qua stamus, & gloriamur sub spe glorie Dei.]

Justificati per fidem à peccatis habemus per Christum προσαγωγήν τῇ αἰσῇ aditum & accessum ad Deum per fidem.

Et ad Ephes. 2. 18. Per ipsum [Christum] habemus τὴν προσαγωγήν per unum spiritum ad Patrem, utpote jam facti concives sanctorum & Domestici Dei] habemus autem hanc προσαγωγήν ad Patrem ex certitudine quam habemus de remissione peccatorum, & acceptatione ad vitam æternam.

Et ad Ephes. 3. 12. In eo (Christo) habemus παῖστας & προσαγωγήν ἰν αἰσῇ. ὁσι, libertatem & accessum cum fiducia per fidem ipsius.] vid. sup. c. 9.

Ad Hebr. 10. 19. Habemus libertatem seu fiduciam παῖστας] ingrediendi sacramentum per sanguinem Jesu, quam initiavit nobis viam novam & viventem per carnem suam: & v. 22. Accedamus ergo corde ἰν πληροσύνῃ πίστις, in persuatione fidei, aspersi corde à conscientia mala.]

Hic aperte docet Apostolus nos fiduciam habere de nostra ad vitam æternam acceptatione per sanguinem Jesu, per fidem in sanguinem Christi.

1 Joan. 3. 21. Charissimi, si cor nostrum non condemnet nos παῖστας fiduciam habemus apud Deum.] (i.) fiduciam habemus adeundi Deum, & ad Deum accedendi, utpote adepti jam peccatorum remissione, & acceptatione ad vitam æternam apud Deum.

Ex hisce locis sic argumentamur:

Audacia, παῖστας, προσαγωγή ἰν πιστῇ, προσαγωγή τῇ πίστι, πληροσύνῃ τῆς πίστεως, sunt fructus certitudinis non nudè conjecturalis, sed summe infallibilis ergo.

Cum in omnibus vere fidelibus reperiantur hi effectus, etiam reperitur certitudo infallibilis de remissione peccatorum.

Objicit Bellarm. lib. 3. de Justificat. c. 9. argum. 12. Certitudo hæc infallibilis quæ operatur audaciam non est de justitia nostra, sed de veritate mysteriorum fidei, quatenus certissimi sumus ex fide Catholica, Christum pro nobis natum, passum, mortuum esse, & eundem resurrexisse & ascendisse in cælum, & nunc asitare vultui Dei pro nobis, inde nos tanto intercessore freti, audentius confidenter accedere ad thronum gratiæ, & sperare a Deo indulgentiam, justificationem, sanctificationem & alia id genus beneficia.

Sol. Resp. Licet constet, in genere Christum pro omnibus mortuum, hinc tamen non aliud efficitur quam humano generi, morte Christi partam esse reconciliationis possibilitatem; hæc tamen impetrata Reconciliatio nemini in particulari prodest, neminique applicatur nisi mediante fide in Christo. Neque absque certitudine hujus fidei reperitur aliquando in vere credentibus hæc audacia & παῖστας de qua jam agitur: Certitudo autem de veritate mysteriorum Nativitatis, passionis, Mortis Christi &c. ostendit possibilitatem reconciliationis, & gignit spem veniæ adipiscendæ: At loci citati è sacris Literis loquuntur de audacia supponente reconciliationem adeptam, non spem adipiscendæ reconciliationis: Sic ad Eph. 2. 18. Ultrique per ipsum [Christum] habemus aditum per unum spiritum ad Patrem] Ad Deum scil. & Patrem. Sic ad Ephes. 3. 12. In Christo habemus παῖστας libertatem & accessum cum fiducia per fidem ipsius.] Nascitur ergo hæc παῖστας ex fide in Christo ejusque certitudine. Sic Rom. 5. 1. 2. 3. Sic 2 Joan. 3. 21. Heb. 10. 19. Huc facit illud Christi Joan. 14. 6. Ego sum Via, Nemo venit ad Patrem nisi per me: Reconciliamur autem Deo, non credendo Christum esse passum mortuum, sed credendo in Christum passum mortuum. (i.) applicando nobis Christum & ejus merita & satisfactionem; sic autem hæc applicatio recumbendo in mortem & merita ejus, & fiduciam in illis reponendo ob remissionem peccatorum. Sic Apostolo Rom. 3. 25. Quam [Christum] Deus proposuit propitiationem per fidem in sanguine ejus. Atque hæc de 7. Ratione.

CAPUT XXVII.

*Hoc ipsum evincitur ex testimonio bonae
Conscientiae.*

Efficax argum. pro indubitata certitudine de remissione peccatorum colligitur fidelis ex testimonio bonae Conscientiae: Conscientia siquidem vere fidelis qui totus recumbit in Christum Redemptorem & ejus merita & satisfactionem ob remissionem peccatorum, ei certum & fidele testimonium perhibere solet de remissione peccatorum & acceptatione in favorem Dei. Conscientia siquidem perhibet testimonium ordinarie omnium actuum qui cadunt sub hominis notitia. Conscientia testatur de actibus nostris omnibus tam internis quam externis. Experiō certo me videre, audire, gustare, imaginari, reminisci; intelligere item, deliberare, judicare, velle item, amare & odisse, timere, gaudere, sperare, confidere; Et certitudo de hisce actibus elicitis non solum ordinarie excludit omnem anxietatem, sed & omnem formidinem contrarii, testibus omnium hominum sensu & experientia.

Hæc nunquam otiaur, nunquam conticescit; Ubique criminofum aliquid de homine compertum habet, etiamsi extrinsecus coram hominibus inficietur & perneget, omnibusque viribus occultare illud ac premere contendat, intrinsecus tamen convincitur a conscientia: Hæc enim accusat, remordet, jugiter excarnificat, &--- surdo verberare cadit (ut ait Poeta) Nec pacem, nec tranquillitatem illi permittens, quocunque demum modo rem instituat.

Ex adverso, Si nullius hæc Criminis, sed omnis boni & honesti sit sibi conscia, neque hæc otiosa est, nec silet aut dormitat, sed hominis mentem mirā quadam serenitate ac lætitia perfundit & exhilarat, usque adeo, ut etiamsi cuncta in hominis perniciem conspirare videantur, omnesque eum patrati sceleris insimulent, nihilominus animo sereno sit & impavido; talis (inquam) est hospes & internus & domesticus testis conscientia.

Hinc Cicero in Orat. pro Milone; Magnam vim habet Conscientia in utramque partem, ut semper penam ante oculos versari putent qui peccaverint, & nihil timeant qui nihil admisierint; unde & Lyricus Poeta,

— Hic Murus ahæneus esto
Nil Conscire sibi, nullā pallefcere culpā.

Cæterum, omisfis Ethicis Divinas Scripturas audiamus. Paulus ad Corinth. 2 c. i. v. Gloria nostra hæc est Testimonium Conscientiæ nostræ] Quasi doceret; Quid alii de nobis dicant aut jadicent; non usque adeo nos sollicitat, quandoquidem bonæ Conscientiæ testimonium habeamus. Nisi Paulus ex testimonio illuminatæ & bene exploratæ Conscientiæ animi sui pacem ac tranquillitatem imò & gloriam quandam lætibus hausisset, quomodo eam in testem adducere quomodo ad eam provocare atque hunc in modum de ea gloriari potuisset? Etiam tanquam in conspectu Dei, quod in simplicitate & sinceritate Dei, & non in sapientia carnali, sed in gratia Dei conversati sumus in mundo abundantius autem ad vos.]

Quomodo gloriari potuit Paulus de conversatione suâ inter Corinthios in simplicitate ac sinceritate Dei, si non certum & indubitatum testimonium perhibuisset Conscientia de hac suâ simplici & sincera conversatione, etiam tanquam in conspectu Dei, ac quomodo inanis non potius hæc fuisset jactantia, si gloriationi huic potuit subesse falsum?

Augustinus vult hanc gloriationem Pauli inde ortam, quod noverit fidem suam fuisse sinceram, & spem suam fuisse certam, & charitatem suam esse sine simulatione] in Psal. 149. Col. 1745 Augustinus supponit omnes pios posse cognoscere fidei sinceritatem, spei certitudinem, & charitatem esse sine simulatione; etiam absque omni formidine contrarii, teste gloriatione.

Idem August. lib. advers. Secundinum Manich. c. 1. senti (inquit) de Augustino quicquid libet, sola me in oculis Dei conscientia non accusat.] Nimirum contentus fuit Vir sanctus sola conscientie suae rectitudine; compertam ergo habuit Conscientie suae rectitudinem.

Ambrosius in Psal. 118. Serm. 7. Memor fui iudiciorum tuorum, &c. Qui bene (inquit) sibi conscius est, non turbatur, dicens; Haeredes sumus Dei, Coheredes Christi.

Et Mox — Videmus (inquit) in hoc saeculo Innocentes lantos ad iudicium festinare, odisse moras, celeritatem affectare iudicii, &c.] Hoc certe non dicere nec facere possent, nisi bonae & a Deo illuminatae ac diligenter examinatae Conscientiae testimonium a pusillanimitate liberaret, & fiduciam sacram adduceret.

Idem August. Tract. 5. in Epist. Joan. 1. Nemo interroget (inquit) hominem, redeat Unusque ad Cor suum, si ibi invenerit fraternam charitatem, securus sit, quia transiit a morte ad vitam] Ubi Augustinus supponit, posse unumquemque dignoscere redeundo ad Cor suum, an ibi invenerit Charitatem fraternam nec ne. Et Tractat. 6. Si vis nosse quia accepisti Spiritum Sanctum, interroga Cor tuum, — Si est ibi dilectio fratris, securus esto] Ex sententia ergo Augustini potest quis nosse, an accepit Sp. Sanctum, idque interrogando Cor suum, an sit ibi dilectio fratris; & tum demum securus esse potest: Potest ergo quis consulendo conscientiam, pro comperto habere, an sit ibi dilectio fratris; & quidem eadem certitudine quae securitatem parere possit, & omnem formidinem excludat.

Et de Trin. lib. 8. c. 8. Qui diligit fratrem, magis novit dilectionem quam fratrem quem diligit] At juxta Joan. qui diligit fratrem non manet in morte; Ergo qui diligit fratrem, evidentissime juxta Augustinum, scit se esse justum, saltem scientia Theologica, ex una propositione de fide, altera evidenti, qualis est illa, Diligo dilectionem; vel Diligo fratrem.

Obj. Suarez de Grat. lib. 9. c. 10. n. 18. Augustinum solum dicere, eum qui diligit Deum aut proximum, evidenter nosse, se diligere & amare ipsam dilectionem qua diligit: hoc tamen non satis esse, ut certo judicet se esse justum; quia non evidenter cognoscit qualis sit illa dilectio, neque an sit, sicut oportet, ut vel ad justitiam proximè disponat, vel ut sit proprius justitiae fructus.

Sol. At Augustinus ait, Qui diligit fratrem, magis novit dilectionem quam fratrem quem diligit. At qui diligit fratrem, evidentissime novit fratrem, Ergo & evidentissime novit, juxta Augustinum, dilectionem suam. (i. e.) Et Actum & veritatem & sinceritatem actus dilectionis: omnis autem vera & sincera dilectio fratris, est talis dilectio qualis oportet: Satis enim est si de sinceritate & veritate dilectionis confiterer, ut non sit fucata aut simulata: Gradus enim certus non requiritur, saltem non summus, sufficit ut sit infimus, modo sincerus, ut diligamus prout oportet, sic actus diligendi sit proportionalis dono infuso, & diligamus pro Viribus.

Idem Augustin. super Psal. 149. Est quidam (inquit) gloriandi modus in conscientia, ut noveris fidem tuam esse sinceram, noveris spem tuam esse certam, noveris Charitatem tuam esse sine simulatione.] Quem locum allegans Catharin. in Expurg. contra Sotum p. 240. Agnosce (inquit) compellans Sotum, quod nosse possemus, & de hoc etiam gloriari, non solum fidem sed etiam spem & charitatem una eademque noticia fidei. Hæc ille, Addo Ego, Posse fidelem in Conscientia gloriari; (juxta Augustinum) de fidei & charitatis sinceritate ac Spei certitudine, quæ gloriatio minime fallit.

Hiscæ accedat illustre Testimonium Bernardi, de consolatione & testimonio Conscientie, lib. de interior. domo. c. 22. Conscientia bona (inquit) titulus est Religionis; Templum Solomonis, ager benedictionis; hortus deliciarum; aureum reclinatorium, gaudium Angelorum, area foederis, thesaurus Regis, aula Dei, Tabernaculum

Sp. sancti liber signatus & clausus, & in die iudicii aperiendus: nihil est jucundius; nihil tutius, nihil ditius conscientia bona: premat corpus, trahat mundus, terreat Diabolus, & illa erit secunda; Bona Conscientia secunda erit, cum corpus morietur; secunda, cum anima coram Deo presentabitur; secunda, cum utrumque in die iudicii ante tribunal terrificum iusti iudicis statuetur: Futura beatitudinis non est utilius remedium, nec certius testimonium bona conscientia; cum mundus omni volubilitate circumrotetur, ploret, rideat, pereat, transiat, nunquam marcescet conscientia bona: Subjiciatur corpus in poena, in jejuniis maceretur, verberibus lanietur, equuleo distendatur, gladio trucidetur, crucis supplicio affigatur, & secunda erit conscientia.] Haec Bernardus: En insignia bonae conscientiae Elogia!

Ex dictis sic conficitur argumentum.

Conscientia verè fidelis indubitato dicat fideli se abrenuntiata omni fiducia in suis actibus & operibus, sese totum conjicere, se totum recumbere, totam suam fiduciam collocare in Christum Redemptorem, & ejus merita & satisfactionem, ob remissionem peccatorum, absque ulla formidine contrarii,

Ergo

Conscientia verè fidelis certum, indubitatum & fidele testimonium perhibere potest & solet de remissione peccatorum absque omni formidine contrarii.

Consequentia patet, quia si conscientia fidelis indubitato & certo dicat fideli, se totam suam fiduciam collocare in Christum Redemptorem & ejus satisfactionem ob remissionem peccatorum absque formidine contrarii; tum indubitato potest inferre fidelis absque formidine contrarii, peccata sibi esse remissa, ex tenore fœderis & promissionis divinæ.

Antecedens probatur, quia conscientia fidelis verè & indubitato judicare potest, an totam fiduciam collocet in Christum & ejus satisfactionem ob remissionem peccatorum: & probatur ex omnibus scripturae testimoniis citatis p. 102; 103. supra. Conscientia testatur de actu elicto affectus fiduciae & de sinceritate actus absque omni formidine contrarii; quomodo testatur de actu assensus. Act. 8. 37. supra p. 109.

Atque hæc de octava ratione.

CAPUT XXVIII.

Ubi eadem certitudo deducitur ex spiritu adoptionis in verè fidelibus.

Ratio deducitur ex testimonio sp. sancti ad Roman. 8. 15, 16. Non accepistis spiritum servitutis iterum in timore & subore ad metum; sed accepistis spiritum adoptionis per quem clamamus Abba (i. e.) Pater: qui ipse spiritus testatur una cum spiritu nostro nos esse filios Dei.] Et ad Galat. 4. Misit Deus filium—factum legi obnoxium ut eos qui sub lege erant redimeret ut adoptionem filiorum reciperemus: quoniam autem estis filii, emisit Deus spiritum filii sui in corda vestra, clamantem Abba (i. e.) Pater. Hinc argumentamur, spiritus sanctus testimonium perhibet fidelibus se esse filios Dei,

Ergo

Fidelis certo novit sibi esse peccata remissa.

Consequentia patet quia quibus spiritus sanctus testimonium perhibet de sua adoptione ii norunt suam adoptionem ac proinde peccata sua esse remissa: stultum enim esset existimare spiritum sanctum liquidum & certum testimonium perhibere

F f

alicui

alicui de re aliquâ, quem tamen noluit hoc ejus testimonium recte cognoscere.

Anteced. probatur, Rom. 8. 16. & Galat. 4. Testatur spiritus sanctus spiritui nostro nos esse filios Dei, quatenus testatur nos veram fidem habere, adeoque esse filios. Gal. 3. 26. Omnes estis filii Dei per fidem in Christo Jesu. Joan. 1. 12. Quotquot eum receperunt, dedit eis *ἐξουσίαν* hanc dignitatem ut filii Dei fierent, nempe iis qui credunt in nomen ejus. Ephes. 1. 13. Oblinati estis spiritu postquam credidistis qui est arrhabo hereditatis nostræ.

Huc facit illud Bernardi. Quis scit, si est dignus amore, an odio? quis novit sensum Domini? Hic fidem nobis subvenire necesse est, ut quod de nobis latet in corde Patris, nobis per ipsius spiritum reveletur, & spiritus ejus testificans persuadeat spiritui nostro, quod filii Dei sumus.

Objeit Bellarm. spiritum sanctum attestari spiritui nostro quod sumus filii Dei, sed hoc testimonium non esse per verbum aliquod expressum (s.) per revelationem sed per experimentum cujusdam suavitatis & pacis interior, quæ non gignit certitudinem nisi conjecturalem lib. 3. de justis. c. 9.

Sol. 1. Apostolus diserte ait spiritum sanctum testimonium perhibere spiritui nostro (s.) menti, intellectui & conscientiæ nostræ, nos esse filios Dei: si autem spiritus sanctus perhibeat testimonium, utique testimonium perhibet verax, cum sit spiritus veritatis: absit autem ut spiritus veritatis, qui à Patre emanat: Joan. 15. 26. Et qui ducit in omnem veritatem: Joan. 16. 13. testimonium perhibeat aut falsum, aut incertum, aut dubium; aut merè conjecturale & non nisi opinativum, seu opinionem gignens: Origenes in locum, ipse spiritus testimonium perhibet. Ipse spiritus adoptionis per quem in filium quis adoptatur, reddit testimonium & confirmat spiritum nostrum, quod sumus filii Dei, posteaquam à spiritu servitutis in adoptionis spiritum venerimus, cum jam nihil inest timoris (s.) nihil propter pœnam gerimus, sed propter amorem Patris cuncta perficimus. Supponit Origenes, filio adoptato nihil timoris inesse, anxii scilicet; testimonium ergo spiritus sancti fidelibus adeo *ἀξίωμα* est, ut excludat omnem formidinem contrarii, juxta Origenem. Hic facit illud Chrysostomi, *ὅταν* (inquit ille in locum) *τὸ πνεῦμα μαρτυρῇ, ποῖα λογισμὸν ἀμφισβόλη*; cum spiritus testatur, quæ tandem restat ambiguitas? Nam si vel homo, vel Angelus vel Archangelus, vel alia hujusmodi potestas hoc polliceretur, par convenientique esset nonnullos hæsitare: quam autem summa essentia, & ea quidem, quæ hoc largita sit donum, etiam per eos quos preces fundere jussit, nobis testimonium asseret, quis tandem de dignitate [hujus scilicet testimonii] ambiget? Homil. 14. in Epist. ad Roman. Nam ut idem Chrysost. in Joan. 15. 26. loquens de spiritu sancto, *ἐκείνος ἀξίωμα ἵνα πνεῦμα γὰρ ἀληθείας ἐστὶ*. Ille dignus fide erit, veritatis enim spiritus est: Propterea non spiritum sanctum, sed veritatis appellavit. Hom. 26. in Joan.] Theophylactus item in Joan. 15. 26. Spiritus — fidelis testis erit, est enim spiritus veritatis. Igitur spiritus veritatis vera testificabitur. Nam à Patre procedit, & omnia clarè novit. Est enim ex eo, à quo omnium scientia.]

Quis ergo testimonium ejus audeat dicere, non gignere nisi certitudinem conjecturalem? Cum clarè novit omnia: clarè testatur.

2. Non quaeritur de modo testandi, quo nos ducit Bellarminus, sed de fide & certitudine testimonii; certum est sp. sanct. juxta Apost. *συμμαρτυρῇ* testimonium perhibere spiritui nostro (s.) menti, conscientiæ, intellectui nostro nos esse filios Dei. Et hoc testimonium verum esse quis audeat ambigere? certe hac de re dubitare parum, distat à blasphemia. Cum spiritus sanctus sit spiritus veritatis.

3. Cum dicat Bellarminus spiritum sanctum attestari spiritui nostro non per revelationem, sed per experimentum cujusdam suavitatis, quæ non gignit nisi certitudinem conjecturalem.

Respon. duo. 1. Aliud est cognoscere aliquid per aliquam specialem & extraordinariam revelationem, aliud per spiritus sancti ordinariam inspirationem mediantibus verbo & Sacramentis & exercitiis fidei & pœnitentiæ, in quibus sunt

sunt preces fidelium. Nos non contendimus verè fideles de remissione peccatorum certos esse per revelationem, immediatam specialem & extraordinariam: sed per ejusdem Spiritus inspirationem ordinariam, mediantibus verbo & sacramentis & exercitiis fidei & pœnitentiæ in quibus sunt fidelium preces; absolutione item sacerdotis dubiæ conscientię succurrentis, & id genus mediis. Solum enim Spiritus Sanctus per hæc media ordinaria inspirare, auxilia gratiæ, actus, motus, & operationes sanctas, intellectui, voluntati & affectibus, quæ homo fidelis experimentaliter sentit & dignoscit, quæque certum præbent testimonium de eorum adoptione & filiatione.

Anselm. in locum, Ipse spiritus divinus testimonium reddit Spiritui nostro, (.i.) recognoscere & intelligere facit spiritum nostrum, quia sumus filii Dei & iterum, Spiritus Dei dum facit nos bene agere testatur quoniam filii Dei sumus.

Idem Anselmus alibi, Spiritus Sanctus mentem quam replet, illuminat. Cajetanus in 1 Cor. 2. Ecce effectus Spiritus quem accepimus, non impetus, non furor, non ecstasis nescientium quid patiantur aut agant, sed ut sciamus; Non dicit ut credamus, quia Spiritus Sanctus infusus Apostolis causavit in illis noticiam certam donorum Dei in usdem.

Sicut enim Jeremias certam habebat noticiam quod Deus misisset eum, affirmans in veritate, misit me Dominus; ita Apostoli certam habebant noticiam quod fides, spes, & charitas, & alia dona gratis data eis erant à Deo.

2. Cum dicit Bellarminus, Spiritum sanctum attestari Spiritui nostro per experimentum cujusdam suavitatis, certum est hoc experimentum suavitatis non esse fallax, dubium, incertum, aut nudè conjecturale; sed verum, certum, indubitatum, & omnem non solum excludens anxietatem sed & formidinem contrarii. Absit ut experimentum suavitatis quam sentimus indente spiritu sancto, sit aut fallax aliquando aut merè conjecturalis, non autem sincera & veri nominis suavitas. Spiritus enim sanctus cum sit spiritus veritatis, non indit suavitatem quæ aliquando aut fallit aut fallere potest gustum verè fidelis.

Ubiunque spiritus sanctus attestatur Spiritui nostro per experimentum de alicujus rei veritate, implicat dicere, illud experimentum non gignere certitudinem ultra conjecturalem.

Cum experimentum illud proficiscatur à spiritu veritatis atque adeo à summa veritate, quæ fallere aut mentiri non potest, imò nec nudam certitudinem conjecturalem gignere in mente aut intellectu ejus cui testimonium perhibet, sed indubitatam & infallibilem, cui non subest aliquando falsum.

Ambrosius lib. 5. Epist. 22. ad Horontianum explicans quid sit adoptio filiorum. Qui spiritu, inquit Apostolus, facta carnis mortificat, vivet. Nec mirum si vivat, cum filius Dei fiat, qui habet spiritum Dei. Adeo filius Dei ut non accipiat spiritum servitutis, sed spiritum adoptionis filiorum, eo usque ut testimonium Spiritui nostro sanctus spiritus reddat quod sumus filii Dei.

Testimonium autem hoc est spiritus sancti, quod ipse est qui clamat in cordibus nostris, Abba Pater, sicut ad Galatas scriptum est.]

Ergo juxta Ambrosium spiritus sanctus testimonium reddit Spiritui nostro (.i.) singulorum fidelium de sua adoptione.

Ex hoc loco colligit Catharinus, spiritum sanctum utrumque efficere, hoc est, & testari & se esse testem ostendere. Discept. prima p. 13. & M. Eisingrein. ait cap. 9. prope finem, ex dictis hic Ambrosii colligi, duo testificari spiritum in homine, primum quod ipse sit qui testimonium præbeat, deinde quod filii Dei sumus, p. 564.

Cajet. in Ro. 8. 15. in verba, In quo clamamus, Abba Pater, nondicit in quo dicimus, (quod commune est omnibus Christianis) sed in quo clamamus, magnitudine affectus, quod est proprium verè filiorum, ut ex hoc quod clamamus (hoc est affectu magno profitemur) in spiritu sancto, Pater, Pater, signum habere cognoscamus internum, quod accepimus spiritum adoptionis.

Nam si non esset adoptionis spiritus non inspiraret nobis tam confidenter

appellare Deum Patrem; Et geminatur Patris nomen ad significandum firmitatem ac rectitudinem fiduciae.] Ecce non certitudinem conjecturalem, sed firmitatem ac certitudinem fiduciae denotari, ex eo quod clamamus, Abba Pater. Et iterum ipse enim spiritus] supple sanctus habitans in nobis. Testimonium reddit, pro contestatur, Spiritui nostro quod sumus Filii Dei. Ecce ratio clamoris, hoc est, magnae confidentiae, recognoscendi Deum ut Patrem.

Et rursus ibid. Adverte quod in textu Graeco non est directè ille met sensus quem Latinus interpret sonat. Graecus sonat duos testes (scilicet Spiritum Sanctum & Spiritum nostrum) de eadem re; scilicet quod sumus filii Dei. Latinus autem unum testem (scilicet Spiritum Sanctum testificantem non nobis, sed spiritui nostro quod sumus filii Dei. Et quamvis utrumque sit verum & in idem redeat; quia tamen Paulus Graecè scripsit, ille est literalis sensus quem Graecus textus sonat: Sc. quod Spiritus Sanctus testis est spiritui nostro, ambobus testificantibus nobis quod sumus filii Dei. Testimonium hoc quod spiritus sanctus reddit simul cum spiritu nostro de hoc quod sumus filii Dei, internum esse significatur ex eo quod ab utroque interno spiritu perhibetur, non aliis sed nobis-ipsis. Et quoniam testimonium hoc non est de possibili, sed de facto (hoc est, non est de hoc scilicet quod possumus esse filii Dei, sed est de hoc quod filii Dei sumus) ideo donum speciale est; Nam testimonium quod possumus esse filii Dei, inter testimonia communia filii comprehenditur: Testimonium autem quod ego sum filius Dei, speciale donum est. Et quoniam nullius testimonii effectus est videre, seu scire rem testificatam, sed credere (non enim inducitur testimonium, sed lumen aut ratio evidentiam faciens ad hoc ut videatur, sciatur res, sed testimonium inducitur ad hoc ut credatur retestificata, ad hoc ut videatur esse credendum sic esse quod testificatur) ideo ex hoc testimonio Sp. Sancti & nostri quod sumus filii Dei, non intelligas me videre aut scire, sed credere quod sum filius Dei, sed videre esse mihi credendum quod sum filius Dei.] Hæc Cajetanus.

Ubi 1. Rectè notat, siue dicamus Sp. Sanctum simplex testimonium perhibere conscientiae nostrae de nostra adoptione, siue dicamus Sp. Sanctum esse contestem cum spiritu nostro de eadem nostra adoptione, quomodo Graecus contextus sonat, utrumque verum est & eodem redit, cum de utriusque testimonii veritate & rectitudine dubitare fas non sit.

2. Notat hoc Testimonium esse internum, quippe non aliis, sed nobis-ipsis, esse

3. Item speciale donum;

Et 4. Hujus testimonii effectum non esse me videre aut scire, sed credere quod sum filius Dei, & videre mihi credendum esse quod sum filius Dei. Non ergo juxta Cajetanum rectitudo de nostra adoptione nititur nudis conjecturis aut opinione incerta; sed fide & quidem fide speciali, quæ assentiore Sp. Sancti testimonio perhibente testimonium Spiritui meo, me esse filium Dei.

Cornelius a Lapide in Rom. 8.26. agnoscit Catharinum & Cajetanum fateri testimonium Sp. Sancti, testari nos esse filios Dei, certitudine infallibili licet non certitudine fidei. At Cajetanus in locum ait fidelem certum esse posse de adoptione, certitudine fidei. Idipsum etiam Catharinus.

Addit ibid. Cajetanus. Media quibus nititur Sp. Sanctus, quæ assumit Sp. Sanctus simul cum nostro in testimonium quod sumus filii Dei, sunt regulariter duo. Alterum est, amor Dei promptus ad obsequendum Sp. Sancto, quem efficit Sp. Sanctus ipsius qui Spiritu Dei aguntur, alioquin non agerentur Spiritu Dei, nisi forsan ad momentum. Alterum est expecta continuatio Divinae gubernationis, custodiendo à damnabilibus, illustrando, inspirando, excitando, movendo, fovendo & hujusmodi. Nam cum experimur tam promptè nos diligere Deum, & tali tantaque cura gubernari à Deo, testimonium à Sp. Sancto habemus sufficientissimum ad hoc ut credamus quod sumus filii Dei, nam ex hoc testimonio clarè videmus credendum nobis esse quod sumus filii Dei.]

Hæc omnia Cajetanus in testimonium illud præclarum Apostoli, Rom. 8. Ubi variis modis asserit, ex Apostolo, testimonii Sp. Sancti de nostra adoptione certitudinem, & quidem ex fide speciali, quæ apertissime pugnant cum nuda conjecturali certitudine Bellarmini & Romanensium.

Cornelius à Lapide respondet testimonium hoc sp. sancti in se quidem certum esse, nobis tamen non esse certum, quia non sumus certi omnino illud esse a spiritu sancto, non autem a diabolo unde, 1 Joan 4.1. dicitur, probate spiritus si ex Deo sint, an à Diabolo, an à natura & *φύσει*; experientia enim quotidiana docet plurimos hic falli.

Sol. Ubi sp. sanctus attestatur nostro spiritui de adoptione nostra quod sumus filii, ibi necesse est ut intelligamus agi de testimonio, non quia in se rectum est, sed quia nobis certum est; nam attestatur spiritui nostro (.i.) nobis, personae scilicet cui testimonium perhibetur, de sua adoptione. Spiritus sanctus enim ubi testimonium perhibet alicui de re aliqua, ipsius personae conscientiam & intellectum certum facit de re testata. Spiritus sancti testimonium adeo certum est & efficax, ut efficiat omnem metum & formidinem de nostra adoptione facessere è medio, ut planè de eadem certioresmur. Tantum abest ut nos non certi sumus an testimonium quod adhibetur, a spiritu sancto, sit; an à Diabolo sit, an à natura & *φύσει*. Ideo sp. sanctus perhibet testimonium, ut fidem faciat, ut certum reddat de re testata illum, cui testimonium perhibet. Parum autem abest à blasphemia dicere, non esse certum illum cui testimonium perhibet sp. sanctus utrum testimonium illud, à spiritu sancto sit, an à Diabolo & *φύσει*. Qui dicit sp. sanctum testificari & tamen non vult hominem nosse quod ipse sit qui testificatur, non aliud dicit; quam sp. sanctum testari, & tamen non velle fidem haberi suo testimonio, hoc autem perinde est ac si dixerim, testatur & non testatur, cum de sui testimonii fide neminem certum faciat ut rectè infert Catharinus in expurgatione adversus Sorum, p. 212. cum ad hoc induatur testimonium ut fidem faciat, ut certioretur ille cui perhibetur testimonium.

Eftius in locum aliter respondet, Paulum non dicere quod Sp. Sanctus testimonium hoc reddat Spiritui meo vel tuo; sed Spiritui nostro: aut certè nobis unà cum Spiritu nostro juxta Græcorum expositionem. Loquitur enim (inquit) in personis iustorum (.i.) eorum qui verè filii Dei sunt; quibus Sp. Sanctus perhibet testimonium, non tamen cuique de se planè certum: sed tantum probabile quod sint filii Dei, probabile inquam ex indiciis & conjecturis.

Sol. Resp. Cum dicit Apostolus Sp. Sanctum testimonium reddere spiritui nostro loquens in persona iustorum, loquitur in persona omnium & singulorum verè iustorum: Spiritus Sanctus ergo reddit hoc testimonium singulis verè iustis qui in filios Dei co-optantur, & quidem cuique de sua adoptione testimonium planè certum, non tantum ex indiciis & conjecturis probabile. Abest ut Spiritus Sanctus testimonium reddat cuique de sua adoptione, & tamen testimonium de se non planè verum sit, cum Spiritus sit veritatis. Abest ut ejus testimonium indiciis & conjecturis probabilibus, tantum nitatur; & non iis indiciis quæ planè sunt *παράδειγμα*. Et indubitatam fidem faciant. Abest ut testimonio quod proficiscitur a summa veritate aliquando subesse possit falsum. Quanto rectius Chrysostomus, & ex eo, Oecumenius, Ubi Sp. Sanctus testatur *τοῖς ἀγαθοῖς ἀγαθὰ*; quæ tandem restat ambiguitas?

2. Respondet Eftius in locum. Ipsa iustis singulis testimonium illud Spiritus Sancti non est pro certo cognitum, quia non possunt illud certò discernere à conjecturis fallacibus. Quo fit ut nec quisque eorum de se certus sit, se esse iustum & Dei filium.

Sol. Dicere testimonium quod Sp. Sanctus perhibet alicui iusto de sua iustitia & adoptione non esse pro certo cognitum iusto, est testimonii Spiritus fidem non parum elevare, & testimonium tribuere Spiritui sancto, planè indignum Sp. Sancto. Siquidem Sp. Sanctus est spiritus veritatis, est item paracletus seu spiritus consolationis, qui solatur fideles, est item testis omni exceptione maior; quomodo ergo dici potest testimonium ejus de verè fidelium adoptione, esse aut falsum, aut incertum, aut non pro recto cognitum iusto, cum ad hoc testimonium perhibet, ut certioresmur de rei testate veritate, ut quisque de sua scilicet iustitia, atque adeo de adoptione certus reddatur, ut ex hoc testimonio solidam & suavem consolationem percipiat. Apud Juris consultos recepta est regula, idem est non esse & non apparere: sic perinde est quoad consolationem fidelium, Sp. Sanctum non testari de eorum adoptione, & non item liquidò de eadem testari, sed rem in dubio relinquere. Hoc enim non esset conso-

consolationem præbere, sed revera anxietatem fidelium augere & eorum spiritum contristare. Porro Apostolus disertè ait, ipsos fideles non accepisse spiritum servitutis in timore, sed accepisse spiritum adoptionis filiorum Dei in quo clamamus, Abba Pater.

Tantum ergo abest ut testimonium spiritus sancti non sit pro certo cognitum verè filiis, aut eos non certò discernere sp. sancti testimonium à conjecturis fallacibus, ut non tantum facessat ab iis omnis anxietas, incertitudo & dubitatio, sed & timor de statu suo, ut spiritus adoptionis clamet in cordibus eorum, Abba Pater, ex magnitudine affectus quod est proprium filiorum, & magna confidentia qua recognoscunt Deum ut Patrem, ut antea ex Cajetano in locum observavimus.

CAPUT XXIX.

Eadem Certitudo probatur ex metaphoris } *Sigilli.*
Arrhe.
Pignoris.

Ratio, desumpta ex metaphoris sigilli, Arrhe, Pignoris,
Fidelis de Adoptione sua certioratur tanquam sigillo, Arrha,
Pignore,

Ergo

Certus est de peccatorum suorum remissione.

Consequens probatur, verè co-optatus in filium Dei seu adoptatus, verè habet remissionem peccatorum. Omnes siquidem credentes in Christum habent remissionem peccatorum, Act. 10. 43. Huic omnes Prophetæ testimonium perhibent, remissionem peccatorum accipere per nomen ejus omnes qui credunt in eum. Idem credentes in Christum jure filiorum donantur. Quotquot eum receperunt, iis hanc dignitatem contulit, ut filii Dei fierent, omnibus nimirum credentibus in nomen ejus Joan. 1. 12. & ad Galat. 3. 26. Omnes filii Dei estis per fidem in Christo Jesu. Omnis igitur credens in filium habet remissionem peccatorum, ac per hoc adoptatur in filium. Qui ergo certus est de sua adoptione, certus itidem est de remissione peccatorum.

Antecedens probatur ex variis Scripturæ testimoniis ad Ephes. 1. 13, 14. In quo [Christo] etiam postea quam credidistis, obsignati estis spiritu illo promissionis Sancto. 14. Qui est arrhabo hereditatis nostræ] verè credentes in Christo redemptore obsignati sunt spiritu promisso credentibus in Christo, & ex promissione dato, juxta illud Rom. 8. 16. Metaphora a sigillo quo tabulæ pactorum seu promissorum robur ac firmitatem accipiunt. Sensus est, ut rectè Estius in locum, per quem scilicet Christum, postquam Evangelio credidistis, obsignati estis spiritu sancto, velut promissionis sigillo: sp. sanctum accepistis, quæ certa nota est, certumque testimonium vos esse filios Dei, ad quos promissa spectat hereditas. Addit Apostolus, qui est pignus Græce *arrhabo*, Latine arrhabo sic Hieronymus, vulgata Pignus. Dissert pignus ab arrhabone, quam usitatius Latini arrham vocant, quod arrhabo datur in emptione vel sponione, quo firma sit obligatio: pignus verò pro mutuata pecunia traditur, ut cum illa reddita fuerit, pignus restituitur.

Hic ipsum sp. sanctum Apostolus vocat & sigillum promissionis quo obsignati sumus: & pignus vel potius arrham hereditatis nostræ (.) quæ nobis confirmetur hereditas promissa, quæ est vita æterna. Cum ergo sp. sanctus detur nobis ut arrha, datur ut certos nos reddat adipiscendæ hereditatis promissæ, ad hoc enim datur, ut confirmetur promissio.

Obfig-

Obsignati estis spiritu promissionis. Anselmus in locum, spiritus promissionis est ille spiritus, quia his quos replet, promittit vitam eternam; & hoc ideo scire quia ipse est pignus, arrha & certitudo nostrae hereditatis quam accepturi sumus a Deo (.i.) charitas, quam nobis spiritus ille infudit, arrha est futurae hereditatis. Pignus enim hoc loco pro arrha positum est. Pignus enim quando datur, Cum datum fuerit propter quod datum pignus est, pignus auferitur. Arrha vero quando aliqua pretii particula primum datur, ut sit signum totius massae dandae: Sic charitas per sp. sanctum data fidelibus, signum & arrha est dandae plenitudinis vitae perpetuae. Hoc enim implebitur unde arrha data est: Nec ipsa arrha (.i.) charitas nobis auferetur, sed adimplebitur, quando summa reddetur. Hæc Ille.

Obijcit Eftius. 1. De ipso pignore accepto (.i.) sp. sancto quantum ad donum charitatis, neminem fidelem esse plane certum.

Sol. At contra Joan. Epist. 1.3.14. Nos scimus nos translatos esse ex morte ad vitam quia diligimus fratres] quomodo potest quis certo scire se translatum esse ex morte in vitam, ex eo quod diligit fratrem, nisi certo scire potest se diligere fratrem? Aut quomodo Christus hanc notam posuit veri nominis discipuli, si invicem se diligant, nisi constiterit cuique, an sincere diligit fratrem necne?

Augustinus ut supra videmus, ait, Qui diligit fratrem magis novit dilectionem, quam fratrem quem diligit de Trin. 8.c.8.

2. At obijcit, Arrham ab eo cui datur, custodiri debere tunc representandam, quando res promissa accipienda est, quod nisi fecerit, jus accipiendi amittit: quomodo fit in sponsonibus humanis. Unde ait, nisi sp. sanctum pro pignore acceptum, quis servaverit usque ad finem, excidit hereditate promissa. Non enim promittitur hereditas, nisi ei qui vicerit & custodierit usque in finem opera filii Dei, quæ eadem sunt dona sp. sancti. Apocal. 2.19.

Sol. Resp. Verum est arrham ab eo cui datur custodiri debere, dicimus nos & ipsa custodiri, ita tamen ut ejus salva custodia non tam committatur libero arbitrio possidentis, quomodo fit in sponsonibus humanis, quam curæ & fidelitati Dei promittentibus se hoc depositum conservaturum; unde Paulus 2 Tim. 1.12. Non confundar, scio enim cui credidi, & certus sum, qui potens est servare depositum in illum diem. Certus erat Apostolus, pignus salutis, seu arrham hereditatis, depositum apud Deum ab eo qui potens erat, in tuto conservandum fore in diem illum. Custoditur ergo hæc arrha & usque in finem, nec unquam habens hanc arrham excidet ab hereditate promissa; non tamen viribus habentis, sed auxilii divini efficacis adiutorio, juxta illud Propheta, timorem meum in domibus eorum ne recedant a me, Jerem. 32. Quibus igitur datur hæc arrha, in iisdem in tuto conservatur hæc arrha, cujus portio est timor iste de quo Propheta, idque ex promissione & auxilio indantis Dei, & fidelitate in servandis promissis. Unde Augustinus edisserens hunc locum de bon. persever. c.2. Cum citasset locum Jeremæ, subjicit quod quid aliud est (inquit) quam talis ac tantus erit timor meus, quem dabo in cor eorum, ut mihi perseveranter adhereant.]

Antecedens confirmatur etiam alio loco. 2 Cor. 1.22. Qui nos confirmat vobiscum in Christum, qui & unxit nos deus est. Qui etiam obsignavit nos deditque arrhabonem spiritus in cordibus nostris.]

Hic alloquitur Paulus fideles Corinthios, affirmans Deum esse qui utrosque confirmet (.i.) utrisque constantiam largiatur; ipsi quidem ut constant & sincere Christum prædicet: illis vero ut constant in Christum credant. Deum autem confirmare fideles per spiritum suum, illustrat triplici simili: Confert enim sp. sanctum oleo, quo Deus fideles ungit, (.i.) donis celestibus imbuit, qualia sunt fides, spes, charitas. Deinde sigillo, quo Deus fideles obsignat (.i.) tanquam imprimendo sigillum, ut de rebus in Evangelio promissis certiores fiant. Ut enim instrumentum sit authenticum appenso sigillo, adeo ut illo instrumento de hereditate possidenda certioramur: sc. sp. sancti donis imprimis charitatis, obsignari de hereditate celesti possidenda certi reddimur.

Postremo arrhæ, quæ certiores de aeterna hereditate, habentes in cordibus suis, spiritualem arrham; Est autem arrha seu arrhabo pars pretii numerandi pignoris

loco data. Solet autem arrha tam sponsis quam negotiatoribus dari in securitatem contractus. Spiritus sanctus ergo fideles confirmat, & certiorare solet corda fidelium de futura felicitate donis suis tanquam sigillo, & arrhâ quam qui accepit, is plenam, summam suo tempore numerandam jure suo expectat.

Chrysoſt. in locum, & dedit arrhabonem spiritus in cordibus nostris] Non spiritum simpliciter dedit, sed arrhabonem nominavit, *ἡ ἀρχὴ τοῦ ἁγίου πνεύματος* ut per hoc de toto fiduciam concipias. Neque enim (inquit) si totum daturus non esset, arrhabonem præberet, ac frustra & temerè perdere in animum induxisset] Ubi non minus eleganter quàm solidè infert; Si Deus hac arrhâ nobis prius data, reliquam hereditatis possessionem consequenter non adjiceret, ipse arrhâ perditæ damnum pateretur. Theophylactus etiam imitatus Chrysoſt. Quod si arrhabonem dedit, totum omnino etiam dabit.

Anselmus in locum. Qui mortalibus adhuc spiritum suum dedit, dubium non est quin immortalibus addat gloriam. Ad hoc enim pignus accepimus, ut de promissione quæ nobis sit certitudinem teneamus. Donum ergo sp. sancti pignus dicitur quia per hoc anima nostra ad interioris spei rectitudinem roboratur.] Et addit, donum autem sancti spiritus habet, quisquis igne charitatis ardet, & ideo se ad æternam beatitudinem perventurum, si perseveraverit, non dubitet.

Similis locus occurrit in eadem epistola, 2 ad Corinth. c. 5. v. 5. Porro Deus est qui ad hoc ipsum nos condidit, qui etiam dedit nobis arrhabonem spiritus.] (i.) Porro Deus est qui nobis gloriam collaturus est, ut quis ad hoc ipsum nos condidit, ut glorificemur, & hujus rei arrhabonem dedit sp. suum.

In quem locum Chrysoſtomus, semper autem arrhabonis vocabulo utitur, tum ut demonstret se totius hujus rei debitorem esse, tum ut majorem fidem atque auctoritatem apud obtusioris ingenii homines conciliet.] Hoc ipso quod arrham dedit facit se debitorem totius summe conferendæ: Ex collatione donorum gratiæ facit se debitorem ad conferendam gloriam. Porro arrhâ vocabulo utitur ut majorem fidem & auctoritatem conciliaret apud obtusioris ingenii homines, quibus notissimum est data arrhâ, totam summam solverendam esse. Theophylactus etiam in locum. Ita igitur futuræ immortalitatis arrhâ est Spiritus—Rursus, Qui dedit nobis in præsentem spiritum ex parte, arrhabonem quandam dedit se totum traditurum, & paulo post. Ubi igitur pusillum hic acceperis, arrhabonem videlicet, confide quod & totum tunc prorsus sis habicurus.

Oecumenius in 2 Cor. 5. 5 Qui etiam dedit nobis arrham] ubique autem arrham Spiritus dicit, debitorem ipsum reddens ut etiam det quod perfectum est. Vid. eundem in Ephes. 1. 13, 14.

Anselmus in locum, Dedit nobis pignus Spiritus] (i.) dedit nobis sp. sanctum, qui est nobis pignus & certitudo immortalitatis futuræ. Per spiritum enim quem dedit nobis, facit nos suscipere desiderio incorruptibilis vitæ, & certos reddit, quod hanc consequemur, cujus jam pignus tenemus.] Pignus ergo sp. sancti non gignit in nobis conjecturalem opinionem, sed certitudinem immortalitatis futuræ, & certos nos reddit quod hanc consequemur cujus pignus tenemus.

CAPUT XXX.

Ubi eadem certitudo demonstratur ex natura & efficacia Sacramentorum.

Ratio desumi potest ex natura & efficacia Sacramentorum. Sacramenta instituta sunt ad obsignandam gratiam oblatam in sacramentis. Deus enim non solum promittit in verbo suam gratiam; sed & promissioni suæ addit sacramenta (.i.) signa visibilia ut sint sigilla promissionis gratiæ in verbo evangelii oblatæ, ac media seu instrumenta alendæ & confirmandæ fidei, qua unusquisque certò statuat ad se in individuo, Christi beneficia (.i.) remissionem peccatorum, renovationem naturæ nostræ & gratiam adoptionis pertinere;

Ergo,

Danda & concedenda est fides Specialis, quā unusquisque fidelis potest beneficia parta morte Christi, sibi in particulari applicare.

Consequens probatur: Si enim Sacramenta ideo instituta sunt ut sigilla essent novi fœderis; & obsignarent verè credentibus in Christum Redemptorem promissiones fœderis; vel ut explicatius dicam, ut certos faciant verè fideles, omnia beneficia in fœdere promissa sibi in particulari & offerri & conferri & jure fœderis exhiberi. Cum autem in hisce beneficiis emineat peccatorum remissio, quisque verè fidelis hæc Sacramentis certiorari potest de remissione peccatorum, quomodo certus est de perceptione ipsius Sacramenti.

Antecedens probatur, 1. Exemplo Circumcisionis, Sacramentum illud instituitur, Gen. 17. 10. his verbis, Hoc est pactum quod custodietis inter me & vos, & inter semen tuum post te, ut circumcidatur in vobis omnis masculus. Circumcidetis igitur carnem præputii vestri ut sit signum fœderis inter me & vos. Sed quòdnam illud fœdus? versu 7. illius fœderis promissio ex parte Dei exponitur. Ero Deus tui & seminis tui. Condicio ex parte Abraham & seminis sui præstanda ver. 1. primo, Ambula coram me & esto integer. Sed quale signum hujus fœderis circumcisio? num solum commemorativum, seu admonitorium in memoriæ subsidium? Sic Bellarminus, At Paulus longè aliter Rom. 4. 11. Accepit Abraham] signum circumcisionis, signaculum justitiæ fidei; Ubi disertè Apostolus docet, quale fuit illud signum, nimirum obsignatorium & certificatorium, & cujus rei? justitiæ fidei ut se justum coram Deo constituisse per fidem in Christum venturum; hoc autem erat beneficium promissum in fœdere gratiæ, & suo ambitu comprehendebat remissionem peccatorum.

Obj. Bellar. de Sacramen. in Genere l. 1. c. 17. Hoc intelligendum esse de sola circumcissione, quòd sit sigillum fœderis, non de aliis Sacramentis.

Sol. Resp. Falsum est solam circumcissionem fuisse sigillum justitiæ fidei, nam Sacramenta omnia quæ instituta sunt, ut sint signa fœderis, etiam instituta sunt pariter, ut essent sigilla justitiæ fidei; (.i.) ut obsignarent verè fidelibus, se justos esse fide in Christum. In V. Testam. fide in Christum venturum; in N. Test. fide in Christum jam mundo exhibitum. Sic in V. T. Agnus Paschalis Exod. 12. 13. dicitur signum, & certè fœderis quod Angelus disperdens transiret domus Israelitarum, ubi postea aspersi sunt sanguine Agni, nec signum commemorativum aut admonitorium, sed obsignatorium & certificatorium hujus transitus Angeli, (.i.) sigillum hujus liberationis. Baptismus item qui successit circumcissioni Ephes. 2. 11. & Coloss. 2. 11, 12. in N. Test. est signum fœderis, & non minus sigillum justitiæ fidei quam circumcisio, cum promissio gratiæ sit illi annexa Marc. 16. 16. Qui crediderit & baptizatus fuerit, salvus erit. Eucharistia etiam quæ successit Agno Paschali, est signum fœderis non monitorium, sed obsignatorium & certificatorium, quod perinde est ac si diceremus, sigillum justitiæ fidei. Panis enim denotat

G g

corpus

corpus Christi crucifixum 1 Corin. 11. 24. Hoc est corpus meum quod pro vobis frangitur.] Id est, signum exhibitorium & obsignatorium corporis crucifixi. Et vinum in poculo sanguinem in cruce effusum. Hinc Christus Matth. 26. 28. Hoc est sanguis novi fœderis, qui pro multis effunditur in remissionem peccatorum. Et Luc. 22. 20. Hic calix est novum fœdus in sanguine meo, & comedendo hunc panem & bibendo hoc poculum annunciamus mortem Christi, dicente Apostolo, & panis quem frangimus nonne est communio corporis Christi? & poculum Benedictionis cui benedicimus nonne est communio sanguinis Christi?

Perceptione ergo digna horum mysteriorum participes facti sumus mortis Christi, & omnium beneficiorum quæ sanguine pro nobis promeruit, eademque beneficia nobis obsignantur, & de eorum collatione tanquam sigillo aut pignore certioramur. Est ergo Eucharistia etiam sigillum iustitiæ fidei, æquæ ac circumcisio. Vult enim Servator, ut credentes promissioni, Hoc est corpus meum quod pro vobis frangitur, & hic est sanguis novi fœderis, qui pro multis effunditur in remissionem peccatorum, & simul recumbentes in corpus crucifixum & sanguinem effusum ob remissionem peccatorum; & hæc symbola panis & vini percipientes nequaquam dubitemus, tam verè nos fieri participes carnis & sanguinis ejus per fidem, quam verè panem & vinum ore participamus. Eucharistia ergo tam obsignat verè fidelibus promissionem de remissione peccatorum per mortem Christi, ac verè dici potest sigillum iustitiæ fidei æquæ ac circumcisio, Id quod pariter dici potest de Agno Paschali & Baptismo.

2. Excipit Bellarminus ibidem nullam mentionem facere Apostolum, aut promissionis, aut fœderis aut pacti sed tantum *σημαίνω* & *σφραγίζω* simpliciter signi & sigilli, non autem signi aut sigilli, pacti aut fœderis.

Sol. Sed æquæ falsum hoc, nam Gen. 17. 11. ad quem locum respicit Apostolus, dicit Dominus circumcidetis carnem præputii vestri, & erit *ברית בריית* quod reddunt LXX, *ἐν σημειῶ*, verius ex Hebræo *ἐν σημειῶν διαθήκῃς*, in signum fœderis inter me & vos. Apostolus sic exprimit *ἐλαβε σημεῖον περιτομῆς*, accepit signum circumcisionis supponens esse signum fœderis, quippe, cum Gen. 17. sæpius ipsa circumcisio dicitur *διαθήκῃς*, ipsum fœdus ver. 7, 9, 10. (.i.) Sacramentum fœderis. Et Stephanus in concione Act. 7. 8. Dedit Deus iis *διαθήκην περιτομῆς*, id est, dedit iis pactum circumcisionis. Et Ecclesiastici 44. 20. agens de Abraham Sapientis, *ἐν σφραγίδι αὐτοῦ* [Abrahæ] *ἐλαβε διαθήκην*, & in carne ejus posuit fœdus.

2. Ex eo quod Apostolo dicitur sigillum iustitiæ fidei apertè significatur, sigillum esse ejus promissionis Evangelii quæ testatur nos fide vivere, & credendo in Christum consequi remissionem peccatorum. Rom. 1. 17. Joan. 3. 16. Act. 16. 43. Atque in hunc sensum Theophylactus exponit, Ait, Abrahamum signum circumcisionis accepisse, *ἀντὶ σφραγίδος σφραγισθέντος*, pro sigillo obsignante ac prædicante quod & fide iustificatus est, quam sanè fidem jam antea cum præputiatus esset, ostendit.]

Oecumenius item in locum, Non ob aliud Circumcisus est, quàm ut circumcisionem deferret in signum, ac demonstrationem iustitiæ; vel ut postea loquitur, signum (inquit) circumcisionis signaculum erat, tanquam signum & comprobatio iustitiæ, quæ per fidem in præputio facta est.

Theodoretus in locum, Non est Circumcisio iustitiæ, sed testimonium iustitiæ & signaculum, & signum fidei, quam ante Circumcisionem acceperat.

Toletus in locum, Circumcisionem ait fuisse signum a Deo impositum & institutum ad significandum fœdus quod pepigit Deus cum Abraham & posteritate ejus, nempe de illius semine venturum eum in quo omnes gentes & populi erant benedicendi. Ut enim (inquit) arcus in nubibus cœli positus est a Deo Genes. 9. in signum fœderis & pacti initi cum homine, non amplius omnem carnem aquis diluvii delictum iri: Ita alterius pacti & fœderis initi cum Abrahamo & ejus semine, nempe Christum in quo salus hominum posita

posita erat, de illius earne venturum, circumcisio in signum posita, idque confirmat ex Gen. 17. circumcidetur (inquit) omne masculinum vestrum, & circumcidetis carnem præputii vestri, & erit signum testamenti inter me & vos.]

Hac ratione circumcisio signum erat nempe pacti divini cum Abraham & posteritate ejus.] Hæc Cardin. Toletus in locum. Ubi circumcisionem ait fuisse signum a Deo institutum ad significandum fœdus quod pepigit Deus cum Abrahamo & semine ejus, de Christo venturo, erat ergo signum fœderis & pacti divini juxta Toletum, contra quàm habet Bellarminus.

Etius item in locum quærit, cujus rei signum erat circumcisio? Responder signum fuisse principaliter institutum ad significandum fœdus quod pepigit Deus cum Abraham & ejus posteritate, ut patet ex Gen. 17. Et paulo post. Græca dictio *σημα*, quam interpretes vertit signaculum propriè significat sigillum quo aliquid obfignatur, postea addit, sentit Apostolus circumcisionem Abraham datam ut sigillum quo præcedens ejus justitia comprobaretur, ratificaretur, certaque ac firma redderetur.]

Juxta Estium ergo Circumcisio erat signum & sigillum fœderis quo fœdus obfignabatur, & quo præcedens ejus justitia ratificata fuit, & firma ac recta reddebatur. Quæ explicatio è diametro adversatur Bellarmino. Ex dictis patet circumcisionem fuisse Sacramentum divinitus institutum ad obfignandum fœdus gratiæ.

3. Excipit Bellarmin. lib. de Sacramentis, in genere 1. C. 17. hoc fuisse privilegium solius Abraham, ut circumcisio ei esset sigillum justitiæ fidei, nec posse ad alios transferri.

Sol hanc exceptionem non minus frivolam esse quam superiores. Nam certum est Abrahamum non solum circumcisum fuisse, sed & posteros ejus, nec solum fide justum fuisse sed & posteros, aut cum illo solo fœdus ictum sed & cum posteris, ergo & sigillum fœderis erat æquè posteris atque illi appensum & appendendum. Cum illi æquè indigi erant, ut fidei justitia æquè eis confirmetur, atque Abrahamo ipsi. Non negamus tamen privilegia quædam quoad circumcisionem attinet indulta fuisse Abraham soli.

Et 1. Quod primus circumcursionem accepit.

2. Quod fœdus pro se & posteris Cum Deo primum initum esset.

3. Quod sit pater credentium; sed circumcisionem fuisse soli Abraham sigillum justitiæ fidei, nimis absurdum est & audax assertum. Augustinus certè sæpe ait, Circumcisionem fuisse posteris Abraham sigillum Justitiæ fidei. Ut de nuptiis & Concept. lib. 2. cap. 11. Et de Baptismo contra Donatist. lib. 4. c. 24.

4. Excipit Bellarminus: Sacramenta esse signa justificationis & quidem infallibilia ex parte sua non absolute. Non enim significat ceremonia v. g. Baptismi hominem absolute lavari & mundari à peccato, sed lavari & mundari quod attinet ad vim & efficaciam Sacramenti, modò non impediatur effectus per indispositionem suscipientis.

Sol. Resp. Neque nos dicimus esse signa infallibilia & sigilla remissionis peccatorum, nisi præcedat debita dispositio in suscipiente. Hic tamen excipiendi sunt parvuli, in quorum Baptismo non requiritur ulla prævia dispositio in suscipiente parvulo, utpote qui per ætatem non sunt capaces poenitentia & fidei. Sufficit enim illis ad effectum Baptismi consequendum, ut obicem nullum ponant actu aliquo voluntario. In adultis tamen requiritur debita dispositio in suscipiente. Non enim sunt Sacramenta sigilla certiorantia remissionem peccatorum, nisi verè poenitentibus, & credentibus in Christum Mediatorem ob remissionem peccatorum. Sin autem quis verè contritus fuerit & doleat de peccatis admissis, & in Christum credat Mediatorem, dicimus ejusmodi suscipientem posse certiorari, & reipsa certum reddi ordinariè, præsertim in exercitiis fidei & poenitentia, de sua justificatione & remissione peccatorum, quatenus certus esse possit certitudine experientia, se hosce actus elicere.

Argumentum hoc à natura & efficacia sacramentorum desumptum pro certitudine gratiæ, paulo aliter proponitur ab Ambrosio Catharino Pontificio, quàm à nostris, annotante Bellarmino.

Sacramenta non ponenti obicem certò gratiam conferunt, potest autem qui Sacramentum recipit, certò scire a se nullum obicem poni, Ergo potest certo scire sibi esse remissa peccata.

Objicit Bellarm. lib. 3. c. 11. de Justificat :

1. Argumentum ejus rectè concludere, posse eum qui non est sibi conscius fraudis alicujus, certum esse de remissione peccatorum, sed certitudine quadam humanà & morali, non certitudine fidei, quia non potest certitudo fidei haberi (si revelationem removeas) de intentione Ministri, sine qua (inquit) non perficitur Sacramentum, neque de remotione omnis impedimenti, cum fieri possit ut aliquis non sit sibi conscius obicis, & tamen re ipsa obicem ponat, cum affectum gerat ad peccatum aliquod læthale, quod esse peccatum ignoret.

Hæc Bellarminus : Ubi ait non posse quemvis suscipientem sacramenta certum esse se obicem non ponere quia certitudo fidei haberi non potest,

1. Ordinarie de intentione Ministri,
2. De remotione omnis impedimenti.

Sol. Resp. 1. Hæc exceptio de intentione Ministri non petita est ex fontibus Israelis, sed ex lacunis Scholasticorum. Intentio ministri nec addit nec adimit quicquam integritati vel efficaciam Sacramenti quæ non pendet ex intentione ministrantis, sed ex intentione divina, quid enim ibi faciat minister malus ubi est bonus dominus & ex intentione matris ecclesiæ, quæ semper supponitur bona & sincera, quicquid sit de intentione ministri.

Resp. 2. Certum esse posse suscipientem Sacramenta se non ponere obicem actu aliquo pravo voluntario ; certum esse itidem posse de veritate contritionis ; certum etiam esse posse de proposito abrenunciandi omnia peccata cognita, & de proposito novæ vitæ, certitudine experientia propriæ ; se etiam verè recumbere in Christum Redemptorem, & ejus merita ob remissionem peccatorum. Verè enim poenitens & contritus, verè etiam fidelis, certò experitur certitudine excludente omnem formidinem contrarii, certitudine etiam cui non potest subesse falsum, se verè dolere ob offensam Dei, se item credere in Christum Redemptorem seu fiduciam suam omnem in Christum Redemptorem & ejus merita reponere ob remissionem peccatorum, abdicatis omnibus suis operibus in negotio justificationis, coram tribunali divino. Spiritus Sanctus siquidem qui inspirat actus hosce poenitentia & fidei ; simul indit certam notitiam horum actuum, certitudine excludente omnem formidinem contrarii, Esto ergo ut hæreticorum & hypocritarum actus experimentales quibus præsumunt se poenitentiam agere & credere in Christum redemptorem, fallant sæpe, imo semper fallant : Verè tamen fideles elicientes actus fidei & poenitentia & aliarum virtutum in suo experimento non falluntur.

Qui verè habet experimentum alicujus actus, v. g. actus credendi aut confidendi, non solum certus est quòd non decipiatur sed nec posse decipi in eo quod experitur evidenter, per evidentiam enim certum est neminem posse decipi. Nam ut rectè Andreas Vega de incertit. Gratia l. 9. c. 39. p. 200. B. De ratione (inquit) evidentia cujuscunque est, per eam non posse quemquam decipi, neque possibile est ut quod evidens est, falsum sit. Et quicunque evidentiam habet de aliqua veritate, certus est se non decipi in assensu illius. Et eodem capite p. 201. A. Incunctanter asserendum esse existimo, eum qui evidentiam habet non solum certum esse quòd non decipiatur, sed & certum esse eum non posse decipi in eo cui assentitur evidenter. Nam per evidentiam certum est neminem posse decipi. Vide Reliqua.

Hæc omnia : Vega de omni vera experientia in actibus naturalibus ; quanto verius hoc dici potest de actibus adjutorio divinæ gratiæ elicitis, de quibus jam agitur. Fidelis enim verè habet evidentiam experimentalem se ejusmodi actus elicere. Spiritus Sanctus enim adjuvando ad horum actuum productionem non adimit hisce evidentiam suam, sed potius adjicit. Spiritus sanctus enim inspirando actum pium & salutarem, simul illuminat mentem & indit rectam notitiam hujusmodi actus, & recti-

tudi-

tudinem excludentem omnem formidinem contrarii. Synodus Sardinienſis in Episto-
la Synodica quæ primùm edita eſt à Jacobo Sirmundo, & præſigitur libris Fulgentii
de veritate prædeſtinationis, ſic habet, Eſſi quidam gratiam necdum habentes non
ſe intelligunt non habere; illi tamen qui gratiam divinitus acceperunt, eò magis de-
bent in ipſius gratiæ aſſertione firmari, quo eam vident non omnibus tribui. Neceſſe
eſt autem ut ab eis quibus non tribuitur ignoretur; & ab eis agnoſcatur, quibus divina
largitate donatur.

Teſtatur enim Apoſtolus dona Sp. Sancti, ejuſdem Sp. Sancti acceptione cognoſci,
Ideo ait 1 Cor. 2. Nos autem non Spiritum huius mundi accepimus, ſed Spiritum qui
ex Deo eſt, ut ſciamus quæ a Deo donata ſunt nobis—— per Sp. ergo Sanctum gra-
tiam accipimus quâ acceptâ ſit in nobis ut quod accepimus noverimus.] Hæc Aphri-
cani Patres in dicta Epistoſa. Ubi diſertè aſſerunt.

1. Gratiam divinam neceſſe eſſe, ut ab iis quibus non tribuitur ignoretur, & ta-
men ab iis agnoſcatur quibus divina largitate donatur.

2. Idipſum confirmanſ ex Apoſtolo, 1 Cor. 2.

3. Aiunt, accepta gratiâ ſit in nobis ut quod accipimus noverimus.

Fulgentius item de veritate Prædeſtin. p. 56. Ipſa gratia ſe facit cognoſci, dili-
gi, deſiderari, poſtulari.] Ex mente ergo Fulgentii, ipſa gratia indit in mentem habentis
ſuiipſius notiſſiam, dilectionem, deſiderium, poſtulationem.

C A P U T XXXI.

Scriptura dictam certitudinem ſumit pro conſeſſo.

12. **R**atio, ſuccedat.

Scriptura ſumit pro conſeſſo, verè fidelem poſſe cerò dignoſcere an
ſit in ſtatu gratiæ, an verè credat in Chriſtum Redemptorem, an verè &
ſincerè poenitentiam agat, necne? 2 Cor. 13. 5. Voſmetipſos tentate
an ſitis in fide, voſmetipſos probate, annon cognoſcitis, quia Chriſtus in vobis eſt,
niſi forte reprobi eſtis?] Ubi Apoſtolus pro conſeſſo ſumit Corinthios fideles poſſe
tentando dignoſcere an ſint in fide (.i.) an veram ſcilicet fidem habeant, an hypo-
criticam, & ſic, num per fidem ſentiant Chriſtum habitantem in cordibus ſuis,
an non?

Bellarmin. vult Apoſtolum loqui de præſentia Chriſti apud Corinthios non ſecundum
gratiam gratum facientem; ſed ſecundum potentiam providentiam & miracula, quæ
apud illos faciebat.

Sol. R. Eſſi verba poſteriora eo in loco de præſentia Chriſti ſecundum potentiam
& miracula aliquatenus intelligi poſſint; tamen verba à nobis citata, Vos ipſos ten-
tate an ſitis in fide, voſ ipſos probate, huc torqueri nullo modo poſſunt. Non vult
Apoſtolus Corinthios circumſpicere extra ſe, an videant in Eccleſia experimenta po-
tentiz vel miraculorum Chriſti; ſed vult Corinthios in ſuas conſcientias deſcendere
eâſque explorare num habeant veram & ſinceram fidem, num per fidem ſentiant Chri-
ſtum habitantem in cordibus ſuis, an non? Id enim vult Apoſtolus cum ait *ἐαυτοὺς
δοκιμάζετε*, voſmetipſos probate .i. an Chriſtum in vobis manentem habeatis? Quo-
rum autem tam ſerîo hortatur & jubet eos ſemet tentare & probare an in fide ſint, ſi
de ſua fide & gratia nemo certus eſſe poſſit. Imò videtur aſſerere indicium eſſe homi-
nis in reprobum ſenſum traditi, non cognoſcere Chriſtum in eo eſſe, & habitare
per fidem.

Eſtius in locum ait malè colligere ex hoc loco Sectarios, hominem juſtum cerò
ſcire ſe eſſe filium Dei, & Chriſtum inhabitantem in ſe habere. At facile (inquit)
reſelluntur ex verbis præcedentibus. Etenim ſi Corinthios admonet Apoſtolus, ut

ſcip

seiplos probent ac tentent num sint in fide, per quam Christus in eis sit, utrique de ea re certi non erant. Nam quod certum est probatione non eget.

Sol. Resp. Apostoli admonitio ut seiplos probent ac tentent Corinthii an sint in fide, non tollit, quin potius asserit certitudinem illam de qua nos agimus, cum probatio sit medium quo certitudo acquiratur, Probatio enim adhibetur ad maiorem certitudinem acquirendam. Nos non dicimus certitudinem omnimodam haberi ante probationem; sed dicimus probationem esse medium acquirendi certitudinem maiorem de re aliqua. Dicimus item frustra hortari Apostolum ut nos probemus & tentemus nisi hisce mediis certitudo indubitata acquiri possit. Aurifex frustra adhiberet Lydium lapidem ad probandum aurum, sitne purum & sincerum, nisi de auri puritate & sinceritate hac probatione rectitudo indubitata haberi potuisset.

Alter locus habetur, 1 Cor. 11. 28. Probet ergo se unusquisque & ita de pane hoc edat & de calice bibat (.i.) probet se an veram fidem & poenitentiam habeat, an fraterno charitatis affectu ad hanc mensam accedat. Hisce enim imbutus est dignus convivere, & sine his nihil profunt Sacramenta. Ut quid autem tam sedulo hortetur Apostolus ut nos probemus an dignè accedamus, nisi certò dijudicare possimus & non per solam conjecturam inter fidem & poenitentiam sinceram & fucam inter amorem amicitiae & amorem concupiscentiae, inter charitatem & cupiditatem, inter spem incertam & spem quæ non confundit? Jubet Propheta aut saltem hortatur propheta Thren. 3. 40 ut corda nostra scrutemur; ut quid urgeret propheta tam accuratum scrutinium, si scrutando sola certitudo vel potius opinio conjecturalis tantum acquiratur?

Alter locus extat, 1 Cor. 2. 11. Ubi supponit Apostolus Spiritum hominis scire & quidem certò proprios actus interiores. Nemo scit (inquit) quæ sunt hominis nisi Spiritus hominis.] (.i.) Nullus homo certò & indubitato scit internos actus (.i.) cogitationes, volitiones, intentiones & affectiones hominis, nisi spiritus hominis cogitantis, volentis, intendentis & affectus hosce in se sentientis; supponit ergo quæ in hominis intimis, puta in corde & mente delitescent, nimirum cogitationes, volitiones, & intentiones, ipsum Spiritum hominis certò & indubitato cognoscere, utpote qui homini ipsi sit intimus, non autem alium quemvis. Ut per hoc intelligamus reliquos spiritus tam hominum quàm angelorum, quia in ipso non sunt, nescire quæ ipsius hominis sunt (.i.) quæ in ipsius sunt corde, ut rectè Cajetanus in locum.

CAPUT XXII.

Certitudinem Gratia in fidelibus Scriptura di- recte affirmat.

13 **S**criptura non tantum supponit fidei certò perspecta esse dona Dei nobis donata, puta fidem, poenitentiam & id genus alia, sed & directe affirmat, 1 Cor. 2. 12. Nos non accepimus Spiritum mundi, sed & Spiritum qui ex Deo est, ut sciamus quæ Deus nobis est gratificatus.

Bellar. 3. de Justif. c. 9. §. Octavum testim: ait non loqui Apostolum de notitia beneficiorum, quæ in particulari ad hunc aut illum pertinent, sed de notitia beneficiorum quæ Deus præparavit electis suis, qualia sunt imprimis hæreditas & gloria regni cælorum.

Sol.

Sol. R. Agere Apostolum de notitia quorumlibet beneficiorum Dei, nec tantum de scientia generali beneficiorum Dei, sed & de specialibus beneficiis quae fidelibus conferri solent, quae dantur eo fine ut sciamus quae donata sunt nobis, quae beneficia adepti sumus & à Deo impetraverimus, ut eo magis ad gratiarum actionem excitemur, qualia sunt reconciliatio, remissio, adoptio, &c. qualia sunt dona poenitentiae, fidei, spei, charitatis & id genus alia.

Atque sic Synodus Sardinienfis in Synodica Epistola sup. p. 99. de gratia quavis praeviente intelligit.

Augustinus etiam Tract. 85. in Joan. ubi sic habet. Nos autem, charissimi, ut amici Domini esse possimus, quid noster Dominus faciat, sciamus: non solum enim homines, verum etiam iustos ipse facit nos, & non ipsi nos, & ut hoc sciamus, quis nisi ipse facit? non enim spiritum huius mundi accepimus, sed spiritum qui ex Deo est, ut sciamus quae à Deo donata sunt nobis.]

Ubi vult August. Deum facere ut quislibet iustus sciat se à Deo iustum fieri, idque ex hoc testimonio Apostoli probat.

Anselmus in locum, Spiritum qui ex Deo est accepimus (.i.) divinum quendam radium illuminantem nos, ut per eum sciamus beneficia quae sunt nobis à Deo donata. Spiritus enim Dei mentem quam replet illuminat, spiritus autem mundi excacat, & mox, nos per spiritum ejus novimus, & dona ejus nos habere & ab eo accepisse. Quoniam sunt illa dona mox explicat, redemptionem, remissionem peccatorum, virtutum multiplicationem, & aeternae beatitudinis spem.] Quid clarius?

CAPUT XXXII.

Certitudo gratiae specialiter probatur ex testimonio Joannis Apostoli.

Hoc idem probatur ex testimoniis Joan. Apost. Joan. 14. 17. Mundus non potest recipere [spiritum veritatis] quia non videt eum: vos autem cognoscetis eum, quia apud vos manet & in vobis erit.] Promittit hic Christus Apostolis suis nomine omnium fidelium, quos opponit mundo, spiritum suum & ejusdem notitiam; vos (inquit) cognoscetis eum quia apud vos manebit seu manet. In quem locum Cajetanus, ratio cognitionis redditur mansio, ut intelligamus spiritum veritatis manentem in animis Apostolorum jam facere officium suum faciendo eos cognoscere ipsum, ipse enim spiritus testimonium reddit spiritui nostro, quod filii Dei sumus. Unde notitia ab experientia in seipsis significatur. Dat enim Deus etiam hoc ut sciamus quae à Deo nobis donata sunt 1 Cor. 2.]

Ex interpretatione ergo Cajetani officium suum fecit sp. sanctus in animis Apostolorum, atque adeo omnium fidelium facit, dum facit eos cognoscere ipsum, notitia scilicet fidei, ipso interprete, id reddendo testimonium eorum spiritui quod filii Dei sunt.

Hoc idem clarius & crebro testatur idem Joannes Apost. Epist. prima. 1 Joan. 3. 14. Nos scimus quoniam translati sumus à morte ad vitam, quoniam diligimus fratres.]

Ex certa scientia dilectionis proximi, infert certam scientiam justificationis. Loquitur Joannes in persona omnium fidelium, nos scimus quod translati sumus à morte ad vitam, quoniam diligimus fratres; ubi supponit Apostolus se & fideles omnes scire suam dilectionem quae diligunt fratres, ac per hoc quod translati sunt à morte

ad

ad vitam; à morte peccati ad vitam gratiæ. Quod si de dilectione fratrum, de nostro scilicet actu dilectionis, non habeamus nisi opinionem & incertam conjecturam, non potuimus scire nos translatos à morte ad vitam, quod Joannes disertè affirmat. Siquidem ex opinione aut incerta conjectura nostræ dilectionis proximi fieri non potest, ut sciamus & certi simus de nostra translatione ex morte peccati ad vitam gratiæ; Neque enim opinio de nostra dilectione gignere potest certam scientiam de mutatione nostri status à morte peccati ad vitam gratiæ.

Porrò cum nostra translatio à morte ad vitam sciri nequeat evidenter, ergo juxta hæc verba Joannis sciri poterit à nobis certitudine fidei; Id quod confirmari potest ex versu decimo præcedenti, ubi dixerat: In hoc manifesti sunt filii Dei, & filii Diaboli.

Ex quo evincitur juxta Apostolum omnes illos esse filios Diaboli qui odio prosequuntur fratres suos, & omnes illos esse filios Dei qui eos diligunt. Quare cum Joannes perinde utrosque dicat esse manifestos ita poterunt per idem noti esse filii Dei, ac agnoscuntur filii Diaboli. Et ex consequenti, quemadmodum si fratres nostros odio prosequamur, certitudine fidei possumus scire nos esse extra statum gratiæ & filios Diaboli; ita si diligamus poterimus per fidem nosse, nos esse filios Dei.

Sed & addo, experientia compertum est non minus potum esse nobis dilectionem fratrum quàm odium. Unde & Augustinus l. 8. de Trinitate c. 8. supra à nobis adductus, p. 82. b. magis notam dicit esso nobis dilectionem, quàm diligimus fratrem quàm ipsum fratrem.

Bellarminus lib. 3. c. 10. de Justific. ad 7. loquitur sanctus Augustinus de actione credendi & diligendi. Certissimi enim sumus nos credere & diligere quando credimus & diligimus: sed utrum actus illi sint quales oportet, & utrum ex habitu proficiantur, sine revelatione fieri non potest.

Sol. R. Ut supra pag. 120. 121. sufficit ut actus dilectionis sit sincerus & sine simulatione, ut fiat sicut oportet. Rursus dicimus non necessarium esse ut fiat actus sicut oportet, ut proficiatur ex habitu, sufficit autem ut eliciatur ex auxilio speciali.

Vi & virtute auxilii specialis elici potest actus dilectionis absque habitu charitatis infuso, ut fiat sicut oportet sufficit ut eliciatur vi gratiæ actualis non requiritur habitualis.

Et idem Augustinus Tract. 5. in Joan. explicans locum quem jam urgemus, nos scimus quòd translati sumus à morte ad vitam, quoniam diligimus fratres, nos scimus (inquit) quid nos scimus? quia transivimus à morte ad vitam. Unde scimus? (inquit) quia diligimus fratres. Nemo interroget hominem, redeat unusquisque ad cor suum; Si ibi invenerit charitatem fraternam securus sit; quia transit à morte ad vitam.

Et Tract. 6. Interroga cor tuum; si est ibi dilectio fratris securus esto. Non potest esse dilectio sine spiritu Dei, quia Paulus clamat, Charitas Dei diffusa est in cordibus nostris per sp. sanctum qui datus est nobis.

Et Tract. 8. [col. 638 c.] edisserens illud Apostoli: 1 Joan. 4. 13. In hoc cognoscimus quia in ipso manemus & ipse in nobis, quia de spiritu suo dedit nobis, bene) inquit) Deo gratias. Cognoscimus quia habitat in nobis. Et hoc ipsum cognoscimus, quia cognoscimus quia habitat in nobis. Quia hoc ipse Joannes dixit, quia de spiritu suo dedit nobis.

Unde scimus (inquit August.) quia de spiritu suo dedit nobis? Hoc ipsum quia de spiritu suo dedit tibi, unde cognoscis? Interroga (inquit) viscera tua, si plena sunt charitate, habes spiritum Dei.

Pergit Augustinus: Unde cognoscimus, quia inde cognoscis habitare in te spiritum Dei. Paulum interroga Apostolum Rom. 5. Quoniam charitas Dei diffusa est in cordibus nostris per sp. sanctum qui datus est nobis. Non quaeritur an rectè Augustinus intellexerit, hoc in loco ad Rom. 5. per charitatem Dei, charitatem quàm diligo proximum, cum potius intelligenda sit de charitate qua Deus diligit nos: sed de mente Augustini in toto discursu, ubi ex Apostolo Joanne scriptus supponit & sæpe colligit, nostrum actum dilectionis quàm diligimus fratres, non esse actum conjecturalem & incertæ opinionis & semper conjunctum cum formidine contrarii, ut

contendunt hodierni Romanenses, sed actum de quo certi scimus, idque ex scientia licet non evidenti, tamen ex scientia fidei, idque æquè certitudinaliter, atque ex odio proximi novimus nos esse extra statum gratiæ, imò magis nobis innotescere nostrum dilectionis actum quàm ipsum fratrem quem diligimus.

Porro, quorsum toties remittit Augustinus nos ad cor nostrum, cum quaeritur de actu dilectionis ut interrogemus cor nostrum, ut redeat unusquisque ad cor suum, ut interrogemus viscera nostra, an ibi inveniamus charitatem fraternam & dilectionem, si cor nostrum de suo actu & actus veritate & sinceritate, responsum verax reddere, & testimonium fidele perhibere non possit?

Certè ex hisce Augustini tractatibus in primam Epistolam Joannis apertissimè constat, quid hac de re sentiat Augustinus, eum in hac controversia à nostris partibus passim stare.

Quid ad hæc Romanenses? Andr. Vega lib. 9. de incertitudine gratiæ, cap. 24. Primo respondet, hanc proximi dilectionem cujus toties meminit S. Joannes in hac sua Epistola, in nobis esse per solam gratiam gratis datam, sive auxilium Dei speciale, sine gratia gratum faciente, & rationem subjungit, quia nulla proximi dilectio quantumvis perfecta, satis est ut sola transferat peccatorem à mortali peccato ad gratiam. Neque unquam tale privilegium Deus contulit dilectioni proximi, sed ex consensu (inquit) omnium Doctorum Theologorum, ut peccator obtineat Dei gratiam necessaria est poenitentia formalis, vel certè virtualis.

Sol. R. Hoc responsum indignum esse tanto Theologo. Juxta hoc enim responsum, ista dilectio cujus toties meminit S. Joannes in hac Epistola, etiam in malis christianis erit, imò in filios Diaboli cadere potest, quod ipse Author non veretur admittere, p. 108. a. Replic. secunda, & ex ejus hypothesebus necesse est ut sequatur, cum gratiæ gratis datæ soleant etiam pessimis hominibus conferri: Ipsi dicentibus, Matth. 7. 22. Nonne in tuo nomine dæmonia ejicimus? At Sanctus Joannes per totam Epistolam ostendit, hanc dilectionem proximi, cujus toties meminit, esse propriam verè fidelium, hoc ipso capite 3. ver. 10. hac nota vult distinguere filios Dei à filiis Diaboli. Et ver. 14. & 15. Vult dilectionem fratrum esse *transmissam* verè fidelium, viventium vitam gratiæ, quomodo è contrario odium proximi, hominis extra statum gratiæ constituti.

Alibi ait capite secundo v. 10. Qui diligit fratrem in luce manet; quomodo qui odit fratrem in tenebris est, & in tenebris ambulat.

Et cap. 4. 7. Quisquis diligit [sc. proximum] ex Deo natus est & novit Deum.

Et ver. 12. Si diligamus alii alios Deus in nobis habitat.]

Ex hisce patet dilectionem proximi sinceram esse notam certam & indubitatam verè fidelis juxta Joannem, nec eam aliquando reperiri in malis Christianis, ut alia gratiæ gratis datæ, ut pessimè Andr. Vega. Sed & ratio quam subjungit Vega hujus suæ assertionis, prorsus invalida est, & minimè idonea ad hanc suam assertionem firmandam.

Est autem hæc, quia nulla (inquit) proximi dilectio quantumvis perfecta satis est ut sola transferat peccatorem à mortali peccato ad gratiam— siquidem necessaria etiam (inquit) est poenitentia formalis aut certè virtualis.

Sol. R. Rationem hanc non probare superiorem assertionem. Non enim contendunt assertores certitudinis gratiæ, ex hoc loco ipsam proximi dilectionem transferre peccatorem à mortali peccato, multò minus solam, minimum omnium, hoc fieri absque poenitentia; sed dicunt vera poenitentia, contritione scilicet cordis de Dei offensâ, cum proposito de cætero non peccandi proximè disponi peccatorem ad remissionem peccatorum.

Deinde fiducia accedente in Christum Redemptorem & ejus meritum & satisfactionem recumbente, Deum ex tenore fœderis, ab intentatis omnibus criminibus peccatorem poenitentem liberare & peccata omnia remittere; atque ex apprehensa hac remissione peccatorum, otiri in cordibus fidelium dilectionem Dei, & proximi propter Deum.

Ex nostra ergo sententia, dilectio proximi non est antecedanea ad translationem à morte ad vitam, sed succedanea, & ejusdem effectus, indicium, & τεκμήριον. Opera enim bona ut concinne August. non præcedunt justificandum, sed sequuntur justificatum, de fide & operibus c. 14.

Cum ergo dicit Apostolus Joannes, Nos scimus quoniam translati sumus à morte ad vitam quoniam diligimus fratres, vult Apostolus omnes verè fideles scire quod translati sunt à morte peccati ad vitam gratiæ, ex sincera dilectione fratrum, quam in cordibus suis sentiunt & experiuntur, tanquam ex effectu & certo indicio hujus translationis, quæ tamen translatio sit per fidem in Christum, teste ipso Joanne in Evangelio cap. 5. versu 24. Non per dilectionem, per fidem (inquam) tanquam instrumentum seu causam instrumentalem. ut loquuntur nostri Theologi.

"ΟΤΙ ἀγαπῶμεν] Conjunctio ὅτι (.i.) quia, etsi causalis à Grammaticis nominetur; non tamen semper est nota causæ, sed sæpè alterius cujusque argumenti; atque hîc quidem denotat effectum. Cum certum sit ex verbis Christi Joan. 5. 24. transitum illum ex morte ad vitam esse effectum fidei.

Porrò, fides justificans non est effectus dilectionis, sed causa efficiens teste Paulo, Galat. 5. 6. Ubi ait fidem per charitatem operari.

Sic etiam sumitur conjunctio ὅτι Luc. 7. 47. Remissa sunt peccata ejus multa ὅτι ἠγάπησεν πολλὸν quoniam dilexit multum, conjunctio ὅτι hîc denotat effectum, non causam, id palam evadit ex subjunctis. Cui paululum remittitur, paululum diligit.

Ex parabola etiam de duobus debitoribus quibus creditor debitum suum remittit. Ubi manifestum est dilectionem ex condonatione debiti deduci, tanquam effectum ex sua causa, sic viz. gratiæ relationem ex beneficio accepto.

Eodem capite affert idem Vega responsa alia in quibus diluendis operæpretium non duxi tempus contere.

Bellarminus aliter respondet lib. 3. cap. 9. de justificatione. 1. Voces (inquit) scimus & cognoscimus, non necessario includere apud Joannem certitudinem fidei divinæ. Dicimur enim ea scire & cognoscere quæ ex signis & conjecturis colligimus.

Sol. R. Voces scimus & cognoscimus toties repetitas apud Joannem in hac Epistola, denotare certitudinem quam habuit Joannes loquens in persona omnium fidelium de statu suo, eamque proculdubio indubitatam, excludentem omnem formidinem contrarii, & hæitationem, alioqui non tam confidenter, idque iteratò dixisset, scimus, cognoscimus, novimus διδαμεν, γινώσκουμεν, ἔγνωκαμεν sed potius δοξάζομεν, σκελεζομεν, συμβάλλομεν, putamus, conjicimus, opinamur.

Cum ergò voces quibus utitur Johannes includant certitudinem; non tamen evidentem, qualis est principiorum, seu conclusionum ex principiis deductarum; restat ergo ut sit certitudo inevidens, est autem illa non alia certitudo quam certitudo fidei & quidem divinæ. Quamvis enim conclusio Syllogismi ejus sæpè meminimus, fluat ex duabus propositionibus, quarum minor evidenti certitudine, certitudine experientiæ scilicet, certa esse potest; tamen certitudo conclusionis non erit certa nisi certitudine fidei, pag. 99. & 100.

2. Certum est Apostolum intelligere eam certitudinem quæ ex interno spiritus sancti testimonio oritur in cordibus verè fidelium, sic enim hoc ipso cap. 3. ver. 24. seu ultimo hæc habet. In hoc scimus quod in eo manemus & ipse in nobis, quod de spiritu suo dedit nobis.]

Verè ergo credentes in Christum utrumque sciunt, se & habere sp. sanct. & manere se in Deo; non autem ex signis incertis & conjecturis colligunt tantum. Sciunt autem ex testimonio spiritus. Spiritus enim Dei ubi inhabitat, testimonium fidele & verax perhibet de sua inhabitatione.

2. Respondet. Quamvis Joannes in prima persona loquatur; tamen sen-

sententia illarum generalis sunt, non particulares: significant enim eos translatos esse à morte ad vitam qui diligunt fratres; & eos in Deo manere, & Deum in ipsis, qui habent in se spiritum Dei, & denique eos ex Deo esse, qui iuste & sanctè vivunt. Loquitur autem (inquit) sanctus Joannes in prima persona, quia bona spe confidebat se unum ex illis esse qui diligunt fratres, qui habent spiritum Dei; & qui sunt ex Deo. Sicut B. Paulus cum loquitur de prædestinatis, serè semper ita loquitur, quasi certus esset non solum se, sed etiam illos omnes ad quos scribit, in numero electorum fuisse; quia *vix*. id cupiebat & sperabat.

Sol. R. Bellarminum miscere ea quæ non sunt confundenda. Aliud est loqui de verè fidelibus & renatis in genere, aliud de hoc vel illo fidei in particulari. De illis (.i. de verè fidelibus & renatis in genere Apostolis non tantum erat quasi certus, sed verè certus idque fidei catholicæ, quod translati sint de morte ad vitam, & verè iusti, Scriptura hac ex parte attestante Joan. 3. 16. Omnes verè credentes salvandos.

2. Si de hoc vel illo fidei in particulari quæzatur, Apostolus cum ait, Scimus nos esse translatos à morte ad vitam — certus erat absolute, & non quasi certus tantum de sua propria justificatione, idque ex sp. sancti inhabitantis testimonio, testante de sua adeptione juxta illud ad Rom. 8. 16. De aliis bene sperabat ex iudicio charitatis. Neque bona tantum spe confidebat se unum ex illis esse qui diligunt fratres, qui habent spiritum Dei, & qui sunt ex Deo. Sed illud certò scivit; alioqui non toties inculcasset, *ὁὶ ἀγαπῶντες, ἡ ἀγάπη ἡμῶν, ἡ ἰσχύς τοῦ θεοῦ*: quæ verba non certitudinem tantum bonæ spei denotant, sed certitudinem in dubitatam excludentem omnem formidinem contrarii; eumque omnium fidelium nomine hæc pronunciet Apostolus, hæc eadem certitudo etiam in omnibus verè fidelibus proculdubio reperitur. Id quod confirmatur testimonio Augustini, qui Tract. 6. in Joan. ep. 1. hunc ipsum locum edisserens, accommodat ad omnes ad omnes fideles in particulari.

Querens enim unde sciat unusquisque quod translatus sit à morte ad vitam, respondet, ex eo quod diligat fratres. Nemo (inquit) interroget hominem redeat unusquisque ad cor suum si ibi invenerit, charitatem fraternam, securus esto, quia transiit à morte ad vitam.

Et rursus eodem Tract. 6. Interroga cor tuum si est ibi dilectio fratris, securus esto.] Utrobique supponit singulos verè fideles certos esse posse de fraterna charitate & dilectione in cordibus suis, ea certitudine quæ securitatem gignere possit, quam non gignit certitudo moralis ac nudè conjecturalis. Atque hæc dicta sunt de ratione 14.

Atque ita accepistis præcipuas rationes quibus asseruimus fidem specialem dandam esse, qua verè fidelis fidei justificante præditus possit veraciter in particulari sibi applicare generalem promissionem Evangelii, ac proinde hanc fidem non esse positus explodendam, ut contendit Bellarminus, sed seriò asserendam.

Eodem redit si instituitur quæstio, an verè fidelis possit esse certus certitudine in dubitata & quidem fidei, de remissione peccatorum, & an in statu gratiæ sit.

Nos in utraque quæstione affirmativam partem variis Scripturæ testimoniis & rationibus in Scripturis & antiquorum Patrum & Recentiorum etiam explicationibus fundatis, numero 14. confirmavimus & demonstravimus.

CAPUT XXXIII.

Solvuntur rationes Bellarm. contra fidem specialem; Et 1. prima ratio.

Proximo in loco occurrendum est argumentis quæ solent afferri ab adversariis in contrarium. Et quidem primo iis quæ afferuntur contra fidem specialem à Bellarm. l. 1. c. 10. de Justificatione.

Quo in capite hoc agit, ut penitus explodatur fides specialis; Id quod etiam Joannes Hesselius Profess. Lovan. ante eum tentavit lib. de fide speciali.

Ut autem rectius occurratur rationibus adversariorum, repetenda sunt quædam à nobis supra producta, ut verum statum questionis semper ob oculos habeamus. Scipius meminimus Syllogismi, ex quo verè fidelis fide justificante præditus possit veraciter inferre & colligere, sibi esse remissa peccata & se esse in statu gratiæ. Sic enim ratiocinatur.

Quicumque corde contritus credit in Christum Redemptorem ob remissionem peccatorum, ei peccata sunt remissa, ac per consequens est in statu gratiæ.

At fidelis subsumit, Ego corde contritus credo in Christum Redemptorem ob remissionem peccatorum,

Ergo,

Mihi sunt remissa peccata, ac ex consequenti, ego in statu gratiæ sum.

Firmus assensus majori adhibitus exhibet nobis actum fidei catholicæ.

Minor exprimit actum fidei justificantis. Tñ credere enim in Christum Redemptorem ob remissionem peccatorum, est actus fidei justificantis; & idem sonat atque recumbere in Christum Redemptorem & ejus ~~ob~~ ob remissionem peccatorum.

Assensus adhibitus conclusioni exprimit actum fidei specialis applicantis fideli promissionem generalem seu beneficia promissa, ex certitudine præstitæ conditionis.

Tota lis est de minori. Nam major est indubitata veritatis. Conclusio itidem supposita veritate minoris, nam ex veris præmissis irrefragabiliter inferitur.

Minor est certa verè penitenti & fideli seu credenti, certitudine experientia, qua expetitur se elicere hosce actus.

Hic tamen addo ad majorem certiorationem,

1. Experientiam verè penitentis & credentis comitem habere ordinariam illuminationem sp. sancti, ut non opus sit speciali, immediata, & extraordinaria revelatione.

2: Hanc ordinariam illuminationem sufficere fideli extra tentationem, ut certiorari possit de actus sui veritate & sinceritate, absque dubitatione, anxietate, hesitatione; & in seriis exercitiis fidei & penitentia & seriis precibus absque formidine contrarii.

Hiscæ præmissis videamus rationes Bellarmini l. 1. de Justificat. c. 10. Manifestis (inquit) rationibus potest fides hæc specialis explodi.

Prima ratio, Fides (ut ipse etiam docet Calvin.) in nihil aliud collimare potest nisi in verbum Dei. Non enim potest esse certa & infallibilis, nisi ejus autoritate nitatur, qui nec falli potest nec fallere: at in verbo Dei nusquam reperitur annuntiata salus, vel remissio peccatorum mihi aut illi in particulari, exceptis quibusdam paucis ut Paralítico Matth. 9. cui dictum est, confide fili, remittuntur tibi peccata tua. Et peccatrici de qua dictum est Luc. 7. Remittuntur ei peccata multa. Et fortasse Adulteræ Joan. 8. Et Zachæo, Luc. 19. Et Latroni Luc. 23. Non igitur possunt reliqui homi-

homines credere, nisi omnino temerè, tanquam ex verbo Dei, sibi remissa esse peccata.

Sol. Resp. Fides specialis rectè dicitur, ubi fides adhibetur non solum expresso verbo Christi, aut expressæ revelationi Dei speciali; sed etiam ubi fides adhibetur conclusioni alicui deductæ ex propositione aliqua expresse revelata, & altera experimentalis cognitione apprehensa, ut in syllogismo supra adducto. Ubi minor est certa fidei seu credenti certitudine experientia; potest enim quilibet verè credens in Christum experiri & quidem certò se hunc actum credendi in Christum elicere.

Ipsè Bellarm. lib. 3. de Justificatione c. 10. explicans quoddam dictum Augustini, sup. p. 149. certissimi (inquit) sumus nos credere & diligere, cum credimus & diligimus, vid. sup. Vegam. p. 143.

Idem sp. sanctus qui indit donum fidei aut poenitentia; aut dilectionis. simul etiam sensum horum donorum indit, & talem cui nunquam subest falsum, cum sit spiritus veritatis. Quemadmodum enim sensus visus non alio sensu indiget quam ipsomet lumine, per quod lumen quoque apprehenditur; eodem modo contingit in lumine gratia. Ipsum lumen gratia; sufficit ad sui manifestationem, alioqui iretur in infinitum in ejusmodi assensibus, ut rectissimè Salmeron, in Evangelii Prolegom. 32. Sect. Quod si. Et sic Patres Africani in Epist. Synodica Synodi Sardinienfis, ubi de gratia agentes hæc habent. Necessè est ut ab iis quibus non tribuitur, ignoretur; & ab iis agnoscatur quibus divina largitate donatur. Testatur enim Apostolus, dona sp. sancti ejusdem sp. sancti acceptione cognosci.

Ideo ait, 1 Cor. 2. Nos non spiritum hujus mundi accepimus, sed spiritum qui ex Deo est, ut sciamus quæ à Deo donata sunt nobis: Per sanctum ergo spiritum gratiam accepimus, quo accepto sit in nobis ut quod accepimus noverimus.]

Et similiter Fulgentius de Verit. Prædest. l. 1. Ipsa gratia se facit cognosci, diligere, desiderari, postulari.] Ipsa ergo gratia juxta Fulgentium indit in mentem habentis sui ipsius notitiam.

Gratia ut lumen, non modo alia, sed & seipsum visibilem facit, ut rectissime D. Davenantius in Coloss. 1. v. 2. p. 18. ex Scripturis.

Gratia est illud Manna absconditum, quod nemo novit, nisi qui accipit & omnis qui accipit novit, Apoc. 2. 7.

Conclusio inde deducta, mihi sunt remissa peccata, vel ego in statu gratia; sum, non innititur revelationi divinæ immediatè sicut certitudo fidei Catholica; sed mediante discursu, qui ut veram certitudinem Theologicam inducat, niti debet in uno principio de fide certo, & alio saltem evidenti vel naturaliter vel experientiâ evidentissimâ ac certissimâ secundum ordinem naturalem, vid. Suarez de grat. l. 9. c. 10. Addo ego vel evidenti addito lumine gratia;, cum ipsa gratia se facit cognosci. Assensus tali conclusioni quæ ex ejusmodi præmissis infertur, si ei firmus assensus adhibeatur, rectissimè dicitur assensus fidei specialis, cui nec subest aliquando nec subesse potest falsum, non minus quàm fidei Catholica;.

Objicit Bellarminus, Scriptura nusquam dicit, qui credit sibi remissa esse peccata, habet vitam æternam aut justificatur: sed qui credit in Christum habebit vitam æternam, vel ei remittuntur peccata.

Sol. Nec nos dicimus quenkumque justificari quia credit sibi remissa esse peccata, nec credere in filium esse credere sibi remissa esse peccata; sed peccatorem justificari quia credit in filium. Addo nos dicere insuper, quicumque credendo in Christum justificatur, ipsum posse veraciter credere, sibi in particulari remissa esse peccata. Si enim credenti in Christum remissa sunt peccata, quidni idem potest credere sibi remissa esse peccata.

In sequenti sectione, Adde, Malè colligit Bellarm. ex collatione locorum Joannis Apostoli, 7^o credere in filium ex interpretatione Joannis, idem esse atque credere quod Jesus sit filius Dei & Christus. Idem (inquit) Joannes qui scripsit Joan. 3. 16. Qui credit in filium habet vitam æternam, scripsit 1 Joan. 5. 1. Omnis qui credit quoniam Jesus est Christus, ex Deo natus est, & ibid. v. 5. Quis est qui vincit mundum nisi qui credit quoniam Jesus est filius Dei.] Hinc colligit Bellarm. ipso interprete Evangelista Joanne 7^o credere in filium, idem esse atque 7^o credere quod Jesus sit filius Dei & Christus.

Sol.

Sol. Resp. Ex collatione horum locorum pessimè colligere Bellarminum idem esse 7^o credere in filium, atque 7^o credere quod Jesus sit filius Dei & Christus.

Nam 1. Certum est, 1 Joan. 5.1. ubi dicitur, Omnis qui credit quod Jesus est Christus, ex Deo natus est, ex hoc solo actu quo quis credit Jesum esse Christum, non illico inferri potest, illum renasci & natum esse ex Deo. Nam & Dæmones hoc credunt & mali homines.

Ipse Bell. c. 15. hujus libri, contendit fidem Catholicam separari posse a charitate. Non ergo meminit Joannes hujus articuli, quasi hæc sufficeret ut quis renasceretur, sed quia absque fide hujus articuli nemo ex Deo natus esse potest. Hinc est quod Romanenses hunc versum exponentes, interpretantur de credentibus fide viva, obediendi, efficaci.

Sic Estius, Menochius & alii. Idem pariter dicendum de altero illo loco, 1 Joan. 5.5. Quis est qui vincit mundum nisi qui credit quoniam Jesus est filius Dei? Non enim illico ex eo quod quis fide Catholica credat Jesum esse Christum, vincit mundum, nisi insuper in eum sic agnitum credat (.i.) fiduciam reponat ut vincat mundum. Sanctus autem Joannes non meminit hujus actus posterioris, quia tum temporis id potissimum agitabatur, an Jesus filius Mariæ esset Christus seu Messias prædictus à Prophetis. Hoc enim dato in confesso erat apud omnes, in eum teneri omnes fiduciam collocare ob remissionem peccatorum, ob victoriam mundi, & æternæ salutis consecutionem. Atque hanc ob causam aliquoties actus fidei Catholicæ, seu dogmaticæ solummodo exprimitur, cum tamen hoc dato in confesso erat alterum necessarium secuturum nimirum in Christum seu Messiam omnem fiduciam collocandam esse ob remissionem peccatorum. Vid. sup. p. 33.

2. Resp. Certum est 7^o credere in Christum Joan 3.16. plus sua notione includere, quàm 7^o credere quod Jesus sit filius Dei & Christus, ut sup. fusè docuimus, p. 10. & 11. er. Non autem interpretandi sunt loci qui plus notione sua complectuntur, per eos qui minus complectuntur, ut habeatur adæquatus sensus; quod hoc in loco conatur Bellarminus. Malè igitur Bellar. colligit ex horum locorum collatione, Itaque credere in filium, ipso interprete Evangelista Joanne, est credere quod Jesus sit filius Dei & Christus.

Idipsum pariter dici potest de collatione locorum quæ è D. Paulo adducit ex Act. 13. 39 & Rom. 3. 22, cum Rom. 10.9. Ubi malè interpretatur ea loca quæ plus notione sua comprehendunt, cum illo posteriori qui minus, ut colligi potest ex explicatione illius loci sup. p. 43. Duo priora loca agunt de fide iustificante quæ in solis bonis reperitur; cum tamen fides Catholica etiam in malis reperitur,

Ex prava collatione dictorum locorum colligit Bellarminus. Itaque non modò (inquit) non habentur in Scriptura illæ particulares propositiones quas adversarii certa fide se tenere profitentur, viz. Luthero aut Calvino remittuntur peccata, sed neque habetur illa generalis; Omnis qui credit sibi per Christum remissa esse peccata, iustificatur.

Sol. Resp. dicendo 1. Particulares propositiones illas non haberi expressè in Scripturis, quomodo nec illæ, Bellar. est naturæ filius iræ, Bellarminus est peccator: sed dicimus ejusmodi propositiones è Scripturis deduci, mediante propositione aliqua cognitione experimentalis apprehensâ, qualis est illâ; Ego credo in Christum. Quomodo enim quis, v. g. Judas, certò vovit se damnationis reum fuisse, ex eo quod tradidit Dominum, dictante conscientia, Ego Judas tradidi Dominum.

Hinc Joannes Bacon 3. Dist. 30. art. 1. Existens in peccato mortali certitudinaliter potest scire, se esse in peccato mortali. Quomodo item Paulus novit se à peccatis absolutum fuisse, & iustificari eo quod in Dominum Jesum credidit, ejus propositionis veritatem experimentalis cognitione dignoscebat, dictante conscientia, Ego Paulus credo in Dominum Jesum: Sic & quivis verè fidelis sive Lutherus sive Calvinus novit ex testimonio suæ conscientiæ, illudque concomitante ordinaria illuminatione Sp. Sancti, se omnem fiduciam in Christum Redemptorem collocare ob remissionem peccatorum; ac proinde ex tenore fœderis veraciter inferre posse sibi in particulari remissa esse peccata.

Idem

Idem Bacon ibid. existens in charitate potest scire se esse in charitate, & se operari secundum charitatem.

2. Dicimus, nec nostrates contendere illam propositionem generalem, Omnis qui credit sibi per Christum remissa esse peccata, justificatur, haberi in sacris literis, imò nec veram esse propositionem, sed in rigore falsam ut supra evicimus p. 95. & 97. sed dicimus juxta Scripturas, omni credenti in Christum Redemptorem peccata esse remissa, sic Act. 10 v. 43. Huic omnes Prophetæ attestantur.

Pergit Bellarminus: Deinde (inquit) peccant adversarii in eo quod ex antecedente conditionato colligunt conclusionem absolutam.

Nam illæ (inquit) propositiones; Qui credit in filium habet vitam æternam, & illa, In hoc omnis qui creditur justificatur, conditionatæ sunt, ac si dictum esset, si quis credit in filium is habet vitam æternam & si quis in Christum credit, justificatur.

Ita enim (inquit) explicat Apostolus ad Rom. 10. Si credideris in corde tuo, &c. Et Philippus Act. 8. Si credis ex toto corde, &c. potes. Ex his autem conditionatis propositionibus rectè colligitur conditionata conclusio, Igitur ego si credo, habeo justificationem & vitam æternam.

Absoluta verò conclusio, quam adversarii volunt, requirit assumptionem absolutam videlicet illam, Atqui ego credo in filium; Quæ assumptio absoluta non est in verbo Dei sed in opinione mea; Opinio autem ista mea non solum non est verbum Dei, sed etiam fallax esse potest.

Sol. Resp. Bellarminum falsò imponere nostris Theologis, ac si ex antecedente conditionato colligant conclusionem absolutam. Nos enim agnoscimus absolutam conclusionem requirere assumptionem absolutam. Et nos in nostro Syllogismo assumptionem habemus absolutam, viz. Ego V. G. Paulus seu Petrus credo in Christum Redemptorem.

Quæ assumptio licet non sit in verbo Dei, tamen à verè credente actu experimentaliter percipitur, & quidem ea certitudine cui non subest falsum, imò nec subesse potest, accedat modo inspiratio ordinaria Sp. Sancti, testimonium perhibens de veritate & sinceritate hujus actus. Ejusmodi actus ordinariè eliciuntur à verè fidelibus, & fiunt ut oportet, licet nonnulli existimantes se verè credere, non credunt ut oportet.

Obijcit adhuc Bellarm. ibid. Adde quod secundum Scripturas non satis est quocunque modo credere, sed oportet toto corde credere, ut dicitur, Act. 8. 37. Et quamvis Scriptura dicat, Qui credit in filium habet vitam æternam; Tamen verissimè dicere possumus, multi credunt in filium, & non habent vitam æternam, eo quod malè credant. Neque (inquit) hoc negare possunt adversarii, quippe qui fidem negant esse veram, nisi sit viva & fructus bonorum operum pariat.

At quis est (inquit) qui certò affirmare queat se toto corde credere atque ut oportet credere, & fidem habere vivam & cum charitate conjunctam.

Sol. Resp. Toto corde credere non aliud est quàm sincerè & absque simulatione credere, quomodo alibi Bellarminus interpretatur, & diligere Deum toto corde de Monachis, l. 2. c. 13. §. sed simplicior. qualiter credunt omnes verè fideles. Porro ubi ait Bellarminus multos credere in filium & non habere vitam æternam, eo quod malè credant.

Resp. 1. Neminem posse verè credere in filium & tamen malè credere, cum & credere in filium sit actus fidei justificantis, quæ vera est virtus, virtute autem nemo malè utitur. Sic Augustin. de lib. arbitrio. lib. 2. cap. 18, 19. Thom. 2. 2. qu. 20. A. 1. ad 2. Nemo verè credendo in filium, malè credit. Ex virtuosâ radice non potest aliquod peccatum procedere, directè ex parte ipsius virtutis, Thom. ubi supra.

2. Adversatur hoc Christi pronuntiatio, Qui credit in filium habet vitam æternam. Quod intelligi debet de verè credente. Quare falsissimum est illud Bellarmi. Verissimè dicere possumus, multi credunt in filium & non habent vitam æternam, eo quod malè credant.

At (inquit) Bellarminus, neque hoc negare possunt adversarii, quippe qui fidem

dem negant esse veram, nisi sit viva & fructum bonorum operum pariat.

Sol. Resp. Distinguendo de fide vera, fides siquidem vera, vel est illa quam dicimus Catholicam, qua assentimur ad ea omnia quæ divinitus revelantur, vel justificans quæ iustus vivit.

Nos dicimus fidem posse dici verè Catholicam, quæ tamen fructum bonorum operum non pariat; sed a charitate separari potest, quod & Bellarminus ipse cap. 15. docet & defendit. At nos dicimus fidem non esse veram (i. e.) verè justificantem, nisi ubi vera poenitentia præcesserit, & dilectio Dei ut Patris sequitur, dilectio etiam proximi & alia bona opera. Nos non negamus omnem fidem esse veram nisi etiam sit viva & ferax bonorum operum; nam dicimus fidem Catholicam esse veri nominis fidem, licet a charitate separari potest: Sed negamus hanc esse fidem illam vivam, quæ iustus vivit, & quæ nomine appropriato justificans dici potest, & verè dicitur. Pergit Bellarminus. At quis est (inquit) qui certò affirmare queat, se toto corde atque ut oportet, Credere, & fidem habere vivam & cum charitate conjunctam.

Sol. Resp. Verè fidelis credens in Christum Redemptorem certò affirmare queat se toto corde credere, atque credere ut oportet, quoties verè & sincerè, abdicatis operibus propriis, totum se conicit in misericordiam Dei, & Christi satisfactionem ob remissionem peccatorum. Taliter credens novit se credere, etsi malè credens fallatur, credens scilicet, sola fide Catholica quæ à reliquis virtutibus separari potest.

Instat adhuc Bellarminus: Peccant denique adversarii in eo quod existimat illas propositiones, Qui credit in filium habet vitam æternam? In hoc omnis qui credit justificatur, & alias similes ita esse intelligendas, ut sola fides sufficiat ad iustitiam & salutem, quod apertè falsum esse in libro sequenti demonstraturi sumus. Qui enim credit in filium, habet vitam æternam, si cætera adhibeat, quæ fides ipsa adhibenda demonstrat. Hæc Bellarminus.

Sol. Resp. Dicendo, quòd credere in filium juxta Scripturas, ut supra evicimus, idem sonare, atque quòd recumbere in filium Dei, & ejus meritum & satisfactionem ob remissionem peccatorum; quo sensu sumptum, affirmamus hunc actum esse, qui solus applicat meritum & satisfactionem Christi peccatori poenitentiam agenti & liberat ab omnibus intentatis criminibus peccatorem coram tribunali Dei, & ab omni reatu eundem absolvit. Licet n. aliz virtutes, & opera quæ dicuntur preparatoria præsertim poenitentia, disponunt antecederet subjectum ad hunc actum eliciendum, tamen fiducia in filium & fides in sanguinem ejus, fiducia nitens Christi satisfactione est ille actus qui solummodo sese Christo addicit ejusque satisfactionem sibi applicat ut suam, ut iustitiæ Dei satisfiat, solummodo in eam recumbit ad peccatorum remissionem. Hoc non præstat fides Catholica, non Spes veniæ, non timor poenæ, non poenitentia, non dilectio Dei invitantis gratiose ad reconciliationem, non dilectio Dei ut patris, nec ulla alia virtus. Totum hoc quantumcunque est actus hujus fiduciæ & non alterius cujuscunque virtutis.

Illud quod subjicit Bellarm. [Qui credit in filium habet vitam æternam si cætera adhibeat, quæ fides ipsa adhibenda demonstrat] Hoc itidem & nos. Nos n. omnia opera preparatoria quæ ipsi exigunt admittimus; Nec dicimus quenkam justificari nisi opibus preparatoriis supradictis ad justificationem disponatur.

CAPUT XXXIV.

*Ubi solvuntur secunda & tertia Ratio
Bellarmini.*

Ratio qua impugnatur Bellarmin. hanc fidem specialem in hunc modum proponitur.
Fides justificans præcedere debet justificationem; fides autem specialis misericordiae sequitur justificationem; Igitur fides specialis misericordiae non est fides justificans.

Sol. Nos totum argumentum concedimus. Nos supra docuimus sæpius fidem specialem non esse fidem justificantem, idque pluribus rationibus asseruimus. Non tamen diximus idcirco fidem hanc specialem explodendam penitus, quod Bellarm. acriter contendit. Pluribus quippe rationibus supra evicimus dandam esse fidem specialem; ac tum posse tum debere verè credentem in Christum redemptorem, sibi certò & verè persuadere de remissione peccatorum & sua coram Deo justificatione in particulari, posita enim fiducia in Christum Redemptorem ponitur simul & remissio peccatorum, Act. 10. 43. hinc omnes prophetæ testimonium perhibent, remissionem peccatorum accipere per nomen ejus omnes qui credunt in eum; posita item certitudine de fiducia mea in Christum Redemptorem ponitur simul certitudo de remissione peccatorum.

3. Ratio Bellarm. Fides illa specialis tollit è medio orationem, Sacramenta, bona opera, & quicquid aliud ad salutem nostram Deus instituit: non igitur fides justificans, sed fides impediens justificationem jure nominari potest. Nam si certò atque ex fide credere debeo mihi peccata esse remissa per Christum; quomodo possum cum Publicano dicere, Deus propitius esto mihi peccatori aut cum Apostolo, & Ecclesia universa, Dimitte nobis debita nostra, nisi hæsitem in fide & Deum mandacem efficiam? Hæc Bellarm.

Sol. 1. Dicimus rursus, Nos non asserimus fidem illam specialem esse fidem justificantem; sed neque fidem justificantem aut impedire aut promovere, eum sequatur remissionem peccatorum. Interea dicimus dandam esse fidem specialem quæ fidelis certus esse potest de remissione peccatorum porro dicimus hanc fidem specialem non tollere è medio aut orationem aut sacramenta, aut bona opera. Non orationem; nam fiducia specialis misericordiae facit ut habeamus προσευχῆν accessum ad Deum, Rom. 5. 2. & accedamus cum fiducia ad thronum gratiæ, ut misericordiam consequamur, Heb. 4. 16. Spiritus Adoptionis facit ut clamemus Abba pater, Rom. 8. 15 non compellamus Deum ut patrem, nisi certiores Spiritu adoptionis de nostra filiatione idque per fidem, Joan. 1. 12. Quotquot crediderunt, dedit iis hanc dignitatem ut filii Dei fierent & Apostolus Galat. 4. 6. Quoniam estis filii misit Deus Spiritum filii sui in Corda vestra clamantem Abba pater. Huc spectat illud Augustini de verb. Dom. Serm. 36. fides fundit orationem, fusa oratio fidei impetrat firmitatem.

2. Quod sacramenta, tantum abest ut fides hæc specialis tollat è mediò Sacramenta, ut Sacramenta Deus instituit ad confirmandam fidem nostram de remissione peccatorum, ut supra docuimus.

3. Non tollit è medio bona opera, quia potius bonis operibus indies magis certioramur, ut signis, indiciiisque certis remissionis peccatorum, hinc Petrus hortatur, 2 Pet. 1. 10. ut satagamus per bona opera nostram vocationem & electionem certam facere.

At inquit Bellarm. Si certò & ex fide credere debeo, mihi peccata esse remissa per Christum quomodo possum cum Publicano dicere, Deus propi-

tius esto mihi peccatori nisi hæsitem in fide & Deum mendacem efficiam?

Sol. Resp. Verè fidelem credentem in Christum Redemptorem ob remissionem peccatorum posse & debere credere sibi esse remissa peccata & tamen posse cum Publicano dicere Deus esto propitius mihi peccatori, posse etiam quotidie dicere dimitte nobis debita nostra; nec tamen hæsitando in fide aut Deum mendacem efficiendo. Publicanus infirma fide credere potuit, & tamèn meritò dicere Deo, Esto propitius mihi peccatori orando & ut quotidiana peccata per infirmitatem admissa condonet quotidie, & de omnium peccatorum admissorum remissione indies magis magisque certioreretur; potest etiam & debet omnis fidelis cui remissa sunt peccata, orare cum Apostolis & tota Ecclesia Dimitte nobis debita nostra duplici de causâ.

1. Ratione habita peccatorum quotidianæ incurfionis ut appellat Tertullian. quæ quotidiana pœnitentia abluenda sunt. Quotidie enim sordidamur, ergo quotidie sordes abluendæ.

2. Tum ratione majoris certiorationis quam expetere tenemur contra dubitationes à carne indies insurgentes, Ejusmodi precatio potest consistere cum aliqua hæsitati-
one aut dubitatione non tamen ejusmodi quæ Deum mendacem efficiat. Non enim omnis hæsitatio aut dubitatio in fide tollit fidem aut Deum mendacem efficit: fides potest habere aliquem modum dubitationis salvâ fide (inquit durandus) 3. dist. 23. q. 7 Et Scotus, non quævis dubitatio tollit fidem, sed dubitatio vincens & trahens in oppositum credibilis.

Thom. 99. disp. de fide Art. 1. in c. art. In credente potest insurgere motus de contrario hujus quod firmissimè tenet quamvis non in intelligente & sciente. Rursus fidei certitudo importat firmitatem adhesionis (inquit Thom.) Non quietationem intellectus in re cognita, atque inde est quod in his quæ sunt fidei potest motus dubitationis insurgere in credente Disp. de verit. de Mente. q. 10. ar. 12. ad 6. Mat. 14. 31. cum Petrus ambularet super aquas & videns validum ventum timeret & clamaret dicens domine serva me. Jesus apprehendens eum dicens exigua fide prædite quid dubitasti? potest igitur Christo testante aliqua dubitatio cum fide consistere, Marc. 9. 24. pater Dæmoniacy orat Christum ut succurrat filio, Respondet Jesus, Si potes hoc credere, omnia possibilia sunt credenti, Respondit pater clamans cum lacrimis Credo Domine succurre incredulitati meæ.

Hic pater Dæmoniacy vere credit Christum potuisse succurrere filio, ex misericordia item voluisse & tamen precatur Christum ut sibi succurrat & adjuvet incredulitatem.

Apostolis Christi jam peccata remissa erant credendo in Christum & tamen Luc. 17. 5. dicunt domino adauge nobis fidem. Simili modo potest peccator fiducia inchoata credere in Christum ob remissionem peccatorum, unde ex tenore novi fœderis remittuntur peccata, Act. 10. 43. & tamen idem potest precari ut fiducia auctiori & firmiori credat in Christum ob remissionem peccatorum ut de remissione peccatorum certior reddatur. Qui enim petit à Deo quotidianam remissionem peccatorum dicendo Dimitte nobis debita nostra, non negat remissionem peccatorum præteritorum; sed petit peccatorum quotidianorum obrepentium remissionem & certiorationem remissionis peccatorum præteritorum.

Sed adhuc acrius urget adversarius non posse fidelem pro remissione peccatorum precari nisi hæsitet in fide & Deum mendacem efficiat. "Cur enim inquit si precarer à Deo ut verbum ipsius caro fieret in utero virginis, infidelis judicaret & non similiter "infidelis merito judicabor si petam à Deo remissionem peccatorum; cum non minus certa fide credere debeam mihi remissa esse peccata, quam verbum, Carnem in utero virginis esse jam factum? Hæc ille.

Sol. Resp. Longe aliam rationem esse precationis illius qua quis jam precatur à Deo ut verbum ipsius jam Caro fieret in utero matris & illius qua fidelis petit à Deo remissionem peccatorum.

Nam 1. Nemo jam salva fide petere potest à Deo ut verbum ipsius jam caro fieret in utero matris; Cum quivis Catholicus rectè institutus fide credat ante mul-
sacula hoc factum esse nisi hoc mysterium iterari posse credat, aut unionem naturarum semel factam solvi posse quorum neutrum salva fide à Catholico credi potest. At verè

fidelis

fidelis corde contritus & dolens de offensa Dei & de peccatis in Deum admissis & in Christum Redemptorem ejusque satisfactionem ob remissionem peccatorum totam fiduciam collocans & de fiducia sua sincera in Christum Redemptorem certus, sibi hujus intimè conscius petere potest & debet remissionem suorum peccatorum propter Christi meritum & satisfactionem absque eo quod vel in fide hæsitet vel Deum mendacem efficiat. Imò hac precatione facit quod ex officio tenetur facere, quomodo Apostoli jam credentes in Christum petunt ab eo ut fidem eorum adaugeat, Luc. 17.5. & Pater Dæmoniaci compellans Christum, Credo Domine succurre incredulitati meæ, Marc. 9. 24.

Objicit rursus Bell. deinde quid opus est Baptismo, si per fidem quæ baptismum præcedere debet certus sum mihi jam remissa esse peccata? — Quod idem dici potest de Sacramento Reconciliationis sive poenitentiae aliisque remediis peccatorum divinitus institutis?

Sol. Resp. 1. Etsi per fidem quæ baptismum in adultis præcedere debet certus esse potest Catechumenus sibi remissa esse peccata, non tamen certitudine continuatâ quæ semper in actu sit & vigeat & dubitationem omnem facessere jubeat è medio; sed quæ ratione carnis reliquiarum sæpe dubitationibus impugnatur & concutitur. Baptismus autem est Sacramentum institutum à Deo contra hæc dubitationes ut sit sigillum justitiæ fidei, quomodo olim circumcisio adultis se per fidem in Messiam futurum fuisse iustos.

2. Pari modo à Bellarmino querere possem, si Abraham ante circumcisionem habuit justitiam fidei teste Apostolo, Rom. 4. 9. quid opus fuit ei circumcisionis signo & sigillo? Et tamen idem Apost. testatur ibid. v. 11. eum signum circumcisionis accepisse sigillum justitiæ fidei quam habuit in præputio. Non frustra igitur accepit circumcisionem cum futura esset ei *σφραγίς* (i. e.) sigillum beneficii quod prius habuit justitiæ fidei; se per fidem justum fuisse, nec de fidei justitia unquam vacillaturum in corde cujus sigillum perpetuo gestaturus erat in corpore. Circumcisioni successit Baptismus teste Apostolo Coloss. 2. 11. Quare nec Baptismus frustra administratur Catechumenis fidelibus qui n. Christum vere credentes jam peccatorum remissionem acceperant cum iis per totam vitam futurus sit sigillum justitiæ fidei.

Quod vicio vertit Luthero quod dixerit justificari hominem qui credit etiam si forte is qui baptizat neque intendat baptizare neque baptizet in nomine Domini, immerito exagitur si benigna interpretatio adhibeatur. Certum enim ex tenore promissionis divinæ justificari quemvis verè contritum in Christum Redemptorem credentem, modo desiderium seu votum baptismi adfoverit. Idque docet D. Ambrosius in obitu Valentini junioris Catechumeni. Valentini Jun. adhuc Catechumens profecturus cum exercitu adversus Barbaros in Italiam irrumpentes, cupidus ante eam expeditionem initiari Sacro baptismo, Viennæ cum esset in Gallia Sanctum Ambrosium Mediolanense ut baptizaretur accessit, sed illo in itinere constituto, proditorum insidiis occisus est. De eo Ambrosius orat. in obitum Vallent. alloquens sorores. Quem (inquit) in evangelio regeneraturus amisi, sed ille non amisit gratiam quam poposcit: Augustinus item de bapt. contra Donat. 4. c. 22. ubi de latrone agens, ait invenio non tantum passionem pro nomine Christi id quod ex baptismo deerat posse supplere sed etiam fidem conversionemque cordis, si forte ad celebrandum mysterium baptismi in angustiis temporum succuri non potest? hæc ille. Baptismus ergo non est absolute necessarius ad justificationem multo minus intentio baptizantis, sufficit enim intentio matris Ecclesie. ubi subjungit Bellarm. idem dici posse de Sacramento reconciliationis seu poenitentiae aliisque remediis &c. non opus esse hisce ubi per fidem in Christum Redemptorem certus sit fidelis de remissione peccatorum.

Resp. Non opus esse hisce absolute. Absolutio sacerdotalis suum locum habet ubi poenitens post confessionem peccatorum Deo factam, sacerdoti etiam si opus fuerit, de remissione peccatorum adhuc anxius sit & dubius; utilis siquidem est & medium à Deo institutum ut succurratur doctæ conscientie; Ac quamvis non necessaria sit ad remissionem peccati apud Deum, tamen sæpe utilis est ad remissionem peccati in toto conscientie, & ratificationem remissionis in oculis apud Deum.

CAPUT XXXV.

Ubi solvuntur quarta & quinta Rationes
Bellarmini.

Ratio Bellarmini proprie (ipso dicente) refellit eos qui volunt fidem justificantem esse fiduciam benevolentiae specialis: Nam tamen fiduciam obtinendam veni, qualis esse debet in homine poenitentiam agente precedat justificationem; tamen fiduciam qua quis confidit sibi remissa esse peccata, seque Deo gratum esse & heredem regni de qua loquuntur adversarii, pendet à bona conscientia & perseverantia in dilectione Dei & operibus bonis, ac proinde praerogit justificationem, non illam efficit, ac per hoc non est fides justificans, sed aliquid fidei justificante posterius.

Sol. Resp. Rectè hæc quartâ ratione impugnari fidem specialem adversus eos qui volunt fidem justificantem esse fiduciam specialis benevolentiae, quomodo supra diximus de ratione 2. Nam certum est aliam esse fidem justificantem à fide speciali ut nos fuisse docuimus. Addo tamen posteriorem partem hujus rationis Bellarmini non esse universaliter veram, ubi videtur asserere omnem fiduciam qua quis confidit sibi remissa esse peccata, seque Deo gratum & heredem regni, pendere à bona conscientia & perseverantia in dilectione & bonis operibus. Nam certum est ubi quis operibus preparatoriis ad justificationem disponitur praesertim verâ cordis contritione, quæ est ultima dispositionum & simul ob remissionem peccatorum fiducialiter recumbit in Christi meritum & satisfactionem, hoc ipso ab omnibus intentatis criminibus liberatur coram tribunalis divino, atque adeo justificatur ex quo gratus est Deo acceptatus ad vitam & hæres fit regni, prius naturâ quam consideretur ut bonâ conscientia fretus & perseverans in dilectione & bonis operibus, non ergo omnis fiduciam qua quis confidit sibi remissa esse peccata, seque Deo gratum & heredem regni, pendet à bona conscientia & perseverantia in dilectione & operibus bonis, ut hic supponit Bellarminus. Non inquam omnis fiduciam pendet & nascitur ex bona conscientia & perseverantia in dilectione & bonis operibus, licet plerumque pendeat.

Joannes Hesselius in libro quem intulavit, Fidei specialis confutatio, hæc fidem specialem undecim rationibus impugnavit quarum pleræque non impugnant fidem specialem quam nos asserimus, sed eorum assertionem qui confundunt fidem specialem cum fide justificante, quam nos supra variis rationibus impugnavimus; Aliam esse fidem specialem à justificante ex Syllogismo sup. commemorato apertissime evincitur.

Reliquæ rationes Hesselii coincidunt cum rationibus Bellarmini, quas ille ex Hesselio fere petiit.

5. Ratio quæ proprie Calvinum respicit, Fides justificans, pacem & tranquillitatem animi parit juxta illud Apostoli ad Rom. 5. Justificati ergo ex fide pacem habemus apud Deum.

At fides illa specialis quam Calvinus docet perturbationem & desperationem mentibus adfert. Vult n. (inquit) Calvinus fide speciali non solum credi oportere nobis per Christum remissa esse peccata, sed etiam plane cognosci nos ad numerum predestinatorum certo pertinere & fidem semel habitam amitti non posse. Institut. c. 2.

Sol. Resp. Fidem justificantem (i. e.) fiduciam in Christum Redemptorem pacem & tranquillitatem animi parere, ac fidem specialem qua certus esse potest, Credens in Christum, sibi remissa esse peccata, & se habiturum vitam æternam. Qui n. credit in filium Dei habet vitam æternam, Joan. 3. 36. (i. e.) certus est se habiturum vitam æternam ac proinde se ex numero electorum esse cum qui verè credunt in Christum Redemptorem ordinati sint ad vitam æternam, Act. 13. 48. fides siquidem vera ac viva est.

est effectus electionis ad vitam æternam Joan. 3. 26. electio siquidem ad vitam est causa iustificantis fidei atque adeo remissionis peccatorum, iustificationis, sanctificationis, perseverantiæ in eisdem & vitæ æternæ, ut habetur in artic. nostræ confessionis Art. 17. de prædest. & elect. & hæc omnia sunt effectus & *consequentiæ* electionis, ex quibus tanquam ex signis fideles possunt assurgere à posteriori ad horum omnium beneficiorum caput & fontem, electionem sc: suam de qua fideles temporibus opportunis certi esse possunt, etsi non raro tentationum & dubitationum nebulis obscuratur hæc fides unde Bernardus de grat. & lib. arb. in fine agens de bonis operibus, ea quæ dicimus nostra merita spei quidem sunt seminaria, charitatis incentiva, occultæ prædestinationis indicia, futuræ felicitatis præfagia, via regni non causa regnandi.

Idem Bernard. Epist. 107. Deo amanti homines vicem amoris non rependunt nisi revelante eis spiritu per fidem æternum Dei propositum super salute eorum futura] sunt ergo bona opera juxta Bernardum occultæ prædestinationis indicia & futuræ felicitatis præfagia, neque illa dubia aut incerta sed, *terminandi* indicia & certa præfagia.

CAPUT XXXVI.

Solvuntur aliæ.

Idem Bellarm. lib. 3. de Justificatione 8. alias rationes adducit, quibus impugnat certitudinem de remissione peccatorum in speciali, Petro, Paulo aut alii cuicumque in particulari.

Prima ratio non posse haberi certitudinem fidei de propriâ iustitia, sic enim argumentatur. Non potest aliquid certum esse certitudine fidei nisi aut immediatè contineatur in verbo Dei aut ex verbo Dei per evidentem consequentiam diducatur; fides enim non est, nisi verbi divini auctoritate nitatur.

At in verbo Dei non continetur immediatè particularis ista propositio, talis vel talis homo verè iustificatus est, exceptis paucissimis ut Magdalena & quodam paralytico, qui ab ipso Christo audierunt remittuntur tibi peccata tua, ceteri homines in sacris literis ne nominantur quidem, neque per evidentem consequentiam ex verbo Dei colligi potest talis propositio particularis.

Minorem probat quoad posteriorem partem. Si enim per evidentem consequentiam ejusmodi particularis propositio colligatur, tali ratiocinatione colligendum hoc est.

Omnes verè conversi ad Deum & poenitentiam serio agentes peccatorum indulgentiam & remissionem obtinent.

At mihi evidens est mea vera conversio & poenitentia

Ergo

Mihi certum est certitudine fidei me indulgentiam & remissionis gratiam obtinuisse.

Hujus ratiocinationis minor inquit Bellarm: non solum falsa sed impossibilis nisi adsit revelatio.

Sol. R. Primo ad majorem bifariam 1) distinguendo inter } Doctrinam fidei
Habitum & actum
fidei.

V. G. quod Jesus Mariæ F. sit mundi redemptor est doctrina fidei, hujus certitudo colligitur, quod in N. Testam. sic scribitur, At quod ego credo Jesum M.F. esse

esse mundi redemptorem, est actus fidei meæ; hujus autem certitudo non habetur in bibliis, sed in intellectu meo, certitudo de priori respicit totam Ecclesiam, at certitudo de habitu vel actu fidei quæ inest intellectui hujus vel illius hominis, hunc vel illum hominem tantum spectat; ergo huic tantum patet per actum reflexum ipsius intellectus & multo clarius per internam operationem S. S. indetis certam notitiam hujus actus præstiti, ut rectissime Davenantius in i. c. ad Coloss.

2. Respondeo ad majorem, omnem conclusionem esse de fide dicendam quæ oritur ex altera propositione in Scripturis contenta & altera per bonam consequentiam addita, sive ex sensu sive ex ratione seu quovis alio modo certo cognoscatur.

Ad minorem R. in ratiocinatione Bellarminiana vacillare minorem sc. Mihi evidens est mea conversio & poenitentia. Nam verè poenitentiam agenti perspecta est sua poenitentia, vere dolens de offensa Dei & propositum habens derelinquendi peccata cognita, & deinceps vitam novam instituendi, novit & experitur se hosce actus elicere. Sic Apost. 1 Cor. 2. 12. Nos non accepimus spiritum mundi, sed spiritum qui ex Deo est, ut sciamus quæ à Deo nobis donata sunt Joan. 10. 4. Oves Christi, illum sequuntur quia sciunt vocem ejus & v. 14. Ego sum Pastor bonus & cognosco meas & cognoscunt me meæ, oves Christi sciunt vocem ejus. Christus Pastor bonus cognoscit oves suas & cognoscunt me (inquit) oves meæ.

In hoc cognoscimus quoniam in eo manemus & ipse in nobis, quoniam de spiritu suo dedit nobis inquit S. Joannes 1 Joan. 4. 13.

Sed minorem probat Bellarm. 10. ex Jerem. 17. 9. Cor hominis est pravam & inscrutabile, & qui cognoscet illud? ego Dominus scrutans cor & probans renes.

Sol. Prophetæ institutum est ut doceat quantumcunque pravam sit & perversum cor hominis ut nihil sit ex omnibus rebus quod æquè fallax sit atque cor hominis non renati, tamen Deum non latere in quo quisque confidat in Deo ne an in hominibus. Occurrit objectioni ne quis existimet posse Deum latere, in quo quisque confidat in Deo ne an in hominibus, agitur de corde non renati juxta suam naturalem propensionem considerato; tantam sc. esse innatam cordis pravitatem & perversitatem, ut ipsi non renato imperiscurabilis sit nativa nequitia sua: At longè aliter sentiendum est de corde verè regenerati cui illuxit lumen gratiæ, siquidem verè renatis lumine gratiæ innotescit se vere dolere de offensa Dei, & propositum habere derelinquendi peccata cognita & deinceps vitam novam instituendi, ac proinde verè & sincere poenitentiam agere, certè æquè perspecta est cuivis peccatori verè poenitentiam agenti, sua poenitentia & dolor de offensa Dei per peccata, atq; fiducia in Dei misericordiam quam tamen ex communi sensu omnium fidelium in semetipsis evidenter sentiunt omnes verè pii, ut supra demonstravimus cap. 25. Inscrutabilitas cordis de qua agit Propheta non impedit, quo minus peccator certò sciat se esse peccatorem teste Bellarm. l. 3. c. 4. quidni igitur quin contritus, sciat certò se esse contritum & fidelis se esse fidelem?

Bellarmin. l. 3. c. 4. Sect. sext. Idem Katharinus non dedignatur (inquit) testimonium accipere à Rabbi Salomone, qui hunc locum ita exponit, Nescit homo (.i.) carnalis & peccator, at Rabbi Salomon (inquit) Regi Salomoni manifestè repugnat, de justis enim, non de peccatoribus se loqui testatur, cum ait, sunt justorum opera in manu Dei, &c.

Sol. R. Non evincitur ex contextu de solis justis agi, loquitur enim Propheta indefinitè Nescit homo, non, Nescit justus, quod si de solis justis intelligatur locus, Nescit justus an sit dignus odio, si peccet, cum tamen fatente Bellarmino carnales & peccatores facile scire possunt se dignos odio non amore si peccent vid. p. Bern. certè Ep. 107:

2. Resp. Certum esse posse, & certum esse, verè contritum de veritate contritionis, de proposito item abrenunciandi omnibus peccatis & de proposito novæ vitæ, certitudine experientiz propriæ & testimonio suæ conscientiz; verè enim poenitentiam agens & verè contritus certò in sese experitur, certitudine excludente omnem formidinem contrarii, se vere dolere ob offensam Dei & sincere proponere sibi vitæ novitatem & emendationem, spiritus enim S. qui induit hunc dolorem & hoc pro-

Propositum de vita nova instituenda simul indit certam notitiam horum actuum, certitudine excludente non solum omnem anxietatem sed etiam omnem formidinem contrarii; nec hoc fit extraordinariâ aliquâ revelatione, sed ex communi sensu omnium verè poenitentiam agentium; & serio examine sui cordis, idque probatur primò ex eo quod Scriptura sumit pro confesso: sic 2 Cor. 13. 5. Vosmetipsos tentate an sitis in fide, vosmetipsos probate, an non cognoscitis quia Christus in vobis est nisi fortè reprobi estis.]

Hic supponit Apostolus hac interrogatione posse hominem discernere an sit in fide, semetipsum probare posse & probando cognoscere an Christus in sese sit (.i.) inhabitando in se. Non potest autem homo cognoscere Christum in se esse & inhabitare, nisi cognoscat se vere dolere de offensa Dei, & poenitentiam agere de peccatis. Similis locus occurrit 1 Cor. 11. 28. Probet igitur sese unusquisque atque ita de pane hoc sumat & de calice bibat (.i.) probet an veram fidem & poenitentiam habeat, an fraterno charitatis affectu ad hanc mensam accedat; hisce enim instructus dignus est convivere, & sine his nihil prosunt sacramenta; ut quid autem tam sedulo hortetur Apostolus ut nos probemus, nisi certò dijudicare possemus & non per solam conjecturam inter fidem & poenitentiam, sinceram & fucatam, inter amorem amicitiae & amorem concupiscentiae, inter charitatem & cupiditatem?

Alibi etiam Propheta instat ut corda nostra scrutemur ut Thren 3. v. 40. ut quid urgeret Propheta tam accuratum scrutinium, si scrutando non nisi opinio conjecturalis de poenitentia nostra haberi potest?

II. Objicit Bellarm. Videmus reipsa multos falli qui se putant habere quod non habent. Certè B. Petrus cum dicebat Tecum paratus sum in carcerem & in mortem ire paratum se esse credebatur mortem subire pro Christo & tamen verè paratus non erat, ut eventus ostendit.

Paulus etiam cum in Christianos fureret, magna se Dei charitate flagrare arbitrabatur & tamen ex ignorantia falsebatur: Et quis est (inquit) qui certò scit se non laborare ignorantia aliqua, non probabili, sed crassa & ex ea peccandi affectum gerere, quem ipse non videat?

Sol. Resp. Non dubium esse quin multi fallantur qui se putant habere quod non habent, in quorum numero erat Petrus dum paratum se credebatur ire in carcerem, & mori pro Christo, cum tamen paratus non esset.

Paulus item cum in Christianos fureret magna se Dei charitate flagrare arbitrabatur, & tamen ex ignorantia falsebatur; at hinc non inferri potest verè paratum non posse credere se verè paratum esse mori pro Christo, licet Petrus præsumens se verè paratum fuisse falsebatur. Aut verè Dei charitate flagrantem non posse certò scire se verè Dei charitate flagrare, nec in sic judicando falli. Licet Paulus furens in Christianos, magna se Dei charitate flagrare opinabatur & tamen ex ignorantia falsebatur.

Bellarminus concludit à majore ad minus affirmativè hoc modo, præsumens & ignorans fallantur in judicando de gratia accepta, ergo verè præditus gratia & sciens se esse præditum fallantur. Esto febricitans mel amarum judicaverit, num ideo sanus non rectè & certò judicat mel esse dulce? esto inops somnians se ingentem thesaurum possidere, fallatur, num ideo sequitur Cræsum aut Crassum non certò sibi persuadere posse se magnam pecuniæ vim in oculis repositam habere? minimè quidem.

Verissimè igitur dicimus hominem fidelem & verè poenitentem posse certò & infallibiliter dignoscere inter veram fidem & poenitentiam, & hypocriticam, utcumque hypocyta fallantur, seseque inani præsumptione eludant.

Pergit adhuc Bellarm. Et quis est qui certus sit se non laborare ignorantia aliqua non probabili, sed crassa & ex ea peccandi affectum gerere quem ipse non videat?

Sol. R. Verè præditus gratia & sciens se præditum gratia certò scit se non laborare ignorantia aut probabili aut crassa aut ex ea peccandi affectum gerere, utcumque opinantes se gratiam habere ignorantia tali crassa laborare possunt. Nos non nisi de iis qui verè gratia præditi sunt asserimus, eos scire posse se esse in statu gratiæ.

Denique objicit Bellarm. Nulla sunt clariora signa veræ conversionis & gratiæ jam adeptæ quam opera charitatis & præsertim si quis animam pro Deo ponat. At hoc ipsum (inquit) potest esse signum fallax cum Apost. dicat 1 Cor. 13. 3. posse hominem sine vera charitate tradere suum corpus ut ardeat : & videmus reipsâ (inquit) interdum hæreticos pro suæ defensione perfidiæ mortem libenter oppetere, qui se Deum ardentissimè amare non dubitabant, cum tamen ne micam quidem veræ charitatis habebant.

Sol. R. Ad exempla illorum Martyrum qui pro perfidia sua mortem oppetunt nihil ex eorum exemplo adduci potest quod nostram defensionem impugnat, quippe cum tales Martyres non sint veri nominis Martyres, cum causa, non pœna faciat martyrem. Nos de verè fidelibus non de hæreticis disputamus, & de vera charitate prædictis non simulatâ & fallaci charitate. Vera charitate præditi norunt se in statu gratiæ esse; non alii.

CAPUT XXXVII.

Ubi occurritur rationibus Bellarmini è Scripturis petitis primo è Proverb. 20. v. 9.

HActenus occurrimus argumentis, ex Scripturis, Traditione Ecclesiastica & rationibus petitis quibus fidem specialem explodendam esse contendit l. 1. de Justif. c. 8, 9, 10. proximo in loco occurrendum est argumentis ex Scripturis, ex testimoniis patrum, ex rationibus itidem undique conquisitis quibus certitudinem remissionis peccatorum impugnat ideam Bellarm. l. 3. de Justific. quam nos variis argumentis asseruimus.

Ut autem rectius occurramus hisce Bellarm. argumentis quædam præmittenda sunt de statu quæstionis inter nos & Romanenses.

Romano-catholici docent extra casum specialis & quidem extraordinariæ revelationis neminem infallibiliter certum esse de remissione peccatorum aut illum certitudinis gradum cui nullo modo subesse potest falsum attingere aliquando : sed homines iustificatos de remissione peccatorum & sua iustitia ordinariè certos esse solâ conjecturali certitudine quæ anxietatem omnem excludat, quam certitudinem spei appellant; quæ opinionis est potius quam fidei asserente Bellarmino. Nullo autem modo certitudine fidei, aut ejusmodi signis indubitatis quæ formidinem contrarii expellant.

Nos contra asserimus.

1. Quemlibet verè fidelem certum esse posse indubitato & esse aliquando indubitato certum, se peccatorem indulgentiam consecutum fuisse apud Deum.

2. Hanc certitudinem non semper omnem formidinem contrarii imò nec omnem anxietatem excludere præsertim in prima conversione & tempore tentationis.

3. Aliquando hanc certitudinem de adeptâ & acceptâ peccatorum remissione in homine fidei talem ac tantam esse ut omnem formidinem contrarii excludat & omnem scrupulum eximat, nimirum in seriis fidei & pœnitentiæ exercitiis præsertim post expugnatam gravem tentationem. vid. Daven. Determ. 111. p. 20.

4. Ordinariè licet non omni momento cordibus fidelium tantam vigere certitudinem de impetratâ peccatorum remissione, quæ omnem anxietatem & frequentes dubitationes actu excludat, licet non actu omnem scrupulum aut contrarii suspicionem. In eorundem tamen cordibus post diuturnos in pietatis palæstra exantlatos labores

labores, formidiae consumpta, quandam jam de presumptione venia nasci securitatem ut devotissimè Gregorius Epist. l. 6. Ep. 23. c. 187.

5. Nasci hanc dictam certitudinem tum ex verâ cordis contritione, tum ex viva fide in Christum Redemptorem; tum ex utriusque fructibus & indiciis minime fallacibus quæ indubitatis experimentis in sese sentit fidelis ac per ista de peccatorum remissione & propriâ justificatione certioratur, idque certitudine fidei licet non Catholicae cujus objectum est generale & omnibus proponitur, specialis tamen cujus objectum speciale est & fidei tantum proponitur, estque dicenda conclusio fidei saltem mediâtè ut supra dictum est.

Hisce præmissis in aciem jam prodeant copiae Bellarmini & quidem primo quæ ex Scripturis depromptæ sunt ex testimoniis Salomonis. Primum est Proverb. 20. 9. Quis potest dicere, mundum est cor meum, purus sum à peccato? Ubi notat Bellarm. Salomonem non dixisse neminem esse mundum corde & purum à peccato: sed neminem posse dicere, mundum est cor meum, & purus sum à peccato, posse igitur homines per Dei gratiam cor mundum habere, sed illos ipsos qui mundi sunt, hoc non posse certò scire.

Sol R. 1. Verè dicit Salomon, neminem posse dicere se esse mundum corde, non quia non potest hoc certò scire, sed quia nemo veraciter hoc dicere potest cum nemo perfectam justitiam inherentem habeat. Ait Ap. 1. Joan. 1. 8. Si dixerimus nos peccatum non habere nosmet ipsos fallimus & veritas in nobis non est, hunc locum Lutherus rectè exponit de prava concupiscentia quam ex hoc loco probat semper peccatum esse cum nullum aliud peccatum in nobis perpetuo maneat & monet Apostolum dixisse, non habuimus, sed habemus ut in iis etiam qui virtute vincant ceteros inesse peccatum intelligamus. Ipse David orat Psal. 143. Ne intres in iudicium cum servo tuo quia in conspectu tuo non justificabitur ulla caro Psal. 51. 2. amplius lavari adhuc petit David. Paulus agnoscit in se justificato adhuc inesse peccatum inhabitans Rom. 7. 20. quo tempore etiam se in Christo esse & à reatu peccati liberatum esse dicere non dubitavit Rom. 8. 1. Inherentia ergo peccati inhabitantis potest in justificato cum ejusdem remissione per fidem in sanguinem Christi consistere, ratione ergo hujus peccati inhabitantis nemo potest aut scire aut dicere se esse mundum corde, atque in hunc sensum locum hunc interpretatur Chrysost. Hom. 6. in Terræ motum & Lazarum licet justus sit quis, licet millies sit justus & ad culmen ipsum ascenderit, ita ut expers sit peccati non potest esse mundus à sorde & *δυνατά καθαροί ήναι καλός*, non potest mundus esse à macula vel sorde I cet millies justus sit, est tamen homo, quis enim gloriabitur castum se cor habere? aut quis confidit mundum se esse à peccato? & postea impossibile est igitur ut nullus homo sit à peccato immunis.

2. Respondet Cajetanus in locum. Juxta Hebræum, Quis dicet, mundavi cor meum? purgavi à peccato meo? quasi dicat, nullus, non est enim hominis operatio purgare cor & purgare illud à proprio peccato. Hoc enim opus misericordiae reservatur divinæ, hominis enim opus est peccare & inquinare. Cor autem mundare Dei est. Juxta illud perditio tua ex te Israel, salus autem ex me. Catharinus etiam imitatus Cajetanum respondet in Hebræo esse, Quis potest dicere, Mundavi cor meum & purificavi me à peccato meo, proinde reprehendi hoc loco superbiam eorum, qui suis viribus existimabant se posse justificari; non autem prædicari incertitudinem propriæ gratiæ.

Cajetanus & Catharinus proculdubio explicant literalem sensum quem præ se ferunt verba in Hebræo contextu qui certè literalis sensus præ ceteris recipiendus est.

Quomodo etiam Mercerus, Pagninus & Arias Montanus reddiderunt quoad priorem clausulam, & interpretes nostræ versionis vernaculæ. Sic etiam ex Hebræo reddit Symmachus. *Τὸς ἐγὼ καθαροῦν τὴν καρδίαν µε* lucidum & clarum reddidi cor meum.

Audacter satis hic Bellarminus, Mundavi cor meum, significare, Mundum est cor meum, potuit æquè dixisse idem sonare ego justificavi meipsum, atque ego justificatus sum; cum tamen solius Dei sit justificare peccatorem. Deus est qui justificat

cat, quis condemnabit? inquit Apost. Rom. 8. At quilibet verè & sincerè pœnitentiam agens & recumbens in Christum Redemptorem ob remissionem peccatorum potest veraciter dicere dictante conscientia, in seriis exercitiis fidei & pœnitentiæ mihi remissa sunt peccata, ego à peccatis meis, Dei misericordia absolutus sum. Idque absque omni suspitione vel temeritatis vel arrogantia.

CAPUT XXXVIII.

Solvitur ratio ex Ecclesiast. 9. 1.

Secundus locus quem adducit Bellarmin. & communiter Romanenses, desumitur ex Eccles. 9. 1. Sunt iusti & sapientes, & opera eorum in manu Dei, & tamen nescit homo, utrum odio vel amore dignus sit, sed omnia in futurum servantur incerta; hinc infert, ergo iusti non possunt scire an amentur à Deo necne.

Sol. Resp. 1. In Hebræo textu multo aliter legi quam in vulgata versione, in hunc modum, Nescit homo vel dilectionem vel odium, sed omnia sunt ante eos: vel ut Arias Montanus etiam amorem etiam odium non sciens homo omnia ad facies eorum, & v. 2. Omnia sic eveniunt tanquam esset unus omnibus eventus, iusto & impio, bono & malo, mundo & immundo. Et ver. 3. Hoc malum in omni eo quod factum est sub sole, quod omnia habent unum eventum.

Ex quibus omnibus eruitur iste sensus, Quod ex eventis externis non possit iudicari an placeamus, an displiceamus Deo, cum universa aequè eveniunt iusto ac iniusto.

Frustra igitur asserit Bellarminus, Hieronymum secutum fuisse sensum, non verba, cum sensus pro quo contendit Bellarmir. nullo modo ex Hebræo fonte aut Græca versione colligitur, nisi vim Manifestam textui inferre velimus.

2. Ipsi Romanenses agnoscunt posse hominem iustum eam certitudinem habere de sua præsentis iustitia quali credunt urbem Constantinopolitanam jam existere, sic Dominicus Soto; summâ scil. fide humanâ, imo tam certâ & firmâ fide ut non sit (inquit) in potestate mea aliter credere.

Ipse Bellarminus contendit hominem posse tantam certitudinem habere de sua præsentis iustitia quæ omnem anxietatem excludat licet non omnem formidinem contrarii. Quomodo igitur urgere potest ex hoc loco neminem scire an à Deo ametur necne, imò planè hoc nescire omnem hominem.

3. Si sensus Bellarmini obtineret, nemo ne sceleratissimus quispiam quamvis peccet contra conscientiam, Non Cain, non Judas scire poterit, an odio dignus sit coram Deo Necne, cum Salomon dicat, Nescit homo utrum amore an odio dignus sit.

Ipsi Romanenses plerique nostram interpretationem admittere cogantur, Alphons. de Castro in posterioribus editionibus relicto sensu quem urget Bellarm. Nemo aliquid horum (inquit) sitne in gratia necne, scire potest ex consideratione rerum externarum sive prospera sive adversa, quia hæc omnia possunt iusto perinde ac peccatori contingere. Et post, rejecto ergo illo testimonio propterea quod dubium est, & non convenit inter omnes de sensu illius, oportet aliunde capiamus testimonia.

Cajetanus in locum in fine c. 8. Nescimus an Deus tanquam amans aliquem gubernet eum per adversa, & similiter an tanquam odio habens aliquem gubernet eum per adversa, idemque dicit de prosperis.

Salmeron item Jesuita in 1 Cor. 12. disp. 14. Hic locus (Eccl. 9. 1.) nequaquam probat quod aliqui inde accipiunt, hominem nescire amorem Dei erga se, quia sequitur in textu, nescit an amore vel odio dignus sit, at impii propter maxima sua scelera norunt se maxime dignos esse odio Dei.

Et Katharinus in assert. 1. de certitudine gratiae de hoc ipso loco agens, qua sententia (inquit) negari certitudinem gratiae plarique volunt, nec perspexerunt si hoc negetur, simul certitudinem negari praesentis odii Dei, nam sicut sapiens dicit, Nescit homo an sit dignus amore, ita dicit nescit homo an sit dignus odio. Quod certe (inquit) falsissimum est, si sic simpliciter intelligatur. Ipse Bellarminus faretur carnales & peccatores facile scire posse se odio dignos esse, non amore l. 3. c. 4 de Justif. sed excipit Bellarm. Salomonem hic non loqui nisi de justis, nam in verbis praecedentibus, sunt justi & sapientes & opera eorum in manu Dei & ex Comment. Hieronym. hunc sensum elici vult.

Sol. At hoc inquit Catharinus ubi supra, & sine autoritate dicitur & contra proprietatem verborum; legimus enim indefinite nescit homo, non autem nescit justus; praeterea (inquit) omnes authores quos legi (vidi enim plurimos) illum locum secus exposuerunt. Signanter B. Hieronymus — qui vult non quod non possit sciri amor, aut odium Dei, sed quod non potest sciri ex fortuitis & infortuitis quae in hac vita contingunt bonis & malis. Item horsum allegat Bernard. Epist. 107. ad Thom. de Beverley, non ergo de solis justis & sapientibus loquitur, quorum opera sunt in manu Dei, sed in genere pronuntiat. Nescit homo quam appellationem universaliter sumi, ex sequentibus evincitur; omnia sic eveniunt tanquam esset unus omnibus eventus, justo & impio, bono & malo mundo & immundo, ubi Salomon terminum indefinitum universaliter exponit & eundem in justos & impios bonos & malos, mundos & immundos dispecit. Non ergo de solis justis pronuntiat quod nesciant an sint odio vel amore digni sed universaliter enuntiat, neminem hoc scire ex eventibus externis cum justo & injusto. Eadem in hac vita aequae contingunt. Non ergo ex hoc loco inferri potest incertitudo amoris vel odii simpliciter, sed tantum incertitudo ex eventibus prosperis vel adversis quoniam hosce justo & impio communes esse pronuntiat. Salomon v. 2. Omnia sic eveniunt tanquam unus esset omnibus eventus, justo & impio. Ex adversa ergo fortuna justus non potest colligere se esse in odio Dei, nec ex prospera se esse in amore Dei. Hinc aperte colligitur loqui Salomonem de notitia quae habetur ex eventibus externis.

Regerit Bellarminus non necesse esse ut ratio aequè late pateat atque ipsa conclusio quae ratione probanda est. Salomon igitur rectè probat non posse homines justos certò cognoscere utrum diligantur à Deo quia si id possent certò cognoscere, maxime cognoscerent ex beneficiis Dei, at beneficia Dei communia sunt justis & impiis, & universa aequè eveniunt justo & impio — similiter & flagella. Ita nec beneficia nec flagella divina, nec odii nec amoris certa sunt indicia.

Sol. R. 1. Agnoscimus non necesse est, ut ratio aequè late pateat atque conclusio; potest enim esse angustior, nunquam tamen latius patet quod omnes Logici docent & evidens ratio convincit. Conclusio enim est effectus praemissarum. Nihil autem est nec esse potest in effectu quod non sit vel fuerit in causa vel formaliter vel eminenter. Quare cum ex eventibus justis & impiis communibus incertitudinem gratiae Salomon probet, non rectè inferitur inde absoluta & universalis conclusio, quod simpliciter & nulla ratione homo scire possit se in gratia esse quod non per gratiam, attestante hoc conscientia, verè justis certi esse possint de sua justitia. Hoc (inquam) non rectè inferitur. Negata enim una certitudinis causa non ideo negantur reliquae omnes. Negata certitudine ex iis quae impiis & justis communiter accidunt eventis non illico omnis certitudo gratiae negatur.

2. Esto Salomonis ratio formetur eo modo quo contendit Bellarminus non tamen inde incertitudo gratiae colligitur. Si justis possunt certò cognoscere se à Deo amari maxime (inquit) cognoscerent ex beneficiis Dei. At non cognoscunt ex beneficiis Dei.

Ergo non omnino.

Sol. Resp. Admissa M. propositione negatur Minor; etsi enim ex beneficiis communibus, non cognoscuntur quæ ex æquo conferuntur piis & impiis, qualia sunt bona corporis & bona quædam animæ & bona fortunæ quæ dicuntur, tamen quædam sunt bona animæ spiritualia quæ piis sunt propria, qualia sunt poenitentia & fides viva in Christum Redemptorem, pax item & tranquillitas conscientiarum, gaudium item spirituale & spes quæ non confundit quorum meminit Apostolus ad Romanos 5. Dilectio item fraterna, cujus meminit Sanctus Joannes Epist. 3. 14. Nos scimus quod translati sumus à morte ad vitam, quoniam diligimus fratres; ex ejusmodi beneficiis & donis spiritualibus certissime colligunt verè pii se à Deo diligere & in statu gratiæ esse atque hæc dicta sunt de secundo loco quem urgent in hac causa Adversarii.

CAPUT XXXIX.

Solvitur ratio ex Ecclesiastici cap. 5.

Tertius locus est Ecclesiastici viz. de propitiato peccato noli esse sine metu; neque adjicias peccatum super peccatum & ne dicas miseria Domini magna est, multitudinis peccatorum meorum miserebitur, hic locus mirificè (inquit) pungit hæreticos. Ipsi enim propriè illi sunt, qui ubi fide visi sunt Christi justiciam apprehendisse nullo deinceps metu tanguuntur & quamvis adjiciant peccatum super peccatum, putant sibi salutem perire non posse, quia miseria Domini magna est & credentibus non imputat multitudinem peccatorum quos sane vanissimos (inquit) Ecclesiastes judicat, cum ait, sunt impii quia ita securi sunt, quasi justorum facta habeant. Sed & hoc vanissimum judico.

Sol. Resp. Esto, hæreticos pungat iste locus, at Orthodoxos ne tangit quidem: Græcus contextus Syracidis—Nihil concludit, contra certitudinem remissionis peccatorum—Sic enim habet *τις ἐξ ἡμαρτῶν μὴ φοβέται τὴν ἐν ἀποκατάρσει ἀποδομένην ἀμνησίαν ὡς ἀμνησίαν* De propitiatione, ne sine timore sis in abundantia ad addendum peccata peccatis, vel ut reddit Vatablus, de venia ne sis nimium securus, ut peccata peccatis cumules. Sensus est noli præsumere addendo peccato peccatum spe expiationis obtinendæ: hanc interpretationem confirmat versus sequens & ne dicas miseria Domini magna est, multitudinis peccatorum meorum miserebitur. Et cap. 21. 1. Fili peccasti non adjicies iterum: sed & de pristinis deprecare & tibi dimittantur.

Jansen. in loc. intelligitur hic locus de obtinenda remissione peccati perpetrati contra præsumptionem non de propitiatione pro perpetrato, ut vulgata habet cui textus repugnat. Christoph. à Sacro bosco in Defensione Bellarmin. contra Whitakerum part. 3. c. 6. Sect. Rursus Jansenius intelligit hunc locum de præteritis peccatis. Bellarm. de futuris sed Jansenii expositio est probabilior: intelligitur (inquit) hic locus de propitiatione futura tum quia Græca ad verbum expressa ita se habent. [de propitiatione noli esse sine metu ut adjicias peccata peccatis tum quia sequitur v. 6. Ne dicas Deus peccatorum meorum miserebitur] hæc ille.

Quid ad hæc Bellarm. Syracidem non loqui de propitiatione futura sed præterita. Nam de futura adjungit quæ sequuntur & ne dicas miseria Domini magna est, multitudinis peccatorum meorum miserebitur, addit etiam alium locum cap. 21. 1. Fili peccasti ne adjicias iterum, sed & de pristinis deprecare ut tibi dimittantur, ubi duplicem sollicitudinem adjungit, unam pro futuris, alteram pro præteritis.

Sol. R. in Græco contextu Syracidis habetur *τις ἐξ ἡμαρτῶν μὴ ἀποβῇ τὴν ἐν* de propitiatione ne sis sine metu quod intelligendum est non de impetrata propitiatione post actam poenitentiam, sed de impetranda per carnalem securitatem & misere-

ricordiae divinae abusum hinc enim mox adiecit Syracides, ut peccata peccatis cumules. Sensus est ut antea diximus; Noli presumere addendo peccato peccatum spe expiationis obtinendae atque adeo portam licentiae peccandi aperiendo.

Atque ita c. 21. 1. à carnali securitate dehortatur, ut pro peccatorum praeteritorum remissione potius humiliter Dominum exorandum quam in peccatis indulgentis pergendum esse docet.

At hinc nihil inferre potest contra certitudinem remissionis peccatorum. Debemus (inquit) Syracides pro peccatis perpetratis deprecari; quis hinc inferre potest, ergo de peccatorum remissione certi esse non possumus?

Sed excipit Bellarminus, Ideo de propitiatione futura non posse nos certos esse, quia nescimus an habebimus spatium poenitentiae.

Sol. Resp. Esto id verum de iis qui secure indulgent peccatis & de agenda poenitentia non cogitant, at de fidelibus lapsis in grave peccatum aliter sentiendum; quibus Deus ex misericordia succurrit & gratiosa promissione. Iustus si ceciderit non collidetur quia Dominus supponit manum Psal. 37. 24. & rursus Ego pascam oves meas, perditam requiram, abjectam reducam, contractam obligabo, agram consolidabo, Ezek. 34. 15. Item. Qui biberit ex aqua quam ego dabo ei, inquit Servator, non sitiet in aeternum, sed aqua quam ego dabo ei fiet in eo fons aquae salientis in vitam aeternam. Joan. 4. 14. Ex istis gratiosis promissionibus possunt fideles lapsi in gravia peccata, concipere spem veniae & sperare Deum, interveniente poenitentia sibi propitium futurum.

At adhuc instat Bellarminus. Quis autem potest certus esse praesertim fide divina, se veram habere conversionem & poenitentiam.

1. Sol. R. Certum esse posse verè respicientem de sua poenitentia, cum enim poenitentia sit non aliud quam dolor de offensa Dei cum proposito de cetero non peccandi. Qui verè & serio dolet de offensa Dei, simulque serio tibi proponit in posterum non peccare certitudine experientiae novit sese hos actus elicere, vid. sup. p.

Hic tamen addo ad maiorem certiorationem supra p. de veritate poenitentiae.

1. Experientiam verè poenitentis comitem habere ordinariam illuminationem sp. sancti, ut non opus sit speciali immediata & extraordinaria revelatione.

2. Hanc ordinariam illuminationem sufficere fidei extra tentationem ut certiorari possit de actus sui veritate & sinceritate absque dubitatione anxietate, haesitatione & in seriis exercitiis fidei & poenitentiae & devotis precibus absque formidine contrarii. Ubi haec omnia concurrunt certus esse potest verè poenitens se veram poenitentiam habere idque fide divina.

In historia Concilii Tridentini lib. 2. p. 162. Edit. lat. Andreas Vega tantam certitudinem gratiae asserbat quæ dubitationem omnem excluderet neque fallere posset sed eam pro fide Christiana noluit agnoscere verum humanam tantum & experimentalem, & similitudine sententiam suam explicans: sicut (inquirebat) qui calorem habet certus est se eum habere experisque sensus esset si de eo addubitaret: ita qui gratiam in se habet, eam sentit neque dubitare potest quin eam sentiat sed animi sensu non divina revelatione.

Alteri vero certitudinis Patroni (inquit Author Historiae) ab Adversariis coacti animi sui sensum disertis verbis ex primere utrum crederent hominem posse certitudinem gratiae habere an verò etiam hominem putarent ad id credendum teneri: Et utrum fides ea divina esset an humana tandem professi sunt. Quandoquidem fides ea exhibeatur testimonio sp. sancti non posse eam relinqui hominis libertati; cumque unusquisque teneatur credere revelationibus divinis fidem illam non aliter nuncupandam quam divinam.

Hæc Author historiarum ubi videmus Andream Vegam tantam certitudinem asserere nos habere per actus nostros experimentales gratiae v. g. poenitentiae seu fidei quæ dubitationem omnem excluderet nec fallere posset.

Ea certitudine qua qui calidus est certus est se calidum esse, quia alioqui sensus expers esset, si dubitaret hanc tamen esse mere humanam & experimentalem. Alios tamen in Synodo cordatiores theologos hac non acquievisse certitudine sed certitudinem

dinem illam non esse aliter nuncupandam quam rectitudinem fidei divinæ. Isti Theologi non verebantur pronuntiare certum esse posse hominem fidelem de suâ conversione & poenitentia fide Divina.

Ad ea quæ adjicit Bellar. l. 3. c. 4. 6. Ultimo, facile respondetur cum nitantur calumnia sæpius depulsa, quod juxta sententiam nostram homo certo credat sibi esse remissa peccata ob id solum quia credit sibi esse remissa. Vid. supra, p. . . .

CAPUT XL.

Ubi respondetur Testimonio & exemplo Jobi & Davidis.

Bellarm. lib. 3. de just. c. 5. Secundo loco petit argumentum ad impugnandam certitudinem de remissione peccatorum à testimonio & exemplo trium perfectissimorum hominum Job, Davidis & Pauli — qui non audebant sibi certitudinem propriæ gratiæ arrogare, quis ergo (inquit ille) qui de propria justitia non formidet?

1. Producit testimonium & exemplum Sancti Jobi, Job 27. 6. Non reprehendit me cor meum in omni vita mea] Jobus c. 9. 12. si venerit (inquit) non videbo eam; si abierit non intelligam, item ver. 15. Si iustificare me volueris os meum condemnabit me, si innocentem ostendero, pravum me comprobabit, etiamsi simplex fuero hoc ipsum ignorabit anima mea & ver. 28. verebar omnia opera mea sciens quod non parceres delinquenti & c. 31. 14. Quid faciam cum surrexerit ad judicandum Dominus, & cum quaesierit quid respondebo illi addit ex Gregor. lib. 9. Moral. c. 17. & 19. Paraphrasin verborum Jobi in eandem sententiam.

Sol. Resp. 1. Tres istos viros rectè perfectissimos dici, respectu aliorum imperfectiorum non absolute ac si ita perfecti fuerint ut peccati expertes essent, Esto ceteros præcellabant innocentia & justitia, nævis tamen suis non carebant.

2. Respondeo ad locum citatum è Job 27. 6. cum dicat non reprehendit me cor meum in omni in vita mea] Non hoc dictum ac si in vita sua nihil peccaverit sed ut habet Pagninus non probris afficiet me cor meum à diebus meis] ostendit se propositi tenacem esse & justitiam suam retenturum nec ab ea suasionibus ullis dimoveri velle.

3. Resp. Ad loca quæ à Sancto Jobo allegat ut Jobum probet dubitasse de sua salute, nec certitudine fidei, de illa rectum fuisse nec ausum fuisse certitudinem propriæ justitiæ & gratiæ arrogare.

1. Ex locis citatis non aliud evinci quam operum nostrorum imperfectionem siistantur coram tribunali Divino nec quæquam propria justitia coram Deo esse justum. Idque evincitur ex ipsis verbis ex toto contextu & scopo etiam & intentione Jobi si loca inspiciantur, alibi enim vir sanctus confidenter pronunciat etiamsi occiderit me Dominus, tamen sperabo in eo Job 13. 15. ibid. ver. 18. scio quod justus ero seu quod iustificabo me nempe coram vobis innocens Criminum quorum me accusatis & cap. 19. 25. fiducialiter pronunciat, scio quod Redemptor meus vivit & in novissimo die surrecturus sum è pulvere & in carne mea videbo Deum.

Ex dictis ergo locis esto rectè insertur imperfectio justitiæ at incertitudo remissionis peccatorum nullatenus evincitur. Id ipsum evincitur è dictis Gregorii citatis è 9. moralium quid de aliis loquar qui ipse pro me testimonium ferre non valeo.] Scil. de meæ justitiæ perfectione, & postea si subtili discussione nos requirimus, plerunque inter vitia virtutesque caligamus] Et rursus conditoris judicia contra me quæ temeritate redarguo qui ipsum me ex infirmitatis caligine ignoro.] Hic Gregorius agnoscit mentis

mentis nostræ caliginem in vitiis & virtutibus discernendis; atque adeo nostræ iustitiæ imperfectionem, non item incertitudinem. Esto conscius simus de nostra ignorantia in iustitia nostra dignoscendâ, an sit conformis legi dei necne, non tamen ideo incertus sumus & dubii de remissione peccatorum. Qui enim iustitiæ suæ penitus abrenunciant in negotio justificationis & fiducialiter recumbunt in misericordiam Dei & sanguinem Christi Redemptoris ob remissionem peccatorum; iis hoc ipso remittantur peccata non obstante iustitiæ suæ inharerentis aut ignorantia aut imperfectione quam Gregorius ubique agnoscit. Idem Greg. Moral. 31. c. 23. Iustus (inquit) quasi Leo confidens absque terrore erit. In occurſu bestiarum Leo ideo non trepidat, quia prevalere se omnibus non ignorat. Unde iusti viri securitas Leoni Comparatur, quia contra se cum quolibet insurgere conspiciat, ad mentis suæ confidentiam redit, & scit quod cunctos adversantes superat quia illum solum diligit quem invitus nullo modo amittat.] Hæc ille. Hic Gregorius prædicat confidentiam iustorum quæ nullis adversantur terroribus concutitur sed, contra omnes insurgit & omnes superat.

2. Affert Testimon. Davidis Psal. 19. delicta quis intelligit? ab occultis meis munda me Domine & ab alienis parce, servo tuo.] S. Hieronimus lib. 1. & 2. contra Pelag. & St. Bernardus, Epist. 42. sententiam huius loci esse volunt, neminem esse iustorum qui plenè intelligat careatne peccatis an non. Et quamvis (inquit) hic locus interdum exponi solet de peccatis venialibus, tamen probabilius est extendi ad omnia cum sententia sit generalis & nihil sequatur absurdi, si generaliter exponatur. Præterea distinctio peccati mortalis & venialis nihil juvat adversarios qui omnia peccata mortalia esse contendunt.

Sol. Resp. 1. Neminem certum esse posse careat ne peccatis an non (.i.) ita careat ut sit perfectè iustus. Davides autem non solum incertus erat de perfectione iustitiæ propriæ sive habitualis sive actualis; ut etiam expresse negaret eum coram Dei iudicio subsistere posse, Psal. 143. 2. ne intres in iudicium cum servo tuo, quia non iustificabitur in conspectu tuo omnis vivens & Psal. 130. 3. si peccata imputare volueris quis sustinebit? Et Psal. 32. 6. pro hac (.i.) peccatorum remissione orabat ad te omnis Sanctus; Agnovit ergo Davides peccata occulta, defectus culpabiles adherentes, reliquias peccati inhabitantis, actualis iustitiæ imperfectionem proinde horum remissionem supplex rogavit. Idem tamen alibi ait. Benedic anima mea Dominum — ipse ignoscens cunctis iniquitatibus tuis, ipse medens omnibus ægritudinibus tuis Psal. 103. 3. Idem Psal. 32. 5. Dixi confitebor Domino prævaricationes meas & tu abstulisti iniquitatem peccati mei.] David non gratias ageret de peccato remisso, nisi certus fuisset de remissione.

Rursus cum primum induceret in animum se suppliciter a Deo petiturum remissionem peccatorum illicò remissa sunt peccata & de hac remissione certus erat; porro Davides ubique proficitur se certum fuisse de actibus fidei & fiduciæ: à se elicitis, non dubium aut anxium. David, Psal. 25. 2. Domine Deus meus in te confido, non erubescam.] Certus erat se in Deo confidere ac proinde infert se non afficiendum pudore, & Psal. 71. 1. In te Domine speravi, non confundar in æternum & 71. 1. Misere mei Deus — quia in te confidit anima mea] certus erat de confidentia sua in Deum, ergo & de misericordia Psal. 125. 1. Qui confidunt in Domino sunt sicut mons Sion? Quorum proponit hanc promissionem & literis consignavit si nemo certus esse potuisset de sua in Domino confidentia?

CAPUT XLI.

Ubi respondetur testimonio Pauli, 1 Cor. 4. 4.

3. **A**ffert testimonium Pauli 1 Cor. 4. 4. Nihil mihi conscius sum, sed non in hoc justificatus sum. Ostendit (inquit) iudicium de nostra iustitia Deo relinquendum esse cum ne nos quidem ipsi nos plenè cognoscamus. Mihi(inq.) pro minimo est ut à vobis iudicer aut ab humano iudicio (i.) non magnificatio aliena iudicia de me quia non ignoro quam sint incerta. sed neque meipsum iudico (i.) nec meo iudicio fidere audeo, quoniam etiamsi mihi nihil conscius sum tamen non in hoc justificatus sum (i.) non ideo iustus sum quia bonam conscientiam habeo. Fortasse enim Deus videt in conscientia mea id quod ego ibi non video. Qui autem iudicat me Dominus est (i.) solus Deus est verus iudex, ille solus omnia novit & tunc verè iustum me putabo cum Dominus me iustum esse pronuntiabit. Nolite itaque ante tempus iudicare quousque, veniat Dominus qui revelabit abscondita tenebrarum & manifestabit consilia cordium & tunc laus erit unicuique à Deo.

Sol. R. I. Certum est hunc locum non intellexisse Paulum de iustitiæ suæ incertitudine cum & ipsi Romanenses ultro fateantur, speciali revelatione divina Paulum de sua iustitia certum fuisse. Et præterea ex ipso Apostolo hoc ipsum pluribus in locis evincitur qui sæpe hoc profitetur ad Rom. 8. 38. Certus sum (inquit) quia neque vita, neque mors, neque Angeli, neque Principatus, neque virtutes, neque instantia, neque futura, neque sublimitatem, neque profunditatem, neque ullam rem aliam creatam posse nos separare à caritate Dei quæ est in Christo Jesu Domino nostro, Confidenter item alibi dicit, 2 Tim. 4. 8. Quod superest, reposita est mihi corona quam reddet mihi Dominus in illo die iustus iudex. Non tam fidenter locutus fuisset si vel dubius fuisset de iustitia sua aut de ea conjectura tantum probabili niteretur.

Porro num existimabimus eum de remissione peccatorum dubitasse qui dicit Rom. 5. 1. Iustificati fide pacem habemus apud Deum & gloriam sub spe gloriæ Dei. Unde nihil minus ex hoc loco colligitur quam Paulum de sua justificatione dubitasse, aut se non iustificatum esse absolute significare voluisse, in eo enim mendax fuisset. Dicendum ergo locum istum intelligendum esse vel de fidelitate in ministerio vel de studio, praxi & exercitio bonorum operum in genere.

Juxta primam interpretationem ideo, ergo tantum dicit se iustificatum non quod in munere suo Apostolico fungendo nihil sibi conscius esset quod enim dicit se non se ipsum iudicare sed iudicio Dei sese subicere id non intelligendum de iudicio salutis propriæ vel de suæ personæ justificatione, sed de justificatione fidelitatis suæ in munere Apostolico obeundo, adversus eos qui ejus ministerii dignitatem imminuere conabantur, & aliorum ministerium supra ejus efferre satagebant ut sensus sit. Nihil mihi quidem conscius sum ac si negligens fuisset in functione meâ administrandâ aut munere obeundo, attamen non propterea sum justificatus nec ausim me absolute iustum pronuntiare, aut fidelitatem omnimodam & undique perfectam allegare quia ignoranter & involuntariè peccare potui: Dominus autem est qui iudicat ille novit an muneris mei plenariè satisfecerim necne. Hæc est literalis loci interpretatio. Eumque ferè sequitur Cajetanus. Hæc autem nullo modo Romanensium dubitationem de remissione peccatorum confirmat. Ita enim argumentaretur Apostolus hoc modo.

Ignoramus an fidelitate debita usi sumus in prædicando Evangelio Ergo dubitandum an peccata nobis remissa sunt.

Sin verba Apostoli de exercitio bonorum operum in genere intelligantur rursus ne-

nequeunt ex hoc loco incertitudinem justificationis colligere Romanenses ob rationem dictam, Num enim existimabimus de peccatorum remissione dubitasse, qui dicit, Rom. 5. 1. Justificati fide, pacem habemus apud Deum & gloriamur sub spe gloriæ Dei.

Præterea D. Paulus non loquitur dubitanter, nescio an hinc sum justificatus; verum asseveranter loquitur & Categorice pronuntiat, Non sum in hoc justificatus. Derogat ergo & denegat omnem justificationem & vim justificatoriam suis operibus in hunc sensum ergo quoad graviora delicta, nihil mihi conscius sum, sed scio me bonis operibus pro virili operam dedisse tamen vicissim scio quod istis meis operibus non sum coram Dei tribunali justificatus quod iis iustitiam & salutem habere nequeam, quoniam 1. sunt debita, 2. sunt imperfecta, 3. admiscuntur multis levioribus & venialibus peccatis.

At quam invalida est ista consequentia: Ex operibus nemo justificatur, nec de remissione peccatorum, ex operibus potest esse quis certus,

Ergo

Non omnino potest esse quis certus de remissione peccatorum. Cum certus esse possit, tum ex vera & sincera cordis contritione tum ex vera & viva fide in Christum Redemptorem, tum ex utriusque fructibus & indicii minime fallacibus quæ indubitatè experimentis in se sentit vere fidelis, ut ante docuimus.

Porro rectè respondet P. Martyr in locum, & Kemnitius in examine Concilii Trident. Apostolum significare, se contra maledicos & obrectatores innocentiam suam testari, tamen coram Deo se non esse iustum ex ulla virtute aut qualitate, aut opere bono, sed ex sola misericordia qua propter Christum peccata credentibus in eum non imputat.

Regerit Bellarm. lib. 3. c. 5. Hæc expositio primum absurda esse convincitur, ex illis verbis; Nihil mihi conscius sum: Nam vel significant hæc verba, Non agnosco in me ulla peccata, quasi revera in me existentia & in hærentia; vel significant, video peccata mea per misericordiam Dei tecta, & ideo existimo non esse amplius mea, quamvis in me sint & vivant.

Si dixerint primum, Falsum erit Apostolum non fuisse iustum coram Deo ex ulla virtute & qualitate; quomodo enim non est iustus ex interiori puritate & virtute, si revera multum in eo peccatum inhæret.

Si dixerint secundum; Falsum erit illud, Non in hoc justificatus sum. Nam si Paulus nihil sibi conscius erat, quia peccata non imputari sibi, & per non-imputationem tecta esse credebatur; certe per hoc ipsum justificabatur ex sententia Lutheranorum.

Sol. R. Horum sensuum neutrum textui competere; cum enim Apostolus dicat, Nihil mihi conscius; non immunitatem ab omni peccato inhærenti sibi vindicare voluit; cum alibi Rom. 7. 17. agnoscat in se peccatum inhabitans, & legem membrorum legi mentis repugnantem ibid. v. 25. etiam in se renato: & carnem concupiscentem contra spiritum: Galat. 5. 17. sed immunitatem à peccatis gravioribus conscientiam vulnerantibus turbantibus & inquietantibus.

Rursus cum ait, Non in hoc justificatus sum; non negat simpliciter se esse justificatum, cum diserte pronuntiet de se & aliis; Rom. 5. 1. Justificati fide, pacem habemus apud Deum: sed in hoc se justificatum esse negat, quia iustitia illa bonæ conscientie coram severi iudicii Divini examine consistere se posse negat; cum nævis suis se non carere optime nōrit: Unde David petit à Deo, Psal. 143. 2. Ne intres in iudicium cum servo tuo, quia in conspectu tuo non justificabitur omnis vivens.

Unde Augustin. in locum: Quantumlibet rectus mihi videor; producis tu de thesauro tuo regulam, coaptas me ad eam, & pravus invenior: & de peccat. mer. & rem. 2. c. 19. Quantum pertinet ad integerrimam regulam veritatis ejus; Non justificabitur in conspectu tuo omnis vivens. Et de Civitat. Dei 21. cap. ultim. & in Psal. 147. Si Deus absque misericordia judicaret, juveniret in unoquoque, unde eum damnaret.

Ipsæ Apostolus Paulus Philip. 3. 8. Omnia duco pro stercorebus, ut Christum

lucrifaciam; & inveniar in illo non habens meam justitiam, justitiam meam quæ est ex Lege; sed illam quæ est ex fide Christi, quæ ex Deo est, quæ ex Deo per fidem.]

Hic Apostolus abdicat suam justitiam, & ad illam solummodo confugit, quæ est per fidem in Christum: Cujus eximius fructus erat, ut dicere Posset, Nihil mihi conscius sum: unde & alibi in hunc modum loquitur, 2 Cor. 1. 12. Gloria nostra hæc est, testimonium conscientiar nostrar, quod in simplicitate & sinceritate Dei, non in sapientia carnali, sed in gratia Dei conversati sumus in mundo, abundantius autem ad vos: Et ne existimemus, non obstante hoc conscientiar testimonio posse hominem adhuc relinqui dubium & anxium de veritate fidei, aut poenitentiar; Audite Augustinum in Plaf. 149. Est modus gloriandi in conscientia, ut noveris fidem tuam esse sinceram, spem tuam esse certam, ut noveris charitatem tuam esse sine simulatione.

Supponit Augustinus, hominem posse dignoscere fidei, Spei & charitatis veritatem & sinceritatem; atque ex actu hoc reflexo nasci gloriationem Conscientiar.

Et Apostol. Johan. 1 Joan. 3. 21. Si cor nostrum non reprehenderit nos, fiduciam habemus apud Deum.] Ex hisce constat, eos qui bona conscientia freti ambulant in fide Christi, sibi multum fiduciar acquirere, cum sese sistant coram Deo: ac proinde Apostolum cum ait, Nihil mihi conscius sum, procul abfuisse à dubitatione de remissione peccatorum.

Ut autem rem totam altius repetamus, Constat ex hac Epistolâ contentiones & dissidia extitisse inter Corinthios quorum nonnulli magnificiebant Doctores suos, alii alios, ipsis etiam præconibus hunc plausum suorum auditorum approbantibus, unde & alii supra alios sese efferebant: Apostolus autem sub nomine suo, Apollos item & Cepha instruit Doctores hosce, ne affectent hosce populi applausus, hortatur ut satis esse ducant, si eodem ordine habeantur cum aliis Christi ministris; & sese gerant fideliter erga eum (Christum) cujus Oeconomi sunt, & in omnibus studeant pro virili Domino placere, nec de sese supra quam par est sentiant, eo quod ab aliis magnifiant, quia homines eos non satis norunt, nec de iis rectum judicium ferre possunt.

Addit, de sese non posse recte judicare alios, cum ipsi de nobis rectum judicium ferre non noverimus, cum in summa nostra innocentia ut nobis videtur, tamen coram Deo nosmet-ipsos justificare nequeamus; Et cum nihil nobis conscii simus, tamen apud eum multifariam rei simus, quia in nobis Deus conspicit quæ in nobis non conspicimus; & iniquitates in nobis detegit, quas in nobis nos detegere nequimus; adeo ut in ejus conspectu superiores forsan reperiantur, qui nobis inferiores videntur, & ut meliores probantur qui humano judicio deteriores videbantur; & ideo rejectis vanis elogiis hominum *προσωποληψίαν*, solius Dei judicio nos referre debeamus.

Audiamus Greg. Mag. De hujus loci explicatione, & de hac tota re sententiam. Moral 5. c. 8. Sæpe ipsa justitia nostra ad examen divinæ justitiæ deducta, injustitia est; & sordet in distinctione judicis, quod fulget in æstimatione operantis. Unde Paulus cum diceret, Nihil mihi conscius sum; protenus adjunxit, sed non in hoc justificatus sum; qui causam mox cur non sit justificatus, insinuans ait, Qui autem me judicat Dominus est: Ac si dicat; Idcirco in eo, quod nihil in me conscius sum justificatum me abnego; quia ab eo, qui me judicat examinari me subtilius scio. Et mox, ipsa nostra perfectio culpâ non caret, nisi hanc severus Jdex in subtili lance examinis misericorditer penset. Et c. 23. Distinctionem divinæ justitiæ contemplantes, etiam de ipsis operibus jure pertimescimus, quæ nos fortia egisse putabamus. Ducta namque ad æternam regulam nostra rectitudo, si districtum judicium invenit multis fortitudinum suarum finibus in intimam rectitudinem impingit: Unde bene Paulus, cum & virtutum ossa habere se cerneret & tamen sub districto examine hæc eadem ejus ossa trepidarent ait, Mihi pro minimo est, ut a vobis judicer aut ab humano Die, sed neque me ipsum judico, nihil enim mihi conscius sum, sed quia auditis venti Divini suspiria hæc eadem ejus ossa contremuerunt, illico adjunxit, sed non in hoc justificatus sum: Qui autem judicat me Dominus est. Ac si diceret: Recta egisse me recole, attamen de meritis non præsumo; quia ad ejus examen vita nostra ducitur, sub quo nostræ fortitudines & ossa turbantur.

Hæc

Hæc Gregorius: Ex cujus iudicio S. Paulus aperte negat, se operibus suis iustificatum iri; quamvis enim nihil sibi conscius esset, tamen cum Deo rem habuit, qui in optimis suis operibus, multo magis in peccatis multis occultis invenire potuit, unde damnetur.

Atque hæc paulò fustius de loco Apostoli, quem toties in hac causa urgere soleant Romanenses.

Adhuc urget Bellarminus, nostram expositionem repugnare scopo sive proposito Apostoli, qui cupiebat detertere Corinthios à iudicio temerario; & ideo ait, noli ante tempus iudicare; & neque meipsum iudico; & qui iudicat me Dominus est: Ad hoc autem propositum nihil pertinet illa ratio, non iustificor virtutibus, aut qualitatibus meis, sed ex Dei misericordia non imputante peccata. multum autem pertinet illa: Ita incerta sunt humana iudicia, ut nemo possit etiam ipse se nedum alios iudicare, quod attinet ad iustitiam & peccata.

Sol. R. Negamus hæc nostram expositionem pugnare cum scopo & proposito Apostoli, imò juxta nostram interpretationem singula optime coherere: Ego meipsum non iudico, non me iustifico, non laudem & gloriam quero in operibus; Etsi enim nihil mihi conscius sum, non tamen ideo coram Deo sum iustificatus: solus enim Deus est qui me iudicat: quare humana iudicia non sunt magnopere attendenda: Demonstrat hoc 1. ab exemplo proprio, quia ipse seipsum ex externis operibus iustificare nequeat, quanto minus alii hoc facere poterunt: 2. A proprio Dei, quippe ejus solius sit iudicare, & homines vel absolvere vel condemnare: Addo nihil efficacius esse ad compescendam temerarij de alijs iudicii petulantiam, quam hæc consideratio, quod sint occulta quædam in nobis delicta Dei solius oculis obvia propter quæ non possimus coram ipso consistere, si iusto examine pensitentur: proinde abstinere debemus à temerario iudicio, nec alios temere iudicare & condemnare; ne & nos propter nostra peccata iudicemur & condemnemur.

Postremo ait Bellarminus, nostram interpretationem communi Patrum expositioni repugnare; qui omnes ex hoc loco colligunt incertitudinem gratiæ: & horum allegat Ambrosium, Chrysostomum, Hieronymum, Augustinum, Bernardum.

Sol. R. Nos supra Gregorii testimonium produximus qui nostram interpretationem sequitur. 2. Patres citatos non exponere locum de incertitudine gratiæ; sed de humilitate Apostoli imperfectionem suæ iustitiæ agnoscens, & ejusdem ad iustificandum nos insufficientiam & ineptitudinem.

CAPUT XLII.

Ubi respondetur alijs testimonijs à Prophetis & Apostolis.

CAp. 6. lib. 3. de justificatione, producit varia loca Prophetarum & Apostolorum ad asserendum incertitudinem de remissione peccatorum; quæ in tres classes distribuit.

Et quidem 1. illa dicta quæ ostendunt præquiri contritionem, fidem, poenitentiam & conversionem, ut aliquis sit iustus vel iustificatus; qualia habentur Deut. 4. Cum quæsieris ibi Dominum [nimirum post varia peccata] invenies eum, si tamen toto corde quæsieris eum, & in tota tribulatione animæ tuæ. Et 2. Paralip. 6. Si peccaverint tibi & iratus fueris &c. & infra, si conversi ad te fuerint toto corde suo, & in tota anima sua; tu exaudies de coelo, & dimisses populo tuo: Et Ezek. 18. Si impius egerit poenitentiam, & fecerit iustitiam, vita vivet. Luc. 13. Nisi poenitentiam habueritis omnes similiter peribitis. Act. 8. Si credis in toto corde licet.] Hæc inquit & similia testimonia manifestè significant requiri aliquid in nobis ut iustificemur; Et mox:

negant adversarii, requiri fidem & poenitentiam, & fidem vivam & poenitentiam seriam; & sine his neminem justificari. At nemo (inquit) certus esse potest, praesertim certitudine fidei, se toto corde conversum esse ad Dominum; & fidem & poenitentiam habere, qualis requiritur; cum in nulla Scriptura testimonium ejusmodi invenitur de fide & poenitentia nostra in particulari: Igitur nemo certus esse potest certitudine fidei, sibi peccata esse remissa. Hæc (inquit) planè est Theologica demonstratio

Sol. Resp. Ut supra p. . . . Breviter resp. concedimus requiri ad justificationem fidem vivam & poenitentiam seriam: At negamus, neminem certum esse posse de sua fide & poenitentia qualis requiritur. Nam verè contritum corde, potest certo scire se vere contritum esse, cum sentiat se dolere de offensa Dei, ac propositum habere novæ vitæ sincerum; De quibus utrisque certus est certitudine propriæ experientiae, & ex dictamine propriæ conscientiae, ut supra dictum est.

Obj. At nemo certus esse potest, se toto corde conversum esse ad Dominum, & fidem & poenitentiam habere, qualis requiritur.

Sol. R. Toto corde conversum esse non denotat aliud quam serio, sincerè absque omni simulatione conversum esse, ut supra ipso Bellarmino teste evicimus p. . . Fides etiam & poenitentia sincera est fides & poenitentia qualis requiritur: non enim perfecta requiritur; non enim ex gradu aut mensura fidei vel poenitentiae dependet remissio peccatorum, sed ex veritate & sinceritate earundem.

Object. At nusquam in Scriptura testimonium invenitur de fide & poenitentia aliujus in particulari v. g. de fide aut poenitentia Andreæ, Bartholomæi, & singulorum hominum.

Sol p.—Resp. Esto nusquam in Scriptura inveniri testimonium de fide vel poenitentia hujus vel illius hominis. v. g. de fide & poenitentia S. Andreæ aut S. Bartholomæi; num ideo dicendum est, illis non perspectam fuisse suam fidem poenitentiam aut dilectionem? Nihil minus, quod enim spectat ad particulares actus fidelium, v. g. actus fidei, poenitentiae, dilectionis, &c. Eorum certitudo non querenda est in Bibliis sed in cordibus, nec horum præstatio petenda ex Scripturis sed ex conscientis fidelium, ex libris conscientiae, experimentaliter siquidem percipiuntur dum præstantur. Quomodo & exteriorum sensuum actus v. g. videndi aut audiendi percipiuntur evidenter dum eliciuntur & exercentur.

Scimus (inquit) in persona omnium fidelium 1 Joan. 3. 14. Quod translati sumus à morte ad vitam, quod diligimus fratres.] Ubi pro certo supponit Apostolus, omnibus fidelibus perspectam esse suam fraternam dilectionem, quidni etiam suam fidem & poenitentiam, v. p. . . . Tantum ergo abest, ut hæc sit plane Theologica demonstratio ut plane sit hominis jactabundi invalida ratiocinatio.

In secunda classe ponit illa dicta, quæ indicare videntur incertum esse an qui agit poenitentiam consequatur remissionem. Ubi quatuor loca producit, Dan. 4. 24. Joel. 2. 14. Jon. 3. 9. Act. 8. 22. Hæc & similia (inquit) quæ significant incertitudinem remissionis non faciunt dubias promissiones Dei, quibus promisit verè poenitentibus indulgentiam; illæ enim (inquit) certissimæ sunt, sed respiciunt incertitudinem nostræ dispositionis.

Sol. Negamus hæc loca denotare incertitudinem aut remissionis aut nostræ dispositionis. Percurramus singula, primus locus est Dan. 4. 24. Forſan ignoscat Deus delictis tuis.

Sol. R. 1. In textu Originali Chaldaico non habetur particula dubitativa—*an*— sed in versione Græca, *ἴσως*, & Latina, Forſan. In textu Chaldaeo est manifesta asseveratio; Ecce erit prolongatio pacis tuæ: sic vertit Arias Monranus.

R. 2. Particulam [Forſan] non semper esse notam dubitantis, sed etiam excitantis, animantis & confirmantis.

3. Potest autem locus intelligi de temporali pace & regno Nebuchadnezzaris: non autem de spiritali remissione peccatorum necessario intelligitur.

Secundus locus est. Joel. 2. ver. 14. Quis scit an convertatur & ignoscat Deus?

Sol. R. Ribera Jesuita in locum sic habet: Quis scit an convertatur & ignoscat Deus?

Deus? (.) fortasse non patietur Chaldaeos in terram vestram venire, nec vos captivos abduci, si poenitentiam agatis. Non vult Propheta eos dubitare de remissione peccatorum si convertantur; nec verè poenitentis dubitare de sua poenitentia: sed ostendit, se certum non esse de remissione poenarum temporalium, etiamsi convertantur. Quinetiam ostendit ex Ambrosio phrasia hanc non semper esse dubitantis. Atque ex Gregorio esse aliquando rei difficultatem ostendentis: quod autem formula illa *כי יירע* non sit tam dubitantis, quam bene sperantis, & opem Dei desiderantis; patet 2 Sam. 12. 22. Joel. 2. 14. Jon. 3. 19.

Tertius locus est, Jonæ 3. 9. Quis scit si convertatur & ignoscit Deus?

Sol. R. Idem responsum huic loco adhibendum; expresse enim additur, quis scit si convertatur Deus & ignoscat, & avertatur à furore ne pereamus, poena scilicet temporali.

Quartus locus est Act. 8. 22. Poenitentiam age ab hac nequitia tua & roga Deum, si forte remittatur tibi cogitatio cordis tui.

Sol. R. Ribera, Petrum non dubitasse an culpa remittenda esset agenti poenitentiam, sed dubitavit, an vera futura esset poenitentia Simonis, Addi potest quod alii observârunt; Hanc Phrasin non esse dubitantis, sed à rei difficultate animos exigentis.

Menochius Jesuit. in locum. Si forte remittatur] Particula [Forte] significat dubium eventum & effectum remissionis ex dubia causa; erat enim (inquit) incertum an esset acturus poenitentiam ut oportet: non dubitavit Petrus an remittendum esset peccatum, modo seria esset poenitentia, sed dubitavit an poenitentia ejus seria futura esset.

Tertiz classis testimonia sunt illa quæ timorem suadent ipsis piis & fidelibus ut Prov. 28. 14. Beatus homo qui semper est pavidus. Phil. 2. Cum metu & tremore salutem vestram operamini, 1 Pet. 1. In timore incolatus vestri tempore convertamini.

Sol. R. Ista loca & similia quæ meminerunt metus & tremoris, ad quem in negotio salutis, in operanda salute hortantur sacrae literæ; nihil minus evincunt quam incertitudinem & dubitationem aut commendari aut laudi ducendam, in negotio justificationis, aut in salute nostra conficienda; sed sollicitudinis & metus de offensa Dei utilitatem, eamque summam, imo ejusdem necessitatem. Jubet Psalmista Psal. 2. 11. Servite Domino in timore, & exultate ei cum tremore; ubi ejusmodi timorem & tremorem intelligit, qui cum exultatione in Domino consistere possit: ac proinde facessere jubeant dubitationem de Divina erga nos benevolentia, & pendulam incertitudinem: non enim exultamus nisi de iis, de quibus certi sumus; nec nisi quando & quatenus certi sumus; exultationem siquidem non minus quam fidei fidelium, subesse falsum non potest.

Neq; monent testimonia prolata ut de remissione peccatorum incerti simus; sed ut pavidus simus & solliciti, ne quando Dei offensam incurramus: Unde Dominus per Prophetam populo suo, quo cum novum foedus pangit, promittit se inditurum in corda eorum timorem suum, Jerem. 32. 41. Indam timorem meum in corda eorum, ut à me non recedant: quod, quid est aliud, inquit Augustin: de bono persever. c. 2. quàm, Talis ac tantus erit timor meus quem dabo in cor eorum ut mihi perseveranter adhæreant.

Unde rectissime Cyprianus timorem innocentiz custodem indigitavit in Epist. ad Donatum: Sic tantum timor in nobis Innocentiz custos. Longè aliud est cum metu & sollicitudine de offensa Dei operari salutem; aliud dubitanter & hesitantè operari salutem: cum operatione priori consistere potest certitudo de remissione peccatorum, non itidem cum posteriori: illud etiam addo, tantum abesse, ut operari salutem cum timore & tremore, omnem confidentiam & certitudinem aut presentis aut futurae salutis excludat, ut absque illo nulla certa confidentia concipi possit: Ita enim comparatum est, Deo sic sapientissime prospiciente, & ordinante, ut pro gradu sollicitudinis respondeat gradus fiducia, ut ubi major sollicitudo sit, ibi major sit fiducia, ubi minor sollicitudo, ibi minor fiducia; ubi nulla sollicitudo, ibi nulla sit fiducia: utque certum est extra studium sanctitatis & sollicitudinem operandi

randi salutem cum metu & tremore, nullam haberi posse de remissione peccatorum & de salute consequenda veracem fiduciam: ita æquè certum est, ex studio sanctitatis & dicta solitudine in exercitiis fidei, penitentiae, timoris, dilectionis, & id genus aliis, timoratum conscientiam, præclaram concipere & de remissione peccatorum in presenti & futura æterna salute consequenda confidentiam.

CAPUT XLIII.

Solvuntur argumenta à Testimoniis Patrum pro incertitudine iustitiæ.

A Tque ita accepistis argumentorum copias eorumque solutionem quæ Bel-
larminus capp. 4, 5, 6. lib. 3. de iustificat. coarcevit, ut ostendat incerti-
tudinem remissionis peccatorum. Jam c. 7. pergit hanc eandem incerti-
tudinem ex testimoniis Patrum stabilire.

1: Producit testimonium Ambrosii Serm. 5. in Psal. 118. tractans illud: Amputa
opprobrium meum quod suspicatus sum, ubi sic loquitur: sui volebat auferri oppro-
brium quod suspicatus est, vel quia cogitaverat in corde, & non fecerat, & poeniten-
tia licet abolitum, suspectus tamen erat, ne forte adhuc maneret ejus opprobrium;
& ideo Deum precatur, ut illud auferat, quia solus novit, quod nescire potest ipse
qui fecit] Et addit testimonium Apostoli, Nihil mihi conscius sum, &c.

Sol. R. Ex hoc loco non aliud evinci quam Deum adeundum esse, & ejus miseri-
cordiam implorandam ob peccata ignorantiae, quæ nescire potest ipse qui fecit, quæ
tamen impediunt à justificatione, nisi precibus & poenitentia generali abluantur:
Dico generali poenitentia, peccata enim nota de quibus nobis conscius sumus speciali
contritione eordis sunt diluenda: ad ignota autem abluenda sufficit poenitentia gene-
ralis, & in animi preparatione, qua paratus sum de ejusmodi dolore.

Basilii in constit. Monast. c. 2. Multa (inquit) peccantes plurima neque intelligen-
mus: Quapropter dicit Apostolus: Nihil mihi conscius sum, sed non in hoc iustifica-
tus sum (i.) multa pecco & non intelligo.

Sol. Ex hoc testimonio Basilii hoc solum evincitur, plurima quæ perpetravimus peccata
aut ignorare nos, aut non advertere, idque Apostolum significare voluit Basilii cum
ait, Nihil mihi conscius sum, sed non ideo iustificatus sum, ac si diceret, ex solo tes-
timonio bonæ & integræ conscientiae, non sum iustificatus; Etenim addit Basilii
cum in multis rebus offendamus omnes, majorem tamen offensarum partem ne in-
telligimus quidem;

Idcirco Apostolus dicebat, Nihil mihi conscius sum, sed in hoc iustificatus non
sum; quod idem est (inquit) ac si diceret, Multa delicta committo, quæ commit-
tere me non intelligo: propter hanc causam etiam Propheta ait, Delicta quis intel-
ligit?] Vult ergo Apostolus se non iustificatum esse ex solo testimonio bonæ & in-
tegræ conscientiae, sed insuper necesse esse, ut peccata ignorantiae & inadvertentiæ
confiteamur, de iis poenitentiam agamus, & eorum veniam apud Deum deprecemur,
ut ab iisdem iustificemur, & veniam eorum consequamur.

Quid hæc ad incertitudinem & dubitationem de horum peccatorum vel ignorantiae
vel inadvertentiæ remissione? Nos dicimus horum peccatorum veniam consequi fi-
deles, ubi de iis generaliter poenitentiam agant, & ob eorum remissionem recum-
bunt in Christum Redemptorem, qui satisfactionem Deo præstitit pro omnibus pec-
catis nostris sive notis sive ignotis, pro negligentis, ignorantis, inadvertentis, &
omnimodis peccatis, & qui eorum omnium remissionem filiis suis Sp. Sancti testimonio
intus obsignare solet.

Hieronymus advers. Pelag. lib. 2. p. 856. Sunt iusti, ad quos pervenit quasi opus impiorum; & sunt impii, ad quos pervenit quasi opus iustorum. Hoc idcirco dicitur, quia certum iudicium solius Dei est.

Sol. R. Vult Hieronymus neminem ex eventis externis, Dei vel amorem vel odium dignoscere. nec quid futurum sit alicui praesagire: Nemo scit (inquit) quid futurum sit; quia sicuti est quis annuntiabit ei? & tum subicit verba, sunt iusti — Hoc idcirco dicitur quia certum iudicium solius Dei est.]

Addit & quos putamus iustos, saepe peccatores inveniuntur, & quos è contrario peccatores, apud Dei scientiam iusti sunt: Quantumcunque laboraverit homo, ut inquirat, non reperiet; & si dixerit sapiens nosse se, invenire non poterit.] Vult Hieronymus incertum esse hominum statum futurum, ac proinde neminem posse pronuntiare certo de statu alicujus, an sit futurus in statu iustorum an peccatorum; certum huius rei iudicium esse solius Dei.

Ubi Hieronymus vult excludere iudicium aliorum de alio aliquo, non iudicium fidelis de seipso & suo statu coram Deo. Ideo Apostolus ait, 1 Cor. 2. 11. Quis enim hominum scit quae sunt hominis, nisi spiritus hominis qui in ipso est? Ubi vult spiritum hominis uniuscujusque posse iudicium ferre de suis actibus & suo statu; Sed quid haec ad incertitudinem aut dubitationem uniuscujusque de suo statu & remissione peccatorum coram Deo?

Alium locum adducit ex Hieronymo lib. 3. in Hierem: exponente c. 13. Homo (inquit) videt in facie, Deus in corde, & quod nobis interdum mundum videtur illius oculis sordidum deprehenditur.

Sol. R. Nos libenter concedere, nos interdum in iudicando falli, & nobis interdum mundum videri quod Dei oculis sordidum deprehenditur: Sed quis hinc inferre potest, verè fidelem aliquando non certum reddi de remissione peccatorum & de statu filiationis, non tùm, cum spiritus Dei attestatur spiritui nostro, nos esse filios Dei.

Chrysostomus Hom. 87. in Joan. Petrum sic loquentem inducit propterea contristatus, ne forte me amore arbitratus, non amem, ut ante, cum me fortem & constantem putarem, imbecillis inventus sum.

Sol. R. Ex hoc loco non aliud evincitur, quam hominem nimis de se confisum, animadversâ suâ nimis confidentiâ, posse meritò timere suam imbecillitatem & ne prae nimis confidentiâ iterum fallatur. At qualis haec consequentia Petrus nimis praesumens de suis viribus aliquando fallitur, & ideo cautior factus, cavet ne secundo fallatur

Ergo

Fidelis non praesumens non potest esse certus de suo statu & sibi esse remissa peccata.

Idem Hom. xi. in 1 Cor. multis de causis (inquit) incertum est nostrum iudicium, una quod multa opera nostra nos lateant.

Sol. Locus est p. 416. ex hoc loco non aliud evincitur, quam nos non posse certos esse de actuali nostrâ notitiâ, eo quod multa opera nostra nos lateant. Id quod nos libenter agnoscimus sed hinc non sequitur nos non posse certos esse de remissione peccatorum. Cum nos & simul agnoscamus peccata ignorantia dimitti precibus sanctorum verâ cordis contritione & dolore de offensa Dei propter peccata nostra ignota; & fide etiam vivâ in Christum Mediatorem.

Ex Augustino quinque testimonia adducit;

Primum in Psal. 41. tractans illud. Ad meipsum anima mea turbata est. Novi (inquit) quia iustitia Dei mei manet. Utrum mea maneat, nescio. Terret enim me Apostolus dicens, qui se putat stare, videat, ne cadat.

Sol. Verba Augustini integra sic habent. Ad meipsum anima mea turbata est.] Nunquid à Deo turbatur? Ad me turbata est. Ab incommutabili reficiebatur, ad mutabile perturbabatur: novi quia iustitia Dei mei manet utrum mea maneat nescio. Terret enim me Apostolus dicens, qui se putat stare, videat, ne cadat, ergo. Quia non est in me firmitas mihi nec est mihi, spes in me, ad meipsum turbata est anima: Vis non conturbetur? non remanens in teipso & dic. Ad te Domine levavi

am-

animam meam, Psal. 25. Hoc planius audi, Noli sperare de te sed de Deo tuo. Nam si speras de te anima tua conturbetur ad te. Quia nondum invenit unde sit secunda de te. Ergo quoniam ad me conturbata est anima mea quid restat nisi humilitas ut de seipsa anima mea non presumat. Quid restat nisi ut omnino minimam se faciat, nisi ut se humiliet ut exaltari mereatur. Nihil sibi tribuat ut ei ab illo quod utile est tribuatur ex dictis nam colligitur, aliud quam Augustinum existimasse, Davidem nescisse, an iustitia sua actualis ita maneat, ut lapsi novo ipse non esset obnoxius, id quod ipsi omnes pii pariter nesciunt. Cum & pietate insignes viri graviter lapsi sint & in atrocibus peccata inciderint, testes sint ipse David & Petrus. At hinc non conficitur ipsos de remissione peccatorum suorum non fuisse certos. Nam hoc ipso in loco revera agnoscit, animam conturbari respiciendo ad se. Quia (inquit) non est in me firmitas mihi, nec est mihi spes in me, at a conturbatione atque adeo a dubitatione liberam esse — non remanendo in seipso, & dicendo. Ad te Domine levavi animam meam Psal. 25.1. & addit, Hoc planius audi, noli sperare de te, sed de Deo tuo. Nam si speras de te, anima tua conturbatur ad te, quia nondum invenit unde sit secunda de te. Unde inferre licet, a contrario, ubi anima non sperat de se, sed de Deo suo (i.) in Deo confidit ibi invenit ubi sit secunda de Deo suo. Ergo addit quoniam ad me conturbata est anima mea, quid restat nisi humilitas! ut de seipsa anima non presumat?]

Ex hoc loco multo certius deducitur securitas piorum in Deo sperantium de iustitia sua, quam incertitudo iustitiarum.

2. Locus habetur de verbis Domini Serm. xxxiii. p. 103. Forte tu non invenis aliquid in conscientia tua ille invenit qui melius videt.

Sol R. Augustinum non aliud velle dicere in loco citato, quam aliquid latere posse conscientiam nostram, quod tamen perspicacem Dei oculum non lateat coram quo illud nobis merito vitio verti possit; cum teste Augustino ibidem acies divina penetret altiora, quam nostra, videt (inquit) forte aliquid, inveniet forte aliquid quod nos non videmus nos non invenimus, unde statim subiungit. Quanto melius illi (Deo) dicis, ne intres in iudicium cum servo tuo? Psal. 142. Etiam quanto melius dicis, Dimitte nobis debita nostra?

Sol. Nos hæc omnia facile concedimus. At hinc non sequitur fideles non posse certos esse de remissione peccatorum. Quia de re jam quaritur, licet enim iustitia nostra inherens sive habitualis, sive actualis nobis quantumcunque perfecta videatur, tamen ut Augustinus ibidem verbis proximè præcedentibus, ait ex Prov. 20. 9. [juxta 70.] Cum si rex iustus sederit in throno, quis gloriabitur castum se cor habere? at juxta nostram sententiam.

Iustitia illa quæ consistit in remissione peccatorum non nititur iustitiâ nostrâ, sive habituali sive actuali, sed iustitiâ & satisfactione Christi Redemptoris nostri. Fides enim in sanguine Christi liberat fidelem coram tribunali Dei, ab omnibus intentatis criminibus & hac fide comparemus iustificati coram tribunali Dei & de hac fide nostra certi esse possumus tum certitudine experientiarum, certitudine illâ evidenti quâ certus sum, me videre parietem oppositum, aut fenestram: certitudine etiam illâ quæ certus sum me in hac Cathedra sedere, & ex hac Cathedra legere neque hac sola evidentiâ, sed & ordinariâ illuminatione S. Sancti quæ comitatur experientiam verè poenitentis & credentis, ut non opus sit specialis, immediata & extraordinaria revelatione Romanensium, ut supra non semel examinavimus.

3. Locus habetur: Rom. 35. Col. 509. Quamdiu autem vivimus hic, de nobis ipsis nos ipsi iudicare non possumus, non dico quid cras erimus sed quid hodie simus?

Sol. Respon. Cum dicit Augustinus, Quamdiu autem vivimus hic de nobis ipsis nos ipsi iudicare non possumus, non dico quid cras erimus, sed quid hodie simus (intellige) quoad internam seu inherens iustitiam, sive habitualement, sive actualem. Hunc esse genuinum sensum constat ex loco parallelo, proximè præcedente citato, è Sermo 23. de verbis Domini, utrobique enim de re eadem agitur: quid enim (inquit in loco prius citato) est vix de nobis possumus iudicare? mox respondet: quia cum Rex iustus sedet in throno, quis gloriabitur castum se cor habere? forte tu

non

non invenis aliquid in conscientia tua, invenit ille qui melius videt, cuius acies divina penetret altiora; vult igitur Augustinus nos posse de nobis, et nostro statu in quo hodie sumus, multo minus in quo cras futuri sumus, judicare, quoad internam justitiam ob occulta, & alte recondita in corde nostro peccata ad quae discernenda nostra acies non potest pertingere, sola divina acies ea pertingere & penetrare potest. Sola illa haec discernit, haec altiora, haec profundiora & occultiora peccata.

Hic sensus loci; At hinc non conficitur, quin verè fideles, suam internam justitiam in negotio justificationis abdicantes, eique abrenunciantes, & freti solis meritis & satisfactione Christi Redemptoris nostri, & tota fiducia in eadem recumbentes; coram tribunali Dei à reatu omnium peccatorum absolvamur, & de absolutione una certoremur, quod unum quaeritur in hac cum Romanensibus controversia.

4. Locus est in Psal. 50. Super illud; Incerta & occulta sapientiae tuae manifestasti mihi. Quae occulta (inquit) & quae incerta sunt, quia Deus ignoscit, & talibus, nihil tam occultum nihil tum incertum.

Sol. Resp. Ex hoc loco non aliud evinci [si tamen hoc] quam Deum ex sententia Augustini, ignoscere peccatis, & insertis peccatis, nam non ignoscit Deus nisi talibus (i. peccatis, nec opus est ignoscencia nisi ubi sit peccatum. Incerta peccata videtur appellare, de quibus dubitamus an sint peccata. At quid hoc ad impugnandam fidesum certitudine de remissionem peccatorum, ex sententia Augustini? Imbel-le prorsus telum.

5. Locus lib. de perfectione justitiae contra Coelestium. Quantumlibet justitia sit praeditus homo, cogitare debet, ne aliquid in illo, quod ipse non videt, inveniat esse culpandum.

Sol. Ex hoc loco non aliud evincere potest Bellarminus quam homines justitia praecellentes cogitare debere, in illis quod ipsi non vident, posse inveniri quod jure culpandum sit, quod nos non diffitemur: sed hinc non aliud inferitur quam homines justitia & pietate insignes, posse ac revera esse reos aliquando peccatorum, quae ipsi in sese non discernunt, peccatorum occultorum, in quorum numero erat ipse David, qui Psal. 19. 13. sic precatur, ab occultis munda me Domine. Non autem hinc evincitur verè fideles non posse certos esse de remissione peccatorum, tum notorum, tum ignotorum, per fidem in sanguine Christi, quod unum jam quaeritur. Nam & ipse David certus erat de remissione peccatorum non obstantibus peccatis occultis, alioqui non benedixisset anima ejus Dominum, quod remissa sint ei peccata sua & infirmitates ejus sanatae essent, Psal. 103. 2. non enim gratias agimus, nisi de iis de quibus certi sumus. Atque haec de testimoniis Augustini.

Sequitur Theodoretus, in 1 Cor. 4. 4. enarrans illud, nihil mihi conscius sum. Non me (inquit) à peccato immunem pronuntiabo, sed Dei sententiam expectabo, saepe enim evenit ut etiam ignorantes peccent, aequam & justam esse existiment, sed hoc aliter videt universorum Deus.

Sol. Resp. Ex hoc loco illud tantummodo juste inferitur. Theodoretum existimasse, Paulum noluisse se à peccato immunem pronuntiare. Scilicet, quoad peccati omnium reatum. Sed Dei sententiam expectare velle; quia saepe evenit, ut ignorantes homines peccent, aequum & justum aliquid existimantes quod tamen aliter videt universorum Deus, Id quod nos ultro damus: fieri enim saepe potest ut nos ex ignorantia aut errore peccemus. Deus autem semper rectè judicat, dignoscens & simul condonans nostras ignorantias & errores. At qualis tandem est haec consequentia; Nos saepe ex ignorantia & errore peccamus? Ergo

Nemo fidelis certus esse potest de remissione peccatorum.

Ex ignorantia aut errore nostro, in discernendis nostris peccatis non inferri potest, aut dubitatio aut omnimoda incertitudo de remissione peccatorum, praesertim cum ex vera cordis nostri contritione & fide in sanguine Christi, dimittantur omnimoda peccata, etiam ex ignorantia & errore commissa. Sanguis enim Christi purgat ab omni peccato, 1 Joan. 1. 7.

Proximus testis est Gregor. M. lib. 6. Epist. 22. ad Gregoriam Augustae cubiculariam, Quod verò, inquit, dulcedo tua in suis Epistolis subjunxit, importunam se mihi existere, quo ad usque scribam mihi relatum esse [cor esse revelatum] quia peccata tua di-

missa sunt, rem & difficilem, etiam & inutilem postulasti; Difficilem, quia ergo indignus sum cui revelatum fieri debeat. Inutilem vero quia secuta de peccatis tuis fieri non debes, nisi cum jam in die vitæ tuæ ultimo plangere eadem peccata minime valebis, Quæ dies quo usque veniet semper suspecta, semper trepida metuere culpas debes atque eas quotidianis fletibus lavare.

Sol. Resp. Rectissime respondere Gregorium, huic quæsito per epistolam Gregoriz cubiculariæ; ubi se importunam ait, illi existere, quoadusque scribat sibi esse revelatum, quia peccata ejus dimissa sunt. Recte respondet Gregorius. Rem & difficilem, etiam & inutilem postulasti, Difficilem quidem; inquit, quia ego indignus sum cui revelatio fieri debeat. Rectè & modestè respondet agnoscendo suam indignitatem & cui revelatio fieri debeat, de remissione peccatorum alterius personæ, hoc enim non nisi speciali, extraordinariâ, & miraculosa revelatione fit aliquando. Licet enim (teste Apostolo, Rom. 8. 16.) spiritus Dei testimonium reddet Spiritui nostro nos esse filios Dei, atque adeo peccata nostra esse dimissa; tamen aliorum adoptionem quam nostram, atque adeo aliis peccata esse remissa nemo certo cognoscit nisi ex speciali & miraculosa revelatione.

Rursum rem inutilem quærere hanc cubiculariam, venissime respondet S. Gregorius quia secuta de peccatis suis fieri non debet nisi, in fine vitæ; unde subjicit, quæ dies quousque veniat semper suspecta, semper trepida metuere culpas debes, atque eas quotidianis fletibus lavare.

Ubi piè monet Gregor. neminem adeo securum esse debere, de peccatorum remissione adeptæ, ut non semper metuat novas culpas, & etiam non semper indigeat magis magisque certiorari & firmari de peccatorum remissione prius adeptæ, unde & Dominus docuit discipulos suos, quotidie dicere, dimitte nobis debita nostra.

Addit Gregorius. Certe Paulus Apostolus jam ad tertium cælum ascenderat, Paradisum quoque ductus fuerat, arcana verba audiverat, quæ homini loqui non liceret, & tamen adhuc trepidans dicebat, Castigo corpus meum & periculo subijcio, ne forte aliis prædians ipse reprobis efficiar, Adhuc timet, inquit, qui jam ad cælum ducitur, etiam timere non vult qui adhuc in terra conversatur? Perpende, inquit, dulcissima filia quia mater negligentiz solet esse securitas. Habere ergo in hac vita non debes securitatem per quam negligens reddaris. Scriptum enim est, Beatus vir qui semper est pavidus Prov. 28. Et rursus scriptum est: Servite Domino in timore & exultate ei cum tremore. In paucis ergo hujus vitæ tempore (inquit) mentem vestram necesse est ut tremor teneat, quatenus per securitatis gaudium sine fine postmodum exultet.]

Gregorius hortatur nobilem hanc scōminam exemplo Pauli, ut cum sollicito timore salutem suam operetur, nec talem securitatem aut optare aut sperare quæ negligentiam pariat, sed semper timere & servire Domino in timore, ita tamen ut exultet ei cum tremore, ut monet Davidus sup Psal. 2.

Beda in Comment. ad cap. 20. Pro v. 9. Quis potest dicere mundum est cor meum?] Potest (inquit) hic versus de electis accipi, qui habent aliquando in mente latentia mala quæ ab aliis videri non possunt hominibus, quæ tamen ipse Dominus nōrit. Et infra sunt (inquit) multi mundo corde, ac juxta humanæ possibilitatis modum, puri a peccatis, nec tamen se ipse quisquam mundicordem & immunem peccatis absque temeritate pronunciaverit.

Sol. Resp. 2. Non dubium est quin electi habeant aliquando latentia in mente mala, quæ ab aliis videri non possunt hominibus, quæ tamen Dominus ipse cernit. Unde in lege Moysaica cautum est de sacrificiis, quæ offerenda erant pro ignorantibus ipsius sacerdotis & totius congregationis principis populi & cujusvis è populo, Lev. 40. Ipse Davidus vir secundum cor Dei, orat tamen, Ab occultis munda me Domine Psal. 19. 12. At hæc mala latentia latent electos, ac proinde peccatis ignorantiz accensenda sunt, atque ideo generali poenitentia, quæ de peccatis ignotis dolemus, abluuntur.

2. Esto dentur multi mundo corde juxta modum possibilitatis humanæ, à peccatis non quisquam tamen pronuntiare potest sine temeritate se esse mundicordem & immunem à peccatis, cum omnes habeant in se reliquias originalis peccati, & inde pullulantia multa latentia peccata; at quid hæc ad minuendam aut tollendam certitudi-

itudinem de remissione peccatorum cum certus quis esse potest de remissione peccatorum etiam ignotorum, ubi eum poenitet de ignotis peccatis quibuscunque, quibus offenditur divina maiestas.

Proximus testis est Bernardus, Serm. 3. de Advent. D. Accedit (inquit) ad sollicitudinis cumulum & pondus timoris, q. cum & meam & proximi etiam conscientiam servare necesse sit, neutra mihi satis est nota, utraque abyssus est imperscrutabilis, utraque mihi vox est, & nihilominus exigitur à me utriusq. custodia.

Sol. Ex hoc Testimonio Bernardi non aliud evincitur, quam neminem posse accuratè exquirere latebras conscientia suae & aliorum, cum utraque est abyssus imperscrutabilis, & tamen suam & proximi conscientiam servare cuique incumbit (inquit) Ah quis dixerit ex cordis imperscrutabilitate, in indagandis peccatis tolli certitudinem remissionis peccatorum, ubi quis verè doleat de offensâ Dei, sive per nota, sive etiam per ignota peccata.

Idem Epist. 107. Sic habet, de qua tamen (inquit) percepta sumus ex parte noticia interim quidem gloriatur in spe, nondum tamen in securitate.

Sol. Ex hoc loco non aliud colligi potest, quam quemlibet percepta ex sui parte noticia gloriari posse in spe, nondum tamen in securitate, ubi per spem intelligit Bernardus eum Apostolo, spem q. non confundit, ubi enim ut nondum tamen in securitate intellige securitatem excludentem sollicitudinem & timorem offensae Dei; Nam alioqui in eadem epistolâ dixerat, iustus autem qui est, nisi quis amanti se Deo, vicem rependit amoris, quod non fit nisi revelante spiritu per fidem homini æternum Dei propositum super sua salute futurâ] ubi Bernardus supponit omnes verè fideles esse iustificatos ac per hoc prædestinatos ad vitam atque hoc ipsum revelare S. sanct. per fidem cuique fideli; & ante in eadem epist. Col. 147. lit. K. Ponamus hominem in saeculo, saeculi adhuc & suae carnis amore retentum, & cum terrestri hominis imaginem portet incubantem terrenis, nil de coelestibus cogitantem: quis hunc non videat horrendis circumfusus tenebris nisi quis in eadem umbra mortis sedet? quippe cui nullum adhuc suae salutis signum eluxerit, cui nec dum in aliquo interna testetur inspiratio, an boni de se quippiam æterna teneat prædestinatio? at vero si supra eum miseratio quandoque dignanter respexerit, immiseritque spiritum compunctionis, quatenus ingemiscat & respiscat, mutet vitam, carnem domet, amet proximum, clamet ad Deum, proponatque de cætero vivere Deo, non saeculo: ex qua deinde superni luminis gratuita visitatione, & subdita mutatione dextræ excelsi agnoscat se meritò quidem non jam iræ, sed gratiæ filium: quippe qui paternum erga se divinæ bonitatis experitur affectum, qui se utique hæcenus in tantum latuerat, ut non solum nesciret utrum nam dignus foret amore an odio, verum etiam odium magis & non amorem propria conversatio testaretur, erant enim adhuc tenebrae super faciem abyssi] Hic Bernardus aptè docet, utcumque homo carnalis & non renatus de sua prædestinatione nihil certi habere potest; tamen eundem, si ingemiscat, respiscat, mutet vitam, carnem domet, amet proximum, clamet ad Deum proponatque de cætero vivere Deo, non saeculo, talem posse merito agnoscere se non iræ, sed gratiæ filium, ac proinde ad vitam æternam prædestinatum. Adducit etiam Bernardum Serm. 2. in oct. Paschæ. Novit Dominus qui sunt ejus & solus ipse scit, quos elegerit à principio, quis vero scit hominum, si est dignus amore an odio? similem etiam locum allegat Serm. 2. de Septuagesimâ. Quis potest dicere, ego de electis sum, ego de prædestinatis ad vitam, ego de numero filiorum? Quis hæc (inquam) dicere potest reclamante Scripturâ, nescit homo, si dignus sit amore an odio? certitudinem utique non habemus, sed spei fiducia consolatur nos, ne dubitationis huius anxietate penitus cruciemur.

Sol. R. Solus Dominus ex sententia Bernardi novit qui sunt ejus (i.) solus scilicet quos ad vitam æternam destinavit actu sc. immanenti qui in solo Deo est, Negat certitudinem prædestinationis suae quemquam habere à priori scrutando æternum Dei de se consilium, q. & nos negamus. Atque hoc modo rectè ait nos nescire Dei amorem & odium, at non negat prædestinationem nostram posse nos scire à posteriori, ex effectu atq. ex triumphantis signis sc. indubitatis & quæ minime fallunt. Nam Paulò ante dixerat Bernardus. Quando enim sine testimonio electos suos deerit Deus? aut certè quænam eis poterit consolatio inter spem & metum solitudine anxii fluctuantibus, si nullum omnino electionis suae habere testimonium mererentur?]

Quod de testimonio certo & indubitato proculdubio intelligendum non de merè conjecturali testimonio, q. non nisi conjecturalem certitudinem parit, atque adeo nullam certam consolationem, cum tamen Bernardus negat Deum aliquando sine testimonio electionis suæ electos suos deferere, aut sine consolatione certa inter spem & metum solitudine anxiam fluctuantes. Eodem item in loco addit Bernardus, Quam enim requiem habere potest spiritus noster, dum prædestinationis suæ nullum adhuc testimonium tenet, quod de testimonio etiam certo, indubitato & minime fallaci intellexit Bernardus alioqui non haberet spiritus noster nisi conjecturale testimonium: atque adeo non nisi conjecturalem certitudinem, q. opinionis est potius quam fidei ipso fatente Bellarmino lib. 3. de Justif. cap. 2. Atque adeo inter spem & metum solitudine anxiam fluctuantes electos suos relinqueret Deus, q. Bernardus nullo modo admittit, & in fine Serm. 2. de Septuages. ait à sanguine & aqua & spiritu habere est testimonium, si contines à peccatis, si dignos agis poenitentiz fructus, si facis opera vitæ.

Atque ita responsum est testimonio PP. quæ adducit Bellarm. lib. 3. de Justificatione cap. 7. pro incertitudine justitiæ & remissionis peccatorum. Nos antea pro certitudine remissionis peccatorum plurima testimonia protulimus, multò clariora, & evidentiora, quod eo consilio in nos suscepimus, ut vobis constaret in hoc negotio de certitudine justitiæ & remissionis peccatorum, non habere Romanenses in antiquorum PP. monumentis, suæ causæ tantum subsidium quale ubique jactitare solent, dixit olim gloriabundus ille Thraso Edmundus Campianus ratione quinta pro causa pontificia. Ad Patres (inquit) si licebit accedere confertum est prælium, tam sunt nostri (inquit) quam Gregor. ipse XIII. (qui tum Pontifex erat) filiorum Ecclesiæ pater amantissimus. Quanto rectius Clariss. Whitakerus in dissertatione adversus eundem, Patres (inquit) in maximis judiciis sunt nostri, in levioribus varii, in paucissimis ac minutissimis vestri. Ante Campiani tempora ineunte regnum sacratiss. memoriæ Elizabethæ in 26. quæst. non minimi momenti, provocavit ad PP. reverendiss. Episc. Juell. provocavit (inquam) & victoriam non obstantibus omnium Romanensium objectamentis & machinamentis. Hardingi, Rastelli, Sanderi & aliorum gloriosorum reportavit. Clariss. item Overallus in Vesp. Comitiorum An. Dom. 1606. me audiente hæc habuit, nullum in nostrâ Ecclesiâ dogma publicè propositum, quod non fundamentum habet in antiquis Patribus.

Nihil in Symbolo Apostolorum quod est regula credendorum, nihil in decalogo qui est norma charitatis, nihil in regula sperandorum & petendorum, sc. in Oratione Dominica nihil in doctrina Sacramentorum, & in administratione Ecclesiæ, & sacro ministerio, nihil (inquit) in his omnibus, ut à nostra Ecclesiâ explicantur, habetur quod cum Patribus pugnat, imò quod eorum certis testimoniis non comprobetur. Unde jure (inquit) Juellus & Whitakerus ad Patres provocantur.

Addo ego duas Theses. 1. Sit hæc, Neminem ex Romanensibus demonstrare posse positivas assertiones & definitiones Concilii Tridentini, de fide & cultu essentiali quæ in confessione nostræ Ecclesiæ impugnantur consonas esse perpetuæ traditioni Ecclesiæ à temporibus Apostolorum.

2. Nos qui tenemus doctrinam Ecclesiæ Anglicanæ 39. articulis comprehensam, possumus demonstrare positivas assertiones in dogmatibus fidei & cultu essentiali in dicta confessione comprehensas, consonas esse & conformes perpetuæ traditioni Ecclesiæ ab Apostolorum temporibus.

Unde in libro quorundam Canonum disciplinæ Ecclesiæ Anglicanæ in Synodo Londinensi habita Ann. 1571. Canon iste c. 19. de concionatoribus sancitus est, Inprimis verò (inquit Synodus) videbunt [concionatores] ne quid unquam doceant pro concione, quod à populo religiose teneri & credi volunt, nisi quod consentaneum sit doctrinæ veteris & novi testamenti quodque ex illa ipsa doctrina Catholici Patres & Veteres Episcopi collegerint. Videtis quantum Ecclesiæ nostræ Antistites, qui tum vixerunt, antiquorum Patrum authoritati tribuerunt, ut statuerint publico decreto, ne concionatores quid, ut supra.

CAPUT XLIV.

Pro certitudine Gratiae Testimonia adversariorum.

IN hac ipsa quaestione in qua versamur, Antiquos Patres nobiscum sentire non solum nostri Theologi scriptis prodiderunt, sed ex Romano-Catholicis non pauci qui eandem sententiam nobiscum amplexi sunt. Siquidem Author Historiae Concilii Tridentini testatur Amb. Katharini & Antonii Marinari sententiae, qui nostram sententiam tuebantur in Concilio Tridentino, adhæsisse spectatissimos è praesulibus multos, inclamante in contrarium D. Soto, nimis favorabilem esse hanc eorum sententiam Lutheranis, aliis vicissim asserentibus, Lutherum non fuisse damnandum, si dixisset post justificationem fidem illam sequi, sed damnari, quod dicat eam esse fidem justificantem. Id quod nos etiam asserimus. Hæc Pater Paulus Venetus Author Historiae lib. 2.

Ambros. Katharinus scripsit Assertiones 14. circa Articulum de certitudine inhaerentis gratiae ad Synodum Trident. In hisce sunt ista,

1. Non probari ex ullis Scripturae locis quæ producuntur, neminem citra specialem & privilegiatam revelationem posse ex fide certum esse suam adeptam gratiam & iustitiam.

2. Irrefragabiliter de Scripturis sanctis hanc certitudinem gratiae ex fide venientem comprobari.

3. Quod nullus veterum patrum repugnat certitudini praesentis gratiae, quam asserimus.

4. Innumera esse sanctorum patrum testimonia pro hac certitudine, gratiae quam defendimus venientem ex fide.

Hæc Katharinus quas assertiones fuisse probat in illo Tractatu.

Martinus item Eisingrenius, Cæsareæ Majestatis Ecclesiastes, vir doctus, scripsit de certitudine gratiae Tractatum Apologeticum pro vero ac germano intellectu Can. 13. Sess. vi. Concil. Trident. In quo docet virum Christianum non solum dolentem de offensa Dei per peccata sua, & præterea serio proponentem, Christo in quem credit juvante, in posterum pro virili sua ab illis abstinere: verum etiam aliquamdiu jam ejusmodi veram seriamque poenitentiam egit, Talis (inquit) de remissis sibi peccatis non debet dubitare, non trepidare, non diffidere, sed potius firmiter sperare, certamque fiduciam concipere, imò certo credere sibi propter Christum remissa esse peccata, sequi Deum habere propitium; eoque tranquillam, pacatam lætamque habebit conscientiam, Deoque Patri pro tantis beneficiis sibi per filii sui meritum, gratis atque adeo clementer collatis, devotissimas gratias agat] Hæc ille cap. 6.

Hanc fuisse sententiam veterum patrum luculenter docet cap. 9. ex duobus testibus fide dignis, quorum primus est, testimonium propriae cujusque conscientiae; alter est sp. sanctus conscientiam pacificans, & de gratia Dei & peccatorum remissione testificans, cap. item 10. ex instrumentis item & sigillis quæ sunt divina sacramenta fuisse probat.

Idipsum docet optimè idem Eisingrenius ex formulis quibus solebant sub Papatu animam agentes consolari, & verbis quibus ipsos alloqui consuetum c. 8. Harum nonnullas proferam.

Augustinus Meditat. c. 13. Desperare utique potuissim propter nimia peccata mea & infinitas negligentias meas, nisi verbum tuum Deus caro fieret & habitaret in nobis; sed desperare jam non audeo, quia cum inimici essemus reconciliati sumus per mortem filii tui, quanto magis reconciliati salvi facti sumus per eum; omnis namque spes & totius fiduciae certitudo mihi est in pretioso sanguine ejus, qui effusus est propter nos & propter salutem nostram, in ipso respiro & in ipso confusus ad te per-

pervenire desidero, non habens meam justitiam, sed eam quæ est ex filio tuo Domino nostro Jesu Christo. Et cap. sequenti c. 14. Hæc nempe mihi tota est spes, omnisque fiducia; est enim in ipso Jesu Christo Domino nostro uniuscujusque nostrum portio, caro & sanguis, ubi ergo portio mea regnat, ibi me regnare credo: ubi caro mea glorificatur, ibi gloriosum me esse cognosco; ubi sanguis meus dominatur, ibi dominari me sentio; quamvis peccator sim, de hac communione gratiæ non diffido. Et si peccata mea prohibent me, substantia mea requirit; etsi delicta mea me excludunt, naturæ communio non repellit.] Hic Augustinus in negotio salutis docet firmam spem & certam fiduciam concipiendam de nostra salute, quippe cum sit in ipso Christo uniuscujusque nostrum portio, caro & sanguis: Ubi ergo (inquit) portio mea regnat, ibi me regnare credo.] Ex communione naturæ fiduciam colligit regnandi cum Christo.

I interrogatio facienda infirmo in extremis constituto, quam præscripsisse dicitur Anselmus quondam Archiepiscopus Cantuariensis, Cassander ait, operi Epistolarum ejusdem hanc formulam insertam reperiri.

Infirmus (inquit) languens in extremis debet sic interrogari, & sic respondere: Frater, lætaris quod in fide Christiana moriaris? Respondeat, etiam; fateris te non ita bene vixisse, sicut debuisti? Respondeat, etiam; fateris te tam male vixisse, ut meritis tuis poena æterna debeat? Respondeat, etiam; Pœnitet te? Respondeat, etiam. Habes voluntatem emendandi te, si spatium haberes vivendi? Resp. etiam. Credis quod Jesus Christus filius Dei natus fuit ex Maria Virgine gloriosa? Resp. etiam. Credis quod Jesus Christus filius Dei pro te mortuus fuit? Resp. etiam. Agis, ei gratias propter ista beneficia? Resp. etiam, Credis te non posse nisi per istius mortem salvari? Resp. etiam, Age ergo, dum superest in te anima, in hac sola morte fiduciam tuam constitue, in nulla alia re fiduciam habe: huic morti te totum committe. hæc sola te totum contege, totum immisce te in hac morte; totum confige; hac morte te totum involve, & si Dominus tuus te voluerit judicare, dic, Domine mortem Domini nostri Jesu Christi objicio inter me & tuum judicium: Aliter tecum non contendo. Et si tibi dixerit, quia peccator es, dic Domine, mortem Domini nostri Jesu Christi pono inter me & mea peccata: si dixerit tibi, quod meruisti damnationem, dic, Domine, mortem Domini nostri Jesu Christi obtendo inter me & mala merita mea, ipsiusque meritum offero pro merito, quod ego debuisssem habere nec habeo; si dixerit quod tibi est iratus, dic, Domine mortem Domini nostri Jesu Christi oppono inter me & iram tuam. Quo expleto, dicat infirmus ter, In manus tuas commendo spiritum meum, & clero in idiplum respondente securus moritur.] Hæc Anselmus. Addit M. Eisingrenius ubi verò hic vel unicum iota quod dubitationem, timorem, formidinem, aut dissidentiam aliquam redolet? nonne expressè hominem in agone constitutum, etiamsi peccator sit iramque ac judicium Dei, ac sempiternam damnationem commeruerit, nihilo secius (modò verè de peccatis doleat) de remissione eorundem & perpetua salute, propter Christi meritum, indubitam fiduciam habere debere? si peccata illi objiciat Deus, si indignetur ipsi, si judicare eum voluerit, docet hunc debere sibi Christum & merita illius prætere, his inniti, totaque fiducia incumbere, & securè deinceps moriturum:

Caspar Uttembergius Pontificius ingenuè fatetur, ubi harum questionum meminit; eas totam humanæ salutis rationem, adeoque thesaurum & nucleum Christianismi quasi brevi pugillo amplecti lib. de causis, &c.

De D. Bernardo quoque legimus apud Gulielmum Abbatem l. 1. c. 12. de vita Bernardi, cum extremum (inquit) jam trahere spiritum videretur in excelsa mentis suæ ante tribunal Domini sibi visus est præsentari: adfuit autem & Satan ex diverso improbis eum accusationibus pulsans. Ubi verò ille omnia fuerat persecutus, & viro Dei pro sua fuit parte dicendum, nihil territus aut turbatus ait: Fateor non sum dignus ego, nec propriis possum meritis obtinere regnum coelorum, exterum duplici jure illud obtinens Dominus meus, hæreditate scilicet Patris & merito passionis, altero ipse contentus, alterum mihi donat, ex cujus dono jure illud mihi vendicans non confundor. In hoc verbo confusus inimicus, conventus ille solutus & homo Dei in se reversus est. Hæc tenus Gulielmus in vita Bernardi.] Sanè hinc relucet Bernardum nullis Diaboli terriamentis in dissidentiam aut dubitationem aliquando adactum, sed spretis im-

probris de peccato accusationibus, nihil territum & turbatum ad uberrimum Christi Domini meritum confugisse, & ex eo securam fiduciam hausisse. Extat sacra institutio baptizandi juxta ritum S. Romanae Ecclesiae ex decreto Concilii Tridentini restituta, in qua etiam quae apud infirmos in extremis laborantes officia fiunt, continentur — edita Parisiis An. D. 1575. ubi habentur interrogatoria sequentia: quae eadem habentur in Sacerdot. Roman. Venetis An. 1585. in quarto, p. 116. sub titulo, Petitiones faciendae infirmo morienti.

Sacerdos. Gaudes mori in fide Domini nostri Jesu Christi? Respondeat infirmus, Gaudeo. Sacerdos: Cognoscis te multum offendisse Dominum Deum Creatorem tuum, à quo tanta beneficia recepisti, & à quo habes quicquid boni habes? Respondeat infirmus, cognosco. Sacerdos: Doles ex corde de omni offensa contra Dominum Deum, & teipsum & proximum tuum qualitercunque commissa? Respondeat infirmus, doleo. Sacerdos: Doles de omni negligentia & omissione bene operandi & de contemptu gratiarum à Domino Deo tibi datarum? Respondeat infirmus, doleo. Sacerdos: Desideras recordari omnium peccatorum tuorum oblatorum, ut de ipsis habere possis specialem contritionem, & dolorem & poenitentiam? Respondeat infirmus, desidero. Sacerdos: Proponis de cetero, si Deo placuerit te de hac aegritudine sanatum, deinceps toto tempore vitae tuae cavere à peccatis mortalibus, & vitam tuam mutare: & potius quodcunque damnum temporale & corporalem mortem sustinere quam de cetero Deum per peccatum mortale offendere? Respondeat infirmus, propono. Sacerdos: Vis omnia, integrè restituere illis à quibus acquisivisses, recepisses, vel habuisses per te vel per alios injustè & indebito modo, & per hoc totam facultatem tuam si totaliter satisfacere non posses, exponere & eidem renunciare? Respondeat infirmus, volo & paratus sum. Sacerdos: Credis non propriis meritis, sed passionis Domini nostri Jesu Christi virtute & merito ad gloriam pervenire? Respondeat infirmus, Credo. Sacerdos: Credis quod Dominus noster Jesus Christus pro nostra salute mortuus sit: & quod ex propriis meritis vel alio modo nullus possit salvari, nisi in merito passionis ejus? Respondeat infirmus, Credo. Sacerdos: Doles quod postquam veniam de peccatis tuis à Domino Deo consecutus es, recidivans reversus es ad eadem vel similia, vel majora peccata? Resp. infirmus, doleo. Sacerdos: Si occurrerit tibi Diabolus, ei semper appone merita passionis Christi. Respondeat infirmus, apponam. Sacerd. Si te tentaverit de fide, dices te omnia credere & confiteri, quae credit Sancta, Catholica, & Apostolica Ecclesia. Resp. infirmus, dicam. Sacerd. Si Dominus Deus voluerit te secundum tua peccata judicare, dicas, Domine Deus ego pono mortem Christi Jesu Domini mei inter me & judicium tuum & quamvis meruerim aeternam mortem propter peccata mea, interpono tantum meritum passionis ejusdem loco meriti quod ego miser deberem habere, & non habeo. Item Domine pono eandem passionem & mortem Domini mei Jesu Christi inter me & iram tuam, & in manus tuas, Domine, commendo spiritum meum. Resp. infirmus, dicam, &c.]

In hisce interrogatoriis Sacerdos monet aegrotum ut propriam indispositionem consideret, ut de peccatis commissis verè & sincere doleat, vitamque in melius se commutaturum statuatur. Haec si praestet aegrotus non vult Sacerdos, ut trepidet aut formidet, sed non obstantibus diaboli tentationibus, aut cogitatione de divinae justitiae distinctione, semper tamen vult peccatorem apponere merita passionis Christi, & fiducialiter interponere mortem Domini Jesu Christi inter se & judicium divinum & iram Dei, atque ita fiducialiter in manus Dei commendare spiritum suum.

In hortulis animae qui non ab Ecclesiasticis solum, verum etiam à cæteris Christianis in Papatu quotidie legebantur in hunc modum aegros consolandos esse reperimus. Lætaris quod in fide Christiana, & sanctae matris Ecclesiae unitate & obedientia morieris? Respondeat, lætor. Recognoscis te Deum graviter offendisse, & non tam bene vixisse sicut debuisses? Respondeat, Recognosco. Doles ex toto corde de omnibus peccatis contra Dei Majestatem commissis, & bonis omissis & neglectis, non solum timore mortis vel poenae, sed magis amore Dei in justitia & charitate, qua tenemur Deum super omnia diligere? Respondeat, doleo.

Petis super his omnibus à Deo veniam? Resp. Peto.

Habesne sincerum propositum & explicitam voluntatem vitam tuam in melius commutare, atque corrigere, si vita comes superfuerit? Respondeat, Habeo.

Rogas etiam Deum, ut tibi gratiam præstet hoc propositum continuandi, veram scilicet contritionem habendi? Resp. Rogo. Esne conscius tibi ipsi alicujus peccati mortalis, de quo non sis confessus? Resp. Non.

Optasne etiam cor tuum illuminari ad oblatorum criminum (si quæ sunt) habendam noticiam, & si scires, tu libenter confitereris ea? Resp. Opto.

Vis ablata per te restitui integraliter, quantum ad id teneris juxta tuarum facultatum valorem, etiam ad omnium bonorum tuorum cessionem & renunciationem, ubi aliàs satisfactio fieri non valeret? Resp. Volo.

Indulges ex corde omnibus, qui tibi nocumentum intulerunt, ob reverentiam Domini nostri Jesu Christi, à quo & veniam speras, & petis similiter indulgeri tibi; & remitti ab his, quos verbis & factis læxisti?

Respondeat, Peto & indulgeo.

Tu credis & recognoscis Jesum Christum filium Dei pro te mortuum esse, & aliter te non posse salvari, nisi per meritum passionis ejus?

Respond. Credo.

Agis ei de hoc ex toto corde gratias in quantum vales?

Resp. Ago.

Si bono corde responderit ad prædicta, signum est quod sit de numero salvandorum. Age ergo dum in te est anima tua ei semper gratias. Hac sola ejus morte te totum contege, eique te totum involve. Et si Dominus voluerit te judicare, dicas, Domine mortem Domini nostri Jesu Christi objicio inter me & te & judicium tuum, aliter tecum non contendo.

Si dixerit quod merueris damnationem, dic, mortem Domini nostri Jesu Christi objicio inter me & mala merita mea, ipsius dignissimæ passionis meritum offero pro merito quod ego habere debuissim, & heu! non habeo.

Dicat tertio, Mortem Domini nostri Jesu Christi pono inter te & iram tuam. Deinde dicat infirmus, in manus tuas commendo spiritum meum, Et securus morietur, nec videbit mortem in æternum.

In veteri hoc hortulo qui ante multos annos excusus est, ita artificiosè quæstiones hæc institutæ sunt, ut si nihil aliud haberemus, ex iis discere abunde liceret, quo pacto æger dejectus, spe & consolatione erigendus sit. Tantum abesse vult Hortulus, ut æger ex propriæ indispositionis consideratione animum despondeat, ut si verè & sincerè doleat de peccatis, & proponat in posterum vitam in melius commutaturum, apertè doceat signum esse, eum in numero salvandorum inveniri, monstrat ei meritum Christi, spem omnem & fiduciam ut in eo collocet, jubet, in hoc solo se totum contegere hortatur, eique se totum involve.

Addit ad extremum Hortulus, hæc si præstiterit æger, securus morietur, & non videbit mortem æternam.

Joan. Gerson. lib. de mendicitate Spirit. part. 3. sic Dæmonibus ad desperationem sollicitantibus respondet: Non opus est ut mihi mea peccata commemoretis, inferentes hinc me cælestibus præmiis esset penitus indignum, id enim scio: sed scio quod pius ille meus Pater Jesus Christus meum debitum solvit, & mea omnia, quotiescunque mihi displicuerint, deleuit peccata; mihi quoque suo pretiosissimo sanguine cæleste regnum lucrificavit & emit, & hoc titulo & nullo alio possessionem hujus regni præstolor.] Hæc Gerson.

Quorsum diceret Gerson, & mea omnia, quotiescunque mihi displicuerint, deleuit peccata, si non sibi potuisset constare de sua peccatorum displicentia, & certo constare?

Idem Eisingrenius pag. 484. ait, in cœnobio quodam ordinis Augustini, cui nomen (inquit) Rhamsæ erat, vetustate fere consumptum libellum inveni, in quo quæstiones similes ferè superioribus continebantur, quarum hæc octava est.

Credis propter te Christum esse mortuum, & te non posse salvari nisi per meri-

meritum ejus, cum se in ara crucis sacrificium cruentum Deo Patri pro nobis obtulerit? Agis ex toto corde Deo hoc nomine gratias? Hæc si affirmet ex animo, signum est illum esse e numero electorum; sic itaque illi loquendum; Dilecte, si ita sentis ut ostendisti, certifico tibi quod salvaberis & nunquam à Deo separaberis, hac causa commenda te Deo, ut quando velit, mori paratus sis. Hic tui causâ in cruce pependit, & cum jam in agone constitutus sis, cogita de salute tua & vita illa quæ in æternum duratura est, te Deo commenda, omnem curam ac spem in ipsum conjiciens. Tota mente de isto cogita, passionem, crucem, vulnera & mortem Christi recole, curas temporales quæ prodesse nequeunt excute. Pete ab iis qui tecum sunt & adhuc incolumes pro tua salute Deum ut orent. Toto animo ad crucem & vulnera Christi confuge, in nullo alio fiduciam habens.

Afferri huc possint alia multa quæ affert Eisingrenius ex Agendis Veteribus, Wirtzburgensi, Saltzburgensi, Moguntinensi & aliis huc spectantia. A de M. mansuetudine

CAPUT XLV.

Occurritur rationibus Bellarmini pro incertitudine Gratia.

Superest ut in hac controversia occurrant rationibus quibusdam, quas affert Bellarm. l. 3. c. 8. pro incertitudine gratia.

Prima Ratio Bellarmini proponitur c. 3. p. 171. ubi etiam habetur ejus solutio.

Secunda Ratio: Nemo tenetur certò credere certitudine fidei sibi remissa esse peccata, nam ejusmodi articulus in nullo Symbolo Fidei continetur. Et ejusmodi præceptum in nullo Canone Ecclesiastico reperitur.

Percurrantur (inquit) Symbola, Apostolorum, Nicenum, Constantinopolitanum, Athanasii, nunquam reperietur articulus, credo me esse justum. Quod si dixerimus in Symbolo, dicitur, credo remissionem peccatorum, Bellarm. respondet, hoc tantum significari in Ecclesia dari Baptismum in remissionem peccatorum, ut explicatur in Symbolo Constantinop.

Sol. Resp. In Symbolis nihil credendum proponitur nisi quod fide Catholica & generali credendum est, qualia sunt ea quæ dicuntur dogmata seu articuli fidei. At ista fides qua credo me esse justum, est fides specialis cum speciale habeat objectum, nimirum mihi esse remissa peccata proinde non mirum, si nusquam in Symbolo aliquo occurrat ejusmodi articulus. Atque hinc solvuntur Bellarmini illusiones.

1. Hæc est. Si ejusmodi articulum fidei haberemus, credo mihi esse remissa peccata sequeretur omnem hominem qui peccat quocunque genere peccati mortalis, continuo fieri hæreticum, atque ita nullum esse peccatorem qui non simul esset hæreticus; neque enim potest qui voluntariè peccat credere se esse justum, nisi falsum dedita operâ credere velit. At certè (inquit) inauditum est in Ecclesia nullum esse peccatorem, qui non sit hæreticus.

Sol. Resp. Non sequi omnem peccantem continuo fieri hæreticum, nemo enim censendus est hæreticus nisi qui pertinaciter oppugnat ea quæ omnibus credenda pro-

ponuntur in Symbolis Apostolorum, Nicæno, & reliquis Symbolis. At omnibus non proponitur in ullo Symbolo credendus iste articulus, Credo mihi esse remissa peccata, ergo illico non hæreticus censendus qui hunc articulum non credit. Iste enim articulus, Credo mihi esse remissa peccata, non omnibus credendus proponitur, non impenitentibus, & non verè credentibus, sed solummodo verè poenitentiam agentibus & verè in Christum Redemptorem credentibus ob remissionem peccatorum. Ejusmodi enim solummodo possunt & debent credere peccata sibi esse remissa. Porro non usquequaque verum est voluntariè peccantem non teneri ad credendum remissionem peccatorum, verè enim non tenetur in sensu composito quamdiu voluntariè peccat, sed sensu diviso tenetur deponere hanc voluntatem, tenetur poenitentiam agere, & credere in Christum Redemptorem ob remissionem peccatorum, atque hæc si fecerit, potest & debet credere peccata sua esse remissa.

2. Illatio. Cùm omnes hæretici ab Ecclesia separentur sequeretur (inquit) nullum peccatorem in Ecclesia esse posse, quæ fuit hæresis Donatistarum, & ab Augustino & aliis Patribus manifestè refutata est.

Sol. R. Non hinc sequi nullum peccatorem in Ecclesia esse posse. Imò peccatores esse possunt in Ecclesia visibili vocatorum, fidem Christi profitentium, neque tamen peccatores tales sunt dicendi hæretici, atque ita ab Ecclesia submovendi, nisi fidem adhibere reculent, idque pertinaciter articulis fidei, qui in Symbolis omnibus credendi proponuntur.

Quod si qui non credunt in Christum Redemptorem, atque adeo non sibi peccata esse remissa, esto dici possint infideles, at nullo modo hoc nomine hæretici.

3. Ratio. Non expedit ut homines habeant ordinariè certitudinem de propria gratia: Nam (inquit August. de Correp. & Grat. c. 13.) In hoc loco tentationis tanta est infirmitas, ut superbiam possit generare securitas. Idem docet Christus Luc. 18. 11. Contra, ignoratio hujus secreti humilitatem conservat & auget.

Sol. R. Non expedire, nisi simul adsit cura, sollicitudo & studium retinendi & conservandi gratiam. At Deus vult curam & sollicitudinem comites esse gratiæ, & ejusdem vigiles custodes, ne aliquando obrepat carnalis securitas aut superbia, maxima gratiæ inimica. Unde & sancti in cælis & beati Angeli gratiæ pleni, maxime solliciti sunt ut Deo in omnibus placeant, & ne ipsum aliquando vel levissime offendant.

2. Resp. Ubi quis propria & inhzrente iustitia & propriis suis actibus & operibus iustificatum se confidit fieri potest ut quis infletur & superbiat, at qui abrenunciatis propriis operibus, gratis sibi remissa esse peccata credit, novit in Domino non in sese gloriari, cum novit nihil se habere, quod non à Deo accepit.

Augustinus in Psal. 45. enarrans illud Apostoli 1 Cor. 6. Et hæc quidem fuistis, sed abluti estis sed sanctificati estis. Si ergo (inquit) sanctificatus dicit, dicat unusquisque fidelium sanctus sum. Non est ista superbia elati, sed confessio non ingrati. Si enim dixeris te sanctum esse ex te superbus es; rursus fidelis in Christo & membrum Christi, si te non dixeris esse sanctum, ingratus es. Arguens enim superbiam Apostolus 1 Cor. 4. non ait, non habes; sed ait, Quid enim habes quod non accepisti? Non arguebaris quia dicebas te habere quod non habebas, sed quia ex te tibi volebas esse quod habebas. Imò & habere te agnosce, & ex te nihil habere, ut nec superbus sis nec ingratus. Dei Deo tuo, sanctus sum quia sanctificasti me, quia accepi non quia habui; quia tu dedisti non quia ego merui.] Hæc Augustinus & quidem præclare.

3. Certitudo gratiæ ex se non parit superbiam, si enim ex se gigneret semper eam gigneret, nec Deus aliquibus speciali revelatione aliquando justificationem suam manifestaret. Si ergo in aliquibus pariat superbiam, id fit per accidens, & hominum malitiam & abulum.

4. Ratio. Deus singulari beneficio revelavit quibusdam remissionem peccatorum suorum, ut de Sancto Antonio & Sancto Francisco Authores testantur. Hæc est quorundam prærogativa specialis, non ergo omnium fidelium est fides ista communis.

Sol.

Sol. Fieri potest ut Deus ob causas speciales aliquibus potest explicare & evidenter ostendere id, quod tamen omnes tenentur scire. Christus Paulo singulari vocatione revelavit fidem Christi, cujus tamen notitia est omnium fidelium communis: Ad Petrum dicitur, ego rogavi pro te ut non deficiat fides tua, tu autem conversus confirma fratres, Luc. 22 32. Paulus ait se misericordiam consecutum *πρὸς ὑποπόνοιαν τῶν πολλῶν πιστεύοντων* in exemplum aliorum qui credituri sunt.


5. Viri perfectissimi & sanctissimi trepidarunt & dubitarunt de statu suo, & remissione peccatorum, quomodo igitur omnibus incumbit, ut certi esse possint de remissione peccatorum.

Sol. Dubitatio sanctorum est nota infirmitatis, non firmamentum incertitudinis. Ostendit quorundam dubitationem quid aliquando fiat de facto, non quid fieri debeat de jure. Pontificii dubitationem in ipsis fidelibus laudant & ad virtutem humilitatis referunt, nos ad peccati reliquias pertinere dicimus.

F I N I S.

E R R A T A.

IN *Præfatione* pag. 1. lin. 9. lege in eamque p. 4. l. 7. scripta. In Libro p. 3. l. 22. l. Romanos p. 4. l. 55. deferentem p. 6. l. 2. agonocheta p. 7. l. 12. seu modo p. 11. l. 27. *Sinaius* p. 12. l. 14. seminantis l. 17. quæ p. 13. l. 2. sciscitantem l. 45. si p. 14. l. 16. l. inniti p. 15. l. 12. toto l. 20. fit l. 24. syllogè l. 39. l. solennibus his comitiis p. 16. l. 7. dicimus l. 14. ut p. 17. l. 40. efficitur p. 22. l. 1. actibus p. 23. l. 34. pars p. 24. l. 36. spe p. 26. l. 33. fœdera p. 28. l. 50. id p. 29. l. 22. viri p. 31. l. 20. supernaturali p. 40. l. 43. iusticia l. 55. constitutus l. ult. obediencie p. 42. l. 4. quæ p. 46. l. 20. nudum p. 49. l. 47. ut l. 49. solennibus comitiis p. 59. l. 7. peccatum p. 61. l. 12. cor à l. 35. illius p. 62. l. 15. definienda p. 63. l. 22. Hæc p. 66. l. 2. Quæritur l. 18. audirent l. 30. expunge p. 68. l. 9. sufficientia p. 69. l. 42. accedunt p. 73. l. 19. quæ aggregata p. 76. l. 36. eorum p. 77. l. 6. impetiri p. 78. ult. ream p. 80. l. 6. quis l. 38. *αγωνα* p. 82. l. 44. Synodo p. 113. l. 9. mansurum p. 116. l. 42. furam p. 149. l. 16. contendit p. 155. l. 4. testamento l. 39. testamento p. 158. l. 25. quendam p. 172. l. 36. hoc p. 177. l. 40. nec p. 178. l. 9. spiritualiter p. 209. l. 21. suo actu electo l. 31. credidisset l. 51. exercere l. 55. ut p. 211. l. 53. *αποστασιν* p. 213. l. 34. domum suam p. 214. l. 43. audaciā p. 216. l. 18. nunquique ad cor suum p. 223. l. 26. promittentis p. 239. l. 42. quod p. 235. l. 25. dele ad omnes p. 237. l. 24. fit p. 242. l. 54. multa p. 243. l. 44. conversionemque p. 252. l. 34. propitiacione p. 253. l. 25. futuro l. 26. hibi p. 256. l. 40. absolue l. 45. Apostolus p. 257. l. 43. simpliciter p. 265. l. 19. remissione.



PRÆLECTIONES DE Peccato Originali.

CAP. I.

*Ubi sententia Ecclesiae Anglicanae de Peccato Originali ex ejusdem Ecclesiae
Articulis ac Homiliis eruitur & proponitur.*



Auctus Augustinus (Epist. 157. ad Optatum, & Serm. 12. de verb. Apost.) Articulos duos illos, de hominis lapsu unum, alterum de restitutione per gratiam, in fidei Christianae fundamentis Numerat. Nos, quoniam de gratia copiosius aliquando differuimus, de altero illo capite, (humanae naturae depravatione) operae pretium duximus fusiùs disserere; ut de gratia Christi, & ejus excellentiâ rectius Judicemus.

Unde autem potius exordium sumam, quàm ab art. 9. nostrae confessionis de originali peccato? Ubi sic habetur.

Peccatum originis non est (ut fabulantur Pelagiani) in imitatione Adami situm; Sed est vitium, & depravatio naturae cujuslibet hominis ex Adamo naturaliter propagati, quâ fit, ut ab originali justitiâ quam longissimè distet, id malum suâ naturâ propendeat, ita ut caro semper adversus spiritum concupiscat, unde in unoquoque nascentium iram Dei, atque damnationem mereatur: Manet etiam in renatis hæc natura depravatio: quâ fit, ut affectus carnis (Græcè φρονιμα σαρκος; quod alii sapientiam, alii sensum, alii affectum, alii studium carnis interpretantur) legi Dei non subiciatur. Et quanquam credentibus & Baptizatis nulla propter Christum sit condemnatio; peccati tamen in sese rationem habere concupiscentiam, fatetur Apostolus.

Ex hoc Articulo evidentè deducuntur propositiones, seu conclusiones sequentes.

1. *Peccatum originis non est in imitatione Adami situm.*] Hæc propositio posita est adversus Pelagianos.

2. *Peccatum originis est vitium, & depravatio naturae cujuslibet hominis ex Adamo naturaliter propagati.* Hæc propositio expresse totidem verbis habetur in articulo.

3. *Omnis homo post lapsum ratione hujus depravationis naturae ab originali iustitiâ longissimè distat*] Hoc ex eo constat, quod, ut supponit Articulus, hæc originali iustitiâ ob culpam primi parentis merito Privatus sit.

4. *Omnis homo post lapsum ratione hujus depravationis naturae, & elongationis ab originali iustitiâ, ad malum suâ naturâ propendit, & carnem habet semper adversus spiritum concupiscentem.*

5. *Hoc vitium, & hæc naturae depravatio, quia facit, ut quilibet homo ab originali iustitiâ longissimè distet, & ad malum suâ naturâ propendat, & ut carnem habeat semper adversus spiritum concupiscentem, idè in unoquoque nascentium iram Dei atque damnationem meretur*] Unde jure inferitur esse veri nominis culpam. Hæc propositio quoad singulas partes aperte in ipso Articulo continetur. In illis enim verbis [*Unde in unoquoque nascentium iram Dei, atque damnationem meretur*,] illud *Unde* causaliter ponitur, atque satis aperte denotat, conditores articuli sensisse, hoc vitium, hanc naturae depravationem, in unoquoque nascentium, iram Dei, atque damnationem mereri triplici de causâ. 1. Quoniam facit, ut ab originali iustitiâ longissimè distemus. 2. Quia facit, ut ad malum naturâ propendamus. 3. Hæc fit, ut caro adversus spiritum semper concupiscat.

6. *Manet etiam in renatis hæc naturae depravatio*] Hæc propositio explicitè totidem verbis exprimitur.

7. *Ratione hujus depravationis reliquiarum naturae, fit, ut affectus carnis seu concupiscentiae, tunc vagans, legi Dei non subiciatur*] Hæc etiam conclusio in terminis in ipso articulo continetur.

8. *Renatis, & credentibus etsi insint reliquiae concupiscentiae pravae; tamen propter Christum, nulla est illis condemnatio*] Hæc etiam conclusio, quoad sensum, aperte in ipso Articulo comprehenditur.

9. *Reliquiae concupiscentiae in ipsis Renatis habent in se veram rationem Peccati, faciente Apostolo.*] Hæc etiam conclusio in fine articuli, verbis ferè expressis habetur. Hæc novem conclusiones optimè exprimunt sensum ecclesiae nostrae de Originali Peccato.

Sed & alibi Ecclesia nostra de hoc articulo quid sentiat non uno in loco explicat.

Prima parte Homiliae de miseria hominis sic habet: D. Paulus in multis locis omnes homines quid naturaliter sint, graphicè depingit. ut ubi ait, nos naturâ esse filios irae, cum primum nascimur, ad Ephes. 2. ubi etiam ait nos non sufficientes esse ex nobis ad benè cogitandum multò minus ad benè loquendum aut benè agendum ex nobis. *Et postea explicans illud Davidis, Ab oculis mundi me, hæc habet. Peccata sua accurate pensitat ab originali radice & fonte; satis persensit se inclinat, provocaciones, motus seu agitationes peccatorum, incentiva item, germinationes, ramos, faeces, sapes, odores, sensus eorum in se etiam renato superesse, unde ait ecce in iniquitatibus conceptus sum*] En, non ait in iniquitate, sed iniquitatibus, numero plurali, eo quod ex uno peccato ut fonte dimanant cætera omnia, & antea in eadem Homilia adducit illud, Jobi 14. 4. *Quis potest facere mundum de immundo conceptum semine? nonne tu qui solus es?* Et ejusdem Hom. parte 2. *In nobis ipsis tanquam ex nobis nihil invenimus quo liberari possimus à misera illa captivitate in quam conjicimur, invidia diaboli prevaricando Dei mandatum in primo nostro parente Ada, omnes facti sumus immundi, sed non possumus nosmetipsos mundare — Nos sumus naturâ filii irae Dei, sed non possumus nosmetipsos facere Dei gloria heredes.*

Et in Homilia de salute generis humani Part. 1. *Infantes baptizati in infantia morientes, sacrificio mortis Christi abluti sunt à peccatis*] En, infantes ablutione indigent. Et part. 2. *Fidendum est unico sacrificio Christi in cruce oblato — ut adipiscamur remissionem tam originalis peccati in baptismo; quam actualium post baptismum.* Et in Homil. de Nativitat. Domini ubi fusè describitur miseria in quam Adamus suo peccato incidit — ait, Adamum lapsu factum fuisse massam peccati & Dei iusto judicio factum fuisse obnoxium æternis pœnis — sed hæc miseria non solum

solum in Adamum incidit, sed in omnes ejus posteros, unde tota Adami progenies iisdem penis obnoxii fiunt quas Adamus culpâ suâ justè meruerat, idque probat ex Rom. 5. Sicut per unius delictum in omnes homines reatus in condemnationem; et unius Adami inobedientia multi constituti sunt peccatores.] Quibus verbis docetur ut quemadmodum in Adamo omnes universaliter peccaverunt: Sic in Adamo omnes in universum mercedem peccati receperunt sc. mortales facti sunt, morti obnoxii, habentes in se non nisi aeternam condemnationem, tum animi, tum corporis. Facti sunt, dicente Davide, corrupti & abominabiles, omnes declinaverunt; non est qui faciat bonum, non usque ad unum. O miserum & deplorandum statum hominis! ubi unius hominis peccatum omnes perdit & damnationi addicit homines unde nihil hominibus expectandum erat aliud quam mortis angores & poenae infernales. Unde mirum non fuisset si homo ad desperationem planè adactus fuisset quandoquidem in tantum cecidisset à vita ad mortem, à salute ad perditionem, a caelo ad infernum.] Hæc in dictâ Homiliâ. Ex quo loco constat, juxta Ecclesiæ nostræ sensum.

1. Omnes homines in Adamo peccavisse.

2. Omnes homines in Adamo peccantes, iisdem penis obnoxios factos, quibus & ipse Adam, aeternæ sc. condemnationi, tum animi, tum corporis.

Hæc eadem egregiè explicantur in 2 Homilia de morte & passione salvatoris, p. 181. hisce verbis.

Quo magis concipimus ingentem miserecordiam & bonitatem salvatoris Christi in perpetienda morte universaliter pro omnibus hominibus in conscientiam nostram altius descendere oportet, & diligentius perpendere primam & principalem causam quâ impulsus est ut hoc faceret. Cum magnus noster progenitor Adam Dei mandatum prævaricatus fuisset in pomò vetito in paradiso comedendò, uxoris suasa, non solum erga se sed & posteros aeternam, justam iram & indignationem Dei concitavit, qui juxta sententiam prius latam ad mandati promulgationem se & posteros suos aeternæ poenæ tum corporis tum animi addixit: sic enim Dominus, Genes. 2. 16. *Præcepit ei dicens ex omni ligno Paradisi comederis, de ligno autem scientia boni & mali ne comederis, in quocunque enim die comederis ex eo, morte morieris*] Jam prout Dominus locutus est, ita reipsa contigit, Adam de ligno vetito comedit & sic morte moriebatur (i.e.) mortalis factus est, Dei favore excidit, è paradiso ejectus est, non diutius mansit incola cœli, sed inferni titio & manceps Satanæ — Huc facit illud Pauli, per offensam unius Adami mortem venisse in omnes in condemnationem.] Hinc est quòd nec ipse nec ejus posteri jus ullum habeant ad regnum cœlorum, sed facti sunt reprobi & rejectanei, aeternis penis inferni adjudicati.]

Ex hoc loco constat, ex sensu nostræ ecclesiæ.

1. Adamum prævaricando præceptum Dei, in se & posteros in aeternum, justam iram & indignationem Dei concitasse — Se & posteros suos aeternæ poenæ tum corporis, tum animæ adixisse.

2. Dei favore excidisse, Paradiso ejectum fuisse, non diutius mansisse incolam cœli sed inferni titionem & mancipium Satanæ, et tum illum, tum posteros factos fuisse rejectaneos & aeternis penis inferni adjudicatos.

Similia occurrunt in formula Baptizandi quæ in Ecclesiasticis officiis publicis præscribitur. Ubi

1. Affirmatur omnes homines in peccatis conceptos esse & natos.

2. Preces Deo, nomine Ecclesiæ, offeruntur pro remissione peccatorum parvulorum qui sistuntur baptizandi, & ut spiritu sancto imbuantur.

Ex istis non obscure constat quid Ecclesia nostra sentiat de naturæ humanæ per lapsum Adæ depravatione quæ omnes homines ex lapsu pervasit.

CAP. II.

*Ubi eadem Doctrina ex Scripturis Sacris & rationibus à Scriptura petitis
fusiùs demonstratur.*

Hilce ita ptamissis. superest, ut hanc Ecclesiae nostrae erutam sententiam de hoc articulo è Scripturis sacris, & rationibus è Scriptura petitis, fusiùs demonstremus.

Ut autem rem ipsam Paulo altius repetamus: Quandoquidem naturae nostrae depravatio ex Adami peccato personali originem traxit, operapretium erit de hoc Adami peccato personali paucula praemittere, et quos effectus in ipso produxit. Ubi

I. Dicendum est Adamum, inobedientià suà in pomo vetito comedendo, seipsum meritò privasse originali illà iustitià, in quā primitus conditus est] Peccatum illud primum Adami ipse Apostolus, *inobediencia* nomine, signanter indicavit, ad Rom. 5. Quae denotat tum subjectionis negationem, tum obedientiae renuntiationem. Illa autem inobedientia perpetrata est praevaricando preceptum de non comedendo pomo vetito, ut constat ex Gen. 3. Ex praevaricatione autem hujus praecepti Adamum meritò suo re ipsa privatum fuisse originali iustitià certissimum est; cum etiam omnes ejus posteros eadem orbari, notius est, quàm, ut ullà probatione indigeat. Notum est illud, supernaturalia prorsus sublata.

II. Dico secundò, hoc peccatum personale inobedientiae ab Adamo perpetratum, quo se meritò privavit originali iustitià, reliquisse post se in eo aliquid permanens, unde ipse meritò peccator & dicebatur, & erat] Id ex eo potest intelligi quod qui peccatum aliquod commisit, post perpetratum peccatum, rectè dicitur, & jure appellatur propriè, & formaliter peccator; item rectè dicitur esse in peccato, habere peccatum, &, si, penitentiam egerit, mundari à peccato, & peccati remissionem consequi. Ut hoc rectius intelligatur, dicendum est, peccati nomen bifarium sumi posse.

1. Uno modo pro liberà praevaricatione praecepti.

2. Alio modo pro eo, quod remanet in animo peccatoris, post actum illum praevaricationis, quod quidem, quamvis sit aliquo modo effectus ejusdem actionis, tamen est aliquo modo tam conjunctum cum ipsà actione, ut proinde non metonymicè, sed propriè peccatum dici possit.

Duplex hac significatio Peccati non est dicenda significatio duarum rerum, sed unius, ac ejusdem rei alio, atque alio modo se habentis: Unde peccati perversio, seu obliquitas, ut est in Motu, dicitur peccatum juxta significationem priorem; ut autem denotat aliquid permanens in animà peccantis ex actu obliquo, dicitur peccatum in significatione posteriore. Quemadmodum enim qui à sole avertitur, manet averfus in tenebris, donec ad solem iterum revertatur: Sic etiam, qui per peccatum à Deo averitur, non solum, dum peccat, sed, postquam peccavit, manet à Deo averfus, donec per penitentiam convertatur ad Deum. Hoc autem, quod manet in animà post actum peccandi, *maculam* appellant Scholastici. Dicitur autem Macula, quia, sicuti, dum manus foli objicimus, umbram in facie nostrà producimus, quae instar maculae major, aut minor esse potest pro magnitudine manus, aut ejusdem majore, aut minore distantia à facie: Ita, quando peccata contra Deum patramus, quas inter nos, & ipsum dividunt, dicente Prophetà Isaià, c. 5. 9. Cum ipse sit lux animae nostrae, pro magnitudine istorum peccatorum contrahimus in animà nostra, quasi maculam quandam, post peccatum commissum permanentem. Sic Malderus, 1. 2 q. 86. art. 1, & 2. Vel, ut Barth. Medina; Macula importat defectum aitoris ex recessu à lumine rationis, & legis divinae, ratione cujus, anima est ingrata, & invisà Deo. Medin. ibid. p. 1167. vide & Thom. 12. q. 109. art. 7. Quod autem post peccatum aliquid in homine remaneat quod maculae nomine rectè insigniatur,

infigitur, patet ex sacris literis. Jer. 2. Si laveris te nitro, & multiplicaveris tibi herbam Borith, maculata es in iniquitate tua coram me, dicit Dominus Deus, Josh. 22. 17. Josua compellens Israelitas, ubi meminit peccati, quod commiserant Israelitæ in adorando Baal-Peor [Numb. 25. 3.] usque ad præsentem diem Macula hujus sceleris in nobis permanet] iterque locus istis indicat post actum peccati per actum, & præteritum in ipsis peccantibus mansisse Maculam aliquam, unde delinquentes merito dicuntur peccatores. Sic David post commissam, & transactam peccata Adulterii, & homicidii, sic precatur Dominum: Aspergas me hyssopo, & mandabor; lavabis me, & super nivem dealbabor, Psal. 51. 9.] Ubi ex perpetrato peccato planè agnoscitur, se maculatam, ac contaminatam fuisse, ac indigere mundatione, & ablutione ab illa macula. Sic Ephes. 5. 26. Apostolus dicit, Christum se pro Ecclesiâ suâ tradidisse, ut exhiberet eam non habentem maculam, aut rugam, aut aliquid ejusmodi; sed, ut sit Sancta, & immaculata.] Et Christi sanguis dicitur nos purgare ab omni peccato, (i.e.) ab omni macula, & inquinamento peccati. Atque hinc est, quod etiam si nulla esset à Deo constituta poena pro peccato, nihilominus ex eo, quod homo peccavit, manet ante remissionem in statu, peccati maculatus hac labe, & pollutus: Constat autem hæc macula propè in privatione habituali conformitatis ad legem, quam aliquis est transgressus per peccatum actuale, quatenus ejusmodi privatio manet in ipso per modum termini, peccati actualis, & ut propensio ad contrarium malum. Alii appellant aversionem habituales, seu privationem rectitudinis habituales. Alii offensam Dei, voluntate hominis, contractam, & Dei voluntate nondum remissam. Alii Privationem gratiæ, ut gratiam faciebat, vide Malder. in 1. 2. qu. 86. art. 1. 2. Opime omnium Apostolus appellat *diabolus* (i) defectum conformitatis cum lege, in peccatore manentem post peccatum commissum, ut Joan. 1. 3.

Cum igitur omne peccatum relinquit post se in animâ cuiuslibet peccantis ejusmodi maculam permanentem, ex qua verè propriè, & formalitèr peccans, peccator denominatur, & est; Proculdubio, & inobedientia Adami ejusmodi maculam permanentem in Adami animâ post se reliquit, unde ipse verè, propriè, & formalitèr peccator & dicebatur, & erat.

III. Dico tertio, ipsam privationem originalis justitiæ in Adamo, quæ dicit carentiam justitiæ debitæ inesse; proprio suo demerito contractam, culpæ personalis habitualitèr manentis propriè dictæ, rationem habuisse.]

Dico, ipsam privationem originalis justitiæ, quæ dicit carentiam justitiæ debitæ inesse, culpæ rationem habere; siquidem, carere illo bono, quod beneficio conditoris collatum est, idque eâ intentione, ut ad indebitam gloriam supra naturam eveheretur, nec retinere, quod retinuisse, ex quo collatum est, tenebatur, merito Adamo vitio vertendum erat.

Addo [*Proprio demerito contractam*] ex hoc enim talis carentia justitiæ originalis, quæ contracta est proprio demerito Adami, puta Infidelitate, quæ non credidit Dei comminationi, Superbiâ, Curiositate, Inobedientiâ, & si quod aliud ejusmodi fuerat; talis, inquam, carentia, merito culpæ rationem habuisse dicenda est, siquidem talis carentia Adamum merito culpabilem fecit, ejusque personam Dei conditoris oculis vituperabilem, invisam, & exosam sistingebat.

Non ergo existimandum est, ejusmodi carentiam habituales poenæ duntaxat rationem habuisse; (quamvis & poenæ rationem habuisse non dubitemus, quatenus ejusmodi carentia in vindictam tantæ inordinationis voluntariæ à Deo infligitur;) Sed dicimus insuper, dictam carentiam, quæ dicit carentiam justitiæ debitæ inesse, et retineri, ex quo data est ex largitate conditoris, et Adami inobedientiâ voluntariâ amissæ, culpæ propriè dictæ rationem habuisse.

Quod autem carentia justitiæ originalis in Adamo lapsio, culpæ personalis propriè dictæ rationem habuit, probatur, 1. Ex Scripturis, 2. Rationibus ex Scripturis. Ex Scripturis probatur, hanc carentiam originalis justitiæ esse veri nominis peccatum 1. Cum Deus Adamum vocat, & ei dicit, Ubi es? Gen. 3. 9. Quando ex ipso querit, Quis indicavit tibi, quod nudus esses? vers. 11. Satis indicat, hanc nuditatem esse culpabilem, & illi exosam; non enim fuit hæc ignorantis, sed increpantis

vox. August. lib. 11. de Genes. ad lit. cap. 34. est enim, ac si dixisset; cur de nuditate erubescis? Annon agnoscis carentiam debitæ justitiæ ex peccato ortam? Sic Apostolus, Rom. 3. Ubi hominem lapsum depingens, sic habet; Non est justus quisquam, non est intelligens, non est requirens Deum; omnes declinaverunt, non est, qui faciat bonum, ne unus quidem, vers. 17. viam pacis non cognoverunt. v. 18. non est timor Dei ante oculos eorum. Quæ verba aversionem hominis à Deo, & justitiæ debitæ carentiam denotant. Cum enim conqueratur Deus de toto humano genere lapsio, non inter eos esse vel unum, aut justum, aut intelligentem, aut Deum requirentem, aut bonum facientem, sed omnes declinasse & deviasse; omnino inde evincitur, tum Adamum lapsum, tum omnes ejus posteros rectitudine in esse debita culpabiliter carere, ac proinde obnoxios fieri iræ divinæ.

2. Hoc idem probatur rationibus ex Scripturâ deductis. Nam

1. Primò, Hæc carentia habitualis, seu aversio habitualis in animâ Adæ, orta ex actuali aversione voluntatis, formalem habuit pugnantiam cum illa lege, quæ exegit ab Adamo habitualem conservationem doni collati; quandoquidem hæc lege donum originalis justitiæ collatum est Adæ, ut studiosè ab eo conservetur, excólatur, & ad debitum finem consequendum usurpetur, & accommodetur, juxta illud, quod indictum est Ecclesiæ Thyatirensi (id enim omni homini dictum intelligendum) Tene, quod habes, Apocal. 2. 25. juxta illud item salvatoris; Cui multum datum est, ab eo multum repetetur. Ipse inutilis servus conjicitur in tenebras exteriores, quanto magis talentum abjiciens.

Hæc igitur careptia originalis justitiæ, cum sit defectus in animâ, propriâ voluntate Adæ contractus, talis (inquam) defectus evitabilis, meritò imputatur deficienti Adæ, ut erga tantum benefactorem ingrato, nec retinenti, aut custodienti curæ ejus commissum tantum depositum.

2. Hæc carentia est carentia rectitudinis, seu justitiæ, in Adamo debitæ inesse; Ergo talis carentia meritò in genere moris est, culpabilis, & vituperabilis in eo licet peccatum fuit personale, non originale essentialiter G. de Valent. de peccat. Conseq. probatur; quia, in creaturâ rationali, carere justitiâ, debitâ, & requisitâ, conceditâ, & curæ ejus custodiendâ demandatâ, est meritò culpabile in eo, qui hanc carentiam rectitudinis debitæ debuit, & potuit vitasse: meritò enim culpandus est, qui tantum malum à se dispellere potuisset & tamen noluisse.

Antecedens probatur; quia hæc justitia, & rectitudo, postquam beneficio conditoris collata est Adamo, conservanda erat, & retinenda: debuit enim retinuisse, & studiosè conservasse tantum donum, curæ ejus demandatum.

Ob: Dices; Illius dicimur debitores, cujus habemus præceptum:

At Adam non habuit præceptum conservandi justitiam originalem.

Sol. Respondeo, Aliquid dici posse debitum & illud [Tene quod habes] æquè dictum putandum est Adæ & cuicunque, qui donum aliquod à Deo accepit, atque olim dictum est Angelo Ecclesiæ Thyatirensi, Apocal. 2. 25. Datum repetetur, & cui multum datum est, ab eo multum repetetur, depositum reposcetur, Luk. 12. 48.]

1. Quia cadit sub præcepto formali; sic debemus diligere Deum.
2. Ratione beneficii, etiam ubi non habemus expressum præceptum de justitiâ conservandam, siquidem lex naturæ dictat, ubi accepisti beneficium reddendum esse officium.

Vid. Aug. de lib. Arb. l. 3. c. 13.

Hugo de Sancto Victore, lib. 1. de Sacram. part. 6. c. 7. ait,

Duo præcepta data esse primo homini.

Præceptum naturæ erat ipsa discretio naturalis, quæ intrinsecus aspirata est, ut per eam homo erudiretur de iis,

Præceptum

1. Naturæ, quod intus aspiratum est per naturam.

2. Disciplinæ, quod foris appositum est ad disciplinam de non comedendo pomo.

quæ sibi vel appetenda, vel fugienda erant; quasi enim quoddam præceptum dare erat, discretionem, & intelligentiam agendi, cordi hominis aspirare. Quid ergo cognitio faciendorum fuit, nisi quædam ad cor hominis facta præceptio? Et quid rursus

rursus cognitio vitandorum fuit, nisi quædam prohibitio? quid verò cognitio eorum, quæ media fuerunt, estimanda est, nisi quædam concessio? ut illic homo arbitrio suo relinqueretur, ubi quamcunque partem elegisset non laderetur.] Hæc Hugo.

Sic Angles. in 2. Dist. 30. p. 211. Lex Fidelitatis exigit, serva depositum: Lex Discretionis naturalis, Tene, quod habes: Lex Gratitude, Beneficium collatum ne sperne.

Hæc secunda ratione tenebatur Adam sub pœna reatûs iustitiam conservare; cum propter acceptum tantum beneficium omne debitum obsequium benefactori reddere, obcollatum beneficium, teneretur, saltem non spernere, aut parvi facere tam magnum beneficium. Angelorum malorum prævaricatio in hoc potissimum consistit, quod non servarent suam originem, sed domicilium suum relinquerent, Judæ, 6.] tenebantur ergo servasse originem, & quia non servarunt, vinculis æternis sub caligine reservantur, iudicio extremo; & carentia hujus originis iis in omnem æternitatem, ut grande peccatum, meritò imputatur.

3. Omne peccatum propriè sumptum est carentia iustitiæ debitæ inesse, & quale fuerit peccatum, talis erit carentia iustitiæ: Ergò, ut Adæ actuale peccatum proprii nominis est carentia iustitiæ actualis, quæ deberet voluntati, seu volitioni Adæ inesse; ita habitualis, seu permanens carentia (post actum perpetratum) iustitiæ originalis, quæ debebat inesse, est verè, & propriè peccatum habituale.

4. Quemadmodum anima, seu voluntas Adæ, dono iustitiæ originalis prædita, conversa dicitur ad Deum *justa habitualiter*, & *Deo accepta*; sic etiam eadem anima dono illo privata, *Non-conversa*, & *Non-justa* dicitur. Et, si ipsa se à Deo averterit, & donum illud excluderit, *Aversa*, *Injusta*, *Inversa*, & *exosa*, optimo jure dicitur, atque adeo macula peccati propriè dicti, infecta, cum Deus nihil propriè odio habeat, præter peccatum. Vide Bellarm. lib. 5. c. 19. de amiss. grat. & stat. peccat. Sect. Igitur. p. 566.

5. Ipsa carentia scientiæ debitæ, seu ignorantia eorum, quæ tenebatur Adam scire, (in quibus sunt ignorantia ultimi finis, Error etiam in dignoscendo ultimo fine, Ignorantia item mediorum ad finem, ignorantia item propriæ mentis, & id genus alia in mente) erant defectus verè culpabiles in Adamo, contracti ex dictâ carentiâ originalis iustitiæ. Carentia item rectitudinis in voluntate, quatenus Deo non mansit subdita; infirmitas item in irascibili, carentia item subjectionis in concupiscibili, quatenus non jam amplius imperio rationis, prout debet, ordinatè subjicitur; omnes hi sunt defectus verè culpabiles, & vituperabiles in Adam animâ ex privatione hac orti, ac proinde veri nominis peccata.

Dices, privationem iustitiæ originalis, & ejusdem ablationem à personâ Adæ fuisse à Deo, ergo non fuisse formaliter peccatum, seu peccatum proprii nominis.

- | | | |
|---------------------------------------|---|---|
| Sol. | { | 1. Activè, pro actu Dei privantis, seu suferentis iustitiam originalem; & ut sic, erat actus Dei punientes actuale peccatum Adæ. |
| Respondeo
privationem
sumi, vel | { | 2. Passivè, pro defectu habituali hujus iustitiæ debitæ inesse, qui inhæret animæ, ex prævaricatione ejus liberâ contractus: Sic enim recessus est à lege jubente, Tene quod habes; vel potius à lege jubente habitualement conformitatem hominis <i>seu humanæ naturæ</i> cum prima institutione, & defectus habitualis conformitatis cum illâ lege. |

Dices: Si Deus ob carentiam Originalis iustitiæ Adamo irasceretur, cum illa ipsa videatur in pœnam inobedientiæ ejus illi inflicta esse, fore progressum in infinitum. Si enim Deus, propter peccatum Adam actuale iratus, puniret illum illâ carentiâ; & rursus propter illam ipsam irasceretur & aliam pœnam infligeret; & simili de causa propter ipsam secundò inflictam pœnâ tertio irasceretur: succedentibus sibi mutuo, & sæpè reatu, & pœna, sine interventu ullius peccati actualis. Armin. ad 31. Art. p. 168.

Sol.

Vide Whistak.
de peccat. orig.
p. 73.

Vide Gr. de
Valent. de pec.
orig. 17. a. 4.

Sol. Nos non dicimus, omne peccatum esse poenam alterius peccati, sed quædam; ea videlicet, in quæ quis incidit merito peccati ante commissi; atque inter ea esse carentiam justitiæ originalis, quæ in poenam primæ inobedientiæ Adæ inflictæ est. Esto, jam Deus propter hanc carentiam culpabilem, secundò eum puniat; at non necesse est, ut illa etiam poena peccatum habituale sit quod novam poenam mereatur: Sed ex istâ carentiâ justitiæ, & inde secutâ inordinatâ concupiscentiâ, quæ naturam ejus infecit, & pervasit, ultrò fluunt actualia peccata, testè Arminio thesi publicæ, 8. n. 13. p. 86. & privar. 31. ut de progressu in infinitum varus planè metus; & prorsus sit imaginarius, cum non omnia peccata poenæ sint alicujus peccati; hoc enim verum non potuit esse in primo peccato. vid. Est. in 2. dist. 36. sect. 2. quod & docet Augustinus expositione in psal. 57.

IV. Dico quartò, ex hoc personali peccato Adæ non solum secutam fuisse in Adamo privationem justitiæ originalis verè culpabilem, sed & vitium, & depravationem virium animæ, pronicatem inordinatam, & propensionem ad omnimoda mala, quæ & Concupiscentia prava dici solet, quæ verè, & propriè peccatum dicebatur, & erat.]

Quod hæc mala omnia expertus sit Adam post admissum inobedientiæ peccatum, (vitium, & depravationem omnium virium animæ, ignorantiam in intellectu, malitiam in voluntate, difficultatem in irascibili, concupiscentiam in concupiscibili) omnes ferè theologi admittunt: quod & expertus sit pronicatem inordinatam, & propensitatem ad omnimoda mala, concupiscentiam item pravam in utroque appetitu, tum sensitivo, tum rationali, nemo ferè est, qui diffiteatur.

An autem hæc Concupiscentia prava quam certum est animam totam pervasisse, & ejus omnes vires occupasse sit veri nominis peccatum, id jam accuratius discutendum, & ventilandum est.

CAP. III.

Ubi Questio hac ventilatur, An Concupiscentia sit veri nominis Peccatum?

PER Concupiscentiam non intelligimus Appetitum in genere, ut suâ notione rationalem simul, & Sensitivum appetitum complectitur; neque sensitivum appetitum, qui irascibilem, & Concupiscibilem appetitum Comprehendit; neque eum, qui peculiaritèr Concupiscibilis appellatur, qui contradistinguitur Irascibili; nec aliquam viam, facultatem, aut potentiam ab animæ essentiâ fluentem: Omnes enim istæ potentiae, & facultates, ab animæ naturâ dimanant, in Adamo integro repertæ sunt, & à Christo una cum veritate humanæ naturæ sunt assumptæ.

Sed intelligimus vitium naturæ, quod per peccatum inobedientiæ primò contraxit Adam, & per eum in naturam humanam subintravit; Malam sc. pravam, & vitiosam Concupiscentiam, quæ Adamum primùm, & in eo humanam naturam culpabiliter infecit. Complectitur autem hoc vitium, quod primùm Adamum ipsum invasit, tum vitium illud, quo jam pronus sit Adam, & proclivis ad appetenda bona sensibilia contra ordinem rationis; quod vitium in inferiori parte animæ est, quæ & sensualitas solet appellari: tum etiam vitium illud in superiori parte animæ (i. in intellectu, & voluntate Adæ situm, quo istæ facultates propensæ, & proclives ad appetenda objecta, legi divinæ contraria factæ sunt, & Deo, & ejus voluntati immorigeræ factæ debitam subjectionem, & subordinationem præstare recusant.

Concupiscentiam modò descriptam, generali notione sumptam, quatenus est vitium, tum inferiori, tum superiori parti animæ inhaerens, hoc loco intelligimus, quæ aliis nominibus à Theologis indigitari solet: scriptura appellare solet *Carnem*, *Iniquitatem*, *immunditiem*, *mortem animæ*, *legem carnis*, *legem membrorum*.

Patres

Patres, & Scholaſtici languorem naturæ, affectionalem qualitatem, malam valetudinem, morbidam quaſitatem, affectionalis qualitatis ſegritudinem, fomitem peccati, ut alia nomina præteream.

Concupiſcentiam pravam hoc modo deſcriptam, Theologi multi non infini nominis. Philoſophorum inſipientiam ſequentes, qui nihil aliud, quam conſuetudinem naturæ jam currentis attendentes, neglectâ Scripturâ ſacrâ, quæ primi hominis in creatione deſcribit puritatem, naturalem fuiſſe Adamo contendunt, & à principiis puræ naturæ abſq; gratiâ conſiderare profluxiſſe, audacter affirmare non dubitant; Pronunciantes, Adamum, primum hominem, ſi ex naturali conditione eſtimator, naturaliter habuiſſe vulnera illa ſingulis factiſſimis congenita, & ex naturæ principii emanantis quæ illius naturæ poſt lapſum adhæreant, & quæ jam cernimus cuique homini à primâ natiuitate adhæreſcere; ignorantiam in intellectu, malitiam in voluntate, concupiſcentiam in appetitu, inſirmitatem in ſomno. Beneficio autem, & largitate creatoris Dei vulnera hæc fuiſſe ligata, vel ſarata, mercede quodam ſupernaturali dono, eundemque hominem primum per dona hæc gratuita naturæ integræ ſuperaddita fuiſſe ſublimatum, & ad debitam ſimilitudinem Dei conditionem evectum, & adoptatum: Eo modo, quo imaginantur Pelagiaſi, ſuos infantem ſine peccato naſci, & per baptiſmum à nullo peccato liberari, ſed tantum beneficio Creatoris, ex filiis hominum viræ cuidam inferiori deſtinatis, via Dei filios adoptari, qui regnum poſſiderent æternum, ut patet ex Auguſtino, lib. 2. contra 2. epiſt. Pelagianorum, c. 6. & l. 4. c. 2. Quasi, videlicet, homo non fuit naturaliter ad hoc conditus, ut ſoli Deo ſerviret, & poſtea beatitudine fruereſcit. Sed, ut in naturali quadam vivendi ratione, quæ abſque peccato eſſet neque in ordine ad celeſtem beatitudinem, viræ ſux curſum tranſgignens, tamdiu naturalem quandam beatitudinē acciperet, cujus neq; locus, neq; ratio in Scripturis invenitur, ſed à vadiis, & male deſectis hominibus juxta Pelagii ſenſum ex Philoſophiâ contingitur, ut recte ſunt à M. Baſilio. Videtis erroris huius originem ex Pelagio proſectum, qui cum ex Philoſophiâ baptiſmum unde etiam eundem hauſiſſe nonnulli Scholaſtici, & moderni Jeſuitæ, & coenati affectas, credibile eſt.

Nos verò confeſſionis noſtræ Articulum nonnō ſuprà recitam ſequentes, dicimus, vitium illud, & naturæ depravationem, coramque illam pronitatem ad omni modum vitæ, rectæ rationi, & divinæ legi contra, ſive in inferiore, ſive in ſuperiore animæ parte, quam in Adamo jam lapſo cernimus, non fuiſſe naturalem hominis primi conditionem, nec à principis naturæ Abſolutam habuiſſe; ſed ex lapſu Adami ſubito aſſe, & naturam ejus peccaviſſe, corruptiſſe, & penitus depraviſſe, & culpabiliter inſeſſe; ut merito hoc vitium potentius, & magis ad hæreſem dicamus eſſe veri nominis peccatum, atque adeo reatuſ, æternæ mortis indignum.

Id jam ex Scripturis demonſtrandum reſtat. Scriptura teſtatur, primum hominem conditum fuiſſe ad imaginem, & ſimilitudinem Dei, Gen. 1. 27. Hæc imago, & qualis fuerit, docet Apoſtolus, ubi meminit huius regenerationis, hortiſſe Ephreſios, ut renoventur ſpiritu mentis, & ut induant illum hominem, qui ſecundum Deum conditus eſt in juſtitia, & ſanctitate veritatis, ad Eph. 4. 23. 24. vel ut ibi hortatur, ut induant novum hominem, qui renovatur in agnitionem congruentem imaginē ejus, qui ipſum condidit, ſeu creavit, ad Coloſ. 3. 10. ex quorum locorum collatioſe conſtat, hominem in eo conditum fuiſſe ad imaginem Dei; quæ conditus eſt, in juſtitia, ſanctitate, & ſcientiâ veritatis. Hanc autem imaginem, & i, vitioſa concupiſcentia, poſtquam intravit in Adam animam, hæc juſticiam, ſanctitatem, & ſcientiam corripuit, planè excluſit, delevit, ut ejus ne vel extrema lineamenta in natura noſtra ſuperſint, tamque replevit injuſtiſſis, immundis, & ignorantis, rum ultimis finis, in cuius deſtinatione ſola hominis beatitudo conſiſtit, tum malitiam ad ſinem conducunt, tum etiam mentis propriæ, unde fit ut ipſe, qui voluntate propria peccat, non poſſit ſæpe diſcernere, an verè peccaverit, an delinqueret, an peccare deſiſſet, nece. Eſt ergo hæc concupiſcentia veri nominis peccatum, ut quæ formaliter deſtruit, & corrumpit imaginem illam primariam, in qua conditus eſt Adamus.

2. Testatur Salomon, Eccles. 7. 30. Deum fecisse hominem (i.) *πρωτόπλαστον* Adamum, rectum, (i.) in illâ rectitudine & integritate, quæ reddebant ipsum in specie suâ undequâq; perfectum; vel, ut Chaldaeus Paraphrastes velit, *rectum ante se*, & innocentem, Aug. l. 14. de Civ. Dei. c. 11. Fecit Deus hominem rectum, (ac pro hoc bonæ voluntatis & corrept. & grat. c. 10. Fecit Deus hominem rectum, (i.) absq; omni vitio. Et in eandem sententiam Prosper contra Collatorem, c. 18. ait; Rectum, atq; omni vitio carentem esse hominem primum, in quo omnium hominum concreta natura est, dubitare fas non est, eumq; tale accepisse liberum arbitrium: ut, si auxiliantem sibi Dominum non desereret, posset in bonis, quæ naturaliter acceperat, perseverare, quis vellet. Damascenus de Orthod. Fide, l. 2. c. 12. eundem locum aludens, sic habet, *ἡ πόσις τοῦ θεοῦ τὸν ἀνθρώπον ἀκακόν, ἐν τῷ ὑδρὶ ὁσίου, ἀνύκτον, ἀμεινον, πᾶσι ἀρετῇ καὶ ἡγιασμένον, πᾶσι ἀγαθῶς κομῶντα, &c.*

[Fecit Deus hominem primum, pravitæ carentem, rectum, virtutibus præditum, sine dolore, & anxietate, omni virtute decorum, bonis omnibus ornatum. Hugo Cardinalis sic. Fecit Deus hominem rectum. (i.) erectum naturaliter ad cælum, & interiorius, & exteriorius; figura enim corporis attestatur rectitudini animæ. Lyra exponit, *Rectum*, (i.) originali iustitiâ præditum, & in perfectione, quæ potest convenire humanæ naturæ in præsentî vitâ: vel *Rectum* (i.) in rectitudine naturalî, per quam nulla rebellio esset in viribus sensitivis contra ordinem rationis. Ex horû interpretatione, rectitudo hæc, in quâ conditus est homo, effulgebat præcipuè in parte sensitivâ, & rationali, in quarum utraq; duplicem cernere erat rectitudinem, unam *absolutam* quâ urraq; facultas promptè, facili, & expedite, & constanter in licita objectâ ferebatur; alteram *comparatam*, quâ appetitus sensitivus rationis & voluntatis nutui, & imperio libenter, placide & delectabiliter obtemperabat. Ipsa verò superior pars vicissim moderatè leniter, & suaviter, inferiorem partem dirigebat & gubernabat: Quæ tamen ipsa Dei conditoris sui nutui morem usq; quaq; gerebat. Hæc fuit primæ rectitudo, in quâ primus homo conditus est. At hæc rectitudo, post lapsum, non mansit in Adamo, quin potius obliquitas, curvitas, & deordinatio in omnibus animæ facultatibus successit: quâ fit, ut in uno eodemque homine vel superiora inferioribus turpiter serviant, vel inferiora superioribus contumaciter reluctantur, ut habet Augustinus. Atque huc respicit Sapiens, ubi enim dixit, Deus fecit hominem rectum; statim subiungit; At ipse se infinitis immiscuit, quæstionibus, (i.) rixis & pugnis carnalibus seu curiosis quæstionibus, siquidem ex lapsu curiositas quædam Adamum, & omnes posteriores invasit, seu libido cognoscendi non necessaria, aut occulta, & arcana, quæ scrutari fas non est; est autem hæc curiositas, cum in actum sese exerit, manifestum peccatum actuale: ergo & ipsa habitualis pronitas mentis ad talem scientiam, quæ in Adamo fuit, huic rectitudini formaliter opposita est, ac proinde veri nominis peccatum. Hanc curiositatem Parisiensis eleganter appellat Prostitutionem virtutis rationalis: rectèque infert, non esse leve peccatum, aut parvam turpitudinem, sacratum primæ veritatis intellectum prostituere se, & venerandum hoc matrimonium multiplicibus adulteriis violare. Parisiens. de tent & resist. c. 1. p. 18.

Secundo prava concupiscentia, quæ fuit in Adamo post lapsum, erat *ἀνομία*, Ergo erat veri nominis peccatum.

Consequens patet, quia omnis *ἀνομία* est veri nominis peccatum. Quod enim non est conforme legi, sed ei repugnat, est peccatum definiente S. Joanne, 1 Joan. 3. 4. *ἡ ἀνομία ἐστὶν ἡ ἀρνησις τοῦ νόμου* peccatum est legis transgressio.

At prava concupiscentia in Adamo lapsio non erat conformis legi divinæ, sed ei repugnabat. Ergo Bellarm. de amiss. grat. & stat. peccat. lib. 5. cap. 14. Duo respondet.

1. Exceptio: Non omne quod repugnat legi, esse peccatum, sed ipsum discordium, repugnantiam, seu recessum à lege, ac deviationem propriè esse *ἀνομίαν*, & formaliter peccatum. Repugnat enim inquit, legi Diabolus, homo, qui peccat; sed neuter peccatum est, sed ille iniquitatis lusor, hic author sic concupiscentia inquit, repugnat legi mentis, Rom. 7. 23. sed hæc non est formalis repugnantia, neque enim, inquit, repugnat, ut actio recedens à normâ legis, neque ut potentia, vel persona, quæ normam sequi tenetur; sed ut incitans, sollicitans, & impellens ad prævaricandum legem.

Sol.

Sol. In pravâ concupiscentiâ } 1. Vis, seu potentia concupiscendi,
duo sunt attendenda; vel } 2. Prævitia potentia inhaerens

Jam, vis concupiscendi non nisi efficienter pugnat cum lege, quomodo Diabolus & homo peccans; at prævitia, quæ inest potentia formaliter pugnat cum lege: quomodo & malus Dæmon, & malus homo non nisi effectivè pugnant cum lege, cum sint personæ; at horum malitia, ratione cuius pugnant cum lege formaliter pugnat. Idem dici potest de omnibus actibus peccatis, in quibus aliud est Actus, Malitia, seu prævitia actus. ipse actus effectivam habet pugnantiam cum lege Dei; at malitia, prævitia, seu deordinatio actus formalem habet pugnantiam cum lege Dei. Sic homicidium quatenus dicitur actus, pugnat cum lege, non nisi efficienter; at actus inordinatio formaliter pugnat cum lege: Sic Latrones cum lege principis pugnant effectivè, at ipsum Latrocinium, quæ vitium denotat, pugnat cum lege formaliter.

Secunda exceptio. Concupiscentiâ prava, licet sit peccatum naturæ, quale est surditas, claudicatio; non tamen est peccatum contra ullam legem, cuius pravificatio reatum inducat.

Sol. Imò, concupiscentiâ prava est peccatum contra legem primæ institutionis naturæ humanæ, & regulam primævam, & iustitiam institutam, quam humanæ naturæ Deus impressit, cum fecit Adamum ad imaginem suam. Licet enim in brutis animalibus, & plantis, & reliquis creaturis, imò etiam in homine, quod ad corpus, & partem animæ vegetativam attinet, non sit peccatum reum faciens, si non fuerit conformia primæ institutioni, v. g. si brutum fuerit claudum, aut surdum, aut planta fuerit infrugifera, aut sterilis: vel denique si corpus hominis fuerit morbidum aut leprosum, licet (inquam) hæc fuerint naturæ quæpiam, seu peccata nullum reatum inducentia; tamen, si voluntas, & intellectus, & sensitivus, appetitus hominis (quæ sunt subiecta peccati capacia, & susceptiva) non fuerint conformes suæ primæ institutioni, omnino sequitur peccatum reum faciens. 1. quia nasci sine originali iustitiâ, quæ in his facultatibus propriè sedem habuit, & cum pronitate effreni ad omnimoda mala, seu concupiscentiâ pravâ inde ortâ, consuevit hominem in necessitatem peccandi; non sic claudum, vel surdum, vel morbidum, & leprosum nasci. 2. Respondeo, Quia homo, in primâ institutione naturæ suæ, præditus intellectu, & voluntate, habuit perfectam voluntatis libertatem, proinde in potestate suâ habuit hanc primam naturæ suæ institutionem retinere, & conservare: Et, licet in sensitivo appetitu non sit formalis libertas, tamen in homine est aptus natus obsequi, & obtemperare imperio voluntatis; & si non obtemperat, non est tantum obliquitas naturalis: qualis est in corpore, si curvum nascatur sed etiam Moralis reatum inducens, & veri nominis iniquitas; & iniustitia contraria rectitudini naturali, in quâ conditus est primus homo. Hinc Augustinus nusquam concupiscentiâ pravam naturalem esse dicit, Imò simpliciter remouet à naturâ, & ubiq; malum appellat, non quomodo mortem, & alias puras pœnalitates, quas etiam Christus suscepit, malas dicimus, sed quia pugnat cum lege Dei, & incitat ad peccandum, & tale sit, de quo homines erubescunt, & postea videbimus. Hinc Augustin. l. 5. contra Iul. c. 3. Iniquum est, ut caro concupiscat contra spiritum, & l. 5. c. 3. compellans Julianum sic ait; Si prudenter hic sciperes profecto esse iniquitatem videres, quâ pars inferior hominis repugnat superiori, atque meliori Et antea eodem capite, concupiscentiâ carnis, adversus quam bonus concupiscit spiritus, peccatum est, quia inest illi inobedientia contra dominatum mentis. Et l. 6. contra Iulian. c. 8. Neq; enim nulla est iniquitas, cum in uno homine vel superiora inferioribus turpiter serviunt; inferiora superioribus contumaciter reluctantur, etiam si vincere non fiantur. Et Epist. 29. ad Hieronymum. Plenissima charitas, quamdiu hic homo vivit, est in nomine: quamdiu autem augeri potest, illud, quod minus est, quam debet, ex vitio est, ex quo vitio non est iustus in terrâ] quod impedit iusticiam, & constituit reum, non est vitium merè naturale, quale est cœcum & surdum nasci, sed morale, talis est de-

Vide Damas.
de Fid. orthod.
c. 12. prope finem.

fectus plenissima charitatis ex concupiscentia pravæ admixtione ortus. Et Ambrosius de Isaac & anima, c. 8. ait, in re nativitate, & sanctis manere iniquitatem, contra quam iis assidue pugnandum sit.

3. Concupiscentiam pravam in Adamo fuisse veri nominis peccatum, probatur ratione sumpta ex ambitu legis divinæ, quæ cum sit Spiritualis, teste Apostolo, & norma iustitiæ exactissima, conformitatem absolutam, non solum actuum, sed & habituum, sed & dispositionum, sed & inclinationum, & affectuum exigit, utpote, quæ actionum ipsarum fontes, & principia sunt, ipsasque animæ potentias ornant, condecorant & perficiunt, si bonæ fuerint; sin prava, commaculant, & denigrant. Cum ergo certum sit, vitiosos habitus, & dispositiones, quales sunt Superbia, Avaritia, Adulterium, invidia, etiam in dormientibus per se vituperabiles esse, & odio dignos, licet in actus pravorum non erumpant: Idem etiam procubito pronuntiandum est de habitu illa pravæ concupiscentiæ, & effræni, & præcipiti ad omni modum vitia inclinatione, tum in inferiori, tum in superiori animi parte, quæ in hæret animæ Adæ, ex eo tempore, quo originali iustitia privatus est: hæc enim omnes animi potentias, & facultates denigravit, commaculavit, & deturpavit; ut jam in conspectu Creatoris creaturæ ejus exosa facta sit, & abominabilis. Quare hæc concupiscentia prava formalem habet pugnantiam cum originali iustitiâ, & Spirituali lege Dei, quomodo & habitus Avaritiæ formalem habet pugnantiam cum Spirituali lege Dei Mandante inclinationem ad liberalitatem, imò & habitum liberalitatis.

Obj. Dices, Habitus vitiosos acquisitos formalem habere repugnantiam cum habitibus contrariarum virtutum, sed non iidem concupiscentiam pravam cum inclinatione ad virtutem.

Resp. Tam formalem repugnantiam fuisse in Adæ animâ inter inclinationem ad virtutem aliquam, puta moderatam largitionem, seu liberalitatem, & concupiscentiam pravam circa largitionem, ut mutuo non possint consistere, quomodo nec in unâ, eademque animâ habitus liberalitatis, & avaritiæ, seu profusionis. Quamvis enim habitus addant inclinationibus, firmitatem, & facilitatem ad actus, tamen formalis repugnantia tam reperitur inter inclinationes contrarias, atque inter habitus, cum gradus non mutet essentiam.

4. Concupiscentia vitiosa in Adamo cum lege naturali, & ejus dictamine pugnat. Siquidem lex naturalis dicitur, Deum diligendum esse ex toto corde, ex totâ animâ, totis viribus, totâ cogitatione, gradu sc. amoris summo, & perfectissimo; & qui sic non diligit (cum toto sc. posse) hoc ipso peccat contra hanc legem dilectionis primam, & maximam: At concupiscentia prava in animâ Adami lapsi inherens, ratione inclinationis ad divitiarum, & inordinatum amorem rerum terrenarum, formaliter impedivit, quò minus hanc legem dilectionis perfecte implere potuit, prout debuit: Ergo & inter veri nominis peccata connumeranda est.

Obj. Dices, Legem hanc Doctrinalem tantum esse, non obligatoriam, & indicativam fuisse, quò tendendum, non imperativam mediorum sub pœnâ reatus: ac prinde, perfecte charitatis defectum non esse culpabilem; Id quod ex Augustino Confirmare nititur Bellarminus, & Scapletonus etiam.

Resp. Ineptissimum est dicere maximum legis mandatum, à quo universa lex pender, esse minime obligatorium, imò nullatenus obligatorium, cum vis obligatoria sit de essentia cujuscunque legis, ut habet alibi ipse Bellarm. de laic. l. c. Lex enim dicitur à ligando, sic Thom. & habet ἀναγκαστικὸν δύναμις juxta Aristotelem, vim cogendi, & necessitandi; atque certe ita cogit lex divina, ut levissima ab illâ recessio sit peccatum in moribus. Quanto rectius pronuntiavit Augustinus epist. 29. ad Hieronym. Plenissima charitas, quæ jam non potest augeri, quandiu hic homo vivit, est in pœmine; quandiu autem ageri potest, profectò illud, quod minus est, quam debet, in vitio est; propter quod vitium, si dixerimus, quòd peccatum non habemus, nosmet ipsos seducimus, & veritas in nobis non est. En defectum plenissimæ charitatis, & vitium, & peccatum appellat; & si vitium sit, & peccatum quomodo ad illud vitandum non obligamur sub pœnâ reatus? prodeat alter locus lib.

lib. de perfec. justit. resp. 35. *Peccatum est, cum vel non est charitas, qua esse debet, vel minor est, quam debet, sive hoc voluntate vitari possit, sive non possit: quia, si potest, præsens voluntas hoc facit; si non potest, præsens voluntas hoc fecit.* En defectum charitatis, quæ esse debet (plenissimæ sc. charitatis) peccatum appellat, sive vitari possit, sive non. Prodeat 3. locus, lib. 3. contra duas epist. Pelagianorum c. 7. *Virtus, quæ nunc est in homine iusto, perfecta hactenus nominatur, ut ad ejus perfectionem pertineat, etiam ipsius imperfectionis in veritate cognitio, & in humilitate confessio.* Si omnis virtutis imperfectionem & agnoscere, & confiteri teneamur, tum culpabilis est illa imperfectio, cum non nisi culpam confiteri teneamur. Ac proinde ex mente Augustini, sola virtus, & charitas beatifica est inculpabilis, & perfecta.

Obj. Dices, Augustin. de sp. & lit. cap. ult. contra ait; *Neque enim (inquit) si esse nondum potest tanta dilectio Dei, quanta illi cognitioni plena perfectæque debetur, jam culpa deputandum est.*

Resp. Cum ait August. defectum beatificæ dilectionis non esse culpæ deputandum; intellige, non esse actum culpæ deputandum: non tamen negat in se esse culpabilem, sed non esse culpæ deputandum. Non enim sensit non esse culpabilem defectum plenæ dilectionis suæ naturæ, quandoquidem sponte se privavit homo illâ facultate, quâ potuit plenè, & perfectè Deum dilexisse; sed, non esse culpæ deputandum, quoties in operibus charitatis quotidianis de novo hosce defectus prodar. Sensit enim August. illum defectum plenæ charitatis remissum fuisse in Baptismo, & de novo non imputari personæ, etiamsi millies in Die imò in omni actione aliquem defectum charitatis prodamus, ac apertè constat ex loco citato ex Epist. 29. ad Hieron. ubi sic ait: *Propter quod vitium, defectum plenissimæ charitatis, etiam quantum libet profecerimus, necessarium est nobis dicere, dimitte nobis debita nostra, cum jam omnia in Baptismo dicta, facta, cogitata dimissa sunt.* Hoc enim inprimis observandum est juxta Theologiam Augustini, carentiam primæ justitiæ, & charitatis, atque adeo omnes involuntarios motus concupiscentiæ, qui absque omni nostro consensu ex solâ carentiâ illius justitiæ, & dilectionis oriuntur, in primâ nostrâ renascentiâ plenè remitti, nec nobis postea ad poenam propriè dictam imputari, licet suâ naturâ sint defectus culpabiles; atque in hunc sensum intelligendus est dictus locus Augustini, quem toties urgent Romanenses.

5. Concupiscentiæ prava in Adamo post lapsum oborta pugnat formaliter cum mandato ultimo, *Non concupisces*; quæ lex dictat, non esse concupiscendum, non tantum actu voluntario, sed nec involuntario. Quis est enim luce cœlestis veritatis in Scripturâ lucentis vel mediocriter illustratus, & leviter perfusus, qui non judicat, omnes contra legem motus, sive secundo-primos, sive etiam primo-primos, & prorsus indeliberatos, qui omnem voluntatis actum præveniunt, esse pravos, deformes, & summo odio habendos? Imò, quis non ipsam inordinatam, effrenam, & præcipitem inclinationem animæ ad omnimoda mala, non esse vituperabiliter malam existimet, oppugnandam, & summè exosum esse debere, utpote culpabiliter abducentem, atque avertentem, ab eo, quod summè amandum est? Imò quis est, qui non judicat, totum hominem debere eosdem sensus, & motus cum Deo habere, ut loquitur Tertullianus; imò potentias animæ debere esse originali rectitudini conformes, habitualiter item perfectas, & congruentes legi Dei semel cognitæ? Quis non judicat, iniquissimum esse cum Augustino, *Cum in uno homine vel superiora inferioribus turpiter serviunt, vel inferiora superioribus contumaciter reluctantur?* Imò quis non videt, manifestam esse hanc omnibus hominibus legem divinitus inditam, & impressam esse ab ipso orto, ut divinæ sibi insculptæ imagini per omnia respondeant, & conformes fiant? Quare non dubium est, quin hæc prava concupiscentiæ, quæ jam ex lapsu omnes animi partes infecerat, & pervaserat Adam, formalem habuerit cum lege divinâ, *Non concupisces*, pugnantiam; ac vi hujus legis prohiberi, & damnari.

Hoc totum confirmatur de concupiscentiâ, non tantum, quæ fuit in Adamo post lapsum, sed & de concupiscentiâ, quæ in omnibus ejus posteris inest. D. Paulus hoc testatur de concupiscentiâ in se inabitante Rom. 7. 7. *Peccatum (inquit) non cognovi nisi per legem; nam concupiscentiam nesciebam esse peccatum nisi lex diceret*

non Concupisces. Hic Paulus aperte testatur, Concupiscentiam esse peccatum propriè dictum. Nam 1. dicit, se cognovisse peccatum per legem, idque de peccato propriè dicto intelligendum est. 2. Peccatum illud fuisse concupiscentiam. 3. Legem, per quam illud cognovit, fuisse ultimum præceptum; *Non Concupisces.*

Obj. Objicit Bellarm. l. 5. c. 10. de univ. gr. & stat. Pecc. Concupiscentiam hic accipi non pro fomite, sed pro actu voluntario concupiscendi, qui prohibitus est lege, mandato sc. ultimo. Nam non cognoscebant (inquit) homines actum interiores, ut desiderium uxoris, vel rei alienæ esse peccata nisi lex dixisset, Ne Concupiscito, quod patet ex Matth. 5.

Resp. Sed falsum hoc. Nam primò ex contextu manifestè evincitur Apostolum agere de peccato inhabitante, & pravitate naturæ; tum ex antecedentibus, & hoc versu 7. tum ex omnibus fere sequentibus, v. 9, 11, 13, 17, 20, 23. 2. Ipse Paulus planè refellit hanc interpretationem, Agit enim de eâ cupiditate, quæ molesta fuit menti servienti legi Dei; & addit, se per illam facere malum, quod oderit, & de hoc genere cupiditatis exclamat, Quis me liberabit de corpore mortis hujus? Et addit, se invitum, & reclamantem ad illam Captivum trahi, & legem Spiritualem esse, se verò carnalem, & remundatum sub peccato. 3. Christus Matth. 5. docet concupiscentiæ actum voluntarium, quatenus castitati cordis repugnat, prohiberi mandato 7. ubi ait, Qui viderit uxorem proximi sui ad concupiscendum eam, jam moechatus est in corde suo. Eadem ratione dici potest, si appetas domum, agrum, bovem, servum proximi, jam furatus es in corde. Hinc & 1 Joan. 3. 15. Joannes docet, internum proximi in corde odium esse homicidium, atque ita prohiberi mandato 6. Ergò alia concupiscentia, quàm interna illa cum consensu, prohibetur mandato ultimo; Alioqui efficeretur, decem non esse præcepta, sed 9. tantum. Ex hac enim hypothesi sequetur, postremum mandatum, *Non Concupisces*, non esse novum mandatum, sed superiorum tantum, quod ad internum adulterium, factum, homicidium attinet, repetitionem. 4. Ex lege naturæ post lapsum omnes homines tam Ethnici, quàm Christiani norant, alienum nihil actu voluntario concupiscendum. Et licet fieri potuit, ut in nonnullis (in quibus erant Pharisei) hoc lumen extinctum esset; tamen hanc concupiscentiam voluntariam communis ratio semper improbavit. Sic 12. Tabulæ Romanorum, citante Crasso apud Ciceronem; (sub. finem. l. 1. de orat.) *Authoritate, utique legum docemur ab alienis mentes, animas, manus abstinere.* Et * Philemon Poeta Ethnicus apud Justinum Martyrem de Monarchiâ, ait, *Hominem bonum, quem Deus diligit, oportere alienum nihil appetere, aut aspicere, non feminam præstantem, non domum, non pecuniam, aut ancillam, aut equum, aut boves, aut jumentorum aliquod, imò ne filium acus.* Si ergò rationalis dicitur, alienum nihil concupiscendum, ne filium acus; tum actum voluntarium internum concupiscendi prohibet. Atque hic obiter mirari facis nequeo Archiep. Spalatenfis novellum assertum, qui dicere non dubitat, motus internos voluntarios ad actum externum peccati in lege naturæ ante præceptum Mosaicum, *Non Concupisces*, non fuisse peccatum, aut saltem non iniquitatem fuisse; ac proinde, legem naturalem non dicere hosce motus voluntarios esse veri nominis peccata. At contrarium constat ex instantiis allatis. Nonne etiam inter causas diluvii, quod totum genus humanum (exceptis Noah, & domesticis ejus) perdidit, & delevit, illud recensetur, Videns Deus, quòd multa malitia hominum esset in terrâ, & cuncta cogitatio cordis intenta esset ad malum omni tempore, pœnituit eum, quòd hominem fecisset in terrâ, & tactus dolore cordis intrinsecus, *Delebo (inquit) hominem, quem creavi à facie terra, ab homine usque ad animalia, à reptili usque ad volucres cæli: Pœnituit enim me fecisse eos,* Gen. 6. v. 5, 6, &c. Videtis, causam præcipuam invecti diluvii, quòd multa malitia hominum esset in terris, & cuncta cogitatio cordis intenta esset ad malum omni tempore; Quod non accipiendum est de solâ actuali malitiâ, opere, & ore perpetrâ, sed & corde conceptâ de motibus ipsius cordis, de figmento cordis ad malum proso, ut explicatur, e. S. v. 21. Fuisse autem hæc pronitas ad malum, & ejus pravi motus tam involuntarii, quàm voluntarii, tam exosi Deo, ut pœnituerit Deum se fecisse hominem, ideoque cogitaret

* Clemens Strom. 5. Hos versus tribuit Menandro.

Spalat. l. 7. de rep. Ecc. c. 11, n. 236, 237.

cogitaret de delendo genere humano, & magnâ creaturarum parte: quomodo igitur illi mortus, non imputati ad peccatum ante legem Mosaicam latam? sed jam non amplius tangam hoc ulcus. Paulus ergo, Rom. 7.7. loquitur de concupiscentiâ, quam nemo, nisi lege edoctus, malam esse vel levi suspitione assequi potuisset. Ergo ipsum *Fomite* damnat, & actus involuntarios inde profectos, cum ait, concupiscentiam nesciebam, nisi lex dixisset, Non concupisces.

5. Licet verbis præcepti actus concupiscentiæ tantum exprimatur, tamen non solus actus prohibetur: nam ut in 6. Homicidium, in 7. Adulterium, in 8. factum tantum exprimuntur, & tamen interni morbi iræ, alienæ conjugis concupiscentiæ, & avaritiæ prohibentur ex interp. Christi Mat. 5. Ita etiam decimo præcepto actus concupiscendi duntaxat verbis exprimitur, sed morbus, seu vitium concupiscendi, quod Deus averfatur, & prohibet simul intelligitur.

6. Apostolus Joannes, 1 Joan. 2.16. sic habet, *Omne quod est in mundo, concupiscentia carnis est, & concupiscentia oculorum, & superbia vitæ, non est ex patre, sed ex mundo est.* Apostolus hic aperte docet, concupiscentiam carnis, & concupiscentiam oculorum, & superbiam vitæ, non esse ex Deo: Ergo in Adamo ex Deo ortum non habuit. Intelligit autem Apostolus inordinatum appetitum voluptatum, divitiarum, & honorum, ex fomite prævæ concupiscentiæ ortum, non esse facultatem naturalem appetendi jucundia, & molesta fugiendi (hæc enim facultas à Deo est, Authore naturæ, & fuit in Christo servatore) sed esse vitium naturæ inclinans hominem ad ea appetenda, quæ lex divina prohibet, & ad averfanda, quæ precipit, hoc vitium non est à Deo, teste Joanne,] De hoc vitio, & quomodo non sit à patre, agit Augustinus, l. 4. contra Julian, c. 13. ubi non obscure innuit, formaliter pugnare inter se libidinem, & pudicitiam, luxuriam, & continentiam, continentiam, & concupiscentiam, ut quæ in uno, eodémque homine unâ consistere nequeunt.

7. Ratio sumi potest ex variis effectibus, quos habuit in Adamo. Utpote ex eo primò, quòd concupiscentia sollicitat ad peccatum, & inclinet, & suo modo impellat ad peccatum, non suggerendo duntaxat, quod malum est, quâ ratione Diabolus ad peccatum sollicitat; nec per accidens tantum & occasionaliter suscitando mala desideria in homine, eo modo, quo vinum, aut pulchritudo mulieris ad libidinem, abt auri conspectus ad furtum sollicitat; sed per se, & suapte naturâ, & proprio suo actu, interiùs commovendo & perturbando. Hujus enim prævæ concupiscentiæ proprii motus sunt desideria prava, ut docet Apostolus Rom. 6. & 7.^a Quod autem hoc modo Adamus, & ejus progeniem ad actuale peccatum sollicitat, incitat, provocat, quomodo non culpabiliter, & vituperabiliter est vitiosum, ac proinde reatus inductivum; cum etiam regula illa recepta verissima sit, & conformis dictamini rationis, Quod per se impellit ad malum, eadem lege prohibetur, quâ ipsum malum? [Davetianus, p. 252] est Bellarm. argum. unum lib. 5. de amiss. grat. & st. peccat. c. 14. secunda ratio.

2. Prava concupiscentia, quæ orta est in Adamo per inobedientiæ lapsum, ejus naturam vitiavit, & facultates eas, in quibus originalis justitia vigebar, mentem, voluntatem, & appetitum sensitivum ita corruptit, & depravavit, ut nullum actum elicere jam possint, cui non culpabilis aliquis defectus adhzreat. Hinc Augustinus, de nuptiis & Concupisc. l. 1. c. 22. ait, *Adamum ex oleo in Oleastrum peccando conversum fuisse, ac tam magnum fuisse Adami peccatum, & tam magnam ex eo peccato factam fuisse naturæ in deterius mutationem, ut totum genus humanum feceris Oleastrum:* Et eadem ferè verba repetens, l. 2. c. 34. sic habet, *Magno illo peccato primi hominis, natura ibi nostra in deterius commutata non solum facta est peccatrix, verum etiam genuit peccatores, & tam nipsa languor, quo bene vivendi virtus periit, non est utique natura, sed vitium.* Idque illustrat eorum exemplo, *Cujus rei (inquit) mirabilis mirabile creator in oliva, & oleastro produxit exemplum: ubi non solum ex oleastri, verum etiam ex olivæ semine non nisi oleaster exoritur.* Illud autem vitium, quod ita corrumpit naturam Adæ, ut illa jam facta sit peccatrix, & gignat peccatores, quomodo non erit veri nominis peccatum? cùmque corrumpat, & inficiat illas facultates, in quibus vigebar justitia primæva, quomodo non erit veri nominis injustitia? Non enim formaliter corrumpit justitiam nisi veri nominis injustitia; quomodo solus

Vide Civit. de festis Pasch. Hom. 6. p. 53. circa med. in explic. Esæ, 27.15.

a Rom. 6.12. Neregnes peccatum in, mortali vestro corpore us obediatis concupiscentiis ejus. 6. & c. 7.5. Coniunctum in carne passiones peccatorum quæ per legem erant operabantur in membris nostris et fructificarent morti.

b De Civ. l. 13. c. 23. Eo die mutata in deterius est, vitiosa natura: Job. Diacorum de incarnat. s. 6. Totum secundum corpus & animam in deterius commutatum est.

c Sicut certè mala in corpore valendo non est ulla substantia vel natura, sed vitium.

morbus formaliter corrumpit sanitatem. Est ergo formalis pugnantia, nec solum effectiva.

* Vita qua
sunt Privatio-
n s natural
cum bonorum
sunt vulnera,
& morbi ani-
mo um. Hug.
Enchirid. c. 11.

3. Prava Concupiscentia non solum vitiavit, sed & vulneravit naturam Adæ: neque enim Adamus peccando spoliatus est donatæ gratuitis, sed & vulneratus in naturalibus, ut docet Lombardus 2. dist. 35. sect. H. ex Ambrosio, & Bedâ in c. 10. luc. & Augustino 1. 2. qq. evangelicarum, q. 19. & de nar. & gr. c. 3. * Sunt autem hæc vulnera 4. Quorum etiam meminit Thom. 1. 2. p. 85. a. 3. Ignorantia in intell. &u, Malicia in voluntate, Concupiscentia in Concupisibili, Infirmetas in irascibili. Cum autem hæc vulnera insint in iis animæ potentiis, quæ sunt peccati capaces, non possunt aliud esse, quàm ipsum peccatum. Illud enim, quod vulnerat potentias, quæ capaces sunt peccati, non potest aliud esse, quàm peccatum ipsum. Solum enim peccatum est vulnus animæ. Quemadmodum, quod illæsas, integras, & sanas conservat istas potentias, non aliud est, quàm ipsa iustitia. Cum ergo iustitia formaliter hisce vulneribus opponatur; Certum est, hæc ipsa vulnera peccati propriè dicti rationem habere. Hinc Augustin. 1. 2. de nupt. 9. concup. c. 24. *Vulnera, (inquit) quæ corporibus insunt, membra faciunt claudicare, vel agere moveri, non eam virtutem, quæ iustus est homo: vulnus autem, quod peccatum vocatur, ipsam vitam vulnerat, quæ rectè vivebatur (i. ipsam iustitiam). Peccatum ergo ipsam animæ vitam, quæ rectè vivitur (1.) ipsam iustitiam vulnerat, iuxta Augustinum; & quidem solum peccatum. Et, 4. cont. Julian. c. ult. Non aliquid diabolus, quod ad naturam hominis pertinet, condidit; sed, quod Deus benè considerat, peccati persuasione violavit; ita, ut illo vulnere, quod factum est per duorum hominum liberum arbitrium, totum genus claudicaret humanum.] Est autem hoc vulnus & ipsa vitiosa concupiscentia, quæ formaliter impedit, quò minus rectè incedere potuit Adamus, sed in omni actu suo, & incessu claudicare. Et in lib. de nar. & gr. c. 3. *Natura hominis primis inculpatæ, & sine ullo vitio creata est; natura ista hominis, quæ unusquisque ex Adamo nascitur, jam modo indiget, quia sana non est. Omnia quidem bona, quæ habet in formatione, vitia (sensibus, ingenio, à summo Deo habet, creatori & artifice suo: Vitium vero, quod ista natura hinc contrahit, & infirmas ut illuminatione & curatione opus habent, non ad inculpabili artifice contrahitum est, sed ex originali peccato, quod commissum est libero arbitrio scilicet Adæ. Hic satis apertè docet Augustinus, vitium, quod inhaesit Adamo post lapsum, in sensibus, & mente, quæ hæc bona infirmantur, & medico indigent, & curatione opus habent, formalem habere pugnantiam cum naturâ hominis primis inculpatæ, seu primæ iustitiæ. Tale autem vitium non est nisi vitium reum faciens æternæ mortis (1.) peccatum proprii hominis.**

4. Inter alia effecta prave Concupiscentiæ, connumeratur meritis & erubescencia. Siquidem de Concupiscentiâ solent homines erubescere. Nemo autem rationabiliter de iis passionibus erubescit, quas habet à naturâ. Unde sic narrat Moyses, Gen. 2. 25. de primis nostris parentibus, *Erat uterque (inquit) nudus, Adam scilicet & Eva ejus, & non erubescerant. At post esum pomi vetiti c. 3. v. 7. eodem Moyses narrante, Aperti sunt oculi amborum; cumque cognovissent, se esse nudos, confecerunt folia ficus, & fecerunt sibi perizomata.* — Et vers. 9. *Vocante Deo Adam, & dicens, Ubi es? respondet, vocem tuam audivi in Paradiso, & timui, eo quod nudus essem, & abscondi me.* Cui dixit, *Quis tibi indicavit, quod nudus es? Nisi, quod ex ligno, de quo præceperam tibi, Ne comederes, comidisti?* — Ex quâ Moyses narratione constat, hanc utriusque eorum erubescencia de conspectu nuditate, ex peccato inobedientiæ ortum habuisse. Nemo enim rationabiliter de iis passionibus erubescit, quas habet à natura, nisi insint ei per aliquam culpam. Cum igitur Adam, & ejus posteri naturaliter ex motibus Concupiscentiæ erubescant, rectè colligitur, & inferitur, quòd Adam, ratione hujus prave, & inordinatæ concupiscentiæ, non solum pænalter, sed etiam culpabiliter suâ origine corruptus sit. Hinc Augustinus de nuptiis, & concup. 1. 2. c. 9. Ubi ostendit, Concupiscentiam non esse opus Dei, eo quòd neminem pudere debet de opere dei: *Quid enim (inquit) potuit Deus facere, quod ejus predicatorum pudet dicere? Et, quoniam est gravius, pudet de hominibus dicere, quod operis, quod non homo, sed Deus fecit in homine, cum omnes episcopi, quare possunt*

labore,

labore, & industria id agant, ne de suis operibus erubescant? Sed profecto (inquit) illud nos pudet, quod puduit primos illos homines, quando pulenda texerunt. Ista est poena peccati, illa plaga, vestigiūque peccati, illa illecebra, fomēque peccati, illa lex in membris repugnans legi mentis, illa ex nobismet ipsis adversus nosmet ipsos inobedientia, iustissimo reciprocatu in obedientibus reddita, hujus nos pudet, & merito pu let: nam, si hoc non esset, quid nobis esset ingratus, quid irreligiosus, si in membris nostris non de vitio, vel de poenā nostrā, sed de Dei consueverimur operibus. Ubi ostendit, concupiscentiam pravam, & libidinem, de quā erubescimus, non esse opus Dei, sed poenam peccati; sed plagam vestigiūque peccati; imō illecebram, fomitemque peccati, imō legem in membris, repugnantem legi mentis, denique ilam ex nobismet ipsis adversus nosmet ipsos inobedientiam, iustissimo reciprocatu inobedientibus redditam, cujus nos pudet, & merito pudet. Non potuit verbis tam paucis restantia magis graphicē depingi. Ubi ostendit, & poenam esse ipsius peccati Adā, & causam peccati, utpote illecebram & fomitem peccati, imō peccatum ipsum, esse enim legem in membris, repugnantem legi mentis qualis pugnancia non potest esse, quā non sit culpabiliter vitiosa; & inobedientiam adversus nosmet ipsos ex nobismet ipsis, & cujus merito nos pudet. Quae omnia satis evincunt hanc pravam Concupiscentiam formaliter esse peccatum, vid. & l. 1. c. 5. & 6, & cont. Jul. 1. 4. c. 16.

8. Ratio sumitur expugnā, quam habet concupiscentia prava cum integrā naturā Adami, quā conditus est ad imaginem, & similitudinem Dei. Siquidem illa naturae integritas illum Deo gratum, & acceptum reddidit: Concupiscentia autem prava naturam integram, & imaginem Dei formaliter depravans, & Corruptens, Adamum merito Deo exosum reddidit, & aeternae poenae obnoxium. Ergo est veri nominis peccatum. Sunt enim integra natura, & concupiscentia prava formaliter opposita, atque adeo *φαστικὰ ἐλλανει*, sese mutuō interimentia?

Hic insurgunt contra nos Jesuitae, & magna pars Romanensium, & scholasticorum; quibus accedunt Arminius, cum Remonstrantibus Belgicis; qui, ut viam muniant dogmatibus suis de Originali peccato, de liberi arbitrii viribus; hominis lapsi naturalibus, tum in cognoscendo vero morali, tum in faciendo bono morali, dogmati item de perfectione iustitiae, tum habitualis, tum actualis, & alius ejusdem farinae in hisce fundatis) in hunc modum Philosophantur.

1. Effrenem, quae inerat in Adamo lapsō, & in ejus posteris jam cernitur, Concupiscentiam; naturalem esse, & à principis naturae humanae, cum primum cōderetur, naturaliter fluxisse; siquidem hominem ex duabus naturis, Angelicā, & bestiali; seu spirituali, & animali componi quasi, & consistere. Harum utriusque habere naturalem propensionem ad objecta sibi convenientia. Cūque saepe ferantur naturali suo impetu ad diversa, plerumque ad contraria, hinc existere pugnam quandam, & luctam, & bene agendi difficultatem, dum una propensio alteram impedit.

2. Divinam aiunt Providentiam in Adā creatione, ut remedium adhiberet huic morbo, seu languori humanae naturae, ex conditione materiae (ut ait Bellarminus) orto, indidisse homini originalis iustitiae donum, quo, velut aureo quoque in ficeno, pars inferior animae parti superiori, & pars superior Deo, facile subiceretur. Cujus tamen conservatio, aut amissio penes voluntatem Adā fuit.

Hinc diducunt tria Corollaria.

1. Adamum lapsum non aliter differre ab homine, imaginario, in puris naturalibus condito absque omni gratia, quā Nudatum à Nudo.

2. Praecipitem inclinationem ad omnia vitia, seu concupiscentiam pravam, qualis fuit in Adamo lapsō, & qualem cernimus in homine lapsō, in homine in puris naturalibus condito exituram fuisse, ac proinde suā naturā veri nominis peccatum non esse, sed morbum naturalem, qualis est rubigo in ferro aut sorditas nativa.

3. Originalem iustitiam Adā, quae concupiscentiam coercebat, & in ordinem cogebat, fuisse donum merē supernaturale, & indebitam naturae exaltationem, ac proinde absque illā potuisse humanam naturam bene esse, maloque carere.

Nos ut huic pernicioso dogmati occurramus,

1. Fundamentum ejus concutiemus,
2. Dogma hoc impugnamus,
3. Argumenta adversariorum refellemus.

In quibus omnibus diligentius elaborandum est, eo quod adversarii nullum non movent lapidem, ut huic insano dogmati fidem faciant.

CAP. IV.

Sententia Jesuitarum, Romanensium plurimorum, & Scholasticorum, Arminii item & Remonstrantium Belgicorum, Sententia supra stabilita opposita (fundamentum ejus Concutiendo, Convellitur.

1. **D**E hujus Dogmatis Fundamento agendum est. Fundamentum opinionis hujus petunt Jesuitae à Scoto in 2. dist. 29. q. unic. Ubi in hunc sensum Philosophatur. Cum homo constet ex duabus naturis, Spirituali, & animali, quarum utraque habet naturalem propensionem ad objecta sibi convenientia; & cum ergo plerumque ferantur naturaliter ad diversa, saepe ad contraria, hinc existit pugna quaedam, & bene agendi difficultas, dum una propensio impedit alteram.

Resp. Propendere, & ferri in ea, quae sunt delectabilia sensui, esse revera bruto pure naturale. Sed in homine, qui secundum Philosophum magis est intellectus, quam sensus, & in quo omnia, quantum fieri potest, ratione gubernanda sunt, naturale est sensualitati, ut sensualitati, ferri in delectabilia secundum frænum, & directionem rationis; unde, cum sensualis appetitus in homine sit facultas illius animae, quae rationalis dicitur, eo quod ipsa ratio dominetur, omnino naturale est sensitivo appetitui, rationali, ejusque nutui obtemperare, & nihil appetere, quod à rationis dictamine aliquo modo abhorreat. Quare, licet sensualitas sit aequè in homine, atque in bruto; tamen specie diversa. Siquidem, in brutis sensualitas est suprema facultas, cumque ratione careant bruta, illorum sensualitas non est apta nata obedire rationis imperio, unde neque peccare dicuntur, ubi id faciunt, quod homo judicat non esse faciendum: Sed in homine, qui ratione præditus est, sensualitas est *ἡγετικός λόγος*, & *πειθαρχικός*, apta nata obedire rationi, ut docet Philosophus Ethic. 1. 13. U. de in motibus sensualitatis potest esse peccatum, ut passim docet Augustinus. Hinc Damascenus de fide, orthodox. l. 2. c. 12. τὸ λογικὸν εὐδαιμονοῦται τῷ ἀλόγῳ, pars rationalis naturaliter dominatur parti irrationali.

Et partem irrationalem dividit in $\left\{ \begin{array}{l} \text{τὸ ἀντικρὸν λόγῳ, ut pars vegetativa,} \\ \text{τὸ ἡγετικόν, & πειθαρχικὸν τῷ λόγῳ,} \\ \text{ut pars sensitiva;} \end{array} \right.$

Et Gul. Paris. de vitiis, & peccat. c. 2. p. 252. col. 1. *Etsi secundum animale nostrum communicamus cum brutis, in spiritali tamen nostro praecellimus eis: & ideo secundum illud, quod in nobis nobilissimum, atque sublimissimum est, nos vivere, atque operari oportet omnino enim indecens & incongruum est, praeferre, quod inferius, atque ignobilissimum est, superiori, atque nobiliori; sequitur illud, atque obedire illi, rebelare autem isti, nostrum animale absurdum videtur esse.* Hæc Parisiensis. Thomas etiam 3. p. q. 15. ar. 2. ad 2. Caro naturaliter concupiscit id, quod est sibi delectabile concupiscentiæ appetitus sensitivi; Sed Caro hominis (qui est animal rationale) hoc concupiscit secundum modum, & ordinem rationis, & 1. 2 q. 85. art. 3. Ad 1. Con-

cupiscere

cupiscere (inquit) *est homini naturale in quantum est secundum ordinem rationis; inest autem homini contra naturam, in quantum transcendit limites rationis.* vide & q. 85. art. 3. ad 2. Naturale ergo erat homini concupiscere, sed ex rationis moderamine, & iusto imperio. Falsum ergo illud ex variis propensionibus, sensibili, & intelligibili, oriri pugnam, & difficultatem. Nam pugna variarum propensionum nulla admit-tenda est, ubi ejusmodi propensionum naturalis subordinatio existit, qualem asseri-mus fuisse in primâ hominis institutione. Atque licet in bruto, & homine, singuli externi sensus habent suas propensiones ad propria objecta, unde ex visibilis jucundi aspectu homo, & brucum naturaliter feruntur ad illud objectum, & ex soni de-lectabilis auditu ad illum etiam propendent: tamen, si uno, eodémque tempore objectâ corundem, vel diversorum sensuum nobis obversantur, non tamen hinc propiè nascitur pugna, cum facultas semper superior, in homine quidem *ratio*, in bruto *assertiva facultas*, hanc litem dirimant, dirigantque appetitum ad illud prosequendum, quod illæ judicant Creaturæ toti convenientissimum. Sic in ho-mine integro appetitus sensitivus, cum sit facultas ordinis inferioris, naturaliter subiciebatur rationis dictamini, cujus judicio placidè acquiescebat, nec unquam oblectabatur; Ut nec in beatis in regno celorum post resurrectionem oblectabi-tur.

3. Si ideo homo habeat concupiscentiam, quod constet è duplici naturâ, intel-ligibili, & sensibili; tum Christo Domino, quatenus homo, naturalis erat hæc prava concupiscentia. Si enim fluat ex integris, & puris naturalibus hominis, cum Christus omnia habuerit, & sumplerit humanæ naturæ principia, & factus fuerit nobis per omnia similis, excepto peccato, necesse est, ut habuerit, & in se sumple-rit hanc pugnam variarum propensionum.

Obj. 1. Dices, *In ipso Christo fuisse pugnam variarum, imò contrariarum propen-sionum.* Siquidem Christus oravit, ut ab eo tran-ferretur calix, & tamen certum est mortem illum obisse voluntariam, & libere sese crucifigendum exhibuisse.

Sol. Distingunt Scholastici } Sensitivum,
inter appetitum } Rationalem, } per modum naturæ.
qui dicitur, } per modum rationis.

Licet autem in istis appetitionibus diversitas fuerit, non tamen contrarietas Subordi-natio fuit, non resistentia, aut pugna; contrarietas non fuit, quia oppositio non erat in eodem, & secundum idem. Licet enim appetitus sensitivus, & voluntas Christi ut natura, aliud voverunt, quàm voluntas divina, & voluntas ejus ut ratio; non ta-men erat sub eadem ratione: Divina enim Christi voluntas, & humana ejus, consi-derata ut ratio, volebat mortem, ut medium ad salutem humani generis à Deo or-dinatum; Appetitus autem sensitivus, & humana Christi voluntas, ut natura, re-fugiebat mortem, non, ut erat medium ad salutem humani generis ordinatum, (quia motus sensualitatis ad hoc pertingere non potuit) sed, ut malum particulare ipsius appetitus. De voluntate, ut naturâ, idem dictum puta, quæ naturaliter refugit ea, quæ sunt naturæ contraria, & secundum se, mala, ut mortem, cruciatus, & ejusmodi. Nulla igitur in Christo pugna fuit inter appetitum inferiorem, & superiorem, cu-jusmodi in nobis est ex vitia à origine; quâ fit, ut caro concupiscat adversus Spiri-tum, & spiritus adversus carnem; quâ quidem fit, ut homo sit, & sibi, & Deo, con-trarius. vid. Alv. in 3. p. q. 18. art. 6. & Ethium in 3. dist. 15. sect. 4. & dist. 17. sect. 3. Et Field. de eccl. l. 5. c. 18. Meissn. decad. 1. Anthropol. p. 45. Et Hooker l. 5. sect. 47. p. 283

Inst. 1. Dices, *Christum assumpsisse naturam humanam sed non naturâ vitia, non caci-tatem, non surditatem, non morbos, lepram, epilepsiam, &c.* Atque adeo, nec con-cupiscentiam pravam, quæ est natura humana vitium, licet nullius reatûs induiti-vum.

Resp. Verum est; Christum assumpsisse naturam humanam, verum itidem non est assumpsisse personales defectus, seu vitia hominum, in quibus sunt cæcitas, sur-ditas, lepra, epilepsia, & id genus alia: sed æquè verum est, suscepisse omnes de-fectus, & infirmitates, quæ humanam Naturam comitantur, in quibus sunt lassitudo,

fitis, fames, mors, & id genus alia, quæ individuo nexu humanam naturam comitantur, utque scriptura ait, *per omnia nobis similis factus est, dempto peccato*. Si ergo prava concupiscentia, sit vitium, quod individuo nexu humanam naturam lapsam comitatur, utpote quæ fuit à principiis naturæ, ex duplici propensione sensitivi, & intellectivi appetitûs; fieri non potest, ut Christus verè sumperit naturam nostram integrè, prout jam in homine lapsò superest, quin hoc vitium etiam sumendum erat, si, juxta Jesuitas, veri nominis non sit peccatum. Debit enim Christus per omnia nobis similis fieri, & tentari, dempto peccato, ut de veritate humanæ naturæ assumptæ omnibus constaret.

Inst. 2. At respondet Bellarm. l. 5. c. 14. de amissi. grat. & stat. peccat. ex Thoma, Christum noluisse assumere aut ignorantiam, aut concupiscentiam, licet neutra peccatum sit, si sit omnino involuntaria. Cur autem ignorantiam, & concupiscentiam Christum habere noluerit, docet Thomas, 3. p. q. 15. art. 2. & 3. Tum, quia due istæ miserie nihil proderant ad redemptionem generis humani, sed potius obirant; tum etiam, quia plenum gratiæ, & veritate Christum esse oportebat, quibus duobus donis concupiscentia, & ignorantia manifestè repugnant.

Resp. Quamvis Ignorantiam proprii nominis, quâ nescitur id, quod ignorari non debuisset, non suscepit Christus; tamen rectè dici potest, nescientiam quorundam habuisse Christum, Cum certum sit, Christum profecisse in cognitione, & sapientiâ, teste Lucâ, c. 2. 22. Ac quanquam hoc non intelligendum sit de infuso habitu scientiæ omnis, quem certum est Christi animam ab initio conceptionis habuisse; rectè tamen intelligi potest de actuali cognitione, & experimentalis Christi, quam non habuit, nec adeptus est, nisi discurrendo, & ad phantasmatà sese convertendo: Quomodo habitus principiorum sunt animæ à natura inditi, tamen assensus non fit hisce principiis nisi prius cognitis, & explicatis eorum terminis ope sensuum. Atque hinc est, quod Christus dicitur ignorasse ficus in arbore, Marc. 11. 13. & diem Judicii, cum esset in terris, Mar. 13. 32. ut annotarunt Origen. tract. 3. in Matth. & Cyrill. l. 9. thesaur. c. 4. quibus accedunt Jansen. in concord. evang. cap. 123. & Maldon. in Mare. 24. 36. vid. Field. l. 5. c. 14. At longè alia ratio est concupiscentiæ, quàm hujus ignorantie, quàm Nescientiam appellamus. Siquidem hæc est planè inculpabilis; At Concupiscentia planè culpabilis est, & veri nominis peccatum, ac proinde à Christo nullo modo assumi potuit. Nec rationes, quas à Thomâ accepit, cur concupiscentiam non suscepit Christus, nodum solvunt. Nam, si concupiscentia fluat ex unione partis sensitivæ, & intellectivæ, quàm in Christo facultas sensitiva, & intellectiva reperiatur, Ergo quicquid naturaliter resultat ex hæcū facultatum connexionē, etiam in Christo reperiri necesse est, saltem causaliter, & in suis principiis, quomodo in Adamo integro, licet refrænata, & cohibita est, quò minus in actus erumpat, quod tamen nullo modo admittendum est.

3. Etiam si demus, hanc pronitatem concupiscendi inordinatam in appetitu sensitivo, ex principiis naturæ (quod Bellarminus contendit, licet falsò) ortum habuisse: Hinc tamen ratio reddi non potest eorum vulnerum, quæ in superiori animæ parte agnoscuntur, ut ignorantie in intellectu, & malitiæ in voluntate. Quæ tamen ex sententiâ Bellarmini, in puris naturalibus condita extra gratiam extitissent. At planè incredibile est, malitiam, quæ inest voluntati, rerum item cœlestium odium, & præcipitem inclinationem, & propensitatem ad bona sensibilia, à puris naturalibus hominis dimanasse. Ex iisdem principiis sequetur, effrænata illam pronitatem ad omnimoda mala, quæ in ipsis dæmonibus reperitur, ex remotione originalis justitiæ, seu gratiæ, ex puris naturalibus Dæmonum proficisci, & dimanare. Siquidem Bellarm. ex Dionysio de divin. nomin. c. 4. part. 4. contendit, naturalia manere integræ etiam in Dæmonibus. Unde necesse est, ut statuant, Luciferum (i.) Angelorum principem, *Stantem, & Lapsum* non magis à se discrepare quam spoliatum, à nudo, quoad naturalia; Undè rectissime inferitur, & ex principiis Bellarmini, & Jesuitarum sequetur, præcipitem, & effrænem inclinationem ad omnimoda mala, ex infitis suæ naturæ principiis ortum habere. Quomodo ergo Deus, quâ Author naturæ, non erit author peccati, cum nemini dubium esse potest, quin præceps

præceptis inclinatio Dæmonum ad peccatum sit veri nominis *avayda*, & legis primæ institutionis prævaricatio, seu defectus conformitatis ad imaginem Dei, Deo merito exosus, & Dæmonem ipsum Deo invitum reddens?

CAP. V.

Vindicantur ab objectionibus Bellarmini argumenta ab ipso allata (cap. 7. de Grat. prim. Hom.) quibus iustitiam Originalem Adamo naturalem fuisse demonstratur.

L Abefactato, & concusso hoc primario fundamento, jam reliqua structura deicienda est.

Et quidem primò vindicabimus argumenta, quæ affert Bellarm. c. 7. de gratiâ primi hominis: deinde alia adjiciemus.

Ubi imprimis illud animadvertendum; etsi Bellarminus instituat hanc controversiam inter Romanenses, & Protestantés, tamen omnia argumenta, quæ adducit, tanquam nostra, causæ suæ adversantia, non ex ullo protestantium libro peti, sed plerumque esse argumenta Stapletoni, l. 2. de corrup. nat. c. 7. Michaelis Baii de primi hominis iustitiâ, hominum pontificiorum. Quod mirum est fugisse eruditissimum Whittakerum, cum Stapletoni librum refutaret.

Arg. 1. Prima ratio. Si iustitia originalis supernaturalis fuisset, sequeretur concupiscentiam carnis futuram fuisse naturalem, ac per hoc bonum, & à Deo.

At Joannes 1 epist. c. 2. dicit, eam non esse ex patre, sed ex mundo. Et Paulus ad Rom. 7. dicit, se eam odisse: & Augustin. l. 6. cont. Julian, c. 3. & aliis multis in locis. probat, eam esse malam & naturæ contrariam.

Respondet Bellarm. Concupiscentiam carnis nunc quidem poenam peccati esse; tamen homini condita in puris naturalibus fuisse sine dubio naturalem; non quidem, ut bonum aliquod natura, sed, ut defectum, & quasi morbum quendam naturæ ex conditione materiæ consequentem: quare rectissime dici, non esse ex Deo; odio, non amore dignam, malam, naturæq; contrariam; Duabus de causis, 1. quia non ex intentione auctoris naturæ, sed præter ejus intentionem in homine extitisset, si in puris naturalibus homo creatus fuisset. 2. Quia Deus illam susculerat, & ex ipsius hominis culpâ in nobis locum habet.

Sol. Concupiscentiam homini in puris naturalibus condito naturalem fuisse, ut defectum quendam naturalem, & morbum quendam naturæ duntaxat ex conditione materiæ consequentem falsò asseritur; Neque enim existimandum est, bonitatem Dei, quâ auctor naturæ, unquam permittere voluisse, ut homini naturaliter ingeneraretur ejusmodi morbus, seu præceptis inclinatio in appetitu sensitivo, quæ naturæ esset contraria, quâ ferretur ad sensibilia contra dictamen rationis, atque adeò contra legem Dei; ac per hoc naturaliter inesset ei inclinatio contra finem suum naturalem, & inclinationem totius suppositi, ex quo sequetur tum hominem omnium creaturarum longè imperfectissimum, & miserrimum esse; cum secundum naturalia imperfectior esset qualibet aliâ creaturâ quibus omnibus insita est naturalis inclinatio ad finem naturalem consequendum nulli autem inclinatio fini naturali contraria. Dicendum ergo est, concupiscentiam carnis non poenam duntaxat esse Adami inobedientiæ, quod concedit Bellarm. sed & morbum, & defectum in naturâ hominis ex lapsu obortum, qui suâ naturâ sit culpabilis, & Deo exosus, & reatus æternæ mortis inductivus. Idq; Joannes innuit loco citato, cum ait, Concupiscentiam non esse ex patre, sed ex mundo, eamque ponit eodem ordine cum superbiâ vitæ: at in puris naturalibus non esset superbiâ vitæ quin inesset veri nominis peccatum: ergo nec concupiscentia. Neque in statu purè naturali, aliquid esset ex mundo, ex quo concupiscentia est, sed solum à Deo. Porro, quando Apostolus ait, ad Rom. 7. *Se eam odisse*, non ait se odisse duntaxat, ut defectum, & morbum naturæ, ex conditione

tione materię consequentem; sed, ut peccatum proprii nominis, quod pater, 1. ex eo, quod intelligit tale peccatum, quod opponitur gratiæ: 2. de illo, quod abluitur Baptismo. 3. de peccato, quod Christus cruci affigebat, v. 6. 4. de illo, quod opponitur iustitiæ, vers. 18. & 20. tale autem peccatum est peccatum proprii nominis. Porro, nullos morbos, qui non sunt peccata, sed meræ pœcæ, odit Deus. Morbi autem ut & vulneta animi, quæ insunt in potentis iis, quæ capaces sunt peccati, non possunt esse nili, qui non sunt peccata (*vide Davenant. de Iustit. habit. 291, 292.*) nihil enim animam morbidam reddere potest, aut vulnerare præter peccatum; ut nec quicquam hosce morbos, aut vulnera sanare, præter gratiam. Unde Augustin. l. 5. cont. Julian. c. 5. agens de concupiscentiâ, & cupiditatibus carnis: *Ista vitia non medicos illos corporum quarunt, sed gratiâ Christi medicante curantur. Prius, ut reatu non teneant; Deinde, ut conflictu non vincant; Postremo, ut omni ex parte sanata, nulla omnino remaneant.* Proinde (irquit) cum malum concupiscere, malum sit, & bona concupiscere bonum sit, atque hoc bellum, quamdiu hic vivitur, non quiescat, cum caro concupiscat adversus spiritum, & spiritus adversus carnem; quis me liberabit de corpore mortu huius, nisi gratia Dei per Jesum Christum Dominum nostrum? Ex hoc loco aperitè constat concupiscentiam, & carnis cupiditates non curari, nisi medicante gratiâ Christi; ac proinde hosce morbos veri nominis peccata esse, nec posse quenquam liberari à pugna inter carnem & spiritum, nisi gratiâ Christi. Adhuc, cum Apostolus ait, Rom. 7. 15. Malum, quod odi hoc facio; agit de eo, quod exosum est, & esse debet cuilibet renato; tale autem nihil est, præter veri nominis peccatū. Nihil invisum, & exosum est Deo & sanctis præter peccatū; Deus enim nihil eorum odit, quæ fecit, sapient. 11. 25. & sanctis nihil exosum esse debet, præter peccatum. Cum ergo juxta Bellarminum, concupiscentia sit mala, & odio digna, quomodo non erit malum culpæ? Nam malum pœnæ non debet exosum esse piis, sed patienter sustinendum: Malum culpæ duntaxat oppugnandum est, & iusto odio prosequendum. Adde, fieri non posse, ut concupiscentia ex naturæ principii oriatur, seu ex conditione materię, quæ pars est naturæ humanæ & tamen eadē sit humanæ naturæ contraria; nisi velimus, ita condidisse Deum hominē in puris naturalibus, ut naturaliter emanaret ex principii naturæ intestinus hostis, qui naturam ipsam destrueret, quod cum sapientiâ, iustitiâ, & bonitate creatoris pugnaret. Illud etiā adjiciendum, concupiscentiam, si ex principii naturæ à Deo conditæ oriatur, ejus authorem esse Deum, utpote qui naturæ author est; at Joannes ait, Concupiscentiam non esse ex patre.

Respondet Bellarminus, 1. *Non ex intentione authoris naturæ, sed præter ejus intentionem existisset, si in puris naturalibus homo creatus esset.* 2. *Deum illam sustulerat, & ex ipsius hominis culpâ locum in nobis habet.*

Sol. Sed neutra responsio est admittenda.

Nam 1. Quis existimare potest, sapientissimum authorem naturæ, voluisse, ut homo primitus constaret è duabus naturis, spiritali & animali, in quibus naturaliter inessent diversæ, & sæpe pugnantes propensiones, quæ tamen præter intentionem conditoris existerent? Quomodo enim unio propensionum, quæ sæpe ad contraria feruntur, intenta à sapientissimo conditore esset; & tamen ipsa pugna præter intentionem existeret, si in puris naturalibus conditus fuisset? nisi velimus Deum prospecturum simul, ne pugnantes propensiones unquam actu pugnarent. Et certè hic σοφὸν παρὰ πρῶτον excogitat Bellarminus: ait erim secundo in loco, Deum sic prospectuisse, ne pugnantes istæ propensiones, quæ in homine in puris naturalibus condito inerant, unquam pugnarent, si per hominem non staret; Deum enim illam pugnam sustulisse, adhibito freno supernaturali originalis iustitiæ, quæ pugna tes naturaliter propensiones in ordinem cogeret, ut, nisi ex hominis culpâ, locum in nobis non habere. At hoc modo prospectum tantum est, ne actu pugnarent istæ propensiones, ut actus secundus cohiberetur, & reprimeretur duntaxat; manente interim propensitate ad pugnandum; neque enim qui freno equum ferocem cohibet, hoc ipso ferociam tollit, sed duntaxat coërcet. At qui dixerit Deum, opificem potentissimum, optimum, & sapientissimum, voluisse, & instituisse primitus, ut in naturâ humanâ, secundum puritatem ejus, & integritatem naturalem, quam ab

eo habet, ejusmodi pugnantes propensiones inessent; aut, ut esset inclinatio ulla in homine, quæ contra Deum moveretur, aut sensus ejus abstraheret à Deo, summo bono, rebusque divinis, & inclinaret ad peccatum? Facere enim ut hoc sit homini naturale, si non sit pro: fusus impossibile, saltem parum videtur divinæ bonitati consentaneum, cui proprium est, secundum Dionysium, omnia ad se attrahere.

Secunda ratio, quæ est Mich. Baii, de prim. hom. just. c. 4. est ex Augustino, in Enchirid. c. 11. qui ait, Animorum quæcûq; sunt vitia, naturalium esse privationes bonorum. Sunt autem vulnera nobis ex peccato primi parentis relicta vitia quædam animorum: igitur ea vulnera naturalium sunt privationes bonorum; justitia igitur originalis, & prima illa naturæ humanæ integritas cui privativa vulnera opponuntur, naturalis erat.

1. Bellarminus quadrifariam respondet, primò (inquit) *Videtur Augustinum, per naturalia bona, non formas, sed subjecta intelligere naturalium bonorum; quia in bonis naturæ insunt, easque contrariis virutibus privant; idque ex eo probare nititur, quòd paulò ante dixerat, eadè formâ loquendi mens corporales morbos esse privationes bonorum, quia substantia bona est, quæ accedente morbo sanitas privatur. Hanc acceptionem agnoscit, ut verissimam, nèque pugnare contra sententiam suam.*

Resp. Falso dici, Augustinum eodem loco non formas, sed subjecta intelligere, Agit enim non de subjecto, quod privatur, sed de bono (seu forma) quo subjectum privatur. Id ostendit eodem loco, quo sanitatem effert, ut exemplum boni, quo privatur subjectum, est autem Sanitas, non subjectum, quod privatur, sed corpus sanum; sed est forma, & bonum, quo privatur corpus sanum. Non enim (inquit) ulla, substantia, sed carnalis substantia vitium est vulnus aut morbus; cum caro sit ipsa substantia, profectò aliquod bonum est cui accidunt ista mala, (i. e.) privationes ejus boni, quod dicitur sanitas. Ita etiam & animorum quæcûque sunt vitia naturalium sunt privationes bonorum. Quia (vitia) cum sanantur, non aliquò transferuntur, sed ea, quæ ibi erant, nusquam erunt, quando in illa sanitate non erunt. Hæc August. ubi ait, Vulnus & morbus non esse ulla substantia, sed substantiarum, seu subjectorum vitia. Et ipsas substantias, in quibus hæc vitia reperiuntur, esse aliquod bonum, cui accidunt ista mala (i. e.) Privationes ejus boni, quod dicitur sanitas; ut ergò morbus, & vulnus non sunt substantia ulla, aut subjecta, sed substantia inharerentia vitia, privantia substantias, quibus accidunt, bono sanitatis: Ita etiam animorum quæcûque sunt vitia naturalium sunt privationes bonorum. Morbus autem, & vulnus, quæ privant sanitatem, non sunt ipsa subjecta, sed vitia, quæ privant subjectum bono sanitatis, seu formâ integram; & sic, vitia animorum, in quibus concupiscentia prava, sunt privationes naturalium bonorum, seu naturalis illius sanitatis, seu boni sanitatis, quod naturaliter inest animis: Hæc mens, hic sensus Augustini, idque ex cap. 12. seu sequenti, clarè constat; ubi sic habet: Cum vero corrumpitur (Natura idè malum est ejus corruptio, quia eam qualicûque privat bono. Malum est, quod privat naturam aliquo bono, sc. formâ & pergit: Nam, si nullo bono privat, nec nocet; nocet autem adimendo bonum. Quamdiu itaque natura corrumpitur, inest ei bonum, quo privatur. Videtis Augustinum agere de ablatione boni, quod inest naturæ, & de bono, quo privatur natura (i. e.) de ipsis formis, quæ subjectis insunt, non de ipsis subjectis, id quod pluribus ostendit eodem cap. 12.

2. Respondet Bellarminus, *Augustinum agere de vitis, quæ sunt habitus quidam, periteratos bonis actibus acquisitis; non de concupiscentiâ, ignorantia, infirmitate, & malitiâ, cum quibus nascimur.*

Sol. Augustinus agit de omni malo animi quod insit à Deo boni privatio est: nèque tam agit de vitis acquisitis, quæ non privativè, sed positivè opponantur bono eique morali; vel si privationes dicenda sunt, non tam naturalium bonorum privationes dicenda sunt, quàm acquisitorum; ubi virtutes acquisitæ expellunt; alioquin vitia, quæ habitus periteratos malos, actus acquisiti sunt corruptioni post lapsum naturæ humanæ adherenti superinducuntur, nèque tam privationes dicenda sunt naturalium bonorum quàm malorum, cum quibus nascimur, auctaria.

Augustinus

Augustinus agit ergo de vitiis animi, quæ sunt privationes bonorum, in quibus creati sumus, qualia non erant illi vitiosi habitus per iteratos actus acquisiti, sed qualia ex privatione originalis iustitiæ contraximus; quæ quamvis à principiis naturæ humanæ, naturali emanatione, non fluxit nec eo sensu naturalis dicenda erat; tamen rectè naturalis dicta est, quæ requisita erat ad naturam humanam perficiendam, ita ut sine eo aut omnino esse, aut bene esse non potuit, maloque carere, aut finem, ad quem ordinata fuit, consequi nequivit; hujus autem naturalis boni rectissime privationes dicuntur vulnera illa, quæ dicuntur animi concupiscentiæ, ignorantia, infirmitas, & malitia voluntatis, cum quibus jam post lapsum nascimur, quomodo & originalis iustitia naturalis, *Sanitas* rectè dici potest sensu supra dicto.

3. Respondet Bellarm. *Vitia omnia privationes esse naturalium bonorum (i.) naturalis rectitudinis, non qualis in primo homine fuit, sed qualis esse potuit si in puris naturalibus conditus fuisset. Natura enim creata sine iustitiâ, & sine peccato (id enim) (inquit) vocamus in puris naturalibus) suam quandam habet rectitudinem, quatenus, scil. nullam habet vitii curvitatē.*

Sol. Agit Augustinus de vitiis largè acceptis, & hisce contrariis bonis naturalibus, non quæ esse possunt, aut potuerunt; sed, quæ revera existerant in homine, prout à Deo reipsa condebatur, de rectitudine naturali hominis imaginarii, & fictitii in puris naturalibus conditi ne per somnium cogitavit Augustinus. Agit de animorum vitiis, quæ in rerum naturâ reperiuntur, non quæ fingi possunt existerē. Quomodo enim agit de corporibus animalium, quæ revera existunt, *Quibus* (inquit) *nihil est aliud, morbis, & vulneribus affici, quam sanitate (sc. naturali) privari, quæ aliu existit ante hæc vulnera, & morbos insitit.* Ita etiam, inquit, *Es animorum quæcumque sunt vitia naturalium sunt privationes bonorum. Nihil hic de privatione sanitatis naturalis, quæ in corporibus animalium per vulnera, & morbos esse potuit, sed quæ fuit; ita nec de animorum vitiis, quæ privationes sunt naturalium bonorum, quæ fingi possunt in puris naturalibus, sed quæ actu existerant.* Quod verò subjungit de naturâ creatâ sine iustitiâ, & sine peccato, quæ suam quandam habet rectitudinem quatenus sc. nullam habet vitii curvitatē; fictitium est absq; omni ex scripturis fundamento, aut ex antiquis patribus; cum mediis ille status, qui fingitur hominis in puris naturalibus conditi absque gratiâ, & absque peccato, qui tamen cum ignorantia in intellectu, cum malitiâ in voluntate concupiscentiâ in concupiscibili, & infirmitate in irascibili consistere potest, sit nuperum inventum quorundam Scholasticorum Ecclesiæ veteri in compertum, & multorum errorum fundamentum, ut postea declarabimus.

4. Denique (inquit Bellarminus) *Si cogeremur per naturalia bona apud Augustinum intelligere iustitiam originalem divinitus datam, & superadditam naturæ; promptum esset respondere, donum illud naturale bonum vocari, quia naturam non destruat, sed perficiat; quemadmodum de contrario vitium dicitur contra naturam, quia naturam non perficit, sed corrumpit.*

Resp. Originalem iustitiam dici naturale bonum non quod naturam humanam qualitercūq; perficiat, sed quod ad naturam perficiendam adeo necessaria erat, ut sine eâ aut omnino esse, aut bene esse non potuit, maloque carere, & absq; quâ finem, ad quem ordinata est, nullo modo consequi potuit, quicquid autem ita perficit naturam, ut absq; eâ natura imperfecta fuerit, ad integritatem naturalem spectat; talis est rectitudo illa primæva, & iustitia originalis. Unde & concupiscentia prava vitium est, & contra naturam, quia hoc bonum naturæ expellit, & corrumpit. Atq; hæc de secundâ ratione.

Tertia Ratio. *S. Augustinus lib. 12. de Civit. Dei. c. 1.* Sic loquitur de Angelis: Cum vitium creaturæ Angelicæ dicitur, quod non adheret Deo, hinc apertissime declaratur, ejus naturæ, ut Deo adhereret, convenire. Quod si naturale est Angelo adherere Deo, certè naturale erit etiam homini: non igitur opus fuit dono aliquo supernaturali, ut primus homo Deo adhereret, ac per hoc iustus & rectus esset. Hic locus adducitur à Michi Baio de prim. hom. iust. c. 4.

Respondet Bellarminus: Convenire naturæ Angelicæ, ut per charitatem adhereret Deo; sed non naturaliter convenire, quasi possit Angelos suis solis viribus per charitatem inhaerere; aut certè, quasi donum charitatis infusæ necessario Angelis debeatur,

debestur, ita, ut naturale, non supernaturale, debitum; non gratuitum dici debeat. Id quod ex Augustino docere nititur lib. eodem de Civit. Dei, c. 9. Denique nihil hoc loco de Angelis dicit, nisi quod de hominibus dixit de prædest. Sect. 2. c. 8. Poffe habere fidem, & charitatem, naturæ est hominum, habere autem gratiæ fidelium.

Resp. Juxta Augustinum, Ita convenire naturæ Angelicæ, ut per Charitatem Deo adhaereat, & ita naturaliter, ut absque illâ Charitate, Angelica natura bene esse non potest, nec malo carere; sed, vitiosa sit, necesse est: utpote absque quâ beatitudinem illam consequi nequeat, ad quam consequendam creata erat, & ad cujus Consecutionem appetitu naturali fertur. Est autem Augustino, illud naturale, cujus carrentia cedit in malum creatura, eique nocivum est, sic enim ille Paulo ante eodem capite. Hinc natura [Angelicæ] qua in tantâ excellentiâ creata est, ut licet ipsa sit mutabilis, inherendo tamen incommutabili bono (i.) summo Deo, beatitudinem consequatur; nec expleat indigentiam suam, nisi utique beata sit; eique explenda non sufficiat, nisi Deus: Profecto non illi adhærere vitium est; omne autem vitium naturæ nocet, ac per hoc contrarium est. Ubi aperte ostendit, naturæ Angelicæ adeo naturale fuisse in inherendo incommutabili bono; sc. Deo beatitudinem consequi, ut cum non expleat indigentiam suam, nisi utique beata sit, eique explenda non sufficiat, nisi Deus; sequitur, necesse sit, ut non Deo adhærere vitium sit, & naturæ nocivum, ac per hoc naturæ contrarium. Hæc postea uberius confirmat. Sicut ergo (inquit) cum vitium oculorum dicitur cecitas, id ostenditur, quod ad naturam oculorum pertinet visus, & cum vitium aurium dicitur surditas, ad earum naturam pertinere demonstratur auditus: Ita, cum vitium naturæ Angelicæ dicitur, quod non adhærere Deo; hinc appertissimè demonstratur, ejus natura, ut Deo adhaereat, convenire. Ut ergo vis videndi naturaliter convenit oculo, & vis audiendi auri; sic vis Deo per Charitatem adherendi, naturaliter Angelicæ naturæ competit. Quid disertius? Concludit Augustinus, Qua propter etiam visio malorum Angelorum, quod non adherent Deo quoniam omne vitium naturæ nocet, satis manifestatur, Deum tam bonam eorum creasse naturam, cui noxium sit non esse cum Deo. Ubi ostendit, adeo naturale fuisse Angelicæ naturæ adherere Deo lege Creationis, ut, vitio malorum Angelorum naturæ nocivo fiat, quod non adhærant, & noxium iis sit, non esse cum Deo. Ex hisce liquet juxta Augustinum, naturæ Angelicæ, ut Deo adhaereat, convenire. Sed non minus hominum, quam Angelorum vitium est, quod ait psalmista; Psal. 73. 27. Qui elongant se à te, peribunt; Perdes omnes, qui fornicantur abs te. Igitur non minus naturæ hominum, quam Angelorum est, quod apud eundem Psalmistam subditur, vers. 28. Mihi autem adhærere Deo bonum est, & ponere in Domino Deo spem meam. Hinc Guil. Paris. de vitiis, & peccat. c. 3. p. 252. 2. H. Manifestum est autem, quod elongatio hæc, seu mala dispositio, quæ ita spirituale nostrum impedit à supradictis suavitatibus, & bonitatibus, lesio est magna, & vitium, quod ita nos perversè habere compellit; perversitas autem omnis, & omnis dispositio perversa nos, vitium esse dubitare non potest.

Hinc etiam idem Augustin. volens ostendere, quæ sit naturalis Angelorum, hominumque conditio, ante omnia jubet intueri, quid juxta Scripturæ sacræ testimonium sit utrique naturæ malum; sic enim ille alibi de Civit. Dei, l. 22. c. 1. Sicut cecitas (inquit) oculi vitium est, & idem ipsum indicat ad lumen videndum oculum esse creatum, ac per hoc ipso vitio sui excellentius ostenditur earum membris, membrum capax luminis. (non enim aliâ causâ esset vitium ejus carere lumine) Ita etiam natura, que fructatur Deo, optimam se institutam docet etiam ipso vitio, quo idem miseræ est, quia non fruitur Deo. Illud ergo juxta Augustinum creaturæ rationali est naturale, quod competit ei juxta primum ejus institutionem, quale est frui Deo; & contra, naturam idem miseram esse, quia non fruitur Deo; quomodo naturale est oculo videre lumen; & vitium oculi privari videndi facultate. Hoc spectat, quod alibi habet idem doctissimus pater de Civit. Dei. lib. 11. c. 17. Non enim vitium esset recedere à Deo (inquit) nisi natura, cujus id vitium est, potius, competere esset cum Deo: Nam, ut alibi habet, lib. 12. ejusdem op. c. 1. Cujus relictæ vituperatio est quâ illo de honesta-

tur natura laudabilis. Et lib. 12 de Civit. Dei, c. 3. ait, vitia nocere bono naturae adimendo integritatem, pulchritudinem, salutem, virtutem, & quicquid boni naturae per vitium detrahi, sive minus consuevit.] Ergo integritas, salus, & virtus in bonis naturae habenda sunt, vid. Aug. de nat. & grat. c. 3.

In hisce, & plerisque aliis Augustini testimoniis, evidentissime constat, ubique Augustino vitium opponi naturae, ut aliquid contra naturam: naturam item denotare, primam omnium creaturae à Deo institutionem, omnique illud, quod creaturae sic institutae nocivum est, aut eedit in malum, aut miseriam creaturae sic institutae, aut ordinem à Deo institutum perturbat, aut impedimenta sui in consecutione finis ad quem ordinata est ab auctore naturae, ut creaturae illius vitium habendum esse, & proinde contra naturam.

Porro, cum dicit Bellarminus, Convenire naturae Angelicae, ut per charitatem adhaereat Deo, non tamen naturaliter convenire, quasi possit angelus solis suis viribus per charitatem adherere; aut certe, quasi donum charitatis infusae necessario angelis debeat; ita, ut naturale, non supernaturale; debitum, non gratuitum dici debeat.

Resp. Juxta Augustinum, convenire angelicae naturae, ut per charitatem adhaereat Deo, idque naturaliter juxta primam institutionem naturae angelicae; id enim naturaliter competit angelo, quod in ejus naturae primae institutione conferebatur, & ad ejus naturae perfectionem necessarium erat, & suo modo debitum; & ita debitum, ut ejus carentia cessura erat in malum, & miseriam naturae angelicae: tale autem erat donum charitatis naturae angelicae, quae juxta Augustinum loco citato, in tantâ excellentiâ creata est, --- ut expleri nequiret indigentiam suam, nisi usque beata esset, neque explere huic indigentiae sufficere quicquam potuisset praeter Deum, neque Deo frui quicquam potest nisi inherendo Deo incommutabili bono per charitatem; unde sequetur, non Deo inherere per charitatem, vitium esse; omne autem vitium (irquit Augustin.) naturae nocet, ac per hoc contra naturam est. Ille totus discursus est Augustini loco, quam jam enarravimus, unde demonstratur; irrefragabiliter sequetur, juxta Augustinum convenire naturae angelicae, ut per charitatem adhaereat Deo, idque secundum naturam primitus institutam; quod quis aliud est, quam naturaliter? Imò Augustinus alibi non dubitavit dicere, nos naturaliter factos fuisse ad imaginem Dei, Sic enim lib. de sp. & lit. c. 27. *Hoc apud Spiritum gratiae, ut imaginem Dei, in qua naturaliter facti sumus instaret in nobis.* En vocem, naturaliter, ait, *Nos naturaliter factos esse in imagine Dei, illâ sc. imagine, quam insinuat in nobis spiritus gratiae.* O subjicit, vitium, quippe contra naturam est; quod utique s. nat. gratia. --- Prinde naturaliter homines quae leges sunt s. civitatis. *Qui enim hoc non faciunt, vitiosi faciunt. Quod visio lex Dei deleta est de cordibus: ac per hoc, vitio sanato cum illis scribitur, fiunt, quae leges sunt naturaliter, non quod per naturam negata sit gratia, sed potius per gratiam reparata natura.* Quid discretus? Hinc est, quod Augustini discipuli ab hac formulâ loquendi non abstincent, cum de originali justitiâ primi hominis agunt, cujus eadem omnino ratio est, atque doni charitatis, quae hujus justitiae prima pars fuit. Sic enim Prosper contra Cassianum, Collat. c. 18 ubi ait, *Primum hominem tale accepisse liberum arbitrium, ut si auxiliantem Dominum non desereret, posset in bonis, quae naturaliter acciperat, perseverare, quia vellet.* In hisce bonis erat donum charitatis, quae pars erat originalis rectitudinis. En, Prosper ait, Hoc bonum originalis rectitudinis naturaliter accepisse hominem à Deo. Similiter Fulgentius de incarn. & grat. c. 23. Potest igitur Deo donante, homo in Deum naturaliter credere; contra naturam quippe hominis est quod in Deum non credat.

Quare, cum Bellarminus dicit, non docere Augustinum, id angelorum naturae naturaliter convenire, quasi possit angelus suis solis viribus Deo per charitatem inherere, aut certe, quasi donum charitatis infusae necessario angelis debeat: ut cumque negatur? Nam & primò, Angelus potest suis solis viribus Deo inherere per charitatem, si de iis viribus agatur, quas ipse à Deo accepit in primâ naturae institutione, ubi in originali justitiâ creatus esset; cujus pars erat donum charitatis: Secundo, Donum charitatis infusae necessario Angelis debebatur, ut naturale, quaece-

nus necessarium erat ad beatitudinem illam consequendam, ad cujus appetitionem ex lege primæ institutionis tanto impetu ferebantur Angeli, ut illius carentia in summum malum, & miseriam Angelicæ naturæ cessura erat, docente Augustino. Nec contrarium docet Augustinus locis citatis ex eodem 12. lib. de Civit. D. c. 9. Cum enim ait, *Et istam (bonam voluntatem) quæ fecerat, nisi illæ, qui eos cum bona voluntate (i. e.) cum amore casto, quo illi adherent, creavit; Simul in eis & condens naturam, & largiens gratiam.* Hic inquit Bellarminus apertissime distinguit Augustinus naturam à charitate, quam Gratiā vocat; Sed apertissime fallitur Bellarminus, si Augustini sensum excutiamus; Nam, cum ait, simul in eis & Condens Naturam, intelligit per Naturam, id, quod initio capitis appellat bonam naturæ, quod malorum Angelorum malā voluntate minuebatur, & depravabatur, & paulo antè bonam naturam, quam ex nihilo sui capacem fecerat [Deus] ubi per bonam naturæ, & bonam naturam intelligit Augustinus originalem illam iusticiam, in quā Angelos conditus est; Cum ergo Augustinus ait, In Angelis bonis Deum simul condidisse naturam, & largitum fuisse gratiam, per Naturam intelligit originalem iusticiam, in quā Angelus conditus est, & per gratiam intelligit gratiæ adiutorium superadditum quo actum amoris casti, seu charitatis habuit, quo Deo incommutabili bono adhæsit, quem actum Augustinus passim nomine bonæ voluntatis insignire solet. Porro, cum dicit hoc in loco Augustinus, non ad solos sanctos homines pertinere, verum etiam de sanctis Angelis posse dici, quod charitas Dei diffusa sit in eis per Spiritum sanctum, qui datus est iis: Ex quo loco colligit Bellarm. Charitatem, quam gratiam vocat, non per creationem, sed per spiritus sancti inspirationem, diffusam in Angelis.

Resp. Augustinum per gratiam, & charitatem diffusam in Angelis per Sp. Sanct. inspirationem, non intelligere, nisi illud ipsum adiutorium gratiæ, quo sp. sanctus operabatur prædictum actum amoris casti, seu charitatis in bonis Angelis, seu, ut appellat passim, *Bonam voluntatem*, seu primam bonam volitionem, seu actum voluntatis.

Siquidem aliud Augustino est } Donum habituale charitatis; seu gratiæ:

Actus gratiæ, seu charitatis, seu bona voluntas.

Habuit autem per naturam, in quā conditus est angelus bonus, donum habituale, quo Deo adhætere potuit. At actum charitatis, seu gratiæ, quo Deo incommutabili bono adhæsit, seu bonam voluntatem non habuit, nisi ex specialis gratiæ adiutorio. Unde paulo antè hoc ipso in capite docet, bonos angelos bonam voluntatem, quā meliores essent (quā creati sunt) nisi operante adiutorio creatoris, habere non potuisse. Est autem hoc adiutorium creatoris illa gratia specialis, quā steterunt boni angeli; unde postea dicuntur amplius adjuvi, quā mali, qui ceciderunt.

Ad illud, quod ultimo in loco respondet Bellarm. Nihil aliud hoc loco de angelis dixisse Augustinum, quā quod de hominibus dixit, lib. de prædest. S. S. c. 8, posse habere fidem, & charitatem naturæ esse hominum; habere autem, gratiæ fidelium.

Resp. Longè aliud velle Augustinum ex eo patet, quod posse habere charitatem competit angelo, quā rationalis; non enim denotat, nisi capacitatem, qualis non inest lapidi, aut trunco; vel si potentiam activam denotat, non nisi remotam denotat; quod & ipse Bellarm. alibi fatetur, lib. 6. de grat. & lib. arb. c. 15. Sect. 2. Sententiæ. Hoc autem modo posse habere charitatem ita angelo competit, ut non possit non habere hoc posse, quin definat esse. At Augustinus ait, Sic naturæ angelicæ convenire, ut Deo adhæreat, quomodo oculo competit visus, & auribus auditus; ita etiam competit, ut vitium sit naturæ angelicæ non inharere per charitatem bono in commutabili: ad talem autem adhæSIONEM requiritur donum charitatis, quo angelus habet, propinquum posse, seu id posse proximè actu primo Deo adhætere, neque id negare potest Bellarminus.

Mitto quartam rationem quæ est M. Baii, l. 1. de merit. operum. c. 1. & 2. ut, quæ non nisi indirectè reducitur à Bellarmino ad hanc controversiam de primā hominis iustitiā; neque enim hujus meminit Baius in lib. de prim. hom. iust. neque est hujus controversiæ propria.

5 Ratio desumitur etiam ex Augustino lib. 3. de lib. arb. c. 18. ubi sic loquitur : *Approbare falsa pro veris, ut erret invitatus, & resistente, atque torquente dolore carnalis vinculi, non posse à libidinosis operibus temperare, non est natura instituti hominis, sed poena damnati.*

Respondet Bellarm. Loqui Augustinum de naturâ, qualis fuerat in primo homine, non qualis esse potuit. Nam in eodem lib. idem Augustinus scribit, Si ignorantia, & difficultas essent hominis primordia naturalia, non potuisset reprehendi, sed laudari creatorem, & satis copiose disputat, c. 20. & seq. Potuisse hominem creati, qualis nunc nascitur, etiam si nullum peccatum antea præcessisset.

Resp. Rectè, Augustinus enim non admittit naturam hominis propriè dici, nisi illam, quæ fuit in statu integro primitus instituta : id quod sæpius innuit : nam eodem lib. 3. de lib. arb. c. 19. Ipsam naturam hominis aliter dicimus, cum propriè loquimur, naturam hominis, in quâ primum in suo genere inculpabilis factus est : aliter istam, in quâ ex illius damnati poenâ, & mortales, & ignari, & carni subditi nascimur. Juxta quem modum dicit Apostolus : fuimus enim & nos naturaliter filii iræ, sicut & ceteri, quæ repetit lib. de nat. & grat. c. 67. in fine, ex eodem libro, & retract. lib. 1. c. 10. Ipsa natura, qualis sine vitio condita est, rectè ac propriè natura hominis dicitur ; translatò autem verbouitur, ut naturam dicamus etiam, quali nascitur homo, secundum quam dixit Apostolus, fuimus enim & nos aliquando naturâ filii iræ : & ibid. c. 15. *In eo, quod dixi (inquit) naturâ esse male animæ nullo modo querunt, si queritur quomodo accipitur, quod ait Apostolus : fuimus & nos naturâ filii iræ, sicut & ceteri. Respondemus (inquit) naturam in his verbis mecum intelligere voluisse eam, quæ propriè dicitur natura, in quâ sine vitio creati sumus. Nam ista propter originem natura appellatur, quæ origo atque habet vitium, quod est contra naturam. Et eodem libro retractans aliud quod scripserat de duobus animabus contra Manicheos, c. 13. Sc. Spiritualia diligere & justitiâ jubemur, & naturâ possumus. Quæri potest, inquit, Cur naturâ, & non potius gratiâ dixerim ; sed contra Manicheos de naturâ quæstio versabatur, & utique id agit gratia, ut sanata natura, quod vitiosa non potest, possit per eum, qui venit querere, & salvum facere, quod perierat. Ex hisce satis patet Augustino illam naturam hominis propriè, & verè dici, & dici debere, in quâ homo creatus est in justitiâ, & sanctitate absque omni vitio ; unde sequetur, naturam illam vitiatam, quæ fingitur hominis in puris naturalibus conditi, nec verè, nec propriè naturam hominis dici, aut dici debere juxta Augustinum.*

At adhuc instat. Bellarm. August. eo loco loqui de naturâ, qualis fuerit in primo homine, non qualis esse potuit. Nam eodem libro (inquit) idem Augustinus scribit : si ignorantia, & difficultas essent hominis primordia naturalia, non potuisset reprehendi, sed laudari Creatorem. Et satis copiose (inquit,) disputat, c. 20. & seq. potuisse hominem creati, qualis nunc nascitur etiam si nullum peccatum antea præcessisset.

Resp. Agnosco illo ipso libro Augustinum dicere, si ignorantia, & difficultas essent hominis primordia naturalia, non potuisse culpam, sed laudari creatorem : sed animadvertendum, hæc disputasse Augustinum contra Manicheos, cum adhuc laicos esset, ut ipse fateatur de bono perseverant, c. 12. ante exortam hæresin Pelagianorum. Contra quos Manicheos docet, si ignorantia, & difficultas essent primordia naturæ, non tamen sequi (quod contendunt Manichæi) boni, & mali, duas coeternas esse naturas. Non dicit Augustinus lib. 3. c. 20. de libero arb. hominem ab initio talem à Deo creati, qualis nunc nascitur aut creati potuisse, ut falsò Bellarminus ; sed, quòd, si talis fuisset conditus dicatur (sicut postea dixerunt Pelagiani) qualis non nascitur, cum ignorantia, & difficultate ; tamen vincuntur Manichæi, qui duarum naturarum, boni, & mali sc. permissionem introduceere nitebantur. Sicut Augustinus docet lib. retract. 1. c. 9. & lib. de bono perfer. c. 11. & 12. in quo capite (12) expressè testatur Augustinus sc. lib. 3. de lib. arb. Secundum utrumque sensum pelagianum & nostrum (i.) Catholicum resistisse Manichæis, licet unum duntaxat teneret (i.) Catholicum, sc. ignorantiam, & difficultatem non esse primordia naturæ, sed supplicia peccati. Sed hic porro diligenter perpendendum juxta Augustinum ; si ignorantia, & difficultas essent primordia, naturæ, quandoquidem quisque id naturâ est, quod à Deo Conditus est, ideo talis ignorantia, & difficultas, quæ accidit ex rebellionem carnis

nis contra spiritum, in tali homine natura esset, non culpa, nec poena; Imò nec vitium, (quod semper naturalium est privatio bonorum, teste Augustino Enchirid. c. 11.) sed naturæ donum, nulli verecundia, nulli reprehensioni obnoxium, quomodo talpæ cæcitas, & libido, & rapacitas brutis qualitates sunt naturales, ac proinde irreprehensibiles. Quæ enim creaturæ non habent legem justitiæ, neque impressam naturæ suæ, neque præscriptam à Deo, non peccant, sive habendo eas inclinationes, quæ homines eos constituunt, sive faciendo illas actiones, quæ peccata actualia in hominibus reputantur: V. gr. non dicimus, lupum, aut hircum peccato inhaerente contaminatum, quamvis in uno sit inclinatio naturalis propensio ad Cædem, in altero ad Libidinem; nec dicimus peccatum actuale committere, quando sine magna rabie prædam dilaniat, ille inflammato appetitu libidinem exercet; ratio autem, cui rei minime habeantur, hæc primaria est, quod hæ inclinationes, atque actiones horum non repugnant legi illis sive impressæ, sive imperatæ. Cæterum in nobis, qui aliam à Deo naturam sortiti sumus, non potest non esse vitium, quod caro concupiscit adversus spiritum: & quod aliquod corporis membrum, citra voluntatis imperium, suo jure, ad opus sibi incongruum concitetur. Id quod nobis non solum justè improperatur, sed etiam ad æternam damnationem imputatur, nisi ante hosas vite æternæ remittatur. Et ideo, sicut Augustinus dicit in Psalmis tricentissimo tertio. Com. 4. Quod equo natura est, homini erimen est: sic etiam dicendum est de illius ficti hominis à Bellarmino excogitati concupiscentiâ, cum quæ naturaliter creatus esse fingitur, sicut novimus creatas esse bestias; quod concupiscentiâ illi quidem homini esset natura, nobis autem & poena, & culpa. vid. G. Paris. de vitiis & peccat. c. 1. Sed & hoc adjiciendum: etiam si detur, Deum potuisse creare hominem, in quo ignorantia, & primordia naturæ essent, licet potuisset Deus eo modo creare hominem absque eo esset auctor peccati; non tamen potuisse ita creare, quin animal esset suo genere imperfectum; quomodo, si creasset hominem cæcum, unoculum, surdum, claudum, vel aliquo naturali membro privatum, creasset, proculdubio, imperfectum; nec rectè dici potest talis creatus in puris naturalibus, cum aliquid naturale deesset. Pari modo, philosophandum de homine creato cum ignorantia, difficultate, & concupiscentiâ, seu rebellionem appetitus sensitivi contra rationalem, quamquam talis homo creari possit absque peccato, tamen non dici potest creari in puris naturalibus: si quidem purâ naturalia suam quandam habent perfectionem naturalem, qualem non habent ubi aliquid naturale desit, ut sit, cum appetitus sensitivus appetit contra ordinem rationis, & aliter quam ratio præscripserit, quod in rationali creaturâ est vitium, & merito vituperabile. Ex quibus manifestum est, illam justitiâ originale, quæ sensualem appetitum rationis imperio reddit morigerum, esse quiddam humanæ naturæ debitum, ut absque quo homo, quoad naturalia, imperfectus sit. Cujus carentia cedit in malum humanæ naturæ, ac proinde ad integritatem naturæ humanæ ipsa pertinet, etiam si forsitan à principiis naturæ non fluat, sed supernaturaliter inditam fuerit, ac proinde non est donum merè gratuitum, quod contendunt Jesuitæ. vid. M. Baiam de orig. pecc. c. 5. & Daven: de habitu Just. c. 9. p. 244, 245. & Chamier: Tom. 3. l. 10. de Sanct. c. 16. p. 302, 303.

Arg. 6. Ratio desumitur à Testimonio Leonis M. Sermonem 13. de Passione Domini. Ubi vocat innocentiam primi hominis Naturalem, cum sic ait; In beatitudinem itaque innocentie naturalis, quam primorum Parentum prævaricatione perdidimus, nulla per se sanctorum præcedentium merita receperunt. Hoc testimonium etiam adduxit M. Baius de primi hominis justitiâ, c. 6. Ubi aliud etiam testimonium est Leone adducit, cujus Bellarm. non meminit. Ex sermone primo de jejuniis ubi sic ait: Si fideliter creationis nostræ exordium intelligamus, inquit, invenimus hominem ad imaginem Dei conditum, & hanc esse naturalem nostri generis dignitatem, si in nobis, quasi in quodam speculo, divinæ benignitatis forma resplendeat. Ubi ait, naturalem esse hanc nostri generis dignitatem, quatenus ad imaginem Dei conditi sumus.

Respondet Bellarm. *Innocentiam, eum, naturalem vocare, quia ab initio conditionis cum ipsa natura tributa, & per modum naturæ in posteros propaganda fuerat. Et sensum, quo peccatum originale dici potest naturale juxta illud, Erasmus & nos naturâ filii ira ad Ephes.*

Vid. pacis: de
vitiis & vitiis: c.
5. p. 258,
259. col. 22.

Ephef. 2. Sed, sicut peccatum ejus, quamvis trahatur à nativitate, tamen extrinsecus accedit naturæ, non autem ex naturæ principii fuit; ita quoq; donum innocentia originalis, etiam si cum naturâ transfusum fuisset; non tamen ex naturæ principii, sed ex munere supernaturalis gratia profluxisset. Hæc Bellarm.

Resp. Non solum innocentia naturalis dicitur, quia ab initio conditionis simul cum naturâ tributa est, & per modum naturæ propaganda esset; sed quod ad naturæ humanæ integritatem requirebatur; non nudè, ut naturæ concomitans, sed, ut ad esse, vel saltem ad *bonè* esse, & perfectionem hominis necessaria, & debita, absq; quâ humana natura vitiata esset, & vulnerata, manca, & mutila, & infinitis miseriis exposita, quæ ex ignorantiâ, difficultate, & rebellionem inferioris partis contra superiorem proficiscuntur, quæ omnia, cum naturæ humanæ, propriè sumptæ, integritate, & perfectione pugnant, ut antea ex Augustino observavimus. Neq; par ratio est naturalitatis (ut ita loquar) originalis corruptionis, atq; originalis justitiæ, ut hîc contendit Bellarminus. Nam originalis corruptio, quâ sumus filii iræ, dicitur ab Apostolo naturâ esse, quod sit à nativitate, & per modum naturæ propagetur duntaxat, cum tamen in se sit humanæ naturæ nociva. At originalis justitia non solum dicitur, quod cum naturâ creata esset, & simul cum naturâ propaganda, sed præcipuè, quia partim à naturæ principii in primâ creatione fluxit naturali quadam emanatione, ut naturalis quædam sapientia, quæ inerat in potentiis hominis integri, quâ appetitus sensitivus ad objecta delectabilia ferebatur, non nisi ex previo rationis dictamine, utpote ejus actuum summæ moderatæ: partim, quia humanæ naturæ principii inditæ sunt in primâ creatione supernaturaliter qualitates, (seu habitus,) quæ ita debite sunt, & requisitæ ad naturam humanam perficiendum, ut ex hypothesi finis supra naturam, ad quem consequendum ordinabatur homo, omnino necessaria erant, & debita, ut absq; his aut omnino esse, aut bonè esse non potuit, maloque, carere, aut finem, ad quem ordinabatur, consequi non potuit; Atq; hac ratione innocentia primi hominis dicitur, à Leone, naturalis, & non solum, quod cum naturæ principii conegrita esset, & per modum naturæ propaganda fuisset, si homo in innocentia acceptâ mansisset. Idq; satis constat ex altero, quem protulimus è Sermon. 1. decimi mensis, ubi ait, *Hominem idè ad imaginem Dei conditum, ut imitator sui esset Authoris, & hanc esse naturalem generis nostri dignitatem, si in nobis, quasi in quodam speculo, divina bonitatis forma resplendat, ad quam quotidie nos utiq; reparat gratia servatoris, dum quod cecidit in Adam primo, erigitur in secundo.* Hîc leo ait, *Hanc esse naturalem nostri generis dignitatem, quod ad imaginem Dei conditi sumus.* Non ait, supernaturalem nostri generis dignitatem esse, ut contendunt Jesuitæ, quod ad imaginem Dei conditus est, sed naturalem fuisse homini in statu integro, id quod etiam alibi de nativitate Domini: Sermon. 4. affirmat, ubi sic habet; *Primus homo Carnis substantiam accepit à terra, & rationali spiritum per insufflationem creantis; animatus est, ut ad imaginem, & similitudinem sui authoris vivens, formam Dei bonitatis, atq; justitiæ in splendore imitationis, tanquam in speculi nitore servaret, quam natura sua speciosissimam dignitatem si, per observantiam legis datæ, perseveranter excolet, ipsam illam terreni corporis qualitatem ad celestem gloriam mens incorrupta perduceret.* Hîc etiam in eo, quod homo conditus esset ad imaginem, & similitudinem sui authoris, & servavit formam Dei bonitatis, atq; justitiæ appellat naturæ suæ speciosissimam dignitatem, non alicujus conditionis supra naturam. Idem Leo, Sermon. 14. de passione, per Christum dicit libertatem naturalem reparatam fuisse. Et certè, ipsa regeneratio nostra non censetur reparatio doni alicujus adventitii, & merè supernaturalis, sed restauratio ejus imaginis, ad quam humana natura ab initio conformata fuit, rectè ergo naturæ humanæ speciosam hanc dignitatem hanc originalem justitiam appellat Leo, & libertatem hominis integri libertatem naturalem.

Arg. 7. Si justitia originalis donum esset simpliciter supernaturale, & merè gratuitum; tum peccatum originis nihil aliud esset, quàm privatio doni simpliciter supernaturalis, & merè gratuiti, salvâ, atq; integrâ manente hominis naturâ: At certum est per concupiscentiam ex peccato Ade contractum, vitiatam, depravatum, & in deterius mutatam esse naturam hominis. Hoc argumentum non propono jisdem verbis, quibus utitur Stapletonus, ut qui nitatur autoritate Consilii Tridentini, quæ apud

apud nos nulla est; sed multo fortius, nixus autoritate consilii Arausiacani, & Augustini, quamvis ad mentem Sape-toni, sic enim Concilium Arausiacum 11. can. 1. *Si quis per effectum pravagationis Adæ non totum (1.) non secundum corpus, & animam, in deterius dicit commutatum, sed anime libertate illa durante, corpus tantum modo corruptioni credit obnoxium, pelagus errore deceptum adversatur scripturæ ascensu. Anima, quæ peccaverit, ipsa morietur.* Iste Canon videtur de sumptis ex Augustino, qui sepius affirmat, per peccatum hominis naturam in deterius commutatam, sic lib. 1. de nuptiis, & concup. c. 32. ubi ait, peccatum Adæ tam magnam fuisse, ut per illud magna fieret, in deterius mutatio naturæ, & lib. 2. c. 34. *Illamagnæ peccatæ primi hominis, natura ipsi nostra in deterius commutata non solum facta est peccatrix, verum etiam genuit peccatores, & tamen ipse languor, quæ bene vivendi ratio petiit, non est atiq; natura, sed vitium; sunt caræ ipsæ in corpore valetudo, non est ulla substantia, vel natura, sed vitium.* Hanc mutationem nostræ naturæ per lapsum, illustrat, ut roq; in loco mutatione oleæ in oleastrum, dicitque, Adamum peccando factum ex oleâ oleastrum, totum genus humanum fecisse oleastrum. Similia habet eodem lib. 2. c. 9. ubi agens de militia naturali, ex Sapient. 13. & explicans illud Apostoli ad Ephes. 2. *Nos natura filii iræ; Num quid (inquit,) in Adam ista natura sic cor-rupta est? Absit; sed, quia in illo vitata sit per omnes, jam naturaliter concupiscit, & currit ut ab hac perditione non liberet nisi gratia Dei per Jesum Christum D. nostrum.* Et Paulo post; de vitio hic agitur, quo est depravata natura bona, cuius vitii author est diabolus, non de natura ipsius bonitate, cuius author est Deus, qui nequ. ab ipsâ vitata, depravataque natura suam abstulit bonitatem. Ex Augustini ergo sententiâ non habemus integra naturalia post lapsum, sed naturam viciatam, & in deterius mutatam. Hanc naturâ depravationem vitium appellat, & angorem, quo bene vivendi virtus perit, & si simile vult esse malæ in corpore valetudini. Ex hisce evincitur iuxta Augustinum, integritatem illam, quæ hæc vitia excluderat, naturale bonum fuisse, utpote quo ablato, natura ipsa læsa, depravata, & viciata fuerit.

Sed & accedant alia loca, ex quibus constat, hanc esse perpetuam Augustini sententiam. De Civit. D. I. 13. c. 3. [*In eo [primo homine] natura humana vitata, atque mutata est, ut repugnantem pateretur in membris inobedientiam concupiscendi. Quod ergo homo habeat inobedientiam concupiscendi in membris repugnantem, est ex vitiatione, & mutatione naturæ; Ergo naturaliter homo non sensit, nec habuit hanc inobedientiam in membris.* Et lib. 3. c. 14. *Deus creavit hominem rectum, Naturarum author, non atq; vitiorum; sed sponte, depravatus, iuste quæ damnatus, depravatos, damnatosque generavit. Depravatio ergo nature non fluxit à principis pure nature, Deus enim, ut author nature, erat author rectitudinis, quæ lib. vni vitio nature immanis, erat homo.*

Idem Augustinus ejusdem operis lib. 14. c. 1. de primis parentibus agens. *A quibus (inquit) Commissum est tam grande peccatum, ut in deterius eo natura mutaretur humana, etiam in posteros obligatione peccati, & mortis necessitate transmissa.* Et Cap. 12. *Si quæm vero movet, cur alius peccatus sic natura non mutetur humana, quemadmodum illa duorum primorum hominum pravagatione mutata est, & tanta corruptioni quantum videmus, & sentimus, & per hanc subiacere morti, ac tot, tantisque, tamque inter se contrariis, perturbaretur, & fluctuaret affectibus, qualis in paradiso ante peccatum, licet in corpore esset animali, atque non fuit: Si quis hoc movetur, ut dixi, non adeo debet existimare leve, ac parvum fuisse illud commissum, quia in escâ factum est, non quidem malæ, nec noxiæ, nisi quia prohibita. Hoc de uno cibi genere non edendo, nec aliorum tanta copia subjacebat, tam leve præceptum ad observandum tam breve ad memoria retinendam, ubi præsertim nondum voluntatis cupiditas resistebat quod de peccati transgressionis postea subsecutum est, tanto majore injustitiâ vitatum est, quanto faciliore posset observantiâ custodiri.* Hic pro confesso habet Augustinus, per peccatum primorum parentum mutatam esse naturam humanam in deterius; & nec mutari, quo modo non ullo alio peccato: Siquidem hoc peccato factum esse obnoxium morti, & corruptioni, & contrariis multis perturbationibus, & affectibus, quas in paradiso non habuit; quam magnam naturæ mutationem deducit à magnitudine injustitiæ in violando, ac non observando tam facili præcepto. Et c. 13. ostendit in præva-

ricatione Adæ ad opus malum malam præcessisse voluntatem; unde subjungit; *Non ergo malum opus factum est, (i.) illa transgressio, uti cibo vetito vesceretur, nisi ab eis, qui mali jam erant.* Neque enim fieret ille fructus malus nisi ab arbore malâ. *Ut autem arbor esset mala, contra naturam factum est: qui nisi vitio voluntatis, quoddam contra naturam est, non utique fieret: sed vitio depravari nisi ex nihilo facta natura non posset.* Ac per hoc, ut natura sit, ex eo habet, quod à Deo facta est; ut autem ab eo, à quo facta est, deficiat, ex hoc, quod de nihilo facta est. Ex hisce constat juxta Augustinum, naturam humanam grandi illo peccato, primæ transgressionis, in deterius mutatam esse; & sic mutari peccato inobedientiæ, ut magnæ corruptioni natura nostra subjaceret, & contrarius precurbaretur, & fluctuaret affectibus, qualis in corpore animali ante peccatum hoc non fuit. Porro Adamum vult factum arborem malam; ut autem esset arbor mala, contra naturam factum est, quia nisi vitio voluntatis, quod contra naturam est, non utique fieret. Ergo juxta Augustinum, secundum naturam suam, & pura naturalia, homo est absque vitio omni; non ergo ex conditione materiæ, & puris naturalibus fluunt ignorantia, malitia, concupiscentia, & difficultas naturaliter, ex mente Augustini, ut falsò Bellarminus. Illud etiam adjuvamus, naturam nostram propter peccatum originis, non solum in deterius mutatam, sed etiam incurrisse nos potestatem diaboli, juxta Augustinum.

Resp. Bellarm. Nemo nostrum negat propter peccatum originis non solum justitiâ originali, & gratiâ nos esse misere spoliatos, sed etiam incurrisse in diaboli potestatem, & totum hominem secundum corpus, & animam in deterius esse commutatam. Neque illud dicimus, hominem in puris naturalibus conditum futurum fuisse in diaboli potestate, sed futurum fuisse, quales nos sumus, quoad mortalitatem corporis, rebellionem membrorum, ignorantiam, difficultatem, & similia; ac proinde mutationem totius hominis secundum corpus, & animam in deterius ex amissione justitiæ originalis natum esse; ita, ut non sit opus dicere, Deum, vel diabolum rebellionem carnis nobis inferuisse, aut nos deditâ operâ excessisse, cum ignorantia, & cupiditas, & id genus mala ex amissione justitiæ originalis, ut ex removente prohibens dimanare poterit.

Sol. Cum Augustinus, & cum secuti Arausiaci patres dicunt, naturam hominis per peccatum Adæ secundum corpus, & animam in deterius commutatam esse, omnino volunt naturam, puram, & integram non mansisse, sed læsam, & depravatam; nec pura naturalia amplius superesse, sed vitiata, & in deterius motata. Unde Arausiaci P. p. damnant, ut Pelagianum, si quis dixerit, animæ libertatem illæsam mansisse. Augustinus item vult, ex lapsu languorem contractum esse, quo bene vivendi virtus perit, quem certè noluit Augustinus à naturæ puræ principii oriri, cum vitium appelleret, quomodo agritudo est vitium corporis, & tale vitium, quo bene vivendi virtus perit, quod certè non potest esse, nisi vitium reum faciens, inobedientiam appellat Augustinus, primæ inobedientiæ supplicium, & ideo non naturam esse, sed vitium dicit, de civit. Dei. 15. c. 6. Unde, si talis conditus fuisset homo, qualis jam est (semotâ gratiâ, non pura, ac sana naturalia, sed ægra, ac depravata naturalia habere rectius diceretur; nec instar oleæ esset, sed instar oleastri, ipsâ naturâ nostrâ jam mutatâ, & depravatâ. Neque enim in puris naturalibus habiturus esset homo ullum vitium, quo bene vivendi virtus periret, nec ita vitiata natura nostra esset, ut ab hac vitiositate non potuisset liberari, nisi per gratiam Christi. Cum in puris naturalibus non indigebat ullâ liberatione per gratiam Christi. Neque tale vitium haberet homo in puris naturalibus, cujus author esset diabolus, quale est vitium, quod jam ex lapsu invalis naturam nostram, ut docet Augustinus, loco sup. cit. de nupt. & concup. 1. 2. c. 9. sic enim ait. *De vitio hic agitur, [sc. Concupiscentia,] quod est depravata natura bona, cujus vitii author est diabolus.* Ac proinde homo sic in diaboli potestate esset, quod tamen hic ipse Bellarminus non audet asserere. Porro Augustinus, & P. p. Arausiaci cum aiunt, naturam hominis, in deterius commutatam esse, non intelligunt solum modo respectu statûs, quem habuit homo in statu innocentiae, sed etiam respectu statûs, quem habiturus esset, si in puris naturalibus conditus fuisset: alioqui enim ex eorum sententiâ homo solummodo privatus esset dono merè supernaturali, nec plagam ullam in se ipso ex lapsu accepisse dici potuisset:

Nam

Nam in puris naturalibus nullam habiturus erat homo plagam, nullum vulnus in naturalibus. Denique liberum arbitrium in naturâ lapsâ non habet easdem vires naturales ad bonum, quas habiturum erat, si in puris naturalibus conditum fuisset; non enim potest in naturâ lapsâ absque auxilio gratiæ, elicere ullum actum dilectionis Dei super omnia, etiam ut est author naturæ: Siquidem, ut rectè Augustinus, Epist. 107. *Liberum arbitrium addiligendum Deum, primi peccati granditate, perdidimus*: (i.) Perdidimus virtutem ad diligendum Deum per solam facultatem naturæ. Unde patres Arausiaci, Can. 25. Prorsus donum Dei est, diligere Deum. Ex hisce intelligi potest, hominem per lapsum non solum gratuitis spoliatum esse, sed vulneratum in naturalibus.

Atque hinc contracta esse vulnera ignorantia, difficultatis, & concupiscentia; non ex solâ amissione originalis iustitiæ. ut ex solo removente prohibens dimanasse, ut falso Bellarminus (ac si naturaliter ex puris naturalibus remoto supernaturâ i impedimento originalis iustitiæ, hæc animæ vitia, & vulnera ex naturæ p incipis pullularent & prodirent) sed ex amissione originalis iustitiæ, ut qualitatis naturæ, & debita, & ad integritatem naturæ humanæ propriè sic dictæ (ut loquitur Augustinus) necessariæ; atque ita necessariæ, ut ejus carentia humana naturæ nociva futura erat, atque per hoc contra naturam, prout à Deo primitus condita, & instituta est. Atque hæc de septimâ ratione.

Argum. 8. Naturalem carnis nostræ impetum magis non rebellem esse, quam ante peccatum sine gratiâ futurum erat, ex doctrinâ Augustini clarissima argumenta peti possunt. Primum sanè, Quod Adam, ut suis naturalibus perficeretur, accepit quidem gratiam, sed latam quandam, & facilem, quæ libero arbitrio jam sano faciliè cooperaretur. Nos vero, ut in corruptis naturalibus perficiamur, potentem, & majorem gratiam accipimus. Illi in bonis (sc. naturæ) erat, quæ bonitate sui conditoris acceperat, in quibus nullum patiebatur malum: Sancti vero in hac vita in malis sunt. Ille non eguit morte Christi, (sc. ut sanitatem conservaret:) Istos à reatu & hereditario, & proprio ipsius illius sanguis absolvit. Illum non opus habuisse adjutorio contra rixam carnis: nos illo opus habere: Illum denique accepisse gratiam, quæ posuit, si vellet; nos accepisse, ut velimus, idque tantum velimus, tantoq; ardore diligamus, ut voluntatem contraria concupiscentem voluntate spiritus vincamus. Hæc Augustinus de corrup. & grat. c. 11. Haud dubiè igitur pura illos naturalia, seclusâ gratiâ, & dono iustitiæ, multo erant saniora, & puriora, ut quæ minori remedio conservabantur, seu perficiebantur, quam nostra sunt, sublata jam gratiâ. Hæc Stapletonus.

Resp. Bellarm. Ex verbis Augustini non posse ulla modo colligi, naturalem carnis nostræ impetum magis nunc esse rebellem quam ante peccatum sine gratiâ futurum erat: atque illud, pura naturalia, fuisse saniora, & puriora ante peccatum quam modo sunt post peccatum. Nam primum, non dicit Augustinus, (inquit) Adamum fuisse in bonis naturæ, nos esse in malis naturæ; sed hæc (inquit Bellarm.) sunt verba ejus, Ille in bonis erat, quæ bonitate sui conditoris acceperat. Et paulò post, Sancti vero in hac vitâ, ad quos pertinet liberationis hæc gratia in malis sunt. &c. ubi nulla fit mentio naturæ. Et ex superioribus verbis (inquit) intelligimus eum loqui de bonis gratia, non naturæ.

Resp. Certum esse ex perpetua Augustini sententiâ, rixam, & rebellionem carnis adversus spiritum, quæ jam cernitur in homine lapso, planè præternaturalem esse, & homini adventitium, imò contra naturam hominis propriè dictam; non enim agnoscit Augustinus, ut supra docuimus, ullam naturam hominis propriè dictam, nisi illam, quæ fuerit in statu integro primitus instituta, & formata. Hinc est, quod Rectæ. 1. c. 10. *Ipsa natura, qualis sine initio condita est, verè ac propriè natura dicitur.* Unde certum est, rebellionem carnis, quæ fingitur inesse homini in puris naturalibus condito à sententiâ Augustini longè abhorre.

2. Certum est ex Augustino hoc ipso in loco, pura Adæ, quæ dicuntur, naturalia, saniora, & puriora multo fuisse, quæ minori remedio conservari poterant, & perfici, quam nostra sint, sublata jam gratiâ. Nam certum est, primum hominem factum esse absque omni vitio rectum, atque adeo naturaliter bonum, ut hic August.

cap. 10. Cum omne vitium sit contra naturam, & naturalis alicujus boni privatio, docente August. in Enchirid. ad Laurent. c. 11. Certum est etiam ex eodem cap. 10 de corrept. & grat. Deum creasse omnia valde bona *bonitate sc. naturali*. Ergo absq; omni vicio naturali et hoc c. 11. ait Augustinus, Ille in bonis erat, quæ bonitate sui conditoris acceperat, (i.) in bonis naturæ, talia enim erant, quæ bonitate sui conditoris acceperat, & quæ Deus, ut conditor, contulit. Addit, Sancti verò in malis sunt (sc. naturæ) qualia sunt omnia vitia; subjungit Augustinus, *Ille in illis bonis (sc. naturæ) Christi morte non eguit: Istum a reatu & hereditario, & proprio, illius agni sanguis absolvit.* Sed regerit Bellarminus, Ex superioribus verbis intelligimus eum loqui de bonis gratiæ, non naturæ. Sic enim ait. *Quid ergo? Adam non habuit Dei gratiam? Imò verò habuit magnam, sed disparcem.* Tum subjungit, *Ille in bonis erat, quia bonitate sui conditoris acceperat.* &c. Hinc infert Bellarm. Itaque sensus eorum verborum esse videtur Adamum, fuisse in bonis gratiæ, originalis, quæ justitiæ, nos esse in malis, quæ ex amissione gratiæ redundarunt.

Resp. Certum est Augustin. ubi ait, *Ille in bonis erat, quia sui bonitate conditoris acceperat.* Intelligere bona naturæ, quæ opponuntur malis & vitiis, cap. enim præcedente dixerat, *Primum hominum factum esse absque omni vitio rectum, (i.) naturaliter rectum, & bonum, cum omne vitium sit naturæ nocivum, ac proinde contra naturam: & subjungit capiti habere vitium, ex quo cecidit, & si cepit, antequam capisset, utique sine vitio fuit.* Et mox, *Ei quippe ipso, quod non dicitur nunquam sine vitio fuisse, sed dicitur sine vitio non permansisse* proculambis demonstratur, sine vitio fuisse, in quo bono non permansisse culpatur. Prius ergo homo conditus est sine vitio, (i.) absque eo, quod naturæ nocet: Nam, dicente Augustino de Civitate Dei, lib. 10 c. 1. *Omne vitium naturæ nocet, ac per hoc contra naturam est.* Et eodem lib. c. 7. *Vitia nocent naturæ adimendo integritatem, pulchritudinem, salutem, viritatem, & quicquid boni naturæ per vitium detrahatur, sive minui consuevit.* Et lib. 11. c. 17 ejusdem. *Non enim vitium esset recedere à Deo, nisi naturæ, cujus id vitium est, potius competeret esse cum Deo.* Et lib. 12. c. 1. *Cujus recte & temperatur vitium, ejus natura laudatur.* Nam recta vitii vituperatio est, quod illo aetione statur natura laudabilis. Porro, ex Bellarmini placitis vitium hoc non tam sanatum fuisse dici debet; originalis justitiæ infusione, quam cohibitum, & refrenatum, cum in principis naturæ humanæ actu primo delituerit, licet effectus suos non exercuerit, prohibente freno originalis justitiæ. Ac proinde non tam cepit esse ex lapsu, quam sese exercere per actus secundos, quemadmodum ferocia equi non primum exiltere incipit, cum laxatur frenum, sed se exercere Ad argumentum autem quod affert Bellarm. ex præcedentibus verbis Augustini. *Quid ergo Adam non habuit: Dei gratiam? Imò verò habuit magnam, sed disparcem.* Per gratiam intelligit Augustinus adjutorium gratiæ, de quo agit infra, c. 11. ubi ait, *Tale quippe erat adjutorium, quod desideres, cum velles, & in quo permaneret, si velles.* Hac est prima gratia, quæ data est primo Adam, prima est enim, quæ fit, ut habeat homo justitiam, si velit: Secunda ergo plus potest, quæ fit etiam, ut velit. Et paulo post: *Tunc ergo dederat homini Deus bonam voluntatem, in illa quippe eam fecerat, qui fecerat rectum: dederat adjutorium, sine quo in ea non posset permanere, si vellet; ut autem vellet, in ejus libero reliquit arbitrio.* Et postea: *Nam, ut reciperet Adam bonum, gratia non egibat, quia nondum perdiderat: ut autem in eo permaneret, egibat adjutorio gratia, sine quo id omnino non potest.* Hic aperte distinguit Augustinus, inter gratiam, seu adjutorium gratiæ, & bonum, quod Adam receperat, in quo creatus, & conditus erat à Deo, quod non aliud erat, quam bonum naturæ, quod in prima naturæ suæ institutione à Deo acceperat. Aliud ergo Augustino, loco citato, Gratia, aliud bonum, quod bonitate sui conditoris acceperat, quod non erat aliud, quam bonum naturæ, puta quod Deus dicitur, fecisse omnia bona. Adjutorium verò, illud auxilium gratiæ speciale, quo bene uti hac originali justitiâ, seu bono naturæ potuisset.

Sed pergit Bellarm. *Fac, Augustinum dixisse, Ille erat in bonis naturæ, nos sumus in malis naturæ; quid inde colliges, nisi Adamum habuisse naturam per donum supernaturale sanctam ab eo morbo, qui ex conditione materia nasci poterit; nos habere naturam, dono illo privatam, ac per hoc naturæ agriiudini obnoxiam, atque subiectam?*

Resp.

Resp. Nihil dici posse divinæ bonitati magis derogatorium, quàm dicere Adamum habuisse naturam quæ ex conditione materiæ, ex quâ conflatur, naturaliter morbida esset, & per donum merè supernaturale, & indebitum, ab isto morbo sanata esset. Quamvis revera, juxta hoc dogma Jesuitarum, natura non tam dicenda est sanata per supernaturalem gratiam, quàm repressa, & coercita, quò minus morbos, seu vulnera ab eâ naturaliter prodeuntia probat. Sic enim homo non diceretur habere pura, & sana naturalia, sed ægra, sed corrupta, sed vulnerata naturalia. Porro, si Adamus habuit naturam, per supernaturale donum sanatam ab eo morbo, qui ex conditione materiæ nasci potuerat; tum Christus D. qui Adami naturam suscepit integram, imò & omnes defectus Adami naturales, etiam ex lapsu, ex naturæ suæ principis dimanantes habuit, & quicquid ex puris naturalibus dimanare dignoscitur. Ille Christus D. (inquam) habiturus etiam esset ex conditione materiæ omnia illa vitia ignorantie, malitiæ, concupiscentiæ, & difficultatis, quæ ex conditione materiæ ex Adami lapsu sese prodiderunt; alioquin non eandem naturam nobiscum, si conditionem materiæ spectemus, suscepisse dicendus est; sed planè aliam, & diversam, quoad materiæ conditionem, (i.) quoad humanæ naturæ, substantiam haberet, cuius materia est essentialis pars. Quomodo ergò per omnia fratribus suis similis factus est, excepto peccato? aut quomodo nobis *opprobrios*, & ejuldem substantiæ? Porro Christo D. nimis injuriosum esset, si in eo fingamus illa pura naturalia, quæ fingit Jesuita in Adamo; aut in eo fingamus tale supernaturale donum, quo rebellio, & rixa in membris delitescens fuerit coercita, atque repressa. Quæ tamen omnia necesse est, ut Bellarminus agnoscat, si non statuamus, Pura naturalia fuisse in primo homine, secluso omni dono gratuito, saniora, quam in homine lapso.

Præterea, natura, quæ proprie sanatur, recipit sanitatem, naturali sanitati prorsus homogeneam, quâ ipsa ægritudo, quæ curatur penitus tollitur; atque adeo, si purorum naturalium vitia, quæ dicuntur, seu vulnera per originalem justitiam sanentur, & perfecte curentur, tum adventante originali justitiâ, natura Adami ita perfecte sanatur, ut omnis defectus & ægritudo animæ penitus faciat è medio, & in rerum naturâ non amplius existat. Nam, ut ait Augustinus, cap. 11. Enchirid. ad Laurentium. *Néque id agitur, cum adhibetur curatio, ut mala illa, quæ inveniunt, (i.) morbi, & vulnera recedunt his, ut alibi existant; sed utique, ut non sint.* Non enim ulla substantia, sed carnalis substantia vitium est vulnus, aut morbus, cum caro sit ipsa substantia, profectò, aliquid bonum est, cui accidunt, ista mala, (i.) privationes ejus boni, quod dicitur sanitas; ita etiam & animorum (inquit) quacunque sunt vitia, naturalium sunt privationes bonorum. *Quæ cum sanantur non aliquid transferuntur, sed ea quæ ibi erant, nusquam erunt, quando in illa sanitate non erunt.* Si ergò Deus hæc vitia, & vulnera animæ, quæ appellantur ex conditione materiæ pullulantia, ut vult Bellarminus, sanet, indendo originalem justitiam: Et, si sanitas ipsa quoad modum, quo confertur, supernaturalis dicatur, eò quòd modus sanandi supernatura is fuerit tamen sanitas ipsa collata ad quam actus sanandi terminatur, erit, & dicenda est naturalis, quippe quæ vitium præternaturale, seu, ut vult Augustinus, contra naturam tollat. Quomodo, ubi in Evangelio legimus, verbo servatoris sanitatem feblicitanti, aut paralytico, aut visum Bartimæo restitutum, sanitas illa meritò dicenda erat naturalis, cum morbum præter naturam introductum removebat. Ac proinde, etiam si ponamus per originalem justitiam naturam nostram sanatam esse, ut vult Bellarm. tamen illa sanitas dicenda est naturalis, quatenus debita est ad naturæ integritatem, & summovenda ea vitia præternaturalia quæ alioqui ab animâ, & corpore hominis fictitii in puris naturalibus conditi (ut loquuntur) dimanarent; ac proinde hujus originalis justitiæ, seu sanitatis cujusdam carentia ex lapsu non erit doni merè supernaturalis, & gratuiti carentia, sed qualitatis naturalis.

Quemadmodum si ponamus, Bartimæum post recuperatum visum Christi servatoris beneficio Mar. 10. iterum vel morbo, vel extremâ senectute contraxisse cecitatem, illa cecitas erat carentia qualitatis naturalis, sc. visus, non supernaturalis alicujus qualitatis, nisi duntaxat quoad modum acquirendi, quatenus modo supernaturali acquiritur. Non ergò originalis justitia dicenda est res merè supernaturalis, naturali

hominis integritati, aut integris naturalibus superaddita, sicut donum prophetiæ, grãtia sanctorum, donum miraculorum, & alia multa, quibus sine ullo malo caremus, ut contendit Bellarminus; sed revera res debita humanæ naturæ, & quæ sic inest, ut ad naturalem ejus integritatem pertineat, ut ejus absentia sit homini malum, sive ex humanæ naturæ principiis, tanquam efficientibus, orisatur, sive aliunde accidat, sicut liquidò patet de visu, auditu, sanitate corporis, aliisque qualitatibus ad hominis integritatem necessariis, quas quibusdam natura non contulit, sed Christi gratia reparavit. Has enim nemo supernaturales vocat, aut naturales esse negat, sed earum duntaxat generationes. Quapropter sive ex naturæ principis, tanquam efficientibus causis, orta fuerit originalis justitia, sive à Deo illi immediatè collata fuerit (sicut plerique de animâ rationali tradunt, quam tamen nemo supernaturalem esse arbitrat, cum sit altera, & potior pars totius compositi) adhuc tamen illi naturalis fuit, quia sic ad ejus integritatem pertinebat, ut sine eâ non possit bene esse, aut malo, miseriamque carere, sicut de Angelicâ naturâ docet August. in 3 ratione, quam supra protulimus.

Pergit Bellarm. Quod ibidem addit Augustin. *Adamum non eguisse adjutorio contra rixam carnis, nihil est mirum. Cum in eo originalis justitia sustulerit rixam carnis; Neque enim scribit Augustinus (inquit,) Adamum in puris naturalibus, seclusâ originali justitiâ, non opus habuisse adjutorio contra rixam carnis — sed non opus habuisse illo adjutorio, quod nos assidue imploramus, (cum dicimus, vidio aliam legem in membris meis rebellantem legi mentis: & infelix ego homo, quis me liberabit de corpore mortis hujus?) i.e. illo potentiori adjutorio gratiæ, quo re ipsâ vellemus.*

Resp. Revera Augustinus non scribit, Adamum in puris naturalibus, seclusâ originali justitiâ, opus non habuisse adjutorio contra rixam carnis; siquidem de illo statu purorum naturalium, quem fingit Bellarm. nunquam vel per somnium cogitavit Augustinus. Cum autem dicit Augustinus, Adamum in illis bonis, quæ bonitate sui conditoris acceperat, in quibus nullum prorsus malum patiebatur, non opus habuisse illo adjutorio, quod nos assidue imploramus, cum dicimus, Vidio aliam legem in membris meis rebellantem legi mentis, &c. Non dicit Augustinus ideo, nullum prorsus malum passum fuisse, quod munere originalis justitiæ, ut munere merè supernaturali, & gratuito ornatus esset, ut vult Bellarminus; ac proinde non opus habuisse illo potentiori adjutorio, quod nos assidue imploramus; sed ideo nullum prorsus malum passum fuisse, quod bonum istud, quod beneficio conditoris acceperat, erat bonum naturæ, bonum naturæ suæ debitum, quo carere, absque malo, & miseriam suâ non potuit, ut supra evicimus ex cap. 10. præcedente, & hoc ipso c. 11. Et tamen licet Adamus hoc bonum naturæ habuerit, tamen adjutorium ulterius speciale gratiæ divinæ habuit, quo bene uti potuisset hoc bono naturæ, si voluisset; licet non illud potentius adjutorium, quo nos post lapsum donamur Christi beneficio, non habuerit: quo non tantum possumus operari justitiam, si volumus; sed re ipsâ operemur, & operari volumus. Quare, cum Bellarm. dicit, *Proinde latiore gratiâ donatum fuisse Adamum, nos potentiores; quia gratia in illo non tantum mentem subiciebat Deo: Sed etiam carnem spiritui, in nobis verò, relictâ pugna carnis cum spiritu, gratia Dei tanto ardore mentem subiecit Deo, ut appetitum inferiorem contraria concupiscentiam, appetitum superiore vincam?* Non uno modo fallit. Siquidem per latiorē gratiam, quæ donatus fuit Adam, mentem subiectam fuisse Deo, & carnem spiritui vult; cum tamen in Adamo tum mens Deo, tum caro spiritui subiciebantur, non gratiâ aliquâ (i) gratuito ullo dono, quod merè supernaturale erat; siquidem utraq; subiectio facta est vi originalis justitiæ, naturæ nostræ eponcreatæ, quæ naturæ nostræ debita erat, & ita debita, ut sine eâ carere malo non potuimus.

2. Certum est, per *Latiorē gratiam* intelligere Augustinum, non originalem justitiam, sed adjutorium gratiæ, seu auxilium spiritûs, quod Adamus bene uti potuisset originali justitiâ ad bene operandum, si voluisset; & per adjutorium potentius, quod homini lapso tribuitur, intelligere illam efficacem gratiam, quæ per Christum datur, quæ certo bene utimur gratiâ habituali, & re ipsâ uti volumus quod Adamo non est datum.

Hæc tria sc. accurate distinguenda sunt hoc loco.

- 1 Bonum naturæ sc. originalis iustitiæ.
- 2 Adjutorium gratiæ, quo potuimus bene uti bono naturæ.
- 3 Adjutorium potentius, quo reipsa volumus bene uti bono naturæ.

1. Bonum naturæ Augustino est bonum originalis iustitiæ, quod naturæ debitum est, & absque quo natura malo non caret.

2. Adjutorium gratiæ, quo uti bene potuisset bono naturæ, si voluisset, quod latior gratiam appellat Augustinus, & adjutorium, sine quo aliquid non fit, & adjutorium dans posse, si volumus.

3. Adjutorium potentius gratiæ, quod datur homini per Christum, quo reipsa bene uti volumus bono naturæ; quod appellat Augustinus adjutorium, quo aliquid fit, & adjutorium dans velle, quod possumus.

Hoc ultimum non est collatum homini integro, sed duo priora duntaxat.

Arg. 9. Non ratio, in parvulis, quam primum adolescunt, maxima vanæ cupiditatis abundantia apparet, suæque sponte immuni impetu in vitia vel omnia, vel plurima præcipientes feruntur; de quâ re lege Augustinum l. 22. de civit. Dei c. 22. Nam si homo in puris naturalibus in lucem editus fuisset, auda enim in illo fuisset possibilitas peccandi, non præceps aliqua inclinatio. Est argumentum Stapletoni l. 2. de iustific. c. 7.

Resp. Bellarm. Probanda erit assumptio argumenti, Gratis enim assumitur, non talem fuisse futurum hominem in puris naturalibus conditum, ut in eo, præter peccandi possibilitatem, esset etiam præceps in vitia inclinatio, qualis in nobis cernitur post lapsum Adæ. Quin potius aperuissima ratio docet, talem omnino fuisse futurum hominem in puris naturalibus, ut in eo esset præceps illa in vitia inclinatio. Tum, quia objecta sensuum propinqua sunt, & præsentia; objecta autem spiritus, quodammodo absentia, ac longe remota: Tum, quia toto infantix, & pueritiæ tempore vix ullum habemus rationis usum ob naturalem organorum indispositionem. Sensus autem, & appetitus inferior quovis tempore vigent: Tum denique, quia, nisi ex materiæ conditione illa inclinatio ad vitia oritur, nulla ejus causa demonstrari potest.

Resp. Notanda hic merito occurrit Bellarmini tantum non effrons impudentia, qui non veretur verbis conceptis minorem Stapletoni negare, ubi ait, Non talem fuisse futurum hominem in puris naturalibus conditum, ut in eo, præter peccandi possibilitatem, esset etiam præceps in vitia inclinatio, qualis in nobis cernitur post lapsum Adæ, & addit: quin potius aperuissima ratio docet, talem omnino futurum hominem in puris naturalibus conditum, ut in eo esset præceps illa in vitia inclinatio. Hujus etiam assertionis triplicem rationem assignat.

1. Quia objecta sensuum propinqua, & præsentia sunt; objecta autem spiritus quodammodo absentia, & longe remota.

2. Quia toto infantix, & pueritiæ tempore vix ullum habemus rationis usum, ob naturalem organorum indispositionem; sensus autem, & appetitus quovis tempore vigent.

3. Quia, nisi ex materiæ conditione illa inclinatio ad vitia oritur, nulla ejus causa demonstrari potest.

Sed infana est hæc opinio, idcirco; non nullis rationibus accurate refellenda.

1. Si enim hæc præceps inclinatio ad peccatum ex puris naturalibus fuisset: ex ipsius naturæ humana principii oriretur naturaliter impedimentum, quod impediret hominem ab illo officio præstando, ad quod lege naturali tenetur, atque adeo deterior multo fuisset naturalis conditio hominis, quam cujuscunque creaturæ. Quotæquæque enim creatura est, quæ non promptè, indefinenter, expeditè ea facere potest, ad quæ naturali impetu, & instinctu fertur? Gravis possit, & solent naturaliter ad inferiorem locum tendere, & etiam si millies motu violento in aerem projiciantur, naturali tamen impetu ad locum inferiorem, idque rectissimâ, & brevissimâ

mâ lineâ redeunt. Animalium brutorum unumquodque, in suo genere generat sibi simile, & sibi assignata munera ex naturæ viribus promptè, & absq; difficultate expedire potest. Aranea potest telam texere, hirundo niducare, pisces natâre, aves volitare, omnes denique creaturæ ex viribus naturalibus in creatione ingenitis possunt officia Propria expedire exequi. Quidni homo ergo, quicquid lex naturalis dicat homini faciendum, vel in honorem Dei, vel in dilectionem proximi, id totum naturæ viribus non tantum facere, sed promptè, expeditè, constanter facere potest, quod aliis quibuscunque creaturis concessum est? Non ergo ex principiis naturæ, & puris naturalibus, dicendum est, fluere præcipientem illam ad omnimoda mala inclinationem, quâ majus impedimentum dari nequit, quo ab officio fugiendo retardaretur. Si natura tam provida mater adeo sollicita fuerit de reliquis creaturis, quas omnes in usum hominis finxit, & fabricavit, num existimemus, unam hominis naturam ab eâ spretam, contemptam, neglectam? num sentiemus cum Jesuitis unicum hominem non potuisse, sibi assignatum munus exequi, nisi gratuito quodam dono naturæ superaddito: vel, num existimabimus ab humanæ naturæ principiis ea naturaliter nascitura, quæ hominem retardarent, quod minus officia illa, quæ naturalis lex facienda dicat, perageret, Ignorantiam agendorum, malitiam, concupiscentiam, infirmitatem, imò præcipientem inclinationem, quâ ad objecta lege naturali prohibita toto impetu incitaretur? quæ est insana sententia Bellarmini, quæ proculdubio vel in platoniorum Academiâ, vel in peripateticorum Lyceô digna esset, quæ libellis excipere-tur; à Theologorum scholis digna, quæ planè explodatur.

2. Præceptum hæc inclinatio ad malum, per se mala est (non ut mors, morbi, deformitas, ceterique defectus naturales, qui per se mali non sunt,) utpote quæ suaspe naturâ incitat sollicitat, impellit ad peccandum, cujus proprii motus sunt desideria prava, uti docet apostolus *Rom. 6. 7.* Unde & ab Apostolo peccatum vocatur sæpius, & est veri nominis peccatum, utpote quæ formaliter pugnat cum lege naturali, & lege primæ institutionis: nullum autem veri nominis peccatum, ex principiis naturæ oriri possit, ne Deus statuatur author peccati, qui principiorum author fuit.

3. Posito, non concessio, Deum potuisse creare hominem cum hac præcipiti ad omnimoda mala inclinatione, non tamen homo in puris, & sanis naturalibus talis esset. potest Deus hominem claudum, varum, surdum, cæcum, paralyticum, epilepticum creare; non tamen quicquam horum competere potest homini in puris naturalibus condito: quare nec præceptum hæc ad omnimoda mala inclinatio, quis enim purum, & sanum in naturalibus diceret tum, in quo inest effrænis hæc ad omnia mala inclinatio.

4. Christus D. potuit assumere pura hominis naturalia, imò de facto assumpsit pura hominis naturalia, (alioqui nobis non esset *quis unus*;) At nec assumpsit, nec assumere potuit hanc effrænem, & præcipientem pronitatem, & inclinationem ad peccandum. Hinc enim consequens esset, eum peccare potuisse; quia propensa inclinatio ad peccandum, supponit posse peccare.

5. Si homo Bellarmini fictitius in puris naturalibus conditus fuisset cum hac præcipiti inclinatione ad omnimoda mala, etiam cum præcipiti, & turpi inclinatione ad turpem, & inordinatam libidinem; Ergo in illo statu recta ratio suassisset perpetuam continentiam, dissuassisset autem nuptias, imò & nuptiæ excusatione indigerent, prout nunc post peccatum indigent. Igitur in statu purè naturali recta ratio dictaret, nuptias non esse inmundas, & dehortaretur ab opere maxime naturali, & ad illud inclinaret, & incitaret, quod est propagationi naturali, contrarium. Atque ita recta ratio cum naturâ, ejusque conservatione, nullo adhuc interveniente naturæ vitio, ex peccato, quodammodo pugnássent, quod non nisi valde absurdum videri potest. Porro hinc etiam consequens esset, matrimonium ex primâ naturæ institutione, seclusâ naturalium consideratione, non tantum esset propter filiorum generationem, sed in remedium incontinentiæ: Quem tamen matrimonii finem Theologi agnoscere non solent, nisi ex occasione peccati.

6. Si homo iste fictitius Jesuitarum in puris naturalibus conditus, haberet hanc præcipientem ad malum omne pronitatem à principiis naturæ pullulantem, consequens esset, neminem in puris naturalibus conditum ordinariè ad salutem pervenire, aut gehen-

unam evitare potuisse: sed omnes, saltem adulti, æternæ damnationi addicerentur.

Nemo enim, in quo præceps, & effrænis illa inclinatio inesset, absque dono supernaturali, diu in innocentia permanere potest, & omne peccatum evitare. Dices forsitan: Deum ita ordinasse, ut ejusmodi homo in puris naturalibus conditus, ad beatitudinem non perducendus esset absq; dono aliquo supernaturali, quomodo anima in statu separationis naturaliter appetit statum conjunctionis, quod tamen absque auxilio supernaturali consequi nequeat in corporis supernaturali suscitatione.

Resp. At juxta hocce remissio peccatorum, donum purè supernaturale, æquè debita esset homini in puris naturalibus condito, ac corporis resurrectio, ne viz cogamur dicere totum genus humanum conditum esse ad æternam damnationem, quomodo nisi resurrectio corporum ibi ponatur, illa sequetur absurditas, animas in statu separationis (qui per mortem naturalem necessario futurus erat) perpetuò in illo statu permanfuras.

Dices adhuc: Deum potuisse hominem per naturalia media absq; omni supernaturali auxilio, ad finem naturalem, qui est ratiocinando inquirere veritatem, perducere, nec altius eam evehere. Quod declarat Bellarm. c. 7. de grat. prim. hom. in fine.) Exemplo vespertilionis, qui naturalem habet capacitatem, & appetitum videndi solem, & tamen credibile, nunquam futurum, ut is videat solem, sed lumen tantum debile, & obscurum, quod est objectum oculorum ejus non tantum naturale, sed etiam proportionatum.

Resp. Primò, Certum est, æternam beatitudinem finem esse hominis naturalem, docente Thom: 1. p. q. 12. art. 1. quemadmodum postea fufius demonstrabo. Non ergò ratiocinando inquirere veritatem, est finis adæquatus naturalis hominis.

2. Neminem unquam vi purorum naturalium, qualia illi intelligunt, potuisse indagare, & assequi omnium rerum necessariam veritatem, quamdiu habent præcipitem ad omnia peccata propensionem, quam cum ignorantia summâ agendorum conjunctam esse necesse est, ut fateantur; cum præceps propensio ad omnia vitia includat etiam propensionem ad ignorantiam summam agendorum, quam in vitiis, iisq; summis connumerandum esse, omnes norunt.

3. Posito non concessio, hominem potuisse vi purorum naturalium omnem necessariam, ratiocinando inquirere veritatem; istis tamen necessariis veritatibus repertis, finem non adipiscitur homo, quo appetitus ejus expletur, & in quo conquiescit animus, aut conquiescere potest, donec Deo ipso fruatur; juxta illud Augustini. Fecisti nos, domine, ad te, & irrequietum est cor nostrum, donec revertatur ad te.

Ad illud vespertilionis; Alia ratio vespertilionis, alia hominis in puris naturalibus conditi. Nam vespertilionem habere naturalem appetitum videndi solem, asseruit Bellarm: non probat, neq; enim credibile est habere, quomodo nec talpa habet, cum neutri horum carere lumine solis, aut malum sit, aut miserum; at homini, etiam in puris naturalibus condito, malum esset carere semper, & nunquam habere, quod undiquaq; expleat appetitum naturalem, aut frui eo, ad quod naturali desiderio fertur, qualis est summi boni, boni sc. infiniti adeptio & fructio. Neq; hæc responsio solvit argumentum de æternâ omnium damnatione, in quam post adeptum huc finem naturalem, prolapsi fuissent præcudub i, ex viciosa hac præcipiti inclinatione ad omnimoda peccata; cum homo naturaliter non habeat (ex Bellarmini suppositione) inclinationem æquè propensam ad bonum.

Ad rationes Bellarmini respondeo: ad primam, licet objecta sensuum propinqua, & præsentia fuerint, objecta autem spiritus pro ætate infantili quodammodo absentia, & longè remota; tamen hinc non sequitur, effrænem, & præcipitem inclinationem ad omnimoda mala, ex puris naturalibus oriri; sed tantummodo ad ea mala, ad quæ appetitus sensitivus inclinatur, cum sensibus objiciuntur. Sed multa sunt vitia, ad quæ præcipitem inclinationem ab ipso ortu habemus post lapsum, quorum objecta non sensus, sed spiritus ministrat; in quibus sunt hæreses, veneficia, inimicitie, contentiones, homicidia, infidelitas, quæ solent peccata spiritualia appellari. 2. Ista præceps inclinatio ad ista, & id genus mala reperitur in ipsis dæmonibus, in quibus nullus in est sensitivus appetitus; Non ergò inclinatio ad omnimoda mala restringenda est

ad

ad appetitum sensitivum, & ejus inclinationem ad ea, quæ sunt contra ordinem rationis.

Ad 2. Licet toto infantia, & pueritia tempore vix ullum habemus rationis usum, ob naturalem organorum indispositionem; sensus autem & appetitus quovis tempore vigeant: tamen inde non conficitur, ipsam præcipientem inclinationem non inesse voluntati, & parti superiori animæ; etsi non sese prodar, ut illa inclinatio, quæ est in appetitu sensitivo; quomodo in sobole viperina inest qualitas venenata, & in leunculo, leonum rabies in actu primo, licet non sese exerat, nisi accedente ætate.

Ad 3. dicimus, illam inclinationem ad omnimoda vitia ab Adami peccato, ut causâ meritoria; à Deo, ut causâ deficiente, seu destituyente, & in pænam peccati aufe-
rente illum gratuitum favorem, & splendorem S. sancti extrinsecus eum collustran-
tem, & non conservante illam naturalem, & debitam justitiam primævam, quam homini contulerat, quæ omnes animæ facultates in ordinem coegit, quin hominem justè eâ privante, unde sequebatur luxatio singularum facultatum, & à debitâ subordinati-
one recessus, & resilitio, & inordinata pronitas ad indebita objecta in singulis facul-
tatibus, quæ antea rationis imperio naturaliter subiciebantur, eo modo, quò, subla-
tâ sanitate, & debitâ proportionem humorum, sequitur morbus, & sublatâ pulchritudi-
ne, sequitur deformitas, quæ sunt naturalium privationes donorum, non autem super-
naturalium, aut indebitarum qualitatum ablationes. Quod si non, nisi à conditione
materiæ, illam effrænem ad omnia vitia inclinationem, originem habere potuisset cum
Bellarmino sentiamus.

1. Necessariò statuendum est ex conditione materiæ, seu, ut Bellarminus habet, ex statu purorum naturalium oriri totam illam rebellionem, quæ in superiore animæ parte, in mente, & voluntate, sedem habet, & totam illam pronitatem, quâ voluntas in statu lapsi fertur ad ea, quæ legi Dei adversantur, non minùs, quàm illa rebellio, quæ est in appetitu sensitivo, quâ fertur ad objecta contra ordinem rationis; siquidem hæc Præceptis inclinatio ad peccatum non minor ceratur in appetitu superiore, quàm in inferiore nec minùs sese exerit in objectis spiritualibus, quàm in carnalibus; unde non minor propensitas in homine post lapsum ad peccata spiritualia, quæ dicantur, quàm ad carnalia.

2. Hoc posito, in Christo D. in quo inerant pura naturalia, necessariò sequeretur in actu primo futuram hanc rebellionem, licet quoad actum secundum ratione origi-
nalis justitiæ congenitæ coercitam, & refrænatam. Quanto magis existimandum est, Bellarminum derogare tum omnipotentia, tum etiam sapientia Dei, qui credat necesse est, Deum tam imperitum, aut infimum opificem fuisse, qui non posset corpus creare ex sensibili materiâ, quin suâ inclinatione trahat inferiores animæ potentias in apertam rebellionem contra superiores; quod omninò indignum est, ut de Deo sentiamus. Hæc de nonâ ratione.

Arg. 10. Si talis sensualitatis impetus, saltem secundum quid, & ratione materiæ, contra hominis naturam in primo homine fuisset, tunc sanè ante peccatum, corruptam naturam, & ad peccatum allicientem homo habuisset. Sed si hoc ponatur, difficillimum erit Deum excusare, ne sit author peccati, qui impetum tam rebellem, & iniquum, ideoque malum, & quidem peccatum, quia inobedientia quædam est contra dominatum mentis, (ut ait Augustini: lib. 5. cont. Julian: c. 3.) ipsi naturæ ante ullum hominis demeritum indidit. Sed contrâ clamat scriptura, quod Deus fecerat hominem rectum, (utiq; sine tali curvitate) ipse autem se immiscuerit infinitis questionibus, rixis viz. & pugnis carnalibus.

Resp. Bellarm. in hoc argumento non rectè confunditur status, in quo Adam re ipsa conditus fuit, cum eo, in quo conditus potuisset. Quod enim scriptura clamat, à Deo rectum hominem esse factum, ipsum autem se immiscuisse infinitis questionibus, verissimum, quia Deus hominem (ut sæpe jam diximus) condidit vestitum originali justitiâ, quæ pacem summam, ac latissimam, inter carnem, & spiritum, faciebat; ipse verò peccando justitiam illam amisit, atq; ita pugnam carnis, ac spiritus, sibi ipsi peperit. Sed, si Deus hominem in putis naturalibus condidisset, fecisset quidem rectum in eo sensu, quia nullum ei vitiosum habitum inievisset, sed obnoxium tamen re-
bellioni carnis ad spiritum.

Resp.

Resp. Cùm Scriptura ait, à Deo hominem rectum factum, agit de rectitudine humanæ naturæ debitæ, seu naturali, non de rectitudine indebitæ humanæ naturæ, & merè supernaturali, quæ est Philosophia Jesuitarum. Rectitudo autem illa hominis in puris naturalibus, conditi, quam Bellarminus fingit, quæ in eo sita est, quod Deus nullum ei vitiosum habitum inieisset, & quæ consistere potest cum rebellionem carnis contra spiritum, rectitudo est fictitia, & commentitia: quæ enim & qualis erit, illa rectitudo, ubi tanta curvitas & pugna variarum propensionum in facultatibus animæ primariis, à principiis humanæ naturæ pullulantibus; ubi, si alicubi, debita facultatum animæ ad invicem subordinatio requiritur. Ille ergo status hominis in puris naturalibus conditi ejusq; rectitudo, prorsus sunt commentitia & priori Philosophiæ, de primi hominis creatione planè adversantia. Neq; enim concipi potest, quomodo Deus crearet hominem cum tali rebellionem carnis contra spiritum, & partis inferioris contra superiorem quin naturam peccatricem conderet.

At (inquit Bellarm.) Neq; propterea difficile est demonstrare, quemadmodum Deus non sit author peccati. Primum enim, rebellionem eam Deus non fecisset, etiamsi hominem in puris naturalibus condidisset; sed ea præter intentionem agentis ex conditione materiæ consequuta fuisset. Nam neq; faber ferrarius rectè dici potest author rubiginis, quam gladius ferreus contrahit, tamen si gladium ferreum ipse fecerit. Deinde, rebellio illa nec propriè peccatum est, (ut in libro de peccato originis demonstrabimus, ubi etiam locum Augustini in argumento adductum exponemus,) nec necessariò adductum inducit, ut S. Augustinus disputat, l. 3. de lib. arbit. Nam vel homini creato in puris naturalibus, Deus præberet auxilium, quo posset concupiscentiam coërcere, aut certè cupiditatibus ejus non consentire, vel non præberet; si præberet, non necessariò homo concupiscentiæ cederet; si non præberet, cederet quidem, sed non suâ culpâ cederet, proinde nec peccaret. Atq; hoc ipsum his verbis S. Augustinus scribit in lib. de correp. & grat. c. 11. Si autem hoc ad adjutorium vel angelo, vel hominini, cùm primum facti sunt, defuisset, quoniam non talis natura facta erat, ut sine divino adjutorio posset manere, si veller, non utiq; suâ culpâ cecidisset, adjutorium quippe defuisset, sine quo manere non posset.] Hæc Bellarm.

Resp. Nos contra dicimus, Si homo conditus fuisset cùm rebellionem carnis, adversus spiritum, fieri non posse, quin naturam peccatricem haberet. Cùm autem contendit Bellarm. rebellionem illam Deum non posse dici fecisse, etiamsi hominem in puris naturalibus condidisset, sed eam præter intentionem Dei ex conditione materiæ consecutum fuisse, multis modis vacillat. Nam, 1. falsum est, quicquid ex materiâ terrena, & sensibili creatur, & animâ rationali singulis facultatibus instructâ componitur, idem necessariò habiturû appetitum, sensitivum, qui effræni inclinatione suâ naturâ ex ipsius naturæ principiis ad ea feratur, quæ sunt contra dictamen rectæ rationis; quænam enim in terræ materiâ tanta dici potest inesse venenitas, ut præter omnipotentis Dei intentionem necessariò animam sibi conjunctam in vitia agat præcipitem? aut quænam in appetitu sensitivo homininis, qui fundatur in animâ rationali à Deo immediatè creatâ, tanta inesse potest vitiositas, quin Deus hujus vitiositatis author meritò dicendus esset? Deus enim æquè facultatum, atque ipsius essentiae animæ, author dicendus est.

2. Si Deus, naturæ conditor, velit naturas habentes varias, & quidem pugnantes propensiones, unire, quæ abique ejus voluntate non unirentur; quis non verè dixerit, illam pugnam & rebellionem à Deo volitam, & intentam fuisse, ac proinde à Deo conditore profectam? Quomodo & humanam naturam voluisse & intendisse satis constat auctorem naturæ juxta Bellarmin. quatenus voluit illam ex spiritu rationali & corpore animali constare.

3. Etsi multa præter intentionem secundariorum agentium proveniant, nihil tamen evenit præter intentionem authoris naturæ, ut primæ causæ, & primi agentis, quod naturale est, & ex naturæ principiis fluit, quæle est rebellio carnis adversus spiritum ex sensu adversariorum.

4. Supponit hic Bellarm. id, quod falsissimum est; Deum, viz. non potuisse condere hominem ex spiritu rationali, & corpore animali, & materiâ sensibili compositum,

Vide Druen de just. balisulis, c. 16. p. 281. Me: quer. An: theopol. D. 1. d. 29. 1. l. 41. &c.

positum, præter conditoris intentionem, homo ita constitutus haberet precipitem inclinationem ad sensibilia contra ordinem rationis. Hoc autem non parum tum de omnipotentia, tum bonitate divina detrahit; quasi Deus non potuisset indere appetitui sensitivo hominis talem inclinationem, quæ non ferretur ad objecta, nisi ex nutu & imperio rationis. Quamvis enim propendere, & ferri in ea, quæ sunt sensui delectabilia, sit bruto purè naturale. At in homine, qui secundum Philosophum, magis intellectus est, quàm sensus; & in quo omnia quantum fieri potest, ratione gubernanda sunt, naturale est sensualitati ferri in delectabilia secundum frænum rationis. Hinc Damascen. lib. 2. de Fide orthod. cap. 12. τὸ λογικὸν πρὸς τὰ αἰσθητὰ τὸ ἀλλοτρίον. Hinc Thom. 3. p. q. 15. art. 2. ad 2. Caro naturaliter concupiscit id, quod est sibi delectabile, concupiscentiæ appetitui sensitivi; sed caro hominis (qui est animal rationale) hoc concupiscit secundum modum, & ordinem rationis. Et 1. 2. q. 82. a. 3. ad 1. ait, Concupiscere est homini naturale, in quantum est secundum ordinem rationis; inesse autem homini contra naturam, in quantum transcendit limites rationis.

Augustinus nusquam ait, Concupiscentiam esse defectum merè naturalem, ex conditione materiæ ortum, & profectum; imò concupiscentiam simpliciter ex naturâ removet, & ubiq; malam appellat, non quomodo mortem, & alias puras peccatitates quas etiam Christus suscepit, malas dicimus, sed, quia pugnat cum lege Dei, & incitat ad peccandum, & tale est, de quo homines erubescunt. Unde 1. 2. de Nupt. & Concup. cap. 2. rectius accepit nomen mali, quàm boni, quod erubescunt & boni & mali; Quare nec concedi debet, Deum esse illius mali authorem. Hinc Apostolus Joannes dicit, Concupiscentiam non esse ex patre, sed ex mundo; postque eam in eodem ordine cum superbiâ vitæ; cum tamen Scriptura solet etiam naturales defectus, & mortem, ac cætera mala peccat in Deum authorem referre.

Ad similitudinem ferrei fabri, quam affert, respondeo, aliam longè rationem esse fabri, quàm Dei; Nam faber materiam ferream non ipse facit, sed factam invenit: at humanæ naturæ conditor, & opifex est Deus ipse sapientissimus, & potentissimus, qui materiam non aliunde accipit, sed ex nihilo creavit, qualem voluit. 3. Rubigo accedit gladio præter intentionem, & voluntatem fabri, partim ex aliquo defectu latente in ferro, partim ex causis extrinsecis, in quibus est humiditas aeris, aut aquæ. At rebellio, quæ oritur ex unionem pugnantium propensionum, non accidit præter intentionem unientis, si sciens, & volens hæc pugnantes naturas uniat.

2. Respondet Bellarm. rebellionem illam nec propriè peccatum esse, nec necessariò ad peccatum inducere.

1. Non esse peccatum ait se demonstraturum in libris de peccato originis, ubi etiam ait se locum Augustini expositurum, ubi ait concupiscentiam esse inobedientiam contra dominatum mentis (contr. Jul. l. 5. c. 3).

Resp. Nos supra variis rationibus in Scriptura fundatis demonstravimus, concupiscentiam esse veri nominis peccatum, argumentis etiam Bellarmini abundè responsum est à nostratibus; nominatim à reverendissimo Præsule Satisburiense (ex hac Cathedrâ) disp. de just. habit. sive inhæ. cap. 9.

Locus Augustini, cujus meminit argumentum, clarior est, quàm, ut illâ Jesuiticâ nubeculâ offuscari, aut obscurari possit. *Concupiscentia* (inquit) *carnis, adversus quam bonus concupiscit spiritus, & peccatum est, quia inest illi inobedientia contra dominatum mentis: & peccatum est, quia reddita est meritis inobedientis: & causa peccati est, defectione consentientis, vel contentione nascentis.* Ex hoc loco apertissime constat, juxta Augustinum, concupiscentiam non solum esse peccatum peccati, & causam peccati, sed & peccatum; id quod de peccato propriè dicto intelligi perspicuum est, ex ratione subjunctâ, quia est inobedientia contra dominatum mentis.

Resp. Bellarm. Concupiscentiam dici hic peccatum latâ acceptione, ut denotet rem malam, & vitiosam, qualia sunt non solum peccata mortuæ, quæ propriè peccata dicuntur, sed etiam peccata naturæ, ut cæcitas, surditas, vel quælibet monstru-
sitas

fitas naturalis, quales etiam sunt habitus mali, qui vitia dici solent, & ipsae passionibus immoderatae, quae in statu naturae integrae nullum locum in homine habuissent,

Resp. At contra: Augustinus ubicumque; contradistinguit peccatum, poenae peccati, vel causae peccati, agit de peccato proprie dicto; quomodo poena peccati est poena peccati proprie dicti: Non enim nisi peccatum proprie dictum vel meretur poenam, vel obligat ad poenam. Porro concupiscentia prava est causa peccati proprie dicti, quando illicit, & allicit ad consentum. Quare quando Augustinus ait, Concupiscentiam esse non solum poenam peccati, & causam peccati, quin & peccatum ipsum, intelligat necesse est peccatum proprii nominis. 2. Augustinus illo in loco confert concupiscentiam cum cecitate cordis. *Sicut cecitas cordis, (inquit) quam solum removeret, illuminator Deus, & peccatum est, quo in Deo non creditur, & poena peccati, quam cor superbum dignam animadversione punitur, & causa peccati, cum mali aliquid cæci cordis errore committitur: ita concupiscentia carnis, adversus quam bonus concupiscit spiritus, & peccatum est, quia inest illi inobedientia contra dominatum mentis, & poena peccati est, quia reddita est meritis inobedientis, & causa peccati defensione consentientis, vel contagione nascentis.*

Ex hac collatione luce clarius est, Augustinum agere de peccato proprie dicto; nam cecitas cordis, quam cum concupiscentia carnis, confert Augustinus, est peccatum proprie dictum, peccatum morum. Cecitas sc. cordis, quam in Deum non creditur; item cecitas cordis est poena peccati proprie dicti, superbiae, seu cordis superbi, & causa peccati proprie dicti, quatenus mali aliquid, cæci cordis errore committitur. Ex hisce constat, Augustinum non aliam, atque aliam notionem peccati vocem in hac collatione accipere, sed intellexisse ubique peccatum morum, peccatum sc. proprie dictum.

3. Augustinus toto hoc capite ostendit Deum solere peccatum unum punire alio proprie dicto peccato, quatenus in poenam peccati permittit hominem incidere in novum peccatum proprie dictum.

4. Idem evincitur ex ratione, quam subjungit Augustinus, ait enim concupiscentiam carnis ideo esse peccatum, quia est inobedientia contra dominatum mentis. Hæc enim inobedientia, quam rectæ rationi, seu rationis imperio non obeditur, in facultate, quæ mentis imperio debet esse morigera, est veri nominis peccatum. Etsi enim in bruto simpliciter naturale est ferri ad delectabilia, quæ sensui obijciuntur, secundum impetum; Homini tamen naturale est simpliciter ferri ad delectabilia, quæ sensibus obverfantur, non secundum impetum sed juxta imperium, & moderamen rationis.

5. Agit Augustinus de illa concupiscentia carnis, adversus quam bonus concupiscit spiritus; de qua Apostolus Gal. 5. 17. illa autem concupiscentia carnis, adversus quam bonus concupiscit spiritus, est talis concupiscentia, quæ formalem habet pugnantiam cum concupiscentia spiritus boni; talis autem concupiscentia, necesse est, ut sit veri nominis peccatum; cum concupiscentia boni spiritus sit concupiscentia moraliter bona, & quæ cadit sub præcepto, ac proinde concupiscentia carnis, quæ ei moraliter adversatur, erit concupiscentia prohibita, & moraliter mala. Et quomodo legis obedientia est, quod spiritus concupiscit adversus carnem; sic legis Dei inobedientia est, quod caro concupiscit adversus spiritum. Hinc idem Augustinus ex Ambrosio lib. de Isaac, & enim docet, iniquum esse, ut caro concupiscat adversus spiritum, l. 2. cont. Jul. c. 5. pag. 316. Sicut iustum est, ut spiritus concupiscat adversus carnem. Ex hisce satis constat Augustinum hoc in loco agere de peccato proprie dicto, ac proinde ipsam concupiscentiam carnis esse peccatum proprie dictum.

Sed ut illud, quod addit Bellarm. non minus falsum est, habitus malos qui vitia dici solent, & ipsas passionibus inordinatas non esse peccata, nisi lata acceptione, nec proprie peccata dicenda esse. Nam, quod ad habitus malos spectat, certum est, legem divinam, cum sit spiritualis, dicente Apostolo, & norma justitiæ perfectissimæ, conformitatem absolutam non solummodo actuum voluntatis, sed & dispositionis & inclinationis voluntatis exigat.

Néque enim solus intellectus dirigendo, aut affectus impellendo actionum nostrarum fontes sunt, & principia; sed imprimis voluntas, quæ libera, quæ actionum humanarum domina est, & gubernatrix, idque ratione insitæ inclinationis, siquidem inclinatio voluntatis est inclinatio totius suppositi, ut rectè Thom. de verit. q. q. disp. q. 22. art. 5. ad 3. Et habitus voluntati inhaerentes sunt causæ proximæ actionum bonarum, aut malarum; & ipsam potentiam voluntatis ornant, corroborant, & perficiunt, si boni fuerint; vel commaculant, & denigrant, si mali. Porro, licet homines propriè, & per se non de habitibus, sed tantum de actibus judicent; qui sensibus subjiciuntur: Deus tamen, qui omnia intuetur, habitus, qui per se desideria peccatorum producant, iisdem omnino legibus prohibet, & judicat, quibus ipsa peccatorum desideria, quia causa per se non est effectus suo melior. Et in effectum simul prohibetur, quicquid per se est illius effectus causa. Quin certum est, viciosos habitus, & dispositiones voluntatis, quales sunt philautia, invidia, superbia, etiam in dormientibus meritò vituperabiles esse, & odio dignas, licet in actus pravos non erumpant.

Ipsè August. de perfectione iustit. resp. 4. ait; *Avaritiam visum esse, (i.) qualitatem, secundum quam malus est animus, etiam quando nihil agit, unde avaritia, vel rapina serviat, etiam quando audit, non concupiscit, seque visuperat, & tamen avarus manet.*

Addo, Scripturam non tantum propter actus, sed & propter habitus pravos comminari exclusionem à regno cælorum, 1 Cor. 6. ubi dicitur, Néque avaros, néque ebrios, néque rapaces (quæ voces non tam actus, quam habitus denotant) regnum Dei possessuros aliquando. Rectè Estius 2. dist. 30. Sect. 7. & ante eum Mich. Beius de peccat. orig. c. 10. & 11. De passionibus inordinatis idem esto iudicium. Certum est enim passionibus immoderatas esse inordinatas, atque eâ ratione non solum peccata esse largâ acceptione; sed & propriâ notione, quatenus sunt reatus inductiva; sive hæc inordinatio sese prodat præveniendò rationem, cuius nutum sequi debeat; sive excedendo limites, quos ratio præscribit, nec sistendo, ratione imperante; sive etiam rationem, & iudicium abripiendo, & transferendo: Ejusmodi enim immoderate, & inordinate passionibus sunt veri nominis peccata, & reatus inductiva, ubi reperiuntur, (vid. Bonavent. 3. dist. 16. art. 2. q. 2.) passionibus ergo immoderate non solum peccata sunt largâ acceptione, qualia sunt cecitas, & sorditas, sed peccata propriè dicta reum facientia, atque hinc est, quod in statu naturæ integræ locum nullum in homine habuissent.

Addit Bellarm. Concupiscentiam nec peccatum esse, nec necessariò ad peccatum inducere, ut disputat Augustinus, lib. 3. de lib. arb. Nam vel homini. Vid. supra, pag. 69. P.M.

Resp. Rebellionem sensualitatis adversus rationem & proprii nominis peccatum esse, quatenus est inobedientia contra dominatum mentis in illâ facultate, quæ ex institutione humanæ naturæ debet subservire rationi ejusque; per omnia obsequi; ad peccatum etiam necessariò inducit, quatenus per se, & suâ naturâ incitat, & pellit ad malum morale, siquidem dicente Apostolo, *Caro concupiscit adversus spiritum.*

Hujus etiam rebellionis proprii motus sunt desideria prava, ut docet Apostolus, Rom. 6. 12. & 7. 5. Quod autem ad actuale peccatum sollicitat, incitat, provocat, per se, ad peccatum, sc. propriè dictum; quomodo non culpabiliter & vituperabiliter, est viciosum, & non necessariò inducit ad peccatum.

Object. At, inquit Bellarm. Augustinus lib. 3. de lib. arb. disputat, hanc rebellionem non necessariò ad peccatum inducere. Nam vel homini creato in puris naturalibus Deus praberet auxilium, quo posset concupiscentiam coercere aut certe cupiditatibus ejus non consentire; vel non praberet: si praberet, non necessariò homo concupiscentiæ cederet; si non praberet, cederet quidem, sed non suâ culpâ cederet, ac proinde non peccaret.

Resp. Augustinum loco citato, lib. 3. de lib. arb. c. 20. Non asserere hominem ab initio calem condi potuisse, qualis nunc nascitur, ut fingit Bellarminus: sed, quod, si talis conditus fuisset, dicatur (sicut postea dixerunt Pelagiani,) tamen vinci Manichæos, quos istis libris potissimum impugnât, qui voluerunt duas, boni sc. & mali coæternas,

coeternas esse naturas, do cente Augustino, *Retract. 1. c. 9.* Siquidem in tali homine concupiscentia juxta Augustinum *natura* esset, non *culpa*, non *pœna*, imò nec vitium, quod semper naturalium est ablatio donorum: sed naturæ donum nullo modo vituperabile, nulli justæ reprehensioni obnoxium. Cæterum in nobis, quia aliam à Deo sortiti sumus naturam primordiale, non potest, non esse vitium, quod sensitivus appetitus rectæ rationi non sese præbeat morigerum, aut caro concupiscat adversus spiritum; & quod aliquod corporis membrum citra voluntatis imperium suo jure ad opus sibi congruum concitetur, id quod homini ad imaginem Dei in justitiâ, & sanctitate condito, non solum justè impropertur, sed etiam ad æternam damnationem meritò imputatur, nisi reatus ejus propter Christum dimittatur. Hinc est, quod concupiscentia quæ brutorum natura est, hominis sit vitium, & crimen. Id, quod pariter dicendum est de Bellarminiani ficti hominis concupiscentiâ, cum quâ naturaliter creatus esse fingitur, sicut novimus creatas esse bestias, quod concupiscentia ejusmodi homini natura esset; nobis autem in originali justitiâ creatis & pœna est, & culpa.

Ad Dilemma igitur Bellarmini respondeo, hanc rebellionem hominem jam lapsum necessariò inducere ad peccatum; nèque jam necessarium est, ut Deus novum auxilium præbeat, ut non peccet, quippe qui auxilio illo originalis justitiæ, cum quo conditus est, demerito suo sese meritò privavit; ex quo factum est, ut homo sese jam in peccandi necessitatem conjecerit. Hinc August. de perfect. just. ratiocin. 9. *Per arbitrii libertatem factum est, ut esset homo cum peccato, sed jam pœnalis vitiositas subsecuta, ex libertate fecit necessitatem, unde ad Deum fides clamat, Ex necessitatibus meis educ me.* Et mox, *Quia peccavit voluntas, secuta est peccantem, peccatum habendi dura necessitas.* Et paulo inferius; *Ideo est culpa hominis, quod non est sine peccato, quia solâ hominis voluntate factum est, ut ad istam necessitatem veniret.* Ex hisce constat, juxta Augustinum, homines post lapsum sese conjecisse in necessitatem peccandi, ut non possit homo lapsus actum aliquem moraliter bonum elicere, quin ratione innata concupiscentiæ, omnis actus hominis non renati est depravatus, & vitiatus. Cum animalis homo non percipiat, quæ sunt Spiritus Dei, nec potest intelligere, quia spiritualiter dijudicantur, 1 Cor. 2. 14.

Ad locum de corrup. & grat. c. 11. respondeo; Verè, dicit Augustinus, Deum contulisse tum Angelo, tum homini in primâ creatione tale adjutorium, per quod potuerunt permanisse, si vellent. *Quod adjutorium, inquit, si vel Angelo, vel homini, quamprimum facti sunt, defuisset, quoniam non talis natura facta erat, ut sine Divino adjutorio posse permanere, si vellet, non utique suâ culpâ cecidissent; adjutorium quippe defuisset, sine quo permanere non possent.*

Hic docet Augustinus, hominem absque suâ culpâ casurum fuisse, si Deus non supeditasset illud adjutorium, quo potuisset permanere, si vellet; siquidem hoc casu naturale fuisset homini, ut caderet, ac proinde nullo modo culpabile. Sed hinc non sequitur, quod contendit Bellarm. Concupiscentiam jam non necessariò inducere hominem ad peccatum, aut jam necessarium esse, ut Deus novum auxilium præbeat homini, ut non peccet, quippe qui demerito suo tali adjutorio sese justè privavit; unde subjungit Augustinus ibid. [nunc quibus deest tale adjutorium, jam pœna peccati est.] Cum ergo carentia hujus adjutorii sit jam pœna peccati argumento esse potest debitum fuisse hoc adjutorium humanæ naturæ, atque ita debitum, ut absque hoc bene esse non potuit, maloque carere. Ac proinde non fuisse indebitam naturæ humanæ exaltationem, ut contendit Bellarminus: ex quibus efficitur, ex submotione pœnali hujus adjutorii, quod necessarium erat ad perseverandum in bono si vellent, subsecutam fuisse necessitatem peccandi, ut suprâ, ex Augustino observavimus. Nam & alibi Augustin. *Retr. 1. c. 15. Voluntas sine charitate tota est vitiosa cupiditas.* Et *Epist. 106. Sine gratiâ nos dicimus ad non peccandum nihil valere voluntatis arbitrium.*

Argum. 11. Contra accusatores naturæ solent patres peccati originis corruptelam nostro vitio investitam opponere; non ipsam naturam, ut faciunt Ethnici, novercam vocare. Sic Tullius, l. 3. de Repub. apud August. lib. 4. contra Julian. c. 12. ait, *Hominem, non ut à matre, sed ut à novercâ naturâ editum in vitam, corpore*

& nudo, & fragili, & infirmo; animo autem anxio ad molestias, humili ad timores, molli ad labores, prono ad libidines; in quo tamen inesset, tanquam obrutus quidam divinus ignis ingeni, & mentis. Hæc Augustinus, & Cicero, & subiungit, compellans Julianum; Quid ad hæc dicis? non hoc author iste male viventium moribus dixit effectum, sed naturam potius accusavit. Rem vidit, causam nescivit: Laiebat enim eam, cur esset grave iugum super filios Adam à die exitus de ventre matris eorum usque ad diem sepultura in matrem omnium, quia sacris literis, non eruditus, ignorabat peccatum originale. Hæc ibi. August. Ejusmodi querelis Philosophorum solent p. p. opponere non pura hominis naturalia, ac si omnes miseræ, quibus humana natura obnoxia est, profectæ sint ex principiis humanæ naturæ; sed peccati originis corruptelam; imò ex hisce probabile est, ex eo quod Philosophi ethnici naturam accusent, eamque nobis non matrem, sed novercam fuisse dicant, naturam humanam, qualis nunc est, non talem esse, qualis naturaliter esse debent.

Objicit Bellarm. Philosophos ethnicos contraria de naturâ nostrâ sensisse: Alii enim bonum in mirerrimum conditum describebant, in quibus Tullius, qui naturam homini novercam fuisse queritur; alii salicissimum. At Plato in 3 de re Pub. Et Galenum lib. de usu partium ait, passim celebrare authorem naturæ, ut qui cum hominum genere præclarissime egerit. Causam hujus dissensus assignat, quia nonnulli spectarunt in homine in puris naturalibus condito multa egregie bona, quæ in eo esse, ac mirifice elucere nemo inspicere potest: Alii mentis oculos converterunt ad eos defectus, qui ex conditione materia, præter intentionem agentis, in hominis naturâ existunt; & quantum equum esse censebant, ut natura author hos etiam defectus suo beneficio submoveret, ignorabant autem, quod nos ex divinis scripturis didicimus, defectus illos in primi hominis conditione sublato, ymrus in penam peccati ex conditione materia oriri permisos. Ideoque (ait) S. August. lib. 4. c. 12. adv. Juliani rectè scripsisse Philosophos, qui naturam Novercam appellabant, rem vidisse, causam ignorasse. Hæc Bellarm.

Resp. Agnosco, Galenum libris de usu partium, passim celebrare authorem naturæ, inspectâ, & diligenter observata structurâ, humani corporis præ corporibus cæterorum animalium. Agnosco, Platonem etiam justè hominem præ cæteris animalibus felicius appellare potuisse, ratione animæ rationalis, & libertatis arbitrii, & aliorum bonorum, quæ in homine etiam lapsa elucēt, quamvis & ipse alibi securus pythagoram (annotante Theodoretò,) scribat, animas, quæ in peccatum aliquod inciderint, supplicii causâ in corpora destinari, ideoque in Cratylo omnia datam scripserit quasi omnia, ac si animæ esset sepulchrum. Sed hoc etiam addendum est, omnes philosophos, solo lumine naturali imbutos, animadvertisse, tales de defectus in genere hominum inveniri, quales in aliis creaturis non occurrunt. Hinc Homerus hominem ἀνδρῶν, & δειπνῶν inbecilem, arumnosumque appellat, notante eodem Theodoretò. Theognis dicebat, Optimum non nasci, aut esse mori. Alia testimonia asserit Theodoretus ex Euripide, & Solone huc spectantia. Ipse Bellarm: agnoscit lib. 6. c. ult. de amiss. gr. & stat. peccat. plerosque veterum Ethnicorum humanæ vitæ miseras ita deflevisse, ut de naturâ, tanquam de novercâ querantur, vel per has miseras puniri peccata animarum in aliâ vitâ commissa suspicentur. De quibus rectè (inqui:) pronunciavit Augustinus, Rem vidisse, causam ignorasse. Quæ omnia ostendunt, ipsos Ethnicos etiam lumine naturali animadvertisse humani generis mirerrimam præ cæterum animalium sorte conditionem, quod argumentum esse potest, humanam naturam, qualis nunc est, non talem esse, qualis naturaliter esse deberet; id quod clariùs ex sacris literis didicimus, quæ docent, Deum hominem fecisse rectum, ad imaginem suam, in sanctitate, justitiâ, & cognitione, hancque fuisse naturalem ejus conditionem, non indebitam naturæ exaltationem. Cerrè ipsa ratio naturalis dicitur, sic Deum instituisse naturam cujusque creaturæ, ut ad finem suum naturalem per media naturalia pertingere posset, quemadmodum patet in brutis, & cæteris omnibus creaturis ab homine diversis. Quod & ex eo evincitur, quod medium non debet esse excellentius, & ordinis superioris, quàm finis, ad quem ordinatur. At homo creatus in puris naturalibus non potuisset per sola media naturalia pertingere ad finem naturalem, si rectitudo, in quâ conditus est, non fuisset ei naturalis; quia à fine suo naturali assequendo fuisset impeditus per intestinum hostem continuam,

continuum rebellionem virtutum inferiorum animae contra superiores. Ergo nemo jure inficiari potest, hanc rectitudinem fuisse homini naturalem. Alioqui sequeretur, hominem secundum naturam suam esse animal omnium miserrimum, & intencissimum, utpote quod solum per ea, quae à naturâ accepisset, non potuisset perungere ad finem suum, ad quem à naturâ institutus est. Atque hæc dicta sunt in vindicationem rationis.

Arg. 12. Quæ etiam Stapletoni est, sic habet: concupiscentiæ carnalis inordinatus motus maxime in genitalibus apparet; sed illorum ante peccatum nullus fuisse inordinatus motus, sed generationi servissent sine illo libidinis affectu, ut longâ disputatione contra Pelagianos demonstrat Augustinus libris contra Julianum 4. 5. 6. & de peccat. merit. & remis. l. 2. c. 23. & de civit. Dei l. 14. c. 17. Ergo nec ullus alius concupiscentiæ contra rationem impetus, in puris naturalibus locum habere potuit.

Resp. Bellarminus negando minorem. Nam S. Augustinus longâ disputatione contra pelagianos demonstrat quidem, non fuisse in primo homine, justitiâ originali prædito, nullum libidinis affectum de quâ re nulla apud nos disputatio est: Non tamen demonstrat, in puris naturalibus nullum futurum fuisse libidinis affectum, sed contrarium potius demonstrat, in tot locis à nobis supra citatis, quare conclusio supra deducta, nec à Augustino, nec veritati est consentanea.

Resp. Hoc Bellarmini assertum non solum à modestiâ, sed & à rectâ ratione merito videri posse abhorreere. Quis enim sanè sentire potest, inordinatum illum libidinis affectum qui in homine jam lapsus inest, futurum fuisse in homine in puris naturalibus condito? Quinvis enim libido carnalis bestiis sit naturalis, utpote ratione carentibus, ut hircis & miiis, & id genus lascivis animalibus; in homine tamen qui ratione pollet, etiam lapsus, per se turpis, & fæda est, propter oblectationem impetus carnis contra imperium mentis. Multo minus est in homine in puris naturalibus condito, siquidem pura naturalia nihil habent turpe, nihil fædum; ergo nemo sanus dixerit, libidinem illam inordinatam futuram fuisse in homine in puris naturalibus condito.

2. Porro in puris naturalibus nihil est pudendum, nihil erubescendum, quia tota natura est opus Dei Creatoris: Deo autem injuriam facit, qui de opere ejus erubescit. Nam, argumentante Augustino, contra Julianum l. 2. de volupt. & concup. c. 9. Qui dixisset, Prophetam (Mosen) prope periculum pudoris accessisse, ubi ait: propter hoc relinquet homo patrem, & matrem, & adhærebit uxori suæ, & erunt duo in carne una: Quid, inquit Augustinus, potuit Deus facere, quod ejus prædicatorem prophetam (Mosen), pudoris dicere? & quod est gravius, pudeat hominem alicujus operis, quod non homo, sed Deus facit in homine; cum omnes opifices quanto possim labore, & industria id agant, ne de suis operibus erubescant? sed profecto illud nos pudet, quod præditur pro mos illos homines, cum pudenda, texerunt. Ista est poena peccati, illa illecebra, fomesque peccati, illa lex in membris repugnans legi mentis, illa ex nobismet ipsis adversus nosmet ipsos inobedientia iustissimo reciprocatu inobedientibus reddita; hujus nos pudet, & merito pudet. Hæc Augustinus; ubi studiosè docet, de libidine, & rebellionem membrorum merito erubescere homines, utpote humano generi merito inflicta in penam inobedientiæ primorum parentum. Atque revera hinc est, quod ejusmodi membra studiosè tegere soleant homines exemplo primorum parentum; ut, qui id non fuerit, merito impudens, & impudicus apud omnes habeatur. Quis autem in homine in puris naturalibus condito, ejusmodi quid aut pudendum, aut erubescendum admittendum fere suspicari possit, quod à rectâ ratione tantopere abhorreat, qui Deum, hominis opificem, sanctissimum, & sapientissimum simul agnoscat?

3. Addo, Quæcumque Scriptura pronunciat de concupiscentiâ, eadem de hac libidine inordinatâ pariter pronunciarî possunt, cum libido hæc species sit concupiscentiæ; Cujusmodi est, quod Adversetur legi mentis, & legi Dei, quodque sit in nobis habitans peccatum, lex membrorum, & lex peccati, Rom. 7. Quod per eam caro concupiscat adversus spiritum, Gal. 5. Quod non sit ex Deo, sed ex mundo. 1 John 2. Quod ab eâ quisque teneatur abstractus, & illectus, quodque cum conceperit, peccatum pariat, 1 Jacob. 1. Quis sane mentis dixerit, talem libidinem excitaram fuisse

in homine, Deo opifice, in puris naturalibus condito? Cum certum sit, ejusmodi libidinem, quæ adversetur legi mentis, & legi Dei, quæque sit in nobis habitans peccatum & lex peccati, & mente Apostoli sit malum, & vitium, non quæ sit surditas, aut cæcitas, sed in se meritò culpabile, & vituperabile, utpote quòd non solum ad peccatum inducat, sed & veri nominis peccatum sit.

Idem etiam evincitur ex loco citato 5. ad Galat. ubi ait Apostolus, *Caro concupiscit adversus spiritum, & spiritus adversus carnem, &c.* At concupiscentiam spiritus bonam esse, & quidem moraliter, testantur opera ejus, quæ ibidem numerantur, charitas, gaudium, pax, quæ omnia lege morali præscripta sunt. Ergò malam esse necesse, & quidem, (ex lege contrariorum) malam moraliter concupiscentiam carnis, quæ concupiscentiæ spiritus adversatur, teste ibidem Apostolo: qualia mala sunt omnes ejusdem concupiscentiæ carnis fructus, qui ibidem recensentur, adulterium, fornicatio, impuritas, protervia, idololatria, veneficia, inimicitia, lis, amulationes, ira, contentiones, dissidia, hæreses, cædes, ebrietates, comestiones. Nam non potest arbor bona malos fructus facere, dicente Domino, Matth. 7. & de his prædixerat Apostolus ad Galat: quæ talia agunt regni Dei non fore hæredes. Mala autem opera, quæ excludunt è regno cælorum non sunt mala, & vitia naturæ duntaxat, sed moraliter mala, & reatius inductiva.

4. Certum est, naturalem verecundiam dictare tegenda esse pudenda, idque testatur Augustin. de peccat. merit. & remiss. lib. 2. cap. 22. *Animam rationalem naturali verecundia nunc pudet, quod in carne, in cuius servitute jura potestatis accipit, nescio quâ infirmitate efficere non potest, ut se nolente non moveantur membra, & se volente moverentur.* Hæc Augustinus.

Hinc etiam est, eodem Augustino testante, quòd omnes gentes ab Adami stirpe procreatæ usque adeò tenent insitum pudenda volare, ut quidem barbari illas corporis partes nec in balneis nudas habeant, sed cum earum ligumentis lavent. Addit, *Per opacas quoque India solitudines cum quidam nudi Philosophentur, unde Gymnosophista nominantur, adhibent tamen (inquit) genitalibus tegumenta, quibus per cætera membrorum carent.* Hæc Augustin. de civit. Dei, l. 4. c. 17.

Cum ergò in homine lapsa dictet naturæ lex, & verecundia naturalis, hæc membra tegenda esse, evidens argumentum est, hunc inordinatum libidinis æstus non exiturum fuisse in puris naturalibus; cum nihil exiturum erat in puris naturalibus, cujus hominem meritò puduisse debet, ne in ipsius naturæ auctorem injuriosus, aut potius contumeliosus esse videamur.

5. Augustinus passim docet, libidinem inordinatam, quæ caro non servit imperio rationis, esse peccatum in membris nostris habitans, de quo Apost. ad Rom. 7. Sic tamen esse peccatum, ut sit pœna etiam peccati. Sic Aug. de pec. merit. & remiss. lib. 2. c. 22. & de Civit. Dei, 14 & 17. Ergò non futura erat in homine in puris naturalibus condito, nec à principiis puræ naturæ exoritura erat, siquidem nullum peccatum, aut pœna peccati à puræ naturæ principiis oriri potest, nè Deus auctor principiorum, auctor fuerit censendus esse peccati.

6. Adde; Quod est contra æquitatem naturalem, & rectam rationem, id esse malum morale, & veri nominis peccatum: At tale malum est concupiscentia, ac proinde libido inordinata, nam propter illam pars animæ inferior, superiori (i. rationi) repugnat, legi mentis non parer, spiritui adversatur, teste ipso Bellarmino, lib. 6. de amiss. grat. & stat. peccat. c. 14. Sect. Octavo. Dedecet, certè humanam naturam hæc inordinata libido, quam velut turpem erubesci, quoniam turpe est inferiora superioribus contumaciter oblectari, quemadmodum in domo turpe reputatur, si maribus & uxor adversus se dissentiant. Augustin. in Psalm. 143. Col. 1656. D. Si in domo maribus & uxor adversus se dissentiant, molestus & periculosus labor. Si maribus vincatur, & uxor dominetur, pax perversa; Si autem uxor marito dominanti subjiciatur, pax recta, hoc expedit, inferius subjici superiori; — & ille, qui sibi subjici vult, quod est inferius, se subjiciat superiori suo. Agnosce ordinem, quare pacem; Tu Deo, tibi Caro. Quid iustus? Quid pulchrius? Tu majori, minor tibi, servi tu ei, qui fecit te, ut tibi serviat quod factum est propter te. Non enim hunc ordinem novimus, neque hunc ordinem commendavimus.

Tibi

Tibi caro, Tu Deo; sed tu Deo, & tibi Caro; si autem contemnis te subijci Deo, nunquam subijcietur tibi caro; qui non obtemperas Domino, torqueris a servo; hæc Aug: & quidem acutissimè, & elegantissimè. Hanc itaque vitiosam libidinem, velut sapientiæ venenum, & pudendum homini malum, in se non solum mortificare, subijcere, domare, minuire, sed etiam, ut omnino non sit, debet velle, & laborare, quamvis in hoc mortali corpore id non sit assecutus. At in puris naturalibus nullum exiturum erat sapientiæ venenum, nullum pudendum malum, nullum mortificandum, nullum domandum, nullum malum, quod eradicare debemus, aut, ut non sit, debeamus velle laborare. Frustra ergo, imò audacter nimis Bellarminus affirmat, (ne dicam impudenter) inordinatam libidinem hominis lapsi in homine in puris naturalibus condito exituram fuisse ex mente Augustini. Hæc, & hujusmodi testimonia, quæ ex Augustino adducuntur, æquè probant, ejusmodi libidinem inordinatam, non exituram fuisse in homine in puris naturalibus condito, atque in homine in originali justitiâ condito. Ac proinde, cum Augustinus contra pelagianos demonstrat, non fuisse in primo homine, justitiâ originali prædito, ullum libidinis æstum perinde est, atque si demonstrasset, in puris naturalibus nullum futurum fuisse æstum, libidinis. Cum, juxta Augustinum, originalis justitiâ sit humanæ naturæ integræ debita, ut absque eâ bene esse non potuit, maloque carere. Illa verò pura naturalia, quæ fingit Bellarminus, Hominem potuisse condi absque justitiâ, & absque peccato, est status merè fictitius, & imaginarius, de quo nonquam somniavit Augustinus, & qui dari non potest absque summâ injuriâ Dei Creatoris, naturæ authoris, ut supra evicimus.

Atque ita vindicavimus omnia stapletoni argumenta, quæ impugnat Bellarminus.

Arg. 13. & ultima ratio Bellarmini sic se habet: *Aeterna beatitudo finis est hominis naturalis*, ut St. Thomas docet. 1. p. q. 12. art. 1. Debit igitur homo media naturalia habere ad eum finem consequendum; alioqui rebus omnibus esset inferior, & abjectior, cum res cæteræ fines suos proprios, & naturalibus viribus assequantur. Justitiâ ergo, & cæteræ virtutes, quæ ad beatitudinem adipiscendam necessariae sunt, primo homini necessariae fuerunt, ac proinde debita, ac proinde naturales suo modo.

Resp. Bellarm. Non parvam quæstionem esse, si ne sempiterna beatitudo, quæ in visione Dei sita est, finis hominis naturalis, an supernaturalis; sed quia non multum facit ad rem nostram, quæstionis illius explicatio, admissâ parte affirmante, respondeo; beatitudinem finem esse hominis naturalem, quoad appetitum, non quoad consecutionem.

Resp. Aliquid dici posse alicui naturale, vel

1. Quod ex principiis naturæ, naturali emanatione, fluat, quomodo ab igne calor, levitas, lux.
2. Quod ita requisitum est ad alicujus naturæ integritatem, & perfectionem, ut sine eo aut omnino non esse, aut bene esse non potest, maloque carere, aut finem, ad quem ordinatur, consequi nequeat.

Dicimus igitur beatitudinem rectè dici finem non naturalem, quoad consecutionem, quia mediis supernaturalibus acquiritur, licet illa media, quæ supernaturalem ortum habent, requirantur necessariò ad naturalis appetitus expletionem, utpote sine quibus non expletur naturale desiderium hominis. Id quod eo contingit, quod finis, quem appetimus, est quiddam infinitum supra naturæ limites, qualis est aeterna beatitudo; quare, licet per media supernaturalia consequimur beatitudinem; tamen, quia hæc media sunt naturalia quoad usum, quatenus ad humanæ naturæ integritatem, & perfectionem requiruntur, ideo suo modo Naturalia sunt dicenda, quatenus debita sunt naturæ humanæ, ut absque istis humana natura, aut omnino non esse, aut certè bene esse nequeat, maloque carere.

Distinguendum est igitur de qualitatibus supernaturalibus, quæ homini in integritate sua constituto superadduntur.

Alia enim sunt supernaturales

Mere, & per se.

Secundum quid.

1. Merè supernaturales qualitates sunt dona prophetiæ, gratia sanitatum, donum linguatum, miraculorum, & id genus alia, quibus sine malo suo carere potest.

2. Alia sunt supernaturales quoad originem, quæ, licet non conferant aliquid ad esse hominis, tamen ad ejus bene esse necessario conducant, utpote sine quibus homo non est integra, & perfecta creatura in suo genere, sed manca, imperfecta, mutila; hæc, undecunque sunt, inter hominis naturalia jure connumeranda sunt. Exempla habemus in visu, auditu, sanitate corporis, aliisque qualitatibus ad hominis integritatem pertinentibus, quas Christus, ut legimus in Evangeliiis, restituebat quam plurimis. Hæ qualitates per se naturales erant, quamvis earum generatio, & restitutio nonnullis, qui iis destituebantur, erat supernaturalis. Sed ad firmandum allatam distinctionem, quæ asserit Bellarm: Beatitudinem finem hominis naturalem esse quoad appetitum, non quoad consecutionem; subiungit in hunc modum: Neque est aut novum, aut hominis naturæ indignum, ut naturaliter appetat, quod non nisi supernaturali auxilio consequi valeat; Non novum, siquidem animæ hominum solutæ corporibus naturalem habent ordinem, & propensionem ad corpora, quorum formæ fuerunt, nec tamen iterum conjungi corporibus sine supernaturali auxilio poterunt. Neque est naturæ humana indignum, sed contrà potius ad maximam ejus pertinet dignitatem, quod ad sublimiorem finem condita sit, quam ut cum naturæ solius viribus attingere possit.

Resp. Ubi dicit non esse novum, exemplo animarum, quæ corporibus solutæ naturalem habent propensionem ad corpora, quorum formæ fuerunt, nec tamen iterum conjungi corporibus absque supernaturali auxilio: Exemplum hoc alienum esse dicimus, & impertinens: Agitur enim de homine primo in statu integro ad vitam æternam condito, an ille solis naturæ viribus, finem, ad quem conditus est, consequi potuisset; & dicimus, potuisse per rectitudinem originalem, quam contendimus fuisse naturalem suo modo, (i.) naturæ humanæ debitam. Alia autem est ratio animæ corpore solutæ, siquidem illa non est in statu naturali, in quo condita est, cum status separationis animæ non sit naturalis, sed adventitius, & præter naturalis, cum per peccatum mors sit introducta, Rom. 5. 12. & 6. 21. Quare mirum non est, si in hoc statu præter naturam absque supernaturali auxilio corpori conjungi nequeat.

3. Ubi dicit non esse naturæ humanæ indignum, sed contrà potius ad maximam ejus pertinere dignitatem, quod ad sublimiorem finem condita sit, quam ut eam solis naturæ viribus attingere possit.

Resp. Si per solas naturæ vires intelligat Bellarminus vires à principiis humanæ naturæ emanantes, agnosco non esse indignum, ut ad sublimiorem finem condita sit, quam ut eam solis naturæ viribus à naturæ principiis ortis attingere possit; Sin per vires naturæ intelligat vires non ita humanam naturam excedentes, ac si ad humanæ naturæ integritatem, & perfectionem, nullo modo necessariæ sint, ac debitæ; Negamus, hæc vires eo sensu supernaturales esse, ac humanam naturam prorsus excedere, Quin potius certum est, originalem rectitudinem, etsi à principiis naturæ non fluat, tamen ita necessariam fuisse, ac requisitam, ad humanæ naturæ integritatem, & perfectionem, ut absq; illâ à fine suo naturali assequendo, per continuam rebellionem partis sensitivæ contra rationalem perpetuò impediretur; unde conficitur, hanc rectitudinem originalem, humanæ naturæ debitam esse, quamvis ab humanæ naturæ principiis non oriatur.

Neq; mirum videri debeat, si qualitas à naturæ principiis non exoriens requiratur necessario ad naturæ humanæ integritatem, ac perfectionem, quandoquidem finis, & objectum appetitus humani, ejusque cognitionis, & actionis sint res infinitæ,

ta, naturæ vires prorsus excedens, ac proinde natura humana non potest, prout res aliæ naturales possunt, ad finem suum naturalem pertingere absque mediis excellentioribus, & ordinis superioris, quàm ut à naturæ humanæ principiis oriri possint. Homini ergo naturale est, ut aut supernaturali gratiâ supra seipsum eleuetur, & beatitudine æternâ, quam naturaliter appetit, potiatur; aut, ut sibi relictus infra seipsum cadat, atq; à beatitudine, quam naturaliter appetit, excidat, atq; adeo sese infinitis malis, defectibus, & miseriis repleat; neq; enim tertius status hominis dari potest, qui sit absq; iustitiâ, & absq; peccato, qualis fingitur à Bellarmino, & Jesuitis.

Esio igitur, egeat homo supernaturalibus mediis, tamen id sequetur, ut non poterit absq; mediis illis creari, ac proinde non poterit finè mediis illis creari qualis nunc nascitur; neque enim ad finem inferiorem condi potuit, nisi natura ejus mutaretur, neq; negari media potuerunt ad finem naturalem obtinendum.

Resp. Bellarm. *Æquum omninò fuisse, ut Deus homini ad finem tam sublimem ordinato, media necessaria non negaret; tamen nihil absurdi secuturum, si negasset. Nam, tametsi summa illa beatitudo sit finis hominis naturalis, tamen est finis, inquit, improporcionatus, & præter eum habet homo alium finem naturalem, sibi omninò proportionatum, qui est ratiocinando inquirere veritatem. Quare potuit Deus hominem per naturalia media ad finem suæ naturæ proportionatum perducere, nec alius evehere. Cujus rei habemus exemplum in vesperatione, qui naturalem habet capacitatem, & appetitum videndi solem, & tamen credibile est nunquam futurum, ut videat solem, sed lumen tantum debile, & subobscurum, quod est objectum oculorum ejus, non solum naturale, sed etiam proportionatum.*

Resp. Certissimum esse, annuente etiam Bellarmino, æquum omninò fuisse, ut Deus homini ad æternam beatitudinem ordinato, media necessaria non negaret; tamen ubi addit, nihil absurdi secuturum, si negasset, videtur dicere nihil absurdi secuturum, si Deus non faciat, quod æquum, & justum sit; qui tamen omnis æquitatis, & justitiæ sit author, ut enim Abrahamus olim Deo dixit, numquid judex totius terræ non faciet Judicium? Gen. 18. 25. Numquid omnis equitatis author non faciet, quod æquum est? Nos contrâ dicimus, valde absurdum futurum, si negasset. Videri enim possit absurdum, ut Deus infereret humanæ naturæ appetitum æternæ beatitudinis, & tamen media necessaria, & debita ad appetitum illum naturalem explendum denegaret; quomodo enim non frustra natura infereret appetitum illum naturalem homini, qui nusquam, & nunquam explendus esset? At natura, cum sapientissima sit, nihil frustra facit.

porro cum subjungit Bellarm: *Summam illam beatitudinem, licet sit finis naturalis, tamen esse improporcionatum.* Certè illud omninò non verè dici potest; finis enim naturalis cujusq; rei est proportionatus; alioqui videmur authorem naturæ insipientiæ incursare, ut qui finem operibus suis proportionatum, & accommodatum assignare aut non potuit, aut non voluit. Dicere, Deum non potuisse, impingit in omnipotentiam; non voluisse, in sapientiam, & bonitatem; cum ærtum sit, Deum omnia fecisse in numero, pondere, & mensurâ, ut habet sapiens.

At dices, æternam beatitudinem esse finem improporcionatum, quia solis naturæ viribus finis iste non est adipiscibilis.

Resp. At neq; hoc dicendum. Nam & id videre non erat potentia videndi in cæco nato finis improporcionatus, licet non absq; auxilio supernaturali visio illa actualis potuit obtineri. Sic in infirmo per naturam incurabili, appetitio sanitatis naturalis non erat finis improporcionatus; tamen absque auxilio, & virtute supernaturali, tali infirmo sanitas reddi non potuit; sic anima in statu separationis naturaliter appetit reunionem cum corpore; hæc tamen reunio non est finis improporcionatus, licet absq; virtute supernaturali anima separata non possit corpori reuniri. Non ergo necesse est, ut ubicunq; finis naturalis appetitus solâ naturæ facultate non possit impleri illico pronunciemus; Finem hujusce rei esse improporcionatum. Sic pariter & hic philosophandum, beatitudinem æternam esse finem hominis naturalem, qui tamen absque auxilio supernaturali obtineri nequit; nec tamen sequitur finem hunc esse improporcionatum.

Quod autem addit Bellarm: *Præter æternam beatitudinem habere hominem aliam finem naturalem sibi omnino proportionatum, quæ est ratiocinando inquirere veritatem, & potuisse Deum hominem per naturalia media ad finem naturæ suæ proportionatum perducere, nec aliis vivere; Cujus rei (inquis) exemplum habemus in vespertilionem, qui naturalem habet capacitatem, & appetitum videndi solem, & tamen credibile est nunquam finitum, ut videat solem, sed lumen tantum debile, & subobscurum, quod est obiectum oculorum ejus non tantum naturale, sed & proportionatum.*

Resp. 1. Neminem unquam vi purorum naturalium, qualia Bellarm: intelligit, potuisse indagare, & assequi ratiocinando omnium rerum necessariam veritatem, quamdiu homo habeat præcipientem ad omnia peccata propensionem, quæ cum ignorantia, summa agendorum conjunctam esse necesse est, ut fateatur Bellarm: cum præceptis inclinatio ad omnia vitia, includat etiam inclinationem ad ignorantiam summam agendorum, quam in vitiis, usque summis connumerandam esse omnes norunt.

2. Demus possibile esse, hominem in puris naturalibus, ut Bellarminus intelligit, assidue potuisse hunc finem, *viz.* ratiocinando inquirere & indagare omnem necessariam veritatem; istis tamen necessariis veritatibus repertis, finem non adipiscitur homo, quo usquequaque appetitus ejus expletur, & in quo conquiescit animus, aut conquiescere potest, juxta illud Augustini confels: 1. c. 2. Fecisti nos, Domine, ad te, & irrequietum est cor nostrum, donec revertatur ad te. Bonaventura in 2. dist. 19. art. 1. q. 1. Hæc suppositio supponenda sit, tanquam verum, & certum, quod anima rationalis facta sit ad participandam summam beatitudinem. Hoc enim adeo certum est ex clamore omnis appetitus naturalis, quod nullus de eo dubitat, nisi ejus ratio est omnino subversa. Et mox, quia facta est anima ad participandam beatitudinem, quæ consistit in solo summo bono, facta est capax Dei, & ad ipsius imaginem, & similitudinem, &c.] Hæc Bonaventura, & quidem certum est unamquamque rem naturaliter ferri in rem aliquam determinatam, ut ibi sistat; at nulla, præter Deum, assignari potest, inquam naturalis hominis appetitus, tanquam in ultimum finem, feratur; non igitur naturaliter quiescit, aut quiescere potest in inquirendo veritates rerum ratiocinando.

3. Docuimus supra ad consecutionem ejus, quod naturaliter appetimus, sæpe opus esse supernaturalibus mediis ad consequendum finem etiam proportionatum.

Ad exemplum adductum à vespertilionem; alia ratio vespertilionis, alia hominis in puris naturalibus conditi. Nam vespertilionem habere naturalem appetitum videndi solem asserit Bellarminus, non probat; neque enim credibile est, habere, quomodo neque talpa habet, cum neutri horum carere lumine solis, aut malum sit, aut miserum, id quod de bubone, & nycticorace pariter pronunciandum. At homini in puris naturalibus condito malum esset, & miserum carere semper, & nunquam habere, quod undequaque expleat appetitum naturalem, nec unquam fini eo, ad quod naturali desiderio fertur, qualis est summi boni, boni sc. infiniti, adeptio, & fructio.

Atque ita jam tandem expeditimus, & vindicavimus omnia argumenta, quæ Bellarminus producit, ut nostra; licet omnia, excepto uno, aut altero, sint argumenta hominum Pontificiorum, Michaelis sc. Bail, Decani Lovaniensis, & Thomæ Sabletoni; ex quibus videre licet, Bellarmini sententiam de primâ hominis justitiâ ab ipsis Pontificiis non fuisse approbatam, quin à primi nominis inter eos professores fuisse improbatam.

CAP. VI.

Adjiciuntur alia Argumenta quibus ostenditur originalem justitiam non fuisse donum mere gratuitum & indebitum, sed debitum & ad naturam humanam integritatem necessarium.

NOS alia adjiciemus, quibus demonstrabimus, originalem rectitudinem non fuisse donum mere gratuitum, & indebitum, sed debitum, & ad naturam humanam integritatem necessarium, & requisitum, & adeo accessarium, ut absque eâ humana natura bene esse non potuit, aut malo carere.

Arg. 14. Sit ergo Argumentum 14. Humana natura non est integra absque hac originali rectitudine: Ergo necessaria est hæc rectitudo ad naturam integritatem. Consequentia per se patet.

Antecedens patet, quia alioqui sequeretur, humanam naturam esse integram, & perfectam absque originali rectitudine; ac proinde homo destitutus originali justitiâ in statu lapsus pura & integra naturalia haberet, quod, non est dicendum.

Dices, Naturalia etiam in Demonibus post casum mansisse integra, teste Dionysio de Div. nom. c. 4 p. 4. pag. 213. Edit. Græcolat. Quod idem sine dubio de homine quoque intelligi debet. Quod si naturalia in angelo, & homine post lapsum integra remanserunt & satis constat, justitiam, in quâ conditi sunt, in eis post lapsum non mansisse; certè manifestè sequitur justitiam illam angelo, & homini naturalem non fuisse. Hæc Bellarm. de gratiâ. 1. hom. c. 6. Sect. 6.

Resp. Cum Dionysius dicat, τὰς δοθείσας αὐτοῖς ἀγγελικὰς δωρεὰς ὡς μέρη αὐτῶν ἡλλοιωθεῖς φαμεν, non esse mutata Angelica munera demonibus data, ἀλλὰ ἀλόκληρα, & ταυταῖς αἰοῖ, sed integra esse, & nitidissima. Intelligendum est de tali bono natura, seu ejusmodi naturalibus, quæ sunt principia naturæ & constitutiva, & proprietates ex hisce manentes: Sic enim ipse Dionysius ibid. paulò ante, Nec [Demones] planè expertes sunt boni, καὶ ὁ καὶ αἰοῖ. & ὡς καὶ νοῦν καὶ δυνάμιν καὶ τὴν ἐν αὐτοῖς ἐπινοῶν κίνησιν. (1.) Hoc ipso quod sunt, & vivunt, & intelligunt, omninoque inest in eis motus quidam appetitus. Et sic interpretatur Thomas locum Dionysii, 1. 2. q. 85. ar. 1. ad 1. quæ quidem naturalia inseparabilia sunt à naturâ angelicâ, ac proinde necesse est, ut maneant integra; at verò alia sunt, quæ requisita sunt ad naturam angelicam perficiendam, ita ut sine iis angelica natura bene esse non potest, maloque carere, quin potius corrupta, & depravata, quæ etiam requisita sunt ad finem suum, ad quem etiam ordinantur, angeli consequendum. Hæc autem possunt separari à naturâ angelicâ, atque in hisce est originalis illa rectitudo, cum quâ ipsi mali angeli conditi sunt. Hinc paulò ante Dionysius sic scribit, Nec verò quicquam eorum, quæ sunt, interit, quatenus essentia est, & natura, sed, quia deest ἡ κατὰ φύσιν ταῦς, naturalis ordo convenientiæ, aptæq; compositionis ratio eodè modo se habens, manere non potest. Non ergo tollitur ipsa natura, sed naturæ ordo, sed convenientia, aptæque compositionis ratio: quod, quid aliud est, quàm naturalis illa rectitudo, ordo, & harmonia, quæ inerat in ipsâ naturâ, ejusque potentia? Si quidem rectitudo sive in corporalibus, sive in spiritualibus intelligatur, existit in partibus, cum inter se ordinem habentibus, à quo totum, quod ex illis constat rectum dicitur, ut recte istius, 2. dist. 25. sect. 5. sed & Thom. in Commentariis in hunc locum Dion: ait, Demones non esse naturaliter malos, sed malos extitisse per defectum aliquorum bonorum, quæ debentur Angelis, non per defectum bonorum indubitorum, & mere gratuitorum. Et Paulò post, φλογὶ δὲ φύσιν ἀδύνατον καὶ ἡλικίᾳ τῆς φύσεως ἐξου, καὶ ἐνέργειᾳ, καὶ δυνάμει; Corruptio natura est infirmitas, & defectus naturalium habituum, operationum, & potentiarum. Et prope finem illius, 4. cap. p. 219. B. Malum

Malum angelorum ortum fuisse ait ex τῇ δίκῃ ἀγαθῶν ἀποπτώσεως ex prælapsione à propriis bonis: ubi Thomas per δίκῃ ἀγαθῶν intelligit bona, ad quæ erant ordinati secundum ordinem suæ naturæ, & addit Dionysius, eorum discriminationem à bonis angelis in eo consistere, quod in eis sit ἀδύναμις προσκολληθῆναι αὐτοῖς ἀγγελωπραεῖς τελειότητος, (i.) interprete Thomâ, variatio, quâ discesserunt (mali angeli) ab illâ identitate (seu statu) in qua sunt boni angeli, & ab habendo illa, quæ illi habent; quod nihil aliud est, quàm infirmitas quædam perfectionis iis naturaliter convenientis, prout decet angelos, quod quid aliud est, quàm carentia illius originalis rectitudinis, seu τελειότητος ἀγγελωπραεῖς, seu perfectionis, quæ naturaliter competit angelis? Ex quibus inferitur juxta Dionysium, Angelos lapsos defecisse à rectitudine, & perfectione illâ quæ naturaliter iis competeat, eorumque naturæ debita erat, ex quo defectu contingit, ut non potuissent ea perficere, quæ ad eorum naturam spectabant: id quod postea docet Dionysius ad finem illius capituli. ubi ait, ὅτι καὶ φύσις ἀλλὰ τὸ τοῦ φύσις τὸ ἀδυνατεῖν ταῖς δίκαια φύσεως ἐκτελεῖν. Non est mala natura, sed hoc natura malum est, non posse ea, quæ naturæ sunt perficere. Illud ergo, quod naturæ ad: οἰνίμιον est, ut, eo posito, natura impar fit, & impotens ad ea perficienda, quæ propria sunt illius naturæ; illud est naturæ defectus, infirmitas, corruptio, ac proinde integritatis naturalis depravatio, juxta Dionysium, tantum abest in ejusmodi creaturâ ut integritas maneat naturalia, juxta Dionysium.

Ad locum Marci Ficini Resp. Nocturnus aer habet essentialia aeris æq; ac diurnus, atqui aer per solum lumen acquirit perfectionem, quæ ei debita est, quantum ad objecta visibilia attinet, absq; enim lumine deest illi illa perfectio, quæ res visibiles facit ut actu videantur, per transmissionem specierum ratione diaphanitatis, cum species non educantur, nec transmittantur nisi per ærem illuminatum, & sic dæmon malus non essentialia quicquam perdit, quod à naturæ principis fluit, sed tamen deest illi perfectio debita, absq; quâ non est intrinsecè perfecta, absq; quâ non potest malo, & miseriâ careri.

Sed pergit Bellarminus: Neq; repugnat, quod hoc loco ex Dionysio docemus, naturalia in angelo, & homine post lapsum integra remansisse, cum eo, quod supra non semel docuimus, naturam nostram per Adæ peccatum, vulneratam, & corruptam esse: Nam eadem nostra, & dæmonum natura, si referatur, ad eum statum, in quo esse potuisset, si in puris naturalibus creata fuisset, integra dici debet, & in hoc sensu integra dicitur à Dionysio, & Theologis: si verò statum illum respiciamus, ad quem benignitate conditoris fuerat evecta, vulnerata, & corrupta dicenda est. Id quod illustrat exemplo Sampsonis, qui post crines resecutos, cum insignem illam fortitudinem divinitus acceptam amisisset, infirmus factus dicitur, non quod esset jam infirmior, quàm homines ut plurimum esse soleant, sed quod esset infirmior, quam ipse antea fuisset. Hæc Bellarm: ubi supra.

Resp. Distinctionem illam duplicis statûs naturæ hominum, & angelorum, status sc.

Purorum naturalium, (i.) naturæ creatæ absque justitiâ, & absq; peccato.

Indebitæ, utriusque naturæ exaltationis.

Juxta quam distinctionem ostendere conatur, quomodo naturalia integra permanent post lapsum tum in hominibus, tum in angelis, & tamen corrupta, & vulnerata esse, quod aliquoties supra affirmasset; integra sc. ratione habitâ purorum naturalium (i.) naturæ creatæ absq; justitiâ, & absq; peccato, ut sese explicat, c. 7. & corruptam ratione habitâ illius statûs, ad quem benignitate creatoris natura evecta est: dico, distinctionem hanc non posse revera consistere vel cum Dionysii mente, vel cum ipsâ veritate.

Nam primò accepimus à Dionysio naturalia integra mansisse in dæmonibus, sed illum hoc intellexisse de tali bono naturæ, seu ejusmodi naturalibus, quæ sunt principia naturæ constitutiva, & proprietates ex hisce emanantes. Sic enim ait, Νῆς δῆμονες planè expertes sunt boni naturæ καὶ ὁ καὶ εἶσι, καὶ εἶσι καὶ νοῦσι, καὶ ὅλως τὸ αὐτοῖς ἐστὶν

*ἰσχυροῦς, ἀνθρώποις, ἵε. boni natura, quæ sunt, quæ vivunt, quæ intelligunt, quæ appetunt, aut volunt, quomodo sese ipse Paulò ante interpretatur, id quod Thomas ipse docet 1. 2. q. 85. art. 1, ad primum, Hæc autem naturalia certum est in ipsis dæmonibus post apostasiam mansisse; dæmones enim, quomodo, & homines, post lapsum sunt, vivunt, intelligunt, & appetunt, hæc enim naturalia adeò manant, adeòq; sunt inseparabilia à creaturâ rationali, ut absque hisce creatura rationalis nullo modo superesse, aut subsistere possit. At verò præter hæc alia sunt, quæ ad bene esse angelorum spectant, & eorum naturam perficiendam, & absque quibus bene esse non possunt, maloque carere, neque finem, quem naturaliter appetunt consequi; atque in hisce est originalis illa rectitudo, & ordo potentiarum, & debita subordinatio ad invicem, ex cujus defectu, docente Dionysio, existit in angelicâ natura *ἁδίσια, ἁδίσια, ἁδίσια*, infirmitas, defectus, corruptio, ubi autem ista reperiuntur, quis dicet integra naturalia permansisse, aut pura naturalia existere, aut *τιλότητα ἀγγελοποιεῖν*, cujus antea meminimus ex ipso Dionysio, ut mittam alia supra commemorata huc spectantia.*

2. Si rem ipsam spectemus, in hac distinctione multa veritati parùm consentanea innuuntur, & supponuntur, ut primò naturalia ideò dici vulnerata, & naturam jam vulneratam dici ratione illius statûs, ad quem benignitate creatoris evecta est, per hoc sc. quòd iustitiam, fidem, charitatem, sapientiam, cæteraq; dona amisit; ideò enim hominem vulnerari in naturalibus bonis vult Bellarminus, in intellectu, memoriâ, voluntate, parte animæ inferiori, quatenus ablatae sunt illi istæ perfectiones: ut non aliud sit juxta Bellarminum vulnerari in naturalibus, hoc sensu, quàm spoliari gratuitis; unde contendit hominem in puris naturalibus conditum non aliter differre ab homine lapso, quàm nudum à nudato. Sed falsum hoc; nam cum patres dicant, hominem per peccatum vulneratum esse in naturalibus, non spectant tantum gratiarum spoliationem, sed ipsorum naturalium corruptionem, & in deterius mutationem, ut docet Lombardus 2 dist. 24. Porro ipsum nomen vulnerationis hoc evincit, quisenim dicit, eum vulnera accepisse in corpore, cui vestes, & corporis tegumenta detracta sunt corpore, ipso manente illaeso, *Spoliatum* autem, & *Nudatum* ducimus talem hominem, sed *vulneratum* nequaquam.

At patres, *Ambrosius in expost. luc. 10. & Beda in eundem locum, & Augustinus 2. lib. q. 9. Evangelic. 9. 19. & de nat. & grat. c. 3.* Etipso Scholastici antiquiores, vulneratum dicunt hominem per peccatum primi hominis, ad modum illius evangelici viatoris, quem latrones non tantum despoliaverunt, verum etiam plagis, & vulneribus ita affecterunt, ut semivivum relinquerent, non tantum spoliatum, ac proinde juxta hocce homo lapsus ab integro non solum differt, ut nudatus à nudo sed ut nudatus simul, & sauciatus, à nudo.

3. Adde quòd vulnera ipsa, quæ ex sententiâ patrum inflicta sunt humanæ naturæ per peccatum, aliena videri possunt à statu hominis naturali, etiamsi sine donis gratuitis fuisset creatus. Illa vulnera reducant *Scholastici* ad 4 capita, juxta quatuor potentias animæ, ignorantiam in intellectu, malitiam in voluntate, concupiscentiam in appetitu concupiscibili, & difficultatem in Irascibili, quæ quidem 4. vulnera, ut animadvertit Thomas 1. 2. q. 85. art. 3 quadruplicem ordinem subvertunt, & corrumpunt in homine, qui quadruplex ordo fuit in homine integro.

Nam primo in quantum intellectus, seu ratio destituitur suo ordine ad verum, est vulnus ignorantiz.

2. In quantum voluntas destituitur ordine ad bonum, est vulnus Malitiz.

3. In quantum appetitus concupiscibilis destituitur ordine ad delectabile moderatum ratione, est vulnus concupiscentiz.

4. In quantum appetitus Irascibilis destituitur suo ordine ad arduum, est vulnus infirmitatis. Augustinus hæc vulnera ad pauciora reduxit, interdum ad duo, ad ignorantiam, & difficultatem, de Nat. & grat. c. 67. & retract. 1. c. 9. Interdum ad ignorantiam agendorum, & concupiscentiam noxiorum; interdum ad tria, ignorantiam, malitiam, & concupiscentiam. Per ignorantiam agendorum intelligunt, P. p. & *Scholastici* non solum ignorantiam *κατ' ἀπόρρην*, ignorantiam privativam agendorum,

dorum, sed & ignorantiam, xara' *id est*, ignorantiam positivam, seu pravam dispositionem, adeoque pronitatem ad sequendum errores, & credendum falsitati in iis maximè, quæ ad salutem animæ pertinent; quod vulnus videtur agnovisse Aristot. licet causam ignoraret, quando lib. 3. de anima, c. 3. dixit, errorem, & deceptionem magis esse propria hominibus, quàm eorum contraria. Hujus vulneris meminit Scriptura Joan. dilexerunt hominis magis tenebras, quàm lucem, & Psal. 4. Filii hominum, ——— ut quid diligitis vanitatem, & queritis mendacium?

2. Per vulnus in voluntate, nempe *Malitiam*, intelligunt pronitatem ad eligendum, & committendum mala, non modò per ignorantiam intellectus, verum etiam scienter, & contra dictamen rectæ rationis; unde illud Medea, ——— *Video meliora, proboque, deteriora sequor* ——— Hoc vitium notasse videtur Dominus, quando discipulis suis dixit Matth. 7. Si vos, cum sitis mali, nolitis bona dare filiis vestris. Hanc malitiam in voluntate explicat Media. 1. 2. q. 109. art. Odium rerum spiritualium, atque celestium, idque conformiter Thomæ. 1. 2. q. 85. art. 3.

3. Per Concupiscentiam strictè sumptum, seu vulnus in concupiscibili, intellige illud vitium, quo contra rectam rationem, & Dei legem movetur appetitus ad ea, quæ sensibus jucunda sunt, & quæ molesta sunt, refugit.

Vulnus est in appetitu irascibili, per quod inordinate se habet appetens ad bona seu mala ardua persequenda, fugienda, vel repellenda; quod vulnus Schola vocat *Infirmi- tatem*.

Hæc autem vulnera nemo sanus dixerit exitura in statu homini naturali, in homine sano, & integro, seu (ut loquuntur) in puris naturalibus; quæ tamen est assertio Bellarmini.

Ad Sampsonis exemplum à Bellarmino adductum, respondeo; Sampsonum post resectos crines rectè dici potuisse infirmum comparative, quod minus firmus jam esset. At homo duntaxat nudatus, & spoliatus gratuitis donis nullà idoneâ ratione dici potest aut latus, aut *Infirmus*, aut *Vulneratus*, aut corruptus in naturalibus, cum ipsa naturalia illæsa, & invulnerata penitus maneant, facente etiam Medinâ, in 1. 2. q. 85. art. 3. & q. 109. in præmio, & sæpe alibi, qui tamen cum Bellarmino hæc ex parte sentit, hominem lapsam ab integro non plus differre, quàm spoliatum à nudo. Atque hæc sufficiant dixisse de Argumento 14. ejusque vindicatione.

C A P. VII.

Convellitur error Bellarmini de statu purorum naturalium (qualia cernuntur in homine prout jam nascitur) quo fingitur creaturam rationalem condi potuisse absque omni gratia, seu in statu medio absque justitia, & absque peccato.

Arg. 15. **A** Ntequam accedo ad rationem 15. in qua convellendus est error de puris naturalibus, & de statu purorum naturalium, quo fingitur creaturam rationalem condi potuisse absq; omni gratiâ, seu. ut Bellarminus loquitur, in statu medio, absque justitiâ, & absque peccato, cap. 7. præmittendum est, medium illum statum purorum naturalium, qui fingitur à Scholasticis bifariam sumi;

1. Statum, naturalium, qualia jam cernuntur in homine; prout jam nascitur, ut non aliter differat status purorum naturalium à statu hominis, prout jam nascitur, quàm ut status nudi à nudato; atq; iste, Bellarmino, est status purorum naturalium.

vel, ut denotat

2. Statum, qui includit omnem illam rectitudinem, quæ fluere apta nata est à principiis naturæ absque omni auxilio gratiæ naturam supra se elevante, quâ notione pura naturalia exigebant plurima.

1. Ut

1. Ut rectus esset homo, & ab omni vicio liber, & condatur in naturali quâdam justitiâ. Estius, p. 297. c. 3.

2. Ut cognosceret Deum, suum, & rerum omnium conditorem, & gubernatorem.

3. Ut eundem conditorem, & benefactorem suum diligeret.

4. Ut aliquam appetere beatitudinem, licet non in clarâ Dei visione consistentem quæ esset finis naturalis, & quâ solâ contentus, beatificâ visione sine molestiâ careret.

5. Ut appetitus sensitivus tam concupiscibilis, quàm irascibilis sine ullâ pugnâ superioribus subiceretur.

6. Ut omnia corporis membra, voluntatis, seu rationis imperio ad nutum subservirent.

Hæc omnia requiruntur ad statum purorum naturalium, quomodo iste status intelligitur ab aliis Theologis Pontificiis, Stapletono, Estio, & aliis.

Hic sic positus, jam paucis impugnandus est uterque hæc status: purorum naturalium.

Sic ergo ratio 15. Status purorum naturalium, juxta utrâmq; supradictam acceptionem, non est dabilis: Ergo,

Status ejusmodi purorum naturalium non est asserendus.

Consequentia per se patet.

Antecedens demonstratur, & quidem 1. De statu purorum naturalium juxta priorem acceptionem. Status autem ille purorum naturalium in priori acceptione ubi fingitur hominem creari potuisse medio quodam statu, absque omni justitiâ, & absque omni peccato, est merè commentitius, nec dari, aut concedi potest atque creatoris improprio.

Nam primò, Status ille purorum naturalium optimè impugnatur omnibus istis rationibus, quibus supra, pag. 12, &c. Demonstravimus concupiscentiam, & rebellionem carnis, & spiritus esse veri nominis peccatum; ac proinde status ejusmodi ubi talis concupiscentia fuit à principiis naturæ non potest rectè dici status purorum naturalium, sed status peccati, in quo statu naturalia vulnerantur, & corrumpuntur.

2. Idem status optimè impugnatur omnibus iis rationibus, quibus supra demonstravimus originalem justitiâ adeò necessariam fuisse, ut planè debita sit humana naturæ, atque ita debita, ut absque eâ bene esse non potest humana natura, malòque carere, quin etiam malis, & miseriis infinitis repleti necesse sit.

3. Pugnat iste medius status cum communi sententiâ p. p. & Scholasticorum; qui docent hominem post lapsum non solum fuisse spoliatum gratuitis, sed & in naturalibus vulneratum. Certè, ubi vulnerata sunt naturalia, pura non sunt dicenda; si quidem nullum vulnus est naturale; Quis dixerit, corpus vulneratum esse corpus sanum, integrum, continuum, aut etiam purum? Sic nec anima vulnerata dici potest aut sana, aut pura naturalia habere. Quid dixerit, animam cujus intellectus laborat non solum ignorantia privativâ agendorum, sed & ignorantia positivâ, seu prævæ dispositionis, adeoque pronitate, ad sequendum errores, & credendum falsitati, in iis maximè, quæ ad salutem spectant; cujus etiam voluntas laborat malitiâ (i. e.) odio rerum spiritualium, & celestium, explicante Medinâ, & præcipite inclinatione ad omnimoda mala, sana, aut pura naturalia habere, cum tamen voluntas sit inclinatio totius suppositi, & in cæteris facultates imperium habeat. Idem esto judicium de cæteris vulneribus animæ supra commemoratis, quæ cum puris & sanis naturalibus consistere nequeunt; quomodo si Deus crearet hominē cecum, aut unoculum, aut mancum aut surdum, aut alio quopiam naturali membro, vel facultate privatum, aut morbo aliquo lethali laborantem v. g. Lethargicum, Paralyticum, Rodagicum, nemo dixerit ejusmodi hominem in puris naturalibus creatum fuisse; quin potius in vulneratis, & agrotis naturalibus.

4. Si admittatur iste status purorum naturalium juxta primam acceptionem, in omnibus angelis erat perfectio cognitionis practicæ de re agibili, & moralis rectitudo voluntatis, ac rectus amor morali rectitudine circa finem, & mediâ, ac denique

delectatio & fructus de bonis, quæ speculative cognoscebant at in angelis lapsis hæc omnia sublata sunt: Ergo aliqua bona natura sublata sunt; sic Ban 1. part. q. 63. art. 1. p. 889, 890. Abiata est à lapsis angelis omnis rectitudo moralis concomitanter ad privationem rectitudinis supernaturalis: Ergo status purorum naturalium non manet in demonibus, nec integra naturalis manet in demonibus, contra quam habet Bellarminus. Ergo & omnis rectitudo moralis pariter ablata est ab hominibus post lapsum, concomitanter ad privationem rectitudinis supernaturalis; Ergo nec pura naturalia, nec integra manent in hominibus lapsis, ut contendit Bellarm. 11.

5. Iste status purorum naturalium, de quo jam agitur, qui non differt a statu hominis lapsi, nisi ut status nudi à statu nudati, comparatur secum multa naturæ vitia, in quibus sunt ignorantia agendorum, & malitia voluntatis supra dicta; preceptum item ad omnimodam malitiam concupiscentia in concupiscibili, & infirmitas in irascibili. Hæc (inquam) vitia, & quæcunque sunt animorum vitia, naturalium sunt privationes bonorum, teste Augustino Enchiridi c. 11. Quomodo ergo status ille dici potest status purorum naturalium, ubi tot sunt privationes naturalium bonorum, quot enim sunt animorum vitia, tot Augustino sunt privationes naturalium bonorum, cum status purorum naturalium non admittat privationem naturalis alicujus boni, cum naturalia integra postulet ejusmodi status.

6. Status purorum naturalium non compatitur impedimentum aliquod, quod impediatur consecutionem illius finis, quem homo naturaliter appetit. At dicta ignorantia agendorum, & malitia voluntatis, & rebellio carnis ad spiritum impediunt hominem in fine, quem naturaliter appetit, consequendo. Ergo non possunt consistere cum statu purorum naturalium propriè dicto, cum nulla natura integra, & pura admittat aliquid, quod sit impeditivum suæ perfectionis naturalis, aut illius perfectionis, quam homo naturaliter appetit.

7. Status purorum naturalium non admittit aliquid indecens, aut quod dedecet, multo minus quod pudendum sit, aut de quo erubescendum, cum tota natura sit opus Dei. Quid (inquit Augustinus,) pudeat hominem operis, quod non homo, sed Deus fecit in homine; cum omnes opifices quanto possunt labore, & industriâ, id agant, ne de suis operibus erubescant? Hæc August. 1. 2. de nupt. & concup. c. 9. At de libidine, & rebellionem membrorum merito erubescunt homines, unde hujusmodi membra, tanquam pudenda studiosè tegunt homines, exemplo primorum parentum; & qui id non faciunt, merito impudencie incusantur, & impudicitie: Non igitur pura naturalia compatiuntur hunc inordinatum membrorum motum, cum natura abhorreat impudentiam, & impudicitiam, imò omne, cujus nos pudeat, in quo quicquid dedecet, vide sup. 12. nostram rationem, p. 80. & deinceps, ut ex Augustino supra luculentur deduximus.

8. Status purorum naturalium non patitur secum aliquod, quod suâ naturâ inclinat, aut sollicitat, aut impellit ad peccandum idque suapte naturâ suscitando in homine mala desideria, dicente Apostolo Rom. 6. 12. Non regnet peccatum in membris vestris, ut obediatis ei in concupiscentiis ejus. Omnes uno ore fatemur, ipsum se concupiscere, quod in malo ponitur, & quo illicitum aliquod appetitur, sic ex suâ ratione malum esse, ut si voluntas accesserit non possit non esse veri nominis peccatum, quod ipsum ipse Bellarminus crebro ingerit: sed concupiscentia habitualis prava, cum quâ nascimur per se, & naturâ suâ nihil aliud parit, quam hujusmodi motus illicitos, quos etiam nobis nolentibus producit; non potest igitur melior esse conditionis, aut naturæ, quam sit naturalis ejus effectus. Igitur habitualis concupiscentia sic est suâ ratione mala, ut si ponatur esse voluntaria, non potest non agnosci esse peccatum; Ergo ejusmodi concupiscentia non potest stare cum statu purorum naturalium.

9. Denique status purorum naturalium non habet aliquod, quod oppugnandum sit, aut adeo habendum, aut Deo displiceat. Homo enim existens tantummodo, qualis est à Deo corditus, non potuit habere quidquam, quod vel Deo displicebat, vel quod ipse odio habere debebat; Ne dicamus aut Deo displicere suum opus, qui vidit omnia, quæ fecit, & ecce omnia bona fuerint, Gen. 1. vel dicamus, nos debere in nobis odisse aliquod Dei opus; quod non est dicendum. At concupiscentia pra-

va, quæ inest homini lapsi, est oppugnanda, & odio habenda, ut ad peccatum incitans, & impellens, & legi repugnans etiam formaliter, utpote vitium homines adducens, atq; averrens ab eo, quod summè arandum, id quod ex Apostolo apertè colligitur, *Rom. 7. & Gal. 5.* & alibi. Ergò non potuit hæc prava concupiscentia consistere cum statu purorum naturalium,

Quid ad hæc omnia Bellarminus? Ait, hanc rebellionem carnis adversus spiritum, & bene agendi difficultatem, ignorantiam agendorum, & præcipientem inclinationem ad omnimoda mala, esse naturæ puræ absq; gratiâ consideratæ languores, & defectus, ex conditione materiæ, naturæ sc. humanæ principiis, ortos, ex unione sc. quarum propensionum, Angelicæ, seu spirituales, & Bestialis, seu animalis, pullantes; ac proinde in homine in puris naturalibus condito absq; originali rectitudine, potuisse hæc omnia reperiri, non ut bona naturæ, sed ut morbos, & defectus naturæ, qualis est rubigo in ferro, surditas, aut cæcitas in animali, non tamen defectus culpabiles, aut reatus ullius inductivos.

Resp. Hæc omnia non satis, superque refellisse; Hic tamen unum, aut alterum adjuvium supra commemoratis.

I. Satis constat in dæmonibus esse hanc præcipientem inclinationem ad omnimoda mala, in quibus nulla est, aut erat ex principiis naturæ suæ, unio variarum propensionum, spiritualis, & Animalis; Unde constat, contra quæ habet Bellarminus, hanc non esse causam, multò minus adequatam imperiis ipsius sensualitatis, quæ reperitur in naturâ lapsâ adversus rationem; æquè enim dicere potuit, eò quod in dæmonibus reperitur hæc pronitas, & præceps inclinatio ad illa mala, quæ divinâ lege prohibentur, in eorum puris naturalibus extitisse rebellionem adversus legem Dei, sed gratiâ supernaturali coercitam & refranatam fuisse, quod tamen non est dicendum, nè simul statuere cogamur Deum authorem fuisse peccati, qui impetum tam rebellem adversus legem Dei in ipsâ naturâ angelicâ ante ullum eorum demeritum indiderat; cum certum sit, Deum omnia fecisse, bona, etiam, quoad bona naturalia; & Deum non minùs Angelos, quàm homines fecisse rectos, rectitudine sc. naturali, quæ non potest consistere cum præcipiti inclinatione ad omnimoda mala, ex naturæ eorum principiis naturaliter pullante. Addo, nemini dubium esse posse, quin effrænata, & præceps inclinatio dæmonum ad peccatum, sit veri nominis *appetitus*, & legis primæ institutionis pravaricatio, quatenus est defectus conformitatis voluntatis eorum ad imaginem Dei, ad cuius normam conditi sunt, defectus Deo merito exosus, & dæmones ipsos merito Deo invisos, & exosos reddens. Deniq; ex iisdem principiis inferitur, Angelos eosdem stantes, & lapsos non magis diserre, quàm homines nudos, & nudatos, [*vid. sup. p.*]

2. Certum est, Christum Dominum potuisse assumere naturam humanam in puris naturalibus, imò de facto assumpsisse, totum; quod est humanæ naturæ naturale; siquidem nobis factus est *supervivus*, quoad humanam naturam, quomodo patri quoad divinam *quosvovos* ab omni eternitate extitit.

At defectus supra commemoratos non assumpsit, non ignorantiam agendorum, non bene agendi difficultatem, non pravam concupiscentiam, non rebellionem carnis adversus spiritum, non præcipientem inclinationem ad omnia mala, qui omnes sunt veri nominis defectus culpabiles, vituperabiles, & Deo exosi, utpote ad peccatum allicientes, & à virtute retardantur, peccato protoplastorum in naturam nostram primitus introducti, & pars originalis peccati illius, quod ex peccato illorum naturam invasit, corrupti, depravavit, ratione cuius, teste Apostolo, nos naturâ sumus filii iræ. Ex istis, aliquid constare possit, statum purorum naturalium, juxta priorem acceptionem supra posita, in quâ fingitur hominem creati potuisse medio quodam statu, absque omni iustitiâ, & absque omni peccato; fingi quidem posse; sed non posse dari, aut poni, aut existere, absq; magno Creatoris improprio, & injuriâ. Ergò simpliciter loquendo non esse *habilem*.

CAP. VIII.

Evertitur altera sententia de medio statu purorum naturalium (est autem ea quorundam Scholasticorum) qui includit omnem illam rectitudinem qua fluere apta est a principiis naturae absque omni auxilio gratiae naturam supra se elevante.

Sed & porro dicimus: Nec illam alterum medium statum purorum naturalium, qui à quibusdam scholasticis fingitur, qui includit omnem illam rectitudinem, quae fluere apta est à principiis naturae absque omni auxilio gratiae naturam supra se elevante, dari, & concedi aut posse, aut debere.

Qualis sit hæc rectitudo supra descripsimus, & quæ, & qualia suâ notatione complectitur iste status purorum naturalium.

1. Ut rectus esset homo, & ab omni curvitate, & vitio liber, & ut condatur in naturali quadam iustitiâ.

2. Ut cognosceret Deum, suum, & rerum omnium aliarum, conditorem, & gubernatorem.

3. Ut eundem conditorem, & benefactorem suum diligeret.

4. Ut aliquam appetere beatitudinem (i. e.) cum Deo unionem, licet non illam in clarâ Dei visione consistentem, quæ esset finis naturalis, & quâ solâ acquiescens, beatificâ visione absque molestiâ careret.

5. Ut appetitus sensitivus tam concupiscibilis, quàm irascibilis sine ullâ pugna superioribus animæ facultatibus subiceretur.

6. Ut omnia corporis membra, voluntatis, seu rationis imperio ad nutum subservirent.

Quod autem nec iste status medius purorum naturalium concedi, aut dari possit absque omni gratiâ, jam demonstrandum est.

1. Ex naturali desiderio æternæ beatitudinis, & fruitionis ipsius Dei summi boni; hoc autem desiderium expleri nequit solis purorum naturalium viribus, absque additamento auxilii gratiæ, (ergo) ejusmodi status medius purorum naturalium non est dabilis; cum natura cujusque rei includat in se potentias ejusdem rei, & possibilitatem actiones ejusmodi potentiarum producendi. At liquidò constat potentias animæ primarias, intellectum, & voluntatem non posse solis purorum naturalium viribus proprias ipsarum operationes elicere, cum objecta intellectus sc. prima veritas, voluntatis, summum bonum, sint infinita, purorum autem naturalium capacitas sit finita: Ergo necesse est, ut istæ facultates forinsecus adjuventur, & divinitus eleventur, ut hujus boni participes fiant, quod fieri non potest, nisi auxilio gratiæ.

Hoc idem brevius adhuc explico è Doctis. Feildio, lib. 3. de Ecclesiâ c. 26. finis, & objectum humani appetitus, & desiderii, cognitionis item, & actionis humanæ, est res infinita, extrâ limites, & ambitum naturæ, ac poinde natura hominis non potest, prout possunt res alie, viribus naturalibus intrinsecis, finem ad quem naturaliter fertur, consequi; sed aut gratiâ supernaturali ad finem suum dirigi, aut sibi derelicta, ab eâ perfectione deficere, quam vehementer appetit, & cujus capax est, atque adeo se ipsam replere infinitis malis ac miseriis. Hæc ibi, conformiter Fulgentius ad Monim: lib. 1. c. 18. Creaturæ rationalis alia beatitudo non potuit, nec potest esse; nec poterit, nisi, ut agnoscens, à quo, non solum facta, sed etiam à quo, rationalis facta est, majorem dilectionem exhibeat bono creatori, quàm sibi.

Voluntas porro creaturæ rationalis, sine qualicunque amore, non potest esse, nec sic potest diligere, ut amorem suum non velit ad aliquid religare, quod inter summum bonum à quo creata est, & infinitum bonum, cui prælata est, medio quodam loco posita; profectò aut in infimo bono, necesse est miserabiliter jaceat, aut in summo bono veraciter, feliciterque requiescat. Vid. sequentia.

Dices, Quomodo ergo potest homo summo bono suo potiri, si adeo excellens bonum fuerit illud, & remotum, & longè extrà, & ultra ambitum naturalis facultatis positum?

Resp. Quamvis nihil sese sublevare potest, ultra, & supra vires à naturâ acceptas, cum natura non agat extra sphaeram suæ activitatis; tamen forinsecus accepto auxilio, res naturalis potest supra seipsam elevari: sic lapis, qui naturaliter non nisi deorsum tendit, potest manu sublevantis, aut projicientis elevari sursum in locum superiorem, quòvis naturali ferri non potest. Eodem modo, anima hominis auxilio divinæ gratiæ potest elevari in potentiis suis, ad eliciendos, & exercendos actus, ad quos naturalis vis potentiarum nullo modo pertingere potest. Quamvis enim naturaliter nemo Deum novit, prout in seipso est, sed quatenus ex effectus, & operibus suis sese patefecit. Potest tamen Deus sese sistere, & representare hominibus in lumine gratiæ, prout est in seipso. atque adeo infinitam suam majestatem patefacere hominibus; id quod necesse est, ut faciat; alioqui fieri non potest, ut quisquam ex humano genere summo suo bono fruatur.

Rectè Halensis, part. 3. q. 61. memb. 1. in resolutione ad 4. p. 249. Actus rationalis creaturæ meritorius (*Actus meritorius à Halensi, & Scolasticis est, quam Deus acceptat ad vitam æternam*) oporteret, quòd ordinetur ad bonum, quod est supra naturam, hoc est summum bonum, & infinitum; quis, ergo, non est possibilis extensio rationalis creaturæ supra seipsam, ideo non est possibile per naturam, ut ordinet suum actum, sive perveniat ad suum finem, & ideo necesse est, quod juvetur à gratiâ. Hæc Halensis.

Huc etiam spectat distinctio ejusdem Halensis, part. 3. q. 61. memb. 1. in resolutione ad 8. Dicendum, quòd duplex est, cognitio d: Deo, una est per effectus suos, & hæc est sine gratiâ, alia est per præsentiam sui apud animam, hæc autem non potest esse sine gratiâ; primo modo cognoverunt Philosophi Deum. Notandum tamen, (inquit) quòd aliter Deus dicitur esse præsens apud animam per inhabitantem gratiam, aliter apud creaturam; secundum quod Deus dicitur ubiq; esse potentialiter, præsentialiter, & essentialiter. Nam Deus dicitur esse præsens, apud creaturam universaliter, in quantû præsentialiter conservat eam, & quoniam essentia ejus non abest creaturæ. Præsens apud animam dicitur, in quantam præsentat, sive præsentem facit beatitudinem, quæ est in ipso. Atq; hanc beatitudinem postea docet adultos, qui sunt in charitate, habere præsentem, non solum in habitu, ut parvulos, sed in actu affectionis diligendo Deum: non tamen in actu cognitionis, cum cognoscant per fidem, quia fides est rerum absentiæ: Beatos verò habere præsentem, non solum in habitu, sed affectu dilectionis perfectæ, & cognitionis manifestæ sine ænigmate. Hæc ille.

Ex hisce patet necessitas gratiæ, ut homo bono illo fruatur æternæ beatitudinis ad quam appetendam naturæ desiderio fertur.

Secunda ratio sumitur ex defectu intentionis debiti finis in agendo.

Nemo purorum naturalium viribus juxta secundam acceptionem supra dictam, absq; auxilio gratiæ, potest intendere debitum finem in agendo. Ejusmodi status medius purorum naturalium non est dabilis in quo quis condi potuit absq; gratiâ, & absq; peccato.

Conseq patet, quia; si nemo in tali statu potest purorum naturalium viribus intendere debitum finem humanarum actionum, non potest bene moraliter agere; ac pro hoc necesse est, ut in tali statu peccet; ergo non est admittendus talis purorum naturalium status, in quo absq; peccato, aut vivitur, aut vivere quis potest. Antecedens demonstratur.

1. Debitus finis, quem homo intendere debet in agendo, & gloria Dei; siquidem Deus, & ejus gloria est id, propter quod omnia fiunt, *Prov. 16. Univerſa propter seipſum operatus est Dominus*, & Apostolus hoc in præceptis dat, *1 Cor. 10. Omnia ad Dei gloriam facite*. Est (ergo) Dei gloria id, propter quod creatura rationalis tenetur facere quòdcumque facit; ac proinde id, quod in omnibus actibus homo intendere debet, vel actualiter, vel saltem virtualiter. Unde is rectè Gregor. Ariminensis a elect. 38. art. 1. Illa sola intentio est recta, & moraliter bona, quâ intenditur, seu propter se diligitur, quod est propter se diligendum, seu volendum, quale est solus Deus,

Deus, & ejus gloria: Unde & omnis intentio operantis, quando aliud aliquid à Deo, & ejus gloria intenditur, propter se, & non propter aliud, est vitiosa, & culpabilis.

Sed nemo purorum naturalium viribus juxta secundam acceptionem absq; auxilio gratiæ potest sincerè intendere in omnibus actibus suis Deum, & ejus gloriam propter se, & omnia alia propter illum velle, & diligere.

Dices, sine gratiâ potuisse hominem in isto statu purorum naturalium intendere Deum ut finem suum naturalem & ejus gloriam, ut sui, & rerum omnium conditorem, & gubernatorem. Atq; hoc sufficere ad debitum finem, qui intendatur in nostris actibus.

Resp. 1. Insistendo in illâ cognitione Dei, ad quam solis naturæ viribus attingitur, neminem posse certo cognoscere, Deum creâsse se, & totum hoc universum immediatè ex nihilo; cum ratio naturalis dicat, ex nihilo nihil fieri: Unde & in mysteriis fidei ponitur à Catholica Ecclesiâ. Credo in Deum patrem omnipotentem, creatorem cœli & terræ: solis ergo naturæ viribus nemo huic mysterio assentitur, assensu certo, & indubitato absq; lumine gratiæ.

2. Respondeo, distinctionem illam, quam Schola asserit, Deum considerari posse, ut finem naturalem, & supernaturalem, non posse, nec debere admitti in verâ Theologiâ, quemadmodum postea fusiùs demonstrabo.

3. Dato, non concesso, Deum posse considerari, ut finem hominis naturalem, & etiam supernaturalem; tamen certum est, hominem rectè esse præcipuè ad finem supernaturalem (i. e.) ad finem, quem non consequimur, nisi per media supernaturalia. Nam, licet finis, quem homo appetit naturaliter sit summa beatitudo, totum capacitatem appetitus implens, (in alia enim, quàm in summa beatitudine non quiescit insatiabilitas, & fames naturalis appetitus:) tamen hæc beatitudo non est naturalis quoad consecutionem, nec eam adipiscimur viribus naturæ, sed gratiæ supernaturalis: Quemadmodum anima à corpore soluta naturaliter appetit rursus corpori uniri, quod tamen consequi non potest sine miraculo, absque operatione supernaturali.

Rectè ergo Thomas, 1 Part q. 62. Art. 1. Creatura intellectualis capax est beatitudinis altioris, quàm illius, ad quam solis naturæ viribus attingere potest, nempe supernaturalis, & ad eam à Deo creata est, & idcirco beatitudo illa, quæ naturalis dicitur, non est simpliciter ultima perfectio creaturæ rationalis, sed secundum quid: unde nec implet totum ejus desiderium, quia nec implet totam ejus capacitatem. Unde ad actum moraliter bonum non sufficit, ut intendamus gloriam Dei, & creatoris, & conditoris, sed insuper & finis supernaturalis & beatificatoris per claræ & beatificæ sui visionem, est enim ille ultimus finis & summum bonum, & summa perfectio creaturæ rationalis. Cum ergo iste sit ultimus hominis & humanarum actionum, necesse est, ut iste finis intendatur in nostris actibus, actualiter, aut certè virtualiter: Unde intentio intermedii finis, sc. Dei, & authoris naturæ, & ejus gloriæ, non sufficit ad actum moraliter bonum, sine intentione vel actuali, vel virtuali ultimi finis. Ultimus enim finis perficit tam agentem, quàm actionem: Medii autem fines non perficiunt nisi per, & propter hunc.

Omnis enim intermedius finis ex ultimo suam accipit perfectionem quod enim in unaquâq; re est præcipuum, est mensura cæterorum. Unde constat absq; præcognitione ultimi finis simpliciter, neminem posse inter medium aliquem finem rectè, & ordinatè intendere: Ergo, nemo potest rectè, & ordinatè intendere finem naturalem, Deum se & sui creatorem, & gubernatorem, & ejus gloriam absque præcognitione Dei, ut beatificatoris, & intentione ejus gloriæ, ut sui glorificatoris.

Tertia ratio sumitur ex defectu perfectæ prudentiæ in dignoscendo modo, & modis, quibus ultimus finis obtineri potest.

Nemo purorum naturalium viribus, juxta secundam acceptionem, supra dictam, potest absq; auxilio gratiæ cognoscere verum morale, & in quovis casu rectè statuere, quid agendum sit, & quomodo ad consequendum plenum finem, seu desideratam beatitudinem, Ergo.

Ejusmodi status medius purorum naturalium non est dabilis, in quo quis condi potuit absq; gratiâ, & absq; peccato.

Conseq. per se patet, quia si nemo in isto statu purorum naturalium viribus, absq; gratia cognoscat verum morale, & quid agendum sit in quovis casu, & quomodo in ordine ad consecutionem ultimi finis; tum talis status purorum naturalium non est admittendus.

Antecedens probatur; Quia nemo solius naturæ integræ viribus instructus potest aut rectè consulere, aut judicare, aut præcipere de mediis ad ultimum finem tendentibus. Nèq; enim quisquam hosce prudentiæ actus rectè exercere potest circa media ad finem, ubi ipse finis non præcognoscitur, non cogitatur, non præconcepitur; at finis ultimus hominis, & humanarum actionum, qui est supernaturalis, Deus, sc. clarè visus, solis naturæ, etiam integræ, viribus, non est cognoscibilis, sed gratiæ lumine duntaxat humano intellectui præsentatur. Ergo, Nec intellectus humanus, etiam in statu integro, solis naturæ viribus instructus potest exercere actus prudentiales, consulendi, judicandi, & præcipiendi de mediis in ordine ad ultimum finem.

Dices; Potuisse Adamum integrum vi naturalium actus hosce prudentiales exercere, in quâvis deliberatione, ita ut moraliter boni potuissent esse ejusdem actus in ordine ad finem naturalem, qui naturaliter cognosci, cogitari, & concipi potest, licet non poterant esse actus meritorii, qui ad Deum clarè visum perducerent.

Resp. Fieri non potest, ut aliqui actus eliciantur, qui sint moraliter boni in ordine ad finem naturalem, qui non ordinentur ad finem supernaturalem. Alioqui sequeretur, hominem converti posse ad Deum, & finem naturalem, qui sit aversus à Deo, aut saltem non conversus ad Deum, & finem supernaturalem: at non potest voluntas esse bona, recta, & ordinata in Deum, tanquam in finem ultimum naturalem, & à Deo averfa, in quantum est ultimus finis supernaturalis ordinis, qui tamen est simpliciter ultimus finis, & ultima perfectio rationalis creatura, ut supra diximus è Thomâ. Unde nec actus prudentiales, sive consulendi, sive judicandi, sive etiam præcipiendi, quid factu opus est in quâvis deliberatione, qui est primarius prudentiæ actus; Isti (inquam) actus non sufficiunt ad actum moraliter bonum, nisi eliciantur ex præcognito, & præconcepto ultimo fine supernaturali, qui est simpliciter ultimus finis, & intenduntur & ordinentur ad hunc ultimum finem ab operante, aut actu, aut saltem virtute; quod fieri non potest absque auxilio gratiæ.

Dices; tamen Adamum integrum, in statu purorum naturalium juxta secundam acceptionem consideratum, potuisse solis naturæ viribus, absque auxilio gratiæ, elicere actus prudentiales prædictos, qui sufficiant in quavis deliberatione, ut actus dicatur moraliter bonus, ex objecto, ex genere, ex fine, ex circumstantiis, in ordine ad bonum particulare, & finem proximum, imo & finem ultimum naturalem, v. gr. si Adami integri filius, honore debito officiat patrem, ex solâ pietate naturali, eumq; actum honorandi patrem præstet, ex intentione honorandi Deum, & authorem naturæ; iste actus erit laudabilis, & moraliter bonus, cum ordinetur in honorem Dei, ut authoris naturæ, qui finis bonus, & honestus est, etsi non simpliciter ultimus.

Resp. Quamvis ejusmodi actus aliquo sensu, & secundum quid dici potest actus imperfectæ virtutis, & sit actus ordinabilis, quantum in se est, ad ultimum finem simpliciter, ad Deum sc. & finem supernaturalem, authorem gratiæ, & gloriæ, tamen comparatione hujus ultimi finis non est actus moraliter bonus; neque enim sufficit ad actum moraliter bonum simpliciter loquendo, ut sit ordinabilis ad ultimum finem simpliciter, & quantum in se est; sed etiam ex parte agentis, seu operantis referatur actu, vel virtute in Deum ultimum finem super omnia dilectum, dilectione supernaturali, & supremâ, & in ejus honorem ordinetur, & dirigatur.

Nam, ut supra diximus, intentio subordinati, seu intermedii finis non sufficit ad actum moraliter bonum absq; præviâ intentione aliquâ, vel actuali, vel saltem virtuali (nam habitualis non sufficit) ultimi finis simpliciter, neque enim sufficit ordinabi-

litas

litas, & referibiles naturalis ad actum virtuosum, sed requiritur ordinatio moralis ex parte agentis, sive actualis, sive virtualis; alioqui actus non erit moraliter bonus; neque enim habitus sufficit, cum ultimus finis sit, qui perficiat agentem, & actionem. Totus enim ordo moralis pendet ex intentione finis: quod enim in unaquaque re est præcipuum, illud est mensura cæterorum; unde sine præcognitione, & præconceptione ultimi finis, neminem posse medios, & subordinatos fines recte intendere, & ordinare certum est. Unde, si Adæ filius in statu purorum naturalium honoraret patrem, ex solâ pietate naturali, nec alium finem intenderet, quàm honorem Dei, ut auctoritas naturæ, non etiam ordinando illum naturalis pietatis actum, actu dilectionis supernaturalis in Deum, ut gratiæ & gloriæ auctorem, in Dei, ut beatificatoris, laudem, & honorem, beantis nos beatitudine illâ, quam nec oculus vidit, nec auris audivit, nec unquam in cor hominis intravit, quod præparavit Deus iis, qui diligunt eum: iste, inquam, actus non esset virtuosus; nec moraliter bonus comparatione ultimi finis simpliciter, qui solus perficit agentem, & actum suum, ut dictum est.

4 Ratio sumitur ex defectu fidei, non credentis in Deum, & gratiæ, & gloriæ largitorem,

Nemo purorum naturalium viribus, juxta secundam acceptionem supra dictam, absque auxilio gratiæ credere in Deum, & gratiæ, & gloriæ supernaturalis largitorem potest; Ergo, ejusmodi status purorum naturalium non est dabilis, in quo quis condi potuit absque gratiâ, & absque peccato.

Consequentia patet; quia si nemo purorum naturalium viribus, in isto statu purorum naturalium absque auxilio gratiæ potest credere in Deum, ut gratiæ & gloriæ largitorem, (quod tamen fide divinâ credere tenemur;) tum ejusmodi status purorum naturalium, in quo quis posse condi fingitur absque gratiâ, & absque peccato non est dabilis, ne in statu integro.

Antec. probatur; siquidem pura naturalia non possunt assurgere ad fidem Dei, ut gratiæ in præsentem, & gloriæ in futuro largitoris, quæ tamen fides est asserenda, quod verò quibilibet hominibus, etiam Adamus integer, tenebatur credere in Deum, ut beatificatorem, satis, superque ex sacris literis evincitur. Siquidem sacræ literæ non meminerunt, nisi unius beatitudinis, illius nimirum, quæ consistet in clarâ Dei & beatificâ visionem, quæ quidem supernaturalis beatitudo est, cujus participes sunt electi in cælis, tum homines, tum Angeli. Et si enim sunt multæ mansiones in domo patris, ut habet servator. *Joh. 14. 2.* & variæ beatitudinis gradus, tamen non nisi una existit essentialis beatitudo tum hominum, tum Angelorum, cum videbimus Deum facie ad faciem, *1 Cor. 13. 12.* Quam consistit in clarâ Dei visione, & contemplatione. Vid. *Estium in 4. Dist. 49. Sect. 2.* Atque hæc est illa beatitudo, ad quam solam conditi sunt, & ordinati tum Angeli tum homines in prima sui creatione; & quæ sola implet totum creaturæ rationalis desiderium, atque adeo totam ejus capacitatem, ut antea à Thoma docuimus. *1 part. q. 62. Art. 1.* Cum ergo absque gratiâ nemo assurgere potest ad fidem in Deum, & gratiæ in præsentem, & gloriæ in futuro munificentissimū largitorem, omnino sequitur, statum purorum naturalium non esse dabilem, in quo quis condi fingitur absque gratiâ & absque peccato. Absit, inquit Augustinus, ut sit in aliquo vera virtus, nisi fuerit iustus; absit autem, ut sit iustus verè, nisi vivat ex fide. Iustus enim ex fide vivit, *cont. Julian 4. c. 3.*

Quinta ratio sumitur ex eo, quod juxta Scripturas non datur tertius status hominum, aut Angelorum. Neque enim sacræ literæ meminerunt, nisi duarum viarum, rectæ, & obliquæ; nec nisi duplicis generis viatorum; non nisi duorum animarum receptaculorum; nec nisi duorum terminorum itineris spiritualis; nec meminerunt status alicujus medii inter summam felicitatem, quâ fruuntur electi tum homines, tum Angeli. & summam miseriam, quam reprobi sustinebunt. Unde omnes homines, & Angeli, qui beatificâ visione non fruuntur, æternis suppliciis addicuntur. Sed, si ex solis viribus naturæ absque auxilio gratiæ, quis sive homo sive Angelus veram virtutem, aut veram iustitiam haberet, aut habere potuisset, necessario esset assignandus post diem judicii medius status inter illos duos in quo pro operibus bonis ex solis naturæ viribus elicis, & præstitis remunerationem acciperet.

Nam ejusmodi, qui ex solis naturæ viribus facit iustitiam, non perveniet ad regnum coelorum; neque enim Deo placent, cum non habuerunt fidem, sine qua (inquit Apostolus,) impossibile est placere Deo, qui ac non pacent Deo, ad regnum Cœlorum non pervenient, nec ejusmodi addicentur suppliciis æternis, cum nemo in quo veri nominis iustitia est, hisce suppliciis destinetur; id enim æquitas divina non patitur; Ergo ejusmodi signandus est locus medius inter damnationem, & regnum coelorum, ubi talis non erit in miseriâ constitutus; sed in beatitudine quâdam sempiternâ; cujus neque locus, neque ratio in Scripturis sacris invenitur, sed, ut rectè Bajus, in vantis, & otiosis hominibus (juxta Pelagii sensum) ex Philosophia confingitur, lib. de 1. hom. iustit. c. 8.

Et cerè, si aliqua opera præstabilia erant ex solis naturæ viribus, mirum est, quod ex tot leg. omibus malorum Angelorum, qui lapsi sunt, nemo utebatur suis viribus naturalibus ad consecutionem naturalis illius beatitudinis, ad quam pertigisse potuissent solo bono usu bonorum naturalium; sed omnes lapsi fuerunt in sempiternam miseriam.

6. Ratio sumetur ex defectu charitatis.

Nemo purorum naturalium viribus juxta secundam acceptionem supra commemoratam potest absq; gratiâ charitatis elicere actum moraliter bonum, qui sit veræ virtutis opus. Ergo—

Ejusmodi status purorum naturalium non est dabilis, in quo quis condi potuisset fingitur absq; gratiâ, & absq; peccato.

Conseq. patet; quia, si nemo puro um naturalium viribus, absq; gratiâ supernaturali charitatis, potest elicere actum moraliter bonum, qui sit veræ virtutis opus tum ejusmodi medius status purorum naturalium non est fingendus, in quo quis condi potuisset absq; gratia, & absq; peccato.

Antec demonstratur ut aliquis actus sit moraliter bonus, ex genere, ex objecto, & debitis omnibus circumstantiis, atq; adeo sit veræ virtutis actus, necessarium est ut voluntas sit recta, & rectificata, & debito modo feratur ad ultimum finem, at sine gratia charitatis non potest voluntas esse recta, nec ejus volitio rectificata, & ordinata, ut debito modo feratur in ordine ad ultimum finem. Siquidem sola gratia charitatis est quæ ordinat omnes actus virtutis ad ultimum finem, seu ad Deum, tanquam in ultimum finem suprâ omnia dilectum propter se; Deus enim est ultimus finis omnis nostræ voluntatis, & actionis. Qui corque enim vult aliquid, vel vult Deum, vel aliud à Deo; si Deum, & non propter se, sed propter aliud, utitur fruendis, hoc autem Augustino est magna perversitas. 1. Necesse est ergo, ut velit Deum, & quidem propter se ultimatè, qui aliquid bene, & ordinate velit. At absq; gratia charitatis nullius virtutis actus, recte, & inordinatè referri potest in Deum, tanquam in ultimum finem suum dilectum. Finis enim ultimus est mensura cæterorum, & qui perficit tam agentem, quam actionem. Medii enim fines non perficiunt, nisi per, & propter finem ultimum, licet (ergo) actus aliarum virtutum, purâ fortitudinis, temperantiæ, iustitiæ, patientiæ, sint ordinabiles in Deum, tanquam in ultimum finem suum suprâ omnia dilectum, de facto tamen actu exercito non ordinantur, nisi per actum charitatis, quod diligitur Deus, ut Anchor illius beatitudinis, quæ in ejus visione consistit. Quod autem omnis actus virtuosus à radice charitatis exurgat, & per charitatem ordinetur in ultimum finem ex Scripturâ, & patribus postea ostendam.

Septima Ratio est Gregorii Arimin: 2 dist: 29. art. 1. q. 1. p. 95.

Adamus integer solis naturæ viribus præcisè sumptis, non potuit agere actum moraliter bonum, aut actum, qui non esset peccatum. Ergo

Nullus status purorum naturalium est dabilis juxta secundam acceptionem, in quo condi potuisset absq; gratiâ, & absque peccato.

Conseq. patet, sc. enim Adamus integer solis viribus naturæ instructus non potuit condi in hoc medio statu, absque gratia, & absq; peccato. Ergo

Nullus status medius purorum naturalium dabilis est, in quo condi potuit absque gratia, & absq; peccato.

Antec. probatur, si enim Adam ante peccatum potuisset per suas vires naturales præcise, agere actum moraliter bonum, ipse potuisset facere se de non bono bonum, posito quod aliquando fuisset, absque omni actu voluntatis, ex suis tantum naturalibus; aut de bono meliorem, Deo illum non specialiter adjuvante.

Patet conseq. quoniam quantumcumque quis agit actum moraliter bonum, si non erat bonus, nec malus, sic bonus; si erat bonus, sic melior, sed consequens est falsum, quia si Adam id potuisset, potuissent & Angeli boni, quod est contra Augustinum de civit. Dei lib. 12. c. 9. ubi sic ait, *Si boni Angeli fuerunt prius sine bonâ voluntate, eamque in seipsis Deo non operante fecerunt: Ergo meliores a se ipsis, quam ab illo facti sunt, absit.* Sequitur, aut si non potuerunt seipsos facere meliores, quam eos ipse fecerat, quo homo melius quidquam facit; profectio & bonam voluntatem, quâ meliores essent, nisi operante adiutorio creatoris habere non possunt. Hæc Augustinus, ex quibus etiam verbis probatur consequentia ipsi facti.

Nec potest (inquit Ariminensis) dici quod Augustinus intelligat de adiutorio generalis influentiae tantum, quoniam tunc similiter est dicendum, quod Angeli non potuerunt, Deo non operante, in se facere malam voluntatem, aut per se fieri mali, quod nullus usus sanctorum admittit; sed ut idem Ariminensis ibid. aliâ ratione probat Adamum in integrum per solas naturales vires, absque auxilio gratiæ, non potuisse actum elicere qui sit moraliter bonus. Si enim potuisset, igitur potuit (inquit) per solas vires naturales servare divinum mandatum & Diaboli tentationi resistere & in rectitudine iustitiæ, in quâ factus erat permanere, patet, quia tentante diabolo, potuit velle propter Deum non comedere, sic et contra quamlibet tentationem potuit habere actum moraliter bonum ac per hoc manere in sua rectitudine ac non cadere sed consequens est expresse contra Augustinum de Nat. & grat. c. 47. *Quod ius libero arbitrio per gratiam sibi primò datum, adjuvabatur, ut sine hoc adiutorio non maneret, & iterum, Quod Deus dederat adiutorium sine quo etiam cum libero arbitrio non posset esse bonus nec in bona voluntate manere, & proxime licet sparsim allegatum est, cap. 49 & insuper inquit Augustinus de corrupt. & grat. c. 11. Si hoc adiutorium, vel angelo, vel homini cum primum facti sunt defuisset quoniam non talis natura facta erat, ut sine divino adiutorio posset manere, si vellet, non utique suâ culpa cecidisset, adiutorium quippe defuisset, sine quo manere non posset.*

Nunc autem quibus tale adiutorium deest, jam pena peccati est, quibus autem datur secundum gratiam datur, non secundum debitum. Hæc Augustinus subiungit Ariminensis, expressa est autoritas nec explicari indiget nec applicari, plura adducit Arim. testimonia Augustini huc spectantia. Huc facit illa sententia. Prosp. 308. Dem. ex Aug. Epist. 106.

Natura humana etiam si in integritate illa in quâ est condita permaneret, nullo modo seipsam creaturâ suâ non adjuvante, servaret. Unde cum sine Dei gratia salutem non possit custodire quam accepit quomodo sine Dei gratia recuperare quam perdidit?

Ex hisce Augustini testimoniis liquidò constat juxta illum, Adamum per solas naturæ vires, ne in statu integro, potuisse, aut servare mandata Domini, aut diaboli tentationi resistere, & in rectitudine iustitiæ in quâ factus erat, permanere, aut actum aliquem moraliter bonum, potuisse facere.

5 Ratio, Angelus bonus solis naturæ viribus præcise sumptis, non potuit actum agere moraliter bonum, qui non esset peccatum. Ergo

Nullus status purorum naturalium est stabilis juxta secundam acceptionem supra dictam.

Conseq. per se patet ut supra.

Antec. probatur, quia si Angelus bonus potuit suis naturalibus viribus præcise agere actum moraliter bonum, ipse potuisset discernere se positivè ab angelo alio non agente hunc actum, solis viribus naturæ, posito quod aliquando fuisset absque actu. At Angelus bonus non potuit suis naturalibus viribus se discernere positivè & discriminare ab aliquo angelo non agente per aliquid suum quo non à Deo accepisset, teste Apostolo, 1 Cor. 4. 7. *Quis enim te discernit? quid habes quod non accepisti, & si accepisti quare gloriaris?* sic etiam in hunc modum potest ejusmodi Angelus,

lus, collatione factâ sui cum altero Angelo non agente in hunc modum corum Deo in veritate gloriari, Domine gratias ago tibi quod naturales vires mihi misericorditer contuleris, nempe posse bene moraliter agere, at vero similes æqualesq; vires consocio Angelo contulisti, sed ego super addidi quod tu mihi non dedisti, sc. velle bene moraliter agere, cumq; non amplius receperim quam ille, tamen ego amplius effeci quam ille, cum jam ego actum moraliter bonum egerim, & melior factus sum illo. Itaque non amplius tibi tuæque gratiæ debeo quam ille qui non egit hunc actum, cum egisse potuisset. Hoc autem piæ aures audire exhorrescunt, esset enim maxima superbia ita sentire, & maxima blasphemia ita loqui; sic enim omne bonum non esset ex Deo, sed melius esset quod est ex nobis quam quod est ex Deo, ex nobis enim esset bene moraliter agere, a Deo non nisi posse bene moraliter agere. Hoc argumento utitur Augustinus: contrâ Pelagium de peccat. merit. & remis. lib. 2, c. 18. *Si nobis (inquit) libera quadam voluntas ex Deo est quæ adhuc potest esse aut bona aut mala: bona vero voluntas ex nobis sit, melius est id quod a nobis quam quod ab illo; quod si absurdissime (inquit) dicitur, oportet, fateantur Pelagiani etiam bonam voluntatem nos divinitus adipisci.* Idem August. de virbis Apostoli, Sermon 10 explicans illud Psal. 94 *Venite adoremus & prosternamur ei, & ploremus coram Domino qui fecit nos & homines & salvos, nam si ille nos fecit homines, nos autem ipsi nos fecimus salvos, aliquid illo melius fecimus: Melius est enim salvus homo quam quilibet homo. Si ergo Deus te fecit hominem, (par ratio est etiam Angelorum,) & tu te fecisti bonum hominem, quod tu fecisti melius est. Noli temet extollere supra Deum, subde te, Deum adora, prosternere, consilere tui qui fecit te; quia nemo recreat nisi qui creat, nemo reficit nisi qui fecit.* Hæc Augustinus.

Ex hisce aliquatenus constare possit non dari ullum medium statum purorum naturalium qualis fingitur a Scholasticis; neque ullus status quo non differt homo integer a lapso magis quam nudus a nudato, qui Beilarmino est status purorum naturalium: neque ille alter status qui includit omnem illam rectitudinem quam fluere apta est ex principiis naturæ, absque omni auxilio gratiæ, naturam supra se elevante, eo sensu quo usurpatur status purorum naturalium a Stapletono, Estio, & quamplurimis aliis, qui volunt hominem lapsum differre ab integro non solum ut nudatus a nudo, sed ut nudatus simul ac lauciatus a nudo & sano.

CHAP. IX.

Proponitur atque refellitur distinctio quâ ea qua in superioribus sunt stabilita eludere perpetuò conantur adversarii.

SED adversus hæc quæ a nobis dicta sunt perpetuò ingerunt distinctionem illam Dei, quâ considerari potest ut finis naturalis & author felicitatis conjunctam naturalis, & quâ finis supernaturalis, & author beatitudinis supernaturalis quæ consistit in clarâ Dei visione prout in seipso est, & consequenter distinctionem duplicis dilectionis, unam sc. quâ Deum tanquam creatorem amamus & authorem naturæ, quæ ortum ducit ex libero hominis arbitrio; altera quâ Deum tanquam futuræ beatitudinis largitorem diligimus, quæ per sp. sanctum diffunditur in cordibus nostris, & charitas nuncupatur.

At distinctiones istæ absque Scripturis, & absq; veteris Ecclesiæ traditione in aniter finguntur, ut illud aut Scripturis sacris & veterum testimoniis quæ utriq; statui purorum naturalium supra dicto è diametro adversantur, siquidem sacræ literæ, non meminerunt Dei ut finis ultimi hominis, sed duntaxat ut finis quem non nisi auxiliis supernaturalibus consequimur; neque ullius beatitudinis rationalis creaturæ, nisi illius quæ in clara Dei visione consistit; nec ullius mediij loci, aut receptaculi animarum meminerunt extra regnum cælorum, nec ullius dilectionis Dei, quam illius charitatis quâ Deum tanquam futuræ beatitudinis in cælis largitorem diligimus; Nec

Nec ullius veræ virtutis nisi illius quæ a fide proficiscitur, & in Dei ut futura beatitudinis in cælis largitoris honorem & gloriam actus aut virtute refertur, & a Dei charitate in hunc ultimum finem dirigitur & ordinatur. Deus in Scripturis non describitur ut finis naturalis rationalis creaturæ acceptione scolasticorum, (i.) ut auctor aliqujus felicitatis naturalis, quæ naturæ viribus obtineri potest, sed semper ut finis quem non consequitur creaturæ rationalis nisi quatenus per gratiam elevatur supra seipsam. Siquidem non meminit ullius felicitatis nisi illius quæ in clarâ Dei visione consistit, Mar. 5. Beati mundi corde quoniam ipsi Deum videbunt, Joh. 14. Qui diligit me diligitur a patre meo & ego diligam eum, & manifestabo ei meipsum, Joh. 3. Scimus quoniam cum apperuerit similes erimus, quoniam videbimus eam sicuti est, & Apocal. 22. 4. incolæ supernæ Hierusalem videbunt faciem ejus [Dei] 1 Cor. 13. 12. *Videmus nunc per speculam in enigmate, tunc a facie ad faciem*, Mat. 18. *Angeli eorum, in cælis semper vident faciem patris*, quem locum explicans Augustini lib. 8. de Trin. c. 13. *Ipsa est (inquit) visio, a facie ad faciem, quæ summam primum promittitur iustis*. Ex hisce, & hinc spectantibus scripturæ locis, P. p. & Scho/asticis fere consistunt æternam beatitudinem consistere in visione Dei, & summam miseriam in poenâ damni, & hujus beatitudinis carentiâ; dicēs hæc vere dici de beatitudine humanæ naturæ, qualis jam est, sed non qualis esse potuit absq; gratiâ. Neq; enim humanæ naturæ ratio neq; simplicis cujusdam innocentie integritas requiritur, tantum honori & gloriæ, & in consortium divinæ naturæ & adoptionem filiorum Dei, & in spem, ac participationem gloriæ cælestis, jam in clarâ visione Dei consistit, homo assumeretur, quâ nimirum aut non potuerit esse homo, nisi tali dignitate in creatione suâ præditus esset, aut non potuerit esse rectus & ab omni vitio liber, nisi tam præclaris animi dotibus esset exornatus, tantq; similitudinis ac societatis excellentiâ Deo conditori suo propinquaret: quare simpliciter & absolute loquendo non naturalis, sed supernaturalis primo homini fuit gratia. Hæc Estius 2. l. 25. Sect. 4.

Resp. Distingueno de voce, naturalis, ut supra; non semel enim naturale denotat.

- | | | |
|--|---|--|
| | { | 1 Id quod fuit a principiis naturæ. |
| | | 2. Id quod inest a nativitate ut naturæ debitum bonum quodq; necessarium est, & requisitum ad perfectionem, seu bene esse creaturæ, & sine bene esse non potuit malo carere, ut ejus absentia sit creaturæ malum adeoque vitium & impedimentum consecutionis finis ad quem ordinatur, undecunq; oriatur, sive ex principiis naturæ sive aliunde. |

vel

Posterior pars habetur ex Dionys. de divin. no. c. 4. & ex Alex. Halens. 3. p. q. 61. m. 1. & Baio de primâ hom. justitiâ.

Hæc distinctione in antecessum portatâ, dicimus id dici naturale humanæ naturæ, vel quod fuit a principiis humanæ naturæ, vel ex animâ rationali, ut ejus potentie, intellectus, voluntas, & sensitivus appetitus, vel ex conjunctio ut visibilitas cui opponitur id quod non fuit a principiis naturæ, sed naturæ super-additum est quod supernaturale dicimus & super naturalem originem habet.

2. Id naturale humanæ naturæ dicimus quod inest a nativitate & naturæ debitum bonum, quodq; necessarium est, & requisitum ad integritatem perfectionem seu bene esse naturæ humanæ, atq; adeo necessarium ut sine eo non potuit malo, & miseriam carere, & ejus absentia sit humanæ naturæ malum, adeoq; humanæ naturæ vitium, & impedimentum finis ad quem humana natura ordinatur, undecunq; oriatur, sive ex principiis naturæ, sive aliunde, huic acceptioni opponitur donum indebitum & gratuitum, item naturæ vitium, quod naturam vitiat, aut depravat, seu imperfecto vel defectus, juxta hæc secundam acceptionem quæ est Augustini & Dionys. de divin. nominibus, c. 4. & Halens. p. 7. q. 61. memb. 1. & Mich. Bani, multa dici possunt naturalia quod usum quæ supernaturalem habent originem, quomodo ipsa

anima

anima rationalis supernaturaliter creatur, licet sit præcipua pars essentiae humanæ naturæ, sic Peripatetici volunt gravitatem & levitatem non à principis elementorum fluere, sed generantibus tribuunt, sic restitutio visus, auditus, sanitatis, infirmis multis præservatorem; cujus meminit Evangelium, etsi erat ex potentia supernaturali, nemo tamen dixerit hæc qualitates fuisse supernaturales, aut negavit esse naturales sed harum tantum generationes & restituendi modum.

Atq; hoc secundo modo, gratia in qua creatus est primus homo erat primo homini naturalis licet a Deo immediate infusa fuerit supernaturaliter, vel potius concreta; nam gratia juxta hanc secundam acceptionem inerat a nativitate, & homini concreta, inerat etiam & bonum naturæ humanæ debitum, utpote necessarium ad integritatem, perfectionem, & bene esse naturæ humanæ, atq; adeo necessarium ut absq; eo non potuit malo & miseriâ carere; quin ejus absentia humanæ naturæ malum est, nociva erat, adeoq; naturæ vitium & impeditiva finis quem humana natura naturaliter desiderat, quicquid autem ad rei integritatem hoc modo pertinet, sic ut ejus absentia malum sit, & nocivum & finis impeditivum a quacunque causâ perveniat, id omnino naturale esse pronuntiandum est & debitum, non autem indebitum & gratuita exaltatio humanæ naturæ, etsi supernaturalem originem sortita fuerit, nec a principis naturæ oriatur aut oriri posset. Meminit Apostolus, 1 Cor. 12. 9, 10, 11. multorum charismatum quas gratias gratis datas indignant Scholastici, talia sunt, fides miraculorum, dona sanationum, operatio virtutum, seu miraculorum, donum Prophetiæ, discretio spirituum, donum linguarum, istis donis gratuitis absque nostro malo caremus, nec harum carentia humanæ naturæ nociva, aut finis impeditiva est, quem appetit, nec naturæ humanæ hæc dona aliquo modo debita, quin potius naturali hominis integritati gratuito & indebitum superaddita. At de originali justitia etiam quæ gratiam complectitur longe aliter pronuntiandum: siquidem hæc originalis rectitudo in qua conditus est primus homo adeo necessaria erat ad consequendum illum finem quem naturaliter appetebat; est autem iste non alius quam Deus clarè visus: ut plane dicendum sit, hanc naturæ humanæ debitum esse, ejusq; carentiam, malam, & nocivam homini.

Ad rationem ergo G. B. ii respondeo, Cum conjungitur creaturæ ac proinde humanæ naturæ, bene esse æstimanda sit ex fine creaturæ autem rationalis ratio exigit, ut ultimam suam perfectionem naturaliter desideret asserente Thoma, 1. 1. 63. art. 1. quia non alia est quam beatitudo illa quæ in beatifica visione consistit, siquidem naturalis hominis appetitus non quiescit, donec ad summum & perfectissimum cognoscibile perveniat (i.) ipsum Deum, ille enim solus appetitus ejus perfecte satiat & usquequaque implet totum desiderium; imò totam ejus capacitatem: unde illud Augustini celebre dictum Confess. 1. c. 1. *Fecisti nos Domine ad te, & inquit, sum est cor nostrum donec acquiescat in te.* Ideo simplicis cujusdam innocentie integritas non sufficit humanæ naturæ, sed talis integritas ubi nihil deerit quod requisitum fuerit ut expleatur naturalis appetitus, & finis desideratus obtineatur, talis autem integritas non habetur absque gratiâ naturam supra se elevante.

Ac quanquam homo potest esse homo absque tali integritate quod essentialia hominis, non tamen rectus esse potuit rectitudine morali & illâ cujus meminerunt sacre literæ, nec ab omni vitio liber, qui dictâ integritate caret, cum talis integritas necessaria sit ad bene esse hominis, ut sine illâ non potuit malo & miseriâ carere. Hinc est quod Augustinus discretè dicit, vitium esse naturæ Angelicæ quod non adhareat Deo, atq; hinc apertissime declarari ejus natura ut Deo adhæreat, convenire de Civit. Dei, lib. 12. c. 1. & paulò ante eodem cap. Hinc natura Angelica quæ in tanta excellentia creata est, ut licet ipsa sit immutabilis, inherendo tamen incommutabili bono (i.) summo Deo beatitudinem consequitur, nec expleat indigentiam suam. Nisi utique beata sit, etque expleatur non sufficiat nisi Deus: profecto non illi adhærere vitium est, omne autem vitium naturæ nocet, ac per hoc naturæ contrarium est. Vide supra.

Ex hisce constat appetitionem æternæ beatitudinis esse naturalem ad eamq; ferri homines naturaliter, non tamen naturam solis suis viribus posse ad hanc beatitudinem attingere, sed necesse esse ut per gratiam supernaturalem elevetur ut hunc finem consequatur;

consequatur; ac per hoc beatitudinem esse essentialiter supra sphaeram naturæ licet naturaliter appetatur. Quare simpliciter loquendo dicendus est iste finis naturalis, licet non nisi viribus gratiæ naturæ excedentibus adipiscibilis, eo modo quo dicimus, visum, auditum, sanitatem corporis, aliasque qualitates ad hominis integritatem necessarias, quas quibusdam natura non contulit, sed ut legimus in Evangelio Christus D. miraculose restituit, nemo supernaturales vocat, aut naturales esse negat, sed earum generationes & restituendi modum.

Qui verò præter illam in cælis beatitudinem aliam confingunt beatitudinem naturalem, & alium hominis finem naturalem, siue illa sit investigatio omnis veri naturalis, ut vult Bellarminus, siue contemplatio Dei in creaturis, ut Estius, siue aliam, ab hac beatitudinem, quæ Deo fruimur ut auctore naturæ, frustra hæc comminguntur, cum nec Scriptura, nec Ecclesiæ traditio alterius meminit, quam illius cuius supra meminimus.

Unde porro inferimus, Cultum illum duplicem veri Dei, qui à nonnullis confingitur; quorum altero Christiani, ex supernaturali charitate, Deum tanquam obiectum beatitudinis & meritorum remuneratorem pro regno cælorum consequendo fructuose & meritorie colunt: Altero vero alii ex naturæ viribus solum Deum tanquam naturæ auctorem, pro accepto beneficio creationis tantò sterilius colunt, quanto minore in suo cultu remunerationem spectant,

1. Unus ex supernaturali charitate colendi Deum fructuose & meritorie ob regnum cælorum.
 Duplex, inquam, ille cultus 2. Alter, ex naturæ viribus colendi Deum, ut auctorem naturæ sterilitè ob naturalem quandam felicitatem.

Duplex (inquam) iste cultus non est admittendus. Cum omnia officia generis posterioris, ubi Deus non colitur ex charitate, nec ex spe adipiscendi regnum cælorum, sit cultus falsus & fictitious, nec talia officia a peccato excusari possunt, nec veræ virtutes sunt, sed virtutum simulationes, & vitia virtutes imitantia, sicut ex professio docet Prosp. lib. 3. de vitâ contemplativa, c. 1. ubi de verâ virtute agit, & ejus a virtutis simulatione discretionem, ex iisdem etiam principiis deducimus, vanam esse illam distinctionem Scholasticorum quo contendunt duplicem esse Dei dilectionem.

1. Unam quâ Deum ut beatificatorem diligimus, quæ charitas dicitur;
 2. Alteram quâ Deum ut creatorem diligimus quæ ex libero arbitrio ortum ducit.

Contra Augustinus passim, Enchirid: c. 117. regnat carnalis cupiditas ubi non est charitas. Idem August. 1 Retract. 15. *Voluntas in tantum libera est (inquit) quia in tantum libera est, & in tantum appellatur voluntas; aliqui tota cupiditas est, quæ voluntas proprie nuncupanda non est, quæ non est aliena naturæ additamentum sed nostræ vitiosa a qua non sanamur nisi gratia salvatoris, dum ait voluntatem, dum liberata non est, totam esse cupiditatem, quid aliud significat quam voluntatem, dum charitas non est, totam esse cupiditatem.*

Resp. Bellarm, lib. 5. de gr. & lib. arb. c. 11, *Loqui e Aug. de voluntate, ut voluntas significat potentiam non actum,*

Sol. At Aug. a libi lib. 2. de pec. merit. & Remiss. c. 18. ait voluntatem bonam in iis bonis esse quorum usus non potest esse malus, quod de ipsa potentia intelligi non potest, quia ipsa in iis bonis est, quibus bene & malè vivitur ut docet hic sup. c. 9, sed solum de actu id quod expresse docet de pec. mer. & remis. 2. c. 18. *Quod a Deo nos averimus inquit (i.) nostrum est & hæc est voluntas mala, quod vero ad Deum nos convertimus nisi ipso excitante & adjuvante non possumus & hæc est voluntas bona.* Hic per bonam voluntatem non potentiam rationalem appetendi, sed actum volendi seu ipsam bonam volitionem deporat; nam potentia rationalis volendi potest esse bona vel mala. Accedant alia loca Augustini huc spectantia. Et in Psal. 9. Res animæ 2.

mor est qui si pravus est, dicitur cupiditas, vel libido; si rectus dicitur charitas est in Ps. 3. amor Dei, amor proximi charitas dicitur, amor mundi, amor saeculi cupiditas, & lib. 9. de Trin. cap. 8. *Amor mundi cupiditas, amor Dei charitas*, Hisce locis non aliam dilectionem bonam agnoscit Augustinus, quam charitatem.

Quin & Augustinus non re, aut origine sed de solo duntaxat nomine, vult amorem Dei creatoris, distingui ab amore Dei beatificatoris, unde lib. 4. cont. Julian. cap. 3. *Amor Eo quo pervenitur ad Deum non est nisi a Deo patre per Jesum Christum cum sp. sancto per hunc amorem creatoris, inquit, bene quisque vivit etiam creaturis, sine hoc amore creatoris, nullus bene vivit creaturis*, & lib. 9. de Trin. cap. 7, & 8. *Verbum amore concipitur, sive creatura, sive creatoris: Ergo aut cupido aut charitate, non quod non sit amanda creatura, sed si ad creatorem refertur ille amor, iam non cupiditas sed charitas erit*. Item lib. 50. Homiliarum, Homil. 34. *Amor mundi adulterat animum, amor fabricatoris mundi sanctificat animum*. Hic non distinguit Augustinus inter amorem creatoris, & beatificatoris, sed utrumque charitatem appellat, quia quemadmodum Deus non aliâ re creatur, alia verò beatificatur, sed una, & eade m, nempe suâ essentiâ: sic nec alia est creatoris, alia vero beatificatoris dilectio, sed una & eadem, licet ferè hæc nominis diversitas, diversa Dei beneficia insinuet, quibus merito ad amorem Dei provocemur. Leo Sermon. 5. de jejunio 7. mensis. Duo sunt amores ex quibus omnes prodeunt voluntates; rationalis enim animus qui sine dilectione esse non potest, aut Dei amator est, aut mundi.

Néque alicubi Augustinus agnoscit ullam bonam dilectionem ex solis viribus naturæ ortam, nec aliam charitatem, quam illa quæ fundatur in meritis Christi, lib. 21. de Civit. Dei, c. 16. *Nunc itaque vitia ista deputanda sunt* (inquit) *cum Dei amore vincuntur; quem nisi Deus ipse non donat, nec aliter, nisi per mediatorem Dei & hominum, Jesum Christum, charitas*. Ergo, juxta Augustinum, non donatur, nisi per & propter meritum Christi; & cont. Julian, lib. 4. c. 3. compellens Julianum. *Introduis hominum genus qui sine fide Christi placeat Deo, hoc est, unde te maxime delectatur Ecclesia Christiana; per fidem Christi intelligit fidem per dilectionem operantem, ut sese explicat*. Et cont. Julian, lib. 5. c. 5. *Hoc totum recte fit quando fit propter ipsum, (i.) quando gratis amatur ipse, qualis amor nobis esse non potest, nisi ex ipso*. Si omnis amor sit à Deo, ubi amor ortus ex libero arbitrio? Et epist. 107. *Liberum arbitrium ad diligendum Deum primi peccati granditate perdidimus*. Nulla ergo dilectio Dei superites post lapsum absque gratiâ.

Prosp. de vocat. Gentil. lib. 1. c. 1. Voluntas humana, sine sui authoris participatione, in terrenis occiduique versatur.

Ex hisce testimoniis antiquorum satis constat, ex eorum sententiâ nullam felicitatem naturalem, præter illam quæ est in cœlis & beatifica visione consistere, esse dabilem, nec alium hominis finem naturalem, nec alium cultum Dei ex naturæ nostræ viribus ortum, quo colitur Deus ut author naturæ, ut alio quam illo qui sit ex supernaturali charitate ob regnum ecelorum; nec etiam esse Dei ut creatoris dilectionem aliam ab illa qui est Dei ut beatificatoris,

Ex hisce dictis refellitur distinctio Julian: apud Agust. lib. 4. cont. Julianum, c. 3. quæ dixit omnes virtutes in animo sitas, esse effectus per quos boni sumus,

aut } Fructuose
Steriliter.

1. Fructuose boni sumus, juxta Julian. cum pro judicio voluntatis cujus nutui serviunt ad æterna diriguntur.

2. Steriliter boni cum ad temporalia diriguntur, & addit, Nec nominis sui possunt, nec generis sustinere dispendium (veras enim virtutes esse vult utraq;,) sed solius quod appetiverunt præmii, aut amplitudine ditantur, aut exilitate frustantur, hoc Julian recte respondet August. p. 403. *Fieri non potest ut steriliter boni sumus, boni enim non sumus* (inquit) *quicquid steriliter sumus*. *Arbor enim bona, bonas fructus facit. Absit* (inquit) *ut Deus bonus a quo securis paratur arboribus non facientibus fructum bonum excindat & in ignes mittat arbori bonas; nullo igitur modo, inquit, homines sunt steriliter,*

steriliter boni, sed qui boni non sunt possunt esse alii minus, alii magis mali, ergo juxta Augustinum, nulli sunt steriliter boni, sed omnes fructuosi. Et postea pag. 409. Sterilium arborum fructus, aut nulli sunt, aut si mali sunt, laudandi non sunt, aut si fructus boni sunt profero steriles arbores non sunt, imò & bona sunt, quarum fructus boni sunt, & debent Deo placere, cui bona arbores non possunt nisi placere; Juxta Augustinum, non datur medium genus hominum inter bonos fructuosos, & malos, non steriliter boni, ut contendit Julianus. Nec inter arbores bonas fructuosas, & malas, datur medium genus bonarum sterilium, nam securis paratur arboribus non facientibus fructus bonos, & absit ut Deus bonus excindat & mittat in ignem arbores bonas. Vid locum Aug. de peccat. merit. & remis. 2. c. 18. sup. p. 72.

Huc accedat confessio ingenua. B. Medinae in 12. q. 109 art. 2. qui etsi contendat cum Bellarmino hominem in puris naturalibus constitutum non magis differre ab homine in statu lapsus, quam differt nudus a nudato, tamen quæ sit felicitas illa hominis in puris naturalibus constituti, fatetur, vix designari posse, imò videtur asserere ejusmodi hominis statum potius miserum esse & infelicem, tantum abest ut in statu felicitatis aliquo constitui posse dicatur, idque quibusdam rationibus adductis, quas non solvit, asserere videtur.

1 Siquidem intellectus, inquit, hominis suapte natura inclinatur ad omne verum cognoscendum, & per solius naturæ vires nequaquam potest consequi totius veri cognitionem, unde non potest habere naturalem felicitatem ad cujus statum talis cognitio maxime conducit.

2 Voluntas, inquit, suapte naturā inclinatur ad omne bonum rationi consentaneum, hoc autem in illo statu adipisci non potest, ergo in illo statu beatitudinem consequi non valeret. Alias rationes adducit, quibus contendit absq; dono gratiæ hominem in puris naturalibus conditum, necessariò infelicem fore; quippe cum ille status necessitat reconciliationem cum Deo, aut liberationem a peccato, in quod necesse est incidere hominem; quippe cum per vires naturales non possit legem Dei adimplere. Idem Medina eodem in loco vult, tamē Augustinum admisisse statum purorum naturalium juxta secundam acceptionem supra a nobis positam, ac juxta eam potuisse habere felicitatem quandam naturalem, inferiorem illā quæ consistit in beatificā visione, in quā absq; omni crimine & peccato esse potuit, sed nos supra pluribus testimoniis ex Augustino potius evicimus, illum, nullum ejusmodi medium statum agnovisse.

Restat ergo, ut dicamus primò humanæ naturæ conditionem exigere, ut nihil prius ab homine aut cognoscatur, aut colatur, aut diligatur, quam Deus, utpote qui hominis sit summum bonum; ac idcirco propter Deum alias res omnes à Deo, desiderari ab homine ac diligi oportere.

2. Ut dicamus ipsum donum originalis justitiæ homini collatum esse, ut potens esset simpliciter declinare à malo, & facere bonum, & absque hoc naturam humanam non posse præstare actiones ejus proprias & principales, circa objecta ejus principalia; ac proinde justitiæ hujus privationem, privare hominem omni potentiā cognoscendi, amandi, timendi, colendi, aut glorificandi Deum, ut Deum, imò potentiā faciendi quicquam bene moraliter, aut faciendi quicquam quod non sit peccatum, ut habet doctiss. Field. in Append. lib. 3. p. 255. Si enim gratia homini cum primò conderetur non collata fuisset simpliciter ad bene operandum; sed potuisset homo bene operari solis viribus naturæ absque & ante additamentum gratiæ, tum ex ejus absentia & carentia non contracta fuisset illa impotentia bene agendi post lapsum, quam omnes experimur. Et hinc est quod ab ipsis malis angelis ablata sit omnis rectitudo moralis concomitanter ad privationem rectitudinis supernaturalis, quam primariò induxit eorum peccatū; omnis cognitio, sc. practica veri moralis, & omnis rectus amor morali rectitudine circa finem, & circa media ad finem conducentia, ut recte D. Banner in 1 pag. q. 62. artic. 1. dub. 1. col. 890. B. Id ipsum etiam pariter philosophandū homine hominem, post lapsum sese privasse omni rectitudine morali, tum cognitione practica veri moralis, tum omni potetia volendi aut faciendi bonum morale. Etsi enim velle & facere potest, quod sit bonum ex genere, ex objecto, & officio non tamen debitum finem intendere potest nec debito

bito modo versari circa hunc finem & media ad finem, nec adhibere debitas circumstantias ratione, loci, temporis, personarum & id genus alia, prae ignorantia agendorum quam ex peccato contraxit in intellectu ex aliis vulneribus voluntatis & appetitus sensitivi supra commemoratis.

Atque hinc intelligi potest quam turpiter errant Romanenses cum statuunt originale iustitiam non fuisse collatam primo homini simpliciter ut malum vitet & bonum faciat, sed duntaxat ut collective constanter & meritorie omne malum vitet, & omne bonum faciat; ac proinde originalis iustitiae privationem non privare hominem omni potentia vitandi malum & faciendi bonum, sed tantum potentia faciendi omne bonum & vitandi omne malum collective & meritorie. Unde volunt hominem solis viribus naturae, absque omni auxilio gratiae post lapsum posse vitare singula peccata, non urgente gravi aliqua tentatione, & facere multa opera moraliter bona absque ullo culpabili defectu.

At certum est ex supra dictis ipsum donum originalis iustitiae collatum fuisse homini, ut potens esset simpliciter declinare à malo & facere bonum, & absque hac naturam humanam non posse praestare actiones ejus proprias & principales circa objecta ejus principalia, ac proinde iustitiae hujus privationem privare hominem omni potentia cognoscendi, amandi, timendi, colendi, & glorificandi Deum, ut Deum, imò omni potentia faciendi quicquam bene, etiam moraliter, aut faciendi quicquam quod non sit peccatum, ut egregie docet Augustinus in celebri illo cap. 3. lib. 4. contra Julian. Pelagianum ex cujus messe illo loco, paucas spicas collegisse, operam pretium duxi, sic (ergo) ille 11. 397. *Ab sit ut sit in aliquo vera virtus nisi fuerit iustus, absit autem ut sit iustus verè nisi vivat ex fide, iustus enim ex fide vivit.* Qui porro eorum qui se Christianos haberi volunt, nisi soli Pelagiani ——— iustum dixerit infidelem, iustum dixerit impium iustum dixerit Diabolo mancipatum? Sit licet ille Fabricius, sit licet, Fabio, sit, licet Scipio, sit, licet Regulus; quorum me nominibus tanquam in antiqua & Romanâ curiâ loqueremur, putasti esse terrendum. Hic discrete Augustinus nullam veri nominis virtutem aut iustitiam agnoscit ubi non ex fide vivitur. Per virtutem & iustitiam intelligit Augustinus, virtuosam & iustam actionem, ut sese sapius explicat, hoc ipso in capite & per fidem, fidem per dilectionem operantem, ut sese explicat bis ad finem capitis. Mox in eodem cap. [verum tu (compellat Julianum).] in hac causa etiam ad scholam Pythagorae provocat vel Platonis, ubi eruditissimi ac doctissimi viri multo excellentiores cæteris philosophiæ nobilitate veras virtutes non esse dicebant, nisi quæ menti quodam modo imprimuntur a formâ illius aeternæ & immutabilis substantiæ, quod est Deus, etiam illic adversus te quantum donat, quoniam vocavit pietatis libertate clamabo: nec in istis est vera iustitia quia iustus ex fide vivit, fides ex auditu, auditus per verbum Christi, finis legis Christus ad iustitiam omni credenti. Hic August. Pythagoriorum & Platoniorum virtutes, quas ipsi a Deo imprimi menti humanæ agnoscebant, veras esse virtutes inficiebatur quia ipsi fide in Christum destituebantur, ac proinde veri nominis iustitiam habere non poterant, & mox Christus gratis mortuus est; si homines sine fide Christi ad fidem veram, ad virtutem veram, ad iustitiam veram, ad sapientiam veram, quacunque re alia, quacunque ratione perveniant, prorsus sicut de lege verissime ait Apostolus, *Si per legem iustitia*, (ergo) *Christus gratis mortuus est*, ita verissime dicitur. *Si per naturam voluntatisque iustitia*, ergo *Christus gratis mortuus est*. Hic appertè docet, per naturam & voluntatem (i.) per vires naturales, neminem posse iustè agere absque fide Christi, atque hoc ipsum asserere non aliud esse quam mortem Christi prorsus evacuare.

Et p. 399. *Iustus ex fide vivit, ex hac enim fide prudentur, fortiter, temperanter, & iustè, ac per hoc his omnibus veris virtutibus rellè & sapienter vivit, quia fideliter vivit.* Videtis ad prudenter, fortiter, temperanter iusteq; agendum & vivendum, exigere Augustinam fidem vivam, (i.) per dilectionem operantem; & mox. *An placet tibi ut veras virtutes avarorum, esse dicamus, cum lucrorum vias prudenter excogitant? cum pro acquirendâ pecuniâ sava atque aspera multa fortiter tolerant? cum variis cupiditatibus quibus sumptuose vivitur, temperanter sobriq; castigant, cum abstinent ab alieno, de suo sape amisso contemnunt, quod videtur ad iustitiam pertinere, ne iurgis;*

Et iudiciis plura consumant, cum enim agitur aliquid prudenter, fortiter, temperanter, iuste, omnibus quatuor virtutibus agitur, quæ secundum istam disputationem (alloquitur Julianum) vera virtutes sunt, sed ad cognoscendum mirum vera sint, hoc tantummodo innotet, quod agitur, nec causa quærenda est cur agatur. Hic ostendit Aug. avaros sæpe videri multa prudenter, forti er, temperanter, & iuste agere si solum intueamur quod agitur, at longe aliter se rem habere si quæramus cur agatur, & quâ intentione hoc vel illud agant, ut pulcherrime in sequentibus suis docet, ubi subiungit falli Julianum, vitiis veri similitudine, quæ finitima videntur & propinqua virtutibus, cum absint ab iis quàm longe à virtutibus absint vitia.

Et mox, Noveris itaque non officiis sed finibus a vitiis discernendas eas virtutes officium est quod faciendum est, finis vero propter quod faciendum est, cum itaque facit homo aliquid, ubi peccare non videtur, si non propter hoc facit propter quod facere debet peccare convincitur. Quæ tu non attendens fines ab officiis separasti & virtutes veras officio sine finibus appellandas esse dixisti, ex quo te tanta absurditas sequitur, ut veram cogaris appellare iustitiam, etiam cuius Domini am repereris avaritiam, siquidem manus abstineret ab alieno, si officium cogites, potest videri esse iustitia, sed cum quæritur quare fiat, ut respondetur ne plus pecunia litibus pereat, quomodo iam hoc factum vera poteris esse iustitia cum serviat avaritia? At absit inquit, ut virtutes vera cuquam serviant, nisi illi, vel propter illum cui di immo, Deus virtutum convectet nos. Ps. 79. Ex hisce sat & constat, juxta Augustinum, necessariam esse distinctionem actuum, seu officiorum & finium, nec actibus sed finibus pensanda esse officia, ut postea ait, nec esse virtutes ubi officia præstantur, sed non propter Deum; unde subiungit, quicquid boni fit ab homine et non propter hoc fit, propter quod fieri debere vera sapientia præcepit, etsi officio videatur bonum, ipso non recto fine, peccatum est.

p 407 Si Gentilis (inquit compellens Julianum,) Nudum operaveris, nunquid quia non ex fide peccatum est? Prorsus (inquit, Aug.) in quantum non est ex fide peccatum est non quia per se ipsu factum, quod est, nudum operire, peccatum est; sed de tali opere non in Domino gloriari, solus impius negat esse peccatum. Hic Augustinus opera miserecordiæ a Gentilibus præstita, peccatis accensenda esse pronunciat; non quod ex genere, aut objecto, aut officio sunt peccata, sunt enim bona quoad actus substantiam, sed quoad modum, quia non ex fide, nec ad gloriam Dei, non bene fiunt, ac proinde non sunt actus simpliciter boni, sed mali, dicebatur, cum mala sit actio ex quolibet defectu, quomodo homo diciter ager, ex quolibet morbo.

Ex dictis satis constare arbitror, juxta Augustinum hominem, lapsum non posse solis naturæ viribus actum aliquem præstare moraliter bonum, cui non infit culpabilis aliquis defectus, absq; auxilio gratiæ, ac proinde cum ex absentia & carentia gratiæ homo lapsus contraxit impotentiam bene agendi simpliciter, ergo & ante lapsum non potuit bene operari moraliter, ex solis naturæ viribus absque additamento gratiæ. Ostendimus in superioribus prælectionibus hominem lapsum, ex carentia gratiæ contraxisse impotentiam bene agendi simpliciter, unde consequenter intulimus hominem integrum ante lapsum non potuisse bene operari moraliter ex solis viribus naturæ absq; gratiæ. Ostendimus item non dari nec dari posse statum illum purorum naturalium in quo creatura rationalis condi potuisset absq; omni gratiæ, seu ut Bellarm. loquitur in statu medio, absq; iustitia absq; peccato. c. 7. de grat. prim. hom. quæ fufius disputavimus ratione quinquaginta supra adductâ, quâ asserimus iustitiam Originalem necessariam fuisse ad naturæ humanæ integritatem, ac suo modo debitam ac proinde non fuisse indebitam naturæ humanæ exaltationem, ut contendunt Jesuitæ.

Atque ita ex tribus quæ initio tractanda proponebamus, duo absolvimus; nam primò fundamentum dogmatis Jesuitici de origine concupiscentiæ, & indebita naturæ humanæ exaltatione concussimus.

2. Dogma hoc variis argumentis impugnavimus, ubi etiam vindicavimus argumenta quæ proponuntur ut nostra ab objectamentis Bellarmini,

3. Jam superest ut argumenta refellamus, & quidem primò ea quæ a Bellarmino proponuntur lib. de gratia prim. hom. c. 6.

CAP. X.

*Refelluntur Argumenta a Bellarmino Proposita (lib: de gr. prim: hom: c. 6.)
primò autem ea quæ petuntur ex Scripturis.*

Ubi tamen ut rectius occurramus argumentis, repetenda est distinctio cujus non semel meminimus supra, vocis naturalis. Naturale enim denotat

- vel {
1. Quod fluit a principiis naturæ.
 2. Quod naturæ concreatum est, ut bonum naturæ debitum, eamq; intrinsicè perficiens, quodq; necessarium est ad bene esse creaturæ rationalis, ut sine eo bene esse non potest, aut malo & miseriam carere, cujus absentia est creaturæ nociva, & mala, adeoq; vitium creaturæ & impeditivum consecutionis finis ad quem creatura ordinatur.

Juxta primam acceptionem dicimus, potentias animæ, intellectum, voluntatem, memoriam, appetitum sensitivum in homine fluere a principiis animæ rationalis ac proinde animæ naturales esse. Dicimus etiam risibilitatem fluere a principiis hominis, sed a conjuncto, naturali quadam immanatione, ac proinde homini esse naturalem.

Juxta secundam acceptionem dicimus Originalem rectitudinem seu justitiam esse homini naturalem, quatenus est bonum homini concreatum, bonum humanæ naturæ debitum eamque intrinsicè perficiens; bonum necessarium ad bene esse rationalis creaturæ, & sine eo bene esse non potest, aut malo & miseriam carere: huic opponitur malum seu vitium creaturæ, aut quodcunque creaturæ nocivum est, seu quod est contra naturam, item id quod est mere indebitum & gratuitum; dicimus etiam hanc rectitudinem originalem, bonum ordinis, siquidem rectitudo existit in partibus eum inter se, ordinem habentibus, a quo totum quod ex illis constat, rectum dicitur; primi hominis autem rectitudo in tribus consistebat.

1. In eo quod pars animæ superior (i.) intellectiva Deo perfecte subiceretur & adhareat; mens quidem per perfectam Dei legem; ejus notitiam; voluntas autem per plenam obedientiam, & quidem hac parte, justitia originalis comprehendebat gratiam cujus est proprius effectus & officium, mentem & voluntatem hominis per scientiam & amorem, Deo conjungere aq; sub jere.

2. Consistebat in eo quod partes animæ inferiores (i.) appetitus sensitivus tam concupiscibilis quam irascibilis, sine ulla pugna aut rebellionem superioribus, subicerent, intellectui, & voluntati.

3. In eo quod omnia corporis membra voluntati seu rationis imperio ad nutum subservirent, ita ut sicut nullus exurgeret motus in parte inferiori animæ contra rationem, ita nec in ullo corporis membro.

Hæc triplex rectitudo in toto homine ex partium, ac potentialium, ejus ordine atq; optimâ dispositione consurgebat. Atq; hinc homo secundum partes & potentias suas, ita fuit ordinatus, ut absolute justus, ac rectus diceretur, utpote nihil habens in se inordinatum, curvum, aut vitiosum.

Hanc autem rectitudinem totam jure pronunciamus esse naturalem, undecumq; oriatur, sive a principiis naturæ, sive aliunde, imò etiam si supernaturalem sortita fuisset originem: Non enim hic tam attendendum est ad ortum hujus rectitudinis quam ad finem & usum; omne siquidem bonum creaturæ rationali concreatum debitum, eam intrinsicè perficiens, & ad ejus bene esse necessarium, ut sine eo creatura naturalis bene esse non potest, aut malo & miseriam carere, illud merito naturale dicitur, sive ex principiis naturæ oriatur, sive etiam supernaturaliter indatur, non autem indebita & gratuita creaturæ exaltatio. Vide supra.

Hiscæ prælibatis cuilibet constare possit, quam dolose imò quam falsò explicatur status questionis a Bellarmino; ubi enim quaeritur an rectitudo Originalis fuerit primò homini naturalis, ille quaestionem tanquam intelligi vult de eo quod naturale dicitur, quod aut sit pars naturæ aut fluat a principiis naturæ, cui opponitur supernaturale quod supernaturalem ortum habet. At hic non tam quaeritur de ortu hujus rectitudinis, an fluat a principiis naturæ, quam de fine & usu hujus rectitudinis, an scilicet sit bonum naturæ cui inest debitum? an intrinsicè eam perficiens? an ad bene ejus esse necessarium? an sit ejusmodi bonum, ut ejus absentia sit nociva, & malum seu vitium naturæ? undecunque oritur sive ex principiis naturæ, sive aliunde, etiam si supernaturalem sortita fuerit Originem, vide sup.

Jam tertio in loco occurrendum est argumentis quibus Bellarm. conatur stabilire proposit. 4. quæ in hunc modum sese habent.

4. Rectitudo illa cum quâ Adam creatus fuit, & sine quâ post ejus lapsum omnes homines nascuntur, donum supernaturale fuit. Hujus propositionis veritatem asseruere conatur, c. 6. lib. de grat. prim. hom.

1. Ex Scripturis.
2. Ex patribus.
3. Ratione.

Ubi præmittit in antecessum testimoniis omnibus (inquit) nostram sententiam confirmari quæ vel ostendunt integritatem primi hominis fuisse supernaturalem vel certe donum aliquod supernaturale fuisse primo homini collatum.

Resp. Sed respondeo ex nostro capite concludi id quod jam controvertitur, nam 1. dato, non concesso, integritatem primi hominis in Scripturis aut Patribus dici supernaturalem quoad originem; non tamen hinc inferri potest non fuisse naturalem ratione finis & usus, cum certum sit hanc integritatem fuisse naturæ humanæ debitam, eamque intrinsicè perfecisse, & ad hominis bene esse necessarium, imò medium fuisse ordinatum & necessarium ad consecutionem æternæ beatitudinis, quam homo naturaliter appetit, ejusque carentiam homini & malam & nocivam esse. Quomodo ergo non naturalis dicenda est eo sensu quo hic quid naturale sit pronuntiandum est. Alioqui pariter pronuntiandum est animam rationalem non esse naturalem homini, licet sit forma hominis & præcipua pars hominis; nam & ipsa supernaturalem habet originem; non enim educitur è potentiâ materiæ, sed immediatè ex nihilo creator, quam creationem non agnoscit natura. Legimus in Evangelio Mark 10. 46. Christum Dominum Bartimæo cæco restituisse miraculosè visum, modus restituendi fuit supernaturalis, non enim mediis naturalibus, sed potentia supernaturali restitutos erat, nemo tamen dixerit visum quem Christus restituit fuisse supernaturalem, sed naturalem esse hominis facultatem, utpote humanæ naturæ debitam, naturam perficientem, & ad bene esse necessariam, & cujus absentia ei fuit malum nocivum. Pessimè (ergò) Bellarm. asstruit sententiam suam confirmari omnibus iis testimoniis quæ ostendunt integritatem primi hominis fuisse supernaturalem; nam ut demus maximè fuisse supernaturalem, quatenus non ex natura principii fluxit, sed supernaturaliter indita fuit, tamen non naturalis fuerit ratione finis & usus, absolute loquendo dicenda est qualitas naturalis, non supernaturalis, quomodo diximus tum animam rationalem Bartimæi tum visum ei restitutum supernaturalia quoad actum, licet non quoad finem & usum.

Hinc etiam secundo inferimus, nec ex illo quod donum aliquod supernaturale primo homini fuit collatum juxta Scripturas & patres, inferri potuisse rectitudinem primævam, fuisse indebitum, & gratuitum donum, præsertim juxta illorum Scholasticorum opinionem, qui gratiam gratum facientem ab originali rectitudine distinguunt, in quibus sunt Halensis, Bonaventura, & alii, qui licet gratiam gratum facientem fuisse donum indebitum primo homini & gratuitum asserant, non tamen justitiam & rectitudinem originalem. Hanc enim licet non à principis naturæ fluxisse asserunt tamen hominis primi naturalem fuisse qualitatem contendunt. Quare testimonia quæ profert Bellarm. si non alio spectant quam ut ostendant integritatem

tatem primi hominis fuisse supernaturalem vel certè donum aliquod supernaturale primo homini fuisse collatum, non militat contra nostram assertionem, ut ex dictis satis constare possit, videamus tamen singula quae profert, & quidem primò ex sacris literis.

Primum igitur, inquit, Sacrae literae, quid ex conditione suae naturae sit homo, indicant his verbis, Gen. 3. *Pulvis es, & in pulverem reverteris*, haec enim (inquit) est sententia illorum verborum. Quanquam te valde gloriosum mea benignitate effecerim ita ut possis neque mortem neque mala ulla formidare; tamen ex natura tua pulvis eras, mortalis, fragilis, doloribus, laboribus, obnoxius; & quia dono meo superaddito culpa tua spoliatus es, & in statum tuum naturalem cecidisti, ideo nunc etiam *pulvis es, & in pulverem reverteris*, quasi diceret, Primus homo naturae erat pulvis (i.) Bellarm. interprete, mortalis; Ergo, integritas ipsi non fuit naturalis.

Resp. Primo ad antecedens, primum hominem non simpliciter, nec quoad omnes essentiae partes sed tantum quoad corpus dici pulverem, neque enim anima ejus ex pulvere facta est: proinde etsi homo, dato, non tamen concessio, naturae pulveris & mortalis erat, ratione materiae ex qua conditus est, quoad animum tamen relictio ei naturalis esse potuit.

2. Etiam si dicamus corpus primi hominis quod ex pulvere terrae fuit formatum, potentiam remotam fuisse mortale, tamen nec actu nec potentiam proximam fuisse mortale, quia animae rationalis cuius pars est immortalitas ad imaginem Dei condita, essentialiter & indissolubiliter unum erat, proinde immortale erat per se, & per accidens postea factum mortale. Non quia in statum suum naturalem ceciderat (quod Bellarm. est somnium) sed quia a naturali suo, innocentiae & immortalitatis, statu, in alium praeternaturalem per peccatum prolapsus erat. Unde sensus loci Gen. 3. haec est originis ratio terrae es, sed ad immortalitatem conditus; quia vero per abusum liberi arbitrii ad terram te convertisti, haec erit poena tua, ut in terram per mortem reverteris. Mors & mortalitas poena sunt peccati, non ergo naturae qualis fuit ante lapsum debitum quoddam aut proprietas naturalis: multò minus hinc conficitur, originalem animae rectitudinem non fuisse primo homini naturalem, quod tamen est illud unum quod ex hoc loco probare nititur Bellarm.

2. Locus a Bellarmi: productus est è Ps. 8. ubi describitur primò hominis creatio, [Quid est homo quia memores ejus? aut filius hominis quia visitas eum? minuiisti eum paulò minus ab angelis, gloria & honore coronasti eum, & constituisti eum super opera manuum tuorum.] Casus autem hominis describitur, Ps. 48. 12. *Homo cum in honore esset, non intellexit, comparatus est iumentis insipientibus & similis factus est illis.* Quibus duobus modis (inquit Bellarm.) indicatur, fuisse primum hominem donis supernaturalibus ornatum, primum quoniam miratur Prophetam hominem fere angelis aequatum; Quid est homo, inquit, quod memur extim? quasi dicere vellet, mirum esse hominem naturae suae corporatum, mortalem, animalium ceterorum affectibus obnoxium, ad eam gloriam evectum, ut parvum omnino ab Angelis abesset. Deinde accedit, quod dona illa primo homini, initio collata vocat honorem & gloriam: honor autem & gloria sine dubio aliquid extrinsecum & superadditum designant. Haec Bellarm.

Resp. Locum adductum è Ps. 8. de Christo intelligendum, juxta explicationem Pauli, 1 Cor. 15. 27. Et Ephes. 1. 23. Et Apostoli Heb. 2. 9. ubi verba illa *minuisti eum paulò minus ab Angelis*, refert Apostolus ad Hebraeos ad extremum gradum exaltationis Christi, qui cum sit Angelorum Dominus, eis factus sit in diebus carnis suae inferior, quae audacter Bellarm. ad summum gradum gloriae detorquet, quàm primus homo ab Angelis parum abfuit. Sequentia autem verba *gloria & honore coronasti eum*, Apostolus idem de infinita maiestate quae soli Christo secundum carnem conveniebat, explicat. Docente etiam Augustino enarrat in Ps. 8.

2. Demus hunc locum Bellarm. ad primae rectitudinis statum applicari. Hinc tamen non sequi Originalem rectitudinem fuisse ita supernaturalem, ut nullo modo debita fuit sed donum merè indebitum & gratuitum. Nam quod de anima rationali diximus, eam supernaturaliter creando infundi, & infundendo creari, tamen ita debita est humanae naturae constituendae, ut altera pars, imò multo potior pars sit compositi,

siti utpote quæ sit forma hominis: ita originalis reëctitudo, etsi supernaturalem ortum sortitur, tum in Angelis tum etiam in hominibus, tamen, ratione finis ad quem conditus est tum Angelus, tum homo, quæ est æterna beatitudo, medium est adeo debitum & necessarium, ut sine hoc nemo perungere potest ad finem illum quem naturaliter appetit uterque. Licet ergo hoc loco honor & gloriæ designant aliquid extrinsecum & superadditum ratione illorum quæ fluunt à principiis naturæ, cum supernaturalem habeant originem; at ratione finis & usus, illa reëctitudo originalis quam designant adeo debita est & necessaria ad intrinsecam perficiendam humanam naturam, ut absque eâ bene esse non potest rationalis creatura, aut malo & miserâ carere, unde ejus absentia, creaturæ rationalis vitium sit necesse est, & valde nocivum, atque adeo naturæ rationali contraria.

3. Alter locus à Bellarm. adductus est è Psalm. 48. 12. *Homo cum in honore esset non intellexerit, comparatus est jumentis insipientibus & similis factus est illis* Hic dona illa (inquit Bellarm.) primo homini initio collata vocat honorem & gloriam; Honor autem & gloria sine dubio aliquid extrinsecum & superadditum designant.

Resp. 1. Psalmista hic non agit de statu primi hominis ante lapsum, sed de statu & conditione hominis post lapsum, imò de impiorum cecitate qui ceu terræ filii & terrenis tantum affixi de morte non cogitant, sic enim in Hebræo habetur, [sed homo in dignitate non permanebit, similis factus est bestiis quæ intereunt] quasi diceret, impij quidem sperant res suas perpetuò duraturas, scque in honore perpetuò futuros; sed paulò post miserè interibunt, & similes fient pecoribus morticinis (quæ nulli usui serviunt nisi ut projiciantur foris) nec temporaliter tantum sed in æternum pereunt.

2. Etiam si dicamus cum Augustino, hunc locum accomodari primo homini, & honorem & gloriam designare in primo homine aliquid extrinsecum & superadditum, ratione illorum quæ fluunt à principiis naturæ, cum supernaturalem habent originem; at ratione finis & usus illa reëctitudo originalis quam denotant, adeò debita est & requisita ad intrinsecam perfectionem humanæ naturæ, ut absq; ea bene esse non potuit, aut malo carere.

4. Locus habetur Ecclesiastici 17. 2, 3. *Deus creavit hominem de terrâ, & secundum se vestivit illum virtute.* Quo loco (inquit Bellarm.) creatio refertur ad naturam, indumentum virtutis ad superaddita dona, est autem indumentum aliquod extrinsecum & superadditum.

Resp. Vox vestiendi Metaphoricè sumpta non semper denotat aliquid extrinsecum, & superadditum. Jobus ait se carne & cute vestitum fuisse, Job 10, 11. Deus lumine velut vestimento amictus, Ps. 104. 2. Gramina agri pulchris coloribus vestita dicuntur, Mat. 6. 30. Quis autem carnem & cutem fuisse aliquid extrinsecum aut superadditum Jobo, aut quiddam supernaturale dicit? aut colores floribus esse quiddam supernaturale aut extrinsecum?

2. Tamen esto indumentum virtutis aliquid sonet extrinsecus additum, non tamen omne extrinsecus additum statim est supernaturale, nec omne supernaturale statim est indebitum & gratuitum, quia potius si denotet hisce verbis Syracides, reëctitudinem originalem, etiam si a principiis naturæ non oriatur, non tamen sequi posse, esse donum indebitum & gratuitum; sed ita debitum ut ejus absentia sit homini mala & nociva. Non ergo justitia Originalis erat donum extrinsecus additum, quod vestimenti instar naturam hominis superiorum & inferiorum virium pugnam languentem & laborantem texerit (quomodo splendida vestis leprosum corpus,) quod ex principis dogmatis Bellarmini necessario dicendum est, sed & concreatum est debitum naturæ bonum, sine ullo languore conditæ, & cujus defectus in summam hominis perniciem, & malum, si quando illud auferendum foret, celluros erat.

5. Locus est Parabola Lucae primo de eo qui incidit in latrones, primum enim eum disposuerunt, deinde plagis impositis abierunt semivivo relicto, ubi non solum intelligimus, ex nomine vestium, quæ ut (et diximus, inquit) extrinsecum quid significant, colligere posse donis supernaturalibus privatum fuisse primum hominem; sed etiam animadvertimus,

mus, plagas natura humana ex despoliatione consecutus esse. Neque enim sine causâ Dominus in Parabola illa primò dixit, hominem spoliatum, posterius autem vulneratum fuisse, cum tamen contrâ accidere solet in vitiis latrociniis. Nimirum indicare voluit in hoc spiritali latrocinio, ex ipsâ amissione iustitiæ Originalis, nata esse vulnera naturæ nostræ, siquidem donum illud iustitiæ non solum tenebat et ornabat, sed etiam curabat & sanabat languorem illum, qui ex conditione materiæ alioqui pullulasset, proinde ex naturâ humanâ dono illo iustitiæ spoliata, sibi quæ relicta, continuo plaga illa & vulnera erumpunt quæ omnes ex Adamo nati experimur. Hæc Bellarm. qui addit, Parabolam istam de jactura donorum & virtutum, quam primus homo peccando fecit, ex ponere communi consensu Patres, Ambrosium, Bedam, Theophylactum per Basilium apud Thomam in catena in locum, & Augustinum, lib. 2. q. q. Evangelicarum q. 19. & S. Bern. Sermon 1. de Annuntiatione.

Resp. Primò certum est illud Dionysii, Ante & post lapsum, ejusque reparationem describere, Symbolicam Theologiam non esse argumentativam. Ipse August. ep. 48. ad Vincentium meritò fidei Donatistas, quod ex verbis illis mysticè explicatis, [Indica mihi ubi pascas ubi cubes in Meridie.] Cant. lib. colligebant Ecclesiam Christi in solâ Africâ remansisse. Hieronymus item in comment. c. 13. Matthæi, docet fidei dogmata ex mysticis sensibus non posse efficaciter confirmari, quin & ipse Bellarm. de verbo Dei lib. 3. c. 3. concedit ex solo literalis sensu per id debere argumenta efficacia.

2. Certum itidem est in Parabolis scopum præcipuè attendendam esse. Christus verò in hac parabola nihil minùs intendebat quam hominis primi statum, adumbrare; sed in animo duntaxat habebat, ut patet ex exordio parabole, explicare doctrinam de proximo, quis ille sit, quæque ei debeantur officia dilectionis.

3. Si inspicimus ipsam parabolam, in ipsâ Parabola distinguuntur, despoliatio & vulneratio. ἡ δὲ σπορία αὐτὸν, καὶ πληγὰς ἐπιβίβας ἀπὸ τῶν ἀνθρώπων, despoliaverunt eum, & vulnera addiderunt, aliud ergo est despoliatio, aliud vulneratio; spoliatus est enim homo gratuitis duntaxat, vulneratus autem in naturalibus; quare si maxime, exemplo S. Patrum, Parabolam hanc ad jacturam donorum & virtutum quam primus homo peccando fecit, accommodare possit dixerimus, nostræ defensionis minime adversatur. Nam spoliari etiam quis potest donis naturalibus æquè ac gratuitis, ut visu spoliatus est, qui oculo eruto, ex vidente fit cæcus, & rationis usu qui in Phrenesin incidit; & certe viator ille Parabolicus non retinuit naturam integram, siquidem vulneratus est, atque adeo solum est continuum, ut integrum fuit latum. Ita Adam per lapsum, non tantum gratia animi spoliatus est sed et originali rectitudine naturæ suæ debitâ orbatus est.

4. Cum Parabola distinguat inter despoliationem & vulnerationem, ut & Patres juxta parabolam, ridiculum est quod habet Bellarm. primum hominem in naturalibus vulneratum & læsum esse hoc ipso quod spoliatus est gratuitis, unde hominem in puris naturalibus creatum, & hominem lapsum non aliter differre vult, quam & nudus à spoliato, at Patres à Bellarm. adducti non solum agnoscebant gratuitorum spoliationem, verum etiam ipsorum naturalium quandam in seipsis corruptionem, ut Lombardus loquitur (i.) in deterius mutationem, id quod vox vulnerationis exigere videtur, neque enim quis rectò dici potest vulnera in corpore accepisse, cui vestimenta detrahuntur corpore ipso manente illæso. Spoliatus autem aut nudatus dici potest ejusmodi, vulneratus autem nequaquam. At patres vulneratum voluit Parabolicum viatorem, atque adeo ut præ vulneribus semivivus relictus sit, non solum spoliatus.

CHAP. XI.

Proponuntur veterum testimonia quae pro se allegat Bellarminus, iisque respondetur.

1. **A** Tque hoc de Scripturis quas per se Bellarm. allegat?

2. In loco succedunt testimonia veterum.

1. Adducit Dionys. Areop. de divinis nominibus cap. 4. part. 4. ubi de demonibus sic habet. Nec Angelica munera his tributa aliquando permutata, sed integra sunt, penitusque conspicua. Quae verba, inquit, ita edidisti enim in commentis tuis. Mors finis, sicut, inquit, nocturnus sero dicitur tenebrosus, non quia vel rem novam subeat, vel naturam amittat suam, sed quia deest ei solis lumen, quod rem per se tenebrosam efficit lucidam: sic animus, ac daemon malus cognominatur non propterea vel quod naturale quiddam prodatur, vel suscipiat alienum; sed quia deficit a beneficio Dei manere. Hæc ille, atque hinc, inquit Bellarm.: acceperunt Scholastici Theologi communem illam sententiam. Naturalia in demonibus post lapsum (Dionysio teste) mansisse integra. Quod idem sine dubio de homine quoque intelligi debet. Quod si naturalia in Angelo & homine post lapsum integra remanserunt, & satis constat iusticiam in qua conditi sunt in eis post lapsum non mansisse, certe manifestè sequitur, iusticiam illam Angelo & homini naturalem non fuisse.

Resp. Cum Dionys. dicat, ταῖς δοθείσας αὐτοῖς ἀγγελικὰς δωρεὰς ὅς μοι ποῖοι αὐτάς ἡλλοιοῦνται φάμεν, (i.) non esse mutata angelica munera demonibus data, ἀλλὰ ὁ δοκῶν καὶ παρὰ τοὺς εἶσι (i.) sed integra esse ac nitidissima intelligendum est. Vide sup.

Secundum testimonium petatum est ex ipso Basilio, lib. de S. sancto cap. 16. Sanctificatio, inquit, non est absque spiritu, non enim natura sunt sanctæ Cælorum virtutes, sed iuxta proportionem, eminentiam inter ipsas, sanctificationis mensuram ab ipso S. sancto habent. Hæc ille, at dubitari non potest (inquit Bellarminus) quin quod de Angelis S. Basilis scripsit, idem in primum hominem apte conveniat, quare non naturam sanctus fuit primus homo, dum Paradisum incolet, sed à S. sancto mensuram sanctificationis acceperat, proinde iustitia illa Originalis divinaque similitudo quam prædictus erat, non conditio naturalis, sed donum supernaturale fuit.

Resp. Sensem Basilii apte constare ex verbis sequentibus, quæ omisit Bellarm. Ubi enim ait neque Cælorum virtutes (i.) Angeli, suam naturam sanctam sunt, nam si id esset nullā redifferant à S. sancto. Ex quibus verbis aperte constat Basilium intelligere, ideo Angelos suapte naturam non esse sanctos, quod solus S. sanctus, sit sua natura sanctus, illi autem non naturali sed participatam quadam sanctitate. Aque probare potuit Angelos non esse suam naturam immortales aut intelligentes, aut sapientes, quod Deus solus immortalis, sapiens, & intelligens naturam suam & essentialiter, Angeli non nisi per participatam immortalitatem, sapientiam. Deinde non negamus iusticiam Originalem, seu rectitudinem Angelorum supernaturalem fuisse ratione ortus, non à principis Angelicæ naturæ fluxisse; tamen debitam Anglicam naturam eamque intrinsicè perfectissimam, & ad bene esse ejusdem pertinuisse, adeo ut absque ea bene esse non potuit, maloque carere; atque adeo non fuisse indebitam exaltationem Anglicæ naturæ.

3. Testimonium petatum, ex Chrysostom: hom. 15. in Genes. ubi ait de Adamo & Eva, gloria quæ superne venerat, vestiti erant. Vides (inquit Bellarm.) iusticiam Originalem comparari vestimento, & indumento superne venienti, ut intelligas eam non ex naturæ principis, sed à cælo, ac supra naturæ conditionem primis parentibus accepisse.

Resp.

Resp. Ut saepe supra, non negamus iusticiam originalem superne venire, nec dicimus à naturæ principijs oriri, sed tamen naturalem esse & dici posse quæ debita sit naturæ humanæ, quatenus eam intrinsicè perficit, & ad ejus bene esse pertinere, ejusq; absentiam homini nocivam esse. Porro collatio hujus iustitiæ cum vestimento, non aliud probat quam esse qualitatem supernaturalem naturæ humanæ, non autem esse naturæ humanæ indebitam.

Quartum testimonium est ex Cyrillo, lib. 1. in Joan. c. 9. de Adamo loquens, *Participato*, inquit, *luminis splendet super naturam suam glorificantis Dei gratia, & variis donorum ornamentis ascendens, & infra, misereors enim verè Dominus est qui creaturam parvam & abjectam, secundum naturam, magnam atque mirabilem suâ efficit bonitate.* Et Cap. 13. *Creatura cum parva sit, nimis solum & voluntate patris ad supernaturalia vocatur.* Et in lib. de adorat. in spiritu ante medium, ubi inquit, *Deo conditor animal hoc (i.) homo, suæ naturæ rationibus absolutum est, accipit statim similitudinem ad illum.* Deniq; in lib. quod Spiritus sit Deus, propè initium, cum inquit, *Possè facere & concedere creaturis dignitatem quæ creaturam excedit, amplius sit quam ferat creaturæ naturæ & spiritus Desicet, quomodo lo esset creatura, & non magis Deus, utpote Deus.* Ex his S. Cyrilli testim. (inquit Bellarm.) apertissimè dicimus, Adamum propter naturalia ornamenta multa etiam dona supernaturalia accepisse, & naturam humanam per se parvam atque abjectam esse, sed conditoris benignitate ad ingentem gloriam exaltari.

Resp. Et si largiamur hæc loca de Adamo integro intelligi (quod tamen non liquet) tamen ultro concedimus Adamo integro multa dona, quoad ortum supernaturalia, collata fuisse, quæ tamen ratione capacitatis & appetitus beatitudinis quæ non nisi infinito bono expleantur, debita sunt hominis primo, ac proinde suo modo naturalia, juxta ea quæ supra disputavimus. Vide infra: nec indebitam conditionem aliquam humanæ naturæ spectare inde dici possunt.

5^{um} testimonium est Ambrosii, ex l. de Isaac & anima, c. 5. *Nec Adam (inquit) nudus erat quando eum innocentia vestiebat.* Et l. 2. de Jacob & beatavita, c. 5. *Sic (inquit) Despoliatus Adam nudus inventus est, & l. de Helt. & Jejunio, c. 14. Opertus erat, inquit, Adam virtutis velamine, primumquam pravaricaretur, sed tanquam exutus pravaricatione, se vidit esse nudum, quia indumentum quod habebat amisit.* Innocentia autem illius vestem, inquit Bellarm. non naturalem sed gratuitam fuisse, indicat, tum ipsa vestis appellatio, quæ superadditum quid significat, tum id quod idem Author scribit, lib. 7. in Lucam, c. 47. ubi explicans parabolam ejus, qui incidit in latrones, & eam applicans ad Adamum, & nos omnes, *Qui sunt, (inquit Ambrosius) isti latrones, nisi Angeli nollis & tenebrarum? Hi autem despoliant quæ accepimus indumenta gratia spiritualis & sic vulnera inferre consueverunt.* Et in lib. de Paradiso, cap. 14. *Quid est, (inquit Ambrosius) [Adam ubi es?] (i.) non in quo sed in quibus es? Non ergo interrogatio est, sed increpatio, de quibus, inquit, bonis de quæ beatitudine, de quæ gratia, in quæ miseria recidisti?* Hæc Ambrosius.

Resp. Ex eo quod Ambrosius ait Adamum integrum innocentia vestitum fuisse, & virtutum velamine opertum, & postea lapsum, dispoliatum fuisse & nudum inventum, & tanquam exutum pravaricatione, vidisse se esse nudum ex amissione indumenti quod habebat, male colligit Bellarm. innocentia ejus vestem non naturalem, sed gratuitam fuisse, ex eo quod ipsa vestis appellatio superadditum quid significat & gratuitum. Jobus ait, se carne & cute vestitum fuisse, & servator gramina agri pulchris coloribus vestita fuisse, Mat. 6. 30. Nemo autem dixerit carnem aut cutem fuisse Jobo quiddam extrinsecum, superadditum & gratuitum aut supernaturale, aut colores floribus esse quiddam supersupernaturale extrinsecum gratuito & indebitum, nam

1. Ut antea observavimus, voces vestiendi, vestimenti, & indumenti metaphorici sumptas, non semper denotare aliquid extrinsecum & superadditum.

2. Esto indumentum & velamen virtutum Ambrosio aliquid sonat extrinsecus additum, non tamen omne extrinsecus additum statim est supernaturale, sed nec omne supernaturale statim est indebitum & gratuitum, ut videmus in anima rationali quæ licet superne oriatur, tamen ita debita est ut sit altera pars compositi.

3. Voces vestimenti & indumenti non aliud denotant quam hanc iustitiam originale esse separabilem quomodo vestis à corpore separari potest, non autem evincunt esse indebitam aut gratuitam. Sed neq; ex explicatione parabola ejus qui incidit in latrones, per Ambros. lib. 7. in Lucam, c. 47. evincitur innocentiae vestem non esse naturalem sed gratuitam. Nam ibidem Ambrosius ibidem distinguit inter depoliationem Adami in statu integro per Angelos malos & vulnerationem, Angelus malus, seu Dæmon tentando Adamum, & inducendo ad consensum, in comedendo pomo vetito.

1. Depoliat animam indumentis gratiae spiritualis.

2. Vulnera infert animae, depoliat gratuitis solummodo, at vulnerat etiam in naturalibus; iustitia (scil.) originali quae in ordinem cogebat tum corpus animae, tum inferiorem partem superiori, tum animam etiam Deo. Vide supra, in Respon.

3. 4.

At illud quod effertur è libro de Paradiso, c. 14. non aliud colligi potest ex Ambrosio, quam hominem per lapsum excidisse à magnis bonis, beatitudine & gratia, in magnam miseriam. Sed hinc non evincitur hæc bona, hanc beatitudinem & gratiam nullo modo naturalem fuisse, aut debitam; sed gratuitam & indebitam naturae exaltationem. Cum nos pluribus argumentis evicimus, iustitiam originale fuisse Adamo integro debitam, ac proinde suo modo naturalem absque qua homo non potuit malo & miseria carere.

Sextum testimonium est Hieronimi, in c. 3. *Hosæ Demones*, inquit, *qui lapsi sunt, à propria dignitate & nihil antiqua gratia possidentes, aridi sunt & vetera siccitate marcentes.* Ex hoc loco (inquit Bellarm.) habemus Angelos per peccata dona supernaturalia perdidisse, si enim nomine gratia intelligeremus dona naturalia, consequens esset ut Angeli nihil naturalium donorum post peccatum retinuerunt, atque adeo ad nihilum redacti essent. Est enim, inquit, eadem ratio hominum & Angelorum, ut adversarii confitentur, & colligitur ex S. Augustino (lib. de corrept. & grat. c. 10. & 11.) Non igitur negandum est homines per lapsum Adæ dona supernaturalia amisisse. Hæc Bellarminus.

Resp. Ex hoc loco probandum non erat Angelos dona supernaturalia perdidisse, id enim lubenter concedimus, sed dona indebita & gratuita. Nos fatemur Angelos lapsos perdidisse iustitiam originale, quæ quamvis non à principiis Angelicæ naturæ fluxit, sed divinitus indita fuerit, tamen diximus debitam fuisse, ad consecutionem illius beatitudinis quæ naturaliter appetebat. Nec valet Bellarm. ratiocinatio, etsi enim nomine gratiae dona naturalia, (i.) debita intelligamus, non tamen consequens esset, ut Angeli nihil naturalium donorum post lapsum retinuerunt, atq; adeo ad nihilum redacti essent. Retinent ea ut antea è Dionysio notavimus, bonum naturæ, quo sunt, vivunt, intelligunt, appetunt; non ergo ad nihilum redacti sunt, etsi donum originalis iustitiæ, quod bonum erat debitum ad perfectionem *ἁγγελωπείων*, illam scil. quæ naturæ Angelicæ conveniebat, ut loquitur dictus Dionysius.

Septimum testimonium est Augustini, ex quo varia loca citantur, & ex iisdem locis varia argumenta texantur, quibus singulis occurremus.

1. Augustinus l. 2. de civitate Dei, c. 9. de Angelis ita loquitur, *Simul in eis condens naturam & largiens gratiam.* Ubi aptissime distinguit (inquit Bellarm.) in Angelis naturam à gratiâ. Et lib. 13. c. 13. de primis nostris parentibus sic ait, Posteaquam præcepti transgressio facta est, gratiâ deferente divinâ, de corporum nuditate confusi sunt. Et lib. 11. de Genesi, c. 31. Mox, inquit, ut præceptum transgressi sunt, intrinsecus deferente gratia omnino nudati in sua membra oculos injicerent. Et lib. 4. contra Julian. cap. ult. Quid est, inquit, gustato cibo prohibito nuditas indicata, nisi peccato nudatum quod gratia contegebat? Gratia quippe Dei magna ibi erat, ubi terrenum & animale corpus bestialem libidinem non habebat. Qui ergo velitus gratia, non habebat in suo corpore quod puderet, spoliatus gratia, sensit quod operire deberet. Vides in his locis (inquit Bellarm.)

1. Semper ab Augustino innocentiam illam, iustitiamque originale primii hominis gratiam nominari.

2. Vides

2. Vides item eam indumento, quod superadditur extrinsecus humano corpori perpetuo comparari.

3. Vides bestialem libidinem in terreno, & animali corpori naturaliter convenire, & ideo non ex natura, sed ex magna Dei gratia corpus Adami terrenum & animale libidine illâ in statu innocentiae caruisse.

Resp. Ad primum locum ubi de Angelis ita loquitur August: simul in eis condens naturam & largiens gratiam. Hinc (*inquit*) apertissime distinguit Augustinus naturam à gratiâ. Sic si per naturam, principia naturæ Angelicæ intelligamus, non dubium est, quin aliud sint principia eorum naturalia, aliud gratiâ quæ illum intrinsicè perficiat, & eorum naturæ debita erat ad consecutionem illius beatitudinis quam naturaliter appetebant. Nos tamen, supra, alium sensum secuti sumus, & merito.

Ad primum, dico innocentiam & iustitiam Originalem primi hominis ab Augustino gratiæ nomine insigniri, quod non a principiis naturæ fluxerit, sed supernaturaliter à Deo indebatur homini. At non hinc inferitur non fuisse debitam primo homini.

Ad secundum nos supra diximus gratiam indumento comparari, non quod nullo modo sit debita, aut quod extrinsecus superaddita sit integræ naturæ, sed quod separabilis sit ab homine, quomodo potest indumentum.

Ad tertium, August: non ait bestialem libidinem terreno & animali (Adæ) corpori naturaliter convenisse: (quod Bellarm: est glossema) sed Adami corpus à Deo ita conditum ut libidinem ille bestialem non haberet, gratia Dei magna ibi erat (*inquit Augustinus*) ubi terrenum & animale corpus bestialem libidinem non habebat. Ubi per Dei gratiam intelligit Originalem iustitiam, quæ erat quasi sanitas quædam, in cuius locum successit vulnus illud (de quo ibi August:) quo totum genus humanum claudicabat. Quis autem mentis compos, hoc vulnus vel illum bestialem libidinem (de quo ibidem August:) a principiis humanæ naturæ naturaliter fluxisse ut cogitet, in animum inducere potest? *Vide sup.* vel homines naturaliter, si in puris naturalibus conditi fuissent, sensuros illam miseriam quam Augustinus appellat jugum grave, quo gravantur filii Adæ ex eo tempore, quo lapsi sunt. Sed pergit Bellarminus. Adde quod idem Aug. lib. 3. de lib. arbitrio, c. 20, 22, 24. non obscure docet potuisse creati hominem sine iustitia Originali, neque eum locum in retractionibus cortexit, sed confirmavit potius, cum in lib. 1. Retract. c. 9. ita locutus est. Ignorantia & difficultas, etiamsi essent hominis primordia naturalia, nec sic culpandus Deus sed laudandus esset. At si iustitia originalis naturalis esset, non potuisset homo sine ea creari, nisi Deus naturaliter mancum & imperfectum sponte condere voluisset, quod abhorre videtur ab ejus sapientia & bonitate; Dei enim perfecta sunt opera, Deut: 32.

Resp. In loco citato non asserit Augustinus hominem ab initio talem à Deo creati potuisse, qualis nunc nascitur; quod si talis conditus fuisse dicatur (sicut postea dixerunt Pelagiani) tamen vincuntur Manichæi, qui voluerunt, duas, boni scilicet & mali coæternas naturas esse, ut habetur, apud August. lib. 1. Retract. c. 9 & lib. de bonæ persever. c. 11, 12. ubi expresse testatur Augustinus se lib. 3. de lib. arbitrio, secundum utramque sententiam [Pelagianum & Catholicum] relictis: Manichæis, sive ignorantia & difficultas sine quibus nullus homo nascitur, statuantur esse primordia naturæ (quod postea concedebant Pelagiani) sive supplicia peccati, quod ipse cum Catholicis tenebat. Ibi quoque inquit, annon satis evidenter expressum est, quod non sit ista natura instituta hominibus, sed poena damnati? Quærit enim Augustinus in lib. 3. de lib. arbitrio, quem Laicus cepit scribere, ut ipse testatur Romæ, & absolvit Presbyter in Africâ, lib. Retract. 1. c. 9. & de bono persever. c. 12, an ignorantia & difficultas quæ in homine reperiuntur, sint primordia naturæ sive supplicia peccati, tamen vinci Manichæos. Contendit Augustinus, ut modo diximus, sive dicamus ignorantiam & difficultatem esse primordia naturæ, sive supplicia peccati, tamen vinci Manichæos. Si enim homo nascatur cum ignorantia & difficultate, quod postea Pelagiani dogmatizabant, tamen non sequetur mali originem non ex libero voluntatis

tatis arbitrio docendum esse; vel Deum, si ita est, creatorem omnium rerum culpandum esse, aut immutabilem quandam & Deo coeternam intraducendum mali naturam, aut principium, quod agnoscere contende bant Manichæi. Sed ejusmodi ignorantiam & difficultatem in ejusmodi homine naturam esse nec culpam, nec poenam, imo nec vitium ulli reprehensioni obnoxium, cum quisq; id naturâ est quod à Deo conditus est, atq; adeo Deum nec sic culpandum, quicquid contra Manichæi; sed potius laudandum esse. Non ergo sequetur dari mali culpæ aliud principium, quam liberum hominis arbitrium, etiam si diceremus ignorantiam & difficultatem esse primordia hominis naturalia, si dicamus ignorantiam & difficultatem non esse primordia naturæ sed supplicia peccati & poenam damnati, (quod asserit Augustinus cum Catholicis.) Hinc rectè inferitur contra Manichæos originem mali culpæ petendum esse ex libero arbitrio hominis primi, in Originali justitiâ conditi, sed à Deo conditore, & ejus præcepto deficientis. Unde tota ejus posteritas Originali peccato infecta nascitur. Ut hanc totam rem aliis paulò arcessamus, quandoquidem hoc testimonium Augustini sæpius inculcant Jesuitæ, ut concupiscentiam non esse veri nominis peccatum evincant, cum certum sit secundum Apostolum, peccatum omne esse *aversionem*, proinde omnis peccati ratio ex violatione legis seu regulæ à Deo institutæ & præscriptæ metiendâ est. Originale itaq; peccatum erit defectus conformitatis in homine nascente ad regulam primævam, & Originalem rectitudinem seu justitiâ, quam humanæ naturæ Deus primitus impressit. Actuale peccatum est quod ab hac originali in posteris Adæ fuit & repugnat legi justitiæ primitivæ in corde hominis, postea in duabus tabulis decalogi præscriptæ, quæ autem creaturæ (ut rectè animadvertit Reverendus Episcopus Daven. de habit. just. p. 244 c. 9.) non habent legem justitiæ neque impressum suæ naturæ, nec à Deo præscriptam non peccant, sive habendo ejus inclinationes quæ homines reos constituunt, sive faciendo illas actiones, quæ peccata actualia in hominibus reputantur. V. G. inquit, non dicimus lupum aut hircum peccato in hærente contaminatum, quamvis in uno sit inclinatio naturalis ad carnem propensa, in altero ad libidinem, nec dicimus peccatum actuale committere quando hic magna rabie prædam dilaniat, sive ille inflammato appetitu libidinem exercet. Quomodo nec coitus masculi, cum qualibet sui generis fœmina, in brutis non potest dici jure culpabilis, quin potius naturalis. Ratio autem cur istæ brutorum actiones, non sint culpabiles, aut alicujus reatus inductivæ, hæc primaria est, quod hæc inclinationes atq; actiones eorum, non repugnant ulli legi, illis sive impressæ, sive imperatæ. Ex hisce colligere licet quo sensu Augustini lib. 3. de lib. arbit. cap. 20. & Retract. 1. c. 9. disputavit cum dixerit. Quamvis ignorantia & difficultas essent hominis primordia naturalia, nec sic culpandus sed laudandus esset Deus. Quæ disputatio contra Manichæos instituta est, & contra eorum hæresin, qui naturam malam à malo principio Deo coeterno creatam, somniabant, rectè subinfert nec ignorantiam nec difficultatem (eadem est ratio inordinatæ concupiscentiæ) esse alicujus reatus inductivæ, sicut hisce defectibus primitus à Deo condita fuisset humana natura. At vero cum certum sit ex sacris literis Deum fecisse hominem rectum, eumq; ad imaginem Dei creatum fuisse in justitiâ & sanctitate, hominem vero suâ culpâ à tanta dignitate excidisse, non conservando integritatem in quâ conditus est, hinc ignorantia, difficultas, & prava concupiscentia, evadunt defectus merito culpabiles, & reatus æterni inductivæ. Quemadmodum enim coitus masculi, cum qualibet sui generis fœminâ in brutis est natura, in hominibus vero promiscuus concubitus est culpa, puta, fornicatio, aut adulterium, aut incestus. Sic etiam Philosophandum est de appetitu sensitivo brutorum, qui citrà cujusq; superioris potentiæ gubernaculum, aut imperium, suo jure, in quodvis objectum sibi delectabile concupiscendo fertur, inhiando ex sensu percipere voluptatem. In istis siquidem, quod membrum genitale non imperio voluntatis, sed cæstro libidinis, ad opus sibi congruum exiteretur, cum sic à Deo sunt instituta, ut rationem non habeant cœtera parere debeant, talis excitatio est naturalis, & naturæ opus: In hominibus verò qui aliter à Deo conditi sunt & à quibus juxta naturæ suæ leges exigitur, ut inferiora superioribus sint morigera, est culpa. Unde Augustinus de peccato Originali, c. 40. contra Pelagium explicans quomodo homo dicatur similis jumentis insipientibus. *Etsi*

homo (inquit) in honore positus, & non intelligens, comparatur pecoribus &que similis sit, non tamen usque adeo similis sit ut pecus sit, comparatur namque per vitium, non pecoris vitio sed natura, tanta namque excellens est in comparatione pecoris homo, ut vitium hominis, natura sit pecoris, nec ideo tamen natura hominis in naturam vertitur pecoris. Ac per hoc Deus hominem damnat propter vitium quo natura debonstat, non propter naturam qua vitia non confertur, & in P. 103. Conc. 4. Quod equo natura est, hominis crimen est, & contra Julian. lib. 4. c. 14. Ideo in pecoribus malum non est concupiscentia, quia non adversus spiritum concupiscit, sed corum potius oblectat spiritum. — & mox, Concupiscenti adiectum est bonum pecoris cuius sine ulla repugnantia delectat spiritum, malum autem hominis, quo concupiscit adversus spiritum. Hæc ille Ubi juxta Augustinum concupiscentia in pecore non est malum, quum sit naturale quiddam ex principiis naturæ fluens, nihilq; sit in pecore cui ista concupiscentia adversetur. Ideoq; lib. 4. con. Julianum c. 3 sic ait. Libido ideo malum non est in belluis, quoniam non repugnat rationi qua caret. At eadem concupiscentia malum est hominis quia concupiscit versus spiritum, & sæpe adversatur rationi.

Ex hisce intelligi potest quid sentiendum sit de ficticio homine Bellarm: in puris (ut ille loquitur) naturalibus. Si talis quisquam homo à Deo creari posse fingatur, quales nunc nascimur, nihilominus quia quisque id natura est quod à Deo conditus est, ideo concupiscentia in tali homine natura esset, non culpa, non poena, imò nec vitium: quod semper juxta Augustinum, est naturalis alicujus boni ablatio. In Enchiridi: c. 11. Sed naturæ donum, nulli verecundiæ, nulli reprehensioni, obnoxium; in quo non propter aliquod vitium improprio aut vituperatione dignum, sed propter naturæ bonum brutis comparatur, sicut nunc ob visum, auditum, gustum, olfactum illis comparari possumus, quos naturaliter cum iis communes habemus. Ceterum in hominibus qui longè diversam a Deo naturam sortiti sunt, non potest non esse vitium, quod caro concupiscit adversus spiritum, & quod aliquod corporis membrum citra voluntatis imperium, suo jure, ad opus sibi congruum conciteretur; id quod nobis non solum julle imperatur, sed etiam ad æternam damnationem impetratur, nisi ante hujus vitæ terminum reatus ejus condonetur: Ac proinde sicut supra diximus, concupiscentiam quæ brutorum natura est, vitium & crimen esse hominum: sic etiam dicendum est de illius fictitii hominis Bellarminiani concupiscentiâ, eum qua naturaliter creatus esse fingitur, concupiscentiam illi quidem ficticio homini esse naturâ, nobis autem ex Adamo prognatis & poenam esse & culpam.

Ad illationem Bellarm. ex loco prius citato in initio Ignorantia & difficultas erismissi essent hominis primordia naturalia, nec sic culpandas Deus, sed laudandus esset. At si iustitia originalis naturalis esset, ut p. 135.

Resp. Simpliciter & absolute loquendo potuit homo creari, abq; originali Iustitia absque eo quod mancus & imperfectus esset, si Deus voluisset: sic enim ignorantia difficultas & concupiscentia ejusdem homini essent naturalia, nec culpa, nec poena, nec vitium, unde nec talis homo aut mancus esset aut imperfectus, sed opus quale Deus magnus *dux* *pro* seu opifex voluit condi; esset enim talis homo, quod natus est voluntate opificis, nec quisquam nisi quod natus est esse potest. Attamen quandoquidem Deus voluit, ut cum iustitia originali crearetur, quæ ei debita erat; ejusmodi homini ex Adamo propagato existeret sine illa iustitia, culpa erat, peccatum & vitium, unde merito talem hominem mancum & imperfectum pronunciamus.

At cum Bellarminus hominem à Deo condi potuisse in puris naturalibus sine iustitiâ & sine peccato, in quo inesset ex naturæ principiis concupiscentia ut defectus & morbus naturæ ex conditione materiæ consequens, quæ recte dici potest non esse ex Deo, odio, non amore digna, mala, naturæq; contraria. Quis inde laudari censeret Deum? quod talem materiam crearet, unde hæc omnia consequerentur. Vide infra.

Ex dictis etiam pariter constat quid responderi debeat ad rationem tertiam Bellarmini, lib. 5. cap. 9. de amiss. grat. & statu peccati. Si homo (inquit) non nasceretur ex Adamo, & tamen haberet concupiscentiam quam nunc habet, non posset in

in eo concupiscentia proprie vocari peccatum : Igitur consequentia non est ex se & ex natura sua proprie peccatum.

Antecedens huius Argumenti (inquit Bellarminus) est S. Augustini, lib. 3. contra Julianum, cap. 22. ubi concedit Augustinus Juliano hominem non posse iuste reprehendi, neque esse reum vel peccatorem propter concupiscentiam, si cum ea concupiscentia quam habet non propagetur ex Adamo, sed creetur à Diabolo, verba Juliani sunt, *Etiamsi Diabolus crearet homines, nullà culpā sui mali essent, & ideo jam nunc mali essent, quia esse quisquam nisi quod natus est, non potest, nec ab eo iustum est aliquid amplius flagitare, quam potest.* Hæc Julianus habet apud Augustin. Addit Bellarminus præter Augustini auctoritatem, *Res est omnino explorata ac certa; Nam tunc concupiscentia esset res omnino naturalis, præter naturalia autem nemo reprehendi iuste potest, ut si quis cæcus nascatur ac satius. Quod si concupiscentia non esset peccatum, si naturalis esset, profecto non est peccatum per se, & ex sua natura. Quod enim natura sua peccatum est, semper peccatum est, & undecunque tandem oriatur, sive ab homine, sive à Diabolo, semper facit reum.* Hæc Bellarminus.

Resp. Ut ante, si talis homo, quales nunc nascimur, creetur à Diabolo ut fingit Julianus, nihilominus quia esse quisquam, nisi quod natus est, non potest, ideo in tali homine concupiscentia natura esset non culpa, non pœna, imò nec vitium, sed naturæ donum, nulli recundia, nulli iustæ reprehensioni obnoxium. Interim dicendum est, suppositionem illam Juliani, quam affert Bellarm. esse omnino impossibile; æque enim impossibile est Diabolo hominem creare, ac esse Deum, cum creatio sit opus omnipotentia, nulli creaturæ, ac proinde nec Diabolo communicabile. Porro Augustinus in disputationibus contra Manichæos, qui naturam malam à malo principio, Deo cœterno ortam esse impie dogmatizabant; rectissime deducit, homines non esse reos peccati, si tales sint, quales à suo creatore primitus facti fuerunt: Est ergo juxta hypothesein Juliani, à Diabolo creari hominem (quod tamen tum recta ratio tum religio vetat) cum inordinata illa & effræni concupiscentia, in qua omnes jam nascimur, non tamen reus esset iste fictitius Juliani homo ullius peccati, quia esse quisquam nisi quod natus est, non potest; & talis maneat necesse est, qualem creator ejus eum esse voluit.

Deniq; si valeret hæc ratio Bellar. nihil omnino esset sua natura peccatū. Nam si homo crearetur à Diabolo, cum habituali pronitate ad eadem, ad libidinem, imò cum habituali aversione ab ipso Deo, arguit Aug. contra Manichæos, & concedit Juliano talem hominē nullā à sua culpā malum esse; & ideo jam nec malū esse; qui esse quisquam nisi quod natus est, non potuit, ut recte Julianus. Ex his perspicuum est illud Bellarmini; [Quod ex natura sua est peccatum, semper peccatum est & undecunque; oriatur, sive ab homine, sive à Diabolo semper facit reum] pugnare cum Augustino, qui admittit hominē nec malū, nec per consequens reum haberi posse, ob quodcumq; vitium sive peccatum quod cum illo concreatum est, siquidem juxta Aug. id quod inditum est à creatione, non est culpabile, nec vituperabile, cum sit opus naturæ. Igitur illud Bellarmini; [Quod si concupiscentia non esset peccatum si naturalis esset, profecto non est peccatum per se & ex natura sua] non est verum, si de quolibet subjecto intelligatur; Nam et si concupiscentia non sit peccatum in eo subjecto in quo naturaliter inest; attamen in eo subjecto ubi pugnat sua natura cum lege quæ indita est, aut præscripta alicui creaturæ; V. G. in homine, cum lege primæ institutionis, ubi concupiscentia sua natura est peccatum. Concupiscentia ergo prava sua natura est peccatum, sed non in quolibet subjecto, non in homine à Diabolo creato: verum in homine primo fuit, cui lex inscripta est primitus, [non concupisces:] quomodo, hominem occidere innocentem est sua natura peccatum, ut et promiscuus concubitus in genere humano; sed non in Uxis ac Tygribus, quia lex prohibens homicidium & promiscuum concubitum illis non est data: Quando igitur dicimus aliquid sua natura & proprie esse peccatum; hoc ita intelligendum est, ut fiat abstractio à lege creationis, ut passim fit à Bellarmino in prædicta ratione.

Ex hisce patet Bellarminum frustra ex Augustini scriptis subsidium querere; quo non habet infensorem adversarium: Copiosius duo illa postrema testimonia Augustini

gustini & diligentius discossimus, quia istis potissimum nicitur Bellarminus.

8^{um}. Testimonium est Anselmi, S. Anselmus in lib. de concept. Virginali, & peccato originali; de Adamo sic loquitur. Quoniam (inquit) in tanta gratiae celsitudine positus, quae bona sibi & aliis servanda acceperat sponte deseruit; idcirco filii perdidierunt, quae Pater illis cum servando dare possit, non servando, abstulit.

Resp. Non negamus Adamum in magna gratiae celsitudine positum, sed quae ei ad finem condito quem natura viribus consequi nequivit, necessaria erat, & debita, ac proinde suo modo naturalis; siquidem absq; eo, homo finem quem naturaliter appetit consequi nullo modo potest.

Nonum est Testimonium Bernardi: in prim. Serm. de Annuntiatione, ubi ait, Adamum pravariando amisisse indumenta virtutum, & similitudinem ad Deum, non autem imaginem divinam, quia illa (ut ipse loquitur) non erat affuta, sed insita, atque ipsi impressa natura; Quocirca (inquit) ex Testimonio S. Bernardi, iustitia ceteraq; virtutes, quarum iacturam primus homo peccando fecit, non erant insitae & impressae ipsi naturae, ut sunt dona naturalia, sed extrinsecus affutae ac superadditae, ut sunt dona supernaturalia.

Resp. Bernardum per imaginem intellexisse naturalem voluntatis libertatem (ut explicat semetipsum eodem sermone) hanc autem ait esse insitam & impressam ipsi naturae, quatenus à principiis naturae fluxit. Per similitudinem intellexit iustitiam ceterasque virtutes: hac ex parte secutus communem expositionem patrum, qui imaginem ad naturam intelligentiae & voluntatis; similitudinem ad sapientiam & iustitiam, referunt. Attamen ipsi patres, imprimis Augustinus, hasce ipsas virtutes, hanc ipsam sapientiam & iustitiam quamvis à naturae principiis non fluxerunt, atque hac modo non dicenda erant dona naturalia eo modo quo intellectus & voluntas dicuntur bona naturalia, quia tamen dona erant debita ad bene esse hominis, & ejusdem perfectionem, & ad consecutionem finis quem homo naturaliter appetit necessaria. Non ergo dicenda sunt simpliciter affuta, aut superaddita, aut indebita, aut gratuita, sed debita ac perinde suo modo naturalia.

Atque ita expidivimus omnia testimonia quae Bellarminus ex Patribus adduxit.

C A P. XII.

Occurritur quinque Argumentis Bellarmini quae à ratione petuntur.

Tertium genus Argumentorum superest, quae à ratione ducuntur. Ea sunt quinque numero.

Prima ratio haec est, Naturale est corpori animali sensu & appetitu praedito concupiscere bonum sensibile: Naturale est spiritui rationali concupiscere bonum spirituale, quare si fiat una natura ex spiritu rationali & corpore animali constata, naturale erit illi habere diversas inter se & pugnautes propensiones. Quod igitur primi parentes nostri ante peccatum pugna ista diversarum appetitionum carerent, donum erat supernaturale, non conditio naturalis.

Resp. 1. Illud naturale esse corpori animali sensu & appetitu praedito, concupiscere bonum sensibile vere dici de corpore animali bruti sensu & appetitu praedito, siquidem bruto concupiscere bonum sensibile pure naturale est. At corpus animale hominis, licet sensu & appetitu praeditum sit; specificè distinctum est tamen à corpore animali bruti; unde concupiscere bonum sensibile non est naturale corpori animali hominis, nisi suo modo & ordine (*scil.*) debito modo & ordine concupiscat.

Hujus rei ratio haec est, licet in homine una eademque essentia sit, in eo tamen duplex

plex fundatur appetitus; unus rationalis, tendens ad superiora & spiritualia, alter sensitivus, respiciens inferiora & sensibilia, certa tamen lege, ut scilicet non feratur ad hæc inferiora & sensibilia, nisi ex nutu & præscripto rationis: inde dicendum, appetitui sensitivo hominis naturale esse ut feratur ad objecta sensibilia juxta imperium rationis; & non nisi ad imperium rationis: siquidem ut rectè Durandum; *Actus appetitus sensitivi natus est regulari & mensurari per actum rationis, unde bonitas ejus consistit, in hoc quod adequatur recte rationi; malitia autem in hoc quod deficit à ratione, sicut à sua regula & mensura.* Hæc ille 3 distinct. 33. q. 3.

Sed & ante Durandum sic hæc de re scripsit Guliel. Parisiens. de vitiis & peccat. c. 2. Etsi secundum animale nostrum communicamus cum brutis, in spirituali nostro tamen præcellimus eis, & ideo secundum illud quod in nobis nobilius atque sublimius est, nos vivere atque operari oportet; Omnino enim indecens atque incongruum est, præferre quod inferius atque ignobilius est superiori atque nobiliori; sequique illud & obedire illi; rebellare autem isti nostrum animale, absurdum videtur esse.

Amplius animale brutorum per se regnans atque dominans est, ut nullo vinculo obedientiæ vel servitutis in illis alicui obnoxium aut obligatum, utpote non habens superius apud illa. Animale vero nostrum, sicut superius habet apud nos & in nobis, sic est eidem debito subjectionis & vinculo servitutis astrictum: quemadmodum homo per se in religione aliqua degens ubi nullus est alius Princeps aut Dominus, liber est ab omni obedientiæ debito: si autem fuerit in regno vel principatu alterius, necesse habet eidem obedire & esse subiectum; verum siquidem (ut ait Tullius) omne regnum animæ à Natura tributum est; animale nostrum in nostro regno rationis est, & ideo necessario legibus ejusdem subiectum: in brutis vero tanquam seorsum est ab omni aliena ditione & potestate, & ideo liberum.

Ibidem, Idem Parisiens. ubi sibi objecisset antea, quoniam secundum animale nostrum communicamus cum brutis, & ideo quemadmodum vel operationes vel passionēs, quæ in brutis sunt, secundum illud nihil habent injuriæ naturalis vel iniquitatis, imo magis sunt secundum justitiam naturalem sibi, ita operationes seu passionēs quæ ex animali nostro in nobis sunt, vel à nobis fiunt naturaliter, nihil habebunt injuritiæ, nihil iniquitatis.

In hunc modum respondet, *Ex animali nostro naturaliter sunt hujusmodi passionēs & operationes. Naturaliter, (i.) juxta primitivam nostram naturam institutionem seu conditionem, nam secundum statum illum, non nisi jussu ab ipso superiori nostro exirent, nunc autem tanquam libera exeunt, non expectato jussu seu mandato illius, quod modis omnibus eis illicitum fuit jure ac lege primitivæ institutionis nostræ, quibus jure plenissimo animale nostrum spirituali nostro subditum est & eidem ad obedientiam obligatum.* Hæc Parisiensis.

Ex hisce constare possit, si fiat una natura ex spiritu rationali & corpore animali conflata, naturale futurum ejusmodi composita subordinata habere ad invicem propensiones non pugnantes inter se, & contrarias propensiones, ut habet Bellarminus —

Fuit propensionum harmonia non oppositi, ordo non contrarietas, amica concordantia non hostilis reluctantia. Vide supra.

Secunda ratio Bellarmini est. Si corruptio quæ nunc est in natura humana non est consecuta ex sola remotione doni supernaturalis, neque fuisset in homine in puris naturalibus condito, quare ejus causam; Aliqua enim causa esse debet rebellionis carnis ad spiritum?

Respondent quidam causam esse Deum: at Scripturæ reclamant, quæ concupiscentiam non esse à Deo multis in locis testantur; 1. Job. 2. Jacob. 1. Lex item Non concupisces est à Deo, non ergo Lex membrorum, quæ illi repugnat, est ex Deo. Et quomodo jubet Deus, ut non faciamus quod ipse in pœnam peccati cogit nos facere. Porro S. Augustinus (inquit) multis in locis scribit, inobedientiam carnis à Deo retributam homini in pœnam peccati, sed explicat id factum esse per ablationem gratiæ non per immisionem concupiscentiæ, lib. 1. de Genes. ad lit. c. 31. & lib. 4. contra Julian. c. 13. & lib. 5. contra Julian. c. 3. Et Epist. 105. ad Sixtum, & Tract. 53. in Job. Ex quibus infert Bellarminus, non esse Deum concupiscentiæ sive corruptionis

nis nostrae naturae causam, nisi ut removemtem prohibens, ut S. Thomas loquitur. Ex hisce concludit, quare cum nulla possit reddi causa hujus corruptionis praeter conditionem materiae ut causam efficientem, & peccatum Adami ut causam demeritoriam; & divinam justitiam dono supernaturali hominem spoliantem ut causam removemtem prohibens; in his est acquiescendum, neq; alia causa quaerenda est.

Resp. Corruptionis innatae seu pravae concupiscentiae causas in primo homine fuisse.

1. Diabolum ut tentatorem & seductorem sollicitantem ad esum pomi.

2. Voluntatem primi hominis consentientem, deficientem à bono & pervertentem ordinem in natura hominis inclinatione vehementi ad bonum primitus propendentem:

Ubi enim voluntas integra & ordinata magna propensitate fertur ad bonum, ibi eadem voluntas integritate & ordine perinordinatam & perversam electionem privata, magna propensione necesse est ut feratur ad malum: Quo enim major erit propensio ad bonum in facultate aliqua, aut supposito, rite ordinatis & dispositis, eo major erit propensio ad malum in subiecto eodem bono ordinis privato: Ut in Dæmone videre est; Ipse enim in integro statu cum Angelus Lucis esset, libere à Deo averrens, in veritate creata non stetit *Joh. 8. 4.* Hinc horribilis naturae in diabolo corruptio & depravatio; optimi siquidem corruptio est pessima:

In primo ergo peccato { 1. Voluntas avertit sese libere à Deo.
2. Hac aversio voluntatem privat subiectione ad Deum.

Hinc voluntas inordinata manet.

{ 1. Aversa à Deo summo bono;
2. Prona & conversa ad omne malum;

Dicendum ergo est in supposito activo ordinato, in quo inest vehemens inclinatio ad bonum quale erat Adam ante lapsum, voluntatem, deficiente à bono, & perversando ordinem in quo condita est, simul cum illo defectu trahere & contrahere positivam inordinatam inclinationem ad malum. Quomodo si linea recta esset agens voluntaria, hoc ipso quod se inflecteret in quamvis partem curvaturam contraheret. Quomodo sese quis sponte subducens à Luce, hoc ipso in tenebras se inducit; Ut enim in Musica, iublata harmonia, hoc ipso exoritur sonus incongruus, inconcinuus; in compositis, & plane dissonus: Ut in navi, impetu ventorum fracto gubernaculo, navis inordinate fertur, & impingit, & ruit in scopulos: Utq; nunc per multiplicationem actuum vitiosorum virtus perditur, vitiiq; habitus simul inducitur: sic actus malus Adæ in esu pomi vetiti; qui ob insignem enormitatem, longe deterior erat quam multi actus mali in natura corrupta, destruxit & expulit habitum justitiae originalis, & è contrario injustitiae habitum corruptum sibi induxit; ut aliam causam immittentem & invehentem hanc corruptionem Naturae inquirere non sit opus.

Quod Cajetanus de quovis mortali peccato ait, illud expellere habitum charitatis, illud multo verius de hoc primo peccato Adæ quod ob insignem deformitatem integritatem primariam expulit, & totam naturam hominis corrumpit & depravavit: sicut (inquit) ponens obstaculum soli, ipso actu ponendi obstaculum effective (seu efficienter) expellit Lumen; ita peccatum mortale cum actualiter perpetratur, affectus vel actio peccantis expellit habitum charitatis. Ipsa vero privatio seu contrarietas maculae obstantis: conprivationi charitatis formaliter expellit charitatem, Cajet. in 22. q. 24. art. 32. vid. & art. 10. Cui ibidem astipulatur Banez. Multo verius sic: sicut ponens obstaculum soli, ipso actu ponendi effective expellit Lumen; ipsa vero privatio seu contrarietas obstaculi formaliter expellit lumen: sic Adam ipso actu libere averrendi se à Deo & convertendi se ad

esum pomi vetiti, expulit iustitiam concreatam efficiere; ipse vero motus aversionis & indebita conversionis ad comedendum pomum vetitum; formaliter expulit illam iustitiam concreatam in qua conditus est. Recte Prosper ad object. Vincentian. ob. 15. *Qui se à Deo averit ipse & velle quod bonum est & posse sibi sustulit.* Quanto majus reputandum Adam in statu integro conditus, sese à Deo avertendo, male utendo libero arbitrio, & Velle quod bonum est, & posse sibi sustulit.

Cum ergo Augustinus dicat: Inobedientiam carnis à Deo retributam esse homini in poenam peccati, idque factum esse (interpretante Bellarmino) per ablationem gratiæ non per immissionem Concupiscentiæ: vere dicitur si recte intelligatur: Neque enim cum dicit Augustinus, Deum retribuisse inobedientiam carnis homini in poenam peccati, vult; Deum immisisse concupiscentiam in naturam humanam ab extra; sed neque ait, per ablationem gratiæ, Concupiscentiam ex materiæ conditione & humanæ naturæ principiis actu primo delitescentem fluxisse, & tum primum sese prodidisse, cum prius gratia supernaturali coercita fuerit & refrænata: (ut supponit Bellarm.) sed hominis integri voluntatem libere deficiendo à Deo summo bono, & aversione voluntaria pervertendo ordinem in quo condita est, simul cum illo defectu contraxisse inordinatam inclinationem & præcipientem ad malum; quomodo ex sublata harmonia nascitur *dissonantia*, & ex sublata pulchritudine nascitur deformitas, & ex sublata sanitate nascitur morbus: sic ex sublata debita subordinationis qua voluntas Deo subdebatur, & appetitus sensitivus Rationali, orta est prava & inordinata inclinatio tum in voluntate contra Deum, tum in appetitu sensitivo contra appetitum rationalem: sublato enim inclinatione naturali bono ordinis, succedit inclinationis naturalis deordinatio, depravatio, obliquitas, perversitas, & pravitas.

Tandem concludit Bellarminus, hujus corruptionis naturæ non aliam reddi posse causam

Quam

1. Conditionem materiæ ut causam efficientem.
2. Peccatum Adami ut causam Demeritoriam.
3. Divinam Justitiam donec supernaturali spoliandam, ut Causam removens prohibens: Neque aliam causam querendam esse.

Resp. Hic male assignari à Bellarmino causas corruptionis naturæ humanæ: & quidem primo quod ad *Efficientem* causam attinet, pessime illa statuitur *Conditio* materiæ: Id quod rationibus nonnullis evincemus.

1. Certum est Deum ipsum condidisse hominem, & conditionis materiæ verum authorem fuisse: Deus enim condidit hominem, eique inserit appetitum tum sensitivum quo propensionem habuit ad bona sensibilia appetendum: appetitum etiam rationalem quo ad spiritualia bona appetenda ferri potuit: nisi tamen lege, ut sensitivus appetitus in primo homine non appetere sensibilia nisi ad nutum rationis, ejus imperio subiciebatur (ut supra demonstravimus in respons. ad Argum. primum. Quare, etiam si demus, Naturam ex spiritu rationali & corpore animali constare, ut sit in homine; non tamen inde consequenter inferitur, ejusmodi naturæ naturale esse, diversas inter se & pugnantes propensiones habere: Quin potius ejusmodi naturæ erit naturale ut inferior propensio subordinetur superiori, & ut inferior propensio, qualis est in appetitu sensitivo, feratur ad objecta sensibilia, non nisi ad nutum & præscriptum rationis; cum ratio exigit, ut Caro obediat rationi, & inferior propensio subdat & dirigatur à superiori: Non ergo corruptio naturæ humanæ oritur ex *Conditione materiæ à Deo facta*, ne Deum authorem tum naturæ, tum materiæ, peccati etiam simul authorem statuamus.

2. Si ex conditione materiæ, in eo quod natura humana ex spiritu rationali & corpore animali conficitur, sequatur, necessario, rebellionem carnis adversus spiritum ex principiis naturæ humanæ oriri, (ut contendit Bellarminus) Tum in Christo Domino necesse est, ut hæc rebellio repereatur, cum Christus Dominus assumpserit naturam humanam & ejusdem principia, cum factus esset nobis per omnia similis excepto

cepto peccato ut scriptura docet, & fides habet: Nihil enim, si conditionem materiae spectemus, inest Adamo, aut omnibus ab Adamo propagatis, quod non inest etiam Christo Domino. At certum est hanc rebellionem carnis adversus spiritum in Christo Domino non extitisse; cum, fatente etiam Thoma 3 p. q. 15. art. 3. Christum Dominum plenum gratia esse oportebat, cui prava haec concupiscentia & rebellio manifeste adversatur: Non ergo in primo homine haec rebellio fluebat ex unione partis sensitivae & intellectivae, ut pessime philosophatur Bellarminus, cum in Christo Domino facultas sensitiva & intellectiva uniantur; unde quicquid naturaliter resultat ex harum facultatum unione & connexionione etiam in Christo reperiri necesse est: Cum tamen certum sit, etiam fatente Bellarmino, hanc pugnam & rebellionem propensionum in Christo Domino non extitisse: lib. 5. de amissis grat. & stat. peccati, c. 14.

3. Corruptitur in humana natura tam voluntas, quam sensualitas, imo magis corrumpitur voluntas quam appetitus sensitivus, docente Thoma; non enim magis repugnat caro rationi, quam voluntas Deo; cuius vulnus juxta Scholasticos est malitia. (i.) interprete Medina, odium rerum coelestium & spiritualium: Hujus autem malitiae in voluntate causa non potest esse conditio Materiae, aut pugna carnis & spiritus, cum in voluntate nulla sit Caro (i.) sensualitas, cum sit appetitus sensitivus, contradistinctus à rationali, (i.) voluntate. Ipse Bellarminus lib. 5. de amissis grat. & stat. peccati. c. 15. Agnoscit hanc voluntatis depravationem, quae prona est ad concupiscendos honores, inanem gloriam, & alias vanitates; & etiam si nolimus, interdum parit ejusmodi desideria: Haec autem (depravatio non est petenda ex conditione materiae, nec peti potest: Neque enim in voluntate haec depravatio ex ulla conditione Materiae, aut ex pugna ulla propensionum oriri posse, vel fingi potest. Eritius, p. 285. Col. 2. E. F.

4. Non solum corrumpitur humana natura, sed & Angelica, ubi nulla ex principis naturae occurrit pugna variarum propensionum, qualis in humana natura occurrit. Fremunt mali Angeli adversus Deum & obfirmati sunt in odio Dei & omnium piorum: Haec rebellio Daemonum adversus Deum & omnes bonos non potest proficisci ab ulla conditione materiae cum nulla in iis materia excogitari potest, aut pugna-propensionum, unde talis depravatio ortum haberet; quare neque in humana natura corruptio ex conditione materiae petenda est.

5. Creatus est Homo à Deo rectus, idque rectitudine naturali absque omni curvitate aut virium rebellionem aut facultatum pugna; fecit enim Deus hominem rectum; nulla ergo inerat homini ex materiae conditione, aut obliquitas aut curvitas.

6. Si ex conditione materiae (i.) ex unione variarum, imo pugnantium propensionum & inclinationum effective fluere prava concupiscentia, seu praecipit illa in vitia inclinatio, quae in nobis cernitur post lapsum Adae, ut concedit & contendit Bellarm. lib. de gratia primi hominis c. 7.

Resp. Probanda, Tum Deus censetur auctor pravae concupiscentiae & praecipitis inclinationis ad omnimoda peccata.

At Deus non est Auctor hujus vitiosae concupiscentiae, & praecipitis & effrenis inclinationis ad omnimoda peccata; Nam dicit Johannes. 1. Job. 2. Concupiscentiam non esse ex patre sed ex mundo: Dicit etiam Jacob. 1. Neminem à Deo tentari sed à concupiscentia; quae certe non scriberet, si concupiscentia ipsa quae fons est tentationum à Deo nobis esset inferta. Denique Lex, non Concupisces, sancta & bona, quam & legem mentis Apostolus vocat ad Rom. 7. si ne dubio est à Deo: quomodo igitur Lex membrorum quae illi repugnat est à Deo? Quae fere sunt verba Bellarm. de grat. 1. hom. c. 6.

Secunda ratio, Ergo Consequenter probatur; quia qui tribuit propensiones varias & pugnantes easque unire vult in eodem supposito est causa varietatis & pugnae in ejusdem supposito operationibus: ut enim actus qui habent ortum à propensione & inclinatione aliqua tribuuntur auctori istius inclinationis & propensionis, ut fit in descensu lapidis; iste enim motus non solum tribuitur lapidi sed etiam generanti, Auctori naturae, idque quia gravitatem indiderit lapidi, quae censetur esse causa motus deorsum: sic etiam actus varii & pugnantes, qui habent ortum à variis & pugnantibus propensionibus.

propensionibus & inclinationibus in eodem supposito unitis & coadunatis, necesse est ut autorem habeant unientem & coadunantem hasce propensiones & inclinationes, qui non alius est quam Deus opt. max. Naturæ & conditionis materiæ author & conditor.

Hac de causa recte dicitur, Deum non posse se solo, sine ulla dependentia à creatura, infundere in voluntatem habitus per se virtuosos: Nam,

1. Qui tribuit propensionem & inclinationem ad aliquid operandum censetur esse causa illius operationis, ut fit in descensu lapidis. At non potest Deus movere & inclinare quempiam ad operationem culpabilem, quod faceret si infunderet alicui habitus virtuosos.

2. Actus qui habent ortum à propensione & inclinatione aliqua tribuuntur auctori illius inclinationis, quomodo & peccatum Petri tribuitur tum Dæmoni, tum Judæ sollicitanti ad illud peccatum:

3. Hinc sequetur Deum fore Authorem mali, saltem indirecte, at non dicendum est, Deum vel indirecte per se esse autorem mali spectati in genere moris: vide Puteanum in 1. q. 79. artic. 1. & 2. p. 410. col. 2 B. C.

Ex hisce constat materiæ conditionem non esse causam efficientem corruptionis humanæ naturæ, contra quam habet Bellarminus.

Restat ergo ut vera causa corruptionis sit Satanae seductio ut instigans & sollicitans; Principalis autem causa, ipsius Adæ voluntas, libere se avertens à Deo & libere sese convertens ad creaturam. Hoc peccatum Adæ actuale infecit naturam humanam, sed prius personam Adæ, quam naturam, in illo enim à persona redundavit contagium in naturam: In Adami autem progenies se se converso habuit, siquidem in Adami progenie, prius enim in Adæ filiis natura intelligitur vitiosa quam persona. Recte Anselm. lib. 1. *Cur, Deus Homo*, c. 23. per victum hominem tota natura corrupta est & quasi fermentata peccato. Et de concept. virg. c. 22. Spoliavit persona naturam bono justitiæ in Adam, & natura egens facta, omnes personas quæ ipsa de se pro creat eadem egestate peccatrices & injustas facit.

2. Cum Bellarminus statuat peccatum Adæ ut causam non nisi Demeritoriam corruptionis naturæ adimit voluntati Adæ in peccando omnem efficientiam, ac si non esset nisi causa demeritoria peccatum Adæ: At voluntas Adæ cum defectu ordinis operans tum avertendo se à Deo cui antea subiecta est & adhæsit, & libere convertendo ad esum pomi vetiti realiter infecit personam, & per personam naturam suam, simulque etiam naturam humanam quæ in ejus persona tum tota continebatur: In Adamo enim omnes peccarunt, inquit Apost. *Rom 5. 12*, (i.) tanquam in efficiente & inficiente causa omnes ejus posterius peccato inficiebantur, seu (ut postea loquitur) peccatores constituti sunt: Ut recte Estius dist. 30. atque hinc, Quod natum est ex carne caro est, idque non demeritorie tantum sed & efficienter, juxta verum sensum servatoris, Joh. 3. quomodo filius ex Patre naturaliter nascitur, & Pater efficienter gignit filium. Falso ergo Bellarminus statuit Peccatum Adæ non fuisse nisi causam demeritoriam corruptionis naturæ humanæ, cum vere ejus corruptionis etiam effectrix fuerit tum in ipso Adæ tum etiam in posteris; In ipso, nam convertendo se ad indebitum esum pomi vetiti, cujus conversionis causa realis & efficiens erat voluntas ejus libera, rectitudinem actualem sibi realiter & efficienter sustulit: siquidem aversio à Deo & conversio ad creaturam, actualem subjectionem voluntatis ad Deum efficienter sustulit, & auferendo sibi subjectionem actualem, simul meruit ut Divina justitia eum spoliaret, justitia illa Originali habituali, & gratia quæ voluntatem Deo actualiter subiciebat.

Voluntas Adæ libera sua aversione auferbat rectitudinem actualem efficientem, at rectitudinem habituales non nisi demeritorie sustulit: Deus vero in poenam liberæ aversionis efficienter: Ut hic fit ordo.

1. Voluntas Physice sese subducit consequenter à subiectione debita, avertendo à Deo, & convertendo ad esum pomi prohibiti.

2. Hoc ipso tollit efficienter rectitudinem actualem.

3. Hoc ipso peccando meretur ablationem rectitudinis habitualis.

4. Deus efficienter in penam peccati tollit rectitudinem habitualement, vid: Halens: p. 2. q. 95. memb. 1. art 1, & 2. p. 218.

In posteris item, nam peccatum Adæ causa Physica fuit & realis transfusionis peccati originalis in posteros; nam qui causa est Physica & realis alicujus qualitatis ad quam sequitur privatio alterius, est ex consequenti & indirecte causa Physica talis privationis, eo modo quo privationes habent causam: Ecce qui dealbat parietem nigrum consequenter causat privationem nigredinis: sed Adamus est causa realis conversionis ad objectum contrarium rationi, edendo de arbore vetita, & ad illam conversionem inordinatum, secuta est privatio justitiæ originalis, tam in ipso quam in tota natura, atque in omnibus ex illo oriundis filiis, ut recte Alvar: de auxiliis disp. 44. n. 185. *Quod autem.* Actus enim iste indebitus privat voluntatem actu suo debito quo actu subiciebatur Deo, idque Physice seu efficienter, voluntas enim convertendo se ad indebitum & prohibitum esum, avertit se à Deo, & hoc ipso subducit se à debita subiectione, ac proinde hoc ipso efficienter & per se aufertur rectitudo ipsa, quæ ne intelligi potest sine subiectione, qua pars animæ superior Deo subiecta esset eique tanquam bono suo per dilectionem adhereret, ut recte Estius 2 dist. 25 pag. 296. Col: 2. D.

3. Cum Bellarminus statuat, Divinam justitiæ dono supernaturali spoliante, esse causam removens prohibens, in eo sine dubio fallitur; siquidem causa removens prohibens non datur nisi ubi aliqua inclinatio ad aliquid supponitur, cujus operatio impeditur ab extrinseco prohibente: At non est dicendum, ullam inclinationem ad malum in voluntate Adæ existisse ante lapsum, etiamsi diceremus Adamum creatum in puris naturalibus fuisse; neque enim inclinatio ad malum etiam supernaturali dono cohibita in voluntate potest consistere cum puris naturalibus, sed solummodo reperitur in voluntate jam corrupta & depravata. Siquidem in homine quem Deus in puris naturalibus condidisset, nulla fuisset inclinatio ad malum, multo minus illa malitia voluntatis quæ recensetur inter vulnera animæ; quam B. Medina 1, 2, q. 109. art 3. Conformiter Thom. 1, 2, q. 85. art. 3. appellat Odium rerum celestium & spirituales. Nulla (inquam) ejusmodi malitia, aut odium rerum divinarum & spiritualium in homine ex tunc erat, quæ Deus in puris naturalibus creasset, quin naturaliter in eo fuisset sanitas & rectitudo hisce vitiis opposita. Vid. Estium in 2 dist. 26. S. 6. Videtur etiam p. 301. Col. 2, A. B. Neque enim potest Deus dare inclinationem ad operationem culpabilem, etiamsi dono aliquo extrinseco eius operationem impediret; sic enim Deus indirecte saltem operationis malæ causa dicendus est, cum remover prohibens, donum scil. supernaturale quo impeditur inclinatio mala ne in pravam operationem exeat. At Deus ne indirecte operationis malæ causa dici potest aut debet.

Illud tamen adjiciendum in hoc negotio, divinam justitiæ suas interposuisse partes, quod ut clarius elucescat, sciendum est, ab illa originali rectitudine, quæ in Adamo integro fuit, profluxisse duos insignes effectus.

1. Ingentem cupiditatem, ordinatam tamen, veri cognoscendi & omnium rerum, saltem quæ naturaliter sciri possunt, perfectam scientiam consequendi.

2. Vehementem quandam ad omne bonum voluntatis propensionem, & ab omni malo voluntatis alienationem: Cum autem dicta rectitudo consisteret potissimum in eo, quod pars animæ superior Deo perfecte subiceretur, & adhereret, mens per perfectam Dei, Legisque ejus notitiam: Voluntas autem per plenam obedientiam & amorem, & quod pars animæ inferior.

1. Appetitus sensitivus, tam concupiscibilis quam irascibilis sine ulla pugna & rebellionem superioribus subordinaretur; Adam tamen à Diabolo tentatus, libera sua à Deo aversione, & conversione itidem libera ad esum vetiti pomi, hac sua inobedientia subijci Deo recusat, atque ita subducens se à debita actuali subiectione, meruit ut divina justitia eum spoliaret originali illa habituali rectitudine, quæ omnes animæ partes in officio suo contineret; hinc secuta est luxatio facultatum animæ, & deordinatio in supposito actuoso, privato bono ordinis & rectitudinis, quod debicum

bitum fuit naturæ & simpliciter necessarium ad bene agendum, & finem suum ultimum consequendum; quæ deordinatio concupiscentiæ nomine insigniri solet.

Non ergo oritur concupiscentia prava ex remotione originalis iustitiæ, ut removens prohibens, ac si ex ipsis naturæ principiis naturaliter oritura esset, sed ex remotione originalis iustitiæ, ut bono naturæ humanæ debito ad bene esse, & simpliciter necessario ad finem suum ultimum consequendum; quomodo morbus oritur ex remotione sanitatis, non ut removens prohibens, quasi in homine naturalis esset inclinatio ad morbos, quæ dono supernaturalis sanitatis prohibetur, sed ex remotione sanitatis, qualitatatis naturalis, ad cuius remotionem sequitur morbus præter naturam: Nam quamvis sanitas non admittat morbum, unde quodam sensu dici potest prohibere morbum, non tamen removens sanitatem recte dicitur causa removens prohibens, cum rō prohibens in tali causa denotet aliquid extrinsecum impediens operationem ab aliqua inclinatione naturaliter proficientem; quale extrinsecum non est sanitas, cum potius sit perfectio subjecti cui inest, eiq; intrinseca, & suo modo naturalis & debita, cuius absentia est præter naturam, si non contra naturam, vid. Cajetan in 1, 2, q. 82. art. 1. ad primum. Atq; hoc modo philosophandum est de malitia & dæmonum & ejus exortu: siquidem in illis erat, ratione originalis rectitudinis in qua conditi sunt, vehemens quædam ad omne bonum propensio, & ab omni malo voluntatis alienatio; illi tamen sese à Deo libere avertentes, & ad propriam excellentiam sese convertentes, æqualitatem cum Deo appetiverunt, atq; adeo sese subducentes à debita actuali subjectione, meruerunt ut divina iustitia eos spoliaret originali illa rectitudine habituali quæ intellectum & voluntatem in debita Deo subjectione continebat; hinc orta est in dæmonibus malitia, fremitus erga Deum, & odium Dei & humani generis & ad omne malum effrans & præceps propensio & inclinatio; quæ tamen non oriuntur ex remotione originalis iustitiæ ut removens prohibens; ac si ex ipsis malorum Angelorum naturæ principiis naturaliter orirentur hæc mala: sed ex remotione Originalis iustitiæ & rectitudinis in supposito actuoso hoc bono ordinis & rectitudinis privato; quod bonum Ordinis debitum fuit naturæ Angelicæ ad bene esse, & simpliciter necessarium ad finem suum ultimum consequendum. Malitia ergo Dæmonum non fluxit à principiis naturæ Angelicæ quæ dono supernaturali cohibita est, quo remoto ut prohibente, tum sese exerere cepit; sed ex remotione originalis rectitudinis in supposito actuoso bono ordinis & rectitudinis privato, quod debitum fuit ad bene esse naturæ Angelicæ, & absq; quo, non potuit malo & miseria carere.

Ex hisce constat Divinam iustitiam partes suas habuisse in hoc negotio introducenda corruptionis in humanam naturam rectitudine non indebita & supernaturali, sed naturali & debita, eam spoliando non removendo prohibens, sed privando suppositum actuosum ordinatum bono ordinis & rectitudinis in penam aversionis à Deo, & conversionis ad creaturam.

Atque hæc dicta sunt ad solutionem rationis secundæ Bellarmini; quam dextre solutam vix temere reperiatis.

Ratio 3. Ex peccatis quæ ab hominibus post lapsum primi hominis committuntur, quamvis plurimis & gravissimis, amittitur solum donum gratiæ supernaturalis, & acquiritur propensio quædam ad idem peccatum iterum committendum, & minuitur inclinatio ad virtutem peccato illi contrariam; sed non corrumpitur principium aut donum aliquod naturale, neque acquiritur aut augetur propensio ad omnia vitia, neque minuitur inclinatio ad omnes virtutes; ut Experientia ipsa testatur.

At peccatum Adæ cum fuerit certum quoddam & actuale peccatum, & ejusdem generis cuius sunt cætera; quæ ab hominibus committuntur; non videtur alium effectum producere potuisse, quam producant cætera, eo excepto, quod illud ut Capitis totius naturæ in omnes posteros redundavit: Non igitur probabile est, ex peccato Adæ naturalia principia sive dona potuisse corrumpi, neque concupiscentiam illam nasci quæ est propensio ad omnia vitia, misera, remoto iustitiæ originalis dono, ex ipsa natura composita, ex contrariis consecuta fuisset.

Resp. Amittunt posteri Adæ per personalia peccata solum donum gratiæ supernaturalis, & acquiritur propensio quædam ad idem iterum committendum, & minuitur inclinatio

Inclinatio ad virtutem peccato illi contrariam; omnis siquidem gratia posteris Adæ jam lapsis est indebita, utpote quæ hominibus jam plane indignis confertur, ac proinde non mirum si amittatur solum donum gratiæ supernaturalis in hominibus lapsis; cum nemo posterorum Adæ jam habeat donum originalis justitiæ, ac proinde nec eam amittere possit. At hoc non impedit quo minus per peccatum Adæ (quod peccatum non solum fuit peccatum personæ, sed & *natura humana*, & eo gravius & enormius qui pluribus innocentibus & justitiæ præfidiis munitus esset adversus omnem hostilem impetum) amitteretur illa rectitudo Originalis, quæ suo modo debita erat naturæ humanæ in prima ejus institutione, & ad bene esse ejus omnino necessaria, utpote eam ita intrinsece perficiens, ut absq; illa, natura humana non potuit malo & miseria carere; Cujus absentia mala & nociva futura erat, & ex cujus remotione tota humana natura infecta & labefacta fuit.

Ad objicit Bellarminus, *Peccatum Adæ cum fuerit certum quoddam & actuale peccatum & ejusdem generis cuius sunt cetera quæ ab hominibus committuntur, non videtur aliud effectum producere potuisse quam producant cetera eo, excepto quod illud ut capitis totius naturæ in omnes posteros redun lavit, non igitur probabile est ex peccato Adæ naturalia principia sive dona potuisse corrumpi neque concupiscentiam illam nasci, quæ est propensio ad omnia vitia, nisi ea, remoto justitiæ Originalis dono ex ipsa natura Composita, ex contrariis consecuta fuisset.*

Resp. Longe aliam esse rationem peccati Adami, si ejus enormitatem spectemus, quam peccati ullius postero rum ejus: Potest autem hujus enormitas sive malignitas ex multis æstimari.

1. Ex ingratitudine erga Deum ratione beneficiorum.
2. Ex facilitate non-peccandi.
3. Ex magnitudine noxæ.
4. Ex voluntate peccantis.

1. Ex ingratitudine summa erga munificentissimum benefactorem: Deus Adamum ad suam ipsius imaginem in justitia & sanctimonia considerat: *Fecit (inquit Damascenus lib. 2. c. 12. de fid. orthed.) Deus hominem purum, innocentem, rectum, fortem, jucundum, securum, omni virtute decoratum, bonis omnibus ornatum, eumque in omnium voluptatum paradiso amantissimo collocaverat; En beneficia tot ac tanta, qualia nemini posterorum unquam concesserat Deus: Et tamen non obstantibus omnibus hisce beneficiis conditorem suum per summam ingratitudinem deseruit: Non mirum ergo si in penam justam tanta ingratitudinis, non tantum supernaturalia penitus ablata fuerint, sed & relictum illa primæva debita humana naturæ, quæ ad bene esse ejus omnino necessaria erat, sed & prava concupiscentia in supposito illo ætuofo, bono ordinis & relictum in privato, nasceretur.*

2. Ex facilitate non-peccandi, quæ major fuit in Adamo quam in quovis posterorum. Habuit enim præceptum unum tantum, idque levissimum, habuit multa quæ ad servandum merito impellerent, Dei jubentis auctoritatem, gravissimas penas prævaricatori propositas, caruit concupiscentia quæ ad peccandum induceret, habuit tantam omnium fructuum varietatem, & copiam, ut facile potuit abstinuisse, nec tamen abstinuit: Audiamus verba Augustini, hac ipsa de re, de civit. Dei lib. 14. c. 12. *Hoc de uno cibi genere non comedendo, ubi aliorum tanta copia subiacebat, tam leve præceptum ad observandum, tam breve ad memoria retinendum, ubi præsertim nondum voluntatis cupiditas resistebat, quæ de pana transgressionis postea subsensum est, tanto majore injustitia violata est, quanto faciliore possit observantia custodiri: Et cap. 15. Vbi enim magna est inobedientiæ pana proposita, & res a Creatore facile imperata, quisnam satis explicet quantum malum sit, non obedire in re facili, & tantæ potestatis imperio, & tanto terrenti supplicio.*

3. Enormitas hujus peccati facile æstimatur ex magnitudine noxæ; quæ erat corruptio, infectio, & læso totius generis humani: peccatum enim in eadem specie, tanto majus est, quanto pluribus nocet: Nullum autem fuit unquam peccatum, quod pluribus unquam noceret, quam peccatum Adæ; siquidem universum genus humanum

humanum æternæ damnationi addixit. Hinc (inquit Augustinus loco citato) est universa generis humani massa damnata; quoniam qui hoc primus admisit, cum ea qua in illo fuerat radicata, sua stirpe punitus est. Et eodem lib. 14. de civitate Dei, c. 1. A quibus (primis parentibus) commissum est tam grande peccatum ut in deterius eo natura mutaretur humana, etiam in posteros obligatione peccati, & mortis necessitate transmissa.

4. Ex voluntate peccantis. Quo sanctior est voluntas exorbitans, & quo peccatum magis liberum & voluntarium, eo gravius est & enormius: At tale fuit peccatum Adæ: Nullus enim peccator ex posteris Adæ tantam habet aut habiturus est libertatem ac Adæ habuit: Summa porro erat in eo voluntatis perfectio, qualis in nullo homine post lapsum exitura erat. Non mirum ergo, si iste unus actus inobedientie tam enormis hanc habitualement deordinationem omnium virium animæ tam enormem, in naturam nostram invexit, cum, vel Philosophis fatentibus, una actio prava, si sit valde enormis, habitum pravam possit producere; qualis est parricidium, incestus, aut similia facinora.

Ex dictis clarius elucescit hujus peccati enormitas; quibus adde, ut in hac generali & primordiali Dei lege, quam in arboris fructu observari Deus sanxerat, omnia præcepta legis posterioris specialiter indita fuerint; ut habet Tertul. adversus Judæos, c. 2. Unde hæc arbor totius obedientie legalis sacramentum fuit; ita inobedientia primi hominis in esu vetiti pomi, adversus totius legis sacramentum commissa est; & in hac lege, totius moralis legis compendium violavit; ut recte ibidem Tertullianus, Cujus porro hæc sunt verba, ubi agit de primis parentibus: In principio mundi (inquit Tertull.) ipsi Adæ & Evæ legem dedit, ne de fructu arboris plantata in medio Paradisi ederent: quod si contra fecissent, morte morerentur, quæ lex iis sufficeret si custodita: In hac enim lege Adæ data, omnia præcepta condita recognoscimus, quæ postea pullulaverunt, data per Moysen. (i.) Diliges Dominum Deum tuum de toto corde tuo, & ex anima tua; & diliges proximum tibi tanquam te; Et non occides, Non frandaveris, Non fraudaveris, Non testimonium non dices: Honora patrem tuum & matrem; Et alienum non concupisces. Primordialis lex est enim data Adæ & Evæ in Paradiso, quasi matrix omnium præceptorum Dei: Denique si Dominum suum dilexissent contra præceptum ejus non fecissent: Si proximum diligere (i.) semetipsos, persuasioni Serpentis non credidissent; atque ita in semetipsos homicidium non commisissent, excidendo de immortalitate, faciendo contra præceptum Dei: Furto quoque abstinuissent, & de fructu arboris clam non degustassent, nec a conspectu Domini Dei nostri sub arbore delitescere gestuissent; nec falsum asseveranti Diabolo participes efficerentur, Credendo ei, quod similes Deo essent futuri: atque ita nec Deum offendissent ut patrem, qui eos de limo terræ quasi ex utero matris figuraverat: Si alienum non concupiscent, de fructu illicito non gustassent. Unde concludit, Igitur hæc generali ac primordiali Dei lege, quam in arboris fructu observari Deus sanxerat, omnia præcepta legis posterioris specialiter indita fuisse cognoscimus, quæ suis temporibus edita germinaverunt. Hæc Tertullianus: Ubi ostendit, primos parentes in violanda hac primordiali lege, simul violasse legem de diligendo Deo toto corde, de diligendo etiam proximo, legem etiam de non occidendo, cum in semetipsos homicidium commiserint; legem item de non furendo, clam degustando de fructu vetito; legem item de falso testimonio non dicendo, quatenus falsum asseveranti Diabolo participes efficerentur, credendo ei quod similes Deo essent futuri: legem item de honorando patre & matre quatenus Deum offendissent ut patrem, qui eos de limo terræ quasi ex utero matris figuraverat: legem item de non concupiscendo alieno, quatenus de fructu illicito gustaverunt.

Similiter Leo, 1. epist. 86. ad Nicetum Aquileiensem Episcop. explicans verba Apostoli, Rom 3. Per unum hominem peccatum intravit in mundum. Hæc habet. Quamvis in illo uno possint intelligi plura peccata, si unum ipsum in sua quasi membra singula dividatur: Nam & superbia est illic, quia in sua homo potius esse quam in Dei potestate dilexit; Et sacrilegium, quia Deo non credidit; & homicidium, quia se precipitavit in mortem; & fornicatio spiritualis, quia integritas mentis humana serpentina suasionem corrupta est: & furtum, quia prohibitum usurpavit est; cibus: & avaricia, quia plus quam

quam sufficere illi debuit appetivit: Et si quid aliud in hoc uno admissio diligenti consideratione poterit inveniri. Hæc Leo. Ubi ex ejus sententia; in hoc uno peccato reos pronuntiat primos parentes, superbiz, sacrilegii, homicidii, fornicationis spiritualis, furti, avaritiz, & aliorum.

Audiamus etiam B. Prosp. cont. collat. c. 21. Scientiam boni Adam tunc habebat quando bonum sanctumque mandatum Dei fideli corde servabat, & erat justus manens in imagine creatoris sui, legisque ejus non obliviscens; postquam autem se, hoc est, Imaginem & Templum Dei deceptoris suo subdidit, perdidit boni conscientiam, quia perdidit boni conscientiam, justitiam enim iniquitas depulit, humilitatem superbia destruxit, continentiam concupiscentia elisit, infidelitatem rapuit fidem, captivitatem abstulit libertatem, nec posuit illi ulla portio residere virtutum quo tanta irruerat turba virtutum.

Ex dictis satis perspicitur longe aliam rationem fuisse peccati Adæ, atque ejus posterorum. Cum enim ille radix esset totius generis humani & ut publica persona sustineret vicem, & representaret personam totius generis humani, concedita illi sunt, non tantum personalia dona, sed quæ ad totam posteritatem propaganda erant: In illo omnes homines fuerunt ut in causa efficiente & propagante; in quantum omnes ab eo, secundum rationem seminalem, propagandi essent. Illo in integritate persistente, omnes itidem homines in eadem perstituri erant, ac proinde illo peccante, omnes in illo peccarent; illo sese corumpente & inficiente simul corrupta est, & infecta tota natura humana. Non mirum igitur Adamum rectitudinem originalem & subordinationem virum animæ debitam, ac per hoc naturalem in qua conditus est, peccando amiserit pro se & posteris, & ex ejus amissione in totam Adæ progeniem vitiosa irreperet & prava concupiscentia & præcepta illa & effrenis ad omnimoda mala inclinatio, quæ jam cernitur in natura lapsa: Cum in subiecto ordinato vigoroso & activo, & magna propensione ad bonum inclinato, qualia erant appetitus Adæ integri uterque tum rationalis tum sensitivus, sublato per perverfam electionem bono ordinis, totus uterque magna propensione necesse est ut feratur ad malum. En ortum pravæ conscientiz in natura humana; non remotione doni mere supernaturalis, cohibentis pugnantem propensionem, quo minus in actualem pugnam prodirent; (quæ est perversa si non hæretica Bellarmini sententia;) sed ex privatione & remotione qualitatis debitæ, ac per hoc naturalis, originalis, scil. habitualis rectitudinis, qua remota hæc pugna propensionum in poenam peccati Adæ iusto Dei judicio naturam humanam invasura erat & re ipsa invasit.

Hæc dicta sunt ad copiosorem solutionem tertij Argumenti.

4 Ratio. Si natura humana qualis nunc est, remota culpa, mala est, & necessario labitur in peccata, & ideo non potuit à Deo creari. (ut adversarii volunt) sine justitia originali; Certe sequitur non posse hominem mortuum à Deo revocari ad vitam, nisi præditum originali justitia; idem enim sequitur absurdum sive creetur sive reparetur à Deo natura malæ & quæ necessario peccet: Non enim reparatio illa minus est opus solius Dei quam Creatio: Et sicut Deus diceretur Author peccati si naturam crearet quæ non posset peccata vitare, sic etiam censereatur peccati author, si naturam repararet, præsertim solus, & immediata sui actione, quæ non posset peccato abstinere.

At multos novimus ex sacris literis à mortuis excitatos divina virtute, & ex iis nonnullos, quos omnino credibile est à peccato originis fuisse purgatos: qualis fuit Lazarus, frater Marthæ, & infantes illi quos Helias, & Helizæus à mortuis revocarunt, qui tamen sine dubitatione ulla, etiam in nova illa vita justitia originali carebant, & tales erant quales sunt ceteri, qui ex parentum carne, per generationem, via ordinaria propagantur. Adde quod hæc ratio à majori duci potest. Nam si Deus animas justas Lazari & infantum de quibus diximus conjungere potuit corpori mortali animali concupiscentiæ & ignorantiz obnoxio; cur non magis potuit initio animas neque justas, neque injustas simili corpori conjungere.

Resp. Ut huic argumento rectius occurratur, dicimus ad illa quæ in hoc argumento supponuntur.

1. Certum esse, potuisse Deum absolute creasse hominem, cum pugna propensionum; sed hinc dicimus, hanc pugnam non futuram esse aut culpam aut poenam, aut vitium (quod semper juxta Augustinum est naturalis alicujus boni ablatio, *Ench. c. 11.*) *Sed natura donum nulli verecundia nulli reprehensioni obnoxium.* Atque hinc est quod Augustinus pronuntiat, *Retract. 1. cap. 6. Ignorantia & difficultas, etiamsi essent hominis primordia naturalia, nec sic culpandus est, sed laudandus esset.*

2. Certum est, Deum non potuisse hominem creasse cum ea pugna propensionum quae jam est in natura humana, quin hominem crearet curvum, mangum, imperfectum, vitiosum, imo malum, vituperabilem, & odio dignum, & cum necessitate peccandi. Siquidem 1. ipse Bellarm. cap. 7. de primi hom. iustitia; agnoscit hanc concupiscentiam in homine suo ficticio in puris naturalibus condito futuram fuisse naturalem; sed non ut bonum aliquod naturae, sed ut defectum & quasi morbum quandam naturae, ex conditione materiae consequentem; ac proinde rectissime dici, *Non esse ex Deo*, odio non amore dignam, malam porro esse, naturaeque contrariam.

At 1. concupiscentia in Bellarmino hominis ficticio non potuit esse defectus, omnis enim defectus in creatura est defectus ab aliqua bonitate aut praehabita aut saltem debita; & quidem in creatura irrationali per actiones & passionem suo bono contrarias; in rationali vero, ut talis, non nisi per actum propriae voluntatis: cum autem in homine ejusmodi ficticio Bellarmini nulla bonitas concupiscentiae contraria aut praehabita supponitur aut debita; quare concupiscentia ejusmodi non erit ullus defectus in istiusmodi homine, imo nec morbus naturae ex materiae conditione consequens, siquidem omnis morbus est defectus sanitatis aut praehabita aut saltem debita: sed naturae donum (ut supra diximus) nulli verecundiae nulli reprehensioni obnoxium; ac per hoc necesse est ut sit à Deo, siquidem omne naturae donum est ex Deo auctore naturae, ac proinde non odio sed amore dignum; nihil autem odit in creatura rationali Deus praeter peccatum. Porro, nec ejusmodi concupiscentia in tali homine mala esse potest, cum non sit privatio alicujus naturalis boni, multo minus naturae contraria, ut & habet Bellarminus, cum ipsa naturalis sit necesse est, ac proinde naturae bonum.

2. Cum ait futuram fuisse naturalem hanc concupiscentiam homini in puris naturalibus condito, & tamen non ut bonum aliquod naturae, sed defectum & quasi quandam morbum naturae ex conditione materiae consequentem; recte videtur loqui pugnantia; quomodo enim homo in puris naturalibus conditus dici potest qui congenitum habebit defectum ex puris naturalibus proficiscentem, imo morbum naturae? Quis ejusmodi naturalia pura pronuntiare potest quae sana non sunt, ac non potius agra ac morbida naturalia? aut quis hominem conditum in non sanis sed agris aut morbidis naturalibus (qualis & ficticius Bellarmini homo conditus) cum prava concupiscentia & tamen sine iustitia & sine peccato in puris naturalibus conditus posse merito dicere queat? Imo quis non jure dicere debet, si Deus ejusmodi hominem conderet, Deum rem malam imperfectam sponte conditurum? quod abhorre videtur, ab ejus sapientia ac bonitate, Dei enim perfecta sunt opera.

3. Porro nos supra docuimus, hanc pravam concupiscentiam non recte dici ex conditione materiae ortum habere, cum in Christo Domino condito materiae hunc effectum concupiscentiae non produxerit: ut mittam alias rationes quas supra adhibuimus; Cum fateatur Bellarm. hanc pravam concupiscentiam non esse ex Deo, odio, non amore dignam, malam porro esse, naturaeque contrariam; haec omnia satis perspicue testantur, Deum non potuisse ejusmodi hominem creare cum pugna propensionum & concupiscentia prava, quin talis homo rectissime diceretur non esse ex Deo, Deo exosum esse, malum esse, naturaeque contrarium, saltem *xata* *ti* ratione hujus pravae concupiscentiae: At quis mente sanus vel cogitare potest, Deum ejusmodi hominem creare potuisse, qui vel simpliciter vel *xata* *ti* non esset ex Deo, qui Deo exosus esset, qui malus esset; & naturae contrarius? Opifex certe naturae bonus est, ergo nihil condit quod *xata* *ti* non est ab eo, quod ei exosum est *xata* *ti*, aut malum *xata* *ti*, aut naturae contrarium.

Hic in hunc modum praemissis ad argum. Bellarm. respondemus. Si natura hu-

mana non potuit creari à Deo sine iustitia originali; sequitur, hominem mortuum non posse à Deo revocari ad vitam, nisi præditum originali iustitia.

At hoc falsum, cum ex sacris literis contrarium constet.

Consequ. probatur; quia idem sequitur absurdum, siue creetur, siue reparetur à Deo natura mala & quæ necessario peccat.

Resp. Negamus consequentiam, nam etiam si dicamus non potuisse hominem à Deo creari, animal in suo genere perfectum absque Originali rectitudine; tamen hinc non sequetur non posse hominem mortuum à Deo revocari ad vitam nisi præditum Originali rectitudine: dicimus enim aliam rationem esse creationis aliam revocationis ad vitam. Si enim Deus creasset hominem cum tali languore naturæ, qui odio & delectatione dignus sit, sit quoque malus & naturæ contrarius, qualis est concupiscentia, asserente Bellarmino, Deus utique foret author peccati, cum concupiscentia prava per se & suapte natura sollicitet ad peccatum. At si Deus ad hanc vitam revocet homines iustitia originali destitutos, & peccato originali obnoxios, non propterea est peccati author, quia corruptionem naturæ non inducit aut facit, sed invenit; ut in Lazaro quem à mortuis excitant, peccatum siquidem Originis adeo intime atque arte inhaeret post lapsum naturæ humanæ, ut non possunt corpora nisi totali destructione & corruptione præeunte ab hoc malo liberari: Ergo quando Deus in istorum refusiatorum corpora peccato Originali ad hec infecta, animas postliminio quasi reducit, non idcirco ipse corruptionis istius author dici potest, cum eam nec induxerit, nec fecerit sed in iis inveniret; quod præclare demonstratur ex eo quod Deus omnes impios in die ultimo sola & immediata sui actione resuscitabit cum peccato, cum tamen eorum peccata non sint expiata, nec possunt a peccato abstinere, quare nulla Deo macula impingitur, quantumvis quorundam corpora cum peccati radice in vitam hanc revocasse dicatur.

Porro cum in minoris probatione asserit Bellarminus, eos quos a mortuis excitatos fuisse sacræ literæ meminerunt, à peccato Originis fuisse purgatos, & tamen sine ulla dubitatione in nova illa vita iustitia Originali caruisse, ut quibus recenset Lazarum & infantes ab Helia, & Helizeo suscitatos. Hæc non nisi temere asserentur.

Nam primo non est probabile, ad hanc vitam revocatos à peccato Originali purgatos fuisse, sic enim vitæ partem reliquam absque omni peccato transigerent, adeoque sine mortis (quæ peccati stipendium est) interventu in vitam celestem translati fuissent, quorum utrumque grandi probatione indiget. Quanto vetius est illud Theologorum Dominum peccati regeneratione, sensum peccati morte, radicem non nisi totali corporis destructione & ad cineres reductione? unde I. gantur apud Epiphaniū Proclus, siue potius Methodius orthodoxus confert peccatum inhabitans Caprifico, è magnifico templi structura enascenti, quæ multiplicibus radiis umbraculis per omnes lapidum diffunditur compages, quæ non prius excrevere desinit, quam disj. Et ex eo, unde prodierit loco lapidibus, tota penitus labefacta concitat. Epiphani. Har. 64. qui est Origenorum, n. 25. p. 548. Tum enim sublata caprifico, suis locis restitui rediit lapides possunt & templum ipsum incolume servetur, cum nullum amplius ex iis, quibus, evertebatur incommodis habeat; Caprificus vero ab imis radicibus evulsa moriatur. Ad eundem plane modum (inquit) artifex ille Deus templum suum hominem, qui peccatum caprifici cuiusdam instar produxerat, dissolvit, cumque mortis ad impulsu, impressione, atque impetu opprimi passus est primum; uti scriptum est: dehinc ad vitam excitavit ut iisdem prædicta partibus caro, exiccato, intermortuoque peccato, velut templum quoddam instauratum, immortalis, ac sine ulla damno resurgeret, sublato à fundamentis profligatoque peccato; Etenim quamdiu corpus vivit, nec adhuc mortuum est, cum eo vivere peccatum necesse est, & occultas in nobis ipsis radices agere; quantumvis quibusdam velut castigationum reprehensionumque punctionibus coerceatur. Alioquin post Baptismum nullum jam scelus perpetraremus; posteaquam peccatum à nobis funditus esset sublatum. Aliqui etiam post susceptam fidem, sanctissima illa aqua lotionis perfusi, peccatis sepius obstringimur. Neque enim adeo se immunem ab omni peccato gloriari quisquam potest, ut ne cogitatione quidem ullum scelus admittat. Ex quo consequens est reprimi quidem ac consopiri modo fido peccatum, ne perniciosos fructus emitat, non omnino tamen ac radicibus extingui. Quocirca nunc illius quidem germina, pravae nimirum

cogitationes

conitationes inhibemus, ne qua radix amaritudinis erumpens molestiam nobis afferat, nec apertas ad pululandum vias, ac spiramenta dehiscente ac patenti sciamus. Proindeque divino verbo, velut securi quadam, fruticantes sentientes ab radice stirpes excidimus. At in futuro illo statum mali omnis vel cognitio tollitur, hanc Methodius, de peccati radice penitus extirpanda, non nisi totali corporis destructione, & cinerificatione, seu ad cineres reductione; iam resuscitatorum horum corpora nondum fuisse ad cineres redacta.

De statu animarum separatarum horum resuscitatorum major est dubitatio, annon illæ per finalem gratiam ab omni peccati face purgatæ fuerint, in ipso è corpore egressu. Certe omnibus tunc propensis, turissimum est dicere per singularem *oikonomia*, ob miraculum sæculorum animas horum resuscitatorum ad hanc vitam, nec a peccato plene & plane purgatas fuisse, nec in Cælum assumptas, sed alibi in nobis incomptis receptaculis asservatas fuisse, donec corporibus reunitæ fuerint.

Quinta Ratio (inquit Bellarm.) proprie pugnat adversus illos qui non solum qualemcumque rectitudinem, sed etiam omnia dona primis parentibus in creatione concessa naturalia fuisse contendunt. Vis rationis huc redit.

Primi parentes erant filii Dei:

At absurdum est rem creatam, qualis est homo, Dei filium naturalem facere, id enim soli Christo competit, id probat ex Augustin: lib. 3. adversus maxim: c. 15. Ideo, inquit, homo fit gratia filius, quia non est natura. Et Cyrillus lib. 1. in Joh. c. 18. Alia inquit, naturæ ratio, alia adoptionis, & alia veri filii, alia adoptalis; sumus autem nos filii Dei adoptione. Vere igitur ac naturaliter ille filius est, per quem nos in filiationem adoptati.

Resp. Bellarminum agnoscere hoc Argumentum pugare contra illos, & illos solummodo, qui omnia dona primis parentibus collata naturalia fuisse contendunt. Nos vero fatemur quædam supernaturalia dona ipsis collata fuisse in quibus sunt, fides in mysterium sacrosanctæ trinitatis, imo potro dicimus, ipsam donum iustitiæ seu rectitudinis originalis non fluxisse à principis naturæ humanæ, sed supernaturalem originem habuisse, naturalem enim fuisse quoad usum, & debitam, adeoque debitam, ut absque ea natura humana bene esse non potuit ac malo & miseria carere: ac proinde non fuisse donum mere supernaturale, iudebitam naturæ humanæ exaltationem, ut contendit Bellarminus.

Ad argumentum igitur Bellarm. respondemus, distinguendo de filiis Dei. { Natura. { Gratia.

Filius Dei per naturam bifariam accipitur, { λόγος, seu secunda persona, vel enim sic dicitur { Angelus, vel homo integer.

Λόγος dicitur filius Dei per naturam, propter æternam ex essentia patris generationem, sic solus λόγος filius Dei, & hoc sensu Augustinus contra maxim: & Cyril. in Joh. dicunt Christum, quam λόγος, fuisse filium Dei naturæ. At Angelus & homo ante lapsum dici possunt filii Dei per naturam, jure creationis, quia integritas illa, & rectitudo in qua conditi sunt, adeo fuit illis naturalis, ut debita fuerit, & necessaria ad eorum bene esse, & absq; eo non potuerunt malo & miseria carere. Quomodo nos omnes *υἱοὶ* dicimur filii iræ, jure generationis, quia ab Adamo jam facti filio iræ propagati sumus, & peccatum debetur filiis Adæ per modum pœnæ, est enim debita pœna peccati Adæ.

Distinguendum etiam est de filiis Dei per gratiam, { 1. Hypostaticæ unionis, vel enim sunt per gratiam, { 2. Creationis, { 3. Adoptionis,

Per

Per gratiam Hypostaticæ unionis solus Christus, quoad humanam naturam, est filius. Per Dei gratiam creationis, sic Angeli & Adam integer. Quod enim Angeli & Adam, & in eo humanum genus conditi sunt, id erat ex peculiari gratia Dei. Sic August. in psalmum 114. Attendamus, inquit, gratiam Dei non solum qua fecit nos, verum etiam qua refecit nos, & Epist. 95. Quadam non improbanda ratione dicitur gratia Dei qua creati sumus — quia non præcedentium aliquorum operum meritis, sed gratuita Dei bonitate donata est. Ex his respondetur ad Augustinum & Cyrillum.

Per gratiam adoptionis intelligimus gratiam quæ hominibus demerentibus & indignis per Christum confertur, sic filii Dei per gratiam regenerationis dicimur.

Ex istis facile solvitur ratio Bellarmini.

Ad minorem igitur respondemus, absurdum esse rem creatam dici filium Dei per naturam, propter æternam ex Patre generationem; non autem absurdum est rem creatam, qualis fuit Adamus integer, dici filium Dei per naturam, quatenus conditus fuit ad imaginem Dei, & propter illam naturæ originalem rectitudinem paterno amore hoc suum *imago* Deus complexus est: Idem tamen Adam, quam integer creatus, per gratiam etiam filius Dei recte dici potuit, quia singulari & gratuito Dei beneficio natura humana in eo ad tantum dignitatis fastigium evecta fuit.

Atque ita jam tandem absolvimus quæstionem illam de primi hominis iustitia, quam ostendimus non fuisse indebitam humanæ naturæ exaltationem, sed debitam conditionem ac proinde naturalem.

Jam *conclusio* pergendum est in artic. 9. nostræ confessionis explicatione simul ac demonstratione.

C A P. XIII.

Absoluta Quæstione de primi hominis iustitia naturali, ad Articuli noni Confessionis Ecclesiæ Anglicanæ explicationem atque demonstrationem, sit progressus & ostenditur peccatum Adæ vere dici Originale, & posteris, eius in re, merito imputari.

NOs juxta verum sensum dicti Articuli, & ejusdem explicationem ex Homiliis in Art. 35. confess. nostræ Ecclesiæ confirmatis, ostendimus.

1. Adamum sua inobedientia in pomo vetito comedendo sese subduxisse a subjectione debita, & obedientiæ ad quam ex præcepto Dei tenebatur renuntiassse, atque adeo merito se privasse originali illa iustitia, in qua primitus conditus est.

2. Hoc peccatum personale inobedientiæ ab Adamo perpetratum, quo se privavit dicta iustitia, reliquisse post se aliquid in Adamo permanens, unde ipse merito peccator & dicebatur & erat.

3. Docuimus ipsam privationem Originalis iustitiæ in Adamo, quam dicit carentiam iustitiæ debita: in se, proprio suo demerito contractam, culpæ personalis habitualiter manentis etiam propriæ dictæ rationem habuisse.

4. Ostendimus ex dicta personali inobedientiæ Adæ, non solum secutam fuisse in Adamo privationem iustitiæ Originalis vere culpabilem, sed & vitium & depravationem virium animæ, sed & pronitatem inordinatam & propensionem ad omnimoda mala, quæ & concupiscentia prava dici solet, quæ vere & propriè peccatum & dicebatur & erat.

Atque ita vidistis quem effectum habuerit peccatum Adæ, in persona Adæ, jam ad Articuli dicti germanam explicationem ordo postulat, ut postquam ostendimus quem effectum Adæ peccatum, in Adæ persona, prouulerit; ostendamus itidem quos effectus

Atus in posteris produxerit, & quid in eos transferat, Conclusiones 9. supra deduximus ex ipso Articulo, Vide Conclusi. 1, 2, 3, 4, 5, pag. 7, 8, 9. Ecclesia nostra in Homil. de Nativit. Domini, fusc depingit miseriam in quam Adam suo peccato incidit — ostendit item Adamum lapsu factum fuisse massam peccati, & Dei justo iudicio factum fuisse æternis pœnis obnoxium. Addit porro, hanc miseriam non solum in Adamum incidisse, sed in omnes ejus posteros, unde tota progenies Adami (inquit) iisdem pœnis obnoxii sunt, quos Adamus culpa sua juste meruerat, idque probat ex 5 Rom. vers. 18. Sicut per unius delictum reatus venit in omnes homines in condemnationem, & unus Adami inobedientia multi constituti sunt peccatores. Quibus verbis docemur (inquit Homilistæ) ut quemadmodum in Adamo omnes universaliter peccarunt, sic in Adamo omnes, in universum, mercedem peccati acceperunt, scil. mortales facti sunt, morti obnoxii, habentes in se non nisi æternam condemnationem, tum animi tum corporis. Facti sunt, dicente Davide, corrupti & abominabiles, omnes declinaverunt, non est qui faciat bonum, non usque ad unum. Addit, O miserum & deplorandum hominis statum! ubi unius hominis peccatum omnes perdit & damnationi addicit homines, unde nihil hominibus expectandum erat aliud quam mortis angores & pœna infernales. Unde mirum non fuisset si homo ad desperationem plane adductus fuisset, quand quidem in tantum cecidisset à vita ad mortem, à salute ad perditionem, à calo ad infernum. Huc usq; Homilia ex hoc loco juxta Ecclesiæ nostræ sensum conitatur.

1. Omnes homines in Adamo peccavisse.

2. Omnes homines in Adamo peccantes iisdem pœnis obnoxios factos, quibus & ipse Adam; æternæ, scil. condemnationi, tum animi tum corporis.

Vide similem locum Homil. 2. de morte & passione Salvatoris. Supra.

Ex dictis juxta germanum Ecclesiæ nostræ sensum recte colligitur Adæ peccatum transfuisse in posteros,

- tum {
1. Imputatione.
 2. Propagatione.

Atque adeo ad peccatum quod originale vocant, complendum exigi utramq; tum imputationem peccati Adæ actualis, tum propagationem vitiositatis in eodem post actum peccati permanentis & inheræntis. Ut autem hoc clarius elucescat præmittendum est peccati nomen bifariam sumi posse,

- vel quod denotat {
1. Liberam transgressionem præcepti.
 2. Id quod remanet in animo peccatoris post actionem illam transgressionis præcepti, unde vere peccatum dicebatur & erat.

Illas autem acceptiones vocis peccati, omnes agnoscunt locum habere in peccato actuali & personali; sed cum originale peccatum, non minus proprie & vere peccatum sit quam personale & actuale, ut postea demonstrabimus, non est quod vereamur ad originale etiam peccatum illas extendere, ut vere infert Bellarminus, cum igitur videamus in puero recens nato, nihil esse quod peccatum in priori significatione dici possit, quippe in quo voluntas ab omni actione vacat, certe peccatum in priori significatione non in nobis, sed in prima tantum origine (i. e. in primo parente) querendum est. Nec est aliud, haud dubio, quam inobedientia illa voluntarie ab eo commissa, per quam se & suos posteros iustitia originali spoliavit, reos mortis efficit, turpes & invisos Deo reddidit; Itaque ut recte subjungit Bellarminus: peccatum in priori significatione unum esse duntaxat omnium hominum, sed in Adamo actuale, in nobis originale dicitur. Solus enim Adam actuali voluntate illud commisit, nobis vero per generationem communicatur, eo modo quo communicari potest id quod transit nimirum per imputationem. Omnibus enim imputatur qui ex Adamo nascuntur, quoniam omnes in lumbis Adami existentes in eo & per eum peccavimus.

peccavimus, cum ipse peccavit. Sed & hic, ad clariorem hujus rei delucidationem adjiendum Adamum in Paradiso duplicem personam gessisse,

1. Tum sui ipsius.
2. Tum totius posteritatis, cujus sustinebat massam.

Ac proinde actum inobedientiae Adæ, geminum habuisse respectum tum ad

1. Ipsum, & sic erat personalis ac actualis ejus transgressio, non proprie originalis, sed originans, (i.) originali peccato posterorum originem præbens.
2. Ejus posteros, qui in lumbis ejus ut in massa una cum eo peccaverunt, quomodo Levi decimatus fuit, dum esset in lumbis Abrahami patris sui, Heb. 7. 8, 9.

Sed præterea dicimus, quemadmodum in Adamo præter actum inobedientiae fuit etiam perversio voluntatis, & obliquitas & deordinatio per quam peccator proprie & formaliter dicebatur & erat, donec ei per poenitentiam remitteretur: ita quoque in omnibus Adami posteris cum primum filii Adæ esse incipimus, præter imputationem inobedientiae Adæ, esse etiam similem perversionem obliquitatem & deordinationem unicuique inhaerentem per quam peccatores proprie & formaliter dicimur, donec per novam nativitatem talis iniquitas remittatur: sed hanc deordinationem in Adamo fuisse personale peccatum in posteriore significatione, in nobis originale in eodem posteriori significatione.

Sic igitur à nobis quaeratur, quid proprie sit originale peccatum? Respondemus cum Bellarmino: Si peccatum pro actione cum lege pugnante accipitur, peccatum originale est prima Adæ inobedientia, ab ipso Adamo commissæ, non ut erat singularis persona, sed ut personam totius generis humani gerebat. Si autem peccatum accipitur pro eo quod remanet in homine post actionem; & unde idem homo non peccans, sed peccator nominatur, peccatum originale est carentia originalis justitiæ, una cum habituali aversione & deordinatione voluntatis, quæ & macula voluntatem Deo invisam reddens appellari potest.

Hisce ita præmissis ad Ecclesiæ nostræ de peccato originali sententiam fusius explicandam & demonstrandam quadam proponenda sunt conclusiones. Sit prima conclusio,

1. Peccatum Adæ quæ fuit libera transgressio præcepti de non comedendo pomo vetito, & totius humani generis transgressio peccatum erat originale, quod peccatum originale denotat actionem & jure imputatur posteris Adæ, estque veri reatus inductivum.]

Ubi ostendendum hoc peccatum Adæ

1. Verè dici originale.
2. Jure imputari posteris Adæ.
3. Veri reatus esse inductivum.

2. Adæ peccatum quod totius humani generis transgressio fuit rectè dici potest originale, quia omnes jam inde ab initio in Adamo peccaverunt; cum enim Adam esset origo humani generis, peccatum ejus fuit peccatum originis humani generis, quod est dicere originale, quod peccatum denotat actionem, itaque in illo peccavimus, in illo condemnationem incurrimus, quia illius peccatum nos obstrinxit.

2. Dico jure hoc peccatum imputari 'posteris' Adæ, licet enim unum fuerit duntaxat omnium hominum in Adamo, actuale & personale in nobis rectè dicitur originale. Solus enim Adam actuali voluntate illud commisit, nobis tamen communicatur, per generationem eo modo, quo communicari potest illud quod trans-

mirum

mitum per imputationem. Omnibus enim imputatur qui ex Adamo nascuntur; quoniam omnes in lumbis Adami existentes in eo, & per eum peccavimus, cum ipse peccavit, ut supra diximus.

Probat autem hæc assertio ex Apostol. Rom. 5. 12. In quo omnes peccaverunt, Ex quo loco recte inferitur, nos omnes non solum nasci peccatores, sed etiam aliquando peccavisse, quod idem Apostolus docet, Rom 3. cum ait, Omnes peccaverunt, & egent gloria Dei. Homilias Sermon. de nativ. Dom. p. 168. hoc idem evincit ex Rom. 5. 18. 19.

Sed quia certum est, ut recte Bellarminus, neminem nostrum peccavisse propria voluntate, antequam nati essemus, ut ipse Paulus testatur, Rom. 9. ubi de Jacob & Esau dicitur, eos nondum quicquam boni aut mali egisse, quando matri eorum dictum, Major serviet minori. Sequitur ut peccavimus aliena voluntate (i.) Adami; quæ tamen voluntas nisi fuisset aliquo modo totius naturæ, ac per hoc etiam nostræ, nulli modo vere peccavisse diceremur: peccavimus igitur in primo homine, quando ille peccaret, & illa ejus prævaricatio, nostra etiam prævaricatio fuit.

Hoc ipsum probat Homilias, dicta Homil. Apost. ad Rom. 15. 18. *Sicut per unius delictum reatus venit in omnes homines in condemnationem.* Et vers. 19. *Unius inobedientia peccatores constituti sunt multi.* Quibus verbis docemur (inquit Homilia) ut quicquid in Adamo omnes universaliter peccaverunt; Sic in Adamo omnes, in universum mercedem peccati acceperunt, scil. mortales facti sunt, morti obnoxii: habentes in se non nisi æternam condemnationem animi & corporis. Hæc Homilia. Ex quo efficitur juxta verum Homilias sensum, omnes posteros Adæ in Adamo peccavisse, ac proinde mortis supplicii, tum temporalis tum æternæ reos factos. Participes ergo omnes peccati Adæ facti, ac proinde pœnæ illius peccato debita. Participatione ergo, (i.) imputatione, non proprietate Adæ peccatum nostrum est. Eodem pertinet illud ad Rom. 5. 19 *Per unius inobedientiam peccatores constituti sunt multi.*

Sub voce *Multi* infantes etiam comprehendendi, docet Apostolus, dicens, vers. 14. Mortem regnasse ab Adam usque ad Moysen etiam in eos qui non peccaverant ad similitudinem transgressionis Adæ (i.) qui non peccaverunt actualiter; quod non nisi de parvulis intelligi potest. Eodem cap. 5. vers. 15. dixit Apostolus. Unius delicto multos esse mortuos, & vers. 26. reatum ex uno transivisse ad condemnationem. Quomodo enim Christi obedientia in perpetianda morte multi constituti sunt justi, quatenus Christus pro iis satisfactionem præstitit, quæ illis imputatur, ita & Adami inobedientia multi peccatores constituti sunt, quatenus illa iis imputatur. Porro nos non vere per Adami inobedientiam constitueremur peccatores, nisi illius inobedientia nostra etiam inobedientia esset, & ex illa profluxisset illa deordinatio & perversitas quæ in nobis inhæret. Verba etiam (per unam offensam & per inobedientiam unius hominis respiciunt) ipsum Adami factum & divini mandati violationem, non contagionem inhærentem, aut contagionis ad nos derivationem. Sic Theophilactus in locum. *Delictum unius est illa inobedientia Adami per quam peccatores constituimur (i.) obnoxii supplicii, rei, mortis.* Unius delicto peccatores constituti dicimur, quod ejusdem imputatione obnoxii supplicio & rei mortis reddimur, & ejusdem reatu involvimur, ut aperte colligitur ex vers. 16. Ubi Apostolus diserte agit de reatu primæ transgressionis Adæ, non de propagatione originalis maculæ, unde & vers. 18 & 19. de ejusdem reatus communicatione necessario intelligendi sunt.

Sed & apertissima ratione hoc ipsum evincitur. Nisi enim ponamus Adamum cum primum peccavit, totius humani generis personam gessisse & præceptum de pomo vetito non comedendo, non solum Adamum, sed omnes qui in lumbis ejus erant pariter obligasse, atque adeo nos in Adamo & cum Adamo vere peccasse, nulla ratione explicari poterit, quomodo in parvulis recens natis, sit aliqua veri nominis culpa. Nam quicquid dicamus in parvulis ex peccato Adami hære sive reatum, sive originalis justitiæ carentiam, sive aversionem habitum, sive quodvis aliud, illud nullo modo parvulis vitio dari, ac ne esse quidem poterit nisi processerit ab actione libera, cujus actionis parvuli illi aliquo modo participes fuerint.

Ac reatus quidem cum sit relatio consequens actionem, qua ratione fieri potest ut existat in eo qui non est particeps actionis?

Carentia item iustitiae originalis, quomodo imputari potest alicui ad peccatum, nisi ejus vitio fiat, ut careat? Aversio item habitualis nullo modo culpae deputandum est, nisi praecesserit actualis, imo nisi praecesserit actualis aversio ne intelligi quidem potest. Nam si Deus per absolutam suam potentiam, ut recte Bellarm. spoliaret hominem justum gratia, sine ulla ejus culpa actuali solo beneplacito suae voluntatis, careret ille quidem conversione habituali ad Deum, quam habitus gratiae faciebat: Sed non propterea diceretur à Deo aversus, sed tantum non conversus, qua actione nullius culpae reus dicendus est. Quomodo si Deus (inquit) hominem aliquem ex nihilo nunc produceret, & gratiae habitum illi non infunderet, non haberet ille conversionem ad Deum, sed neque aversionem, sed tantum non-conversionem, quae nomen culpae nullo modo meretur.

Porro, fingamus parvulum aliquem in quo habentur reatus, carentia, & aversio dicta; & tamen eundem non peccasse in Adamo, quis capere poterit eum merito reprehendi & puniri posse aut debere? Siquidem talis non est culpandus quod ita generatus est, cum impedire non potuerit ne sic gigneretur, nasci enim est plane involuntarium, ergo nasci cum dicto reato, carentia, & aversione dicta. Stat igitur illud omne veri nominis peccatum essentialiter dicere ordinem ad liberam voluntatem, adeo ut si aliunde quam à libera voluntate nascatur, veri nominis peccatum non esset.

Atque hinc est quod blasphemiae peccatum in furioso vel Psittaco non esse censetur etiam si voces blasphemiae edunt, Quod certum non recte censeretur nisi quia, quia non ducit originem à libera voluntate. Nullo ergo modo imputari potest ad culpam quod nullo modo à libera voluntate processit. Adde & illud quod recte annotavit Malderus, in 12. q. 81. art. 1. p. 258. Omne peccatum habituale dicere essentialiter ordinem ad praecedens aliquod actuale; adeo ut sit impossibile eum fore aut esse peccatorem habitualiter qui actualiter nullo modo peccavit. Et quanquam quidam non existiment id esse necessarium in originali; in originali tamen non minus hoc est necessarium quam in personali peccato; cum etiam originale proprie peccato habituali accensendum sit: de cujus ratione est voluntarium esse, voluntarium autem peccatum esse non potest, sine respectu ad voluntatem actu peccantem. Unde necesse est ut parvulorum peccatum originale inharens respectum habeat ad Adami primum peccatum quod parvulo ab illo oriundo suo modo imputatum est. Ex dictis satis constat non posse intelligi quomodo in posteros Adae propagari possit reatus, nisi praecesserit imputatio actus, quippe quae illius fundamentum sit, quia enim parvulo recens nato imputatur peccatum actuale Adami, ideo merito reus censetur hujus peccati.

Sed & ex Augustino hoc ipsum apertissime evincitur, peccatum nimirum Adae imputatum fuisse posteris, & quidem jure imputatum fuisse.

Lib. 3. de peccat. merit. & remiss. c. 7. unde nec illud liquido dici potest, quod peccatum Adae etiam non peccantibus nocuit, cum Scriptura dicat, In quo omnes peccaverunt. Nec sic dicuntur, ista aliena peccata, tanquam omnino ad parvulos non pertineant, siquidem in Adam omnes tunc peccaverunt quando in ejus natura illa insita, in qua eos gignere poterat adhuc omnes, ille unus, fuerunt; sed dicuntur aliena, quia nondum ipsi agebant vitas proprias, sed quicquid erat in futura propagine vita unius hominis continebat. Hic Augustinus non posse recte dici ait, peccatum Adae, non peccantibus nocuisse, nec hoc peccatum Adae alienum prorsus dici posse, cum in eo omnes peccaverunt, & omnes ille unus fuerunt.

Et lib. 5. de peccat. merit. & remiss. cap. 10. Certe manifestum est alia esse propriamque peccata, in quibus hi tantum peccant, quorum peccata sunt, aliud hoc unum in quo omnes peccaverunt, quomodo omnes ille unus homo fuerunt.

Et lib. 4. cont. 2. Epist. Pelagian. cap. 4. Restat, ut in illo primo homine peccasse omnes intelligantur, quia in illo fuerunt omnes quando ille peccavit, unde peccatum nascendo trahitur, quod nisi renascendo non solvitur.

Nam & sic S. Hilarius intellexit quod scriptum est in quo omnes peccaverunt, Ali-

enim in quo (i.) in Adam omnes peccaverunt. Deinde addidit, *Manifestum est in Adam omnes peccasse quasi in massâ; ipse enim per peccatum corruptus, unde omnes qui generis nostri sunt sub peccato.* Hæc Augustinus ex Hilario, quæ tamen in Hilarii Pictaviensi, operibus hodie non reperiuntur, sed totidem verbis hæc reperiuntur in Comment. in Epist. Pauli ascriptis Ambrosio, qui tamen non videtur esse horum germanus author, cum alicubi hic author Græce se nescire profiteatur, cum S. Ambrosius optime Græcam calluerit, uti indicant multa quæ ex Origine & Basilio mutuatus est. Deinde horum Commentariorum Ambrosii, nec Hieronymus, nec Augustinus meminerunt, quod certe argumento esse potest sub nomine Ambrosii tunc non extitisse. Et paulo ante illud in illo homine peccaverunt omnes, ideo dictum est, quoniam quando ille peccavit, in illo erant omnes.

Et de Civit. Dei. lib. 16. cap. 27. *Etiâ parvuli non secundum vitæ suæ proprietatem sed secundum communem generis humani originem omnes in illo uno testamentum Dei dissipaverunt. Omnes in illo ut in communi stipite.* Et lib. 13. c. 24. *Omnes enim fuimus in illo uno, quando omnes ille unus corruptus.* Ubi retractans quadam verba de Genesi contra Manich. l. 2. c. 29. & Retract. l. 1. c. 10. *Nulli naturæ nocere peccata nisi suæ; possunt sane Pelagiani ad suum dogma trahere istam sententiam, & ideo parvulis aliena non nocuisse peccata, quia dixi, nulli naturæ nocere peccata nisi suæ, non intuentes ideo parvulos qui utique pertinent ad humanam naturam, trahere originale peccatum quia in primis hominibus, natura humana peccavit, ac per hoc naturæ humanæ nulla nocere peccata nisi suæ, per unum quippe hominem in quo omnes peccaverunt, peccatum intravit in mundum. Non enim nulli homini, sed nulli naturæ dixi, nocere peccata nisi suæ. Ubi August. ostendit, quo sensu recte dixi nulli naturæ nocere peccata nisi suæ: Siquidem hoc dicendo, supponit Adami peccatum actuale fuisse peccatum non personale solum sed & commune totius naturæ humanæ, quatenus toti naturæ imputatum est: Ac proinde recte dici, Nulli naturæ nocere peccata nisi suæ, quatenus hoc peccatum cuilibet homini imputetur.*

Sed & ante Augustinum Patres agnoverunt, Adamo peccante, totum quod in eo fuit genus humanum velut communiter peccavisse; non solum quod ex ipso peccatum contrahimus, sed quoniam ipso peccante omnes in eo pravificati sumus. Et hoc ipsum quod ille peccatum admisit, nostrum sit & reputetur.

Hinc Irenæus, lib. 5. c. 17. *Quemadmodum per lignum facti sumus debitores Deo, per lignum accipimus nostri debiti remissionem.* Per lignum autem facti sumus omnes debitores Deo, quoniam in Adam omnes de ligao vetito commedimus.

Hinc est quod S. Basil. Orat. de jejun. *Quandoquidem non jejunavimus (edendo scil. de ligno scientiæ boni & mali) excidimus è Paradiso. (i.) non jejunavimus quatenus in Adamo non abstinuimus à poma vetito. G. Nazian. in Orat. de Natal. Dom. At postquam (inquit) Diaboli invidia, mulierisque transgressione, pro mea imbecillitate (mea enim fuit primævi parentis) traditi madati solutus homo est, amaroque succubuit gustui, pariter & à vitæ ligno, & à Deo propter pravitatem extorris agitur.* Quomodo dicit Nazianzenus, Mea fuit imbecillitas primævi parentis, nisi quatenus illa imbecillitas primævi parentis Adæ suæ reputata est? Et Orat. 3. de pace. *Totus cecidi, atque ob primigena hominis inobedientiam & Diaboli fraudem condemnatus sum.* Quomodo vere dicere potuit, se totum cecidisse ob primi hominis inobedientiam, nisi quatenus illa inobedientia suæ quodammodo reputabatur.

Ambrosius in cap. 15. Luc. Fuit Adam, & in illo fuimus omnes; Perit Adam, & in illo perierunt omnes, scil. quatenus inobedientia omnibus imputatur; ad quam secuta est in omnibus tum privatio justitiæ, tum vitium animæ depravatio.

Imo & tempore Augustini & post Augustinum alii patres ejus insistant vestigiis. Orosius Apologetico de arbit. liber. *Omnes peccaverunt sive in Adam sive in se ipsis & egent gloria Dei. Universa igitur massa penas debet; & si omnibus debitum damnationis supplicium redderetur, non injuste proculdubio redderetur.* Nulla ergo, juxta Orosium, injustitia esset apud Deum, si universa massa lueret penas ob peccatum Adæ.

Author Hypognoſt. lib. 2. *Adæ peccatum vere tunc ſoli nocuit, cum ſolus eſſet ipſe, & Eva mulier ejus, ſed in illis unis omnes eramus, quia natura humani generis, ſicut in nobis omnibus illi unum ſunt, quia natura eorum ſumus. En tota natura humana in illis unis.*

Proſper lib. de Ingratis. c. 27.

*Inviolata Dei quondam & ſublimis imago,
In primo cuncti ſuimus Patre dum nemore ab alto
Corruit, & cuncti ſimul in genitore cadente.
Corruimus*

Bernard. Serm. 1. de Dominic. 1. poſt 8. Epiphaniæ, agens de culpa originali. *Aliena (inquit) eſt, quia in Adam omnes neſcientes peccavimus: Noſtra, quia etſi in alio, nos tamen peccavimus, & nobis juſto Dei judicio imputabatur, licet occulto. Quid diſertius? N. de Lyra in Rom. 5. Peccatum Adæ imputatur omnibus ab eo deſcendentibus ſecundum vim generativam quod ſic ſunt membra ejus; propter quod vocatur peccatum originale.*

Accepiſtis neceſſitatem imputationis actualis peccati Adæ; jam ſequitur ut ejuſdem imputationis æquitatem & juſtitiam oſtendamus.

Dixit Bernardus, ut modo audivimus, *Culpam originalem & alienam eſſe, & noſtram. Nos enim (ait) peccaſſe in alio, & illud peccatum juſto Dei judicio nobis imputari; & certe quid ni dixerit, juſto Dei judicio imputatum nobis Adami peccatum: Enimvero cum Adam bona accepſſet non ſibi tantum ſed & poſteris, non eſt mirum ſi hiſce bonis ſuo demerito privati, ea ſibi amiſerit & poſteris. Si quis ob crimen perduellionis, capite mulſcetur, & ad ararios redigatur, cum eo quoque liberi nobilitate excidunt: Nec quicquam æquius quam ut debitum à patre contractum filii diſſolvant; & ut bonorum ita & debitorum ſint heredes. Molin. peccat. orig. p. 141.*

Sed & alia exempla adhiberi ſolent. Thomas 12. q. 81. art. 1. in Corpore; ſic rem hanc explicat. *Omnes homines qui naſcuntur ex Adam poſſunt conſiderari ut unus homo, in quantum conveniunt in natura quam à primo parente accipiunt; ſecundum quod in civilibus, omnes homines qui ſunt unius communione, reputantur quaſi unum corpus, & tota communitas quaſi unus homo: etiam Porphyrius dicit, quod participatione ſpeciei plures homines ſint unus homo: Sic igitur multi homines ex Adam derivati, ſunt tanquam multa membra unius corporis; Actus autem unius membri corporalis, puta manus, non eſt voluntarius voluntate ipſius manus, ſed voluntate animæ, quæ primo movet membrum: unde homicidium quod manus committit, non imputaretur manui ad peccatum, ſi conſideraretur manus ſecundum ſe ut diviſa à corpore, ſed imputatur ei in quantum eſt aliquid hominis, quod movetur à primo principio motivo hominis, ſcil. à voluntate: Sic igitur inordinatio quæ eſt in iſto homine ex Adam generato, non eſt voluntaria voluntate ipſius; ſed voluntate primi parentis, qui movet motione generationis, omnes qui ex ejus origine derivantur, ſicut voluntas animæ movet omnia membra ad actum: unde peccatum quod ſic à primo parente in poſteros derivatur, dicitur originale; ſicut peccatum quod ab animæ derivatur ad membra corporis dicitur Actuale: Et ſicut peccatum actuale quod per membrum aliquod committitur non eſt peccatum illius membri, niſi in quantum illud membrum eſt aliquid ipſius hominis, propter quod vocatur peccatum humanum: ita peccatum originale non eſt peccatum hujus perſonæ, niſi in quantum hæc perſona recipit naturam à primo parente, unde & vocatur peccatum naturæ, ſecundum illud ad Eph. 2. Erasmus natura filii iræ. Hæc Thomas: ubi exemplum de membris ſatis accommodatum eſt.*

Quemadmodum motio manus ſi referatur ad manum, non habet rationem culpæ nec voluntarii ſi conſideretur manus ſecundum ſe & diviſa à corpore, ſed ſi referatur ad voluntatem moventis habet rationem culpæ quatenus imputatur ei in quantum eſt aliquid hominis quod movetur à primo principio motivo hominis ſc. à voluntate. Sic ex voluntate primi parentis ex quo tota poſteritas derivatur, peccatum illud in poſteris, velut in membris Adæ, voluntarium eſſe cenſetur.

Eſt aliud exemplum in homine movente ſeu imperante ſua voluntate appetitum ſenſitivum

sensitivum ad actum intemperantiae, quæ quidem voluntas est extrinseca appetitui sensitivo hominis secundum se considerato, non autem est extrinseca illi ut est *Appetitus sensitivus hominis*; quia voluntas est inclinatio totius suppositi humani & consequenter omnium partium illius, ut partes sunt: atque adeo in appetitu sensitivo reperitur intrinsece *Vitium & virtus* etiam si in ipso appetitu sensitivo non reperitur formaliter aliquod voluntarium proprium ipsius appetitus, sed solum voluntarium participatum à voluntate, quæ est inclinatio totius suppositi. Idem proportionabiliter dicendum est de posteris Adæ qui contrahunt per generationem peccatum sibi proprium & extrinsecum; quamvis non reperitur in illis aliud voluntarium præter voluntarium primi parentis qui fuit caput totius naturæ; illud enim voluntarium censetur parvuli.

Alvac Disp.
45. n. 16.

Sed & addo in unoquoque corpore, siue sit physicum, siue politicum, siue mysticum, id quod facit caput, quia caput, hoc toti corpori iure imputatur; voluntas quæ est inclinatio totius suppositi, quæque quasi caput & regina est in homine, cum peccavit totum corpus complectitur. Facta magistratu toti reipublicæ, facta patrisfamilias toti familiæ imputantur fide; iussor pro reo merito punitur.

Vid. Meiffa.
Dec. 1. Disp.
5 n. 18.

Scriptura pronuntiat tribum Leviticam lumbis Abrahæ inclusam decimas obtulisse Melchisedeco, Heb. 7. 9. Sic & nos Adæ posteris, in lumbis Adæ peccantis conclusi, peccati illius rei facti sumus, quatenus imputatur; quomodo in lege civili iustissime statuitur ob crimen læsæ maiestatis etiam liberos puniendos lib. 3. C. ad L. Jul. Mai. Cum ergo Adamus fuerit caput totius humani generis, & nos omnes illius membra, ille pater, nos filii, merito peccatum inobedientiae, quod ille ut caput patravir, nobis imputatur.

Hæc ut paulo accuratius ostendamus scimus omnes; nec novum, nec insolitum, aut injustum bona corporis, & mala à patre ad filium naturaliter propagatione transmitti. Si pater lepram contrahat aut podagram, forsan ex ebrietate aut alia quavis ejus intemperantia: unde & filius leprosus generatur aut podagricus, quis feret ut filius dixerit, injuste hæc sibi evenire, aut injuriosum esse aut Deum aut Naturam. Natura enim id fit, ut qui corpus accipit à patre, etiam illa accipiat quæ substantiam illam individuum necessario consequantur. Similiter dicendum est de bonis fortunæ; si forsan ære alieno absorbeatur hæreditas patris, aut tenuior erit. Hic enim nullæ querelæ iustæ ratio in naturam aut in Deum esse potest, sed in patrem, cuius profusione & vitio hæc contingunt & in filii noxam cedunt; ipso tamen jure & æquitate naturali, quia filius in huiusmodi est aliquid patris, & censetur ipse peccasse quod ad hæc attinet in patre suo. Unde nec incongruum aut injustum judicamus cum videmus ignominiam patris redundare in filios; Præsertim quod filii sæpe solent imitari parentum vitia. Quidni ergo ex peccato patris hoc merito fiat ut aliquid detrimenti redundet in filios, etiam secundum animam. Id quod adhuc clarius constabit in protoplasto Adamo, cui collatum erat à conditore boni originalis iustitiæ ex quo bono fiebat ut pars inferior, appetitus sensitivus, appetitui rationali seu voluntati, absque omni contumacia, superior item pars seu voluntas Deo conditori suo, pariter subderentur.

Hoc donum, licet supra conditionem hominis fuit, ratione corporis, tamen ratione melioris & dignioris partis hominis, seu animæ, quæ immortalis erat & à Deo fuit, debitu erat homini primo, siquidem ratione animæ homo factus ad imaginem & similitudinem Dei, atque hac ratione iustitia originalis debita erat humanæ naturæ ut & alia dona & perfectiones divinæ, absque hisce enim homo esset mancus & miser & omnium animalium imperfectissimus: In hisce donis erat quod homo immortalis esset nec morti subderetur, quæ immortalitas si suam dignitatem servasset Adam ex quadam congruitate & decencia debebatur homini ob præstantem dignitatem animæ, quæ suæ naturæ immortalis erat. Sed & alia conveniebant etiam homini per quæ quicquid in humanæ conditione propter carnis imbecillitatem inveniebatur infirmum & caducum firmabatur & solidabatur.

Sed hæc dona non tantum Adæ personæ conferebantur sed propter ipsam omnibus posteris & ab illo ad posteros transmittenda. Disposuit enim hæc dona providentissime Deus ipsi Adamo tanquam stipiti & capiti & principio omnium nostrum à se immediate

immediate condito ut ex illo in eos obvenirent, sciens (quod & ipse ordinavit) naturale esse patrem filiis thesaurizare, quod & habetur apud Apostolum, 2 Cor. 12. 14. ubi ait, *Non debent filii parentibus thesaurizare, sed parentes filiis*: quem locum explicans Thomas, 22. q. 101. art. 2. ad. 2. sic habet, *Quia pater habet rationem principii, filius autem rationem habet à principio existentis; ideo per se patri convenit ut subveniat filio, & propter hoc non solum ad horam debet ei subvenire, sed ad totam suam vitam, quod est, thesaurizare.* Naturaliter ergo pater, quia habet rationem principii filius de necessariis prospicere tenetur. Adamus ergo cum rationem principii habuit respectu totius generis humani, tum in temporalibus tum in spiritualibus tenebatur eis prospicere de utroque; si enim hoc dicimus in temporalibus quidni etiam in spiritualibus. Sic ergo pactum quodammodo iniit Deus cum Adamo ab initio ut originalem iustitiam cum supra dictis haberet ipse & uxor ejus & liberi ejus: ac retineret, modo abstinere à fructu arboris vetitæ. At cum non abstinuit sed volens pactum cum Deo initum violavit: iuste ergo ille & nos omnes qui in illo inclusi eramus, & à quo in nos obventura erant dona ei collata, & dona amissimus, unde totius nostra uxor depravatio secuta est. Atque hinc est quod peccatum primorum parentum nobis fuit imputabile, etsi non ex voluntate nostra actuali patratum, sed ex voluntate Adæ progenitoris nostri. Hoc enim merito fiebat quia Adæ voluntas in eo negotio, interpretative, nostra fuit, ratione pacti cum Adamo iniiti, cujus erat secundum naturam nobis thesaurizare & acquirere juxta dictum Apostoli. Ergo quod volens neglexit thesaurizare posteris, merito nobis hoc ejus peccatum imputabile fuit.

Vid. Thom.
2. q. 2. ad 2.

Hæc est summa eorum quæ occurrunt apud Catharinum, l. de pec. orig. vid. Disp. 7. & in Concl. in fine concl. 1, 2, 3, & 4.

Brevius hæc & accommodatius nostro proposito explicari possunt.

1. Deus iuste ordinare potuit & de facto ordinavit ut Adamus esset non tantum humanæ naturæ individuum, sed & totius humanæ naturæ principium & origo.

2. Deus Adamo primo homini sic condito iuste mandatum dedit de non comedendo de fructu arboris scientiæ boni & mali; & quidem hac lege ut si ille prout potuit & supposito mandato debuit, mandato huic obtemperaret in abstinendo, cum posterius omnes in iustitia originali, innocentia & immortalitate nascerentur: Sin minus eo mandatum & pravariante & peccante, tota natura humana in eo itidem peccaret.

An autem pactum formale inter Deum & Adamum ut humani generis parentem intercesserit ut volunt nonnulli (in quibus est Catharinus lib. de peccat. orig.) an non, non multum refert, certum tamen est cum Adamus parens & origo fuerit naturæ, & generis humani oportuit in illo nos aut stare, aut cadere, quanquam quod ei Deus mortem interminatus sit si manum ad arborem vetitam admoveret, satis hinc apparet præmonitum fuisse de periculo in quod se præcipitem conjiceret, si peccaret à quo nihil metuendum esset, si in officio permaneret (ut recte animadvertit clariss. Whitak. de peccat. orig. cont. Stapleton. c. 7. p. 44.) Vid. Maldon. in 1, 2, q. 81. art. 1. p. 259 a.

Quod autem Adamo peccante tota humana natura peccavit patet ex Apostolo loco supra citato, Rom. 5. 12. *In quo omnes peccaverunt.*

Sed & hæc ratione evincitur quæ habetur apud Bonavent. in 2. Dist. 30. art. 1. q. 2. Si tota natura esset in una persona, corrupta illa persona, quantum ad esse, necesse est totam naturam corrumpi, quoad esse: Ergo pari ratione si corrumpetur illa persona quoad bene esse, corrumpetur tota natura, quoad bene esse. Sicut enim sequitur (inquit) si Adam moritur, homo moritur: Sic sequitur quod si Adam peccat, homo peccat. Cum ergo tota natura esset in Adamo quando peccavit videtur quod tota in eo peccaverit natura, ac per hoc tota in omnibus & singulis.

At non actu propriæ voluntatis; cum, tum temporis, posterius ejus actum liberum propria voluntate exercere & exercere non potuerunt; cum usum libertatis nullum

tum

tum habuerint aut habere potuerint, Ergo Adami volitio nobis omnibus imputata, & illo peccante omnes peccarunt; quod etiam testatur ipse Apostolus.

Hactenus ostendimus actualis peccati Adæ imputationis tum necessitatem tum æquitatem.

Ex his sequitur quod tertio loco asseruimus, hoc peccatum Adæ, posteris Adæ veri reatus esse inductivum,

C A P. XIV.

Ostenditur peccatum Adæ esse posteris ejusdem veri reatus inductivum, nempe participatione culpæ & imputatione reatus.

Hoc tertium evidenter sequitur ex eo quod secundo loco ostendimus: Si enim peccatum Adæ merito imputatur posteris, hinc sequitur iisdem posteris esse veri reatus inductivum: ut enim ubi non imputatur peccatum, tollitur reatus, ita ubi imputatur peccatum, ibi ponitur reatus.

Apud Augustinum Pelagius dixit nulla ratione concedi posse ut Deus qui propria peccata remittit imputet alieni: de peccat. remit. & remis. lib. 3, ca. 8.

Respondet Augustinus, *Remittit Deus sed spiritum regenerationis non carne generatis: Imputat vero non jam aliena sed propria; Aliena quippe erant quando hi qui ea propagati portarent nondum erant, nunc vero carnali generatione, jam eorum sunt quibus nondum spiritali regeneratione dimissa sunt.* Hic opponit Augustinus id remittere peccatum & id imputare; id imputare est reatus subdere; id remittere est non imputare ad damnationem.

Et de Nuptiis & Concupisc. lib. 1. c. 33. *In iis (inquit) qui regenerantur in Christo, reatus adhuc manentis concupiscentiæ remittitur, ut in peccatum non imputetur. Nam sicut eorum peccatorum, quæ manere non possunt, quoniam cum fiant præterunt, reatus tamen manet, & nisi remittatur, in æternum manebit: Sic illius concupiscentiæ, quando remittitur reatus, auferitur. Hoc est enim non habere peccatum, reum non esse peccati. Et mox — Manent ergo, nisi remittantur. Sed quomodo manent, si præterita sunt, nisi quia præterierant actu, manent reatu?* Hic unum idemque est Augustino, habere peccatum, & reum esse peccati; item non imputari peccata, remitti peccata, & auferri reatum.

Quod autem Adami peccatum posteris imputatum, sic veri reatus posteris inductivum patet ex iisdem scripturæ testimoniis quibus dictum peccatum imputari posteris asseruimus.

Et quidem 1. ex illo loco notissimo, Rom. 5. 12. ubi Apostolus ait, *In quo ipse* & vulgata habet, *In quo* ut referatur ad Adamum, in quo peccarunt posteris; & propugnat hoc Augustinus contr. Julian. 6. c. 12. Pelagius enim in commentario qui etiamnum extat, exposuit causaliter, & idem sonet, ac quoniam, quatenus seu quando quidem. Sed videtur perinde esse, & eodem recideri, sive relativè, sive causaliter sumantur hæ particule *ipse* & *in quo*. Nam utrobique innui hoc, omnes homines peccasse, quia omnes morti obnoxii, quod satis est ad institutum Apostoli: Nec desunt exempla, ubi *ipse* & *in quo* redditionem causæ denotant.

[Adamo] omnes peccarunt. Si omnes Adamo peccante, peccarunt peccato, scilicet ejus actuali in fructu vetito comedendo, iis imputato; tum ex illius peccati imputatione nascitur verus reatus, in hoc siquidem loco diserte ait Apostolus, nos non tam peccatores nasci, quam peccasse. Quod idem Apostolus itidem docet, Rom. 3. 23. ubi sic habet, *Omnes enim peccaverunt*, quod non de solis adultis, sed & parvulis intelligendum vult tum Judæorum, tum etiam Gentilium omnium, scilicet quotquot gratis justificantur per ejus gratiam, per redemptionem quæ est in Christo.

Christo Jesu, vers. 24. qualiter etiam iustificantur omnes parvuli quotquot iustificantur, horum enim Christus æque redemptor atque adultorum.

Cum autem certum sit neminem peccare propria voluntate antequam sit & nascatur, P. Apostolus diserte de Jacobo & Esau testatur, Rom. 9. 11. quos antequam nati essent nihil mali aut boni fecisse pronuntiet, necessario ergo intelligendum est omnes peccavisse aliena voluntate, scil. Adami, quæ tamen voluntas nisi fuisset aliquo modo voluntas totius naturæ humanæ, ac per hoc etiam nostræ, nullo modo vere peccasse diceremur.

Ipsi enim voluntas, nostrum fuit; ejusque igitur transgressi, nostra est, quia ille non ut unus singularis persona consideratur, sed ut radix generis humani, in quo omnes virtute inclusi fuimus, itaque, ait Augustinus, lib. de peccat. merit. & remis. c. 10. Omnes eramus ille unus homo.

Peccavimus ergo omnes in Adamo, quando ille peccavit, & illa ejus prævaricatio, nostra etiam prævaricatio fuit, ac proinde veri reatus in nobis inductiva. Omnis enim veri nominis prævaricatio, veri reatus etiam est inductiva, id prævaricante.

2. Idem evincit Homilias noster ex 5. ad Rom. 5. 18, 19. Homil. Nar. Tom. Sicut per unius delictum reatus venit in omnes homines in condemnationem. Et vers. 19. Unius inobedientia peccatores constituti sunt multi, quibus olim docetur (inquit Homilia) ut quemadmodum in Adamo omnes universaliter peccarunt; sic in Adamo omnes in universam mercedem peccati acceperunt (i. mortales facti sunt, morti obnoxii, habentes in se non nisi condemnationem animi & corporis. Hæc dicit Homilia, ex quibus efficitur juxta verum Homilias sensum, omnes posteros Adæ in Adamo peccavisse, ac proinde mortis tum temporalis tum æternæ reatum incurrisse. Imputatio ergo peccati Adæ, vere nos reos constituit peccati illius primi à Protoplasto actu admissi.

Hæc ratio ex Homilia adducta corroboratur è Bonavent. simili, in 2. dist. 3. art. 1. q. 2. Estque ratio ejus sexta, Quia Adam peccavit, factus est mortalis, & quia mortalis est, necesse fuit quod generaret omnes filios mortales: Sed sicut se habet effectus ad effectum, ita se habet causa ad causam: Si igitur causa mortalitatis fuit culpa, & mortalitas personæ Adæ totam humanam naturam fecit mortalem, & totam corruptit pœnaliter, pari ratione videtur quod culpa Adæ totam naturam humanam infecit culpabiliter, & omnes ex illo exeuntes corrupti culpabiliter; si igitur culpa quæ omnibus inest per naturam, est culpa originalis, colligitur, hinc -- quid sit ponere culpam. Hæc Bonavent.

Sed & ratio supra adducta, qua probavimus, Adam peccatum in comedendo pomo vetito nobis imputatum fuisse, similiter probat idipsum peccatum fuisse veri reatus posteris inductivum. Neque enim ulla ratione explicari queat quomodo in parvulis recens natis, sit aliqua veri nominis aut reatus aut culpa nisi illa processerit ab actione aliqua libera, cujus actionis parvuli illi aliquo modo participes fuerint. Quæ actio cum non reperiatur in ipsis parvulis est usus libertatis nondum capacibus, necesse est ut illa sit Adamo libera in comedendo fructu vetito, neque enim alia dari potest.

Dices imputationem peccati non semper inducere veri nominis reatum ut in Christo Domino, qui nullius reatus veri nominis reatum habuit, utpote qui ab omni peccato, ac proinde ab omni peccati reatu immunis fuit.

Respon. Imputari posse peccatum alicui

Primo, quando persona innocens se vadem aut fidejussorem pro peccatore sistit, & libens sustinet pœnas alicujus peccatis debitas, ut ab eisdem, persona nocens liberetur.

Secundo, quando is cui imputatur peccatum quodammodo participes est ipsius peccati.

Priori modo potest peccatum imputari alicui, & tamen ipse non reus peccati alicujus

alicujus ab illo admissi, dici potest. Sic Christo Redemptori in se innocenti & ab omni peccati labe immuni, imputata sunt peccata nostra; unde & ipse peccatum, 2 Cor. 5. 21. Non quod ille formaliter aut peccator aut peccati reus esset, sed quia caput est nostrum, & peccata nostra sua esse voluit, quoad onus satisficiendi pro ipsis, quatenus voluit in se suscipere illud onus ut satisfaceret justitiæ Dei vindictivæ pro peccatis humani generis pro quibus *φίλος ἀνθρώπων* satisfacere non potuit, pro imo pro quibus nemo nisi *ἀνθρώπων* justitiæ Dei rigide satisfacere potuit.

Secundo modo peccati imputatio alicui, veri nominis reatum semper inducit; qui enim particeps est peccati alterius; is etiam vere particeps est reatus illius peccati, & vere reus pœnæ. Jam nos omnes Adami posteri actus inobedientiæ ab ipso in comedendo pomo vetito perpetrati, participes sumus: siquidem ille actus non mere personalis & proprius fuit, sed generalis & communis totius naturæ humanæ; omniumq; Adæ posterorum, unde & omnis Adami progenies veri nominis reatum contraxit; posteri siquidem Adæ in illo actu Adamo actualiter peccante in eo quasi in capite, fonte & seminario comprehensi & quasi conclusi originaliter idem peccatum commiserunt, ac proinde verum reatum contraxerunt.

Omnes inquam illo peccante peccarunt }
 1. Participatione culpæ.
 2. Imputatione reatus.
 3. Propagatione naturalis pravitatis,

1. Participatione culpæ, quia omnes posteri seminali ratione fuerunt in lumbis Adæ. Ibi igitur omnes in Adamo peccante peccaverunt: Ibi omnes in Adamo peccante peccaverunt: sicut Abraham in lumbis Levi decimatus dicitur Heb. 7. 9. Liberi enim sunt pars parentum, unde & culpa parentum participatione est liberorum.

Dices peccatum Adami à Deo imputatum dici posse posteris ejus, quatenus Deus posteros Adami eidem malo, cui Adamus per peccatum obnoxium se reddidit obnoxios nasci voluit, five quatenus Deus malum, quod in pœnam Adamo inflictum fuerat, in posteros ejus dimanare & transire permisit. At nihil cogit dicere Peccatum Adami posteris ejus sic fuisse à Deo imputatum, quasi Deus posteros Adæ revera censuisset ejusdem cum Adamo peccati & culpæ, quam Adamus commiserat, reos Genf. Genf. pag. 84.

Resp. Juxta hanc imputationis acceptionem & explicationem.

Resp. Nulla imputatio agnoscitur culpæ Adæ, imo nec pœnæ proprie dictæ in posteros Adæ, utpote qui nullo modo alicujus culpæ rei agnoscuntur, sed sola permissio transitus mali illius in posteros Adæ quod in pœnam Adamo inflictum fuerat: quæ permissio nullo sane sensu dici potest imputatio peccati Adæ, neq; enim Deus quæ permittit malum aliquod seu miseriæ transire in posteros Adæ, vere dici potest imputare peccatum Adæ posteris; imo non pœnam proprie dictam, cum omnis pœna iusta infligatur propter peccatum illius cui infligitur.

At Scriptura pronunciat omnes posteros Adæ peccasse, & in eo peccasse, Rom. 5. 12. quod non recte diceretur nisi peccatum ejus ut totius humani generis principii aliquo modo ad totum humanum genus pertineret, ejusq; culpæ totum humanum genus particeps esset. Ubi enim dicitur, omnes peccarunt, seu omnes in eo peccarunt, vult Apostolus omnes mandatum Dei transgressos fuisse & culpam vere incurrisse, quod non vere diceretur, nisi peccatum ab Adamo actu perpetratum, omnibus posteris, qui seminali ratione in ejus lumbis fuerunt imputatum fuisset. Cum enim actus ille Adami transiens esset, & posteris ejus communicetur non nisi per generationem, non potest aliter nobis communicari, quam communicatur id quod transit, nimirum per imputationem. Adde Apostolum ibidem differte asserere, ideo mortem in omnes homines transisse quia omnes peccarunt, sc. in illo actualiter peccante, & fructum vetitum comedente non & singulari persona, sed ut in principio, capite, ut seminario contenti & originaliter existentes, idem peccatum commiserunt: quod enim Adam egit & comedit, nos censetur egisse & comedisse quia voluntas nostra posita fuit Deo summo, omnium Domino, in voluntate Adæ; tanquam communis omnium parentis, & totius humani generis originis. Et ut loquitur Augustinus, omnes ille

unus homo fueret, lib. 1. c. 10. de peccat. merit. & remiss. vel ut alibi ait ex Hilario in Adamo omnes peccasse ut in Massa 2d. Epist. Cont. Pel. l. 4. c. 4. id quod Apostolus ex eo evincit quod mors quæ est proprie dicta pœna transit in omnes Adami posteros. Ratio enim transmissionis morbi in posteros, apud Apostolum petita est ex iusta imputatione culpæ in posteros, cum enim certum sit Deum punire parvulos morte ut pœna proprie dicta, certum itidem est Deum proprie iis imputare peccatum, ut enim quibus Deus remittit & condonat peccata non puniendo, iis peccatum non imputare dicitur, ut Rom. 4. 7. ex David Psal. 32. sic ubi punit peccata, ibi proprie loquendo imputat peccatum, & quidem non mere alienum sed & suum. Id quod optime exprimit Bernard. Sermon. 1. de Dominic. prima, post octavum Epiphaniæ agens de culpa originali. *Alitna (inquit) est, quia in Adam omnes nescientes peccavimus. Nostra quia etsi in alio nos tamen peccavimus, & nobis iusto Dei iudicio imputabatur licet occulto.* Hæc Bernardus vere & accomodatissime.

Dices secundo, Scripturam testari Adamo soli pœnam comminatam fuisse etiam Adamo soli inflixisse Deum.

R. Esi Scriptura solius Adami meminit in pœnæ comminatione, Quatunque die ex illa arbore comederis, morte morieris, tamen meminit Adæ non ut singularis personæ, sed ut communis totius humanæ naturæ stipitis. Nā certum est ea lege Deū transgisse cum Adamo, ut si ipse in iustitia in qua conditus erat permaneret, totam progeniem in eadem permansturum fuisse, sin ab eadem excident, etiam totam progeniē in eo casuram, unde & comminatio ad totum genus humanum pertinebat, ut illud, morte morieris ita intelligendum est; ac si diceretur, Tu cum tota tua sobole & progenie, morieris. Porro falsum est, pœnam in comminatione comprehensam soli Adæ inflictam fuisse. Illud enim, morte morieris, ad totam progeniem pertinet, unde & mors ut pœna infligitur omnibus Adæ posteris etiam parvulis sive respiciamus mortem corpoream, sive etiam spiritualem animæ mortem, quod certum est indicium posteros ejus peccati, ejus suo modo, participes esse, neq; enim Deus iuste punire potuit parvulos, vel morte corporali; nisi aliquo modo peccatum aliquod haberent ob quod iuste punirentur. Sed & Apostolus docet mortem, ut pœnam peccati, ipsos parvulos invasisse Rom. 5. 14. & stipendium peccati esse mortem, Idocet, & mortem esse aculeum peccati, 1 Cor. 15.

Dices Tertio, rursus divinam bonitatem, veracitatem & sapientiam non sinere ut Deus alienum peccatum alteri proprie imputer, Exam: Conf. Ubi supra.

Resp. Peccatum Adæ non est dicendum peccatum prorsus alienum respectu posterorum, cum fuerit peccatum capitis totius humani generis, cum omnes unus ille homo fuerunt ut supra ex August. audivimus. Cum enim conditus esset in originali iustitia & innocentia, hac lege ut si ille in iustitia & innocentia maneret, omnes etiam ejus posterī in iustitia & innocentia nascerentur; sin minus, illo cadente & peccante omnes itidem posterī caderent & peccarent. Cum in hac lege nihil sit iniustum nihil iniquum prorsus dicendum est quomodo si Adam in iustitia & innocentia persistisset, ejus iustitia & innocentia proprie imputanda erat posteris, & ratione hujus imputationis vere iusti & innocentes nascituri erant omnes posterī; sic eo cadente & peccante ut communi humani generis stipite, ejus peccatum omnibus posteris ita proprie imputandum erat ut ratione hujus imputationis, omnes posterī vere peccatores & censerentur, & essent, & nascerentur, absque omni aut bonitatis, aut sapientiæ Dei criminatione. Siquidem utrobique imputatio totius iustitiæ si destitisset tum peccati inobedientiæ cum cecidisset non nicebatur fictitia aliqua suppositione, sed vera participatione rei imputatæ quæ est proprie dicta imputatio. Nec ullo modo pugnat aut cum bonitate, aut veracitate, aut sapientia divina, quin cum hisce optime congruit. Dicendum ergo est, quemadmodum corruente homine, omnia ejus membra cadunt; & succiso trunco omnes arboris rami in terram decidunt; sic per inobediētiā & malitiam suam corruente Adam, omnes in eo lapsi sumus ejusdem in obediētiæ participes, & eadem malitia infecti, qua ipse legem Dei transgrediens prave affectus fuit. Vide locum Prosp. supra.

Addo tantum abesse ut Dei veracitas impediret, quo minus Adæ peccatum posteris proprie imputeret, ut necessario dicendum sit, veracitatem divinam postulasse, ut si Adamus peccaret, non ipse solus, sed etiam tota posteritas excideret ab innocentia & gratia, reaque cum ipso fieret æternæ mortis, juxta interminationem, morte mortis, nempe tu cum tota tua progenie & posteritate. Quomodo in lege civili feuda tali conditione dantur vassalis, ut si ea per culpam perdant parentes, parentum reatu involvantur & liberi quod non juste sit nisi prius natura imputetur & culpa.

4. Dicant contra naturam peccati esse ut censeatur peccatum aut ut proprie in peccatum imputetur, quod propria voluntate commissum non est. Exam. Confar. ibid.

Resp. 1. Si per propriam voluntatem intelligatur actus liber propriæ voluntatis id quod necessario intelligere debet, negamus prorsus contra naturam peccati esse, ut id censeatur peccatum, aut ut proprie in peccatum imputetur, quodque talem liberum actum voluntatis commissum non est, siquidem hoc vere se de solo actuali peccato quale est dictum, factum, aut concupitum contra legem æternam, quomodo definitur actuale peccatum ab Augustino lib. 22. c. 27. contra Faustum, ut admittit ipse Bellarminus lib. 4. c. 10. de amiss. Guel. & statu peccati, ubi ait per ea verba Augustini ante definire peccatum ut accipitur pro actu peccati, non pro reatu aut maculo, quæ remanent transeunte actu & lib. 5. c. 20. Ubi hanc Augustini definitionem explicans sic habet. peccatum proprie dictum non solum de ipso actu transeunte, sed etiam de eo quod post ipsum manet in anima peccatoris. Siquidem eadem est (inquit) malitia & perversitas quæ est in actu malo per modum transeuntis, & in voluntate per modum habitus permanentis; & subjicit. Definitio autem August. convenit peccato, ut peccatum significat actum transeuntem, non ut significat maculam permanentem; in ea enim (inquit) significatione quæ magis est nota, peccatum definire solet. Hæc Bellarm. nec male si recte intelligantur. Sed & Augustinus ipse Juliano hoc ipsum argumentum obijcienti hoc ipsum respondet lib. 3. contr. Julian. c. 5. in initio *Frustra (inquit Augustinus compellans Julianum) itaque puer, ideo in parvulis non esse delictum quia sine voluntate, quæ in iis nulla est, esse non potest. Hoc enim recte dicitur propter proprium cuiusque peccatum, non propter primi peccati originale contagium. Quod si nullum esset perfectio nulli malo parvuli obstricti, nihil mali vel in corpore vel in anima, sub tanta iusti Dei potestate paterentur; Quod tamen & ipsum a mala voluntate priorum hominum sumpsit exordium.* Hæc August. Ubi Augustinus opponit peccatum originale peccato actuali, & personali; illamque de voluntario sententiam, non universaliter de omni peccato intelligendum vult sed ad actualia peccata adultorum restringendum esse.

Ea enim notione vocem peccati accipit Augustinus cum exigit, ut sic voluntarium quo Apostolus Jacob cum c. 1. v. 25. *Concupiscentia (inquit) si conciperis, parit peccatum.* Sc. actuale.

2. Si contra naturam peccati sit ut censeatur peccatum, aut ut proprie in peccatum imputatum quod propria voluntate commissum non est, sequetur in parvulis non esse aliquod veri nominis peccatum, utpote in quibus nihil propria voluntate commissum est. Cum enim parvuli per ætatem non sint capaces usus libertatis, nec propria voluntate aliquid committere possunt, sequitur non dari in parvulis aliquod veri nominis originale peccatum. Hoc enim ante omnem voluntatis liberum usum in nos plane inscios & nescios propagatur. Et revera illi cum quibus disputamus originale peccatum non nisi *καταρτυσμός* & abusive esse peccatum non erubescunt pronuntiare.

Resp. Ad specimen, sed reclamationem Scriptura Psal. 51. 7. & Ephef. 2. 3. quæ omnes etiam parvulos pronuntiat esse peccatores, Rom. 3. 9. Omnes tam Judæos quam Gentes & recte tam parvulos quam adultos, & vers. 23. omnes declinaverunt & Cor. 5. 12. Omnes peccarunt. Omnes sc. qui morti obnoxii sunt ut morti non solum adulti sed & parvuli, qui non peccaverunt in similitudinem prævaricationis Adæ, ubi intelligit Apostolus ipsos parvulos juxta omnes interpretes, si ergo proprie moriantur infantes, & proprie loquendo peccatores dicendi sunt, quamvis propria voluntate non committunt peccata. Sed hac de re despirandum est postea.

3. Fallo dicitur, contra naturam peccati esse, ut aliud censeatur peccatum, aut ut proprie in peccatum imputeretur, quod propria voluntate commissum non est, quod ut plenius & accuratius intelligatur præmittendum est questionem qua quaeritur, utrum omne peccatum debeat esse voluntarium? non quaeri de definitione peccati, an sc. voluntarium ingreditur definitionem peccati, sed de causa & origine peccati, cui impertinens est utrum id quod peccatum esse dicitur sit ab ejus voluntate perfectum cui inest, an ab cujuscumque alterius voluntate, quia à quacunque voluntate proficiscatur, semper verum est, quod neque ex Deo sit qui peccati osor & ultor est, neque ex æterno aliquo principio malo, Deo contrario, ut delirarunt Manichæi. Sed sicut peccati origo, voluntas mala est, ut modo audimus ex Augustino lib. 3. c. 5. contra Julian: ita nisi voluntas mala fuerit non est cujusquam origo peccati. Ceterum ut recte M. Baius de origine peccat. c. 7. quemadmodum de abortivo discerentes, Homo ne sit an non, non inquirimus an à Deo ducat originem (quanquam homo esse non possit nisi quod à Deo sit) sed an anima rationali informatus fuerit, quod ad ejus definitionem proprie pertinet. Sic de actu aliquo aut habitu differentes, an ex suo genere sit peccatum non hoc inquirere debemus, an sit à voluntate, vel à qua sit voluntate perfectum, sed an ex suo genere sit *avouia*, seu transgressio legis quæ peccati definitio habetur apud Apostolum Johannem, 1 Joh. 3. 4 vel an ex suo genere sit divinorum inobedientia mandatorum, quæ peccati definitio fere habetur apud Ambrosium lib. de Paradiso c. 8. Quicquid enim est ejusmodi, undecunque sit hoc merito peccatum esse pronuntiamus. Sin finaliter inquiratur, cui peccatum hoc debeat imputari: tam demum recte quaeritur à qua voluntate ducat originem: quia peccatum suæ origini jure imputatur, nisi fuerit illi dimissum; id quod de primis parentibus pie credendum iis dimissum esse quicquid proprie voluntati in sese mali fecerunt & in posteros generando trajecerunt vid. Irenæam lib. 3. c. 34. & August. de peccat. merit. & remis. 2. c. 34. Ceterum quia victum cum quo infans concipitur, ratione suæ originis, non ipsi infanti, sed vel generanti, vel primo duntaxat parenti imputaretur. Sciendum est ergo omne id quod revera secundum propriam rationem peccatum est, undecunque ducat originem, tantum quia inest veraciter illi imputari si vel actu vel habitu ei Dominetur; sic ut non geras contrarium mentis affectum. Fallo igitur dicitur contra naturam peccati esse, ut illud censeatur peccatum, aut ut proprie in peccatum imputeretur, quod propria voluntate commissum non est. Cum ad peccati originalis rationem in parvulis non requiratur propria & actualis voluntas. Sed sufficit si voluntaria fuerit partim in voluntate primi parentis, ex qua ut causa efficiente & inficiente peccatum hoc posteris propagetur; partim si voluntaria fuerit voluntate singulorum in quibus est hoc peccatum voluntate licet sola habitualiter perversa, & à Deo averfa, prave inclinata fuerit.

Dico partim } Voluntate primi parentis.
 } Voluntate singulorum in quibus est hoc peccatum licet habitualiter solum.

Nam ut recte animadversit doctissimus Estius in 2 Destr. 31. S. 12. Neutra voluntarii ratio in peccato originali seorsum sumpto sufficere ad peccati rationem videtur. Non prior nam si ea sola spectetur voluntarium tantum extrinsecus competat ei, quod in parvulo dicitur esse peccatum originale, & per consequens sub peccati ratione, non erit parvulo internum originale illud malum. At neque posterior quia necesse est omne peccatum, ut peccatum sit, voluntate aliqua fieri aut factum esse. Nam alioqui Deo aut naturæ, cujus Deus institutor & autor est, adscribendum esse necesse est. Quare ut veram peccati rationem in parvulis agnoscamus, necessario respiciendum est ad eam voluntatem, à qua velut radice atque origine propagatum est hoc malum. Nam ut recte doct. August. contra Julian 3. c. 12. *Nulla foret hominis culpa si talis à Deo creatus esset qualis nunc nascitur.* Hæc Estius & quidem recte & orthodoxe.

4. *Resp.* Tentum abesse ut contra naturam peccati sit ut propria voluntate non committatur, ut Apostolus ipse pro vere nominis peccatis habet in voluntarios concupiscentiae motus. Ad Roman. 7. 15. de seipso affirmat. Non quod volo bonum hoc ago, sed quod odi illud facio, & v. 16 Si autem quod nolo hoc facio, consentio legi quae bona sit, & vicissem, vers. 10. Non quod volo bonum hoc facio, sed quod nolo malum hoc ago. At malum quod agimus culpa; malum quod patimur poena est, qua propter & malum illud quod Paulus egit, malum culpa, adeoque peccatum fuit unde propter hoc sese sub peccato venundatum conqueritur, vers. 24. Si vero quod Paulus egit, hoc non voluit sed odit; Et tamen quod paulus egit fuit peccatum: Ergo quaedam dantur peccata quae propria voluntate commissa non sunt, sed plane sunt involuntaria.

Idem Apostolus ait Gal. 5. 17. *Caro concupiscit adversus spiritum, & spiritus adversus carnem, ut non quae vultis illa faciatis.* Hic si quaeratur quid fuerit, illud quod nolentes facere dicuntur, Galatae? Bonum certe non fuit, quia hoc voluntas appetit non fugit; ergo malum & quidem non poenae sed culpa, & peccatum. Si ergo quoddam peccatum a voluntate potest fieri, tum voluntarium, non erit de ratione & definitione peccati, ergo non est contra naturam peccati, ut propria voluntate non committatur.

5. Si contra naturam peccati sit & censeatur peccatum, aut ut proprie in peccatum imputetur, quod propria voluntate commissum non est. Tum non dantur peccata ignorantiae & infirmitatis proprie dicta: frustra ergo instituta sacrificia pro peccatis ignorantiae in lege Mosaeica Numb. 15. 27. & frustra etiam Sacerdos reconciliat animum peccantem pro peccato suo, ibid. Pl. 28. vid. & Levit. 5. 2, 3, 4. Psal. 19. 23. Delicta quis intelligit? ab occultis meis munda me. Paulus ignorans persequeretur ecclesiam, 1 Tim. 1. 13. & tamen haec ignorantia indigebat miserecordia ut remitteretur. Id peccatum autem quod ex ignorantia sit propria voluntate non committitur, falsum ergo est, contra naturam, peccati esse ut censeatur peccatum quod propria voluntate commissum non est. Atque haec dicta sunt ad solutionem quartae objectionis.

6. Quaedam peccata sunt necessaria, ut sunt illa quae sunt poena alterius peccati praecedentis, teste Augustino vid. Walan. cont. Corvin. p. 252.

Dicit quinto contra iustitiam & aequitatem est ut quis reus agatur propter peccatum non suum ut vere nocens iudicetur, qui quoad propriam suam voluntatem innocens est, sive potius non nocens. Et haec iniustitia tanto maior est, quanto poena, quae ex imputatione illa sequitur, gravior est. Summa itaque iniustitia est, si poena quae imputatur, sit aeterni sententiae poena. Exam. Confer. p. 84. b.

Resp. Cum hic dicatur contra iustitiam & aequitatem esse ut quis reus agatur propter peccatum non suum, hic falsum supponitur peccatum Adae non esse suum cuiusque peccatum. Cum enim Adamus in fructu verito comedendo, nostrae cogitationi non sistendus sit ut humanae naturae individuum, sed ut totius humanae naturae principium & origo, à quo seminali ratione totum humanum genus propagandum erat & in quo originaliter continebatur, cumque Deus Adamo sic considerato iuste mandatum dare potuerit & de facto dederit, de non comedendo de fructu arboris vitae, & quidem hac lege ut si ille, prout optime potuit, cum in statu innocentiae originali iustitia praeditus, conditus esset, & supposito mandato, jure debuit, mandato dicto in abstinendo obtemperavit, tum posterius ejus omnes in innocentia & iustitia originali nascerentur: Sin minus, eo mandatum hoc tam facile, praevaticante & peccante, tota humana natura, & soboles ab ea oriunda censeretur peccare. Quis non videt Adami peccatum, hisce rite perpensis, iuste suum cuius peccatum & censeari debere & esse. Hoc ipsum clarius constabit si consideremus Deum cum Adamo in hoc negotio quasi pactum quoddam iniisse, ut iustitiam originalem illam in qua conditus est haberet ipse, & uxor ejus, & liberi ejus, ac eandem ille, & posterius ejus retinerent, modo à fructu arboris prohibita abstineret; sin minus sese & omnes ejus posterius mortum animae tum corporis expositurum, quando dixit. Quocumque comedas ex ea morte morieris. Quia ergo omnes in eo eramus juxta pacti conditionem, quod pertinet ad haec dona vel retinenda si se abstinere, vel amittenda si comedere.

deret, ideo & recte comedisse censetur in eo comedente, sicut & contra in eadem abstinasse censere fuisset si ipse abstinuisset. Hæc æquissime dicuntur; nec ullam injustitiam redolent, si in eo comedente recte comedisse censetur & nos, quomodo rei agimur propter peccatum non nostrum cum Adamo peccante, & nos peccavimus; nihil ergo hic contra justitiam, & æquitatem actum. Hujus partis meminit Augustinus lib. 16. de civit. Dei 259. c. 27. & de nuptiis & concupisc. lib. 2. c. 11. sic Malier. 12. p. 258. Cin. Pet. ex Catharinus sup. p. 119. b. 120. b. Hæc è Bonavent. peccata non tam accomodanda sunt, ad solutionem objectionum quam fiunt adversus imputationem peccati Adæ, atque propagationem originalis peccati, sc. quod pariter dicendum de iis quæ ex Estio adducuntur pag. 128. Sen. prim. 5. Addr Domini Soti lib. 1. c. 10. de natur. & Grat. impugnet hoc pactum quæ bene & merito impugnat Hieronym. de la Rua Contr. 2. Scholast. p. 76. & hoc ipsum recte videtur explicare Bonaventur in 2 Dist. 30 Art. 1 quest. 2. in corp. artis p. 373. col. 2. D. Petrus (inquit) Adam totam naturam corrumpere & culpabilem facere suo peccato triplici de conditione concurrente; prima est, quia non tantum erat humana natura individuum, sed totius humana natura principium. Secunda est quia non tantum fuit sibi datum mandatum sicut singulari persone, sed tanquam spiritui totius humana nature; & hic (inquit) bene indicat textus quia mandatum illud descendit per virum ad mulierem. Tertia quia Adam innocentiam & immortalitatem suscepit pro se, & pro tota sua posteritate, unde ipse innocens & immortalis generasset immortalem & innocentem. Quia igitur ipse erat omnium principium, & transgressus est mandatum quod ei datum erat secundum quod erat principium, & amisit illam justitiam & innocentiam, quam debebat omnibus posteris conservare, hinc est quod per ipsum originali justitia sumus privati, & in ejus infelicitate ceteri sunt infelices, non tantum penaliter, sed etiam culpabiliter, tum propter carentiam illius innocentie, quam deberemus habere, tum propter predominatorem concupiscentia per quam anima nostra sunt inordinata & injusta; & si injusta simul & inordinata, necesse est eas summa justitia displicere. Hæc optime Bonavent. ex cujus sententia constat. Adami peccatum non fuisse peccatum personale Adami, sed totius nature humanæ, & hoc uno ejus peccato totam naturam humanam corruptam fuisse non solum penaliter, sed etiam culpabiliter, unde constat juxta eum Adami peccatum fuisse suum cujusque peccatum, & totam Adæ posteritatem merito ream agi, non propter alienum peccatum, & non suum, sed & propter suum cujusque peccatum.

Sed porro nihil in hoc negotio contra justitiam & æquitatem actum ex parte Dei, ut isti novatores clamitant, etiam hac ratione constare potest. Deus enim magis est voluntatis nostræ Dominus quam nos ipsi; atque nostram nos voluntatem possumus ponere in alterius sive parentis sive præpositi, sive alterius cujuscumque voluntate, ut sit in compromissionibus. Vel cum in suffragando suffragium meum alterius potestati committo aut comendo, vel in substitutione procuratorum, cum aliquem quis procuratorem suum constituit in quovis negotio. Potuit ergo etiam Deus in voluntate Adæ nostram concludere, absque omni injustitiæ criminatone atque ita constituere de donis originalis justitiæ & innocentie ei collatis, ut quoad eorum amissionem, rei omnes Adæ posteritati conferretur; ipsius primi parentis voluntate fortissime prævaricante. Qui enim potuit singulis dare voluntatem, quæ tam actualis quam habitualis, propriæ justitiæ aut injustitiæ capaces essent, etiam potuit generalem omnibus voluntatem præficere, qua peccante omnes peccarent, & contraherent in voluntate sibi propria singuli habituale peccatum, quod diceretur originale, sicut propria voluntate peccante contrahunt singuli peccatum habituale. Nihil ergo in toto hoc negotio contra justitiam aut æquitatem ex parte Dei actum est ex Malden in 1. q. 81. art. 1. p. 258. col. 2. & q. 82. art. 1. dubio 4. p. 278. col. 2. Id quod adhuc appertius demonstrare conabimur. Esto Deum omnium voluntatum Dominum, in Adamo univisse nostrum omnium voluntates; & quidem sic univisse, ut proinde voluerit Adæ posteros ab ortu in justitia & innocentia nasci, dependentem tamen ab ejus communis omnium parentis inobedientia, iisdem privari si in obedientie crimen ipse incurreret. Quæto quid quamve hic fiat contra justitiam, atque æquitatem? nihil certe: Dices parvulum hic exponi periculo peccandi & contrahendi peccatum originale.

Sol. At sic, non parvulus magis exponitur periculo contrahendi originale peccatum, quam Adamus periculo peccandi actualiter: Nec Adam huic periculo à Deo exponitur, quam quia permisit & usum libertatis, eique præceptum imposuit, quo obligatus erat ad obedientiam sub reatu culpæ, in quo notissimum est, ne minimam esse injustitiæ speciem. Addo Deum in prædicta unione faciendâ, tantum abfuisse ab inferendo injuriâ Adæ posteris, ut contra censeretur potuisset optime illi consuluisse, cum illi magnum emolumentum & supra debitum conditionis suæ naturæ præcepturi essent ex Adæ obedientia, quæ valde facile erat ei præstitisse, quandoquidem præceptum ex cujus observatione transfundenda erat originalis justitia non erat nisi unum, idque levissimum, quo scilicet ei interdicebatur certæ arboris fructus, cum cumulatissime ipsi de aliis cibis provisorum fuisset. Habuit multa quæ merito ad parandum impeterent, Dei jubentis auctoritatem, in illo felicissimo statu in quo conditus est perseverantiæ promissionem, originalis justitiæ item posteris transfusionis, gravissimas pœnas transgressori interminatas, caruit concupiscentia quæ non peccandum induceret, quæ omnia optime expressit Augustinus de civit. Dei 24. c. 12. *Hoc (inquit) de uno genere non comedendo, ubi aliorum tanta copia subjacebat, tam leve præceptum ad observandum, tum breve ad memoria re tinendum, ubi præsertim nondum voluntati cupiditas resistebat, quod de pœna transgressionis postea subsensum est, tanto majore injustitiâ violatum est, quanto facilius possit observantiâ custodiri, & c. 15. Ubi enim magna est inobedientiâ pœna proposita, & res à creatore, facilius imperata, quismam satis explicet quantum malum sit non obedire, in re facili, & tanta potestatis imperio, & tanto terrenti supplicio?*

Addo ultimo in loco cum dicant, *Contra justitiâ & aequitatem esse, ut quis reus agatur propter peccatum non suum.* Si volunt peccata juste non imputari nisi Authori patrantæ & committenti illa peccata in sua persona, non est universaliter verum.

Cum dicat Apostolus Rom. 1. 32. dignos esse morte non solum qui mala faciunt, sed etiam qui facientibus consentiunt; ideo nimirum, quia in istis est, quod jure imputetur. Quocirca licet peccati originalis quod est in parvulo non sit Author ipse parvulus, sed primus homo, qui & fecisse illud in omni sua posteritate dicendus est hoc ipso quod divinum mandatum transgressus sit; vere tamen & juste singulis illud contrahentibus imputatur tanquam consentientibus non in actu sed velut in habitu propterea quod hoc peccato voluntas eorum depravata sit atque à Deo averfa, Deoque contraria. Qua ratione etiam voluntarium etiam in unoquoque dici potest hoc peccatum, ut supra docuimus. Quæ tamen ratio minime sufficiet nisi simul respiciatur ad actualem voluntatem Adæ, qui hoc peccatum perpetravit, ut ex Ebrío p. 125; autem observavimus vide Estium in 2 Co. 32. S. 9.

2. Sed pergunt aiunt Hærodoxi contra justitiâ & aequitatem esse ut vere nocens judicetur qui quoad propriam suam voluntatem, innocens est, sive potius non nocens, & hæc in justitiâ tanto major est, quanto pœna quæ ex imputatione illa sequitur gravior est, summa itaque injustitiâ est si pœna quæ imputatur sit æterni sensus pœna.

Resp. Hoc idem supponitur parvulos quoad propriam suam voluntatem esse innocentes aut saltem non nocentes; quod omnino falsum est ne quid gravius dicam. Falsum est sive respiciamus parvulorum voluntates ut in Adæ voluntate conclusi sunt quomodo & ipsi toti in Adami lumbis fuisse censentur; sive ut primo Adæ peccato viciata, infecta & ut Augustini verbo utar, rabificata sunt.

Si primo modo consideremus voluntates parvulorum ut in Adami voluntate conclusi sunt, Adamo peccante ipsi etiam peccarunt, teste Apostolo, qui ait omnes peccasse Rom. 5. 12. & omnes declinasse Rom. 3. Si omnes eo peccante peccarunt quomodo ergo innocentes dici possit, aut etiam non nocentes. Ac licet solus Adam in suam personam peccavit, quia actu erat, nos tamen in ipso peccavimus, quia in eo tum eramus virtute, & potestate generationis. Unum ergo & idem peccatum peccavimus; ipso quidem actualiter, nos in illo originaliter. Quod nostrum peccatum tunc in ipso commissum causa est, ut quando nascimur averfi à Deo, & peccatores nascamur. Ac licet potentia tantum peccavimus in Adamo, sic tamen peccavimus, ut etiam peccatum nobis in sit actu, atque ita fuimus non alienum solum peccatum

tum, sed & nostrum. Falso ergo quoad propriam voluntatem aut innocentes, aut non nocentes dicuntur parvuli, cum in Adamo omnes etiam quoad propriam voluntatem idem peccatum quod ipse actualiter peccavit, omnes parvuli in illo peccarunt originaliter, ex quo peccato factum sit ut omnes parvuli nascantur averſi à Deo & peccato rei. Vid. Tolet. in Rom. 5. 12. annot. 16. & Cathar.

Si secundo modo consideramus parvulorum voluntates ut Adami peccata primo infortas quis non pelagianus dicere potest, voluntates eorum non nocentes, multo magis innocentes, cum juxta Scripturas sunt perversæ, distortæ, à Deo & omni bonitate habitualiter averſæ & ad omne malum proclives & propensæ, imo omnimoda malitia habitualiter repletæ. Certe ita sunt innocentes, parvuli quoad voluntates, ut juxta Scripturas sint immundi Job 14. in peccatis concepti. Ps. 51. 7. Natura filii iræ, Ephes. 2. 2. Indigent circumcisione præputii. Unde conformiter Scripturis Augustinus confes. 2. 7. Imbecilitas membrorum Infantium innocens est, non animus Infantium, & lib. 1. operis imperfecti. con. Julian c. 4. 7. Si tibi placet innocentia parvulorum, remove ab iis, si potes grave jugum quod est super filios Adæ, à die exitus de ventre matris eorum, sed puta quod Scriptura, quæ hoc dixit, melius te noverit, quid esset innocentia creaturæ, & quid justitia creatoris. Quis autem non videat, si habent parvuli qualem prædicas innocentiam in gravi jugo eorum Dei non esse justitiam?

Porro quia in gravi jugo eorum divina justitia est, non est in iis talis qualem prædicas, innocentia. Hæc Augustinus. Sed de voluntatis depravatione ex peccato Adæ, inferius dicendum est fusius. Hactenus Evicinus nihil in hoc toto negotio contra justitiam aut æquitatem Deum egisse. Addunt hanc injustitiam tanto majorem esse quanto poena gravior quæ ex imputatione illa sequitur. Summam ibidem injustitiam esse, si poena quæ imputatur, sit æterni sensus poena.

Resp. Injustitiam majorem aut minorem non dari ubi nulla omnino est injustitia. Notandum autem probatum est, quanquam Deum contra justitiam aut æquitatem, in toto hoc negotio non egisse, cū non reos peregerint nisi vere peccantes, nec ut nocentes judicet nisi vere nocentes, ut supra probatum est. Quidni ergo peccantes & nocentes debitis pœnis afficiat? Est autem stipendium peccati mors. Rom. 6. sc. tam animæ quam corporis, illa sc. mors quæ opponitur vitæ æternæ: subjicit enim Apostolus, donum Dei est vita æterna, ubi stipendium opponit dono & similiter mors æternæ vitæ; per mortem ergo intelligit Apostolus non mortem solum temporalem sed & æternam. Est autem æterna mors non solum poena damni sed & sensus. Quare cum in Adamo omnes peccarunt, etiam parvuli, etiam omnes parvuli quibus hoc peccatum non est dimissum obnoxii sunt æternæ morti, ac proinde poenæ etiam sensus & non solum damni. Id quod aliis etiam rationibus evincetur.

1. Ipse Christus, Mat. 23. ubi formulam universalis judicii describit, ait congregabatur ante eum omnes gentes, vers. 32. in quibus sunt tam parvuli quam adulti; Medium statum aut locum non statuit inter regnum patris & ignem æternum, neque dici potest locum Matthæi intelligendum esse de solis adultis Christianis quia iis solis congruit Christi increpatio ibi commemorata, Esurivi enim & non dedistis mihi manducare, & alioqui enim dicendum similiter esset, de iis solis locum illum intelligi debere qui operamiserandi emisissent, non autem de iis qui multa mala commiserunt, quia sola illa opera omittentes non liberam ibi increpantur. Dicendum ergo in illa descriptione universalis judicii Christum transire latenter à genere ad speciem, & rursus à specie ad genus (æ.) à toto cætu judicandorum ad partem ejus, sc. ad fideles, & à parte ad totum, more aliarum Scripturarum quomodo explicet Teronibus Donatista, Aprobante Augustin. de doctrina Christiana lib. 3. c. 34. Regula quarta; vigilare (inquit) debet lectoris intentio, ut quando de sola specie ibi loqui videatur, non de ipsa sola, genere prorsus omisso, eam intelligi putet, quæ cautio recte quadrari potest huic Matthæi loco. Nam utcumque Augustinus notat ibidem formam judicii qua boni & mali in Ecclesia judicabuntur specialiter describit, nusquam tamen negat describi etiam simul formam universi cætus, vivorum & mortuorum judicandi; imo illam describi satis aperte demonstrat Sermo 14. de verbis Apostoli c. 3. *De vivis (inquit) & mortuis judicabitur, alii erunt ad dextram alii ad sinistram. Non*

novi aliud; & paulo infra. Si ergo dextra erit & sinistra, & nullum medium locum in Evangelio novimus. Ecce in dextra regnum coelorum est. Percipite (inquit) regnum. Qui ibi non est, in sinistra est. Quid erit in sinistra? Ite in ignem aeternum. Mox, qui non in dextra procul dubio in sinistra, ergo qui non in regnum procul dubio in ignem aeternum, fides autem Catholica docet, parvulos illos non futuros in regno; ergo ibunt in ignem aeternum. — Et postea c. 4. proponens Mat. c. 25. v. 46. Ecce exposuit tibi quid sit regnum, & quid Ignis aeternus; ut quando confiteris parvulum non futurum in regno, fatearis futurum in ignem aeternum. Hæc B. Augustinus. Alter locus habetur Apocalyp. 20. v. 12. Ubi de universali iudicio agens Joannes. Et vidi mortuos magnos & pusillos, stantes in conspectu throni & libri aperti sunt, & alius liber apertus est qui est vita. — Et ver. 15. Et qui non inventus est in libro vitæ Scriptus, coniectus est in stagnum ignis. Hunc locum edisserens Augustinus de civit. Dei lib. 20. c. 15. Per librum vitæ intelligit prædestinationem divinam, seu librum prædestinationis. Unde Ecclesia in quodam secreto communi dierum quadragesima, canit. Et omnium fidelium nomina brata prædestinationis liber adscripta retineat. Ergo certum est juxta Joan. omnes homines qui prædestinati non fuerint fore mittendos in stagnum ignis. Certissimum ergo erit parvulos non renatos in idem stagnum mittendos fore, quia de fide certum est, eos non esse prædestinatos, nec in libro vitæ Scriptos.

2. Certum est, peccati quod in hac vita non dimittetur, graviores esse in futuro sæculo pœnam quam in præsentī; siquidem hoc tempus misericordiae illud vero iustitiae est, ubi proprie peccatis stipendium suum destinatum. Sed parvuli in hac vita quam plurimis sensibilibus pœnis & miseriis propter originale peccatum obnoxii sunt: multo minus ergo à sensibilibus pœnis & miseriis liberantur parvuli non renati, in vita futura, ubi plenam accipiunt pro peccato suo retributionem absque misericordia. Hinc Gregor. Moral. Qui hic (inquit) ex proprio nihil egerunt, illic propter reatum culpa originalis ad tormentum perveniunt, quoniam sub divina districtione iustum est, ut propagatio mortalis velut infructuosa arbor, & in ramis, servet amaritudinem, quam traxit ex radice. Hæc Gregorius.

3. Fieri non potest, quin parvuli secundum animam dolorem sentiant, ut qui tanto bono ad quod creati fuerant, se in æternum privatos intelligunt, fieri (inquam) non potest, quin tales animo doleant cum tanta se privari beatitudine sentiunt.

4. Pœna parvulis etiam destinata cum reatu originalis peccati decedentibus non alia est quam æterna perditio, damnatio, miseria, mors secunda, infernus, Gehenna, & constitutio sub regno & potestate diaboli, pœna etiam quæ filiis iræ debetur, Eph. 2. talis autem pœna non sonat meram pœnam damni, sed & pœnam sensus etiam.

Hoc tamen adjicimus pœnam sensus parvulis destinatam mitissimam & levisissimam fore inter omnes damnatos. August. Enchirid. c. 92. Mitissima sane omnium pœna erit eorum, qui præter peccatum quod originale traxerunt, nullum insuper addiderunt & in cæteris qui addiderunt, tanto quisque tolerabiliorem habebit damnationem, quanto hic minorem habuit iniquitatem; & contra Julianum lib. 5. c. 8. Quis dubitaverit parvulos non baptizatos in damnatione omnium levissima futuros, quæ qualis & quanta erit quamvis definire non possim, non tamen audeo dicere, quod eis & nulli essent, quam ut ibi essent, potius expediret. Ex dictis aliquatenus constare possit nullam fore apud Deum injustitiam multo minus summam, si pœna parvulorum non renatorum statuatur pœna etiam sensus, & non solum pœna damni.

6. Insurgant in hunc modum. Si peccatum Ada parvulis à Deo sic imputetur quasi Deum eos revera censuisset, ejusdem cum Adam peccati & culpa quam Adam commiserat, reos. Deum sic videri possit cum infantibus rigidius agere quam cum ipsis Diabolis. Rigor enim Dei adversus Angelos Apostatos fuit summus, eo quod ipsis peccatum ab eis perperatum condonare noluit. Rigor enim adversus infantes qui propter Adam peccatum condemnantur. At eo major, quod omnes Angeli in propriis suis personis peccarunt, infantes non nisi in persona parentis primævi Adam: qua de causa Angeli ipsi in culpa, quod peccatum, quod vitare poterant, admisere; infantes non in culpa, nisi qua in Adamo existen-

existentes, ejus voluntate peccato & culpa involvi sunt. Arm in. ad art. 31. art. 13. & 14.

Resp. Hoc argumentum supponere, infantes non esse in culpa, ac reoexistere non nisi alieni peccati: At Scriptura pronunciat omnes peccasse; imo aequè proprie peccasse, atque propriè morti dicuntur, nec solum peccasse sed & peccatores constitui. Rom. 5. 18. Mors autem non infligitur nisi propter peccatum; nec mors alicui personae infligitur nisi propter illius personae proprium peccatum. Ideo Apostolus pronunciat in omnes homines mortem transire, quia omnes peccarunt. Rom. 5. 12. Non igitur existimandum est parvulos reos esse non nisi alieni peccati, sed & sui cum in ipso Adamo ut in capite, fonte, & seminario cogitandi sumus extitisse; atque ita in eo idem quod ille peccatum perpetrasset, unde Ambrosius lib. de Paradiso cap. 13. *Fuit Adam, & in illo fuimus omnes, perivit Adam & in illo perierunt omnes*, quem locum allegans Augustinus opere posteriori contra Julianum, quod & hic nostri.

Ob. Sed peccatis (inquis) alienis perire non debuerunt.

Resp. Augustinus lib. 6. cont. Julian. c. 4. *Parentum peccata modo quodam dicuntur aliena, & rursus modo quodam reperiuntur & nostra; Aliena quippe proprietate sunt actiones, & nostra sunt contagione propagationes, quod si falsum esset profecto grave iugum super filios Ada, à Die exitus de ventre matris eorum, nullo modo justum esset, & lib. 1. operis imperfecti. cont. Julian. c. 47. Aliena sunt, sed paterna sunt: ac per hoc jure seminationis atque germinationis & nostra sunt. Quis ab hac perditione liberat, nisi qui novit quare quod perjerat? In iis ergo quos liberat amplectimur misericordiam: in iis ergo quos non liberat agnoscimus iudicium, oculissimum quidem sed sine ulla ambigitione justissimum. Hæc Augustinus, cui convenit illud Bernardi [Sup citat p. 117.] *Aliena [culpa] est, quia in Adam omnes nescientes peccavimus. Nostra, quia etsi in alio, nos tamen peccavimus. & nobis justo Dei iudicio imputabatur, licet occulto. Hæc Bernardus. Augustino ergo & Bernardo omnes posterius in Ada rei, non alieni tantum peccati sed & sui peccati.**

2. *R.* Ejus assertionis authores male item supponere, non existere in posteris Adæ peccatum aliquid originale inhærens, sed Adami peccatum solummodo imputatum à quo sumus & denominamur peccatores. Sed hanc assertionem ut falsissimam & Pelagianam postea ovis Dei profligabimus.

3. *R.* Demus etiam, detur damnari nonnullos parvulos ob solum originale (quod Catholicæ Ecclesiæ consensu semper approbatum fuit) tamen hinc non rectè inferatur Deum cum iis rigidius agere quam cum Diabolis nisi parvulum qui minori peccato tenetur pari aut graviori supplicio afficiat quam diabolos. Cum infantes (ut rectè Augustinus) erunt in damnatione omnium mitissima, dæmones in damnatione longe acerbissima. Quod si levissimam damnationem Deus parvulis infligat, puta milleessimam partem pœnæ, quam diaboli sustinent, quis merito inculcare Deum potest, summi erga parvulos rigoris hoc solo nomine, quod dæmones propria sua personali malitia peccarunt, parvuli non nisi in suo capite & humanæ naturæ pîncipe.

4. Cum nonnulli ex iis cum quibus jam disputamus, *Corvinus sc.* agnoscant originale reatum etiam parvulis derivari ex imputatione peccati Adæ, Hoc uno admisso, argumentum propositum aequè in eos militat. Sic enim licet nobis argumentari; Qui statuunt Deum omnes homines tam infantes quam adultos æternæ mortis reatu constrictos censere, ex eo solum quod imputatur illis peccatum quoddam actuale, non in propria unius cujusque persona commissum, sed ab Adamo perpetratum, illi faciunt Deum rigidius agentem cum hominibus quam cum Diabolis. Nam nemo diabolorum reus censetur nisi ob peccatum in propria persona, & ex propria malitia commissum. At homines, ex horum sententia, rei mortis æternæ constituuntur, tantum considerati, uti alieno peccato Adami, ex imputatione divina, rei.

Quicquid responsi dederunt nobis, idem & nos illis regeremus.

7. Sic argumentarunt olim Pelagiani. *Nulla ratione conceditur, & Deus qui propria peccata remittit, imputet aliena*, apud August. de peccat. merit. & remiss. c. 3. & 8.

Resp. Augustinus de peccat. merit. & remis. lib. 3. c. 7. non sic dicantur ista aliena peccata, tanquam omnino ad parvulis non pertineant, siquidem in Adam omnes tunc peccaverunt, quando in ejus natura illa insita in quo eos gignere poterat adhuc omnes ille unus fuerunt; sed dicantur aliena, quia nondum ipsi agebant vitas proprias, sed quicquid erit in futura Propagium, vita unius hominis continebat.

Et cap. 8. Remittit (Deus) propria, sc. peccata, sed spiritu regeneratis non carne generatis. Imputat vero non jam aliena peccata sed propria. Aliena quippe erant quando hi qui ea propagata portarent nondum erant, nunc vero carnali generatione jam eorum sunt, quibus nondum spiritali regeneratione dimissa sunt.

Ex hisce constat peccatum Adami merito imputari omnibus posteris ejus quam primum nascuntur, ut non prius incipiant esse filii Adæ, quam imputatur illud primum peccatum atque ita imputetur, ut jam non amplius alienum peccatum quam unius cujusque proprium merito censendum sit.

Atque ita tandem juxta rerum sensum articuli 9. nostræ confes. explicat in homiliis, Adæ peccatum transiisse in posteros imputatione. Una etiam demonstravimus veritatem nostræ conclusionis page 214. peccatum nimirum Adæ qua fuit libera transgressio præcepti de non comedendo pomo vetito, & totius humani generis transgressio, peccatum erat originale, *Originans* sc. qua peccatum originale denotat, actionem seu potius deordinationem in actione. Objectionibus etiam occurrimus quibus non nulli Theologi hujus primi peccati imputationem impugnari solent.

CAP. XV.

Hoc idem contingere evincitur ea propagatione originalis prævitatis ubi ostenditur carentiam originalis justitiæ esse veri nominis peccatis annumerandum.

Nunc vero proximo in loco ostendendum est peccatum Adæ transiisse in posteros non imputatione solum, sed & propagatione, quod ut clarius innotescat ex præmissis hæcenus, repetendum est peccati nomen bifariam sumi, vel qua

Liberam transgressionem præcepti.

Denotat

Sed quod remanet in anima peccatoris post actionem hanc transgressionis præcepti unde transgressor peccator & vere dicitur & est.

Sic peccatum Adæ quo in comedendo fructu vetito, Dei mandatum transgressus est, post se reliquit aliquid in Adami anima, unde peccator & vere dicebatur & erat. Cum vero peccatum Adæ non fuerit peccatum solius personæ Adæ, sed & totius naturæ humanæ quæ in eo ut communi capite, stipite, & seminario continebatur ex institutione Dei qui voluit ex uno sanguine ut Paulus loquitur Act. 17. 26. (*id est*) Ex una cognatione seu origine totum genus humanum propagari, idcirco id quod post actum peccati Adæ transeuntem mansit in Adami anima, unde peccator & dicebatur, & erat, id ipsum necesse erat & traducatur una cum natura in omnes Adami posteros.

Supra

Supra autem ostendimus post actum primæ transgressionis secutum fuisse in anima Adæ

tum { Privationem seu carentiam originalis iustitiæ debitæ in esse.
Deordinationem omnium virium animæ, & pronitatem & præcipientem inclinationem ad omnimodo mala, quæ uno nomine concupiscentia prava dici solet, quo utroque nomine ostendimus supra, Adamum & vere peccatorem dictum fuisse, & extitisse.

Eodem plane modo in omnes posteros Adæ una cum natura propagata est,

Et { Privatio originalis iustitiæ debitæ in esse.
Deordinatio omnium virium animæ & præceps inclinatio ad omnimoda mala.

Et quidem traduci & propagari una cum natura tum dictam privationem, tum etiam dictam deordinationem, in pœnam peccati actualis Adami, facile largiuntur omnes; sed an dicta privatio & *alastia* censenda sint peccata proprie dicta, hoc est quod negant & pernegant Novatores nonnulli, ut antiquiores Romanenses taceam. De hisce ergo utrisque ordo exigit, ut proximo loco agamus, &, an proprii nominis peccatis annumerandæ sint.

Et quidem primo in loco inquirendum est an illa carentia iustitiæ originalis, quam cernimus in unoquoque parvulo ab Adamo descendente una cum natura propagari, veri nominis peccatum, dicenda sit, an solummodo pœna primi peccati.

Et certe quod carentia iustitiæ originalis debitæ in esse, quæ in omnibus parvulis ab Adamo ortis una cum natura propagatur sit veri nominis peccatum, ostendi potest variis rationibus.

Et quidem primo ex eo, quod hæc carentia in Adamo vere sit peccatum, ergo & peccatum est in posteris.

Consequentio probatur, primo quia si veri nominis peccatum fuerit in Adamo, etiam in posteris. Nos enim cum in Adamo, ut in capite, donum originalis iustitiæ accepimus, ita in eo idem donum conservasse tenebamur. Si ergo doni hujus non conservatio peccatum actuale omissionis erat in Adamo, etiam quidni in nobis posteris peccatum consentium est, ac proinde si carentia habitualis, hujus iustitiæ erat peccatum in Adamo, ergo & in posteris erit peccatum, propagatione culpabilis, sc. defectus una cum natura posteris transfusus.

Secundo. Si tota natura esset in una persona, si in illa persona carentia originalis iustitiæ de merito suo contracta fuit, veri nominis peccatum etiam erit in tota natura ab illa persona propaganda; ergo in qualibet persona ab illa persona oriunda: cum igitur tota natura esset in Adam quando peccavit, videtur quod tota in eo peccaverit, ac proinde tota in omnibus & singulis culpabiliter carent, necesse est, iustitiæ originali debitæ in esse. Antecedens multipliciter probatur, primo ex sacris literis Gen. 3. 9. Cum Deus Adamum ad se vocat dicendo, ubi es? Et ait [Adam] *vocem meam audivi in horto & timui quia nudus eram & abscondi me, & dixit Dominus quis indicavit tibi quod nudus esses? v. 11.* Satis indicat & Adamus se pro conscientia nuditatis suæ ut Deo exosa & timuisse & se abscondisse, satis indicat & Deus hanc nuditatem vere culpabilem & sibi exosam; non enim fuit ignorantis sed increpantis vox, ut docet Augustinus lib. 11. ne Genes. ad literam. c. 34. est enim ac si dixisset cur de nuditate erubescas? annon agnoscis carentiam debitæ iustitiæ ex peccato tuo ortam? Certe erubescencia ex nuditate satis arguit carentiam iustitiæ debitæ in esse, & coram Deo, & ex testimonio conscientiæ Adæ, vere culpabilem fuisse, eumque Deo merito vituperabilem fuisse.

Vide etiam rationes quinque sup. à quæ omnes spectant ad probationem antecedentis prioris Enthymematis.

2. Probatur carentiam originalis iustitiæ debitæ in esse omnibus parvulis ab Adamo oriundis, una cum natura propagatam, veri nominis peccatum esse. Et quidem primo ex Scripturis, & quidem ad Romanos 3. 10, 11. & hominem lapsum depin-

gens sic habet, *Non est iustus quisque non est intelligens, non est inquirens Deum; Omnes declinaverunt, simul inutiles facti sunt, non est qui faciat bonum, non est usque ad unum.* — Verſ. 17. *Viam pacis non cognoverunt. Non est timor Dei coram oculis eorum.* Quæ verba averſionem hominis à Deo, & iuſtitia debita carentiam denotant, non actualem ſolum ſed & habitualement, modum habitus permanentem. Cum enim conqueritur Deus de toto humano genere lapſo, non eſſe inter eos unum aut iuſtum, aut intelligentem, aut Deum requirentem, aut bonum facientem, ſed omnes declinaviſſe & deſiſſe, omnino inde evincitur tum Adamum lapſum, tum omnes poſteros ab eo oriundos reſtitutione ineſſe debita culpabiliter carere, ac proinde obnoxios fieri iræ divinæ. Conqueritur enim Propheta Pſal. 14. v. 2, 3. & 53. 3. 4. de malitia hominum non ſolum actuali, ſed & originali, de declinatione univerſali omnium filiorum hominum, non ſolum adultorum, ſed, interprete Apoſtolo Rom. 3. omnium quæ ſunt in ſuperficie terræ, hominum nemine excepto, id quod hoc ſine demonſtrat Apoſtolus ut omne os obſtruatur & reus fiat omnis mundus Deo, v. 19. Apoſtolus vult demonſtrare totum mundum, omnes homines, nemine, ne quidem infantibus, excluſis, damnationis eſſe reos, eo quod careant iuſtitia, nec requirant Deum, nec faciunt bonum & viam pacis non cognoverunt, nec timorem Dei habeant coram oculis ſuis, ſed omnes declinarunt; quæ ſententiæ non ſolum intelligendæ ſunt de actualibus omniſſionibus adultorum quatenus omittunt actus iuſtitia, aut omittunt actu requirere Deum, aut facere bonum, aut viam pacis cognoscere, aut timere Deum, aut actuali Declinatione à viis & mandatis Dei ſed de primo ſic. Ubi talis eſt carentia ubi imaginis divinæ in ſanctitate & iuſtitia conſiſtentis, nobis concreata, privatio eſt: At talis privatio imaginis Dei in perſona condita ad imaginem Dei merito primæ tranſgreſſionis contracta, non poteſt quin in tota natura ſit vituperabilis. Ergo eſt veri nominis peccatum.

2. Carentia Originalis iuſtitia debita in eſſe, eſt in parvulorum animis defectus culpabilis eoſdem Deo inviſo & exoſo reddens, ergo carentia talis eſt veri nominis peccatum.

Conſequentia probatur, quia nihil creaturam Dei Deo inviſam & exoſam reddit, præter peccatum. Sapient. 10. Diligis omnia quæ ſunt, & nihil odiſti eorum quæ feciſti. Fecit autem Deus omnia præter peccatum. Quare hæc carentia iuſtitia in parvulo cum non ſit à Deo, ſed ſit defectus culpabilis à primi hominis ortus tranſgreſſione, vere erit peccatum.

Dices Deum odio habere hanc carentiam ut defectum à peccato relictum, & im-peditivum boni ejus, ſed non ut peccatum proprie dictum.

Sol. At Deus nullos defectus qui non ſunt peccata, ſed mere poenæ, odit, quales ſunt defectus & morbi corporei. — At omnes defectus animorum ſunt merito culpabiles, & Deo exoſi, cum etiam ipſis renatis ſint exoſi, teſte Apoſtolo ad Rom. 7.

Antecedens probatur, Non poteſt enim, non Deo ſummæ iuſtitia displicere iuſtitia carentia in eo, qui in iuſtitia conditus eſt, ut Deo ſummæ iuſtitia conformis fiat, eoque fruatur. At omnes, etiam parvuli, in Adamo primo parente, in iuſtitia conditi ſunt, ut Deo ſummæ iuſtitia conformes fiant eoque fruantur, ergo quemadmodum in Adami animo carentia iuſtitia erat defectus culpabilis, Deo exoſus, ita etiam in omnibus parvulis ab eo propagandis.

3. Quod formaliter tollit illam qualitatem, quæ capaces nos facit, imo idoneos facit ad capeſſendum regnum coelorum eſt formaliter peccatum.

Sed talis eſt dicta carentia; tollit enim formaliter originale iuſtitiam quæ capaces nos facit, imo idoneos ad capeſcendum regnum coelorum.

Major probatur quia nihil nos idoneos ad regnum: [ergo] coelorum capeſcendum facit præter iuſtitiam & ſanctitatem: huic autem formaliter opponitur iniuſtitia & peccatum.

Minor evidens eſt ſiquidem carentia iuſtitia debita formaliter opponitur iuſtitia debita in eſſe, privatio enim & habitus formaliter opponantur, ut ubi ponatur privatio, ibi habitus non amplius maneat, quomodo poſita cæcitate hoc ipſo tollitur viſus.

4 Debet inesse rationali creaturæ, etiam parvulis, illa bona & permanens habitudo mentis erga Deum ut Dominum, atque adeo facultas & promptitudo ad serviendum illi ut ultimo fini. Hæc subjectio habitualis debet in esse vel parvulis: atque privatio seu carentia hujus bonæ habitudinis seu rectæ dispositionis mentis, qua parvulus promptus & propensus esse debet ut feratur in Deum ut ultimum suum finem, in rationali creatura Deo exosa esse necesse est. Hæc siquidem carentia & privatio facit ut in parvulo sit habitualis declinatio & aversio à regula quæ de fine hominis statuit & disponit, atque adeo facit ut regulæ suæ non sint conformes neque congruant, *Vide Caner. Petrus c. 6. p. 26. & Greg. de Valen. de Origin. peccato c. 13.* Regula enim à Deo posita est, definiens media quibus ad ultimum finem perveniamus; recedere autem ab hac regula est peccatum moris, cum sic recedat ab ordine quo ad finem pervenire tenemur. siue recessio fuerit actualis siue habitualis.

5. Vide quartam & quintam rationem sup. & sint quinta & sexta ratio. Septimo privationem justitiæ originalis debiti inesse pertinere ad Originale peccatum posterorum, quod ab eo, iis propagetur, ex eo patet, quod Adamus erat radix & stipes, origo & principium totius humanæ naturæ, ac proinde cum sese voluntaria aversione à Deo, & conversione ad bona commutabilia creata, privaverit se rectitudine illa & justitia, qua omnes animi vires in officio continuit, & debito ordine coegit, hoc ipso privavit se ista justitia, & omnes itidem posteros: neque enim posteris propagare potuit justitiam qua se privavit: siquidem gignens non potest per generationem propagare illud quo sese privavit. Hæc autem privatio justitiæ considerata, qua facta peccata Adæ, ut communis stirpi suo, ut ipsum Adamum exosum & in visum Deo reddebat ita & omnes posteros, cum omnium posterorum voluntas, in ejus voluntate conclusa esset, ita ut in ipso peccasse recte dicatur. Deumque deseruisse. Unde Anselm. de conceptu Virginis. Hoc peccatum, inquit, quod originale dico aliud intelligere nequeo in ipsis Infantibus, nisi ipsam factam per inobedientiam Adæ justitiæ debitæ nuditatem quam omnes sunt filii iræ, quoniam naturam accusat sponta per nam quam fecit in Adam justitiæ desertio. Hæc ille. Ubi originale peccatum præcipue consistere vult, in justitiæ debitæ nuditate quamvis insuper requiratur, ut nuditas hæc per totam posteritatem sit factis spontaneo in Adamo unde & Deo exosa & invisa est in tota posteritate.

Dices primo per privationem Originalis justitiæ non relictum esse in unoquoque Adami filio ante proprium suum actum atque veri nominis peccatum. Quis enim sani cerebri capiat per privationem justitiæ originalis ob peccatum relictum esse peccatum aliud destinatum, tum ab illa privatione qua ipsa peccatum esse creditur, tum ab illo peccato propter quod privatio illa facta est? Infaniendum est, ei qui hanc privationem capere vult exam. Conf. p. 84. b.

Resp. Hoc responsum plane pelagianismum redolere. Si enim per privationem originalis justitiæ non relinquatur in Adami posteris ante proprios suos actus aliquod veri nominis peccatum. Quid hoc aliud est quam cum Pelagio dicere, peccatum Adami soli ipsi novisse, non autem posteritati, neminemque obnoxium nasci peccato primi hominis, & vinculo damnationis obstrictum. Si enim non reperiatur in unoquoque Adami filio ante proprium suum actum, aliquod veri nominis peccatum, cum certum sit filios Adæ in Infantia carere usu liberi arbitrii, & præcepti capaces non esse proinde ab omni peccato proprii nominis immunes sunt. Nec ulli peccato obnoxii nascentur. Cum tamen propheta David in seriis precibus Deo factis, vere & ingenuè confessus fuerit se in iniquitate conceptum fuisse, & in peccato concepisse illum matrem suam Psal. 51. Et loquitur de Iniquitate & peccato proprie dicto, nam non nisi de propria dicta Iniquitate, & peccato agit in toto illo Psalmo.

Et Apostolus Paulus pronunciat se natura fuisse filium iræ, sicut & ceteri. Quorsum etiam institutum est mysterium circumcisionis parvulis octavo die in V. T. Aut mysterium Baptismi in N. T. & quorsum secundum regulam universalis Ecclesiæ ablangetur parvuli in remissionem peccatorum quod Cælestius, primarius Pelagii discipulus in libello quem Romæ edidit fateri coactus est, teste August. de peccato originali. c. 5. ut miram plurima illa hoc spectantis, de quibus alibi non ita pridem fuissemus diximus.

At (inquiunt) quis sani cerebri capiat, per privationem justitiæ Originalis ob peccatum, relictum esse peccatum aliud distinctum, tum ab illa privatione, quæ ipsa peccatum esse creditur, tum ab illo peccato propter quod privatio illa facta est.

Sol. Respondemus distinguendo de privatione justitiæ originalis.

Actum Dei privantis seu auferentis justitiam originalem & ut sic erat actus Dei punientis actuale peccatum Adæ, ut stipitis torius humanæ naturæ.
 Vel enim denotat defectum habitualem hujus justitiæ in Adamo & posteris Adæ, qui inhæret animæ ejusque, ex prævaricatione ejus libera primitus constructum.

In prima notione, est actus Dei ut judicis justī, peccatum punientis.

In secunda notione est carentia justitiæ debitæ in esse, quam fecit in communi parente Adā justitiæ defectio, ut loquitur Anselmus ubi supra. Est autem privatio justitiæ, quæ defectus est habitualis illius justitiæ quæ debet in esse, nostra spontanea defectione contractus, Deo ingratus, & nos Deo exosos reddit.

Vel ut paulo distinctius loquamur, Dicimus primo Deum ob peccatum Adæ, ut communis stipitis, privasse Adamum & posteros justitiā originali, per actum suum in penam peccati.

2. Dicimus per actum hunc Dei relictum esse in Adamo, & unoquoque filio Adæ, carentiam illius justitiæ quæ inesse debuisset merito, tamen & juste sublata est, quam carentiam dicimus veri nominis esse peccatum moris, quomodo in eo cui effoditur oculus a iusto iudice, relinquitur cæcitas, vitium & peccatum naturæ.

3. Dicimus hanc carentiam distinctam esse ab illo peccato actuāli Adæ, & in eo posterorum, cum sit habitualis defectus in omnibus posteris, Deo ingratus, & in se merito vituperabilis, ex hisce manifestum est.

1. Ex actuāli peccato Adæ & in eo posterorum, secutum fuisse.

2. Actum Dei ut justī judicis privantis Adamum & posteros originali justitiā.

3. Ex hoc actu Dei sequitur carentia justitiæ in anima Adæ, & posterorum; qui defectus est Deo exosus, ut proficissens à spontanea aversione à Deo.

Merito nos dicimus insaniendum esse ei, qui hanc privationem capere non potest.

Dicunt secundo peccatum originale seu non habere pro peccato proprie dicto, quod posteros Adami odio Dei dignos faciat, nec pro malo quod per modum proprie dictæ pœnæ ab Adamo ad posteros dimanet, sed pro malo, infirmitate, vitio, aut quocunque tandem alio nomine vocetur, quod ab Adamo justitiā originali privato, in posteros ejus propagatur: unde fit ut posterī omnes Adami eadem justitiæ destituti, prorsus inepti & inidonei ad vitam æternam consequendum aut in gratiam cum Deo redeundum, aut ad viam inveniendum, quæ ad vitam, aut in gratiam cum Deo redeant, nisi Deus nova gratia sua eos præveniat & vires novas iis restituet ac sufficiat; quibus ad eum possint pervenire.

Sol. Hisce verbis diserte asserunt se peccatum originale non habere pro peccato proprie dicto quod posteros Adami odio Dei dignos faciat; seu pro malo, vitio, infirmitate quod tamen paulo post aiunt non nisi *καταχρηστικῶς* vocari, peccatum originis. Alibi etiam Resp. ad speciem 7. aiunt, peccatum, & originale, esse repugnantia, & responder ad speciem 17. debitum & originale sibi invicem contradicunt. Imo nec pœnam proprie dictam esse statuunt, quæ per motum proprie dictæ pœnæ ab Adamo ad posteros dimanet, sed pro malo, infirmitate, vitio, aut quocunque tandem alio nomine vocetur, quod ab Adamo justitiā originali privato in posteros ejus propagatur. Quæ omnia sunt impura & novella dogmata, Catholicæ Ecclesiæ hæctenus inaudita, ideoque accuratius refellenda.

Et quidem impugnāvimus non ita pridem ex testimonio David, Psal. 51. 7. Ecce in iniquitate conceptus sum, & in peccato concepit me mater mea Jobi propheta ingenue agnoscat peccatum suum originale; neque enim hujus peccati in quo concep-

tus est meminir, ut peccatum adulterii jam nuper commissum extenuet, aut aliquo praetextu modifcet, aut alio transferat, sed ut peccatum suum magis exaggeret, agnoscendo se ab ipso utero iniquitate repletum esse, & meram pravitatem omnibus animarum facultatibus ab ipsa origine adhærere.

Porro certum est prophetam in hoc textu non agere de Iniquitate & peccato improprie dicto, sed de Iniquitate & peccato proprii nominis. Nam voces Hebraeae *Gnavon* & *Catab* proprii nominis peccatum significant, Peccatum sc. quod posteros Adami odio dignos faciat. Quin & eadem voces in hoc ipso Psalmo saepius occurrunt, ubique tamen pro vere & proprie dicto peccato sumuntur, qualia fuerunt peccata adulterii & homicidii, quae certum est fuisse, peccata quae Davidem Dei odio dignum faciebant, quae duo peccata potissimum hic deplorat. Sed neque Davidis supplex confessio seria & ingenua censenda esset; nisi de peccato proprii nominis intelligatur, non dici potest se peccata sua amplificare velle, sed extenuare, vel potius palliare, imo potius cum Deo aequivocare, quod cum vere respicientis ingenua confessione consistere nequit, imo ab ingenua confessione maxime abhorret.

Porro certum est Davidem in sua confessione non potuisse intelligere peccatum actuale proprii nominis, cum ipse actu nondum peccare potuit in utero matris, nondum per aetatem habere potuit usum liberi arbitrii quod acquiritur ad peccatum actuale perpetrandum, ergo necessario dicendum, illum intellexisse peccatum originale; ergo ex Davidis sententia datur originale, aut saltem supponitur originale peccatum dari. 2. loquitur in singulari de peccato certo, non in plurali de multis actualibus, etsi enim 70 interpretes vertunt in plurali, *et avouais & avouais*, & eos secutus latinus interpres; tamen in Hebraeo fonte Propheta non nisi singulari usus est ut plane existimandum sit prophetam respexisse peccatum originale. Quomodo etiam idem peccatum, mundi peccatum, appellat Baptista Joan 1. 29. ecce agnus Dei qui tollit peccatum mundi. 70 vero interpretes & eos secutus Latinus interpres, ideo usi sunt plurali numero, eo quod ex uno peccato & fonte, originali sc. hoc peccato, dimanent caetera omnia actualia peccata.

3. Quomodo veraciter inter orandum confitetur apud Deum Davides, se in Iniquitate conceptum, si in nullo homine ante proprium suum actum, nullum veri nominis peccatum reperitur, nullum quod parvulum ex os in Deo reddat & iavsum; non enim confitemur apud Deum Iniquitatem & peccatum, nisi quod iram Dei in nos provocat, & odio Dei dignum est.

4. Quam non fide & lusorie compellat Deum Propheta, ecce in peccato conceptus sum; si peccatum & originale, sint termini repugnantes, si debitum & originale sibi invicem contradicant; si peccatum cum prima conceptione & origine consistere nequeat. Aut quomodo malum quod inest omnibus Adae posteris & peccatum originis dici solet, non nisi *καταρχικόν* vocatur peccatum originis, cum illud confiteatur Propheta in seriis orationibus, cum illud recenseat inter veri nominis peccata, imo illud confiteatur, ut peccatorum omnium suorum & fomitem & fontem? *Labia dolosa* (inquit Augustinus Epist. 107.) *si in hominum quibuscumque sermonibus sunt, saltem in orationibus non sint.* Absit ut quod peccatum confitemur oribus & vocibus nostris, id vere peccatum esse cordibus negemus. Aut certe Davidis confessio non erat seria, ingenua, & verax; aut certe peccatum in quo se conceptum fuisse confitebatur, erat veri nominis non *καταρχικόν* peccatum. Quanto rectius Hilarius in Psal 118. edifferens hunc locum. Ecce in Iniquitatibus conceptus sum.

Scit sub peccati origine & sub peccati lege esse se natum. Quanto rectius Ambrosius, Merito David flebiliter deploraret in se, ipsa inquinamenta naturae, quos prius inciperent in homine maculae quam vitae Apologia David c. 11. Quarto rectius Nazienzenus agens de Baptismo, per hunc primae nativitatibus maculae purgantur per quas in Iniquitatibus concipimur, & in delutis genuerunt nos matres nostrae, quae omnia testimonia in enarratione huius loci adducit Augustinus lib. 1. & 2. cont. Julian. cum multis aliis ubi de veri nominis peccato, inquinamenti, & maculis agunt.

Alter locus affinis adduci solet è Job 14. 4. *Quis dabit mundum ex immundo?* non enim. Sic in Hebraic. vulgata interpretatio sic. Quis potest facere mundum de immundo conceptum semine? nonne tu qui solus es? Lxx interpretes sic; *τίς γὰρ καθ'αυτὸν ἐκ τοῦ βίου, ἀλλ' ὁ θεὸς, οὗτος δὲ μὴ κατὰ τὸν βίον ἀπὸ τοῦ ἐν τῷ γένει.* Quod Augustinus ita reddidit. Nemo mundus à sordē, nec infans cujus est unius Diei vitā super terram.

Ubi Job ait, Quis dabit mundum ex immundo, *Mit-tame.* Tama est nomen participium seu adjectivum, & respicit aliquod substantivum. Cumque notetur prima hominis origo, ideoque subintelligi debet vel semen ex quo gignimur, vel parens à quo gignimur, plerique interpretes referunt ad semen. Quis dabit, inquit Mercerus in locum, mundum ex immunda re?

1. Ex semine virili & muliebri: ideo vulgatus interpretes *ἐκ τῆς ἀνδρὸς* vertit. Quis potest facere mundum de immundo conceptum semine. Lxx etiam interpretes paraphrasti *καὶ* interpretantes. etiam ad parvulos extendi voluerint, & communiter interpretes referunt ad originalis peccati labem. Glossa interlinearis Ansel Laudanensis confert hunc locum; cum illo David Psal. 51. *Ecce in iniquitate conceptus sum.* Glos. ordin. itra. Quis potest facere mundum ex immundo. Is enim qui per se solus mundus est mundare praevalet immunda. Ipsa enim, propter delectationes carnis, nostra conceptio immunditia est, quae verba desumuntur è Gregor. M. in locum Moral. II. c. ult. *Certum est Jobum agere de universali generis humani imbecillitate, à qua neminem excipendum vult, eamque deplorare.*

2. De fordibus à parentibus in ipso ortu propagatis.

3. Loquitur de impuritate inevitabili. Videtur solum Christum dicere non de immundo semine natum; glossa Lxx sic. *Quis potest facere & — quia homo originale peccatum trahit, per hoc quod ab Adam secundum rationem seminatalem descendit.* Homilia de miseria Hom. in part. 1. in hunc modum explicat hunc locum p. 8. *Quis potest facere mundum qui ex immundo semine conceptus est?* Gregorius M. in locum Moral. II. c. 26. in locum sic h. bet. *Is qui per se solus est mundus, mundare praevalet immunda. Homo enim in corruptibili carne vivens, habet tentationem, immunditiam impressas in semet ipso, quia nimirum eas traxit ab origine. Ipsa quippe, propter delectationem carnis ejus concepti, immunditia est. Unde & Ps. Imitta, Ecce enim in iniquitatibus conceptus sum, & in delictis peperit me mater mea.* Hunc locum confert Gregor. cum loco Psalmistae & mox. *Qui ad locum munditia mente pervenit, conceptionis suae viam respiciat per quam venit: atque inde colligit, quia ex sua virtute non habet initium vivendi: cui se immunditia factum est initium subsistendi; addit Gregor. potest vero hoc in loco intelligi, quia B. Job incarnationem redemptoris intus, solum vidit in mundo hominem de immundo semine non esse conceptum, qui sic in mundum venit ex virgine & nihil haberet de immunda conceptione.* Hec Gregorius. Philippus item presbyter. qui vixit Aetate Gregor. Originale peccatum ex hoc ipso loco deducit. Alii loci occurrunt ex veter. Test. qui testantur de malitia quam habent homines ab incunabilis, ab ipsis natalibus Gen. 8. 22. *Sensus & cogitatio humani cordis in malum prona sunt à pueritia, sci. Infantia.* Psal. 58. *Impii ab alienati sunt à vulva, & ab utero loquuntur mendacium.* Et 116. 11. *Omnis homo mendax.* Et Esai. 48. 8. *Compellans Israel, Transgressorem ab utero vocavisti,* ex quibus locis evidenter deducitur pravitatem insitam inesse, omnibus ex utero matrum, ab Adam propagatam, quod proinde est ac si dicamus dari originale peccatum proprii nominis, quod vel ipsos parvulos Deo exolos reddat. Sed actum non agam.

Certum est tum ex V. T. tum ex N. T. adduci locos alios quamplurimos ex quibus deductione satis manifestum solidissime, evincitur dari peccatum originale veri nominis, quod vel parvulos ipsos à prima conceptione facit filios irae & irae divinae obnoxios. Idem etiam conficitur evidentissime ex rationibus Theologicis ex analogia fidei petitis quam aliquas protulimus alibi non ita pridem. Eandem veritatem confirmant Conciliorum definitiones contra Pelagianos conctorum. Pontificum item Romanorum responsa. Traditio item Ecclesiae usque ad Augustinum, cujus testis locupletissimus idem Augustinus. Ecclesiae item post Augustinum, cujus rei testes sunt Prosper, Fulgentius, Leo M. Gregorius, M. Beda. Anselmus, Hugo de S. victore,

Lombardus & eum secuti Scholaſtici ad hoc uſque tempus, ut mirum ſit novatores reperiri qui hanc fundatiſſimam Catholicam veritatem, tot rationibus tantaque authoritate munitam auſint in dubium vocare. Sed pergamus & audiamus quid ſibi velint iſti navatores, aiunt ſe peccatum originale non habere pro peccato aut pena proprie dictis, ſed pro malo, infirmitate, & vitio, quod ab Adamo juſtitia originali privato in poſteros ejus propagatur, unde ſit ut poſteri omnes Adami eadem juſtitia deſtituti proſus inepti & inidoni ad vitam æternam conſequendam, aut in gratiam cum Deo redeundum, aut ad viam inveniendum, qua ad vitam aut in gratiam; cum Deo redeant, niſi Deus nova gratia ſua eos prævenerit & vires novas ſis reſtituat ac ſufficiat quibus ad eam poſſint pervenire. Hæc illi, volunt iſti peccatum originale non eſſe peccatum proprie dictum, quod poſteros Adami odio dignos faciat, aut reos pœnæ proprie dictæ, ſed pro malo aut vitio, quod omnes poſteros Adæ ineptos faciat ad vitam æternam conſequendum, aut in gratiam cum Deo redeundum, aut ad viam inveniendum, qua ad vitam & in gratiam cum Deo redeant.

CAP. XVI.

Oſtenditur (contra novatores) Ineptitudinem ad vitam æternæ conſecutionem, ad redeundum in gratiam cum Deo, & ad viam inveniendam, qua in gratiam cum Deo redeant, eſſe peccata.

RESP. primo iſtos Novatores fateri, à privatione juſtitiae originalis in eſſe homini ineptitudinem triplicem.

1. Vitæ æternæ conſecutionem.
2. Redeundum in gratiam cum Deo.
3. Viam inveniendum quæ ad vitam, aut in gratiam cum Deo redeant.

2. Hanc ineptitudinem eſſe malum non tamen aut

Culpabile.

Pœnale, ſeu pœnam.

At certum eſt primo ineptitudinem ad viam inveniendum, qua ad vitam aut in gratiam cum Deo redeant vere culpabilem eſſe in rationali creatura, ineptitudinem etiam ad redeundum in gratiam cum Deo, & ad conſequendum vitam æternam. Iſtæ omnes ineptitudines, in rationali creatura, conditæ ad æternam beatitudinem, & ut fruatur Deo ut ultimo fine, ſummo ſuo bono, ſunt vere vituperabiles & proinde verinominis peccata. Ut autem rectius ſtatueamus quid ſentiendum ſit de hac triplici ineptitudine, & an ad originale peccatum reducenda ſit: prius perpendendum eſt quid pertineat ad rationem ſeu naturam originalis juſtitiae; nam privatio hujus eſt poſitio alterius. Eſt autem originalis juſtitia bona, quædam habitudo ſeu rectitudo totius hominis, qua totus homo conformis ſit legi ſeu voluntati divinæ, quaque habilis, aptus, & idoneus factus eſt ad debite Deum colendum, ei-que ſerviendum cum perfecta obedientia. Hoc innuit Scriptura, quando docet hominem conditum fuiſſe ad imaginem & ſimilitudinem Dei, Gen. 1. 27. & cum dicitur Deum feciſſe hominem rectum, Eccleſ. 7. 30. Talis autem rectitudo conſtare non potuit niſi omnibus animæ facultatibus bene ordinatis, & recte ſe habentibus. Si enim aliqua facultas deſtituatur, bona ſua habitudine ſeu rectitudine, impedimento erit reliquis, quo minus debitum Deo obſequium exhibere poſſit. τὸ γὰρ καλὸν ἐστὶν

ἀλλ' ἀντίας, τὸ δὲ καὶ ἐκ μερικῶν ἁλλοτρίων. Dicente Dionys. de divin. nom. cap.

4. Bonum est ex integra causa, malum ex singularibus defectibus.

Justitia ergo originalis suo ambitu continebat. 1. Perfectam mentis illuminationem, qua plane instructus est in cognitione divinæ voluntatis, & in omnibus quæ ad suum officium spectabant.

2. Perfectam cordis ad Deum conversionem, qua illum habilem, aptum, idoneum, promptum reddidit ab obsequium divinæ voluntatis.

3. Perfectam subordinationem partium animæ inferiorum & appetitus sensitivi tam concupiscibilis quam irascibilis, superioribus menti & voluntati absque omni pugna & rebellionem aut passionum ἀντία. Si quidvis horum sustuleris, originalem justitiam tollas, necesse est. Si mentis tollas illuminationem, voluntas cum sit in se potentia cæca, non potest Deo debitum obsequium præstare. Tolle voluntatis ad Deum conversionem & subjectionem, mens illuminata videbit meliora; sed ipsa Deo rebellis pejora sequetur: esto demum mens illuminata & voluntas Deo subdita, si appetitus sensitivus deordinatus sit passiones ejus tenebras menti offundent, catenas voluntati injicient, quo minus quis possit expedire, prompte, & delectabiliter debitum Deo obsequium exhibere. Hæc originalis justitiæ partes esse vel inde pater, quod sacræ literæ renovationem imaginis Dei in hisce tribus consistere indicant ut ex 4 ad Ephes. 4. & ad Colos. 3. colligitur. Hisce ita explicatis facile judicare potest, in quibus sita sit ratio Originalis peccati, privatio enim prædictæ rectitudinis ut bonæ habitudinis in singulis dictis animæ facultatibus, cum corrupto habitu qui huic privationi semper adheret, originalis peccati naturam constituit. Originale igitur peccatum juxta Scripturas & patres privatio est originalis justitiæ, iniquitas item & non tamen pura privatio sed ex Adamo contracta impietas & injustitia, pravaque hominis dispositio, qua perperam & male in Deum & creaturas affectus est aversus à Deo, & ad seipsum & creaturas inordinate conversus, id quod de parvulis etiam dicendum est, non quod illi de Deo aut creaturis aliquid cogitent, cum in illo statu, nullum aut voluntatis aut rationis usum habeant, sed quoniam habitualis in his est aversio à Deo qua inepti sunt ad omne bonum, quinetiam & prava dispositio, qua non recte in ordine ad Deum & creaturas dispositi sunt. Est enim originalis illa Iniquitas pravus quidem & corruptus naturæ humanæ habitus quo homo ex Adam carnaliter natus ineptus sit ad omne bonum, & male & carnaliter affectus est & perperam respectu Dei & eorum quæ Dei sunt dispositus, sic nimirum corde & mente dispositus est affectus, ut non secundum Deum, sed secundum seipsum vivere, latentis vitio, promptus sit; quod in adulta ætate, sese prodit. Vid. Caner, Petr. c. 4. ex quibus etiam judicari potest an hac triplex ineptitudo ad originale peccatum spectat necne.

At primo certum est hanc triplicem ineptitudinem ex privatione originalis justitiæ extitisse in ipso Adamo; nam ex privatione

- Originalis justitiæ
1. Ineptus factus est ad vitam æternam consequendam.
 2. Ineptus item ad redeundum in gratiam cum Deo.
 3. Ineptus item ad inveniendum viam, quæ ad vitam aut in gratiam cum Deo rediret.

At quis in Adamo ipso lapso non fuisse veri nominis culpas, hæc omnes dicit in Ineptitudines.

Hanc Ineptitudinem triplicem in ipso Adamo vere esse peccatum sic demonstratur; ut peccatum actuale Adami in comedendo fructu verito, erat actus voluntarius, quodammodo & hunc suum actum & ejus personam privans rectitudine, secundum legem Dei, debita; ita peccatum habituale est privatio, seu carentia illa voluntarie in eo remanens ut facta tali actu, peccatum autem quodlibet actuale privat duplici rectitudine, una quæ debebat inesse actui, altera quæ debebat inesse personæ, quæ est per rectitudinem seu gratiam habitualem. Peccatum autem habituale consideratur in privatione quæ respondet personæ, cum ordine tamen ad privationem quæ respondet actui.

Cum

1. Cum igitur Adam actu voluntario peccavit, ex illo actu peccatum habituale, *i.e.* privatio rectitudinis habitualis voluntarie in eo remanens, qua debebat in esse personae, in ipso Adamo exitit. Hoc ipso autem quod talis privatio habitualis ejus personae inesset; Hoc ipso in eptitudo ad omne bonum, quam diu talis permanit in eo privatio, in eo remansit, *Vide Malder. in 12. q. 82. artic. 1 Conclus. 7. p. 181.*

Sed de singulis videamus et primo de ineptitudine ad vitam aeternam consequendam.

Adamus in originali iustitia conditus, non tantum capax fuit consecutionis vitae aeternae, sed aptus & idoneus ad vitam aeternam capescendam, & eandem aptitudinem conservare & exercere tenebatur ad vitam aeternae consecutionem; quomodo ergo non grande peccatum erat in Adamo non conservare hanc aptitudinem, & contrahere hanc ineptitudinem. Angelorum malorum pravariatio in hoc potissimum consistebat, dicente Jud. vers. 6. quod non servarent suum originem, id est originalem statum, sed domicilium suum relinquerent. Quomodo ergo non peccavit Adam immaniter, non conservando hanc aptitudinem qua aptus & idoneus à Deo factus est ad consequendum vitam aeternam quomodo non immaniter peccavit, contrahendo suo actu voluntario hanc ineptitudinem ad consequendum vitam aeternam, & quomodo erit hac ineptitudo voluntarie contracta, in Adamo grande scelus, & tamen in posteris, qui in eo non servarunt suam originem nec malum culpa nec malum poenae.

In Adamo lapso veri nominis culpa esque gravissima erat ignorantia ultimi finis, quae regula est omnium humanarum actionum, qui solus perficit tum agentem, tum actionem, in quo terminatur & appetitus & operatio cujus libet hominis agentis, qui omnibus mediis amabilitatem, ordinem, ac mensuram dat, & prescribit; quid magis in rationali creatura culpabile fingi potest, quam ignorantia proprii finis, quae regula esse debet omnium suarum actionum, & quae ignorato nemo potest vel unam actionem moraliter bonam facere; unde in omnibus errare necesse est.

In Adamo etiam lapso, culpa gravissima est ignoratio mediorum ad finem, *i.e.* omnium earum rerum per quas ad bonam beatamque vitam pervenire potest, quis non vituperabile merito judicat in homine (ratione praedito) dubitare, hesitare, nutare, cunctare, in deliberatione rerum agendarum, circa consecutionem veri & summi boni, utraque hac ignorantia est earum rerum quas imprimis homo tenetur scire, & quas Adamus integer de facto clare scivit?

Porro ex iustitiae originalis carentia privatus est Adam iis viribus & virtutibus quibus aptus & idoneus factus est ad vitam aeternam consequendam. Hoc ipso quod istis habitualiter caruit, factus est ineptus ad eandem vitam consequendam, quae carentia habitualis & ineptitudo merito fuit ei vitio vertenda, utpote quam contraxit suo demerito & libera à Deo aversione, merito item Deo exosa & merito in se vituperabilis, ut quae deformitas erat insignis, qua anima ipsa deformata erat in Dei conspectu. Utque macula quae remanet in anima peccatoris post actum transgressionis cujuslibet praecepti, indispositio item ad idem bonum, merito Deo exosa est, & in se vituperabilis, & transgressorem exosum Deo & vituperabilem reddit, ita plane dicendum est de hac ineptitudine in Adami anima existente, ex carentia originalis iustitiae, ad vitam aeternam consequendam.

2. Ex ejusdem iustitiae originalis carentia habituali, privatus est Adam illa aptitudine qua, vi originalis iustitiae, idoneus, promptus & alacer factus est, ad favorem Dei conditoris retinendum, ad amicitiam cum Deo initam colendum & conservandum, ad ejus offensum studiose vitandum, qua aptitudine sua culpa privatus, hoc ipso Ineptus fit, & merito fit, ad redeundum cum Deo in gratiam, quae Ineptitudo sua culpa voluntaria contracta, merito Deo exosa fuit, & cum Deo vituperabilem reddit. Unde & veri nominis culpa fuit.

3. Ex ejusdem iustitiae originalis carentia privatus est Adam illo lumine quo via vitae, & ad gratiam cum Deo retinendam, illi clara, obvia, manifesta lucebat, quo aptus & idoneus factus est, ad viam istam dignoscendam, ineandem, & in eadem ambulandam, ex qua privatione mens occaecata est, & prorsus Ineptus factus est ad

hanc viam inveniendam, & dignoscendam, repleta siquidem est mens ignorantia, errore, infidelitate quae Ineptitudo formaliter opposita est illi aptitudini, imo illi clarae notitiae viae ad vitam, quae ab originali iustitia fluebat. Unde & veri nominis peccatum erat, Deo ingratum & exosum.

Diximus ex carentia habituali iustitiae originalis, privatum fuisse Adamum illa aptitudine qua idoneus & promptus factus est ad favorem Dei conditoris retinendum & continuandum; lumine etiam illo quo viam dignosceret, quo favorem Dei retineret & continuaret; aptus & idoneus esset. Non itidem diximus privatum fuisse aptitudinem ad redeundum in gratiam cum Deo irato & offenso aut lumine illo quo viam inveniret, qua in gratiam cum Deo rediret.

Aliud enim est privatum esse aptitudinem

Retinendi favorem Dei, in quo sumus.

Redeundi in favorem Dei, à quo excidimus culpa nostra.

Aliud item est privatum esse aptitudinem viam inveniendi, qua

Ad vitam pergamus, aut retineamus favorem quem cum Deo habemus.

Ad vitam redeamus, postquam deviamus, aut in gratiam cum Deo irato redeamus.

Quomodo & aliud est

Pergere in via vitae, retinere item gratiam cum Deo, item nosse viam retinendi gratiam cum Deo.

Invenire viam vitae è qua erravimus, viam item redeundi in gratiam cum Deo offenso & irato.

Homo enim in statu integro habuit priorem aptitudinem ex Originali illa iustitia in qua conditus, aptus enim erat & idoneus ad favorem actualem quem cum Deo habuit retinendum & ad pergendum in via vitae quae ei clara & obvia fuit. Non itidem posteriorem. Neque enim necessaria erat durante statu integritatis viam nosse placandi Deum iratum. Quanquam dicendum est originale iustitiam mentem humanam aptam & facilem fecisse ad fidem adhibendam divinis documentis ac revelationibus quandocunque à Deo revelanda erant. Unde & tarditas & Ineptitudo ad fidem ejusmodi taliter revelatis adhibendum, semper erant veri nominis peccata, post revelationem factam. Daven. de habit. iust. p. 282. Haec triplex dicta ineptitudo ut merito in Adamo culpabilis est, ita & nomine poenae eidem à Deo iusto iudice irrogata est. Quid enim iustius quam ut Adamus qui conditus est à Deo, aptus & idoneus ut vitam aeternam consequatur, & Deo summo bono fruatur, Ineptus fieret ad vitam aeternam consequendam, quid item aequius aut iustius quam ut ille qui in gratia & favore Dei conditus est & aptus & idoneus, ut in gratia & favore Dei perseveraret, & tamen noluit in hac gratia perseverare, ut Ineptus prorsus fieret ad redeundum cum Deo in Gratiam. Quid denique magis aequitati & iustitiae congruum, quam ut Adamus qui factus est & idoneus ad pergendum in via vitae, & ad retinendum favorem quem cum Deo habuit, & tamen neglexit pergere in via, & retinere favorem quem cum Deo habuit; quam ut Ineptus prorsus fieret ad viam vitae inveniendam & viam gratiam cum Deo redeundi, sic. August. dlib. ac. 3. c. 18. Iustum esse docet apud Deum, ut qui sciens recta non facit amittit ipsam recti scientiam.

Videtis hanc triplicem Ineptitudinem in ipso Adamo fuisse tam malum culpa, tum malum etiam poenae proprie dictae, neque enim sufficit dixisse fuisse malum aut vitium, aut nudam calamitatem, aut etiam vulnus in Adamo, non autem malum aut culpam, aut poenae proprie dictae cum novatoribus, nam mala, vitia, vulnera, defectus, morbi sive infirmitates potentia animae quae capax est peccati non aliud esse potest quam malum culpa, seu peccatum. Hinc Thom. omnis defectus in natura proles inventus, derivatus à peccato Adae habet rationem peccati originalis dummodo sit in subiecto susceptivo

susceptivo culpæ, q'q. disput. de malo quæst. 4. art. 2. ad quartum, & Daven. de Justi. p. 280. non enim aliud sunt vulnera animæ quam peccata animæ, nec mala sunt naturalia sed moralia, à fine ultimo consequendo retardantia.

Addo eandem esse rationē carentiæ sive justitiæ sive gratiæ in qua conditi sunt Angeli defectores seu Apostatæ, carentia enim hæc in istis non erat nuda Ineptitudo quæ Inepti erant ad consequendam vitam æternam, atque adeo calamitas duntaxat quæ non malum culpæ esset, non pœna proprie dictæ; sed veri nominis malum culpæ, Nam, dicente Juda, eo quod non servarunt suam originem, sed culpa sua caruerant, & relinquerunt domicilium in judicium magni diei vinculis æternis sub caligine refervantur, vers. 6. A. Nemo vinculis æternis reservator in diem judicii, ob nudam calamitatem aliquam aut ob Ineptitudinem quæ non sit peccatum, & malum culpæ. Hæc carentia ergo justitiæ & gratiæ in ipsis est veri nominis malum culpæ, ergo etiam in ipso Adamo. Namque quod ad rem ipsam spectat, eadem est in utrisque ratio, tum in hominibus tum in dæmonibus.

C A P. XVII.

Exinde evincitur deordinationem virium animæ esse veri nominis peccatum.

QUOD autem diximus de triplici hac Ineptitudine in Adamo, à justitiæ originalis privatione exorta diximus, de virium animæ deordinatione in Adamo seu prava concupiscentia itidem dicendum est, quod veri nominis in Adamo seu prava concupiscentia itidem dicendum est, quod veri nominis in Adamo peccatum fuisse supra pluribus rationibus evicimus.

Cum ergo demonstravimus in ipso Adamo hanc privationem seu carentiam originalis justitiæ, & Ineptitudinem triplicem ex eadem ortam; deordinationem etiam omnium virium animæ inde secutam veri nominis peccatum fuisse: inde promptum est colligere eandem carentiam & Ineptitudinem inde ortam, & deordinationem omnium virium animæ inde secutam in omnibus posteris ejus secutam veri nominis peccata esse, neque enim dici potest hanc carentiam ut inde ortam Ineptitudinem in Adamo fuisse veri nominis peccatum odio dignum, Deo exosum & merito vituperabile; non itidem in posteris, cum certum sit hanc carentiam & inde contractam Ineptitudinem ad omne bonum, non fuisse peccatum, solius personæ Adæ sed peccatum naturæ humanæ quæ tota tum erat in Adami persona, cujus caput, stipes, radix, seminarium erat, quæ tota in lumbis ejus erat, & ab eo in omnes posteros seminali ratione propagata est. Acque hinc est quod Scriptura testatur Genes. 5. 3. Adamum genuisse filium ad imaginem & similitudinem suam. Adamum sc. jam lapsum. Cum tamen ipse Adam à Deo in statu integro factus esset ad imaginem & similitudinem Dei (i. e.) in agnitione Dei. Colos. 3. 10. & in vera justitiæ & sanctitate, Eph. 4. 23. interpretante Apostolo, ubi notanda est oppositio inter imaginem & similitudinem Dei ad quam homo creatus dicitur vers. 27. & imaginem Adami ad quam genuit Sethum. per imaginem notatur naturæ integritas, justitiæ & sanctitas, ergo per Adamum jam lapsi imaginem intelligenda est imago priori opposita, naturæ sc. depravatio, injustitiæ & corruptio per peccatum; Ambros. in Psal. 119. versu ultimo, imaginem Dei interpretatur imaginem justitiæ, sapientiæ, virtutis. Et alii patres dicunt imaginem Dei per peccatum non solum obscuratam ac deformatam esse; sed & deletam & obliteratam, eamque per Christum renovari, restitui ac reformari. Sic Basilus de S. Sanct. c. 9. & Ambros. lib. 7. in Lucam c. 15. & August. de Spir. & lit. c. 27. & 28. & lib. 2. cont. Adim c. 5. *Vid. Estium in 2. dist. 16. 7. p. 161.*

Gen. 6. 5. *Vidit Dominus — omne figmentum cogitationum cordis hominis tantum malum omnibus diebus, & 8. 121. cogitatio cordis humani mala est à pueritia sua*, ob prinitatem & præcipientem inclinationem ad malum ab Infantia. Et Apost. ad Rom. conqueritur de malicia totius generis humani ex variis Scripturæ locis V. T. id quod hoc sine demonstrat, *ut omnes obstruatur & reus fiet omnis mundus Deo, vers. 19.* at non fit totus mundus, ne parvulis exceptis, reus coram Deo, nisi ob malum culpæ, non ob Ineptitudinem confictam à novatoribus quæ non fit malum aut culpæ aut pænæ proprie dictæ, sed quod fit malum culpæ posteros Adæ odio Dei dignos faciens: ejusmodi enim malum culpæ duntaxat, reum facit omnem mundum Deo.

Davides Psal. 51. Reus gravissimorum peccatorum adulterii & homicidii, cum ad horum & omnium aliorum peccatorum fontem, digitum intenderat, sic Deum compellat vers. 7. *Ecce in Iniquitate conceptus sum, non ait in Ineptitudine & in peccatis; addit genuit me mater mea, non ait in Ineptitudinibus genuit me mater mea.* Quomodo veraciter inter orandum confitetur propheta apud Deum se in Iniquitate conceptum fuisse, si in nullo homine ante proprium suum actum, nullum erat veri nominis peccatum; nec esset nisi Ineptitudo ad vitam æternam consequendam, aut ad redeundum in gratiam cum Deo, quæ tamen veri nominis culpa non esset.

Certe Ineptitudo omnis ad vitam æternam capeffendam, in subjecto apto & capaci facto consequendæ vitæ, & proprio demerito contracta necesse est ut veri nominis culpa sit & contrahenti merito imputetur ad veri nominis penam, utpote quæ Deo in tali subjecto exola sit & merito exosa.

Hoc idem evincant rationes ab analogia fidei petita:

Et quidem primo à mysterio circumcisionis, nisi enim in peccato parvuli nati & concepti fuissent, quorsum in V. Testi institutum est parvulis, 8. à nativitate Die? Quorsum inquam, si non ad auferendum reatum nativæ corruptionis? Aut quid aliud denotat aut denotare potest circumcisio præputii, quam ablationem originalis reatus cum quo quisque in mundum nascitur. Num hoc Augustissimum Sacramentum institutum exultimabimus, ad tollendum originale Ineptitudinem quandam quæ nullius culpæ rationem habebat imo nec pœna certe? nihil minus.

Secunda ratio sumi potest, à mysterio Baptismi. Quorsum enim institutum mysterium Baptismi à Domino in N. T. quod Circumcisioni succederet, & quorsum more ab Apostolorum temporibus accepto, baptizantur parvuli in universali Ecclesia nisi ad abluendum originale culpam, cum qua quisque nascitur, aut quid aliud denotat ritus abluionis, quam ante abluionem nos nasci cum macula parentali? ut appellat Fulgentius *de veritate prædestinationis lib. 1 p. 24.* Et post abluionem eandem auferri nec amplius imputari. Aut quid aliud sonat, ego te baptizo, ego te lavo, ego te abluo inter baptizandum, quam ego te abluo a reatu originali, in quo conceptus & natus es. Num hæc omnia peragantur in Ecclesia quotidie, ad abluendum originale Ineptitudinem quæ nec culpa sit, nec pœna, sed quædam calamitas ab ipso ortu naturam concomitans. Sacrae literæ meminerunt abluionis peccatorum per Baptismum, meminit sanctificationis & purgationis Ecclesiæ lavacro aquæ per verbum est Eph. 5. 27. meminit Baptizationis in remissionem peccatorum, nuppiam in abluionem aut ablationem originalis Ineptitudinis. Hæc enim aut æquipollens formula nusquam occurrit in sacris literis aut in patribus.

Restat ergo ut sit figmentum Novatorum.

Tertia Ratio peti potest ab universalitate redemptionis, vel datur veri nominis originale peccatum in parvulis, vel Christus non veraciter dici potest redemptor parvulorum. Non enim veraciter redimuntur nisi captivi, & quia spiritualiter captivi non nisi mancipia diaboli. Nemo autem mancipium est diaboli qui reatu peccati non est obstrictus. Nec Christus vere dicitur servator parvulorum, cum ille in mundum venit non nisi peccatores salvos facere, 1 Timoth. 1. 15. & ab Angelo cognominatus est Jesus, quia salvum facit populum suum à peccatis eorum Mat. 1. 21. Aut igitur nulli parvuli censentur in populo Christi aut servantur à peccato. Quomodo autem servantur à peccato in quibus nullum agnoscitur esse veri nominis peccatum? Recte

Zosimus,

Zosimus pontifex, apud Augustinum Epist. 157. ad Optatum. Nullus nisi qui peccati servus est liber efficitur, nec redemptus vere dici potest nisi qui vere per peccatum fuerit ante captivum. Et conformiter Augustinus. Quis audeat dicere, non esse Christum infantum Salvatorem nec Redemptorem: Unde autem salvos facit, si nulla in eis est originalis aegritudo peccati? unde redimit si non sunt per originem primi hominis venundati sub peccato? Et mox, unde liberantur [parvuli] si nulla servitute peccati teneantur abstricti? de peccat. merit. ut remiss. 1. c. 23, 24. Juxta novatores Christus diceretur Redemptor & servator parvulorum quatenus redimit & servat à triplici dicta Inepitudine, à nuda calamitate, non autem ab ullo peccato, aut poena peccati.

Ob. Respondent R. ad specim. 9. p. 163. peccatores duobus modis aliquos dici. Vel primo qui ex peccatoribus nati sunt, & vi cognationis ac conjunctionis istius naturalis iisdem quibus illi calamitatibus ac malis obnoxii atque involuti jacent. Vel à secundo qui non tantum nati sunt ex peccatoribus, sed etiam propriis actualibus suis peccatis se eorundem aut graviorum etiam malorum reos fecerunt, priori sensu Infantes peccatores dici concedunt, quia nascuntur ex Adamo peccatore. Eodem cum parentibus loco, velut peccatores censiti ac tractati fuisse leguntur. Infantes enim censentur (inquiunt) in & cum parentibus suis velut unus homo. Vid. 1 Reg. 1. 21. Joan. 9. 34. & 2 Cor. 5. 21.

Respondeo, certum est Infantes peccatores dici & esse non solum quia ex peccatoribus nati sunt, & vi cognationis iisdem quibus illi calamitatibus ac malis obnoxii: sed quod & ipsi in lumbis Adami erant, & in eo vere peccarunt, teste Apost. Rom. 5. 12. ut supra evicimus. Nec in ipso tantum peccarunt; sed & ipsi proprii nominis peccatores facti, quatenus in illos derivantur propagatione, tum privato originalis iustitiae, tum deordinatione virium animae, seu prava concupiscentia, quae ambo originale peccatum vere nominis constituunt. Et veri nominis peccatum fuit, ut partim demonstravimus, partim demonstraturi sumus. Quod si novatores statuunt parvulos cum parentibus suis velut unum hominem censer. Quid ni & omnes cum in Adamo veri nominis peccatores censeantur & sint, cum ille veri nominis peccator & censebatur & erat.

4. Sumitur ex ea quod parvulis infligitur veri nominis poena. Morti enim obnoxii sunt parvuli aequae ac adulti. At Deus non infert poenam nisi ubi praecesserit culpa, nec poenam mortis, nisi ob pravam culpam, mors enim est poena peccati, Gen. 2. 17. In quocunque die comederis morte morieris, & Rom. 5. 12. per unum hominem peccatum intravit in mundum & per peccatum mors. Et Rom. 6. ult. stipendium peccati mors. Et 1 Cor. 15. Aculeus peccati mors. Cum igitur parvuli puniantur morte, poena omnium gravissima, quae est mors temporalis & aeterna, hinc necessario inferitur, Infantes reos esse, veri nominis peccati, quod non aliud esse potest quam illud quod originale dici solet, omnis enim poena si justa est, poena peccati est, & supplicium nominatur ut recte Augustin. Retract. 1. c. 9. nec minus recte Fulgentius de incarnatione c. 14. Quae iustitia parvulus subicitur peccati stipendio si nulla est in eo peccati pollutio? vel quomodo videt morte punctum si non sensit aculeum? Et mox Quae igitur iustitia Deus iustus Infantibus sive peccato nascentibus ingerit poenam, in quibus poena non invenit causam. Hac ne est creatoris Dei benignitas ut imaginem suam creet, eamque sine ulla iniquitate condemnet, cum non sit iniquus Deus qui infert iram? Si ergo nolant in ipsum Deum contumeliam mortifera impietate versari, fateantur hominem primum, in omnes homines cum morte transmississe peccatum. Hac Fulgentius. Non igitur relicta est post Adami peccatum, in posteris eius sola Inepitudo quaedam quae nuda calamitas est, quae neque culpa sit neque proprii nominis poena, cum mors in parvulis, teste Apostolo, sit proprium stipendium peccati, & peccati proprie dicti, aculeus.

5. Omnes homines ab Adamo propagati, per viam generationis sunt caro peccati, Rom. 8. 3. (i. e.) carnem habent peccatricem. Solus Christus enim Spiritu sancto conceptus, missus est in similitudinem carnis peccatricis, cum peccatrix non esset, licet veri nominis caro fuerit. Hoc argumento utitur Fulgentius adversus Pelagianos. de Incarnatione & gratia Christi c. 15. dicentes (inquit) parvulos ex Adam non trahere originale peccatum, negant eos profecto habere carnem peccati quos tamen hu-

manam

manam carnem habere non negant; ex eo vero quod eos sic humanam carnem habere non negant: ut eam esse carnem peccati negant, consequens est ut humanam carnem negent esse carnem peccati. Fatentur (inquit) Apostolum compellantem, quia Deus misit filium suum in similitudinem carnis peccati. Ad hoc igitur istos caritas impiæ professionis impellit, ut qui carnem humanam negant carnem esse peccati, Christum autem in similitudinem carnis peccati remisse non negant, ipsam Christi carnem non humanam esse sed alterius naturæ, sacrilega infidelitate confingunt. — Et mox, aut igitur carnem Christi humanam esse non dicant, aut omnium hominum carnem, in cuius similitudinem Deus filium suum misit, carnem peccati esse consentiant. Quod cum consenserint, nullus remanebit labor quo eis peccatum, carni parvulorum in esse monstratur. Si enim caro peccati non mendaciter dicitur, habet in se carq. ipsa, peccatum, Si vero peccatum non habet, falsum portat, carnis peccati vocabulum.

Ex dictis conficitur in parvulis dari veri nominis peccatum; & non meram ejusmodi infirmitatem duntaxat aut Ineptitudinem quæ mera nuda calamitas sit; non autem culpa aut proprie dicta pœna.

Ob. Sed pergunt, in parvulis solam dictam Ineptitudinem superesse prætendunt, atque hoc significatum à Deo credunt ejecti one Adami è Paradiso typo Cœli & obsidione viæ, qua ad illum patebat aditus. Hæc enim inquit calamitas non tantum evenit Adamo, sed posteris omnibus Adami fuit cum eo communis.


Respondeo. Multo potius dicendum est, ex ejectione Adæ ex Paradiso terrestri typo Cœli, & obsidione viæ, qui ad illum patebat aditus, significatum esse, Adamum culpa & demerito suo hanc ejectionem & perpetuam inde exclusionem è Paradiso meruisse, non quod personam suam duntaxat, sed & omnium posterorum, quorum personam gerebat, cum transgressus fuerit mandatum divinum, cuius etiam peccatum non tam erat peccatum personæ, quam peccatum naturæ, ut sæpius dictum est. Hinc est quod ut ejectio illa non erat nuda calamitas Adamo, sed & veri nominis pœna, debita culpæ ejus actuali, & habituali averfioni quæ animæ ejus inhaesit, post transiitum actus: sic & dicendum hanc eandem ejectionem & exclusionem respectu posterorum Adæ in eo peccantium non esse nudam calamitatem, sed & veri nominis pœnam, debitam illis, tum ratione peccati Adæ actualis quod illis merito imputatum est, tum ratione averfionis habitualis, seu maculæ, quæ animæ cujusque parvuli ab eo oriundi inhereret, quæ Deo ingrata & invisa est, ut ex Medina sup. observavimus. Non ergo somnians est cum novatoribus, hanc ejectionem esse meram calamitatem respectu posterorum, cum sit respectu protoplastorum, qui soli de facto ejecti sunt è terrestri paradiso, fuisse veri nominis pœnam. Sed pergunt peccatum originis non esse malum aliud (inquit) (i. e.) aut malum culpæ, aut malum pœnæ proprie dictæ, quod vocant, ratio manifesta arguit.

1. Malum culpæ non est quia nasci plane involuntarium est, & nasci cum hæc aut illa labe, infirmitate, vitio aut malo; ergo est plane involuntarium, ac proinde non malum culpæ.

Respondeo. Et si nasci sit plane involuntarium quatenus nascimur absque ullo actu nostræ voluntatis; tamen quicumque ex Adamo naturali propagatione nascuntur, necesse est ut nascantur cum nativa vitiositate quæ est malum culpæ, quæ tamen culpa non est dicenda plane involuntaria, quia voluntaria erat parvulo, voluntate primi parentis qui caput fuit totius naturæ, quæ ejus voluntaria transgressione in eo corrupta est. Et hoc voluntarium sufficit ad peccatum originale quia peccatum originale, ut originale est non est, peccatum personæ sed naturæ; ac proinde non requiritur, quod propria voluntate personæ quæ maculatur, contrahatur, sed sufficit voluntarium quod præcessit in capite totius naturæ: In quo prius infecta persona, deinde natura; in nobis autem filius ejus, prius infecta natura deinde persona. Dicendum ergo nasci cum malo culpæ seu vitiositate culpabili, esse plane involuntarium; si considerentur parvuli, ut personæ particulares secundum se; non autem si considerentur, ut membra & partes naturæ vitiatæ, nam ut sic constituunt unum cum Adamo. Atque hoc sensu dicit Augustinus omnes nasci impia voluntate. Lib. 1. contra adversarium legis & prophetarum cap. 12. & alibi, omnes nasci subditos carni, de nat. & grat. c. 67. & Fulgentius

Fulgentius ait, omnem hominem nasci impietati subditum, de fide ad Petr. c. 26. & Prosper. contra Collet. in nascentibus laesum esse liberum arbitrium c. 20. & Arantian : patres damnant eos qui docent animi libertatem illa sam, corpus tantummodo corruptioni obnoxium factum esse per offensum primi hominis. Can. 1. Exemplo hoc illustrari potest, ut in homine, si voluntas moveat appetitum sensitivum ad actum intemperantiae; in appetitu sensitivo reperitur intrinsece vitium, etiam si in ipso appetitu sensitivo, non reperiatur formaliter aliquod voluntarium proprium ipsius appetitus, sed solum voluntarium participatum, à voluntate quae est inclinatio totius suppositi: ita parvuli nascendo contrahunt per generationem peccatum sibi proprium & intrinsecum quamvis in illis non reperiatur aliquod proprie dictum voluntarium, prae ter voluntarium primi parentis qui fuit caput totius naturae.

3. Dici potest peccatum originale voluntarium dici posse



Partim voluntate Adæ.

Partim voluntate ipsius parvuli, quæ infecta est vitio naturæ corruptionis, à quo perversa, averfa, prave inclinata

dicitur, licet nunquam fuerit in actu, quomodo rabies est in leunculo inclinatione licet non actu, sufficit autem ad veri peccati rationem in parvulo, ut respiciamus ad eam voluntatem, à qua velut radice atque origine propagatum est hoc malum, illa erat voluntas Adæ, necesse enim est ut peccatum omne, ut peccatum sit, voluntate aliqua fieri, actu factum esse. Alioqui enim Deo aut naturæ, cuius Deus author est, ascribendum esset. Nam ut recte Augustinus, nulla foret hominis culpa, si talis à Deo creatus esset qualis natura nascitur, Cont. Julian. lib. 3. c. 12. vid. Alvar. Disp. 44. n. 15. & Estium 2 dist. 3 l. 5. 12.

Ad argumentum ergo respondetur negando consequentiam, etsi enim nasci sit plane involuntarium; tamen non sequitur nasci cum nativa vitiositate esse plane involuntarium, in posteris Adæ. Nam supposito quod quis nascatur ex Adamo via generationis, necesse est ut talis nascatur cum voluntate qualis fuit in Adamo generante, (i. e.) cum voluntate vitiosa, infecta, seu, ut loquitur Augustinus, tabificata: occulta enim tæbe carnalis concupiscentiæ suæ (inquit Augustinus) tabificavit in se omnes de sua stirpe de venientes, de peccat. merit. & remis. l. c. 9. quæ tæbe est vitiositas, quæ vitiositas cum ab Adamo peccato voluntario processerit quando omnes ille unus homo fuerunt, ut loquitur Augustinus de peccat. merit. & remis. l. c. 10. non est dicenda plane involuntaria, cum

Voluntaria fuit



Partim voluntate Adæ generantis, actu.

Partim ipsius parvuli voluntate, inclinatione.

Pergunt, Si malum illud *Quod ab Adamo originali iustitia privato in posteros ejus propagatur, malum culpe non est, nec potest esse malum poenæ; quia culpa & poenæ sunt relata, culpa autem in posteris Adæ alia esse non poterat quam hæc; alia enim prior concipi non potest, quia alioquin non esset culpa seu peccatum originis.*

Sol. Etsi in posteris Adæ malum seu vitium, quo ab Adamo iustitia originali privato in posteros ejus propagatur, malum culpæ non esset nec esset poenæ peccati inhererentis posteris, tamen poenæ proprii nominis dici potest ratione habita peccati actualis Adæ. Nam cum dicant, non posse esse malum poenæ quia culpa & poenæ sunt relata; verum est culpam & poenam esse relata, sed non necesse est ut poenæ posterorum sit poenæ culpæ ipsorum posterorum, quippe cum poenæ posteris infligi possit ob peccatum ipsius Adæ, quomodo supra diximus ejectionem & exclusionem posterorum Adæ ex Paradiso non esse nudam calamitatem, sed & veri nominis poenam infligendam debitam iis, ratione peccati Adæ protoplasti, saltem quatenus iis imputatur, quæ exclusio quamvis culpa non fuerit, tamen proprii nominis poenæ fuit, quomodo & morbi, & mors temporalis & æterna, seu damnatio, poenæ sint, non culpæ.

Cum autem addant, culpam aliam in posteris Adami esse non posse, quam hanc, *sc. qua ab Adamo Originali iustitia privato, in posteris ejus propagatur, alia enim prior (inquunt) concipi non potest, quia alioquin non esset culpa, seu peccatum Originis.* Si exclusum volunt à posteris Adæ, actuale peccatum Adæ, ac si illud non potuit iuste imputari posteris Adæ, eo quod propria voluntate commissum non est: aut quod hoc esset contra iustitiam aut aequitatem divinam, ut supra disputarunt, dicimus hoc falso dici. Nam nos supra ostendimus iuste peccatum Adæ actuale, imputatum fuisse omnibus posteris, & hoc ipsum ipsi novatores seculi Pigh. & Catharin, hactenus asseruerunt: At jam non solum peccati originalis propagationem impugnant, sed & actualis peccati Adæ imputationem imprudentissime inficiantur atque adeo totam Originalis peccati in parvulis rationem tollunt, & audacissime cum Pelagio affirmant non relictum esse in unoquoque Adami filio ante proprium suum actum, aliquod veri nominis peccatum: exam: confum: c. 7. p. 84. b. etiam si proprium illud peccatum voluntate Adæ commissum est, nec quidquam hic fieri contra iustitiam aut aequitatem divinam. pag. 124, 127.

Cum autem subjungant culpam aliam priorem concipi non posse, quia alioquin non esset culpa seu peccatum originis. Nos respondemus Adami posteris prius, actuale Adami peccatum imputatum fuisse, quam illis privatio originalis iustitiæ propagata est. Ex imputatione enim peccati Adæ privantur posterii Adæ iustitia originali. Siquidem prius natura communicatur peccatum actuale Adæ posteris ejus per modum imputationis; quam privatio originalis iustitiæ iis inhaereat per modum generationis seu propagationis. Unde plane dicendum contra quam isti novatores, censent, imputationem peccati actualis Adæ necessario reducendam ad peccatum originis ut ejus partem primariam & fundamentum privationis iustitiæ Originalis. Ipsi siquidem scholastici, & nominatum Albertus, non immerito actuale peccatum Adæ, quæ posteris imputatur, Originale Origans appellant; (i. e.) originali peccato posterorum Originem præbens. Ex hoc enim peccato imputato posteris, aversio habitualis, & pronitas ad omne malum, quod est originale originatum omnibus Adæ posteris propagatur per generationem.

Ex dictis perspicitur, falso dici peccatum Originis, nec dici posse malum culpæ, aut malum pænæ seorsim; nunc dispiciendum est an non recte dicatur culpa simul & pæna conjunctim.

CAP. XVIII.

Ostenditur (contra Novatores) peccatum Originale, peccatum simul esse & pænam.

Pergunt. Multo minus fieri potest ut sit culpa simul ac pæna idque duplici ratione stabiliunt.

1. Sic, nihil indignius Deo tribui potest quam quod peccatorem peccato, quo de novo reus fit pænæ, puniat.

Sol. Respondeo, nihil Deo indignum tribui, cum peccatorem peccato punit ejusmodi, sc. peccato in quod quis incidit merito peccati ante commissi. Nam nonnulla peccata sunt, quæ non sunt alicujus peccati pæna, qualis fuit prima inobedientia Adæ in comedendo fructu venito, ut habet August. Retract. l. c. 16. & in exposit. Psal. 57. ejusmodi peccatum fuit primum Angelorum prævaricantium. Tale etiam erat primum peccatum actuale omnium in Infantia Baptizatorum. Sed cum dicimus Deum peccatorem peccato punire, intelligimus de peccato in quod quis incidit merito alicujus præcedentis peccati, cum peccatum præcedens meritum est sequentis, ut cum Christianus

Christianus professione, pessime vivendo, meretur, & in hæresin labi permittatur, & hoc modo vere dicimus Deum punivisse Adami inobedientiam, privatione personali originalis iustitiæ, & deordinatione personali omnium virium animæ. Nihilque hic Deo indignum geritur quin potius iustitiæ divinæ hoc maxime congruum est docente Apostolo Roman. 1. 24, 26. qui ait, gentes merito ingratitude, quia cum cognovissent Deum, non sicut Deum glorificaverunt, sed creatoris cultu neglecto, creaturis servierunt, ideo in fœda & abominanda peccata per lapsos esse atque à Deo traditos. Notandum tamen, hæc peccata quæ dicuntur pœnæ aliorum peccatorum, dici pœnam non in quantum pœnata sunt, alia enim ratio peccati, alia pœnæ, sed in quantum sunt incommoda, noxæ, vel nocumenta à Deo vel illata vel permessa, atque ordinata ad iustas vindictas peccati quod contra legem Dei perpetratur. Nam iustitia Dei non permittit, ut vel momento temporis existat dedecus peccati sine decore vindictæ. Sic Augustinus: lib. 3. de lib. arbit. c. 15.

Nulla temporis intervallo ista dividuntur, ut quasi alio tempore non faciat quod debet, & alio patiatur quod debet, ne vel puncto temporis universalis pulchritudo turpatur, ut sit in ea peccati dedecus sine decore iustitiæ. Deus ergo peccatorem peccato punit, non quod peccatum esse contingit, sic enim solus peccator peccati causa est, sed quod iustæ pœnæ rationem habet. Ut enim Deus est causa omnis actionis, quæ actio quædem est, non autem deformitas actus: sic Deus est author omnis pœnæ, quatenus vindictæ rationem habet, non autem quatenus eadem pœna peccatum esse contingat, sic enim est à sola voluntate peccatoris. Sic Augustinus de prædest. S. c. 10. Et si sunt quidem quæ ita peccata sunt, ut pœnæ etiam sunt peccatorum, — non ibi peccatum Dei est sed iudicium (i. e.) iusta vindicta. Atque hoc sensu privatio originalis iustitiæ, tum in Adamo tum in posteris, quæ utrisque inflata est in pœnam inobedientiæ Adæ, quæ & nostra inobedientia erat, veri nominis pœna, & iudicium: & tamen eadem privatio ut denotat defectum habituales huius iustitiæ animæ inhxerentem ex spontanea utrisque desertione, & libera aversione contractum, & Deo exosum, veri nominis peccatum erat.

Cum ergo dicant novatores nihil indignius Deo tribui potest, quam quod peccatum peccato, quo de novo reus sit pœnæ, puniatur. Consulto confundunt quæ studiose distinguenda sunt. Deus enim peccatorem peccato punit non quod author sit peccati, aut de novo reum facit pœnæ, faciendo ut peccet; hoc enim merito detestamur, solus enim peccator suæ libertati relictus, author & perpetratior est peccati, solus suo vitio causa est cur novum reatum peccando incurrat, Deus autem quod peccatum est duntaxat permittit, & ut iustæ pœnæ, seu nocumenti rationem habet ordinet ad iustitiæ suæ manifestationem, atque hoc faciendo, nihil Deo indignum geritur, Atque ita soluta manet prima ratio.

2. Sic insurgunt, peccatum originis non posse simul esse & culpam & pœnam, quia adeo diversa sunt culpa & pœna ut prorsus sint incompatibilia. Pœna enim est actus Dei & actus iustitiæ. Culpa actus hominis & adixia. Pœna est involuntaria, Culpa nisi sit voluntaria, culpa esse non potest. Et cum Deus puniendo, hominem in ordinem cogere intendat, ista punitione novam inordinationem voluntati hominis injiceret, & sua punitione sibi ipsi novæ pœnæ occasionem daret, atq; ita rationem iustitiæ & ordinem pœnæ turbaret in infinitum usque.

Sol. Respondeo certum est Deum sæpe unum peccatum altero punire, ut cum ex ebrietate occidit ebrius hominem, iusto iudicio suo Deus punit ebrietatem, siquidem ebrietatis est causa homicidii, & homicidium est pœna ebrietatis, & tamen hoc non impedit quo minus ipsum homicidium sit veri insuper nominis peccatum. Ipse actus occisionis substractus peccat, homicidii, est à Deo, puniente ebrietatem, ipsa tamen deformitas quæ actu inhxeret, est veri nominis peccatum, in qua proprie peccati ratio consistit: potest ergo homicidium attendendo ad diversa & culpa esse & pœna. Porro falso dicitur universaliter loquendo culpam & pœnam.

Falso dicitur culpam & poenam esse incompatibilia. Nam primo certum est culpam unius posse esse poenam alterius, sic constupratio concubinarum Davidis, erat culpa Absalonis, eadem tamen constupratio erat poena Davidis, qui Uriæ uxorem adulterio polluerat, ut constat ex comminatione Dei per Nathanem Prophetam 2 Sam. 12. 11. Itaque hæc dicit Dominus, Ego, ecce, suscitabo super te malum de domo tua & tollam uxores tuas in oculis tuis, & dabo proximo tuo, & dormiet cum uxoribus tuis in oculis solis hujus. Tu enim fecisti abscondite: ego autem faciam verbum istud in conspectu omnis Israel, & in conspectu solis. Sic parricidium Adramelechi & Sharezeris cæde paterna manus suas funestantium poena erat justa Senacheribo. Non ergo culpa & poena sunt incompatibilia. Secundo certum est culpam posse esse poenam, non modo alterius, sed & ipsius peccantis. Sic culpa Achitophelis & Judæ violentas manus in seipsos inferentium, seseque suspendentium, recte dicuntur poenæ fuisse ipsorum sese suspendentium. Huc spectat illud Augustini. confels 1. 12. Jussisti Domine & sic est, ut omnis animus inordinatus poena sit sibi, & alibi justitia Dei non permittit, ut vel momento temporis existat dedecus peccati, sine decore vindictæ. Et certe vere dicere videamur, ut quemadmodum Aristot. dixit, virtutis actionem esse virtutis præmium, idque optimum Ethic. 1. 9. Sic vitii & peccati tanta est inormitas, ut non possit esse vir malus, non miser. Falso ergo dicitur culpam & poenam esse incompatibilia, cum ex justa Dei ordinatione plerumque sint concomitantia.

Sed nec rationes subjunctæ evincunt hanc incompatibilitatem, ubi aiunt primo poena est actus justitiæ, Culpa actus hominis & *adversus*.

Respondeo, ubi aiunt omnem poenam esse actum Dei dico falso hoc asseri, cum omnis poena non sit actus. Ipsa carentia originalis justitiæ debita in esse est poena, non tamen est carentia actus, sed habitus seu qualitas originalis justitiæ, privatum enim esse & manere Originali justitia quæ debuit inesse, est poena; & certe magna poena. Secundo, falso asseritur omnem culpam esse actum hominis. Non enim omnis culpa consistit in actu aut in omissione actus, dantur enim habitus vitiosi, verè cupabiles & vituperabiles, etiam in dormientibus & ab omni actu cessantibus; nec habitus acquisiti tantum sed & dispositiones & inclinationes vitiosæ in anima, & habitualis aversio à Deo atque in hisce est originale peccatum, quod & denotat habituales aversionem à Deo & perversam & pronam inclinationem ad omnimoda peccata. Sed neque omnis culpa dicenda est *adversus*, si per *adversus*, actuale in justitiæ intelligamus. Dico tertio, Sed neque in hisce poenis quæ sunt actus Dei, & culpis quæ sunt actus hominis, non adeo diversa sunt culpa & poena, ut prorsus sint incompatibilia. Diximus supra constuprationem concubinarum Davidis fuisse actum Absalonis, & quidem immane peccatum; & tamen eadem constupratio, qua actus, erat actus Dei & quidem poenalis Davidi, imo & ipsa deformitas actus, seu defectus, qui permissus à Deo & non impeditus per auxilium ejus efficax, erat poenalis Davidi per accidens, licet non qua defectus, tamen qua privatio boni convenientis naturæ, ut certe Gr. de Valentia in duodecima disputatione. 6. quæst. 17. puncto tertio. Ad id quod etiam supra asseruimus, eundem actum posse esse & culpam, & poenam ipsius peccantis, sic actus Judæ seipsum laqueo suspendentis, & culpa erat & poena Judæ peccanti, & qua culpa actus hominis, & qua poena actus Dei. Si autem Deus auctor sit peccati, ut actus est poenalis: quidni etiam possit esse Author actus facinorosi, prout actus est affligens creaturam, quam Deus affligi vult, non in poenam peccati, sed in alium finem, quomodo afflictio Christi servatoris per actus nefarios Judæ, Pontificum, Pilati, Judæorum, & militum Romanorum fiebat in mundi redemptionem. *vid. Tuis. in vindic. Perk. lib. 2. crim. 3. Sess. 16. p. 33.* Hæc de prima ratione.

Secunda Ratio, poena est involuntaria, culpa nisi sit voluntaria culpa esse non potest. Ergo culpa & poena sunt incompatibilia, cum voluntarium & involuntarium sint incompatibilia.

Sol. Respondeo primo non necessario exigi ut omnis poena sit involuntaria actu secundo, sufficit enim ut sit involuntaria actu primo, ut possit etiam in actu secundo esse involuntaria annotante G. de Valent. *Duodecima Disp. 6. q. 17.* satis enim est ut poena suapte natura adverfetur inclinationi hominis, & ut est quiddam homini in-

commo-

commodum, à Deo permissum sit, nam hac ratione, peccatum, qua privatio boni honesti, est grave quoddam damnum animæ & multo gravius quam privatio boni utilis aut jucundi. Et ad hoc sufficit si involuntarium sit actu primo.

Cum ergo omnis poena non sit involuntaria, ejusmodi poena ratione involuntarii non repugnat peccato voluntario; male ergo arcessitur incompatibilitas poenæ & culpæ ratione involuntarii & voluntarii.

2. certum est unum peccatum esse poenam damni respectu alterius; hæc enim non respicit involuntarium. Siquidem & dormientes, & Ignorantes & amentes & parvuli, cum poenam patientur, nihil de poena cogitantes, nihil sentientes, Est autem poena damni veri nominis poena. Et de hac poena loquuntur sæpe Scripturæ. Cum ergo omnis poena non sit involuntaria, ejusmodi poena ratione involuntarii non repugnat peccato voluntario, male ergo arcessitur incompatibilitas poenæ & culpæ ratione involuntarii & voluntarii. Sic Gentes veritatem Dei in injustitia detinentes justè puniuntur peccato Idolatriæ, docente Apostolo ad Roman. 1. & iidem Idololatriam patrantes justè puniuntur impuris libidinibus in poenam patratae Idolatriæ, quæ tamen poenæ erant ejusmodi quæ dolore aut cruciatu afficiebant sensibili peccantes quem involuntarie sustinebant patientes, sed poena damni & insensibilis, quam revera patiebantur Gentes propter peccatum Idolatriæ quod voluntarie committebant. Certum est Impuras libidines esse poenas Idolatriæ juxta Apostolum, non tamen sensibiles aut involuntarias; sed tamen poenas grave damnum animæ inferentes, absq; omni voluntatis resistentiâ, imo cum omni complacentia voluntatis, imo cum insatiabili desiderio explendi nefarias suas cupiditates, ut docet idem Apostolus, Ephes. 4. 19. Tertio, dico non solum poenam damni voluntarium & spontaneum esse posse, sed & poenam etiam sensus, minime necesse est ut sit omni modo involuntaria, siquidem potest quis interdum spontaneam poenam subire imo & seipsum sponte vere punire, unde & inter poenitentiarum salutaris actus recenset Apostolus *ἐκδίκησιν* qua quis de se ob peccatum admissum vindicias sumit, 2 Cor. 7. 11. Videmus hominem pium posse sese scienter & volenter punire, non ergo ratione involuntarii, & voluntarii, poena & culpa sunt incompatibilia.

4. Certum est unum peccatum secundum malitiam moralem posse esse poenam alterius, siquidem malitia moralis, simul esse potest voluntaria & involuntaria, ut annotavit Vasqu. in duodecima disputatione § n. 3. & qua involuntaria sufficit ad rationem poenæ, quoniam peccatum, qua peccatum, solum est voluntarium non directe, nemo enim respiciens ad malum operatur, potest igitur esse voluntarium non directe, & involuntarium expresse seu directe. Nam licet actus peccati qua delectabilis vel utilis est, moveat voluntatem directe, tamen idem actus qua inhonestus & malus malitia culpæ, non alicui voluntatem, ac proinde recte dicitur involuntarius ea ratione qua cum aliquis libidine ductus peccat, & videns poenam imminentem quam nolle sequi, nihilominus victus a libidine peccat. Addo ex eodem Vasquezeo, non solum posse contingere veram rationem poenæ cum voluntario non directo nec expresso circa malum, sed etiam quando ipsa malitia poenæ directe volita est ratione boni alicujus quod in ea consideratur: ut cum quis se exercet in operibus poenitentiarum, ut jejunio, vestitu viliori, quibus punire peccata sua directe cupit; ex dictis & Instantiis allatis satis patet; argumentum à differentia voluntarii & involuntarii petitum prorsus invalidum esse, ad probandum peccati & poenæ peccati incompatibilitatem, *vid. Tuisi. lib. 2. Crim. 3. S. 15, & 16. p. 31, 32, 33.*

Tertia Ratio. Armin. Cal. Perk. p. 170. peccatum est actio, poena est passio, ut eadem res non est actio & passio; ita nec eadem res peccatum & poena.

Sol. Respondeo, primo, quandoquidem hic agitur de originali peccato, dicendum est, non omne peccatum esse actionem, nam datur peccatum etiam habituale, quale est aversio habitualis, item prava concupiscentia, quæ per modum habitus animæ inhaerent.

2. Esto omne peccatum esse actionem qua opponitur passio, erit tamen actio immanens, modo de actu peccati elicito agatur, in quo proprie peccati ratio spectatur. Ex corde enim (dicente servatore) proficiscitur adulterium, homicidium, &c.

atque

atque actiones ejusmodi immanentes, sunt tam passionibus quam actionibus. Nam ut egrediuntur à voluntate sunt actiones, prout recipiuntur in voluntatem sunt passionibus. Certum enim est voluntatem (id quod de intellectu & sensu pariter dici potest) respectu omnis actus ipsius immanentis, tam patientem esse quam agentem.

3. Pœna peccati non infligitur semper peccanti, sed alteri sæpe. Omne autem ejusmodi peccatum, est actio peccantis, sed pœna alterius atque adeo non sunt *deusæra*.

4. Per pœnam redigitur peccatum in ordinem, per peccatum non redigitur peccatum in ordinem.

Sol. Respondeo primo hoc non vere dici de illis peccatis quibus pœnæ infliguntur aliis, nam per ejusmodi peccata rediguntur peccata aliorum in ordinem, sic per Abfolonis peccatum constuprantis concubinas Davidis patris redigitur in ordinem peccatum Davidis polluentis adulterio uxorem Uriæ.

2. Nec vere dicitur universaliter de aliis peccatis. Nam per actum peccato substratum, non modo alius aliquis, sed & ipse qui perpetrat peccatum reduci potest in ordinem. Cum ergo Deus potest esse author actus peccato substracti cum sit ens positivum, potest ergo efficere ut actus peccaminosus sit pœnalis peccanti, cumque in ordinem cogit. Vid. Tuiss. 2. Crim. 3. p. 34. pergunt. Et cum Deus in puniendo hominem in ordinem cogere intendat, ista punitione novam inordinationem voluntati hominis injiceret, & sua punitione sibi ipsi novæ pœnæ occasionem daret, atque ita rationem justitiæ & ordinem omnem pœnæ turbaret in infinitum, usq; Eadem ratio alibi proponitur hisce verbis apud Armin.

Respondeo ad artic. 31, Antic. vel p. 168. ubi ait, & hoc disquiri posse, An Deus propter innatum nobis peccatum Originale irascetur, quum id ipsum videretur in pœnam peccati actualis ab Adamo & à nobis in illo perpetrati, à Deo nobis infligendum esse: fore enim progressum infinitum; Si Deus propter peccatum actuale Adam iratus puniret nos illo originali peccato, & rursus propter illud nobis irascetur, & aliam pœnam infligeret, & simili de causa propter ipsam secundo infligendam pœnam tertio irascetur: succedentibus sibi mutuo & sæpe reatu & pœna sine interventu actualis peccati? Hæc ille.

Sol. Repondeo, cum dicitur, & cum Deus in puniendo hominem in ordinem cogere intendat, ista punitione novam inordinationem voluntati hominis injiceret, &c. Hæc invidiose & per calumniam dicuntur. Neque enim inordinationem dicimus, novam, Deum voluntati hominis aliquando injicere. Omnis siquidem inordinatio & injectio inordinationis, ab ipso homine deficiente, aut Dæmone tentante proficiscitur; nullatenus à Deo, nisi & permittente, & ad bonum inordinante hanc ipsam inordinationem. Siquidem Deus etiam malorum voluntatum justissimus est ordinator, ut recte Augustinus, de civitate Dei. lib. 11. c. 17.

Neque dicimus Deum hac sua punitione sibi novæ pœnæ occasionem dare, sed datum nostro vitio merito accipere, quamvis certum sit Deum juxta Scripturas sæpe unum peccatum altero punire, id quod Augustinus luculentissime demonstrat adversus Julian lib. 5. c. 3. Sic enim illi, *Annon est peccatum & pœna peccati, ubi legitur Esaiæ 19. Dominus miscuit illis spiritum erroris, & seduxerunt Egyptum in omnibus operibus suis, sicut seducitur ebrius? Non est & peccatum & pœna peccati, ubi Deo dicitur Prophetæ, quid errare fecisti nos Domine à via tua? Obtudisti corda nostra, ut non timeamus te? Nonne est peccatum & pœna peccati, ubi rursus Deo dicitur Esaiæ 63. Ecce tu iratus es & nos peccavimus, propterea erravimus, & facti sumus sicut immundi omnes? Non est peccatum & pœna peccati, ubi legitur de Gentibus, quas debellavit Iesus Nazareth. Josu. 11. quia per Dominum factum est confortari cor eorum, ut obviam irent ad bellum cum Israël, & exterminarent?* Hæc & multa alia exempla adducit idem Augustinus, ut ostendat peccatum consequens sæpe esse pœnam præcedentis peccati. Sed & Augustinus inquit in hac ipsa concupiscentia, quam nos peccatum originis esse pertendimus & quidem veri & proprii nominis, non *malaproximus* peccatum. *Sicut cecitas cordis, quam solus removet illuminator Deus, & peccatum est quo in Deum non creditur, & pœna peccati qua cor superbum digna animadversione puniuntur, & causa peccati cum mali aliquid sibi cordis errore, committitur, ita concupiscentia carnis, adversus* quam

quam bonus concupiscit Spiritus, & peccatum est quia inest illi inobedientia contra dominatum mentis; & poena peccati est, quia reddita est meritis inobedientis, & causa peccati est, defectione consentientis vel contagione nascentis.] hic disergetur dicitur concupiscentiam pravam non solum causam peccati & poenam peccati esse, sed & ipsum peccatum, & rationem subicit: quia est inobedientia contra dominatum mentis. Inobedientia autem contra dominatum mentis est inobedientia quoque & rebellio contra legem Dei. Hanc enim Dei legem mens divinitus sibi impressam & doctrina Dei confirmatam dominatu suo sequitur. Ut rectissima Barocus de peccato originali contra Pigli. p. 44. b. ut quicquid sit inobedientia contra dominatum mentis, sit etiam contra legem Dei inobedientia, ac proinde veri nominis non *καταρχή* peccatum. Quod dixit Augustinus de caritate mentis & concupiscentia prava, id pari jure, quid ni ego dixerim, de carentia originalis justitiae, nam & carentia originalis justitiae est & poena peccati, quia ob Adami peccatum merito infligebatur illi & ejus posteris quibus omnibus crevit in magnum incommodum, utpote, fatentibus adversariis, ineptos eos faciens ad vitam aeternam consequendam, aut ad redeundum in gratiam cum Deo, aut ad viam inveniendam, qua ad vitam, aut in gratiam cum Deo redeant: est & causa peccati, siquidem ubi aufertur justitia originalis, quae omnes animae vires in officiis suis continebat & in ordinem cogebat, necesse est ut eadem vires inordinate sint & laxatae, & ad munera sua obeunda prorsus ineptae. Justitiam (inquit Prosper) iniquitas depulit, humilitatem superbia detraxit, continentiam concupiscentia elisit, infidelitas rapuit fidem, captivitas abstulit libertatem; nec potuit illic ulla portio residere virtutum, quo tanta irruerat turba vitiorum. cont. Collat. c. 27. Et est peccatum, siquidem carentia illa habitualis in voluntate Adae & posterorum quae nascitur ex actuali aversione voluntatis Adae, vere in se vituperabilis erat, vere Deo exosa fuit, ac proinde iram Dei & damnationem merebatur.

Addunt, atque ita [Deus] rationem justitiae & ordinem omnem poenae turbaret in infinitum usque. Addunt alibi, & hoc disquiri posse an Deus propter innatum nobis peccatum Originale irasceretur, quum id ipsum videretur in poenam actualis peccati ab Adamo & a nobis in illo perpetrati, a Deo nobis inflictum esse: fore enim progressum in infinitum, si Deus, propter peccatum actuale Adami iratus puniret nos illo originali peccato, & rursus propter illud nobis irasceretur & aliam poenam infligeret, & simili de causa propter ipsam secundo inflictam poenam tertio irasceretur: succedentibus sibi mutuo, & saepe reatu & poena sine interventu actualis peccati] Hæc Armin. ad art. 31. articulo ultimo p. 168.

Sol. Respondeo, non dicimus omne peccatum esse poenam alterius sed quædam; atque inter ea esse originale peccatum quod transmittitur posteris per modum propagationis, sive statuatur esse carentia originalis justitiae, sive potius concupiscentia prava, seu naturæ nostræ depravatio, sive utraque, quod certissime asseritur, nam certe utraque concurrit ad complendam naturam originalis peccati originati (ut loquitur Schola) & utraque certissime dicitur in poenam inobedientiæ Adæ, nobis inflictam esse. Est Deus propter naturæ depravationem seu concupiscentiam pravam secundo nos puniat; at non necesse est, ut illa etiam poena sit peccatum quod novam poenam mereatur. Cum possit esse nuda & mera poena, puta, qualis est mors & damnatio æterna quæ, poenæ duntaxat sunt, non autem culpa, ut de progressu in infinitum succedentibus sibi mutuo reatu & poena motus inanis plane sit imaginarius. Porro, cum dicitur, si Deus, propter peccatum actuale Adami iratus, puniret nos illo originali peccato, & rursus propter illud nobis irasceretur, & aliam poenam infligeret, & simili de causa propter ipsam secundo inflictam poenam tertio irasceretur: succedentibus sibi mutuo, & saepe, reatu & poena sine interventu actualis peccati progressus esset in infinitum.

Sol. Respondeo, hanc imaginationem crebræ vicissitudinatis successione reatus & poenæ insistendo in solo originali peccato, sine interventu ullius actualis peccati, merum esse insomnium. Nos in Adamo peccavimus, teste Apostolo, ob hoc merito puniti sumus, carentia originalis justitiae in qua primitus conditi sumus, hinc naturæ nostræ depravatio & propensitas ad malum existit; propter quam merito in-

fixit

fixit Deus reatum mortis & æternæ damnationis, ex hac vero carentia & pronitate ad malum, ultra fluunt actualia peccata. Ipse Arminius Therfib. pub. 8. n. 13. *Causa ἀπορρηκτοῦ* [actualium peccatorum,] est propensio nostra originalis in id quod legi divinæ est contrarium, quam per carnalem generationem ex primis nostris parentibus contraximus. Idem Arminius Therfib. pr. 31. n. 10. arbitramur solam carentiam, ipsum peccatum originis esse, utpote quæ sola sufficit ad quævis peccata actualia committendum & producendum. Frustra ergo imaginantur progressum in infinitum sine interventu actualis peccati, cum certum sit nativam corruptionem causam esse immediatam & proximam peccatorum actualium. Ut enim nihil intercedit inter voluntatem & actum: ita nihil intercedit inter voluntatem depravatam, & actum pravam ab illa fluentem [vid. Tuis. lib. 2. crim. 3. sect. 18. p. 37] Ab impuro corde, tanquam fuit non profuit nisi quod impurum est. Ergo sicut fons est immediata causa inde fluentis aquæ, ita cor impurum est causa proxima & immediata fluentis ab eo imputitatis.

Addunt alibi aliam rationem contra Originale peccatum. [sic Borrens apud Arminium ad art. xxxi. aut 13 & 24.] ubi contendunt ob peccatum originale, neminem damnari à parvulis Gentilium, alioqui Deus (inquiunt) rigidius ageret cum istis parvulis, quam cum Dæmonibus, hi enim damnantur ob peccata quæ propria sua malitia commiserunt; illi non ob propria peccata, sed duntaxat ut considerati, alieno peccato Adami, ex imputatione divina, rei.

Corvin. cont. Tilenum. Si aliquos ob solum originale damnaret [Deus] peccato uteretur ad summam severitatem, longe enim rigidius cum talibus ageret quam cum Diabolis egerit; cum enim illi tantum sint relictæ in condemnatione propriâ suâ, personæque; culpa affectata isti: qui propter peccatum originis damnarentur, ob illam culpam damnarentur, quam attraxerint ex peccato alieno (i.) ob tale peccatum damnarentur, quod non in propriis personis commiserint, p. 392.

Sol. Respondeo. Primo, Ex Novatorum illorum sententia, in quibus sunt inter Romanens. Albert. Pighius & Amb. Catharinus, & inter Remonstrantes olim Corvinus contra Molin. & contra Tilen. p. 392. qui statuunt dari aliquod originale peccatum; nimirum originalem reatum etiam parvulis derivari ex imputatione peccati Adæ. Hoc, inquam, admissio argumentum æque militat in illos, æque in nos. Cum juxta hanc Hypothesin Diaboli non puniantur, nisi ob personale ipsorum peccatum quod propria sua malitia commiserunt, parvuli non nisi ob alienum peccatum iis imputatum. Vel igitur dicendum est iis, Adami peccatum iis imputatum non vere dici originale peccatum, vel si sic vere peccatum reum facit parvulum æternæ damnationis, cum stipendium peccati sit mors, sc. tum animæ tum corporis. Rom. 6. ult.

Sed quia contra arguere non est solvere

Secundo, Etiam si dicamus damnari nonnullos ob solum originale (quod Catholica Ecclesiæ judicio semper approbatum fuit) tamen non sequitur Deum absolute cum iis rigidius agere quam cum Diabolis, nam licet utrosque damnet, cum utriusque peccassent, quandoquidem rigor potius censendus est ex gradu pœnæ, quam ex alia circumstantia. Verum est, Angelos Apostatos culpam admisisse, voluntate propria, quam ipsi in personis suis vitasse potuissent. Infantes peccasse in Adamo cujus tamen pars fuerunt, & in cujus lumbis erant: ita tamen ut voluntates eorum infectæ fuerint & tabificatæ occulta labe carnalis concupiscentiæ, ut habet Augustinus, quâ tabificavit in se omnes de stripe sua venientes, de peccat. merit. & remis. lib. 1. c. 9. & cont. Juliani lib. 5. c. 9. quæ labe & vitiositas (ut supra diximus) cum ab Adami peccato voluntario processerit quando omnes ille unus homo fuerunt, ut loquitur Augustinus, de peccat. merit. & remis. lib. 4. c. 10.

Non est dicenda plane involuntaria cum voluntaria fuerit

Partim voluntate Adæ generantis,
Partim ipsius infantis voluntate inclinatione,
& habitu, quo in leunculo est rabies inclinatione, sic vitiato infligit,

Est au-

Est autem hæc vitiosa inclinatio in parvuli voluntate verè Deo exola, eumque vere obnoxium reddit iræ divinæ, Quod si levissimam damnationem Deus parvulo, puta millesimam partem pœnæ, quam malis Angelis infligit, quis merito incusare possit Deum summi erga parvulos rigoris, hoc solum nomine, quod illum voluntarie in sua persona actu peccarint, parvuli solum in voluntate Adæ, actu in seipsos duntaxat inclinatione & habitu, nisi infantem qui minori peccato tenetur, pari aut graviore supplicio afficiat quam Diabolo. At nos dicimus, ingens discrimen esse in modo, & gradu pœnæ inflictæ; cum infantes (ut recte Augustinus) erunt in damnatione omnium mitissima, Demones in damnatione longe gravissima & acerbissima.

CAP. XIX.

Resumpto (post vacationem) priori argumento, factaque de rei difficultate simul & necessitate præfatione, occurritur argumentis in sententiæ hætenus stabilitæ contrarium allatis ab Authore libelli cui titulus Dei amor erga Genus humanum.

Adhuc hæremus in explicatione & demonstratione Art. 9. nostræ confess. qui est de peccato originis. Si quis forsitan existimet nos diotius quam par esset, in hoc articulo hæsisse, perpendat velim secum quid D. Augustinus hujus dogmatis si qui alius ex antiquis, solertissimus & strenuissimus assentor, tum de difficultate tum de necessitate hujus articuli traderit.

De difficultate, sic ille lib. de moribus Ecclesiæ Cathol. cap. 22. Homini inter omnia, quæ in hac vita, corpus hominis gravissimum vinculum est iustissimis Dei legibus propter antiquum peccatum, quo nihil est ad prædicandum notius, nihil ad intelligendum secretius. Antiquum peccatum appellant illud cum quo unusquisque nascitur, Originale sc. quo nihil ait ad prædicandum notius, consulamus scripturas quæ statum fælicissimum Adami integri describant, sed miserum lapsi. Si etiam effectus illius peccati in homine lapsò notissima inspicimus, quæ ipsi philosophi animadverserunt licet ipsorum causam ignorarunt; sic enim Augustinus lib. 4. c. 12. cont. Julian. ex Cicerone lib. 3. de Repub. Idem Tullius hominem, dicit, non ut a matre, sed ut a noverca natura editum in vitam, corpore & nudo & fragili & infirmo: animo autem anxio ad molestias, humili ad timores, molli ad labores, promo ad libidinem; in quo tamen inesset, tanquam obrutus quidam divinus ignis ingenii & mentis. Quid ad hæc dicis [inquit August.] compellans Julianum. Non hoc author iste male viventium moribus dixit effectum, sed naturam potius accusavit. Rem vidit, causam nescivit. Latebat enim eum, cur esset grave jugum super filios Adam à die exitus de ventre matris eorum usque in diem sepulturæ in matrem omnium: quia, sacris literis non eruditus, ignorabat originale peccatum. Hæc Augustin. contra Julianum 4. c. 12. Sed & Augustinus, ubi dixit supra, nihil ad prædicandum notius, subiungit eisdem, nihil ad intelligendum secretius, ubi tacite monet de hujus articuli difficultate. Sed non quia in hoc articulo aliquid forsitan obscurum est, ideo negandum id quod manifestum est, ut alicubi etiam Augustinus cum ejusmodi difficultates in aliis fundatissimis Ecclesiæ dogmatibus reperiantur in persona Christi Salvatoris, asserenda; ex una parte erravit Photinus Christum Judæi & Samaritanæ pronuntiando; ex altera parte Apollinaris Christi perfectæ humanitatis proprietatem auferendo. In articulo Trinitatis erravit Photinus, non accipiendo plenitudinem Trinitatis: erravit Nestorius quaternitatem introducens, & tamen Ecclesiæ Christi hosce errores & eorundem patronos anathematizavit, narrant

rante V. Lecinonf. in commonitor: c. 23. non obstante horum articulorum difficultate, & utrinque in errorem proclivitate. Pelagiani impie extollebant lib. arbitrium: Manichæi lib. arbitrium impie sustulerunt. Utrinque difficultates, utrinque hic proclive erat errare; & tamen Ecclesia Catholica, non obstantibus hisce difficultatibus & proclivitate errandi utrinque, utrumque dogma merito damnavit. Iidem pelagiani sic lib. arbitrium prædicabant, ut gratiam Christi veri nominis, negare & auferre conati sint; Alii, & Valentinus & alii Monachi Adrumetini, sic gratiam Christi defendebant, ut hac positâ negare existimarent lib. arbitrium, teste Augustino, initio lib. de gratia & lib. arbitrio, utrinque hic sese difficultates obtulerunt, utrinque hic proclive erat deviare; & tamen contra utrosque intrepide scripsit Augustinus, contra illos lib. de Gratia Christi, contra Pelagium & Cœlestium: contra hos in lib. de Gratia & lib. arbitrio, & in lib. de Corruptione & Gratia.

Idem esto indicium de hoc articulo, qui est de Originali peccato. Licet enim nonnulla dubia occurrant apud Theologos de formali ratione hujus peccati, & modo communicationis ab Adamo ad posteros; tamen nihil certius quam dari originale peccatum, in quo quisque ab Adamo oriundus parvulus, & conceptus & natus est. Id quod Propheta David de seipso ingenue in seriis ad Deum confessionibus fassus est, ecce in iniquitate conceptus sum, & in peccato fovit me mater mea. Hinc patres Milevitani Cant. 2. placuit ut quicumque parvulos recentes ab uteris matrum baptizandos negat, aut dicit in remissionem quidem peccatorum eos baptizari, sed nihil ex Adam trahere Originali peccato quod regenerationis Lavacro expietur, unde fit consequens ut in iis forma baptismatis, in remissionem peccatorum non vera sed falsa intelligatur; Anathema sit. Hic Anathemate percutiant patres Milevitani eos. (i.e.) quicumque negant translationem Originalis peccati ab Adamo in parvulos, aut in iis efficaciam baptismi, in ablundo hoc peccato. Hinc Fulgentius lib. de fide ad Diaconum. c. 26. firmissime tenes & nullatenus dubites, omnem hominem qui per concubitus viri & mulieris concipitur, cum peccato originali nasci, impietati subditum, mortique subiectum, & hac natura filium iræ nasci.]

Sed & Augustinus non solum, non obstantibus in hoc articulo difficultatibus, & dubiis, certitudinem ejus indubitatam validissime asseruit sed & ejusdem articuli necessitatem. Quisquis (inquit) humanam contendit in qualibet ætate naturam, non indigere medico, secundum Adam, quia non est vitata in primo Adam, non in aliqua quaestione in qua dubitari vel errare salva fide potest, sed in ipsa regula fidei qua Christiani sumus, gratiæ Dei convincitur inimicus] lib. de peccato Originali. c. 29. & epist. 157. ad Optatum. *Nemini nasci ex Adam nisi vinculo delicti & damnationis obstrictum, neminemque inde liberari nisi renascendo per Christum, tam inconcussa tenere debemus, ut sciamus qui hoc negaverit, nullo modo ad Christi fidem, & ad eam qua datur pucillis & magnis Dei gratiam pertinere*] Hinc Carthagin. patres concil. Carth. 111. cui intertuerunt 217. ducentum & septendecim Episcop. can. 110. hoc ipsum dogma ad regulam fidei pertinere, affirmare non dubitant. Unde & Augustinus. *In causa (inquit) duorum hominum, Adæ sc. & Christi, quorum per alterum venundati sumus sub peccato, per alterum redimimur a peccatis, proprie fides Christiana consistit de peccat. Origin. c. 24.] & recte fides hujus dogmatis, quod datur Originale peccatum, & omnis homo qui ordinaria generatione concipitur nascatur obnoxius, adeo creditur necessaria est, ut fides incarnationis & gratiæ Christi, huic potissimum fundamento nitatur, ut sæpe docet Augustinus, & juxta eum liber homiliarum publica auctoritate editus, Homil. de Nativ. Dom. & Homil. de morte & pass. Salvatoris, Ubi horum articulorum mutuam dependentiam optime, tum explicat, tum demonstrat. Ideo enim, docente Homilia, verbum caro factum est, & in ea pati voluit, & humanum genus a servitute peccati in quam prævaricatione primi hominis conjectum est, liberaret; unde & Ecclesia Dei & eisdem est experta olim utriusque Dogmatis oppungatores, viz. Pelagianos, qui cum peccatum originale impugnare aggressi sunt, una eademque opera, gratiam Christi evacuare conati sunt. Id quod verissime dicitur de novis Pelagianis, in quibus sunt Remonstrantes qui examen censuræ scripserunt, & ejusdem examinis Apologiam, quæ intitulatur, Resp. ad specimen. Isti audacter statuunt omnes qui nascuntur*

nascatur parvuli, nullius peccati reos nasci, nec primum peccatum Adami sic imputari posteris a Deo, quasi reuera ii ejusdem cum Adamo peccati, & culpæ quam Adamus commiserat esse rei; nec per privationem justitiæ originalis, relictum esse in unoquoque Adami filio ante proprium suum actum aliquod veri nominis peccatum, unde concupiscentiam pravam pro malo, infirmitate & vicio habent cum Jesuitis ex conditione materiæ orto, sed nullo modo capabili, aut veri reatus inducivo. Addunt se peccatum originale non habere pro peccato proprie dicto, quod Adami posteros odio dignos faciat. Imo nec malum culpæ esse nec malum poenæ proprie dictæ. Et in Resp. ad specimen septimum non vetentur affirmare peccatum, & originale, esse repugnantia, & manifesto continere in adjecto contradictionem. Ubi plane *πελάγιανισμός*. Et in castris Pelagianorum sese commilitores esse apertissime produnt. Idem non minus enervant Gratiam Christi, dum non aliam gratiam Christi agnoscant quam illam quam agnovit etiam & pelagius, Gratiam sc. illuminantem, excitantem, invitantem & suavioriam; seu, ut loquitur Pelagius gratiam suscitantem stupentem voluntatem, & suadentem omne quod bonum est: Gratiam quæ communicatur tam non convertenti, quam convertenti; tam resistenti quam non resistenti quæ post omnes suas in voluntatem operationes, voluntatem indeterminatam relinquit. Hinc est quod auxilium illud gratiæ esse negent quod vi sua determinat voluntatem. Auxilium (inquiunt) determinans voluntatem oppositum dicit in opposito, & determinatio voluntatis est destructio libertatis. Cum antiqua concilia coacta contra Pelagium, non aliam gratiam agnoscant, quam quæ insistentem & invictæ præstat, ut quod faciendum esse cognoverimus, re ipsa facere diligamus & faciamus quæ invictæ & efficaciter dat, non solum scientiam mandatorum sed & charitatem, quæ ædificant, ut loquuntur patres 24. in synodo Carthaginiensi: Gratia ergo Christi, ex horum sententia, non monitrix duntaxat est, aut invitatrix & suavioria, cui sæpe resistitur, sed quæ semper efficax est, omnem resistentiam superans.

Augustinus scripsit lib. de Gratia Christi in quo libro dare docet illam pro Gratia Christi non habendam esse quæ non sit efficax. cap. 10. ubi meminit acceptionis gratiæ, quam solum agnoscent Pelagiani illuminantis, sc. excitantis & suavioriæ, subjungit. *Sed nos eam gratiam nolumus. Illam aliquando fateatur, quæ futura gloria magnitudo non solum promittitur, veram etiam creditur & speratur; nec solum revelatur sapientia verum etiam & amatur, nec suadetur solum omne quod bonum est, verum etiam persuadetur, & paulo post. Hanc debet Pelagius gratiam confiteri, si vult non solum vocari, verum etiam esse, Christianus.*

Et cap. 13. *Qui novis, quid fieri debeat, & non facit, nondum à Deo didicit secundum gratiam, sed secundum legem, non secundum spiritum, sed secundum litteram.* Ergo juxta Augustinum soli illi qui faciunt, quod fieri debeat didicerunt secundum gratiam & secundum spiritum.

Ex mox eodem capite. Eadem gratia facit ut non formidine poenæ serviliter cogar esse sub lege, sed libera charitate delecter esse cum lege; præceptum quippe liberè facit, qui liberis facit. Et hoc modo quisquis discit, agit omnino quicquid agendum didicerit: Gratia igitur facit ut invictæ agimus, & ut agamus libere. Mitto alia loca plurima eodem tractatu.

Ex dictis facile est colligere novos Pelagianos Remonstrantes non minus oppugnatores esse, Dogmatum articulorum de peccato originali, & Gratia Christi, quam veteres Pelagianos simul etiam ex Augustino ostendimus, articuli de originali peccato, tum difficultatem, tum necessitatem. Ac proinde non debere mirari quenquam aut vitio vertere, quod adhuc hæreamus in hujus articuli explicatione & demonstratione.

Nos juxta verum sensum hujus articuli 9. de peccato Originali ostendimus.

1. Primum peccatum Adæ fuisse inobedientiam, in esu pomi vetiti.
2. Demonstravimus ex hoc primo peccato } 1. Carentiam orig. justitiæ.
exuisse in Adamo cum } 2. De ordinationem virium æ-

3. Ostendimus utrumque horum sc. & privationem originalis iustitiæ, & deordinationem dictam virium animæ, in Adamo fuisse veri nominis peccata.

4. Insuper ostendimus, peccatum dictum Adæ actuale merito communicari posteris omnibus per modum imputationis.

5. Ostendimus etiam privationem seu carentiam Originalis iustitiæ, in posteros omnes Adæ transisse per modum propagationis.

6. Ostendimus privationem dictam posteris prolatam, esse veri nominis peccatum, etiam in Parvulis. Ubi etiam occurrimus pluribus etiam objectionibus Remonstr. quibus veritas huius peccati impugnatur.

Item ordo postulat ut primo *de* & deordinationem virium animæ, qua existit in Adamo post lapsum & secuta est in anima ejus, dictam privationem Originalis iustitiæ posteris communicatam fuisse per modum etiam propagationis: Et non solum primam Adæ inobedientiam per modum imputationis. 2. ut ostendamus hanc deordinationem virium (de qua agit articulus nonus) in posteris Adæ, veri nominis esse peccatum.

Hæc inquam proximo in loco peragenda erant, sed quia in fine superioris anni in objectionibus solvendis quæ a novis dogmatibus afferri solent aliquandiu à nobis elaboratum est antequam progrediemur in persequendo ordine à nobis proposito; visum est in antecessum novis occurrere objectionibus, quæ ex eo tempore nobis sese offerunt, prodiit non ita pridem clanculum liber quem Author intitulavit. Amor Dei erga genus humanum: qui acriter contendit ex concessis sublapfariis, satis evidenter inferri, omnium peccatorum, hominum reprobos (quæ sunt maxima (inquit) pars hominum) Deum esse verum & principalem Authorem, Audax assertum, vel verius impudens calumnia. Huic calumniæ merito primo in loco occurrendum censuimus, eo quod eo in loco non obscure prodiit author se cum novis dogmatistis Remonstr. de originali peccato minus recte sentire, quod non uno in loco prodiit, sed sæpius Nos iis objectionibus occurrere censuimus, quæ veritatem Originalis peccati impugnare videantur, non aliis. Hanc suam conclusionem vult inferri ex duabus hypothesibus seu datis Theologorum quorundam qui hætenus pro Orthodoxis habiti sunt conjunctim sumptis.

Harum prima est Deum ex libera sua voluntate Homines in illum statum adduxisse, in quo peccatum vitare non possunt.

Secunda, Deum reliquisse reprobos in eo statu irrecuperabiliter.

Primum Hypothesin, ex eo deducit Author juxta hosce Theologos (inquit) Deus homines adduxit in statum Originalis peccati.

Quod duabus partibus consistit } 1. Ex reatu primæ transgressionis,
2. Ex corruptione naturæ.

Harum utriusque participes fieri dicit omnes homines ex horum Theologorum sententia non vi generationis & propagationis ex Adamo ut capite, sed ex Dei voluntaria constitutione & imputatione. Hoc probat ex Calvin. & Tuiss. & D. Bernardo.

Sol. Respondeo primo certum esse ex Dei libera ordinatione factum esse primo ut reatus primæ transgressionis posteris Adæ omnibus illo cadente imputaretur, quomodo ex eadem ordinatione constitutum est ut si ille prout potuit & debuit *in* innocentia, in qua primitus condebatur abstinendo a fructu prohibito; omnes ejusdem ejus posteris in eadem innocentia persisterent. 2. Ex eadem Dei libera constitutione profectum est, quod Adami corruptio, quam ex lapsu, suo demerito contraxit, posteris per modum propagationis traduceretur ea sc. constitutione, qua Deus ceteros omnes homines ab Adamo per modum generationis propagari voluit, seu ut loquitur Paulus A& 17. at ex uno sanguine omne genus humanum condidit, seu condi voluit. Quid enim, Annon potuisset Omnipotens Deus omnes homines & Igto terræ finxisse, quomodo & Adamum finxit, eosque aut simul condidisse, quomodo & angelos omnes simul condidit aut successive per creatio-

creationem mediatam condidisse, & ita succederent, eo modo quo hodie succedunt per seminalem propagationem. Non dubium est quin haec omnia à libera Dei constitutione profecta fuerint, cum sint opera ad extra, ut loquitur Theologi, omnia autem opera ad extra sunt liberae voluntatis, juxta omnes Theologos. Respondeo secundo falli authorem, vid. Twiss. part. 1. digress. 4. c. 3. p. 39. b. cum conclusionem inferre voluit ex duabus hypothesebus praemissis conjunctim sumptis, cum prima harum quam pro concessio sumit, omnino falsa sit & Theologis dictis male imponatur: ubi enim Theologi isti dicunt, Deum, ex mera voluntate, adduxisse hominem in statu originalis peccati. Nam certum est ex communi Theologorum sententia in scripturis fundata, primum hominem in statu originalis justitiae à Deo conditum fuisse in quo omne peccatum facillime vitasse potuit. 2. falso imponitur dictis Theologis Deum ex horum sententia hominem adduxisse in statum Originalis peccati, sive in reatu primae transgressionis, sive in statum corruptionis naturae: Non enim Deus sed primus homo ex voluntaria pravicatione attraxit in se reatum primae transgressionis, & naturae corruptionem, juxta dictos Theologos. Nam juxta hosce, etsi ex Dei ordinatione non naturaliter factum fuerit, ut si Adamus peccaret in comedendo pomo vetito; reatus hujus peccati omnibus posteris per modum imputationis communicaretur, tamen haec Dei ordinatio non fuit causa aut peccati primi, aut reatus Adami, aut communicationis reatus posteris: Sed libera pravicatio Adae in comedendo pomo vetito, Nam stante hac ordinatione, homo, prout debuit, potuit stetisse in statu innocentiae in quo primitus conditus est, quomodo steterunt boni Angeli de facto in statu illo innocentiae in quo conditi sunt, primo tot praesidiis tum naturae tum gratiae munitus est, ut facillime stetisse potuit, facillime omnes tentationes superasse, facillime omne peccatum vitasse. At licet transgressio Adae liberrima fuit; & facillime evitabilis, tamen reatus ipsius Adae, & communicatio reatus posteris inevitabiliter secuta sunt, posita hac libera & evitabili transgressione, idque ex dicta ordinatione divina.

Lex & ordinatio Divina conditionalis.
Aliud ergo est } Sequela hujus ordinationis, interveniente hominis
 } primi libera transgressione,

Lex seu ordinatio divina lata Adae haec fuit. Si tu quem ego in statu innocentiae condo, & esut humani generis constituo, & sufficientibus & necessariis omnibus naturae & gratiae instruxi praesidiis, in tua innocentia permaneris, abstinendo à pomo vetito, etiam in eodem innocentiae statu, tu & omnes posteris tui permanebitis. Sin non permaneris, sed praecceptum de non comedendo transgressus fueris, tu reus eris hujus peccati, & omnes posteris tui, quin & natura tua corrupta erit & omnium posterorum tuorum, per modum propagationis, Haec Dei ordinatio iusta erat, & summa aequitate nitetur [vid. sup.]

Sequela erit ut posita hominis libera transgressione, non ipse solum sed & posteris omnes rei essent hujus transgressionis. Haec Dei veritate nitetur, alioquin enim Deus in minis non esset verax. In illo die quo comederis ex ea morte morieris, Genes. 3. Ex dictis constare potest falso imponi Theologis dictis illud primum, Deum ex libera sua voluntate, homines in illum statum adduxisse in quo peccatum vitare non possunt.

Sed pergit author, ait hoc optima ratione niti. Nam si incidimus (inquit) in reatum primae transgressionis, & corruptionem naturae, ex eo duntaxat quod in Adami lumbis eramus cum peccavimus, & ab eo originem habuimus, tum (inquit) secundo sequentur.

1. Nos reos teneri omnium peccatorum quia Adamus commisit à lapsu primo usque ad mortem.

2. Omnes parvulos reos fieri peccatorum omnium progenitorum, praesertim parentum immediatorum.

Sol. Respondeo, Haec ratio tota nititur non concessis, imo mera calumnia. Ipsi enim Theologi quos hic impugnatur author, diserte assentiunt p. 53. praecedente.

nos incidisse in reatum primæ transgressionis, & naturæ corruptionem non ex eo duntaxat, quod in Adami lumbis eramus cum peccavit, & ab eo nostram essentiam derivamus, seclusa supra dicta Dei lib. ordinatione, sed aperte docent hoc totum proficisci ex libera constitutione & lege, quam Deus tulit Adamo, ut sistaret in ordinali iustitia, omnes itidem posterius cum eo starent; sin caderet, omnes itidem rei essent hujus casus, & tota etiam humana natura cum eo corrumpetur: falso ergo istis Theologicis tribuitur, nos in reatum primæ transgressionis & naturæ corruptionem incidisse, ex eo duntaxat quod in Adami lumbis eramus cum peccavit, & ab eo nostram essentiam derivamus, ac si vi naturalis duntaxat generationis, seclusa dicta libera ordinatione Dei, hæc omnia peragerentur. Cum narrante Authore pag. præcedente isti Theologi plane contrarium afferant. Hoc totum fieri supposita libera constitutione Dei, non vi naturalis duntaxat generationis ut hic istis imponit Author. Non mirum ergo si corruant 2. confectaria quæ nituntur tam male fundatis præmissis, quarum prima est, Deum ex libera sua voluntate, Homines in illum statum adduxisse in quo peccatum vitare non possunt (i.) in statum originalis peccati, quam falsum esse & calumniam esse prius ostendimus.

2. Præmissa est, Deum immutabiliter decrevisse relinquere maximam partem humani generis, (i.) omnes reprobos in eo statu irrecuperabiliter, (i.) in statu reatus primæ transgressionis, & corruptionis naturæ, absque necessario & sufficienti auxilio ad resurgendum ex hoc statu.

Sol. Respondeo primo, Deum non reliquisse omnes reprobos in statu originalis peccati irrecuperabiliter. Nam cum omnibus reprobis fœdus novum meruit Christus ineundem cum toto genere humano, ut sub conditione resipiscentiæ & fidei, omnes Deo reconciliantur, & cum eo in favorem redeant. 2. multis reprobis qui in Ecclesia nascuntur, & salutari aqua baptismatis in infantia abluuntur, Originale peccatum remittitur, qui tamen postea in gravia peccata libere incident, in iisque perseverant ad exitum hujus vitæ; atque ita in æternum ob ista peccata damnantur.

3. Iis reprobis quibus in infantia originale peccatum post baptismum remittitur & in sinu Ecclesiæ degunt, & Evangelium audiunt, ea salus offertur, & ea est administratio gratiæ per præconium Evangelii, quæ sufficit ad convincendos omnes impenitentes & incredulos, quod sua culpa voluntaria, & vel neglectu vel contemptu Evangelii perierint, & oblatam salutem amiserint. De hisce neminem dubium esse potest quin ipso testimonio eorum conscientiarum coarguantur, aut contemptus lucis oblata, aut saltem culpabilis neglectus. Isti reprobi non recte dicuntur relinqui à Deo absque auxilio sufficienti quo à peccato resurgere possunt, & converti, cum merito rei sunt incredulitatis & impenitentia. De hisce Servator, Joan. 15. 22. Si non venissem & locutus essem iis, peccatum [sc. incredulitatis] non haberent, nunc autem prætextum aut excusationem de peccato suo non habent, & Joan. 3. 19. Hæc est condemnatio quod lux venit in mundum, & deleverunt homines tenebras potius, quam lucem, quia sunt eorum mala opera. De hisce reprobis recte non dicitur, Deum immutabiliter decrevisse eos relinquere irrecuperabiliter in statu reatus primæ transgressionis, & corruptionis naturæ, aut absque sufficienti auxilio ad resurgendum ex statu peccati. Pessime ergo Author iste pag. 56. Decreto reprobationis negari omnibus reprobis gratiam sufficientem & necessariam, aut ad resurgendum à peccato, aut ad vitandum peccatum, aut ex sententia nostrorum Theologorum, & nominatim meminit Britannorum Theologorum in suffragio quod exhibuerant Synodi Dordracenæ. At si penitus, & non oscitantur locum inspersisset quem allegat. Ex artic. de Reprobatione Thes. 1. plane omnibus constare possit illos non omnem gratiam reprobis denegare, nec sufficientem, aut necessariam, sed solam efficacem gratiam, quæ electis præparatur, sic enim habent eorum verba in explicatione Thes. 1. Reprobationis actus proprius quæ electioni opponitur, non alios esse putamus, quam negationem ejusdem gloriæ, ejusdemque gratiæ, quæ in electione filijs Dei præparatur. Præparatur autem illis in decreto electionis gloria & gratia efficax; & ea intentione ut sit efficax, (i.e.) ut ad dictam gloriam per solam gratiam infallibiliter perveniat.

Huiusmodi gratiam & gloriam (inquit) reprobatis preparari negamus.] Hæc illi, ubi non negant aut sufficientem aut necessariam gratiam negari reprobis, sed solummodo efficacem quæ certo producit ad gloriam. Et certum est Angelis reprobis, (id quod Author iste inficiari non audet) non negatam fuisse aliquem necessariam aut sufficientem gratiam quæ in veritate & innocentia in qua condebantur perseverasse potuissent, tantummodo illis non collata est illa efficax gratia quæ Angelis electis conferebatur. Male ergo impingit nostris dictis Author quod vi decreti reprobationis omnibus reprobis negatur gratia sufficiens ad vitandum peccatum novum.

Sed & quarto respondeo, certum est tempore V. Testamenti per 400 mille annos Deum dimisisse omnes Gentes, quæ tum temporis longe maxima pars erat humani generis in suis ipsarum viis incedere, ut ait Apost. Act. 14. 16. nondum intergerini parietis sepro sublato & soluto, unde in V. Testam. ubique dicuntur gentiles, vincti, desolati, tenebris immorsi, Deo incogniti, Dei ignari, Deum non querentes, non cognoscentes, non interrogantes, non cognoscentes, non invocantes, Dei non populus, non dilecti, sine misericordia, filii iræ, peccatis immortui, à fœdere Dei alieni, hospites, peregrini, sine Christo, sine Deo. Hæc fuit conditio, hic status, Ephesiorum, Philippensium, Colossensium, ante vocationem: & omnium progenitorum suorum tempore V. Testamenti. Si hæc conditio Gentium fuit, hic status, proculdubio non datum est iis auxilium necessarium & sufficiens ad resurgendum ex statu peccati, qui de Christo Salvatore, de Gratia Christi, de Evangelio, de sacramentis, de mediis salutis nihil audierunt. Si autem de facto nihil de hisce audierunt; Decrevit Deus ante omne tempus eos in hoc statu relinquere. Idem prorsus dicendum est de silvestribus Americanis & Indis Orientalibus & reliquis Paganis & Idololatriis Hodiernis, de Mahumitanis etiam qui simul sumpti Christianis longe numerosiores sunt, utpote quos quinquies excedunt supputante Doctissimo Brewooddo. De iis merito pronunciare possumus quomodo olim Apostulus de irrogenitis Ephesiis, eos esse absque Christo, extraneos, à pactis promissionis, spem non habentes, Dei expertes in mundo. Si tales jam sunt isti, proculdubio Deus ab æterno decrevit ut in tali statu essent. Dicat ergo Author, an ejusmodi hominibus detur auxilium necessarium & sufficiens ad resurgendum à peccatis & justificationem acquirendam.

5. Resp. Certum esse hosce omnes homines etsi relinquantur in statu reatus primæ transgressionis & corruptionis naturæ absque auxilio sufficienti & necessario ad resurgendum à peccatis, tamen hinc non inferitur bellum sanctitati Dei, vel Deum esse causam peccati horum omnium, ut contendit Author. Nam quod ad adultos, reprobos attinet, qui extra Ecclesiam septum degunt, certum est eos sua sola insita malitia perire non peccantes in Evangelium sed contra legem in cordibus inscriptam, quod non instituant vitam conformiter ad legem naturalem quam habent in cordibus inscriptam. Sic Apostolus, *Quicumque sine lege (Scripta sc.) peccarunt, sine lege (illa) peribunt.* Rom. 2. 12. Ex lege enim scripta in cordibus ipsorum testimonium reddit eorum conscientia, unde ipsis suis cogitationibus, aut propter mala facta accusantur aut propter bona excusantur. Apostolus de Philosophis Gentibus agens, ad Rom. ait eos veritatem Dei in iustitia detinuisse, quatenus veram quam de Deo assecuti sunt noticiam per injustitiam (i.e.) pravitatem voluntatis insitam, supprimebant, & velut captivam apud se detinebant, vel non communicando cum aliis, vel ad opera pietatis & honestatis exercenda non accommodando; & adversus omnes eos ibidem pronunciat Apostolus palam esse iram Dei adversus horum hominum impietatem & injustitiam. Et vers. 30. ostendit Apostolus ex mundi creatione, in creaturis Dei sempiternitatem, potentiam, & divinitatem illis perspectam iri, atque hinc eos inexcusabiles fieri, quia cum Deum cognovissent, non tamen eum ut Deum glorificaverunt, vel condignas Deo gratias egerunt. Hæc fuerunt peccata Philosophorum & aliorum Gentilium. Nemo tamen recte dicere potest Deum fuisse causam horum peccatorum, sed Philosophos & alios Gentiles qui libere hæc peccata patrarunt, quæ patrarunt atque ita libere, ut ea non patrassent potuerunt si voluissent. Hæc peccata Deo ascribere, eo quod eos gra-

tia sufficienti non instruxit qua ea vitasse potuerunt, est temerarium assertum cum viribus naturæ ab hisce patrandis abstinere potuissent quoad actus substantiam. Apostolus enim hocce reos peragit quod non fecerunt quod facere potuissent viribus in natura relictis, & quod non abstinere ab iis peccatis a quibus abstinere potuissent, absque omni supernaturali auxilio, viribus in natura adhuc superstitibus; viribus enim naturæ homo potest abstinere ab hoc vel illo peccato quoad actus substantiam nulla urgente tentatione, potest enim pro libertate sua non agere & actum suspendere.

Neque enim ejusmodi necessitas incumbit homini lapsio ut necessario semper agat [necessitate sc. naturali determinante ita ad agendum ut actionem suspendere nequeat;] quando enim agit, non ita agit, ut ab agendo cessare non potest; perditissimus enim quisque non necessitatur ad agendum simpliciter: potest enim pro libertate innata non agere, etiam tum cum male agit, licet quandoque agit actus ejus sit inevitabiliter malus.

Sed neque Deus Author dici potest originalis peccati in parvulis reprobis Paganorum, qui absque auxilio sufficienti & necessario ad resurgendum à peccatis relinquuntur. Nam licet Deus legem tulerat conditionalem per modum pacti cum Adamo, & si ille præceptum de abstinendo à pomo vetito prævaricando, peccaret, illius peccatum omnibus posteris per modum imputationis communicaretur; & itidem carentia justitiæ originalis, & deordinatio virium animæ hoc primo peccato contracta, posteris per modum propagationis transmitteretur, tamen vera & propria causa tum imputationis actualis peccati Adæ parvulis; tum transmissionis contracti inherens peccati, fuit sola & unica transgressio libera & voluntaria Adami in comedendo pomo vetito, non dicta Dei ordinatio, quæ justa, æqua, & sancta fuit: stante enim hac ordinatione, homo, prout debuit, potuit stetisse in statu innocentie in quo primitus conditus fuit, quomodo de facto steterunt boni Angeli in statu illo in quo conditi sunt, ut supra dictum est. Pessime ergo asseritur Deum esse Authorem Originalis peccati transmissi in parvulis, cum certum sit Adami liberam transgressionem quam facillime vitasse potuit, in violando pacto cum Deo inito, hujus originalis peccati transmissi in parvulos veram causam fuisse.

Dices Deum fuisse causam peccatorum omnium, reproborum, sive adolorum sive parvulorum, saltem eorum quibus auxilia sufficientia non contulerit ad resurgendum à peccatis, id quod duplici ratione stabilire contendit dictus Author. p. 58.

1. Ratio est, causa causæ est causa causati, Deus sola causa est illius quæ necessaria & immediata causa peccati reproborum, (i.e.) impotentiae, & carentiae gratiae supernaturalis, ergo est vera & propria causa peccati reproborum,

Sol. Respondeo, quod ad impotentiam reproborum attingit, illa velet	}	Originalis. Aucta, seu ad dititia.
---	---	---------------------------------------

Originalis impotentiae cum qua nascuntur omnes parvuli, vera & propria causa falso dicitur Deus, aut decretum Dei, aut ulla ordinatio Dei, sed Adami libera transgressio; & inde perfecta in protoplasto carentia Originalis justitiæ: & deordinatio omnium virium animæ; Quarum prima sc. libera transgressio præcepti, omnibus parvulis ex Adamo oriundis communicatur per modum imputationis, secunda & tertia per modum propagationis, supposita libera ordinatione Divina de hisce communicandis.

Impotentia autem parvulorum quæ consistit in carentia originalis justitiæ, & inde secuta deordinatio virium animæ, nullo modo Deo, aut ejus decreto ascribi potest, quia impotentia culpabilis: Ejus Deus ultor est non author: Deus ordinavit ut si contracta fuerit a protoplasto ejusmodi impotentia, transmittatur posteris ejus per modum propagationis. Sed hæc ordinatio Dei non fuit causa impotentiae, sed postquam contracta fuerit, ejus transmissionis & propagationis postea. Non minus ergo falso quam audacter asseritur hic, Deum esse solam causam hujus impotentiae in parvulis.

Quod

Quod autem attinet ad impotentiam Reproborum adulatorum, quæ non solum consistit in impotentia originali, quæ ab Adamo propagatur sed & illa aucta & addidit, quæ sua conjunctaque nequitia superinducitur. Dico illam ex nostrorum Theologorum communi sententia accessendam esse, partim ab Adamo & originali peccato, in quo concepti & nati sumus; Partim ab actualibus peccatis quibus innata impotentia magis magisque augetur & crescit. Omnia autem ad bonum impotentia in adultis, ab hisce corruptis fluunt fontibus, ut vera & immediata causa; falso ergo asseritur, Deum esse solam causam, aut ullam, ex nostrorum Theologorum sententia, hujus impotentiae aut ullius peccati reproborum adulatorum.

Quod autem attinet ad defectum supernaturalis gratiae: Deus nullis reprobis dat efficacem gratiam, qua irresistenter & invicte ad gloriam perducuntur; sed neque tenetur dare. Gratia (inquit Augustinus) non est gratia ullo modo, si non sit omni modo gratuita. In hisce ergo reprobis quibus negatur gratia efficax, causa causæ (i.e.) non dationis gratiae efficacis, nullo modo dicenda est, causa evulsi (i.e.) peccatorum horum reproborum. Nam si, ubi Deus non dat gratiam efficacem, ibi dicendus est causa peccatorum, tum Deus recte diceretur causa peccati Adæ in comedendo pomo vetito. Nam Adamo non collata est hæc gratia efficax; sed & eadem gratia efficax, non data est malis Angelis; & tamen quis dixerit Deum non dando illis gratiam efficacem, causam fuisse horrendæ illorum *ἀνωγοίας*. Secundo, multis reprobis confert gratiam supernaturalem Deus, qua possunt credere & penitentiam agere, si ipsi sibi ipsis non deessent, unde & ipsis merito imputatur, quominus convertantur, ut supra ostensum est. Tales in æternum pereunt non defectu gratiae, sed propria culpa qua gratiae divinae oblatae cooperari aut negligant aut reculent, attestante ipsorum conscientia. Tertio, illis reprobis qui extra Ecclesiae pomaria degunt, & quibus non datur auxilium sufficiens aut necessarium ad resurgendum à peccatis, Deus non tenetur auxilia illa suppeditare. Nam recte Bellarm. lib. 2 cap. 4 de Grat. & lib. arbit. Nulla esset in Deo iniquitas, si non solum aliquibus, sed etiam omnibus hominibus auxilium sufficiens ad salutem negaret. Nam cum omnes nascuntur in Originali peccato, & filii iræ, teste Apostolo; nihil nobis jure debetur nisi poena. Apostolus item ad Roman. 9. demonstrat ex sola misericordia Deum ex massa perditionis aliqua vasa facere in honorem, unde & vasa misericordiae appellantur, & ea causa est ut S. Augustinus docet Epistol. 105. cur pauci sint qui salvantur, ut nimirum intelligamus quicquid omnibus deberetur. Adde, primam gratiam dari inimicis ac pro hoc modis omnibus est indebita, nulli igitur fieret injuria si ea gratia nemini præberetur. Rectissime ergo Augustinus de bon. perseverant. cap. 8. Non sumus ingrati quod tam multos liberat misericors Deus, de tam debita perditione ut si inde neminem liberaret, non esset injustus. Nec minus apposite Prosper in Epistol. ad Rufinum. Omnibus in Adæ prævaricatione prostratis, nisi quosdam adsumeret misericors gratia, maneret super universos inculpata justitia. Si nemini debeatur ulla gratia sufficiens, ex consensu omnium Theologorum, etiam eorum quos impugnatur; quomodo, ex eorum sententia, Deus non daret gratiam sufficientem multis extra septa Ecclesiae reprobis, causa erit necessaria & immediata eorundem peccatorum? Aut igitur Authori evincendum est ex Theologorum dictorum principiis, Deum teneri dare gratiam sufficientem omnibus reprobis; aut desinat iis imponere ex eorum principiis sequi, Deum denegando quibusdam reprobis gratiam sufficientem ad resurgendum à peccatis, hoc ipso causam esse necessariam & immediatam causato (i.e.) horum hominum peccatorum. Denique certum est quod & supra posuimus, reprobos adultos extra Ecclesiae limites degentes non propter peccata, contra Evangelium damnari; sed quod non instituens vitam conformiter ad legem naturalem in cordibus inscriptam; non ergo ob defectum supernaturalis gratiae pereunt; sed ob defectum conformitatis in actibus suis ad legem naturalem & dictamen rationis.

Atque hæc, de prima ratione.

Ad secundum accedamus qua contendit Author, ex principiis contra sententiam, sequi, Deum esse causam peccatorum omnium reproborum, quibus auxilia sufficientia non contulerit ad resurgendum à statu peccati.

Sic Author secundo infurgit, Removens prohibens illud quo posito impediretur eventus, est causa illius eventus. Ex, gr. Cum quis secat filum aut chordam in quo lapis est pendulus, est causa cur lapis cadit in terram. Qui etiam subducit columnam qua nititur domus, reputatur causa ruinae domus. Removens prohibens, quo posito peccatum impediretur est causa eventus. Sed Deus ex sensu contrasentientium à reprobis detinet, seu non subministrat illam gratiam, qua posita, à peccato conservarentur; ergo est vere moralis causa peccatorum reprobi. Cui concinit (inquit) Tertullian. lib. 2. contr. Marcion. c. 22. In cujus manu est quid ne fiat, ei deputatur cum jam fit.

Sol. Respondeo, Removens prohibens peccatum est causa moralis & indirecta peccati subsecuti, quando potest & tenetur illud non remove & nihilominus remove. Deus autem licet possit non remove prohibens peccatum, dando gratiam efficacem, qua peccatum vitatur, non tamen ad hoc tenetur, quia ad ejus gubernationem pertinet, permittere causas defectibiles aliquando deficere. Hanc ipsam solutionem adhibet Thomas 12. q. 79. art. 1. in corp. *Contingit (inquit) quod Deus aliquando, non prabet auxilium ad evitandum peccata, quod si praberet non peccarent. Sed hoc totum facit secundum ordinem suae sapientiae & justitiae, cum ipsa sit sapientia & justitia; unde non imputatur ei, quod alius peccet sicut causa peccati: Sicut gubernator non dicitur causa submersionis navis, ex hoc quod non gubernat navem, nisi quando subtrahit gubernationem, potens & debens gubernare.* Hæc Thomas. Removens ergo auxilium efficax, quod prohibet peccatum est causa peccati, quando potest & debet non remove, non autem quando liberum est remove aut non remove; quomodo Deo liberum est: unde non imputatur ei, quod alius peccet, ac si ipse esset causa peccati.

Rursus, Removens prohibens aliter se habet in causando in libere agentibus, aliter in agentibus naturali necessitate, unde ad remotionem, seu absentiam supernaturalis gratiae, non sequitur immediate & necessario peccatum, sed de necessitate eventus agatur; sed mediante libera voluntate ejus, cui non adest, seu à qua detinetur, hæc gratia. At aliter se habet in removente prohibens actum naturaliter agentis, ut in exemplis adductis. Secta chorda quæ prohibet descensum lapidis, lapis necessario vi naturali immediate descendit, & gravitate insita: & subducta columna qua nititur domus, suo pondere naturali corrumpit domus. In libere autem agentibus, ubi removetur, aut non datur gratia supernaturalis, non statim incumbit necessitas agendi [necessitate sc. naturali determinante ita ad agendum, ut actionem suspendere nequeat] potest enim actum suspendere & non agere: nullum enim obiectum movet voluntatem hominis viatoris efficaciter, ad exercitium actus, ut schola docet. Solus Deus clare visus hoc præstat.

Ex hisce patet exempla adducta non quadrare. Secans chordam in qua pendet lapis, est causa cur cadat lapis, & subducens columnam qua nititur domus est causa ruinae domus.

Ad Tertullian. In cujus manu est quid ne fiat, ei deputatur cum jam fit; intelligendum, cum quis tenetur id in cujus manu est ne fiat, impedire ne fiat. Alioqui Deo deputabitur quod non salvet omnes in cujus manu est, ne damnetur quisquam, ne ipse diabolus. Subjungit Author, Neque sufficit dicere Deum esse causam solummodo accidentalem, non propriam aut directam causam peccatorum Reprobi. Nam causa (inquit) tum solummodo accidentalis est, cum effectum existit præter intentionem agentis; quomodo effossio agri est causa accidentalis inventionis thesauri; cum eventus non expectatur nec intenditur. At cum effectus (inquit) intenditur à removente prohibens tum causa non est accidentalis; ut cum gubernator navis auxilium & curam subtrahit, non gubernando navem in tempestate; & præ novit absque cura, & gubernatione sua navem periclitaturam, tum (inquit) directa & propria causa est naufragii. Sic, inquit, Deus actu & decreto suo, detinendi & non dandi gratiam necessariam reprobis, qua peccatum excitatur, certo sciens inde sequentium reprobis inpenitentiam evadit propria & directa causa impenitentiae reprobi.

Sol. Respond. Multa hic congeruntur partim falsa partim impertinentia. Respondeo

spondeo primo effectus si intendatur à removente prohibens, non deputabitur ei ut causa, vel non tenetur remove. Sic Thomas ante in loco citato, exemplo ab auctore prolato occurrit. Gubernator non dicitur causa submerſionis navis, ex hoc quod non gubernat navem, nisi quando subtrahit gubernationem; potens & debens gubernare. Deus autem non tenetur homini lapſo dare vel gratiam necessariam aut sufficientem, ut antea ex Augustino ostendimus. Nec Deus non dando gratiam dici potest aut debet causa accidentalis, multo minus directa & propria, ut hic temerario infert Author, sed peccantis liberum arbitrium. Si ratio Auctoris valeret, Deus non dando gratiam efficacem, Angelis defensoribus, qua ab Apostasia conserventur, & impedirentur, cum certissime praesciat, ex non datione seu non appositione hujus gratiae, ipsos velle deficere; propria & directa causa foret hujus Apostasiae, quod absque blasphemia nemo affirmare potest. Id quod pariter dicendum de Adami primo peccato. Deus enim certissime praenovit, ex non datione efficacis gratiae Adamum velle labi. Num ergo asserendum est Deum fuisse directam causam peccati Adami? Absit. Si apposite disputare vellet Author esse cum Theologis quos impugnatur, dixisse oportebat, Deum non actu & decreto suo non dedisse gratiam efficacem reprobis qua peccatum evitetur, non autem necessariam. Nam ex sententia eorum quos impugnatur, Reprobationis decreto non negatur necessaria Reprobis multis: Non Angelis defectoribus, non multis reprobis in Ecclesiae gremio degentibus. Illud autem est, quod à Theologis istis affirmatur, Deum negare & non dare omnibus reprobis gratiam efficacem, qua infalibiliter ad vitam aeternam producantur. Sed vidit Author se non potuisse idoneis rationibus confutare invidiam hanc reprobationem asserentibus, aut in eam probabili prae-textu impetum facere, ideo usus est in oppugnando illo decreto reprobationis, quod neminem habet patronum. Nos supra diximus Deum non omnibus reprobis vel actu vel decreto negare gratiam necessariam ad vitandum peccatum, licet quibusdam negat; sed nemo ex istis perit ob defectum gratiae; sed vel ob peccatum naturae, vel ob peccata contra legem naturae.

Denique ubi ait Deum actu & decreto suo, detinendi & non dandi gratiam necessariam reprobis, qua peccatum evitetur, certo sciens inde secururam reprobis impoenitentiam, ipse evadit propria & directa causa peccatorum cujuscunque Reprobi.

Sol. Respondeo primo juxta supra posita, ex Augustino Prospero, Tho. & Bel-larmino. Etiam si actu & decreto suo detineret aut negaret gratiam necessariam qua peccatum evitetur toto humano generi, nulla tamen esset in Deo iniquitas, multo minus dicendum est Deus propria & directa causa omnium hominum actualium peccatorum, ut hic audacter asseritur.

Secundo Respondeo confuse nimis } Negativa impoenitentia, seu potius non
hæc ipsa proponi, cum juxta sen- } pœnitentia Paganorum.
tentiam horum quos impugnatur, } Positiva impoenitentia eorum qui in gre-
aliter loquendum est de } mio Ecclesiae degunt.

Nam prior non est dicenda impoenitentia proprie loquendo, aut peccatum.

Posterior est veri nominis peccatum, sed his non deest gratia necessaria.

Atque hæc dicta sunt, in vindicationem orthodoxorum à calumniis iis immerito impartam, quæ bellum inferrent Sanctitati Dei, ac si ex assertione absolutæ negativæ reprobationis, inferretur necessario Deum esse Authorem peccati.

Sed & vult Author, hanc ipsam reprobationem non posse consistere cum misericordia Dei, prout in Scripturis describitur. Deum enim aiunt in Scripturis, dici patrem misericordiarum, & Deum omnis consolationis, a Cor. 1. 3. Meminit etiam divitiarum misericordiae Dei, Ephes. 2. 4. & dimensionem charitatis Dei, longitudinis, altitudinis & profunditatis. Ephes. 3. 16. Hæc (inquiunt) elogia non posse consistere cum absoluta reprobatione ad mortem, interitum, & tormenta, eorum praesertim, qui ob unius offensam non personalem, sed iis solummodo imputatam, punirentur.

Sol. Respondeo, perpetuo in hoc tractatu Authorem cum iis quos impugnatur parrum candidè agere, cum enim questio instituenda sit de reprobatione negativa, non electione, seu præteritione querenda, quoad collationem gratiæ efficacis, qui est actus Dei indebitum beneficium aliquibus in massa perditâ jacentibus, negantis, in quo sola Dei libertas attendi debet; Ille perpetuo invehitur in absolutam reprobationem positivam, quâ Deus æternam damnationem reprobis decernit, ad ostensionem justitiæ. Qui actus, cum sit actus justitiæ, est actus Dei qui non supponitur nisi ex prævisione peccati; cum enim damnare sit actus justitiæ, ut Deus non damnat nisi ob peccatum; ita nec damnare hominem decrevit, nisi ex præviso peccato. Pessime ergo hæc confunduntur, quæ accurate distinguenda sunt, cum ergo dicimus absolutam reprobationem non pugnare cum misericordia Dei, intelligimus reprobationem priori notione, quatenus significat denegatam præparationem efficacis gratiæ certis personis, non quatenus denotat præparationem æternæ pœnæ iisdem personis. Cum ergo inter homines ita se res habeat, ut illi omnes qui reprobantur, sint in se damnabiles & odio digni, Deus quantumvis divus sit in misericordia, potest æquissime pro suæ voluntatis libertate, ex iis quosdam eligere, quosdam non eligere, seu reprobare, quos universos originale peccatum reddidit odio dignos, & (si ita loqui liceat) reprobabiles. Secundo dico, quamvis Deus amorem insignem & misericordiam erga totum genus humanum ostendebat, quatenus misit unigenitum filium in Redemptoræ omnium hominum, juxta illud Joan. 3. 16. Sic Deus dilexit mundum ut dederit filium suum unigenitum, ut omnis qui credat in illum, non periat, sed habeat vitam æternam: tamen *καὶ ὁ υἱος*, divitiis misericordiæ suæ ostendit erga electos, ergo vasa misericordiæ: juxta illud miserabo cujus misertus fuero, & commiserabo quem commiseratus fuero Rom. 9. & rursus cujus vult, miseretur, quem vult, indurat.

Neque præteritio quorundam in massa damnata jacentium, quoad hanc specialem misericordiam, pugnat cum misericordia divina, nisi Dei libertati modum præscribere velimus; quam studiose Apostolus ad Romanos 9. asserere conatur.

Sed & insurgit Author, & incompatibilitatem divinæ misericordiæ cum decreto absolutæ reprobationis, ex quatuor principiis seu hypothesebus deduci contendit, quæ potissimum originale peccatum respiciunt.

Primo, Adami peccatum fuisse peccatum naturæ duntaxat, solius Adæ personalem transgressionem: neminem enim ex posteris in sua persona, illud aut commisisse, aut in idem consensisse.

Secundo, Peccatum fuisse naturæ, non generatione sed Dei voluntaria imputatione.

Tertio, Hoc peccatum Adamo fuisse remissum, à quo personaliter commissum.

Quarto, Christum venisse in mundum ut mundi peccatum tolleretur Joan. 1. 29. Ecce agnus Dei qui tollit peccatum mundi] atque Deum aut satisfecisse, aut satisfecisse potuisse lesæ justitiæ, in sanguine foderis pro toto genere humano, atque ita non obstante justitiâ, viâ ad salutem humani generis aperiatur.

Istis suppositis, existimat, vel sequi, nullum dari decretum absolutæ reprobationis: Aut Deum erga homines non esse omnino misericordem, multo minus magis misericordem esse erga homines quam reliquas creaturas; imo multo magis immisericordem quam erga alias creaturas, etiam quam erga ipsos Demones.

Sol. Respondeo hæcæ hypothesees omnes, male pro concessis sumi. Et primo quoad primam. Ubi ait, Adæ peccatum fuisse peccatum naturæ duntaxat solius Adæ personalem transgressionem. Dicimus Adamum peccasse non ut privatam personam sed ut publicam sufficientem personam totius generis humani, ut caput & radicale principium totius generis humani; quare cum ait, peccatum Adæ fuisse peccatum naturæ duntaxat, solius Adæ fuisse personalem transgressionem, si intelligat Adamum duntaxat personaliter peccasse, fallitur. Nam Apostolus ait, In quo omnes peccarunt Rom. 5. 12. & rursus vers. 18. per unius offensâ reatus venit in omnes homines in condemnationem, & vers. 19. per inobedientiam unius, multi constituti

constituti sunt peccatores] quæ loca optime explicant Homil. Serm. de Nativit. Dom. pag. 166. vide supra. Et certe nisi ponamus Adamum cum peccavit totius humani generis personam gessisse, adeo nos in Adamo ut cum Adamo vere peccasse, nulla ratione explicari poterit, quomodo in recens natis sit aliqua veri nominis culpa. Nam quicquid dicamur in parvulis [ut supra docuimus] ex peccato Adami hætere, sive eatu m, sive originalis iustitiæ carentiam, sive averfionem habitualement, sive quidvis aliud, illud nullo modo parvulis vitio dari, ac ne esse quidem poterit, nisi processerit ab actione libera, cujus actionis parvuli illi aliquo modo participes fuerint. Unde August. sæpius ait, omnes ille unus fuerunt, & Epist. 23. *Traxit parvulus reatum, quia unus erat cum illo, & in illo à quo traxit, quando quod traxit admissum est: parvulus ergo, juxta Augustinum, unus erat cum illo, & in illo à quo traxit, quando quod traxit admissum est: non igitur dicendum solius Adæ fuisse personalem transgressionem, ac si nos in illo transgressi non sumus, cum Scriptura dicat omnes in eo peccaverunt. Rom. 5. 12.*

Verum est, in sua persona neminem ex posteris illud commisisse aut, in idem consensisse, sed in persona Adæ & commissimus & in idem consensimus, unde & nos in Adamo & cum Adamo vere peccavimus: ut recte Bellarminus de Amiff. G. & St. peccat. 5. cap. 18.

Porro cum ait, peccatum Adæ fuisse peccatum naturæ, & postea, peccatum hoc fuisse peccatum naturæ, non generatione sed voluntaria Dei imputatione, & hoc peccatum Adamo remissum, à quo personaliter commissum restringere videtur peccatum naturæ, ad actualement prævaricationem Adæ transeuntem, nobis solummodo à Deo imputatam. Cum carentia Originalis iustitiæ, & deordinatio virium, in anima Adæ quæ transmissæ sunt posteris per modum propagationis, ad peccatum naturæ, & rectius forte, accommodandæ sunt, & accensendæ.

Tertio, Videri possit Author totam rationem peccati naturæ, & originalis peccati, tum in hisce hypothesibus, tum paulo ante, & paulo post, ubi peccatum esse alterius, qui vixit longe antequam parvuli nati sunt, in sola imputatione actualis transgressionis Adæ, constituere, & collocare cum Corvino; non enim meminit tabis Originalis per propagationem posteris Adæ traductæ, cum tamen hujus imprimis meminit Artic. 9. nostræ confessionis, ubi de natura & definitione originalis peccati agit. Hæc omnia ergo spectant ad extenuationem originalis peccati, & ut viam struant ad demonstrationem pugnæ, absolutæ reprobationis parvulorum ob originale peccatum cum misericordia Dei, ut mox videbimus.

Quarto, In tertia hypothesi, ubi ait, hoc peccatum fuisse Adamo remissum, à quo personaliter est commissum, videtur innuere, pugnare cum misericordia & bonitate Dei, ut liberetur Adamus, qui peccatum hoc primum personaliter patravit, & alii plectantur, qui non nisi nuda imputatione rei sunt.

Sol. Respondeo primo, non repugnare misericordie Dei, Adamum poenitentem liberare, & alios pro libertate sua in solo Originali morientes punire, ut ostenderat quid omnibus deberetur, & quanta sit malignitas illius peccati, qua nascimur omnes filii iræ, & quæ non expiatur nisi sanguine agni Dei: Secundo, Nec illud iniquum aut cum misericordia Dei pugnare censendum est, quod Deus Adamo ipsi præparaverit aut donaverit veram ac seriam poenitentiam ex mera sua misericordia: multis autem ex Adamo prognatis non præparaverit eandem poenitentiam salutarem, nec donaverit. Qua enim lege magis tenetur Deus præstare omnibus posteris Adæ, quod ipsi indulsit, quam exhibere Judæ, quicquid Paulo aut Petro ex mera misericordia exhibuit?

Quinto, In quarto hypothesi, ubi ait, Christum in mundum venisse ut tollet peccatum mundi; & potuisse sanguine filii satisfacisse lætæ iustitiæ pro toto humano genere, & omnibus, non obstante iustitia, aperuisse, viam ad salutem] vult innuere, ita sublatum esse peccatum mundi (i.e.) originale, ut infantibus sc. omnibus, non obstante iustitia, aperiatur via salutis.

Sol. Respondeo, esto peccatum mundi Joan. 1. 29. intelligamus originale peccatum, cum nonnullis ex veteribus & Recentioribus; tamen hinc non sequitur, reatum originalis peccati condonari omnibus parvulis; non enim Christi mors, & passio, quæ oblata

oblata aut etiam acceptata à parte ut sufficiens *ἀντιδοτὶς* aufert reatum peccatorum; sed qua reo applicatur, quomodo nec infectio venenata ex antidoto in officina pharmacopolæ, sed ex applicatione antidoti nec vulnus ex medica in pixide, sed ex applicatione emplastri; ut autem applicatur adultis non immediate sed per fidem & poenitentiam, sic nec universaliter parvulis immediate, imo non ordinarie, nisi mediis ordinatis adhibitis, qualia sunt in N Testamento baptismus, aut re aut voto, vel parentium, vel fidelium sistentium baptizandos, susceptus, idque ex usu universalis Ecclesiæ quæ non solet ad baptismum admittere Turcarum, Judæorum, Ethnorum, parvulos, absque susceptoribus fidelibus. Quare licet Christi mors impetrative & meritorie abstulit peccatum mundi, atque tollendo obicem divinæ justitiæ viam ad salutem omnibus parvulis apperuerit, & ostium salutis, tamen nemo particeps sit horum meritum, nisi mediis divinitus ordinatis horum particeps fiat.

Istis suppositis existimat Author, vel sequi nullum dari decretum absolutæ reprobationis, aut Deum erga homines non esse omnino propitium, aut misericordem; multo minus magis misericordem esse erga homines quam reliquas creaturas, imo multo magis esse immisericordem erga hominem quam reliquas creaturas, etiam quam erga ipsos Dæmonas.

Probat immisericordiam hanc Dei in homines

1. Præ reliquis creaturis.
2. Præ Demonibus.

Primo, Præ reliquis creaturis; vilissimas enim creaturas habere entitatem, quod multo præstantius est quam nullam habere entitatem, sed omni entitate destitui. Homines autem reprobos omnipotenti decreto determinari ad entitatem miseriam, qua penitus destitui, millies obtulius esset quam habere, id quod variis modis exaggerat.

Sol. Respondeo datis non concessis quatuor hypothesebus præmissis, non recte inferri, aut nullam dari absolutam reprobationem, aut Deum nullam erga reprobos misericordiam exercere, imo magis erga homines immisericordem esse & crudelem quam erga reliquas creaturas, etiam ipsas Dæmones.

Negatur disjunctio. Datur enim absoluta reprobatio (*i. e.*) non electio quorundam, ac præteritio quoad collationem gratiæ efficacis, nec tamen, ideo dici potest, Deum erga ejusmodi homines non esse omnino misericordem, aut immisericordem magis, & crudelem esse, quam erga ullam aliam creaturam. Neque enim dici potest Deum non dando gratiam efficacem quibusdam filiis iræ in massa damnata jacentibus quantumvis parvulis, prodit aut immisericordiam aut crudelitatem ullam, aut ullam omnino injustitiam. Quæ enim injustitia; denegare misericordiam juste in massa damnata jacentibus? Sed ostendit nudam libertatem. In gratuitis enim denegandis, nulla cernitur injustitia, multo minus immisericordia aut crudelitas. At dicimus Deum non irrogari poenas aut supplicia infernalit, nisi ob prævium demeritum & peccatum prævisum. Quibus perpenis, tota amplificatio invidiosa exaggeratio Authoris sequens corrumpit.

Similiter argumentatur Corvinus contr. Tilenum. pag. 9. Deus non vult stricte agere cum ullo homine in communi Adæ peccato jacente, ita ut sine ulla spe veniæ in ista condemnatione relinquatur.

At si reprobarer parvulos tantum ut in massa perdita jacentes, in lapsu communi Adæ & non propter actuale illorum & personale in Deum rebellionem, stricte & summo jure cum illis ageret.

Sol. Respondemus Majorem non esse universaliter veram, non quoad parvulos Ethnorum qui in fœdere non censentur, & quos Apostolus imundos pronuntiat & natura filios iræ. Quis Deo imputavit si cum nonnullis stricte agat parvulis, cum innumeros parvulos erunt ex hac massa damnata. Recte Augustinus de Præd. Sanctorum. cap. 9. Ad. *Ex uno omnes fuisse in condemnationem sine dubio justissimam; ita ut nulla Dei esset justa reprehensio, etiamsi nullus inde liberaretur* & in

in Enchirid. cap. 99. ex Ecclesiæ Cath. sententia diserte pronuntiat, *Universum genus humanum tam iusto iudicio divino in Apostolica radice esse damnatum, ut etiamsi nullus inde liberaretur, nemo possit velle Dei vituperare iustitiam. Et qui liberatur sic oportuisse liberari, ut ex pluribus non liberatis, & in damnatione iustissima delictis, ostenderetur, quid meruisset universa consepso, & quo etiam istos debitum Dei iudicium duceret nisi ejus indebita misericordia subveniret.* Hæc August. Ex Augustini ergo perpetua sententia cum summæ & prorsus indebitæ misericordiæ sit quod aliquis liberetur, inculpata prorsus esset iustitiæ si alii puniantur. Adde Deum punire citra condignum. Quin etiam Vasque. Jesuita, qui prædestinationem ex prævisis meritis acriter propugnat, cogitur tamen fateri [Si de reprobatione loquamur quæ quis rejicitur à gratia Dei in parvulis reprobatis nullam omnino fuisse suæ reprobationis causam. — Si autem de reprobatione qua quis a beatitudine rejicitur sermo sit parvulos eos quibus divina providentia ita disponente nullum remedium, humana diligentia potuit adhiberi, fuisse Dei decreto exclusos à regno celorum statim post prævisionem Originalis peccati ab ipsis contrahendi. in primam par. q. 23 Art. 6. Disp. 95. c. 6. n. 30, 31.

At secundam exaggerationem attinet, ubi supposita absoluta reprobatione quorundam parvulorum, Deum vult magis immisericordem esse, erga hosce quam erga ipsos Dæmones, qui in scripturis proponuntur, ut spectacula summæ severitatis divinæ, Cernitur (inquit) hæc immisericordia, in eo, quod parvuli vi hujus decreti addicantur inferni suppliciis, non propter suum proprium & personale peccatum. quomodo addicuntur Dæmones, sed propter alterius peccatum, qui vixit longe antequam nati sunt.

Sol. Respondeo merito ex hisce dubitari posse an iste Author agnoscat veritatem Originalis peccati cum Ecclesia Anglican. in articulo 9. confess. suæ de Originali peccato. Si non agnoscat, transeat in castra novorum Remonstr. & Socinianorum, quorum primariis objectionibus supra responsum est. Sin agnoscat dari Originale peccatum illudque veri nominis peccatum esse cum Ecclesia nostra, necesse est ut simul agnoscat in unoquoque nascentium iram Dei atque damnationem illud mereri, prout habet dictus Articulus. Hoc admissio ratio allata æque militat in illum atque in nos. Cum Diaboli non puniantur, nisi propter suum proprium & personale peccatum, quod propria sua malitia commiserunt, parvuli non nisi propter peccatum alterius, qui vixit longe antequam ipsi nati sunt. Vel igitur docendum est ei, hoc peccatum Originale quod peccatum alterius hic extenuando indigat, non esse veri nominis peccatum, aut si vere peccatum sit ut parvulum reum facit æternæ mortis.

Sed quia contra arguere non est solvere. Etiam si dicamus — supra.

Atque hæc dicta sunt, ut constare possit nullam pugnam interesse inter absolutum decretum Dei prætereundi quosdam quoad gratiam efficacem, etiam parvulos, ut sanctitatem & misericordiam Dei sed & quædam adhibet idem Author. p. 66. de pugna inter hoc decretum quoad parvulos, & iustitiam Dei, ubi ea repetit quæ præmiserat inter hoc decretum quoad parvulos & sanctitatem Dei, p. 52. quibus supra abunde responsum est. Consulto prætereo eas rationes quibus impugnatur absolutum decretum, prætereundi adultos quoad gratiam efficacem, ratione habita declarationis Regiæ. Quia autem disputavi, supra, ea eo consilio disputavi, ut assererem veritatem Originalis peccati, & articuli 9. qui agit de peccato originis, quem articulum assertores decreti absolute reprobationis plerumque impugnant.

CAP. XX.

Ostenditur, deordinationem virium animæ quæ exstitit in Adamo post lapsum, & secuta est in anima ejus post privationem Originalis justitiæ, posteris omnibus transmissam fuisse per modum propagationis, non in imitatione Adami sitam esse, sed in elongatione ab Originali justitia, &c.

JAM redeamus ad institutum, ad ea quæ supersunt in articulo 9. de Peccato originis, & explicanda & demonstranda: vid. supra.

Jam ordo postulat, ut primo deordinationem virium animæ, quæ exstitit in Adamo post lapsum, & secuta est in anima ejus post privationem Originalis justitiæ, posteris omnibus transmissam fuisse per modum propagationis; Secundo, ut ostendamus, hanc deordinationem virium cujus meminit articulus, sic posteris transmissam veri nominis peccatum esse.

Dixerunt olim Pelagiani, Adamum non nocuisse posteris propagatione, sed exemplo: Peccatum autem transmitti ad posteros Adæ, non aliter quam per imitationem; primi hominis exemplum imitatos fuisse homines qui postea peccaverunt: Infantes non tales nasci, qualis fuit Adam ante lapsum: Caruere enim usu lib. arbitrii, ac proinde peccati capaces non esse. Adamum autem ante lapsum & lib. arbitrii usum habuisse, & præcepti capacem fuisse. At contra Ecclesia Catholica semper edocta est, deordinationem virium animæ in posteros omnes Adami per generationem derivari ac traduci. Quam secuti sunt conditores articuli 9. nostræ confessionis. *Peccatum originis non est (inquiunt) ut fabulantur Pelagiani in imitatione Adami situm, sed est vitium & depravatio naturæ cujuslibet hominis ex Adamo naturaliter propagati, quæ fit ut ab originali justitiâ quam longissime distet, ad malum sua natura propendeat, & caro semper adversus spiritum concupiscat; unde in unoquoque nascentium, iram Dei atque damnationem mereatur* Ubi definiunt conditores articuli, *peccatum originis non consistere in imitatione exempli Adami qui primus peccavit, sed esse vitium & depravationem naturæ cujuslibet hominis ex Adamo oriundi, quæ fit ut ab Originali justitiâ longissime distet, ut ad malum sua natura propendeat* Jex quo liquet, juxta definitionem Ecclesiæ nostræ, peccatum originis potissimum consistere in depravatione virium animæ cujuslibet hominis ex Adamo naturaliter propagati. Ex hac autem depravatione naturæ fieri, ut natura nostra ab Originali justitiâ quam longissime distat, & ad malum sua natura propendent. Vult igitur articulus ex hac depravatione naturæ: Primo, Nasci elongationem naturæ nostræ ab Originali justitiâ: Secundo, pronitatem & propensitatem ad malum. Peccatum ergo originis est, juxta articulum, vitium & depravatio naturæ quæ privamur Originali justitiâ, & proni sumus & propensi ad malum; in quibus duobus, conditores articuli videntur Originalis peccati formalem rationem constituere. Siquidem hisce verbis definiunt Originale peccatum, Definitio autem continet formalem rationem definiti.

Ut autem rectius explicemus quænam fuerit depravatio naturæ humanæ, quia hæc depravatio potissimum cernitur in depravatione virium animæ, videamus in quarum virium animæ depravatione consistat hæc naturæ humanæ depravatio.

Cum autem dicat articulus, hoc peccatum esse vitium & depravationem naturæ — quæ fit ut Originali justitiâ quam longissime distat, inveniunt articuli conditores, hanc depravationem naturæ, esse depravationem virium animæ, in quibus, Originalis justitiæ sedem habuit. Originalis autem justitiâ erat illa, quæ homo secundum partes, potentias, & facultates animæ ita fuerit ordinatus ut absolutæ rectus & justus diceretur

diceretur, nihil habens in se inordinatum, nihil curvum, nihil vitiosum. Hæc autem rectitudo sedem habuit: Primo, In superioribus animæ potentiis, intellectu & voluntate: Secundo, Item in inferiore parte, in appetitu sensitivo. Tertio, descendebat etiam ad corporis ipsius membra. Et quidem consistit hæc rectitudo in triplici subordinatione harum potentiarum. Et quidem primo, in perfecta subordinatione superiorum animæ potentiarum Deo; mentis quidem per perfectam Dei, legitque ejus notitiam; voluntatis item per plenam & primariam obedientiam. Secundo, In subordinatione partis inferioris (*i.e.*) appetitus sensitivi, tam concupiscibilis quam irascibilis, absque ulla pugna aut rebellionem, superiori parti. Tertio, In subordinatione omnium corporis membrorum, voluntatis seu rationis imperio, quatenus ad nutum ejus obtemperarent, nec nisi ad ejus jussu moverent. [vid. supra] Unde liquet hanc naturæ depravationem ad vegetativæ partis aut vitalis & pulsantis facultates non descendere.] vid. Damascen. libro 2. de Orthodoxis fid. 1. 12. istæ enim Originalis justitiæ non sunt capaces, ac proinde harum depravatio nullo modo ad Originale peccatum pertinere censenda est. Sit in stomacho *ἀσπλῖα*, sit in jecore *χολοκυστία*, sit quis aut claudus aut surdus, aut cæcus sit, morbidus, leprosus, aut paralyticus. Hæc autem omnia sint *ἐκ φύσεως* & quidem à lege primæ institutionis primi hominis aliena; tamen non sunt peccata reatum inducentia, ac proinde ad depravationem naturæ humanæ, de qua in articulo sit mentio, nullo modo spectantia. Hic enim agitur de illa sola depravatione humanæ naturæ, qua quis ab Originali justitia, quam longissime distet & ad malum sua natura propendeat, quæ quidem depravatio cernitur in istis solis facultatibus animæ in quibus justitia Originalis vigeat, & quæ hujus justitiæ & rectitudinis capaces erant.

Ut autem peccati Originalis naturam, juxta verum sensum Articuli explicemus tria demonstranda sunt quæ in ipso articulo expresse continentur.

Primo, Peccatum originis non esse in imitatione Adami solum (ut sinxerunt Pelagiani) sed esse vitium & depravationem naturæ cujuscunque hominis ex Adamo naturaliter propagati.

Secundo, Hanc depravationem consistere in hominis elongatione ab Originali justitia; in propensione ad malum, & carnis adversus spiritum concupiscentia.

Tertio, Hoc vitium & depravationem naturæ, iram Dei & damnationem mereri, ac proinde veri nominis peccatum esse; quæ singula jam sunt demonstranda.

Horum primum est, Peccatum Originis non esse in imitatione Adami solum, sed in vitio & depravatione naturæ, quæ per propagationem, ab Adamo ad omnes posteriores ejus transmittitur.

Id quod asserendum est contra Pelagianos.

Et quidem primo ex Apostolo ad Rom. 5. 12. Per unum hominem peccatum intravit in mundum & per peccatum mors, & ita in omnes homines mors pertransiit, in quo omnes peccaverunt.] Pelagius in suo commentar. in hunc locum, qui etiamnum extat inter opera Hieronimi hunc locum explicans, vult peccatum in mundum intrasse per unum hominem forma & exemplo, quia primum hominem peccabilem posterius ejus peccando secuti sunt, & exemplum ejus, velut formam propositam, imitati. Id ipsum etiam Theodoretus aperte docet in locum, & Dialogo etiam tertio, qui intitulatur *ἀδελφῆς*, seu impatibilis, quam explicationem hausisse videri possit ab Origine qui in libri hujus explicatione potissimum immoratur in explicanda & exaggeranda peccati imitatione, & de ea accusat omnes antiqui seculi justos; ab Abele usque ad Abrahamum. Et quidem supra observavimus, ex Hieronimo, Pelagium fuisse ramusculum Originis. Sed si locum inspicimus constat Apostolum non de peccati imitatione, sed propagatione verba facere. Nam primo si cum Apostolus ait, in quo [Adamo] omnes peccaverunt, Si in Adamo peccare, esset Adamum in peccando imitari, dici non possit per Adamum intrasse peccatum in mundum hominum. Nam multi homines Adamum nunquam viderunt, multi de Adamo nihil audiverunt, Nemo autem proprie imitari dicitur personam aliquam, aut personæ alicujus factum, qui nec personæ nec factum aliquod illius cognoverit. Similari enim proprie dicitur is, qui factum alterius cognovit,

tum, sibi pro exemplo statuit, & proponit sibi ut simile faciat. Multi autem gravissimi sunt peccatores qui de primo homine & ejus peccato nihil audierunt. Tales dici non possunt ab eo formam & exemplum peccandi accipere, ut voluit Pelagius.

Secundo, Apostolus ait, vers. 14. Peccatum ab Adam usque ad Moysen regnasse in eos quoque qui non peccaverunt, ad similitudinem transgressionis Adæ (i.e.) in infantes qui actu non peccaverunt, ac proinde non imitatione, cum omnis imitatio sit imitatio actus alterius. Infante autem non possunt imitari actus alterius, cum eos cognoscere nequeunt, ætate infantili; ac proinde locus iste de peccato propagationis intelligi debet, non de peccato imitationis intelligi potest.

Tertio, Cum ait Apostolus, In quo (Adamo) omnes peccaverunt. Si Apostolus peccatum illud commemorare voluisset, quod in hunc mundum, non propagatione, sed imitatione, intraverit, ejus principium non Adamum, sed Diabolum diceret, de quo scriptum est. Ab initio Diabolus peccavit. 1 Joh. 3. de quo etiam legitur lib. sapientiae, Invidia Diaboli mors intravit in orbem terrarum. Nam quoniam ista mors sic à Diabolo venit in homines, non quod ab illo fuerint propagati, sed quod eum fuerint imitati, continuo subjungit, imitantur autem eum qui sunt ex parte ejus. Proinde Apostolus cum illud peccatum ac mortem commemoraret, quæ ab uno in omnes propagatione transisset, eum principem posuit, à quo propagatio generis humani sumpsit exordium. Imitantur quidem Adam quotquot per inobedientiam transgrediuntur mandatum Dei. Sed aliud est quod exemplum est voluntate peccantibus, aliud quod origo est cum peccato nascentibus.] Hæc omnia Augustinus de peccat. merit. & remiss. lib. 1. cap. 9. Ubi Augustinus argumentatur, Si locus Pauli intelligendus esset de peccato imitationis, sequeretur hoc transferendum potius esse in Diabolum, iste enim primus omnium peccavit, ut notum est. Hoc idem argumentum urget idem Augustinus in posteriori scripto cont. Julianum lib. 2. cap. 48. ubi disputans contra Julianum sic habet. *Non hic queritur (inquis) utrum hominum imitatione peccetur, quis enim nesciat etiam hominem imitatione peccare? sed quæri quale peccatum per unum hominem intravit in mundum [juxta Apostolum] utrum quod imitando committeretur, an quod nascendo traheretur: quia illud primum (i.e.) quod imitando committeretur, non nisi per eum intravit in mundum, qui primus neminem imitatus cæteris imitaturis, peccandi introduxit exemplum (i.e.) Diabolum; hoc autem alterum (i.e.) quod nascendo traheretur, non nisi per eum intravit in mundum, qui primus à nemine generatus, generatis cæteris, Originis ingessit initium. Hæc est Adam; de imitatione igitur Angelorum & hominum intelligit se [compellat Julianum] nihil ad causam pertinere dicere, & tandem tace, disputamus enim non de quocunque peccatore, qui quandocunque peccavit in mundo, sed de illo per quem peccatum intravit in mundum, ubi si queratur exemplum imitationis Diabolus invenitur, si Apostolus. Rom. 5. Per unum hominem peccatum intravit in mundum, peccatum generationis intelligi voluit; imitationis enim peccatum non per unum hominem sed per Diabolum intravit in mundum.] Hæc Augustinus ibid.*

Quarto, Evincitur hoc idem ex verbis, In quo omnes peccaverunt. Quamvis enim Diabolum vere imitenter quotquot peccant, non tamen recte dicuntur, in ipso omnes peccasse. Significatur ergo hoc modo loquendi, In quo omnes peccaverunt, non imitatione omnes in uno peccasse sed in uno homine aut in uno ejus peccato omnes peccasse quando omnes unus ille homo fuerunt, ut loquitur August. de peccatorum merit. & remiss. lib. 1. cap. 20.

Quinto, Infantes qui actu non peccant adeoque dici non possunt Adamum imitari, per peccatum Adæ nihilominus moriuntur, juxta illud, Regnavit mors ab Adamo usque ad Moysen, etiam in eos qui non peccaverunt ad similitudinem pravicationis Adæ. Mors autem non dici potest per unum hominem intrasse, propter solam imitationem, sed per modum propagationis: ergo & peccatum. Neque dici potest hic mortem animæ (i.e.) peccatum intelligi, non autem mortem corporis. Nam & hanc Deus minatus est: Porro mors corporis peccatum præsupponit, est enim ejus stipendium, Rom. 6. ult. Si autem peccatum non haberemus, non moremur morte corporea; unde Augustinus de Civit. Dei 13. cap. 15. Constat inter

Christia-

Christianis Catholicam tenentes fidem, etiam ipsam nobis corporis mortem non lege naturæ, sed merito infligunt esse peccari.

Sexto, Peccata actualia, præsertim *apocripha*, qualia sunt omnia peccata imitationis non sunt hæreditaria nec in mundum hominum transeunt, & omnibus communia sunt hominibus. Atqui peccatum de quo Paulus agit Rom. 5. 12 est hæreditarium & commune, quod una cum morte in omnes pertransiit; ergo non est actuale peccatum, ut peccatum imitationis, sed potius naturale, per modum propagationis communicatum.

Septimo, Paulus ait, Per unum hominem peccatum [singulari numero possum] intravit in mundum; Per peccatum, si peccatum imitationis intellexisset Apostolus, & actuale, pluralem numerum adhibuisset. Omnia enim peccata actualia, dicenda erant peccata imitationis. Cum autem singulari utatur numero, de uno certe peccato intellexit, quod peccatum *κατ' ἑξῆς* esset, est autem illud peccatum, quod articuli conditores, peccatum originis indignant, est autem illud *ἡ ἀμαρτία κατ' ἑξῆς*, quod totam naturam humanam pervasit & depravavit, & per propagationem transmittitur.

Octavo, Si per unum hominem peccatum intravit in mundum hominum per imitationem & non per propagationem, tum intravit potius per Evam quam per Adamum, quippe quæ primus peccavit, & recte prius peccaret Eva quam Adam, & illa peccante, coepit esse peccatum in mundo. Non ergo Apostolus intellexit peccatum actuale quod coepit per Evam, sed Originale quod propagatum est per Adamum.

Ultimo accedant conciliorum antiquorum contra Pelagium & Pelagianos decreta.

Concil. Acausian. secundum Can. 3. Si quis soli Adæ pravicationem suam non & ejus propagini asserit nocuisse, aut certe mortem tantum corporis (quæ pena peccati est) non autem & peccatum, quod mors est animæ, per unum hominem in omne genus hominum transisse testatur, injuriam Deo dabit, contradicens Apostolo dicenti, per unum hominem peccatum intravit in mundum & per peccatum mors in omnes homines pertransiit, in quo omnes peccaverunt] ubi concilium aut pravicationem Adæ toti ejus propagini nocuisse [et proinde parvulis] quitus in illa ætate non nocuit, nec nocere potuit exemplo suo solo, sed & propagando naturæ depravationem, quam ipse peccando contraxerat, nec mortem corporis tantum, sed & animæ, (i.e.) peccatum, & quidem illud quod omne genus humanum pervasit, est autem illud, quod peccatum Originis indignant, quod in ipse etiam parvulos transiit.

Idem probatur à Canone 110. Carthagin. concil. 3. cui interfuerunt 217. Episcopi Canon sic habet. *Item placuit, ut quicumque parvulos recentes ab ueris Materum baptizandos negat, aut dicit in remissionem quidam peccatorum eos baptizari, sed nihil ex Adam trahere Originalis peccati, quod lavacro regenerationis expiatur; unde sit consequens ut in eis forma baptismatis in remissionem peccatorum non vera sed falsa intelligatur; Anathema sit. Quoniam non aliter intelligendum est quod ait Apostolus, Per unum hominem peccatum intravit in mundum & per peccatum mors, & in omnes homines mors pertransiit in quo omnes peccaverunt, quemadmodum Ecclesia Catholica ubique diffusa semper intellexit. Propter hanc enim regulam fieri etiam parvuli qui nihil peccatorum in seipsis adhuc committere potuerunt, ideo in peccatorum remissionem veraciter baptizantur ut in iis regeneratione mundaetur quod generatione traxerunt.] Hic PP. Carthaginensis indicunt Anathema iis qui parvulos nihil ex Adam trahere Originalis peccati dogmatizant, ac proinde non recte baptizari in remissionem peccatorum. Hos refellunt PP. ex loco Apostoli ad Romanos 5. 12, quem supra expl. cavimus, per unum hominem peccatum intravit in mundum, &c. — & ejus explicatione per Ecclesiam Catholicam ubique diffusam. Hincque ad regulam fidei revocandam prorumpunt, quia juxta eum parvuli qui nihil peccatorum in seipsis adhuc committere potuerunt, ideo in peccatorum remissionem veraciter baptizantur, ut in iis regeneratione mundaetur quod generatione traxerunt,] ubi diserte aunt PP. parvulos nihil peccatorum in seipsis committere posse & tamen in peccatorum remissionem*

nem veraciter baptizari, illius sc. peccati quod generatione traxerunt] non ergo ex sententia PP. Carthagenf. peccant parvuli per imitationem cum actuale peccatum non habeant, quale necesse est ut sit omne peccatum imitationis, sed illud solummodo quod generatione traxerunt quod Originale peccatum rectissime dicitur.

Adde omnia argumenta ab Analogia fidei supra petita : & ex quibus demonstratur in parvulis esse Originale peccatum, quod per imitationem habere non possunt ; cum fieri non potest ut aliquis peccet ad imitationem alterius, nisi & peccatum ejus & personam habuerit notam, at parvuli in infanti ætate, non possunt cognoscere vel peccatum primi parentis, vel etiam primum parentem, ut per se patet, & tamen peccatores dicuntur : Omnes enim posteri Adæ sunt natura filii iræ Ephes. 2. & in iniquitatibus concepti & nati sunt Psal. 51. Ex hisce aliquatenus constare potest peccatum Originis non in imitatione Adami situm esse, ut finxerunt Pelagiani, sed esse vitium & depravationem naturæ cujuslibet hominis ab Adamo naturaliter propagati.

Secundo in loco ostendendum est hanc depravationem naturæ consistere in hominis elongatione ab Originali justitia, in propensione ad malum, & carnis adversus spiritum concupiscentia.

Primo, Elongatio ab Originali justitia est pars depravationis naturæ humanæ juxta articulum, est autem illi juxta Parisiensem [de vitis & peccatis cap. 2. p. 202. 2. H.] mala dispositio quæ ita spirituale nostrum impedit in suis suavitatibus & bonitatibus, ut læsio sit magna & vitium quod ita nos perverse habere compellit] Ex quo intelligitur, Originalem justitiam ad naturæ humanæ sanitatem & integritatem pertinuisse cum ejus absentia hæc depravatio naturæ, naturæ læsio & vitium, Siquidem, ut recte Augustinus Enchirid. 1. c. 11. Animarum quæcunque sunt vitia naturalium, sunt privationes bonorum, ut supra. Neque enim hæc elongatio ab Originali justitia quicquid aliud est quam ejusdem Originalis justitiæ privatio.

Hanc autem in viribus animæ elongationem à justitia Originali, vel, si vis, Originalis justitiæ privationem, propagari una cum natura, supra demonstravimus, &c.

Secundo, Consistit in propensione ad malum, & carnis adversus spiritum concupiscentiæ, hæc est altera pars depravationis humanæ naturæ ; Neque enim humanæ naturæ depravatio consistat in sola elongatione, seu privatione Originalis justitiæ ; nec duntaxat in mali receptivitate, sed insuper in pronitate & propensione ad malum, in tali depravatione qua caro contra spiritum concupiscit, quam depravationem concupiscentiæ nomine denotant tum Scripturæ tum patres, & certe recte articuli conditores, cum peccatum Originis definiunt, ad illam naturæ depravationem quæ consistit in elongatione ab Originali justitia, adjecerunt, & illam quæ ad malum sua natura perpendeat, & caro semper adversus spiritum concupiscat. Neque enim existimandum est peccatum Originis ejusque naturam satis explicari ex eo, quod sit vitium & depravatio naturæ cujuslibet hominis, qua ab Originali justitia longissime distat : siquidem ex sola elongatione seu carentia Originalis justitiæ arctius & angustius quam par est, definitur Originale peccatum ; ideoque conditores articuli recte adjecerunt, esse insuper vitium & depravationem qua homo ad malum sua natura propendat, & caro adversus spiritum concupiscat. Licet enim Anselmus & lib. de concept. Virgin. c. 3. & 26. Originale peccatum defineat, per justitiæ debitæ nuditatem & absentiam, & alii eum secuti : Recte tamen Lombardus secutus Augustinum 2. dist. 30. G. & alii adjecerunt etiam concupiscentiam pravam, concupiscibilitatem innatam, seu ut loquitur *Le. H. Est vitium innatum, quod parvulum habilem concupiscere facit, adultum etiam concupiscentem. Sicut enim, inquit, in oculo cæci in nocte vitium cæcitatis est, sed non apparet non discernitur inter videntem & cæcum, nisi luce veniente : Sic in puro vitium esse non apparet, donec ætatis provelioris tempus occurrat. Et addit. Ex his datur intelligi, quid sit Originale peccatum, sc. vitium concupiscentiæ quod in omnes concupiscentialiter natos per Adam intravit, eosque vitia vit. Hæc Lombardus, & quidem recte. Hinc est quod conditores Articuli recte adjecerunt ad carentiam Originalis justitiæ, ad malam propensio-*

propensionem, & carnis adversus spiritum concupiscentiam, & integram formalem rationem hujus peccati hac sua definitione complectantur.

Id jam, tum ex Scripturis, tum ex rationibus in Scripturis fundatis, demonstrandum est.

Tum a dversus Remonstrantes, tum adversus Romanensium plerosque, praesertim Jesuitas, qui peccatum Originis proprie loquendo & formaliter non aliud esse volunt quam meram Doni supernaturalis gratuiti & indebiti, Originalis sc. justitiae, privationem: ipsam autem naturam hominis, remoto hoc dono, in se talem permanuisse qualis ab initio fuit condita, pravam autem concupiscentiam & praecipitem inclinationem ad omnimoda mala ex ipsis naturae principis fluxisse. Unde hominem stantem & lapsum non aliter differre volunt, quam ut nudatum à nudo. Nos autem dicimus juxta articulum 9. nostrae confessionis, Peccatum Originis non consistere tantum in elongatione ab Origin. justitia & ejus remotione, & privatione; sed etiam in naturae nostrae depravatione, quae ad malum sua natura propendat & caro contra spiritum concupiscat, hoc est, in carnis concupiscentia, & ad omnimoda mala propensione; id quod jam ostendendum restat: & quidem primo ex Scripturis. Gen. 6. 5. *Vidit Dominus, quod multa esset malitia hominis in terra, & omne figmentum cogitationum cordis ejus tantum malum omnibus diebus.* Et Gen. 8. 21 *cogitatio cordis humani mala est à pueritia sua.* Si cogitatio cordis, sit mala à pueritia; & omne figmentum cordis sit tantum malum, & omni tempore; ergo datur non tantum carentia Originalis justitiae, sed & innata malitia ab ortu; neque enim agitur de sola malitia actuali adultorum loco priori, cum agatur de causa diluvii, & perditionis omnium qui periere in diluvio, ex quorum numero infantes non excluderentur quandoquidem & hi in diluvio periere. Cum ergo diluvii causa fuerit peccatum: ut parvuli etiam in diluvio perierunt, ergo & ii ob peccatum perierunt; at non ob actuale peccatum; neque ob actualem malitiam, ergo ob malitiam habitualement, quae non constitit in sola carentia & nuditate justitiae sed in pronitate cordis ad malitiam, quae figmentum cordis omne malum fuit, & tantum malum, & omni tempore. Davides Psalm. 51. 7. reus atrocium peccatorum Adu. terii & homicidii; cum ad horum & ad omnium aliorum peccatorum fontem, digitum intendat, sic Deum alloquitur. *Ecce in iniquitate conceptus sum, & in peccatis genuit me mater mea* ubi per iniquitates & peccata, non intelligit Propheta solam carentiam, & nuditatem Originalis justitiae, in qua primitus homo conditus est: sed & habitualement proclivitatem ad omnimoda peccata, quae fons est aliorum peccatorum (interprete Homilia de miseria humani generis. Tom. 1. pag. 9.) & pronitatem ad iniquitates & peccata. Siquidem actuales iniquitates & peccata non ineant in Davide parvulo, adhuc non utente lib. arbitrio. Cum autem Propheta confiteatur hic causam & fontem peccatorum, non tam confitetur nuditatem Originalis justitiae, quae non dici potest tam causa peccatorum quam defectus praevius ad peccata actualia, at prava inclinatio ad peccatum & prava concupiscentia, incitat, provocat & sollicit ad peccata, quae non sunt effecta nudae privationis, sed pravae ad peccatum inclinationis. Hinc Hesichius in locum ait, Davidem significare immunditiam peccati Adae in omne genus humanum descendisse. lib. 3. in Ien. c. 12. Ambrosius in Apolog. Dand. c. 11. David flebiliter deploravit in seipsa inquinamenta naturae, quod prius inciperent in homine maculae quam vita; immunditia, autem peccati, inquinamenta naturae, & maculae, plus denotant quam justitiae Originalis carentiam solam: ergo & pronitatem ad malum. Glossa interlinearis in locum, *Ecce in iniquitatibus conceptus sum* Originalibus & Actualibus; quia macula Originalis peccati teneat, & ad actualia pronus existo, & N. Lyra. *Ecce in iniquitatibus, &c.* quia homo descendens ab Adam, per carnalem generationem in unione animae ad corpus contrahit Originale peccatum; quod est ad peccata actualia inclinativum, ratione fomitis remanentis, etiam in illis qui mundati sunt ab Originali in quantum est culpa. Hæc Lyra. Apostolus ad Romanos 3. fuse describens, humanae naturae depravationem in universum genus humanum ex Adæ peccato propagatam, & docens omnes homines huic naturae depravationi ab ortu obnoxios esse, tam non solum exprimit per modum aversionis à Deo negative & privative,

non

non est justus quisquam, non est intelligens, non est inquirens Deum; omnes declinaverunt, simul inutiles facti sunt, non est qui faciat bonum ne unus quidem, & vers. 17. viam pacis non cognoverunt, non est timor Dei coram oculis eorum; sed & per conversionem ad bona commutabilia. vers. 13, &c. sepulchrum apertum guttur eorum: linguis suis ad dolum usi sunt; venenum aspidum sub labiis eorum. Quorum os diris & amarulentia plenum est: veloces pedes eorum ad effundendum sanguinem] ubi varii actus internæ, & intus latentis concupiscentiæ recensentur, ad actualia peccata incitantis & sollicitantis.

Idem evincitur ex rationibus in Scriptura fundatis.

Primo, Apostolus variis appellationibus hoc peccatum depingit, ut veteris Adami Carnis peccati, corporis peccati, membrorum terrestrium, & id genus alia; quæ appellationes non nudam carentiam justitiæ denotant sed & depravatas & inordinatas dispositiones, habitus, & affectus; cujusmodi sunt intellectus, obtenebratio, & vanitas; unde innascitur utique horrenda illa profunditas ignorantiae cujus meminit August. de Civit. Dei 22. c. 22. quæ fit ut in omni homine sit ignorantia ultimi finis, mediorum etiam ad finem, ignoratio etiam propria mentis [videmus August. lib. 22. de Civit. Dei cap. 22.] Voluntatis item depravatio, quæ ad malum præceps fertur, & difficulter ad bonum; appetitus etiam sensitivi corruptio, quæ fertur ad bona sensibilis, non tantum inconsulta ratione, sed & contrarium distans, unde & rebellis sæpe est rectæ rationi.

Secundo, Cum ait Apostolus Galat. 5. 17. Caro concupiscit adversus spiritum. Hæc concupiscentia carnis adversus spiritum non denotat nudam carentiam Originalis justitiæ, sed & pravam inclinationem & propensionem habituales adversus S. Sanctum, & ejus motiones. Hoc idem denotat illa dehortatio Apostoli Rom. 6. 12. Non regnet peccatum in vestro mortali corpore ut ei obediat in concupiscentiis. per peccatum intelligit Apostolus non nudam carentiam Originalis justitiæ, sed pravam concupiscentiam, ut liquet ex Rom. 7. vers. 7. & 1. Innuit autem Apostolus concupiscentiam habituales inesse cuius homini, cujus proprii actus sunt concupiscentiæ actuales, non ergo tota ratio peccati Originalis consistit in privatione Originalis justitiæ, sed etiam in pravis inclinationibus & propensionibus ad malum.

Tertio, Cum Scripturæ meminerunt peccati Originalis: actus & opera ejus aperte insinuant id cujus hi sunt actus & opera, non esse nudam carentiam aut privationem, sed & habituales inclinationem, & propensionem ad ejusmodi vitiosos motus, & opera. Siquidem privationes proprie non sunt actus aliqui; cum tamen Scriptura passim actus tribuat Originali peccato, ut cum Apostolus ait, Galat. 5. Caro concupiscit adversus spiritum, tunc concupiscit, denotat actum carnis; & ibidem Apostolus innuit, carnem ita retardare motus spiritus, ut non quæcunque vultemus eadem faciamus, & vers. 19. manifesta sunt opera carnis, quæ sunt adulterium, scortatio, impuritas, protervia, &c. & Rom. 7. 1. Peccatum occasione sumpta per legem genuit in me omnem cupiditatem per illud mandatum. & vers. 23. Lex in membris meis rebellat legi mentis. & 1. 7. τὸ πρὸνυα τῆς σαρκὸς, inimicitia est adversus Deum (i. e.) quicquid sapit caro id exercit in inimicitias adversus Deum & legem ejus, & vers. 9. qui secundum carnem sunt, quæ carnis sunt sapiunt, in quem locum recte Eltius, Ex his verbis recte colligitur, concupiscentiam etiam quæ in renatis est, repugnare & contrariam esse legi Dei; quia ad instar legis, ad ea quæ legi Deivinx sunt contraria, impellit.

Quarto, Si naturæ depravatio plene explicaretur, per carentiam Originalis justitiæ, tum pari ratione recte definiretur per privationem timoris; & superbia per privationem humilitatis: cum tamen Audacia, multo rectius definatur, vitium, quo quispiam, rationis judicio non expectato vel contempto, præcipitanter in periculum ruit; & superbia, inordinatus propriæ excellentiæ appetitus. Sic multo rectius & plenius exprimitur natura Originalis peccati, si dicatur esse vitium, quæ propensus est quis ad malum divina lege prohibitum, quam per Originalis justitiæ nudam privationem.

Quinto, Quemadmodum in actibus malis nemo avertit se à bono quopiam nisi ductus

ductus cupiditate ac desiderio alterius boni ad quod se converſit, quod cum priore non conſiſtit. Sic Angeli & homines ad propriam excellentiam converſi, eamque plus æquo appetentes, à Deo receſſerunt. Id ipſum pariter in vitio habituali ex primo peccato contracto intelligendum eſt: Ideo enim naſcimur averſi à Deo, bono incommutabili, quia naſcimur curvi & inclinati ad bona commutabilia: quam curvitatẽ & pravam inclinationem concupiſcentiam indigitare ſolemus. Eſt argum. Eſt in.2. diſt. 30. Sect. 8. vid. & Baron. de habit. juſtit. c. 18. p. 293.

Hoc idem teſtantur Scholaſtici. Lombardi prius ſententiam accepiſtiſ. Guil. Parisienſ. de vitiis & peccat. c. 5. p. 959. Col. 2. D. *Si cui videatur Originale peccatum — nihil aliud eſſe quam privationem vel defectum gratiæ, pro eo ſc. quia gratia eſt per quam defenditur anima humana ne abeat poſt concupiſcentias carnis, & ne involvatur tenebris quibus videre prohibetur, quæ reſta ſunt, dicamus, quia indubitanter errat; Eſi enim per gratiam defenditur anima humana à prænominatis, etiam aliis malis, non tamen per defectum ejus impugnatur ab eiſdem, nec ex illo proviniunt; quemadmodum enim cum per arma propria ſe quis defendat ab hoſtibus, non tamen per inermiſſitatem, ſeu defectum armorum impugnatur ab ipſis, ſed malum impugnationis eſt extra huiusmodi leſellus, & magis ex odio & inimicitia hoſtium & armis eorum: altero videtur ut cauſa, altero vero, ut inſtrumentum. Defectus autem deſenſionis, ex defectu gratiæ & quemadmodum ex defectu armaturæ. Quod ſi ita eſſet, ut erroneus iſte ponit, manifeſte ſequerentur duo inconvenientia manifeſta. Primum, Quia in Adam ante adeptam gratiam, & in ſtatu innocentie eſſe Originale peccatum, quare & defectus & carentia gratiæ, & ita eſſet creatus in Originali, vel cum Originali peccato, quem errorem nondum quiſpiam auditus eſt cogitaſſe. Secundum eſt, Quia viri ſancti, qui gratia ſunt armati, huiusmodi impugnationes non haberent. Nos autem ſcimus eos maxime impugnari, eſi minime expugnari. Cum enim apud eos non ſit defectus gratiæ, non erit & cauſa impugnationum iſtarum, quare ceſſabunt ſupra omnes impugnationes iſtæ, quod qui dicit, ſenſu ſimul, & pena indiget.] Hæc Parisienſ.*

Thomas duodecim. q. 82. Art. 1. ad primum ſic habet. Dicendum quod ſicut ægriſtudo corporalis habet aliquid de privatione in quantum tollitur æqualitas ſanitati, & aliquid habet poſitive, ſc. ipſos humores inordinate diſpoſitos: ita etiam peccatum Originale habet privationem Originalis juſtitie, & cum hoc inordinatam diſpoſitionem partium animæ: unde non eſt privatio pura, ſed eſt quidem habitus corruptus.] Hæc Thom. In quem Artic. Cajetanus vult, Quod ſicut ægriſtudo non eſt pura privatio ſanitati: ita peccatum Originale non eſt prima privatio Originalis juſtitie, ſed & habitus contrarius illi, & paulo poſt, Corruptio contra privationem diſtinguitur in litera, Privatio enim dicit negationem in ſubjecto apto nato; corruptio vero addit poſſitivum contrarium fundans illam negationem. Non ſanum enim privative dicit ſanitati negationem in corpore capaci ſanitati. Egrum vero dicit humores corruptos per contrarias diſpoſitiones ad ſanitatem, ac per hoc & dicit aliquid poſitivum & eſt habitus corruptus in corruptione conſiſtens, cum quo ſtat quod eſt habitus & ſimile eſt de peccato Originali qui languor eſt naturæ.] Hæc ille.

Ex dictis conſicitur non diſferre hominem integrum à lapſo, non ut nudatum à nudo, ut peſſime Jeſuitæ, & Remonſtrantes; Sed ut vinum generoſum ab aceto; ſed ut Phreneticus & fatuus; ab homine ſenſato, ſapiente & docto, ut mulier fornicaria & adultera, à muliere pudica, ſobria & caſta, ſicut pomum dulce & ſaporoſum, à pomo ſilveſtri, acerbato, ad cujuſ guſtum obſtupescunt dentes, quibus ſimilitudinibus illuſtrant diſcrimen inter hominem integrum & lapſum. Raimundus de Eubund. in Dialogis de Natura Hominiſ, Dialogo de lapſu hominiſ, cap. 44.

CAP. XXI.

Ostenditur hoc vitium damnationem mereri, & secuturis præmittitur vera & genuina Concupiscentiæ explicatio.

Hoc unicum in hoc articulo, quia homo ad malum sua natura propendeat, & superest jam ut hanc naturæ depravationem, qua caro semper concupiscit adversus spiritum, seu quod proinde est, pravam concupiscentiam non esse morbum naturæ & languorem ex naturæ principiis fluentem, malum item naturale, aut peccatum materialiter sumptam duntaxat, contra Bellarminum Jesuitas & Remonstrantes, demonstremus, sed ejusmodi vitium quod in unoquoque nascentium, itam Dei atque damnationem mereatur, ut habet articulus 9. (i.e.) quod veri nominis peccatum sit, & vere sit pars Originalis peccati.

Ut autem in hac demonstratione omnis equivocatio faceffat, è medio præmittendum est, per concupiscentiam non intelligere, supra — Cum tota hæc disputatio nitatur Apostoli loco ad Gal. 5. 17. Caro concupiscit adversus spiritum, spiritus autem adversus carnem, hæc autem inter se opposita sunt, ut non quæcumque volueritis, eadem faciatis. Ideo primo sensus loci istius germanus eruenus est, ut ita constare possit quodnam sit illud vitium quo caro contra spiritum concupiscat.

Primo, Nonnulli volunt denotari vocabiliis carnis & spiritus appetitum sensitivum seu sensualitatem, & rationalem seu voluntatem.

Sic Lyra in locum, Caro concupiscit adversus spiritum (i.e.) sensualitas contra rationem, & è converso, sunt experimur in nobis. Hanc ipsam interpretationem ante Lyræ Radolph, Ardens, in Homil. in Dom. 14. post Trinitatem, vir doctus, qui vixit ante annos quingentos.

At iste sensus videtur Germanus, Nam primo caro & spiritus de quibus agit Apostolus, sibi invicem averseantur, ait enim Apostolus ταῦτα δὲ ἀντικύττα ἀλλήλοις, hæc enim sibi invicem adversantur. Hinc ad Romanos 8. spiritus & Caro sæpe opponuntur, ut vers. 1. & 4. Qui ambulant secundum carnem & qui secundum spiritum, & vers. 5. Qui secundum carnem sunt, & qui secundum spiritum sunt, & vers. 9. Esse in carne & esse in spiritu, & vers. 13. Secundum carnem vivere, & spiritu actiones carnis mortificare. At appetitus sensitivus & rationalis, non pugnant in homine carnali in quo rationis appetitus seu voluntas Desideriis carnis abductus iis obtemperat & morem gerit. Hoc argumento utitur Augustinus, ad improbandum sensum prædictum Serm. 43. de verbis Domini, ubi sic scribit, Spiritus concupiscit adversus carnem in hominibus bonis non malis, qui Spiritum Dei non habent contra quem caro concupiscat, & lib. de Continent. c. Hanc pugnam non expeririuntur in semetipsis nisi bellatores virtutum debellatoresque vitiorum. Non expugnat concupiscentia malum nisi continentia bonum. Sunt autem qui legem Dei omnino nescientes malam concupiscentiam nec in hostibus deputant, eique miserabili cecitate servientes, insuper etiam beatos se putant, satiando eas potius quam domando. Hæc August. ubi etiam docet eos tantum hanc luctam experiri in se qui concupiscentiæ reluctantur, non eos qui illis credunt & consentiunt. Secundo, Inde refellitur quia hoc ipsum id concupiscere adversus spiritum, quod carni hic tribuitur ab Apostolo, tribuitur etiam parti superiori, siquidem ipsa superior pars in seipsa hoc duellum experitur, qua enim vetustati adhuc obnoxia, terrenis rebus oblectatur, repugnat eidem, quæ renovata & spiritualia, celestia & æterna bona, appetit. Tercio, Apostolus enumerat inter opera carnis vers. 20. 21. non tantum fornicationem, ebrietates, commensationes, quæ vere carnalia sunt opera appetitus sensitivi; sed Idololatriam,

triam, sectas, hæreses, invidias, quæ sunt opera spiritualia & sedem habent in appetitu rationali; & quidem horum ultimum vitium reperitur in ipsis Dæmonibus, quibus non inest appetitus sensitivus; ut omnes norunt. Quarto, Ipse Augustinus docet, concupiscentiam carnis non tantum in appetitu sensitivo, sed etiam in rationali sedem habere. Hinc Confess. lib. 8, cap. 5. conqueritur se renatum ligatum non ferro alieno, sed terrea sua voluntate; Et addit, Velle meum tenebat inimicus, & inde mihi catenam facerat, & constrinxerat me. Quippe ex voluntate perversa facta est libido & dum servitur libidini, facta est consuetudo & dum consuetudini non resistitur, facta est necessitas. Quibus quasi anfulis quibusdam sibi inest innexis, unde catenam appellam, tenebat me obstrictum dura servitus. Voluntas autem nova (inquit) quæ mihi esse cæperat ut te gratis colerem, fruique te vellem Deus sola certa jucunditas sibi non erat idonea ad superandam priorem vetustatem reboratam. Ita duæ voluntates meæ, una vetus, alia nova, illa carnalis illa spiritalis, confangebant inter se, atque discordando dissipabant animam meam; & mox subiit. Sic intelligebam in me ipso experimento id quod legeram, quomodo caro concupisceret adversus spiritum, & spiritus adversus carnem. Ego quidem in utroque sed magis ego in eo quod in me approbavam, quam in eo quod in me improbam. Meminit hic Augustinus, voluntatum duarum, quas in se expertus est, quarum una vetus carnalis & ferrea erat; altera nova & spiritalis, atque inde ait se intellexisse in seipso experimento id quod legerat, quomodo caro concupiscit adversus spiritum, & spiritus adversus carnem. Non ergo per carnem, teste Augustino, intellexit Apostolus solum appetitum sensitivum, sed & rationalem quatenus concupiscentiæ veteri fermento infecta erat. Vide eundem Augustinum in psal. 75. in illud Prophetarum, Et factus est in pace locus ejus, & de Civit. Dei lib. 14. c. 2, 3, 4.

Atque hinc est quod ipsi Romanenses jam tandem agnoscant concupiscentiam non tantum sedem habere in appetitu sensitivo, sed & in superiori parte in appetitu rationali, seu voluntate. Sic Bellarmin. lib. 5. de Amis. Grat. statu pecc. cap. 15. ubi sic habet. Ceterum negandum non est, etiam in parte superiore simile [concupiscentiæ in appet. sensitivo] vitium inveniri. Nam ea quoque animi pars propria est ad concupiscendos honores, inanem gloriam & alias vanitates, & etiam si nolimus, interdum parit ejusmodi desideria. Quomodo (inquit Beatus Paulus) in Galat. c. 5. 17. cum dixisset, Carnem concupiscere adversus spiritum, inter opera carnis recenset idolatriam, hæreses, inimicitias; id quod diligenter annotavit Augustinus lib. 14. de Civit. cap. 2, 3. & 4. Similia habet Staplet. de Origin. Peccat. lib. 3. cap. 1. Sect. Notandum, &c. Tertio, Id ipsum ingenue agnoscunt Estius & Cornel. à Lapid. in anot. Gal. 5. 17. Et ante eos omnes Thomas 2. q. 82. Artic. 3. eam omnem inordinationem virium animæ quæ vires omnes convertantur ad bonum commutabile, communi nomine Concupiscentiam vocari, eo plane modo quo hic conditores Articulorum vocant.

Hæc ergo interpretatione N. Lyræ rejecta, per nomen carnis intelligenda est ipsa carnalis concupiscentia tam in appetitu rationali, quam sensitivo ex prima transgressionem Adami orta & insita nostræ naturæ, & posteris ejus omnibus propagata. At nomine Spiritus ipse Sp. S. sic Hieronymus, Augustinus, Anselmus, Aquinas, Cajetanus & alii. Hoc ipso in loco Caro, & spiritus eodem sensu sumuntur, quo in illo Servatoris dicto, Joan. 3. 6. Quod natum est ex carne, Caro est; Quod natum est de Spiritu, Spiritus est. Licet per Analogiam pro homine carnali & spiritali accipiantur. Caro autem concupiscere dicitur adversus spiritum, quia carnalis concupiscentia incitat in nobis prava desideria S. Sancto contraria, & propterea ab ipso Apostolo peccatum vocatur Rom. 7. Caro autem concupiscit (i. e.) concupiscere nos facit, eo modo quo spiritus idem dicitur postulare & clamare, quia postulare nos facit & clamare.

CAP. XXII.

Concupiscentiam esse peccatum ex Scripturis atque ex rationibus ab Analogia fidei petitis evincitur, atque objectionibus adversariorum responderetur.

Hic ad hunc modum explicatis, hanc ipsam concupiscentiam Articulus docet esse peccatum, tum in { 1 Non-renatis.
2 Ipsis renatis.

1. In non renatis quatenus est vitium & depravatio naturæ cujusbet hominis ex Adamo naturaliter propagati, quæ sit ut ab Originali justitia longissime distet & ad malum sua natura propendeat. Hoc enim vitium, & hæc naturæ depravatio cujusbet hominis ex Adamo naturaliter propagati — quia ad malum natura sua propendet, ex mente conditorum Articuli, non aliud est quam ipsa prava concupiscentia; quæ, juxta illos, iram Dei & damnationem meretur.

2. In ipsis renatis, hoc ipsum vitium, & hæc ipsa depravatio naturæ, qua caro concupiscit adversus spiritum — dicitur manere in ipsis renatis & in iisdem rationem habere peccati, faciente Apostolo, ut pronuntiat Articulus,

Horum utrumque jam demonstrandum est.

Et quod primo ostendendum est, concupiscentiam pravam in non-renatis esse peccatum veri nominis, contra modernos Jesuitas, Bellarminum, & alios. [supra.]

Et quidem primo ex Scripturis. Secundo, ex rationibus ex Analogia fidei petitur.

Primo, Ex Scripturis, ex Præcepto Decalogi ultimi. Non concupisces. Ubi immediate & proprie prohibentur ipsi primi & involuntarii motus concupiscentiæ, cum lex immediate prohibeat vitiosos actus, sed quia Actus isti involuntarii, totam suam vitiositatem habent ab ipso fomite, seu morbo habituali concupiscentiæ, hinc est quod & ipse fomes hic prohibeatur, licet immediate, utpote fons & scaturigo unde omnes vitiosi involuntarii motus immediate fluunt. Hoc idem evincitur ex Apostolo ad Rom 7. 7. hoc ipsum mandatum citante & explicante. Peccatum non cognovi nisi per legem, Nam concupiscentiam nesciebam [esse se, peccatum] nisi lex diceret, Non concupisces. Ubi per *involuntariis* intellexit Apostolus ipsos primos & involuntarios motus, qui proxime hic prohibentur, remotius autem ipse fomes, unde isti motus scaturiant & oriuntur: Hanc utramque *involuntariis* vult Apostolus esse peccatum proprii nominis, ideoque ait, Concupiscentiam nesciebam, (esse se, peccatum,) nisi lex dixisset, Non concupisces.

Hic primo dicit Apostolus se cognovisse peccatum per legem. Secundo, Peccatum illud appellat concupiscentiam; Tertio, Legem per quem cognovit, dicit esse præceptum, Non concupisces. Ubi concupiscentiam esse peccatum asserit Apostolus, quia pravaricatio est divinæ legis, Non concupisces. Ex quo intelligitur Apostolum per peccatum intellexisse peccatum proprie dictum, quippe cum omnis legis pravaricatio sit peccatum proprie dictum.

Bellarmin. lib. 3. de Am. ff. grat. & stat. peccati, ut occurrat huic argumento, fatetur peccatum hoc loco proprie accipi (i.e.) pro vera legis pravaricatione; sed concupiscentiam non accipi, aut pro involuntariis motibus, aut horum fonte seu fomite, habituali prava concupiscentia; sed pro actu voluntario concupiscendi, qui (inquit) prohibetur lege, Non concupisces. Idque probat primo ex contextu Apostoli qui cum dixisset legem non esse peccatum (i.e.) causam peccati, sed esse causam cognitionis peccati, probavit ex eo quod non cognoscebant hominis actus interiores, ut desiderium uxoris; vel rei alienæ, esse peccata: nisi lex dixisset, Non concupisces.

Secundo,

Secundo, Ex loco Evangelii Matth. 5. 28. *Ubi, inquit Christus, Qui aspicit mulierem ad concupiscendum eam, jam dum machatus est cum ea in corde suo.* Quæ dixit Christus contra perverfas Phariseorum opiniones; qui easdem docebant, flagitia interna non esse peccata, id quod probat ex Josepho Antiquit. 12. c. 13. qui scribit motum internum non esse peccatum, nisi externis se prodant. Item ex Davide Kimchi in Psalm. 66. vers. 17. ubi illud, Iniquitatem si asperi in corde meo, non audiet dominus, (i.e.) non imputabit ad peccatum desiderium in iustum, si tantum sit in corde.

Sol. Primo, Certum est hoc præcepto prohiberi non actum voluntarium sed actus involuntarios, & primos concupiscentiæ motus; nam cum lex dicat *Non concupisces*, prohibet ipsum pravum actum, nec de consensu quicquam adiciat: reinerarium est vim prohibitionis obligatoriam ab ipso motu avellere, & ad voluntatis consensum solum restringere. Secundo, Illos concupiscentiæ motus hoc præcepto prohiberi vult Apostolus, qui non nisi Decalogi præcepto intellexisse potuit esse veri nominis peccatum, imo quam intellexisse non potuit esse vere peccatum, nisi hoc ipso ultimo præcepto? At vero voluntarium concupiscendi actum esse veri nominis peccatum vel lumen ipsum naturæ dicat. [supra.] Ipsi Philosophi, Plato, Aristoteles, Plutarchus, Seneca & cordatiores quique Gentiles, imo omnes ipsos voluntarios motus concupiscentiæ, damnabant, ut voluntariam appetitionem alienorum bonorum, ut fundi, aut domus, aut bovis, ipsum internum morbum avaritiæ; ipsam item interiorum appetitionem Honorum, dignitatum per ambitum alienarum. Hinc contra ambitum latæ legis, Politia, Lintia, Licinia, Pompeia, Julia, & alia prætraque. Atque utcumque leges istæ latæ sunt contra ambitum externis testatum, exterioribus actibus, ut largitionibus favoris aucupio, & id genus alia, tamen cordatiores Gentiles, ipsum interiorem cordis ambitum & honorum deordinatam appetitionem improbant; internam item cordis avaritiam, & aliterius uxoris internam concupiscentiam. Ergo cum Apostolus dicat se nescivisse *utro inchoat* esse peccatum, nisi lex dixisset, *Non concupisces*, certum est Apostolum velle, hic damnari non tantum, illam concupiscentiam voluntariam quam Philosophi & cordatiores Gentiles damnabant; sed etiam motus concupiscentiæ pravorum involuntarios, quos sola lex divina damnat & improbat. Id ipsum dicat ipsius conscientie dictamen, Ethnicis, & Paganis internos motus voluntarios, quibus appetunt alterius uxorem, aut fundum, aut domum, esse illicitos, & Deo cor inspicienti ingratos & exosos; idque Apostolus clare docet Rom. 2. 15. 15. Ubi Gentes quæ legem [scriptam] non habent — ostendere opus legis scriptum in cordibus suis, testimonium reddente illis conscientia ipsorum; & inter se invicem cogitationibus accusantibus aut etiam excusantibus] vult se Apostolus in corde humano Deum tribunal erexisse, legesque in ejus tabulis inscripisse digito suo, rationem constituit judicem, conscientiam actorem, testes cogitationes, affectiones, intentiones, in memorie thesauro repositas, quæ vel accusant vel excusant hominem reum.

Atque hoc est quod Menander olim cecinit cum dixit *Ἐποιοῖς ἀγαθὸν οὐκ ὁρῶντες θεοῖς*. Mortalibus cunctis conscientia est Deus (i.e.) instar vel vice Dei in nobis judicans; & Seneca lib. 5. Epist. c. 8. *Quid autem prodest recondere se, & oculos hominum aureque vitare? Bona conscientia turbam advocat: mala etiam in solitudine anxia atque sollicita est. Si honesta sunt qui facit, omnes sciunt. Si turpia quid refert neminem scire, cum tu scias. O te miserum si continuis hunc testem.* Et lib. 2. *Controverf. Aliter Deorum numini subiecta unius cujusque conscientia est, aliter nostra affirmationi. Nos tantum quæ sunt palam videmus; illi etiam quæ secreta sunt.* In quibus sunt pravæ cogitationes, intentiones & inclinationes & affectus interiores.

Cicero tertio officiorum. In liberis civitatibus existimat regnandi cupiditates, quibus nihil nec tetrius, nec scedius excogitari potest.] Vult regnandi cupiditates præ insita turpitudine in se esse vituperabiles. Juvenalis Satyræ 13. circa finem.

Nam scelus intra se tacitum quæ cogitat ullum

Facti crimen habet.

Ipsi ergo Pagani solo lumine naturali illustrati, turpes & inhonestas cogitationes,

nes, affectiones & intentiones voluntarias damnabant & improbant.

Tertio, Apostolo aliud est inesse peccatum concupiscentiae homini, aliud ejus desideris obedire, Rom. 6. 12. Ne regnet peccatum in mortali vestro corpore ut obediat ei in concupiscentiis ejus: aliud habitualis concupiscentia; aliud est desideris ejus obedire; hoc fit, ubi consensus ejus motibus accedit; at vero ipsa habitualis concupiscentia & ejus primi motus peccati nomine insigniuntur. Ad Gal. 5. 16. aliud est Carnem contra Spiritum concupiscere; aliud concupiscentias carnis perficere. — Jacob etiam primo concupiscentia instat, allicit, inclinat, suggerit &c. postea accedente consensu concipit peccatum.

Utrumque tamen peccatum est, illud tamen ad Originale videtur reducendum, & ultimo mandato proprie prohibetur; hoc vero in aliis mandatis prohibetur.

Quarto, Christus [Matth. 5. [vide supra] docet concupiscentiae actum voluntarium, quatenus castitati cordis repugnat, prohiberi mandato septimo, ubi ait, Qui viderit uxorem proximi sui ad concupiscendum eam, jam mechatus est in corde suo; & similiter concupiscentia domus, agri, bovis reducitur ad mandatum octavum non ad mandatum ultimum, & Apost. Joann. 1. Joan. 3. 15. internum proximi in corde odium, ad homicidium reducitur, ex quibus pateat; aliam concupiscentiam damnari mandato ultimo. Illa autem alia non esse potest, quam motus involuntarii concupiscentia, & ipsorum radix & fons, habitualis prava concupiscentia.

Quinto, Hujus interpretationis Author Tertul. lib. de pudicitia; Lex non concupiscendi Origines delictorum (i.e.) concupiscentias & voluntates non minus quam facta condemnat. Hujus item interpretationis nostrae Author est Augustinus variis in locis; ut de nuptiis & concupisc. lib. 1. c. 29. Multum boni facit, qui facit quod scriptum est post concupiscentias tuas non eas: sed non perficit quia non implet quod scriptum est, Non Concupisces. Et in Epistol. 203. ad Alcolicum.

Lex, dicendo non concupisces, id posuit, non quod hic valeamus, sed ad quod proficiendo tendamus.

Anselmus per peccatum, Rom. 7. 8. *Peccatum accepta occasione per mandatum legis operatum est in me omnem concupiscentiam*; per peccatum intelligit fomitem peccatis.

Hugo de S. Victore in annotat. elucidatoriis quaestionum in Epist. ad Romanos quaest. 170. in illud. Nam concupiscentiam nesciebam, &c. Quaeritur, inquit, de qua concupiscentia hoc dicat Apostolus? Solutio, In responsione hujus quaestionis Moderni Doctores dissentiunt. Alii enim dicunt quod primos motus prohibet lex. Alii vero dicunt quod consensum — postea solvit in Resp. ad Quaest. 171. Augustinus, inquit, ostendit aperte, quid sit quod Apost. nolebat [ubi dicit, facio quod nolo] & tamen faciebat, motum sc. concupiscentiae sentiebat: sed tamen non consensiebat; imo non sentire volebant. Unde liquet (inquit Hugo) quod primos motus concupiscentiae lex prohibet, Pergit quaest. 173. & quaerit quare Deus vel prohibuit quod non potest vitari, vel praecepit quod non valet impleri? videtur enim crudelis vel non aequus; & pulchre respondet, Ut superbum humiliaret, & caecum illuminaret, & sic dignum ad gratiam suscipiendam praepararet. In hoc quod prohibuit quod nemo potest vitare, & praecepit quod nullus facere potest, ostendit quae sit perfectio divinae justitiae & quid juste Deus ab homine exigere possit.

Estius in locum, in illud, Non concupisces] Docet quod plerique nesciunt latentem in corde concupiscentiam esse peccatum — & postea docet concupiscentiam, de qua agit hoc praeceptum, esse deordinationem quandam, & pravam inclinationem totius appetitus humani, & non solius sensualitatis; & explicans illud in vers. 8. sequent. Occasione autem accepta peccatum per mandatum operatum est in me omnem concupiscentiam.] sic interpretatur. Concupiscentiae vitium in me latens, occasione mandati, Non concupisces, per illud ipsum excitavit & produxit in me omne genus pravorum desideriorum, ac si dicat, multo latius grassari coepit, quam ante, tanquam ipsa prohibitione lacessitum.

Deordinatio virium animae seu prava concupiscentia pugnat cum lege primae institutionis humanae naturae, ergo est peccatum proprii nominis. Licet enim in brutis animalibus & plantis [p. 15. l. à fine 10.]

Acce-

Accedant rationes ab Analogia fidei petitz.

Hæc prava concupiscentia seu deordinatio virium animæ in quibus sita est Originalis iustitia, est Deo odiosa & exosa in homine non renato: Ergo est veri nominis peccatum.

Conseq. patet, quia Deus nihil odio habet præter peccatum.

Antecedens probatur. Primo, Quia est deformatio & destructio illius imaginis Dei ad quem homo à Deo conditus est. Quid autem Deo magis exosum esse potest, quam operis sui tam eximii depravatio?

Secundo. Est radix omnium malorum & fons unde omnimoda vitia featuriunt; est instar arboris malæ & putris quæ bonos fructus proferre nequit. Matth. 7. 18. & de corde [sc. hoc vitio infecto,] exeunt cogitationes malæ, homicidia, adulteria, fornicationes, furta, falsa testimonia, blasphemiz, hæ sunt quæ coinquinant hominem. Mat. 15. 19, 20. ad malum incitat, & legi Dei repugnat, ideoque odio habenda, tanquam vitium nos abducens atque avergens ab eo quod summe amandum est; Porro incitat & sollicitat ad peccatum, ut recte Estius, non tantum suggerendo quod malum est, quomodo Diabolus & mali homines ad peccatum sollicitare dicuntur; non per accidens & occasionaliter tantum, suscitando in homine mala desideria, quomodo vinum aut crapula, aut objective tantum ut speciosa forma Bathshebæ Davidem ad libidinem; aut pallium Babilonicum, & auri virga Achanem ad furtum invitabant; speciosa forma mulieris ad libidinem, aut aurum conspectum, ad furtum incitat: sed per se & suapte natura, & proprio suo actu interius commovendo, inquietando & perturbando. *Agit autem quid* (inquit Augustinus) *nisi desideria mala & turpia? non enim si bona & licita essent eis obedire prohiberet Apostolus, dicens, non regnet peccatum in vestro mortali corpore, ad obediendum desideriis ejus. Non enim ait, ad habenda desideria ejus, sed ad obediendum desideriis ejus.* De Nuptiis & Concup. lib. 1. cap. 27. & alibi Concupiscentia carnis nihil aliud est quam desiderium peccati, de perfect, iustit. Ratiocin. 12.

Hoc idem evincitur ex illa deordinatione virium quæ inest ex lapsu pugnante formaliter, & quidem positive, cum illa debita subordinatione virium quæ inerat homini ex lege primæ institutionis humanæ naturæ.

Erat autem in homine in prima sui institutione triplex rectitudo

1. In superioribus animæ potentiis.
2. In inferioribus.
3. In corporis membris.

Consistit autem hæc rectitudo in triplici subordinatione harum virium.

Et quidem primo in perfecta subordinatione superiorum animæ potentiarum, intellectus & voluntatis, Deo ejusque legi: intellectus quidem per perfectam Dei legisque ejus notitiam; voluntatis item per plenam & absolutam obedientiam legi Dei claræ cognitæ præstitam.

Secundo, In subordinatione partis inferioris potentiarum (i.e.) appetitus sensitivi, tam concupiscibilis quam irascibilis, absque ulla pugna aut renitentia, superiori parti.

Tertio, In subordinatione omnium corporis membrorum voluntatis seu rationis imperio, quatenus ad nutum ejus obtemperarent, non nisi ad iussum ejus moverent. Deordinationes autem dictarum virium totidem sunt rami Originalis curvaturæ injustitiæ, ac peccati, & quidem primo, deordinatio superioris partis animæ, intellectus & voluntatis, quæ Deo conditori & ejus legi non conformantur aut subordinantur, sed contra legem primæ institutionis à Deo habitualiter aversi sunt, ei debitam subjectionem subtrahere detrectant aut etiam moram gerere recusant, est perversitas magna, est & perversitas Originalis, superioris rectitudinis primæ parti ex adverso opposita.

Et quidem in intellectu deordinatio multiplex. Primo, Ignoratio habitualis, rerum debitarum & cognitum necessariorum in quibus sunt ignoratio ultimi finis (i.e.) veræ beatitudinis, & mediorum, per quæ ad bonum beatumque finem perducimur, Epes. 4. 18.

Secundo,

Secundo, Tarditas ad fidem adhibendam divinitus revelatis. Hinc illa exprobratio Servatoris, ubi compellat duos discipulos qui ad Emauntem profecti sunt. Luc. 24. 21. O tardi corde ad credendum omnibus quae locuti sunt prophetae.

Tertio, Habitualis curiositas, quae, desinente G. Parisiensi, est libido cognoscendi non necessaria, & quorum cognitio nihil operatur aut adjuvat ad salutem [de tentat. & resist. cap. 1.] aut occulta & arcana, quae scrutari fas non est, aut aliena facta ac praefertim errata, potius quam sua, inspiciendi. Hanc curiositatem appellat Parisiens. Prostitutionem virtutis rationalis, passim quamcunque veritatem propter seipsam amplectantis, & cum ea libidinantis, & propter hoc, thorum, ad quem solum primam veritatem admittere debuit, fornicatione vel adulterio cum ancilla, vel pedissequa pollutis. Hæc parisi. ut supra.

Quarto, Est error, siquidem intellectus errori in rebus dijudicandis obnoxius est, ex innata ignorantia habituali. Hinc Augustinus in Enchirid. c. 24. Hoc primum est creaturæ rationalis malum (i.e.) prima privatio boni: deinde etiam jam nolentibus subintravit ignorantia agendarum, & concupiscentia noxiarum quibus commites subinferuntur error & dolor, & Author de vocat. Gentium lib. 1. c. 3. Ubi de Originalis vitii effectibus. Inde multiplex corporis animique corruptio, inde ignorantia & difficultas, inde curæ inutiles, illicitæ cupiditates, sacrilegi error: & id genus alia. Cecinit Juvenalis olim Satyra 10.

*Omnibus in terris quæ sunt à Galibus usque
Aurorem & Gangem, pauci dignoscere possunt
Vera bona, atque illis multum diversa remota
Erroris nebula: quod enim ratione timeamus?
Aut cupimus?*

Ex istis cernere licet quot deordinationes occurrant in ipso intellectu; & quantum illa facultas recessit ab illa rectitudine quam accepit cum Primitus homo conderetur. In voluntate deordinatio etiam multiplex.

Primo, Malitia est illa innata, quam Scholastici statuunt esse peculiare vulnus voluntatis, quæ propensa est ad omnimoda mala. Hanc malitiam vult Medina esse odium rerum cœlestium & spiritualium. Et quidem certum est mirare quandam perversitatem inesse voluntati, quæ ad verum Dei cultum tardissima est, imo ab eo plane averfa: ad colendos autem falsos Deos promptissima, tametsi nihil omnino de eorum divinitate cognoverit. Id quod exemplo Israëlitarum Dei populi, ex sacris literis satis constat. Philosophi item etsi per ea quæ facta sunt Deum verum cognoverunt, teste Apostolo ad Romanos 1. non tamen sicut Deum glorificaverunt.

Secundo, Hæc voluntatis deordinatio elucet in illa difficultate, quam omnes experimur in vitiis expugnandis, & virtutibus excolendis. Hinc est quod homines latentur cum male fecerint, & exultant in rebus pessimis, inquit Salomon, Proverb. 2. & bibunt sicut aquam iniquitatem Job. 15. Hinc multiplices illæ poenæ quas tum in parvulos, tum in adultos cogimur exercere, ut homines vel inviti coercentur à vitiis. Quid enim (inquit Augustinus) sibi volunt multimode formidines, quæ cohibendis parvulorum vanitatibus adhibentur? quid Padagogi, quid Magistri, quid ferula, quid lora, quid virga, quid disciplina illa, quæ Scriptura sancta dicit, dilecti filii latera esse tundenda ne crescat indomitus, domarique tam durus, aut vix possit; aut fortasse non possit? quid agitur his poenis omnibus, nisi ut debellantur inperitia & prava cupiditas refranetur, cum quibus malis in hoc seculo vivimus. Hæc Augustinus de Civit. Dei 22. cap. 22. hanc ipsam difficultatem innuunt majora illa tormenta, quæ legislatorum severitas pro majoribus excogitaret; cruces, secures, patibula, rotæ, ignes, & id genus alia, nisi ejusmodi poenas omnino esse necessarias. En quanta difficultate vitia coercentur, en insignem voluntatis in hac sua perversitate deordinationem! Tertia voluntatis deordinatio cernitur in innata illa paviditate & proprio amore qui dominatur in voluntate usque ad contemptum Dei. De quo Augustinus de Civit. Dei lib. 14. c. 28. Hinc idem Augustinus de Civit. Dei lib. 22.

cap. 12. Quid amor ipse tot rerum vanarum & noxiarum? ex hoc mordaces curae, perturbationes, maiores, formidines, insana gaudia, discordiae, lites, bella, insidiae, iracundiae, inimicitiae, fallacia, adulatio, fraus, furtum, rapina, perfidia, superbia, ambitio, nequitia, luxuria, peculantia, impudentia, impudicitia, fornicationes, adulteria, incesta; (& id genus alia quae fuscè ibidem enumerat Augustinus) En hujus pavoris fructus numerosos, eisdemque amarissimos. Accedat haec quarta deordinatio, fastidium proprii status. Magnum enim argumentum est corruptionis voluntatis humanae, quod nemo forte sua contentus vivat. Sed, Laudat diversa sequentes, ut canit poeta. Id enim signum est agritudinis manifestae, & corruptae voluntatis certum argumentum.] Ex dictis satis luculenter constat, quot & quanta sunt voluntatis deordinationes, & quantum recessit ab illa subordinatione, qua Deo & ejus legi per plenam & absolutam obedientiam plenarie sese morigeram praebet, absque omni vel rebellionis vel renitentiae specimine.

Secunda rectitudo quae primitus hominis in prima naturae suae institutione inerat, constituit in subordinatione inferioris partis animae superiori (i.e.) appetitus sensitivi; tam concupiscibilis quam irascibilis, absque ulla pugna aut renitentia voluntatis imperio. Sed eniuratum rerum faciem. En in appetitu sensitivo insignem deordinationem, & quidem in appetitu concupiscibili, iustitia Originali remota, illud vitium succedit, quo appetitus ille contra rectam rationem & Dei legem effreni inclinatione praeceps fertur ad ea quae sensibus jucunda sunt, etiam si ipsissima fuerint & maxime inhonesta; quod vitium appropriato nomine Concupiscentia dici solet. Similis deordinatio item occurrit ex remotione primae iustitiae in appetitu irascibili, per quam irordinate se habet appetens ad bona persequenda, ad mala fugienda, vel repellenda; quae, juxta scholam, Infirmetas dici solet.

Hanc utramque deordinationem, sc. concupiscentiam & infirmitatem, esse veri nominis peccatum in non renatis, vel inde demonstratur. Certum est hominem in naturali sua conditione, & primae institutione habuisse legem menti inscriptam quae bona est, quae dicitur in I hesi quid probum, quid improbum, quid pium, quid impium, quid honestum, quid turpe: & illud quidem agendum, hoc autem evitandum. Haec enim lex in superiori hominis parte, digito Dei conscripta est. Rursus aliam legem superiori contrariam sentit homo in membris suis & inferiori animae parte, quae cum ad obediendum superiori sit nata, audet tamen imperare. Hinc schisma & bellum intestinum in uno eodemque homine, & quod va de praeposterum est, & summe perversum, cum quid agendum proponitur, plerumque evenit, ut illa hominis pars, quae dicitur meliora, succumbat, & sequatur illam quae tota ad deteriora propens est. Hinc illud Medae — *Vide meliora proboque, Deteriora sequor.* & illud — *aliudque cupido;*

Mens aliud suadet — hoc — Et quis non hoc bellum intestinum in se experiri? Quis non hoc ut vere iniquum & summe perversum dictante recta ratione, & indicat, & merito etiam detestatur? vid. Concion. Latin. Jan. 12. 1634. p. 45. b. 46. Hinc August. compellens Julianum l. 5. c. 3. Sect. *Prudenter super os profecto esse iniquitatem videres, quia pars inferior hominis repugnat superiori, atque meliori.* Et eodem capite: Concupiscentiam carnis, peccatum dicere non dubitat, qui inest illi inobedientia contra dominatum mentis.] Et l. 6. c. 8. *Nique enim nulla est iniquitas, cum in uno homine, vel superiora inferioribus impiter serviant, vel inferiora superioribus contumaciter resistunt, etiam si vincere non sinantur.*

Tertia rectitudo quae in privata institutione humanae naturae cernebatur in subordinatione omnium corporis membrorum, voluntatis seu rationis imperio. At post lapsum remota hac rectitudine, in ejus locum successit illa deordinatio turpis admodum, quia corporis membra voluntati & rationis imperio primitus morigerata, & educta eorum obtemperare assueta, nec nisi ad eorum justum moveri solita, jam, excusso quasi iugo, subijci recusant, nec amplius voluntatis imperio, sed ardore libidinis compoventur. Dedit recte humanam naturam haec inordinata libido, quam velut turpem erubescit, quoniam turpe est inferiora superioribus contumaciter obijci; quemadmodum in domo turpe reputatur, si maritus & uxor adversus se dissentiant.

Hanc

Hanc ipsam deordinationem membrorum quæ ad imperium voluntatis non sunt morigera in non-renatis, esse veri nominis culpam, ex passione erubescentiæ evincit Augustinus; vide supra, inter alia: item ex iis evincitur quæ afferuntur in vindictâ duodecimæ rationis Stapleton. p. 55.

Superest hoc unicum in hoc Articulo p. 187. Ut illud vitium seu naturæ depravationem — quæ fit ut quilibet homo ex Adamo naturaliter propagatus ad malum sua natura propendeat, seu, quod proinde est, pravam concupiscentiam non esse morbum naturæ & languorem nudam ex naturæ principiis fluentem, malum item naturale, aut peccatum materialiter duntaxat sumptum, contra Bellarminum, Jesuitas & Remonstrantes, demonstremus; sed ejusmodi vitium quod in unoquoque nascentium, iram Dei atque damnationem mereatur, ut habet Articulus (i.e.) quod veri nominis peccatum sit: & vere sit pars Originalis peccati.

Hoc dogma eo diligentius à nobis demonstrandum est & à Romanensium Cavillis & objectamentis asserendum, quo magis facit ad infirmæ superbiam nostræ deturbationem, veræ humilitatis ingenerationem, divinæ denique sapientiæ evidentissimam declarationem. Inde enim cuilibet constare possit, quantam ruinam perpeffa sit natura humana ex lapsu Adæ; quanta inde irrepsit turba vitiorum, ut loquitur Prosper. cont. collat. cap. 21. inde etiam constat de justitiæ nostræ tam inharrentis quam actualis quamdiu hic vivitur, tum imperfectione tum obliquitate, & quam impares sumus mandatis Dei integre implendis, ut inde erudiamur tum ad humilitatem, tum ad gratitudinem.

Nos hujus rei demonstrationem in superioribus prælectionibus aggressi sumus. Ubi primo in loco quid per concupiscentiam intelligendum sit explicavimus, quid idem per carnem & Spiritum in loco ad Galat. 5. 17. in Articulo citato intelligendum sit. Secundo suscepimus in nos ipsius conclusionis in Articulo positæ demonstrationem; depravationem sc. naturæ, seu pravam concupiscentiam esse veri nominis peccatum, tum

in { Non-renatis.
Renatis etiam.

Et quidem primo in non-renatis id ostendimus ex Scripturis. Secundo, Id ibidem demonstrare incepimus ex rationibus ab Analogia fidei petitis.

Primo, Quod hæc depravatio virium animæ, sit Deo odiosa & exosa in homine non-renato.

Secundo, Ex eo quod illa deordinatio virium animæ, quæ inest homini ex lapsu pugnet formaliter etiam positive cum illa debita subordinatione virium animæ quæ inerat homini ex lege primæ institutionis naturæ humanæ.

Sed hic insurgunt Jesuitæ & impræmis Bellarminus libro quinto de amiss. gratiæ & statu peccat. c. 14. Ubi ait, Depravationem naturæ humanæ non esse conformem legi divinæ, si agatur de lege in universum; non autem si agatur de lege cujus prævaricatio inducit reatum, sitque peccatum proprie dictum.

Sol. Respondeo certum est depravationem seu deordinationem naturæ humanæ in potentiis reatus capacibus (quales sunt superiores animæ potentie & appetitus sensitivus hominis) non esse conformem legi divinæ, nec primæ institutioni non legi naturali aut morali, ac proinde in legibus quarum prævaricatio inducat reatum, & peccatum est proprie dictum, quare falsissimum est quod subjungit ibidem Bellarminus, depravationem voluntatis quæ denotat aversionem à Deo, esse vere peccatum non autem depravationem quæ est in intelligentia vel in carne, aut etiam pronitatem voluntatis ad obsequendum desideriis carnis, & difficultatem ejusdem obsequendum Deo, non esse contra legem ullam cujus prævaricatio sit peccatum proprie dictum. Hæc omnes enim depravationes & deordinationes sunt per se & sua natura peccata proprii nominis, reatum per sona sua natura inducentia.

Quod

Quod ut amplius constet perpendenda est }
cognatio inter legem }
1. Primæ Institutionis.
2. Naturæ.
3. Moralem Scriptam.

Primæ Institutionis Lex erat rectitudo illa quam Deus indidit singulis animæ potentis, unde habiles, idoneæ & promptæ evaserunt ad cultum Deo exhibendum secundum actiones determinatas sui generis. Unde lex primæ institutionis exigebat creaturæ, in quibus erant, ut potentie susceptivæ peccati manerent conformes primitivæ suæ institutioni, & retineant sanctitatem & justitiam habituales quam Deus ipsis primitus indiderat. Hinc imputatur Angelis, quod Originem suam non servarunt, Judæ vers. 6. Hinc jubemur ut imaginem Dei ad quam facti sumus restau-remus, ad Ephes. 4. 23, 24.

Lex naturæ est dictamen rationis p. activæ. Dictat autem ratio practica ut crea-tura rationalis conservet seipsam in suo statu, quem à Deo acceperat.

Lex moralis est regula justitiæ imperans actiones illas ad quas primæ Institutionis Lex hominem habilem, idoneum & promptum effecerat, ac prohibens contra-rias. Sed & Lex Moralis non tantum est regula actuum sed & inclinationum, & ha-bituum, quæ fontes sunt & principia actionum. Unde non solum actus, sed & ha-bitus vitiosos improbat & damnat, utpote Deo displicentes, & in se vituperabi-les, etiam inter dormiendum, vide supra. Indita est cuique naturæ propensio ad sui ipsius conservationem in suo Esse, & certe multo magis creaturæ rationali.

Sed & Lex Moralis exigebat conservationem justitiæ Originalis, postquam Deus eum in statu Originalis justitiæ condidisset.

In hoc ergo conveniunt triplex hæc lex }
Primæ Institutionis.
Naturæ cordi inscripta. } quod
Moralis scripta.

Unaqueque lex exigit conservationem istius justitiæ quam Deus homini indiderat in prima institutione suæ naturæ.

Nam primo lex primæ Institutionis hoc postulabat, ut sese creaturæ rationales conservarent in eo statu primitivo in quo à Deo conditæ sunt, idque sub pœna reatus in statu nimirum justitiæ Originalis; unde & peccatum Originale recte definitur, Carentia justitiæ Originalis debitæ inesse, & Angelis ideo vitio vertitur eorum Apo-stasia, quod non servarint suam Originem. Judæ vers. 6. Id quod pariter dicendum est de naturæ depravatione inde secuta.

Cum enim Deus formavit Adamum & ornavit eum Originali justitiâ, non solum modo, ut personam singularem, sed ut communem radicem humani generis, ipso facto jussit eum & omnes ab illo oriundos, tales esse quales facti sunt, tales manere idque sub pœna reatus secutori nos omnes experientia calamitiosa nimis & infelici edocti sumus, ex lapsu Protoplasti.

Lex item naturæ id ipsum exigebat, quæ non aliud est, definiente Hugone lib. 1. part. 6. cap. 7. quæ ipsa discretio naturalis quæ intrinsecus inspirata est ut per eam homo erudicatur de his quæ sibi vel appetenda vel fugienda fuerunt, discretio autem naturalis imprimis dictat creaturæ rationali, ut seipsam conservet in suo sta-tu, idque primo in loco appetendum esse, & contrarium plane fugiendum esse, sub pœna reatus, omnis enim cognitio certa, quam habet creatura rationalis de agendis & vitandis naturaliter ingehitam, vim legis habet. Idque confirmatur ex Aug. l. 22. co. Faust. c. 27. *Peccatum est dictum vel factum, vel concupitum contra legem æternam.* Moxque quid per æternam legem intelligat exponens subjicit. *Lex vero æterna est ra-tio Divina vel voluntas Dei ordinem naturalem conservari jubens, perturbari ve-tans.* Hujus autem legis æternæ, lex naturalis imposita in creaturæ rationalis mente, est proximus & immediatus effectus utpote quæ non aliud est quam recta ratio. Cum vero Divina ratio semper rectissima sit, Omne quod est contra æternam legem est contra rectam rationem, & quicquid est contra aliquam rectam rationem, est & contra quamlibet rectam rationem de eodem. Nam circa idem quælibet recta

ratio cuilibet recte rationi consonat & nulla alicui adversatur, sicut nec veritas veritati, quare quicquid est contra rectam rationem est contra legem aeternam, ac proinde peccatum veri hominis. Quare carentia Originalis iustitiae debita inesse merito imputatur creaturae rationali & veri hominis peccatum est. Et inde secuta naturae rationalis deordinatio in potentiis animae reatus capacibus, nostra culpa introducta. Idem Augustinus lib. 3. de lib. arbitrio cap. 18. dicit veri hominis peccatum esse ubi receditur ab eo modo quo naturaliter facti sumus.] Ergo creatura rationalis vere peccatum est ubi receditur ab eo statu in quo conditus est, & quidem peccatum contra legem naturalem cordibus inditam & ingeneratam.

Lex denique moralis scripta quae eadem erat in statu innocentiae cum lege naturali menti inscripta, non minus exigebat conservationem iustitiae in qua conditi sumus quam lex naturalis. Cum in statu innocentiae utraque eadem erat lex unde & ejus carentiam utraque lex damnat, neque solam carentiam sed & inde secutam creaturae rationalis deordinationem & depravationem.

Hisce praemissis de cognatione inter hasce tres leges dicimus deordinationem & depravationem naturae humanae non fuisse conformem hisce tribus legibus, ac hanc inconformitatem induxisse verum reatum humano generi.

Concedit Bellarminus depravationem voluntatis quae denotet aversionem à Deo esse vere peccatum non autem depravationem quae est in intelligentia vel in carne, aut etiam pronitatem voluntatis ad obsequendum desideriis carnis & difficultatem ejusdem ad obsequendum Deo non esse contra legem ullam, cujus praerivatio sit peccatum proprie dictum.

Sol. At contra certum est, non solam depravationem voluntatis, quae denotat aversionem actualem à Deo, esse vere peccatum, sed & aversionem habitualem, utpote quae formaliter pugnat cum rectitudine voluntatis habituali, cum quo conditus est primus homo; quod enim formaliter pugnat cum rectitudine concreta quae inerat voluntati ex lege primae institutionis, id ipsum necesse est ut sit curvitas culpabilis & merito vituperio dignum, si nostro demerito contrahatur, ejusmodi est aversio habitualis voluntatis, si illa sumatur pro sola privatione iustitiae Originalis, siue macula; quomodo accipit Bellarminus lib. 5. de Amiff. Grat. & Statu Peccati cap. 19. siue etiam includat pronitatem & praecipitem inclinationem ad omni-modi mala. Nam si primo modo sumatur aversio habitualis, pro sola privatione iustitiae Originalis, seu macula cum privative opponatur Originali iustitiae; formaliter eidem opponitur, privative enim opposita formaliter opponuntur. Atque hoc modo sumpta aversio habitualis est veri hominis peccatum. Id quod Bellarminus ipse non semel, sed saepius fatetur, sic enim scribit de Amiff. Gratiae & Statu Peccati lib. 3. cap. 19. Sect. Igitur privatio, inquit, doni iustitiae Originalis peccatum Originale dicitur, quatenus idem est cum aversione Dei habituali. Nam quemadmodum anima seu voluntas dono illo praedito conversa dicitur ad Deum & iusta habitualiter; sic etiam dono illo privata non conversa & non iusta dicitur; & si ipsa se à Deo averterit, & donum illud excluderit, aversa & iniusta optimo jure dicitur. Ubi dixerit aut aversionem habitualem, si sumatur pro sola privatione iustitiae Originalis seu macula, esse ipsum peccatum, cum peccatum Originale, ac proinde veri hominis peccatum, cum peccatum Originale sit vere peccatum.

Pergit Sect. Probatur. Probatur secundo quoniam ex omnibus quae remanant in anima peccatoris, transiente actu peccati, nihil est quod propriam peccati rationem habere possit, nisi privatio iustitiae, siue aversio & macula quae unum & idem sunt. Ubi vult post transientem actum peccati aversionem habitualem propriam peccati rationem habere, utpote quae eadem sit cum privatione Originalis iustitiae & maculi quae sunt peccatum. Et eodem capite Sect. Restat.

Restat igitur aversio habitualis, quae proprie peccatum sit. Nam ut peccatum actuale est aversio actualis à Deo & ejus lege, ita peccatum habituale, est aversio habitualis à Deo & ejus lege. Et sicut peccatum actuale est privatio rectitudinis actualis: ita peccatum habituale est privatio rectitudinis habitualis, quae est habitus gratiae. Et sicut peccatum actuale est voluntarium actuali voluntate, ita peccatum habituale est voluntarium habituali voluntate. Hic itidem Bellarminus vult aversionem

sionem habitualement esse proprie peccatum, quia est habitualis aversio à Deo & ejus lege. Et quia voluntaria est, habituali voluntate; quod sufficit juxta illum ut aliud dicatur veri nominis peccatum.

Si autem aversio habitualis ita intelligatur ut includat in sua notione præter privationem justitiæ Originalis, pronitatem voluntatis & præcipitem inclinationem ad omnimoda mala conversionem voluntatis ad creaturas, & hoc modo sumpta formaliter opponitur Originali justitiæ cum contrarie opponatur & positive, quæ autem hoc modo opponuntur, etiam formaliter opponuntur. Atque hoc modo sumpta est proprii nominis peccatum, siquidem deordinatio omnis habitualis in voluntate proprio demerito contracta, est veri nominis peccatum.

Videmus Bellarminum agnoscentem aversionem actualem voluntatis à Deo esse veri nominis peccatum, aversionem item habitualement; sed & addo idem pronuncians, dum est de conversione voluntatis, tum actuali tum habituali, ad creaturas & bona commutabilia.

Nam quomodo, asserente Bellarmino, aversio actualis voluntatis à Deo, recte dicitur peccatum; sic necesse est ut conversionem actualem ad creaturas, seu bona commutabilia, statuamus pariter esse veri nominis peccatum. Siquidem ubicunque voluntas sese avertit à summo bono hoc ipse se convertit ad bonum deterius, ad bonum commutabile. Quare si libera aversio voluntatis quæ se libere avertit à Deo sit veri nominis peccatum, etiam & libera conversio voluntatis ad creaturas, pariter erit peccatum vere & proprie dictum. Ratio manifesta est, quia aversio ab uno termino, & conversio ad oppositum, non sunt duo distincti motus, sed unus; neque fluunt à duobus diversis principiis, sed ab uno & eodem. Nam ut aversio ab oriente est idem motus cum conversione ad occidentem & idem principium quod inclinat ad aversionem ab oriente hoc ipso simul inclinet necesse est ad conversionem qua tendit ad occidentem; Sic actualis aversio voluntatis à bono summo & incommutabili, est item prorsus motus cum conversione ad bonum inferius & commutabile; quare cum unum sit proprii nominis peccatum itidem & alterum: vid. Davenant. de habit. justitiæ. c. 18. p. 293.

Id ipsum pariter dicendum est de aversione habituali voluntatis à summo bono, quam Bellarminus vult esse privationem justitiæ Originalis, seu maculam, atque adeo proprii nominis peccatum ut supra vidimus. Quare necesse est ut idem statuamus de conversione habituali ad creaturas & bonum commutabile: Urque voluntas si ipsa se averterit à Deo, atque adeo justitiæ Originalem excluderit, averfa & injusta optimo jure diceretur, testante Bellarmino: ita eadem voluntas si ipsa se converterit ad bonum commutabile, & maneat ad bonum illud conversa, hoc ipso in statu justitia & peccati proprie dicti manet etiam ex ipsis Bellarmini principiis. Cum ergo inordinata conversio habitualis voluntatis ad bonum commutabile ex actu voluntatis profecta; sit veri nominis peccatum, necesse est ut simul statuamus, depravationem habitualement voluntatis, juxta verum sensum Articuli, vere peccatum esse, id quod pariter dicendum est de depravatione aliarum animæ virium reatus capacium, quas omnes depravationes nos supra demonstravimus pugnare.

Cum triplici lege { Primæ Institutionis.
Naturæ cordibus inscriptæ.
Moralis scripta in tabulis lapideis.

Objicit primo Bellarminus ubi supra legem primæ Institutionis naturæ non esse eam legem moralem, cujus prævaricatio reum constituit transgressorem. Non enim justitiam Deus ut homo nasceretur cum justitia Originali vel hoc aut illo modo, sed instituit naturam sicut voluit, & ornavit iis donis quibus illi placuit illam ornare, & eidem attribuit principiis, ex quibus propagari possit.

Sol. Respondeo, Lex primæ Institutionis, seu ut appellat Hugo lib. 1. de Sacram. part. 6. cap. 7. præceptum naturæ (i.e.) ipsa discretio naturalis quæ intrinsecus aspirata est ut per eam homo erudiretur de his quæ sibi vel appetenda vel fugienda fuerunt — cognitio enim hæc faciendorum quid fuit (inquit) nisi quædam ad cor hominis facta præceptio. Quid autem æquius erat quam ut hæc discretio naturalis,

sive cognitio dictaret, ut maneat homo conformis primæ institutioni suæ naturæ, quam ut conservaret bonum iustitiæ & sanctimoniam, quod ipsi Deus primitus indiderat. Illud discretio naturalis dictabat olim Adæ, quod Angelo Ecclesiæ Thyatyrensis præcepit Deus, Tene quod habes.

Id ipsum dicitur naturalis ratio cuicumque qui donum aliquod speciale à Deo accepit. Hinc imputatur Angelis malis quod Originem suam non servarint. Judæ v. 6. Hæc lex primæ Institutionis erat instar præcepti inditi corde Adami, eratque illa lex ad quam mores suos & actiones formare tenebatur Adam, cujus prævaricatio reum constituerebat transgressorem. Ac quamvis non iussit Deus ut homo nasceretur cum iustitia Originali, vel hoc aut illo modo, ut nec Angelos desertiores; ut eo modo conderentur quo conditi sunt, sed instituit naturam utriusque prout voluit, & ornavit iis donis, quibus illi placuit, illam ornare, iussit tamen utroque, tum homines tum Angelos ut primæ institutioni conformes manerent, ut custodirent depositum Originalis iustitiæ, iis conceditæ ex Lege fidelitatis; ut tenerent quod habebant ex lege discretionis naturalis, idque sub poena reatus, ut vidimus in Angelis, quibus nullum præceptum speciale datum est ut nascerentur in Originali iustitia. Neque enim ullo mandato in sacris literis iis præscribitur, ut donum illud servarent. Illis tamen vitio vertitur quod non servarint suam Originem, & idcirco iudicio magni illius diei vinculis æternis sub caligine reservantur, ut narrat Judas, id quod de homine primo, pari ratione pronuntiandum, illum graviter peccasse, quod legem primæ Institutionis naturæ suæ non servaret. Si enim primus homo non tenebatur ad habendam & conservandam Originalem iustitiam, neque supplicio digni sunt homines quod illa careant. Nam licet præceptum disciplinæ insuper accepisset Adam, ut de arbore scientiæ boni & mali non gustaret & ob hujus interdicti violationem Deus poenas serpenti, mulieri, & Adæ irrogavit: ut habetur Gen. 4. tamen in hujus interdicti violatione, seu generalis & primordialis hujus Dei Legis, ut Matricis omnium præceptorum, ut appellat Tertullianus [adversus Judæos cap. 2.] & lex secundæ Institutionis de conservanda Originali iustitia, & tota lex moralis, quasi compendio quodam, violabatur.

“ Pergit Bellarminus ubi supra; Si quando autem contingit, ut aliter eor oriatur quam Deus instituerat, est quidem in ea re peccatum aliquod naturæ, sed non tale peccatum, quod supplicio dignum est. Nam non creavit Deus homines cæcos vel surdos aut claudos, & tamen cum nascuntur aliqui cæci vel surdi, aut claudi, nemo eos reprehendendos aut castigandos censet, etiamsi non congruat eorum natura cum lege primæ institutionis.

Sol. Respondeo, distinguendum esse de potentiis animi, alia enim capaces sunt peccati, quod supplicio dignum est; ut intellectus, voluntas, appetitus sensitivos: alia non; ut potentia vitalis & pulsatilis, & potentia item motiva & vegetativa. Hac distinctione præmissa, dico si prioris generis potentia non fuerint conformes primæ institutioni, cum conformes mansisse potuissent, merito irrogatur poena homini] sese hujus legi sese non conformanti, sed a lege recedenti, cum penes eum fuerit non recessisse. At longe alia ratio est aliarum potentiarum animæ quæ non sunt susceptivæ reatus aut peccati, ut si quis nascatur cæcus, aut surdus, aut claudus, cum defectu in potentia visus, aut auditus aut vis motricis. In istis five potentiis animæ, sive corporis membris, si fuerit defectus quibus quis non conformis fuerit primæ institutioni naturæ humanæ: etsi istiusmodi defectus sint *inquinata* & naturæ defectus, tamen adsunt peccata reatus inductiva, unde nemo ejusmodi defectus merito reprehendere aut vitio vertere potest homini quod non conformis sit in hisce legi primæ institutionis. Ex hisce patet prævaricationem legis primæ institutionis esse prævaricationem legis qua reos peragit prævaricatores, non obstantibus objectamentis Bellarmini.

Objicit secundo Bellarmin. Quod vero attinet ad legem naturæ, quæ jubet ut vitam agamus secundum rationem, quam legem viribus naturæ corruptæ servare non possumus, dico, posse legem illam bifariam considerari, primo ut significat legem moralem, quæ proprie imperat voluntati & sequatur ductum rationis, non consentiat desideriis carnis, &c. Et hoc modo vera lex est, sed ejus prævaricatio non

non est peccatum Originale, sed actuale, & ad rem præsentem non pertinet. Secundo, ut significat ordinem & congruentiam naturalem, quæ requirit ut pars superior imperat, inferior subjiciatur, & voluntas sine difficultate rationi obediat, &c. Et hoc modo lex ista naturalis eadem est cum institutione naturæ, contra quam institutionem pugnat rebellio carnis & difficultas voluntatis, sed ea non sunt peccata proprie dicta, sed pœnæ peccati, ut defectus consequentes materiam; quem admodum se habet rubigo in cultro ferreo.

Sol. Respondeo legem naturæ juxta secundam responsionem revera eandem esse cum lege primæ institutionis, cujus prævaricationem evicimus supra, veri nominis reatum inferre, ac proinde ejus prævaricationem esse peccatum proprie dictum, ubi sc. superior pars animi non est morigera legi Dei, & inferior pars seu sensualis appetitus non obedit rationi, quia superior animæ pars est sua natura libera, cum ipsa voluntas sit formaliter libera, & quia vere libera est vere reum constituit prævaricatorem legis Dei, ac proinde vere peccatorem. Idem dicendum est de sensitivo appetitu qui aptus natus est obedire rationi, *ἐκ φύσεως* uti ait Philosophus, Ethic. 1. ult. ac proinde in homine qui juxta Philosophum est intellectus magis quam sensus, & in quo omnia quantum fieri potest ratione gubernanda sunt, naturale est sensualitati hominis, ut sensualitati, ferri ad delectabilia juxta dictamen & moderamen rationis, atque adeo naturale, ut si non feratur ad delectabilia juxta dictum dictamen veri nominis reatus personæ prævaricanti contrahitur.

Falso igitur dicit Bellarminus: *Rebellionem carnis, & difficultatem voluntatis, quam experitur in se quilibet homo in statu lapsus contra primam naturam suam institutionem non esse peccata proprie dicta, sed pœnas peccati & defectus consequentes materiam, quomodo se habet rubigo in cultro ferreo.* Sic Bellarm. Falso (inquam) hæc dicuntur. Licet enim aliarum potentiarum animæ defectus quales sunt *ἀσυνεχία* & *κακορρομία*, quæ sunt vitia facultatis concoctricis & æstima & inæqualis motus pulsus sint vitia facultatis vitalis: & motus tremulus membrorum Paralytici sit vitium vis motricis, licet (inquam) hi defectus sunt pœnæ peccati, non peccata veri nominis; longe alia tamen ratio est defectuum qui insunt in superiori parte animæ & appetitu sensitivo, quales sunt in intellectu ignorantia rerum cognitu necessariorum, & error, in voluntate vulnus malitiæ, seu præcepti inclinatio ad omnimoda mala, difficiles item in vitiis expugnandis & virtutibus excolendis; in — appetitu sensitivo rebellio contra superiorem partem animæ; hi inquam defectus non sunt pœnæ duntaxat, aut defectus consequentes materiam, qualis est rubigo in cultro ferreo, sed defectus culpabiles & merito vituperabiles, & veri nominis peccata. Id quod disertè docet Augustinus lib. 5. contr. Julian. cap. 3. Ubi vult concupiscentiam pravam, quæ denotat juxta Augustin. depravationem tum superioris, quam inferioris partis animæ esse tum pœnam peccati, tum causam peccati, tum etiam vere peccata, vide supra.

De rubigine ferri cultri, vide supra.

Postremo subjicit Bellarminus. *Porro (inquit) de lege scripta. Non concupisces, satis multa diximus supra, ubi demonstravimus, eam legem proprie non prohibere, nisi desideria voluntatis, quæ sunt peccata Actualia non Originalia.*

Sol. Respondeo Bellarminum per desiderium voluntatis intelligere voluntarios concupiscentiæ motus duntaxat; at nos supra evicimus in ultimo præcepto Decalogi non solum prohiberi voluntarios motus, sed & involuntarios item motus præfertim, imo & ipsorum fontem, ipsum fomitem, mediate saltem & indirecte, vide supra.

Atque ita vindicavimus secundam nostram rationem ab omnibus Bellarmini cavillis.

Tertia ratio affinis est secundæ, Deordinatio habitualis virium animæ quæ sunt reatus capaces, est proprie peccatum, quia est *ἀνομία* (i.e.) à lege recessus seu innata, inherens & permanens in quolibet homine malitia, quem loco & tempore excuset.

Quod enim non est conforme legi, sed ei repugnat est peccatum proprie dictum, definiente Joanne 1 Joan. 3.4. *ἡ ἀνομία* enim est *ἀνομία*, peccatum est à lege recessus.

At

At talis est deordinatio habitualis virium animæ reatus capacium, sc. quod eodem recedat prava concupiscentia.

Obijcit Bellarminus de Amis. Grat. & Stat. peccati, lib. 5. cap. 14 p. 15. lin. 13.

Obj. Dices legem moralem cavere tantum de actibus non autem de habitibus aut internis animi inclinationibus.

Sol. Respondeo, Certum est legem Divinam, &c. ut p. 51. l. 20.

Idem etiam proculdubio pronuntiandum de habituali illa prava concupiscentia & effræni. & præcepti ad omnimoda vitia inclinatione tum in inferiori tum in superiori animi parte. Hæc enim omnes animi potentias & facultates commaculat & obstuprat, & jam ratione hujus vitiositatis innata, homo in sese merito vituperabilis sit & Deo exosus.

Illud etiam adjiciendum est, concupiscentiam pravam in non-renatis magis in sese vituperabilem esse quam aversionem voluntatis habitualement, quam tamen ut supra vidimus, Bellarminus agnoscit veri nominis peccatum esse, id pater multifarium; primo, quia per se & suapte natura & proprio suo actu emittit motus primos & involuntarios, atque ita sollicitat ad actuale peccatum, non sic aversio habitualis dicit nudam & meram privationem Originalis justitiæ, quod autem est causa per se actus qui facit hominem vituperio dignum, id ipsum etiam merito vituperabile est: quod enim per se impellit ad malum eadem lege prohibetur qua ipsum malum; ut recte annotavit reverendus Episcopus Daven. de habit. justitiæ p. 252. Et magis vituperabile quam illud quod non causa ejusmodi actuum, qualis est privatio, cum privationes sua natura sint inefficaces. Secundo deordinatio habitualis potentie in supposito actuoso est magis in se vituperabilis, quam nuda aversio habitualis: addit enim insuper aversioni deordinationem habitualement quomodo & morbus addit ad carentiam sanitatis malam humorum dispositionem; quomodo & claudicatio addit ad defectum incessu moventis, deformitatem in incessu. Tercio quia prius natura agit in peccato actuali producendo, conversio actualis ad bona commutabilia, seu quam nuda aversio, quia prius natura ducimur cupiditate ac desiderio boni commutabilis, atque ad illud nos nosmetipsos convertimus, quam avertemus à bono summo & incommutabili. *In actibus siquidem malis* (inquit Estius in 2 dist. 33. Sect. 8.) *nemo avertit se a bono quopiam nisi ductus cupiditate & desiderio alterius boni ad quod se convertit, quod cum priori non potest consistere. Sic Angeli & homines ad propriam excellentiam conversi, eamque plus aquo appetentes à Deo recesserunt. Quod autem in actibus veritatem habet, idem & in vitio habituali prava concupiscentia, ex prima hominis transgressionem contracto, conformiter intelligendum est. Ideo enim nascimur averti à bono incommutabili, quia nascimur curvi & inclinati ad bona commutabilia. Quod congenitum nobis vitium concupiscentiam vocamus. Hæc Estius.* Ex hisce infertur deordinationem seu depravationem habitualement de qua agit Articulus 9. seu, quod eodem recidet, conversionem habitualement ad bonum commutabile esse in se magis vituperio dignam quam nuda habitualis aversio seu carentia justitiæ cum conversio ista sit causa aversionis. Quod autem efficit tale, magis est tale. Vitiosa ergo deordinatio virium animæ, seu pronitas prava concupiscentia deterior est & magis Deo exosa, quam nuda carentia justitiæ, aut habitualis aversio, cum illa hujus sit causa. Quarto certum est habitum vitiose acquisitum per habitus frequentatos magis in se vituperio dignum esse, & magis culpabilem, quam nudam aversionem habitualement, quia pluribus actibus voluntariis contrahitur, atque ita plus in se habet voluntarii, atque adeo plus deformitatis & peccati. Quod certe pariter dicendum est, de corrupto concupiscentia prava habito, & vitiosa illa deordinatione omnium virium animæ, quæ introducta erat in naturam nostram ex enormi illa Adams transgressionem prima, prima sc. illa inobedientia in esu pomi vetrici. Enormi (dico) transgressionem. Quo enim sanctior est voluntas exorbitans, &c. vide supra.

Quarto, Probatur concupiscentiam pravam in non-renatis voluntate esse proprii nominis peccatum ex malitia habituali effrænata quæ est in voluntate Dæmonum; siquidem illa proculdubio est gravissimum peccatum, Deo & omnibus bonis exosa.

Idem

Idem ergo pronuntiandum de malitia illa habituali quæ inhæret voluntati cuiuslibet hominis non renati, quam B. Medina explicat per odium — rerum cœlestium & spiritualium, quod certe est peccatum proprie dictum, & quidem gravissimum. Ac quamvis malitia habitualis in hominis non renati voluntate non sit tanta quanta in Dæmonibus, unde tamen certum est primum hominem, neque ex ignorantia, neque ex passione, sed ex malitia voluntatis, sicut & Dæmones (Bantur. in. 1. p. q. 64. Art. 2. Col. 958. c.) peccasse, atque ex hac actuali malitia tum enormi securam fuisse in Adami, & cuiuslibet hominis ab ipso oriundi, malitiam habitualem, quæ itidem est gravissimum peccatum. Imo Prosper ad object. Vincent. Resp. Sexta, addit multorum hominum talem esse malitiam qualis & Dæmonum. Quibus dixit Dominus Matth. 3. Progenies viperarum quomodo potestis bona loqui, cum sitis mali. & Joan. 9. vos de Diabolo patre nati estis, & concupiscentias patris vestri facere vultis. Sed hoc, inquit, inter malos homines distat & Dæmones, quod hominibus etiam valde malis, superest si Deus misereatur, reconciliatio: Dæmonibus autem nulla est in æternum servata conversio.] Hæc Prosper, & quidem verissime. Hoc enim interest inter voluntatem hominum & Dæmonum, quod voluntas Dæmonum sit obstinata in malitia, & plane inflexibilis, utpote qui jam in termino constituti sunt, voluntas autem hominis viatoris nondum renati etsi innata malitia laborat, tamen flexibilis est quamdiu hic vivitur, unde & per gratiam Christi innatam & insitam malitiam exuere & deponere potest.

Quinto, Hoc idem evincitur ex eo, quod depravatio naturæ cuiuslibet hominis ex Adamo naturaliter propagati iuxta Articulum nonum — in unoquoque nascens iram Dei atque damnationem mereatur, ergo est vere & proprie peccatum. Consequens probatur, quia quod meretur iram Dei & damnationem est veri nominis peccatum.

Antecedens prabatur, quia ratione hujus depravationis naturæ nostræ Apostolus pronuntiat nos naturæ esse filios iræ Ephes. 2. 3. Infert Augustinus Tract. 44. in Joan. Si natura sumus filii iræ, ergo filii vindictæ, filii poenæ, filii Gehennæ, potro quoniam iusta est ira Dei, inde consequens ex hoc loco est, omnes homines in peccato nasci, non enim irascitur Deus nili peccato.

Quod autem Apostolus hoc loco agat de depravatione naturæ, non autem de nudæ carentia Originalis Iustitiæ, patet ex eodem versu, ubi Apostolus ait, nos omnes (i. e.) ipsum, Ephesios, & omnes homines, tum Judæos, tum Gentes, conversatos fuisse olim in cupiditatibus carnis (i. e.) prævæ concupiscentiæ, facientes quæ carni & cogitationibus habebant, atque ea ratione filii iræ constituti.

Idem evincitur ex eodem Apostolo Rom. 8. 7. ubi ait τὰ ὀφύγια τῆς σαρκὸς, sensus carnis (i. e.) quicquid carni sapit, esse inimicitiam adversus Deum (i. e.) non tantum legi Dei non subijcitur, sed etiam Deo & ejus legi hostiliter adversatur.

Sexto, Hoc idem probatur ex variis nominibus, quibus hæc depravatio naturæ insignitur in sacris literis, quæ omnia denotant, hanc ipsam naturæ depravationem esse veri nominis peccatum. Hinc Apostolus non semel aut obiter sed sæpius, sed quatuordecies cap. 6. 7. & 8. ad Romanos in eo loco ubi ex professo hanc materiam tractat, peccatum vocat. Volunt Romanenses in istis omnibus locis improprie & metonymice locutum, per peccatum intellexisse causam aut poenam peccati: Sed quis credat Apostolum toties de industria improprie loqui voluisse. Quis non potius credat Jesuitas, cum concupiscentiam negent esse peccatum, improprie loqui? Certe ita sensisse videtur Hugo de S. Victore, explicans illud Apostoli ad Roman. 7. Non ego operor sed quod habet in me peccatum. Ecce Apostolus vocat hoc peccatum. Nobis autem videtur, imo fere omnibus, quod non sit peccatum post baptismum.] subinveniens hæc verbis hanc communem opinionem sui temporis ante annos sc. 500. Apostolicæ sententiæ repugnare; atque illorum veriorem esse qui etiam post baptismum, culpæ rationem in se habere hanc effrenatam & rebellem docuerunt.

Sæpius Apostolus carnis nomine indigitat & ne dubitemus carnis nomine se intelligere veri nominis peccatum, addit carnis peccati (i. e.) carnis peccatricis. Omnes homines, ab Adamo propagati per viam generationis, sunt caro peccati, sic

nuncu-

nuncupator natura nostra Rom. 8. 3. Solus Christus autem Sp. Sancto conceptus, missus est in mundum in similitudinem carnis peccatricis, cum peccatrix non esset, licet vere caro fuerit. Recte Fulgentius, ubi contra pelagianos agit, aut carnem Christi humanam esse non dicant aut omnium hominum carnem, in cuius similitudinem Deus filium suum misit, carnem peccati esse consentiunt, de Incarnat. cap. 15.

Meminit etiam Apostolus veteris hominis, vetustatis, corporis peccati, legis carnis, legis membrorum, concupiscentiae, Quibus omnibus haec depravatio denotatur. Addo Apostolum meminisse veteris hominis, deponendi, exuendi, mortificandi, odio habendi, quae satis innuunt, hanc depravationem iram Dei, & damnationem moveri.

Meminit etiam Apostolus, novi hominis inducendi, novae creationis, novae creaturae, meminit item *ἀνακαινισμός, ἀναλυσις, παλιγγενεσία*, renovationis, regenerationis, renascentiae. Addo Servatorem pronuntiare, Nisi quis denuo genitus sit non potest intrare in regnum caelorum. Quid opus est renovationis, regenerationis, renascentiae, ad intrandum regnum caelorum, si naturae depravatio non arceat à regno caelorum imò si non detradat ad infernum.

Apud Patres aliis nominibus insignitur hoc peccatum, viz. peccatum naturae. Author Hypognosticus, peccatum radicale à Chrysostomo, macula peccati parentalis, peccatum parentale à Fulgentio, inquinamentum naturae ab Ambrosio, antiqua impietas à Fulg. Contagium mortis antiquae à Cypriano, ab Augustino iniquitas, immunditia à patribus Acauscanis. Can. 2. Mors animae.

Colligit Bonaventur. 8. nomina, quibus naturalem deordinationem denotant scholastici, peccatum Originale, lex carnis, concupiscibilis, fomes peccati, concupiscentia, lex membrorum, languor naturae, tyrannus; ex hisce nominibus, intelligi potest, quantum sit malum & ex quo velut à radice tantorum malorum germina exoriuntur, atque succedunt.

Hisce à nobis testimoniis & rationibus probatis occurrunt Romanenses distinguendo ex Thom. concupiscentiam in non-renatis esse peccatum materialiter non formaliter, ac proinde concupiscentiam ipsam etiam ante baptismum non esse veri nominis peccatum, cum non sit formaliter peccatum sed materialiter duntaxat. Id quod etiam respondent de habitibus vitiiosis.

Sol. Nos huic distinctioni paulo diligentius occurrendum censuimus, qua vim nostrorum argumentorum enervarent conantur, praemittendum ergo, materiale alicujus rei qua opponitur formali; seu causa materialis, qua opponitur causae formali, proprie loquendo est causa ex qua materialium est. Nullum autem malum, qualis est mala & prava concupiscentia habet causam ex qua tanquam materialium sit. Hinc est quod Suarez in Metaphys. disput. xi. Text. iv. disputans de mali causa materiali, ait, Malum, quatenus malum, est habere causam materialem, quae semper est aliquod bonum, quod aliis verbis dici solet, Malum, ut malum, esse in bono tanquam in subjecto; ex quo patet, juxta Suarezium, causam materialem mali aliam non assignari ab eo praeter subjectum in quo inest, non autem causam materialem ex qua: quae tamen est causa materialis proprie dicta. Male autem Subjectum in quo malitia inhaeret à Suarezio confunditur cum causa materiali, qua distinctas argumentorum species constituunt.

Hoc praemisso, Dicimus, quomodo supra diximus, in concupiscentia duo distin-

guenda esse $\left\{ \begin{array}{l} 1 \text{ Vim seu potentiam concupiscendi.} \\ 2 \text{ Deordinationem, seu pravitatem, quae inhaeret potentiae.} \end{array} \right.$

Jam fatemur vim seu potentiam concupiscendi non esse nisi materiale juxta eorum acceptionem, peccati (i.e.) subjectum pravae concupiscentiae cui inhaeret: vitium autem seu deordinationem & pravitatem ipsius potentiae, quae proprie loquendo est ipsa prava concupiscentia, esse formaliter peccatum, ac formale cum lege Dei habere pugnantiam. Quomodo enim actuali peccato materiale solet dici, ipse actus cui malitia seu deformitas inhaeret tanquam formale: sic in concupiscentia habituale materiali dici potest vis seu potentia concupiscendi cui inhaeret pravitatis

vitas seu deordinatio; quæ proprie loquendo concupiscentia dicitur, tanquam formale inhaeret. Quo sensu materiale concupiscentiæ, & omnis alterius peccati est quiddam bonum, unde recte Augustin. in Enchirid. c. 14. Mala omnino sine bonis & nisi in bonis esse non possunt. Et mox — Si bonum non esset in quo malum esset prorsus nec malum esse potuisset. Hinc Thomas docet omne malum radicari in bono. 1. part. q. 48. Art. 3. Imo scholastici docent, Malum si destruat totum bonum destruit seipsum: pravitas autem seu deordinatio quæ inhaeret in hac potentia concupiscendi, quæ proprie loquendo concupiscentia est, formaliter peccatum & est, & dicitur.

Hic in hunc modum præmissis videamus quid Thomas hac de re doceat, quo maxime nituntur Jesuitæ. Sic ille 122 q. 82. Art. 3. *Privatio Originalis iustitiæ, per quam voluntas subdebatur Deo, est formale in peccato Originali. Omnis autem alia inordinatio virum animæ, se habet in peccato Originali; sicut quiddam materiale. Inordinatio autem aliarum virum animæ præcipue in hoc attenditur, quod inordinate convertantur ad bonum commutabile, quæ quidem inordinatio communi nomine dici potest concupiscentia. Et ita peccatum Originale materialiter quidem est concupiscentia, formaliter vero defectus Originalis iustitiæ.* Hæc Thomas.

Sol. Respondeo, Primo ubi ait Thomas *Privationem Originalis iustitiæ per quam voluntas subdebatur Deo esse formale in Originali Peccato*; esto sit formale ex parte, non tamen est totum formale Originalis peccati quæ inest ipsi voluntati: Est enim in voluntate hominis lapsa, præter privationem Originalis iustitiæ quæ subdebatur Deo, deordinata pronitas voluntatis ad appetitiones illicitas, imo ad omnimoda mala quam scholastici malitiam appellant, [malitiam] (i.e.) interpretante Medina, *Odium rerum coelestium & spiritualium, pronitas voluntatis ad appetitiones illicitas.* Cajetanus in 6. cum dicit hanc pertinere ad formale Originalis peccati; quæ deordinata pronitas, seu deordinatio magis pertinet ad formale Originalis peccati quam nuda & mera privatio Originalis iustitiæ; quia prius natura inordinata se convertit voluntas ad bonum commutabile, quam averti se à Deo ut supra demonstravimus, atque adeo prius natura, quam privetur Originali iustitiæ. Est etiam secundo in voluntate præter privationem Originalis iustitiæ difficultas quam omnes experimur in vitiis expugnandis & virtutibus excolendis: Est & tertio *quænulla* quæ dominatur in voluntate usque ad contemptum Dei; adde quarto fastidium proprii status, & id genus alia deordinationes quæ omnes inhaerent voluntati, & ad formale Originalis peccati pertinent.

Secundo, Male subdit Thomas, omnium aliarum virum animæ inordinationem se habere in peccato Originali, sicut quoddam materiale. At non est ita, nam ut rectitudo seu iustitia Originalis, quoad formalem ejus rationem, non consistebat in sola subjectione voluntatis Deo, per plenariam & absolutam obedientiam legi Dei clare cognita; sed etiam in illa subjectione, qua intellectus Deo & ejus legi subdebatur per perfectam Dei legisque ejus noticiam; absque qua obedientia præstari non potuit à voluntate. Sic & formalis ratio Originalis peccati, non solummodo consistebat in privatione Originalis iustitiæ in voluntate, quæ subdebatur Deo, aut etiam in aliis deordinationibus voluntatis supra commemoratis, sed etiam in privatione perfectæ Dei ejusque legis noticiæ, & aliis intellectus deordinationibus, quales supra commemoravimus, ut in habituali ignorantia rerum notissimarum ut ultimi finis & mediorum ad bonum beatumque finem producentium, in tarditate habituali ad adhibendam fidem divinitus revelatis, in vanitate mentis; cujus meminit Apostolus ad Ephes. 4. 17. in habituali curiositate, in inordinata libidine cognoscendi non necessaria, sed frivola & impertinens ad suum ultimum finem, in habituali errore in rebus agendis judicandis. Hæc omnes habituales deordinationes in intellectu cujuslibet hominis existunt, non ut quoddam materiale peccati duntaxat, ut habet Thomas, sed ad formalem rationem Originalis peccati spectantes, cum Deo & omnibus bonis exorsæ sint istæ deordinationes, & merito vituperabiles; etiam inter dormiendum, & cum nihil agimus, ut & avaritiæ habitus, ut supra ex Augustino docebamur.

Idem dicendum omnino est de privatione rectitudinis debite in appetitu sensi-

rivo, hæc enim privatio ad formale Originalis peccati pertinet, non ad materiale duntaxat, quomodo & rectitudo appetitus sensitivi quæ ~~in~~ ⁱⁿ morigera erat parti superiori, & obsequens, pertinebat ad formalem rationem Originalis iustitiæ, ut fateretur Estius in 2. dist. 25. Sect. 5. quare formale Originalis peccati non est constituendum, in sola privatione Originalis iustitiæ per quam voluntas subdebatur Deo, sed etiam illius per quam appetitus sensitivus subdebatur rationali. Quin & inordinationes ejusdem appetitus sensitivi, quales sunt concupiscentia prava in concupiscibili, qua fertur ad sensibilia contra dictamen rationis, & infirmitas in irascibili, qua imbecillitatem suam prode, vel in bonis arduis persequendis, vel in malis arduis repellendis, non ad materiale duntaxat Originalis peccati sunt reducenda, sed ad formale; cum in se sint inordinationes & curvatures merito vituperabiles, & oppositæ hisce rectitudines, ad formale Originalis iustitiæ proculdubio spectabant. Hinc Augustinus [supra] aut iniquum esse ut caro concupiscat adversus spiritum — & iniquitatem esse, quæ pars interior repugnat superiori, atque meliori, & concupiscentiam carnis adversus quam bonus concupiscit spiritus peccatum esse, quia inest illi inobedientia contra dominatum mentis, cont. Julian. l. 5. c. 3. Idem igitur est illud Thomæ, Privationem Originalis iustitiæ, per quam voluntas subdebatur Deo, esse formale in peccato originali, omnes autem alias inordinationes virium animæ se habere in peccato Originali sicut quiddam materiale. Nos enim videmus hæc inordinationes aliarum virium, ad formale Originalis peccati pertinere. Illud etiam certum formale peccati Originalis proprie loquendo debere sedem habere in suo materiali; absurdum ergo est formale Originalis peccati constituere in privatione Originalis iustitiæ, quæ solam voluntatem Deo subiecit; inordinationes autem reliquarum facultatum animæ, se habere in Originali, ut quiddam materiale; absurdum enim est formale Originalis peccati ponere extra suum materiale: & materiale ejus in una facultate animæ constituere, formale in altera; quod illi omnes coguntur facere, qui, secuti Thomam, hanc ineptam distinctionem adhibent. Sed nec peccatum Originale proprie loquendo ullum materiale habet præter subjectum cui inest formale, ut supra ex Suarezio didicimus. Ergo ex principis Suarezii ut & Bellarmini etiam sola voluntas erat materiale peccati Originis, cum illi soli facultati animæ inhaerent formale ex sententia Jesuitarum, quare alia inordinationes animæ non erunt materiale cum illis non inest formale peccati, juxta Thomam & Bellarminum.

Porro & illud falso statuitur à Thoma, Formale Originalis peccati consistere in aversione habituali voluntatis à Deo, cum si in sola voluntate ut in subjecto inesse dicatur (quod tamen non dicendum est) potius constituendum sit in conversione habituali voluntatis ad creaturam, quam in aversione à creatore; siquidem ut in actuali aversione à Deo, ipsa actualis aversio à Deo, sequitur ad conversionem actualem ad creaturam, non autem contra: sic itidem se res habet in habituali aversione & conversione; siquidem prius natura conversi sumus habitualiter ad bonum commutabile, quam aversi sumus habitualiter à bono summo & incommutabili, unde sequetur formale Originalis peccati potius constitui debere, in habituali conversione, quam aversione habituali, id quod vel inde evincitur, quod in actuali conversione, peccator intendit se convertere ad creaturam. V. G. Adam intendebat gustare Pomum vetitum; aversionem autem actualem à Deo nullo modo intendebat, sed secuta est illa concomitanter præter voluntatem Adæ, siquidem conversio ad Pomum vetitum traxit secum aversionem illicitam à creatore. Equius autem est ut formale peccati actualis quaeramus in eo quod intenditur à peccatore, quam in illo quod illo invito consequitur. Cum ergo formale primi actualis peccati potius quaerendum est in conversione actuali quam in aversione actuali; qui concomitanter ad ipsam sequitur pariter dicendum est formale Originalis peccati constitui debere in conversione habituali quæ secuta est, ad actualem conversionem quæ intendebatur à peccante, quam in aversione habituali quæ ad aversionem actualem minime intentam, sequebatur. Hinc Barth. Medina, 12æ q. 12. Art. 1. Col. 1. 126. E, ex sententia doctorum virorum, sic Originale peccatum definitur: *Originale peccatum est humana natura habitualis & inordinata conversio ad bonum*

commutabile, à protoparentis primo peccato derivata.] In qua definitione (inquit) primo ponitur quod sit habitualis conversio & non quod sit privatio, quod enim in Adam (inquit) fuit ratio peccati actualis, illud in nobis fuit ratio Originalis culpa, quæ Origine in postero traducitur. At in Adam ratio peccati actualis fuit conversio inordinata ad commutabile bonum, nam fuit peccatum commissionis, quod nunquam ex aversione aut privatione definitur, sed ex conversione ad aliquod objectum. Et confirmatur (inquit) quia primum peccatum primi parentis est voluntarium in nobis voluntate protoparentis, quæ totius naturæ voluntas existit, ergo inferi, prave & finieris, quod sit privatio, nam privatio Ade non fuit per se voluntaria, sed ratione alicujus commutabilis boni, ad quod convertebatur. Hæc Medina, ubi:

Primo vult, Originale peccatum esse, habitualem conversionem, non autem privationem seu aversionem.

Secundo vult, In Adam rationem peccati actualis constituisse in aversione inordinata ad commutabile bonum, non in aversione actuali à Deo.

Tertio ait, Et fuisse peccatum commissionis. ac proinde non definiri ex aversione ac privatione, sed ex conversione ad aliquod subiectum.

Quarto inquit, Primum peccatum Ade esse voluntarium in nobis voluntate protoparentis, quæ totius naturæ voluntas existit, ergo non posse defini per privationem, quia privatio Ade non fuit per se voluntaria, sed consequenter ratione alicujus boni commutabilis, ad quod convertebatur. Ubi plane adversatur Thomæ, & Belarmino, formale Originalis peccati collocantibus in sola habituali aversione voluntatis, & privatione Originalis iustitiæ, per quam voluntas subdebatur Deo. Ex quibus facis apparet quamvis sit mens Medinæ, & quam male conveniat illi, cum Magistro sc. Thomæ. Denique alia ratione constare possit formale cujuscunque peccati, atque adeo Originalis peccati, potius in conversione indebita quam in aversione ponendam, ut observavit Reverendus Davenantius de habit. iustit. p. 293. Est enim illud formale quod dat speciem unicuique rei; at species peccati ex conversione indebita ad creaturam, quæ alia atque alia esse potest, desumenda est, non ex aversione quæ in omni peccato semper una eademque est.

Hæc visum est adicere, contra distinctionem qua conantur Romanenses eludere vim nostrorum argumentorum.

ERRATA.

PAG. 1. lln. 14. lege ad, p. 3. l. 3. l. venit, l. 25. l. susu, p. 5. l. 25. l. 1 Joh: 3. p. 7. l. 39. l. pu-
nientis, p. 12. l. 52. l. augeri, p. 14. l. 17. l. venundatum, l. 27. furtum, p. 15. l. 8. turtum,
p. 16. l. 15. l. & p. 24. l. 20. l. viitis, l. 47. hæc, p. 25. l. 41. l. dubitari, p. 28. l. 47. l. nunc, p.
29. l. 24. l. difficultas, l. 25. potuisset ut, p. 33. l. 19. l. nunc, l. 48. l. vitio, p. 38. l. 3. l. nidificare,
l. 10. fungendo, p. 42. l. 2. l. quin, p. 48. l. 16. l. tegumentis, l. 49, 50, 51. l. maritus, p. 54. l. ult. l.
Gen & 171, p. 55. l. 5. manent, l. 13. ^{an} ~~an~~ ^{an} ~~an~~ p. 56. l. 6. l. homines, p. 57. l. 22. l. absque, p.
58. l. 41. l. odio, p. 61. l. 12. l. effectu, l. 18. l. quem, l. 42. l. ergo, l. 50. est, l. 55. dele is, p. 62.
l. 21. l. creatum, p. 65. l. 1. l. facium, & pervenient, l. 3. l. autem, p. 66. l. 38. l. creator suo, p. 68.
l. 20. l. honoris & gloriæ, ut, l. 22. quæ, l. 39. posita, l. 41. Conjuncto, ut risibilibus, p. 69. l. 4. l. per
Servatorem, l. 42. l. ad, l. 51. l. explendæ, p. 70. l. 19. l. non esse admittendum, p. 72. l. 52. l. de, p.
74. l. 46. l. decima quinta, p. 8. l. 9. l. perdat, l. ult. l. accessisse, p. 82. l. 18. l. præter, p. 92. d. Se-
cunda ratio, p. 93. l. 49. id est, p. 99. l. 51. l. Atqui, p. 100. l. 13. l. incognitis, l. 39. l. ~~an~~ ^{an} nec
altam, p. 121. l. 42. l. parvulis & p. 123. l. 2. l. excideret, l. 46. l. perstitisset, p. 124. l. 17. l. grat.
l. 31. l. profectio, l. ult. l. disparandum, p. 125. l. 7. l. profectum, p. 126. l. 53. l. mortuum, p. 127.
l. 2. l. censendi, & l. 27. dissimulare, p. 129. l. 7. l. infectas, l. 45. l. quoad litteram, p. 123. l. 5. l.
sup. quæ, p. 124. l. 5. ad l. 23. quotquot, p. 127. l. 14. l. rescipiscitis, p. 133. l. 17. d. diximus, l.
29. d. Quod veri nominis in Adamo seu prava concupiscentia itidem dicendum est, p. 135. l. 25. l.
peccatum vere, p. 141. l. 16. l. non, p. 147. l. 3. l. essent rei, l. 6. l. culpabili, p. 152. l. 43. l. pro-
fecta, p. 155. l. 2. l. ubi, l. 9. defectibus, l. 25. iste, l. 22. perducantur, l. 45. l. impactis, p. 158.
l. 43. l. prævium, p. 167. l. 1. l. converti, l. 35. l. pura, p. 168. l. 20. l. sicut, l. 2. l. non, p. 169. l. 14.
l. subiecit, p. 176. l. 49. l. ad, & nec, p. 177. l. 37. l. quod, p. 180. l. 48. l. haud sunt, l. 55. l. ut, p.
182. l. 9. l. præceptis, l. 12. sit, l. 18. quæ, p. 183. l. 35. l. placebant.

Præter minores Typographi festinantis lapsus, per ingeniosum lectorem fa-
cillimè emendandos.